

續修四庫全書

《續修四庫全書》編纂委員會編

續修四庫全書



上海古籍出版社

一一八〇・子部・雜家類

野語九卷〔清〕程岱菴撰……………一

聽雨樓隨筆八卷〔清〕王培荀撰……………一四七

鄉園憶舊錄六卷〔清〕王培荀撰……………五〇三

壬辰初旬乙巳新增

真語

塵隱廬藏板

野語 叙

叙
 人各有消遣法其嘗
 同也而亦未嘗不同或一
 已消遣或供人消遣或
 自消遣而又供人消遣其
 序
 途利然消遣之法有
 異而其為消遣則一或
 衣新正余游堯城維
 時柏酒桃符銀花大橋
 呼也唱雉鬥茗拍浮羅

結香肉筆歌鄉者涕笑
聲滿室燭影滿室此世
人消遣法也我公安能志
無所好亦無所長時獲
一畫孤坐必諷或弄柔

序

二

翰隨意撫於徐步間庭
細嗅梅花夜仰看明月入
室則一燈青苔照我坐
寐人欣佳節我亦如常
此一已消遣法也先生又

不然以彼舊聞抒所新
見元生一室著書自娛
日錄公別信就商確可
驗之俗可備鄉評可作
勸懲可資禱助未及旬日

序

三

裛然成編出自消遣而復
供人消遣者如余惟齋借
誌惟人所樂觀近今特相
仿效坊間屠為奇貨此
書一出行見不脛而走人

各有消遣法惟先生消
 遣之法為最優因述其
 意為之敘時
 嘉慶十三年歲在戊辰上
 元後一日荆溪周之冕抄題

序

四

野語一

伏虎道場行者編

語逸目次并引

僕西吳之鄙人也早歲遠遊四方吾鄉名勝半
 未涉歷吾鄉畸士少所交接而吾鄉掌故諸書
 又不獲蒼萃而遍讀之中心怦怦易其有極憶
 初涉征途時見江光山色蒼蒼茫茫言語不通
 風物殊致予于道周輒覺天地改色稠人中聞
 有操土音者必與之通款曲如平生歡或談鄉

野語一目次

里人物奇聞譚語欣然神往傾聽忘倦每遇客
 窗岑寂良友未來輒隨筆草數則展閱一過彷彿
 佛湖山清遠中聽野老談新聞述往事也其無
 闕吾鄉而足廣見聞示勸誡者亦附焉語逸

李公

孫公

鄭公附成公

公館

白公

陸儀徵

閔先生

錢察院

沈相公

糊塗

李必震

明宮人

寅齋師詩

劉貞女詩

迂尼

邱道

欽丈

昭忠祠

還女

徐富

野語一 目次

二

野語一

語逸

李公

太守魚復李公芹庵諱堂莅湖十餘年政通人和廢脩墜舉尤以作養人材為己任近時賢守無愈公者憶其廳事一聯云升堂三下鼓打動那夙夜敬心在不睹不聞處著想判事一點殊瀝出這肝腸熱血從匹夫匹婦上生春可想其為政風流也去湖時留戴笠小像於歸雲菴題詩曰無飄挂壁尚何求歲月蹉

野語一

蛇十一秋身外有身還自認客中為客倩誰酌歸兮几席雲將散老矣桑榆事莫收竹杖苧袍娛素志人面識李湖州卷後名流題味甚夥近奚虛白王二樵諸君與時彥復歸雲脩禊雅集謁孫太初墓并祀公像而樵夫田婦凡見公像者莫不瞻敬感嘆焉公政績載郡乘畧舉小節以見大凡

孫公

烏程令孫公擴圖名士也初宰平湖有大府經其地公供張甚謹預至館舍周視牆垣及室中圖書陳設

而楹帖尤所慎重必自製而親書之大府至甚喜飯畢入寢獨坐忽赫然震怒公倉皇馳候疑以為伺應未備饋遺未至也須臾召公入數之曰吾何嘗食汝肉而以虎目我公力辯其無大府指門聯曰此非汝手書也耶公始悟引咎叩謝而出蓋所書門聯為君子龍光大人虎變云

毛栗甫曰昔有太守薦書記於大僚者大僚壽誕寮屬致祝書記作謝啟有馬齒虛增語大僚震怒以為將人比畜召太守面數而辭之太守徐謝曰良馬比

野語一

德君子奈何以比大人誠何所逃罪云云噫沒字碑龐然而大何足與辨太守此言可謂婉而多風惜孫公引咎之辭未傳

鄭公

鄭公裕國宰歸安有富室娶婦丐挾病者往方索食而病者死羣丐認為親屬以毆死告公稔知丐惡佯曰此詐死耳檄役拘之役有難色公答之別遣役往役懼復答遂往與丐屍於城外終不敢遽以屍入復命曰奉檄拘丐已來至城外則真死矣公又以為詐

令昇至署前時觀者如堵公臨視曰體尚溫有氣息為死何疑呼役答四十役不得已奉命答畢詰有息乎役惶遽曰有復命答四十役啓氣絕公告衆曰丐惡如此不當斃杖下耶衆服公善處自是婚葬家無丐擾患其他善政甚夥邑人為之樹綽楔榜曰惠民公尋遷泗州轉部郎道光初年特恩擢江寧布政使逾年調直隸以老歸休

附戚公

戚賢字秀夫全椒人嘉靖五年進士授歸安縣縣

野語一

有蕭總管廟報賽無虛日會久旱公禱不驗沉木偶於河居數日舟過之地木偶躍入舟舟中人皆驚公徐笑曰是特未焚耳趣焚之潛令健隸上岸傍社誡之曰水中人出械以來已果獲數人蓋奸民募善泅者為之也公後至顯官事具明史

公館

武林有公館一區相傳為某公撫浙時所作基址宏敞規製壯麗中有暖室兩楹地鋪方甃其下承以錫槽天寒則自外灌注熱水暖氣上達舉座皆溫窗牖

都以玻璃嵌之有若橫幅者廣六尺長四尺餘內外
兩重中可貯水畜以金魚藻影參差上下游泳恍若
畫屏之在壁間也內室甚多惟正室尤深廣隔為前
後左右四間初視之間各一床雕刻精巧大小與常
製無異其實四床連屬形如卍字各有門相通卧時
每床皆有美姬主人與如他屬或移身相就或招之
使來惟意所適又有紫檀四合圓几一張形若瑛璧
中設圓机机能旋轉主人據机坐美姬環侍亦惟意
之所屬宛轉向之又於便旋處以綢絹作美女形身

野語

四

材與常人等客有如廁者或驚走僕輩恒以此給客
為笑樂其他奇巧器物甚夥今皆星散館人亦不能
詳言惟窗屏床几因不適眾用尚久存耳當中丞在
任時待屬吏不問賢愚輒以供張儲峙之豐嗇為殿
最時有某官與公同姓者性尤狡黠善伺中丞意遂
擢守杭郡中丞常於暑月求竹床欲極舊而未經人
卧者守即市新竹易線舖舊竹損製成滑膩精好咄
嗟立辨又嘗欲祀謝天竺觀音大士須上金冠繡袍
長短應如佛像定製計工月餘方成中丞性又躁急

承辦之邑令錯愕束手守因密遣急足即從寺僧處
將現成者用價購得三日而物備其機警應變多類
此故中丞尤倚重之此宅乃預營菟裘計其布置陳
設各新意亦多出其守未幾中丞賦敗褫職伏辜守
亦從坐家籍沒宅入官人以其不祥招售罔應故至
今作公館云

語曰嗟乎貪侈之禍人甚矣哉當此宅全盛時雕甍
畫櫺繡幕綺疏蜀錦承塵扇茵飾地繞砌則瑤華芬
馥插架則金碧荷皇積筥盈箱莫名其寶蠟薪粘金

野語

五

率以為常香爨龍涎古色煥商爨漢鼎燈搖蘭燭夜
光絢百千九華妖姬列屋而爭妍狎客分曹而獻媚
歌喉百轉枝鳥住啼舞袖千迴庭芳減色燕服脩雲
裘霧縠常饒兼水豢山膚曲宴飛觴破中八十家之
產纏頭擲絲拋機婦卒歲之勤下僚固獻納維殷大
府益徵求無厭人嘆聖湖浩淼巨壑難填彼誇鳳嶺
嗟峨長城永固朝酣暮樂鬼關奚虞極欲窮奢輿評
罔恤虎有威而狐假象因齒以身焚附熱趨膻貢諛
不絕巧通豪謂歛怨何多貧黎痛皮骨僅存沃土亦

脂膏頓竭怨讎盈於比戶呼籲激乎彼蒼 天聰維
聰 王赫斯怒輶車朝莅白簡宵馳遂令半世所儲
埋塵椽庫一邱之貉駢首藁街昔時金穴銅山烟消
灰滅此日頽垣廢苑雨冷風淒徒使智士過而寒心
仁人覩而蒿目此古鼎以貪饕示戒歌器以盈滿垂
銘殆爲是夫

白公

副戎白公成龍山東人世奉回教以武進士第一人
游陞湖州協鎮頌而長習易筋經術具神勇操練軍

野語一

六

士威惠兼施所部成勁旅郡城地隘民稠曩時不戒
於火官兵赴救率虛應故事公莅任遇警即飛騎馳
往超躍登屋指搗撲禦兵弁亦相隨而升遞水澆潑
甚迅捷故不爲大災民間多停棺於家公於救火時
見之即兩手舉前和拽出之或有人奔逃無及公必
冒火救之數年中所活甚多兵民皆感頌然性剛少
所降屈與某官不相中遭匪人構蜚語陷公於罪對
簿時適某官會鞠公不堪挫衄遂誣服死之日兵民
之受恩者咸爲位哭之後某官以賊敗受戮咸以爲

顯報焉

陸儀徵

陸麟度先生 師 郡東沈長山人精制藝康熙間中明
通榜授儀徵令有民婦歸寧策牝驢獨行偶憇樹下
適屠策牡驢至亦止焉邂逅問初未交語忽牡驢絕
韉躍起與牝驢交屠心動見婦孱弱求歡婦不從屠
以刀脅之遂強合焉事訖各策驢倉皇去而不意兩
驢之互易也婦見母嘿嘿不一語即踉蹌入闥媼意
其小遺未致詰也良久不出入視之已雉經矣救之

野語一

七

不甦媼睹女入門有忿色疑爲翁姑所虐遂訟之官
翁姑素愛婦一旦死非命方惋痛又遭誣大不能平
亦反訟母媼逼繿兩家不相下公詳詰女翁是日何
人伴婦歸答無之又詰有所攜否則云惟騎牝驢獨
行身外無長物公檄驢至視之牡也公察非原驢然
無由得端委乃佯詰驢曰婦何由致死爾所諗知不
言且坐罪驢不動命答之驢逸公密授役意而別遣
邏者隨之役尾答不止驢狂奔四衢殆遍最後抵一
屠家忽望槽投止邏者踵至械屠至堂上公但詰其

沒驢罪屠者力辯而咎驢之役已牽化驢達堂下矣
一訊得實婦寃遂白

閔先生

閔先生廷玉郡東宿彥有聲庠序間性和易而任俠
好武得達摩易筋經秘奧有壯夫數十人困之磨之
以肱輒左右辟易先生嬉笑慰問無矜色無賢愚咸
樂與先生遊遇迎神賽社諸事必與偕家貧舌耕自
給中年失偶僑居鄉塾以為常嘗與里人演燈為走
馬之戲里有豪者恃財力善刀筆為橫鄉曲拂其意

野語一

八

輒破家人皆側目是時豪亦演是燈兩燈相遇口勝
間彼此不肯讓先生從容向豪揖扶之膝畔其從人
遂相率讓道燈東西去夜闌各歸其所惟豪獨不返
家人循途覓之則目灼灼立膝畔問不行亦不語若
中惡然共舛以歸醫者弗能辨其證居三月豪死平
昔之罹豪害者皆隱德先生焉學使者臨湖先生入
城就歲試與友人過天寧寺有鬻拳者街技鐘樓下
氣驕而言放旁若無人先生儒衣冠雜眾中初無意
與角同行者競慙慙之先生重違儕輩意釋衣冠拱

而進其人易視之起手即相偏先生扞禦如弗及旋
禦旋退將至樓隅敗在瞬息觀者咸為先生危忽有
自眾頭上跌出者則鬻拳者也指其目遂遁去居數
年有利濟古刹為豪僧佔其僧武藝絕倫暴戾無比
視眾僧若奴隸不堪其苦村人皆不平第懼其威莫
敢抗乃鳴之官邑侯遣幹事役十餘人往逐之甫入
門僧覺遂以兩手擒二役離地尺餘作開合勢使役
頭自相擊啞啞有聲他役跪地乞命始釋僧自是橫
行村市間凡酒肉魚米之屬悉強之布施弗言直少

野語一

九

斯即睚眦其目窟辱隨之以是無敢違者而寺中香
火斷絕僧眾亦漸漸逃去僧憤析椽為薪烹餅肥甘
恣飲啖且揚言廟楹盡則取諸他屋遠近苦之先生
稍稍有所聞顧家運迤邐復頓年耗已長齋繡佛
不復措意村父老奔走先生之門跪而請命弗聽眾
皆哭先生惻然曰姑規之倘力弗敵弗敢攬幸毋罪
眾皆諾先生乃假為過客遊於寺微闚僧故天寧寺
鬻拳人也次日易盛服詣之村人密選丁壯隨往僧
袈裟迎門外執禮甚恭抵佛舍坐定寒暄外兼致傾

慕雜僧獻茗至先生取之僧捧茗而揖先生答未畢
即提僧足擲諸尋丈外額破唇抉且折其一股先生
手中茗未嘗傾涓滴僧崩角稽首觀者歡呼將縛而
達諸縣先生更爲緩頰出囊中金一錠授之僧感媿
踉蹌去事既定先生曰是僧膂力倍於我先角於天
寧寺無間可乘勢垂敗退抵稍暗處以膩涎唾其目
始獲勝今彼已髡髮我能識之彼寧不識我所故爲
足恭者乃步步覷定將甘心焉其捧茗而揖飛腿隨
杯起我論此詐因就其力提擲之諸君子未之見耳

野語一

十

倘股未折必復鬪勝負尙不可知既成殘廢已無能
爲脫復經官勢必反噬故不如善遣之曩時村人但
知先生勇至是始服膺智之深慮之遠也諸丁壯欲
師事之先生一弗許衆釀金爲壽亦不受乃迎歸其
村禮事終老

錢察院

楊塔村錢翁者傭耕於錢村錢氏冬夜守稻卽葦寮
中聞有二人密語一云穴在此一云在彼末云盍插
蘆於地生者乃真遂寂然及明翁周視四畝果插有

枯蘆二枝時方天寒生意盡矣越數日往覘一蘆已
茁新芽秘不告人歲暮工竣與田主共飲欲言又止
者再田主詰之則曰父母骸骨久拋淺土無地可埋
欲丐主人一席之地未敢啓齒田主曰田頭地角任
若卜葬何吝焉翁曰雖感厚意但寄葬東產則幽靈
不安願以一載傭賃易一抔地何如田主曰若恐爲
他年口實耳吾不計值書券與若可也翁喜甚若崩
厥角既得券遂攜骸具埋於生蘆之所莫有知其意
者越數年翁之子方垂髫復爲田主家牧羊田主故

野語一

十一

士族館師課其諸子講誦不輟翁子每於簷外竊聽
呵之去明日復聽如故師詰以何樂乎此翁子曰師
所課者吾已習熟特未識字耳師試之輒已成誦且
解書義師乃告翁及館東願課此子不責脩脯館東
欣然允諾於是翁子始入塾翁爲師服勞報其惠子
穎悟絕人甫總卅卽冠童子軍弱冠成進士官監察
御史至今青烏家指其卜葬處謂之金鈞鈞月其子
姓稱爲察院錢氏

沈相公附趙六趙七

沈相公者不知為何神俗讓之甚度父老言郡東新興港外科湯氏世業甚精有名御龍者武藝復超絕乾隆丙子武關第一因專力於醫不復求進取治損傷尤奇有起死回生之術或角鬪成大創訟之官每延湯治輒愈有司多禮重之然里居循謹與物無忤逢三六九日則乘船入城治疾以為常其船晚泊門外一夕人定後有小艇疾駛至擊其蓬云有要函達湯舟工意為延醫者囑置蓬隙中聞函重鏗然有聲取火起視乃黃袱裹一冊疑之侵晨即呈湯取冊展

野語一

十二

閱字皆反印語殊悖妄湯詣縣首之邑宰羅公憐與湯交有年諭之曰人與君戲何首為吾代燬之可耳湯去後宰持冊示戚友為笑樂或曰此匿名書罪不赦諱之脫有變則湯已首告咎獨在公矣宰懼然遂飛騎追湯且馳牘聞於大府大府會將軍星夜莅湖陳兵以備不虞責守令索匿名人甚急不得則彈章隨之於是邏者四出人無敢偶語逾半月影響寂然捕者箠楚無完膚守令焦灼廢寢食而大府館驛船尾每日有黃紙偽示揭焉捕者計窮啓宰曰下隸技

疎無能為役惟孫某神於捕請遣之孫某者故黠而驚以他事繫獄有年至是宰不得已出之責其獲犯自贖孫請限一月弗許限十日許之孫得檄還家默坐七日矣偶過茶寮遣悶過葉某亦黠者也賀孫得出孫曰固圍雖苦自知無死理今且旦夕斃杖下矣葉詰之曰不聞湯氏匿名案乎長官檄我捕我從何處捕耶葉嘆惋久之曰盍於嘗投部牒諸人中求之孫默然遂各散去沈大章者故家落魄子也訓家為活貧無聊賴嘗摹圖券取人錢又嘗投部有案與葉

野語一

十三

為兒女戚素不相能孫意葉中傷之顧與已無睚眦怨而緝限良促沈跡又可疑乃拘沈之官沈不承官以沈與湯必有仇假此陷害之湯白無仇官以彼不顧汝身家汝庸恤其性命而猶為之庇耶湯絕不游移時大府柏臺以迄郡縣互研鞫不少息湯雙膝皆潰而無人色敦逼指仇家又不敢妄引後不得已乃曰沈於元旦向我揖我鄙其人不之答豈即此嫌乎沈云我與而翁交為父執元旦汝不我揖顧我揖汝耶湯語塞宰與吏役皆睥視旋脩三木嚴鞫之并檄

其妻亦不承復械其幼女縶之聲號哀切觀者淚下
沈大呼曰休矣我不忍觀此慘惟命是從可矣遂服
挾嫌投狀如湯言詰其刊印器物則云旋刻旋棄詰
知情同謀則稱姻戚某耳拘禁至惟自悔失言累
沈兼累已甘服無辭讞具比大逆律分首從立正典
刑妻子給功臣家爲奴方諸臺坐堂上會鞫時萬目
瞻觀忽有黃揭黏照壁上官民失色正法後沈常出
爲厲見者多病設廣筵盛款之輒無恙從此血食遍
湖鄉矣後數十年而有趙六趙七之事

野語一

十四

趙六趙七兄弟也居程邑後林村約村人赴縣完漕
惟時四鄉糧戶齊集倉廩稽留未收之米約四萬許
自外及內堆積似城堞延袤半里廣衢纔通人宰入
倉衆糧戶以米囊塞門不能通出入至夜則燈光若
晝聞聲如雷黠者或先納衆取椽瓦搏擊宰百方曉
諭而人聲喧雜幾若弗聞如是者數日矣向例邑宰
收漕用健兒二十人衛輿類皆鄉里游手之徒過急
輒匿去是年陳公鍾鏘別選能者用之有馬維孝者
素勇悍應此役飛身立高處挾流星槌二旋轉如風

意在辟開人衆故未嘗擊人也有雞皮老翁守候已
久方在焦灼瞥見槌舉怒曰我輩急公良民奈何以
禁械逐我遂脫所衣綿襖迎槌纏繞數匝向身一掣
將槌收去衆方懷憤甚趁勢前擊之白桿盡舉馬立
斃韓三張開蘇二馬大皆死衆健兒並遭擊傷尙洵
洵未散遷怒漕胥必欲置之死地乃闕至胥家自門
達堂而室而庖溷遇物輒碎前後片瓦無存或曰此
昔年漕胥今已更某矣又羣至某家毀如前事聞太
守甯公出開誠曉之始紛紛散去大府得報慮有變

野語一

十五

率廉訪田公鳳儀糧儲張公映璣同莅湖督捕孽孽
糧戶甚急邏者廉知爲後林人而同時攢毆無從得
正犯拘繫凡百人初無承者顧案已入告不能須臾
緩司道守令乃更畚詳鞫閱七晝夜始定按是獄以
趙六趙七羅文郁張維泰蔡添揆五人爲首駢梟於
市以王三康國英王雲千陳萬青四人爲從擬縶首
以林漢芳等五人發黑龍江餘筮楚荷校有差此乾
隆癸丑年事至今每歲開倉輒懸五首級警衆且分
庄示期陸續完納而爭擾之風少戢近傳趙六等與

沈相公同為厲於鄉故因沈事類及之

吳殿侯曰甚矣讞獄之難也觀沈趙二獄情罪可謂常矣然為厲至今不衰何哉古稱子定國為廷尉民自以不寬嗚呼尚矣

糊塗

幼時觀迎春見春牛芒神花鞭彩旗之屬目不暇給長者必一一指示忽羣兒呼曰糊塗來矣余矚目延視則一長官輿從而至外無他物密問糊塗何物並不見到眾笑而不答有人言此官曾於聽斷時一士

野語一

十六

曉亮辯論並斥其糊塗長官怒曰吾寧無一隙明何至道汝面斥縱使糊塗要不過十事中一二事耳士曰生道不幸竟在賢父母一二事之內聞者以為笑詠故皆以糊塗日之云

李必震

李必震不詳所自來或言少習舉業總帥挹青衫聲名藉甚而不檢于行衣衫被褫為鄉黨所不齒遂易今名挾刀筆往來茗書間思致獨絕投之者訟無弗伸遠近推之有執袴某甲乃翁痛箠揮手抵護落翁

門牙翁首之官甲逃李所求方畧李以傷父至折齒無生理令速去毋貽累甲手捧巨金一錠跪而乞援李色動受金引甲附耳授計即抱持齧缺其耳甲創甚欲還毆李曰是球若也速自詣縣引咎請罪詰折齒之由則云父囓耳痛甚掙脫不意齒遂掙落甲如教得減死論吳江某乙漁於色蒸一孀婦孕而產族人獲私胎藏於灰訟之時婦方在蓐月滿須到官如不吐則孕從何來吐實則罪且駢戮乙憂甚乃飛棹迎李至許賂千金先納三百為贈李得金日事飲博

野語一

十七

遊嬉居兩旬未嘗畫一策縣檄催之急乙焦灼哀請之李答以遊詞了不為意偶觀劇遇匠者與有素邀之飲且偕赴池湯澡洗而散晚歸即告乙曰得之矣亟告婦對簿時直承嘗與某匠通匠私處有朱記可證婦悉誌之到官如所言檄捕匠至李先以百金餌匠匠誣服按法止坐杖乙竟脫然有舟子拾得錢券百緡往舖取舖以票已註失弗肯予方爭執間李適過詢得其情索視註失之證舖以券根全帙示之李翻閱一過謂舟子曰遺券我亦常有既註失而持券

來取舖不指爲竊幸矣何爭爲速返舟載我歸耳舖
感謝李徐曰尙有細事相瀆適從友所貸得貴舖券
三百緡乃某期某號倉猝遺失乞註失舖稽券根數
良符第其詳明甚訪於同業同業者曰是名李必震
虎而翼者將其鬚勢將噬矣舖亟婉懇予所指券三
之二事方已李即呼前舟載之歸留五十緡賞舟子
舟子德之李往來必爲載閱數年舟子博屢負稱貸
於李李曰病瘳瘳年餘久廢事醫藥告匱何能濟汝
姑視汝財運何如耳一日李乘其舟投計如雉城夜

野語一

十八

達虹橋鎮時方盛漲有畫鷁以十數順流而下彩旗
燈火照耀兩岸鏡吹吶沸鉦礮雷殷乃富紳爲子迎
娶也過市河他舟皆避李舟忽觸之泝然一聲若有
人落水舟子即大號曰吾子被觸下水矣扳大船痛
哭李亦驚惶呼救大船之人共爲打撈而波流駛疾
無所得屍僅獲一帽一履舟子上大船且哭且撞隨
手舉燈旂船具投諸水或呵之輒拉與投河迎親者
計無所出迨李過大船撫慰其中有識李者諭知與
紳不相能度必請張助舟子而李以事出無心代爲

婉解甚力密謂識者曰事可諉過長年令親無大累
我有正事不能待請從此辭言畢抽身起識者急止
之周旋經時紳已得報密遣親信資黃金臂釧二賂
李別以五十金給舟子爲打撈埋葬費李曰時已四
鼓再遲將悞吉期密囑迎親者云此等小人徒結以
恩無益須濟之以威其人乃先付舟子金仍哭不已
其人佯怒將縛送諸官李力爲緩頰始攜金反舟而
散李迴棹途中遇所狎船妓邀與暢飲醉甚舟子亦
熟寢妓摸得其金釧潛遁去李醒已不知所之矣而

野語一

十九

舟子小裕儕輩稍知之問曰若無子是夕所溺者何
人舟子云預儲水於甕覆以敝履及帽置船稍舟被
觸即棄甕於水暮夜無見者撈得帽履衆信爲真皆
李所授計也紳初不知其詐夙怨冰釋且德之年餘
有以水甕局騙告之者紳憤次骨適大府某公紳世
講也晉謁之次問湖民疾苦紳舉李他過密陳之馳
檄下縣遣捕之捕役亦巨蠹也李哀其縱逸不可乃
就繫登舟備役扶攜忽抱役奮身共沒於水一時頓
除兩害有識李於兒時者言李方就塾會天旱禁屠

宰李市得猪肉途遇一役欺其幼將奪之李急棄於水不顧而去行稍遠役解衣泅水取肉李疾抵故處抱役衣視徑歸塾役大窘哀路人借之視方出乃歸其肉復哀之至再始以師命遂衣視其天性狡獪有如此

明宮人

吾鄉有沈瓊蓮者世宗朝選入掖庭試守宮論稱旨賜名女學士事具郡志同時有閔氏女亦與選入宮未得恩幸及放出已中年不願適人宗人構庵處之

野語一

二十一

戚族婦女詢以宮中事女言寵妃于尙食外每進精饌女與襄其事惟解切葱聞者疑切葱細事安所見長因取葱請切女則用針挑破鏤成人物花鳥具有逸致女又言出宮後起居飲食俱極暢適惟步於地甃樓板上足底甚苦履亦易損蓋宮中雖曲房廊舍盡有地衣終年履不著地也明宮之風尙奢侈即此可見

寅齋師詩

余童年受業於陸寅齋師師字載熙好苦吟一字未

安或忘寢食習舉子業屢試不售後隱於醫其診治定方與苦啞等必沉思良久始下筆猶更易數四所用藥平平無奇而服者多效醫名噪一時無知其善詩者嘗記其題醉仙圖云壺公獨坐長松下綠雲滿地松濤瀉世人皆醒我獨醉不願醒眼看醒者醉時猶掛杖頭壺壺中應有壺公也身在壺中復壺外壺中日月長年在日月開時眼亦醒別有天地高縱橫又梅花吟十首其佳句云野店半酣頻入夢孤山一角好爲家溪山清遠尋詩去水月空明放鶴回惜全

野語一

廿一

篇未能記憶矣師晚年頗好奕既染病猶邀戚錢古喬於床前對奕局方半師欲少休遂伏枕而卧須臾家人撫之已化去矣師之子淇泉以弟子員入成均能世其業惜師詩彙不自珍惜散佚殆盡淇泉求之不多得因誌之

劉貞女詩

族叔楓莽公諱元宸歸安名諸生性慷慨喜談忠孝節烈事棘闈屢困資志以歿已二十餘年矣嘉慶庚辰冬余在里門夢公語余日向客津門詠程允元與

妻劉白頭花燭詩十首頗有裨世道余亟求賜教公
乃爲朗吟一過聲淚俱下余憬然而寤吟聲若琅琅
在耳亟起記錄強半遺忘乃從故篋中索得叔子建
周所示遺稿果有此詩亦叢殘闕失謹掇拾詮次脩
錄於左序云貞女姓劉氏直隸平谷人年七歲隨父
登庸至京師與山陽程上舍允元締姻已而程隨父
觀察河東女隨父蒲州守任不數年登庸病歿女及
眷口流寓津門母兄以次殂謝迺寄居城北梅家菴
依一老尼貞信自守而程家業中替數十年不通音

野語一

廿二

問女燈火蒲團有終焉之志乾隆丁酉夏程隨漕艘
北上道津門得女蹤迹叩菴求見女遣尼婉謝程乃
額請當道以太守命主婚迎至郡治成禮年皆五十
七矣夫婦附舟南下兩江制府高公爲請於
朝表其閨爲貞義之門士林賦詠甚多亦勉成十
律以誌盛事詩曰雛鸞么鳳掌中珍早結紅絲膝下
春兩姓高華簪紱曾一般嬌貴綺羅身香車緩緩升
蒲坂駿馬翩翩指津津十載爲期原有約肯教三七
悞芳辰 文禽計日看雙飛喬木清陰瞥眼違詠絮

襟懷拋逆旅茹荼歲月奉慈闈數年骨肉凋殘盡千
里鱗鴻尺素稀腸斷漁陽歸未得煢煢孤影嘆何依
自顧婢娟百不堪珠藏玉韞借尼菴雲髮留待蕭
郎索綯袂翩教趙女慚鸚鵡流言空處寂風詩大義
定中叅藁砧漫問今何在長此皈依古佛龕 冰心
真似女維摩數十年來一刹那冀北幽芳憐索寞江
南春色易蹉跎仙風忽引蓬山樞銜梗還浮渤海波
見說守盟人尙在肯教交臂失銀河 寒驢得得遠
香臺芳訊遙傳轉助哀已分長齋堪沒齒不圖寒盡

野語二

廿三

報春回容枯羞對菱花照淚盡難燃蠟炬灰老去北
宮甘獨處天桃別自訪天台 欲見無由意惘然郡
庭呼額語便便雙棲肯爲他生卜 息終酬未了緣
憔悴平生非薄侍賤離垂老倍相憐不因賢守扶持
力滄海何由復化田 四十年前好女郎錦輿銀燭
忽催粧蓮臺喜現三花影天女應分一瓣香未必熊
羆還叶夢却令荆布自生光道旁萬口休爭譽回首
韶華暗自傷 不數牽牛織女星黃堂簫管會韓邢
作羹無復尊璋奉佳話須教薄俗聽曲恨離鸞終比

翼箕周花甲剩餘齡今宵不是人間夢傳與人間總
涕零 自從漂泊各天涯空縈良緣未有家過去光
陰蘭在谷已衰顏色玉無瑕北來不負三生願南去
如歸萬里槎匹婦匹夫成素志肯將貞義自矜誇

大府封章日下馳

旌門異數煥茅茨三星合見珠聯瑞兩美何嫌璧合
連史筆千秋傳盛事藝林百體製新詞吾鄉亦有倪
陳匹華燭光搖兩鬢絲

語曰義夫貞女白頭花燭史不多見却志載歸安倪

野語一

廿四

氏字陳敏八敏八從軍不返誤以死聞倪矢志不嫁
越五十載而敏八歸始成婚姻之禮女年六十一夫
年六十八惜時代未詳詠劉貞女事及之最為典切
且以見貞義芳規吾鄉固有先之者矣

迂尼

迂尼者鄉先生之鄰庵尼也先生家寒素年弱冠下
帷攻苦吟唔之聲恒達旦其齋與庵偪有窗隙可通
尼方少而美時啟窗與語夜寒常具茗點以進先生
安之居三年先生小試失意鬱鬱而歸啟鍵入齋就

榻橫睡忽有人先卧在榻則少尼也先生峻拒之尼
曰庵居非閨閣比倘圖淫好往來豈乏年少郎哉所
不惜厚顏自薦者以燈火蒲團出頭無日欲託此身
無如君者嚮以君場期攻苦未敢相擾故待試畢而
來語次聲淚俱下先生曰玷污清白不敢聞命而今
而後師勵志清修吾亦免老於牖下終不相忘而已
正躊躇間門外喧聲大作則先生補弟子員招覆者
至也尼踉蹌去自是先生假他館不復入是齋而尼
遂究心釋典間親翰墨持論堅僻沾沾自好不可以

野語一

廿五

遊詞干佻達者以迂尼稱之名遂以迂著先生既貴
顯宣猷中外去桑梓者四十餘年少時所親接者不
復相聞一日忽於親串書中得一簡乃七律一首詩
曰自蒙慧劍割塵緣翠竹黃花志獨堅香燼篝寒煨
芋火窗虛月照洗心泉雲達路隔三千界苦海波平
五十年篤老未嘗忘結習祝公累葉珥貂蟬不著作
者名先生展玩久之悟為迂尼作笑曰堅白至此可
謂出淤泥而不染矣顧豆粥麥飯雅意久不報是吾
過也乃寄清俸三百金為新其庵尼既老勉其徒侶

始稍稍道之

邱道

火居道士邱梅寒食夜如鄰村禳白虎留飲有少年戲曰若歸途經叢塚鬼甚厲得毋恐乎邱曰我爲道士妖且禽之何論鬼飲畢主家給以燈燭少年送之門拍其肩曰倘膽怯吾伴君歸乎邱復答如前遂別邱出村外覺身後窸窣有聲疑少年尾之行伴弗問抵叢塚旁樹影槎枒棲鳥驚起淒風逼人作寒噤回頭視之寂無人急前行尾者益急止而返顧無所見

野語一

廿六

膽益落乃口念太乙救苦天尊且念且行尾者亦不少輟疾抵家扣門若擊鼓妻倉皇啟視之邱汗如雨下詢之邱先令閉門乃曰適有鬼尾我行及門始已必門神驅之矣遂就寢解其衣見背上糞簪二片始悟窸窣聲乃簪爲之蓋少年拍肩時戲粘也

欽丈

欽丈梅塢居長邑小沉瀆襪祿失恃乃翁以棗果哺兜兒不能咽恒夜啼不輟翁計無所出試取綿絮漬酒釀納兜口兜即吮嘔如乳自是即以酒釀代乳饑

則喂之遂至長成弱冠補博士弟子生子女三人其室余母姨行也余見時夫婦並年七旬甚矍鑠常以酒代茶生平未嘗醉

昭忠祠

沈公諱麟郡之馬要人以乙科宰壽張妻子已前死攜一女赴任有庶介聲適逆匪王倫竊發賊多竄名胥役中公爲所蔽不能知賊乘演劇混入城遂肆掠公聞變則左右先逸無從議擒捕自分惟以死報國乃倚幕中徐丈具牘遣人絕城報上官遂命服升公

野語一

廿七

座賊紛紛入公諭曰吾爲縣令有不德任汝等見殺毋肆劫掠取滅亡賊皆跪地云公好官不敢加害願公自爲計公即拍案且諭且罵衆跪如故經時許有騎持紅旂入傳首逆令曰沈公必不屈不如成其名衆乃持矛擁而上公死之勿僕一人哭不去并過害公女聞難即投繯死未幾官兵至逆匪蕩平上官疑有司激變嚴鞫生擒諸賊供狀云我等爲逆實信妖言而起沈知縣是好官因不肯出城又不從我等故殺之並非激變云云上官据此入奏奉

恩旨贈沈官五品卹典有加嗣子以難蔭授知縣
方賊起時幕中惟徐丈我備及記室某君猶在公屬
其速去徐曰妖氛滿目將從何處遁耶迨公死難賊
衆入署搜掠徐及記室並匿堆積串根下得不死越
二日有人署攫遺物者故刑胥也見之亟引二人出
鎖閉空宅中貽以餽餼而去二人在內但聞金鼓鎗
炮聲車馬驅策聲擊刺擒逐聲或火光燭天或哀號
震地不辨何者為兵威何者為賊氛也居數日門外
漸寂胥啟鍵入曰已為具羊頭車請速行二人惘惘

野語一

廿八

就道不敢出一語車行甚遲竟日纔三四十里賊漸
遠御者問何往徐曰聽汝耳御者曰我被賊掠為若
御非賊黨也今賊去遠吾從公等逝矣二人始以更
生相慶會日暮腹餒叩村寺求寄宿良久始應遂告
以故門啟而入寺內多人忽以鍊鍊將三人圍裏搜
檢窮詰然後釋蓋村衆聚寺內守禦疑三人者挾詐
故慎之耳次日贈貲而行遂免於難以上俱陸半山
先生言

族兄元燈四庫館効力期滿議叙雜職分發甘肅值

回匪蘇四十三作亂上官遣探賊蹤碎與賊遇遭縛
賊誘以甘言脅以威武皆不屈乃擬以白刃兄罵不
絕口遂遇害投屍積雪中義僕逸其名往尋遇賊
亦受重創竟得屍而返棺殮南還兄眷屬倚居清
江浦一子振基甫十餘歲賊平兄蒙

恩旨贈恤有加振基以難蔭授雲南馬龍州尉誦
晉寧方兄櫬之還也義僕奉幼主抵湖卜葬述兄死
事之烈及尋屍遇賊事甚詳其創痕歷歷可數時余
年穉未及記錄今強半遺忘當考之舊牘乞名手為

野語一

廿九

兄立傳并及義僕焉嘉慶壬戌年奉

恩旨凡遇難死事者得入本籍昭忠祠沈公固應與
前賢並列雖流外官亦例得列其間故並誌其畧

還女

余戚錢朴園負米中州館於陽翟嘉慶甲戌歲奇荒
滑匪牛亮臣肆逆民扶攜逃竄無所得食輒轉溝壑
子女多賣為奴婢有媒媪攜一女年十四頗端靜朴
園以錢四千買之將挈歸奉母居數日詢知為儒家
女其父乃名諸生朴園惻然馳告廣文還之其父曰

事非相強女去則兩全留則俱死何還為朴園曰吾
囊雖澀然以四千錢完人骨肉弗吝也卒還之且慮
其更賣女終失所乃倩廣文作卷修擇上族子配焉
其家所得錢四千僅市麥五斗磨治為不托以售而
自食其糜售畢復治如是三月夏麥大熟千錢可市
石餘全家獲濟次年女之婿遊庠有以前事問朴園
者輒為諱之

梁田氏日以錢四斗為盛德事似易而實難以其貧
也每見豪奢之子斗金一芥而拯危扶困輒掉頭不

野語一

三十

顧聞朴園之風亦可以少媿矣

徐富

徐富柳東農家子少孤貧傭為人執爨月值三四百
文主人憐其勤薦於木瀆洋銅局隨銅船充小執事
往返日本長器島纔七月應得分例四百餘緡已在
島用罄病瘵而歸依其舅氏以居售衣衾供藥餌不
能給或詰其罄乏之故乃出一畫卷上繪夷婦四皆
姝麗富言銅商抵島彼國輒遣婦女侍寢以得唐人
憐愛為幸正商留絕美者餘恣從人擇取此其最次

者言語雖不通而善承意指燕好累月儼然室家初
不意分例之已空也未幾富歿一無長物其舅恚甚
取葦席捲而瘞之以畫卷殉

語曰出沒鯨波鼈窟間以博蠅頭徒為身命計耳島
夷乃蠱之以色蠅頭不可得而身命隨之其計毒矣
有甘是毒者所在可得正不必遠求海島也

野語一

三十一

野語二

伏虎道場行者編

語逸目次

大錢村

辟穀病

湯解元

丐仙二則

瘍醫

墮馬

謝文正

廉使擇配

桑望江

楊老四

馬司馬

許生

野語二目次

魏氏子

質婦

書廟額

十姊妹

囊中物

某太史

替捕

點盜

水偷

銅莫盤

野語二

語逸

大錢村

郡北三十里大錢村東瀨具區為罟船集泊之所夙稱蕃庶有守戎駐焉嘉慶十一年二月天日清明忽異雲從湖中起狂風暴雨一時交作空中兼有烟焰騰射遍及民居盡為所燬雨雖傾注如薪潑油然但聞坦頽壁倒老幼呼號合村如山崩海沸而港汊罟船顛播磨盪多為覆裂自申初迄酉末始定被焚被溺被壓被驚死者枕相籍守戎某方率兵撲救見已廨舍火發馳回取印為棟折死有司聞報馳赴撫視城中士民咸隨往觀舟楫為之一空嗟嗟烟火千家盡成瓦礫數圍古木半拔於風桑麻之地倏作深池膏腴之田遽成高阜其尤奇者近村墳塚大半開裂棺移冢外屍在棺旁甚或懸於樹杪落於深溝視彼陳人莫能辨識村民存者纔什三四頭焦額爛神氣恹恹就而詢之口不能道一字鄰村農民來觀者云方大雨時望見雲中有龍牙爪怒張盤旋欲下輒有

野語二

溺被壓被驚死者枕相籍守戎某方率兵撲救見已廨舍火發馳回取印為棟折死有司聞報馳赴撫視城中士民咸隨往觀舟楫為之一空嗟嗟烟火千家盡成瓦礫數圍古木半拔於風桑麻之地倏作深池膏腴之田遽成高阜其尤奇者近村墳塚大半開裂棺移冢外屍在棺旁甚或懸於樹杪落於深溝視彼陳人莫能辨識村民存者纔什三四頭焦額爛神氣恹恹就而詢之口不能道一字鄰村農民來觀者云方大雨時望見雲中有龍牙爪怒張盤旋欲下輒有

火光驟發并見一赤龍向上搏擊經二時許漸從東
去始知頃者之厄爲龍鬪云方火之興也一新婚婦
樓居不肯下樓燬於火人謂婦萬無生理事定後人
或傳三里外有紅衣少婦殭立田間其夫往視即新
婦也目瞪神喪面無人色灌救獲甦詰其何由至此
則惛然不知也其他奇事甚多余但得其梗概如此
考城北有黃龍無龍諸洞龍固窟宅於此其鬪固宜
吾鄉故老有言曰永無兵燹之災終有魚龍之患今
龍鬪而昇以火災亦酷矣

野語二

二

語曰鱗蟲之長實在祀典爲能興雲致雨澤及下民
也茲何以爲害若此易稱龍戰於野傳記龍鬪於淵
龍固未嘗無鬪然火龍之說經傳不少概見惟小說
家謂名爲犰能吐火與龍遇輒鬪而犰字之義乃北
方獸名似犬食人無火龍解也夷堅志載宋乾道十
年湖州大錢村農民朱七得錢龍事其說近誕然錢
能通神其變幻固不可測所在之處人情必爭往往
不避水火龍以水火鬪豈錢龍有以名之耶

辟穀病

郡東織里鄭際昌生一女頗端好年十四病後忽自
然辟穀日進茶湯鮮果少許多則作脹其體豐碩勝
平時村人咸稱爲仙姑際昌以女不食故不以字入
閨十年年二十四矣際昌卧病女在室侍湯藥適素
好後降村富室蔣生來問疾女趨避之蔣已窺見時
蔣尙未娶越日倩蹇修求聘際昌未允詰其故則曰
論家計已不敢相攀且恐女妨生育不永年未敢悞
人蔣請之力始許焉納采後女漸能饋粥既嫁飲食
如常人今已生數子矣此室女之辟穀者又張孺人

野語二

三

者余受業陸寅齋師之配也嘉慶丙辰年病後忽辟
穀與鄭氏女同師精和扁術起家而孺人之病不之
識閱十數年孺人年六十餘壽終

湯解元

湯榮光名御龍乾隆丙子領武解居郡東新興港家
世業外科接骨治傷有奇效至解元善騎射精書法
而醫藝尤出其先世上遇疑難症每出新意治之有
甲乙二人凌晨忿爭互抱不釋故未嘗鬪毆也甲忽
卧地而殭第胸前尙溫延湯救治湯詳視復診其脈

沈思良久曰得矣定方用川椒使君子等味急令煎湯灌之須臾甲甦下蛔升許而愈蓋視甲遍體無傷脈息亦無死法而面色青瘦知其有蟲清晨用力猛蛔爲之結故殭卧若死耳其家傭者採桑於樹樹折墜地腹著枯椿而破其人昏暈家人馳告湯湯令其徒攜藥敷治徒視之傷口二寸餘已透膜內係紅肉不見腸欲以綫縫之而形似口張不能合徒以告湯湯哂其無用自往視之果然乃令舁歸傭少甦復飲以藥酒使不知痛楚湯用刀割傷口使寬以錢鈎鈎

野語二

四

膜內紅肉出則其大如掌乃宿患之瘡母也始如法敷治傷口數日而愈宿疾頓除有鄰叟與湯素洽農隙入城偶市釣鈎歸舟鼻瘡微癢戲將鈎入鼻代抓爬鈎着瘡口不得出鈎有倒刺順逆取之皆刺痛不可忍須臾鼻腫既抵家疾赴湯所乞出之湯笑曰我素號湯十兩須十兩到則取鈎易耳叟知其相勸乃許隻雞爲謝湯曰鈎出則叟必食言叟痛甚亟遣子捕雞昇之湯先以刀割其雞乃徐拔雞翎剪成管入鼻套鈎尖出之烹雞權飲而罷有富翁傾跌傷臂

筋脫護痛不許人動搖他醫束手湯乃令患者向隅立湯一手順取冷水潑其頂患者倉猝發寒噤即乘勢將臂一把骨遂入筋有因跌脊骨脫筋者下節錯向內無可著手湯乃密令其家備栲栳一具中安綿絮置於旁扶患者環柱走走之猝推置栲栳間上身直而下身彎環所脫脊骨稍凸出遂以按之入筋而愈其他巧治之法尙多惜止得數端耳

語曰嘗讀華陀傳每惜其書不傳然醫書充棟得其道者能有幾人今觀解元治疾得心應手處皆非方

野語二

五

書所有彼向木佛求舍利者烏足知此

丐仙

甲子冬在里門詣戚問疾客有談丐醫者余訝然詰其故客曰丐姓胡吳人素無賴耽飲博破家竟不能自存敝衣草履乞食南潯市嘗製焦麪和錫爲丸治村人病偶效轉爲薦引遂以醫名旬日之間衣冠楚楚又旬日舟車往來日不暇給及一月則入城於試院西僦大宅以居鮮衣美食陳設完美若素封家役使者從學者書方者隨而附和者司閽庖厨迄輿夫

舟子之屬奔走伺候凡數十人丐則據胡床南面坐色甚倨凡就醫者先投金登門籍丐以次按籍召之或守候終日至暮始得診視丐舉三指畧按初不詳審即呼其徒用某方加某味病者方欲道所苦後診者踵至不能語語亦弗聞也富室有疾致重聘敦迫再三然後坐輿往平居不輕出必於夜燈火相望輿行如飛人以一臨爲幸初稱丐醫繼則稱丐仙矣無何方藥有效有不效并有爲所誤者往者漸稀丐僕僕詣病家診視有執方相詰難者脈理茫然持論

野語二

六

堅僻人多厭薄之一少年患瘵青帕蒙首面白而頰紅手如柔荑丐誤以爲婦人遽賀曰此男孕也病家譁然詈而逐之嗣是門庭間寂日益冷落半月無過問者丐固豪於飲方其盛時日入以百十計侈靡無節附和者又從而揮霍故所得隨手輒盡至是另僦小菴以居非復曩時氣宇矣歲暮煤通米券索者踵相接丐度囊貲不足償什一乃乘裘宵遁自其隆隆日起至冰消瓦解屈指纔四月耳

又

辛巳夏吳中時疫盛行有人獲賈患之甚劇諸醫罔效有丐踵門自薦衆僕磨之不去丐曰汝不欲而主生耶衆猶不信有老嫗曰神仙常隱於乞丐中人莫能識安知此丐非仙且主病垂危衆醫束手盍姑試之乃延丐診視丐予藿香正氣散一劑病良已賈德之延至其家新其冠履豐其服用有延者應手而愈由是乘肩輿從僕儼然名醫丐仙之名復大噪然治法專長時感未幾復賈有戚患虛損薦丐治之投以峻劑一夕大下而殂遂窘辱而逐之無以爲生復

野語二

七

理舊業有識之者即當年之胡丐云語曰不爲良相必爲良醫精其藝可以濟物售其藝可以小康醫固寒士之退步也若此人者藝未精而大售何乃屢淪於丐豈身官磨蠹實命不猶乎乃驕侈無節自取其困耳窶人子斃羨絳華一旦得志輒亟亟醉其夙願恣意揮霍不整不休無其藝而有其病者比比皆是聞其風者可以鑒已

瘍醫

南鄉場醫某善治腫毒雖潰敗甚劇亦能奏效道光

甲申冬醫方在家治瘡忽狂風晝暗對面不見人食頃開齋視醫已死在地遍體焦爛如為雷擊者然其時一室中皆未聞雷聲其弟撫屍悲嘆言兄遇輕毒每先予發藥使腫痛潰決然後以良藥敷治以獲重耐吾常婉勸而兄迄不改前月有孀婦獨子患癰甚劇以十千文包治已將次收口兄索增數金病者以貧哀讓是夕瘡復腫痛叫號徹夜蓋密用潰藥耳其母痛惜無計投縋自盡病者聞其母死大呼一聲癰潰而絕不意兄遠遭天譴也自是弟繼其業不索重

野語二

八

耐遠近稱長者云

墮馬

天台齊次風先生

名南

乾隆初由鴻博入詞林官至

少宗伯少穎悟目光能視一二十里北上時在一縣

署見架上有異書八冊借觀竟夕已成誦矣為閣學

扈從歸馬驚墮地破腦目睛眩轉神志膏騰時

宸眷方渥

聖諭必欲生之乃遣蒙古大夫至醫法腦出納之不足補以牛腦用生牛肉三觔覆首布裹之使真氣不

洩徧體纏以布用小槌細擊扑云欲使十二經脈三百六十五骨節各還本初治三日知痛五日知饑不三月能起立然生平所讀書不能記憶前後如兩人矣吾鄉嚴海珊先生遂成作詩紀之詩曰石磴盤盤石角利侍郎走馬磨旋蟻風吹玉山樹倒掛素然一聲墮於地口眼凹凸血淋漓馬本不為脚面計急呼蒙古大夫來鞏用黃牛肉一堆築之登登數百下腦受朱亥之神槌踰時始蘇痛良已堵塙觀者類有泚絡盛不躍飛將軍跌碎終饒瓦學士可惜失却記

野語二

九

事殊乎冥契詎追攝之我來排闥入問疾作力强起人扶持為言再生得今我故舊一一新相知下堂傷足古所戒政有母在官當辭勸公勿歸去版輿迎京師天台之山三萬六千丈登高何異於騎危以馭惡人洪馭馬馬知人意乘船如南鄰周髀石帆約今夕酌酒索和墮馬詩

謝文正

餘姚謝文正公遷家素貧幼時嘗稱貸於姑其婿弗應姑於內室設角黍啖之拔髻上小金釵俾代箸姑

遂他去公亟於別貸遂徑歸姑入視之角黍僅食其一而金釵渺矣念內室非他人得到疑姪攜釵去歸母家詢之公曰姪雖貧氣骨猶在姑乃以猥賤事誣丈夫子乎聞其村之闕廟甚霧異乃具香帛赴廟跪神前設誓云竊釵何人乞示顯應有如姑言願折股示罰誓畢忿忿出廟忽無故絆跌股未折而傷觀者哂之公恨次骨而無從自白乃與姑絕無何登賢書成化乙未大魁天下歷仕於朝爲時名臣遇正一張真人觀謁公即次公語及前事且曰廟無神則已

野語二

十

有則何憤憤乃爾真人曰帝天曹上尊不常至人間况野廟乎間有靈應皆鬼魅依附藉以攫食耳即詢年月地名甚悉書符牒遣功曹察之越三日真人報公曰貴里闕廟某年乃溺鬼某假爲神縊鬼假爲周將軍從之公入廟瞻禮溺鬼早遠避縊鬼匿門外公匆匆出鬼倉卒走避棄刀於地公遂爲刀柄杵跌也金釵乃鼠銜角黍帶去現在西壁風穴也始釋然後以柞權瑞罷歸復省其姑耄矣因述前事姑曰姪位望尊顯至此髮齡瑣事何介介爲公以真人語告

之丞命毀西壁果獲原釵

語曰識英豪於未遇賢哲所難况窮鄉之餒鬼乎文正出門蹉跌直餒鬼蔑視而挪揄之耳謂爲失誤猶遁辭也嗟乎福命如文正者世不多觀苟有屈抑慎勿向餒鬼訴曲直也

廉使擇配

康中丞乾隆間官蘇臬時有婦人擊鼓鳴冤言故夫浙江進士宰吳卒於官惟遺一女以官項賠累貧不能歸母女僑居針黹苦度憑媒媼某將女許配松江

野語二

十一

某爲室昨來娶簡率可疑媼亦隨去訪之乃匪徒設局假娶圖轉賣姓氏里貫皆詭託惟速追猶可及故情急擊鼓云公震怒即發令翼委幹員攜名捕飛權追二百里中途獲之公親鞫所控皆確媒媼亦其黨遂治各犯以畧販律念女頗端麗而隨母僑居食貧孤露擇配頗難詰其本藉亦無可依倚遂課試書院諸生有冠軍某生舊家子貧未授室公贈之三百金屬參軍執柯聘女爲配以儀從鼓樂導至參軍廨成禮而歸且俾其母相依終老吳人作傳奇演其事歲

已酉女之婿登賢書女生子受封

桑望江

望江宰桑公 經邦 武林名進士後甫先生子也節儉

有家風性尤坦易不事紛華初選領憑之任與其長
君孝廉自都門二千里襍被步行抵縣治大堂坐階
下啓包易冠服謁前官門者視爲干謁者流將加呵
斥長君告之始共訝然既履任衣食節儉有寒士所
難堪者而待賓友獨以禮歲時必手奉折席致之經
年未嘗宴會催科責成里首民不擾而賦早辦公檄

野語二

十二

一到即如數起解民間詞訟始惟勸以息爭必不得
已則即遺原告約被告中証赴審不輕遣衙役遇有
命盜報牒一投即日帶刑仵一二人步行詣驗將達
驗所始易衣冠途中人不知其爲正官行部也內署
惟老僕一二人執炊司啓閉親與長君掃除廳事以
爲常嘗雇匠檢瓦漏當天暑匠者脫汗衫升屋及下
檢尋其衣則已爲洗滌曬晾之矣新正入省謁上臺
時相國朱文正公 珪 方撫皖公謁拜之次補服當胸
有物隆起文正詢何物以糗構對文正以廉儉著喜

屬吏樸素然聞公言疑矯飾意怫然密遣親隨馳抵
城外探家厥訪望江縣火食滯上下尋求久之得如
葉小舟俗所謂白沙舟者舟子曰望江縣主乘我船
而來已歷三晝夜每日祇索開水泡米補充饑焉有
火食船乎其真率刻苦類如此然莅望七年官民相
安無一人越訴每歲奏銷必早辨四充秋闈分校官
請託不行所拔皆績學寒士嘉慶初引疾去無絲毫
虧負同官咸以簡易太甚笑之後官其地者皆入不
敷出不數年虧累鉅萬而越訴之風復熾同時有王
公觀宸宰穎上敝衣蔬食畧與桑公同在任十餘年
廉俸不足則令兩子服賈中州逐什一之利以爲助
屢與分校所取士有至大僚者後公以改教去任

野語二

十三

楊老四

皖城西關白雲庵道光甲申冬有江南生僦寓攜妻
並寡媳稚孫凡五口言其父嘗官皖省因公追賂家
道中落癸未大水後貲產蕩析因挈眷來皖將依戚
某官以居詎戚已罷去生一無相識初居庵中猶勉
給饘粥數月後典質既竭斷炊者累日五口嗷嗷饑

困垂斃生憂忿投繯遇救獲免其媳涕泣請曰未亡人矢志靡他翁姑所諒今旦夕不保倘盡室併命則若敖之鬼餒矣惟醮婦得金更投某戚足全翁姑兩孤之命語次生夫婦共相悲泣不忍遽允繼以萬難兩全倩庵尼訪求娶主有江西二人者自言欲爲弟娶婦尼信之遂與生議財禮五十緡先以五緡爲定約俟送婦渡江在彼書券交足生亦不疑次日二人者雇輿入庵迎取婦素賢孝且去非其志而瞬息生離哀慟慘切有楊老四者精悍恃力不檢於行常挾

野語二

十四

人短長以規利是日見肩輿突入尼庵遽往探之見江西二人者固素識之匪徒也詰之二人不能隱楊乃曰儻來物見者有分汝知之乎二人以五緡相許楊少之方擬擗問閨室內老幼男婦聚哭甚哀楊疑爲僞復近前恫喝曰販來人得有售主足矣何啼爲生備述其詳悲不自勝楊曰果爾則賢婦乃賣身全孝何可使失所今迎者二人乃積販人口匪徒特以五緡爲餌一渡江羽翼甚多將人飛輿昇去無待立券安復交錢君雖以死殉已無救賢婦之失身矣生

聞之嗒然神喪亟欲絕之弟以原錢莫償爲慮楊告以毋恐出即禽二人欲鳴官二人與之鬪不勝遂負劍逸去楊自念本圖染指不意拯危然爲德不卒非夫也乃往與表戚王生謀王懷寧茂才端慤好義即從生詢得鄉貫家世顛末敘述爲引遍告同志仗義捐助得二十餘金有金壇于生爲陶中丞鐫刻碑文寓大觀亭與茂才善茂才持引告之于關引中姓氏乃所素悉即慨然助五金適院司幕府諸君至大觀亭宴集于君與焉席間于述其事諸君皆願助復得

野語二

十五

七十金既歸中丞問曰今日之遊樂乎諸君曰勝地良辰不意聞窮途之哭使人於邑中丞詰得其事且索閱引言憮然曰清白吏子孫一寒至此使饑餓於我土地可復使流離他徙乎遂出清俸百金方伯諸公亦願助哀之得朱提三百悉以貽生懷寧宰爲之具舟遣材官一人護送生全眷歸里瀕行生泥首榮轅以金若干酌楊楊不受導之遍謝義助諸君生悉書姓氏藏之口不佞日暮途窮圖報無日幸有二孫在可不使知芳名頌盛德乎既登舟率妻媳稚孫羅

跪鵠首涕泣解維而去於是楊老四義聲聞於大府卒爲善士茂才亦賢名藉藉矣

馬司馬

桐城馬生故家子弱冠家貧入都投戚覓館不過而歸至劉智廟旅次賞竭衣敝天寒不能行窘迫甚至適新授兩廣制府那公出都經其地因奉命將經過直隸地方情形具奏奏已屬草而繕寫無人問館人覓士子善書者地非城市士類絕少館人見馬生寓鄰店貌文秀姑舉以告公先索觀其字頗工整乃

野語二

十六

延生至教以奏體屬繕之頗佳欵洽之次詢以邦族及僑寓故馬道其詳公曰我赴粵需人佐筆墨瑣事君其願乎馬對以惟命遂偕行既抵粵憇於節署園亭人無過問者公政務殷繁亦不暇晤對矣時海匪不靖公欲出示招諭情幕府諸君屬藁無當意者因遣人令生擬之馬振筆直書宣布朝廷威德動以禍福洋洋數千言悉如公意中所欲出公大賞異遍示院司道府讚不容口遂刊印檄發馬生未之知也會譙集公始指告賓佐曰是馬君即代作示稿者於

是幕中諸君皆願與生交矣公詢生家事則曰惟老母公令於羊城自訪寄書郵以金奉母生如教次日訪之惟洋行首劉君桐城人也遂以鄉誼通謁劉見生少年倜儻又爲制府密友遂與訂交因其未娶即倩媒通意以妹許字且爲援例捐同知未幾制府緣事回京候議馬生遂留羊城已締姻富商獲妻財鉅萬得五品官既富且貴去劉智廟困厄時纔半載耳

許生

許生行三逸其名畫溪人也入監試北闈不售遂留

野語二

十七

京師飲博自豪亦喜狎斜遊一日過博場戲得三金謂友曰此寥寥者不如博一醉遂與友詣酒樓肴餼羅列良醞疊進頗二人對酌酒興不豪且易饜餮隔座有一客獨飲則有酒無肴生邀與共坐客初不遜謝恣意飲啖飲畢亦不問姓氏而別居久之生文戰失利遊金魚池妓院有貴介三五人聚名姝以十數笙歌鼎沸毋戰方酣初不與生接生亦自願寒陋遂從左廂與所愛桂官狎夜三鼓矣忽聞喧聲自外入排闥擊扉聲鈇索鎖擊聲逃走追逐嗶嗶乞哀聲一

時並作爲衆以百計桂官戰栗伏生懷面無人色正
擾攘間一人破扉入舉燈見生即掩扉去曰此空室
耳衆紛紛去聲遂寂黎明生起出戶視之器具屏榻
狼藉毀壞名姝公子寂無一人惟鴛母在門內啜泣
生詢其故鴛曰身居卑賤司捕者有常規今新遷於
此未識主捕面無由通款曲遂全家被繫累貴公子
多人語畢嗚咽欲絕生問主捕爲誰鴛曰主捕非所
知但聞得王六爺一言可解生謬作大言曰此素好
也解紛易耳鴛與桂官聞之喜出非望跪拜哀懇

野語二

十八

求速爲緩類許佯領之俛俛出門去初無意爲妓家
計也道經提督府與酒樓之食客遇舉手謂生曰夜
來受驚平生始恍然知破扉照視者即此人也乃謝
之問王六何如人客曰身即是也遂懇以妓家事王
曰事幸早猶可爲若片紙傳入無濟矣去頃之復曰
僕遲三寸舌諸校書已釋繫但狎客輩非五百金不
能脫也生如教復至院則諸校書咸妝束拜迎感謝
泣下生曰若等已出水火諸公子禍猶叵測將奈何
鴛曰早爲恩人計矣遂置酒款生諸校書更番進觴

視事諸貴介殷勤尤甚居三日鴛釀金二千畀生
爲致王六金如數餘悉返之諸貴介得脫詣謝鴛告
之故貴介謂生曰金出某等非院中物本以羨餘爲
君壽勿却也生由是小康諸妓聞之咸以得許生一
願爲幸貴介咸與生訂交閱年餘生以監滿授職去
山都日諸貴介攜桂官及諸名姝祖餞蘆溝橋戀戀
不忍別時王六亦以勞爲千戶

語曰執袴之子趾高氣揚何嘗知有寒酸哉一旦身
罹厄難雖輿臺下隸折節如不及祇自取辱耳觀許

野語二

十九

生之酒樓邀客不問姓名毫無德色卒之青樓遇警
竟食報於欲炙之人其遇固奇其度亦有足多者

魏氏子

魏翁者桐鄉素封也藏鏹數萬田千頃市廛百區居
城東十里外宅第綿亘儼然世族翁少讀書早失怙
恃恪守祖業不求進取待鄰里謙和緩急必應遠近
稱長者年四十二得一子天姿敏妙然髻齡已喜浮
靡翁日夕隱憂不敢以告人一日夢有以擇婦之法
告之者翁乃除廳事洞啓門以一椀盛白銀置檐前

其子過視之水也曰誰置椀水取而撲諸庭即懸跳他往里有賣漿吳姓女與翁子年相若入門嬉戲見翁問曰如許銀何委於地翁曰汝其若之何女從容揚之悉返諸椀而去翁喜甚謂敗我家者此子復吾家者此女也翌日浼憲脩求婚於吳吳初以齊大非耦却之一再達意乃許委禽越數年子益長而浮靡亦益甚翁不甚督責但禁之無外出而已弱冠成婚婦聰慧有識貌極端和伉儷之情倍篤時媪已歿婦事翁如父孝敬備至戚黨中初譏翁聘婦不擇門戶

野語二

二十

及婦于歸有賢聲遂翁然稱翁之知人矣三年舉一子又年餘翁疾革乃獨呼婦告之曰汝知我聘若之意乎婦泣跪請命翁具言覆水拾銀事且曰子之敗家無疑凡我貲產悉有籍記今付汝我死後汝任子蕩廢非萬分困苦勿撓也宅後小屋二間牆垣不薄乃汝二人立身成家之所汝謹記之婦泣受命翁遂瞑子婦呼搶盡哀殯殮如禮既葬魏生益無檢束恣游蕩尤嗜博鬪葉呼盧殆無虛日惟與婦情好甚摯每夜必歸婦則柔順承旨視翁存日加厚或道及得

意婦亦爲之喜或間有拂意婦必善解之是以生有所爲無不謀諸婦數年之間貲蓄蕩盡議售田產婦一無所阻惟請減值書活契生喜得日前揮霍亦不暇致詰最後謀鬻住宅而他徙婦曰我家世居此間今舍去卜鄰匪易宅後有小屋姑暫棲止何如生重違其意從之不數月屋貲又罄燕朋溺友前之承奉不遑者漸冷淡甚且惡聲加之生鬱抑不出婦輒脫簪珥遺之曰郎慣豪華何堪岑寂盍以此爲一日之樂乎生愧受之出則又負婦更脫衣裙供戲債雖藍

野語二

二十一

縷弗怨如是者又數月生一日歸忽痛哭流涕長跪婦前曰吾累若至是生不可以爲人死不可以爲子吾今已如夢醒亟求所以爲生計婦曰人生行樂耳須富貴何時我尚有私蓄數金盍聊以消遣耶生堅拒不受曰我斷不能復爲喪心事與此輩狗彘爲伍也閉門兀坐與前日判若兩人旋以屋後隙地可耕爲茶畦向婦乞錢置瓦罇婦曰此等生活豈郎所勝恐勞而致病奈何生日勞則不倦何苦之有乃朝夕胼胝作苦倍農夫如是者又數月婦察其意堅乃曰

吾與郎年未三十如此豈能久計况子已漸長延師督課大事方集盡貨屋貨殖耶生日如牀頭金盡何婦曰翁屬纊時指此牆爲言必有藏金盡發之從之得白金三千婦乃出翁所授籍贖市廛一區販繅素爲業事事親理獲利倍蓰不數年舊業盡復夫婦纔年五十子登賢書筮仕受封子孫蕃衍爲桐鄉巨室焉

語曰人方陷溺慎毋訾詆過甚使其回頭無岸也明季阮懷寧欲示悔過而清流持之過急遂使流芳路

野語二

絕貽臭心甘當日諸賢正苦無此婦見解耳

質婦

亳州某甲好博資產蕩盡惟室中婦頗勤能乙覲覩久給甲曰如能棄婦則三百金可得同博咸恣恣之甲好博迷惑希冀幸勝遂立券以婦質百金無何復大負又增金者再未一月三百金已罄甲歸不敢徑告乃踣踞婦旁相視作憂色婦詰得其故乃曰既質彼金吾亦願去第吾去則終身無復見期請緩一月可乎甲懇之乙乙素易視甲輒允之婦益日夜操作

待夫益加謹凡寒暑衣履之屬咸爲縫制周備將及期甲慚且悔神志惘惘計無所出勢將自經以拒乙婦曰拒之甚易願君性好博終不能相保何悔爲甲誓不復博婦察其誠遂投甲計往告乙曰婦不願嫁金何能償惟額官斷婦歸若償欠耳即鳴諸鄰里奮然欲行乙思賭博隄折皆非法鄰里勸阻甲堅持其說迨經眾毀券始寢

書廟額

瞿核園先生然康熙間雲間名諸生居郡之天馬山

野語二

學粹品端妙擅六法尤長擘窠大字郡中題額碑版多出其手然畢生家居名未及遠忽有岳州士人數輩齎重幣訪至其家禮謁甚恭言彼處方修廟立碑夢神告曰陰曹甚重雲間瞿某書碑字非瞿書不可故不遠數千里訪求事具松江府志年八十餘病歿未殮既而復甦家人甚喜先生曰非能重生特城隍神命書廟額事畢即去不久留也乃令家人具楮墨書林總是僉四字額送諸廟越三日乃卒至今其額尙存余少日嘗見之

十姊妹

粵東近俗處女喜結十姊妹聚相得者十人叙齒結拜年長居首對神設誓歷久不渝凡言動必以禮文紅妝束及梳頭纏足之事一聽長者指搗無待保姆之教自嫻閨範惟出嫁必讓長者居先無敢撓越或迫於父母之命幼者先嫁亦不與新郎同宿強之輒以死拒如禦強暴必待長於已者嫁訖方成燕好

囊中物

如舉之遠鄉有士族子甘生年少美丰儀娶甄氏女

野語二

二四

為婦琴瑟甚和一日甘生自外疾趨歸形容慘沮亟登床覆衾而卧痛楚呻吟婦意其中嗚急告姑且取湯水至床前屢喚不應視之死矣婦號泣翁姑踵至哭詢其狀咸以為暴疾死將為易服比啓衾則漬血滿衾席陽道亡失厥皆駭絕甄翁得信馳至雖論女無他而壻死狀無由白與甘翁共詰之婦無以辯但乞以身殉兩翁皆不能無疑慮經官得姦狀為門戶羞遂從婦請舉屍與婦並入棺急掩之既殮葬於祖塋事秘而速無知者閏二日天大雷雨雨後墳丁馳

報墳被震棺碎露屍有婦坐屍旁泣厥急往視果然乃知雷震白婦寃其以安輿舁婦歸婦泣曰兒邀昭鑒其如夫寃未雪何是夜夢夫持荷囊而泣秘不以告人居久之婦之媿攜幼子觀劇於旁村有甘之鄰婦與並坐幼子欲市果媿不應幼子啼於旁鄰婦乃探荷囊取錢為市果媿謙謝問幣賭其囊大倍於常中貯一物甚異密告婦適與所夢合婦遂請於翁姑賂他媿竊得鄰婦荷囊囊中故赫然人勢也鳴於眾執鄰婦詰之始知婦孀居素與甘生私婦誓不嫁生

野語二

二五

誓不娶生後迫於父命乃完姻不敢經故處一日婦窺生觀劇遂候於門伺生過邀之曰桑中之人固不堪借老然前情不薄何棄之如遺乎生不得已而入婦即具湯俾生浴婦為擦背如曩時撫摩生體感念昔情恨其得新忘舊忿不可遏乘生不備疾剪其勢生痛極披衣徑歸婦將以此為殉故製囊佩之云甘翁恚且悲曰吾不忍以淫婦故而累眾乃縛鄰婦如豕取囊中物塞其口投諸管井築土平之始終未嘗鳴官

語曰嗚呼天道固昭昭若此哉人但知隱惡倖逃顯戮雷必殛之而不謂竒冤萬無伸理雷亦能震而出之也昔庶女號冤齊臺雷擊信不誣矣

某太史

某太史家素封未生時其封翁赴鄉收租有佃人婦頗丰韻翁挑之婦弗納且將訴之姑翁窘甚馳歸次年復往收租姑託故他出婦殷勤倍至且留之宿翁渴慕久一旦償夙願喜出非望將就枕席戲詰以初終易操之故婦云翁初見愛頗非兒意頃以告姑謀

野語二

二六

所以終拒之者姑曰吾與若爲佃人婦生子必似父但能爲人佃耳主人世家子具福相與之私度一讀書種子必大吾門兒以故不復拒也翁聞之嗒然神喪抽身起告婦曰若有志操而屈志於我我不忍汚媿無以報若情所佃膏田二十畝即以相贈弗爲人佃矣遂去留之不可持燈踉蹌歸時冬初也次年八月而太史生佃婦卒爲完人

警捕

快役某善偵捕多所弋獲匪恨刺骨夜以石灰糞其

目遂瞽癩子弟繼其技弗如也會盛暑警捕侵晨坐門外乘涼忽呼子弟至吉以適有逸囚疾馳東去亟追之子弟如其戒果獲囚須臾喧傳有囚越獄官諭閉城門遣役搜捕甚急其子弟乃縛囚送官獲重賞歸問日既失明何以知疾趨者必爲逸囚警捕曰凡囚久居牢獄一種穢濁氣息非外人所有我聞其息是以知之若輩粗心安能解此

黠盜

黠盜周阿六者貌姣好捷如猿猴嘗糾眾入蘇城夜

野語二

二七

劫富室其黨爲邏者所獲共免脫疾馳回無錫天猶未明潛入腐店竊銅杓被獲送官羈候其黨在蘇供共爲首提者對簿共曰彼某夜在蘇行劫我是夜在無錫犯竊相距九十里安有分身術爲之官閱無錫移牘良符共遂漏網自是獨身爲盜積案如山追捕甚急乃以藥毀其貌捕不能識一日共在博場爲意錢之戲疊失七八注復出孤注忿忿曰若再失不復成阿六矣適捕者在場即縛之到官伏辜

水偷

江浙內河船俱夜行查初白詩云風露一天人擁被
櫓枝搖夢過春江可見行旅之適道光丙戌夏有客
自吳中歸船徹夜不停忽被竊銀兩控報到官官與
客皆疑舟子所為推鞠再三迄無端緒舟子被繫經
年無由自白後投狀相類者不一而足乃遣能捕百
方偵緝得原賊真盜詰其竊法盜云平素習於泗水
每見客囊可取輒保伏河中頭頂瓜皮之屬藉以透
氣隨船潛行俟夜深時客睡既酣舟子亦困倦思眠
搖櫓遲鈍乃拔船沿而上蛇行入艙竊得財物復泗
水逸去於是舟子之冤得白而夜航客無敢如曩日
安眠矣

野語二

二八

銅算盤

甄大有久質武林幹練無失事道光五年春攜金二

百買舟歸永甯盤壩遇雨一人負小包若香客蹙蹙
壩下求附載甄憐之俾附舟尾客口中喃喃不已甄
意其佞佛者流不為意次日抵塘棲之北客欲停船
洩舟子難之甄復囑棧船荒塔畔客去久不返甄疑
之開視所遺小包內惟敗絮亟自檢其篋則封錠如
故金已為有遂與舟子分路追捕適地係斷圩不通
橋道至一小廟前客方捧金跪若與神語迺獲之其
金如故詰何由入手跪禱何事輒佯迷不答甄慮經
官拖累與舟子痛毆垂斃棄諸陸畔而行聞江河間

野語二

二九

多此術名六角銅算盤最為行旅害惜未破其術耳

野語三

伏虎道場行者編

語逸目次

朱義娥

張孝廉

枇杷

江斌

八穀

武宣洞

古金

粵鏹

贖面

天財

寄寶

何祥千

野語三 目次

潘文彩

沈乙

遇叟

方家巷

趙若愚

莊象元

歐陽封翁

癡僧

互詆

油燭

送制藝

祈夢

相士

野語三

語逸

朱義娥

義娥名閨秀寧國孝廉朱梅圃元季女生甫啐失乳

乞養於其戚仙大葵家仙次子名孫柳生三歲矣仙

母萬氏保抱字哺與孫柳等憐均寵孝廉許以女配

孫柳孫柳稍長知女當為已婦益相得女以小哥呼

之情若兄妹道光甲申春孫柳與女皆出痘孫柳將

不起母密移於奧阡虎母飲泣不敢哭女向瘡問仙

野語三

母曰小哥安在何久不聞聲母知不可隱哭曰小哥

死矣女噉然曰小哥死兒何用生乃自抉其胸腹間

痘痂欲使潰爛死母告之曰兒童穉未婚今小哥痘

殤終當擇壻為兒配兒母自苦女不省曰父命兒配

仙家小哥今小哥死則共死耳不知其他遂不食數

日死時年十歲邑宰霧石梁虛舟中為作傳江右阮

侯亭文為之請 旌且廣徵詩詞學博沈小宛欽贊

曰蘭根孕芳玉璞含堅天鍾孝義不綏長年禱矣淑

姬生而屯艱呱呱懷裏啞啞堂前變彼掌珠媚家仰

哺芷秀葍華鳳嬌鸞蛇玉雪堪念松蘿遂附竹馬相
呼繡轡初度銀鹿在室玉燕在筐窈窕脩紹述薄頰清
揚我儀人偶心指蒼浪如何不佑一死一生同傳殺舞賦叶
始憐同病隔帷共依屬息為嘯呼暑寂耳阿家撫摩
小哥已死握拳叩心兒無生理阿家拭淚兒勿如此
列媛貞姜兒非其齒終為我女施璫上笄金玉條脫
繡袂羅衣為女結衫遣女善歸女也搖首乞我襟材
依韻會叶斑斑者茄瑩瑩者淚一溢絕粒不斟求斃赤豹
文狸相追遊戲入室雙空封坏並痊聰如章女孝若

野語三

二

曹娥思兄詠雁救父提戈荀灌年十三見晉書烈女羈卅是同義
烈靡它禮不俯就人謂斯何令君儒官繼聲善歌樹
爾芳懿以屬俗訛

張孝廉

安吉嚴次侯習法家言遊汴梁有汴郡人張友良者
從之學次侯待聘會城與同郡王君開第相往還值
大梁書院課士王道及其題張密擬一藝藏書帷間
次侯伺其出取視之則書院課題文也持以質諸王
王擊節歎賞次侯詢之張以擬作對復以他題試之

文益佳王以為必當以科第顯詰之張故屢應童子
試不售家貧母老不得已棄而讀律者也王曰君文
去以肆不利童子軍情未入秋闈耳次侯知王老宿
不妄譽乃勸張赴北闈張曰入監需貲且負米是急
安能副師望乎次侯乃慨然以寄貲奉其母自任又
舉衣裝兩篋付質庫得百金畀之不足王又助焉張
乃感奮俶裝赴京師援例入北闈時嘉慶甲子歲也
是秋一戰而捷北闈題名錄至汴識與不識咸服次
侯與王之善舉為不可及云

野語三

三

語曰余與次侯交知其豪邁無城府性狷介不妄取
而好義出天性不事矯飾今年六十餘驥子桐孫軼
羣競秀隆隆日上其蕙境可羨也

枇杷

有僧所居巷種枇杷一株澆灌甚勤結果甚大而無
核獨得善價其友羨之如法澆灌依然有核問之於
僧則以佛賜奇種對友思其法數年不能得諭僧好
酒肉乃招之食蔬肩僧至始洗刮置於釜命童子添
薪燒之而自與僧先在外舍飲酒經數刻童子即以

盪具托兔肩出味甚香且爛熟矣僧訝其速堅求煮法亦不以告固請之友曰上刹有佛賜果品豈寒厨無仙授烹調乎僧不得已乃告云枇杷方花時花中有心以鑷去之則果大無核矣友亦云兔肩入鍋後文火煨之竟夜不揭鍋蓋即香且爛矣適洗刮納釜者猶未煮也遂大笑飲啖而散

語曰聞聖多默島百果無核寥遠難稽惟柳中嚮貢瑣子蒲萄無核近中國甚多乃於蒲萄熟後去核作脯若無核然今人好奇作偽往往與此僧同特少有

野語三

心人破其法耳

江斌

江斌自言吳人或識其錫產少孤貧其母備為乳媪斌隨之轉折至皖中有大府侍史江某與瓜葛特愛憐之養以為子得其薪傳且跨龍焉斌年十四五貌姣好言詞敏給善伺人意吾邱公守皖斌出假父進典琴洗硯勤謹不懈寵任無與比先所寵任者輒中以蜚語逐之守姬人房失金釵遍索不得被逐者窺斌持釵入匠鋪伺守出攫釵當街稟白驗之良是當

四

眾械斌管四十逐去杖瘡糜爛旬歸江江以其辱已不復留流落江淮間半年瘡平乃從人習技勇短小精悍擊刺騰擲之藝冠其儔伍居數年年益壯其母養女為之配食指既增復理舊業適鄉人繼守皖免同鄉增進守賞其材俾司閘勤慎如曩時加以幹練得其主歡心囊漸充趾漸高鮮衣駿馬願盼自雄造室重臺趨承屏息嚮之被擠者俱釋憾攀援其攫釵搆陷者聞風竄匿無何其主觀察秦中會苗匪不靖督餉至軍前斌皆隨侍以其材武俾率鄉勇効力行間苗平敘功斌得守禦千總銜其主擢皖藩斌服役如故而潛復本姓援例得邑佐主未之知也主旋引疾去斌為怨家所計制府親鞫具得官僕冒濫狀重械之置諸獄以遣戍定讞繫繫年餘僅存皮骨囊橐蕩然其主泊出結地方官皆以失察鑄級斌尋充配閩軍閩軍門閻者某故斌素交諂其材言於軍府令隨眾捕洋盜屢著勞績為奏免其罪遂充水師營卒時洋盜巨魁蔡牽出沒海島剽劫商旅羽眾巢深負嶠自大官軍恐捕急則豕突內地故搜捕數年不

野語三

五

能得 嚴旨詰責提鎮大舉出洋斌亦在遣中與盜
遇盜船高大倍軍船上建巨礮器械森列盜衆以百
數抵死抗拒弁兵初皆氣餒斌超躍先登大呼奮擊
衆隨之上羣盜披靡斌禽其渠一人餘半赴海死弁
兵殲馘無遺蔡牽在他船聞敗亦赴海死積盜遂平
大府錄斌功將宦僕遣戍立功自贖陳明 上嘉其
能棄瑕錄用授爲千總洊陞至都關權叅戎篆自蔡
牽死餘盜懼誅分赴各營自首有盜某首於斌所營
卒索賂不得恣怒曰公以禽渠得官此奇貨可居也

野語三

六

斌心動以捕獲報大府將登薦劾鞠之盜呼曰身等
悔罪投誠冀緩須臾死耳營官索賂不足遂以人命
冒功乎大府取他盜質之良確遂震怒飛檄斌至
將申軍法斌辭窮自服生鴉片死
語曰異哉斯人跡其出身至微屢更患苦而年未四
十立功海洋官至四品可不謂若輩之錚錚者乎假
令革心晚蓋樹績戎行所至正未可量迺熱中躁進
謂天下事皆可以權詐倖得卒之重罹法網死非正
命亦可慨矣然古來權臣驍將逞其私智乘險蹈危

馴致身敗名裂不得以功名終者不知凡幾於斯人
何恤焉

八竅

山左劉公爲宰盧江有民人盧仁娶姬氏甫三日忽
告官求休退劉察嫌非中葺又氏頗靜婉詰盧所犯
何條則曰不能生育問燕爾方新何由逆料盧嚙嚙
不能辯惟堅求判離氏泣訴無罪其母語尤憤懣劉
復婉諭盧執如初劉怒呼杖將笞之盧潛然曰人皆
九竅婦缺其一便遺皆從一處出惡能生子其母曰

野語三

七

此女郎親生何害焉劉笑曰此夫人公事
也也 嫖引至內宅俾夫人督僕婦兩驗之不謬
盧崩角願領婦完聚劉即濡筆判云蓋聞發分上下
七陽而二陰質秉乾坤三奇而六耦然大地非無偏
缺而刑天絕少具形厥有世氓初諧歡媾不圖良匹
竟類人疴但覩玉洞桃花未覩後庭瓊樹漁郎問渡
澄涇與濁渭同流神女爲雲鳥道共羊腸莫辨莫我
疆於南畝何從界判鴻溝啟秘籥於北門勢且鑿殘
混沌慮乏鄧攸之後嗣遂效翁子之當年公庭謬託

夫詭辭虛表用致其窮詰瑟琴伊始胡爲伉儷情乖
歲月幾何安見熊羆夢杳唯呵莫解捶楚將施含意
難伸直陳不諱婦則拊心無忝嫁雞志在逐雞媼則
說法現身雛鳳形同老鳳母既載生而載育女還宜
室而宜家無煩煉補於媼皇但乞後堂犀照始允質
成於周姥果然下體象賢本縣教始委倫化先怨曠
姬氏尾閭偶闕無虧種王之田盧仁息土可耕焉用
不毛之地無犯出條之七當援不去之三未許鸞分
斷從璧合傳之好事風人增雌鬼之詩廣此羣生訟

野語三

八

牒絕雞姦之案

武宣洞

武陵倪壽山夙遊粵西道經潯州之武宣縣舟行山
溪見山半有一洞土人稱爲仙人洞其中有寶乃維
舟循途而入洞門廣丈許窈而深中平如砥其旁門
戶非一嵌空巉巖不可方物深處上有微隙露天光
其實高下散堆色正黑形製非一悉類各省元寶其
多不可數計舉之重與銀等土人云此皆銀也在洞
從人把玩百計取之不能出嘗有縣令齋禱數晝夜

乞假於仙禱畢令親携兩寶出至洞口仍失其一以
其一携歸鎔之得銀五十兩乃築堵封洞計齋禱築
堵費適如其數未幾堵復敗洞厥如故有點者携犬
入以袋盛寶縛犬身逐之犬終不出去其縛即疾去
矣壽山意未必是銀欲試其異以解惑負二寶欲行
輒兩目如漆捫擦四面悉皆石壁棄寶即豁然開朗
隨行者共試皆同嘉慶庚辰歲余與壽山同客宿松
爲余言

野語三

九

不厭况無主之寶苟可取之何待今日何待邑令乎
鄙哉令也守土之官不供厥職汲汲焉乞哀於山霧
異填谿壑之欲意殆謂一邑之令當得一邑之寶肆
然行之而不疑何其謬也山霧於此乃稍予以塞其
求不過予以濟其貪亦善寶其實矣哉

古金

郡城師古橋某甲織縐爲業道光丁亥春其甥將設
機於舅家凡花縐機必掘坑安脚踏是日雇匠作坑
甲忽與甥若匠爭角不息繼之以鬥隣人排闥入勸

見地上纍纍者凡四十有七重而紫黑色言係坑內掘得三人俱欲得之各不相讓鄰人視之非玉非銅上有文字洗出之乃宋嘉定年號每枚重十二兩有奇鄰人曰是物是金不可知何爭為乃付爐鎔之則粲然白金三人復爭不已一錠偶墜碎而為二再鎔再試皆然三人因不適於用隨意分散余曩客壽州有耕者於八公山畔掘得紫金每方數十兩縱橫紋理如井田上有古篆人莫之識土人曰此淮南王劉安故物前人常有得者修煉家所謂外丹是也鎔之

野語三

十

色紫赤常金莫與比入藥可已疾此金白漢迄今二千餘年未聞碎裂宋時白金纔數百年何致質敗乃爾非爐匠用硝太過即故攪藥物以規利耳聞乾隆間郡人嘗於弁山採銀鑛鎔造成錠舉手輒碎目為生銀因而輟採鄙意取他銀十七八配此等銀十二三和而鎔之當不復裂請語之得者

粵鑑

陸半山先生歸自嶺南有銀一錠底面多孔若蠟嚼者問之曰粵藩庫銀封貯年久遇盤查銀皆有孔平

之缺數百金方伯疑庫役鑽取侵肥將置獄一老吏進曰形似蟲蝕請掘地驗之如其言果於地下得白蟻數石投爐煎煉得銀幾符缺數此錠亦蟻蝕之一耳又言順治庚子歲廣州城白鏹盡飛高低疎密如蝗如鳥率三錠相聯作一身兩翼自東北投西南照耀如雪有擊以石鈞以竿者雖中之輒引去一武弁以為神物不可強致率家人拜禱求之一錠翩然且下離地祇數尺急以手承之復飛去通城貴賤騰踴愕眙累日終莫有得者亦不究其所歸云時余方穉

野語三

十一

漫聽之今讀矩齋雜說始信

語曰世俗稱非分之求為廣東財言易致也余觀廣東白鏹既患蟲蝕且能自飛管管非分者亦可以少鑒矣

礦面

昔有村農鋤地見白金一甕密掩之歸而謀諸婦以藏物必禱於神乃可得遂以婦釵質錢市牲牢夜持以往禱畢發甕則清水滿中農恚甚乃就清水礦面歸覺面有異婦取火視之則銀衣裏之若面具然取

鎔之僅足贖婦釵一枚豎晨過其處見朱提滿甕遂持歸成小康焉

天財

有兄弟異居者兄友而婦賢弟悞而婦吝一日兄見古冢旁有金一餅歸告弟凌晨偕往取之弟將赴約潛與婦謀婦云共取而析之何如獨取而享之弟然其言與婦夜達其處則盈餅枯骨耳婦咎夫爲兄誑嗾使取骸覆兄寢乃踰垣揭瓦舉甕傾之忽聞兄與婦呼曰天財來矣弟訝甚急捫甕尙餘金一錠踉蹌

野語三

十二

踰垣去損其足百方療治金盡乃瘥

寄寶

賣菜傭居郡城內凌晨詣德勝門販菜道經五聖廟其地故荒僻遇丐者數人圍坐分金疑爲盜匪弗顧也次晨復經過遇如前白金爛然艷羨難遏姑乞其一丐慨然舉二鈕以贈傭以裹肚盛之去值城門未啟遂詣賣漿家暫息解裹肚寄置烟樓上伴告盛錢四百迨販菜入城取裹肚則惟錢四百存焉蓋賣漿家啟視私易之矣遂與爭然傭得金無左驗且慮入

覺語塞而返尙意丐金可更求也後詣廟丐分金未畢傭哀乞之丐笑曰曩情若寄寶致賣漿者已勞錢四百何不知足耶丐瞬息不見

何祥干

曲阿何祥干性誠樸家甚貧居邑廟側破屋半楹累土甃爲壁不蔽風雨婦亦賢食貧相守何嘗侵晨詣廟中伺祭賽者得青蚨十數給饘粥或數日無所得久之益困廟中有善相者何與共處久甚相得一日何晨至相者遙望之曰君大財至矣何嘆曰吾困頓

野語三

十三

如此旦夕就死地君何戲也相者曰不然以君氣色財且立至然似又有阨者吾知君室中唯有婦婦不可相試言其命一推何告之相者推竟拍案曰是矣君向者之困婦累之也今無慮矣君婦賢而命薄惜哉已而各散歸午食後婦進糜何不食據案而嘆婦問之何第以有阨之言告婦勸毋介意言次何盡糜一甌婦持甌入久不出何入視之則雉經死矣何驚悼幾絕乞得薄棺以殮時方溽暑斂刻許血滲漬地何隨手碎土磚掩之磚碎金現粲然大白鏤也復碎

皆然乃易棺殮焉既葬盡碎其壁頃刻鉅萬矣於是
置田宅畜奴婢爲大賈婦喪畢娶大家女爲婦一日
何將入山買竹天未明起燈下見婢遺約指金環戲
取藏之既至山見竹中地坼露金何祝曰是果吾物
耶今不能携後當獲姑投誌焉因取指環納之歸月
餘忽見婢指環如故詰所從來云得之後園塌墻下
何疑金至夜發之果然所獲不貲遂富甲一邑後婦
又喪何即納婢生五子皆讀書登仕版養相者終其
身或言何別有隱德云

野語三

十四

潘文彩

瀨水有湯姓者織布爲業嘗賃織潘文彩家一日文
彩自外歸託故促輟織湯不應文彩與母固請湯心
知有異佯輟去匿近處伺之入夜則文彩與弟荷筐
擔持舂鏞詣叢菁中挾一巨礎礎下覆鏡復揭之鏗
然有聲探手入掬投筐中骨碌不已湯往視則巨窖
白金四筐幾滿湯不能無言文彩云天賜之物恣君
取之湯本出望外又距家遠無物可盛躊躇半胸脫
右襪盛滿以歸竊計若更有可盛者所獲當不止此

及就寢始悟左襪固在曩未念及也且艷且悔不能
寐復攜擔具往覘之則文彩久去而窖置矣初文彩
祖潘翁故長者邑紳某虐其僕翁抹縱之紳繫翁肆
箠楚其婢復憐而縱之翁遂亡去婢竟赴水死未幾
紳賊敗籍沒翁始歸肖婢像事之終身至今文彩家
猶奉其像得金處即紳柱礎云

沈乙

越中沈乙以罾取魚守至夜深見一船如飛至泊義
塚旁多人舁一棺置塚地歌笑而去沈異之次夜潛

野語三

十五

往撬棺成縫以手探之腥穢甚而非人屍揭蓋諦視
面覆猪羊腸臟下皆朱提亟掩之次日乃設罾於船
漁於他處遇黑夜無人則潛往取銀數夜始畢家惟
老母茅舍不蔽風雨乃埋銀於地覆以敗薦夜卧其
上晝漁如故且故爲丐食以供母如是三年無知者
既而武林獲巨盜招承刦得贓銀藏於義塚棺內委
官往取無所得乃以他贓定讞囚既決沈稍稍出銀
作肩挑以次葺治其居不復乞又數年漸無饑寒之
色遂得貧女爲妻謬以獲藏告之始置房舍市田園

居然康阜毋安享數年而歿妻若子皆豐衣足食而沈仍襤褐不完不改其素里中咸鄙之有舊族江橋陳氏故素封以婚嫁費絛致逋負密託素知售田以償將立券陳設席以竢與事者衣冠畢集惟受主未至遣僕視之沈徘徊門樓下手提一籃覆以敗絮銀在其內問之即受主也陳矍然曰彼固貧無立錐者也今既富猶如此吾家承祖父遺業何甘售諸彼乎亟毀其券集昆弟子姪誠以節儉誓諸家祠卒保其業後沈益隆盛子姓讀書登科第與諸陳世爲婚姻

野語三

十六

云

遇叟

余嘗江上阻風散步市肆間聞一叟操土音問之乃同姓因邀余入肆款曲甚至見其子翩翩甚都應童子試締姻舊族已抱孫矣內外戚屬備保以十數財貨甚裕叟年七十餘操作不倦余勸以少休叟曰樂此不爲疲也歸詢舟子言叟初客池十餘年操淮南術刻苦積十許金購破屋數椽將修其業躬操畚鍤通溝渠得石碓一具白鏹滿中遂修治其屋獲藏金

者再乃娶妻置產起厦列肆市物復大售居人艷其金多以江洲數頃求售叟初不加審以四百金得之事成履其處乃至窪廢洲十無一稔者頗價已交無可悔姑時以雜糧業洲者咸笑之是秋大旱他洲皆成赤地叟洲以窪故獨倍收遂獲本價之半次春水大至洲淹數月迨水退則土淤其處與高洲平遂成膏腴歲入不貲今他產非一累致萬金云叟名殿颺郡之機坊橋人

方家庵

野語三

十七

青浦趙巷孫姓宅後竹園內時有白鼠出入追之即入地孫氏以爲藏鏹掘之無有如是數次乃不復掘迤東六里許地名方家窰有方氏女既聘夫亡守貞不字父早故無嗣貞女事母至孝母歿後獨處一室以老乾隆間一夕聞院內羣雀飛集啾嘈徹夜晨起視之則白鏹滿院大小不一取藏之未以告人里中喧傳孫氏竹園內夜來羣雀飛噪一路居民亦聞雀飛園內忽成一窪窪旁猶留銀一錠始知雀乃孫園藏鏹所化飛至方氏院內願貞女已長齋繡佛年六

十餘終鮮兄弟得鏹無所用之其族人乃額當道為
貞女請 旌建坊即所居為之立精舍至今香火不
替稱方氏家庵孫園之窪尙存余友瞿君式堂與孫
方二氏皆至戚故得其寶

趙若愚

江南趙生若愚未詳邑里家貧無以為生會其戚宦
楚遂往依焉戚以食客遇之無以為家憂形詞色每
獨處輒口中喃喃若與人語人皆笑之居數月忽解
衣質錢市箱篋四五具并鑊鏹之屬常赴空園礮礮

野語三

十八

中搜挖得物彙彙攜歸秘藏友人窺之不辨何物矚
其出竊啟眎之各箱紙裏殆滿盡發其封皆小石子
乃封裹如故一日趙又懷石歸友問之密以金對友
奪石擲棄輒悲啼不已於是人咸鄙其貧極妄想致
成狂易矣戚慮肇他鮮閉諸室中日給粗糲不以客
數趙既不能出即搜挖室中四隅幾徧形容憔悴不
知盜濯饑飽歌哭無常或挪揄之恬不為恠垢穢日
甚人皆遠之戚見其病劇倩他戚伴歸戚慮其中途
死無應者不得已買舟遣健役送之其箱鎖鑰甚固

兩壯夫不能舉其一途中役誘令開視趙鄭重出數
封依然石子役伴乞其一靳弗予既抵家役以病狂
告舉家憂惶無措運裝既訖趙即沐浴易衣而出霍
然病已重賞其役遣之役歸白其狀戚異之視趙嚮
所寓室其挖處浮土尙存惟榻後一窟若窖初填發
其覆則紙裹石子盡在窖中蓋趙得金盈窖故為伴
狂以石易去云

野語

十九

語云此實者虛之之法也方呼石為金時不狂者咸
挪揄而竊笑之孰知為狂者所挪揄竊笑乎昔庾冰
避難在船蘓峻募之甚急船卒醉舞呼曰何處覓庾
吳郡此中便是人謂卒醉不疑冰遂免難智哉趙生
其猶藥此智也夫

莊象元

莊生象元浙西故家子少孤貧有心計其舅倪翁開
香紙舖號小康而生彌自刻苦未嘗言稱貸倪夫婦
特愛憐之倪有養女曰慰娘小子生一歲鬢雲皓齒
韶秀無雙幼時與生頗相習至是年方及笄生年益
長家益落遂引嫌不復請見一日生赴倪店市戲神

紙馬適倪出媪招入內室詢以市馬何用生答以游詞適女採花自隣歸向生道勝常曰莊哥大喜得藏幾許乃亟亟酬神乎生曰吾困苦無聊念藏神恒富他人而獨不及我設酒醴向藏神許愿耳女劬屣微露翩然返闥媪猶研詰不已乃曰事非無端第藏未入手洩之恐神人移去請俟來日可耳遂去次日日暮生致福昨於媪告曰偶向後院栽花掘土見方石將取作露坐具石起得甕有物若銀滿其中而色黯祀謝後取小鋌水煎數沸燦然銀也遂出銀三鋌相

野語三

二十

示媪問胥類此乎曰否大者類市間冥寶舉之頗重約三四十鋌小者只此而已媪曰吾生平未見元寶願取大者相示生曰聞財神喜藏而惡露藏愈久則得利愈豐未敢遽允媪求之益堅且出常用銀數十兩佐以金釧欲易其二生勉強從之遂并已銀攜去越三日不復來媪疑念綦切不得已聞之於翁翁曰甥居敝陋焉所得藏殆以少銀相誑若輒畀以多金彼早攜貲遠遁矣媪懊恨姑懇翁矚之倪至門剝啄良久內始噉應又不遽開倪於門隙窺之見生攜元

寶數枚入室又運取數四最後負大布包置室內有聲鏗然甚重旋聞鍵匱訖始開門倪待門既久將加嚙呵迫窺見情狀已喜動顏色視後院果有石版磊作坐具遂不復致詰但云矜氏所喚生乃洗手藏元寶於懷隨倪密致於媪其色黝然乃久埋於土者于是生於門首設肆作小營運以自給舅家不時至久之會翁媪壽辰生登堂拜祝匆匆告退固留之則曰孑然一身室與肆皆無人也既去倪謂媪曰甥獲如許天財誠樸不改其度此大器也爲慰娘擇配無逾

野語三

廿一

甥者媪曰良是遂倩養修達意生以業薄聘微相却強而後可既成禮雖情好彌篤而家徒四壁仰屋與嗟生猶以得金未用爲解女曰吾固知郎之僞也二老年高慮淺爲郎所誑幾曾見獲藏酬神必向市間購神馬者矧獲藏之事舅矜已信年壯思室人之恒情既不以粗陋見嫌何不下玉臺之聘而故爲撝謙乎生聞言咋舌以既被窺破勢難終掩將俟女歸寧自陳其妄女曰不可二老信耶誠篤故以妾奉箕帚冀兩兩得所若作僞敗露將置郎於不齒二老雖愛

妾終非毛裏郎既見憎妾於何有從此不關痛癢則生計絕矣生曰為之奈何女曰不如以妾飾妄言藏金不可遽露從舅氏貸數百金作小販天若生之或不耗折俟悌可自主自首未晚生如其教倪果貸五百金女屬儘所貸斃米時方秋初新稻試花豐登有象老成者咸慮非策秋仲忽風寒霜殞新穀空糶米價翔貴獲利倍蓰次春女屬預市桑葉價增長更甚於米乃歸璧於倪始自言得藏之偽時生已致千金倪亦樂之問當日元寶從何而得則曰即碎銀所易

野語三

廿二

置污泥中韜其光故三日不至也自是或薨新絲或糶新穀以及茶笋竹木之類凡女所指畫者無不大獲生偶一矯之輒多折閱他人或效之利每過望不數年遂至鉅萬女生二子俊邁非常延師課讀生夫婦年方四旬二子俱有聲庠序間次秋長子登賢書女喜謂生曰半世辛勤已可稍慰有財而不知享雖多奚為乃為二子娶婦分爨遂長齋繡佛不復問生產矣時倪翁媪猶康強乃以萬金為壽報其德且世為婚姻焉初倪之得女乃抱養遺棄不知所自出迨

歸莊暴富有疑女為仙者或言生實於石版下得陶朱真訣秘不示人歸美其婦云此與趙生事相類而相反故並誌之

語曰室有慰娘雖婦言是聽不為喪德獨慰娘者吾未之見而恪遵閭教者比比皆是是何故哉探生食貧孤露漸以成家漸以康阜漸以昌熾孰非苦心孤詣得之哉尤可取者甫及中年委棄家政蕭然自遠古所謂知足不辱知止不殆者其伉儷有焉彼向平之願畢生莫償者祇坐不知止足耳

野語三

廿三

歐陽封翁

封翁號綠淇江西安福諸生昆季六人析箸每人僅六百元翁以不足資事南遂棄舉業攜分受之貲貿於楚南至湘潭聞鉛錫利厚乃儘所有鬻錫買主人信實質厚諸客磨集房舍連互鉛錫諸貨棧閣皆滿翁錫無復貯處院內有巨窖乃雨後消水之所造晴久窖乾以翁本微貨少將翁置之錫貯於窖內窖旁即買主人堆錫地翁慮淆亂詢於主人主人曰窖以內者悉為君物翁戲曰窖上之錫設有墜入奈何主

人曰君言何迂也無論堅重之物必不傾墜縱或有之任君取去必無悔遂安之會主人客多事冗無暇結翁帳又賃舟未定遷延留滯一夕買肆不戒於火烈焰熏天延燒甚廣翁僅以身免買肆房舍器物悉爲灰燼凡金銀銅鉛諸貨與錫並鎔流淌入窖窖滿復洋溢四出猶十倍於窖火熄後主人視之窖內外結成一片無可分割主客乃集議念翁年少本微不堪虧折以窖沿爲界內歸翁界外歸他客折券既定翁鑿取窖錫次第銘化其面皆上等美錫其下則

野語三

廿四

攬雜銀銅更多於錫數倍遂分貨運販獲厚利遂得十餘萬金即於湘潭設典肆經營部署數載未歸嗣攜數百金購備土宜及隨身衣飾共裝十箱買舟返里渡湖遇風船覆翁亦入水遇救得生一身之外悉付波臣四顧蒼茫悵欲絕有長者告以其地有水摸倘不惜費所失物或可俸得翁如教乃雇水摸多人持繩入水遇一箱則繫之箱重難舉乃用轆轤盤旋而上凡兩日全得十箱第箱鉅且重啟之皆非已物蓋翁箱皆輕已隨流淌去所得之箱乃他客覆舟

所墜中皆黃白故出水甚難也翁秘不告人惟厚酬長者及諸水摸而已察其處風氣足尙乃就地更設典舖遂成鉅富翁生子二人孫五人翁因共設五典貨相埒每孫各授一五孫中登賢書者二人官部曹者一人其第四孫號梅龕即前寧國太守也季孫坐擁厚貲眷戀重闈不求進取

癡僧

癡僧者不知何許人居吳門知福寺寺故叢林僧衆以百數方丈戒律甚嚴而癡僧不遵其教飲酒食肉

野語三

廿五

佯狂傲慢恒數日不食食輒兼數人之饌冬夏一布衲垢膩不易畜一犬甚愛之夜則抱犬卧或施以羹禱受而寢之不成寐還與犬卧而安同儕皆厭薄之常與羣兒嬉戲諧語多奇中自言能治疾有延者不多徃徃則必愈亦解切脈伸紙作方多費解又不用常藥惟能以意會之嘗治一疾方開八仙桌兩張太史椅八把病家計窮乃以方字煎湯進病良已姜太夫人年老多病時醫授補劑益沉綿醫者束手囑備後事公子聽珂計竭乃延癡僧至則先索食進以肥

甘飽啖殆盡已復索虎子索水濯足皆如其請始入室診脈方用門神眼睛一雙僕人乃乘夜以刀割取小家所貼門神眼煎湯以進病遂瘥寺之方丈僧逸其名故士族廣交遊善修飾邊幅吳之薦紳多信重之嘉慶丁丑寺開堂放戒將及期僧俗詣者數千所施金錢衣履蔬果糗糧之屬無算寺內香火雲蒸鐘鏡鼎沸觀者填溢幾一月而癡僧泊然自來去若無觀也邑宰孫公偵知之惡寺僧惑眾夜分驀然攜役往僧眾迎之即就寺嚴鞠備得誘惑歛財狀乃簿錄

野語三

廿六

其財充公用食品散諸孤園衣履棄諸道中聽人拾取有精巧朱履數百雙他物稱是遂械方丈僧去薦紳緩頰者投東盈尺宰按每一東掌責一下已數百矣迄遞籍還俗乃已方簿錄時檢括搜捕號啼逃竄燈火往還喧闐徹夜寺為之空而癡僧晏然抱犬卧若弗聞也厥後寺頓荒寂其治病如平時道光辛巳夏癡僧募得瓦龕及附身之具咸備乃舉手別僧俗端坐龕中跏趺而化其首昂然垂玉柱盈尺僧眾為之建塔尊為知福寺一代祖師云癡僧既歿其犬

亦不食而斃瘞於塋旁

語曰瞿曇說法貝葉譚經而於禪理茫然此釋氏之癡也按部切脈泥古定方而於病源茫然此醫家之癡也是僧不潔其貌而心地清淨超然遠俗方藥奇詭而去疾如響莫可測度殆於禪理妙悟心得故韜晦其跡托術於醫者歟名之曰癡誣矣

互詆

甲乙比鄰而居甲黠而婦貪乙荒於賭婦無所得食有桑中之行與所歡約以三彈指為信甲密聞之伺

野語三

廿七

乙出冒所歡夜往彈指其門者三乙婦開門納之暗中不能辨遂與燕婉迨察其偽已無及後乙婦他出甲婦越窗入其室竄竊見四壁蕭然惟瓦罌貯米數斗願無物可盛乃自脫所著袴帶縛其下若布袋然方舉罌傾米乙突從床內出從後抱持之挾與登床苟合始釋蓋乙方賭敗無償潛卧於室令其婦反鍵出以示無人甲婦不知猝為所窘然其事尚秘兩婦偶以他事忿爭互相醜詆遂播於外

油燭

中州某甲有心計開油燭舖其地某乙豐於財子弟援例授職裘馬甚都乙性貪小所到處乘人不備每竊取少許財物人告其子輒償還甲遇乙過必足恭延入臥室坐坐下有燭甕乙常袖數枝去一日乙復至坐定甲於抽屜內取銀一錠償欠夥云可緩銀返故處乙窺見俟甲出即取銀藏於懷復探手取燭而甕已易油手袖悉汚正皇遽問索銀者至甲入取銀亡矣甲指其夥所竊夥不服繼之搜檢無所得眾夥圍然言搜檢獨不及翁無以服眾語次即強解乙帶

野語三

廿八

銀鏗然墜地乙初猶支吾迨詰以油污手袖之故遂語塞甲欲鳴官其子風聞趨至詢得其故甲持簿示之內載乙節取燭物銀錢共數百金其子悉認償堅求包涵乃已甲舖素虧折至是復振未幾遭其夥騙逃致敗知者咸以爲局騙之報

送制藝

昔有大僚簞笠不飭聲勢赫奕其門如市苞苴所入盡屬金寶其閒曹冷職皆束脩自愛無肯往者有某太史沉滯年久貧無聊賴思欲見之而自顧寒陋無

可爲贊乃繕寫課藝百篇踵門請見呈求郢削願居弟子之列大僚本不由科第雖歷高位不爲詞垣所重一旦得此樂甚其拂拭某太史較他人尤殷遂薦登臚仕

祈夢

士子赴省試多祈夢於于忠肅廟嘗有一人同往一夢公授以戩子一夢室內掛一冠以首就之稍不足微踣即戴之其得戩者以爲科第無分棄而經商越數年其子遊庠送子入闈已亦就試父子俱捷蓋神示等子也其戴冠者以爲貂蟬可必而頻呼康了心志漸灰乃設肆逐利聞人呼之爲店官始悟踣足就冠之兆


相士

有鄉先生計偕入都與僕易衣詣相館相者辨之曰公雖歷仕途而目前氣色甚劣卽堂復黜慮有飛禍且曰盛价氣色更惡將有牢獄災僕怒曰吾主人服官薦薦來京師計日超遷何物瞎相士妄作不祥語相者與辨僕掌批其頰倉猝中耳門相者立斃僕遂

以門殺論死主亦被議其言皆驗相者可謂目見毫毛而不見其蹤

野語三

三十一



野語四

伏虎道場行者編

語逸目次

譚年

花面僧

巫鵲

雷殛

陳海虹

矮奴

李公奴

楚生

賭餌

五稜之歌

濠俗

野語四

目次

野語四

語逸

譚生

譚生逸其名或曰米公蘭陵故家子幼穎異而孤母韓撫之家足自給其舅韓甲弗若也時假貸於姊愛甥甚至其妻韓媪尤愛憐之韓女靜婉頗媚好與生童穉無嫌親愛甚至甲夫婦有姪其從姑意招生至家與其子濟同塾濟頑而生穎師每揚生而抑濟濟心忌之無何生母病篤邀甲夫婦至其室託以藐孤

野語四

且訂姻盟舉所有貲付甲曰此子材惟汝德不材亦惟汝怨甲涕泣而諾之未幾生母卒玲孀孤露惟舅是賴甲為之治喪既殯乃攜甥以歸念其子有心計而弗善讀甥尙稚成就非易遂不復延師以譚氏貲設一小肆俾甥若子習質其間生勤苦不懈舉無遺策數年齒漸長業日以昌然有利則濟掠其美有過必諉之於生蓋甲陰有乾沒意濟與所善盧氏子復浸潤之相待苛細生弗能堪然引嫌不時至內室甲他出媪因事召生始以所苦泣告媪媪雖曲為排解

窺夫與子之隱心弗善也女聞之憤告母曰譚兄非長貧賤者何局促曠下為生會意乃訂約請去不別舅而行先是隣有州同盧乙以貲雄於鄉恣睢不法豔女美納交於甲知女與生有婚約思中傷之恆媒孽其短且炫已長甲心移已久故生之去置不問至是盧探生耗無所得微示濟以慕女意濟羨其豪富欲為繫援慨任之逾年忽造蜚語傳生死媪母女悲痛欲絕尋以所傳凶耗言人人殊女不能無疑屬媪密囑之則蹇修方為盧氏求婚甲不待辭畢慨然許

野語四

二

諾秘不以告媪媪將詰之女不可曰盧氏子無良激之必生他變且譚兄約必不爽如其爽也兒亦有以自處矣遂止會盧訟繫久不違議娶忽一日生輕舟達韓所衣裝頗飭甲父子陽若歡慰情殊不治亦不詰所棲託繼見媪則涕泗交頤不能出一語生勉慰之次早即治具掃先壘且探媪姑數日未返甲與濟謀曰初意彼作溝中瘠今復來將奈何濟曰妹已字盧欲悔則勢有不敵欲嫁則奩贈無出今譚裝貲小裕不如鳩譚死沒其貲備奩有餘是一舉兩得也甲

領之姑以語嘗媪媪曰若姊彌留時舉所有畀若以藐孤託若將望若卵翼之乎抑望若魚肉之乎不特此也甥雖宗戚寥寥卽其親姑媼而悍能秘不使聞乎抑彼能默默乎甲曰奈女已別字何媪曰惟責其不別而去告以別字償其貲俾另聘事猶可解甲初猶忍受聞償貲一語正中所忌遂相勃谿濟亟勸父出密告曰事未行先反目彼聞之是教之備也盍設宴相款置鴆於酒而斃之母見人死不能復生卽惟父所爲矣甲許諾遂借出市物媼竊聽得其詳俟生

野語四

三

歸泣述前事並以密謀告促使遁生驚怖失措踉蹌欲行女趨出牽生裾泣曰兄去我安歸願先死以明不二媪窘甚乃曰速趣裝女亦從甥去耳於是買舟偕遁入夜甲返始知謀乘夜刦諸途濟曰孤男室女不能遠適此去必投其姑所父子遂懷刃追之稔生姑素悍中途相戒毋孟浪抵門伏聽喃喃有聲以爲生女在是矣急扣門門啓而入則惟生姑一人問生女所在姑茫然不知內外搜索一無踪影惟米柜鍵鎖甚固欲啓之姑曰吾養老金悉在是若啓柜吾卽

以盜刦鳴四鄰濟聞柜有金頓萌貪念乃出刃擬姑面曰鳴卽殺汝姑戰慄不復聲遂與甲昇柜而去以爲縱不得人必且得金疾馳抵家啓其鍵果一人在焉視之乃僧已自經死矣父子駭絕不知所爲計返之棄之皆不便乃以所備壽棺斂之揚言女急病死爲位而哭且訃盧俟首七延僧齋薦而殯藉拵女遁之跡盧微聞女事意棺必無屍屆期預伏羽黨於外自往弔奠告甲曰令媛猝死無左驗吾甘承開棺罪將啓視之方爭辯間羽黨擁而入斧鑿交下剗然棺

野語四

四

啓則光頭屍也修齋僧隨衆視屍認係其當家僧某逸去已八日矣僧以謀殺告官盧復以殺姦匿女告官驗僧屍死于勒而端委無由得竟械甲父子酷掠之稍吐昇柜得屍始末亟拘譚姑對簿已不知所之不得已以疑獄讞甲父子囚繫待質久之濟瘳斃甲尋以老疾保釋其家自遭訟後貲產蕩然其媪雖有人迎去亦不知所往甲困厄以終盧尋以他罪遣戍道出秦中某邑令點驗鎖鑰鬆細杖之百易巨錄而行仰觀堂上邑宰則當日韓肆之譚生也初譚之出

肆惘惘無所適姑附載達維揚資斧已竭遇父執某憫其窮薦與所善譚翁翁故西商不善治生業日落得生佐之樸勤從事商業復振由是委任益專翁無子詢生家世本遠族遂養爲子將聘婦生以已聘對因治任返里就婚既抵韓情文不屬不復述所遇其載女行也先詣姑所訴顛末且請與偕姑度韓必追亟令解維待於三里外生甫去而所私之僧適至纔數語忽扣門甚急倉猝藏僧于柜迨韓昇柜去知私事發卽馳登生舟相將渡江後事不復聞問女既于

野語四

五

歸頗得翁姑歡心未幾譚翁以生名捐輸議敘州佐分陝權縣事適盧程遞過其地小懲之以洩忿遣人訪韓迎媪歸女始知父坐繫密爲營謀得解後生考滿終養歸不復出女生二子一歸宗一爲翁後云語曰人之無良乃有如韓者乎所利幾何視藐孤若深讐視糞壤若泰山何其忍且謬哉然使韓以常情遇生不過一市井小夫已耳安所得非常奇遇席豐處厚乎則其害之也謂之愛之也亦宜

花面僧

花面僧者吳人故梨園丑色嘗投甌江名班班尙藝

械用鍊其船偶泊湖渚地甚曠惟與一客船隣夜半客船遇盜呼救其班內生色藝最高提馬叉躍而過同班從之與羣盜鬪盜寡而班衆勢不敵盜皆負傷一盜被叉垂斃他盜負之遁惟馬叉爲盜攜去咸不爲意久之在鄉鎮演劇有三人聘演社戲五晝夜價倍于常以百金爲定班主以僻遠難之其二人先歸留一人引路如期而往乃瀕海一小村落居民數十家茅茨星散無市集惟木橋通出入臺設社廟前廟

野語四

六

小且荒陋不能容班衆或二或三分寓各家晝夜登臺演至第五日俟晚劇畢行告歸矣夜未半花面與花旦二人已無正戲歸寓將寢其家男婦皆未返惟一女郎頗丰韻見之不避二人者一美姿首一善調笑託故與語挑以游詞女若不知無怒容二人逡巡入其室將狎之女忽正色曰死在瞬息尙相戲耶二人駭然詰之則曰某年月日船宿湖渚有諸曰有隣船遇盜班衆赴救有諸曰有義傷一盜有諸亦曰有問班失何物乃曰惟失一义女曰若輩之命皆喪於

是父也二人驚疑不解所謂女曰此閒居人皆巨盜無一良民吾漁人女亦被劫來偷生此閒父母皆不知無由出樊籠習聞諸盜迹湖渚行劫遭戲班父死一人獲其錢父上有班名徧訪是班率演于城市無可復讐乃重餌誘之來臺下預儲硫磺焰硝俟戲將畢即擲火必全班灰燼即逸去橋已抽斷不令獨生吾欲縱若二人冀傳語老父故不避瓜李嫌耳遂引上高處望臺下則人挾一炬矣二人泣跪求計女曰北行橋斷處是往來大河惟鳧水可渡傍岸東行三

野語四

七

十里有漁寮內老叟眇一目者是吾父囑擢小船來夜釣橋畔吾可乘閒登船歸矣但縱若去盜必致詰昨觀千里駒劇可效之將吾細縛于室即不疑吾縱矣二人如教縛之而逸抵大河畔橋果斷乃謀曰鳧水非所長縱溺死亦勝於烈燄正遑遑閒望見大艦揚帆來乃撲水呼救其船落帆拯之達於彼岸而去二人乘夜東行天方曙果遇眇漁具以告眇漁曰此蔡牽黨羽翼衆多不可搜吾得聞載女歸亦他徙矣飯以脫粟而別二人丐於道遇官僕某與旦有素

且去解衣衣之薦於其主遂大任用花面亦賴其周恤且後送其主北返所乘官舫舟子有眷屬即眇漁也詢之云羣盜因李帥勦捕急遁入海惟女與龔媪在巢伊托賣魚訪之見其女暗約乘夜登船而逸女行時攫有盜貨遂挈家順流下舍舟至浙西別購內河巨舫操舟為業虎口餘生重逢話舊父女喜甚即招旦為贅婿焉花面自遭難後厭棄故業投荅上為僧庚寅秋余與遇雖髣髴髮披緇而詎諧有故態歷歷自述如此

野語四

八

癡惡

余道經錫之石觀音堂舟子言其地有農氓自幼締姻隣村無何父母相繼逝遺一妹力耕撫之無餘蓄以故弱冠未娶道光初元妹年十五矣謂兄曰中饋無人宜早為計農曰如羔雁未具何妹曰妹質於人為婢廉其直已足辦此農不可則又曰承先大事質妹小過且得貲易贖庸何傷農乃無言會納租於田主田主託以覓婢農曰買婢絕少如典質即身妹其可問價止求二十金惟不論年限價到即贖田主知

農懸議遂定約期送妹得金以歸備禮娶婦障紗既
啟初與新婦交語婦方坐帳中因室無他人問曰小
姑安在農慚沮無以答婦疑更頻詰之以實告婦曰
質妹以娶妻親串不以郎齒數烏乎可幸價止二十
猶可爲計箱有紡績貲十餘金加之釵飾足以贖之
亟取以付農令速往贖歸以掩典質之跡農匆匆攜
貲去告田主曰質妹本以娶婦今新婦耻其事出所
有願贖第爲時未久遽請贖無以對主人主曰汝婦
賢若此吾靳贖是不仁矣乃收金返券以夜深女行

野語四

九

路不傾留農宿次早遣歸主家有比隣某甲素無行
論婦姿貌聞農述其事知其室無他人而婦與新郎
不相習可冒之乘夜往扣門入婦果不能辨第詰贖
小姑事何若甲僞曰金小不足明日須再攜衣物去
可矣婦知事垂成遂相安共寢黎明甲索衣裙數事
負之去日午農偕妹歸婦見農衣履狀貌與夜來者
迥別農更道田主盛德慨諾并留宿狀婦訝然知爲
匪人所証慘戚無言托故掩其戶良久兄妹呼之不
應排闥入已雉經死百方解救已無及咸傷痛惋惜

而不解其故農赴市購棺忽天地晦冥移時開霽喧
傳橋畔武廟前跪一無頭人手握衣包農隨衆往觀
他人取包不釋農到包遂落視之則其新婦衣也覓
其頭在周將軍神像前識爲田主隣人神刀儼然有
血漬遂攜衣歸其婦已甦猶不能言惟泣然流涕不
願生問其妹曰吾一人守屍天忽陰暗正駭懼間異
香撲鼻嫂屍忽作一嚏眇之目微動喉際有聲矣母
家戚里共來省視慰之曰若心跡天神昭鑒必有後
福毋自苦也農與妹尤敬憐之防視無閒得不死

野語四

十

語曰神示顯應記載恆有乃至刀截其頭母乃傳者
之妄然余閱袁簡齋新齊諧內有莆田冤獄一則福
泉二府在城隍廟審訊仍照原擬定罪牽犯出廟忽
雨泥卓隸移前以兩挺夾义人不能過于是重鞠冤
遂白夫神能祛就戮之冤囚何難決貪淫之巨惡蓋
非常之寃始有非常之應神若曰不如是不足以警
愚頑常如是轉無以彰國憲此所以世不多見也歟

雷殛

同里吳刺史敬任高郵道光庚寅夏有籤發候補守

攜眷赴粵船出州境抵湖畔風雨猝至雷電交作守
出艙急呼停泊忽疾雷一聲其妻跪中艙被擊死僕
婦趨出鳴告守在船頭木立不動眎之亦震死矣船
戶赴州呈報刺史往驗鞫其家屬老僕曰主人在都
當差無甚過犯以捐升知府相隨服役至此不知其
他正窮詰問其家遺急足追至言守母于旬日前投
纒死僕始吐實云主母事姑不以禮食以草具而自
奉豐腆稍不如意詬譟隨之太夫人仁弱啜泣而已
主人畏外家強盛不之禁追籤發粵東太夫人欲隨

野語四

十二

任就養主母不許陰令主人先出不告而行太夫人
想由不得隨任憤鬱捐生云

陳海虹

陳海虹不詳其里貫挈眷客津門與士大夫游僮僕
任俠腹笥淹洽名下士洎貴公子咸樂與之交無貴
賤稱為陳先生禮以上賓花天酒地譚藝聯吟座中
無海虹不樂也僦居蕭曠花木盈圍精廬數楹尊葵
充叔房權畜畫眉甚多暇日無他嗜好時與人鬪鳥
為戲當道耳其名間與往還吐詞爾雅語不及私當

道尤器敬之其妻姱容皓齒若不勝衣而舉止安閒
無顧影羞縮態諸紳眷屬爭慕其名香輿迎候殆無
虛日津地有九河七十二沽夙稱殷庶是時城鄉盜
竊頻聞而陳妻所過之家其夜必遭胙篋人以為適
然耳邑令檄捕者偵緝杳無端緒答比綦酷捕者無
計偶蹀躞城畔有梟徒二荷校城關謂捕曰此盜吾
輩微知之請相告當釋我捕詰其人則曰所謂陳先
生者捕曰此巨室上賓為本官尊禮且措大僑居詎
為暴客稟白不信徒取責耳遂去逾兩旬催比倍前

野語四

十三

諸捕家室並繫獄益憂迫無聊姑復詰之梟徒梟徒
曰吾輩繫此久出入之人半已面熟獨陳先生每晨
歸自城外必有所攜但見其入而未嘗見其出是以
疑之捕者恍惚陳妻所到之家往往遭竊當非厚誣
念陳技若此一無左驗烏可輕舉惟其鬪畫眉初不
擇人姑借端嘗之於是購得佳畫眉一暗約百餘人
散伏舍外急叩其門將俟其出恫喝之陳從容出問
意殊問暇捕不得已以鬪鳥請陳曰倉猝扣門同行
甚布豈為角戲者耶然吾一身非君等所得近顧不

可相累容部分家事從君等自投耳語次其妻已作
急裝出謂陳曰爾身之外無已物焉用部分爲君既
自投我亦從此逝矣奮然一躍如健鶻搏雲瞬息不
見衆皆咋舌兢兢擁陳抵津解邑令故與陳有素至
是升堂鞠之方慮其寃陳則曰城鄉大姓所失悉某
一人之爲所居皮藏殆半餘以自濟濟人倘念一日
之雅第執法洽某一人勿累無辜受賜已多今日若
具雋才何獨樂此陳曰某深惡多藏而吝與稅夷而
心跖者補抹無術故不惜自污至此人各有心勿煩

野語四

十三

過慮迺置諸獄令細按諸牘幸無強劫者讞遂定歷
諸臺無異詞陳依例遣戍適道逢 赦令告守者曰
吾之不逆爲津令與諸君耳今邀寬典諸君已免深
累請從此辭卽委械於地一舉足飛塵全起日色爲
之失明遂不知所之次年津士入都鄉閩中秋之夕
次第終場而出陳忽候於轅外邀往其家從者卽爲
之攜具先後導引凡邀三十餘人皆在津所厚者至
所居其妻迎之曰良人荷諸賢垂盼雅意久不報屈
臨盤桓俟榜後稍將敬意衆皆志忝擬謙請去其妻

日必不相累如其累也去亦無濟衆不得已安之供
且豐贍居處靜適惟陳久不返旣揭曉或捷或否歸
計益亟是夕忽有自簷端飄墮者通身衣黑手提巨
囊抵地無聲跡之陳也曰囊中黃白值萬計藏者爲
不義之財取者爲報義之舉勿却也乃啟囊分贈且
曰車騎已駕不暇唱渭城矣衆紛紛去其妻已先逸
次日傳某達官府中被盜九門掩捕甚急陳忽自投
京兆府供狀云某一人所竊他無羽翼京尹啟達官
入告得報決不待時乃縛赴市曹行就戮矣陳忽曰

野語四

十四

重勞諸公容圖後會目光如電觀者愕眙身一躍
縛索委地踪跡已杳達官懼他禍匿不以聞未幾墨
敗不知究竟

矮奴

世爵和公 世太 其先勛業甚隆家藏

賜物甚夥有洋錶時表一對亦

先朝所賜其聲甚洪不銹不敝公寶之恆置牀頭以
誌入

朝時刻一日晨起兩表俱失遍索不得告之五城

而甚急迄無影響偶日午伏案假寐恍惚間有矮奴
當前請安短小精悍目所未識問汝何人來何事奴
奉兩表呈上曰曩從先公借表多次皆荷優容前
月從爺借表未荷明察追捕甚嚴不敢歸璧今得閒
呈上乞恕不告之罪公雖喜表歸而其人踪跡奇詭
疑為刺客者流未敢窮詰奴又曰遠來苦餒乞賞烏
叉梳酒以解調饑烏叉者都中呼篋肩也公賜之酒
及烏叉一具不足又加賜其三奴叩謝跪一足且飲
且嘆須臾都盡復問公可有後命公未得其指姑倉

野語四

十五

無有奴悵然復謝躬身趨而去

語曰嘗讀宋景濂記鄧伯翊謁德王事未嘗不掩卷
歎息若矮奴者材具未必如鄧然借表求食亟亟自
試其心良苦苟用得其當必有可觀公豈未喻其指
哉蓋承平日久中外又安雖有伯翊亦無可表見而
况於奴乎

李公奴

編竹李雨村閣學宮京師去家萬里欲寄清俸而難
其人一點奴窺主意銳身請行不得已遣之家言外

惟附書兩篋奴本懷怯逃意顧書無所用妄念遂息
既至公子啟篋出金葉於書篋中奴爽然若失

楚生

吳企延江左名宿棘闈屢躓其志不衰赴試金陵頭
場首藝已竣隣號有操楚音者對酒吟太白詩其聲
聒耳文思為之不屬將加譙讓微窺其人丰采甚都
氣軒軒舉不敢造次乃出號欵曲知其先吳產而僑
居楚南者三藝已脫稿騰真矣特試律未就索閱吳
作擊節歎賞轉以已卷示吳三藝皆俊拔不羣因謂

野語四

十六

吳曰君藝得此冠神髓不矜才不使氣允為正宗鄙
作萬萬不及然操文柄者未嘗得此中三昧浮豔奪
目即可弋獲君雖功深養到奈非近時花樣何吳必
服其論而楚生雅重其學約場後幸相遇從乃各敘
所事而出既終場楚生過訪見其旅居歎溢即邀與
共寓服食豐贍談論超曠二人恨相見晚迄榜發楚
生得經魁意殊愴然吳報罷倉皇作歸計楚生日君
固硯食者僕將赴禮闈家有豚子二不暇親教欲屈
駕設絳寒舍訓以理法幸弗棄吳秋風毳毼計亦良

得特以道遠難之楚生言傲居雖遠然家問逐月可
通無異近地吳重違其意毅然允之臨行舟楫儲備
甚備付以一函曰家止拙婦一切已詳書中鄭重而
別吳於是沂江渡湖達楚南憑函上所載里居徧訪
無知者正彷徨閒有髯奴問曰君得非吳姓號企延
者乎吳答良是問何繇知則曰主人有書來恐初至
途梗命奴祇候已經旬矣卽爲之具輿進行竟日轉
側密箚開瞥瞻嶂色干霄溪聲瀉月疎林掩映中有
甲第一區丹楹霞烘粉垣雪積極峻邃蕭爽之致奴

野語四

十七

已先驅明燈肅候登其堂陳設古雅多目所未覩設
齋西廂几案精好圖書插架餽饌醇醪咄嗟羅列奴
言中途勞動盍早休息詰朝內主人出堂相見丰神
莊雅無世俗脂粉氣但云良人在遠琴劍屈臨勿以
輜裘爲罪翩然返闕見其二十年才十四五俊邁無
倫制舉之學已斐然成章執經問難如響斯應館饌
精腆敬禮備至吳遂安之閱數旬髯奴述內主人意
歲聿云暮請寄家書兼問束脩之數吳但需五十金
奴遂巡報曰數千里致書老耄者何足濟主命餽二

野語 卷四

百金吳喜甚如數作書交奴覓寄甫三日奴曰書銀
已達尊邸匆遽未得報書因道吳第宅曲折泊上下
男婦狀貌甚悉吳訝其速而所述不謬疑信相參姑
置之旣而楚生捷南宮入詞館寓書於吳云倖獲一
第益增我輩登科之感且虞鹿野性不堪久踏輦紅
秋期假旋方圖暢敘幸勿舍去無何吳以嫁女期迫
意欲暫歸慮爽約言猶未發髯奴忽告曰昨主人書
來命奴送賻資五百金到宅第給函書母作歸計吳
怪其預知遂以書付奴金附函外囑取報書爲信三

野語四

十八

日奴返言奴親往抵宅時方午夜夫人將就寢不敢
索書但得隻履爲信吳益疑駭然繙履良符而主意
優渥未敢致詰未幾楚生歸各道契闊知二子所業
悉就繩墨相得甚歡至歲晚吳告辭楚生知不可留
盛筵祖餞贈豐厚訂於來歲中秋必當造訪幸勿
他出吳謹誌之於是復遣髯奴導輿至故處視登舟
然後去順流而下歲暮始達亟問婦兩番信銀到家
景狀婦曰昨歲正深懸盼一日早起忽牀頭得書一
封白金二百書跡無僞但不知何自而來頗爲疑訝

五九

秋閒嫁女期迫無所為計其夕三鼓方解履就寢微
開窻上有聲視之得朱篋一具內藏君書並銀五百
盼鸞閣忽失繡履一勾事絕詭異不敢告人未諗君
栖託何等日夕憂念吳具述所遇共相歎異至中秋
節吳潔具以待至更深屬妻先寢獨坐良久月斜斗
轉杳無音耗甫憑几假寐忽窗際閃光如電急出戶
視之果係楚生已反身將去矣吳邀之則曰僕與君
交道不薄何不能稍待須臾耶吳引咎追挽相距十
步許追數里迄不可卽至遠郊楚生日我行速追之

野語四

一九

無益盍歸誦毛詩乎一拱手閒卽烟霧蒼茫瞬息不
見悵惘而返不知誦毛詩何義歸見牀頭具兼金三
百旁置小函其封三緘啟之裏七首一光熒熒欲躍
吳生駭極知囑其謹言終身不敢向人道吳歿其子
孫始稍稍言之故楚生姓氏無攷
語曰異哉楚生殆劍俠之流歟然劍俠雖往來塵世
不聞有厠身矮屋入金門上玉堂者豈今昔殊趣耶
抑特爲毛樵子吐氣耶古人云得一知己可以不恨
若吳生者庶幾得之奈何守約不堅遂至失之交臂

人爲吳生惜吾爲得知己者戒焉

賭餌

江以南有首領攝縣令者攜眷赴任其妻乘四面玻
璃橋靚妝炫服望若天人令復年少謙抑與簿尉寅
恭甚協一日泛論風俗謂尉曰聞賭風甚盛聞閣不
免有諸尉曰甚於男子問何以知之則曰拙婦未能
免俗問與博戲令亦曰丙子雅好此閑置內宅獨居
頗苦願尊閭挈伴見臨破彼岑寂勿却也尉曰縣署
較尊紳眷不敢輕造若魚軒枉臨敝衙庶得兩便於

野語四

二十

是尉妻上謁治其相迂與宴者皆善博之紳眷也令
妻明眸脩態氣若芳蘭莊語諧詞皆可人意鬪葉意
錢諸戲事事皆精諸眷相見恨晚訂爲閨中密契時
或邀至其家博戲無閒夜以繼日往往更深而歸博
進不貲而諸紳方爲蓬華之光恬不爲怪一日大雪
博於某紳士家同局大負者以天明爲請令妻安之
遣僕婦返署稟白令忽大怒嚴鞫僕婦有何男子同
局調誑苟且之事僕婦力辯則硃籤遣幹役立拘其
妻械以歸不復相見欲拘同局紳眷禁迫諸紳窘甚

乞實文丞簿馳往緩頰令則已具牘檢舉請上臺委
員查辦贖將發矣衆請緩之令曰事固由溺愛起初
以閨閣遊戲大家且然未遂禁絕今夤夜不歸必有
帷薄之羞是可忍孰不可忍况所輸甚鉅無非官帑
吾思妻賄雖玷官常然視職之外無死法虧帑萬計
其譴至重斷不願舍輕就重也各官反命諸紳曰邑
宰以縱賄免官我輩豈能獨全情愿代完虧帑自贖
各官復詣縣達意令不信堅執如故諸紳復親至跪
請但求且解帑公贖遣役與某等偕即輦萬金至省

野語四

廿一

交役投解俟得符驗然後毀贖何如固請不已強而
後可數日符驗至令毀前贖猶休棄其妻立遣登舟
餘人不問紳眷有追送棄婦者雖惜別淒然無被
棄難堪之色令未幾謝事旋省囊裝頗裕即投牒引
疾去或揣其欲圖破鏡後邑人入省作秦淮狎邪遊
忽一妓引避貌與令之棄妻似密訪之則令素無家
室風聞其邑閨閣尚賭乃求得平康中擅色藝而善
博者充作官眷爲之餌所謀既遂厚酬放歸云噫令
亦黠矣哉

五袴之歌

南方勤劬務本惟日不足不能不繼之以夜蓋生齒
日繁正供素重不如是無以給朝夕也有有司莅湖
意欲禁賭且防鬱攸之患夜必親出巡察禁止往來
以夜賣食物所以濟賄遇卽答之百工籌燈夜作輒
扣門拽出當街答治于是起更後卽街衢寂然有肆
間更深會計燈火未息卽扣門拽肆主出將加答辱
肆主故士人也問何由得罪則曰犯火禁士人曰元
時曾有火禁高彥敬爲浙江行省知杭民藉手業以

野語四

廿二

供衣食禁火則小民屋狹夜作點燈必遮藏隱蔽多
致火患因弛其禁民賴以安人比之廉叔度吾侯豈
不聞乎有司茫無以應釋之去而性懷不能自克忽
一日照壁上揭一紙曰賢大夫治吾都答夜作民何
辜昔五袴今無襦
語曰聞是時城廂鼠竊甚多有捕獲者供狀云禁火
後夜無行人亦無守望故得肆志云然此公於惡丐
懲治甚嚴至今人猶誦之其善不可泯也

濠俗

明太祖與馬后皆崛起側微濠人多樂道之后既貴其族戚婦女結伴往朝恆召見無俗色臨遣人賜青布一端其人以出自上賜頂諸首為榮特宜障塵故北方多效之帝建中都於濠徙江浙富民十萬戶以實其地逃者有厲禁其民思歸不得歲負炊具作丐狀歸掃先塋相沿成俗今青黃不接猶負戴南行為常

野語四

廿三

野語五

伏虎道場行者編

語幻目次 并引

神仙鬼怪無地無之吾鄉如張確逐碧衣女晁紫芝聽踏波吟尤幽豔可喜嘗欲彙錄成帙而說部綦繁美不勝收茲就故老流傳與近時逸事涉於仙鬼者編輯成帙客中所得亦附之文雖蕪雜然以驅睡魔解宿醒立無不可語幻

道場塔 附萬魁塔 嚴宗伯

野語五 目次

沈宮詹 潘宮保

胡老相公 昭明妃

鰲井 白鬻

金婆寺 墜樓

晉關 林屋二女

周太太 少夫人

潘鞋源 朱法師

白大郎

野語五

語幻

道場塔

附萬魁塔

道場山在郡之離方主文明山雖高而不出眾鄉時無大魁者宋熙寧時有僧即山背建浮圖大觀後遂多延魁至今其塔巋然百里外即見之旁有古銀杏枝葉扶疎乾隆間塔為樹枝所侵日就頽圯鳩工脩葺欲芟其枝有老人曰樹年久上有神芟之且為害不如拽之使欹眾以樹大不能拽斥為謾語老人曰

野語五

姑繫以絙我能助力漫應之絙既繫百人拽之不能動尺寸老人引手且拽且誚曰諸少年何嬌弱也誚次樹已欹丈許老人忽不見塔自是無損 又城南碧浪湖中有小浮玉山歲久沙淤山形悉沒僅存數石上有浮圖名萬魁塔地亦不高而盛漲時水不至塔相傳其地能浮有塔湧狀元出沙浮宰相來之讖乾隆戊申塔頂為風折已酉禮閣無傷者郡紳亟修復舊觀迨後春秋兩榜掄元遂多考 殿元如唐天寶長興錢起宋大觀丑烏程賈安宅政

和未歸安何桌嘉定丑德清吳潛紹定丑歸安黃樓

明嘉靖丑烏程范應期萬歷戊烏程韓敬次仲

國朝康熙甲歸安嚴我斯存卷庚德清蔡起樽崑陽

戊德清蔡升元方麓乾隆卯歸安王以銜勿庵嘉慶

未歸安姚文田秋農

會元如康熙巳歸安孫見龍乾隆壬歸安孫辰東

運舟又乾隆卯歸安王以鋸德清侯健融

省元如明永樂配長興楊復嘉靖壬歸安施昱奇震

萬歷卯烏程沈演寄北卯烏程施堯化南卯烏程

野語五

馮銓

國朝順治戊卯烏程馮美玉康熙辛德清蔡彬子王家風

山公諱之達雍正午德清胡彥升卯德清徐爾夔乾

隆丙烏程高毓龍子德清許祖京庚歸安崔楹劑

嚴宗伯

嚴存菴先生少時假館儀鳳橋畔一夕天未明聞橋

上灑掃聲人問何尊神過而除道特虔掃者曰明日

五更入仙經此地先生密誌之次晚不寐人定後潛

赴橋上伺之時方秋杪皓月在天照橋石如爛銀人

聲寂然涼露侵袂久之不覺神思困倦倚橋欄假寐恍惚聞人語急張目視之則丐者成羣而過狀貌猥陋語言鄙俗醉態可憎後一人跛足荷擔若縫皮匠先生私數適八人遂疾趨迎之七人者去已遠惟跛丐踣跣不前先生抱其足弗釋跪求大仙指迷跛者曰我縫皮不能自給每從羣丐博一醉何所見而仙我先生不爲動懇益力聲淚俱下跛者爲所窘乃啟擔後桶示之桶大纔如斗內則汪洋若海渺無津涯巨浪蹴天魚龍出沒正錯愕間跛者舉擔力推曰真

野語五

三

嚴牛也桶與跛者俱杳先生歸默識之不爲外人道後捷於鄉康熙甲辰廷對第一由翰苑洊陞少宗伯一日

聖祖召對良久先生素魁偉拜起甚艱上命內侍扶掖笑曰真嚴牛也公悟仙語即乞骸骨歸時年五十九在籍食俸者十餘年將卒前夕夢至一山僧舍見座師房師及同年俱僧服公訝之座師曰寧忘却此地耶公忽悟曾曬鞋於堦視之尙未燥遂寤沒時口占一絕誤落人間七十年今朝重返舊林泉崧山

道侶來相訪笑指黃花白鶴前詩見尺五堂詩別暨吳寶崖曠園雜志

沈官詹

沈官詹諱三尊字尹賓居郡南竹墩村未第時偶靜坐齋次聞剝啄聲啟視則故縣隸某也具道本官檄召甚急先生不暇詳詢隨之行初無所異至府廟囑先生至茶寮小憩隸去頃之復至扶以行則道路皆非素習步履迅絕倏忽達一都會有官如王者居趣先生入至則一達官坐堂皇僚佐侍左右武士隸卒

野語五

四

數百列階下並本朝服色威儀甚肅若世之秋讞然隸扶先生從左入跪案前達官問曰汝參謀軍旅奈何勸主將殺降先生具陳身係歸安學諸生足跡未嘗出里閭無參謀事達官謂此人猶未悟命判啟之判導先生詣別室上下通明若水晶然初無門戶樑棟先生處其中不能稍展動而腹餒特甚願判已徑去號呼無應者先生澄神良久始知身在冥司循省生平若孩提若襁褓凡言動涉歷纖悉不遺久之忽悟前生爲故明某經畧參謀征西之役土賊數千

人詣軍門降經畧欲殺以邀功先生持不可草招撫
疏示之弗聽數千人者殲焉一念方覺室已存而判
適至先生私問殺降當得何罪判曰冥中無定律故
無所趨避定罪首重誅心故受者不敢怨即殺降而
論創亂元惡塗炭生靈窮賊歸命反側居心身雖誅
夷冥罰猶重其饑寒無賴匿跡綠林劫奪戕生積成
罪孽既降被戮罰足相償在不論不議之列亦有身
係良民迫於官吏逃叛苟延間命投誠未邀原宥橫
加誅戮此咎存主將許其他生報復處分殺降之案

野語五

五

大率類此先生悚然敬聽方欲再問已抵堂下遂引
謁達官問汝今悟乎對曰悟即命介士召某至赭衣
銀鑄憔悴無人色顏視先生在側即自承曰奉勅土
賊師老無功殺降掩罪誠出鄙意濶諉咎參謀者莫
緩須臾死耳判曰先生出階下私相賀俄見召諸降
人入或手提其頭或肢體分裂膿血淋漓腥穢四溢
啾啾嘈嘈不知作何語堂上宣傳遣沈歸判遂引付
前隸隸扶行如前約一時許忽將先生用力一推則
仰臥中堂家人環侍謂先生死經七日特胸溫未殞

云此康熙乙卯年事也是歲先生舉於鄉丙辰成進
士入詞林

潘宮保

宮保諱季馴明萬歷戊寅總河漕建六議曰塞決口
築堤防復牘壩創滾水壩止濬海工程寢開老黃之
議神宗悉允行初著河防一覽諸書大要以束清敵
貴以水治水爲法逾年工成自後數年河道無患至
今治河者奉爲法有司於袁浦建祠台祀公暨陳煊
稱陳潘二公祠方公之築高家堰也長堤六十餘里

野語五

六

堵築鞏固惟龍門十丈未合水勢湍急下埽輒隨流
去命用巨木排椿以殺水勢工垂成復壞費貲不下
數十萬遣善泗者入水探之少選輒血沫浮出又縛
豕於石沉之血沫如故公知有怪物伏匿夜禱於
武帝脫無效願以身殉公素奉 帝甚虔夜夢 帝
以石灰書醋字與之逮寤檄所屬儲石灰千石集工
所至二十一日酉時盡傾其處須臾波浪蹴天有物
如牛從龍門出正駭愕間波浪忽平一蛟頭浮水面
血腥若新斬者仰瞻雲際彷彿見 武帝容公知爲

神助伏地叩謝願自袁浦以達里門沿途立廟以答神貺至今淮揚蘇湖運河兩岸隔二三十里必有

武帝廟巍然對峙皆公建也所建廟以百計至郡城

北門之毘山麓而止蓋距公居止七里耳廟額楹帖

皆公親裁惟毘山一廟額因里門咫尺特為慎重粉

漆既竣無能題者一日正午村農裝笠耘於田忽棄

耜詣廟取聖具濡煤汁向匾上疾書曰漢壽亭侯廟

署欵乃 帝諱也書畢農遂仆灌救獲甦詢之農固

不識一丁者所斬蛟頭公攜回藏潘氏家廟其色黝

野語五

七

然視牛頭較大至今尚存取置室中能已瘞人多借

用潘氏子姓慮其遺失恆於蛟頭刮少屑與之亦效

公既樹績於河而吾鄉故澤國亦深賴公之力焉蒼

溪之水發源天目由城北趨太湖遇梅雨經旬輒暴

漲數丈城北市陌路溪流洄洑勢特浩瀚居民剪渡

者多覆溺公仿河工制建大橋亘三十餘丈凡九孔

鄉人稱為潘公橋云傳奇家悞以潘公事屬蔡端明

謂修洛陽橋遣役入海持醋字而反豈事有適相同

歟不然傳聞之譌也

鴻雪外史曰余祖孝侯除三害斬長橋下蛟世多稱

之然侯之大節在報國捐軀少年振厲於鄉乃其餘

事耳潘公築堤堵水至今數百年尚利賴之功業

爛然偉矣迺其成功獨在斬蛟而世多不傳何哉古

人云非常之人必有非常之事荆溪若溪後先輝映

矣

胡老相公

竹溪閣學沈度汪先生諱涵與少詹公三尊予告里

居伯仲讌娛與物無競遇風雅士必禮接之一日有

野語五

八

老儒通謁衣冠雅潔自稱胡姓其先武都人僑居弁

山之陽夙慕風采願托文酒交引與談吐屬敏給腹

筭賅洽鄉嫫二酉之秘莫不淹貫二公喜甚縱談忘

倦臨去伸後約詰其邸舍胡云山野寒儒僻居隘巷

不敢枉騶從暇時見憶但傳語召胡老相公某當自

至自是二公當酒邊花下岑寂無聊或選韻拈題構

思未愜輒呼請胡老相公胡瞬息即至心雖異之願

款洽已久胡復淹雅不俗不復詰所自來居久之唱

和積成卷軸又嘗從沈借書沈故富於書錦贖牙籤

縹緇插架二公自索一書恒檢尋累日而胡指借某書必云在某架第幾帙如其言百不失一胡攜去初未嘗持選第云某書已歸原處視之果然沈親申中有身居華廡者胡視之漠然或坎坷抑塞乃多方禮重間語休咎多驗不常言亦不盡言二公益敬愛之如是者三年康熙間

聖駕六巡浙江二公方赴武林迎 鑾趨裝有日矣胡忽具衣冠晉謁甚恭長跪乞援二公咸訝異并詰所求胡乞先允而後敢言二公度胡不妄干遂首肯

野語五

九

胡云身蹤跡無常貴人早知爲異類自蒙青盼涵詠詩書日與道近惟恨未見真主祇能爲魅而不能爲仙身苦脩數千年願附貴人一瞻

天顏俾證仙果語畢涕泗交頤若崩厥角二公重違其意然慮以是獲罪有難色胡云身所以不終於異類者以方寸耳脫自求遠舉陷貴人以大不敬仙道中豈容此負義之徒哉二公察其誠姑領之并問以迎 鑾之事乃曰甚吉是歲閣學公蒙

召見數次

命少詹公校定全唐詩在家食俸

恩賜御書華省二字并楹帖一幅胡言果驗二公歸

胡蹤跡杳然居年餘復至則形容枯槁二公爲之戚

然胡云所不憚重趼而來者感知己之恩報貴人壽

考蕃昌身亦證果有日也初余隨迎

聖駕途次百靈呵護不敢瞻覲一日少詹公蒙

召見潛身補服第二鈕問恭聞

聖主溫諭遂從衣隙仰觀

野語五

十

天顏爲 伏魔帝君察見卽時擒發省城隍勘問身備陳衷曲遂羈繫牒查待報始得上請以身勵志修道純篤無過惟潛身依附窺瞻

聖容罰遲證果五百年爲躁進之戒遂得重見天日

少詹公爲之歎惋胡云無害也人惟百歲難期故貴

早達旣得長生則千年如瞬息耳遂歡然道故竟日

而別後二公並享遐齡子姓科第筮仕如胡言其親

申中之爲胡禮重者並掇巍科云

昭明妃

那西三十里棲賢村即乎真所謂西塞山前也明萬
歷間村農鋤地忽淪然有聲異之復力墾露古磚磚
盡成洞深暗不可測掩以土夜緝而入燭之有宮一
區規製瑰麗中置朱棺飾以金碧旁設鼎彝器物悉
世所未觀農取一二事以出密售富室金盡復卜夜
入家賴以小康居二年無知之者里中惡少素與農
博農負輻償無少吝然農家不中賞往歲謀衣食如
不及至是業不加勤而服用較裕疑其盜也咸挾持
之農為所窘不能諱於是眾惡少各具畚鍤炬借

野語五

入爭取藏物黠者曰葬具若此棺以內可知遂斧棺
聞棺中嚶啞聲了了可辨曰吾葬此數百年旦夕可
仙去棺外恣若取中無長物勿露吾骸眾不願卒啟
之則嫣然一女子也珠冠象服狀若嬪妃指甲盤腰
際凡數市膚色瑩粹不異生人眾駭愕倉皇散去玉
魚金盃流落人間其地故多貴官塚有守塚某覲觀
未遂詐以盜發所守塚告其主控官邑宰袁公光宇
臨驗視係女其所控塚在左碑識彰彰可考已知其
詐然未稔女棺誰氏頗疑駭姑易棺殮之及昇去故

棺下有碑銘具載梁沈約女幼字太子統未婚夭亡
武帝憐之命以妃禮葬始知冢係昭明妃所葬公乃
懲惡少如律而追售餘物入官王徵君稭登有吳興
竹枝詞曰沈休文女昭明妃陵谷千年事已非盜發
墓門取寶玉生時花貌葬時衣寄園寄所寄暨沈氏
家乘並載此事語小異

任遜齋曰人之脩短有數不謂鬼之仙凡亦有數也
觀女自言旦夕可仙去而盜之見發乃適於其道之
將成而敗之豈靈香弄玉名在丹臺而女之名獨未

野語五

隸金母之籍耶可慨也夫

龍井

郡治子城西南有方井甚巨水清甘常滿俗呼為龍
魚井相傳漢季有沈公拜吳興太守挈眷赴任經揚
子江為恠所吞怪遂變沈貌之官治行揚屬吏役咸
憚之居三年家人無知者道士張道陵天師之初祖
也察江南妖氣甚熾物色至吳興值守出求見夫人
問太守公服官後有異於嗜昔否夫人云飲食言動
無異恒時惟四體漸豐喜易怒而已問嗜好有異

否夫人云曩時不喜澡浴自來此非浴不快需水特
多亦南土卑濕蒸鬱使然耳張曰得之矣異即在浴
也夫人伺守浴穴壁以針微窺之則一巨鼈竟體作
金色騰躍於浴池夫人大叫悶絕張疾入以冠簪刺
焉怪負簪逸去張逐之作法禁不得入水惟既失水
又被刺不能疾行仍作人形蹙躃弁山中投逆旅小
憇主人進索餅性啖之甫下咽即鐵索鎖腸大吼復
鼈形蓋逆旅乃張遣功曹所設也既就禽遂驅置井
中與鼈約俟井欄開花暨吾與沈太守復來乃許汝

野語五

十二

出故此井欄以方石天師不敢到太守無沈姓至今
吾鄉遇地震婦孺輒謂鼈魚潑刺焉按李鵠爲邵州
刺史挈家泛洞庭鼻衄爲江鼈所舐俄而復生一鵠
本身爲鼈制繫於水其家奉妖鼈就任道士葉靜能
過洞庭見之乃爲符書巨石上石即飛起空中鼈方
擁案晨衙爲巨石所壓乃復本形時張說爲岳州刺
史送鵠赴郡見李元獨異志又盛大監勛紹興初知
襄陽嘗獨居樓上命一老兵守其下榻前置大浴斛
取漢江水滿注其中老兵疑之乘勛晝寢登梯竊視

乃一大鯉魚金鱗頰鬣游泳斛中見潘永因宋稗類
鈔觀二說曰鼈曰鯉班班可考與吾鄉無與也何事
之適相類耶然道經謂天師張道陵漢建武十年正
月望生於天目山則得道後伏妖於桑梓之地未必
盡誣而齊書有吳興太守沈文季元周達觀誠齋雜
記亦見之是太守無沈姓祇俗說耳
語曰儒生未離本色謙尊而光恂恂如也一旦遭際
富貴往往龐然而大頤指氣使不可嚮邇豈鼈恠之
變相歟世有道德陵余爲之執鞭所欣慕焉

野語五

十四

白鬣

弁山之陰有白鬣能變形爲人日用皆取給人間常
遺其類混迹城市自稱百姓衣飾亦從白而變幻不
常人莫能辯識凡穀帛子女之屬有當意輒夜攝去
神其說者謂鬣主一方甘露有功於民故天譴不逮
其說益誕方鬣之攝物也白光如練起山中長可亘
天隨風蜿蜒漸近田舍羣羣有聲頃刻百里所過田
穀蠶繭皆敗人人寢卧者輒死春秋陰霾之夜鄉民
相率戒備至則羣起噪逐鉦鼓爆竹喧呼之聲一時

鼎沸余鄉居日習見之胡東野字慕郊郡之南鄉人妻卞氏頗丰韻琴瑟靜好觸白虹而孕遂名子曰霓生方四歲春夜卞卧兒樓上忽聞兒啼呼甚急卞趨視之兒已死有若匹練懸窗際兒聲猶自練中出生與家人全集練遂越窗去上入雲際猶隱隱聞啼聲久之乃沒舉兒屍竟體輕爽若尸解然卞思兒不置每登樓輒倚檻淚下矯首天際冀兒或一返如是者年餘一夕生先就寢卞卸妝徘徊忽白練從空來彷彿見霓生坐其上卞急呼生起視果霓生冠金冠衣

野語五

十五

錦綺嬉笑若生平卞以手曳練招之不下正惶急間練瞥入裏卞冉冉入雲去生號慟家人驚趨視卞體故在檻內撫之殭矣生痛悼欲絕神喪若狂遂棄家人山懸崖絕壑蹤跡殆遍冀一求故劍焉久之無所過一日投宿逆旅館人問何以至此生告之故猶慮聽聞不雅諱妻稱妹焉館人曰客得非姓胡耶問何以見知館人曰此間距蠶居甚邇其日用器具往往假之村人約期置崖畔送還往取輒得兼獲珍異故村民咸樂假之前歲有蒼頭奴言主人迎婦宴客假

器物特多村人願與燕賀奴領之及期奴果至延客詢主人聯姻何族奴曰非也主人向贅胡姓已生子茲迎婦歸耳迤邐行數里有甲第一區獸吻連雲重簷高拱儼然世家主人貌白晳衣儒服肅客甚恭賓朋雜沓廣筵列坐笙管嗷嘈不及通款曲各盡醉而歸以此疑君姓胡也生聞之驚喜次日問途往萬山重疊鳥道紆徊杳無人蹤窮探既久斜陽欲落虎嘯猿嗥聲振林谷四顧徬徨忽覩林際隱隱有燈光趨就之乃一園林內所懸天燈也急叩園扉一老嫗

野語五

十六

啟闕出詢客何來生云姓胡因探成迷路乞見納嫗云主人奉使外出不便留客惟夫人母氏胡得毋是君成耶生漫應良是令白之須臾嫗攜公子出迎呼生爲舅視之則霓生也以嫗故不便相詰俚俚以入歷修廊遂闕凡數重始達內寢妖婢十餘輩擁擁去人出繡襦明璫光耀奪目視之果卞也卞呼生爲兄生不得已亦以妹呼之錦茵對坐各敘睽離共相涕泗但婢妾滿前不暇及私語紅燈四照蓮漏遙聞傳餐對飲霓生依依膝下生有懷莫訴益以凄楚雖珍

錯滿前食不知味既撤饌婢妾漸散去生撫卞小語云伉儷覲面藐若山河言念昔情卿將何處我十揮涕答云非敢陌路蕭郎第自偶異類不貞之軀不敢復倚下陳耳惟續鸞之計已爲君籌之矣遂贈以黃豆合許送之歧路而別仰望山頂朝旭已升回視故處明白雲如練園第都杳懷中黃豆粲然皆金跟踰尋途而歸家賴小康逾年置妾生子入山重訪不復得路

語曰青蛙五通諸神妖而神者也今觀白鯨則神而

野語五

十七

妖矣不經孰甚焉然鯨本蛇屬乘天地之淫氣而生其爲妖也固直若婦者甘失身於蠶置藁砧於不顧尤無足齒數矣獨能以胡似續爲念贈金置妾差強人意明袁景文題李陵泣別圖詩云倘有交情數行淚西風吹上漢臣衣可爲此婦誦之

金婆寺

金婆者宋時人居儀鳳橋南委巷間酷酒爲業利極薄以酒精飼猪以售纔足自給有道者飲而甘之每飲輒賒其值數歲未嘗辭媿見其器宇非庸流亦不

與較一日道者曰貧道無錢請以酒償可乎婆領之道者遂以所攜劍掘一井井成泉湧則醇醪也曰聊以相報曠息失所在婆自是不復釀有酷者即汲泉應之而芳冽異常酷者益衆居三年家遂富道者又至婆款而謝之道者曰酒美乎婆曰美則美矣惟嫌猪無糟食耳道者既去井泉不復成酒回顧壁間有句云天高不算高人心第一高井水常酒賣還道猪無糟婆悔悟遂長齋奉佛以所積錢就其居建寺至今尙存余所聞金婆名寺之說如此近讀江盈科雪濤小說載王婆事畧同錢希言猶園又作桐廬縣事未知孰是

野語五

十八

墜樓

曹州司馬嚴棟林先生引疾歸里居蓮花莊其長女原配高出適高猶子也歲壬辰夏女適歸寧至暮小雨先生秉燭登樓收所貯藥物忽無風燭滅先生呼燈女亟捧燭而登將燭對點兩燭又俱滅先生恍惚聞衣物墜地聲繼配馮攜燈趨視則女已昏絕樓下衣裙盡濕如出水中急舁置卧榻語言惛恍裸身起

舞夫與子皆不識盡呼為孀哭泣叫號無所不至延醫診視無效有鄰婦欵門告曰此樓為揚州太守陳公詩舊居十年前間有婢墜樓死恐婢為祟病者云良是婢子孤魂困餒無轉生理借口宣告乞延尼誦金剛經三卷為超度馮曰先為若飽餐送入尼庵親聽唵經不尤勝耶病者應諾遂飭廚具膳未至病者曰肴用芥末婢子不能食奈何探之廚果然隨易之饌畢令姬引魂赴菴女即醒已八晝夜矣女云點燭時見牆上有手大如葵扇摸其面冷于冰旋及胸口

野語五

十九

則檐然矣未諭何由墜地衣裙何由濕也明年葆林先生流逝女後以子璐貴封太宜人年八十餘壽終沈巡棹先生言

晉闌

沈巡棹先生與戚嚴姓同居嚴夫婦相繼以瘵死其室扃閉堵以磚石終歲無敢入者時封翁遊山左太夫人臥疾先生與弟小如齒皆稚家有青衣名晉闌山左人年十四五凡啟閉執爨之事胥賴焉一日晉脫粟待春晉出借杵竟日不返懸帖鳴鑼蹤跡殆遍

卒無音耗疑其逸歸置之數日後小如晨起微聞嚴室有聲慮有鬼物太夫人以鼠耗解之先生密邀戚嚴坤燭持炬然炬啟鍵入四壁塵封蠅蟻在戶至胡梯畔有足跡相與登樓見一人倚牆負杵呆立則晉闌也痰涎流溢目眩不語先生以左手批其頰灌以薑湯移時稍甦詢之晉曰奉命借杵歸途經清遠橋有髯者衣繭袍挾使同行晉不允髯祛袂行止遂不能自由恍惚抵東牆外髯負之越牆達樓知為嚴室晉因欲借居嚴婦固弗許頃之嚴入取我手中杵盤

野語五

二十

舞與晉闌不勝遂遁去我遂昏昧無知忽右頰火熱始若夢悟

林屋二女

李生郡東五子澆人其地近太湖嘉慶乙丑歲生獨居一室年方總州泛覽稗乘於漢率洛浦之逢頗存遐想夜分忽有二女排闥入膚色瑩潔被服雅麗狀若天人自言家在林屋之陽與生有夙緣不憚險遠乘風渡湖相訪願為永好生知其異而愛其美不復窮詰所自遂與次第燕婉居然伉儷二女更番當夕

密意柔情左宜右有生神情恍恍如入蓬山惟其體
徧涼差異人類家人無知者經年餘生病瘵其叔寶
庭爲買舟赴吳門就醫將啟行忽失生所在寶意其
他舟先發姑往覘之抵醫士順雨田之門則生已診
視而出述願言疾不可爲不給方藥但令歸家靜養
待瘳而已寶淒然速令登舟來往人稠憐息復不見
寶略喪而還則生早已抵家卧床上矣寶始得其狀
倩人環視而生常咄咄與人語伴者無視也問之生
曰所遇二女長名瑤英已他去留齒幼者紺英侍疾

野語五

不復薦枕席矣月餘生病益篤氣息如絲家人爲製
衣衾殮具徹夜守之以待盡一日天方明生見瑤至
顏色甚悴手持紅丸一枚其大如棗進生吞之甘如
岸密四體融暢沉病頓減瑤乃曰嚮服役於東海夫
人塵心偶動與妹偕逃來此得遂良會不意郎質柔
脆遂至委頓兒聞願先生言度非藥石可爲瘳可也
慮採藥修煉七七日丹方成爲同輩如忌者舉發願
夫人仁慈付所部鞠問以魅人有罪無乖從一之義
特予寬典戒飭放歸今後郎宜珍重勿復縱欲重我

罪自是生病旋愈瑤又囑其婚娶生曰既獲仙者何
堪復近塵緣瑤曰不然兒姊妹不能爲郎似續計勿
慢也生遂聘富室女娶之合卺之夕瑤與紺常在左
右生爲別設一席款之衆無見者腹誹而已所居故
岑樓次日午後生返樓視新婦則瑟縮在地痰涎流
溢如染重疾二女在旁拊掌嬉笑生責之曰卿輩勸
我娶固美意也今新人未廟見輒作惡劇酸風太厲
何以堪此瑤曰兒輩侍君久未嘗敢稍肆今新人甫
入門君來不起立露富家女驕態故爲君制之新婦

野語五

旋如夢醒頗敦燕好年餘生子二女特愛憐之時以
鮮素糲食之二果皆產北地非湖鄉所有益奇之
無何生故貧自遇二女不復事生產重以完婚逋欠
索者盈門窘甚無以爲生謀於二女瑤曰君叔質於
汴君亦可往當得小康生遂趣裝行二女約三年爲
期勿久戀揮涕而別生既抵汴有戚吳容照販瓷器
於彼聘生掌出納頗得勤助力壬申之春逾三年矣
吳不聽歸生躊躇無計瞥見瑤翩然至告以爽約故
並詰紺何往瑤曰君之心跡兒固知之奈長日如年

叵耐殺人因與紺妹偕來行至清流關武廟前因妹道行尚淺為周將軍逐回吾再三哀之始得達此生以告吳吳乃別置一室俾生與女居之吳之姪貢琛者尚儻士也歸自武陟聞其異盛服而往求一見顏色瑤私謂生曰兒受夫人誠飭不敢復以色示人郎其辭之生如教而貢琛稱之以嫂執禮甚恭謂仙容不可得見願以微物見賜久黜不去若鄉俗鬪房者然旋見梁上墜一緇囊製作甚精中貯小箋一幅有字若詩句而字法甚異不可辨貢琛寶之次年吳遣

野語五

生歸未抵家之前夕其婦聞空中有人告曰郎君歸矣尚高卧不起乎婦悚然驚異凌晨方向家人述之而生已歎門矣歸衰小裕堪自給家居課子不復遠遊至今無恙其後瑤亦不時至嘗言與其妹復供役東海夫人三百年後當證仙果云

語曰諺有之貪花不死世間樂事無雙李生獨何脩而得此傳奇家演雷峯塔故事西湖志亦及之不可以常理度也惜碌碌凡夫三百年證果之言河清難俟願三百年後問斯語者於林屋之陽具區之側訪

之果有二女仙蹤否耶

周太太

廉使程公家城東之得名橋有女適杭郡陳孝廉陳以漕舟游陞天津衛挈眷附漕艘之任途次有一婦附舟往天津探親年約四十餘丰神嫺雅衣履精潔有大家風範自稱姓周人遂呼為周太太與程宜人晨夕盤桓甚相得願邀之食輒以病辭強之惟晷啖蔬果未嘗食烟火也性婉淑善雅謔宜人或盛怒遇周至輒解頰凡婢無不德之者艘偶停泊周必他往

野語五

廿四

俟久不返艘行居數日晨起周忽自其艙出自是人共疑之伺其出婢啟鍵視則牀帳依然行李外別無長物而雅潔特異於常無何周返意似不樂婢適汲水煮茶錯無故中裂宜人箠之審錯外實無點水取知有異遂無敢窺周寢者時公子慶生在襁褓偶啼周抱之即嬉笑問攜果物啖公子公子非周不樂也抵津周復常詣衛廨問安若親串然越數年陳以疾終宜人扶櫬南下倏見周在鄰艘宜人邀之同舟歡若平生周乞相依為終老計宜人以杭無舊業將欲

程而居而周蹤跡詭異慮不能安有難色周遂翩然去宜人抵湖之前夕有山東健婦頰而黑者詣程氏云伊主偕宜人將至請賃室以居程以素昧平生不之許迨宜人抵程甫寒暄畢周忽嚴妝從屏後出宜人以相習久不之怪程氏則不能無疑也周恒自斂不輕見人居數月無他異有程君者宜人之兄子也個儻好奇廉得其狀揚言曰此必狐也願一見而甘心焉是夕卧齋中若有人舉其榻迴旋一室傾側欲墮欲呼則噤不能聲晨起視之榻未嘗移尺寸程恚

野語五

廿五

甚嘗曰狐多魅男人吾附情種願與燕婉倘肯薦夕弗懼也晚自外歸見衾內似有人卧撫之甚温心以爲狐舉手入衾則糞穢盈握衾中皆人矢耳先是其族祀塘翁習太乙五雷正法能治妖符咒有奇驗程遭狐虐走訴之翁曰此狐未嘗魅人難以術制無已其禳之乎因設醮禮斗越三晝夜將成事賄周盛服詣壇下禮拜甚肅入與宜人留箋言別衆方傳視轉瞬已杳語曰狐貞靜若此而舉止復可人意倘與余遇當奉

爲良友惟恐其去之速惜程君以常狐遇之也雖然世無鍾期則流水高山知音誰是獨狐也乎哉

少夫人

郡城東門上有廟俗稱立竒太子其像乃美少年而太子之稱無考閱郡志載明正德間太守栗公諱却方莅湖值歲饑民待賑甚急而入奏待報非兩月不至其公子仗義慷慨任此役身負章疏馳驛詣闕則五晝夜而返民賴全活甚衆公子以勞傷死郡人肖像祀之乾隆壬辰年有某氏女年十四五丰神婉麗

野語五

廿六

觀劇城東過廟瞻視徘徊廡下歸忽作狂易疾向其母言我粟公子與汝女有宿緣將娶爲少夫人不汝辱也自是啼笑無時常若與人語蓬首垢面自詡靚粧衣不蔽體自誇炫飾防守稍懈輒望城東而奔稱公子與從迎我如是者半載其家百計禳之無效有戚某素勇敢憐女子之遭魅也曰粟公子功在萬民廟食百載豈肯崇良人女子必鬼物憑像爲妖約鄰里人十餘持梃往共毀像改塑文曲鎮之女疾遂瘥或問公子作何狀女雙頰輒紅暈焉

潘桂源

潘桂源者佐聖宮道士精法術少時如廁書符神將
倅至怒其褻以筆點頭頭潰人稱為潘爛頭嘗聞天
師至私與之戲江風迴旋天師船幾覆虞初新志及
諸小說家多載之余更聞有里人延潘設醮甚虔羽
流十餘人陳設華美諷經如鸞鳴書符若鳳舞浩則
敝衣草履涕唾交頤瘡痂膿血斑駁淋漓且時作詼
諧語不以醮事為意咸厭棄之日午往謁天師像眾
羽流衣錦衣貌甚恭鄙潘不與借潘在壇所戲吸視

野語五

廿七

池墨水向東北嘆之羽流在途忽遭驟雨著衣作墨
色錦服皆汚悟為潘所弄歸共訕之潘大笑曰衣既
汚不如焚却遂取投熾炭中眾錯愕且悲潘從火中
徐徐取出則黑色盡褪反增光艷其所服道袍極垢
敝不澣濯一日他出徒代取衣浣之忽雲從衣起空
際見神將數十躬身作謝狀而去潘歸忿然口我數
十年功行所積若以為垢膩耶潘後尸解相傳潘有
鍊符禱雨奇應歲久不知所在乾隆乙巳郡苦旱赤
地數百里老吏於郡庫得符守令奉之禱於金井洞

獲甘湖焉

朱法師

上清宮提點朱君郡人也居仙音院焚修乾隆乙巳
歸里省墓年七旬餘神采清朗道氣盎然時歲旱守
令延朱禱雨朱敬謝不敏然重違長官意曰姑盡吾
誠可乎乃設壇於天寧寺作法三晝夜無效觀者皆
竊笑朱乃搏一雞手裂其頭以雞口就盂水者三時
烈日方中忽片雲從東起須臾雨下土稍潤即開霽
人始奇之未語程岱莽曰晴雨在天水旱亦天數強

野語五

廿八

之以得罪特施小術以解嘲耳

白大郎

侯姓郡南富農女年及笄修潔自愛乾隆丁未春遣
嫁有期偶遊蘇臺歸經峴山側有白衣少年隨之行
女羞澀急歸抵家香汗沾洽告其母疑為遊春惡少
所尾姑置之入夜女進房則少年儼然在焉女大驚
斥其孟浪少年曰我前村白大郎與卿有夙緣遂得
邂逅孟浪之罪有甚於相迫者何相拒之甚隨近身
伸手為女解衣襦相偎倚女遂迷罔其家人無所見

也居二日女不飲不食常若與人言惡人窺視恒掩其門其母從窗隙闚之果有白衣少年抱女媼狎破扉掩執寂無所見惟女殭卧在床喃喃作孽語顏色憔悴療治無效而婚期已迫延巫者作法禳之巫入門安法像念經咒之次女即寂然日午巫持劍噴水布所謂天羅地網者女在室忽啞然笑曰吾以爲真有道法乃此等伎倆嚇鬼且不怕能捉我白大郎耶巫方伏地念念有詞女忽披髮疾趨至壇前跨巫者之背褫袴而溺其頸衆惶遽失次不能救溺已女即

野語五

廿九

以情動則曰若果爲仙必能致財寶今但損我什器竊我食物特小妖耳女無言其母還卧內見朱提槩然在床喜甚燭之則脩奩之錫錠也女在床吃吃而笑其家將遣人赴龍虎山延法師並議改婚期矣偶有獵者投宿其家獵犬隨之甫入門犬奮迅入女室咬然一聲銜一鼯鼠而出其大如狸則已斃矣女病遂瘥適女作嫁衣銀鼠先遭殘損即以鼯鼠皮足之如期出閣無他異

野語五

三十

余家猶服鼯鼠水紅襖山落精神信別樣風流也不數年余歸自西江則綠樹成陰無復曩時丰度爲之憮然

野語六

伏虎道場行者編

語幻目次

大仙樓

荔支

狐成神

榴花

如官

珠勒

償叙

崔生

異獸

神譚

冥攝

資土地

野語六 目次

厭勝三則

藏魂錄 附架刑

符童

盧姑

野語六

語幻

大仙樓

樓在楚南節署中塑一像金容道服由來已久有掃除宰司香火一日卒擁慧祝曰小人奉大仙特虔貧特甚仙果靈當有賜否則何仙為次日果於案間得錢二百自是有禱輒應為數悉微後將為子娶婦需十金已聯一錢會特緩不濟急乃焚香虔禱乞仙貸十金約期歸償次早於奩內如數得之遂告歸司閣

野語六

者房內忽失十金疑卒竊取將勾攝之忽夢一人如所塑仙狀告曰卒為子娶乞貸於我無以應其求汝十金無所用我取以貸之三月必償毋苦卒也事遂寢卒聞之屆期償金聞者不受於是仙樓香火益盛中丞初莅必牲醴親祭乾隆間某中丞莅任吏以故事請中丞曰吾奉 命秉鉞是邦巫覡淫祀將申祭安可以身先之矧吾官二品祭拜之禮仙豈能享乎遂已居月餘司印僕開箱取印忽無有僕涕泣奔告惟求以死塞責中丞亟命局隸門許入不許出內外

上下房舍詳悉搜檢并竈園溷罔弗遍三日無所得
或言公獨不祭大仙恐仙戲之盍姑祭乎中丞計無
所出勉徇其請登樓行禮祝曰今日果獲印香火弗
替過此必燬像拆樓以絕妖妄祝畢卽往賓館商奏
報道經西廳廳前有荷池固日夕往來不絕處也忽
僕從喧曰荷葉上閃閃者何物急視之則銀章一顆
端然在上遂得之凡巡撫銀關防例重八十兩非亭
亭者所能勝由是中丞亦敬仙無異詞辛亥歲元和
姜杜薊官保巡撫楚南 王事勤勞忽疽發於項日

野語六

二

以增劇首府薦一僧診治謂須刀割去其毒方伯薦
一醫謂須投峻劑內消持論水火無所適從維時公
子纔六齡夫人乃書三闕一僧一醫一無字命公子
禱於仙拈得無字闕以告公以爲不治之兆姑置之
是夜夢有神抉疽去次日腫消其病若失無何夫人
又病亦禱仙有奇驗夫人乃潔牲登樓祀謝禮拜之
頃見祭品魚上若堆糟然呼廚役唯呵廚役以鮮魚
辯取視之則魚僅存骨所堆乃魚屑也有記室某孝
廉遊於苑中見蒙戎者過其前戲擊之將返齋見門

徑悉堆瓦礫迷罔不得入他人一無所見嚮之掃除
卒曰得毋歸罪大仙乎盍禱諸其僕亟登樓剔角孝
廉豁如夢醒此姜聽珂別駕言別駕卽當日六齡公
子也

荔支

余嘗客於靈璧友人示余一荔支殼閒鏤小孔若古
錢樣而中無瓤核余詰所自來言有張王二生靈璧
農家子也鄰村相善乾隆乙巳歲奇荒有江北流民
胡姓挈眷至其地張娶其一女曰芷香有殊色王豔

野語六

三

之居年餘芷香有妹蕊香未字屬張作養修王遂聘
焉及期則胡翁媪攜蕊至張所迎娶如禮而蕊尤妖
冶與王琴瑟甚篤閱兩歲矣無賴子或挑之女告王
王恚甚託他事毒毆之無賴子遂言王娶妖婦久必
爲害鳴鄉里將搖惑之王察蕊起居飲食不類恆人
且以貧家女而修潔特甚不能無疑也蕊覺遂與王
絕而飛瓦擲石晝夜不寧王計無所施乞哀於芷香
芷曰不費一金得如此佳婦信匪人輩語妄想作朱
翁子吾妹神人安用此薄倖郎哉張因請曲宥芷曰

郎既見疑妹緣已盡若求寧處須設筵演劇款吾戚族吾為若緩頰王謹受教乃於曠處結綵樓二施布幕張盛筵待之鉦鏡既沸觀者如雲忽人眾左右辟易中闌一路如有人入喉者然王惶遽跪道左以迎劇將畢眾辟易如前王跪送焉啟幄視之筵中蔬果已盡每座遺荔支二枚皆鏤小孔而無瓢核矣友親見其事因得其一云

狐成神

錫山尤生成章締姻滄州朱氏乾隆癸卯歲尤往就

野語六

四

婚與同里曹君偕行抵袁浦舍舟從陸逆旅主人延接慇懃與馬夙備言有滄州朱紳探知公等將到遣伴相迓不煩解囊尤以禮意過隆竊慮其悞然姓氏良符姑乘駕而行每至中火宿店主人必迎於道左所述與袁浦無異歷十餘程實至如歸欲致詢問而來伴迄未得見既抵滄謁其外舅陳謝供頓之惠外舅領之成禮後夫婦譙談女曰長途儲峙得弗患困乏否尤懔然問故始知朱第故有狐惟女見之乃三十許婦人舉止端淑無狐態言與女有夙契鍼綉翰

墨指示有法女稱之以母狐亦母道自居愛憐甚至女將嫁狐問奩其所缺將以為贈女告諸其父其父慮狐物必攝自他處屬女謝却狐曰介介乃爾我終歉然於心若並無珠勒敢以相貽即出自袖中製極精美珍珠數十其大如豆女拜受之又告女曰吾遣伴於路迎新郎郎與曹君偕來行將至矣故知之居無何狐常來與女談尤入亦不避但聞其聲而不見其貌尤密告女請以外母禮見女逃之狐弗許曰吾倘以色示人肯戀戀於閨中女伴耶其婉辭之一日

野語六

五

向女言別問何往則曰去此百餘里有村社新建孃孃廟吾往受此一方香火女訂期謁祀狐曰土偶無靈謁之無益若出身相見則驚駭愚俗且三生已定此別不過十年毋慙感也女方欲致詰驟然已杳後女舉二子一女癸丑年疾革告尤曰夢狐母與從迎我疾殆不起遂卒計之適十年三生已定者乃隱示胎數耳

語曰牝狐多魅男子為採補也是狐獨與閨秀善情誼兼至可謂出乎其類者矣有人如此已足起敬而

况於狐乎其獲香火之奉宜哉

榴花

陝西糧道署爲汾陽王故宅三之一規模宏敞有窪處俗名坑裏老屋數楹無人居處庭院空曠雖有花木以偏近蒲瀾無賞玩者嘉慶初元勒侯保過陝大府設優宴於道署有雛且某吳中人色藝冠其儔伍偶至窪畔小遺瞥見短扉內樹影搖撼一女郎手扳樹梢墜身而下朱衣翠裳光豔奪目且不審何等閨闈方將趨避女亟自內招之入引達一室繡幄綺疏

野語六

六

陳設精好有小炕藉以錦茵曳且並坐且自顧猥賤驚喜交戰女曰此前官別院妾爲前公子眷愛留居於此不意中匪人蜚語中道棄捐如永巷長門無人過問倘成燕好保無驚虞僕倚之頃濃香溫膩且心蕩甚猶強制未敢肆女曰君原後勁妾愛前茅旣丈夫而巾幗何妨巾幗而丈夫乎遂俯其下體以身就之且遂迷惘初且出衆優不爲意俄筵上傳呼侑酒無以應命倉皇稟白僉疑赴後庭之約觀察盛怒大索不獲衆僕冥搜至窪中空屋且乃仰臥塵炕上陰

精流溢氣息如絲鼻回灌救良久始甦備述其異觀察猶未深信後官親某洩於窪畔聞樹梢掃地作聲視之則榴花兩株左右自動俯仰若拱指狀大駭而返園丁云窪中榴最蕃茂嘗非時作花前官顧公子愛之移榻讀書其處夜分有朱衣女郎徘徊燈下姣好無儔公子遂爲所惑有老僕微窺之動以危言乃徙去始悟且所遇乃榴花之妖

如官

吳中呼雛姬爲姐官富商招之以侑酒閨門有某姐

野語六

七

官者色藝兼擅非重賞不輕出道光辛巳夏有豪客十餘輩飲於酒樓命酒保持番銀二枚招姐官至歌喉方轉舉座皆靡每一曲輒得番銀數枚姐官淺斟低倡曲盡其技酒保間得餘潤亦係番銀珍肴迭進嘉醴紛陳諸豪始而縱飲繼亦頽唐至更深其聲漸寂酒保登樓視之則姐官星眼朦朧倦而假寤惟揖者獨南面飲啖餘客都杳亟向髯問髯亦出窗而遁保疑爲妖人暴客者流遂呼店主起捕明燭局視則席間肴核依然悉就餞收番銀乃市間所行冥洋始

知諸豪客特羣鬼耳自是吳中疫厲盛行深秋方已
姐官暨酒保獨無恙

珠勒

姑蘇婁門外二塘橋有姑媳二人孀居婦欲再醮媪
以年耄倚婦為命未之許一日婦欲歸寧往返須二
日婦製炊餅二枚授媪而去既有尼踵門求施媪曰
龍鐘老婦食惟炊餅無可布施尼即求施餅媪不允
尼曰我非強求特心愛此餅途中拾得珠勒一條願
以相易媪以珠勒饑不可食為謝尼曉晤不已鄰婦

野語六

八

聞而趨視詢得其故見勒上珠大如豆乃曰一飯之
需吾能奉餉以二餅易此珍物何吝焉遂強持餅予
尼去留其勒次早婦歸問前餅食未媪告以故婦性
好妝束取勒視之綴巨珠以十數喜甚即戴諸額須
臾顏色慘變伏地旋轉化為巨龜惟雙鉤未化額上
珍珠已成黃豆而二餅依然在按鄰媪趨見其異將
餅拋棄適犬過食之顛蹶立斃始知婦置毒於餅謀
殺姑託言歸寧以卸責也聞者爭往視龜人持數錢
予媪媪賴以存活此辛已歲得自傳聞

償釵

蕪湖浮橋南有入官甲第一區局鍵有年嘉慶間委
員吳假作寓夏夜登樓納涼有敗草一叢命僕掃棄
遂飛磚擲石門戶自開火從箱柜中出食物衣飾瞬
息不見吳不勝其擾遷寓讓之擾如故山左張小海
太守權道篆聞其事乃手書殊示鈴以關防揭吳寓
吳眷屬步庭際忽室中有人呼曰償若物急入視之
寂無人案上有一紙裹典券一張銀十兩餘即遣僕
赴典贖取則常戴之金釵也不知何時失去核計子

野語六

九

本銀數適符自是怪絕

崔生

太原某公宰鄞邑其戚崔生為之理倉務一日崔飯
畢赴倉去其同鄉友武告人口吾知崔無甚過惡惜
不久將死矣眾詰之武曰昨夢太原故役某偕一人
在署外問何以至此曰有所勾攝且云奉差遠來資
斧匱乏乞少假貸閱其硃檄崔名在焉問同行何人
則本地所加役也面甚熟身衣藍袍黑褂帶繫皮烟
囊醒後思之太原役死已久必陰司所遣故疑崔將

死耳眾囑勿告崔崔出入如常越三日忽患感冒尙
輕又數日始臥牀不能起便旋須人扶持矣武室與
崔並常視其疾夜半武於他所歸聞崔唱西皮調甚
高急視之崔在地向牀跪以手拊牀作按拍狀武遂
呼眾至昇之至牀則惛然罔覺矣不數日崔死眾歎
訝武憶夢中太原役有告貸語乃購冥鏹數提送至
城隍廟見廊下泥塑一役面貌及所衣藍袍黑褂皮
囊與夢中所見無異遂舉紙鏹祝而焚之

異獸

野語六

乙酉春桐城人傳有猛獸六七往來村落間凡遇幼
孩輒舐其兩頰去死者甚多村民皆稱爲虎晝夜防
範有見者大僅如驢焦黃色人以金鼓火爆驅之獸
卽作威毛蒙茸起大逾水牯徐徐而去實非虎也有
司檄獵戶搜捕僅斃其一臭穢難近餘獸逃往潯太
山中其息稍息或言三月初有僧七人渡江北抄化
皆披檀香色衣抵桐界化爲七獸余雖不信但聞東
軒主人逆累記載康熙乙丑正月有僧九人衣異色
衣從餘姚化緣入臨安於潛昌化盡爲虎與此事頗

同豈所傳不妄耶

神譏

松江城隍廟有內宮塑夫人像於室妝臺施柳成備
旁列女侍狀貌如生官媒值灑掃甚虔遊人不輕至
乾隆間有常熟錢君孳伴遊廟瞻仰內宮而返夜臥
官齋忽叫號痛楚同輩以爲夢魘隔房呼之良久始
甦泣曰適夢城隍神坐胡牀上呵其褻慢宮寢命隸
杖二十因而叫呼諸君相喚時神猶未去畏莫敢磨
今尙痛甚呌腿際青紫潰損與受杖無異眾悚懼遂

野語六

送之歸

句容民甲乙二人鄰居無猜偶因田界小忿互相訐
控屢和屢梗頻年不解嘉慶己未秋甲屬城隍廟東
廊乙寓西廊訊有日矣忽一人僂僕入廟若被鎖繫
者跪神前喃喃作對簿狀觀聽之人肩摩踵接所供
初不甚辨旋以一手反背一手自批其頰數十復供
云甲投身作詞圖厚謝增飾誣罔乙又投身作訴復
卸罪於甲後甲乙俱願息爭身慮訟解卽無所牟利
乃左右交煽故日久未結云云供畢卽伏地聲嘶如

受杖狀移時昏暈其家人馳至昇歸尋斃方跪供時
甲乙隨眾觀聽旋聞所供係為已訟且悉構煽始末
兩人感悔交至對神叩謝偕至縣庭請息和好如初
余友曹君言

武孝廉某公車赴都每日赴教場習騎射弓馬既嫻
人材出眾眾以待衛期之一夕夢神人告曰汝父德
不勝愆汝母入會場孝廉以夢境渺茫不之信習騎
如故馬忽逸墮地腦裂死

冥攝

野語六

浙人成生者於吳江娶得一文君越二年生之妹歸
寧在家忽婦之故夫魂附妹體操吳音責婦曰吾家
非窘苦又有子我死汝儘可苦守吾臨終何等哀託
乃骨肉未寒汝輒決意再醮遺孤無人撫育而歿宗
祀遂絕吾屢訴城隍神今準關提遣吾隨差來拘汝
差等因無本地城隍文檄未敢來吾故先來相告婦
默無一言成乃曰婦女再醮法所不禁吾明媒正娶
事非略取汝敢來崇請亦赴吾邑城隍廟理訴語未
畢妹即向外疾走成追之逕抵城隍神座下跪成焚

香叩稟歷述娶婦始末妹復作鬼語言婦棄孤再醮
致令絕嗣已控準本籍城隍神準其勾攝語甚悉又
作神語既已控準應聽汝本管神定讞呼鬼役某甲
論曰此吳縣某鬼魂交汝收管七日內交婦去遂作
鬼役應諾聲妹遂仆成亟呼醒之則曰吾何以來此
告以故茫然不知也遂扶掖而歸既抵家其婦復作
鬼役語曰我某名生前與君祖鄰居交好我充本縣
總頭役名頗著歿後僅在某名下充散役陰司非陽
世比艱苦特甚吾子阿大今復為本縣散役速為呼

野語六

十二

來既至則大加呵斥令其速退則否則拘汝去既而
曰吳縣神亦遣役來以吾故不敢相擾速設酒饌冥
鏹於門祭之成如教婦亦甦越三日成妹復作吳音
肆擾成復牽妹至廟則廟中道士趨出曰昨夜吾夢
神陞殿因君家事方盛怒君既復來速俯伏聽命成
與妹跪神前良久忽作神語曰吾許七日交汝婦何
復擾鬼置辨神遂呼掌責妹即兩手反交於背側面
向上若受責然復令前役押鬼回妹即醒而歸至第
六日薄暮婦病作漏三鼓死矣計已交七日之限時

嘉慶庚辰五月

瓷土地

城南橫塘陳姓者向於景德鎮販瓷為業因範瓷土地神翁媪像供奉於家一日有道士蓬首赤脚款門求施踞坐廳事傲睨無狀時陳買於外家惟妻及幼子叱之而去旋出扇門則瓷土地忽在院中令子捧入龕自是無晝夜時間拍案移椅聲土地忽內室忽門外屢捧入龕瞬息自移馴至夜半大門自啓而土地當門立雖不為大害而寢食不寧延術家禳禁迄

野語六

十四

無效里中與陳有卻者多言以瓷起家必以瓷破家如是者五閱月陳聞憤甚自景德回甫入門即舉土地碎之見有小黃紙畫硃符在神腹中遂投諸火自是寂然

厭勝

郡東舊家子好博家業蕩廢惟祖遺大廈以年久頽壞無售主生與婦臥牛衣中夜若有所聞輒技癢不可遏婦百計諫之弗聽一日生赴博場婦等燈夜積靜中間擲骰聲跡之其聲自梁間出婦梯而視梁有

孔中置一盞盃有散成么二三焉五鼓生返則嗒然

若喪復大負矣韓所有不能償乘婦寢將投繯婦固

假寐急起救之得不死詰其屢敗之由則色多么二

三也問色何若得贏生日大抵點多者勝惟么二三

最下婦曰胡不例行而逆施之生豁如夢醒遲明復

往顧室無長物婦裹一鏡與之懷至博所曰僕屢負

非現注不敢擾今從山妻乞得古鏡若再北以此質

金許可乎即指懷中鏡示之博者弗疑生如婦教約

以點少者勝博者如約入局生復多么二三屢獲全

野語六

十五

勝歷一晝夜夙通一清再戰則同人腰纏盡歸生案矣及歸探鏡還婦則一瓷甕底耳婦乃趣生視梁間益生始知向為厭勝所困舉盃及毀碎之自是絕意泉盧勵志耕讀不十年舊業盡復

又

有南北阮者數世共廬事族屬漸繁居南者多科目登廛仕與馬喧赫震耀鄉里居北者多偃蹇事舌耕納履或踵決聞得一衿輒構詞訟攬稅糧不復求進取俗所謂破靴黨是也乾隆初年其廬事為龍風所

壞惟南北二垣歸然尙存一老者過其處見南垣軌隙中有物飄動視之乃小黃蓋也遂毀垣得扇蓋與馬之屬無數更毀北垣則維敝巾履而已說者曰此厭勝術也何軒輊乃爾意其先南固長者而北素驕吝者歟

又

郡東陳家兜有侯姓起屋五重其後一重時有鬼怪出沒候百方驅治無效屋遂空廢多年會製備嫁裝雕匠棲止其中入夜怪擾如故匠叱之少息有頃復

野語六

六

擾匠察其聲乃從西偏棟柱而下復叱之怪上棟而隱匠以斧砍其棟上墨線次日告主人曰此屋鎮壓之物在西棟上椽內我已斷其墨線不能復下其主梯視椽內得小木片上畫披頭鬼形遂火之其起屋匠未幾遭魅死

相傳厭勝之術甚夥若小試其術則庖厨門安倒木能使主婦病嘔或言其術可禳法將初次所鋸木根裹以紅絹藏香火籠中過厲作則取而投諸沸湯煮弗輟則術者迷亂自承其奸

語曰小說家多載厭勝事然土木之工四民恆業卒歲勤苦取足給衣食而已信如諸說不幾同左道乎安有恆業中而雜以左道者蓋作室於造家之初大都近畜工者流傳厭勝以破主家之畜主家惑之乃優其傭值豐其飲饌寬其程期工者於是乎得計不知宅之吉凶一由天非時日神煞之謂福善禍淫是也一由地地非風水向背之謂湫隘爽塹是也一由人人之於宅如身之於衣相體惟稱于公高駟馬之門李沆第僅容旋馬惟其稱也不稱斯不吉矣於

野語六

十七

厭勝何尤

藏魂鑊附架刑

吾宗雲軒名元乾隆丙辰進士初知四川綿州時有惡棍為地方害廉得罪狀杖斃之閱三日復甦後毆母其母持一鑊赴控曰此逆子藏魂鑊也先將生魂煉藏此鑊內官刑乃加血肉之軀以久煉魂治新傷體三日即平復如故求先毀其鑊散其魂庶逆子可除如其言果斃杖下

按稔惡之人往往能煉氣架刑鞭笞所加如擊木

石問官無術以制惟用細竹篠盈把答其背則畏
疼與常人同蓋篠長而著處多非煉氣所能禦耳
此可施之盜賊慎勿加諸常人

符童

鄉村元宵諸戲有曰呪符仙童善其術者所在皆有
好事家具樂部燈燭茶果之屬擇韶秀村豎數人被
以彩衣術者畫井於地抱豎立其中口噙以水自頂
至踵皆書符厭之大抵祇耳聾目瞽鼻塞口噤諸字
非鳥書雲篆也書訖焚冥鏢於戶外豎漸搖撼不能

野語六

十六

立急扶定乃奏樂豎輒隨樂作舞或度曲豎亦隨曲
演之俯仰進退悉中節度與梨園不異惟不能歌也
方演時歌者或誤則豎呆立不動又戒觀者毋交足
交足則豎仆矣余兒時嘗觀於某搢紳家燈火如晝
鉦鐃競作觀者肩摩踵接堂中設紅氍毹妝武士一
人手提銅叉盤旋跳躍演劉海戲蟾劇衆皆歎賞繁
響漸歇笙簧繼作別妝生日樂部奏玉簪崑調曲生
旦按曲演之神情意態妙若寫生余時但知爲演劇
不知以符戲也曲竟術者呼乳名生日忽如夢醒洗

牧易常服乃常見諸牧豎耳相傳昔有梨園渡湖舟
覆溺死其鬼出爲厲湖濱人延黃冠用五雷正法禳
之不能制遂許爲符童聽以本業謀食歲初湖鄉隨
處可召惟不敢入城迨漕艘渡淮則不應以爲附艘
北去云

盧姑

盧姑不知何許人相傳其夫溺死覓屍不得姑縫紉
其衣赴水死越三日抱夫屍浮出遂以爲神湖俗女
郎每於春初會聚迎姑卜蠶法取全蘆一莖滌淨截

野語六

十九

其根置水盂內復截四尺許剖而爲二兩頭各以蘆
抄三寸作擔若肩輿然擇未字女郎二人昇之設香
案於密室善迎者望空作禮致詞者三昇者覺重則
知爲姑至矣昇登案衆女郎肅拜甚恭有所問則兩
蘆相擊數定盈虛凡陰晴豐歉年齒壽夭財利諸事
有數可按者悉示不爽如問蠶則以幾擊爲收成幾
分湖女重蠶信盧姑有以擊多致賀擊少涕泣者禱
畢人以針插蘆正中別懸一線遙相對蘆輒婉轉相
就穿線入針孔中穿畢蘆曲折入水盂內承其根以

出眾咸謂姑縫衣救夫云按劉敬叔異苑云紫姑是人妾遭妒於上元日死世人作其形迎之祝曰子胥不在曹姑歸去小姑可出戲捉者覺重便是神來即跳躐不住無所謂盧姑者然盧姑捐軀殉夫與曹娥之孝相等其效靈固宜若紫姑特怨死婦女無足稱道今小說家豔稱紫而不及盧特為拈出

野語六

干

野語七

伏虎道場行者編

語屑目次并引

客窗偶暇泛覽雜書遇有近時風尚湖所從來或世俗相沿辨其訛誤隨手採錄自備遺忘間有管見厄言亦存一二以為譚天災較之資瑣碎燕雜分為二卷雖笑牒言鯖無神果腹而芹藿蒲鮮亦供采頤野人所屑屑正博雅所不屑也語屑

野語七 目次

- | | |
|------|----|
| 日食 | 乘桴 |
| 倩 | 俚 |
| 君子小人 | 謬 |
| 姑息 | 靡盛 |
| 方巾 | 牽錦 |
| 傳代 | 撒帳 |
| 合卷 | 花燭 |
| 鬧房 | 霞帔 |
| 掘藏 | 航船 |

哨船	掃晴娘
煞	窩錢
關先	黏果
壽藏	婦女拜
落籍	錢戲
錢	打秋風
引痘法	治寒病
治痰迷	虛脫
救急症方 <small>附痧症霍亂</small>	祀城隍
野語七 <small>目次</small>	
祀土地	祀竈
社神	鴉片
治鴉片癮 <small>附救服生鴉片</small>	透光鏡
談虎	拳虎
義貓	肥蠟
骨種羊	畜呼
蟬	酒
鱘魚魴魚	

野語七

語屑

日食

春秋書日食聖人未嘗明言其故惟詩云日有食之亦孔之醜乃借端為喻也後世術數家先期推測不爽唐李淳風敢於上前辯食之晷刻時以為神今欽天監更先定各省應食分秒是淳風之術不足數矣且每年有食或一年再食然則日食乃天文自然之數人君救護修省即聖人迅雷風烈必變之意前

野語七

代臣工諫諍每以日食為詞無怪乎難動九重之聽也橋李虞虹升天香樓偶得言日食乃日月合度陽上陰下為否卦月食乃日月對度陰上陽下為泰卦其言甚當而欲暢其說逞臆比擬反褻瀆穿鑿矣

乘桴

乘桴浮海乃聖人傷時之歎類乎寓言即博望乘槎侈言入漢亦無從徵信意海中未必有桴有槎也孫桐軒明府言山東濱海漁人乘大筏置木櫃植帆其上入海取帶魚即乘桴也

倩

倩說文云男子之美稱故東齊稱壻曰倩乃史記淳于意傳注云齊人呼女壻為倩言可假信也夫使壻可假信則婦人從一之謂何此註甚

僂

虎僂之說由來已久玉茗堂詩又有銀僂其序云朱元芳族人於邵汀山中得窖金忽穢氣不禁長老云流賊窖金時閉一人於窖中以守得金者祭而後可其說頗新余謂非良死者莫不有僂所謂討替代也

野語七

繼鬼溺鬼外若酒若色如其無僂何以能迷近時鴉片僂甚厲謂余不信請嘗試之

君子小人

嘗見農工商賈者流與人交貨財通有無為數甚微必先立文券謂之先小人後君子迨市易既成期約已至出券相質恪守弗敢違違則眾論所不予法令所不貸也於此有人焉察其貌儼然士夫也其與人交事理雖重財貨雖鉅未嘗立文約與者或請之則曰吾輩豈市井之徒而不見信耶與者語塞迨貨財

既得期約已至與者申前說輒伴弗聞若反唇相稽輒飾詞以拒欲質成控訴又無文券可憑與者忿無所洩將中中以詈揮以老拳而解之者曰彼固先君子後小人者也於小人又何難焉

謬

黃山谷云惟俗不可醫余以為惟謬不可醫若俗則無不可醫世人特不肯醫耳醫俗之術奈何曰但須讀書縱使通身無雅骨如能發憤攻苦沈酣卷軸至於書味盎然則俗狀自除俗見自消俗累自釋俗念

野語七

自去而俗骨亦化霍然病已若謬則不然少不更事固謬閱歷年深尤謬不識一丁固謬讀破萬卷更謬古今不乏謬人然未有如漢之王莽宋之荆公之甚者史稱莽折節力行以要名譽勤勞國家動見稱述儼然賢哲而位望日隆威權日盛自以為黃帝虞舜之後乘時竊位視然南面流毒海寓以底滅亡故咸以為其始皆出於偽余觀其漸臺被戮猶誦天生德予之言則其消天罪惡猶且茫然不知直是謬之極致耳荆公一生不近人情惟以謬也其小謬如衣臣

虜之衣食犬彘之食其大謬如行井田青苗募役市
易保馬諸新法進三經新義字說無一非謬至於紹
聖建中之時謬炤未熄而北宋之元氣於是乎耗矣
嗚呼使莽不能以六藝文藝言荆公不知囚首喪面
而談詩書其謬未必若是之甚其流毒未必若是之
酷也夫詩書者砭俗之聖藥而必不可以治謬今苟
有人焉處富貴予聖自雄處困窮不安義命喻以禮
誼不爲德導以匪辟不爲欺遇君子不以爲賢遇小
人不以爲不肖索隱行怪舍正路而弗由放僻邪侈

野語七

四

溺而不返者將何術以醫之余曰謬入膏肓攻之不
可達之弗及雖有和扁無所施其技故惟謬不可醫
也然謬之病有輕重焉與其老而謬猶幸少而謬少
不更事猶望其改老而謬則閱歷既深乖僻自是無
他望也與其讀書而謬不若不識丁而謬不識丁者
懵然無知爲害也小讀破萬卷則如王莽荆公以詩
書濟其謬爲害也大

姑息

余嘗謂女子裹足不織咎在父男子讀書不勤咎在

母凡爲母者莫不欲其女足之織其初裹也痛楚特
甚啼聲慘切而其父愛憐姑息以爲女子所重不在
此輒令家人緩之迨年長一年女亦自慚其大而骨
格堅強不復能小爲終身憾凡爲父者莫不欲子讀
之勤而童稚好弄視入塾爲畏途其母愛憐姑息以
爲子齒尚幼百方迴護以遂其逃學之私迨年長一
年習與性成不復振作而韶光易邁老大徒傷回首
當年悔之已晚皆由姑息害之也女子無論已爲男
子者慎母恃姑息而自悞而爲人父母者可不以姑

野語七

五

息爲戒哉

攝盛

娶婦之家必用冠帔妝新婦其婿亦衣公服農家則
簪花披紅考明史輿服志庶人婚許假九品服今
本朝通禮載品官士庶婚禮如父祖仕宦及有職生
監等得從其父祖品服謂之攝盛惟實係庶民止用
盛服

方巾

新婦蒙首絳帛名方巾杜佑通典議曰東漢魏晉或

時屬艱虞歲遇良吉急於嫁娶以紗縠蒙女氏之首而夫氏發之因拜舅姑便成婦譏其六禮悉捨合昏復乖愚謂此雖不見於經而女子初嫁與男子覲然相對何以爲顏方巾之設亦通又新婦手執圓紙扇所以障面其義與方巾相類昔人多却扇詩其來古矣

牽錦

交拜禮成以紅綠帶作結婿與婦各持一頭牽引入房謂之紅綠牽錦戊辰雜鈔云女初至門婿去丈許

野語七

六

逆之相者授以紅綠連理之錦各持一頭然後入俗謂通心錦又謂之合歡梁言夫婦自此相通如橋梁也三日後以此錦分作二袴婿女各穿其一謂之永諧袴

傳代

牽錦時以紅氍毹換貼地接入洞房白樂天春深娶婦家詩云青衣轉氍毹繡一條斜卽此今率易以米囊取傳代之義亦通

撒帳

新婦坐於牀偵者取果品遙撒之觀者爭拾謂之撒帳乃始於漢武帝於李夫人初至合昏後預戒宮人遙撒五色同心花果帝與夫人以衣裾盛之云得多得子多

合昏

合昏之禮以臺盞二器酌酒進夫婦少飲之還合一器復分而飲之如是者再不知合昏杯古有其製胡應麟甲乙刺言云高郵守楊君家藏合昏玉杯一器兩杯對峙中通一道使酒相過兩杯之間承以威鳳

野語七

七

鳳立於蹲獸之上高不過三寸許爲漢器之絕奇者

花燭

交拜合昏訖有花燭之宴設兩筵於堂燃巨燭二旁插大絨花佐以像生人物之屬新婦冠纓絡與婿互爲定席筵筵宴畢擇齊眉有子者二人捧花燭導入洞房此吾鄉俗禮也

鬧房

三朝內鬧房之俗江浙皆盛惟吾鄉猶不傷雅抱朴子云世俗有戲婦之法於稠衆之中親屬之前問以

醜言責以慢對載之疾謬篇可見前代做俗有甚於今也

霞帔

唐睿宗賜司馬承禎絳霞紅帔以還世所謂霞帔起此見天祿識餘今漢人命婦服用霞帔猶沿前代遺製明史輿服志稱褙子

掘藏

遷居之家並歲除預作米飯下置豬臟並金銀器物隔數日掘而出之謂之掘藏嘉蓮燕語載吳俗惟遷

野語七

居有之其祝詞曰自入是宅大小惟康掘藏致富福祿無疆祝畢祭竈然後食

航船

聚客之載曰航船高澹人天祿識餘云古樂府有夜航船曲皮日休答陸天隨詩云明朝有物充君信櫂酒三瓶寄夜航櫂木名汁可為酒出山海經沈石田客座新聞有題航船詩曰西浙無車馬行船便當街渾身著木屐未死入棺材退殼鑽篷出揷梭下堰來夜深相並處爾籠我儂開

哨船

每年寒食節鄉村以農船駕四櫓上設彩亭旗幟列各種器械互較技勇諸藝謂之哨船駛行南北山前而東鄉雙扁橋尤盛以溪蕩寬曠水清可鑑雙橋並立人物旂械與溪上紅紫倩妝倒映入水炫耀奪目其船往來較龍舟更捷藝復絕精如擲綱叉過橋而而駛船越橋接之或彼船拋械於湖而此船駛往以流星槌勾取百不失一他若手搏角牴刀劍矛棍之屬凡可施於船者莫不備具篙櫓徐疾鉦鼓節奏悉

野語七

與角藝者合一人喝采萬口同聲爭雄角勝喧填竟日嚮以新興港湯氏首推湯君以武解元領船訓練精熟勝於他處耳其原因地近太湖聽民設船巡哨以禦盜賊但不知所從始意必錢氏有國時或張士誠據吳日所設今永平日久遂相沿為嬉戲之觀按唐杜牧已有吳興觀水嬉事而水嬉之目無傳殆即此類歟

掃晴娘

時值苦雨閨閣中以紙剪執帚婦人懸於檐際呼為

掃晴娘北方亦有之稱為掃晴婦金鶴鳴老人李俊民有詩云卷袖蹇裳手持帚挂向陰空便搖手前推後却不辭勞欲動不動誰掣肘偶人相對木與土神女但誇朝復暮龍公不作本分事中間多少閒雲雨見說周人憂旱母寧知東海無冤婦慙慙更倩封家姨一時斷送龍回首

煞

世俗煞回之說剏自道流按亡日干支定期以為亡魂必於是日回故處有煞神監之江淮閒以是日為

野語七

十

至凶舉家遠避說部書多載之獨吾鄉不但不避而且用接至期門戶堂室悉布祭品冥鏹之屬設備於亡者之寢道流率孝子跪迎三次名曰神迴戚族多於是日致奠相沿既久雖有識者亦忘其鄙誕不經矣

寓錢

近時喪祭冥鏹最盛祭祀祈禱之外有生前預修佛事焚冥鏹若干名寄庫商賈酬神於神前借錫鏹藏諸家隔歲則倍息還之近日市易番錢盛行武林遂

造冥洋售賣益以官寶方錠現製惟肖良可嗤鄙宋孫君孚升談圃云王荆公以勞病夜焚紙錢平甫戲曰想天曹也行倉法觀此則世俗更無論矣考漢以來葬者皆有瘞錢後世里俗稍以紙寓錢為鬼事法苑珠林以紙錢起於殷長史又洪慶善杜詩辨證載文宗備問云南齊廢帝東昏侯好鬼神之術剪紙為錢以代束帛至唐元宗時王璵為祠祭使始用紙錢禱神矣陶穀清異錄載周世宗發引之日金銀錢寶皆寓於形黃曰泉臺上寶白曰冥遊亞寶此近時紙

野語七

十

寶之權輿也宋初言禮者作紙衣冠而不用紙錢而世俗仍用之故呂南公有錢鄧公不燒紙鏹頌在唐惟顏魯公張司業不用紙錢戴埴鼠璞云以紙寓錢亦明器也與塗車芻靈何異此為通論

關先

俗以巫媪召先靈謂之關先獨樹村有媪年三十餘丰致灑脫善伺人意其行術也詢亡者姓氏及生死年月喃喃作絮語須臾目垂神倦作欠伸小語自喉間出口我來矣問識我乎曰識則呼其小字暨尊卑

年齒稱謂百不失一且能操生時土音遇召祖先多作訓誨莊語及廬墓吉凶事若婦人之召夫或殤亡兒女尤神情淒惋語刺刺不休生者涕唾汎瀾若相逢於地下者有鄰塾師某翁故明經也娶某氏琴瑟甚篤死十餘年矣聞媪名買舟詣之屬召亡室媪如教徐曰我隨夫君來也舟小風逆幾被吹回伏君左脇間得達君其憊乎我素得翁姑歡心地下亦無所苦我子某長成好學可獲一衿惜無壽者相我夫婦一盂麥飯賴前姊子耳語竟復呼前子至前作懇摯

野語七

十三

語翁詰及生前隱秘事輒切切對之目汪汪欲淚兩頰發紅湖若不勝情者翁既返噴噴道之余曰此愚夫愚婦昧於理者所為丈讀書破萬卷而顧為巫媪所欺不亦似乎翁掀髯曰笨伯子以我為信之耶老懷無賴假巫媪作亡妻觀耳

黏果

筵宴祭祀席上都列黏果凡五謂之看席相沿不廢唐少府監御饌用九盤裝祭名九鼎食此筵宴用黏果也明光祿寺凡供內府祭醮果品用簇釘做工滋

費孝宗改之此祭祀用黏果也其數五者不敢僭也

壽藏

世俗作壽坐貯油一缸內燃長命燈其原起於沈彬彬武康人南唐保大中官尚書郎致仕江南野史云彬居有一大樹嘗曰吾死葬於是及葬穴之乃古塚其間有古燈臺上有漆燈一盞壙頭獲一銅牌上鐫篆文云佳城今已開雖開不葬埋漆燈猶未熟留待沈彬來南唐近事載彬荷杖郊原手植一樹戒諸子曰異日葬吾此地居數年彬終諸子信術士語於樹

野語七

十三

北數尺地下葬是夕諸子咸夢其父訶責擅移葬地禍其至矣詰朝乃依遺命伐樹掘土深丈餘得一石柳葢上刊篆文云開成二年壽榭一所乃舉棺就椁葬之此雖篆銘異詞要皆壽坐之證

婦女拜

婦女拜手曰萬福王廣津宮詞云新睡醒來思舊夢見人忘却道勝常勝常亦萬福也竊見名輩尺牘多用萬福勝常等字鄙見惟閨閣用之尤宜又婦女簡啓書歛衽虞虹升兆天香樓偶得以坡翁舟中聽大

人彈琴詩歛衽竊聽獨激昂為男子稱歛衽之證余
閱金王鶚題王若虛溥南集引末署後進東明王鶚
歛衽書尤與書頓首者相似今都下婦女改書端肅
拜按周禮九曰肅拜注但俯下手今擡是也今禮部
儀注婦人拜有一肅三拜兩肅六拜三肅九拜等文
是肅拜較歛衽為切

落籍

前明設教坊司罪人家屬沒入其中不少名門淑媛
徒惜一死墮入烟花仁人所不忍聞是以名妓甚多

野語七

十四

官有籍記故除名贖身謂之落籍今無此名妓家養
雛姬教以歌曲用作錢樹子間有能誦千家詩數首
即為雅品縱有詩詞盡出捉刀之手而吾鄉吳珠泉
著續板橋雜記吳門管靜山英復有吳門畫舫錄皆
青樓點將簿其所稱道得毋過譽

錢戲

古來以錢為戲一曰意錢後漢書梁冀傳有意錢之
戲何承天纂文謂為詭億張仲素詩林間踏青去席
上意錢來一曰攤錢少陵詩長年三老長歌裏白晝

攤錢高浪中今灘河船家尤好之又曰擲錢以字摹
分勝負見東臯雜錄又曰打錢趙光遠詩斜指瑤階
笑打錢文同詩稚子天寒猶打錢又曰撚錢避暑漫
鈔慈聖光獻曹后在父母家與羣女為撚錢之戲后
錢獨旋轉盤中凡三日方止又曰斂錢王建宮詞暫
向玉階花下坐斂錢贏得兩三籌近時博戲有搖攤
即古人意錢攤錢法而以骰易錢耳

錢

市間私錢甚多官為申禁祇滋胥役索擾之端不但

野語七

十五

無益勢必轉盛緣胥役得規一次則經年不復過問
民間行用無忌也然禁之之法甚易須制錢秤一竿
責每種舖戶各領一竿餘舖俱聽自置與官錢稱較
準每足制錢一千以百兩為式曹平六其市間折扣
底申等聽其除算凡以錢交易惟不許用鉛錢其銅
錢不論大小總以分兩足為度錢大不妨數計錢小
即以重計以今日小錢稱之須兩三文抵一文無利
而有耗小錢不禁自止矣又江浙通用洋錢每枚重
曹平七錢三分計一百三十七枚合重一百兩分

今足紋易洋錢每不足此數即輕重相等而歷來銷
鎔洋錢僅得紋銀九折人所共知惟民間習用已久
取攜較便雖奉申禁通行如故竊意外夷來中國交
易既以無用易有用又以九成代足紋久而久之行
用諸處耗敝不可勝數目前銀價日昂亦由於此有
司但出一令每洋錢一圓九扣作足紋銀六錢五分
七釐凡納賦買賣及一切錢債交易俱准此定斷初
行亦未必甚便然而計之利益不可勝言幸當道
採擇

野語七

十六

打秋風

干求飲助曰打秋風郎瑛七修類藁云米芾書札中
有抽豐二字疑即秋風之義言彼處豐稔米糶有餘
抽而分之耳其義固通但昔時有爲靖江令者善詩
畫有鄉人往干之臨行令贈以畫燕一幅題詩云馬
駝沙上縣初開城郭人民沒草萊寄語鄉關新燕子
秋風切莫渡江來可作秋風二字之證

引痘法

南方種痘法用痘苗絮裹寒鼻孔效速而出稀然胎

毒有淺深猶或十失一二余在皖城見新刊引痘略
一書乃南海邱浩川所輯爲萬全良法略曰外洋無
痘後由他處傳染患者滋多惟畜牛取乳之家不染
醫者玩牛乳旁有青藍小疱形與痘類於是按古針
刺法取牛痘之漿種人兩臂消燦清冷二穴旬日果
於種處出痘數顆按日灌水按日滿漿按日結痂落
靨無一損傷無一復出以後即用小兒痘漿遞傳其
種嘉慶十年由小呂宋載嬰兒傳至澳門適浩川未
出天花身試果驗行之家人戚友無不驗者於是洋

野語七

十七

行屬浩川住會館專司其事歷十數年種者盈千累
萬無一損失按銅人圖消燦穴去肩頭四寸清冷淵
在肘上三寸幼孩大小不等以此類推其刺穴種痘
用尖薄小刀長寸許仿洋式其取漿用象牙小簪兩頭
尖利刺皮僅一紙薄潤一分許將苗漿連刺出微血
注於穴中自然奏效種幾顆出幾顆從不甚多不拘
寒暑不用服藥如痘漿必不可得亦有取靨作苗者
簡妙無比 按此書今在皖城育嬰堂刊送其未盛
行者一則痘醫衣食於此若症無平險治無方藥則

其道不重其酬亦薄必多方曲說以尼之一則漿不易得且有子之人愛惜過甚聞欲刀破其皮不肯試種鄙見難以取漿儘可參用中土種法仍用痘曆種於消燼清冷二穴至於畏懼破皮不妨先取年歲稍大者試之况男女年長未出痘至通經後始出一遇精洩與天癸來時未有不死欲保長成子女惟牛痘法萬全慎毋惜分許薄皮貽日後身命大患也稍大者既出即可取漿遞試本家嬰孩推而廣之種時既不甚痛出時又不患苦何樂而不為乎

野語七

十六

又

董閩石含尊鄉贅筆云安慶張氏種痘法先收稀痘漿貯小餅錄小兒生辰焚香置几上將黃豆一合傳以藥按方位埋土中取所貯漿染衣衣小兒黃豆三日萌芽小兒頭痛發熱五日豆長小兒痘亦發十日而萎兒病遂愈云云其法今不傳即或有之亦詭異不可試

治寒病

夷堅志云趙三翁進字從先得孫思邈道要為人嘯

呼按摩疾痛立愈有保義郎頓公苦冷疾趙詢其病源時方盛暑俾就屋開一窗於日光下射處使頓仰臥揉艾遍鋪腹上約十數斤移時日光熱透臍腹不可忍俄而腹中雷鳴下瀉口鼻間皆濃艾氣乃止明日復為之如是一月疾良已乃令滿百二十日自後宿痾如洗壯盛如少年趙曰此孫真人秘訣也世人但知灼艾而不知點穴又不審虛實徒受痛楚耗損氣力日者太陽真火艾既遍腹徐徐照射入腹之功極大五六月為上若秋冬間當以厚艾鋪腹蒙以

野語七

十九

綿衣熨斗盛炭火慢熨之以聞濃艾氣為度亦其次也 近有友人略師其意作薄綿長兜肚以艾作棉貼肉穿之臨睡自用手爐照法烘熨以鼻觀得艾氣為度甚效其法更簡

治痰迷

海鹽徐洙源之族人某居邑西小墅耕稼為業道光丙戌秋於叢塚旁見一龜純白如玉其紋際悉作金色徐異而拾之將鬻於市有隣人欲買之酬直一千徐疑而不售隣復增至二金仍弗與致相爭競有老

者過之詢得其故問購何用隣曰祇愛其異耳老者
曰白龜常有之物何足為奇吾知若非素封以數金
購此玩物倘龜死或逸去奈何隣然之遂散去老者
問徐曰若知此龜亦有用乎徐因詰之老者曰此天
以小富與若也龜入塚墓年久食死人精血故變白
色更食死人筋故紋際作金色若將此龜煨成炭配
藥和為丸如黃豆大遇有病痰迷及瘋狂之疾投一
丸立效乃示以所配之藥徐詢老人里居則曰在王
涇西橋畔徐歸如法製之治瘋痰疾應手奏效遠近

野語七

十一

爭購余戚有患此疾其家亦遠赴購得一服而愈於
是徐所得不貲家以小康乃備盛禮至橋畔覓老者
酬謝先因倉猝未詰姓氏遍訪不得徘徊橋畔至社
廟小憩舉首見土地神白髮飄然彷彿前遇老者也
乃備牲醴祀謝焉余少時隣有瘋者療治不痊或曰
叢塚中龜可治其家覓得煨熟與食凡食數枚病良
已然不聞得白色者以彼證此大抵食精血未久其
色未變其效亦緩若白者信治痰迷聖藥至老者所
授藥方不傳意必故神其說耳古今醫書充棟而瘋

痰治法往往寡效故著其說

虛脫

海鹽顧生言常臥病甚苦忽覺兩足從牀檻隙伸至
地檻不為礙遂凝然能立其病若失目前惟見一燈
火甚明耳中聞哭聲甚多遂惘惘向外行則燈火漸
小哭聲漸遠復前行哭聲不聞燈光極微不辨路逕
乃回身至家自外達內無所隔闕而燈火漸大哭聲
復作且近至所臥牀上則患病如故啟目見家人環
視始知脫去已兩時許因胸溫有脈息乃撬口以葎

野語七

十一

湯灌之始回生云魂從外出昔所未聞殆虛脫非死
也然非葎湯亦真死矣本草言人葎能回元氣於無
何有之鄉觀顧生事信然矣然時感症脈象亦與虛
脫相似富貴人往往有誤服葎致殞者可不慎歟

救急症方 附痧症霍亂

道光辛巳夏江浙酷暑人多患急症起病脈散牙緊
手足麻木喉腫心疼救治稍緩須臾殞斃醫家罔識
遠近死者日以千數自南至北傳染半天下交冬方
止好善者刊布方藥不可勝數內有一方尤奇驗方

云此名硃砂症又名心經疔乾隆元年貴州省會染此症丹平山石崖雷擊忽現此方用牙皂三錢三分硃砂二錢五分明雄黃二錢五分北細辛三錢五分廣皮二錢廣木香二錢蘇合香二錢枯梗二錢買眾二錢蘇薄荷二錢枯礬一錢五分白芷二錢防風二錢法夏二錢甘草二錢右藥共研細末裝入磁瓶隨帶身旁凡老幼男女如患此症先用藥三分吹入鼻孔再將藥一錢薑湯沖服服後用紅紙捻照心窩背心舌底三處見有紅點發現即用針挑破內有紅筋

野語七

廿二

挑出方保無事此症命在頃刻若能急救延至週時許即不死此方凡感冒傷寒痧暑皆可治藥須預備若病至求藥則遲各州縣製此藥活人甚多吾湖是年患急症者俗名吊脚痧即絞腸痧之變症急用針挑十全七八而挑手劣者轉有誤挑穴道致命不可不慎凡患此症死一腿必縮交秋又變為上吐下瀉即霍亂也醫書忌殺氣而粥湯尤忌如砒鴆患此悞飲而死者極多不可不知

祀城隍

城隍之名見于易若廟祀則莫究其始記曰天子大蜡八伊耆氏始為蜡注伊耆堯也蓋蜡祭八神水庸居七水則隍也庸則城也此正祭城隍之始見王文貞崇簡冬夜箋記

祀土地

湖俗不論士庶家奉土地神遇節序必與竈並祀祀用糕糝粉麵之屬不用牲從簡也按祭法庶士庶人立一祀或祀戶或祀竈然則祀土地猶祀戶遺意惟與竈並祀不免越禮耳

野語七

廿三

祀竈

孟夏祀竈著於月令世俗乃以臘月二十三日祀而送之起於漢宣帝時陰子方臘日晨炊而竈神見祀以黃羊暴至巨富此俗所由仿也今吾鄉用粉麵餠饋之屬未嘗薦羊淮南子有炎帝作竈神之說又古周禮說謂顓頊有子曰黎為祝融祀為竈神故民間遂稱之曰君曰王褒越已甚後漢書注神名禱字子郭衣黃衣夜披髮從竈中出知其名呼之可除凶惡又莊子注髻竈神著赤衣狀如美女荆楚歲時記竈

神姓蘇名吉利婦姓王名搏頰西陽雜俎竈神名隗狀如美女又云姓張名單字子郭夫人字卿忌有六女皆名察洽其屬神有天帝嬌孫天帝大夫天帝都尉天帝長兄剛上童子突上紫宮君太和君玉池夫人一曰竈神名壤子諸說皆怪誕不經惟特饋食禮云尸認而祭饔饍以謝先炊者之功鄭元以為是祭老婦報先炊之義最為合理

社神

村社之神曰當方土地鄭茵畦元石柱記箋釋云湖

野語七

廿四

俗信鬼神有村落必有廟宇奉一神以主香火好事者遂至訛傳指不勝屈云云今舉尤謬二事辨於左世傳東林山土地妙喜夫人言兩神相博妙喜負以夫人償之而情好未絕每從牆隙通欵曲廟祝修葺旋就頽壞後於牆隙設一牖遂已噫社神固難得盡賢然必生而端慤斯歿而為神以室家償戲債無賴子所不為而謂神也為之乎按宋闕莊駒陰雜記顧中丞璘正德間知台州撤土地祠夫人像移神事果爾則世俗謠傳亦由士大夫作俑也

野語 卷七

康城土地嚴康前溪逸志略云野老言康邑人奇醜而力爪牙為兵革膚為鍔惟喉三寸肉妻鮑三娘美而勇各治兵為幕府時有花關索者年少美容儀鮑悅而私之矢貫康喉而殛今村莊雜劇演其遺事而康廟像祀夫婦二人別祀索於何村為孤土地云康怙力強死鮑淫奔殺夫索竊妻暴行而祠宇相望是宗姦教亂也意者傳聞實乖乎

鴉片

一族員帥閩有家奴嗜嗜鴉片懲戒不悛遂以此斃

野語七

廿五

族員察軍中嗜者尚多以理論以法禁皆面從而背非帥恨甚令剖視死奴腹其肺作青黑色取出懸之簷前以觀其異日晌午則肺大倍於常須臾有蟲無數自肺內鑽頭向外肺僅如衣膜然其青黑皆蟲也呼食鴉片者以烟噴之蟲稍縮連噴七八口肺即如故始悟每日上癮之故漸遵其禁安福阮侯亭大令藻題煙鬼圖詩云鴉酒不能止渴漏脯不能充饑胡為乎甘毒如飴熏灼肺腑焦肝脾欬枕側眠管倒吹杖端火噴流膏脂兩目昏眇筋骨

疲一朝斷引作蠅癡謾言一雄將十雌有限精神預
抽支甘心便死荷鋪隨可憐如玉好手姿轉胸凸肩
若行屍暗中有鬼饑眼窺認作呼朋入座時張口涎
流意唯唯攫食無方拾地遺此曹便是前事師嗜好
成癖忠中之安得青囊出天醫洗腸滌胃為爾治不
見前日席中歌舞兒秋墳鬼唱夜聲悲
聞之老客言此物各國皆有其來初不由海關沿海
郡邑皆有窩販探海船將近即遣麻瘋駕小艇載空
棺往海中接取麻瘋最易傳染一染即終身成癩故

野語七

廿六

人咸畏之其昇棺起岸無敢問者既入內地售法詭
秘且沿海嗜者尤多互為藏護敗露絕少仁人君子
幸思所以絕之

治鴉片癮 附救服生鴉片

直隸良鄉傳治癮方云生薑一觔切薄片用上好鴉
片膏四錢水一中碗調拌薑內入銅鍋煮乾以線起
晒至半乾切成細塊候乾收貯凡有癮一錢者用茶
送薑六分逐日減少永可除根癮有大小仿此增減
癮至五錢服一料便愈不想再喫百試百效 又常

服野百合亦良 服生鴉片者立斃救法急殺一鴉
取熱血灌之無鴉可以鳴代俱效

透光鏡

湖鏡有背作龍鳳紋者置於日中其光反映壁間背
文龍鳳了了可辨謂是透光鏡遺法沈存中夢溪筆
談云有透光鏡背銘二十字承以日光則背字皆透
在壁上周公瑾癸辛雜說亦云對日映之背上花草
盡在影中皆詫為異寶今龍鳳鏡銅質規製止是常
鏡並非珍物而透光之故售者終秘不言余每見舊

野語七

廿七

鏡雖無纖翳而鏡光照之倒影在地有若星點若水
泡者偶問之鏡工工曰此鏡病也範鑄初成銅質不
精往往有砂眼釘以紫銅磨治後不見釘痕惟鏡光
反映他處釘痕必現如星如泡者是已余因悟龍鳳
鏡乃鏡面鑿龍鳳文一如其背嵌以紫銅磨治光平
湛如秋水不見嵌痕而倒映之影龍鳳自現沈周二
公所見透光鏡不外此法平平無奇非銅質真可透
光也前賢漫不審察強以理格反為俗工所嗤

談虎

郡屬山鄉間有虎獵戶捕法不一嘗於竹園內架席作小寮拗巨竹去枝以梢插地若圈門然縛生羊置寮內門口作小窪置肉其中繫繩於竹梢作雙套結環於窪口虎聞羊鳴尋聲而至羊在寮內肉在窪內虎眈眈垂涎甚特畏圈門不敢入盤旋良久乃轉身以後足爬肉甫入窪卽爲繩套拴繫愈掙愈緊帶動竹梢卽拔地而起虎懸空際初猶奮擲竹宛轉隨之移時虎力漸微竹梢向上虎體倒懸獵者靜待其斃而後取之謂之釣虎

野語七

廿八

語曰甚矣貪之害生也明知禍機所伏徒爲腥羶所惑輕蹈危機遂致自繫其足倒懸莫解可嘆也亦可哀也自古英豪威信名立而能不貪其餌全身遠害如少伯子房者有幾人哉彼暴而貪者何惜焉

又

處州宣平縣山僻無城嘗有廣文留客飲遣役市鮭菜良久不返遍尋未獲次早得於山溝內僅存一息周身無損惟失所戴藤胎髮纓帽相去尋丈外有虎危坐衆鼻役歸攜械往逐先之以金鼓繼之以鎗炮

虎卒不動迫而視之僵矣其地蹂踐狼藉虎體亦無損惟口內纓帽在焉迨役甦問之言是日猝與虎遇膽落仆地虎嚙其帽去乃滾身入溝得不死云蓋虎牙俱著藤胎口開則胎亦開口合則胎亦合且纓著喉間呼吸必作癢騰踴旋轉無由得出力竭自斃耳語曰錢希言猶園載吳興山中有六歲小兒將斗戴於頭上而行中途遇狂風一陣頭上之斗欻失所在歸告其父不知何故其父明日入山忽見黃斑虎死於谷口呼伴往視喉間一斗在焉與此事正同然纓

野語七

廿九

帽爲物柔不可茹剛不可吐其斃虎視斗尤趨彼眈眈弱肉者亟當餌以纓帽勿以木斗

豢虎

太行山有老僧豢一乳虎飼以蔬豆甚馴伏數年虎壯大依老僧以居出必隨行若有知識雖雞犬弗噉也居民以僧能豢虎咸以伏虎禪師尊之僧講經說法覲然高座居之不疑一日偕虎登山僧鼻血注地導虎抵之虎舐訖遂陞老僧而逸長城延荔浦君大令陽城人也作豢虎行詩曰老僧袈裟日登座蓮臺

脚下黃斑臥人傳伏虎佛再生膜拜紛紛游客過一朝偕虎登前岡鼻血下注導虎嘗虎食人血虎心變此時已不認僧面初來於菟小於狗豢養豈防脫虎口深山雨霽月吐稜雙睛閃閃明於燈人情轉眼不相能何怪虎忽殺老僧嗚呼老僧伏虎虎不許虎殺老僧僧自取當時何不學支公養馬養鷹不養虎和者甚多

語曰昔嚴顏譏劉璋獨坐窮山放虎自衛若老僧者殆現身說法者歟然黃其斑白其額明明是虎人皆

野語七

三

遠之獨衣冠其貌而搏噬其心者人見其貌而不見其心往往疎於防閑甚且狎而玩之迨一旦舐血頃刻反噬為老僧之續者不知几幾嗚呼君子能無慎所狎乎

義貓

興化宰宛平劉先生見民鬻一貓於筆工金睛鋼爪身白而尾黑先生憫其將就剝也倍其值買歸署中貓外馴而內猛具有虎威不捕鼠而鼠靖蓋聞聲匿跡也有貴人見而愛之乞於先生不之與乃陰使僕

竊之攜往長安閱旬餘貓忽踉蹌歸因益奇之不使離左右雖坐衙理事貓亦隨之後一年先生歸田里攜貓行投逆旅宿館人具夜膳置酒焉先生舉杯將飲貓臥案側忽躍起傾之復斟復傾者再先生心動託故出詣其邑告之拘館人鞫訊具言實凱先生裝置鴆酒中以進也先生素奇貓至是且德之焉既抵家一日貓忽呼躍不已又向家人作拱揖狀眾駭詫欲擒之貓且走且拱引人至園池畔則七齡公子方溺於池急救得生於是眾咸愛貓且敬之矣迨先生

野語七

三

卒貓遂不食死金陵女史王德卿與女公子厚作義貓記此其崖略也德卿有德風亭集百餘卷鉅製甚富當道將為之梓行并誌之

語曰貓固有忠信仁智若此哉具茲四德人類所難而猶然貓也可慨矣然吾聞德卿秉淑慎之性兼與博之才其詩古文詞下筆數千言泉飛潮湧儼然作者尤精天文算數之學著作等身他若青鳥岐黃家言無所不通且力可扛鼎射必貫札此士林所罕見而猶然一女史年甫三十而歿不大可哀乎意德卿

之記是貓蓋重有感矣

肥蠶

嘉慶甲戌歲大旱郡金蓋山樵者於澗中見一物龍首龍身長丈餘四足五爪金鱗遍體儼然龍也越數日猶蜿蜒澗中絕無飛騰之意其腥特甚蟻聚鱗際入水則蟻浮水面就而食之鄉人慮其變化舟載至太湖棄之或曰此名肥蠶以蟻為糧山海經云太華之山有蛇焉名曰肥蠶六足四翼見則天下大旱良然惟六足四翼之說不合考方輿勝覽又云鱗蛇出

野語七

安南雲南沅江諸處巨蟒也長丈餘四足有黃黑二色膽入藥黃者良未知孰是惜未剖其膽試之

骨種羊

初不甚重近時以其皮為裘制衣帽惟黑白相間細而色勻者尤貴名草上霜孔平仲雜說載楚石大師言大漠迤西俗能種羊初冬未日未時以羊骨埋地中至季春上未日為吹笳呪語有羊從土中出此蓋四生胎外之化也西域波斯國則以羊脛骨種之見浦江吳立夫詩元劉郁西使記又云黑契丹名乞里

變壠以羊臍種土中概以水聞雷而生臍系地中及長驚以木系斷便行至秋可食是種法不一今其皮甚多蓋中土亦能種矣

畜呼

凌忠介公釋湘烟錄云呼雞聲為鴉鴉為阿鴨為伊豬為囉貓為囉羊為哩其來歷亦古按字書鴉讀若祝說文云呼雞重言之伊見楚詞及韓詩外傳而呼鴨當作鴉音唯响集韻音何衆聲無呼鴉解囉廣韻為小兒語他如蘇囉嘍囉等字無呼猪解囉哩二義

野語七

俟考

煙

烟之肇錫曰淡巴菝姚旅露書呂宋國有草名淡巴菝一名金絲醺是已所謂淡巴菝者名義何取南海中有淡巴國氣候恆燠無霜雪多奇花異卉然則是草乃淡巴所產流入呂宋歐方氏物理小識烟草明季出自呂宋萬曆末馬氏始造名曰淡肉果則下二字又迴別矣劉廷璣雜志閩外人相傳高麗國其妃死王哭之慟夢如告曰塚生草名曰烟草采之焙乾

以火燃吸之則可止悲如言采得遂傳其種則又非
始于呂宋矣大約東南海外諸國皆產此其入于中
國乃自閩粵始有曰粵中有仁草名金絲烟見熊人
霖地緯曰南方有蘆酒即烟草見楊升庵代山集八
閩以盧家烟為第一汪氏本草備要亦曰閩產者佳
又謂其性辛温有毒其治寒溼瘴霧其氣入口醒能
使醉醉能使醒饑能使飽飽能使饑人以代酒代茶
終身不厭故一名相思草食物本草又補汪氏所未
及曰一名烟酒誌其名之殊也曰春種花秋取葉記

野語七

三四

其生成之時也曰曝乾切絲如細髮著其製之法也
曰草頂數葉名曰蓋露言采取之當識別也嗜之者
則分甘餘話載慕盧先生有甯可無酒不可無烟之
語花鏡載擔不歸之諺惟三儂贅人自廣序戒為不
可嗜論此者則江子蘭文房約有烟草一則詠此者
則近時海鹽朱履中有淡巴菰詞一百首至其吸之
以管亦仿古人遺製古用以吸藥氣治寒嗽製詳蘇
翰良方

本朝繙譯烟曰淡巴吸烟具曰呼氣袋然羣芳譜本

草綱目皆不載惟烟當作菸字書引宋玉九辯葉菸
邑而無色今句正韻音烟廣韻註為臭草是三代時
本有之蓋未達不嘗耳

酒

產物不齊釀法亦異如苗俗以柿釀酒南蠻檳榔酒
辰溪鈎藤酒扶南石榴酒赤土國甘蔗酒伽蘆國椰
子酒西域蒲萄酒品彙實繁更僕難數惟暹羅國以
秫為酒即中國之高梁也特不知釀法何如耳
火酒以高粱為首陶公五畝種秫即高粱也米酒近

野語七

三五

推越中然吾鄉以烏程氏造酒名縣所產殊不多讓
惟火酒好酒其名太俗余謂秫酒佳者如名將米酒
佳者如醇儒擬更名秫酒為武酒米酒為文酒

鱖魚鮓鮓

貴耳錄云賈師憲喜苕溪鱖魚鮓與可造大盤養魚
千頭作機使灌輸不停魚游泳自得數舟上下遞運
不絕一鮓鮓形類鱖而多小不足貴惟青塘橋下有
大至兩許者極鮮美按爾雅釋魚有鮓鮓郭景純註
江東呼鮓魚為鮓一名鮓音毗今湖鄉多鮓鮓至大

不過二三寸其鱗魚有劬餘者形雖相似但鱗之極小者較魴鮓稍狹稍厚截然另是一種郭註殊悞余幼時亦以爲一爲漁家所嗤

野語七

三

野語八

伏虎道場行者編

語屑目次

西藏略

巴勒布

古佛真身

天竺

道教宗派

方士

回教

天主教

艾儒略

王豐肅

西洋歷法

習天文

野語八 目次

附 毀西洋堂

長崎略

淡海水

烟瘴

自鳴鐘表

麒麟

鳳凰

獅

燕窩菜

葛仙米

人面豆

阿魏

椰瓢

伽南香

廣東冰

野語八

語屑

西藏略

世傳活佛在西藏卽西吐蕃唐曰烏斯國明曰烏斯藏今日伯圖特又曰唐古忒去雲南麗江府千餘里天文入井三十度四時觀北斗止見其半居萬峰之中東連滇蜀西卽青海直抵河湟通西洋達噶斯地分三部曰康卽察木多曰衛卽西藏拉撒召曰藏乃後藏札什倫布皆番僧之淵藪也其地多僧無城郭

野語八

羣居大土臺上不食肉娶妻無刑罰兵革疾病楞伽經至萬卷其土臺外僧有食肉娶妻者居人尙佛教信喇嘛風俗汚鄙人皆垢面蓬頭袒臂跣足死者用水火葬或割屍飼鷹犬挫骨和麩以啖鳥謂之超度僧俗男女莫不貪利西南諸夷及卡契回民皆傭工作藝其間製造金銀首飾銅鐵器皿及鑲嵌紅綠寶石製夷錦氍毹片花布諸物俱精巧日食牛羊糝糶酥油熬茶都有腥氣爲古來王化所不及自唐初以宗女文成公主嫁西吐蕃封其國主爲海西郡王始與

中國通往來其時國主曰蘇隆藏布又娶白布國王女爲妾唐公主好善修大小二召并築城於達布拉爲宮室唐蕃分界立碑誓不相犯大召前廊繪有唐三藏取經師徒四衆像并尉遲敬德鎮邊軍器猶存然考之正史名號時事互有牴牾大抵藏人自謂如此耳元世祖中統元年乃宋理宗景定元年也先有西僧八思巴今譯作帕克巴吐蕃薩斯嘉人足克衮氏謁世祖於潛邸言其祖朶栗赤譯作多爾濟佐國主霸西海十餘世世祖大悅至是尊爲國師統領釋教旣歿賜號

野語八

三

皇天之下一人之上宣文輔治大聖至德普覺眞智佐國如意大寶法王西天佛子大元帝師于是西僧之教大重至元十四年以楊連眞伽譯作嘉木楊刺勒智江南釋教後遂發宋紹興諸陵毀宋故宮爲佛寺三十年以楊髡子暗普譯作安布爲江浙行省左丞以民怨罷之武宗至大元年西僧毘留守不問又以西僧教瓦班譯作瓦勒爲翰林學士承旨其作會賜號寫經賜田設官等事元代極盛順帝太子阿裕錫哩達刺乃曰李好文先生教我儒書多年不曉其意今聽佛法一夜卽

曉其佞佛殆性成也至正十三年哈瑪爾進西番僧
於帝教行房中運氣術號演撲兒譯作延法授爲司
徒秃魯鉢木兒譯作圖魯進僧伽璘眞譯作結善秘
密術封爲國師帝從事其術怠於政事以底於亡明
洪武初亦遣使至西域招諭於是攝帝師喃加巴藏
卜遣使朝貢六年入朝授爲熾盛佛寶國師錫玉印
其冬元帝師之後鎖南堅巴藏卜元國師哥列思監
藏巴藏卜並遣使乞玉印不允七年秋八思巴之後
請封詔授爲圓智妙覺宏教大國師烏斯藏僧爲灌

野語八

三

頂國師又有哈立麻者國入以其有道術稱爲尙師
十一年遣僧宗泐使西域永樂間徵哈立麻入朝命
建普度大齋七日有卿雲甘露青烏白象之瑞封爲
萬行具足十方最勝圓覺妙智慧善普應佑國演教
如來大寶法王西天大善自在佛領天下釋教賜誥
印及儀仗寶幣其徒亦封賜有差正德十年帝惑近
習言烏斯藏僧有能知三生者國人稱活佛乃命中
官劉允往迎臣工切諫不聽所賚珠緋犒賞鉅萬內
庫黃金爲空所攜茶鹽數十萬計途中供頓不費入

其地活佛匿不見番人襲奪寶貨器械以去將校死
傷甚衆允僅以身免返成都以空函馳奏會武宗崩
世宗召允下吏治罪嘉靖中法王猶入貢不絕有僧
鎖南堅錯者知已往未來事稱活佛萬曆七年順義
王俺答由瓦刺迎此僧勸通中國此僧乃貽書張居
正自稱釋迦牟尼比丘由是中國亦知眞有活佛矣
此僧有異術能服人諸番莫不從其教卽大寶法王
以下咸俯首稱弟子自是西方止知奉此僧諸番徒
擁虛位而已此外番僧封貢不可勝紀中國爲之勞

野語八

四

弊至
國朝崇德七年卽故明崇正十五年壬子班禪達賴等謂東土有
聖人出遣使達
盛京通貢表順治間第五輩達賴喇嘛入
覲
勅賜金冊金印封承領西天佛教嗣準噶爾逆賊蹂
躪藏地康熙五十九年平定
勅封康濟鼐爲貝勒阿爾布爲貝子隆布鼐爲公頗
羅鼐以軍功疊封至郡王領藏事子孫世襲雍正元

年青海肆逆追逐出境五年藏地貝子謀殺貝勒
王師征討伏誅八年準噶爾復犯乃於泰寧屬之噶
達地方距廳城建惠遠廟使達賴移駐焉自是防兵
四出十三年準夷求成達賴仍回藏地

命果親王至泰寧賜宴熬茶送往安禪熬茶者卽內
地齋僧也乾隆十五年藏王珠爾嗎特納木札勒弒
其胞兄謀為不軌經駐藏大臣傅拉二公以計擒誅
之其頭目倉猝生變二公遇害建有雙忠祠遂

命四川總督岳公鍾琪領兵勦滅藏王之爵遂除其地

野語八

五

勅達賴喇嘛掌管設辦事噶布倫四人相之以後藏
賜班禪額爾德尼管轄駐札什倫布距前藏千餘里
藏人酷信佛法自改封後頗安靖四十五年班禪額
爾德尼入

觀 賜四體字玉冊玉印五十三年巴勒布野番與
西藏講絆元戎鄂 奉

命進勦松潘建昌兩鎮帶兵與噶布倫前行招致番
目得其要領以理開諭番目咸感畏納款次年五月
藏功按今所謂達賴喇嘛者乃前藏所奉活佛駐錫

布達拉所謂班禪額爾德尼者乃後藏所奉活佛幼
而穎異因軍務移駐大召五十九年仍回札什倫布
所駐梵宮均極壯麗起居嚴肅陳設異寶奇珍瓶爐
繡佛皆累 朝頒賜殿宇方丈皆寶石嵌砌用巨鼎
銅缸貯酥油然燈其中各禪房僧眾以千百計焚香
唵經鐘鼓梵器較中華尤精好彼云達賴乃觀音大
士轉世布達賴卽普陀山之謂班禪者乃世間罕有
活佛能化人皆為善云云其真其偽莫可致詰相傳
活佛生而神靈將死告其徒以託生之地手中有紋

野語八

六

可證其徒如命而往迎歸供奉後死亦如之故今昔
所傳其名不一又聞達賴喇嘛入

朝在京痘發而死其神靈真偽概可知矣我
國家懷柔遠人優禮保護卽以其道治其人祇用羈
縻綏靖視前代之崇信其教勞弊中國真度越萬萬
矣昌黎佛骨表云假使其人至今尚在奉其國命來
朝京師云云蓋設言耳不意千載之後實有此事嗚
呼盛哉

巴勒布

後藏之外大西天有三百六十國不可以道里計其與札什倫布毗連者爲巴勒布在藏地西南舊有三罕一曰布顏罕住末作城一曰葉楞罕住莽哈巴哈城一曰庫庫木罕住吉拉蘇拉魚卡城三人撫有五六萬戶其北乃西藏之吉隴自吉隴至藏計程二十三日此三罕曾於雍正年間奉

勅賞資隨遣使入貢載藏志其地天氣和暖產稻米孔雀金絲緞綢布棉花瓜果蔬菜如內地惟言語不通其番文亦與唐古忒各別帽服皆白色以布片遮

野語八

七

下體披髮赤足與藏民交易有無繼有科爾喀者又名別胖子亦邊外部落其人積勢強大將巴勒布三罕併吞爲一今之頭目番部稱王子名巴都爾色和卜年幼惟頭目噶吉等是聽因藏地噶布倫戴綳領兵鐘將名第巴職等交涉不循舊規加抽貨稅售鹽攪土而巴勒布銀錢亦成色不足起衅巴番因於乾隆戊申寇犯藏地平定後奏准由四川總督派員赴藏董理鼓鑄銀錢每枚重一錢五分文曰乾隆藏寶

古佛真身

古佛真身在錫蘭國自蘇門答刺順風十二晝夜可達翠藍嶼自此西行九日抵佛堂山始入錫蘭境海邊巖上一足跡長三尺故老云佛從翠藍嶼來踐此故存其跡中有淺水四時不涸人皆手蘸拭目洗面曰佛水山下僧寺有釋迦真身倒臥牀上旁有佛牙及舍利相傳佛涅槃處也寢座沉香爲之飾以寶石莊嚴甚至又有篤巒山者在翠藍嶼中其人皆巢居穴處赤身髡髮相傳釋迦昔經此山浴於水或竊其袈裟佛誓云後有穿衣者必爛其皮肉自是寸布掛

野語八

八

身輒發瘡毒男女皆裸體但初木葉蔽其前後故又名裸形國地不生穀惟啖魚蝦山芋波羅蜜芭蕉實之屬而已果爾則佛不免噏之一字殊不足信其裸形者乃地氣蒸熱使然也然乎否乎

天竺

榜葛刺卽漢身毒國東漢曰天竺後中天竺貢於梁南天竺貢於魏至唐分五天竺又名五印度榜葛刺卽東印度也自蘇門答刺順風二十晝夜可達明永樂正德間嘗兩貢麒麟其地土沃俗淳有文字繁華

類中國王及官民皆回回人官司文移醫卜工技悉如中國甚敬天朝使者然史傳不言其國有僧佛惟榜葛刺之西有沼納樸兒者即中印度古所稱佛國也朝貢以絕遠不至又有柔佛者地近彭亨或云即東天竺

道教宗派

道家有南北二宗世傳自東華少陽君得老聃之道以授漢鍾離權權授唐進士呂巖巖一授金重陽子王嘉嘉授七弟子邱處機譚處端劉處玄王處一郝

野語八

九

大通馬鈺暨妻孫不二嘉居寧海自題其庵曰全真宗其教者為全真道士是為北宗北宗先性巖又授遼進士劉操而張伯端石泰薛道光陳抃白玉蟾彭栢復遞相授受是為南宗南宗先命今道教陵夷黃冠者流無復能言性命者即授受而論以漢人而親授唐人以唐人而親授金人曠世相逢薪傳不替自非其徒自言又誰聞之而誰見之乎夫天仙上真如吾道之先聖先賢本不世出既已神游太虛默贊元化而謂其溷跡塵世親授徒侶不亦誣乎至真修

者求諸經典語錄探賸元奧精進不懈自能豁然妙悟超凡入聖正如學者沉酣經籍窮理盡性深造有得蔚為儒宗初非先聖先賢耳提面命之也故謂王劉得呂祖之道呂祖得鍾離之道則可謂之授受吾未之敢信

方士

方士之言因時立異雜而多端未能動明哲之聽故假道德五千言穿鑿而傅會之以天之不可階而升也創為乘風御氣之說以神仙之不可即也創為扶

野語八

十

鸞降筆之說以人情多貪生畏死也為長生不死之說以人情多貪財好色也為黃白採戰之說其他邪說不可枚舉書傳所載誕妄最著者如漢武思念李夫人即以帳中人影誑之唐元宗思念楊太真即以金釵鈿盒誑之宋徽宗畏怯金兵即以六甲神兵誑之大抵皆投世主所深願而不可得者以售其奸卒之冰月鏡花迄無成效雖技窮伏誅而為世患已不可救藥矣至人臣之信其說者或覬覦非分或貽誤職守馴至身敗名裂濱死不悟如劉安高駢輩何代

無賢徒以服丹而藥發殞身以燒煉而傾蕩財賄猶其小焉者也然方士卽修道之流豈絕無賢哲廁於其間乎曰有眞修之士方且視富貴如敝屣安復與人家國故入山惟恐不深物色所加避之惟恐不速其或名聞世主徵聘敦迫不得已而一至闕廷亦必巽詞自悔堅求還山如唐軒轅集宋陳圖南之類是已其詭譎妖異驚世駭俗奔競權勢挾術干進者必無眞修之士

回教

野語八

十一

回回教祖國名默得那相傳其初國王謨罕慕德生而神靈臣服西域諸國諸國尊爲別諳扶爾猶華言天使也有經三十本凡三千六百餘段其書旁行兼篆草楷三體其教以事天爲主無像設每日西向虔拜每歲齋戒一月謂之把齋隋開皇中其國撒哈八撒阿的幹葛思始傳其教入中國其國中城池宮室大類中土有陰陽星歷醫藥音樂諸技其織文製器尤巧寒暑應候民殷物蕃五穀六畜咸備俗重殺不食豬肉嘗以白布蒙頭雖適他邦不易其俗明宣德

問其使會隨天方國入貢天方國者卽古筠冲地極富庶習回回教其人皆頤碩男子削髮以布纏頭婦女則編髮蓋頭不露其面相傳回回設教之祖曰馬哈麻者首於其地行教死卽葬焉墓頂常有光日夜不熄後人遵其教人皆向善國無苛擾亦無刑罰寇賊不作西土稱爲樂國俗禁酒有禮拜寺分四方方九十間皆白玉爲柱黃甘玉爲地堂以五色石砌成四方平頂沉香爲梁黃金爲閣垣墉悉薔薇露龍涎香和土爲之守門以二黑獅堂左有司馬儀墓其國

野語八

十三

稱爲聖人塚上悉寶石圍牆則黃甘玉兩旁有諸祖師傅法之堂亦以石築成極其壯麗馬哈麻墓後有一井水清而甘泛海者必汲以行遇颶風取水灑之卽息明太監鄭和使西洋時傳其國風物如此宣德後屢通貢然所言玉柱玉地等語誇誕無稽乃中官造作外夷繁華情狀以蠱惑世主動其奢念厥後土木繁興民勞國弊亦鄭和輩階之厲耳按今中華回教處處有之農商仕宦與常人無二惟守酒肉之戒甚嚴遇把齋之月日惟一食見星始餐其洗盥用壺

水自上灌下以表潔喪葬之禮與常人少異凡同教者識與不識飲助保衛惟力是視其風足尙至書史所傳沿海諸國奉回教者十居八九皆各成其俗不盡同也

天主教

天主名耶穌大西洋人自古不通中國萬曆辛巳有大西洋之意大里亞人利瑪竇者航海九萬里抵廣東之香山澳其教始染中土二十九年入京師作萬國全圖言天下有五大洲第一亞細亞洲中凡百餘

野語八

十三

國中居其一第二曰歐羅巴洲中凡七十餘國意大里亞居其一第三曰利未亞洲中凡百餘國第四曰亞墨利加洲地更大以境相連分爲南北二洲最後得墨瓦臘泥加洲爲第五而域中大地盡矣歐羅巴諸國俱奉耶穌教稱爲天主耶穌生於如德亞其國在亞細亞洲之中一名拂菻卽古大秦國於時爲漢哀帝元壽二年庚申閏一千五百八十一年至萬曆九年卒其國自開闢以來六千餘年史書所載世代相嬗及萬事萬物無不詳悉謂天主爲肇生人類

之邦其說率謾誕荒渺中官馬堂以其方物進獻有天主暨天主母圖并神仙骨諸物禮臣言會典止有西洋瑣里國無大西洋真偽不可考且利瑪竇居中土二十年始進貢與慕義獻琛者不同所貢諸物俱不經乞賜冠帶遣還國勿令居京師不報帝嘉其遠來給賜優厚公卿咸與晉接遂留不去於京師宣武門內建天主堂堂制狹長上如覆幔傍倚綺疏藻繪詭異供耶穌像係彩色平畫望之如塑貌三十許人左手執渾天儀右义指若方論說狀鬚眉豎者如怒

野語八

十四

揚者如喜耳隆輪鼻隆準目若矚口若聲右聖母貌若少女手一兒耶穌也衣非縫製自頂被體所供香燈帷蓋無不修潔精美利瑪竇於庚戌年卒以陪臣禮賜葬阜城門外自是其徒來者益衆

艾儒略

艾儒略者著職方外紀其言曰天主化生天地肇育人類欲身自降生啓萬世升天之路後果降於如德亞曰德稜之地名曰耶穌譯言救世主也在世三十三年有宗徒十二人耶穌縱天之能不假學力通各

貯於水盆經宿血散中有一物不散乃成人形鬚眉畢具細視其狀即授教師也方今

令甲至嚴習其教者法無赦有司推勘第取十字架令罪人跨之跨者以悔過議減亦竟有甘受刑誅不願跨架者

西洋歷法

西洋人之得留中土亦非無故其人率專精歷法萬曆三十八年十一月朔當日食歷官推算多謬五官正周子愚言西洋歸化人龐迪我能三拔所攜歷書

野語八

十七

有中國載籍所未及者當令譯上禮臣翁正春請仿洪武回回歷科例令迪我等會同測驗從之迨迪我等去後至崇禎時歷法益疎外允禮書徐光啓之請令其徒羅雅谷湯若望等以其國新法參較開局纂修書成以崇禎元年戊辰為歷元視大統歷為密蓋其人自入中國參考中國諸書法益明備纖毫不爽至今 欽天監猶用其人不能盡去然不去則傳教終無已時如今士子一體明習歷法有歷學精深者量子登進之路則中土士人知歷者多西洋人失所

侍矣昔唐宣宗欲裁抑宦官令狐綯曰有罪勿捨有闕勿補自然漸耗至盡可師其意西洋人薄其廩祿重其防閑嚴傳教之罪去者聽之來者拒之使之利少而害多則其人不_去而自去其教不絕而自絕矣此特臆說今道光六年欽天監副高守謙呈請終養畢學源衰病均奉

俞允准回西洋本國不必再行來京著督撫委員護送毋任逗遛與人交接滋事等因欽此從此西洋人日少習天主教者亦日少矣

野語八

十八

習天文

或謂中土士人習天文者少非西人不可余聞西人測算本於周髀自中土失傳西人改易名目來售其術是西法即中土之法耳近世如宣城梅氏尙矣他如餘姚邵子政昂通中西之術推測布算細析毫芒手製儀象西人服其精巧著有萬青樓圖編援引最為精密嘉慶年間又有金陵女史王貞儀者字德卿適宣城梅子文木枚其所著象數窺餘星象圖說歲差日至辯疑盈縮高卑辯黃赤二道辯地圓論月食

解地球比九重之天論歲輪定於地心論日月五星
隨天左旋三論勾股三角解等書皆足與梅氏相發
明巾幗且然何況士類吾友陳君鴻業夙精天文歷
算其所論著久爲大人先生推許由此觀之不患中
土無材也

附 毀西洋堂

雍正九年閩浙制府李公衛毀西洋天主堂改建
天后宮碑記略云自利瑪竇入中國迄今幾二百
年浸滲沉溺惑其教者未必一旦豁然有悟卽悟

野語八

五

矣或以爲不妨存而不論是其得罪於天而爲害
於人心風俗者卒未大白於天下也夫教稱天主
是風雲雷雨陰陽寒暑彼皆得而主之也不知未
有天主之前將竟無有陰陽寒暑風雲雷雨乎抑
別有主之者俟天主出而授之柄乎其謬一入其
教者必先將本人祖宗父母神牌送與燬棄以示
歸教之誠不知天主生於空桑乎抑亦由祖宗父
母而生也况人之所以敬天奉天者以天實能生
人生物耳今以生我之父母祖宗而棄絕之不知

尙何取於生人生物之天而敬之奉之其謬二棄
絕父母祖宗者欲專其敬於天主也然聞西洋之
俗亦有君臣有兄弟朋友且生生不絕則何不盡
舉而廢之而所以事天主者尤專且篤而獨父母
祖宗棄若敝屣其謬三西洋之教一技一能務窮
思力索精其藝而後止設未及於精而死則舉而
授之其子脫其子猶有未就則復授之其孫或一
傳或三四傳其藝始精則羣然推奉以爲可以行
教之人矣今之人中國者悉此類也夫一技一能

野語八

五

原無常於生人日用之重至於奇技淫巧尤爲王
法所不容今既不知有祖宗父母則爲其祖宗父
母者當亦不復以子孫視之獨至奇技淫巧父忽
念其爲子而不啻箕裘之授子忽念其爲父而不
啻堂構之承其謬四藝既精矣遂可出而行教矣
夫既祖宗父母之盡棄其他漠不相識之人復何
關欣戚而必窮數世之精力以利他人之用其謬
五然此雖足爲人心風俗之害然弊止及於惑其
教之人其罪猶小若其居心之險則尤有大不可

問者西洋去中國數千萬里又有大海風濤之險去故鄉離妻子跋涉而來以人情論必有所利而爲之故攜帶土物造作器用其誑中國之金錢誠不可數計乃聞入其教者必有資給人有定數歲有定額勞心焦思取中國之財而仍給中國之人圖利者恐不若是拙也或云每紅毛船到必廣載其國中金錢以濟其在中國行教之人或又云彼來中國者皆善黃白之術以彼國之金錢而用之中國夫以此數人之行教而國中居守之人肯傾

野語八

止一

貨以佐其用則其所圖者非利也彼既以教惑人而復借黃白之術以要結人心是其設心殆有在矣或又曰彼其志欲行教耳好名之人能讓千乘之國何難去故鄉離妻子蹈不測之大海以博後世之名夫好名之人或有捨其身以徇人者然一人好名何爲盡一國之人皆好名而傾貲以佐之也日絡繹而來其居天主堂者所在而有抑何好名者之多也此蓋非無所爲而爲之者一見其技於噶爾巴矣再見其技於呂宋矣又幾肆其技於

日本矣爲行教計耶抑不爲行教計耶且愚夫愚婦未有不以禍福動其心者今日本於海口收港登陸之處鑄銅爲天主跪像抵其國者不蹈天主像則罪至不赦夫既爲天之主而受海外一國如此蹂踐毀蔑卒亦無如何其不能禍福人明矣所精者儀器而璿璣玉衡見之唐虞矣所重者日表而指南車周公曾爲之矣所奇者自鳴鐘銅壺滴漏而漢時蚤有之矣所駭人者機巧而木牛流馬諸葛武侯已行之鬼工之奇五代時亦有之是其

野語八

止二

說不經其製造亦中國所素有其爲術又不能禍福人吾不知何爲而人之惑之也碑文甚長節錄關天主之說如右

長崎略

日本國在朝鮮之南琉球之北古倭奴地或言其人中年輒陰痿痿呼爲倭儂呼爲奴倭奴之義取此所轄對馬島迤東七十二島皆其畛域史稱其有五畿七道一百十五州五百八十七郡而與中國通貿遷者惟長崎崎亦一作一島自廈門往水程七十二更更凡

六十里乘南風至米糠洋香草洋望見薩摩島之天堂山方合針路曰糠曰草者乃水沫水泡之形似也自乍浦往止三十六更然長崎與普陀東西相向經由五島海水橫流風浪險惡諺云日本好貨五島難過是也薩摩近琉球與溫州對峙對馬近朝鮮與登州對峙二國聘問從二島轉達其國君居長崎東北千餘里名彌耶姑乃國都也封肇自漢至唐又征服之君襲中國冠裳人習中華文字讀以倭音通文藝者爲高士優禮免徭役官皆世祿猶以刺史千石爲

野語八

廿三

名祿厚足養廉卽街官微秩亦歲給膳米五十包故鮮貪墨子奪之權乘於將軍而其君不與焉但受供獻奉祀事而已眞可謂祭則寡人也開國以來其君王姓世守虛器將軍不敢篡奪相傳曾有篡者國中陰陽爲災五穀物產悉不登君臣復故卽順若如初噫島夷蕞爾名器尙不容謬假若此哉其國立法重不輕爭鬪無盜賊鮮訟獄犯罪者令剖腹自殺不緣坐妻孥上下之分最嚴呼童僕鳴掌卽應然無鬻身者備滿卽歸名曰守番俗雅敬祖掃廬墓以時尤信

佛法尙中國僧僧有二派居唐僧寺者守戒律不苟葦居日本寺者聽娶妻不禁葦酒士大夫庶子及無爵可襲者往往爲之其妻亦多世族不爲病史稱西藏僧有娶有不娶倭頗似之倭性好潔街衢日糞除夫婦不共盤匱餘之物奴僕尙棄之諺稱不潔爲倭子殆反言耳坐席名蹋踏眠貧富以此爲差衣皆長領闊領男女俱露胸赤足所曳草履名十九文男子束帶插刀皆髡髮薙頂雖下體亦薙之惟兩鬢留髮寸許直至後枕面前挽小髻髮長則修之有職人

野語八

廿四

穿禪如裝插雙刀婦女衣長曳地染畫花草文彩下體裹以紅紗名曰花甲馬足穿短襪以曳履首不戴鮮花簪珥惟插玳瑁鬢髮如雲塗以丁香油日事梳洗薰灼沉楠髻挽前後爪甲無痕惟恐納垢既嫁則黑其齒眉目肌理雖未足較勝中華然非諸夷所能比見客重禮貌對華人亦好談孔孟獨不知貞節爲何事帷簿皆不可問夷之爲夷其在此乎人皆複姓其單姓者乃徐福配合之童男女也福所居地名徐家村其家在熊指山下嚮疑徐福之事荒唐難信孰

知數千載後種類猶存遺型無恙乎以祖龍威虐而為福所愚迄乎一去不返亦付之無可如何福之機智殆出李斯不韋諸人上矣薩摩島人多獷悍器械犀利且產馬明代倭患皆其人也聞其初漁者十八人飄至浙境內地奸民亦髡髮雜頂引之劫掠倭焰遂熾故江浙有假倭子之諺迨倭平歸國伏辜者亦十八人可見倭患初起特探囊拏篋者流使朱純張經諸公得竟其用殲除易易徒以巨奸擅國易置乖宜一任真假諸倭狼貪豕突為東南害者百餘年可

野語八

廿五

慨也已日本市舶明初許通中國後以倭患申禁然其地素產金銀磁漆藥布海味之屬皆可佐中國所不足而紅銅最旺尤鼓鑄所必需故商舶不能禁絕今之客日本者皆採辦洋銅官商也倭通稱華人為唐人稱商舶上下為公司惟舶主則稱仙都於長崎島設唐人館聚寓其處環山築城巡邏甚密唐人言語憑通事轉譯呈頭目長崎大頭目曰高禾王交易有官主之通計終歲之利按執事戶口均分以資食用蓋長崎不產米粟故也倭性貪鄙其罔利無所不

至而色蠱為甚有街管者專收唐館夜合錢其餘市買食物約十取其三名為科羨地多僧寺春月唐人每出館往五寺看花肩輿之制與中國檻車相類兒童常塞路索銀皮卽戒指也呼街為町有寄合丸山兩町妓樓鱗次七十餘所惟下筑中筑引田為大大樓二十餘人小樓半之稱為受祿私有通華音能崑調曲者女年十三四卽賣入妓樓其從良遣嫁以二十五歲為限未破瓜以前衣必長襲至梳梳後去之謂之剪髮幼而服役長卽繼其衣鉢有名籍街官主

野語八

廿六

之登籍曰印番近樓茶屋二十餘所花木蕭疎陳設精潔與秦淮河房相埒乃富人設以收租者日晌午諸樓皆薰沐豔妝以俟謂之安燈番狎遊者先至茶屋指喚某樓某姬其鴛卽引之來見俄而金尊華燭珍錯雜陳垂髮雛姬當筵歌舞柳嬌花活觸處泥人定情後卽昇入唐館如琵琶焉溺於是者往往沉迷忘返流弊所不忍言人惟知彭河道險落際堪虞孰知無底之谷不在彼而在此乎吾鄉陳丈養山有記有詩賦錢丈禹門有花史有竹枝詞道其間見最詳

茲綴崖略而已

淡海水

海水皆鹹故海舶皆有澹水艙涓滴不妄費葦鄉贊筆載高麗使於京師窮市得古鏡條識為神禹定水帶投之海水立化甘泉云云其事真偽難考今人客海洋者言海水惟面上數丈潮汐往來者味鹹其下俱屬淡水近時海舶上俱置探筒設有機關閉蓋繼至深處啟蓋灌滿淡水仍閉蓋拽上得水甚甘故近來海舶無水竭患雖真有定水帶亦可廢矣

野語八

廿七

烟瘴

滇黔百越夙稱瘴鄉大抵皆深山窮谷人跡罕到陰翳鬱積之氣結成今承平日久人物蕃庶開墾日多而瘴亦漸輕漸少矣有廣文陶君言瘴無形者輕而難避有形者重而易避嘗在滇乘馬行山中忽見數丈外有五色雲彩飄颺而來從人知為瘴即俯地擊土成窪以而伏之陶在馬上不及避策馬疾馳瘴在腰下過因不為害几瘴多處男人皆色黃腹大壽亦不永婦人則光華美好倍於他所牲畜尤腴壯蓋瘴

乃陰物故婦人牲畜不染也

自鳴鐘表

鐘表來自海洋其上下二側輪盤及擺鍊等物乃竊中土水碓桔槔之製而變通之無他謬巧且時刻須日晷較定非鬼工所能辦惟以法條易滴漏水壺頗為簡便乃鬼工所剏也唐張鷟朝野僉載云則天如意中海州進一匠造十二辰車迴轉正南則午門開馬頭人出四方迴轉不爽毫釐此時辰表之始元順帝自製宮漏高六七尺藏壺其中玉女捧時刻籌時

野語八

廿八

至輒浮水而上左右二金甲神一懸鐘一懸鉦夜則神人按更而擊遇子午時飛仙六人能耦進復退云云今鐘表法皆本於此特約而小之耳古之機衡無論已若記里鼓車已足與鐘表頡頏至張平子候風地動儀如有地動尊則振龍機發吐丸尋其方面知震之所在古人神巧直與造化相通豈鬼工所能測識乎

麒麟

聖王之世麒麟遊於郊藪尙矣周衰獲麟孔子致歎

後世史冊麟瑞屢書大率時非邳治無足歸美明永樂十九年中官周姓從阿丹國市得麒麟以歸史載其狀前足高九尺後足高六尺頸長六尺有二短角牛尾鹿身食粟豆餅餌他如榜葛刺麻林等國貢麒麟者非一皆非中土所產以人力致之成祖謙讓不敢居以為瑞最為有識迨天啟時山東產麒麟巡撫李精白圖像以聞輔臣黃立極輩票旨云厥臣修德故仁獸至其誣罔固不待言但熹宗童昏繼世奄人亂國麟亦何為乎來哉張子明珩有言曰神以知來

野語八

廿九

不追既往禎祥先見而後廢興從之敬考我朝肇基王迹天啟間已載定藩陽遼陽諸處瑞應之興良有以也順治辛卯年三月山西平定州麒麟生是日有五色祥光纏繞牛身遂產道旁徧體生鱗四足有甲又康熙十七年江西袁州府山村牛產麒麟並見尊鄉贊筆

鳳凰

蔡條鐵圍山叢談載博白有遠村號綠含高山大水人跡罕到村民自誇我山多鳳凰其大如鵝率居大

木之巔穴木而巢焉遇天氣清明必出出必雙飛所過則諸鳥俯首斂翼不敢鳴者久之條款為真鳳凰按山海經謂丹穴之山有鳥名鳳皇博白之山豈即古之丹穴乎王漁洋隴蜀餘聞云粵西多鳳皇峒中蠻女緝以為裘甚麗南恩州人截取其嘴為杯曰鳳凰杯是蠻方直凡鳥視之矣徐季方見聞錄載順治辛卯秋有大鳥高三四尺許色青集澈浦龜山之麓衆鳥萬計翱翔左右七日而去明年青州亦有巨鳥來自海上羽備五色從鳥如之皆鳳凰也蓋三代以

野語八

三

前輿圖未廣故但言來儀而未能言所來之地近世產鳳之區已入版圖故來儀屢見然前史猶大書特書惟我朝一掃前代符瑞陋習雖鳳凰屢見不聞有臣工表聞也此其所以為邳治歟

獅

一日後覩近代如竹步阿丹忽魯謨斯土魯番撒馬兒罕魯迷哈烈黑婁失刺思亦思弗罕諸國皆常入貢明永樂中哈烈貢使言獅生於其國之阿朮河蘆

林中初生目閉七日始開土人於目閉時取之調習其性稍長卽不可馴矣其形似虎黑黃色無班首大口廣尾尖聲吼若雷百獸見之皆伏地與圖繪所傳不盡合宏治中土魯番貢獅閣臣劉吉言養獅口用二羊十歲則七千二百羊矣守獅日需校尉五十人一歲一萬八千人矣若絕其餒養聽其自斃傳之千載實爲美談帝不聽傳聞我

朝康熙十七年五月西洋度爾都加利亞國貢獅尤悔菴賦云如彪有形似麟無角昂首仰鼻尖耳圓目

野語八

三一

廣廳脩尾鋸牙鈎足茸毛如斗正色如鏃云云施愚山先生擬應制詩云

聖朝惟尚德薄海必歸王却貢安殊俗獻珍來遠方游麟常在野彩鳳已鳴岡

御厯兼三重乘時集百祥旅葵誇往事神獸致遐荒問產從鳥弋盤山過白狼尾張逾斗大力勁作虓強雄骨毛辭駁金精色受黃吞貔憑掉舌擊象直穿腸脛挾奔雷走晴搖駭電光名徵博物志賦賴永典祥踐踏翻林麓羈縻自漢唐

皇圖寬覆載異國勇梯航玩好知無益懷柔道不忘吼聲驚虎瘞騰勢想龍翔檻制蠻奴苦途經西域長天顏時顧盼禁苑

命詩章位置分熊館威稜歷豹房依仁靡啖噬展力窘飛揚驅戰殲犀兕鳴鑾媿躡蹻修牙銛似鋸厚毳密爲裳率舞隨

天仗馴心習

帝鄉休徵將玉馬靈族又神羊服猛餘鴻略君看靖海疆後

野語八

三一

秋獮名獅搏得兩羆一重千餘觔一八百觔老獅力盡而斃其所生之子因解所帶鐵球逸去是夜卽出關

燕窩菜

爲海錯上珍舊傳產柔佛國今閩廣貨者不盡自柔佛來也王世懋閩部疏云海燕所築銜之飛渡翻倦則擲置海面身坐其中久之復銜以飛陳懋仁泉南雜誌云遠海近番處有金絲燕毛如金絲臨卵時啄蠶螺以食土番云蠶螺背上肉有兩肋如楓蠶絲堅

潔而白可補虛損已勞痢燕食之肉化而助不化嘔
出結為小窩附石上燕雛能飛海人拾之故名未知
孰是

葛仙米

當湖陸武園補粵西偶記云勾漏山道書謂之寶圭
洞天洞口前後產葛仙米採而乾之粒圓如黍黑色
以之揉麴釀酒特芳香今肴饌多用之可稱逸品無
有能釀之者相傳乃稚川丹渣委棄而生然乎否乎
人面豆

野語八

三三

產滇省一苞數粒宛然人面也小兒服之可免出痘
臨痘時服之危者可安彼地亦甚珍之不可多得有
表威游滇帶回三數粒色白大小如扁豆江浙間曩
有豆作人面之異說部家以為兵戈預兆意亦與此
豆相同特少見多怪耳

阿魏

阿魏中國絕少多以蒜膏偽之諾臯載波斯國阿虞
長八九丈皮色青黃三月生葉如鼠耳斷其枝汗出
如飴久而堅疑名阿魏本草從之近有客自滇中來

乃言彼處蜂形甚巨結窩多在絕壁垂如雨蓋滇人
於其下掘一深坎置肥羊于內令善射者飛騎發矢
落其窩急以物覆坎則蜂與羊共相刺撲二者合併
而化久之取出杵用是名阿魏明史撒馬兒罕西去
五百餘里有沙鹿海牙國地生臭草高尺餘葉如葢
煮其葉成膏為真阿魏

椰瓢

產西洋古里國其地富家多植椰子樹其嫩者漿可
飲亦可釀酒老者作油糖亦作餅幹可構屋葉可代

野語八

三四

瓦殼可製杯穰可索綯煨為灰可鑲金

伽楠香

伽楠香一名奇楠嘉善徐季芳岳聞見錄載日本國
取伽楠香法先期割性密卜有無走密林中聽樹頭
小兒語急砍數斧而返遲則有鬼搏人隔年始一往
先上其王次及三音馬日優音馬日厚酬其值次者聽別售
明史云奇楠香占城國有之酋長遣人守視不得采
犯者斷手足中國多以沉香偽之

廣東冰

福文襄奉

命廣東時方盛暑沉李浮瓜鼓以風扇猶揮汗如雨
蓋地氣本熱又當盛夏也公偶云此時都中有冰得
此則合室清涼惜南方不可得耳傍晚屬官送冰至
大塊高數尺傍有小冰數塊承以水盆供諸座中覺
有涼意公樂甚歡飲良久始寢次早其冰依然不化
分寸蓋水晶也

野語八

野語九

語餘目次并引

伏虎道場行者編

僕自壬辰輟末曠逾一紀中更多故衰病頽唐
無復怡情翰墨偶得奇聞逸事往往筆之於書
歲月既久哀然成帙瑣碎蕪雜更無體例可問
屬家弟選泉去繁存簡聊資譚助語餘
道光甲辰長夏星甫自識時年七十有六

蘇公祠

擇勝亭

野語九

飛英塢

顧渚茶

浚瀾

山洪

伐蛟

山棚

木蘭考

韓貞女

闕邪畧

毀天主堂

程城固

大王廟

祠山

太素脉

還難婦

徐繹堂

戴觀察

蔡鴻臚

還遺券

家貞女

費總兵

腹疾二則

夢闌

蝦人

待時

姚楹帖

野語九

二

野語九

語餘

蘇公祠

蘇文忠公於元豐二年自徐州量移吾湖四月二十日履任時新法方厲公不能違第因法便民所至民皆德之有何正臣者迎合章呂撼公謝表知其愚不追陪新進念其老不生事或能牧養小民二語指為愚弄朝廷入告而舒實李定李宜之輩詭襲沈括故智將公刊布詩文籤說進上稱為謗訕奉詔逮問臺吏皇甫遵於七月二十

野語九

一

八日抵郡公怡然就道惟子邁步隨王適王適陳師錫餞送餘皆畏避計蒞湖將百日耳乃公去後民間為作解厄道場累月今城南尚有蘇臺蘇灣東坡書院及黃龍洞蘇公祠其遺愛何遠也峴山舊有九賢祠文忠與焉頽廢已久奚君榆樓常與同人論吾郡賢守詩文非盡人能習惟蘇集雄奇富贍士林家有其書且公詩文章疏倦倦於茗溪風土浙西水患者指不勝屈况峴山尤公屢經游賞之地乃嚮乏專祠無以奉瓣香薦秋菊非闕典耶道光戊戌歲郡人葺

峴山之顯化寺榆樓成勞不薄遂於寺左闢屋數楹
爲蘇公祠且與同志購備器物是冬部署完整十二
月十九日值公誕辰約同志十二人奉安粟主奠醴
祠下各賦詩紀事已亥以後俱於四月二十日舉行
與會者多至二三十人分韻之作積成卷册歲有增
益余不文幸隨諸君後謹誌其緣起如有與會者題
名卷內茲不具錄初戴君銅士取公詩南郭清遊一
聯作楹帖已爲雅切後釋覺阿祖觀作聯云名宦重
吳興墮淚今成兩峴首祠堂遍寰宇化身何止百東

野語九

坡尤妙惟祠宇尙隘增崇改觀不能無望於有力者

擇勝亭

東坡先生在汝南有擇勝亭記其製雖未詳大要以
竹爲梁柱若瓦若垣皆以布爲之而四隅施繩櫺以
張之略如帳房之法遇勝地高會而有寒風烈日則
隨處可設且卷舒甚易取攜甚便所需人力無多吾
鄉多佳山水凡舟楫可通之處無需乎此若山深景
邃而無休息茗飲之所不能往遊卽遊之亦不暢適
宜師此意製一亭一幔以備擇勝而施其精簡廣狹

隨物力之豐嗇爲之實濟勝之美具今峴山蘇公祠
祠宇不寬未能攬湖山之勝另建之舉遙遙莫必不
若仿此構備布亭屆期擇勝安設奉主致祭旣于文
忠爲宜而需費不多資用甚廣同社諸君或不以余
言爲謬

顧渚茶

俞劍花云言茶者必推顧渚其地在長興界中吳小
匏刺史未通籍時與數友爲碧巖之遊過一山家竹
籬茅舍幽潔特異主人延客入淪茗以進窵既精好

野語九

揭蓋視之碧花浮動清香襲人佳茗也方興復進俄
而長鬚奴提一紫沙宜與壺置几上客竊笑其遽易
粗品而主人起立另取小杯手斟奉客意甚殷勤受
飲之甘回舌本珍勝頭綱覺陸羽盧仝品題猶未盡
也異而問之則曰頃所進雖佳不過產於高山摘自
雨前者茲則真顧渚茶也生於高岬絕巖人蹟罕到
之處吾每歲春仲倩人採而藏之亦不可多得滿座
贊嘆不已瀕行小匏乞少許以歸粗枝大葉絕不作
二旗一槍之狀而味佳特甚此中人清福不可及也

飛英塢

郡城南西北三面皆山惟東北一隅獨嫌低空唐中
和四年僧雲皎建石塢於其處然後形止氣蓄倪文
節公所謂一郡砥柱也宋開寶間外置木塢三十七
層高六十五丈紹興庚午熾於火沂王夫人俞氏捐
貲重修損三十層高亦減半後屢圯屢修俱詳郡志
嘉慶壬申秋有僧來郡徠升塢頂燃燈四照里人不
以為意癸酉六月二十二日丁巳大風雨塢尖銅頂
傾落壓損觀音殿三楹壓斃皮匠一人相傳嚮有辟

野語九

四

風珠及他寶物鎮之至是羣疑被燃燈僧竊去或曰
僧將鐵鍊鋸斷以致傾圮二說皆非無因塢圮之後
頻年田蠶屢歉民間生計日蹙科第亦漸寥落道光
丙戌歲姚文信公文田課募修塢引寄郡未幾公歸
道山事遂冰擱癸巳乙未郡中紳士兩次建議興復
募捐二萬餘金雇匠興工至戊戌竣事是年即有鈕
松泉福保大魁之應己亥春並將道塢之多寶碧湖
之浮玉兩塢同時修葺完整厥後年穀順成而春秋
兩榜獲雋者遂復舊觀餘詳三塢徵信錄

浚澗

昔賢謂吾郡有水之利無水之害以有太湖為歸也
今大不然蓋水之趨湖必由澗港澗港不疏則水洩
不暢而泛溢為害矣至太湖容納諸水以有海可歸
也今湖之下流淤淺者多故湖水之去不速而易於
倒灌矣遂古未能詳考澗港之名似係起於吳越錢
氏置撈淺軍分四部凡七八千人沿湖為澗澗有斗
門門各插板旱則閉之以蓄水灌田澇則啟之以洩
水入湖此治澗之初也宋紹興間知湖州事王回修

野語九

五

七十二澗及各關迨後屢興水利不專澗港明天順
間伍餘福上三吳水利論言烏程長興共七十三澗
大者如溪小者如澗塞者如陸沉通者如神澗湖塘
皆有桑麻蘆葦之屬民之利其業者憚於疏浚無怪
乎涸之者有湖而洩之者無澗也萬曆四十二年巡
按李行令開浚湖蕩並築塘壩寓賑於工烏程合楊
國植議除陳澗等十七處深通不計外將楊澗等十
九處濬流疏源築缺補壞陸續完修我
朝康熙雍正年間東南水利屢墮

宸衷至雍正七年動帑修浚濬港並及間座乾隆十九年湖郡大水爲災李肯庵太守堂屢請上臺疏浚濬港緣太湖下游境隸江蘇事權不屬因循數載至二十七年莊中丞有恭自浙調蘇浙撫熊中丞學鵬與會奏同時興工李太守遂按圖計工富者出資貧者食力趨工踴躍兩月歲事計浚濬六十有四水患稍息士民誦之嘉慶五年阮中丞元曾勘太湖諸濬欲行疏浚因必須先浚吳江長橋多所格礙蘇省仍復議寢道光三年大水爲災雖蒙

野語九

六

恩蠲賑並施而民困猶甚郡人凌君少茗介禱聞有三侍御條陳水利且上臺有以工代賑之議遂上書帥中丞承瀛擬呈水利事宜十四條頗見採納令凌君協全委員親履各濬相度形勢探量寬深丈尺繪成圖說上之時以太湖之水以海爲歸疏導之方必從海口始工關蘇松湖三郡經費浩大籌款維艱不能遽如所請惟先將運河東西石塘興工修完並培築各土塘圩岸亦凌君所陳之一要也凌君綜杭嘉湖蘇松常鎮七郡水利泐有成書以脩後來考鏡於

吾郡尤詳云茲撮其畧

山洪

水利原委凌君少茗論之甚詳然有少茗所未及者則不在水而在山蓋湖境南西北三面皆山接連數郡當大雨時行之際山洪挾土而下色類黃河卽疾趨太湖尚不免隨路停淤况下游不暢趨湖艱澀乎南路來水較清且溪蕩擅魚菱之利南撈爬刷用力較齊是以水道深通惟西南正西迤北一帶山洪常發爲患最深推原其故有二一由天一由人由天者

野語九

七

發蛟是也俗名泛黃每遇雷雨連綿天氣蒸鬱則蛟常穿山破石而起起必多處黃水隨之衝沒田廬人畜無可抵制惟接著溪河之水蛟水方止蛟亦潛伏不見而黃水浩瀚洶湧滾滾趨下高以丈計數日方清其土停淤不少而水道潛長暗高矣聞蛟卵在下其上草木不生大雪不積故昔人有伐蛟說令於冬令尋掘得之官爲給賞是事雖由天若實力講求患猶可弭由人者山棚是也俗名番薯廠外來之人租得荒山卽芟盡草根興種番薯包蘆及花生芝麻之

屬彌山遍谷到處皆有草根既淨沙土鬆浮每遇大雨山水挾土而下與發蛟泛黃無異且發蛟乃一方偶有之事山棚則旁山郡縣無處不有亦無處不多湖郡山洪無歲不發自山棚日旺溪河蕩漾受水處逐漸增高而圩田低窪如故以致水患益大是事雖由人而非人力所能驟遏也鄙願惟望山鄉賢士有心如少茗其人者親歷各處察看形勢如何禁遏山棚如何實力伐蛟則可減山洪挾土之害矣

伐蛟

野語九

八

陳文恭公宏謀嘗著伐蛟說頒行後亦經大府重刊廣布而有司簿書期會之不遑無人講求及此今因述山洪之患摘錄其畧 蛟如蛇四足細頸頸有白纓本龍屬其孕而成形率在陵谷間乃雉與蛇交精淪於地聞雷則入地成卵漸次下達及泉積數十年卵大如輪其地冬雪不存夏苗不長鳥雀不集土色赤有氣朝昏暮黑上冲於霄卵既成形聞雷聲漸起而上地色與氣漸顯而明未起三月前遠聽似秋蟬悶在手中鳴或如醉人聲此時蛟能動不能飛可以

掘得及漸起離地三尺聲響漸大不過數日遇雷雨即出多在夏末秋初善識者先於冬雪時視其團圓不存雪又無草木復於春夏之間觀地之色與氣掘至三五尺其卵即得大如二斛甕預以不潔之物或鐵與犬血鎮之多備利刃剖之其害乃絕 又蛟畏金鼓及火山中久雨夜立高竿掛一燈可以辟蛟夏月田間作金鼓聲督農則蛟不起即起而作波但聳鳴鉦鼓多發火光水勢必退

嘗見伐蛟一事地方官假手胥役其弊無窮不免

野語九

九

虛應故事惟在山居有力之家有心之人親歷察看或出資購買蛟卵庶乎有濟

山棚

他處民人或無恒產輒結夥攜眷羣至山中向業主租取荒山租價反倍於買價年限一滿即棄而之他故租無不得呼朋引類日積日多各省皆有有司稱為棚民立法禁止驅逐卒鮮成效蓋利之所在多方支吾掩護也其人安分耕鑿固十有七八而逃凶逸盜淫賭鬥狠之徒十有三二馴良者畏其反噬不敢

首告而狡黠者樂其非爲效尤隱蔽黨羽旣衆寔惡
不作山深易匿破案甚稀間獲一二懲治其未破者
魏法如故近聞各處搶竊巨案棚匪居多奉文搜捕
點者聞風先遁追緝捕少弛捨劫如故此地方大患
但禁戢之方寬嚴皆有流弊安得智者設法解散除
之以漸乎

木蘭考

毘陵宋子庭先生 翔鳳 題木蘭圖附考證云木蘭詩
隋大業間事也可汗謂突厥啟民可汗天子卽煬帝

野語九

十一

也黃河蓋水經所云奢延水卽無定河入黃河之處
黑山蓋卽水經所云黑水出奢延縣黑澗黑澗當因
黑山名之今陝西榆林縣有黑山黑水出其下卽詩
之黑山也隋書突厥傳拜染干爲啟民可汗上於朔
州築大利城以居之又云雍虞閭侵掠不已遷於河
南夏勝二州之間發徒掘塹數百里東西距河盡啟
民可汗畜牧地今榆林以西邊牆內外並是啟民故
地其部落散處其間木蘭當是啟民部落家在黃河
東故一宿在黃河邊再宿在黑山隋書又言二可汗

自相仇敵每歲交兵積數十年故云同行十二年又
考大業三年煬帝幸榆林法駕御千人大帳享啟民
可汗及其部落酋長三千五百人賜物各有差木蘭
在部落酋長之內故云歸來見天子天子坐明堂古
巡狩有明堂朝諸侯之事借用之可汗問所欲二句
當依一本作欲與木蘭賞不願尙書郎不欲官於天
子之朝也右于庭考證如此

郡人汪君薪甫云歸德府志載監察御史張維恕有
孝烈將軍廟畧云孝烈隋人姓魏氏名木蘭本處子

野語九

十一

世傳可汗募兵孝烈痛父老弟幼慨然代行閏十有
八載人莫識之及凱還天子嘉其功除尙書郎不受
懇奏省親及還釋戎服衣舊裳同行者駭之遂聞於
朝召赴闕欲納之宮中孝烈以死拒之帝驚憫贈將
軍諡孝烈云而人物志又稱隋恭帝時人已相牴牾
且木蘭從戎一紀久歷風霜約計年近三十煬帝荒
淫重色未必欲納宮中其說皆不足信俞劍花又云
直隸完縣卽古曲逆地有孝烈將軍木蘭廟縣志載
將軍姓魏氏亳州人漢文帝時扈從來曲逆故立廟

祀之其言與歸德志姓氏封號悉同而時代懸殊亦難徵信清見魏木蘭或另有其人是女與否亦未可知特因古詩一首曲為牽合耳

韓貞女

平蜀錄載保軍韓氏女年十七遭明氏玠兵亂處為所掠偽作男裝混處民間既而果被虜居兵伍中七年人莫知其為女後從王珍兵掠雲南還遇其叔贖歸成婚嫁於尹氏人皆異之稱韓貞女

俞劍花曰此可配享海烈將軍魏木蘭祠余則謂金

野語九

十一

殿堂無雙譜當則一首奈何

關邪書

邪教之源起於方士流為巫蠱至黃巾而邪焰始熾唐有劍俠與刺客同亦邪術之一端然未見正史或文人游戲故神其術耳若呂用之輩猶巫蠱餘毒也宋代方臘以奉魔茹素惑眾煽亂流毒數州厥後邪教率踵故智得非當日天書符瑞有以召之耶元代番僧與國終始事異而害同迨韓三童起又若與漢末黃巾遙遙相應和矣勝國時徐鴻儒唐賽兒之徒

構亂一隅旋就殄滅至焚香等教抑又末也我

國家正氣彌綸羣邪遁跡異端左道不復著靈如川楚徐姚諸逆直隸林劉諸逆皆非真有邪術足以驅使妖魅祇襲白蓮餘唾創為紅蓮紅洋天理八卦諸名色託詞興教以欺誘愚蒙售其詭詐馴至罪大惡極重勞

天戈殲蕪非冥頑之極致耶相傳邪教惑眾率以茹素啖經消災宥罪動人飲財之方視出錢之多寡為來生福報之等差所到之處同教互有伙助故貧者

野語九

十二

趨之同教男女姦私無禁故惡少趨之竊劫殺人同教互為容隱故逃兇逸盜負罪不逞之輩無不趨之而馴謹鄉愚輕信簧言妄希福報陷溺其中者不少兢兢然啖經茹素不為匪僻而不知身陷刑章者是可哀已其引誘為逆更有術焉古佛降生菩提再世因事造端未易殫述大凡人莫不貪生而畏死也乃誑之曰一遭兵劫立地成佛故匪夥到官往往直認不諱即誅以刑誅亦無悔意何則成佛之念重也而桀黠匪黨逃死狡供何所不至鞠獄者豈不難哉其

抗拒顏行多用新授及褻脅者爲前驅臨發食以湯
麪餅餌之屬卽持刀奮迅逢人擊刺不知退縮藉此
翻爲法術豈知所食者用酷烈藥物製成所以如此
迫藥性一過卽頽然而靡矣川楚

王師或察知其計持以鎮靜待其前鋒氣衰鼓行而
前如殪孤雛腐鼠凡小說所傳紙人豆馬役鬼驅神
諸伎倆已絕無矣至邪教經卷嘗於公牘中見郡縣
搜得呈驗者皆前朝山東羅某所著羅卽若輩尊爲
羅祖者經多不能悉記有一種名太上魏魏不動深

野語九

十四

根結果經寶卷其名已鄙俗可嗤開宗亦引佛經數
語半頁之後悉十字句俚詞凡所稱引皆淺陋演義
雜劇中事間作奧語如真空無生等句借以眩俗絕
無精義可參亦無顯然悖逆字句餘經大率類此若
董奉爲金科玉律欺誑愚蒙作備階厲似應罪歸羅
某然蒲柳泉聊齋志異載羅祖卽墨人充戍北邊因
事發憤棄家入山辟穀坐化則其人乃修道有得者
必不造此淺陋經典惑世誣民意必邪教中粗識幾
字者託名編造耳然正幸經文淺陋不能欺誑士林

故易起易滅非若二氏之各樹精義可比也惟士林
雖不受誑而邪教之欺人誘人未必盡人皆知故就
見聞所及質而言之願能文者推廣此意著爲說亦
闢邪翼正之道也

楊蕉兩觀察炳堃云邪教煽亂誠爲罪不容誅迫破
獲到官從犯內半屬無知愚民般觶就死情殊可憫
曩官豫楚時曾製俚言告示刊刷成本於因公下鄉
時令識字鄉耆對衆讀之因而感悔者不少余得之
細讀具見化導苦心示長不及備錄願賢司牧隨地

野語九

十五

隨時揭破其妄亦以俚言曉諭愚頑實造福之大端
也

毀天主堂

天主之說已詳第八卷今程子翔述其尊甫稼村刺
史毀城固天主堂事與前迥異堂在城固東關外鄉
僻處愚民被惑者多吏役不免故破獲較難頭目三
人首衣藍曰藍臣府次衣黃曰黃臣府又次衣紫曰
紫臣府其教以天爲主故稱臣府其冠類古方巾袍
則藍黃紫外褻以他色褙子皆異錦爲緣其堂甚峻

廣容千人四面開門中庭深奧室宇環繞路徑縈紆
悞人者迷不得出率被致斃所奉十字木架高與人
等沉檀爲之飾以珠貝行教之期堂內鐘鼓鳴諸門
盡闔奉教者各服其服畢聚堂下焚香聽命頭目按
冊點名相率登堂向架羅拜步伐止齊肅如行陳拜
畢頭目登座開講其經大指述天主困苦成道巔末
講畢衆匪齊聲朗誦各各納錢而退平日不茹葷酒
凡娶婦先與頭目共寢數夕方歸新壻名曰供奉恬
不爲恥宰是邑者以吏役掩護因循未發刺史廉得

野語九

六

其實密約武員託他故率帶兵壯千餘人往捕至則
峻宇繚垣四門固閉無間可乘有民壯徐智者素勇
敢超垣而上餘兵壯疊肩繼登遂開門入刺史率弁
兵圍守要隘又選精強兵壯百名進捕三頭目率衆
來禦遂獲二人其一遁入內官兵追之忽竄入小門
不見恐墮其計命兵壯四門齊進歷數十戶至一室
見兩婦並踞於牀面有懼色遂搜獲之餘匪或擒或
逸於是將各犯解省按律懲辦爰毀其堂改爲義學
云按此說惟奉十字架爲天主教本色其茹素歛錢

則各邪教通弊而非天主教所有至服飾詭異婦女
供奉罪爲尤重向聞邪教多託佛老爲名此獨託天
主爲名可謂每况愈下矣

語曰稼村此舉妙在不動聲色猝然而發所謂迅雷
不及掩耳脫事機不密匪有整備危矣又嘉慶庚申
年教匪薄城稼村先期招義勇練兵壯守禦甚嚴匪
知有備不敢犯而去他縣率蹂躪甚慘而城固獨全
事平叙勞加知州銜有材若此而年未周甲未竟其
用惜哉

野語九

七

程城固

程君稼村 嘉慶初以孝廉授知縣補陝西城固令
清操自守聽斷維勤一日坐堂鞠獄忽一牛絕韉疾
馳迫者不能及過者不能止徑至堂下跪前兩足淚
下如綫著地不絕君傳牛主訊之緣將娶婦循俗例
欲宰牛祀神耳君諭以私宰律禁薄懲之誠以勿殺
牛仍伏不起君曰汝慮終不免乎迺捐俸買之角懸
銅牌鐫放生字復從紳士請捐入書院耕儲田且申
明其禁私宰祀神之俗遂革時張公直方 總主講樂

城書院撰文泐石紀之

語曰明史循吏傳云新淦謝子襄以青田知縣課最擢知處州府有民鬻牛於市牛逸至子襄前俯首若訴乃相俸贖還其主與程君事適符而程之處牛尤善其他善政甚夥余特紀其新異者

大主廟

金龍四大王郡無專廟今建於三里橋漕艘所崇奉也考神姓謝氏諱緒宋會稽諸生兄弟四人紀綱統緒神其季也以宋理宗謝皇后之姪為國戚絕意仕

野語九

大

進隱錢塘之安溪金龍山值歲歉多散錢穀賑飢者甲戌八月天目山崩乃泣曰天目臨安主山也主山崩宋其殆乎德祐丙子正月宋帝遣楊應魁上降表于元三月伯顏入臨安宣詔趣宋帝及全后并度宗母隆國夫人黃氏偕庶僚三學生等北行太皇太后謝氏以病留五月端宗即位於福州改元景炎八月元人又入宮中昇謝后之牀以去侍衛七十餘人同赴燕神日夜痛哭陰結義士圖恢復有詩云莫笑狂夫老更狂推輪怒臂勇螳螂三軍未復中原土萬姓

空悲塞外鄉動地聲名懸宇宙驚天氣概蕩邊疆忠

心自古人人有莫笑狂夫老更狂後知事不可為復題詩於石上曰立志生平尚未酬莫言心事付東流淪胥天下誰能救一死千年恨不休遂投長安溪死時其徒問曰先生志決矣他日何以為驗神曰黃河水逆流是吾報讎日也其徒遂葬之金龍山并為立廟後明太祖與蠻子海牙戰於呂梁敵據上流明師不利忽雲中有神將揮戈驅河水逆流元兵大敗

野語九

九

太祖夜禱問其姓名夢儒生素服前謁曰臣謝緒也憤宋祚移沉淵而死上帝憐其忠命為河伯今助真人破敵吾願畢矣次日封為金龍四大王立廟黃河上逮

國朝而神之聖蹟傳聞互異爰按東都事略本傳暨樂齋雜說紹興蘭吉人始廟記參考如右天啟間勅封護國濟運金龍四大王本朝隆正祀典改封顯佑通濟王後又屢加封號俟考

洞山

自長興建德諸處廟宇相望稱洞山張大帝二月八日神誕祭以雞犬考神姓張氏諱渤字伯奇漢武陵龍陽人系出張湯後湯子安世安世曾孫名渤是為神生於新室建武之間具神通能變化發願開長湖之橫山通津廣德乃化身為大豕率陰兵入洞從事屬夫人李氏致饋以擊鼓為約一日鳥銜石落鼓上有聲神出不見餉達力作不復顧夫人後至擊鼓不應攜饋入洞但見大豕驚而出神之施工亦於是

野語九

三

止後稱其處為聖濟祭牲不用餼以此唐天寶間始有封號未詳宋仁宗封靈濟王度宗咸淳二年封正佑聖烈昭德昌神真君長子封承烈顯齊啟佑王孫封永福侯按神事要見漢書張安世傳唐顏魯公碑記宋曹學佺名勝志及程棨三柳軒雜識續搜神記諸書小有異同特參考如右
語曰化豕開山之說荒遠難稽然淮南子載禹治水時身化為熊以通輶轅之道塗山氏見之慚而化為石事頗相類聖賢神化之蹟未可以常理測也

太素脉

乾隆甲辰年余重表兄凌朗行家館於城北錢氏有錢禹門者為凌診脈問以子嗣錢云君必有子然來歲夏秋間命恐不保凌時年三十餘氣體壯健肥瘦適中自問無死理歸家談笑道之次年妻果懷孕時改館沈氏世經堂秋夕自鄰館返齋漏三鼓矣閉戶而臥次早日高未起門徒喚之不應乃毀門入見凌向內卧撫之已殯沈封翁 鳴谷 盛德君子也聞凌之室人有孕慮驚其胎急以大輪舁之至百方勸慰含

野語九

三

殮如禮後生遺腹子 薪傳 封翁卽合寄名為孫哲嗣慕堂太守時加周恤遂以成立惟錢君診脈何以知凌必有子及次年必死或云太素脈有之今讀德清俞劍花孝廉隨筆云太素脈不知始自何人相傳其法以心脈為君肝脈為臣君臣相應為貴脈又以左右各三部每部分為十年十年之中分七十二至以定人爵秩崇卑年壽長短與陞遷降調之遲速有診其父而知其子之休咎診其子而知其父之存亡如智緣為荆公診脈而知元澤登第之類其言皆有成

理而近日醫家精此者少因憶吾鄉徐靜園尙書幼時患瘵幾殆蘋村宗伯憂之後石門某來縣邀其診治卽曰此兒功名富貴過君遠甚瘵何足患哉後其言皆驗殆精於太素脈者與

還難婦

德清俞劍花孝廉鴻漸云嘉慶癸酉歲滑縣逆匪滋事有河內生嚮挈母妻商於滑之道口鎮是秋子身歸里省墓至武陟聞警亟反奔已阻戎馬不得前迨蕩平至鎮則故寓已成瓦礫場遍覓母妻不得疑遭

野語九

難死痛不欲生或告之曰聞滑城被難婦女官爲安置蓋往訪之乃如滑至則母妻仍無耗是時婦女之從難中出而無所歸者官分老少二冊名爲人圈出示招領其法願領者自呈年貌藉貫以從征兵一人作保領一少者必從一老者少者從圈外遙指之不能更易老者可卽就所領之少者詢之或有親人許指名以索或勸生若母妻遭亂無以爲家宜爲嗣續計生不得已然之如法具呈得姑媳二人載歸河內議母其姑而妻其媳將擇吉行合卺禮婦聞之乃雪

涕而請曰君待吾姑媳有恩禮妾亦何辭然尚有苦衷不敢不告妾夫滑縣籍居道口去年夫隨翁商於外未及難計亂定必歸歸必相覓請以半載爲期幸而藥石重聚必不負恩否則爲君室耳生有觸於中慨然許之且曰吾將復至道口招母妻魂歸葬兼理舊業當順途爲若一訪遂問婦翁若夫姓名居址甚悉束裝遂行既至舊地哭奠畢依所言訪之則其家居不當衝未遭兵燹叩其門見一少年坐而告以故少年泫然起拜曰君真長者此卽我之母與妻也已

野語九

而其父出延之入內隱隱聞哭聲問之則曰向者聞亂歸覓母妻不得途遇二婦人爲亂兵所掠憫而贖之初無他意父以共處不便擬將媳妻我婦不允故泣今旣母妻無恙母俟玷其貞矣彼河內人君與同鄉能訪知其家否言未已老少兩婦奔而出一見大駭蓋卽生之母與妻也於是始而泣旣而喜終乃兩家人泥首向天以爲彼蒼報施之巧有如是也翊口生載其母妻歸少年亦同至河內迎其母妻返道口後兩家往還較親串尤密云

語曰施愚山先生浮萍兔絲篇序云李將軍部曲嘗掠人妻既數年攜之南征值其故夫一見慟絕其夫已納新婦則兵之故妻也四人皆大哭各返其妻其事已奇至無瑕完璧兩世重圓則惟巧團圓傳奇所載姚尹二人事方與此合而傳奇乃笠翁臆造此則言言紀實也

徐釋堂

道光辛卯歲余客涇川與毘陵徐釋堂交釋堂年五旬家止繼室一子甫六齡藉館穀以資朝夕壬辰春

野語九

余返里兩月迫重至涇川則釋堂病矣然症止感冒醫者誤投補劑遂不起居停士為其同里趙厚子先生北基官至湖北廉訪經紀後事捐廉送其喪歸已月餘矣涇北有大幕山僧寺幽深其主僧慧若能詩好客仲秋時有二三同志往訪之慧若忽曰署有毘陵徐釋堂者乎並述其家事若素好者問何由知則曰奇事月前有庵鄰農家舉一子生而能言曰我徐釋堂為涇縣趙明府司會計家有青年妻室一子纔六歲云云遂大啼不止全家驚愕無措或謂是有邪祟憑之惟

犬血可解其家即宰黑犬取血塗之遂不復言與常兒等聞者多與釋堂交咸欲往視慧若曰其家昆弟並艱嗣息今甫得一男復有此異不肯抱示外人遂已

戴觀察

德清戴開亭先生 振河少孤貧育於舅氏勵志苦讀弱冠補弟子員授徒村塾竭屨聘娶脩脯所入不足供朝夕星命家謂先生八字宜於海邦適有賊賀海洋乃為之司會計往返三載囊不加豐是歲為丁卯

野語九

科入省錄遺偶行闖闖間適要急如廁厠板朽落竟墮囹圄中滿身污穢赴河浣濯再三假衣履於友始歸寓快悒特甚越數日友人強拉赴吳山間步同行四人共詣相館卜功名相者曰三君捷音難決獨指先生曰君面先有晦紋今則晦紋盡散文光顯露獲雋無疑咸疑相士或見墮囹之事故神其說未之信也聞後祈夢於于忠肅公詞夢梁上置一算盤其大盈咫四圍俱以鐵裹迨揭曉則名列賢書矣戊辰聯捷成進士旋授湖北松滋令以經術飾吏治且築隄

扞水民稱爲戴公隄行取入都補祠祭司主政轉屯田員外郎出守邵武大府重其績擢臺灣道宜於海邦之說始驗甫履任循例盤庫見庫梁上有鐵裏算盤大與嚮夢者無異恬爲前定遂引疾未幾卒於官其族孫銅士述

蔡鴻臚

德清蔡生甫先生之定方麓先生之族子也乾隆己巳生於舊第其大父在郡城夢人報捷報條但書麒麟人比至家適已得孫因命名曰麟次日有黑橋村

野語九

五

民來訪生子之事言其村有媼年八十餘家雖貧而持齋奉佛甚虔前夜無病而歿須臾復甦告人曰吾托生西門蔡家門有狀元及第榜者媼尋卒特來證之云鴻臚幼孱弱而嗜學不輟因得疾乾隆戊戌夏病中恍惚抵一處棟宇連雲皎如銀闕前二巨柱金龍盤繞中懸碧地金書額曰麟宮正徘徊間有冠雨纓衣青袍者出自稱宮卒曰汝不久居人世矣問何時則曰七月廿八遂驚寤至秋病增劇身重下墜自分將踐前夢夙聞母訓前生有持齋奉佛之異乃

持白衣觀音咒不止忽戰汗如雨其疾頓瘥至七月廿八之期竟無恙占詩自嘲云麟宮宮卒頑皮甚賺得生人怕死期已亥舉於鄉庚子公車入都寓全浙新館又叠夢三生焉初世是男自幼捨身爲僧師一老苾芻時與僧侶赴澗覓五色石子相較以紋細色多者爲勝其負者罰誦經若干卷年十三遂死乃投生爲貧家女既適人夫家甚窶又早寡乃發願修行迨篤老而死卽轉爲今生自知會試已過閒步郊野望見一樓甚峻有人指之曰樓有仙人姓方能知人

野語九

五

窮達事卽求其人歎門人室之左有梯遂拾級而登未及半卽見白哲美髯者出如世所繪呂祖像心知是仙卽叩以中否仙曰中問何官曰詞林至視學而止私願甚慰大笑下樓一蹶而醒是科報罷凡七上春官至癸丑入場得麟字號接題後文思沛然至日午三藝已成詩題爲繁林翳蒼不知所出就題敷衍掩卷小憩聞同號者相謂此蘭亭詩也因憶謝萬詩似有此語且歲在癸丑韻限賢字殆無疑矣亟改韻聯云修稷風懷古流觴事記前時向晚倦而假寐忽

夢見其先子即以詩稿請正讀至頌聯曰不佳不佳不如原稿遠甚醒而疑之竟照原稿錄卷遂捷南宮向使不信所夢則大背題旨矣是科大魁為潘芝軒相國世恩同年讎集互述夢兆知相國之祖曾夢麟自天降相國乃生而鴻臚適中是榜乃祖亦夢麒麟報條又有麟宮一夢且得麟字坐號已非偶然而淑配稽希人幼時亦夢一童子於庭中手弄麒麟尤足異也乾隆甲寅歲鴻臚以座師石庵相國之命紀其夢甚詳鴻臚歿後至道光己亥其族子小帆得原稿

野語九

五

於書肆讀治成冊吾友王二樵嘗題云儒臣視艸趨丹陛佛媪拈花憶黑橋蓋紀實也惜原稿余未得見戴銅士述其梗概如此

還遺券

外舅錢翁字守和居郡東之錢村家世儒素課徒業醫為生性好濟人而無力遇貧者延之輒却其酌而診視加謹焉乾隆丙午夏附載往南潯售絲於途聞拾一紙累則錢券五十千也私念失此者所關匪細乃秘不告人靜坐路側以待良久有人踉蹌來形色

慘沮則遺券者也詢錢數悉符亦售絲所得者證之絲庄不謬即舉券還之其人欲酌給若干翁曰吾靜坐久待豈望酬者乎其人感泣崩角而去顧時向晚船艙人滿乃坐於船艙既行布帆轉搶猝不及防為帆脚所擊遂溺於水眾雖撈救而河寬水溜飄湍迅疾自分死矣忽若有人曳之行約數里漸達淺處曳者已渺乃掙札起立大呼救至得生

野語九

五

資者多矣然非自為表暴有司亦何從上聞乎翁此事數十年未向人道偶遇當日救者始得其概質之內弟梁田信然有善不矜尤不可及

家貞女

貞女道結者族兄菊就公次女也母王孺人生女於彰德參軍署迨兄宰柘城女已及笄問名者踵至女立志事親終老不願適人家入方擬徐徐婉勸然女自是不施脂粉不事華飾丁巳母病則衣不解帶湯藥扶掖悉由躬親不假力婢媪母卒哀毀備至且

組後女隨父歸辛酉父卒哀毀如母喪迫兩兄分爨女已向老廼奉兩親粟主移住居易山莊督婢媪蠶桑甚勤衣布茹蔬人不知爲大令女暇則焚香誦佛書於佛經不寓目以爲非不信佛但不解經義誦之何益遇僧尼求施必峻拒之告人曰吾所以不奉佛者正爲若輩難近耳遇姑姊妹處華腴者則曰吾無福以堪此有困厄孀居者則又曰何如我潔身親舍之爲愈乎道光庚子秋以疾終年六十有六附身之具預自經理若前知者所遺田園遺囑爲父墳祭產

野語九

三

其胞姪河亭等奉其榭葬於山莊之側

語曰幼時讀國策至北宮女之爲人詭焉千古無匹不意於吾宗親見之也

費總兵

總戎費公名俊郡之菱湖人少孤貧失學膂力絕人備其力以養母然性磊落四壁蕭然不以介意隣之朱三貧尤甚或謂其爲竊將縛而送之官公力白其無事遂已會歲暮公聞香火祠有窓空聲燭之則朱三也問何事朱曰負累既深不得已思竊物少許耳

公曰此策何可長乎我曾力爲君辨脫若聲揚則前事皆實矣朱曰若得錢千文卽從此逝矣公乃哀銅錫器質錢一千助之朱遂他往有相士寓菱湖久告人曰貴鎮名區代產英傑我未見其人何哉無何公詣相士問休咎相士曰吾願見瑰奇者君足當之自此以往漸履亨途不二十年冠頂紅寶幸自愛公曰吾以得免溝壑爲幸君何相戲之甚相士曰我非相戲亦不索酬君得志後幸毋相忘公雖不深信然不能無動於中請於母曰聞舅氏在闔設肆寓過客欲

野語九

三

往投之母以爲可乃竭廩奉母以行既至適其舅肆事方隆寓客常滿舅洎外祖母表弟三人止卧一室今增二人則五人一室湫隘蒸鬱幾不可堪公偶閒步見樓後有屋三楹甚軒爽而塵封無寓客問諸舅則曰屋有魅常擾客故久閉公請試之舅乃爲給巨燭二且掃除設榻焉公明燭以待寂無所見燭將施倦而假寐俄有聲自外至窗遂啟一女側身從窗入就燭理髮整衣畢轉身向榻長跪則嫣然佳麗也公問汝何妖魅敢擾我寢女曰非敢擾公亦非妖魅特

欲一伸幽憤前此數客無膽略見即遁去妄傳爲妖
今見公福厚心慈冀施恩泉壤耳問其所求乃曰此
宅爲某紳故居氏卽紳妾遭大婦磨折忿迫雖經死
紳慮氏爲厲聽匪人簧言將棺倒植埋於前進左墻
之下以致不能托生他去望公切告今宅主掘起平
葬他處氏銜結九原矣公領之女遂隱次早以見聞
告舅舅卽命工如所指掘之纔尺許卽見棺之後和
果係倒埋因起而他瘞自是遂爲吉宅公與母亦有
安室矣公性本不羈舅爲之謀生計所如不偶時以

野語九

三

鄭氏餘孽嘗有警方募兵乃投爲水師營卒公素壯
勇多力儀觀甚偉習技藝步伐泊海艦進退輒勝其
曹偶猶未試也偶詣茶僚坐飲忽有豪客頻囑之審
視卽朱三也公詰以別後事朱但笑不言轉謂公君
旣隸水師應乞差巡哨以圖功名何可自逸公然之
方欲邀至所居朱已杳公卽求充巡海卒旣至大洋
見盜船方與先到巡船角官兵不利公立艦首指麾
前進駛行如飛餘艦亦乘勢迎擊盜船披靡遂大勝
而歸水營官上其功拔爲千總自是奮志功名媼於

外洋水戰乘間出奇十餘年未嘗敗衄積功至游擊
將軍一夜人定後忽若有鳥飛墜庭除眎之則朱三
也各道契濶屏人密語問托身何地朱曰公知出洋
屢勝之故乎公曰吾亦自疑朱曰我自叨公惠無地
可容不得已備於海舶有客復招至一舶則盜也見
我趨提過其儕伍因共推重茶僚相見後我告知盜
黨官兵中有費某智勇絕倫宜避其鋒因俾我在船
窺覘我見公立艦首卽令轉舵避之是以獲勝後羣
盜識公神采咸懾公威卽我不在船亦不敢力拒此

野語九

三

屢勝之故也方今海宇又安各盜以次殲擒其有業
可歸者皆已悔退徒黨日稀今所餘止五百餘人皆
逃兇逸匪游惰無業之輩我亦恥與爲伍將他圖矣
我去之後若輩無人指揮難易時不可失公其
圖之所以報公者止此公始恍然遂勸朱投順
皇朝必膺

異數朱曰我已籌之熟矣實有鑑於勝國時徐海汪
直之流未敢輕蹈此轍且內外盡如公等何所不可
然人心叵測一人齟齬則故盜之肉寔足食乎公方

復勸而朱騰身一躍瞬息不見公志心久之乃整齊
艦械尅期誓師大舉出洋掃穴擒渠餘匪鳥散聞海
遂寧大府綜其功保奏入 覲備陳海洋島嶼及盜
踪出沒在洋擒捕之略詞氣詳明勇而不矜

天顏大喜

錫賚有加超陞福寧鎮總兵官俾鎮守閩疆去家居
困屢時未二十年也其女鬼之墓公嘗泐石表之後
相士投謁軍門亦款留厚贈於是延訪者眾所獲不
貲自公鎮閩後數十年海疆無警以功名終

野語九

五

腹疾二則

河間福寧縣孫蘭臯大令貴州人道光乙未進士出
宰是邑甲辰春莅任聽斷勤明輿論翕然忽一日晨
起恍惚見一少年女鬼忿忿向前陰風襲人毛髮都
悚噤不能聲女曰若前生姓王曾宰是邑我爲部民
某氏女因患腹疾出嫁後新郎見之大疑有私胎退
回母家百方剖辨未信我忿極投繯死母家告官相
驗若並不悉心推鞠顛預完案致堅白之質銜冤地
下五十餘載今若復官我邑已控諸府城隍神准與

對簿孫以事係前生茫無省記爲解女曰神明豈如
若作令模稜從事耶孫曰我爲汝作文表揚自白以
釋前憾何如女曰我不爲名孫又曰我爲汝延高僧
設水陸道場超度何如女曰我不爲利逡巡間有吏
役導孫及女至廟上座尊神係 本朝服色孫忽憶
民間相傳河間府城隍乃前守周公遂以庭祭禮拜
謁神初不遜謝而顏色甚和女泣訴前冤乞令償死
神曰汝死自盡律無償法惟其不爲昭雪咎固難辭
但伊託生孫氏世有隱德且天性孝友陰曹所重不

野語九

五

能橫加譴責女涕泣不服神諭孫引退聊贖前愆女
雖未憐亦不敢瀆訴吏役復如前引回則孫殭臥床
上已周時矣氣色頹喪退志已決乃自創稟揭直書
其事屬幕中張香坪人籍之張託故不允孫不得已
自縊懷之世郡至則若有人挾持側身斜行而入僅
能行禮而坐次形容慘沮不發一言郡守熊公疑其
中惡方令僕扶掖使歸孫乃於懷中出稟呈上熊公
閱稟駭然姑遣回寓孫亦不敢回縣上遊旣風重孫
才又以事涉幽恠不便上聞熊公但爲尋常引疾公

願申報而譏文通告在省同官密陳上臺代求改教
大府惜其去因改委為涑水令不使返肅寧孫以冤
鬼纏繞官輿索然顧二親就養抵直不得已奉檄而
去不知能久任否也家小園與同官遇孫自述如此
惜女鬼姓未詳

吾郡儒醫張慕廬千里以內科著其舅氏沈翁以外
科著沈有友年已及笄忽大腹隆起撫之中有結塊
儼若私胎問之不承則逼令自盡文自問無他不肯
就死遷延日久腹益膨脹慕廬適過其家診之脈則

野語九

五

曰此非胎乃患腸癰耳顧無術以治之危矣沈遂悟
於是用一板橈扶文足踰板橈之兩頭出其不意將
女腹重踢倒地昏暈其癰內破膿從大小便出不啻
數斗遂按法療治獲痊

語曰甚矣作令之難也腹有癥瘕與胎何異其顧預
完案未必無包含善意焉而女之冤憾至數十年不
解乎甚矣為醫之難也沈氏以外科名家而親女腸
癰莫能辨識若非張君診脈得之則女幾合墮入地
矣可畏哉

夢闌

夢闌首邑人原名奎五父為邑掾惟此子生而穎異
美丰儀又善白脩飾翩翩裙屐少年也早補諸生聲
華藉甚擇聲者踵至而奎苛於才貌鮮所措意惟日
事治遊媽紅弱翠任意攀折父母不能禁禁亦不止
適邑左當街演劇街旁有樓婦女觀劇者滿奎往來
樓前偶有瓜子墮其衣因而向樓仰視適嚴媪攜女
觀劇憎其頻囑不已嗔曰是少年豈未嘗見女子乎
奎頰頰而去自是議婚者悉峻拒而私賂媒媪訪所

野語九

五

見樓上母女嚴媪孀居止此女未字媒乃盛誇奎人
品家計媪信之許委禽焉迨迎娶交拜牽錦入房循
俗例親揭遮面紅巾忽曰我今已見女子矣眾俱不
解氏則憬然知樓前受嗔而報之也猶冀日久或釋
前憾乃奎仍宿外舍日間相見不交一語幸氏婉淑
滄澗中饋諸事與成婦等而加慎焉無何其父歿奎
益肆尤奴視其妻會奎邀友設食戲曰我有饌精好
若君家真不堪下箸其友戲翻肉伴得猪毛一莖示
奎奎語塞攜伴入廚擲氏首血流被面氏忍痛裂創

而已平日待氏都類此從未一言相較也奎與某甲有隙家亦中落乃客遊江淮間數年歸後屢侮甲甲恨次骨欲陷之乃賂一少年僕婦授計備於奎家故作蕩語以嘗之奎故習於蕩欣然挑之僕婦即自毀其衣拉奎赴縣呼冤縣令宋公瑞金庭詰之婦供奎強姦未成情狀如真并及其平日遊蕩與善寫詞狀諸劣跡問強姦之証則曰間以內安有人見無已即其妻可証也蓋知奎夫妻不諧或可如志遂召之氏肩輿赴質宋公令人內宅見夫人自帶告者入內鞠

野語九

三

之先問結襦幾年及是否和睦氏答以成昏十餘年和好無間問何無生育則曰命也問汝夫平日行止以守分讀書對及詰以強姦僕婦狀氏力辯其誣且言夫性躁待下少恩此婦作事頗習之輒不遜遂逐去是以挾仇誣陷云宋公信氏言又憐奎士類事遂解氏歸後不食不語是晚乘間投繯死某甲又以奎致死其妻告復有人以訟師告捕之急緣其有交無行士類無白之者奎自分家居無室宇乃逃至吳中祝髮爲僧白號夢闌

夢闌雖削髮披緇而經懺一未寓目不特葷酒自如且專以刀筆爲業訟者浼作詞狀輒勝故所入不貲率費於狹邪飲博同行者得沾餘瀝無賴子多投之耳目衆多易於免脫嘗寓松陵一小庵奴使其僧侶僧侶怒逐之次日忽有縣役拘庵僧言有過客儒衣冠者來謁呈送僧侶諸不法事鎖拘到縣責三十板不知罪從何來迨主僧推詳細訪則金頂靴帽皆夢闌所有特假辨耳然夢闌早去無從質証矣又嘗渡太湖抵洞庭山混諸尼中窺覘婦女有老尼怪而詰

野語九

三

之遂遁歸又跳身至武林託足諸梵刹知者復邀構詞狀索金不滿意輒收詞稿嚙之故索必如志無困乏患烏程德公者夢闌在家出遊時之舊交也寓書招之適某甲已故無與爲難者於是還故里然惟訟是務往來無常處久之復爲怨家所訐擒捕甚嚴踰垣遁去後聞在松陵暴死或云卽當日僧侶挾宿憾中之云

語曰嗚呼夢闌天才敏捷舉業外兼擅詞章稍自檢束固可拾芥青紫卽跌宕自甘亦不失爲名士乃可

邪其行通跣緇流始終怙惡彼以為夢闌我以爲畢生夢夢也獨其妻嚴遇人不淑猶死轉脫夫於難旋自雉經何其知大義能果決哉可哀也已

蝦人

南溇施銘庵道光初館於北柵館僮偶至河畔取水瞥見水面一物似蝦長三四寸以手撮起則宛然入也耳目口鼻纖毫畢具下體作男形惟身體顏色與蝦相似口目皆閉兩手著膝上十指可數置之地僵臥不動合市聚觀咸共駭怪恐致他異乃復投諸水

野語九

野

順流而去竟不知何怪新齊諧有人蝦謂人體彎曲如蝦也此則蝦而人尤為創見當問諸深於山經水注者

待時

部曹某性豪侈事必爭勝其嬖妾臨蓐適值凶辰過半日許即為次朝而大吉矣乃飲以上品人葷果近至次日方產然母子俱殞謝在杭五雜俎載一紳子婦坐蓐令忍以待時母子同斃部曹真與古為徒者

姚楹帖

吾鄉姚文僖公世居府城東北鄉姚家埭明萬歷中遷城東居月河文僖自署其宏遠堂之楹聯云宇內數百年舊家無非積德天下第一件好事還是讀書文僖自明至今世有積累豐瑛先世隱德記載遂雅堂文集

野語九

野

道光癸卯冬余奉

命視學蜀中下車觀風以各郡竹枝詞命題
將以訪土俗稽故實也越明年按試嘉定
時榮縣令山左王君雪嶠代辦提調事擬
嘉州竹枝詞十二章為諸生倡騷情古意
有當於古之作者叩以地方公事文風士
習一一能舉其要心竊異之知其為循吏
也既出其所著聽雨軒隨筆六卷問序於
余大率仿錦里耆舊傳而以揚扆風雅為
主凡蜀人士及遊宦於蜀者嘉言懿行志
乘所缺無不摭拾而存之以至異物殊俗
軼事雋詞悉識焉富矣哉蜀雅一書不得
專美於前矣夫作吏一行便廢此事中散
笑之君鳴琴卧理民淳事簡以其餘閒從

事著述旁搜博採成此一編儻所稱升高
能賦山川能說者歟余征軺所在每思採
輯各府廳州縣志參以聞見訂為蜀輶隨
筆試事倥偬未及成帙為憾讀此編益歎
君之以槃槃才數優優政者為不可及也
君復輯鄉園憶舊錄以容齋之洽聞繼新
城之盛軌山左先大父暨先君子所宦遊
也父老所傳猶有舊政焉是書也成余尤
先睹為快矣昔

道光二十有六年歲次丙午秋八月愚弟
蔡振武拜撰



於雨梅得筆序

寫時於年為同業友在米已
幾年年兄之米之學子不及寫
鳴遠古書鳴弱討以久藝
名寫時試屬讀年三十九如
與年同業亦以試去書不

第函是轉力於學上覽此
子百家重一方技言急就請
百之高者執事思有不美
亦志為善也計免之如寫中
又曰寫人士及遊之在於寫者
之選也其風土之善在學

而書之能法以心達於面梅
之極指言多予於於米年書
也學乎人生感亦曰生之故
日暇研味至三宿食不稍不
如忠公點然此終日坐望無
一語與人如不相識及生之

別所之也色見於肩曉言云
二高其二健或飲酒微歌
以鳴其得言者年筆河之
之遠亦酒其容日善之學
之世之暇久是去王地之大
重觀子亦之及世時或始為

後及之向後用之古之人
言不暇及於或物待其命
付之即如鳴鶴其有人於
不於於河其睡也年以流
二季雪嶼出幸治友而嘉
而民淳焉皆因得取向而振

三

按在編輯付梓於山於雨梅
隨筆曰為於年時未之在
水之言其甚矣夜坐於燈角
滴瀝一之海芭之葉上他丁
東聲於治城之雨之之山園
回六月未之去也及後其心

為書海濤濤亮治入之及
如一片雨聲以岸上吹來其
不若雨之聲為草不化之
亦若詩人之筆為雨而化
之久且止其為雨與草未
二物之之似化之遂起接

四

筆而序之
心筆黑而即勸於其於序

聽雨樓隨筆自序

國初費氏父子輯明蜀詩及劔閣芳華李
雨村因之有蜀雅續蜀雅則斷自本朝所
採皆蜀人而遊宦於蜀者咸缺焉夫時異
勢殊文人踵起即風俗物產亦日新月異
譬泛滄海明珠文貝不勝采也如入寶山
琅玕美玉求則得也荀捧檄來川需次多
暇每於市間得斷簡殘編或燕會晤談偶
聞佳章及軼事錄而藏之叢雜錯亂毫無
統緒漫置故紙堆中不復省記甲辰夏學
使蔡麟洲先生按試嘉定公餘謁見下詢
風土乃知觀風時試各府竹枝詞蓋有為
也因思遊蜀數年茫無所知倘有問焉慮
無詞以對爰就素所聞見命鈔胥騰清又

素性善忘乃刻諸木以備觀覽非敢質諸
大雅也昔吾鄉漁洋先生有蜀道驛程記
江督陶雲汀先生有蜀輶日記此皆皇華
星使膺採風問俗之責其人胸羅武庫筆
湧文瀾均足沾溉藝林豈孤陋下士所敢
希其萬一雖然富商豪貴入五都之市舟
車捆載而歸而羈旅貧窶之子偶得一二
玩好未嘗不以誇示里人也特是錯雜無
章無以名之因錄於聽雨樓中即命之曰
聽雨樓隨筆夫隨所見而錄其所不見者
多矣隨所聞而錄其所不聞者亦多矣倘
惠而好我補其不足訂其紕繆他日朋好
及鄉里父老可以此塞其問則此遊為不
虛也道光乙巳夏濟南王培荀書

凡例

一唐宋元明諸大家無論生于蜀遊于蜀者均可不錄
即本朝如蜀之費滋蘅張船山宦遊如吾東漁洋荔
裳諸先生詩人所共見多不勝錄略摘一二未免掛
漏故概從割愛或因他端連及則附見焉

一李雨村詩話載近今蜀人詩為多官斯地者亦雜見
焉原不必再錄然或因事及之各有所取非相襲也
要亦僅有至吾東其中有詩可徵者則不嫌採取
一是編非詩話之比故直錄其詩高下隨人意會不敢
妄叅末議偶有贊歎興之所至亦不自覺如是者亦

鮮耳

一鄙意在存風土故于異物殊俗多有採訪嫌其枯寂
隨手作韻語以紀非敢言詩也凡不著作者姓名皆
是

一新奇可喜之事雖涉幻杳亦錄以資談助其中難免
以訛傳訛不復能辨

一苟本無學問復寡見聞辦公拮据無暇復事翰墨自
去秋始欲纂輯而案頭並少冊籍可資考證孤處一
隅無士大夫往還不過搜什一于千百知見笑大方
然百衲之衣非自出機軸暇時披覽聊以怡情

張海雲軒鵬

王遲士侃

廖扶九朝翼

周梅生仁恬

校訂

聽雨樓隨筆卷一



本朝四川巡撫自吾鄉王公太平... 蹶地不羈著有願學齋集題項王本紀云英雄竟以成敗... 論嗟哉帝王豈有真亞夫不用乃考終淮陰逃死未央宮... 是知仁與不仁異楚亡漢王亦細事垓下何必更悲歌虞... 兮呂兮較若何議論警闕氣概雄偉贈劉節之詩云驢脊... 如柴少羈勒小挫風期非我曹又云金盆濯足錦為廝以... 此相酬亦堪志是馬周張鎬一輩人在川兵火之後極力... 撫綏卒於閬州是時巡撫

宋玉叔琬號荔裳山東萊陽人順治丁亥進士著有安雅... 堂集詩與施愚山齊名為蜀臬旋入京卒王阮亭云蜀亂... 久不得荔裳妻孥消息良友惓惓之意如此查他山為阮... 亭及門詩集有中山尼一篇情詞悱惻似有所指錄之備... 考中山女顏似玉布韞青鞋行子白日潛形灌莽中逢... 人不敢吞聲哭自言生長本名家阿父才名宋玉誇千里... 飄飄隨遠宦一家迢遞入三巴養成嬌女嬌無偶掌上明... 珠唾隨口花前侍妾盡知書鏡裏新妝時學母自從觀察... 去朝天宦署清涼隨可憐寇盜西南俄阻隔慧氣狼鬚掃... 東川孤兒寡婦皆臣僕翠袖寒蘿行補屋賣散平頭計漸

貧嫁分紅粉身何獨飄零無賴到南遷夫婿移家遠入滇... 幾夜新婚成永訣旋收戰骨葬江邊早年淪落多關命石... 上三生眼前證便遣情緣着死灰行依新月開圓鏡小鬟... 何意向隨身宛轉青絲手共分金剪無聲雲委地寶釵有... 夢燕依人扶攜同向山中寺改口人前喚師弟別與繡經... 起法名慶光就是閨中婢皓齒明眸兩比邱久拚生死等... 浮漚香燈繡佛前因在從此相依擬白頭晨鐘暮鼓流光... 易荏苒今年三十二骨肉深恩且勿論滄桑時局關何事... 何當六詔又屯師十月孤城乍解圍將軍奏凱功無敵悍... 卒慘牢勢不支移巢拔穴驛人起但是有身無避理一朝

蓄髮強同行幾度剃刀猶不死歸程昨夜次偏橋哀角吹... 殘令寂寥却喜道旁俄見棄草閒跣坐度清宵同行偶傍... 江東客指點雲山曉來跡雙江暫擬尋同伴半路又驚逢... 邏卒太守呼來淚未乾含啼一一語悲酸亂來莫說為官... 好兒女姻親那得完夢裏生還愁故里依稀記得萊陽是... 己作昆明劫後人托根何必仍桑梓君不見列帳西來珠... 翠圍念念粉鏡去如飛不知皂帽天涯住何似紅裙馬上... 歸披荔裳以康熙十二年任是年十一月吳三桂反十三... 年蜀巡撫提鎮俱從逆全蜀皆陷宋之妻孥漂泊當在此... 時公蒞蜀未久政聲卓然有蜀遊草其子後挾以入京漁

洋選入感舊集四川通志亦多載之公少時有族匪宿土地祠夢神使告公與山賊于七通遂入獄久乃得白施恩山弔之云西川終古流殘淚東國從今少大風張白華山人詩云妻孥遠寄蠶叢外楚些誰招宋玉魂

王阮亭先生士禎康熙壬子典試四川路過聞喜縣拜大司馬霽宇公祠公名象乾崇禎間為四川巡撫與阮亭之祖二如亭主人方伯公象晉同學太翁庭訓極嚴元旦拜家祠畢即命入學每日課七藝仍讀經史古文一藝不佳責有定數阮亭與西樵共讀稍為寬假阮亭成進士為揚州推官河道總督朱之錫薦於朝擢禮部主事朱致為河神封助順

卷一

三

永寧 奉使有蜀道集識者謂具二十分力量或議其偽杜欺人考先生歸未抵里而遭大故其詩之險峭排募得江山之助而無端感慨愴惻有動於不自知者非有意摩少陵之壘也 聖祖諭廷臣曰山東人多偏執好勝惟王士禎則否其作詩甚佳 高宗諭閣臣曰原任刑部尚書王士禎積學工詩在本朝諸人中流派較正然則下士之論固不足憑矣自記此行所歷名山如太行霍山姑射中條太華終南太白岷山青城諸勝惟太華與我眉差相伯仲於路得三望我眉可謂歸去得雄誇矣 鄭次公曰奎康熙壬子與王阮亭先生同典蜀試登澄清

樓云扁舟來過古巴國獨上危樓一縱探城郭大都依壁岸人家一半住烟嵐招賢館廢荆榛長來鳳山荒鳥雀參惟有滔滔渝閬水流將旅恨下東南樓在巴懸朝天門蓋歸路經重慶作也漁洋云七律如挽強弓十分滿者古今不多觀次公七律固未必與漁洋抗行而懷華陽道人用貽上韻未甘退處邾滕五古亦奮然欲樹旗鼓訪華陽山人於伏虎寺志別云山遊得我眉於山意已足所恨在絕域迢遞阻川陸乘遊良不易久已謝塵俗誰謂天無私乃為仙隱獨卓哉華陽彥山水嗜何酷負病歷荒遠探奇忘遠躅一杖幾兩屐藥裹兼書篋輕舉而冥搜日與煙嵐觸

卷一

四

幽異不敢匿午夜山鬼哭入山與山忘締緣知己夙翳余執掌客風塵走碌碌不謂萬里行此地快瞻矚瀟瀟遠公房爽氣淨如沐竹露滴清響松風薦寒馥晝坐類淪茗夜談還秉燭倘然人世外兩心暗相屬自憐事名場苦未謝羈束宦情本疎澹世故奈牽促惘然難久畱分袂慚已速緬此蓬蒿徑何殊杜陵曲從遊愧二仲悵別愁千斛峯頭後夜月魂夢空相逐別我眉云昔聞蜀中山奇勝首我眉背岷面錦江橫絕西南陞萬仞裂冰雪排空拂雲霓迢迢十八盤紅泉遶丹梯仰捫井參近俯瞰嵩華低峯藁鬱岩巖洞壑仍透迤其陰蓄雷雨其陽霽煙霏精英產靈異光

怪何陸離羣態窈冥中明滅誰端倪頗疑大澤枯蛟龍互
躩踞蒼然秀天末不受風塵縉允宜仙與佛滅景成遐棲
竭來事行役訪舊偶此窺光響亂眺聽雲氣沾裳衣到來
甫十里幽情悵襟期何况陟其巔八表供支頤簡書既苦
迫領略遂多遺草草來與去永爲山靈唾自不早投簪名
山願孰違

御史郝公雪海名浴直隸定州人順治乙丑進士巡按蜀
中吳三桂驕橫不法兵爲賊敗奔綿州賊前鋒將抵保寧
公監省試於此一晝夜七馳檄邀三桂赴救責以大義謂
不死於賊必死於法又上封事力言三桂縱兵焚殺陰蓄

卷一

五

異志吳逆銜之使私人董顯忠揭之於朝并誣以守城冒
功流徙盛京吾淄高念東侍郎珩與交善送以詩云投鼠
誠知罪寒蟬愧不鳴師燭蜀地蹙疏入漢臣驚議貴輕編
管全生賴聖明盈庭方切齒豈易舊京行萬死身猶在投
荒幸少年談兵元爾素報國更誰先一節監諸校孤軍定
兩川書生堪授鉞淮蔡有前賢後三桂反如所言朝士皆
爲訟寃奉天府尹魏環極尙書王敬哉兩先生再疏保薦
召還仍任本道御史念東又贈以詩云西清重到侍垂衣
萬死人從涓水歸正可極言天下事莫言主聖諫書稀當
三桂隆盛時雪海敢捋虎鬚念東先生贈詩切中情事言

微而顯居然史筆七絕尤得良友規勸之義雪海終廣西
巡撫

蔣虎臣超金壇人母夢我眉老僧而生自直隸學政告歸
入川居伏虎寺王漁洋懷之有望裏我眉秋月斜句虎臣
自號華陽道人吳天章見其壁上和女郎詩題其後云聞
道華陽句曲仙布衣粗糲學枯禪如來也有閑情賦寫到
青樓燕子邊看盡名山杖古藤蒲團夜坐冷如冰只今綺
語留金粉尙爾天花着定僧此所謂不風流處却風流也
臨終作偈有云惟有君親難報答觀此知人閒無不忠孝
高僧又傳明嘉定伯楊展爲我眉無窮和尚轉世一日入

卷一

六

山禮大士畢作偈云四十九年別普賢今朝又到白雲巔
非我有心辭佛去只緣身世湮盤閒
幾菴王公隲山東福山人順治乙未進士官終戶部尙書
爲四川松茂道極陳採木之苦請停減下九卿議未允
聖祖謂塞外松木材大者甚多何必楠木川省採運得停
止時蜀中軍務方急公穿賊壘運糧備極勞瘁有聞警詩
云志仁擇死地臨難忘沉吟皮骨終成土觸體奚足珍
君恩深似海父命重如金一朝苟過差百歲無追尋丈夫
眼看劔妾婦淚沾襟碧化忠臣血虹吐壯士心伏波思馬
革怪是製衣衾太翁值歲饑曾以海船往遼東運米平糶

活人甚多後夢一馬入庭缺一耳公生遂名之曰隲亦暗合陰隲之義矣迄今福山王氏魁元接武科第與新城王氏相埒即請停採木一事敢言之氣愛民之心亦具見矣

公實為威茂道通志作松茂道從後來所改耳

漁洋記歷城王雲芝先生敕督學四川異蹟甚多在眉州掘地得古硯有雙鴛鴦于山得東坡硯按臨雅州謁紫府

飛霞洞其夜祠鐘自鳴可知其有夙根也遊洪雅禪寺有感云乘閒來訪梵王家古木陰森暗落花野鶴乍驚門外

客老僧常臥隴頭霞尋山但策邛崃竹汲水頻煎蒙頂茶却笑禪家貪課盜眼前不用開蜂衙里居時常見其裔孫

卷一

七

藏公行樂一卷自幼讀書及為官隨時衣冠各異兵部張鶴鳴登萊巡撫宋應昌各為之傳記亦小照中獨開生面

也
蘊璘張公含輝山東掖縣人任四川學政著有蜀草雲樓

送客云行沾曉露向雲樓漸望朝霞日影流野斷蠻音方

寂寂烟迷客思正悠悠送君暫借杯中物念我期銷馬上

愁滿座西風吟別意誰知分袂在新秋
公順治壬辰進士

念菴王公沛檀山東諸城人康熙甲子舉人五十三年任建昌道官終吏部侍郎加左都御史家居率紳士賑饑兩次蓮臺雨霽詩云偶尋樵徑上陟彼翠微閒嶺溼雲徐度

秋深鳥愛還殘虹天外錦落日畫中山記與隣僧約柴門尙未關公工制藝高古醇實先正風規詩其餘事也

綏遠將軍蔡公毓榮平吳逆有功初三桂在陝西結綵樓二十里以鼓樂親迎圓圓及鎮雲南又得四面觀音入面

觀音皆國色于是圓圓退處入面觀音尤艷絕將軍平吳得之生女名琬嫁高文良公其倬才德兼擅著蘊真軒詩

過九峯寺有感云赤手屠鯨千載事白頭歸佛一生心蓋悲其父手平逆藩後歸空門也公於康熙九年任四川總

督過眉州嘗三謁蘇祠葺而新之雅意文學不徒以武功顯也
四面觀音為將軍占穆所得

卷一

八

趙襄毅公良棟征吳逆平西番屢建大功後來惟岳威信

公功名與相埒先後為四川總督生平仆而復起卒保始終為我朝名臣出處亦略相類里居時嘗燈下與友人

閱其奏稿鈔本數卷西域軍中奏議為多友題詩有句云豈為封侯走戰車予謂稱後世武功似不宜用戰車字走

筆和之云英名久與斗山齊夜半軍書手自題銷骨鏃金丹闕外量沙聚米玉關西千秋趙牧圖麟閣萬里天山入

馬蹄後起岳家軍莫撼當時奏稿竟誰攜威信公有蟲吟薑園復榮諸詩集而奏稿未傳故及之

鄭吉士浙江仁和舉人由衢州府教授康熙開陞安岳令

年已七十二矣而精力如少壯凋殘之餘極力撫綏善政甚多登慈雲寺詩云巉巖幽磴幾千重絕頂精藍甫竣工猿鳥每同清梵響鐘魚時出亂雲封馬前樹密山光暗林外天低雪意濃老衲殷勤供茗盃風塵暫此托閒蹤返轡

晴光萬里來復經蕭寺陟崔嵬莓苔古徑逢巉石林麓斜

陽見早梅徐度板橋阡陌濶遠投烟塢市廛開勞勞車馬

空來往民患無由自主裁時兼權樂至因公事同官未能相協

周于仁安岳人號仙山生而穎異十二歲入泮旋食餼舉

孝廉雍正閒為福建永春令將到縣夢人授以聯云只應

憐新婦不須念故交到任閱案牘有吳一妹者為前令鄭

卷一 九

所拘事本屈抑而鄭則同年也恍然有悟審實釋之一邑

稱神自是每伸一冤民為豎一旗杆調往他邑旗杆將盈

百矣撤所樹杆建迎暉門外溪橋號曰平政橋遷臺灣別

駕致仕歸來時不攜家累歸時囊無餘貲載書數千卷而

已

莊大椿江南武進人以副榜知雙流縣居官清介好土工

詩文歸里後與鄉人為南華九老會洪太史稚存序其唱

和詩在任有小篋管谷詩序云雍正甲寅春復演上人作

籬溪上予喜其地多古槐修竹勸令闢地數弓為避暑小

築應勝韓持國涼堂九丈因作長句付之他日清簟疎簾

或念及老夫耳偶看斫竹插新籬因說乘涼此最宜繞足泉聲琴筑響蓋頭槐蔭翠帷低心閒默數行人過坐久時聞倦鳥啼他日若逢佳士至小篋管谷定畱題觀此一端可知其風流矣

盧雅雨先生名見曾字抱孫由庶常改官知洪雅縣事蒞

任八月除不便於民者數事著有雅江新政人多傳誦加

意士林建書院與諸生講論不倦尤切於地方者莫如詳

禁開礦一事略云瓦屋山外環雅州榮經峩眉夾江諸州

縣內通各洞生蠻山則確乎有礦礦則斷不可開洪屬瓦

屋山梯九溪等處田地不足養贍聚數千百開礦之人坐

卷一 十

食其中米價日增且絕糧矣害一米價增則生計日窘逃

亡日多一開礦而遂至失業害二洪邑地瘠民貧一切斫

柴汲水負米豢豕皆婦女往來山谷一旦聚數千無籍之

徒於人迹罕到之處城市既遠法令難施姦淫盜竊弱者

受其魚肉強者或觸兇鋒不但盜案盈牘而且人命如草

菅肆毒於民而即貽累於官大害三也查明季碑文稱地

產銅鉛奸民糾黨開礦擾害鄉民輕惹蠻患害已見於前

車矣高山峻嶺奔騰超躍華民之所難山蠻之所易大利

所在鼓勇而來邊釁一開不但種禍於末吏而且貽慮於

各憲大害四也凡此四者有一於此縱使金銀為山猶不

忍爲况白鉛乎大憲善其議遂止後歷陞兩淮運使傾心
好士周其困阨揚其聲譽才士翕然歸之作紅橋修禊詩
和者千餘人尤畱心桑梓文獻刻山左詩鈔紀曉嵐宋蒙
泉諸公分任而先生總其成刻漁洋感舊集屬吾邑張榆
村先生爲小傳共刻雅雨堂二十四種在洪雅時立望春
雅雨諸勝遂以雅雨自號二子受業於榆村先生皆上達
孫卽協辦大學士蔭溥也

川東觀察墨麟馬公維翰浙江海鹽人康熙辛丑進士與
山左盧運使抱孫相善孫子未先生見其聯句詩大奇之
爲延譽有南馬北盧之目贈以詩云盧全馬異總能詩韓

卷一

七

孟雲龍意可知交比芝蘭投臭味韻將絲竹迭參差古人
不作夫何恨此日齊名更勿疑老夫自憐才力盡所欣二
妙正同時馬公風骨峭厲不屈權貴雍正閒以御史來川
丈量川南田畝不爲苛刻八年任建昌道以廉正稱詩學
少陵李雨村謂其來蜀詩已臻險峭著有墨麟詩十二卷
過大相嶺詩云盤盤出鳥道杳杳行人村斗起邛崃山仄
隘逾劔門天險遡開鑿未可常理論陰陽分向背旦夕殊
寒暄連山走雲氣候忽同迥奔一峯獨秀出頗似嶽勢尊
其下九折坂劔絕割厚坤况復急雨薄萬壑當晝昏回輿
與叱馭北轍視南轅所志各有託忠孝惟其根脚踳兩不

決心緒蠶絲繁峭壁落井底一髮青天痕人生鮮百歲只
有名常存勒銘匪易事或用酬驚魂

孫如芝湖廣黃州舉人康熙七年任筠連縣令吳逆逼授
僞職遂掛冠解組僑寓江安西林寺善詩文工書法高風
亮節隱躍筆端題邑人忝將雷時祥漁家樂圖四律云誰
剪吳淞衣帶長漁舟箇箇傍漁梁縱橫片葉全無累自在
輕鷗渾不妨欸乃聲殘烟雨夕雕胡秋熟水雲鄉秦時明
月桃溪曲莫識花開在漢唐一簇漁舟水上僊五湖簑笠
自年年投綸坐嘯磻溪月舉案閒呼范蠡船取醉烹鮮如
切玉攜魚沽酒不論錢與君共協滄洲趣雞犬雲中別有

卷一

七

天絹軸鷺溪任轉舒探來墨妙問樵漁滄洲有曲歌難盡
飛躍無心景自如國士謾教從狡兔高人只合憶鱸魚江
頭野寺沉吟久應倩鱗鴻爲報書扁舟汎汎弄晴湖漁蘧
悠悠酒一壺世上惟君稱樂事箇中添我卽良圖牽風若
藻鷗相狎得月蘆花鳥共呼滿目雲山天地廓醅然醉臥
到黃虞

康熙中儒童高以仁天性孝友其父以誤殺獲罪以仁爭
於吏以身代之歷筮楚三年卒無難色秋讞日憲鞠曰得
無悔乎以仁曰求仁得仁又何怨憲具以 聞蒙釋免邑
貢生楊晉誌以二律云三見圍屏草色新依然無恙綵衣

身勇探虎穴誰能爾孝感 龍顏獨此人行路聞風爭識
面仇家服義亦忘嗔從茲姓字標青史長與鄉閭激後塵
借問當年就獄初孔襄爭死意何如祇言潤糞飴同美敢
望吞舟網更疎彩鳳終騰雲裏翮神龍豈作釜中魚生還
不是徼天幸大孝從來壽有餘

岳大將軍容齋鍾琪上馬殺賊下馬賦詩以橫槊磨盾之
氣兼輕裘緩帶之風明之郭定武威南塘不足多也高夫
人亦嫺弓馬精翰墨互相唱酬夫人雨中看芙蓉云芙蓉
花面艷粧新細雨微風洗庾塵有淚却無湘女恨無言寧
有息嬌嗔遙思浴水凌波襪想像華清出浴人相對莫愁

卷一

七

秋寂寞一生顏色不傷春將軍軍中夜雨答高夫人見憶
之什云雨淋鈴帳覺衣單天外西風雁陣寒蝴蝶繡衣空
有夢芙蓉錦水好誰看三川戍客思開府萬里新疆詔築
壇重疊濤箋相慰藉戎臣報主倍加餐妾巫雲韓氏亦能
詩咏梅云薄日蒼涼露遠村南枝消息綻新痕更添逸韻
神情淡獨倚寒樞夜色昏小院月明標瘦格畫簾風急亂
冰魂隴頭春色難持贈惆悵無言好閉門英雄兒女至今
艷稱今日錦城甲第久迷所主裔孫方厓名維良者住中
江美秀而文兄以進士為山西令卒於官囊無一錢方厓
遊幕以筆墨糊口近以佐雜分發山東矣將軍遺籍臨夜

時遁甲諸書盡付丙丁蓋恐後人不善用之反貽累也老
成遠見尤不可及

王言遠庭嘉興人順治己丑進士任四川川北道先生以
制藝名天下詩亦幽淡閒遠自成一架棧道中云人行山
上高天在山中小圓暉易沉夜初陽遲報曉馬走山樹巔
飛鳥出其下雲連深洞迷石缺危橋架七盤非險途三秋
足清景日夕雷泉聲誰能辨喧靜晚年優游林下以筆墨
自娛嘗云人皆稱我今古文及詩字不知吾於寫蘭彈琴
獨得妙理也

卷一

西

丹稜三彭名噪一時尤以樂齋端淑為白眉年過四十始
作詩落筆老橫所積厚也著有白鶴堂集詩話多採集前
人其自標得意句咏蟬云吟老梧桐葉氣先天地秋即景
云颺風鞭野馬飛鳥亂浮雲晚景云遙山吞落日流水盪
殘霞七言杜鵑行云深山夜月一聲啼天地有春畱不得
題馬力本玉井蓮云天生神物花十丈污泥不到太華顛
皆奇警弟磬泉遵泗即作蜀碧者七歲濯手水邊吟曰素
手濯長渠揚波混太虛還將指上瀝鶯散水中魚十二歲
咏扇上美人橋邊吹簫云仙音不肯隨風響恐引劉郎渡
石橋聰敏蓋天生也和人秋字韻云露色遙凝天地氣月
明中畫古今秋過劒門云劒拔寒稜障巴蜀氣昏陰雨失

乾坤仲尹肇洙咏菊云野橋晚雨楓初落流水空山日易
斜秋日晚景云綠盡荷塘烟晚渡白浮葦嘶鷺孤飛和雅
蘊藉不似磬泉之努力作氣矣樂齋雍正癸丑進士所與
遊如蔡芳三胡稚威皆知名士官羣羅道仲尹與樂齋學
生又同榜進士人以爲奇著有撫松亭集官河南道監察
御史磬泉乾隆丁巳進士官江防同知更有端徵亦樂齋
弟字子微乾隆閒以孝廉宰山東棲霞當捕蝗時攜訟牒
至村墟坐樹下爲剖判蝗滅而訟亦稀吾鄉循吏也附記
於此

卷一

五

政鈕玉樵續觚賸云遷蜀忠州牧卒於官查四川通志無
其名會閩縣志未爲之立傳鈕云先生學贍品端言動有
則鄉里咸稱爲小聖人謁選時館任少司寇克溥家訓其
子彥方處以廣廈坐不易床供以豐備食不兼豆雖隆冬
盛暑衣冠襜如司寇知孫有二子已就童試適是時山左
學使者與司寇有舊將爲之地而未詳二子名屢欲請之
憚其嚴正終不敢發先生端居緘默遇有問難輒指畫談
議袞袞滔滔竟晷不倦凡及門與輦下諸子以制藝就正
者一一評騰務愜其隱而運之苑枯年之修短皆能於文
預決之康熙癸丑出爲交城令攜家以行旣而遣其長子

歸淄就婚謀以書藝忽驚嘆曰嗟乎吾子其不返乎泣然
而別歸未匝月忽無故自縊死過其故里詢孫姓名或不
盡識詢小聖人無不識也今並無知之者曾否爲蜀州牧
俟回里時考之

卷一

六

于清端公成龍字北溟山西永寧人官終兵部尙書兩江
總督豐功偉烈彪炳國史瑣事遺迹徧於口碑巷里婦孺
無不知有公者曾爲四川合州牧騎羸馬屏騶從府中索
魚不與且條陳興革事宜招集流亡開墾田畝此公居官
之常不久陞去最著在廣西羅城時羅城無城郭公解在
叢篁深箐閒插籬棘爲門牖猿虎白晝行庭中壘土爲几
案傍置竈不取火耗民畱數錢爲沽濁酒僕皆病卒樹二
槍以自衛平寇盜墾土設學民以大安公子來省有鹹鴨
割其半予之爲路菜人謂之半鴨知縣其陞合州也一瞽
者獨隨不去問故曰官無資不能行吾技可供食竟賴以
濟公之美不勝錄錄其小者見一斑耳

彭山令張梧岡與新津令徐守齋乘筏視通濟堰後梧岡
以詩寄徐云穿林遠徑影霏微竹裏人家箭蕨肥更愛水
蒨花夾岸蜻蜓幾箇往來飛官府攜得菜根香小憩桑陰
午飯涼莫訝主人風味冷恐勞田父餽壺漿源頭活水勢
頻添繡碧春畦土脈粘又見武陽風景好龍鱗開出萬山

尖徐和云夾岸新秧映翠微
跳波發鯉魚肥浪花無數
濺衣溼粉蝶隨風逐水飛
綠油一瀉勢潺湲潤滴農田頂
刻閒攜得壺漿停麥隴
豈因覽勝對江山漱石穿雲
荇藻寒篙師最怯路紆盤
呼騎踏向斜陽外迴首雲峯
興未殘張名鳳翥上虞人
徐名蕘永康人

梅詩古今題咏最多或分咏
山梅江梅盆梅等詩亦多至
從初開至落後細細分咏者
未有也上虞張梧岡鳳翥宰
彭山與署中賓友分咏含素
軒梅花六首題雖瑣碎而詩
俱清雅可喜含蕊仁和布衣徐蘭
欲探羅浮消息難一番風雪
孕來寒隴頭暗迎春轉嶺上
羅羅守歲殘笑口豈因芳恨

卷一

七

鎖清姿卻似露珠溥寄聲東閣
勤遮護蘊得冰心子細看
乍放張鳳翥幾度衝寒出故宮
清姿瘦質影朦朧微窺嶺上
半輪月忽聽樓頭一笛風
破玉自憐春意透含嬌人愛
曉光融元禽翠雀尋常在略
借馨香便不同盛開山陰茂才金錫類
放遍南枝又北枝清寒透體
不勝姿濃香已逗春千里冷
艷難描冰一池鶴唳偏來雪
滿處笛聲遙弄月明時箇中
消息憑誰領祇有孤山夢裏
知半謝羅江令崑山東君催進士葉鑿
卸縞衣裳已謝還畱總斷腸
雪點飄零粧半面玉枝瘦損
帶餘香分身化鶴乘風暖殘
影窺窗淡月光弄笛聲聲吹
未歇仙姿終返白雲鄉亂落眉州尉山陰張城
颺風颺雨更颺

煙斷送香魂入九天
慘淡雲飛空裏色
繽紛蝶化夢中仙
輕輕薄薄橫琴外
墨墨重重酌酒邊
底事羅浮芳信杳
又勞孤怨逐經年
剩辨仁和監生宋鳳起已逐東風猶戀枝
月痕隱隱雨絲絲
浮煙不盡輕寒夜
餘恨應羞索笑時
無計返魂香欲斷
有情憐瘦意還癡
傳神縱得徐熙筆
小影依稀恐莫追

趙作哲字損之號璞菴上海人
乾隆壬午獻詩賦 欽賜舉人
授內閣中書遷戶部河南司主
事殉木果木之難贈光祿寺少
卿著有嫵隅集緬甸從軍時作
也於山川險峻道途艱苦蠻烟
瘴雨兵戈倥傯敘述甚詳而筆
力矯健長句尤具馳驟縱橫之
氣與王蘭泉先生以詩相切劘
故成就卓越如此按其行程足
資掌故公自緬平從大將軍溫
福征小金川旋自永昌馳二十
晝夜抵成都明年殉難冒雨行
老秧田道中啼猿滿山率爾成
咏云一峯十萬樹一樹四五猿
一猿千百聲雜以風雨喧一日
十二時一程三十里一軍六千
人盡在猿聲裏爾猿有何悲子
啼續母啼爾本斷腸物不關生
別離三朝復三暮一啼更一躍
好似征夫苦翻唱從軍樂在四
川宿汶川有七古一篇乞健為
令王鳳儀畫一百二十韻篇長
不具錄在軍中寄陝西撫軍畢
秋帆詩云蘭鳩萬里記從軍插
羽書中尺素分豈料

卷一

六

軍畢秋帆詩云蘭鳩萬里記從軍
插羽書中尺素分豈料

餘生重轉徙更從此地一知聞尊羹尙動歸吳興棠菱初
傳主陝勲今夕戟門人未寢也應吟斷隴頭雲無復高樓
聽雨聲空將身世感鷄鳴賜環人老嗟如夢結佩情深念
昔盟後死我猶思著述得時公不愧科名曾同簪筆承明
側雪壓瓊廬劍獨橫餘詩無傳蓋散于青燐白骨閒矣子
秉淵亦能詩重慶知府

王如玉字嵐溪靈石人貢生官貴州貴西道從征金川分
理糧務遇變手劍殺數人被重創死贈太僕寺卿著有嵐
溪詩鈔錄其一首採蓮圖云春池初漲蓮如錢五月翠蓋
鋪田田紅雲平凝照明鏡不事雕飾真天然風微冉冉暗

卷一

五

香送露泥的的清珠圓賞心樂事於此遇好攜萊婦耐花
天一螺試點烏玉玦半幅細寫霞光箋花之君子洵足愛
得不度曲歌採蓮閒房列屋多嬋娟各攘皓腕移輕船香
飄羅袂空中舉風折纖腰鬢蟬蓮子有心心有惹蓮花
如面面如仙穿花度葉意態別呈技獻巧工取憐佳人雪
藕絲綿綿千縷萬縷情相牽一雙菡萏連枝蒂兩個鴛鴦
交頸眠我來坐花花爭妍琴瑟在御靜永年紅衣瑟瑟若
解語貌取花貌花神傳臺成九品拈一笑笑罷還忝天女
禪公在都中吾東朱青雷文震爲序其詩云觀察好客接
引名流所造甚高子榮榮以蔭歷官甘肅寧夏道孫椿源

現任四川渠縣知縣

吾鄉袁清愨公守伺奉使來蜀於市買書見李雨村所作
李太白詩序心賞之後總督直隸雨村爲通永道最相得
及公丁艱而雨村被劾公於黃新庄陞見代其面奏贖罪
未幾公薨哭之有詩云清德名門柱石才一朝星隕共嗟
哀舉朝盡訝長城壞故吏尤悲泰岳摧曾薦禰衡雲漢上
能收李白夜郎回從今不作然灰夢世更何人解愛才公
有詩集曉嵐先生爲之序云和平溫厚無叫囂激烈之語
平正通達無纖仄詭俊之意不愧漁洋山人之孫婿曾孫
啓沈嘉慶己卯舉人號小泉現任雅州府蘆山知縣啓駿

卷一

五

號漱泉現爲四川按察司經歷

諸城太傅劉文正公統勲父榮四川布政使在簡州夢儀
仗充庭送神人至遂生公公兄弟十人五進士四舉人一
貢生公居長兩金川之構難也 高宗皇帝布大德救小
金川返故地俄兩金川狼狽爲奸木果木之變飛章入奏
上方在熱河急召公問計公曰前猶可恕今猖獗已甚
不可不張天威 上問誰可任者以阿桂對遂授以定西
將軍平金川 高宗皇帝知人善任而公贊襄決策實陰
有造於蜀也公無疾早朝至東華門肩輿中端坐而逝玉
箸下垂其生有自來不誣也按方伯號青岑康熙乙丑進

士初令長沙禁溺女活人無算陸寧羌牧多善政未官簡
州而生公於此何耶記此事者忘其書名方伯生孫有詩
云休怪年來白髮新添丁湯餅會頻頻掌紋差喜堪繩祖
食指先愁漸累人我以江山銷歲月兒從襁褓走風塵何
時共息粉榆社繞膝含飴味是真文正公有咏柳絮詩云
嫩絲常瞻鳳輦巡交枝深鎖玉園津遲遲日轉當三月點
點花飛送暮春曲院飄連斑筍籜遊輪碾伴麴絲塵悠揚
自趁芳菲節畱取濃陰蔭暘人末句見宰輔胸懷

楊方伯荔裳先生揆與兄戶部蓉裳先生芳燦齊名蓉裳
工言情荔裳工寫景一婉麗一奇矯蘿裳芳英詩亦明媚

卷一

三

真一門之盛也荔裳初以侍讀從大學士福公康安平廓
爾喀緣途紀事狀山川之景甚奇咏東覺山云奇峯出雲
復入雲招邀欲逐雲中君冥冥綫路萬夫傍仰視如畫重
累人承之以肩挽以手不用銜枚齊噤口更無石磴容少
休偶撫枯松暫橫肘當空落落晝見星天近或者星長明
半崖濛濛復飛雨斜日偏明雨飛處陰晴晝夜變幻奇恍
惚四顧心然疑饑鷹掠翅去矯矯野鹿戴角來鬢鬢土花
滿地少行迹千尺藤蘿紫絕壁上頭旌旆乍飄紅遠處衣
裳惟見白扶搖似覺生羽翰足底萬壘青巘屹天梯休快
到頂易試問幾時還著地螞蝗山詩工於寫物詩云山深

虎豹藪水深蛟蜃居由來山澤閒毒厲所蓄潏我行歷萬
山茲山更盤紆危磴苦曲折煙灌交繁敷中途風雨來跬
步皆崎嶇夜半憩山麓積滓成沮洳有蟲曰水蛭徧地來
徐徐溼生兼化生聚族而相於宛宛如緣足噴噴旋侵膚
體類蠖伸屈尾學蠶卷舒潛伏擬蜥蜴游行同螂蛆枵腹
苦蜷跼饑吻爭嚼嚼醜爾形齷齪憎爾行趨趨壯士按劍
怒不能斫爾軀虞人烈澤焚不能殲爾徒踐爾使糜爛得
水還蠕蠕啜吸偶下咽臍腑愁爾咀兀坐勞周防偃臥益
可虞眼耳鼻舌身所到皆覬覦誰為蛙黽噤急共螟蝗除
尤善釘馬腹噉齧成潰疽可憐拳毛鬪頓作汗血駒爾性

卷一

三

實饜饜誅之不勝誅有客代畫策是物非難圖不用薰牡
鞠勿煩燒菑畚惟當漬鹽汁獲則投諸孟如彼赴燭蛾如
彼遊釜魚殼殼如蝟縮宛轉如蠶枯奄然軀殼化朝暮蟬
蟬俱喜此籌策良相視同挪揄從知辟蠹方酸鹹功用殊
安能使朽壤速變斥鹵歟因思涉異域奇詭無處無赤蟻
或若象元蠶或如壺影恐溪蟻射聲戒山魈呼區區螺贏
微伎倆非變臚信宿幸無曾焉用併力祛著有衛藏紀聞
衛藏詩

金匱楊蓉裳先生為伏羌令逆狃之變拮据守城後以荔
裳官甘肅布政引例迴避苦州縣繁劇捐部郎既而長安

大不易居值荔裳回蜀依之主錦江書院文士多以詩求
正先生雖爲哀簡齋及門詩實不相襲也張船山贈詩云
頭銜轉覺賁郎好才調寧惟艷體工而艷體實不可及無
論美人等篇如紅柳古鮮咏者非先生不能工矣柳色偏
嬌紫塞春推烟唾月送行人傷心定染壺中淚拂面空隨
陌上塵冶葉恰宜紫茜袖柔條可解縮班輪小蠻巧按紅
兒譜併覺今晨舞態新惆悵江鄉別路遙無緣移傍赤欄
橋春風百結垂珊網煥日三眠擁絳綃底事施朱工作態
却看成碧轉無膠抵他南國相思樹一種纏綿恨未銷纖
纖小小愛穠華掠削新粧欲妬花漢殿漫懸連愛縷楚宮

卷一

三

曾繫定情紗頰痕欲暈迎朝日眉黛纔勻映晚霞腸斷紫
驢空躑躅朱樓十二是誰家落絮應同嗔雪飛燕支山下
見依稀啼殘怨血巴鷓去舞倦香襟越燕歸艷影易迷三
里霧藕絲不上九張機謾誇汁染宮袍色如此風姿合賜
緋尤愛蜀伶嘗有詩咏之云十五巴童小當筵唱未休新
裁花袴褶低擎鈿篋雅步珊珊骨微波剪剪眸錦城絲
管好不數按涼州夜雨唐宮曲春風蜀國絃祇今遺調在
宛轉可人憐舊事拋紅豆閒情托錦箋當歌翻悵悵無那
是中年異方聞此調悽切苦爲情蜀魄花邊語巴猿峽外
聲酒闌杯淺淺坐久燭明明誰識狂司馬青衫淚已盈其

自標題云姱容修態麗而不奇不却羅綺亦調鉛脂蓋以
玉溪爲師云

蓉裳名芳燦會爲四川
安縣令子承憲亦能詩

畢秋帆先生沅撫陝時大軍討金川先生送火藥於四川
之廣元又修棧道送駝驛及白蓮教之亂總督兩湖會川
兵截殺秀山教匪有功於蜀甚大所至考訂金石修復古
跡馬嵬坡楊妃墓久荒爲之豎碑建亭刻詩於石余來川
經過記其一云玉笛歌殘喚奈何軍門倚仗涕痕多羽衣
法曲漁陽鼓都入迎娘水調歌含蓄蘊藉餘味曲包好使
議論者拜下風矣

卷一

三

大學士阿文成公桂平定兩金川武功昭著其孫四川總
督那彥成爲立廟凱旋時過陝西與撫軍畢秋帆沅夜飲
話舊秋帆贈詩雄偉壯麗所謂金鐘大鏞可陳廊廟者也
錄其四云西極崢嶸百戰平六年閩外倚專征 王師旂
鼓從天下上將精靈自嶽生井絡春雲隨大燾潼關曉日
候行營渡河更喜鏡簫鼓直挽黃流洗甲兵卻毅詩書天
下聞戎衣報國敢辭勤金城北望陰成柳玉馬西來勢蹴
雲翰海初開都護府瘴江全返伏波軍丹青久上凌烟閣
手關蠶叢再策勳負固如真不可攻皇威何以令諸戎頻
年粟轉青天上盡日兵行黑箐中霹靂一聲爭隘入星光
數點震礪空前山頓失鴻荒雪直爲三軍喜氣融徂征持

角兩偏師獨建堂堂大將旗著決帷中鋒始合矢飛坐上陣無移懸軍已斷三危脊隔歲先傳貳負尸見說指揮如葛亮仁風還被受降時

岳威信公長子名濟字厚川幼明敏通經史諸子百家及天文地理兵法河道無不熟悉年二十卽膺山東巡撫封疆重任常夜靜觀星象漏已三下忽令中軍率兵二百限時至濟寧莫知其故次夜濟寧州牧因訟事激民變入署劫官殺其妻孥中軍帶兵至登時擒獲亂民咸以爲神公亦率兵繼至察其首惡論如律餘請赦免昔威信公罷任家居一日命具祭辭墓曰 皇帝詔將至我行矣不日

卷一

五

詔下起公征金川蓋必有所見矣中丞特傳其家學獨知變在濟寧又知時不可緩是爲奇耳

里居時見舊邸抄御史李激芳叅額駙尙書公福隆安家奴藍大醉打金陵酒樓該城給事中永明陳憬中僅子薄責不無有心瞻狗福隆安身爲步軍統領以本府家奴在外滋事平日約束不嚴亦難辭咎 上嘉其有膽識賞給事中其鯁直可想來川見李兩村所紀乃知其天性純孝母亡弟幼手抱口哺立心制行以聖賢爲法自題小照四圖其白雲斷雁一篇尤惻惻動人詩云我年十八時慈母弃兒逝五弟襁褓中日夜啼不止一聲一腸斷旁聽涕灑

瀟老父重悲淒摩撫嗟何恃兄嫂兒女牽顧此復六彼我時尙未婚眠食責諸已包裹布與巾中夜再三起隣媪乞乳盡軟嚼糜粥飼得其爛漫睡背燈究經史放聲口若笱回顧淚漬紙如是者六年通籍成進士拜命官農曹我父聞之喜遠攜兩弟來觀我出而仕自冬越殘春目厭緇塵眯柳風三月和劔閣一鞭指季弟遣隨行五弟留京邸牽衣盧溝橋離別從茲始別行片言勗勵節報天子吾老力強健毋心繫甘旨擲身上馬去淚落渾河水誰料一月程風露疾難理可憐逆旅中竟作捐館地生無以爲養死無以爲禮嗚呼天蒼蒼此恨無涯矣幸賴邑宰賢高義脫蹠

卷一

五

比當我未至時觸事自經紀及撫柩呼號婉慰節哀毀至今欵曲情緘封在骨髓是時九月交秋風吹菊藥扶病輓靈輻雲棧經迤邐猿聲天上鳴慘切入我耳峽勢日邊迴碑罍折我趾我前咆猛虎我後叫蒼兕行路飽艱難安厝事始已庚寅季弟亡乙未兄又死相距數載閉零落已如此遺七八孤雛嗷嗷竟誰倚雖有小弟存生事出如螻哀哉骨肉懷生死隔千里我欲踏寒郊陟岡陟岵白雲生遠天鴻鴈度隴坻雲盡鴈行斷極目空指似因將酸寒心寫入圖畫裡寄與後來人此意莫輕視

國朝四川理學名儒以中江林愈蕃爲冠字青山號湖松

父歿哭踊幾絕三年斷葷酒哀毀骨立喪母亦如之仲兄
歿亦斷葷酒三年乾隆辛未成進士謁選時有勸其染鬚
者正色曰事君以忠入官之始卽塗飾面目以求榮他日
利害有大于此者能無患得患失之念耶任湖南鄧縣終
日端坐公堂兩造面稟卽時斷結暇集子弟講課經義善
政不可枚舉大府將加殊擢念伯兄垂暮引疾歸貧幾不
能行門人裹糧以迎之平生嚴義利之辨獨處如對聖賢
盛暑不去衣冠言動有法教人先德行而後文藝著有青
山集三十卷古文有大家風詩亦超俗病亟神識清爽作
觀梅詩末云幽香全體足畱待後人評蓋自道也道光辛

卷一

毛

卯入鄉賢祠大家宰湯敦甫金釧謂人曰雖入兩廡不愧
生在聖門必居德行之科論人者以爲知言

周公萬殊字同川南川人乾隆辛酉拔貢性至孝母病危
刲股肉以進中夜引錐刺血書表告天願減己年以益母
壽感異夢母疾愈祖母令狐氏因姑年高齒落每晨盥水
拜姑而乳之太守送扁曰事姑一等宜其生孝孫也公娶
楊氏亦孝在室嘗割臂愈母疾公通判湖南爲巡撫陳榕
門先生所知屢委審辦巨案有告謀逆者其人實痰迷妄
以親族相識諸人錄名冊搜得焚之案得以銷有子八人
人稱周有八士吾鄉林汲先生爲作周孝子傳又爲作歌

節錄之云割股和藥已母疾篤孝一念天所憐哀禱祈神
神降福子有八士孫曾繁長幼勗率以孝友山村半夜聞
誦絃維農力田自有秋科名拾取如蟬聯蔚爲南川之望
族不數浦江有義門可以風矣子四舉人一拔貢
餘廩增及國學

李雨村調元與弟鼎元驥元先後入詞館一時有聲藝林
余家藏童山詩集紙板最精較漁洋山人所刻全集猶爲
勝之既來川所見則惡劣不及遠矣未知何故舊藏雨村
年譜一册鼎元和叔編集塗乙宛然所刻函海得吾鄉周
林汲先生永年鈔本書三十種後屢索不還林汲先生博
極羣書曉嵐宗伯薦修四庫全書極一生搜求之力所得

卷一

末

半歸雨村教匪之亂其族人乘機焚萬卷樓爭攜藏書以
去其未盡者亦化爲雲烟矣趙雲菘之甥劉君來刺綿州
雨村指名求追終未能得雨村以養優被劾林居猶自教
歌舞醒園池臺之盛甲於西蜀復又鑿小西湖名困園今
皆廢爲田疇菜畦荒陂矣聞其妹季蘭亦能詩小妻萬氏
有詩云滿院花如錦風光別樣新綠楊三月雨青草一年
春畫閣眠初覺黃鶯囀正頻拈針時不語爲憶未歸人林
汲先生孫溪亭宗耀補四川崇慶州州同升貴州廣順州
知州以卒自其祖父與予家累世交好來川時時相晤今
其子寶傳羈蜀難歸藏書無存與雨村之後同一陵夷可

歎也

李冕塘驥元編修乾隆乙卯典山東鄉試所取文極清真
一洗腦滿腸肥之習而是科聯捷無人後亦少中進士者
豈文章清氣與福命不宜耶在三李中不喜馳聲華廣結
納而薰習漸染詩自可取如遊兩粵詩云江連龍水驛山
接象州城獐長腰橫劍蠻娘髻插花鷓鴣深箐伏蝴蝶異
花眠皆可喜者兄墨莊鼎元使琉球集球雅所著師竹齋
詩文集惜未刊行其才氣宏雅挺拔久為名輩推重而兩
村詩文後人或不滿之亦名高則責之必刻耳如宋宮詞
百首華貴蘊藉豈寒儉人所能學步

卷一

乾

張邦伸號雲谷初生時父夢白猿躍肩上化童子自稱登
華山侍者幼穎悟過人乾隆己卯舉人丙戌初舉大挑列
一等借補光州知州旋補襄城令多善政歲饑請帑計賑
五十餘萬口調固始將不次擢矣以母病告歸有李道人
者國初鎮遠將軍芳述之弟也年百餘歲人以爲仙公遇
之於沐城曰君有夙根可授金丹雲谷方需次補官以祿
養衛道人曰他日急流勇退人也告歸時年方四十五後
竟不出過孝子姜公故里詩云人生重本根至孝動天地
菽水期承歡詎以三公易卓哉姜士遊允無忝所事閨中
有賢婦尤善承親志鷄鳴汲流泉辛苦靡不至中忽遭責

謹忍痛百憂積紡績市珍羞鄰母招共食以此格慈親嘉
氣鍾祥異雙鯉出重淵赤眉歛兵避至今丙舍旁江水流
清泌嗟予亦人子內顧心如刺悲起白楊風萬古愁雲閱
著作甚富藏于家

市中偶買白綾舊帳額畫梅花上有題詩行草相半視欸
則中江故都憲孟鷺洲先生筆也不知詩係自作否以前
輩故物珍之後爲人竊去先生本籍山東遷居來蜀幼聰
穎工文章乾隆庚辰進士官山東監察御史歷陞憲副乾
隆戊子充貴州鄉試副主考悉心校閱不輕去取久之元
猶未定有同考臧獲夜見黑眚自簷擲下驚仆公疑本房

卷一

辛

有佳卷屈抑相率共閱卷計原發之數少一本開箱得之
蓋本房喜其文細批密圈欣賞之至忘其違例也既悟而
悔乃不敢薦公謂足冠通場各房皆以爲然惟正主考不
可曰佳則佳矣但房官不應如是公曰例無明文將奏請
監臨聞之爲解釋遂定元揭曉果貴陽名士蕭鳳朝也事
母最孝皆稱爲得人先生名邵字少逸鷺洲其號也會孫
孟丙暄字午垣邑諸生家貧親老方以遊幕糊口
王垂重山東諸城監生任汶川令歷辦軍務著有勞績保
舉以知州補用嘉慶三年署忠州教匪徐添德等擾川東
及州境率生員差役鄉團禦之奮勇殺賊力屈死之祀昭

忠祠祭文有曰維公萃東魯之靈異作南邦之屏藩有勇
知方教既深於訓練舍生取義氣更烈於沙場惟其忠愛
居心不愧唐宋名將所以士民向義直追周漢忠臣得此
雖死猶生矣繼其任者爲趙來震山西崞縣進士修城垣
練鄉勇賊眾圍城竟不能克王君若堅守亦未必遽死而
志切滅賊不計眾寡何其壯也趙君有勸民十歌詞俚而
意擊取民易曉戎馬之際更興學校與諸生講論經史二
君均堪不朽

銅梁王公汝璧字鎮之福建巡撫恕之子乾隆乙酉解元
壬辰進士汝嘉弟也聞諸先君曰公幼孤家貧就婚於錢

卷一

三

香樹先生以布衣謁見先生私語人曰大員子何樸野如
是及試以文驚曰此國器也厚待之乾隆元年成進士由
山東按察使歷仕安徽巡撫終刑部侍郎無子撫兄汝嘉
子庚如已出不問家人生產卒後家貧如初兩世封疆大
臣以清白傳家可風也著有梁山人集詩宗韓孟其婿吳
鼎宰渠縣爲刻之有脂玉詞蓮果詞藏於家中丞號樓山
過潮州感舊詩云金山遙對鳳凰洲策馬崆峒憶舊遊二
十七年如昨日八千里外是并州空餘大樹翻斜日尚有
遺丁說故侯路過西州秋欲老舊參軍也雪盈頭佳句如
江水勢從落日下海風聲送晚潮來南浦柳牽千里思東

風梅返去年魂烟波落日雙蓬鬢風雨扁舟一短檠萬卷
讀書兼讀律半生憂道不憂貧袁子才詩話載前首非其
至者沈歸愚國朝詩別裁所收亦片甲耳余與先生孫學
坡同視席爲錄數聯以見美不勝收耳

學使吳壽庭樹萱有知人之鑑所賞拔如漢州張懷淮王
溪丹稜彭田橋蕙芝金堂陳竺山一泖及溫江劉芳皋潛
皆知名士先生吳縣人初名傑乾隆庚子進士與兄曇繡
齊名臨江試院夜吟云氣入蠻墟冷星懸斗帳明江流圍
小閣灘響逼殘更遷謫人何在艱難恨未平雲安前路近
時有杜鵑鳴將至嘉州范六泉同年刺舟來迂賦贈傍樓

卷一

三

城郭鬱參差近水人家亞竹籬橫碧山光動雲杪殘黃楓
影照江湄客當晏歲遊偏劇詩擬高標句亦奇花縣今宵
遇賢主荔支樓畔卸帆時嘉慶己未復以監司來蜀署鹽
茶道卒于任

壽庭子友篋隨學使任至忠州謁陸宣公墓作七古長篇
越三十年來爲刺史亦異事也詩云玉虛觀南宣公墓崇
封四尺靈魄厝生前金石矢忠誠肝膽而今百靈護我來
臨江纔十日日日屏山窰朝霧今朝蠟屐弔孤墳招要同
喚神溪渡扁舟一葉爭上游回湍激石石齒怒霎時彼岸
已誕登絕頂捫蘿不窘步蒼苔碧蘚何無情埋沒殘碑無

計數我來別薛更掃苔展拜公墓傷公遇公當少年登進
時吏治循聲遠邇布君子大受亦小知委吏乘田同掌故
於時河北正紛爭各據一隅稱節度車駕播遷幸興元急
難乃見儒生素詔書徵發千百言奮筆疾書如夙具罪已
之詔下山東心感涕零泚耄孺賴公帷幄得參謀一言途
復唐家祚是時天子之富在大儲無取瓊林大盈庫下民
膏髓恤自上 兩稅而外在均賦迄今奏議勒成書千古
流傳寶大璐惜哉相臣任不久國事半為延齡誤國賦何
來本分錢錢由科配實民蠹從來忠奸不兩立小人道長
成黨錮惟公不負讀書心嫉惡不辭與物忤一朝遷謫在

卷一

十一

臨江蜀道吁嘻悲行路宦遊黜陟何足論所惜施陳未盡
措閉門避謗不著書一卷藥囊閒集註忠州亦足表臣忠
尚冀君心有時悟如何徵詔下長安人不生還已告耐了
無遺奏達天聰葬仍西嚮遺命顧迄今祠宇半摧殘綠水
青山自朝暮更無翁仲戴山花蔓草荒烟半偃仆讀公奏
議想公心丹心惟有青天訴低徊終日渡江歸悵望西風
黃葛樹

衷雅堂以堯乾隆丁丑進士三十九年赴金川軍營後與
嘉慶丁丑進士分發來川者敘先後同年有詩記之主成
都芙蓉書院最八年九十三刻詩名雷耕堂集從軍時沿

途有詩曉發成都云十萬 王師出益州櫓槍未掃塵
宸憂書生豈有封侯骨也上籌邊百尺樓灌縣云灌城西
望鬱崱隆萬壘岡巒一徑通甌脫更無桑柘地居民風俗
半羌戎汶川縣云奔流如箭吼如雷巨石哈岬勢欲頽野
渡扁舟何處問行人都向竿橋來保縣云蠻女蠻郎負米
行山前山後踏歌聲淒音苦調無人會似祝將軍早罷兵
幙頭嶺云石磴彎環馬足輕停鞭笑指白雲生山腰一陣
天風過吹落仙人玉笛聲孟谷云參天松檜密如蒿白日
陰森瘴霧高安得移栽三百本北窗欹枕聽風濤雪山云
雪山山外雪如拳正是江南刈麥天怪底蠻酋貧徹骨恆

卷一

十一

寒那得屢豐年三松坪云水過雪嶺盡西流天到蠻荒總
是秋莫訝征夫頭白早從來邊地易生愁雅堂仕至雲南
曲靖府知府年八旬餘尚生子今食餼矣嘗晨過友人家
進點心視之曰此不足乃多備湯圓食五十九時年已八
十五歲六世同堂人稱罕有

周肅齋先生士孝又號松崖乾隆庚寅恩科舉人官直隸
遷安知縣與先大父及林汲先生為石交兄弟八人以科
名文學顯先生早達為縣令垂三十年及卒婦子歸里屋
與田叻為家眾所有不能再析乃徙涪州共安寒素先生
厚重寡言詩亦醇雅無輕佻浮豔之習九月得益齋六弟

都中書分手巴山後於今已七年凌霄君有路入世我無
緣回首我肩月槍懷五嶺州愁心揮不盡又得展鸞箋去
官惟望歲天勝渾難爭春信愆寒雨秧針度早萌泛舟湘
浦遠懸磬旅魂驚回首思鄉里巴渝米價平又寄賀靜齋
三弟營新宅云長懷香樹栢楊灣連袂當年日往還鳥語
聲喧人影外稻花香送夕陽閒林泉憶昔千章合結搆知
今百堵環歸路何時尋舊約倚簷共看萬松山

合州小白華山人張西村乃孚乾隆癸卯舉人是年荀始
生也刻有問濱餘草續草吳白華孫補山楊蓉裳諸先生
俱深賞識咏吳梅村云江南不放白衣還詩史居然老杜

卷一

妻

篇一曲琵琶掩客淚開元如話李龜年何等風神花蕊夫
人宮詞殘碣不知在何處西村和彭栢里詩云杜鵑聲裏
悵秦天一片殘碑斷不連百首宮詞零落盡奇搜今付米
家船好古人從江上歸名場欣賞興遄飛風流勝唱無愁
曲魂斷青山白紵衣不獨半江秋水碧于染一片夕陽紅
過山爲張雲谷李雨村所賞也集中有錦城別王學坡謝
周光圃進士題拈髭覓句小照二詩學坡銅梁人名庚嘉
慶庚申舉人光圃南川人名立瑛癸酉甲戌聯捷二君年
少與荀同受業於先君後音問久阻來川訪問則學坡任
涿州牧旋卒光圃部選將及而歿聞二君與西村唱和西

村之詩可見二君詩不可見矣聞問濱草悵然記之

震澤沈東里裕雲乾隆丁巳進士爲崇寧令旋解組主錦
江書院嘗遊山左自蒙山歷齊河至濟南懷今弔古沿路
有詩有咏蝓詩最妙赤體何曾掛一絲他生羽化尙難期
藏頭便是回頭處失足偏當斂足時空有堅心同朽腐漫
無勁骨可撐持不如抱葉長眠好飛鏤當前海已遲在蜀
送印倅徐履長赴拉里云時局深沉我慣經知交落落感
晨星同心剩有徐元直車笠相逢眼倍青回首東南路渺
茫西行萬里又羊腸一官久作臨邛客今日并州是故鄉
赴川留別鄉人有句云十口依人原有地一行作吏便無

卷一

妻

家後竟畱居於蜀刻有石室存稿孫曾焞號南村孝廉隱
居教授工詩

宛平查中丞禮號儉堂舉博學鴻辭報罷初任四川寧遠
府歷陞布政使金川之役運糧通路善撫馭得夷人心著
有銅鼓書堂遺稿於邊疆風土最悉中秋日陟飛越嶺云
征人忽有逢佳節奇險當前感蕭瑟連峯疊嶂青復青密
樹周遭葉未脫去年此日升菴中蟾魄穿林皎如雪人從
荇葉踏坡璆閒聽僧樓吹玉笛今年躍馬向西行高攀相
嶺更飛越泉流遶磴轉折來山色巒光半天劃崎嶇跋涉
不知勞人事參差誰料得浩歌馬上膽氣粗壯遊垂老豪

無敵須臾騰蹕登絕頂下界煙嵐盡掃跡眼空萬象身御
 風影入雲閒何處覓喘定凝神眼乍舒遙見居民在咫尺
 化林坪外動軍聲向夕營門月華白渡鐵索橋昔讀桑欽
 經略知大渡水源發西徼西流入底羌裏瀘定以地呼實
 爲大渡耳上下名不同地異水卽此蜀疆多尙竹索橋松
 維茂保跨江饒幾年頻陟竟忘險微軀一任輕風飄斯橋
 鎔鐵作堅鍊一十三條牽兩岸索重十萬斤巨木盤根繫鐵重
 橋亭對峙高雲漢左治犀牛右蜈蚣怪物鎮水駭龍宮洪
 濤奔浪走其下迢迢波際飛長虹橋長三十一丈碑石穹窿耀宸
 翰輝煌金碧崖閒燦橋東偏恭立康熙四十年御製大碑白馬青衣日往
 來低頭不敢閒瞻玩規模宏壯足大觀層層棟柱圍雕欄
 驛傳烏斯內外藏去回無復違驚湍我今奉檄緝羣盜嘯
 倚商飈恐落帽攜書擔劍橋上過乃取鐵橋爲近號中丞
 搜揚升菴書百種惜未刻

胡書巢德琳廣西臨桂進士夫人袁氏也與簡齋香亭爲
 內兄弟隨園詩話載其五古能狀險峭之境乾隆十八年
 爲四川簡州牧復任山東濟陽縣調歷城陞東昌守以幹
 練稱所至修志書博綜典雅可觀在川任彭山時拜漢征
 南將軍岑彭廟長歌人苦不知足得隴復望蜀十二公孫
 已定期五銖炎德知當復區區子陽井底蛙習漢吏事開

成家不據瞿唐據虎牙妄引圖讖爭矜夸訛言白帝堪絕
 倒高山赤甲空枯槎白水真人定隴右西州隗囂旋授首
 日獻三捷撤其藩斗絕一隅猶困守征南將軍復堂堂遠
 自夷陵屯津鄉帝知明習善水戰浮橋一炬何輝煌墊江
 都江順流下倍行不復分晨夜武陽徑拔趨廣都風馳雨
 驟人爭訝將軍用兵真無倫豎子投杖驚猶神不知面縛
 丐餘命迺逞故智戕厥身前年遣盜殺來歙陛下哀憐垂
 涕泣今年山忽兆彭亡亡奴夜發嗟何及將軍軍令嚴秋
 毫大星宵隕靜不羈栢人知幾亦數定蜀人憐重還悲號
 嗚呼躍馬成黃土將軍廟祀昭千古我來再拜對斜陽欲

卷十

表

賦饒歌追樂府王喬仙跡歎悠悠彭祖衣冠共一邱凜然
 忠義餘生氣豸節烏私錦水秋孫元鉢中進士現爲部郎
 鄭石幢方城與弟荔鄉方坤齊名嘗夜賦寒柝限雙字荔
 鄉云遲久更疑六于隅唱或雙石幢云偶作行歌互應驚
 好夢雙座客歎爲警句石幢爲蜀新繁令後主錦江書院
 荔鄉官山東爲兗州太守調濟南少極兄弟對床之樂晚
 有兒女閨房之樂四女玉臺雲蔭青蘋金鸞皆工詩官居
 退食日課四女拈毫分韻可謂風雅萃於一門荔鄉先生
 刻有制藝涕出而女於吳題文吳宮花草一聯友人每酒
 酣擊節自焚舊稿作七古一篇有化爲蝴蝶穿葵戎句用

功深矣

學使吳冲之省欽江蘇南匯人博學工制藝著有白華詩文集屢掌文衡紀曉嵐先生戲拆其名云少日豈能識文字欠金何須問功名前輩雅諛非以爲定評也乾隆三十七年視學來川有武侯征蠻故道考三峽考爾雅臺考辨尹吉甫不在瀘州甘后墓不在夔府楊貴妃非生於蜀荔枝不貢於涪論古有識多發前人所未發羣豬灘云白蹄烝涉波夜漲高數仞膨脝伏波底聚族肆砢磷爲獮爲艾猥睢盱競觀鬻磨牙吞客舟立啼作霆震歎涌白浪花漩渦列圓陣非無舵與篙激裂斷寸寸一起勢一落魚腹葬

卷一

卷一

同殉連朝苦札水格豚恃忠信擬操屠伯刀肯繫恣排擯長年啓利涉趨避貴精慎千指爭一漕整暇如臥鎮汜濟色死灰秋風老霜鬢瀘沽峽云新橋峯影迴穴磴度單騎下吸飛練光滌滌倒層翠銅槽滙淨潏鐵厰瀟澎溷稍見稊穉田引流獲漑漑浩然朝金沙不受廣源治河身忽縮行兩壘迸一氣元素幻須臾椒圖恣孽戲陰沈鹽井溝絕峽那可縋重巖削鐵色鏗鑿似孤隧有時十字裂樹根挺若臂善崩訝沙性萬木支九地碑手摩空岷啞泉駭狂醉士非吞炭俠師合銜枚濟且隨後鶴羣望望趁墟肆峽有啞泉寫險奧之境如見更有藏香藏棗藏普魯諸詩足徵土物

篇長不具錄

葛荃温江人雍正閒進士先守貴州銅仁後調他郡值高宗南巡行宮修造不及雕檐孳窻皆以紙糊裝飾見者以爲真也又出巧思命工織絹寬幾二丈長稱是以被絮濡墨大書中字懸殿廷召對賞其書法命收卷帶之又以行宮華而不費深加褒獎學問淵雅地紀星躔律歷皆有著作宿唐奉若鄉莊鱸堂開錦幔涼雨拂華筵杯泛珊瑚酒香分玉井蓮花風清似水臺閣靜如仙展矣徵嘉會春容賦大篇孫名岷

卷一

卷一

八歲邑令以爲神童拔冠一軍吳白華學使取古學第一入泮某方伯爲其外祖新繁楊廉訪所取士極器重之夏日與幕友咏夜來香試使爲之頃刻百韻幕友浙江名士也見之吐舌曰童子軍不可當也後中嘉慶戊午鄉試補會理州學正卒子士麟字希陵收其零篇彙爲一册所存不過十之二三耳和少峩趙學博署中古栢詩云卓然亭畔栢偃蹇一心堅品向鬢宮老神從藝苑全植根滋雨露挺節飽風烟木與人同樹隆隆作棟賢士麟能詩有集亦善畫

夔州仲太守廉靜有政聲郡境有灘名九墩子石激水湧

舟多損壞欲平治之廣積石工親臨指示無閒風雨工在
逆流盡力開鑿旋即目眩頭暈不能舉手又命他匠下水
互相代替倍給工食石去灘平始回署忽得暴病終日書
風雨雷神四字一夜有舊役求見聞人阻之役曰上帝因
官開河鑿石利濟生民命為巴縣城隍明日子時到任我
先行矣言畢仆地卒次日風雨大作雷電繞屋仲命家人
具衣冠端坐而逝後扶襯歸里路過巴縣謁城隍座上神
像與仲無異舊役與東廊皂隸亦相似邑人為之立廟於
九墩子灘上行人有難神必夢示舟過此必焚香以拜載
此事者忘其書名書未載仲之名諱查通志仲名純信山

卷一

聖

東萊陽貢生乾隆四十一年任疑即是也第政績不載於
通志未解其故紀此事之書似非鑿空苟於公為鄉後進
恐公之久而湮沒謹錄於此後之修志者或博採而有取
焉

王雋字軼千膠州人乾隆丁巳進士改庶吉士歷官順慶
府知府海上長城云舊是防倭地居然重鎮強烽烟搖海
月戍角散秋霜臺圯魚梁冷城空戰壘荒誰將千古恨興
廢問斜陽

周澹齋士忠松厓先生之從弟也好讀書喜治古文詞性
恭謹夏不袒不扇一履三年如新事母極孝因母善病旁

及醫術兼以全活多人以明經終平生詩酒自娛惜稿多
散軼九月五日重遊雲都寺云我有愛山癖如登密友堂
何曾嫌數見况乃近重陽流水仍終日征鴻忽兩行得詩
持問菊應笑馬蹄忙

徐樾字茹堂江蘇鹽城人乾隆戊午舉人會試明通榜十
九年補雙流縣勸農教士煦煦如家人至弭盜剔奸洞燭
無隱春日勸農即事云嫩柳含金古路旁郊原一帶盡農
桑兒童竹馬來深巷葑屋書聲出短牆雨洗紅塵春草綠
風疎翠隴菜花香田家事樂予心樂麥飯蔬羹味轉長在
任十一年去逾年而小徐公至名曰明字曉窗江西奉新

卷一

聖

人乾隆丁丑進士訟簡庭閒工為詩文謁商子祠云商祠
獨傍孔牆陰猶是當年北學心經授韋編薪火在碑橫牧
馬夕陽沉名賢芳躅隨流水下吏孤衷寄素琴此日登堂
一迴溯春風吹徹碧林深按商子名瞿魯人終身未嘗至
蜀因蠶叢治瞿上遂附會焉指一家為墓並立祠雖無據
亦見人景慕先賢之意也

董詢字企泉號小池山陰人韶年喜寫蘭竹後給事部曹
議敘得四川主簿罷官後攜琴書徧遊蜀中名勝詩益鴻
放畫愈雄奇為梁瑤峯余秋室兩先生所賞著有小池詩
鈔

何明禮字希顏崇慶人乾隆己卯解元高才博學喜作詩亦深于古文潦倒場屋遊山左南川周松厓先生宰禹城客其署中禹城當孔道羽檄冠蓋日夕不絕松厓愛客好士希顏負奇尚氣爲遊仙擊劍之學賓主相得無間希顏病作詩謝主人云羨君老手膺嚴城雷轟電掣日送迎吟畢化去未幾松厓先生丁艱素與先大父小山公善來卜鄰焉希顏嘗登太山乾坤亭云長子乘乾闢天門手握靈樞定乾坤兩儀交泰初氤縕渾淪元氣此中存日居月諸東西軒丈人天柱作籬藩知水仁山序弟昆邱陵拱衛列兒孫二十八宿手可捫峭壁巉岩虎豹蹲飛泉千尺浪雷

卷一

三

奔觸石膚寸湧雲根龍峪開闔相吐吞綠霧蒼烟迷朝昏天鷄叫破扶桑暈蒼茫俯視萬家村濟潔汶泗帶一痕千山蟻聚與蜂屯松濤颯颯風雨翻蒼龍捧駕丹鳳騫花閒草軟鳥不喧採藥何須問桃源手攜姪女過南園鑿開石釜調羹殮整理絲綸釣修鯤飽飫沆瀣養丹元仰天坦臥舒神魂栩栩一夢謁天關蹠蹠忽聞響脚跟諸君何來入吾禪

陸登榮宣公三十四代孫聞祖若父言公事蹟墓在四川忠州卽有志省視閱四十年將放學差時得列名筮之得鴻漸於陸果視學來川適忠州牧武烈新修祠乃爲文告

墓作詩志喜云唐家天子承先業山河錯繡海外截一朝

太阿遂倒持四方雲擾金甌缺天心眷顧未改移嶽降斗

南產英傑宣公崛起黼王猷上下不負志早決翰苑文章

真文章秉鈞氣節真氣節至尊蒙塵司樞要補袞拾遺籌

征調元蛇封豕捲地來解圍只須一封詔開誠布公著謙

光青齊將士相泣弔鐘簋不遷舊物還穆穆雍雍復清廟

垂拱方謀不下堂欲把乾坤次第張經綸初展調羹手小

人道長空徬徨聚歛之臣裴氏子頻將培克結君王相國

憂勤心悄悄凜然白簡勢飛霜天地閉兮賢人否遠謫忠

州幾千里陽城哭奏亦何爲十年別駕淡如水醫方醫國

卷一

四

可醫民杜門却掃究斯旨公騎箕尾歸九天抔土長封翠

屏裏清風百世道常存禮祀千秋惹淚痕劫灰燒盡餘焦

土野老何處獻金罇文翁造士揚帆下鼻祖相承見耳孫

俸錢費盡新祠出刺史董作百工掄臺榭崇宏倚疊嶂香

烟繚繞擁孤村從此東川添盛事豐碑不朽勒雲根

俞爾昌字麟含江蘇婁縣人嘗夢遊一處題曰菩園因以

爲號乾隆十七年成進士選仁壽縣入署右軒題菩園二

字署後峰巒樹木石磴皆歷歷如舊遊縣北貴平故城左

有石觀音廢棄巖穴開荆棘叢生岩前棗樹一株大可圍

二三尺生瘿甚巨忽破得一像如人牧童相與竊香禮拜

適販牛者經其處牛病不行禱之蹶然起傳播四鄉攜老幼拜祝者日萬餘人俞君聞之曰是何妖物敢惑吾民親至其處持斧破木人為二命工伐其樹遷石像於貴平寺妖遂絕興學校築水堰日不遑息病急慨然曰昔園有兆其終於此乎果驗有詩云十年前此夢中遊滿眼青山翠欲流幻景忽眞眞亦幻雪鴻留影記休休

楊卓字鶴然號立堂江安人乾隆己丑進士九歲能文豪邁不羈長於詩賦望海吟一篇人尤推服詩云於戲譚諱我生之初但識岷江水碧騰白湧幾千里邇來掠漢逾沔浮湮亂渭入黃河中原大野揚洪波夙昔探奇興不極盧

卷一

聖

龍塞上來高歌碣石之傍觀海口凌虛毛髮為抖擻半生始得豁雙眸狂呼大叫魚龍走大地何處說無垠寥天已被海波吞不然四面皆巨浸天於何處托其根沐日浴月渾閒事鵬運鯨遊眞兒戲此外縱云有九州九州之外更何地往年 聖主封琉球琉球不過海中洲今年暹羅來貢獻暹羅亦是島夷儔若有大於神州與赤縣胡為千年萬歲無人見興來且看眼前波驚濤駭浪相交扇倏高倏低起伏似罔巒一呼一吸震盪如雷電料得鱗儔价多無寧宇不信馮夷海若有宮殿此時紅日上東隅百靈萬怪咸奔趨我欲從之買珊瑚我欲從之賒明珠珊瑚明珠都

不愛我欲從之坐鰲背會當送我蓬萊山獨立遙岑吸沆瀣

周立恭字伯寅後以字行乾隆甲寅舉人任浙江永嘉場鹽大使余來川時懸車十年矣前歲壬寅以所著六事箴言自南川寄贈為念先君舊好云性好為詩而成篇即焚棄自嫌不工他人掇拾其餘名焚餘詩草重過三峽云平生山水癖夢想是夔巫峰影摩天合江聲入地無雲閉神女廟風肅武侯圖絕險舟行慣翻教胆氣粗擬桃花源行武陵溪口蒸紅霞夾岫桃開十里花下界紅塵飛不到當年種植定誰家花枝缺處花枝補聲聲流水鳴今古我欲

卷十

聖

因之問主人祇有桃花作賓主漁舟欸乃搖春來無意看花花正開活水源頭知近遠一樹一歌去不回去不回去歌忽止回首人閒已萬里桃花自落舟自行一峯飛來壓舟起烟蓑雨笠等閒身逢山便作登山人船流任逐桃花去恐負桃花洞口春去去初疑路不通漸聞雞犬喧雲中此行如夢乃大覺別有天地開鴻濛福地幾生修得到方壺員嶠將毋同文成徐福皆妄誕不如一棹武陵風我聞羽化世亦有何事耕織乃吾偶方知神仙非異人但無甲子與官守自從逋客謝塵寰也遣流水到人閒人閒烽燧那得見却疑百二猶秦關說罷滄桑淚沾臆舉酒博歡歡

未極客心頓逐春水生要向人閒說消息此中消息莫輕
傳今日相逢亦偶然待到花時君再至此花一笑一千年
大雲寺松石歌大雲寺雲爲峰鞭龍耕雲僧種松松老成
龍雲不散一一化爲怪石雷奇蹤風到雨到日不到古今
一氣青重重但有鳴禽飛下上更無紅葉凋秋冬我來小
立眼雙碧松聲石色填心胸冀北名山遊八九如斯奇特
驚未逢福地緣慳天欲暮呼僮火急尋歸第不見山中寺
時聞雲外鐘下山十里九回首却疑我未到處猶有千松
萬石皆雲封

楊振麟字信節號裕齋康熙乙酉舉人陝西平羅縣知縣

卷一

七

秉性疎放人稱爲二風子欣然曰名甚當吾意作長歌云
天覆地載何茫茫巍然七尺於中央年過四十古稱強丈
夫意氣安可量何事羈縻天一方蝸之左角爭顯揚闔簪
羣飲半維桑秦越之人亦迎將豈無冠蓋甘翱翔我心如
醉久相忘挾策樛蒲各亡羊聃韓合傳誰低昂春秋功罪
惟蒼蒼默然念此神爲傷寂寞金臺日月長飽餐脫粟合
清狂有時雄辨神洋洋有時鯨飲吸千江有時顛倒著衣
裳有時黃口同徜徉狂歌疾走氣如狼委蛇徐步安且詳
浪譁笑傲率其常澄墨搗辭叶宮商呼之不應傲義皇揮
之不去酒槽傍秋風夏日互炎涼九衢曲曲比羊腸瘦骨

稜稜貌不揚恬然履此如康莊感君尊我中心藏二風
號何芬芳揚泥哺糟逐隊行何人赫赫有聲光繫子實至
而名彰毅然受之勇且剛若有人兮堪頡頏願爲爾宰丞
相望

幼時讀時文健爲李公峩峩作也集四冊雖非名家亦逢
時之技公家貧力學由拔貢考教習後中乾隆辛未進士
分發湖北爲縣令調繁麻城有能聲歷仕至湖南荆宜施
道爲太守時於春風亭宴屬吏作詩四章從容和藹規勸
殷殷如見其人惜忘其詩矣及來川閱通志公傳未甚詳
公名拔子元模乾隆乙未進士亦能詩龍池春漲云一鑑

卷一

七

橫開百畝池春來渥澤自天施凌空遠塔浮清影夾岸垂
楊蘸碧絲得意鳶魚飛躍處會心風月到來時龍文浩蕩
波千疊好在伊人自領之
顧晴沙觀察光旭權蜀臬喜爲詩袁簡齋採其句入詩話
李雨村詩話亦載其咏惠陵云南陽諸葛眞名士天下英
雄惟使君又題石溪亭云大峩峩外幾峩峩青行盡岷江似
列屏依舊桃花春水綠石溪人去已無亭數莖白髮奈山
青秋雨秋風冷畫屏閒與畫莊評邑乘無名詩史石溪亭
高梁山道中云泉聲山色送輕輿空際林巒畫不如壘湖
雨深叢篠密半坡雲薄小松疎隔烟犬吠兒呼犢傍水畫

喧癩趁魚絕似江南好風物濃陰四月插秧初所選元人詩博觀約取品雋精審人有小傳亦元遺山中州集例按先生由黃門為寧夏太守遷擢來蜀清操飲冰郵商愛民暇即鉤簾讀書字法顏魯公詩宗蘇玉局與吳白華查榕巢沈澹園唱和成集以事去官送者萬餘躋堂捧觴先生舉觴大酬商民哭先生亦哭扁舟東下徧覽峩眉凌雲之勝所至題咏不復作出山之想矣

姚一如先生令儀松江婁縣人為諸生時往杭州見同鄉錢塘令徐芳圃恕將以筆墨入幕芳圃觀其制藝書法深器之曰君將來為國柱石豈幕下客耶固請之乃薦於同

卷十

完

官某令令狂率初作稟稿一筆鉤抹大愠辭歸芳圃詢知其故贈以膏火勸理舊業先生遨遊西湖聞學使臨松逾月恐以廢考為芳圃所聞連夜歸松值貢院被災改期入場得與選拔時乾隆丁酉歲也朝考一等以知縣分發雲南適促侵軍需報銷辦理須才大帥聞其幹濟檄調來川補健為令綜理竣事陞任司馬凡有大事奏稿皆出其手無不當 上意陞川臬任方伯而其初不足為縣令所取然使主賓相得將以記室終身又安能文章經濟大顯於世乎人生遇合升沉自有定數彼某令第為鬼神所使而不自知也宰仁壽麓峰書院示諸生云文翁石室紹千秋

汲古從來綆欲修未必公評無月旦果真名士定風流疏簾清簟超塵俗細映牙籤仍校讎盛世躋民仁壽域跨鰲還許到瀛洲署後石上鐫詩有城郭山林氣自佳句餘皆磨滅因足成之城郭山林氣自佳蔥蔥鬱鬱望中皆跨鰲半月深藏寺落馬斜陽返照厓芝嶺春融花繡野苦園人靜鶴鳴階吟餘只愧貂難續鐫壁空將曉岫排徐芳圃後亦官至方伯惟賢知賢固一見有水乳之契而一時司札有人不能另為位置亦富貴逼人貢院之火為之佇候久矣

卷十一

幸

綿州李价臣藩自號稻村老人乾隆丙子解元就學博名其詩集曰戲彩堂為人偉軀美髯言笑温如自謂初未學詩癸酉選拔後葛眉峯先生教以韻語乃始為之發解赴鹿鳴宴有句云恩拜鹿鳴朝鳳闕才慚驥尾占龍頭父母年俱八十於癸未 皇太后萬壽請封紀恩詩云 詔賜椿萱舒化日觴稱桃李舞春風八十自壽詩云黃梁夢醒更逍遙八十年華歷四朝比我精神梅一樹助余情興酒三蕉長加馬齒隨天意卜定牛眠待鬼招修短前途慵早計林泉清福且容銷何嘗安樂自尋窩頗覺吾家勝事多白髮阿兄猶健飯青年快婿早登科 羅金函辛 生徒聚會賡難老兒女團圓釀太和回首椿萱雙 詔賜稱觴先把

聖恩歌為吾東劉文正公小門生入京謁見時謂見汝
元文即知器宇非常福澤遠到文正公號知人价臣終西
昌教諭固未顯達然觀其詩不求奇而有一種温厚和平
之氣二親老壽兄弟並登大奎園林亭館優游自得福澤
正未易及也有句云宦海休誇登岸早名場終覺負恩多
蓋感鉅公多以國士目之也

安岳令朱琦山東歷城舉人家世以詩學書法擅名嘗見
其所書聯字特美秀題寺僧慈量壁云屢叫禪關對夕曛
道人心迹似閒雲木犀香發留山谷貝葉書成學右軍粥
鼓鐘魚塵不到風篁松檜夜多聞明朝又踏塵埃去回首

卷一

李

香臺曙色分國清寺夜月即事到此何寥寂言尋學地禪
緒風歸竹靜孤月映松圓虛牖清光滿閒庭夜色鮮惠休
應未寢試誦碧雲篇 乾隆三十一年任

王大令駒若昂温江人乾隆甲子舉人壬申明通榜辛新
途有惠政請養歸夜泊洞庭湖推窗望月忽見浩波中燈
火一道自遠而近幡幢前導錦衣多人夾宮車而趨從十
餘騎去舟兩箭之遙履水如平地呼家人起視已過盡隱
隱猶見燈火舟人謂龍君出巡云素好為詩多散逸曾孫
侃搜篋中得銷夏詩疊韻二十首錄其半焉靜室堪消夏
閒情兀坐中隔簾花解語繞戶竹生風爽氣終朝在元功

一綫通匡床隨意睡一覺夢全空僻院堪消夏清幽滿日
中苔深藏宿露樹密舞迴風幾度蟬聲曳頻來燕語通松
陰纔小立炎暑已成空古寺堪消夏閒行殿宇中曇花飛
細雨貝葉動疎風字沒碑難辨苔荒路尙通果然清淨地
色相令人空野店堪消夏扶筇入肆中碧傾桑椹酒香送
稻花風把釣人相約尋幽路可通咏歸詩未就腹笥笑空
空田舍堪消夏心清溽暑中課晴還課雨聽水又聽風巷
僻隣桑茂溪深堰水通徘徊明月下涼露下高空古驛堪
消夏蒼茫落照中涼生千里月塵淨一鞭風候館蛛絲罥
郵亭鳥道通眼前無伯樂誰說馬羣空水榭堪消夏茫茫

卷一

李

數頃中漲生新過雨波曳暗來風畫檻時時動朱橋面面
通置身何所似如在天空望月堪消夏清光四澈中映
花生薄霧篩竹弄微風客向迴廊立人來曲徑通廣寒看
不遠逸思欲騰空聽雨堪消夏瀟瀟滿院中蒸人無烈日
撼樹有狂風簷溜懸懸急渠流活活通料他池沼滿不似
舊時空夜話堪消夏良朋四座中簾閒人對月座上語生
風說鬼心何喜談元慧欲通無聲天籟靜一鶴唳長空獨
坐堪消夏怡然自得中到門無俗客入戶有清風世慮頻
頻遣吟懷渺渺通階前花影動涼透小齋空
陸箕永字二水江南華亭人舉鴻博康熙五十一年出宰

綿竹兵火後土著絕少報墾半楚民獄訟甚繁二水履田
正界無月不在外憩宿蘭若所至畱題政事文章兼而有
之三溪山泉云邑西南河曰射水洪流迅激勢千里溯源
云自三溪山山足蜀王親發矢矢發泉湧如有神驚湍直
與綿江齒茫茫千載矢猶存鏃長七寸還餘咫我乘公事
來西郊策馬彳亍眠山椒行行竟達廣安寺寺後兩穴噴
銀濤峰切峭石駢嵯牙瑋琮一道飛瓊瑤咄哉奇景世莫
比山既巖嶮波噴驕此事假不親涉覽傳記毋迺齊東嘲
吁嗟乎人閒井窺蠶測空自勞眼前怪異紛相遭何必尋
山定越昆侖高泛水端上星河舫綿竹竹枝詞云村墟零

卷一 一

落舊遺民課雨占晴半楚人幾處青林茹作屋相離一壩
卽比隣川地多楚民綿邑為最地少村市每一家卽隊隊
傍林盤一座相隔或半里或里許謂之一壩隊隊
番夷作活來連村遶舍總成堆明年二月綿江口負米呼
豨打伴回威茂蠻人至冬月俱融負而至為人作活一交
二月卽買猪米結伴歸去彼處常寒難禁內地地
也熱 蘇囉聲裏雜笙簫畫鼓金鏡彩幟歲歲朝山誇勝
會可憐忙殺女嬌嬌川中朝山會名 窄袖寬衣袴褶長絲
雲新樣窈娘裝筵前唱徹迴波曲乞取青蚨作打廂俗有
唱俗
子多二八雙鬢於酒肆席閒 山村社戲賽神幢鐵撥檀槽
賣唱任人調戲蓋上妓也 柘作槩一派秦聲渾不斷有時低去說吹腔俗尚一三五
亂談
八四門場馬負肩擔總雜糧買得紙花紅織帶歌呼歸去

趁斜陽邑中以一三五八線磴回盤萬仞岡采茶郎似去
為四門之場期 線磴回盤萬仞岡采茶郎似去
年忙兒家門戶原依舊認取沿山七里香西北多產茶上
盤絕壁下臨湍
攀援峻險如猿猱然 窄窄田塍淺淺塘大家分缺浸新秧
誰云如繡南東畝不似三吳魚稻鄉荒地都行開墾一片
水田秧針如繡實不
讓江花牒從將五恨畱海棠人只數昌州枉他官署東風
裏萬朶吹香傍小樓譜云海棠無香惟昌州者香
今署中三株開時頗為芬馥嘉話爭
傳庾嶺梅年年獨向小春開綿陽亦有花千樹何事遲他
驛使來川中梅花於十月大放
雪香十里頗異他處 堰堤修築苦年年灌溉相
資決亦便白棹風催連夜雨綿陽河上水兼天新穀收來
論擔擔正供祇賦什之三愚民只是貪癡甚如此 君恩

卷一 一

總未諳
王敬公字漢淑一字爾成商河人順治戊戌進士初令屏
山遺黎無幾招徠甚至苗賊為亂眾號數萬率數十人擒
其渠魁餘皆潰散其有幹略如此陽邱道中谷口雲埋一
徑斜荒巖老樹叫殘鴉山村寂寞行人少落日風吹躑躅
花秋怨浮萍影斷蓼花汀一曲笛聲中夜聽銀漢初低波
月冷含情獨自數流螢
陳維謙和友人蓼花原韻四首云上苑名園未許干嬌紅
虛擬玉驄繁恨餘澤畔閒吟處影落桐江舊釣灘幾點蘆
花秋欲老一聲漁笛夜生寒雨絲風片曾經慣不作蕭條

子部 雜家類 2 反E內

遲暮歎金風瑟瑟影搖秋慣閱煙波不省愁斜倚晴霞如
解笑靜含朝露欲低頭亦知野曠漸清韻卻抱孤芳俯濁
流隔岸楓林相映好蒹葭一派冷汀洲何處依稀泣杜鵑
紅英紫艷鎖相連武陵春色歸秋浦水國朝霞帶暮煙旅
雁不驚塵外夢閒鷗好結靜中緣一從名附羅含譜贏得
詩人費錦箋一點幽情寄水湄夕陽古岸影離離潮生極
浦魚吹葉珠絡煙梢鳥弄枝叢桂漫勞招隱伴芙蓉好共
托相思自憐生在秋江上不向東皇怨後知彭縣人

卷一

畫

蜀者鑑湖石魚篇序云涪州鑑湖有石刻雙魚一銜芝草
一銜蓮花牧是邦者有循良績則見陳笠帆觀察五世伯
祖陳良模字範卿吳江人萬曆中舉於鄉知涪州江中石
魚出者三沈璜近事叢殘備錄之州志所載則時同諱同
而姓馮氏六合人蓋兵燹之餘文獻無徵載筆偶舛也觀
察訂正而勒之石因作長句紀其事巴西靈蹟雙石魚鑑
湖百頃沫且濡錦鱗六六刻畫細碧銜芝草青芙蓉未詳
年代製誰某不著鉤餌忘鱸枯政平則見否則隱事雖近
誕理不誣嘉禾生庭木連理山出玉漿池生珠神君神父
致神物往事歷歷堪編摩太邱治行本家法代有良吏元

龍如鹽不計口民害去鱉肯受網羣邪誅涪江刺史仕明
季芳聲欲並前賢驅刑中於鄭教美魯休徵捷若鼓應枹
雙魚游泳出水面觀者如堵歌為于至今萬口尚傳說當
年百里同歡呼使君虎節入西蜀宕渠五載司軍儲偶閒
籌筆緬先烈蒐攷舊事讎方觚里居已訂志乘誤姓氏尚
喜叢殘書貞珉深刻垂萬禩辯證足使羣疑祛烹鮮媿我
來澤國臨淵之旨師江都石人石犀渺何許鑑此源水澄
懷據豐年入夢豈虛致漁者宵肅由中孚清芬可誦心實
獲常鱗不詠吳淞鱸蒙山中頂茶序云山凡五頂中頂最
高土僅寸許漢甘露祖師吳理真種茶八株今尚存其七

卷一

畫

高四五寸其一高尺二三寸夏初發芽數十卽有雲霧覆
其上先祭而後采采畢卽似枯枝平時樹柵扁鐫以守護
之不特非蒙陰石蘚比并不可混以蒙頂之通稱矣名山
王大尹嘗以 貢餘分餉然僅一葉其寶貴如是客從蒙
山來詒我仙人茗溶溶一片雲珍重出中頂我聞漢代植
此茶劫數已歷恆河沙頽焮不折凍不萎老落古雪封杈
枒世閒紛紛說蒙頂火前嫌晚收冬牙蒙茶之隆冬甲
枒者見茶譜豈
知陽氣要全受圖經蒙頂茶受
陽氣全生最晚聞雷試採猶枯槎雲蒸霧
擁茁莖葉博桑鵞樹涵精華山靈呵護官隸守視載稽數
毋舛差分甘竟許識上品波及洵足榮臣家焙藏不事苦

太少烹點有法無由加安得春風吹浩蕩催放千片青枇
杷杷杷芽亦不能四兩也滿把盡已宿疾消痕痕獲蒙頂
以本處水煎服除宿疾四兩即成地仙見茶譜綠菜序云吾浙紫菜生海中石上
見紺珠蜀中綠菜色味形皆絕似惟色差綠耳黃山谷令

蘆山時作綠菜頌今則嘉雅水石間多有之又益部方物
略紀戎瀘真珠菜生水中石上翠縷纖蔓首貫珠致數千

里不壞殆亦綠菜之族類歟雅南佳產敵吾鄉綠菜爭如
紫菜良顏色縱儕巢大小生涯亦在水中中央風湍激激溪

毛聚乳竇淙淙石髮長孕出雲根真淡善生無海氣自甘
涼啜殘魚鴨留磯薛餐盡煙霞掇湖芳采處終朝纔一劑

卷十

七

製來炎夏已盈筐食單作頌應奴笋蔬譜遺名笑撤薑品
入行廚輕可挈價懸山市賤能償漁衣亂疊雲千葉苔紙

斜封玉一方冷酌不煩挑野藪清齋兼可佐羹湯鮮逾葵
甲初含露嫩似蔥袍未帶霜縷切最宜盤翡翠調和稍下

酒鵝黃千絲纏菡萏同消一筋沾唇蕨遜香愁鬢看人容
易改春波照影等閒嘗料量莖食添新籍洗滌腥砧付別

腸不是美芹嘗闍味夢中難著蹴團羊
李天英永川人號約庵乾隆丙子舉人少穎異酷嗜吟咏

為貴州開泰令精于吏事疑獄多所平反罷官後益以詩
自豪短章零句人爭傳誦同時名宿如袁簡齋蔣心餘王

夢樓翁草溪均深推服有居易堂詩鈔梅花云不受冰霜
挫焉知此格新花非開頃刻天為養精神一片月橫水十

分香到人華光久寂寞誰得貌其真與王京兆同年宿敬
亭云不辨翠微色秋山紅葉重蹇裳隨去馬拄杖倚孤松

人臥半床月風傳萬嶺鐘曉攀天際閣目斷白雲峰岱嶺
夜雨云寒星看掌上暮雨忽樽前積氣無巖壑秋聲劃海

天萬松飛瀑裏三觀亂雲邊恍惚身何在真從象緯眠旅
燈云望望炊煙嫋微微遠火招破窗風雨暗孤夢旅魂搖

雁外人千里蛩邊酒一瓢那堪殘醉裏燼落夜迢迢
武侯祠有銅鼓傳為征蠻所用形不甚巨而花紋頗細汚

卷十

七

縣武侯祠下掘地得銅琴土花斑駁有聲鏘鏘乃嘉慶丙
子修廟時所得也以配石琴與銅鼓更添一段故事矣朱

錫穀有詩云范亦伴銅鼓囊真配石琴理絃金氣肅剔蘇
土花深至寶有時出元音何處尋千秋同二表長見老臣

心
亮蝦出興文城南半里龍王廟前小溪中大如常蝦夜置
盆盎中游行腹有光如螢他處所無長鬚逐隊任西東豈

有明珠蘊腹中忽訝跳波千萬點水晶宮裏夜燈紅
傅新府義遷成都人幼失怙八歲時佃戶負租百餘石力

不能償向橫中索視籍以筆銷却曰為語其家嗣後勿再

欠可也長好讀書每以古帖字畫爲樂喜作詩重九云萬里遙空雁獨飛逼人金氣肅心脾誰將落木騷人淚併作秋風宋玉悲綠酒欲邀黃菊醉青山終與白雲期年來自笑疎狂甚倒著山公白接籬看雨歌大風橫吹聲咆哮遙空萬象黑雲包遠峰沒匿金烏逃雨勢如霆來蕭蕭蠶絲芽攪柳絲飄大珠小珠錯雜跳龍涎雜沓下九霄亂竄屋瓦鏗刁騷初疑昆陽軍鼓鬻刀環劔戟突相敲紛然萬弩雲中拋頃刻浪湧青天潮小樓登眺憑綺寮銀海光搖神已超不能澤物比英豪乘時變理陰陽調奔騰羨煞龍與蛟噓氣爲雲勢何驕但聞四壁響周遭苔階浪捲水滔滔

卷一

堯

壓闌綠漾戰芭蕉紅衣墮碎芙蓉嬌撫掌狂歌甘澤謠凝雲宿霧一時消山光蒼翠濃可描臥聽嘒嘒吟風蛸

山東王洪謀號棗村四川鹽場大使有抱犢樓詩秋夜云巖城鼓角夜三更起坐空堂聽雨聲家在夢中聚仍散愁如落葉歸還生人知命薄心空壯老覺才疎氣漸平何日歸與茅屋底一尊相對月華明棗村康熙庚子舉人未仕而在河南分校秋闈解元實出其門未知其詳籍隸青州

博山

石砭土司秦良玉以女子立奇功垂名青史朱璋石砭行云巴東健兒談石砭秦夫人系儒家女夫人父名秦忠州明經一朝

冠帶領蠻酋娘子軍容歷益部弟兄分將白桿兵良玉及將白桿兵豈獨夔巫鍵門尸憶昔援遼破蘭功內家裝束驚秋鴻綠沈槍舞春星轉花桶裙拖錦帶紅昂藏綽有丈夫氣帳下粉黛多雄風雕面侍兒工走馬繡巾小妹解彎弓水赤岷江徧流毒天墮妖星蟲入腹黃虎所過殺氣腥張獻忠面黃川人枯斫髑髏厭人肉可憐開府不知兵謂之黃虎見本傳捷春失爭蹊要爭平陸孤軍事急無奈何筋調帶驅空道促蠻府家法以筋調兵則能飯者坐見東西蜀剪屠抽營剩有蛾眉哭孱婦當年受國恩璽書頻下懸軍門龍顏尙隔平臺見鳳紙親題尺綵温窈窕丹青人不朽試看他年

卷一

李

青先畫美人圖見思陵賜詩肯使勳名婦人有一時巾幗畫鬚眉馬下紅旗馬前酒蜀王不肯樹降幡此身未死殘疆守大節英風未渺茫青史流傳挂人口成都顛覆近百年軼事猶能爲家傳紛紛叩竿旄牛族正朔皆稱大順年張賊僭蜀一婦嬰城勒保障蠻夷君長韜戈鋌夫人生長青閨裏不願低眉嫁鄉里請借刀劔立邊功誓拋白骨沙場死寧南大帥左良玉忝同名忠勇何曾及女子秦夫人遭逢國步何艱難焚童能歌女能舞編入樂府朱絃彈一彈再唱教嗚咽海棠花謝春風寒將門新婦誰最賢至今傳有沈紅蘭人媳沈氏繼吳嵩梁秦良玉錦袍歌云五花戰馬千金戟馬

上紅粧能殺賊健兒羅拜秦將軍氣蓋西川貌傾國平臺
召見詩寵行天子臨軒賜顏色宮錦歸來撫戰袍鏤金錯
繡皆天澤崇禎之季軍政荒本兵獨倚楊嗣昌盡驅流賊
入巴蜀斬刈黔首如牛羊白桿縱橫三十萬將軍盡室來
酣戰旌旗五色陣雲高帳下女兒亦驍悍烽火連天笳震
地殺賊愈多氣逾厲賊中望見將軍來百萬瑠戈同日棄
雪花如席天漫漫錦袍雖暖邊風酸寄衣一千五百襲將
軍愛士同飢寒張令軍前鼓聲死本兵不恤將軍恥士兵
二萬請分廩妾家甘為朝廷毀巡按巡按嗟何人劉之勃
與邵捷春按圖扼要十三處奇策不用徒因循此時錦袍

卷一

空

慘無色半浣蠻血參征塵沙場百戰蛾眉老畫像敢望登
麒麟成都一破金甌裂石砧孤城堅似鐵巾幗蒙恩四十
年耿耿丹心照邊月左家良玉非英雄一敗終教慙晚節
思陵身殉福王走南渡衣冠復何有六宮統綺燒成灰秦
家錦袍猶世守海內承平二百年岷江劍閣無烽烟妖婦
何敢結羣盜鼎鑊未免煩魚煎攻心有術當革面內地戡
亂殊籌邊宜恩一檄定感泣各習井臼投戈鋌請祝將軍
勵忠義雪旗風送鏡歌旋錦袍樂府蠻女唱弓衣合繡都
官篇
平定金川後分列五屯經其地者多有題咏足當風土志

洪成龍谷鳴云谷鳴名何起行蹤自昔無礮驚雲霧散人
訝雪雷俱伐木緣通徑開冰便轉輸凱旋期在邇日夜急
飛翎又云深潭藏怪物不識幾千年霹靂山腰震寒雲樹
杪懸斬蛟須礪劍探子更求筌誓與金酋滅因茲墾石田
又云雪花兼雹急潭水淨無波永絕魚翁釣偏愁樵子過
我看疑井底人說是龍窩何日方燒劫晴瞻峰似螺又云
地惡山因險陰陽渾不分始知為絕域前此竟誰聞雪壘
朝移帳雲梯夜度軍百蠻應共駭天外立奇勳
曹扶谷獨松渡河云不信金川險從天入地行迅能將日
逐怒欲與山爭擊機還思濟凌波舊置軍祇今沙石底猶

卷一

空

作鼓聲聲紫垣綏靖屯雜詠八首玉帶泉云不解金川路
何來玉帶泉塞雲千疊繞邊月一鉤懸竿馬番兒飲蠻裙
戍婦滿劫灰今已熄長此洗腥羶小普陀云何必杭南海
當前即普陀洞天開似穴鍾乳結成窠法雨垂瓊瑤慈雲
淨擁黛螺眾生瞻仰處千載靖干戈自然井云此井何時
鑿神工妙自然四圍貞介石百尺湧靈泉曉汲邊雲動秋
澄塞月圓嘉名誰肇錫記取李屯田潘笳橋云夾岸高擎
柱中流遠繫繩尋樞如馬駛度索似猿升昔嶺朝飛雪金
川夜合冰 天威通絕域雲路快攀登獨松溝云汎已名
雙柏溝還號獨松濤聲江水壯蓋影雪山重枝老難棲鶴

鱗枯不化龍何如漢近梁棟慶遭逢

查淳西微云怪名到處共驚奇滴博達婆豈異辭校洛柏

溝形據險礮樓蠻障勢難支連營直達新巢穴索諾木舊

營茹寨因入夜空聞舊鬼悲天外至今銷殺氣從知無敵

是王師聞官軍拔羅博瓦諸峰云三年西塞枕干戈奮

怒梯雲冒險多古戍不須守滴博連峰今已過蓬婆但收

雨雪天心順屢拔寒礮將士和從此吾軍倍踊躍豐碑駐

看勒巍峩

長白世泰為法時帆之壻少攻舉業長襲佐領以參戎來

蜀後升任鎮松潘好吟咏王西驛司馬題其集曰詩龕甥

館稿征途雨霽云憶別蓉城久蠻荒景不同風霜千里外

雨雪萬山中野草連天綠秋林夾岸紅羣夷知感畏指日

奏膚功臘八日大悲寺曉望云朔風吹臘日西上大悲樓

雪擁岷山暗波翻江水流四郊寒氣逼萬戶曙烟浮禪意

誰能解清心豁遠眸衛輝旅邸和壁間楊文叔韻云寒食

初經雨未乾蓬蓬春色馬頭看飛來紫氣秦關遠直上青

天蜀道難半夜月明添客思五更風冷怯衣單從來兒女

原多累幸接音書旅夢寒

華陽潘東菴元音乾隆庚辰舉人選廣東陽山令即韓昌

黎貶所也有詩云吾聞韓退之萬里貶潮陽先茲宰是邑

跋涉餘愴愴彼以一封奏我為五斗糧名實固已異優絀

胡相望耿耿寸心在僕僕風塵旁總之視赤子所在痛如

傷夜蟲山寂寂漁火夜蒼蒼我欲賦歸去山水笑人忙不

知舟車絕伊人阻一方九十九崕吟云三崕二百九十七

舊云三崕分上中下每崕九十九峯山水最稱險仄一崕一嶺如冠櫛崕崕中有插

雲峰尖稜孤豎如刀筆銀河水向天邊落東驚西馳謬相

失迴頭不見夕陽根夜半天雞呼日出我本峩峩山下人

偶向羅浮訪蓬室連陽一坐四春風釣魚之餘還披帙樂

其樂兮憂其憂五風十雨聯箕畢同冠楞伽時一遊冷然

之洞權舒膝同冠楞伽俱峽名却懷汶水浣花濱十二青

城窺太乙誓將買棹上黃牛一帆直到錦官驛

世謂文安簿蘇公為老泉識者辨其非其地本有老泉公

未嘗以自號世或不知其泉或知之而未詳王遲士侃嘗

遊於其處作記弓菱溪刺眉州見而愛之將刻石泉側以

事去官不果余撮記其略云由玻璃江轉棹青衣江南下

里許折而北港口石壁竒立上有望江樓樓後溪深丈餘

過石橋有觀竹樹夾立蒼鬱茂密登數十級入觀門由東

折而南再入門對門有若洞者額題三大字曰老人泉昔

有老翁為仙以此得名近之歷數石級至底以磚甃為洞

大千一間屋深鑿石壁有泉側出跌落石坎有聲鋪板于

上潺潺流下不知入於何處自昔傳有白鱗今不存由石壁歷數級而上殿宇甚古幽暗深邃有十蝙蝠皆尺餘翅大若扇質斑白倒懸僅一足掛承塵人云二百年物

梓州城北唐時惠義寺杜少陵流寓於此嘗有詩云前佛不可見百身一莓苔則其地也寺中山洞有泉自石罅流出有聲鏗然似琴後改琴泉寺沈澹園太守引流鑿池覆亭其上名曰出泉蓋泉伏流引出可以溉田閩中王東野應詔偕友遊琴泉詩云樓閣挂絕壁松栢森層巔唐時惠義寺瞬息千餘年中有一泓水何人號琴泉泉洞何深深泉流何涓涓泉氣侵衣冷泉光鑑髮鮮泉響應岩谷如聞

卷一

奎

伯牙絃我欲撫琴和不如泉自然憶昔杜少陵春日遺詩篇蓬蒿沒勝蹟來者長流連吾師沈夫子幽意追前賢爲築出泉亭更開諸佛天泉水淨佛髻一一頂光圓雲霞燦爛處大筆磨崖鐫山靈定歡喜名附詩人傳我輩足所歷萬象都增妍卽今酌精舍春色猶堪憐翠嵐落我掌綠樹穿我肩鳥歌我座側花墮我樽前相隨二三子逸興同翩跹踈鐘撞落日遊客不思還回望琴泉水洞中飛暮烟河南趙遵律嘉慶間以進士爲資州牧以政事文學稱好古耽吟著述如林初至闕城云枕峯連緡面江濤翠壁丹岩結構半帶礪真成盤石固垣墉平壓月山高地仍舊址

陣隍壯人愜新圖築鑿勞半壁東南資保障烟塵從此靖氛囂蜿蜒蜿蜒龍赴淵鬱鬱葱葱層吐烟千堞雉飛隨上下四圍玉立澈中邊抱誠精衛能填海鍊石媧皇欲補天霧集雲來揮雨汗輿人漫頌使君賢秦灰漢劫百千過廢壠殘基喚奈何不信城成緣眾志須知地利賴人和麗譙五夜傳刁斗埤垵三秋掛薜蘿萬古岩疆今樂土攔街齊唱石城歌規山疊石費經營鬼斧神工削不成彈指華嚴樓閣現舉頭并絡宿參橫九關鐵甕開三面一葦金甌冠五城在德乘時兼在險勒名可否問臺卿重九登重龍山也向龍山約舊遊嗚余好事作遨頭人如醇酒心先醉寺

卷二

奎

少黃花徑亦幽豪飲不須防落帽曠懷偏欲獨登樓試茶更汲天池水得得尋芳問貫休連峯詰屈傍城隈萬丈丹梯接上臺滿院竹聲岩下出半空人語閣中來池開寒鏡畱雲影月掛涼鉤入酒杯便擬乘風凌紫闕不須尋海托蓬萊懷古登高復探奇三山山頂舊三池風清日麗蒼龍映雷動雲連碧海垂東閣寂寥餘廢寺北阜剝落剩殘碑由來天與無雙地滿目蕭條不勝悲彌望靈龕萬佛岩大書深刻君子泉眾眞共坐壺中月彼岸同登水裏天何日梵音歸藏海只今琴韻罷冰絃孤城徙倚蒼苔冷腸斷秋風日暮烟

風日暮烟

參將某在夔州率士卒入諸葛八陣圖見石數十堆多殘缺不整意謂無奇乃教演軍士鎗砲初發風沙陡起天地昏暗迷不得出乃跪地祈禱天復晴霽

歐菩薩蓬溪雙河口萬歷時人生而好靜及笄適李楚成姻後回母家住宅傍一洞修行人爭頂禮呼爲歐菩薩縣令林公以事近魑魅逮至禁之絕其飲食月餘黃太史輝遺書云僊佛何嘗不世間只因修煉在深山叮嚀爲語神明幸好放真人早出關遂釋回有彭縣邊巡撫供養之問云汝既與李楚爲夫婦亦曾盡夫婦之道否歐答云既爲夫婦焉有不盡夫婦之道邊又云色慾大道所忌何故又

卷一

空

梁俗緣答云前世姻緣未滿邊又扣云汝既修行知西來大意若何答曰清靜坐草蒲團牛歸欄馬歸欄大人問我西來意水在長江月在天

查淳爲宜賓令以薦入都雷別士民馬踏芳菲去不還軍興五載事征蠻山高水曲尋常意月白風清夢寐間漫憶東樓千日飲忽驚青鏡二毛斑流盃池上吟情遠偷得勞人片刻間惘惘無華豈足論漫勞人 奏竊殊恩戎州自笑翻成客錦里攜家未有郵幾處壺漿慙父老好將經卷課兒孫浩翁一去風流杳文采還宜棘道存春風隨處聽鳴鶯近喜農家不廢耕守土未曾經人駐宦遊對此那勝

情千條綠柳同今昔一樣青山判送迎別有邊愁紫寸抱趨庭猶擬請長纓西徼悲笳永不聞軍儲案牘轉紛紛翠屏杳靄空春色白嶺迢遙帳夕曛待出秦關瞻 北闕回看滇塞向南雲莫因去僊嗟萍水留照金沙月幾分

熊孝子至性過人兩割股肉以療親疾大竹李羹堂作梅見之肅然起敬爲作熊孝子詩以傳吁嗟乎熊孝子割將臂肉爲甘旨路人聞之悲孝子行之喜但願老親生違惜兒身死一割再割不知楚老親豁然病良已解兒肉甘兒心苦參苓不及兒之股肝腦塗地亦無辭一片精誠出肺腑解此念充之卽大孝足振綱常勵名教區區豈是爲浮

卷一

空

名想見平居承色笑解古來節烈人始念堅於鐵決胆捐軀報君父萬古不寒忠孝血拘儒往往斥其愚喪盡天良爲此說解丈夫平生多繫戀一旦臨危心已變幾人盡瘁憂家國太息人心不如面談忠說孝亦何爲空誦讀書能萬卷吁嗟熊孝子可入鄉賢傳解見此孺慕生願爲牛馬走我向熊君頰稽首甘奉醇醪一玉斗更把黃金爲君壽與君爲友君許否告爾世間人伊誰無父母解惜未著孝子何名應是李同邑人

蜀汀險矣猶非至險王漁洋沿路有記陶雲汀諸灘記之甚悉世傳最險之處莫過於羣猪陡崖卽吳白華詩所咏

羣猪灘也又有刻石四語云羣猪陡崖高掛靈牌有事速去無事莫來字亦奇偉行者觀此為之心悸崖在涪州三峽惟觀音峽有漩窩可懼餘則順流直下耳最險者大江之外自敘州由金沙江逆流至屏山僅三日程兩壁峭立視巫峽更狹更陡天僅一線入其中陰森可畏江中多石舟須宛轉避之又有大漩未至買席數十預為拋擲得席水平舟趁勢疾過否則倒插入水又多灘未至一二里聲已聒耳近則飛花噴雪濁浪轟雷夜宿維舟往往如霹靂驟響水之吞吐起落人莫能測販重物者自此賃舟必先書約死生惟命兩無相累其險可知由渠縣經廣安泛舟

渠卷一

充

渠河有九九灘八十一瀾舟行此中八十一折水狹石劣舟觸即碎惟一家父子善操舟折旋如意毫釐不失舟至必僱之有定價世代相授不傳外人要不過操之孰耳然老於江湖者至此不敢措手故曰大江險矣猶非至險秦始皇為寡婦清築懷清臺寡婦清能以財自衛至動秦皇帝之聽其富可知其子娶卓王孫女即文君也得毋深愧其姑卓王孫與富室結姻宜不喜家徒四壁之相如及貴乃獻牛酒則當日之薄其女非徒以失節可知秦良玉拒賊武略過人草檄如飛兼優文墨所用硯子孫寶藏後以贈人可惜明懷宗所賜紅袍鮮艷如新兩金龍

直立較今人衣長一尺其軀幹雄偉可想屯中山內產雞曰馬雞眼赤毛灰色多白點似竹雞重八九斤煮之不熟火燂雞類馬雞重亦如之背上有紅毛圓如碗食之最美尤莫美于雪雞過二年則肥甚形絕類雉周身雪白尾甚長有斑古所貢白雉疑即此物但所食惟冰雪又有似雉而絕小者尾長于雉伶人所插雉尾即此吐綬雞晴日吐綬五采繽紛養于家則不吐性不適也飛虎形不甚大似虎有肉翅翅上紅毛長尺餘翅底短白毛

渠卷一

牛

屯中產馬鹿視馬更大野牛甚巨首惟一角截之可作水桶羌活魚羌活根下有水湛然中有魚游泳理不可解亦最難得彰明產附子江油與連界過界咫尺種之則變不為附子矣屯中達磨花木本葉如構花形類包穀上尖下粗全似絮無瓣無鬚雪中開花與雪蓮等婦科要藥雪蓮狀似蓮小如酒盞藏中紅花最難得販于外皆種成者真者生于山野花長寸餘拔一條置水碗有紅絲旋繞滿碗婦人飲之最能生血價較人參猶昂惟有勢力士司得買

明社已屋嘉定伯楊展勇力善射屯田聚眾扼張獻忠於江焚其舟燬其卒沉金銀數百萬於水大快人心其遺像猶存程尙濂題云珣弓鐵鍛鞍剽悍如犢駑蛇矛左右盤陳雲不知苦讀詩想見其人

費此度密明之遺民流離塞外嘗有句云大江流漢水孤艇接殘春深爲漁洋所賞有遺像蔣心餘題長古其上總括生平可作志傳讀上書無益起義兵壯士自結飛來營安定關中十萬戶賊不敢犯人長生司命三軍費孝子剪髮辭官父歸里攜兒避亂陷凹蠻黃金竟贖全家死楊展鎮蜀真英雄孝子入幕參元戎青神江底沈賊鏹誰賊之

與卷一

注

鍾張獻忠得賊資糧卽拒賊雅州屯田孝子力募僚纒辟杜樊川叛將陰戕張益德六郎奮起報警軍孝子獨救花溪民展轉兵戈逐亡命故鄉焚掠無荆榛折節治經二十八換盡滄桑逃劫殺支節五嶽不談兵倚馬千言看給札著書等身百廿卷 詔舉鴻儒力辭免幾度題詩壓謝陶平生賣藥師盧扁心喜揚州好墓田老來栖息大江邊姓名已入遺民錄著作分藏石室編深衣幅巾寫遺像獨立蒼茫空倚傍那須靜坐習枯禪可惜儒冠老名將昇平埋骨野田邨七十老翁流寓身誰爲亂世文中子翁是成都賊道人

四川女官推秦良玉凡土司無嗣或子少者輒以女襲吾東田山薑先生撫黔黔多土司有東川土司詩甚奇四川無東川土司之名疑蜀土司女不遠我觀女官如觀畫閣立本繪職貢圖我觀女官如異夢奇形詭狀非一徒我觀女官入破寺陰風慘淡魍魅呼古鬼昏燈揭鉢立老佛變相獅龍趨妖狸鬪醜抹粉黛修羅甲冑吹笙竽雌者青瓊包蓬首雄者碧眼拳髭鬚女官氣槩偉丈夫火浣大布纏其軀丸真藤杖紅珊瑚金環兩耳垂蠟珠腰下斜挂雙湛盧繡裙拖地蓮花襦自言年紀八十餘小小生長東川隅通侯爵印大如斗但有刀劍無詩書錄此以廣異聞

與卷一

注

四川東有巫峽夔門之險西界雪山山岬岬北扼劍閣南鄰蒙部烏撒大江貫其中潼河金沙繞其外古所謂四塞之國某將軍繪全蜀圖蔣心餘題之云放眼窺全蜀巖疆一望收江山奇險處猿鳥過來愁傳檄方平虜將軍足快游壯哉橫槊者咳唾劍門秋銘功崖火關圖像閣曾開別有丹青筆遙知戰伐才春臨諸部合山東大江來想見籌邊日從容數舉杯空江畱八陣全勢出三巴峽壁懸飛棧礪樓隱莫笳諸巒晴練鏢列郡翠屏遮笑指羌渾若奔雷走傳車錦里看桑梓鄉山次第圖至難稱蜀道信美是成都讀書昇平見傳家典籍俱丸泥封隘口從此罷前驅

楊升菴先生生時母夢神送五代忠臣夏魯奇至曰武臣也
 也以中庸十八章輔之升菴文章冠世而忠節堂堂蓋夙
 根也按五代史魯奇乃吾東青州人爲唐莊宗大將最驍
 勇莊宗被圍魯奇持鎗挾劍手殺百人衛莊宗以出單騎
 追王彥章槍擬其項生擒之鎮許州將去萬眾遮道臥轍
 得民心如此後守遂州董璋畔與孟知祥來攻援絕食盡
 魯奇自刎蓋盡節于蜀卽轉生于蜀其英靈固不泯云
 吾東寧海楊君岳東進士道光三年權榮篆農民告某侵
 耕宋王岸古墓往視荒草一邱掘土得殘碑已鑿而圓之
 僅餘廉遜處士數字乃砌于墓前而方其外作詩紀之按
 岸秉母教與弟序讀書成名東坡屢以書相往還詩云昔
 讀坡公集海外文更奇策論氣習盡天放才不羈中有箋
 幾幅妙論千古師讀書數次過應敵八面宜此語爲誰發
 萬里寄親知因慕王岸名言訪王岸碑苔蘚有石穴荆棘
 無野祠如何買山者耕田侵墓基其後鬻溪澗其下浸塘
 池田父或愴感薦紳難言之殘碣沈稻水掘得水中坻毀
 方圓如磨沙泥極洗治獨有廉遜字秀勁盤蛟螭藉此一
 片石考信無復疑遂使柳下壘樵採戒氓蚩豈非潛呵護
 精靈儼在茲生前有知己范呂多薦辭庭堅及舜民素心
 相與期誓日先忌酒憂國言行危大節森青史徵舉談笑

麾官階遜其弟田里義不辭惜哉世論刻而云晚節衰弟
 貴起宅第兄避舍茅茨是爲於陵子矯節奚若斯鬱鬱松
 樹坡華表禾田畝俗呼王岸塘咫尺冢相離昆季殊榮隱
 歿後名共馳生死相依賴千秋豈一時貴盛易零落才士
 聲獨施世無蘇長公湮沒良足悲論交元祐黨問奇懷天
 涯風氣真不朽雲壑發長思
 蔡呂橋曾源崇寧人乾隆庚子進士官山西翼城縣知縣
 工詩惜未多見和錢南亭明經蘆花原韻最見才思雲垂
 澤國思依依花正開時葉漸飛着地無心鷗欲夢沿隄有
 影雁初歸晴天漠漠留殘月秋水茫茫淡夕暉化作兜羅
 綿更好肯教塵滓汚仙衣歲月堂堂疾似蓬無端浪跡任
 西東遙青抹去初疑霧淺白吹來乍有風輕點暮山林薄
 外遠浮斜照水村中故人分袂吟秋色煙冷叢深一畝宮
 卜居無竹亦何妨花滿園亭興欲狂揮塵自能團作玉壓
 稍翻覺重於霜牛痕水落明秋氣一片雲寒接大荒不夜
 乾坤人睡起雪天吟望泊潯陽合伴詩人骨相孱蕭蕭冷
 豔照醜顏最宜點綴楓林晚不似輕狂柳絮斑天地有情
 飄泊外江湖幻跡渺茫間鳴榔莫怨霜華重木落山空任
 往還尋常花片撲塵襟雨過江鄉愜素心光黯淡疑鋪遠
 陌韻飄蕭欲滿層陰波迴淨練秋搖檣葉捲清笳夜搗砧

一望海天如此闊知他藻荇自浮沈沈寥無際碧虛寬霽
色波光耐久寒涼已化雲秋淡淡暖疑烘水夜漫漫有人
遙浦悲霜鬢何處孤舟倚釣竿粘地無根容易長莫愁江
上夕陽殘雲是心情雪是痕隨波漂蕩渺無垠遠川晴漾
白沙渚高閣水明黃葉邨不向蓼汀誇麗彩偏從梅塢逗
冰魂千紅萬紫春風過如此秋光與誰論西風瑟瑟玉壺
澱兩岸飛花積幾層吹去飄搖偏似雪供來清冷祇宜僧
又驚天上青霜落那管人間白髮增三十六灣秋正好凌
虛仙子欲飛升

何竹有椿齡金堂人嘉慶辛酉拔貢後官瀘州廣文爲人

卷一

七

醇謹雅有名士風錢入手輒盡風雨竟日東楊立之不作
悲秋態其如風雨何殘書欹枕盡落葉打窗多白日比長
夜青年惜放歌小樓高縱目頗望故人過風雨和立之二
首忽聞新舊雨未聽短長更薄飲不成醉高談轉覺清夜
涼蘇鶴夢秋淡入鷗盟他日巴山去應還憶錦城舉酒無
今古浮雲有變更魚龍沈夜冷琴鶴感人清天漏可能補
歲寒誰結盟殘書空坐擁只惜是愁城送張魯生之隴右
匹馬曉蒼蒼關河路正長雞聲邊月白風色隴雲黃豈不
懷弧矢何須嘆稻梁臨歧莫回首別意在垂楊發成都道
中卽事有懷錦城諸友兼柬王西驪司馬一過沈犀浦江

流自向東天涯遍芳草何處問春風細雨香塵暗浮雲客
况同解裘堪共醉美酒憶鄆筒九日同友人遊青羊宮貼
天雲氣薄成霞清淺寒溪枕白沙隨意自沽村店酒無名
閒數路旁花狂談不厭風生舌結習難除癖嗜痴高會可
能成盛事成都依舊遠紛華楊立之招同蔡小山尉琴南
李石筠宴集齋中時余將作客青城而小山諸人亦將他
去爲之悵然今年冷落過花朝小別城南萬里橋難得清
明好風日又聯舊雨共招邀雲真易散人同病春已無聊
柳太嬌我酌未多心蚤醉狂奴態已與魂銷打包我又向
青城別路非遙恨亦生只許春風住三日可憐芳草最多

卷一

七

情酒徒留戀杯中物山色浮沈世上名不及年時秋雨夜
虛堂同聽短長更有感不分風月與山川但得清閒便悟
禪躍冶劍纔能繞指知音琴卻在無絃魚龍夜氣森秋色
裘馬豪情累少年誰詡文章都有福茫茫浩劫幾人傳
哀竹園師洛鄆縣人嘉慶辛酉拔貢教授生徒足跡不履
城市現官永寧儒學年七十有八爲李氏族代人代作賀李
立齋昆弟建雙孝子坊詩立齋名耀崇邑茂才與其兄全
毅廬墓六載辛丑春同日建坊其父名綏伯崇邑庠生向
曾廬墓載入鄆縣誌立齋昆弟之純孝實其尊人有以啓
之天生純孝萃吾門父子相承厚本根况乃棣華多競爽

那無烏鳥報深恩墓廬兩世哀思擊泣血三年苦志敦存
順沒寧風派遠家聲從此噪鄉村

徐青萬應選辛卯副貢剛直好義里中子弟貧不能學者
助以脩脯薪米有爭鬥詎評者聞言莫不折服晚年著有
友風文稿壽八十而終曾示夢於家人爲重慶府城隍生
平不多作詩暮春過許水南故宅云梅海天荒起暮塵更
從何地著斯人曾將泉石開生趣別與雲山有夙因野鶴
尙尋三徑月鄰鶯如訴一園春風前獨立吟招隱楊柳迷
離悵水濱

卷一

七

牛炳堂宗文邛邑茂才爲人豪爽有才氣性嗜酒每當酒
酣耳熱輒慷慨高歌年五十餘卒題薛濤井滿庭春草今
年碧一縷芳魂墮劫灰文想鳳毛花想貌門臨驛路水臨
臺新詩欲倩鸞箋寄好夢曾無蝴蝶媒唐代風流今已矣
寒梅猶向浣溪開綠楊深鎖誰家院爲覓芳蹤到此遊鷗
鷁舌傳香閣語枇杷風送木蘭舟一溪碧漲花全放古井
波寒色不秋勝地依然江水艷芳魂夜夜繞詩樓
蜀地國初雖入版圖而變故屢經順治十六年重經恢復
城中草木蔽塞麋鹿豺虎縱橫民舍官署不可復識各官
棲於城樓兵則射獵城內蜀王府野獸聚集二三年捕獲
未盡兵士初集往往于廢宅掘藏金盈千累百或數十金

亦二三年不絕今休養生息廛市櫛比沐 聖恩之隆厚
烏知前之蕭條慘目耶

馬右文以筆墨遊幕來川與武營相識在營議敘軍功爲
武弁與滿營豐公紳博戲口角懷嫌及豐官提督馬隸麾
下懼以宿嫌獲戾語其相識商曰吾二人不相能今爲屬
員若當取棍責何以見人吾將告退矣其人止之曰豐公
有識能用人君與彼私憾耳若以君才必不遽棄吾試探
之果不可解告亦未遲一日設筵邀豐飲酒酣微及其懼
罪欲退意豐沉思曰可召之來其人不解何意馳使招至
俯地謝豐扶起大笑曰彼時吾輩徵逐君不料吾爲提督

卷一

七

吾亦不知君至何官若預知豈有相爭事耶君何謝爲速
坐飲酒且命入署襄理軍政豐公旋爲將軍卒薦馬擢顯
職如豐公者豈不廓然大丈夫哉
涪州巡檢鄧昂性豁達昔年此缺沃饒歲入七千金戚族
聞風而至署中不能容棲之旅舍寓於寺觀其子乘閒言
食客太繁費不給後日何以自顧昂慨然曰吾捐官僅用
七八百金今歲入小缺縣不能及吾何德以堪毋亦天憐
許多窮人無以爲生使吾養之吾且託彼之福長此火處
共享飽暖倘若輩盡去吾官不能以做子毋復言在任二
十年無別差委及升四望關資遣眾人次第去而鄧君已

病謂其子曰吾言何如今箱中有千餘金治後事畢資給某妾餘千金爲汝田產無他囑君讀書不多而見地超卓如此真豪傑也事堂上官無不得其歡心見幕友學徒冬衣單寒者暗度長短製裘送之託爲貨衣者價廉不卽索值異日償之則笑曰吾特送公恐不受故託言之無須問也

玉壘浮雲相傳已熟而未悉玉壘確在何處葛荃作川江水利考茂州雪山名九頂山浙江所出卽玉壘山也按金仁山通鑑前編謂雪山冬夏如爛銀蓋盛雪積聚白光晃漾因以得名葛荃云保縣玉壘山石刻玉壘二字灌縣西北玉壘山巖鑄玉壘龍津四字則瀾水所經因冒其名非真玉壘也

成都許世亨爲廣西提督乾隆五十三年征安南屢次與賊大戰奮勇出力擒阮匪 賞子爵五十四年阮惠降後糾眾搶奪黎城世亨隨總督孫公毅士前至富良江孫欲捐驅狗國世亨阻止謂總督大員設有疎虞國體攸關遂派副將慶成護送薛忠挽孫公馬輜退出已乃領兵升大呼直前手刃數人歿于陣以惜死勸大將似姑息之愛然重臣爲敵所戕卽異日輸誠納款亦不蔽辜難于結局許非徒勇明于大義後慶成 召見面奏委曲 純皇帝深嘉

子贈壯烈伯子孫世襲長子襲爵兩世無後次子之嗣保瑞現任陝西西鄉縣知縣今年請兼襲伯爵

茂州相傳楊妃所生地縣南有娘子嶺甚高峻離縣六十里有龍池出慈母山下周迴四十里南百三十里有龍洞石壁高懸洞在下溪水流入莫測其洩處此與棧道之龍洞名同而地異亦葛荃記

海侯蘭察數平巨寇爲 本朝勇將子某襲侯領索倫兵來川協剿教匪將由山徑逐寇眾以路險恐遇伏侯斥其怯懦奮勇直前伏寇四起索倫兵平原馳突莫當山險無所用武盡爲賊殲有渠魁多力善射所用箭鏃寬四寸餘一矢射中侯面削去其半後其賊爲廣安州人射死

王公贊武號建東貴州興義府貞豐州人乾隆甲午孝廉爲南部宰嘉慶五年二月賊首冉添元等竄入南部境內公率鄉勇五百人馳赴富村驛剿堵賊見驚奔公追逐十餘里不及暫回富村傳餐賊突至鄉勇驚散公挺身殺賊數人賊眾力不能禦遂被害李元方苞弔之云嘉慶庚申春么麼到此地白芳五百人王宰權作帥奮勇來截剿賊黨已辟易矛浙劒方炊兵曳甲忽棄驚鳥散紛紛鵬鷄更猛鷲挺身獨巷戰殲賊猶三四旌竿向太多一劒非不利山欲亡彭岑民真失翼遂伊余牧劒陽南部當巽位小醜

前跳梁謀者曰翹企我裁雁足書君答蠅頭字為言刺且防大局已布置不使境以內白晝走魑魅更擬擒渠魁繼赴持節使當時壯其言謂公真能事忽聞身被難南望揮涕淚守城人藉口殺賊誰奮臂卓卓毛海客與公同此志

蘭州牧毛公大瀛聞賊臨境亦率鄉勇堵禦被害

梗概書貞珉遺像存古寺碧雞

金馬神永鑒此靈異

石琢堂蘊玉吳縣人乾隆庚戌及第第一未散館充福建正主考旋督湖南學政異數也嘉慶戊午出守四川重慶教匪方熾立團練法習技勇分三班更番休息賊渡嘉陵江不敢犯渝城勒宮保有探事卒十七人過梁達寨民疑

卷十

全

為賊殺之勒公大怒獲十四人將誅之公謂民誤殺請戮主謀者二人餘得免勒公調公入軍營專司章奏多用其策賊平有被難婦女四千無所歸眾議分給兵丁公力持不可徧訪原籍有親屬者令來省相認咸泣拜去人但知公之文學不知其經濟與存心之厚如此也歸里結問梅詩社二十餘年乃卒

自榮縣由僻路進省至仁壽經鄧子場有坊大書烈丐之坊初某家有童養媳為姑所逐乞食於外夜遇強暴欲污之不從且詈扼其喉罵不出聲嚼舌噴血死之報驗緝兇不獲忽有人自呼于市曰殺某女者我也送入衙如夢醒

復不承嚴訊吐實問前何以自投曰女執鞭箠我令如此言服誅請旌於朝眾為建坊題聯云看樹係女貞長懷芳躡聽禽鳴姑惡疑是冤魂又一聯云不為強暴所污視死如歸志堅金石未受詩書之訓立身有道寵賁絲綸題者為陳紹襄

女史王淑昭劍州解元王用中之妹閬州蘇兆熊兆麟之母也幼耽吟咏著繡餘詩草夏夜云螢火分流花漏清欄干倚徧月初明綠蕉窗下涼風起遙送鄰家玉笛聲秋夜云金井梧飛露氣秋挑鐙永夜不勝愁霜鴻遠去砧聲起無限淒涼怯倚樓

卷十

全

資州鄭廷楷字憲吾號雙橋生平孝友篤實君子也教匪之亂閭里驚竄家眾俱奔入城雙橋守宗祠不離惟日入城省母歸仍讀書自若及門多掇科以去雙橋以貢生終祀鄉賢所作詩文甚富歿後門人工部主事郭君維鏡為刻四卷詩似擊壤集一派直據己意不求工於字句遺懷兼訓子詩真率可味往歲逢薦饑收藏少菽粟倉廩久空虛買米充枵腹價踊貴如珠食多人滿屋眾口悉嗷嗷我心恆覺蹙或有豐凶人豈盡饒沃貧乃士之常仲賢亦暇菽我本山澤癯年已旬逾六天地一頑人課兒在家塾閱世多浮沉無心在榮辱日攜一卷書兀坐窗下讀倚壁

眼不花且喜身無束或逢晝晴煦籬邊看松竹或值夜雨
零鐘前酌醴醪有廚鳥任窺不杖鳩何祝家人憐我老中
饋謀所欲我笑對家人老年惟嗜粥但願兒孫賢更祈年
歲熟讀者奮詩書耕者勤畚耨可衝寒衣莫貪羅穀
藜藿可充飢食莫厭苜蓿督工鋤白水呼童飯黃犢餘
大分甘多桑蠶滿簇細澆園內蔬勤養笠中畜莫積私房
財早納官倉穀持世與持家從宜並從俗斗酒可娛賓杯
羹亦睦族秉性忍爲高視躬卑自牧聊爲舉一隅當以三
隅復今歲風雨調新秋連畦綠早魃不爲災倉箱已可卜
吾將歌元豐擊壤追芳躅春日卽景云斜陽倒影映重樓
散步疎籬縱遠眸自是今年春雨足豆畦麥隴綠陰稠差
池燕燕去來忙度柳穿花繞畫堂似是當年曾識我呢喃
對語上雕梁方塘積水綠盈盈結隊游魚數不清應是豐
年先有兆安排擊壤賀昇平一望青山碧色籠杏花開遍
綠叢中東皇有意催耕早故染胭脂萬樹紅
里居時見及門案頭一書忘其名似乾隆年間宦于蜀者
所著紀么鳳一段累千百言不多載詩僅存健爲李峩峩
七律四首微嫌敘事筆墨冗沓意境亦近平淺要亦好事
者也自作閨情詩有柳如輕盈杏如憨句頗佳餘亦盡忘
矣

卷一

金

向野修廷慶成都舉人以學博保舉授湖南巴陵令二月
告歸著倫風一書皆集古今忠孝節義事閒題以詩內載
江南歌兒婦事帥悅婦色殺其夫納婦置別室踰年就之
婦俟帥登榻牽衣抽刃以刺帥掙脫婦呼天自殺有詩云
一年忍死待讐過白刃無靈可奈何斷首秦廷終是憾至
今人惜女荆軻向君亦紀吾東昌邑李惟中事但敘述太
略不能動人後綴數語頗有詩意因撮成絕句云廬墓荒
豈好名傷心抔土死如生寒天雪地無人過入耳遙聞
號泣聲
金馬江分二渠爲楊柳江清水江皆經雙流縣藉以灌溉
其岸高水遠不能沾潤者尙多僧大朗募資糾工度地勢
以導川自温達新津百餘里溉田數萬頃後人德之名其
津曰大朗堰順治庚子事也僧能詩達意而止不求工與
新津袁令云治國安民事空空執兩端不作違心舉何求
冤債錢眼前皆赤子頭上是青天又題興化寺云興化一
片清涼地安居不上釣魚臺坐觀偶得風雷至隊隊金鱗
踴躍來出世人心濟物如此恐現宰官身者有愧色
忠州折桅子巖灘極險腳如敗甕舟行避之及流入不得
脫而桅折歲壞船無數乾隆年閒州牧甘澹濱沉鐵鐘十
二以鎮水怪復操舟往復上下數日始得放舟之法遂於

卷一

金

灘上立石大書深刻對我來三字行者賴之俗云武侯所立非也

偶見條幅漢州張懷泗仿諸城石菴先生書清曉朝迴祕閣中坐看高樹露華濃綠窗朱戶圖書滿人在蓬萊第一峯後有跋云石菴相國嘗書此詩謂仿涇陽張尙書筆意屢摹終覺邯鄲失步也論者謂公書品在張上而公自記如此自來詣愈高則心愈下彼自滿者皆未深入其奧耳懷泗嗜禪善書多刻石

成都顧芝庭司馬有二女長墨卿名鏐次玉蕢名琳皆能詩其咏秋海棠墨卿云薄薄胭脂淡淡妝西風簾外繫柔腸蛩鳴落月秋無影蝶戀深枝露亦香翠袖低垂醒舊夢紅姿斜掩怯新涼一欄清景憑誰寫半幅雲羅雁數行玉蕢云秋風卷袖露凝妝寫人新詩有別腸格似神仙能耐冷花如名友不問香月明小院脂痕淡霧濕空階燭影涼夜氣生寒勤愛惜錦棚低護一行行

卷一 五

白蓮教之亂齊二寡婦橫行川楚川中亦有賊婦郝氏張正隆妻年僅二十許長身玉色鬢髮如雲英勇善戰馬上攜雙標百步殺人官軍畏之後被獲見大帥背面坐燔抗如故繫達州獄一年臨刑慷慨兵士或為泣下屍陳市曹或竊其首以去大竹李作梅為賦白蓮曲云白蓮花亂開

花開成妖孽一對野鴛鴦相隨未嘗別不圖紅顏婦乃作赤眉賊坐下五花馬手擲千金戟百步取人頭材技殊超越一笑挽雕弓能落雙飛翼勇敢東海婦偉幹崔寧妾淮南梨花鎗萬人不可敵失機作俘囚玉臂相反接擁見大將軍據地無挫折星眸怒不語一顧那能得軍中苦詰問叱咤聲逾烈囹圄幽年餘不改舊顏色聞說羽書來官軍大斬獲妾有仇儂夫勝敗無消息紅淚灑圓扉肝腸幾欲裂雌虎憶擒時蛾眉常憤激恥作帳下鬼嬌啼仰人惜不得戰沙場玉骨餐鋒鏑粉頸延受戮花光射寒雪慷慨赴市曹三軍多掩泣竭來蚩蚩氓竊首葬荒僻何愛美人頭

卷一 五

不恤壯士血黃金買馬骨豪俠真奇絕賊黨聞婦誅膽落心悲切惟有唐賽兒一去無蹤跡妖氛漸消沉天兵隨殄滅可憐白蓮花花開纔頃刻不及女貞樹青青得長活所以古女誠無才即為德談往往悲歌頑豔齊嗚咽手把鐵如意擊盡唾壺缺

小說多傳訛續齊諧紀一百四十歲老人為峩眉山樵年九十九方得金娶妻生子為廩生即周煌之祖李雨村亦詳載於淡墨錄按重慶府志周氏世居涪州茹荼為兵生子儼康熙庚午舉人儼子玘康熙辛卯舉人儼生官尚書世代科第安有老於樵者勿輕信以誣

聽雨樓隨筆卷二

濟寧

德陽舊有孝泉東漢姜孝子詩妻

鄰僧塑佛像於後殿以招香火歲時拜禮者萬人邑人馬

能修年二十餘袖鐵椎擊佛像碎之眾大譁能修曰祠祀

孝子表先賢正風俗也何為以佛像溷耶若能為厲吾自

當之毅然徑出僧與首事諸人合詞訴縣云并毀龍牌从

不得直成都守王爾鑑精明吏也研鞫得實蓋僧以塑佛

規利碎佛計阻將本寺龍牌送別寺而以別寺之龍牌擊

毀甚能修罪至是抵法能修號健齋張懷浦為作碎佛行

卷二

云健齋先生眼無物俠骨錚錚不可拂低頭祇拜孝子祠

放膽不知西天佛西天老佛忽破戒香火直爭孝子界先

生奮臂往擊之丈六金身一時壞天龍夜叉救不得督曰

金剛齊失色佛也無言僧也言三途八難恐難釋先生曰

唾爾何知此地東漢姜公祠我朝孝治釐祀典彼無君

父安得相追隨佛若有靈罪在我阿鼻地獄無不可不然

先教佛捨身燒取舍利投諸火城鼠社狐失所利織成貝

錦訴大吏大吏前身韓退之手捧秦鏡僧無詞至今人過

孝泉側不置之思問誰錫

馬永修吾東濟寧州牧諱希賢子母蒲孺人病癱告歸奉

湯藥衣不解帶者十年每月朔望至姜孝子祠拜祝母忽
一日下堂謂之曰我夢姜孝子母以手相攜不覺行至此
囑云爾子永修孝心所格扶持爾起自此康強等於平昔
無不稱奇

南川周士壽號仁山從其兄松崖宦山東延歷城周林汲
先生永年授經質甚鈍作文拙澀不能成句先生語松崖
曰彼非此道中人不可為也仁山歸里竟入泮及回山左
怪問所以云出門後渡黃河觀太華閱劔閣棧道之險經
嘉陵岷江之奇忽覺耳目開朗心胸為之豁然古人得江
山之助良有以也旋中乾隆丙午鄉試

卷二

涪州侯懋樹浙江海鹽令跌宕文史風流宰官也有世家
青年孀婦欲嫁而難於發端藉事與家人構訟婦有姿兼
擅風雅多覲之者咸思藉官一言成事侯亦微窺其隱堂
訊時問婦云聞汝能詩吾先以詩示汝如能解即與汝判
案遂書一紙擲下詩云破鏡初分月不圓琵琶欲抱上誰
船秋風近日多涼薄吹到墳頭土未乾婦得詩叩首求息
訟侯一笑而罷婦矢志守節終身撫孤成立詩可以與感
人微矣即此一端不愧循吏按乾淫之乾在十四寒當
時意不在詩故失檢耳
蜀中大山以峩眉為獨秀山志載之詳矣詩賦紀志不勝
錄漁洋經過嘉州再三見諸題咏遊凌雲頂獨愛安松溪

磐四絕句一云林竹斑斑日上遲鳥啼花暝暮春時青衣
不是蒼梧野却有我眉望九疑或謂松溪父佑失耦聘楊
氏爲繼室未婚佑卒楊號泣奔喪爲佑守節勸還母家不
應蒼梧一絕蓋指楊事言在此而意在彼漁洋但賞其寫
景之工未嘗博考不免皮相其說新矣愚意未敢謂然凌
雲有九峯故借以立言不落正面而以比擬出之便曲折
有風致正詩家不歎相處如指楊氏事彼二妃望帝豈臣
下所敢借喻且其餘三首又何指耶杜子美一飯不忘君
偶爾寫景適情說詩者必以爲某句指某事某句指某人
穿鑿附會真詩亡矣漁洋賞鑒正以空寫爲高也然其表

章楊氏博徵見聞亦足爲松溪生色

張亥白問安船山兄也工詩清新超拔不及乃弟而和平
安雅得風人之旨抵成都云眼明城郭枕江開嘉樹青蔥
絕點埃小市人家饒水竹長橋燈火見樓臺山從井絡雲
中盡人自蛟龍窟裏來誰信半生詩酒客船窗兩月罷銜
杯參天峽石鬱差峩盛夏難流逐漸過直與波濤爭性命
可堪歲月老關河艱難涉世身何補辛苦還家鬢已皤從
此稻花香影裏未妨高枕臥烟蘿詩龕詩話載其大槩行
獨奇崛可喜或謂末四句刪爲竹枝更覺逸韻悠長夷陵
江下江茫茫一聲欸乃江中央吳娘十五竹枝曲解唱巫

山空斷腸其室陳湘箬名慧殊亦能詩有遠香齋稿紀其
秋雨篇云瑤房玉殿秋風起美人粧鏡澄秋水明月爲瑤
雪作膚朱唇皓齒紅羅襦飄飄風雨溼金井羅屏繡幕愁
相并迴身却立揮朱絃可憐纖指流聲寒欲彈未彈意轉
索碧雲墮地梧桐落

刁隆泰合州武生乾隆三十六年從征大小金川大小二
百八十五戰奏凱引見 純皇帝命袒臂錄重傷八處

賞賜福字阿相國贈以詩云萬里金川奏凱還聯趨 丹

陛觀 天顏承恩裸體論功日驗得刀翎八處斑斑授江寧

副將歷陞總兵嘉慶十年告休給俸終身年八十尙能騎

射制府鐵冶亭贈以聯云帝許成功歸猷猷天子老健廕
兒孫

龔巽江蘇江寧舉人乾隆五十五年宰榮縣於此君亭補
植楊柳芙蓉菰云榮城枕四山麓署西偏地凹下廣可百

弓昔人因勢利導強半爲池雜植樹木樹草亭於水中央
通以略杓紅蓮文藻錯出其閒但望牆外岡阜如小兒仰

面老輩苦不能悉鬚眉爲缺恨焉菴溪老人余戚誼也其
子松巖任榮縣令就養於署遊覽之餘忽若有得卽高阜

處創此君亭洞開八窗畫與客較棋酒閒製長短調付歌
人入管絃夜懸珠燈則樹影波光迷離愴恍山若突然而

高水若淵然益深誠風流豪舉哉庚申春余蒞治官聞舊
事而此君亭已頽兩載矣環步曲池草蔓烟荒了無人迹
惟枯楊根春氣未息作柔條莖莖如線耳圍與暑雖僅限
一牆下石級數武然案牘不接於目呼號不入於耳雲流
水止別有天地偶暇時借作湯沐邑宛類武陵漁人入桃
花源視聽一爲之清雖未能久畱固可去來自如也歲梢
斷金線柳百餘條三變芙蓉枝亦如之用西湖二橋法錯
綜閒插爲春風秋月預置歸宿地至若廣老人遺意就舊
址立小樓踵行觴詠網羅溪山此則大關福命未宜先設
計較墮諸幻想因果也乃爲詩紀事云池邊既嘆見山淺

卷二

五

屋中又恨去水遠二美難兼熊掌魚議割所愛誰當遺菹
溪老人就養時思登壘斷居其奇此君亭成眼光活八方
上下無不之開窗我主眾山客排闥不知庭宇窄回顧池
心碧玉簪醉止賓筵脫巾幘沿堤插柳閒芙蓉菡萏圍入
錦窠中花魂波影互搖曳凡諸色相皆玲瓏憶昔陪遊皖
江上與適樓東臥酌唱潑墨毫涵九華雲長歌節擊黃溢
浪先生工書畫兼長於詩我來公去址空存手栽大半供樵斤故吏
艷傳詩酒社花皆有福能長春慚無風雅繼前代自信此
中微有會琴焚鶴煮何必無若輩且須置度外三九四九
風雪號勾萌胎結元氣包橐駝之業亦不易冥心直造天

地交樹藝既儲樓擬葺眼睚擲向虛空立花吾步幃柳吾
門水吾楹檻山吾壁亦知種樹需十年官如傳舍少息肩
難畱雙眼見拱把况擬百尺藏風烟我樂人樂等樂耳何
必彘彘區彼此昔人到卽遺愛畱快事寧忍及身止石可
爲友鷗可盟無情情至亦生情何時花開不可酒何地春
風無月明未來過去中無我領取眼前吾計果君不見榮
藩故府青山空羅漢松根吹鬼火

卷二

六

嘉慶己未有人鈔寶鷄題壁詩十八首傳觀憂心家國豪
宕感激始知有船山張問陶先生既而先生出守萊州癖
詩耽酒逸氣凌雲兼工繪事嘗手爲林夫人寫小照林謝
以詩云修到人閒才子婦不辭清瘦到梅花先生有句云
春衣互覆宵寒重繡被聯吟曉夢清可稱佳耦然而妒甚
周我東云幼隨父客遊姑蘇先生已辭官就醫來蘇又往
鹽商查小山處與我東尊人詩酒往來因無子買侍姬置
小山別室不敢令夫人知也久之微聞聲息盛氣尋至船
山遁藏夫人直入查內室搜索小山內人笑云吾家丈夫
不惜萬金買一妾列屋而居者數十予未嘗忤以言夫人
何量之淺也先生有妾亦不匿予室林無辭退出仍尋船
山遁問船山慮姬摧殘闕日出見弟壽門爲縣丞攜妻來
視兄壽門妻勸林云如此男子謂之已死可耳何必與言

合室大開明日船山見客笑云天下奇事竟有弟婦代嫂
行如者有句云買魚自擾池中水抵鵲兼傷樹上枝蓋記
實也船山女兒問端淑徵女弟筠俱能詩女甥丁菜芝亦
刻有詩集

周石書立矩南川佛坡弟也乾隆丙午舉人就職通判詩
集經張船山趙甌北兩先生評定贈友云天生鴛鴦唱蓮
枝香茗夫人絕妙詞小院新涼花底坐風吹鬢影對談詩
雲都寺云結茅雲外看雲生雲去人閒雨復晴滿院西風
黃葉下僧房時有落棋聲樹作濤聲瀑作雷須與雲捲萬
峰開蒼蒼一縷松花徑僧背蒲團說偈回石書游西湖過

卷七

七

虎邱登黃鶴樓觀大江岳陽樓觀洞庭湖得江山之助詩
愈豪放登澄海樓望海一篇尤爲傑作人海卅年何擾擾
使人不得開懷抱忽然萬里豁雙眸縹緲飛樓倚天表樓
頭一望空無礙放眼直出青天外茫茫大地果是一稊米
盈天地間一水耳一島一洲一國土百千萬國如棋布想
從彼處望中原亦祇一髮波濤開日出霞紅光照耀壽頭
出沒金銀山百寶生其中日月出其裏不知日月之外更
有幾萬里眼光到處青濛濛我欲御風徑造咸池東快觀
蒼蒼盡處畢竟是何物捫參懸井遊蒼穹一杯復一杯鈞
天樂奏天風來龍吟鼉吼震山谷洪鐘巨磬聲如雷此時

快意世未有醉中把筆龍蛇走筆濡蛟宮水把酒問青天
瀕洞巨壑無所用何不盡化爲桑田耕田鑿井萬古不能
盡宇宙從此無飢寒蓬瀛方丈徒步逕可到神仙與我常
往還何用雲濤烟浪隔洵湧禁使不得通人烟不然海水
盡變爲酒泉招邀自古詩狂酒客痛飲千萬年一消從來
愁窮抑鬱同登仙胡爲乎無邊無底徒爲萬怪窟宅蛟龍
淵擲筆狂吟風颯颯顧影飄然愁獨立憶我平生汗漫游
東歷三齊南百粵曾浮海船浴日亭更觀海市蓬萊閣天
公有意教看遼海山浮家榆塞非飄泊非飄泊且流連世
閒何者非夢幻往古來今惟有海水空連天大笑世人醒
齷齪寰中蠅營蝸鬥情難窮井蛙眼光如豆大何不來觀
大海開心胸吁嗟乎何不來觀大海開心胸船山評云無
一句非吾意中所欲言無一字爲吾筆下所能有其推服
如此嘗驅車過里門訪先君荀年十六初學爲文持以就
正謬蒙許可迄今風采如在目也

卷二

二

安徽定遠方有堂先生積以四川縣令歷官至方伯刻有
敬恕堂詩集平定教匪身習戎旅故軍中紀事爲多在建
昌時奉 命討涼山生番山多歿沅白晝陰霾作雷雨連
日不得進爲文以檄之遂齎折多山途中有詩云又向諸
峯頂上行據鞍殘夢恰纔醒日將出海先騰赤山到摩天

不辨青晴雪四圍新玉堵穹廬萬點小龍庭翳空毒霧驅
全盡絕微神祇也効靈陶雲汀先生題其集云專闢詩王
國居然擁百城文章餘古氣經濟稱時名字外猶鋒露軍
中紀製橫從來請纓志未許薄書生

王華外和中昂子溫江諸生少年隨父任值大府取道新
淦使治候館執卷坐家人關白一切領之而已供張未備
一人入與之談論今古彼此互相駁辯既而悟爲大府微
服入境遽拜謝罪大府扶起書扇一柄相贈謂僚屬曰考
據精確可敬也三十後卽不應試家居教授終日衣冠危
坐讀書常至夜分手抄周易數過性至孝年逾古稀或萱

卷二

九

堂不悅則長跼膝前必色霽乃起詩多散失中途晚霽云
撲面飛沙驟雨過虹橋掩映漾微波夕陽景色天然畫樹
靜無聲鳥自歌羃羃重陰頃刻無空山雨霽綠蘿蕪眼前
幾曲清流水印出危峰落照圖望青城山云昔日曾登萬
仞巔無邊圖畫望空懸虹飛翠嶂通仙逕鶴舞晴嵐破宿
烟古木榮經千歲雪奇花開遍四時天老人峰畔常相憶
我欲移居學養年

王甯甫鶴年和中弟溫江人乾隆丁酉武科解元黎雅營
守備能用易爻辭斷吉凶製丹丸隨身救人偶一作詩自
謂不工不輕示人送喇嘛入貢云凜冽寒風逼緇袍馬蹄

猶自困塵囂據鞍未若離鞍好入世何如出世高廿載鄉
書勞旅雁一腔心事付霜毫愁栖館舍誰相問淪落元龍
意氣豪和旅館題壁韻云郵亭遙望日西斜卸却征衣便
是家何日萱堂承色笑四時休息話桑麻再遊劉氏園亭
云此地重來興致幽主人愛客意綢繆相攜曲徑尋陳迹
小憩方亭話舊遊幾處竹陰濃入座一畦菊色淡於秋低
徊二十餘年別借問園丁識我不

卷二

十

十以下婦人假以男子冠服佐之三日殺賊二百七十餘
人遂解圍去蟻賊蹂兩川履山如邱埤馳突破縣城不畏
堅似鐵太平彈丸邑無城更机隄賊來塵蔽天萬家聲嗚
咽令尉俱他出捍禦誰團結守卒僅半千疲病足蹙蹙冷
官獨慷慨鼓勇膽氣決諄諄論士民忠義共激切週遭樹
門扉樓板縱橫截健婦男衣冠執爻備行列二千子弟兵
憤起丹心熱跳盪振臂呼殺賊湯沃雪不謂文弱士一人
能提絜微員作干城堂堂樹大節匪徒素鴟張陡然銳氣
折三日遂解圍柵中力未竭三軍在作氣畏蕙輒傾跌萬
人共一心賊匪應早滅又有王贊武署南部令單騎詣賊

壘論降賊呼為青天羅拜之後賊語鄉民曰不敢犯父母
特欲假道耳王怒率鄉勇二千奮前衝突戰竟日退至富
村驛力屈死之此五年事贊武貴州普安舉人任義眉令
有政聲

彭昭麟號井南丹稜人樂齋觀察之嗣也為南江學博教

匪之亂川中在在被兵奉檄禦賊自記匹馬遇賊舍馬而

徒走九十里至城途中所見白骨撐天火光遍地有不忍

見聞者後陞廣東知縣映咭利將有覬覦限七日使之歸

國詩之所造未及厥考而經濟有過人者紀事云葉芽秦

豫及荆襄根蔓連延入蜀疆劉之協倡白蓮教蔓延楚豫秦三省蜀匪達州徐添德王

卷二

三槐相 令尹自伸巡遠節將軍難遏虎狼狂東鄉令張宇陽禦賊被害

連兵東北攻圍急輸粟西南轉運忙畢竟藁街申 國憲

劇憐焚掠太披猖巴山驀地啓兵端白帕蒙頭競揭竿螳

怒祇知當轍易羊顛豈畏觸藩難焚巢計拙氛猶熾駢首

刑加罪豈寬太息左車先抗節不畱老眼見摧殘遂州武舉李遇

春禦賊馬蹶戲酬涂明府陳策云輕裘緩帶徵羊叔說禮

遇伏不屈死 敦詩紀邵公莫笑儒生無勇略最風流處是英雄中秋對

月云千里由來共一輪秋心飛落錦江濱遙知繡幕重簾

外定有倚樓望月人後陞山東登州同知

南川周石蘭原名立規以號為名乾隆乙卯孝廉改號佛山晚

號佛坡松厓先生長子在文安讀書時見其書法甚工喜
作詩有海天閣詩稿將之武昌畱別季才云欲向江南雲
夢去秋風秋雨久愆期梅花索笑侵霜雪海月窺人又別
離荒徑不忘陶靖節南樓豈盡庾元規懸知楚地思君日

沽酒烟江食鱗時又用前韻畱別蘭舟不來城府猶相憶

况說別須三月期樽裏聖賢姑對酌楚中雲雨惜將離巫

山把棹風生腋黃鶴憑欄月正規回首難忘曾聚處玉蘭

花下仲春時音節雅逸不及多錄佛坡外舅山東卽墨人

張嘯蘇先生名鶴也領解時榜名銜後改今名同輩推為

曠代逸才詩古文凌跨一切時藝亦欲上攀震川下追東

卷二

皋盧雅雨先生深相推服延課其子去官後往來寒舍與

先大父小山公及松厓先生談譙好自寫詩佛坡亦每侍

側年未弱冠也附錄扶陽勞山觀海懷魯仲連云一粟着

空綠飄然浮我心西風吹萬里秋氣此何深寂寞規龍睡

宵冥聞鳥音不知天下士何處可追尋土花云天地畱古

色土花分獨偏雨聲涼到骨生氣暈何年茵想蒸巖妙萍

憐聚水圓泥塗豈終辱寶鼎鬱蒼然官建寧同知無子所

有著作盡付佛坡

唐長江主簿賈浪仙墓蘇絳作志云在普安卽今之安岳

也自昔題詩甚多 國朝官此地者亦多題咏郡守沈清

任云深山冷翠微荒塚落斜暉誰哭詩魂瘦空披墓草肥
一官名已悞萬里骨無歸韓孟猶相識知音自古稀邑令
徐觀海云荒草西風裏重來展墓田數奇才最散魂冷骨
應仙奪卷情何急敲詩事偶傳同時聲籍甚芸閣水曹篇
胡步雲云亂山圍四野千載一墳孤夜雨暗榛莽春風叫
鷓鴣文章多阨運官職亦窮途展拜愁何限吟魂識我無
皆閒冷稱題

林西崖方伯儁嘗任榮縣及內江張船山之婦翁也以成
都知府從征西域有軍功陞鹽茶道由臬司至藩憲功名
與方有堂相似幸內江時與默野僧往還僧不自知年歲

卷一

三

亦無名號以其寡言質率呼之爲默野云相傳爲數百歲
貌類四五十歲人是時西崖方伯年方少壯及官鹽茶道
相去已二十年邀默野至署相見方伯髮已頽白而默野
如故在署終日惟啖棗一二枚或飲水少許盤膝默坐夜
則周走室中不休嘉慶七年人尙見之今不知所在矣方
伯順天大興舉人

趙由青江西南豐人嘉慶元年署江安典史人呼爲趙青
天與文士交遊論文談詩風雅宜人去之日歌詩送別者
甚眾亦有畱別詩三章有句云閒官爛熟公安句矮屋酣
吟子美篇浪裏船過堪載石腰間囊置只畱詩又口號云

好友華箋贈吟來却過情數詩雖奉答兩意更相縈春樹
迢遙想江雲淡漠生飄然憐一別重會到江城

劉鎮臺清貴州廣順州拔貢嘉慶二年教匪滋事爲東鄉
令入賊營招降賊呼爲劉青天欸以酒食後陞忠州牧歷
陞知府賊近巴州率鄉勇直攻賊營賊驚走六年陞建昌
道加按察使銜七年賊平陞山東鹽運司教匪破定陶縣
有髯山賊據之公請于撫軍曰寇聚此將圖大舉宜乘未
發擊之願披甲爲士卒先撫軍猶豫公曰兵貴神速若待
外兵外兵集賊亦集今賊大勢在滑山東特其游兵所以
阻我進討也失今不擊賊必趨衛輝入太行爲巢穴山東

卷一

四

荒旱盜賊蜂起相應難爲力矣乃決計破賊官兵初出賊
大笑步兵以長鎗刺陳馬兵繼之有識運司者曰此劉青
天何可當也遂潰屢勝復定陶十月大風雪兵銜枚疾走
平旦運司先至賊築土牆外樹雜木毀垣而入順風擲火
烟焰蔽天賊大敗 上諭屢次褒嘉賜詩云循吏清名遠
邇傳蜀民何幸見青天誠心到處能和眾本性從來不愛
錢有守有爲績昭著無偏無欲志貞堅空羣羨爾超流俗
明慎咸中治理宣賞布政司銜先換頂帶事平自請改武
職爲國効力授登州總鎮以文改武漢人未有也嘗見其
公子布衣布履人不知其爲貴介

唐樂宇堯春綿竹人乾隆丙戌進士吏部主事官貴州平
越府知府有子七人辛酉一科兩孝廉一副榜一拔貢人
稱其教有義方後多知名士李雨村序其詩謂其學西崑
體落花云滿目蒼涼起暮烟閒庭空濶倍凄然珠圍翠繞
無多日粉碎香消又一年夢斷梨雲驚幻蝶魂歸苑露怨
啼鵲枝頭在結同心約撩亂春情總夙緣蕭條風雨惱黃
昏斜捲珠簾獨掩門玉笛吹傷遷客意驪歌驚散美人魂
香辭紙帳心初冷影謝銅餅膽不温夜月溶溶愁更絕開
千倚遍懶開尊初夏道中牛背橫吹短笛風山陰流翠雨
空濛圍棋賭墅狂何劇涉約尋花興不窮細路秧侵新漲

卷二

五

綠疎籬繭煮暮燈紅田家止客娛雞黍一笑仙源咫尺通
牛頭山何處碾山雷怒集銀濤噴薄酣戰急深林奇鬼瞰
行人古樹杈枒當道立蕭蕭落木捲地來腸斷元猿清晝
泣騎馬躊躇恠不前朔風吹雨山城溼朝天關門聽奔雷
百折灘峻嶒峭閣俯江干戍旗落日關山迴鈴鐸西風草
樹寒烟外帆檣通廣漢雲中宮闕望長安題詩莫漫愁孤
絕千古魂消蜀道難寧羌州雨雪回首家山望不真瀟瀟
風雨伴行人青驄苦耐閒金勒紅友相邀踏玉塵劍閣雲
沉迷旅雁嘉陵水淺凍文鱗驚開古驛梅花好誰折寒香
奇早春瑰麗雄奇不徒以色澤爭豔也

閩人張熙庚號乃庭從征廓爾喀平教匪亦在軍營入黔
入楚經歷戎行最久署綿竹擢郡丞陞州牧屢蹶復起有
窗下草宦遊草襄城即景萬方輻輳大河東雲影天光望
眼中一水護城新漲綠千村如燒晚楓紅詩從疎雨微雲
得客有輕裘緩帶風自笑戎衣慵攬勝行行且策五花驄
軍營中秘奉制府札調回川武端山下返征鞍自襄陽
酒郵亭興未闌大地山河皆北向何人鬼域尚南冠余卸
後臨行時猶有楚氣聯秦豫三方肅均州為三省交威撼
匪束縛待質者瀟湘九月寒為語臨歧諸猛士飛鴻早送凱聲歡錦城除
夕八千餘路隔江關又逐春光到此閱度歲客中還是客

卷二

六

望雲山外復層山辛盤柏酒寒更夢茅店雞聲半日間是
在萬却清遙想近臣應待漏來朝有喜自天顏庚戌元
間無事上八旬萬壽是東臺催餉輕身飛度萬山巔輓得芻糧好
日須發恩詔恩詔著鞭增竈幾人能宿飽連營十里待炊烟據鞍草檄殘陽
道趺足傳符向曙天但使三軍可朝食莫辭况瘁且爭先
從軍之難如是
山陰沈楫號庚軒嗜酒耽吟醉後露頂跣足揮毫千言初
習舉子業屢困場屋乃就職州同從軍西域為方有堂方
伯器重每相唱酬歷險阨二十餘年得補縣令有存存堂
詩集楊蓉裳為作序刻於嘉慶壬申抵鎮龍關有婦人為

賊所殺子幼不知枕屍而啼愴焉作詩傷哉鎮龍關小醜
肆剪屠川北半蹂躪此地尤彫枯白骨橫戰壘山空但啼
烏溪畔一婦死受創無完膚旁有數歲兒伏屍尚連呼見
之慘心目生民究何辜彼蒼豈不仁浩劫如是夫流涕慰
孤兒告以母不蘇策馬舍之去陰雲密前途宿飛龍關夜
半聞鬼哭雄關彫瘠鬼爲隣碧血三年灑戰塵故鬼方號
新鬼續寒衣猶自寄征人夜過小尖山紀事一篇足見幹
濟人多以酒狂風漢日庚軒不知庚軒者也序云戊午歲
杪奉勒公帥檄飭運餉三十萬至渠達之間隔山見賊黨
數千蜂擁而至鄉兵役夫駭絕欲遁山畔有砦爲威勤伯

卷二

七

勒舊駐兵所因厝餉於砦集夫役而諭之曰賊與我祇隔
數里一驚擾則賊知我無備若輩卽棄餉遁亦不免眾泣
曰柰何余曰天且晚賊未知我虛實若輩從我則俱生不
從則俱死我以身殉不能爲若輩計也眾曰諾乃選鄉兵
十數人使各立幟於嶺後役夫刈草焚於林木叢雜中凡
十餘處望之若竈賊疑有伏果不敢逼乘夜出山溝負餉
蟻行而度賊踞山左右岩昏夜見人行不敢下但以鎗礮
下擊終夜不絕聲而余所率兵役已負餉馳六十里抵達
縣南關矣其焚草於叢莽中者先誠之曰火盡復燃將曉
卽逸賊疑懼終夜比明來攻虛無一人軍餉無遺兵役慶

更生焉詩以紀之凍雲霾空村于役迫殘臘環山賊氛熾
殺氣滿岩峽役夫色慘栗相顧膽懼惟怯豹虎值千羣性命
輕一葉死地而能生樞機在倉睫進或可倖全退實無生
法燔薪作疑兵旌旗滿林插昏黑山礮行違計路廣狹迺
危一綫緣石峭兩崖夾前驅趾屢審後涉響輕答慮險復
慮兵入柙還出柙昧旦登翠屏達縣名喜見成樓塔百夫慶
生全有酒始能呷回望小尖山毒霧尙匝匪驚定知曉寒
西風吹颯颯

卷二

六

王爾鑑河南盧氏進士乾隆閒知四川營山縣調巴縣後
陞知府能吏也決獄有神明之稱登忠州北城樓遠眺詩
奔走三十載到處貪溪山臨江今至止面面溪山環此日
登樓一四眺盪胸決皆開心顏山城蜿蜒傍山起大江環
抱山之趾飛閣危樓層疊然人家都在烟霞裏竹琅玕兮
樹森森飛飛雉堞凌嶽嶽屏風嵐翠溼我衣鳴玉溪聲助
我吟憑欄俯仰弔今古昔有哲人撫茲土當年心血沁人
心至今霏霏灑靈雨四賢祠圯湮草萊獨遺宣墓對巴臺
陵谷變遷典型在凝眸仰止頻低徊大江東走杆關去西
望玉山控雲樹巴蜀要害鎖夔門臨江爲扼中權路山鬼
嘯雨猩啼烟前有譚賊後有陳逆出沒跳梁溪碕間因俗化愚愚不
驚鎮撫蠻獠方安眠烟消雨霽歸鳥有曠覽溪山傾斗酒

高吟欲續竹枝歌東坡東澗種花柳遊鄧都大峯門山題
詩云兩山峯之垵石磴穿雲通雲穿儼有門闔闢來天風
繫馬一登眺聳身入雲峯舉足懸湖壑昂首凌蒼穹松濤
響天籟襲袂香融融歛爾溪山斷白雲界西東雲復屯萬
壑渾沌藏洪濛風門風一噫千山白雲空

毛海客大瀛江蘇寶山人惠孫圖制軍招入幕府從軍西
藏以功補潼川府經歷陞中江令牧簡州乾隆五十七年
教匪渡潼江走金堂海客恐入州境率營弁馬應魁督團
勇二百人往禦遇賊于土橋溝戰歿江姚方伯令儀與
之素好為序其戲鷗居詩鈔海客遊幕吾鄉最久諸名勝

卷十一

九

皆有題咏錄其在蜀者雲陽一詩足資掌故序云雲陽張
桓侯廟在江之南飛鳳山之右門北向與北岸城恰相對
傳侯歿後其首沿江而下至此不流土人得之建祠虔祀
奉其首置爐中以香油浸之得不壞像則肖其貌以塑故
能逼真非天下廟宇塑像比嘉慶二年六月白蓮教至雲
陽焚燒城郭適穆軍門帶兵至桓侯廟前以巨礮轟擊賊
即散去嗚呼是非侯之靈有以默助之歟余於十一月二
十四日由萬縣至雲陽訪梁明府敦懷置酒相款席閒道
桓侯事甚悉別後即放棹南岸謁侯廟見侯狀貌雄猛面
微帶青黑色果不類世之像祀者詢廟僧以首之所在則

云貯像腹中諺有首在雲陽身在閬中之說洵非無據明
陳文燭詩傳說頭顱曾此葬可知肝膽更誰憐亦指此事
因作詩以記之鳳山山色鬱峻岫廟祀桓侯像最真門外
大江趨白帝城頭羣盜散黃巾莊嚴劔珮猶存漢颯爽鬚
眉若有神安得蛇矛橫掃處一時楚蜀颯風塵夔州寓館
作夔府孤城野色昏烽烟未靖欲消魂水連魚腹通瞿峽
山關鷺叢控蜀門此日飄零嗟杜甫當年割據笑公孫居
人指點廢兵處白蓮教屢犯郡城至郊外猶多列戍屯建
南觀察徐玉崖先生得請告歸以詩留別川中同好屬蒙
惠寄索余贈詩寄呈即以送別昔年萬里下峩岷今日扁

卷十一

十

舟向海濱不與黃花爭晚節思從白社託閒身沈黎舊澤
畱棠菱昌衛浮蹤感塞塵短劍長鏡分兩境不須棖觸憶
前因回首風塵暗廣都杜鵑聲裏促歸途三休高寄王官
谷一曲幽尋賀監湖尚有俸錢償酒債每攜行篋了詩逋
七千里外飄然去錦水巴山入夢無
程尚濂浙江永康人乾隆甲午舉人嘉慶元年署青神縣
事著有心吾子詩集吳穀人錫麟為之序野寺中避雨云
崎嶇更陰雨野寺欲黃昏泉架斜穿屋風簾亂打門烟巒
罨來逕燈火盼前村何處猿聲苦悵然繁旅魂棧中旅宿
步月至一野人家甚幽邃口占一律贈之巖翠擁山莊松

陰度石梁臥雲藤枕滑踏月筍鞵涼食澆新芻酒囊儲舊
驗方懸輪搖大扇鎮日坐繩牀初至成都督學使者吳少
甫先生適以秩滿復命蒙示錦城畱別詩次韻奉答兼
寄吳穀人太史王葑町給諫兩先生馬蹄西上萬重山鄉
思驚心鴈北還不信險從天地設祇疑身在畫圖開千盤
鳥道魂猶悸一枕鷗波夢亦慳差喜風光同故里花陰時
聽哢綿蠻么麼猶自煽欃槍楚尾吳頭道路長羽檄西馳
通隴蜀音書南望滯江鄉車前燈臂誠何益井底鼃聲莫
漫狂恨不請纓爭敵愾徑修矛甲事戎行趙蘆洲刺史以
遊資州甘露寺八景詩及龍洞記見示八景之目曰甘露

卷二

五

門曰界泉曰龍洞曰鳳山曰珠江曰金帶橋曰箕營谷曰
眾妙峯亦曰松峯各誌以詩魁奇磊落諸體咸備嗣復借
艾春巖明府重遊時值秋仲古桂一株郁烈異常大可合
抱數千年物也春巖復增入天香岩一景賦九言一章紀
之其龍洞一記鏗幽鑿險直窮人跡不到之境而筆力奇
峭亦與山水爭勝洵濟勝佳話也爲賦長句題後我聞甘
露寺屹立珠江泉界泉飛落九天外驚淙劈破青山腰下
有龍洞闔深黑上有鳳山側翅如欲凌風翻江流何鱗鱗
東以金帶橋箕營萬箇綠無縫空翠直壓松峯高又聞中
有千年連蜷桂之樹天香十里五里隨風飄或云此卽萇

宏讀書處想見吟聲鏗憂鏘雲璈亦有山風子淋漓醉墨
題巖嗽謝公屐齒不可以徑到穹崖絕壁歷千百載誰鏤
雕蘆洲先生老詩伯腕力不許山靈逃鎔金削鐵筆如鑄
遂令奇巒怪石飛流絕壑一一刻劃窮秋毫春巖復綴以
長句碧波千頃雲滔滔嗟嗟名山遠墮荒徼外詩人不見
空餘樵牧相嬉遊不然煙荒草蔓一碧渺無際噓風嘯月
往往深夜來山魘要知奇蹟不可祕如玉在璞寧終韜一
朝神物做靈界勁弩出箠弓離發奇人奇境兩相值神鏤
天劃森若列宿羅秋霄我思古之臥遊者坐嘯一室能使
山水來相朝豈知摩詰詩中更有畫髣髴千巖萬壑雜沓

卷二

五

浮生綃我讀此詩不須更攜綠玉杖但見仙人舉手天半
遙相招
北平鄭觀察成基號靜山有東園詩集其在川有入蜀吟
籌邊魚通詩稿續稿綏山籌邊詩稿皆關夷務者嘗從軍
剿瞻對夷匪禦戎邊夷匪爲建昌道時事也當教匪滋擾
由荆湘溯三峽通夔巫軍書旁午均有詩紀事送雅河鮑
魚於方伯董觀橋詩云雅安城外雅河水蒙山山下平羌
渡中有怪魚形如鮎四脚紛拏啼上樹去年憶在錦官時
曾爲方伯道其故歸值殘臘碧波寒每囑吾師無覓處東
風又見桃花開塞嶺雪消春水來驟雨連朝滿郊野灘聲

昨夜響如雷漁人舉網欣如願圍如巨竹長尺半飛書特
寄芙蓉城幸不蒼言博一粲別君四月驚彈指離緒千端
殊不已題詩並誌企慕懷但覺相思情滿紙聞董方伯初
任蜀藩邀制府飲先啓云職陞 見時面奏蜀地風俗奢
靡願厲以節儉當自職始欲治具奉邀無珍錯無多品未
知肯賜顧否制府許焉至則魚肉菜蔬僅五器制府爲之
歡然一飽當時兩賢之董公名教增江蘇上元人 欽賜
舉人探花及第制府一等威勤公勒公保也鮑魚俗名娃
娃魚有四足能上樹作兒啼觀察以十餘萬金置產業所
築館舍亦宏厥歿後蕩然余曾寓居其第已兩易主矣後
人不知所往

卷一

七

張懷浦懷泗之弟號雨山尤工詩憂憂生新七古矯健具
馳驟變化之奇望太華云碧落劃然開天外三峯湧氣壓
黃河驕勢拔終南從羣仙抗手迎茅龍乍可擁潼關云匹
馬青天上三素氣象多關門開太華山勢截黃河百二形
如此熊羆守若何時清烽燧息翻笑太嵯峨著有十笏山
房詩鈔七古尤多傑作篇長不具錄楊蓉裳寄書云於涂
生中達昆季處見先生五七言古撤掖雲氣曼鏗金石奇
響擲地高言軋霄欲以舊稿就正傾倒至矣
周載軒侍御有蜀遊草空舡峽憶阮亭論詩絕句一首先

生詩思在空舡冷雁哀猿幾度聽我最有情秋又老斷雲
衰草一舟停訪少陵萬丈樓卽用公白帝城最高樓原韻
弔公遺跡慰公愁萬丈光芒萬古樓卽最高樓遺址外客自甘詩
裏住何人敢再蜀中遊山從太白橫天且江落岷源到海
流生面獨公開不盡月明雲淨女牆頭夔府云白鹽赤甲
仍雄鎮七鎖三鉤舊捍關瀕洞風塵千載後昇平歲月一
舟閒層城樹掩霜前碧野岸花飛雨外殷西蜀地形今到
此臥龍山共相公山侍御來蜀與補山節相孫公唱和節
相上元張燈設筵首唱侍御和以長篇不具錄載軒名厚
轅

卷二

七

嘉慶年間川中教匪徐添德冉添元王三槐之亂一婦爲
賊得縛馬上欲污之婦曰欲妻我須令我沐浴梳粧許之
粧畢賊喜就之婦以梳扼其喉斃之乃脫衣衣賊以巾帽
飾其首已服男子衣遁去又一婦甚艷罵賊不屈賊斷其
首擲溝中去後婦首忽自合更生但首偏頸圍紅線一道
以壽終有黃廷鑑者與賊鬥刃刺其喉尸三日不仆
有湘潭賈客某入蜀頗得貲財娶婦余姓甚美後賈客卒
有一惡少強欲娶之婦佯應以爲送吾夫至湘觀其葬卽
以身從矣少年以爲實隨之行及至楚爲之買地營葬葬
畢列而死人以其故告攸縣陳蘭莊屬爲詩以表彰之蘭

莊應聲曰吾已得四語矣青春送白骨萬里一身單知有
湘妃怨寧辭蜀道難厥後欲續成之不得倩同人代續之
終不佳見聶蓉峯詩話

惠制軍瑤圃先生齡正白旗姓碧魯乾隆五十六年任川
督有詩集刻於湖北西藏用兵爲忝贊將返湖北留別幕
友有句云萍蓬漂泊知何定動我澄江萬里愁又云何時
再訪磯頭鶴相與同澆濁酒杯先是嘗于役天津夢至一
處若行署有老嫗扶少姬啼泣詰之嫗云姬昨爲強暴劫
去主人尋歸官疑其與盜有私訊之無有也姬病且渴制
軍覓漿飲之去俄見嫗持姬自寫小照一軸來云謝勺水

卷二

五

之惠諦視若生並記其姓名有楊汾夢雨圖周厚轅題之
云津門楊柳青復青穿花蝶蝶來窗船邀人一枕遊仙去
烟消雨霽風初停帶雨梨花委臺榭背面傷春惜春嫁前
宵犬吠切花飛此日鸞啼泣開謝人生難遇多情者緩急
相逢更相捨孰教甘露許人嘗故應真面爲公寫是真是
假假卽真漫將陳迹問前因知公沈滄流甘處已遍川原
望澤人

前任甘肅西寧道雒松亭昂重慶巴縣人本姓蕭幼時在
雒家遂從其姓父有圖章與諸舖約爲符信取貨物父病
委掌家務松亭磊落豪爽揮金不惜久之恐父察核見責

攜貲潛至京遊同鄉官某所有平賊方略數條欲奏聞

而遲疑未決松亭膽氣壯獨取其說上之發回軍營効力
時嘉慶四年也以軍功授漢陰別駕嗣擒獲首逆張士雲
擢邠州牧後爲荊州知府四川由水路進京所必經之地
凡計偕北上者無不資助同鄉仕宦經此行李供其匱乏
以事過里門載布一船平日有一面之識無不周也於是
人號之曰雒荊州兄某承蕭嗣者亦爲知縣松亭買書貯
錦江東川書院捐貲生息爲會試旅費子本源戶部郎中
承源雲南路南知州

卷二

五

衣一履一加以箕口吐針針之嚙曰產時兒頂上有針孔
須泥之既產果然或病在頭針足癆病針背無不立愈其
針或長尺或數寸約計七十餘用則取諸口中言笑飲食
如常或傳明季避亂山中有老猿授以此技

齊二爲湖北教匪被誅姚之富齊國謨推其妻爲帥白旗
大書爲夫報仇自楚入川屢抗官兵齊二寡婦之名大噪
與王三槐等相犄角往來擾川及陝婦頗豔冶輕狡善騎
射掠良家子女秀麗者三四百裝束略與已等馳馬追逐
令人倉卒莫辨一日戰敗馬蹶墜地官軍大喜喝令生擒
一武弁爭首功下馬將近婦揮刀斫斃一武弁繼至又揮

刀死之復騰躍上馬疾馳而逸其狡捷如此後勢窘隘若岩而死張船山詩云發也橫行起禍胎桃花馬上看重來不貽巾幗先逢怒欲辨雌雄已自猜黃鵠特翻貞女調白蓮都爲美人開請纓便是秦良玉可惜征苗失此材

朱射斗貴州貴陽人平緬甸爲傅忠勇公所知積功至總鎮四川敘匪之變戰績最著夙爲賊所憚經略倚之如左右手勒公被罪去總督魁失防嘉陵江賊偷渡鋒銳甚檄朱來剿兵行千里喘汗未息直博賊壘賊眾我寡圍之數重手刃數人而死全軍盡覆兵民爲之奪氣時嘉慶五年也張西村乃孚作詩弔之云黑雲渡江江水流江花江柳

卷二

五

俱含愁壯士荷戈夜僵立風鑿刺骨聲颼颼去年賊燒雲門鎮飲馬不敢窺江頭自古長江限天塹飛渡豈聽人爲謀有河如帶當干櫓有將如虎作砥柱天險人和果足憑鼠子縱橫莫余侮豈知晏安撤藩籬石沱潛渡逞餘怒烽火萬家委賊巢新鬼啾啾青燐聚羽書星夜馳軍營七日師行三十程淮陰囊沙無人用條侯堅壁先自驚可憐倉卒談兵者猶說持重推老成檄召一軍衝前敵牽制機宜難奏績老虎巖前殺氣多赤霧滿天白日匿直探虎穴取虎子蟻聚蜂屯勢相逼持矛瞋目殺多人後勁不繼空太息我今不死非英雄遺恨未滅此朝食屍橫撐距淚闌干

烏鳶啄肉不忍看一時從死千餘輩蒼宏血染土花斑七年轉戰秦楚路藁砧從未唱刀環鴻溝已失嘉陵險西南健將旋凋殘涪水無情自東去殘鴉落日潼川樹招魂無人埋薛碑牂牁銅鼓歸何處嗚呼材官鐵騎看如雲一身擁衛徒紛紛落星偏爲太將兆當日陷陣何無人至今惟說朱將軍

東鄉人羅思舉有膽智膂力過人趨捷如飛不治生產橫行鄉里閒觸禁網屢陷屢脫鄉里畏避久益不知所往時或見於人家屋瓦上及幽崑遠洞荒寺敗舍閒足嘗裹鐵砂數十斤蓬頭做棍行千里外年少爲匪人所誘後聞其

卷二

五

人在晉往尋刺殺其人官至大帥歷言平生不諱每臨陣身先士卒見武弁有迴首避鎗炮者深恥之曰吾輩願死沙場恐不得何爲畏避也其所見遠大如此龍駒蹀躞不受絆萬里方看流血汗銜轡控馭無王良坐使雄駿低首嘆蹠跣不羈彼何人屢觸禁網幾殺身足裹鐵砂疾如鳥蓬頭做褲目有神孤棲岩洞無安處拚死溝壑逐飛塵不屑乘亂從寇盜却歸鄉土禦強暴拔出稠人艾將軍副將艾公識其才使服君倜儻氣桀驁夜半孤身入敵營烈炬一然聞鼓噪風狂月黑萬竅號旗焚槍棄眾顛倒隱身馬腹隨奔騰回視火星飛萬道從此賊匪識姓名遙望旗幟孰敢

迎匹馬闖出一敵萬膽大如斗心亦驚賊匪冉添元當年

擊劍為豪俠椎埋少年門狡捷父老患苦皆避藏高冠腐

儒遭迫脅誰知身登大將壇殺人如草成勳業金龍後起

然餘灰趙金龍亦習白蓮教滋事羅平之平定亦復仗奇才兩雄崛起彈

丸邑羅與桂俱東鄉鄉勇駿烈英風每溯洞鵬飛摩天鯨跋海雪浪

倒捲錦雲開從今流品漫疑猜巍巍且築黃金臺高歌大

風猛士來

忠武侯楊時齋遇春屢立戰功婦孺知名賊畏之謂之楊

鬚子其弟初鎮山東兗州公自都至友人何瀛槎為泗水

學博隨眾往迎侯面微赤白鬚鬱然下馬握手步行入城

其弟隨至公館侯曰吾專為伊來陛見時面奏伊不勝重

任 聖恩不允命來訓飭謂其弟曰汝一介武夫有何識

見諸先生讀聖賢書明理必虛心受教即今日拜師命之

行禮功高而不矜官尊而自卑言出至誠即此一端知其

可為大將矣孫瘦石有楊時齋軍門殺賊歌將軍將軍鬚

如戟楊難當邪楊無敵挽強三十膽橫軀智囊早裕兵戎

策鎡與公同鄉曾識公面目虎頭燕頤似班超萬里封侯

飛食肉破敵功成百戰酣倚天長劍擁鮫函 帝謂北門

需寇準無端蟻賊滿河南車攻肅肅星言駕金鼓弓刀出

寧夏許國重懸報 主心天山特重將軍射落日風聲生

大轟赤雲如幕捲平麓黑月橫生斫陣心先登上將拳旗

獨霜飛鐵甲重門火咤叱風雷萬人裏一騎飛騰入陣中

將軍見賊不見我狹巷殺人如刈草十丈旌竿馬前倒諸

將驚從壁上觀刀光練接游龍掃歸來殺氣尚從橫血染

征袍怒未平褒公臨陣誇神勇充國防邊景大名薙莠安

良在威克沫邦從此干戈戢笳鼓還朝馬上歌旌旗特壯

終南色丹青閣上畫麒麟髯也將軍果絕倫淋漓誰握如

椽筆一繼班揚頌此人

威遠令李青峯南暉甘肅舉人以理學自任著有慎思錄

十二卷自書一則刻石云天地無可圖報只是勉力為善

聖賢無可圖報只是反己自修朝廷無可圖報只是循分

盡職祖父無可圖報只是守身教子為政愛民修築石城

以病歸乾隆四十九年逆回不靖登城罵賊論以大義城

破率家人巷戰死贈太常寺卿可謂不負所學矣詩亦蒼

老題朝天峽云呼吸風雲近人從天路行山光低鳥道水

氣湧江聲改步千峯異大觀萬壑平可能通帝座自此向

神京高洞瀑布云清溪出遙山汎然行眾壑紆鬱及高巖

氣勢忽軒躍頽峽扼危岑飛流亘碧落冥想際元空靈機

參藁鑰况乃秋水生怒雲如不約匹練自高寒秋意滿林

薄

桂天聰東鄉國學生以正直聞鄉里有子曰涵精悍多智好舞刀奪槊跳蕩不羈賊起或誘之從逆涵手格殺之父
子率族隣日與賊持賊焚其廬營罐子山賊數萬來攻涵率數十人大呼躍出賊辟易奔又嘗從官兵出遇賊官兵潰涵率其眾伏林莽賊過疾擊其後轉大勝會日暮札叢山伐草樹燃火數萬賊知涵人少意其虛張聲勢夜半往劫入營不見一人忽鼓聲四面起如百萬軍賊亂奔出歸路已塞自相踐殺至天明仍不見一人蓋涵料賊必至與數十人者散伏四山伺賊入營即以木石斷路虛作聲勢而已周篁村云桂提臺涵非徒勇智亦絕人有某賊為官軍所獲縛於轅門將斬矣桂自外來賊求貸死桂曰當時勸汝莫為今何如賊曰果肯救必改行為國効力桂令設誓乃稟帥請釋許之桂令某返招降諸賊至期不返桂選壯丁五百以往時賊連營四十里直入賊壘挾以俱出卒得其死力某仕至參將又言在某地為賊斷餉二日不食經略勒公令拔營走渠縣士卒無應者明晨桂請帥上馬啓行勒恐兵不從桂固請行提轡以出至門執令旗呼將軍令拔營勿遲一卒曰不食二日安能行桂拔劍斬之又一卒怒曰不給軍糧尚殺人耶又斬之遂無敢言見帳房移動者數矣遂促勒公行合營隨之無敢後其敢決如此

莫道草澤無英雄奪槊舞刀疾如風爭先跳蕩麥鐵杖負氣跋扈周盤龍有才莫展甘落拓劍氣夜燭牛斗紅此際兩川豺狼起嘉慶元年教匪徐添德起達州王三槐冷添祿等起東鄉應之破邑攻城焚村市婦孺號泣何方逃亂民從賊勢莫止奮臂決起桂將軍將軍村中匹夫耳奸細來誘進甘言將軍裂背立誅死團集鄉隣獨當先率數十人敗數千左右官軍屢殺賊鼠子奔竄散如烟偶陷重圍敵競進匹馬橫貫無堅陣有時閒道出奇兵從天降下揮白刃頭顱紛落血亂飛併歸黃泉不及瞬將軍每戰手斬一二百人累功手握大將符深謀非仗膽氣粗掃蕩羣兇靖疆宇坐鎮百蠻敢支吾吁嗟奇才不世出門號貧賤白眼遭擲掄縱酒豪歌無所事槁項黃馘老農夫陳郁度名夔讓涪州孝廉父名朝書兄弟朝易朝詩三人同時為縣令有廉聲其家常食粥有一門三知縣日日喫粥飯之謠郁度出知建安與張船山最交厚家藏船山畫一白猿坐怪石上題一絕云青紅山果不成林峽古江寒夜雨深誰與此公論劍術相看多少故鄉心自記云余與郁度同年俱有猿猿之性都門話別作此贈之詩亦不載集中苟侍先嚴見郁度酣飲高歌放達不羈後陞永春直隸州知州

第一〇〇冊 續修四庫全書第 4 反正內

女子有才福命每薄非終身坎壈即青年居孀歷驗甚多然以節傳亦不幸中之幸而文墨尤足傳其節也榮縣楊氏監生楊鳴皋女龔元棟妻年十六于歸三載元棟歿僅遺一女撫子紹宗成立氏知書子及四孫詩書皆其口授嘗自賦苦節詩云兩世冰霜苦一身慈孝擔奉盤復畫荻隻影愧難堪傳此一首茹冰三十餘年苦節可貞詩之工拙非所論也

江督陶雲汀先生澍嘉慶庚午典蜀試副之者吾東史松軒也二人皆編修前王漁洋鄭次公來川時皆部郎漁洋蜀道驛程記詳于山川名蹟有裨風雅雲汀蜀輜日記喜

卷二

三

談阨塞險要足資戰守後來一从官侍從以詞章顯一屢任封疆以功名著二人志趣已先見于此矣雲汀沿路有詩名皇華草其紀川中風土者寄題秦良玉舊樓序云樓在石砮廳署後凡三層中層良玉所居今設像以祀所用白桿兵尚存忠州女子天下奇父是秀才良玉父名葵夫忠州明經夫士司天生智勇不世出坐令巾幗慚鬚眉詞翰淹通意嫻雅錦袍艷照桃花馬天子臨朝識姓名請纓獨對平臺下白桿之兵銳無前巨寇親擒射場天弟兄死國身許國平生忠義何皎然陸知州誠可恥肉眼不識奇女子抽刀斷袖應羞死邵捷春亦庸才坐受屠戮吁可哀吾謀不用竟

如此嗚呼羣鼠真來哉夔門已失關塞黑忍使此身重事賊閉關坐臥小樓中大節直同文相國何須更論洗夫人多少麟臺愧顏色巫山女子善笛將嫁之夕隣女羣集吹以送別爲作巫山月巫山女兒艷如雪雙鬢巧作同心結踏花從未越香溪少小焉能識離別東家昨夜聘錢來百輛門前羞欲發陽臺咫尺觀行雲欲問分明口難說西隣女伴亦嬌嬌短簫爲試唇邊鐵含情默語如琵琶一聲吹裂關山月空江應有臥聽人遙夜孤篷霜欲白輜軒日記史松軒爲作序時閱數年矣雲汀觀察東川又詳加考訂名人一書成之不易如是松軒名評

卷二

三

江西南豐譚子受光祐以通判來川陞同知編纂四川通志工詩嘗得古鐵簫一枝遂以鐵簫名其集在京作春帖子詞亦竹枝類也如願前頭手一卮青裙翠鈿也相宜笑將頭上銀旛摘隨意鬢成方勝兒綠衫楚楚拜新年嬌小村姑態亦妍摘得山花堆翠髻貴家門榜看燈聯子受在京曾作英雄兒女圖及屯田新疆攜眷以往作詩送之者多以此爲言亦佳話也後陞湖南寶慶知府詩人黃姓忘其名亦未詳其里居多與其婦淨因唱和行曉行入峽云山合林深入杳冥松濤隱約走雷霆置身無地雙崖黑仰面看天一線青老樹扶人根作磴深溪走深

石如鈴長吟我欲呼山鬼朗誦離騷一卷經寫景如見能手也。

朱子穎工詩善畫有句云一水漲喧人語外亂山青到馬蹄前一時傳誦以其句似太白人呼之爲小青蓮守泰安對太山築晴雪樓卽景作畫後轉運四川袁簡齋贈以詩云愛向蜀江看峽險懶從秦棧此車回又云莫怪使君風骨冷太山頂上抱雲來吾淄蒲柳泉先生聊齋志異子穎先購得鈔本後乃有刊本盛行于世

嘉慶九年揚州史望之先生致儼視學川中以清嚴得士心王懷曾懷孟兄弟少而知名一時并拔取捐廉修考棚

卷二

三

先生幼慧讀書十行俱下學塾在尊經閣前每夜歸髮髯有二燈在前似導行者抵舍卽不見病中夢關帝降曰汝本玉林生也病遂愈因自號玉林生晚號榕莊老人著有榕莊詩文集嘗送友之粵東作令云爲政先宜除害馬好官不但飲廉泉其操尙可想而知矣

李光謙號搗之直隸任邱人乾隆庚子舉人嘉慶十四年署中江宿案山積陞堂皇視事膳飲皆在公座判決如流數月後案無留牘無枉無縱頑民受責者亦無不呼青天已禱榮昌民赴大府懇留不可攀輿送者無算有張老人跪呈石碁一奩曰此邑產也小民以此爲業特製以獻公

卷二

三

他日見石如見我邑民也乃泣而愛之曰我何德于民眾皆號泣聲聞數里既至榮昌不攜眷愛才士擇子弟佳者入署親教之威以夏楚多所成就抑強暴扶良懦其相驗也單騎從刑件二人一役張蓋不設棚及公案坐胡床問畢須再審者進城否則立與結案久之訟稀好遊市屢詢風土問民間疾苦有因事訴者就所在剖決或勸諭息事往往不經書差不存案百姓競伺其出來質曲直有客請謁直入書舍無司閤傳簡後陞綿州去任時千百人雨泣攀送署重慶府告歸商民饋二千金不受越五六年邑人稔令貧醜八百金送諸其家邑諸生敖廉臣嘗至其處傲廬蕭然一榻一竈無妻無子如老頭陀嗣族閒一子聞其孫已舉孝廉矣

聶蓉峯先生銳敏湖南衡山人爲四川學使士慶得師所刻寄嶽雲齋詩集幾於家傳戶誦先生幼工試帖十二歲應試張忍齋考古學所取惟先生一人刻其衡南夕望詩四首佳句如雁迴縈塔影鴉返帶江霞他如燕睇有畫棟遙相識珠簾近若迷有鳴倉庚有一村紅雨歇三徑翠烟橫時以館閣人目之乙丑會試未張榜卽自書報條粘寓邸其學養自信如此歿後蜀中有扶乩者先生降壇問爲何神云文昌帝君紫衣侍者司人間祿籍鹽源令陳某言

降壇皆運筆書字於紙兼作畫爲之畫龍不點睛請李太白點之果精神百倍苟嘗於京師晤乃弟以孝廉上春官自言通相法謂先生更精斯術云先生豪於飲脫略形迹醉墮冠幘旁若無人吳梅梁先生來川接學使任制府並請之梅梁以前輩禮敬事默不飲酒先生拇戰雷轟翰套杯飲已大醉剩一巨觥飛與梅梁曰碧筒杯大真難飲願有梅梁爲解圍立俟飲乾梅梁勉爲之盡一堂大笑其愛才若命蜀士至今思之

大竹王魯之懷曾小雲懷孟兄弟垂髫應縣試覆考賦梅花不拘體一作七言長古一成五排四十韻令驚喜一時

卷二

七

傳有兩才子之目院試考古安漢將軍歌蓋咏紀信廟也魯之作七古云城頭一夜鼓聲裂天地蒼茫黯無色楚兵如山壓漢城曩躬危機在頃刻漢王提劍三尺長呼吸風雲馳入荒到此神龍一失水重圍坐困空倉皇豈無謀臣與虎將低首垂頭坐相向當時不有紀將軍誰作漢家真保障黃屋左纛駕出城漢王降矣脫塹坑拚將一死詎強敵爲報君恩敢惜生將軍一死何容易漢四百年留神器千古崔魏安漢功玩弄重瞳等兒戲時年方十三耳學使周公系英拔置第一小雲年更少作禱雨詞用東坡先生起伏龍行原韻亦取前列卽於是歲入泮發放時學使謂

諸生曰汝等均不及二娃子魯之以孝廉補山東安邱令今調長清望西嶽一篇尤奇警五岳突兀此其頭上有白帝司清秋下有萬古帝王州外有洪波九曲環之流崑崙如龍走中國太行掉尾陰山黑看山不看太華山焉知大勢在西北極北莽莽無人煙中原浩浩平若川黃河飛來不敢下但見蓮花青插天丹霞何盤盤中有飛天十萬奇靈官金銀臺出日照耀仙人皆着遠遊冠惟有希夷老子不肯折胛事少暎長眠其下如龍蟠風吹一鶴下雲端吾欲從之何乃難紅塵如山壓折骨巨鰲戴之不敢搏人生不得飛食肉便合攀雲鬚心日笑殺北斗韓文公乃在蒼

卷二

七

龍嶺頭哭去去且復遊燕臺再來定當躡龍鹿珠袍玉簡朝金天胥佩流金火鈴錄明星手摘挽天匏玉女盆頭濯吾足脚踏芙蓉望大千日月西飛海東綠續娶夫人亦能詩小雲以孝廉就學博性酒脫不願與秀才較錙銖不久告歸在京師作小遊仙詩百首略記四首云揭來天上看紅塵化去沙蟲看不真祇有浮雲還善幻如牛如馬又如人蕭蕭落葉滿空飛盡是神仙遇劫歸到處喜談天上事劉安小犬似牛肥千爐萬鼎不知閒採過硃砂占徧山到此雲山無處着獨留丹穴在人閒紛紛瑤草與琪花新種蟠桃近萬家却喚斑龍耕野地靈芝不種種胡麻史望之

先生督學時兄弟補考故事凡補考附三等末望之先生奇賞之二人俱附一等正場取冠一軍其見賞宗匠如是兄弟少孤母太孺人工詩賦親教二子成名荀在山左與魯之相識來川署鄴都命弟薇堂過大竹登堂拜母小雲猶在今聞歸道山矣奇才不偶爲之太息小雲善書往往以金購之船山後蜀中詩名盛者推二君焉

曹大令岐山忘其號杭州人家累鉅萬琴棋書畫絲竹歌舞以及弓矢擊技之事無一不好聘名師于家朝夕學習素性聰慧無一不精家以中落乃援例捐知縣來川補梓潼令地當孔道缺本瘠苦而豪侈加故五更起坐背誦釋

卷二

堯

氏經天明而譚經者爲之演說盪激畢臨歐帖百許字隨意作小幅山水或花鳥並皆佳妙早飯後請棋客手談一局靜坐鼓琴出而校射則射師至已而擊刺則拳師至事畢會友作葉子戲燈後設飯左絲右竹前歌後舞二鼓方罷日以爲常無一刻之閒亦無一刻不樂也奔入能品琴尤獨出冠時人問其何由造微與眾迥殊曰無他不過操之熟耳他人按譜下指依曲調絃心有所制動爲法縛吾則心無琴譜而琴隨吾心任意造曲意之所至心忘乎手手忘乎琴神明孤往已亦不知其所以然但如雲行水流無不入妙耳此卽莊子得意忘言得言忘象之旨指與物

化而不以心稽技也進乎道矣第生長華腴人之情僞物之變態皆非所諳尤不喜案牘遂羅計典今其孫方以刑幕遊川云

綦江秀才楊林妻程氏夫亡作絕命詞云十八青衫二十亡紅顏薄命最堪傷人生百歲終歸盡願尾輻車塵墓旁遂服毒家人灌解得不死因撫姪爲箴承嗣又有郎命已隨冰鏡冷妾心長對玉壺清之句

沈刺史昭興號硯怡嘉興人以三千金買一鼻烟壺壺中刻一蝦蟆張口銜珠仰首向壺嘴倒而視之則明珠無數自口散落正放則眾珠融而爲一仍入蝦蟆之口真異物

卷二

學

也後爲一顯貴得去初硯怡以筆遊幕落拓不偶時總督四川福公康安欲得一記室令人擇賀稟中最佳者得八副親擇其三使首縣函致令寫作並呈惟硯怡中選延聘入署談論丰采拔出流輩福公大喜閱二年勸之捐職縣丞適有軍務於報捷時保舉留川陞補知縣逆匪之變亦在軍營爲總督勒公所知繼而勒公被劾入京硯怡亦獲戾出口福公爲之道地復得回川後任三臺令以修堰灌田捐金萬兩至今民享其利得陞瀘州累署知府凡有難處之事委之硯怡無不立辦歸田頗饒宦囊爲嗣子湯盡今年八十餘矣

李楚航湘乾隆閒進士山東歷城人初爲英山令後來川署大邑告歸復來川又署大邑歸以此始亦以此終究未補缺也父士琛守江寧與袁簡齋交好楚航年幼隨侍遊隨園云簡齋疎眉廣頰口若懸河嘗指授詩法里居時與縱談言隨園近聞外層有設茶酒館者作絕句感慨今昔有漫興七律十首有云正惟名士貪心重越是高僧俗氣多看透俗情時文亦有空濛烟雨之奇性酒脫好諧謔論詩文娓娓不倦見者以爲名士風範

江蘇吳縣石琢堂先生蘊玉以鼎元出知重慶加意培植文風東川書院必親閱課卷獨賞涪州陳新畬伊言每課

卷二

聖

必冠軍許爲川中第一人嘉慶辛酉值選拔之歲學使爲探花陳鍾溪先生希曾與琢堂爲同年琢堂意新畬應首選有陳昉者亦涪州人與新畬同族號午垣詩文俱佳字學靈飛經尤爲川中之冠鍾溪以翰苑器之因琢堂特賞新畬故入選及鄉闈榜發新畬果以第一人發解取論翁然以琢堂先生爲知人士子爭傳誦解元文名噪一時午垣是科亦登鄉薦新畬乙丑進士爲甘肅固原州牧午垣庚辰進士果入詞林鍾溪先生亦自謂賞拔不謬也午垣以字名京師院中諸翰林爭臨其字爲楷式散館時矜重過甚卷被掣收遂改知縣初午垣考館入選應得知縣不

就大挑一等亦知縣也不就志在必入翰林而終爲福鼎知縣數固不可強哉道光庚子科其子亦登鄉薦石殿撰陞山東臬司題聯於趵突泉以事去官陳鍾溪十八歲領解趙鹿泉先生評其文有吐納羣流呼吸萬里之概嘗以詩二首寄懷張水屋州倅內有句云尙有伊人隔秋水雙魚煩訊大毛公謂毛海客也其愛才如此刻有樸谷制藝人名宦祠子孚恩現任都察院左副都御史

蔣作梅廣西臨桂人乾隆閒少年登第補南川令與諸友就論孟中事作諸體文如康子饋藥有啓蘧伯玉使人於孔子有書請討陳恆有表齊人伐燕有檄其餘銘贊賦頌

卷十

聖

諸體俱備極才人狡狴之技第恃才而傲後竟歿于藏中居官甚嚴藏中夷人爲立祠王牆東先生汝驥時文小題膾炙人口以貢爲四川新津令學宮照壁宮牆萬仞四大字是其所書歸家時宦囊無多賣文爲活吾鄉李公士琛守江寧值學使考試爲提調點名時有賣茶人與諸生角口命役按地將加責大呼吾王牆東曾孫也問諸生果然李公曰諸君皆讀牆東先生文後人雖有過可恕也乃免之招至署問其家貧甚賜五十金令改業其人感激乃奉先生手書未刻文章以獻李楚航時隨任爲余道之

周夢熊松崖先生之季子也美才嗜學風流玉映從學先
君以翰苑相期甫逾弱冠遽卒有白雁詩三十首僅記其
一云匹練經過劃翠微青天界破碧雲飛烟迷湘浦孤聲
遠秋老胡沙一夜歸古堞丹楓空自醉衡陽小草不能肥
層城最是寒鴉色指點分明認鶴扉詩帶商聲少年不易
有似亦不宜有也余嘗與肩隨咏此如聞山陽之笛

自古忠義之臣致命沙場往往為神遲士諸人扶乩忽飛
動疾書金川領隊大臣馬詩云血染團花舊戰袍當年受
命擁旌旄控絃響助邊風勁畫角聲催塞月高報國自應
尸馬革捐軀誰道死鴻毛千秋不泯忠魂在愛我還應謝

卷七

聖

寶刀按木果木之難在乾隆三十八年夏其時温公福為
定遠大將軍殉難三提督董公天弼牛公天昇其一馬公
名全也時有牛馬遭瘟之語讀其詩英風壯節凜然可敬
提督原名琮乾隆壬申探花官福建游擊因毆同官被劾
後入順天籍己卯中式庚辰會試復售傳文忠愛其材從
容奏之廷試 召對良久遂以第一甲第一人及第第二
年授江西總鎮至是殉難蓋倜儻不羈之士也

金匱楊笠湖觀潮乾隆丙辰進士蓉裳蘿裳之父也先為
河南縣令曾於闈中夢麗女囑以桂花香卷子千萬畱意
及閱表文有杏花時節桂花香句薦之得售乃侯朝宗裔

麗人疑是香君一時傳為佳話笠湖後牧四川邛州過巫
山神女祠詩云神女祠前落日曛千秋禹蹟異傳聞君王
一夢渾閒事何處山川不出雲別具見解不襲前人事載
隨園詩話詩載雨村詩話蓉裳以詩鳴蓋淵源家學而父
子三人俱仕於川亦奇

雲谷與李雨村同年交好以詩唱和一日雨村過之留飲
雲谷子懷淮方七歲戲於側雨村出對應聲而出對甚工
雨村奇之以為後必能詩以女字焉少年膺鄉薦兄懷洵
與懷渭同榜舉人育三鳳齊飛之目懷淮號玉溪詩才敏
捷雨村謂本朝自張公鵬冲而外惟玉溪一人與雨村唱

卷七

聖

和有冰清玉潤集官終縣令懷洵號方湖一號玉泉大挑
一等以母老就學博樸誠君子也嘗以雲谷所著雲棧記
程見贈子亦中副榜家學猶不墜云

楊司馬文叔英燦號蘿裳蓉裳之弟也與西廬司馬唱和
最多竟卒於蜀題女史丁采芝芝潤山房集云秀得江山
助鍾英閨閣中丰姿誇翠鳳夙慧具雕龍點筆肩舒綠添
香袖映紅耽幽書伴伴好學石為攻覓句侈囊富催詩喜
墨融情深偏作恨愛博尙虛衷影瘦通巫峽腰纖號楚宮
戀衾春宴起小飲興先雄高履蓮花步微吟柳絮工懶妝
脣淺淡倦繡眼朦朧洗卻鉛華膩還存荆布風作羹歌采

萊執鬻任飛蓬琴瑟無交謫釵梳可御窮婢畱生叔虎夫
唱敬梁鴻處世身知足羞言室屢空嫁時衣典盡隨官祿
難豐剪髮稱陶母門庭師謝公治家思儉約居上厲癡聲
不共牛衣臥終宜象服崇略才當重德坤道洽兼隆

傅思任家合州城南人稱臨溪先生登乾隆丁酉賢書先
官興文理番教職嘉慶辛未選山西沁水知縣解組歸田
每集賓朋把酒論文英氣勃勃道光丁酉以九十四齡重
赴鹿鳴宴黎眉鶴髮神明不衰前任制府蘇鰲石贈以詩

云羽衣重到大羅天舊事依稀六十年一榜青雲新貢舉
三朝白髮老神仙文章原敵公卿貴科第難兼福壽全極

卷二

聖

羨鹿鳴三拜裏桂花新馥豔華顛兼儷以金花束帛一時

儒林傳爲盛事又二年乃卒

成都楊雲錦諸葛井云吟成梁甫耽高臥却感真龍惠顧
堅盡瘁臣心傳兩表偏安王業冠當年力噓火并迴災運
更闢靈根導醴泉遺恨膚功勞九仞千秋用汲一潛然薛
濤箋云枇杷花裏美人居製就名箋玉不如節度有詩還
自寫少陵無句倩誰書洛陽紙價休嫌貴錦水瑤章好並
儲欲造鳳樓類借汝韓郎幾度寄雙魚

資陽何生恍惚入一宮殿彩霞四射旛幢簇擁乘輦者自
空而下陞殿呼其名伏階下有吏對簿言其前生案未結

引至一處見婦人恨恨吏居閒令爲誦金剛經萬部以資
福婦人色霽復至殿下見所識某生亦伏於地聞上傳呼
其名曰是惡人也當剗去其心一人以刃從事驚呼而醒
尋某生告之俱惶惑誦經如數是年登鄉薦某生則亞元
也始悟惡字去心乃是亞字

臨洮李元方苞以舉人爲桂林陽朔令入蜀有劔陽詩草
在巴塘有巴塘詩鈔後爲山東濱濼分司署在城外前臨
大河後闢小園官居多暇觴咏自適乃合前後集刻之爲
敏齋詩草吳松厓楊蓉裳兩先生爲之序佛圖關云崔嵬
關勢鎮巴陵傍有花宮時一登欲問鈴聲作何語世閒誰

卷二

吳

是佛圖澄在巴里塘詩多咏邊方風景自山東返蜀因家
焉子清宴號定波援新例指捐四川通判

宋梅生鳴琦江西奉新人丁未進士以儀部出守嘉定在
都時與洪稚存張船山石琢堂諸前輩唱和風雅素擅在
郡修九峯書院建考棚以培士風署中鑿池築亭花木蔚
如遊處多有題詞重九日偕諸同人高標山登眺遂至萬
福寺歸飲衙齋賞菊用社工部九日七律元韻秋心如水
訟庭寬勝地餘閒結古歡難得重陽好風日依然同氣舊
衣冠馬蹄盤折都行健茱佩闌珊不覺寒試上最高峯頂
去雲山無盡耐人看豐年差免雁鴻哀柵板聲中往復迴

礙眼叢篁迎刃解乘流小艇過江來襟痕尚挹凌雲寺徑
 草全荒爾雅臺省識此身圖畫裏歎思歸覆掌中杯不厭
 更尋城北路何須遠訪大江濱庭空古樹斑苔溼石老殘
 碑鐵畫新二百年餘仍此日去來因裏識完人萬福寺有
 爲明給諫安警書其年月乃嘉靖丙戌九月九日也劇憐千佛名經後多少遊車隔
 軟塵折腰私愧柴桑宅愛士虛傳郭隗臺席帽輕風隨意
 脫黃花濁酒媚人開饅題錦字徐徐就月破微雲欸欸來
 點檢杜陵詩事在當筵莫怪鉢頻催卸戎州事赴任嘉陽
 竺山先生以詩送行依韻奉和作郡端宜近益州凌雲時
 擬夢中遊未酬玉局三生願先爲涪翁一載留戎州爲涪
 翁舊遊地

見慣兒童迎竹馬難移風俗愧刀牛鎖江亭畔經行處默
 數瓜期又及秋梅生姊適徐某節婦也善詩有味雪圖自
 題云十笏危樓千里雪半甌清味廿年心所稱竺山金堂
 陳姓名一涪竺山其號也梅生先生子亦入詞林

前任榮縣許滙泉源湖南湘潭舉人嘗以事邀宋梅生太
 守至署與劉別駕應蕃及幕友郭棹杰陳一涪唐張友何
 椿齡賞荷賦詩梅生作序云三榮當南宋時西南一大都
 會讀晁陸諸公詩文備言山川風土之美歲夏五以公至
 止彌歎昔賢歌咏不虛滙泉許明府新葺鏡香亭環以水
 可十畝烟汀霧激亞以樓臺朗朗然如在鏡光中於時快

雨初晴風荷萬柄清樽紅燭繼以歌詩聯句成篇舊地快
 新遷佳游訂往年黃梅初過雨梅生青笠正耘田攬轡攀層
 磴劉應鳴騶度遠壑勞農施懋獎郭棹敬老引華顛欸欸
 詢禾黍涪一慙勸課市樣計程稽廢墩唐張訪古剔荒磚
 水穀爭搖旆何春山花故壓肩一宵圍竹語梅生二簋野蔬
 筵雲豁遙岑外蕃風清曲蓋前我我榮隱近棹乙乙治官
 連郭抱雙流合涪原圍萬井偏江山唐域貴友文物宋人
 傳恰數羣英聚椿歡聞小隊便黍迎巡部澤源日暖進城
 烟所愧香花供梅生同將孺穉牽旌旗剛止處蕃樓閣小吟
 邊承蔭春生屐棹開窗翠潑天畫橋低亞水涪冰簟軟鋪

綿境以壺中大友帷還鏡裏襄慕看荷柄柄春猶帶露娟
 娟九品宜忝佛源三峯欲問仙長庚憑爾酌梅生太乙竟誰
 眠印雪痕方記蕃題襟席已專繡衣京兆譙棹鶴俸汝南
 錢泛覽劉歆籍涪分嘗陸羽泉桐圓秋有信友笛好客初
 撚忽草蟲魚疏椿橫張鄧馬弦濛濛湖海合源藹藹蕙蘭
 全一昨瓊華夢梅生頻年席訴纏于焉梅共詠蕃寧笑蟻趨
 羶屈曲蟠金戍涪連環閱錦乾食單明府饌友行幕使君
 蓮帳未借歐九明府曾邀杏坊秀椿慚茲樹橘千幸猶歸藻
 鑑源總與悟香禪語妙拈來得梅生詩愁醉後痊持繩還繫
 日蕃卜夜更隨綠電影搖官燭涪簷花幌彩箋琴尊名士

氣友燈鼓酒人篇戴斗杓應轉精傾珠茗載煎願船森欲
曉源高誦各陶然生梅生途次復寄滙泉詩云山中竟夜
雨離披曙色輕烟起較遲新漲纔添四五寸高荷稍失兩
三枝尋芳心醉非關酒覽勝人多合有詩最喜更浮秧馬
足梯田高下正相宜滙泉和云朱蓋青驄按部來懸知問
俗每遲回絲絲梅雨千村暗漠漠墟烟萬頃開茅屋書聲
時入耳戍樓人語乍登臺關心長記豐年兆早稻花含一
寸胎

吳壽廷學使樹萱曾決諸生四人必中乾隆甲寅恩科一
榜中其三落孫山者丹稜彭蕙芝也號田橋實高才生與

卷二

完

船山爲契友嗜飲工詩酣嬉淋漓船山贈以詩云直從商
羽彈孤調豈信離騷是變聲有棧道雜詩三十首俯仰哀
吟兵火之餘闕者心惻嘉慶庚申始舉於鄉入都爲紀宗
伯所知竟卒於京寓題楊子宗同年覆瓿集云過夏人如
病談詩尙未慵性情孤自愛風雅遠能宗健筆千花燦香
雲一硯濃平生商推意載酒好相從

吳若雲號絳衣海客毛大瀛之室也能詩咏紫薇花云濃
姿輕點碧天霞坐對空庭月影斜記取絲綸高閣下燃藜
夜照紫薇花海客殉金堂之難年逾六十夫人吳氏猶在
海客少時喜爲邊塞之作悲壯蒼涼來川致命沙場若有

預爲之兆者塞下曲有云朔風吹水冰紋裂黃雲凍損刀
鏃缺三尺霜鏃獵地飛土花斑斑蝕寒月揮刃溟濛甲馬
嘶鬪體墜地凝無血戰城南起云戰城南復城北將軍揮
劍鏑百戰不得息健兒怒突圍義憤壯顏色征婦怨篇末
云妾身思君如畫燭無聊更把金錢卜金錢卜分音信稀
况多惡夢縈心曲忽報東家火伴回始知戰死沒黃埃萬
里何人收白骨招魂無路發長哀每首若自爲寫照吳夫
人三復之下能勿愴神

岳秋塘名炯中江人大將軍威信公後拔貢朝考二等
高宗純皇帝垂詢云汝乃岳鍾琪之曾孫耶秋塘卽奏對

卷二

李

稱旨以教職用後擢知浙江浦江縣訟繁俗悍悉以慈惠
處之百姓感戴後將入都貧不能具行李浦人謀有以助
之力辭乃止其啓有云雖清官不愛錢原有不貪之寶而
行者必以聽諒無不受之金措語甚工子維城翰林院庶
常維坤維垠俱舉人按威信公父昇龍爲四川提督時聞
本籍荒旱乃擇三族之近者相識之貧者俱迎入川極力
周卹德莫厚焉故世襲而外科第踵起後人分處金堂彭
山中江

王蘭泉先生和受業沈歸愚之門與趙璞函作哲共事軍
營璞函爲吳中七子之冠詩筆矯健蘭泉從軍以後始變

而險峭刻詩不多名啓焜者蘭泉呼為弟詩亦豪健由縣
 令官至四川布政馬邊烟烽城雜咏絕好竹枝溼翠青葱
 暝色涵空城寂寞籠輕嵐振衣煙草峰前立積雪連天指
 劍南當年設險壘重關旌戟森羅控百蠻今日太平風景
 好野棠花落古城閒前明萬曆十七年築左插雲偏煙草
 花又遮半面抱琵琶雙雙高縮青螺髻淡遠峩眉暈曉霞
 煙草琵琶城左右山名茯苓琥珀滿涼山瀘水支流似玦環 聖代
 漸摩聲教遠春風先度八家蠻康熙四十二年涼山空黑
 駱東明州樂路遮大羊腸嚕略納味幹田日淡風高古夜
 垣路引麻柳垣必了阿招八土百戶歸誠 郎施家塞口接蠻荒年年十月來山市爭買青鹽換麝香

卷二

五

西南魑魅昔縱橫千里連營倚角成當日木瓜羣鼠鼠論
 功應數播州兵萬曆十六年正月撒假由木瓜襲主全師
 輕入虎狼羣弱卒投戈勢忽紛白骨問誰馬革裏可憐失
 律李將軍萬曆十五年建昌兇夷王大哨擾害議者以威
 成九乍詐降誘入涼山陷賊死焉同方略猶傳李廣才威
 時守備劉繼祖指揮尹從壽俱沒 聲更怖郭旗來窮酋塗戲真堪笑三寶雲梯殲巨魁郭成
 邊副使監軍李士達方略搗穴擒渠戰 邊地重收不合圍
 績居多塗戲叛酋安典事二寶山名 書生約法佈軍威於今殘堞蒼烟裏誰識渝州張指揮指
 諱顧南明末人以秀才從軍累功署馬邊守備 千山啼破
 其時邊境復為蠻獠侵擾指揮悉驅之歸巢 子規魂飛盡烏絨花雨昏有客分蹤尋九堡碧雲青嶂十

卷三

五

三墩九堡十三墩與贈蹬山河涉水滄忽驚節物暗中移
 芙蓉嶺上黃梅熟江外鮭魚上市時鮭魚古稱外江產 簌
 簌聲如蟹割沙蕙蘭叢裏走香蛇蒼苔露冷垂垂白開遍
 金釵石斛花青鞋布襪一微官歷盡崎嶇九折盤眼底蒼
 涼餘故壘題詩畱與好山戀
 蓋太守方泌號碧軒山東蒲臺人幼恢廓有幹略以拔貢
 就職來川教匪滋擾以毒置米麵起運故為賊掠去賊食
 之多死積功至太守由順慶調成都遷臺灣加道銜告歸
 有詩二册嘗以刻本見遺郡齋秋興云魚鳧開國接蠶叢
 五馬西來問俗同一代詩名傳杜曲百年儒化起文翁秦
 關樹繞青門道巫峽灘高白帝宮人事重教迴首憶寥天
 蕭颯正秋風陳倉口北棧雲西誰向青蛉尋碧雞名馬爭
 騎紅叱撥征人盡唱白銅鞮峰迴疊嶂山疑斷湖落深巖
 路轉迷無限客愁增悵望那堪夜夜子規啼錦官城外錦
 江流夾岸蕭疎蘆荻秋三國名猶傳木馬五丁人欲逼金
 牛山川玉壘形還在風雨峩眉勢未休八月濤聲翻去浪
 巴州東下是渝州澤國江山似畫圖文成十載賦三都此
 心任酌貪泉水為政期還合浦珠黃葉霜飛寒橘柚白蘋
 風動亂菰蒲漁人網罟清潭下三尺銀鱗入饌廚紫塞黃
 雲雁陣來臨風極目一徘徊干戈擾攘經戎馬世事銷沉

問劫灰竹葉杯能浮酒綠菊花籬爲傲霜開高堂竊喜板
輿近自舞斑衣學老萊風流人憶謝元暉遠岫窗中列翠
微洲渚沙明鷗欲下平原草淺雉思飛置身安得成今是
閱世真堪悟昨非懸榻尙能通客屐於斯輪奐有光輝退
食餘閒暫掩闕吟思忽到曲闌干千山樹色連烟暝一夜
潮聲帶雨寒漸覺催人惟白髮何從辟穀有金丹他年好
賦歸來日擬向江湖把釣竿九日登臺有所思風光却憶
去年時蒼蒹白露人何晚黃菊紅茱酒不辭共說嵇康真
放浪誰知宋玉是傷悲清齋未敢言高詠日暮關城畫角
吹子鈺道光癸巳進士陝西知縣以才調繁陞州牧

卷二

七

川中教匪徐添德等起達縣亭子舖東鄉王三槐等應之
自湖廣總督勒公保移督四川下堅壁清野之議與叅贊
大臣德公楞泰追剿巨憝漸就殲擒蓋自嘉慶元年至八
年而武功告成十一年十二月突有綏定營兵之變弁兵
王得先以守備王國雄扣餉糾眾爲變縣令余永寧坐堂
皇諭之曰爾殺我勿傷百姓賊羅拜去遂告急于副將桂
函率團勇前後夾擊擒其魁五日而亂定焚殺男婦已三
千餘人矣典史王良佐諸暨人頭被棍擊幸不死作綏城
書事五律數首甚詳核廐馬忽驚鳴霜天列焰明萬家鷄
犬境一夜虎狼城縱火衝營勢操戈索將聲古來方鎮亂

聽雨樓隨筆

卷二

戎首是驕兵白刃當門立青旗繞市翔饑寒驅雀附桀鷲
助梟張鎖鑰虛完壁緘滕失智囊十年居積地赤月冷空
場日出關初閉原空燎未收紅巾屯水背白鏃向城頭有
劍還藏獄無珠免墮樓大夫立馬望破涕慰歸囚蠟檄馳
深夜金戈倒下風一呼團卒萃三歎使君雄身繫酬恩劍
圖開制勝弓琴堂能戡亂翠羽答殊功棒喝迎頭受倉皇
禦暴時脫身宵草檄跛足曉登陴黃綬功名薄青天杖履
危吏民多恕語肘腋變難知孰寄干城任公侯望已虛金
湯輕脫屣閨閣重牽裾漢水全開網通川繼覆車微生不
自衛葵藿問何如天與熊羆將偏師報捷章一宵空貫索

卷二

七

五日掃欃槍 殊錫楓宸寵榮名梓里光新銜加健勇詔
爲勵戎行寒逐烽煙盡春隨節鉞臨攜囊分白粲計屋散
黃金欲化飛揚性先安反側心上公操二柄長治繫懷深
直指按江城西街血有聲監門知效死守闕敢逃生民氣
隨風動臣心鑑水平勿奸司憲法刑賞最分明于騎東方
去雙旌北道來飛軒何絡繹脫劍且徘徊綱紀推新將旬
宣倚外臺龔黃及韓范代有濟時才霜雪催蒲柳河山習
鼓鞮無能遭白梃有賞愧朱提哭母憐羣稚次媳驚亡思鄉滯
病妻慈闈盼消息驚喜兩難題又作五古呈余云勇士歸
無鄉厠名入軍簿可使亦可虞此輩動越矩悍卒謀方鎮

一一一

厲階鑿往古守土非其人遇變或召侮通川十年兵眾瘡
肉纔補狼子怙野心梟羣習嘯聚火攻出下策驕奴索營
主憤氣焰燒天禍事機發弩刀火光中城狐擁社鼠諸
囚猝被劫一尉力難拒糾守職何事茹傷不敢吐琴閣深
且嚴赤月夜正午肘腋生戈矛長官手無斧捉刀顧縣尉
內訌乞外禦朱書與墨檄草草急就緒重賞得捷足義旂
決可觀甲兵滿胸中有時非延佇尉向府中趨囚歸塔下
俯感激守王章自請還囹圄忽聞排闥呼劔及中庭柱整
冠詰戎首詞嚴色不沮爾操壁上戈胡縱關中炬凌虐祇
一弁傷殘遍百堵寧可殺我軀吾民何罪苦爾謀卒歲資

卷二

五

俯仰惟予取汲汲解烏合各各投原伍厥辜無赦法吾力
求貸汝屈膝謝使君沉寃已難剖素感使君厚今聽使君
語但求活守闔歸休散徒侶倒戈下崇塔不動庫與府左
右無一人空拳不縛虎戴星謁上官激昂掩淒楚青旂奪
關出赤幟當空拄倉皇一丸泥保障千家戶紅巾繞東郭
黑霧籠西渚登陴論大義仇得斯就撫彎弓躍馬走倔強
有餘怒狂飛却迴翔三匝空營樹意悔城下盟欲掃火中
土雉堞生風雲竿旌浩難數一發震天雷垂尾涉河去倘
遲一日備何以固吾圉招徠制其行不使遠颺舉星摧五
鄉丁電集四方旅飛揚及百里撲滅期一鼓會有飛將軍

東關近按部千金犒士卒五日成擒虜戾氣淨高霜殘魂
泣凍雨節麾漢上來開誠託心膂慶惠體 皇仁恩洋德
何普 寵錫下丹墀 新綸榮翠羽使君練戎務運籌無
缺精贍兵兼贍民衢巷塞歌舞濟時貴遇合勝任愉艱鉅
蜀民多願亂斬絲治可許實效著編團平時誠弛武寬大
爲金湯嚴明作干櫓功名不言勞循聲駕召杜作歌代銘
頌矢願息笳鼓余號梅村陞綬定知府

去敘州府城十餘里有大浸曰天池水淺處盡種蓮花深
處一望空濶土人相傳秋夜月明泛舟俯視城郭樓臺烟
巒竹樹倒影其中每載酒探訪微風一掠則波光蕩漾眼
界迷離最難澄靜時也

卷三

五

榮縣有名黑沱者水沉沉不知其底某歲因大旱車水灌
田水落三丈忽鐘聲發於水際駭視入水三四尺見碧瓦
獸吻儼然宮殿鐘鳴初歇雷雨暴至眾驚散矣去沱數里
有大穴如笱井其來甚久某過其旁似聞有人呼救急以
繩至挽上云夜行迷路墜此中已兩晝夜矣幸身掛樹枝
不落下方每夜靜聞人語喧雜鷄犬鳴吠聲向曉乃止不
知是何境也
四川學使趙公佩湘江蘇丹徒人喜爲詩每有所作輒刻
一紙流傳考順慶時與吾鄉蓋碧軒太守甚相得去後道

中奉懷云旬餘捧檄筆花開探得驪珠載寶回料峭寒生
兼夜永廉纖聲透爲詩催人情乍暖酒方熟山意初指雲
又來一路行程君憶否枝頭先寄嶺前梅風流賓客綺筵
開率性都徵德不問別後詩篇勞驛遞春初遊興任花催
塵容歷盡星霜去山徑多從泥濘來盼到前旌重握手柴
門香滿好尋梅趙公時官禮科
掌印給事中

卷二

七

邨落帶平蕪堰水灣環野徑紆最與吾鄉風土近鋤田先
種淡巴菰烟草本名
淡巴菰東風陌上聚紅芻知是清明野祭紛
細雨梨花淨林寺更無人弔龍靈墳龍靈墳在淨林
寺今寺已廢散盡
輕陰野色勻曉行風景畫圖新七邨田舍多相似翠竹蒼
烟作比隣盡日經行野塢閒竹林蒙密水淙潺特尋古寺
無他事暫借高樓望雪山閨氣今朝是暮春郊行日暖動
微塵野芳薰鼻渾思睡一陣風來忽健人春夏初交氣候
殊乍晴乍雨景模糊寒原宿麥行人少慈竹叢深叫鷓鴣
滿園桑柘綠依依蠶事川西亦未稀閉戶繅絲斷來往籬
閒時有繭蛾飛薰風漸至日初長到處庄家農事忙陌絮

陸花飄欲盡水出漠漠長新秧踏礪穿林日漸暝僧寮一
飯飽伊蒲不知肉食何滋味冷落山家櫻筍廚李福建孝
廉乾隆間

昔魯仲連却帝秦下齊城脫屣千金古今艷稱於蜀得一
人焉亦其流亞也大竹王士品字元一幼孤奉母目光如
電淹貫經史下筆千言猿臂善射通孫吳兵法旁及象緯
醫卜無不精熟明末爲榆林總鎮嘗以八千騎破孫可望
十餘萬以事去官而明社墟矣康熙時流寇餘黨據毛龍
山川督李國英堅請入營定計作長圍絕賊糧道渠魁授
首軍門以運籌有功兼悉川湖形勢將題奏力辭贖以黃

卷二

五

金三千笑曰爵祿大於此且辭矣李公曰功成不受賞丈
夫哉既而三藩造逆廣渠營諸縣皆沒士品單騎見闔中
高總鎮請千騎自將一戰破賊復渠城高自將來會復發
策前後夾擊盡降之將上其功於朝復辭之歸隱大將軍
趙良棟征滇遣官致聘作書辭之以曹彬相勉建日岫亭
於柳城山上草履竹杖栽花種竹日與文士吟嘯其間自
嘆云何當十六載反覆天之涯得失萍無定浮沉志轉賒
一身長作客半世未成家獨剩腰閒劍橫光拂晚霞山莊
卽事云重巖難久住結室小山阿覓徑剗幽竹採泉剪薜
蘿窗窗邀月伴啓戶納樵歌非獨愛林麓浮名一刹那贈

友云相逢意氣渾相投笑傲溪山天地秋擊楫羨君能事
業敲壺媿我拙風流匣中留劍延津躍囊底儲書圯上求
吐鳳才華從蜀顯懸知記室借前籌別張文海云生平境
遇事闌珊徙倚年華道路難夢斷瀟湘雲影幻聽殘河朔
鴈聲寒自傷老去心猶壯獨嘆時清俗未安客邸訂交君
有意錦江春水正漫漫子因以曜康熙戊子舉人浙江秀
水知縣工詩古文自作墓誌銘亦曠達士也以暹乾隆己
酉舉人直隸阜城知縣孫正策與暹同榜傳其先從建文
帝來大竹子孫遂家焉

卷二

堯

紅杏玉山少年美丰標聰穎絕倫視科第如拾芥僅貢成
均乾隆五十五年孫補山相國士毅持節來川房師即玉
山尊人也歿後家貧母子居陋巷狹不容車相國來訪步
行入謁厚郵以金是歲秋闈玉山避嫌移居郫縣教授不
應試晚年放情山水喜為詩酣嬉淋漓超出流輩友人曹
易山為藏其稿美不勝錄飲酒四首極滑稽之趣且獨與
婦飲頗勝俗客對梅聖俞如何痛飲時婦亦饒俗態但勸且
勿醉瓶竭且勿再恐似旗亭遊料我復倒載不知玉山頽
頽時亦可愛不解文字飲惟能醉紅裙韓退之紅裙艱所遇
人生傷離羣富兒綺筵上襍坐羅擅董千金博一笑於我

如浮雲寄言素心友詩酒來殷勤為我踏踏歌舉白還浮
君舉杯邀明月對影成三人李白明月有時暗杯酒常具
陳頽然北窗臥恰與琴書親莫耽秋夜涼月出傷我神但
恨多謬誤君當恕醉人陶淵明奈何陶靖節不似劉伯倫幕
天而席地天地恕我真眾人竊笑毋乃非所親婦言尙
不用二豪徒諄諄薄羅衣薄羅衣幾時裁思君一回着一
回羅衣着破君不來山高不過屋登山何崔嵬日日山鳥
啼日日山花開花開欲落顏色改烏啼不住肝腸摧妾身
化為石羅衣化為苔春柳次蔡雪村先輩元韻兼擬其體
垂垂金縷最風流無那消魂望陌頭沾雨綠迷簾外草和

卷二

李

烟青映竹邊樓章臺人去關心地泚水春寒悵遠愁白傳
樽前歌一曲小蠻輸却舞腰柔短簫聲裏重丁寧腸斷東
風繫馬亭南浦愁牽絲裊裊北窗人對眼青青招來月姊
難留佩擲去鶯梭不碍翎賦就長楊新釀熟一回沉醉一
回醒夕照疎林叫畫眉板橋長短寄相思天涯有客防攀
折庭畔無人好護持孝伯風情應莫妬東陽消瘦幾經時
兒家門戶愁深鎖牆外枝枝繫別離靈和深殿淨朝烟憶
得風流未杳年杏子單衫嬌鬥舞桃花紅暈妬酣眠招邀
故館聽鶯處寂寞空堤欲雨天披拂長條莫惆悵梁園春
色十分妍室人敬筠卿華陽太史冠亭女亦能詩玉山自

輒歸筠卿以詩嘲之曰立錐無地不憂貧况是諸方托鉢
人行脚歸來無長物此身依舊亦窮身當時唱隨頗稱風
雅所著有松竹齋集

福建侯官蔣孝廉垣字用崇母歿廬墓三年有羣鳥集鳴
墓巔人以爲孝感康熙甲寅耿逆變作垣逃匿橋園洲僞
曹以宿學交薦乃以巴豆漬面松煙熏目託廢疾拒之嗣
約李天然等謀內應以延王師事洩天然等俱被害垣得
免王師入閩經橋園洲士民舉垣忠節大帥康親王疏聞
授歸化教諭遷泉州教授陞鹽亭縣令次文湖州太元觀
題壁韻垂老謝王事煙霞痼病存有心耽翰墨無力振乾

卷二

李

坤民社情長繫家鄉淚暗吞山靈終一別懷抱向誰論用
崇居官廉明旋乞休卒

周氏南川周篁村姊幼明大義通經史歸榮昌監生敖信
臣年二十九而寡翁名時忭初爲廣西養利州牧後遷奉
天復州以事罷官旋卒氏時隨任率家小奉翁姑及夫櫬
萬里歸葬家貧簪珥衣服鬻已盡率其二女歸南川無子
後十餘年有朱小髯光昭者敖氏壻也其子從榮昌舉人
敖彤臣學彤臣見其聰敏商於篁村承繼信臣名右賢戊
子舉於鄉始往南川省母時氏已年六十矣丙申右賢成
進士出知貴州桐梓縣迎養年餘返南川歸家病卒氏愛

子不啻已出右賢亦善於色養終始如一篁村輓姊云道

路備極艱辛出嫁於粵返寓於渝旋隨任於幽燕更往還
於吳楚晚就養於黔中萬里奔馳垂老仍歸故土遭際尤
爲奇絕髫年失怙弱齡失恃中歲並失翁姑越期又失丈
夫歸寧復失繼母一生孤孑顯揚幸有佳兒氏解吟詩少
與兄姊妹隨侍繼母常夜坐聯句年五十家人咸以詩壽
叔負谷亦作二律云中巾幗無勳業難爲介壽言余常披女
史姪可號名媛旅館衣何薄寒天竈不温姑嫜遺櫬在辛
苦返鄉園女誠誰傳授髻齡叔作師幾回馳遠道今見鬢
如絲祝嘏無庸酒銜杯強索詩眼前增快壻何必覓佳兒

卷二

李

壽詩共數十首輯成一帙爲其壻陳鏡湖攜去右賢號秋
田今復本姓現陞貴州威寧州知州原籍浙江嘉興府海
鹽縣禮部侍郎朱公虹舫方增之從姪修撰朱朶山昌頤
之從弟

朱情田桂原籍涇縣自幼來蜀爲巴縣諸生有讀蘇軾詩
集集歸去來辭字云人生貴自得流寓亦何常松菊行將
老田園已就荒倦遊非傲物觀化願攜觴聊以安天命無
心問帝鄉始願良休矣今將命駕還春風吹遠岫飛鳥入
遙天倚杖懷雲壑臨流賤酒泉琴書聊自寄矯首問歸田
迷途欣始悟僮僕已迎門有酒尊常盡無人菊自存未知

求富貴猶得老田園前路將奚向崎嶇不易言晨光遙入室世事復奚求窈窕尋前路崎嶇悵遠遊還將老衡宇何事向荒疇盤膝安吾命無心任去留春及人將老欣欣木向榮審時觀萬化相悅話三生攜酒來三徑關門感物情庭柯時翳翳憩息倦將迎

侯官朱錫穀菽原瀟州牧者怡山館詩鈔有隴蜀遊草劔州旅夜有懷晚宿隨鴉集翻成獨鳥栖風聲來劔外人影落巴西旅壁一燈淡山城孤柝淒客懷渾不寐倚枕聽莎雞閩州今夜月分作劔州看拙宦愁家累謀生愧旅餐水深魚信遠風急雁行單憶亡虛幌無勞倚清輝祇自寒離

鄉身易賤野宿萬山中破壁風欺客荒籬花惱公寒光孤劔白殘醉冷醅紅夢亦成巴字迴環更向東去日同催穀勞生嘆繫匏艱難魚上竹辛苦鵲營巢向秀猶思舊揚雄未解嘲百端終夜集叨發又荒郊

王溥號雲泉順天大興籍工繪事山水樹木氣韻沉着坊肆間仿效者靡腫穢濁可唾也嘉慶閒任中江典史於大雄山下掘土得萬柳培龍四大字於崖間不知刻自何時其地左大雄右銅魚中貫小溪前人種柳夾岸後為民居邑人李福源劉隆璋購得復種二萬株以還舊觀潼川守張松孫咏之云五城四面皆岡阜聯雲塔下形忽剖一帶

溪流對雉牆氣洩無餘同漫口巧將人事補天工種作陰濃萬樹柳春歸獨擅歌鶯叢涼來宛是鳴蟬藪暖拂三眠學漢宮青映百泉摹隴右朝烟半鎖舞迴風乍似蒼龍達上走變化飛騰若有待蜿蜒屈伸形不偶最憐風景三春餘一天飛絮飄千畝城頭放眼好歌詩陌上攀條頻進酒錫名我欲追排衙迎風得似曲江否

仙人掌掌區而長厚每層茁數掌槎枒而生背面有刺如虎舌形年久者樹高於屋開花五瓣金黃色相傳有仙人掌上玉芙蓉之語結實如雞子熟時黃色味甜

叙州劉雲貧甚偶見一磚以石擊之作金聲以為銅也賣於銅匠陳某陳試之舉還曰是黃金也入市易白金數千兩以二百金與陳不受固納諸懷陳由是富

清溪鸚鵡最多木末聚集成羣胡桃熟時尤飛翔無數綏靖屯所產亦眾禾稼每為所啄驅之惟恐不去內地乃以罕而見珍矣

聶蓉峰先生卸四川學使任屏騶從選勝遊覽吟咏自適或命駕至陳卯生書室縱談久之乃回京無闕防之嚴有山水文酒之樂其豪興可知在任時詩文偶獲佳篇贊之不容口雖至劣者必親閱加批憶昔山東學使劉金門夫子與此相似名鳳詒江西萍鄉人

顧張世字含象錢塘人遊幕於蜀談鋒颯發四座傾靡現
就陝西藩幕章紉香素與交善寄其詩登白帝城謁昭烈
忠武像渡瀼水至東屯訪草堂遺址用東坡游武昌寒溪
西山寺韻萬山揖夔州拳石障峽口千秋一壞城我來徒
搔首豎子幾成名怒蛙井底走遺恨失吞吳大名終不朽
躡屐陟危崗崇祠立高阜亂石挾雲蹲驚濤卷風吼顧命
托遺孤君臣良師友魏吳已盡沙鍾鄧亦稗莠磊磊石頭
城荒煙沒蟻塿荆棘埋銅駝兩晉更何有至今八陣圖風
雲護江藪往者不可作來者傷蒲柳夕陽渡瀼西復訪東
屯叟草堂緬遺風欲奠無椒酒他日許重來合裹千囊糗

卷二

壑

灑灑石用東坡武昌銅劍歌韻驚濤拍岸團溼沙漩渦萬
轉繞妖蛇一石直投天壺矢千古見首靡見尾如被如馬
忽如象力能獨障三峽水洪荒苔蘚堅結鐵雷斧無鋼不
敢裂大舸小編拜石過風腥疑澆老龍血當年位置意何
爲我欲磨礪勒新詩君不見大雅堂中幾片碣斷臥前山
柱牛頤黃山谷書杜詩百首勒石修大雅堂蓋之今堂圯石皆無存人日謁少陵祠敢
道題詩寄草堂偶來瞻拜只心香黃雞白酒逢春社冷炙
殘杯憶古狂羈客似公真不易後來如我太尋常山城桃
李無消息夢斷當時黃四孃春柳贈秋屏先生時將觀察
潼商卽以送別驚心春色已如斯綠滿河梁幾萬枝着意

東風真欸欸無端別緒又絲絲鶯聲上苑遷原早馬首長
安去願遲記取灞陵隄畔過好回青眼望峩眉傳太守秋
屏云見贈之什纏綿無盡當此春水綠波春草碧色更難
爲情矣太守名繩勛山東聊城人時守夔州今任雲南布
政

尉琴南名方山成都人嘉慶戊辰科舉人以教習選蓬州
學正未赴官卒臨潼古跡狼石在驪山下相傳秦修墓道石不可開皇甫持正有狼
銘六國之滅如死灰萬里築城胡不來意向所至無不至
神仙亦現金銀臺暮氣有時盡狼石無由開吾聞女媧自
昔都驪國煉石上天補天缺空山餘一拳尙足禡秦魄秦

卷二

案

奪其魄聚而殲此石又壽三千年不韞瓊玖不生雲烟不
可轉移不受雕鐫天下頑石無其頑嗚呼人生安得如汝
頑華清宮刻金鑄玉羅畫工連山殿閣覆從龍香雨珠塵
五十里三郎常幸華清宮羅幃深深月雲屏曲曲風溫泉
笑語迷西東醉裏聞歌醒教舞宮門不想景陽鐘楊家姊
妹皆花蕊長生私誓惟妃子傾國傾城亦偶然但教立地
成連理延秋門外尙雙飛倉皇妖夢踐羅衣腥羶滿地花
狼籍南內無人空自歸並蒂芙蓉合歡卓荑春雨頽垣秋
風敗葉驪山崢嶸露山骨野叢冷露飛蝴蝶語極歷落可
喜

毘陵劉慕陔以進士牧綿州白蓮賊偷渡嘉陵江劉為守
禦計捐米五百石錢千緡為士民倡民皆樂輸得銀六萬
兩修築城垣士民扶老攜幼入城俱得倚庇無一被戕者
將軍魁公亦領兵萬餘駐綿之金山驛相距僅三十里恐
有匪徒混入難民內城下有船數十艘不許撥往濟渡慕
陔日擊陟危不忍以非已部民遂懇請於將軍不得繼
以涕泣跪求願供其軍令狀如有不測惟州牧是問於是
萬餘人咸得生路其自舊綿赴新任也迎者送者父老旌
幢兒童旗傘幾於錦天繡地在籍李翰林調元曾有句云
百堞能容千戶住一航先救萬人生今競稱劉使君城蓋

卷二

李

自古官民之相愛未有盛於此時者僉曰生我者父母活

我者劉使君也刺史名印銓
趙雲松之甥

教匪蹂躪其間孝子節婦遇難流離死亡不可勝數惟賴
有心世道者為之表揚潘東菴有詩得諸目見耳聞者錄
之以當詩史楊家婦云庚申年鬼在斗嘉陵江上遭賊蹂
躪得老弱充庖廚擄得婦女強配偶墊江女子楊家婦一
家十人同出走誤投賊網都成禽縛向山前將動手三百
餘人刀下組父啼子兮兒呼母頃刻殺人等刈麻剗剗肚
腸如雞狗婦有姿色賊有心竟在不殺隨左右婦睨舉室
猶生存泣血哽咽強開口大呼王爺天地恩奴願終身奉

箕帚視茲錦衣繡食場勝如身伴農夫醜但求免死一家
人生死相隨無先後賊諾一聲僉釋去眼見鮓魚脫做符
轉向阿郎重別離從今不操郎井曰我有疋布斗米錢藏
在山南小培塿明發歸取作生涯補被磨漿事姑舅賊喜
而笑轉生憐顧謂此子真不苟頃刻官軍驀地來鳥獸分
奔如雷吼美人造次不可離一人一騎兩人守走及五里
天蒼茫策馬逕向南山阜加鞭飛鞚巉巖投觀者如山身
抖擻賊人太息驚且去烟飛火發千里藪阿郎歸來悲且
疑潛步山南豐草部瞥見病馬臥巖阿更聽呻吟如破缶
尋聲覓跡入長林乃見一人羸殘柳左股摧折右臂攀披

卷二

李

髮模糊血染首細認方知阿婦聲問答不辨阿郎某負歸
翁姑齊下拜楊氏祠堂君生受乃知忍死須臾間保身全
家世罕有嗟嗟自古女子節烈有其儔自古女子才智無
其耦豈獨女子無其耦天下男子亦顏厚長壽女云賊氛
張時川東北出沒往來真莫測就中長壽當賊鋒二十四
番遭殺殛有女子兮年及笄力弱不堪縛雌雞二賊強擄
馬上去一持矛鋌一提攜女子徬徨不自決心知此去情
難說老少之間用吾謀誓教二人生割裂私向妙齡欸欸
言彼狂且兮真糊孫但得他人不相犯與君長作雙飛鴛
頃之山頭聊坐定聞傳團兵來接應老者倉忙上高阜東

西南北憑探聽女子呼賊郎莫遲便旋吾欲遂其私借矛
作杖扶我下免受深深沒脛泥賊信不疑控厥馬轉頭却
顧伊老者不知矛向背間出俯身倒臥盤陀下輕捷如飛
轉身迴走向山前覓巨魁巨魁坦腹長松下當心一刺委
綠苔尋得馬來方逡巡瞥見同鄉共井人問奴爹娘猶在
否手提骷髏血濺塵吁嗟乎長壽女兒陳家子歸來了髻
猶簪珥我欲爲之傳厥行小姑至今香閣里安得塞上將
軍者免脫處女如斯矣長壽父子三人殉難行云有寇有
寇入我疆白日挈人如牽羊刀劔森臨憑問訊能否相隨
稱伯王不爾打發回家去剝厥皮膚抽厥腸長壽傅家三

卷二

七

父子同聲罵賊甘心死白髮雙雙雪滿頭指問皇天何負
爾憤作滔天悖逆人行見鼠輩族誅矣賊人大怒揮刀進
三人詈罵猶不止丈夫兒子挺身起以身翼親以頭抵項
刻血肉狼籍飛三人何曾分彼此父兮呼子子呼母一氣
相通直如矢鄒孔邱明二子親目擊賊子爲之黯相視嗟
哉父子膠庠雄烈婦羅氏亦堅貞昌禮不愧讀書人子暄
真能負厥薪 天恩浩浩萬古名我爲作歌述厥行剛風
烈烈使人驚

世泰子文都字子京文璉字子珮皆翩翩佳公子也詩文
篆隸無一不工侍宦游蜀多有留題庚子科應京兆試子

京抱恙出闈揭曉之夕雖登鄉薦竟赴玉樓識者惜之子

璉亦同榜獲雋有志進取寫作俱佳有寄成都舊交十絕

云十年前事歎全非迴憶巴山願久違可惜梅花三百樹

春風依舊草堂歸怕聽知心說少年少年公子太翩翩風

流不讓高千里書遍薛濤百幅箋猶記松州大合圍刀光

劔影雪霜輝一枝箭向天邊去射落山前野雉飛啞酒香

濃撇不開畫堂深處鼓聲催花枝疾轉來吾手笑飲卮筒

無數杯馳驅驛路五千餘駒隙流光感索居縱使故鄉山

水好岷山岷水更何如可憐雙燕奮飛高爲返家園向北

翺一旦秋風摧錦翼長兄於庚子闈中霜天月夜叫嗒嗒

卷三

七

日斜庚子令人哀一第難將素抱開如殺三秋丹桂樹是

誰領略色香來夏葛冬裘轉換忙年華無那去堂堂祇餘

一事今猶昔積習難除是酒狂白雲搔首望難窮萬里雙

親憶念同不是尊鱸思太急引欲省觀以嚴君有早投班

筆學從戎紅綾餅餤曲江筵欲向春風結夙緣十里杏花

開在即祖鞭未敢讓人先

儀隴有永濟廟水旱祈禱輒應相傳神姓張名英晉時人

初拜儀隴令過采石江遇一取水女子姿貌絕世謂英曰

五百年夙約與君當會於儀山英叱之至任半載日夕聞

機聲一日率部眾逐機聲而往行數里至大儀山一石洞

門鑰宛然前女出迎相攜而入洞門即閉從吏哀號有二
圓石自門隙出眾以石歸近縣五里不能舉邑人建祠塑
像各置一石於腹

四川將軍昇寅字賓旭由選拔中式入詞林改官刑曹官
至尚書著有皇華草平湖橋狄青拴馬樹歌云趙宋防邊
惠且寬西北諸夷貪而殘封豕長蛇趙元昊天都野利真
雄奸小范胸中縱百萬難使西人心膽寒韓琦仲淹貶秦
耀銀綬環慶城無完仁宗赫怒下嚴詔收其賜姓削其官
寶元二年十二月命將狄青復保安將軍當日鎮西粵三
鼓曾奪崑崙關威名早已震西夏一戰敵人走賀蘭賀蘭

卷二

圭

山下平湖岸橋邊大樹垂溪灣將軍破敵愁樹下低柯繫
馬縛征鞍我來平湖秋已半輪囷大樹鳴鳳鸞風雷兵燹
閱歲久皴皮鐵榦新枝蟠牧童摩挲談往事甘棠猶憶狄
登壇大宋名臣與猛將西征燦列青簡端銀川向無別古
蹟惟有此樹根瀟漫吁嗟乎人貴立德次立功莫使姓名
同草木一朝搖落隨秋風至寧夏云賀蘭山色豁雙眸楊
柳村邊古驛樓一夜鯨風吹海立滿身梅雨渡黃流炎蒸
午日昨猶暑涼透綿衣今乍秋隨處清渠環綠壤果然人
到小蘇州八月十三日出滿城南門外登嵐峰寺望賀蘭
山云何處烟霞盪我胸城南古寺歷奇峰披雲樹色連還

斷過雨嵐光淡帶濃朝旭燦開金翡翠夕陽秀削玉芙蓉
葦塘三面青環繞疑在瓊樓十二重

中江縣迴水舖旅舍題壁四絕妾成都迴瀾閣下人也幼
與妹舜英學詩于從祖姑恆願得知音者共事中櫛此生
之念畢矣不意于辛巳夏有秦人髡奴兄弟以重金餌于
父母售于姊妹為妾歷途路之崎嶇備嘗百苦對村夫之
鹵莽致嘆終身嗟乎貌不如花敢言薄命遭同集蓼未免
傷心昨宿趙家渡見蜀女翠娥題壁二絕憐所遇與于姊
妹略同分步其韻舜華云一從彩鳳逐鴉飛風韻春情漸
漸非最是傷心驢背上聽他杜宇勸人歸舜英云遠嫁吾

卷二

圭

儕步後塵文章印板不翻新羌胡先有明妃去豈獨文姬
是恨人

潘江遊蜀與諸詩人唱酬贈趙稚竹云攜琴佐單父弱冠
早服官爭琶座方合古調莫輕彈湛湛青芙蓉利絕此何
器繞指未能柔奇鋒莫輕試我琴久焦尾有劍亦蒯緱微
言愧持贈長嘯蜀天秋琴臺朝日黃劒閣暮烟紫萬里雲
鵬程看君自今始

宋紹興間有沙門曰鐵琴愛山水之勝卓錫梓州忽聞江
中呼救人聲甚急往視之則枯槎浮水上下以杖却之而
歸呼聲益甚取視乃旃檀也隱然有婆叟仙三字遂鑿為

像祀於華嚴閣後常化爲白衣士挾胡盧以鍼藥救人疾
苦且先見夢於篤疾者無不愈人以其感通響應因名其
寺曰靈峯今睡仙像病者摸之輒愈吳樹臣詩云翠巖凌
雲聳清流曲渚旋仙踪浮水出墨妙現身傳有閣立本吳
碑二絕壁牛頭拱青筠鳳尾鮮攜瓢丹鼎祕煮茗石牀眠
有睡仙顏曰維摩紺殿金輪麗層臺銅鼓圓江光波浩浩淑氣草
芊芊柳色舒金縷松聲叶雅絃芳華同越嶠春意繞岩泉
野鳥閒翻翅山僧不記年幽棲真福地靈蹟銘山顛
漢州張雲谷以詩名蜀生三子皆孝廉以詩世其家余識
其長子玉泉懷洵兄弟聯吟甚樂事也玉泉咏資州界泉

卷二

五

州西五十里西岩石罅中出泉二一清一濁劃然不同縱步碧山阿靈泉出石竇一
泓湛幽深澗瀉鳴玉漱銀河瀉九天翠影搖羣岫跳珠澗
斜陽清音雜宮奏涇渭忽中分豁然判左右有如巴字江
曲折成篆籀又如赴壑蛇盤旋勢若鬪玉斧何年劃汪洋
各奔湊以此悟化機川流渺莫究篔簹谷云修竹何亭亭
掩映篔簹谷翠影拂流雲疎枝雜喬木瀟灑出風塵芳姿
伴幽獨我家雁江濱琅玕青繞屋憂玉調宮商迎風弄箏
筑偶爾涉緇塵人海共奔逐望斷湘浦雲夢繞淇園隕今
忽見此君故人欣在目好訂歲寒盟堅貞保初服玉溪懷
淮界泉云原泉浩蕩來洶洶一石屹立當其衝奔雷激湍

走萬里亂石飛出雙白龍涇清渭濁終難改爲問分流知
幾載濟物功成會有時佇看朝宗入滄海篔簹谷云我家
有園沱水曲日對此君看不足頻年驅馬逐塵埃無竹眞
堪令人俗何來萬个凌青霄含烟解籜風蕭蕭會當攜客
參玉版食肉免受東坡嘲漁璜懷渭亦有界泉篔簹谷詩
余尤愛其龍洞詩云眾山磊磊如連鰲危崖突兀珠江皋
下臨不測驚洪濤雲峯上插青天高中有神物聲怒號雷
霆震撼風腥臊龍鼉辟易魑魅逃白晝慘澹陰雲膏槎杓
鱗鬣相周遭昏瞑洞壑深嶺嶺爲霖爲雨資勤勞坐使宇
宙恩光叨我來辟彼升木猿攀援首每低於尻心搖目眩

卷二

五

神怛怛一墮終懼不可撈蜀中最險斜與襲連雲棧細如
秋毫到此始驚堅且牢化工鬼祕誰其操仰天欲問頭頻
搔唐碑未碣埋蓬蒿靈谷肯使終藏韜細觀使我歌牢騷
天風浩蕩吹颺颺眾妙峯云一朵青芙蓉到此忽逞怪插
根極九淵眾妙來天外亂山去逶迤奔走如僮仆有時形
突兀嚴兵列長械有時勢盤紆窮邊設重隘頓失天宇寬
蒼茫雜陰晦窮態更極研天工亦狡獪賈勇躋層巔登臨
時一快人與猿狖爭路出飛鳥背石确怒當頭如坐復如
拜山腰蕭寺嵌懸崖古松挂飛瀑溯然來噴擊珠光碎俯
瞰萬井煙河流爭一帶古木與壽藤千年歷弗壞不知所

陟高陰雲空霽下界聞疎鐘一聲發清籟

后稷之生置隘巷牛羊腓字置寒冰而鳥覆翼拘泥者以

為誕然楚子文虎乳左傳亦言之順慶府西充縣有大人

跡某氏女履其跡而孕生子棄諸野馬牛避弗踐鷺鷥以

羽覆之母收以養及長舉進士不仕奉佛講經青蓮山青

蓮擁出八龍聽講今有八龍池在縣南高僧猶如是后稷

又何怪焉僧似宋時人未詳

康熙己卯科人以乩卜詢內江中式名數僅書一品字眾

莫解其兆揭曉雋何顯祖祝天錫喻宏林三姓俱有口始

悟品字之意內喻以是年五月入庠聯雋鄉榜占時尙逐

卷二

三

童子軍尤為仙機莫測

金蓮渠縣人不知姓生員陳其珍之婢也嘉慶癸未九月

教匪破渠縣金蓮負其珍幼子逃走為賊追及令棄其子

隨之去金蓮泣曰吾主暮年止有此子死則死斷不肯棄

賊怒將殺子以身蔽之被數刀猶不移賊乃捨去金蓮死

子卒得活

金川木果木之難文臣殉節者甚眾崇慶牧常公名紀字

理齋奉天承德人丁丑進士平日讀周遇吉傳慷慨擊節

泣數行下隨大兵剿賊管西路收支糧米營潰挺刃與賊

鬥殺二人傷一人賊眾不支被害於昔嶺贈道銜有殉節

錄程尙濂題其後云昔聞寧武周將軍守關竟自抱關死

取義成仁古所云浩氣撐扶照青史常公擊節過吉傳掩

卷唏噓不能已固知此事本性生讀聖賢書義應爾一朝

遇變以身殉畢吾事焉而已矣我讀文山正氣歌千古忠

純一僕指死節死事誠有間氣矜之隆寧足擬逆酋犯順

逞螳臂么麼跳梁如聚蟻昔嶺相距猶經旬非云壓境摩

吾壘就令避舍以待援要非首鼠兩端比公曰義在何所

逃慷慨捐生直如矢守土與土為存亡此事胡容更推委

炳焉義烈詎偶然見危致命亮如此 天子褒忠卹殊典

俎豆穹窿崇廟祀忠魂歸來復奚憾寧僅清白貽孫子蜀

卷二

未

山碧血燕山祠大節嶙峋應共峙

張寧陽字楓庭浙江仁和監生膳錄館議敘潼川府經歷

嘉慶元年升東鄉知縣九月達州教匪作亂縣無城與賊

營僅隔一水楓庭百計捍禦日不甘食夜不解衣者三閱

月冬晴水落賊涉淺登岸遂手刃數賊而死時除夕前一

日也明年賊退跡其屍不得忽羣鳥聚噪不已則壞垣下

稍露手足蓋路人哀而覆之者掘視之面如生吳秋魚昇

與交善哭之云憶昔從君呼小友我博微名君不售我年

未冠且雌伏君挾奇才遂北走果然青眼遇孫陽盡散黃

金酬漂母作椽名邦興頗豪論功絕塞人無耦人生會合

自前期我亦驅車過隴石萬里同歌蜀道難卅年重飲論
文酒君方縮綬宰卜蒲卜蒲縣小纔如斗三版城基已就
傾盈盈帶水難爲守無端伏莽起東川歲在丙辰月在酉
賊重如山復據山俯窺易可探囊取周遭白芳布河端出
沒黃巾遍林阜夾水相持秋復冬可憐顏鬢都衰朽赫赫
袁何兩總戎援師間道攻其後鑿兵三日士不疲礮石如
雷萬山吼誰信魚門蠱毒深大星同日歸烏有從此天機
孽歛張危城已入長鯨口十日不雨吹乾風河干偵邏嚴
宵撤賊如行蟻蹋水來白旂搖搖各在手力窮矢盡賊不
退六百勁兵齊投首舉刀殺賊一賊死萬賊萬矛來貫肘

卷二

三

整纓就義爲賊言殺我毋傷我童叟嗚呼男兒死耳分內
事可惜堅持三月久

吳秋漁與毛海客皆遊幕山左後皆官四川吳宰崇寧毛
牧簡州教匪之亂海客率兵役壯勇禦賊死越日僕某入
中門大呼曰我毛某寄魂僕身呼家人羣集言曰我臨陣
馬蹄故被害今被召敦迫不及畱吾行矣家人乃殺馬祭
之秋漁輓以詩云噫吁嘻毛簡州君乃海上狂客迥焉寡
儔後車十乘作賓諸侯胡爲乎名心躍躍老不休白首忍
作籠頭牛一官不過丞與掾載筆直走天西頭齊腰飛雪
埋不死絕域生還輕萬里正是蠻方結陣雲又來礮火槍

烟裏捷書屢奏官屢遷懷中若若青綬鮮西歸特許作循
吏升堂打鼓如神仙無端一夕驚烽舉賊騎宵馳疾於駛
守城事易禦賊難刺史請行羣吏止徵兵夜出城募卒朝
授矢倉皇一飯聞馬嘶上馬馬顛鞭不起馬不起賊至矣
交胸刃白血濺紫可憐海內才人死噫吁嘻毛簡州從軍
十載如遨遊半生出入萬死地不介不肖心休休生還乃
適得死所造物巧弄將焉尤靈旗颯颯魂來歸白日竟作
中堂畱老妻驚仆幼孫哭大呼去矣但聞繞屋風颼颼惜
我其時未得同嗟諷不然好與一長勦有淚灑向吳淞流
秋漁後以軍功升官按通志毛大瀛陣亡在五年三月

卷二

末

嘉慶元年十一月重慶鎮總兵袁國璜山苗疆領兵五百
至東鄉直逼賊營賊首徐添德率眾急攻三晝夜不得息
適陝西延安總鎮何元卿領兵五百從冉家壩土地壩轉
出攻其旁賊始退遂合兵老營巖或呼老營樹巨木編竹用
生牛皮纏縛結寨掘長壕布鐵蒺藜賊劫寨輒敗去于是
四五月無動靜以怠我師軍令每黎明黃昏官兵百人出
營放鳥槍一通喊三聲一日侵晨大霧號聲未絕賊起壕
邊擲火毬百萬如流星外用長繩飛鉤拔柵倒地平壕萬
眾撲入殺聲震數里火光滿帳兩總鎮亡兵士無一免者
二將最饒勇袁尤傑出秋漁有詩哀之云老營巖石齒齒

二總戎同日死本是桓桓宿將材可憐裹革空山裏吁嗟此戰何雄哉黃金散盡死士來十人選一一當百誓不殺賊死不回山前大戰三晝夜霹靂礮車劈山破破山賊走山上山賊頭紛紛半山墮賊營無煙夜無火賊孥聚哭官軍賀連營鼓角聲震天軍吏垂幃帳前坐五更月黑賊復來大霧四塞午不開奔狼沸竅瘳狗噬白日星墜聲如雷總戎雖死賊膽寒閉營三日不下山山東從軍者爲余言賊說降約期軍心盡懈漫不設備賊有潛下山者或見之知必劫營桂提臺是時官方微使人間道以告不聽是夜大霧賊盡伏壕中官兵不覺將曉或赤身出帳漫放一鎗

卷二

五

應故事賊突入皆不及衣俯首受屠惜哉秋漁隨軍營間見最真嘗書事云夜宿晨餐卒歲勞三秦三楚路周遭近來汲器都無用雨洗征衣血洗刀山頭號火燄薰天帳外寒風力透棉莫笑營中無臥具夜來高枕鬪鼉眠

達音泰滿洲鑲黃旗人以副將從征廓爾噶進攻聶拉木越眾先登鎗子透膊墮崖落水遇救得出以功擢松潘鎮總兵六十年檄赴黔楚攻剿逆苗陷陣衝堅所向克捷專平晉甘肅提督仍留川省剿辦教匪嘉慶三年首逆冷天祿盤踞開縣祖師觀石磴矗雲盤旋一線提兵數千相持三月仰攻不得達音泰勇氣憑陵提刀薄卡徒步搶上比

及兵力合撲而達音泰已被砍殞命沈庚軒輯弔之云將軍與賊不兩立衣鐵馬鐵心亦鐵手中神箭發不虛射馬射人洞其腋賊不知兵據山岳負嶠如虎不可迫自下而上枝莫施賊眾紛紛反投石麾下偏裨盡却退將軍率騎入虎穴置之死地竟不生從古用兵戒深入沙場裹革生平心可惜斷頭遭鼠齧金瘡雨洗吹血腥鬼雄尙欲掃妖孽蟻聚蜂屯已挫鋒黃巾指日盡消滅白骨縱使烏鳶啄青史長留肝膽赤自來臨陣偷生人幾見姓名書竹帛先是乾隆四十六年尙書周煌奏四川喇匪有朋頭名號乘馬坐轎白晝搶劫至是與教匪勾結滋事諸公不止焦頭

卷二

六

爛額幸兵威者定總統額勒登保參贊德楞泰及諸將帥智勇兼擅殄滅匪類四川官紳或作紀或作詩以頌功德而死事諸公亦遂與日月爭光矣

參贊德公忠勇多謀前後斬獲渠賊姚之富齊二寡婦高均德高二羅其情再文儔龔文玉卜三聘楊開第龍紹周徐國謨閻紹青等當再添元倫渡嘉陵江西川大震將軍追剿擒斬略盡梓潼士民立碑紀恩大書將軍官階及萬民感戴字楚督陶雲汀作歌紀之云妖星夜向西川地長蛇吮人血流赭赫然一震迅雷霆將軍旗鼓從天下憶昔么麼煽亂初祭酒鬼卒號嗚嗚始出襄鄖及唐鄧遂渡漢

汚穿夔巫數千里內肆蹂躪勢若火燎秋原枯卓哉將軍
好身手長嘯欲激龍泉吼健銳故是伏飛兵叱咤曾令逆
苗走有 詔將軍兵最精指揮更作巴西行西行幾載冒
鋒鏑驚湖綠崖事搜剔霜刀不放鯨鯢逃晴空屢見鷹隼
擊遂得籌參裴令公謂經略公將遙看幟樹揚無敵謂
督楊公三巴已清人可耕移兵北向趨階成誰知晝伏夜
復動窮穴突出颺與颺將軍聞之捲甲返疾馳颯若風雨
聲是時羣賊正奮起我軍新敗鼓聲死總兵朱射斗戰沒
死餘員 欽鴉得意毛羽張投鞭欲斷涪江水士女倉黃如
亂麻牽衣跣足哭不止將軍下令整且嚴持滿勿發視吾
矢餓鴟忽叫箭滿眼十萬賊人同草靡賊合黃龍徐萬富
得俸等十數萬人蜂湧迎戰將軍令軍士持滿俟賊近乃
發萬箭齊出遂擒陳得俸再添伍再添元帶箭而逃
窮追五日四接戰手斬鴟狐戮封豕賊自武連驛奔江油
元及楊正明陳國祥鮮其順等再添元賊自武連驛奔江油
善用埋伏為眾所推既就擒賊遂大潰輕騎進解四寨圍
歡聲上沸天雲委和號賊張子聰雷世旺等渡潼河焚太
人時谷成太和仁義四寨為賊所攻哭聲震潼河兩
地大軍至賊驚遁圍解難民萬餘詣營叩頭而去潼河兩
岸遂肅清賊連敗於中江三臺殺偽總兵張長生等餘賊
不敢西渡望見將軍旗幟重脫刀兵事耘籽嗚呼此戰何
輒走蜀人至今廟祀之可無稍緩須臾蜀危矣祇今事隔十年來陰雨猶聞鬼夜
哀山坡往往拾遺鏃斑爛血色凝蒼苔豐碑屹屹當道路

惜無文字鑄崔嵬我行棧道繚若線恍惚當年此酣戰如
公自是頗收儔御憶漢池誰召變教匪初起建白旗幾人
善學孫吳書不如且讀循良傳
沈庚軒悌額經略平賊詩云額經略遼瀋人稜稜瘦骨鐵
精神六韜不讀知大略甲兵十萬胸中屯平生大小數百
戰所向無敵真將軍歲在丙辰黃霧起秦隴楚蜀數千里
跳梁小醜肆喧應將軍一到民生矣安堵無詳法約嚴一
軍皆驚違令死公能將將 天顏喜 詔加經略貂蟬珥
細柳森沈勝算操四載賢勞堪屈指已未春正忽奉調銳
師悉統趨秦徼鼠輩伺隙渡嘉陵將軍一去羣狐嘯我公
至陝西西人交慶蜀人悲奪我福星去使我父哭其子夫
哭妻淒淒惻惻滿江堤定陝兵回旋靖蜀巴人快覩元戎
震疾雷不及掩賊耳拉朽摧枯如破竹千里銜枚走若飛
為感將軍心置腹動地歡聲眾怒消執鞭願作將軍僕笏
鼓聲過萬戶安成功五月兵非黠旄頭掃迹盡凌烟八方
無事太平年回思甘苦同烽控民到於今淚似泉
陳公瓊粵東進士督學四川廉潔不徇自校試卷一僕供
炊公閱文偶暇周覽署中隙地手摘野菜為蔬有大位為
子弟說優等漫應曰看文何如竟不查號而劣之巡考未
周陞去瞋俱不受官至巡撫臨邛東門外碑曰真宗師陳

夫子名璜字月川粵東人鐫其旁曰文郁郁廉所獨高山
流水永尸祝陳公康熙年間任

郭縣石公礎之僕名小保侍饌父父垂八旬無齒牙每廚
分甘脆必損口以奉父得雞豚肉未甚熟者以罐煮極爛
饗殮續進侍主幕遊不拘遠近得果餌可入存者彙集歸
致於父向廷廣咏之云反哺慈烏見此兒此兒天性不肖
瀛世閒梟獍多無算卑賤敦倫卽我師

保保爲蜀患久矣每出巢焚掠官兵剿除卽遁歸兵歸乘
隙出雖極力坊堵而附近夷地者每每受害偶檢故紙有
詩皆言夷地事與李海帆觀察咏難民者相類疑亦當時

卷二

全

人作也錄之山險斷復連沿山墾尺土拾石種荳稗鑿洞
開牖戶勢難聚族居跬步凜踴踴藉免填溝壑何暇憂豺
虎豺虎攫人食肆惡紛難數盤踞氛白熾子求兼子取日
昨突然來遍山飛強弩屠我堂上親戕我懷中乳妻孥被
牽繫雞豚遭俘虜竄伏荆棘中肌膚無完縷歸尋四壁空
灰燼沒兩股潛聲不敢哭如刀截肺腑此憤何由舒此恨
終難補擬將眾志聯同仇奮干櫓剿殺無遺類庶幾憤恨
吐所恐農代兵荷鋤無隊伍鶴唳膽已寒兆禍誰作主遂
使寇益張邊防壞靡監死卽膏泥塗生亦墮網罟纍繫赴
涼山利收三倍賈嗟哉長吏心傷哉邊民苦欲走苦無脛

欲飛苦無羽青燐終夜號白骨隨草腐孑然剩一身不如
膏鑽斧天寒依山棲灑涕紛如雨毀巢行日暮鬼神愁男婦

被掩執全家親骨肉四散分頃刻欲哭竟無淚欲死那能
得藤索繫其胸刀斧逼其側險山豎劍鏃狹路盤荆棘牽
曳如牛羊絕徑費攀陟肌膚無完肉足脛血淋濕弱者溝
已填強者縛轉急驅入豺狼窟鞭箠魂魄朝役冒毒癘

暮憩半維繫骨立饑腸鳴藜蒿齧殘汁天寒四肢僵破瓊
圍要棘雨淋五夜冷崖洞伴鬼域終身羈奴隸骨白無由
黑夷俗以黑骨頭爲主低首念家園冥冥關塞隔殃禍空
中墮愴懷慟離析椿萱存莫卜妻孥死莫測惟餘螻蟻命

卷二

全

偷活屈呼吸梟獍奉作主俯首學啾唧不能作聲語日昨
蜂擁出夷氛無時戢傳聞又大獲繫纍及童穉長坂逢老
婦蹙蹙走劣前詢是比鄰姥鳩形苦難識四顧闐無人相
與訴酸惻何時脫網羅吞聲不敢泣擄入夷被擄極夷巢
旅夢念鄉貫同難計多人慘死已過半欲逃不得逃追獲
骨折斷忍辱復忍饑餘生畱一綫日昨結隊出焚搶計已
慣室餘老蠻婆跛聾手足顛趁此不復還何日能得閒來
時嘆茫茫歸路實漫漫晝夜伏夜迷山谷竄足腫仗
匍匐腸鳴忘噉嚙驚悸動魂魄四顧時流盼命縱喪烟燴
魂期遊里閭竟夜雨淋漓四體積揮汗陡然墜懸崖自分

葬深淵忽聞更鼓聲烽火照璀璨疑虜復追來落蹤惟膽
戰須臾濃霧收烟燦列成見呼籲慘無聲拖曳始登岸百
死畱殘喘慟定血淚濺網破鳥出罟柳折魚脫貫迴思
蹇難身已瘡痍徧何幸得生還晦冥慶復旦踉蹌尋故居
鄰里各逃散室廬蕩無存骨肉同遭難聊棲棲莽閒歛歎
復感嘆逃難行

遂寧呂文肅公大器號東川督師荆楚大將左良玉偃蹇
求爲書扇公題款曰東川老人派明王時督師川中大勢
日去憤惋以卒郫縣孫瘦石鎮得其鎮紙博一寸二分長
六寸三分面刻梅花一株左書疏林深處梅花笑知有幽

卷二

金

人蹋雪來款題東川故物流傳可寶也瘦石咏以詩中有
云故園春燕巢林木白日荒村聞鬼哭靴裏冰寒光弼刀
林中淚濕寇公竹小片梅花鐫折枝日日書帷索笑遲關
山凍合無樵徑寓堂園林踏雪時結云張良破產總爲家
包胥哭師已無楚又云後先光儀玉帶生伯仲汝社詩人
鐵如意比以文信國趙忠毅之遺物不愧也

萬里橋在成都城外黃紹贊詩云萬里長江勢橫開第一
橋溯源來灌口急浪撼吳潮客路東風送天涯北斗遙空
前還折柳別意水迢迢通體風格適上弟紹贊亦有和詩
瀘州牧黃杏川魯溪子也聞閣亦多能詩

聽雨樓隨筆卷二

濟南

渠縣李珪順治丁酉舉人弟瑄甲午登第
登奎樓云城郭參差暮靄收重來此地不勝愁王孫前路
誰青眼父執於今半白頭葉葉棠梨霜後赤家家楊柳雨
中秋遺碑讀過腸隨斷蔓草寒煙迸淚流丁未下第後同
潘遊擊新吾話舊感賦帝里黃塵軋傲裘霜華暗逼鬢毛
颯也知侯印憎猿臂可耐儒冠誤虎頭抱璞幾年羞楚別
據鞍三歲哭吳鉤何當挽起滄溟水澆盡男兒萬古愁三
山雜感珠簾繡柱城西路父老猶誇未戰前他日尉陀專

卷三

聖綬幾年楊僕擁樓船春城晝閉飛燕野水晴看點點
鳶只有無諸臺畔草東風依舊綠絲綿芊青絲珠絡散平蕪
二月春郊草尚枯宛馬自來甘苜蓿魯人今復時夢芻空
村夜醺庸身值廣陌晨飛趣市符蒿目遺民成痛哭五年
剝肉給征輸瑤歲暮感懷步二兄原韻蜀山閩海思悠悠
暮角邊笳滿戍樓泉石近知何處穩風烟遙接故園愁投
身可得如張儉洗耳還應似許由誰念飄零荒瘴地南冠
千里獨羈囚聞笛晚霽江城夜氣清寂寥孤月對愁明誰
攜羌塞三更笛吹作吳山十月聲豈有梅花開更落自驚
楊柳折還生天舊業歸何日爲爾今宵夢不成榕城雜

咏民力東南人驛騷尙聞飛艦欲凌濤將軍自許標銅柱
長吏誰曾過石壕菊草夜呼朝市閉海田春隔綠垣高何
當借箸籌方略願罷乘風破浪艘別孫無燻贊社棠陰晚
未殘相逢誰復問南冠令君座上香三接公子門前鏡幾
彈从客未聞生馬角累人何止愧猪肝擬將千尺珠湖水
深比桃花一樣看秋興集唐十首沉雄瑰麗一氣流轉運
成句如出己手尤絕技也城上高樓接大荒汀洲雲樹共
茫茫天空絕塞聞邊雁葉盡疎林見夕陽舉世盡從愁處
老暮年初信夢中忙休將世路悲塵事且放懽情入醉鄉
自知無復解趨奔生事蕭條空掩門豈止形骸同土木試
將生計問蓬根尊中美酒常須滿身外浮名何足論食糲
苦心甘處困應須騎馬到沙村滿庭松桂雨餘天燈灑秋
光靜不眠心似虛舟浮水上影籠殘月到窗前門閒多有
投交客愁極兼無買酒錢張邴宦情何太薄不勞詩句詠
貪泉搖落深知宋玉悲夕陽樓上笛聲時愁如酒醖終難
舍心似孤雲任所之最愛葛洪尋藥處却嫌陶令去官遲
此時愁望情多少故國無家淚欲垂滿崖霜樹曉斑斑清
淺縈紆一水開長對碧波臨古渡不堪紅葉映衰顏誰言
有策堪經世尙用將金別買山只此引人離俗境朝看飛
鳥暮飛還綠蘿陰下到山莊爲報秋來雁幾行赤葉黃花

隨野岸碧樓紅樹倚斜陽偶因麋鹿隨豐草莫指雲山認
故鄉若使巢由知此意濯纓何必在滄浪亂離無處不傷
情泪滿殘陽問楚荆南國羽書催部曲故園田土憶春耕
殊方日落元猿哭遠客愁多白髮生 聖代止戈資廟略
諸君何以答昇平休將文字占時名買賦何須問馬卿彩
筆昔曾干氣象青袍今已誤儒生風生寒渚白蘋動鷺立
蘆花秋水明自歎猶爲折腰吏不將薤薜易簪纓分明記
得還家夢一路寒山萬木中野水亂流臨古驛夕陽和樹
入簾櫳風塵荏苒音書絕人物蕭條市井空目斷故園人
不至楚雲滄海思無窮高樓獨上思依依棣萼分張音信
稀霜嶺自添紅葉憾白雲空長故山薇數藜沙草羣鷗散
萬里雲羅一雁飛弟妹蕭條各何在滄江欲暮淚沾衣兄
弟可稱二難
孔君毓德山東曲阜舉人康熙閒宰昭化鑿石開路壬子
漁洋先生使蜀宿其見野亭題詩云葭萌朝掛席弭棹欲
三更月上嘉陵水山圍漢壽城主人具鷄黍邀客啓柴荆
修竹吾廬似因之故國情驛程記謂縣無城郭館舍觀鷄
黍柴荆句似畱宿山家其荒涼寂寞如見今有城而無亭
矣又虎跳驛詩路逗蒼溪縣荒涼破驛存流金稀見艇畏
虎早關門水合南江壯山連大劍昏巴西兵馬合多少未

招魂說者謂南江合石渠至合州入嘉陵江距驛幾千里
漁洋未免失考愚謂作詩一時興到不必深泥如白衛嶺
亦在昭化蜀後主詩云前望隴山排箭戟後憑巫峽鎖寒
烟去巫峽豈止千里且渺不相涉非如嘉陵江之可連而
及也卽如渡黃河崑崙滄海亦可入詩不嫌其遠然卽景
言情不宜牽率遷就議論未嘗不正存之以當吳縝之糾
繆

桐花鳳二月桐花始開是鳥翱翔其閒丹碧成文纖嘴修
尾仰露以飲至花落輒去號爲鳳或爲人捕至樊閒飲以
蜜漿哺以珍粒可以閱歲蜀士以繪扇李衛公常爲賦贊

卷三

日金花之露俗曰鳳類綠羽纖爪藻背翠尾花落則隱以
是見貴郵縣有來儀亭邑孝廉趙國泰字虞中有詩云綠
毛么鳳來桐花正開徧池水明空亭春光鎖深院眾鳥無
繁音離披五色絢樹梢飛不停風中自搖顛西園集清賞
東閣日傳讌對酒調銀箏看花隔團扇翩翩飛簾櫳去去
繞芳甸我聞小胥言惆悵不能見又桐花鳳辭云鳳毛綠
桐花紫絲毛映朝日紫花映流水春光搖落鳥亂啼花無
顏色鳳飛矣沱江兒女身著緋花邊迨步搖春暉陌上暖
風倒吹面但見花飛無鳳飛春樹紅顏都無夢妾似桐花
那似鳳飛花萎渾無情春情恰爲郎斷送一度花時一

度來枝頭葉底相毳毳鳳不來花不開

詩以比興出之最得風人之旨湖北徐陳謨迪舉蕪縣人
嘉慶辛酉進士同年曾暉春同在都候銓迪舉先得東鄉
明年暉春始得江西會昌作將嫁女二律以貽迪舉還是
春風待字身蹇脩邂逅悟前因暗驚老大將誰主敢怨蹉
跎錯嫁人守口先妨長舌厲乞憐羞效捧心顰更愁養子
何曾學辜負平生愛育真臨行疑信兩忽忽不獨丹砂記
守宮無米翻嗔新婦拙織練轉讓故人工眉思悅已描難
翠脂爲逢時點要紅三日羹湯厨下試小姑情性更誰同
喻意曲盡

卷三

犍爲烈女陳國蘭幼失怙恃育于外家羅姓受楊鶴齡聘
鶴齡客遊十餘年或傳已死將別字之女啼號數日不食
自經乾隆五十二年請旌總督保公給從一而終扁多作
歌詩以揚之者縣尉周明德詩云江竹何青青獨立性不
毀卓哉陳國蘭幽貞堪與比未作鸞鳳棲甘抱冰霜死婦
人從一終閨閣宜興起夫婿从浪遊猶期白頭倚遽聞凶
耗歸絕粒靡他矢從容別兄嫂奄息趨舅氏虛窗冷環珮
做麗萎蘭芷終焉葆清芬千載標彤史餓數日不死終死
于縊其志決矣激烈從容兼而有之縣尉長洲人詩亦古
雅可誦

于中行山東掖縣人乾隆十七年宰隆昌居心明恕洞曉
情偽而不為苛刻令如流水邑無廢事嘗掘地得一物紫
色似石非石似鐵非鐵叩之有聲聞明熊球曾得于野而
瘞之今復出土也置署齋前榜其齋曰紫巖系以銘曰錚
錚者釜磊磊者石奚以完汝璞而今得加諸膝抑近代之
玩也與自古在昔署令朱孝純過紫巖作攝篆會嗟吏治
紛三年蹤跡亦行雲官橋辛苦蹄涔在楊柳依依識使君
早應當年偶作災流離婦子倏堪哀為憐夜禱金鵝水親
見神魚跋浪來訟庭曾此坐鳴琴松桂蒼蒼接野陰鐵柱
峰前冰月在應知勞吏撫民心邑令朱雲駿紫巖詩卷石

卷三

六

勢嶙峋蒼然立煙磴乳泉漱其根松風滿清聽何年泗濱
浮憂擊聲如磬孝純號小溟
雲駿號畫莊

蜀稱天府又號陸海蓋以江水之利灌溉無窮也江流自
汶川而南其北無水秦太守李冰鑿離羣虎頭以通流於
江中設象鼻七十餘丈又籠石護岸水不蝕土洪流既瀦
號曰都江作堰以蓄洩刻六字于石曰深淘灘低作堰蜀
人至今食其德至元閒廉訪僉事吉當普于大江中以鐵
六萬六千斤鑄大龜以鎮其源明嘉靖僉事施千祥以鐵
七萬斤鑄牛二各長丈餘首合尾分如人字以其銳迎水
之衝萬歷巡按郭命又于牛外植鐵柱又于岸閒植鐵柱

三十各長丈餘踵事增修其利益永按冰于玉女房下作
三石人立水中令子二郎作五石犀立江南岸皆以鎮水
怪也朱凌雲詩云浪架嶺頭溢觴水芻甸喧喧砾層巖裂
雲披霧到離畢分支別派迅如駛憶昔蜀守勞疏鑿擬之
龍門功相若治水良法歷代傳灘須深淘堰低作祇今
聖主重民依循吏承 命繼前徽歲奉長菱棹石傳益州
胥慶稻梁肥我本生居導江縣閒步長堤情不倦快觀
盛世畜洩宜千村萬井安耕佃

卷三

七

東鄉招鄉勇來速滅之不一日率舊日鄉勇千人渡河而
賊已從萬家壩來桂知鄉勇與賊皆素識戒勿通語以鞭
揮兵直前奮擊又遣一隊繞賊後首逆被擒一戰奏捷後
為提督至清溪征猓猓催餉不至憤激成病卒新寧感戴
尤深其壻孫代芳輓之云天生元老作長城保障端資義
旅營酣戰十年殲巨寇教匪之亂
十年平定揚威萬里怖先聲征果
洛克
往還萬里偏裨那不傾肝膽孺孺都能識姓名倚重方殷
身遠殞全川洒淚淫雙旌瘴雨蠻烟聽鼓聲大星一旦墮
清溪剋期掃狼氛淨落月驚聞杜宇啼遂志原憑三尺
劍成功尚待一丸泥沒於王事復何恨馬革還尸漫並題

一病沙場得善終蓋棺今日定英雄鄉邦秉鉞膺專閫册

府銘勲爵上公壽考神明原矍鑠老成智慮竭精忠垂危時無

一語及家事但捷書剛遞馳凶問盡瘁無慚殫厥躬將軍

儒雅近龍光天語褒崇寵異常道光八年陛見上謂軍機大臣有桂

函勇而儒謀略不殊班定遠勲名直比郭汾陽形廷賜

卹君恩重奔葉蒙麻世澤長上諭凡諸子成立者獨

愧駑駘為半子青雲有路未騰驥公芳之外舅故知之更悉

張曾敏字遊求號鳧門安徽桐城廩生乾隆三十九年任

屏山作縣中雜咏正可作竹枝讀也曾說滇南萬里遙如

今一葦不崇朝空庭月上濤聲靜夜半還聞隔岸簫龍湖

山色景重重綠水中分兩岸峯豹子灘頭朝放艇一時齊

倒碧芙蓉舟到安邊放眼寬白雲紅樹兩漫漫灣環別派

橫江水原是當年釣月灘馬湖原界至橫書樓山勢最嵯

我酒興詩懷逸趣多聞得此閒歌鳳翥至今猶憶薛公過

薛文清公講學於此山腰徑窄半臨淵石磴紆回繞暮烟

一時登科甲者甚眾忽地瀑懸千丈雪加鞭走馬過飛泉江干黃葛午陰涼暫

解征鞍倚道旁安得此閒容一枕濤聲雲影落匡床萬重

山裏數平田百畝膏腴愛沐川一片水光明似鏡遠峯環

照黛螺鮮清水河邊柳眼開漁人家住碧潭隈扁舟一放

垂楊岸尺半銀鱗人網來肩輿牽挽人層巒岫側峯橫足

卷三

九

底攢霧起忽迷川谷隱相看人在白雲端山人種竹滿山

隈無事深林妙剪裁截竹作筒筒接水清泉白丈隔溪來

逸事多教屬野農柴門時倩白雲封籬邊犬吠無人問斗

栗磯頭水自春笑是川中景不同榜人乘浪不乘風鄉思

獨有江南客小艇輕帆想像中繞城千里水迢迢不見銀

鱗躍暮潮有客欲歌彈缺句街頭誰喚賣魚橋金沙江與

馬湖通盡日洪流獨注東無限蘭橈乘浪出滇南官廠運

京銅深巖有木不知珍老榦枯枝積水濱一夜濤聲春漲

下江千人拾自來薪灘高溜急水潺潺舟子偃僂石窟閒

千尺纜牽船尾掉終朝猶未過前灣龍溪咫尺有仙寰秀

出羣峯霄漢閒六月寒輕人遠至瓣香爭拜老君山山中

絕少水田耕那識嘉禾有玉秈終歲饔飧握粟山中謂

同為粒食太平氓採筍重巒帶鐸提林深箐密白雲迷斜

風吹雨歸途滑苦竹叢中叫竹雞深山記業業何堪半種

黃薑半種藍燒塢盡開勤苦作客來雞黍快幽探田家數

畝種山南婦子曾無一刻耽餽餉歸來慵不得又提筐葉

飼春蠶

嘉慶元年逆匪王三槐冷天祿起東鄉應徐添德破城自

後屢被寇至二十年徐陳謨到任始修城垣甲子孝廉張

汝誠紀以詩云萬里孤城萬仞山清時人老太平閒處堂

卷三

九

那計豺狼窟築室誰虞虎豹閑幾代因循餘故壘一朝鞏

固峙雄關鯁生欣隸併幪宇喜極回思淚轉潛清獻祠堂

懸日月江趙邑侯遇難有專祠睢陽氣節薄雲霄元年白

三槐等陷城仁丹心廟貌魂猶烈白骨沙場恨未消未賊王

和張邑侯盡節戰守無憑天地窄覬覦難免虎狼驕

早知陰雨綢繆計忍使生靈付鏡梟荒寨棲遲十八秋後亂

移治大成寨十烽烟倉卒費綢繆誅茅築土開官舍樹柵

八年始還舊治依崖起樓香海恩深鴻未集楊香海師在十二載思

未紆晴湖日淺寇難留晴湖張刺史署任一福星照處妖

氛淨談笑從容展大猷櫟槍人已洗天河山谷爭聞放犢

歌十仞崇墉雄且固三江流水靜無波東邑有前後中防

奸非恃金湯險足食閒儲米粟多惟祝後來賢父母於斯

地利計人和

放翁花譜載彭縣牡丹之盛與洛下等丹景山奇峯積翠

幽壑清泉多牡丹有高丈餘者天彭之名聞天下縣中古

蹟勝地甚多李雨村有紀彭縣詩數首彈丸原是周彭國

曾與諸侯會孟津漫把昔賢來竊比老彭便是此邦人杜

丹舊數古彭稠京洛遺風俗尚留孟氏繁華能幾日今人

猶自說花州花州孟氏移上東湖春水對西湖仿髯山陰

被襖圖昔日樓臺今已圯茂林修竹有還無東湖唐元和

創東湖宋元符南樓百尺壓城端湖影山光動赤欄誰似

風流文太守題詩千仞並嶺岼南樓文湖州有句云何西

北天屏是此州峭青危碧吐靈湫要觀六月岷峨雪試上

西城望雪樓望雪樓在城西丹翠蒼茫接翠微太妃輦跡半依稀

胭脂不用夸嬌蝶夢裡遠遶何日歸丹景山徐妃有句云

八十一洞若魚貫二十四峯相蟬聯至今葛瓊丁東水疑

是韋皋富貴泉葛仙山昔葛瓊寄韋皋云漓沅治裡鴻都

觀響石關頭白石溝高尙原來於此隱虛傳范蠡五湖舟

漓沅治范蠡學道處碧岫丹岑煙樹攢龍懷山本似龍蟠蜀中寺碣

多名蹟只數初唐王子安龍懷寺唐王勃有碑九隴雲峯盡出奇二

郎功德有專祠石犀不動波濤靜風雨長留誓水碑李冰

羅提臺思舉膽力過人將軍明亮甚奇之常以五人偵賊

遇賊數千慮不得脫急令五人悉受縛偽為賊擄得者賊

至索其人給以須人往背所擄財物候之約與同行遂脫

免威名甚著賊望旗幟輒走念賊不戰終不滅乃易服入

民寨賊果來攻奮勇擊之斬獲殆盡有奸民結寨自衛無

問官民輒尾其後抄掠乃令眾兵先過已與健者伏草中

輜重在後奸民望見出掠自草中哭起斬獲甚眾餘皆逃

散為千總時攻安樂坪地險眾帥進攻多失利自請以身

先夜率百餘人攀藤而上守卡者睡熟手刃之因風縱火
賊夢中驚潰方戰酣左目中矛傷不覺選一二百人越淵
投石精練無不以一當百常謂人曰吾不擊賊心不快聞
警輒忻然忠勇多智其天性也賊王三槐等起東鄉羅桂
兩提督亦生於斯蓋惡人造罪自當罹劫旋生收殺運之
人足見造物仁愛亦 皇仁深厚默邀天眷於無已也豈
非億兆之福羅提臺字天鵬

羅慎齋典湖南湘潭人乾隆開爲四川學政年九十重赴
鹿鳴尙康強健步聶蓉峯之師也與石琢堂相善同遊衡
嶽時慎齋方掌教嶽麓書院琢堂校士楚南將回贈詩兼

卷三

七

留別及門云濂洛淵源仰數公名山壇席古今崇共傳薪
火歸吾黨常使弦歌聚此中四面烟蘿嶽近一時風詠
舞雩同白雲紅樹秋容絢始信文章大塊工登山臨水客
將歸閒覓籃輿陟翠微河嶽英靈思夕秀泮林襟佩憶初
衣程門雪裏春長在郢曲人閒和亦稀幾輩鳳鸞猶息羽
此心常繞白雲飛慎齋不輕作詩亦走筆和云理學深傳
仰鉅公山齋雲壑置身崇塵喧隔斷平沙外清福流連好
日中覓句早梅緣昔有停車霜葉得今同兩番題品皆椽
筆畢秋帆第二人來寫未工老去橋虛號詠歸騷壇壯思
力全微及門官冷能供酒附尾輿輕得振衣獨學雄編貽

我厚說詩初稿証人稀直腸傾瀉疑傷俚未暇推敲任筆
飛和韻字字穩愜而意味更覺深厚開館朗江時有和朱
幼芝院中賞荷韻云自是紅香濯滿池栽培無力負皋比
編成脫穎錐如許並作生花筆亦宜謝句芙蓉君手出毛
詩齒蓄我心知頻來莫算肩輿值月曉風清雨過時朱名景英

乾隆庚午解元能記前生

成都海棠之盛聞於天下兵燹以後少有存者署榮昌傳
聞有海棠獨香亦杳不可尋嘉州海棠亦子虛之賦獨蔡
麟趾交枝海棠一詩婉媚可誦耳嘉陽海棠號香國佳種
分來稱奇絕種向丹邱不計年雙株環抱虬龍纏文窗窈

卷三

七

窈窕烟碧花枝掩映相新鮮春來開放一萬朶垂絲纍纍
櫻桃顫燕雀驚飛不敢窺桃花馬上紅粧墮花光籠罩三
丈餘下有芳草鋪庭除有時花葉落無限紅英綠莎色相
閒開樽席地與花對舉杯邀花花已醉依稀太真睡起時
沉香亭北欄杆倚蜀中烽火燭天長錦城宮闕同咸陽滄
桑幾變陵谷改此花獨畱嬌春光人生局促不滿百我來
看花頭半白安得三萬六千觴日日提壺醉花傍

署興文時自梅橋壩入境一路山石甚奇問之皆屬江安
心異之恨無人傳之也有林良銓者乾隆初爲瀘州牧工
詩遊江安詩有小序云自拖船了至梅嶺怪石奇峯蜿蜒

四十里不絕應接不暇予幼時性喜著屐遊覽名山水頗多而天然秀麗無出此右者口號一詩不足狀其萬一也可知佳境未經刻畫者甚多第不知嶺在何鄉詩比以武夷華嶽未免過當末云彷彿與從雲裏度依稀身在畫中行從今休說山陰道那得幽芳此一程

席世綉江蘇太湖人嘉慶四年署渠縣剿達縣教匪軍務倥傯民無擾累于其去也黃童白叟遮道攀轅有留別士民詩四首馬蹄到處踏巉岨峽歲經營力已殫散賑荒原鴻羽肅從戎邊塞角聲寒澄清似水談何易負重如山去亦難正是麥秋時節好黃雲一望路漫漫碌軍儲轉運

卷三

四

頻名場何事太勞薪此來但飲流江水歸去還尋錦里春未解劔牛難紀績並無琴鶴始稱貧羽書莫便催裝急多少攢眉待濟人二三舊雨自知名飲射閒時亦送迎藉以文章規雅正每於詩律究縱橫雲移遠浦開新境花擁征鞍載別情湧月臺前今夜月祇應相對有餘清漫勞遠近挈壺觴老幼分攜載路旁山色低徊猶可戀民情繾綣那能忘江頭日落三杯酒渡口人行九曲腸佃爾田還宅爾宅閭閻生計只耕桑

嘉慶五年賊乘元宵搶渡嘉陵江署總督魁倫檄朱射斗赴援射斗勇冠三軍進至老虎巖遇伏力戰死參贊德楞

泰自陝入川由廣元繞出江油扼其要路轉戰至馬蹄岡賊萃九股之眾四路拒戰參贊分兵應之眾寡不敵勢甚危參贊下馬踞地以死勵軍士賊忽披靡四散自相踐踏冉添元乘朱射斗戰馬飛奔池中不出官軍聞賊眾呼元帥遂共擒之鎗斃其弟添恆方戰酣時見朱總鎮人馬自天而下沙石飛揚故賊潰也械送添元於成都磔諸東市首重十八斤其心黑嗟乎朱公生能殺賊死且爲神報國復仇豈不烈哉乃其馬致賊首於死地大快人心亦當塑於廟門

卷三

五

沈澹園觀察清任浙江仁和人與吳白華學使顧晴旭臬憲以詩唱和所至好爲題咏和朱小溟登都江廟閣留題序云朱東海題壁閱五年矣甲午嘉平念又一日張椿山邀余小敘此閣醉塗西壁復和前詩時東海爲泰安郡守卽以寄懷並示來通道人也爲訪梅花出郭尋松杉小閣倚雲深留題舊有虬仙跡潑墨新看醉客臨一帶江聲寒日短四圍嵐翠酒杯侵瑤臺笙鶴無消息泰岱峰高悟道心原作道人何處費幽尋松樹參樓綠雨深萬里江源爭瀕洞百蠻嵐翠倚登臨煙霞冉冉丹經祕天地茫茫華髮侵濟世無才思出世白雲仙更有遐心
余再宿長寧未見有松園初時尙存邱上峯有詩甚蒼勁

序云邑治署中有古松五章不知幾歷年所挺姿夭矯龍
鱗虬鬣屈蟠萬狀對之寒肌生粟恐虎頭妙筆殊難髣髴
晨夕瞻仰穆然起敬愴然感興爲賦何代盤根歷風霜五
老鬚眉鬱蒼蒼餐霞沐露孕元氣踈幹盤礴摩天揚騰跳
怒姿衝碧落餘枝攫拏披分張虬龍偃蹇青銅色長風反
走轉昂藏霜皮鐵甲夜叉臂虬鬣爪鱗會騰驤排雲鋪蓋
翳白日踈影亭亭落印床不希秦岱秦封號不愁月窟斫
吳剛天風颺颺海潮上空半宮商和琴堂蒼翠陰森來元
鶴唳如文鳳噉高岡松下招鶴彈琴者誰氏是否當年清
獻來雙江垂芘石谿花兩岸羣芳蒙蔭滋而昌嗚呼五松

卷三

七

果爾比甘棠仰止清操彌徬徨屬爾斧斤無剪戕千年脂

珀鬱含香字眉三號路村

天池在硯山下爲寇萊公所開產白蓮常多並蒂乃希夷
所延者尤秉元宰樂至白蓮盛開置酒池上作詩云天池
之中開白蓮天池蓮種仙翁傳仙翁種蓮去已久天池之
水常瑩然尋源近在硯山麓小橋宛轉依山前泉流一半
就淤塞誰復疏鑿開晴川我來蒔花樂城下樂陽花發紛
綿芊重尋蓮種繼遺蹟一池蓮葉生田田仙姿出水謝瑀
飾冰肌玉骨清而妍風前珠瀉葉泛泛雨餘香放花娟娟
官衙日永了公事納涼池上時盤桓臨流酌酒不知暮醉

倒何妨石上眠山風振空月東出醒來疑在清虛天水濱
花開如有意清風明月原無邊傳與樂民共遊賞不須更
問華陰仙秉元江蘇元和舉人乾隆七年任

鹽亭張澎才優學贍嘗賦蓮花漏某制府覽之大賞贊贈
以二金杯稱爲西蜀才子第一僅領鄉薦後無聞

詩有淺淺着筆而意味悠長者陳書詩云淡淡蒼烟谷口
迴驛門古道長莓苔莫驚衣帶清香滿適向梅花樹裏來
陳書鹽亭人康熙進士

富順唐德一字長民號棠溪吾東循吏也幼有神童之目
雍正丙午舉人丁未登明通榜授山東平原令摘奸發伏

卷三

七

若神明有會姓者已定婚豪右強委禽焉屢訟不伸立訊
得實捐俸爲奩當堂成婚置豪于法二載引歸民知令貧
歛金以獻不受祖饒十餘里不絕有夫婦抱幼子叩首于
路者卽會姓也在任時邑人孫今延董元度皆受業後俱
入翰林元度號曲江博學工詩深爲曉嵐先生推重告歸
後造就尤多乾隆丙午重赴鹿鳴年八十三子叔元丁酉
孝廉隨侍弟德隆德達德嘉皆文學年登耄耄六世同堂
人號其里爲仁壽里

粵西有扶乩於湘山者箕動自言蜀女吳氏小字碧蓮隨
父任未笄而歿葬此岩下題詩甚悽婉詩云裙布荆釵尙

有家可憐隨宦喪天涯湘春門外波千頃洗鉢崖前路幾
 又怪石空留寒月掛青山長伴夕陽斜鳳凰臺上難回首
 何劫能開並蒂花請再次前韻又題一首曰燈火熒熒古
 寺家合情默坐恨無涯柔腸淚落湘江冷冰骨魂飛蜀道
 又佛殿有聲鐘磬合荒烟無樹野蒿斜青山綠水依然在
 故冢蕭蕭蘆荻花具此靈心香魂固應不泯一時名輩多
 和之今年六月王遲士周東泉與兒子紹宗共請仙降
 壇白書青峰玉女作詩云畫得雙蛾似遠峰強開明鏡拂
 盤龍衫裁杏子春痕淺門掩梨花午睡慵歡喜光陰還憶
 昔淒涼院宇漫愁儂自憐消瘦今年又怕見西家窈窕容

卷三

六

又書云諸君看似修真語否持以見示余曰此春閨詞耳
 吳詩無仙氣有鬼氣此詩並無鬼氣或仙人遊戲耶及他
 仙至問玉女何人詩何意仙云係元人誤落紅塵後得全
 真因奉勅往裁眉監採仙藥作長生會故匆匆而去詩特
 追述其平生也
 明督師呂東川大器安岳人殉節貴陽子名潛字耘叟髫
 年登第絕意仕進工書善畫自號半隱綿竹令王謙言因
 其同邑唐載思求得書畫詩以為三絕集唐長律贈之半
 隱詩漁洋曾選入感舊集不具錄錄王詩才高登上第坊
 人望積南宮飽繼世新恩厚思酬主澤隆徐時艱方用

武劉長勢屈難為功杜回顧長安道盧照仍觀都邑雄蘇
 鼎湖龍去遠杜人海畫塵蒙無悵望悲迴鴈元精誠貫白
 虹駱賓戀親惟委咽張九移孝入為忠張九巖谷成君父
 黃山河誓始終杜市朝今日異杜詩酒古人同王賦賦孤
 城外杜行歌荒野中李興來綃潑墨容詠苦月敲空曹中
 散詩傳畫司空陶潛屋不豐白居易菊花垂溼露李竹影漏
 寒叢王高節人相重張九虛心暗在通張神交疲夢寐
 沈歌韻頌絲桐王昌麗句慚虛擲元浮生任轉蓬杜含毫
 意不淺錢起垂範播無窮裴逸韻知難繼陳詩且未工王
 火雲滋垢膩杜清潤仰磨礪陳師願接烟霞賞李高談破

卷三

七

宋聾張九謙言江西安福舉人康熙三十五年任
 隆昌縣石谿橋石壁上聖書一絕句云桃花依舊放山青
 隱几焚香對畫屏記得去年春雨後燕泥時汚石谿亭與
 晚唐儲嗣宗小樓絕句大致略同但易太元經為石谿亭
 耳朱邁人官于蜀見之為人傳誦漁洋采入詩話朱畫莊
 雲駿宰隆昌為立亭徵詩遂為故事先自和一首云水流
 采采草青青一片風光接玉屏春雨又開花半樹飛鴻幾
 度短長亭時和者甚盛歷城朱明府琦次韻四首云羣峯
 不改雨餘青題字雲迷九疊屏却怪懷巢新燕子春來依
 舊覓空亭偶逢佳句眼還青七字流傳自玉屏不是吾家

多好事遺蹤誰訪石谿亭村村花柳野煙青遺墨消磨虛
翠屏好傍谿山佳絕處更臨略約結茆亭春山長繞懸門
青尚憶高齋六尺屏過客匆匆成潤別無緣畫壁向旗亭
杜廉使王林云巴山雨後晚來青人在圖中看翠屏燕子
巢空花落盡春風依舊短長亭露冕依依柳色青漫將詩
句寫雲屏石谿橋畔知何處回首蒼茫載酒亭沈太守清
任云谿上春山放眼青畫闌紅燭醉銀屏鳥啼花落尋常
事欲結漁洋詩話亭李太守永祺云雨過春嵐分外青何
人點筆拂雲屏桃花開落空山裏惟有谿聲度野亭高司
馬芝云萬疊雲山入望青恍然身世到南屏年前殘雪梅

卷三

三

花候人在孤山放鶴亭谿亭重構舊山青亭外山花簇錦
屏極目雲天重回首故鄉五百五長亭楊刺史湖觀云小
春時候草還青玉壘行人入畫屏杳靄雲山何處是茂林
啼鳥歇涼亭蜀道天高萬點青一山一曲盡如屏石谿橋
畔題詩處何似臨邛春草亭吳刺史蔡孫云數峯渺渺數
峯青漱石泉飛挂錦屏芳草路迷人跡斷詩魂猶遠舊谿
亭陸明經炳云燕不尋巢春自青看山空復羨如屏阿誰
迷却桃源路腸斷谿橋是阮亭徐大令鼎亭云蜀江水碧
蜀山青春兩年年溼錦屏詩史到今傳軼事啼殘杜宇石
谿亭李大令元奮云萬疊奇峯未了青美人踪跡隔雲屏

隆橋驛外石谿水今古含情是此亭吳大令映白云晴山
新洗佛螺青雲態花容入錦屏攬勝最宜招客飲石谿亭
是醉翁亭趙大令憲高云葳蕤滿徑草痕青點染谿山幾
幅屏名跡重開觴詠地右軍未許擅蘭亭段大令玉裁云
彩雉朝飛宿麥青春寒料峭入雲屏桃花流水仙源路合
著詩人一草亭臧大令榮青云石谿橋畔草青青谿外春
山列翠屏流水桃花自千古雪泥鴻爪一孤亭摩挲斷簡
眼偏清雅集重開六六屏贏得新詩題壁滿他年佳話播
旗亭劉大令逢泰云峯峯遠眺入雲青流水桃花遶石屏
記得隆橋風物好幾時重訪舊谿亭夢裏江南一髮青五

卷三

三

湖煙水做雲屏遂初時把樓峯志春雨香泥憶廢亭高大
令上桂云石谿環望四山青依舊桃花點翠屏佳句爭傳
人已遠夕陽何處訪空亭元太令時云芳原初見柳絲青
細雨斜風冷竹屏我亦江山流寓者不堪回首是離亭張
大令兆星云清香杳渺入谿青難把幽懷上紙屏借問石
谿倦遊客爲誰憔悴臥林亭楊大令宗岱云雲多不碍舊
山青小雨春寒溼翠屏橋畔有人歌妙曲相將賭句上旗
亭湯參軍健業云壽世書成付汗青循良應上 御前屏
劇憐竹屋蕭蕭夜撫拾殘編到阮亭凌國學學會云茶杯
小住又山青谿口衙衙列石屏料得筭與頻到日搜尋殘

墨立空亭凌瑞珠云小桃齊放舊梢青婉嬾遙嵐敞翠屏
約略百花潭畔見畫橋紅影落谿亭

陶友美雙流人生十歲父母俱喪友美哭踊不知所爲稍
長且有室每念父母猶嚶嚶作孺子泣康熙廿一年偶借
友過青羊宮友美獨聞院內步虛音樂欲入覘焉友嗤其
妄友美遂獨入見諸羽士列坐一羽士以玉尺量其體曰
善士六世人身韶光七十有七俄聞天半風聲一衣雲帔
者飄然而下友美隨羽士前迎獨顧友美曰識我否友美
默然曰吾姓趙居太行山爾吾弟子別離幾日而不識耶
爾思父母甚苦爾父母已再生江右不可得見惟前生父

卷三

圭

何國璽母楊氏居溫江田家寺可往求之爾妻呼爾急爾
當歸也命童子送之還家初友美之入院也仆於道友呼
之不應昇至其家五日矣至是歛然醒則妻方撫之泣既
至溫求田家寺不得一父老曰古有田家寺今廢卽出家
橋耳訪之果得何國璽夫婦年老孤貧如道人言乃迎歸
孝養二十餘年卒友美後素食清修以乾隆五年庚申正
月六日卒正七十七年也

德陽縣宋時有孝烈女張氏救父以死天爲降紅雨事聞
勅建坊後人爲立紅雨祠歲時演劇以祭劉守德號壽山
作長歌云澧有蘭兮沅有芷巾幘之中有男子男子讀書

學孔孟成仁取義事應爾嗟彼婉嬾弱女兒生來從未讀
書史一朝熱血灑平原烏啼月落泣神鬼在昔妖氛播西
北歲占甲乙地爲紫橈槍星掩井絡暗芟夷不避孝感里
張家有女未及笄以身捍父不辭死香汗散爲侍中血瓠
犀敲作睢陽齒蛾眉宛轉白刃下可憐弱質荒草委此時
雲暗日無光蒼天囚之淚如洗杜鵑哀啼湘妃哭化爲紅
雨血相似緹紫一紙書曹娥一江水臨難不懼未若此別
有刮面引鏡莠耳用刀者猶是兒女情長耳豈如孝女殉
父事更烈不謂草茅幼賤乃有是里中士女感奇節建坊
作廟隆其祀年來荒祠生燐火茫茫事蹟漫無紀聊作浩

卷三

圭

歌表前徽虹躔婺女光未已石可泐兮山之東流可罄兮
綿之泚小祠一燈大如豆千秋長照斜陽裏
順慶知府符兆熊號東厓在章谷隨督餉大臣桂辦理軍
務一日扶乩題詩云生死終由命窮通不必論三年空飲
憾功業屬他人問何人大書死難大竹知縣程蔭桂也程
字燕山號香巖浙江杭州孝廉乾隆己丑補官金川之役
守糧臺癸巳六月初七夜賊從西山壓下鎗石雨集火光
燭天與民夫固守納溪縣尉許濟東光人長身多力在科
多後山聞鎗聲知有變馳至挺矛殺入斃賊六七人程已
受傷仆地許令夫役背出其子烈冒火搶印天曙救不至

許程俱被害烈遇賊投河死至是問爲何神書蠻方土神符與程素相識云符河南寧陵人監生

洪雅有碑在馬項崖劉文秀於此建造宮府僭王號刻石紀事俗呼爲蜀王碑李若沆有詩云消磨風雨蜀王碑萬馬南來欲帝誰 聖主應期開北極天心眷命宅西岐千坵疊疊餘芳草八面青青冷翠旗爲剔苔紋聲已咽不堪重聽話流離

德陽縣西三十里有仙女洞傳聞其事甚奇前人有詩客誦之命余和作仍用其韻聊以紀事云爾昔聞江皋女解佩相戲弄又聞天台仙青精飯亦供長陽祕靈境有客爲

卷三

三

傳誦從禽美少年獵犬忽逸縱尋蹤漫追逐谷口狹若甕媯然兩仙姝迎笑欣目送緩步采靈芝瑤草誰爲種微風響佩環霞裳飄欲動隨行過山坳巖岫嵌深洞薜蘿垂簾幙滴乳成梁棟轉身忽滅影石壁青無縫微聞杵臼聲擣藥將安用澗底水空流花閒鳥自哢白雲深復深迴頭恍若夢異事播人閒聞風慕者眾我欲從之遊蠟屐與誰共疑有麻姑仙雙成爲侍從想像五雲閒翩然跨鸞鳳青城山在灌縣西南八十里乃岷山第一峯有三十六峯至大面山爲山之巔山後卽老人村道極險遠溪中多枸杞盤根如龍蛇飲其水故壽夷堅志載關壽卿曾遊其處

日暮烏啼猿嘯月出微明花香撲鼻視之滿山皆牡丹止宿老翁家饋一物如小兒狀不敢食不知爲松根人參也明日導往旁舍爭相延欸曰茲地無租稅經年無人迹畱三日始出所見百餘人少者亦龐眉白髮此與漁人入桃源相似近日漸通人迹染浮華而壽亦減矣太古淳樸之風思慮少飲食淡爲後人鑿破渾沌高士所以入山惟恐不深也朱凌雲詩云樹裏雲村擁翠鬢獨從世外駐童顏養鷄翁荷鳩筇出抱犢人披鶴髮還入畫自應踰洛社采芝何必羨商山須知此處乾坤別花木長榮古洞閒

卷五

五

雪裡披蓑寒動一天星斗雲閒補衲暖回大地山河按雪蓑不知何許人遨遊吾淄與張儀部相交能寫大字徑丈小亦徑二三尺如龍蛇飛舞儀部愛而學之子孫以書名青州衡王誕日道人於南山磨崖書大壽字刻成橫畫閒可臥一人至今如故不知其何以書也大宇石刻余多見之傳爲萬歷時人或以爲仙果親王來川歷名勝多有題咏善擘窠大書甚適媚經相嶺口占云奉使撫西戎嚴冬登相嶺古人不朽名千載如斯永景仰諸葛公志亦壯矣越大岡山云已過連雲棧幾重何如首險大岡峯行人莫漫生勞頓萬水千山不易逢

不憚其勞而以為難逢作詩者尤宜具此識力

天台山宇中名勝彭縣有山亦名天台在縣西八十里有三十六峯古詩云天台三十六峯斜中有仙人數百家我來春酒家熟滿山開放碧桃花詩有仙意比之桃源不知何人作也

巴州七十里恩陽廢縣之東有三峯山唐小說撫遺所載甚奇姑妄言妄聽耳云紅梅係上界仙人謫此山叢石開化紅梅二株其一南向吐花繁密北向者無花每南枝花放奇芬馥郁縣令張士遠建紅梅閣於其上後令王名瑞陝西人子鶚讀書山中至閣下聞歌聲啟視無人壁閒題

卷三

三

詩後書紅梅氏乃折枝貯瓶忽有少女自瓶出冰姿綽約裙裾翩躚白云王母侍女姓張小字肖桃遂為夫婦後王公遷秩維揚鶚百計攜本去及中狀元因事出知恩陽仍與梅遊三峯鶚悵然曰煙雲過眼風景已非石畔留根處依然一枝孕花女手指曰彼處洞有巴蛇名潛長數十丈傷人多矣鶚請王天君誅蛇而女云謫滿緣盡亦辭去所題詩云南枝向暖北枝寒一種春風有兩般憑仗高樓莫吹笛大家畱取倚欄干山亦名義陽山山前有讀書臺巴蛇洞閣前有仙女石
獻賦屠蜀惟不敢犯秦良玉乃有奇女子而名未著則劉

應選妻陳氏也為什那陳百戶女有膂力善騎射獻賊屠縣人多依山築寨自保遂率團練札兩河口應選疾昏夜賊擁眾來攻陳提刀出禦斬獲多人賊潰退去後結柵木瓜坪應選死諸婦女避寇者皆依之隨教之戰陣練習刀矛號娘子軍賊至陳身先拒敵居山四五年糧絕煮木實炙雀鼠以食俟賊平散諸婦女各從人陳移夫柩歸葬苦節以終

杜少陵懷古詩咏昭君似生在荆門咏負薪女若道巫山女麗醜何得此有昭君村今巫山東九里有昭君村李專詩云空舫峽裏近花晨一綫天低不見春肯信山川如

卷三

三

此險鍾為窈窕竟無倫紅顏免頰描難肖青冢龍沙怨未伸世代屢移遺蹟在琵琶休撥暮江濱專字知山遵義人貢生遵義初隸四川

花蕊夫人宮詞艷絕千古文人學士嘔心不能學步非獨才華不逮緣未親歷其境縱極力摹擬皆隔膜耳宮中情事夫人皆所熟悉而又輔以綺麗靡曼之筆隨手拈來皆有生韻後人讀之宛如目覩也黃俞咏夫人宅云歌舞當年進蜀王應憐遺址牧牛羊茸茸細草堆芳徑漠漠寒烟覆短牆城上豎旗千載淚宮中題恨滿簾霜英雄多少埋荒土不及夫人姓字香

江南監生張

咏文君薛濤貶其失節迂腐殺風景漁洋謂欲講道學不
如作語錄何必詩也董新策薛濤并云碧甃銀床不可採
并華清似百花潭深紅小樣箋誰染零落胭脂三月三陳
一泃琴臺云琴臺秋老木芙蓉落落銅官第一峯偏有女
兒識名士人生那不到臨邛風流蘊藉斯爲當行

楊國棟浙江山陰人涪州州同攝篆我邊作竹枝詞頗得
蠻中風景佩風山外早風秋飛水巖前水亂流終日山南
與巖北風聲水色令人愁郎從峯頂看新晴儂住峯腰聽
雨聲一樣青山晴雨異儂心殊覺不分明亂猿啼徹晚烟
沉茅屋山村帶水潯楚語吳歌相遇處五方人各異鄉音

卷三

三

今年玉蜀滿山頭纔得開荒便大收共約鄰家賽神去瓜
蘆池上水初秋金山銀洞路無窮鐵窖銅坑一綫通聽說
萬人傭役處峯峯寶氣夜來紅高澤咸平十二家朝來市
上買新茶學成漢語同人說說是今年歲不差隔水牛羊
自在閒笳聲吹出古林間涇河日暮渾難渡一夜愁心月
落山蓬鬆雙髻亂盤鴉也解刀耕也績麻只緣生長深山
裡不識人間富貴家萬壑千峯雲影垂誰家橫笛中宵吹
東方欲曉角聲動夢醒山城聞子規陽山江上雨冥冥秋
草纔黃春草青多少猿人銅鼓曲年來親自太平聽
朱畫莊雲駿江蘇金匱舉人乾隆三十二年辛隆昌風雅

自命好遊山水隨在題詩有九日登迴龍觀詩觀在迴龍
山東麓山有瀑布雙流競飛石當其衝水流石上翻雪跳
珠頃刻萬變斷岸千尺灑然下墜聲如轟雷奇境也詩云
驚心節物向闌珊九日攜樽過石壇楓落江潭秋潦淨雲
藏佛塢曉峯寒素交不爽清風約黃菊初開白露溥無限
蒼涼乘薄醉振衣千仞思漫漫金鵝洞在迴龍山之後溪
水遶縣東南穿隆橋西折環山之趾下爲懸崖飛流如練
俗傳有金鵝藏內畫莊三月八日邀客遊焉詩云暮春三
月天風和游絲冒空燕掠波同人懷古訪金鵝支筇犖确
經坡陀曲徑隱隱聞鳴壘萬壑交注迸漩渦凌虛疋練懸

卷三

三

薛蘿皎若秋夕橫銀河平原王生胸星羅長吟抱膝坐綠
莎張君興高醉顏酡中州豪傑俠氣多語我築亭山之阿
日對飛瀑惟酣歌潺湲千載一剎那
清溪縣每日狂風晝號颯颯從萬里外來故謠云黎風雅
雨又有風洞青神令陳登龍詩云黎風自古天下傳我本
所聞未所見下車舍館未遑定大窾獻獻已先扇初猶和
緩被林木枝敲條擊葉驚顛少焉如呼且如號厥聲漸巨
波濤亂奔雷震霆怒橫衝金戈鐵馬鏖交戰濛濛飛凌自
天掀漠漠驚沙連地旋豈唯拔樹撼瓦屋已厭連朝苦無
閒吾聞大塊噫氣是爲風順時悅物本柔善胡爲斯地行

蕭殺號令以嚴四時徧蠻荒瘴癘每中人昏鬱沉埋神氣
倦揚之則散天心仁猛濟寬行時偶變聖人盛德法乎天
一怒而安見於傳

黃鑑字秋水昌黎人漢軍隸正紅旗康熙年任長寧善詩
著有千頃集讀吳松若中秋詩戲作萬山茫茫雲蒼蒼孤
城寂若無人鄉城頭秋雨飛昏黃啞啞栖鳥集女牆仰看
銀漢何茫茫蟾蜍走匿玉兔藏此夕何夕增悲涼安得道
士來我旁袖中取出一寸光散作空明萬丈長延陵季子
殊慨慷把酒問天歌激昂素娥驚起趨吳剛斧削蒙翳掃
八荒冰壺高懸白玉堂照徹下界窮毫芒嵐山若響鸞鳳

卷三

三

翔耳邊恍惚聞霓裳此時為樂樂未央金鷄且緩啼東方

詩筆揮洒自如查通志長寧令無其名疑謬

石泉在蜀西北隅峭壁雲連長江雷震一線羊腸奇險過
于三峽七盤割其一角皆可作巨然僧烟嵐圖觀惟是地
界番夷控馭為難白草番昔稱難治今等齊民邑令姜炳
章有白草歌頗詳此地風土歌云明運當中葉邊事日紛
綸尙方無長子行陣仗私人吐蕃遺孽遍江岷白草跳梁
連風邨賊騎未連營官軍忽瓦解今日攻堅城明日燒官
解殺人如麻以其肉為醢三巴秉鉞東沙君張公時微合疏乞
還何將軍都督何卿走馬嶺頭黑霧昏走馬嶺下漢軍屯將軍

誓軍門嗟我貔貅士如其抱頭生寧使斷頭死直入虎穴
得虎子天贊成功乃在此士盡脚救馬不鳴風聲雨聲軍
無聲螿弧而呼將軍登忽爾霧捲驚天兵軍威赫如電番
兵猶鏖戰將軍提卒九千人摧堅陷陣面當箭鴉乎鶴乎
鳥獸散鷓兒軍士搜賊營四千八百七十碉樓一日平自
此承平數十載野子狼心總不改歲在丁丑尋戈矛走馬
嶺頭營故壘開府王公武略雄王公大帥劉君意氣同
劉埋奴號罪折矢誓願為白人從華風番民以白為善
羌叛服無常性德布威行自效順 天朝振鉞赫神武裂
闔馘獻清六宇西域三十六國歸版圖何况區區白草風

卷三

三

邨一丸土 朝議內地黜蠻官但教長吏為慈父浸淫兩
露百餘年襁褓獲鋤安作若兩度蕃花春復秋一身穩
晴兼雨鐵脚銅鍋昏禮敦樹頭木尅錢刀數嗟我來作吏
驅車河西東大鳴渡徙小鳴渡小桃紅過大桃紅四處皆
鱗鱗石瓦覆牆壁亦有高樓雄望中蠻女簪花雙辮髮系
帕裏頭螺鈿結兒童拍手呼阿叭我欲與言稱沒殺呼官
不知為沒殺阿叭謂啾啾雜嘈難為聽喚譯譯來為予說東隣父
喪焚父骨西隣殺牛療痼疾南隣持籌兒為奴北隣負債
女離室願將化雨洗蠻風忍使吾民于三尺紛紛父老皆
點頭赭汗津津額額流人類雖殊人性侔何但朝鮮風俗

化箕疇風清月夜農家宿吠犬不驚案無牘忽聞隔隴有
書聲知是延師夜課讀梵然心喜喚出來親爲授句再三
告漫言禮義俗居然安樂鄉花椒樹樹撲鼻香磨菰杲杲
含春光番兒版築工番婦甃甃織不似漢氓鎮日醉燒香
誰云番土頗饒漢土嗇吁嗟乎依然白草與風郝昔爲戰
場今良民白草之民民更馴鷹鷂化爲鳩豺虎變爲麟武
臣不用武長吏惟推循秋霜春露威與恩會見百世無兵
革駸駸禮讓之化淳炳章號白巖江西象山進士乾隆二
十九年任

卷三

三

水經注禹生於蜀之廣柔縣石紐村唐爲石泉縣縣南一
里有石紐山發脉自黃土溝入白草番百六十里至關子
門九龍峯摩空而起其中峯則禹穴在焉姜炳章石紐歌
云石紐盤盤摩青天剝兒溪上血石鮮古傳神禹降生此
至今溪水生紅煙古石紐村此石泉我來作吏忽三年登
石紐之山兮使我心茫然龍鬚挂線鵝項从觀音斗閣閣
王扁龍鬚閣鵝項嶺觀音閣滾滾湍流自西極鼉吼鯨旬
日夜顛中有巉崑之亂石當關不許舩艇前上有截業之
峻坡亢陽不許結椽牽沃野千里古人言無地何曾借滴
涓山栖烏宿老林裏晨星落落罕毗連刀耕火種同作苦
春蕎夏麥婦子閩父老告予土不堅靈雨十日萬壑喧崇

山骨立失背肩其瘠土也如此吾民何以謀生全我無鞭
石鞭鞭去惡山惡水成桑田我無鑿山鑿鑿去溪頭立石
爲平川古人割雞聞歌絃琴聲嫋嫋有餘閒讀書浪說希
前哲斗大山城撫字難頭童齒豁氣力綿日對羣黎愧倦
錢我安得藉神禹之麻靈雨飄飄風僊僊桃花杏花香有
色赤土白土春增妍登石紐之山兮使我心茫然中幅甚
長節錄其首尾

卷三

三

寧遠知府覺羅祥麟字仲調宜喜山遠眺五首宏音亮節
欲踵空同滄溟後塵峻嶺秋高接錦雲連營幾點望中分
千盤路轉人初到萬馬風生日欲曛耀雪弓乃排戰壘掀
天金鼓起征雲一聲畫角千旗動列帳橫開待點軍三鼓
崑崙指顧中副將軍近出奇兵磨崖竚紀鄂褒功山當缺
處層樓出路到窮時鳥徑通簪筆客逢新給事謂教甫插
貂人識舊元戎機槍計日清遊騎飲至千官拜舞同轉粟
飛芻幾歷冬秋來喜奏凱音重揚鞭會見山歸馬躍治何
當器鑄農萬里風沙消鬢短九天雨露到邊濃但教職貢
修天府王會何須別漢賓蕭蕭落木振邊聲憑弔無端感
慨情此地祇今餘牧馬當年有客結冠纓馬軍門虎昨歲
江聲東下流偏壯爽氣西來雨乍晴更把玉鞭雲外指斷
壕殘壘亞夫營小度芳辰抵一年漫垂人字炷香烟坐忘

塞外千峯雪夢到江南二月天舊雨有時來夜話流鶯更
不攬春眠可能伴還鄉去照眼濃陰草色芊仲調嘉慶
丙戌進士

申過祿乾隆癸酉孝廉其伯祖名直精於醫診視病脉能
决生死時日性嗜酒延視者必備酒蔬不問謝診後即席
豪飲大醉信筆成方病雖重飲藥立愈其有診後並不舉
杯盤桓席閒漸而翺翔庭除出遊阡陌久之旋席成方者
其病亦愈至於往返再四徑去不復者病人雖尚能飲食
步履而另延他醫百無一生故延者每以直之飲否為喜
憂

卷三

三

龍安府控扼西北為蜀藩籬平武縣附郭五關故迹猶存
知府魏裔魯題明月關云江隨峽裏轉百折到龍州古渡
明殘照孤村橫小舟林猿啼湖水山鳥噪荒邱太白今何
在空聞樵牧謳署平武令徐炎題署內文武祠古梅云孤
宦邊城駐雙清此契深江山春雨色天地古香心故國三
更夢靈祠半畝陰西風秣余馬把酒月明林魏太守直隸
副榜順治年間任

清溪處萬山之中陳登龍度關山云度關山道路難下有
九折之峻坂上有百疊之雄關叩嶮高高不可扳磴多徑
仄石巘岼凌冰堆雪望漫漫前啼怪鳥後射犴負者戴者

日萬輩行不得兮步躑躅度關山道路難一朝失足不可
援使我見之摧心肝又度關山關山亦可度王陽雖回車
王尊曾叱馭先人遺體不可忘食君之祿安可去前日人
歌出塞行今朝荷父人從征前人後人車不停車不停去
無數度關山關山亦可度男兒生不封侯死抔土使我聞
之沈百慮功來大關如建瓴小關如伏虎東西隔十里全
蜀此門戶湍流門岷山冰壑轟翠柱羊腸道一線欲蹴難
布武天設限華夷據險自往古盡瘁漢丞相經營唐節度
征蠻勞既成禦番計亦苦所以古時人履此衷恆懍迴車
固從容叱馭豈莽鹵忠孝各有合進退要自主我本為王

卷三

三

程往返難盡數道阻心惟平視高恆培塿行行且止止山
水吾所取
富順縣知縣錢紹隆宿響石山聞滇南報捷詩巴夔頻年
苦戰爭鯨波此日靜昆明風清六詔停傳箭雨灑三江徧
洗兵萌屋人歸聞犬吠古庵僧在起鐘聲何當生聚繁林
總紅杏青蒲處處耕

蠻中造麩餅晒乾將飲酒置罈中沃以熱湯須臾成酒以
竹管通其節插於內聚客環坐以口就吸謂之啞酒重慶
一帶民間亦善造其味醇厚未知與蠻中同否華陽丞曹
三選號扶谷咏之云蠻家釀法殊不藉黍與秣青稞土所

宜菽麥任牽率不知何毒藥麴蘖嚴且疾醞合一器中酒
成不十日傳家古銅餅呷然容斗實其高只有咫尺徑五
之一長耳聳其旁提挈手無失腰腹圍葩華觚稜鏤蟬蛭
坐客紅瓊瑜捧進屈右膝高插碧篠材中通去闕室以口
就咀之少嘗亦芬苾飲者猶未厭餅罄已告畢輝湯益以
杓遂巡氣四溢勸客再三飲醞醞味愈出始知空桑中別
有杜康術寄言王無功酒經當附筆綬靖屯故金川地萬
山林立天寒早雪兼多冰雹番僧繞田誦呪或不得降又
或降於湖谷田中得免亦一奇也作止雪彈陰崖萬古積
冰雪老墓踞之爲窟宅有時啓蟄爬沙行吐氣竟天色黃

卷三

素

白居人知是雪彈來颶風四出驅雌雷忽然火礮向空擊
虛空粉碎天爲開別有婆羅門呪以密祕法保爾麥黍菽
轉移在一霎古來禦雹原有職愆陽伏陰無失節天何縱
此食月妖又向人間作蝨蟹吾聞李左車司雹神不虛願
收大權勿旁落毋使山陬海澨冒竊而睚眦番僧建喇嘛
廟塑佛公佛母媾媼之形號歡喜佛夷俗禮拜率堵波如
山立化人城幻人域重檐架拱飛翬歡喜佛塑億萬千
花鬘寶衣纓絡纏摩登咒宣作祓戲演揲兒法番僧傳蠕
蠕蠢動蟲蟲天鬼物青紅森變相護法神如藥叉狀嗜嗜
咄咄火不焚恠事禍水漂情根佛公佛母此生活摺疊連

環鎖子骨枯骸作枕是人妖人捧枯骸喚生佛羅刹國尸
盤陀無遮會菩薩魔吃得針鋒方證果一轉輪時野狐墮
可備風土志

四廳專爲撫夷地險山多馬邊尤爲夷匪出沒之區國初
沿明制設馬湖知府康熙開夷匪陳金作亂王敬公山東
人以進士補縣令於東關拒戰射死賊首身中五箭乾隆
初改馬邊廳嘉慶開我眉雷波夷匪滋擾同知周斯才號
夢溪金陵人請兵查辦民得安居作岡外行有序邊城面
東負西以營盤山爲主山之西有盧稿溪屏峰插天再西
爲大有岡岡外鄉與蠻地接壤以溪溝爲界今沙壩子對

卷三

素

河有梅子壩者烏卜土百戶住牧處也壬戌三月十七日
因公赴此往返四日雖距城不及二百里而深入蠻地率
多老林路徑崎嶇爲生平所未歷自大有岡外經過有核
桃坪雞公嶺蔡壩子諸皆險絕回憶秦嶺蜀棧如劍閣綿
竹古人所盛稱者殆遠不及此因作歌以紀之龍湖吏懶
日無事公餘檢點蠹蟬字忽傳岡外有公趨僕隸奔馳宿
旅次西山壘壁故營盤山上有明時舊營故名營盤山撐橫怪石激怒湍
籃輿宛轉撥雲上回首城堙已倒看水深汨汨循溪壩城去
三十里爲壩上人家幾村舍我爲麥飯暫停驂巖壑東登
水碾壩復西下排雲列障絕援攀道是盧稿溪上山峰高疑碍日

月過此外豈復有人寰巉巖摹頂望大有石棧雲梯誰引
手飛猿絕鶴軼重霄花板諸岡攢峽口最後天峯並梅嶼
永興場對河為天寶山鴻溝劃出夷巢阻煙霏霧合共徘徊
洞天墜往來乘風舉曾聞混沌開洪荒蠶叢開國何茫茫

功疎越嵩吾西土賴因乃在山之陽明萬曆賦乃黃蠶叛
討以兵既平設立安

亂山巔置身榛莽驚日午神禹往蹟浸湮世柯斧誰尋伊
何歲蒼虬顛倒臥煙霞為棟為梁都不計開聖老林者率
先伐山木緣不

通水道無由運用大者多至十餘丈橫臥山巔歲久悉就腐朽
中峯柱立宗動齊中峰萬
切屹立如砧天九重
最上者為宗動天誰開鳥道絕天梯捨身蟻附魂飄颻

怕聽鳴湖萬仞低世路險夷恆對待畏途那意遭頻殆人
力既竭鬼神依聳立不覺形骸在欲下葛蘿蹊幾曲卷石
不堪容側足盤旋木末烏呼人似戒顛危審立躅

夔州郡守江權自廣元至昭化道中云蜀道連秦棧葭萌
蜀北鑰重關扼五盤龍門勢如削南行向枯柏江岸自開

拓遙遙望人煙稍稍見村落平流響舟楫空林喧鳥雀朝
辭漢壽城暮宿益昌郭郵符紛往來民俗尚簡略自昭化

縣至劔州云出郭即登山云是天雄路杖策凌長風步履
入深露仰睇捫天閭俯瞰凌煙樹彈丸益昌城衣帶桔栢

渡行行逼劔門林莽紛回互山勢亘長城石堞森如鑄參

差劔戟排高下樓櫓具架閣當其衝啓閉通徒御雖無豺
虎患常懷顛蹶慮吁嗟蜀道難從古多憂懼江太守安徽
歙縣進士康

娘子嶺以楊妃得名松茂孔道也戲咏之云邊塞風高嶺
上寒遠山如黛好誰看三郎莫苦連雲棧妃子曾經蜀道
難

雪山號九頂山自岷發脉蜿蜒至茂州九峯壁立玉嶂插
空積雪盛暑不銷古人所謂峯高凌華嶽雪古自堯年不
誣也大江自北來盤流山麓署州牧朱梓繩州即事云氣

候繩州迥不侔蕭然炎暑似深秋堂臨九頂千年雪郭繞

三溪萬里流高臥北窗驚簟冷樽開河朔畏風道玉壺一
片冰常在贏得清涼傲五侯按茂州蠻夷雜處黑虎生番

跳梁尤甚自康熙閒文武大臣撫馭有方七族歸順道光
六年各寨土百戶情願改土歸流經藩司董公淳龍茂道

尹公濟源轉詳制府戴公三錫委員查辦稱伊等八沐
聖化言語衣服悉同漢民間有讀書識字之人一時五土

百戶共五十八寨列於齊民矣

漁洋王子典蜀試富順范璐范瑀兄弟同中式有才學吳
逆之亂不染偽命漁洋作詩美之其父鑛明萬歷進士漁

洋序其詩家學淵源固有自也范璐咏巴江柳云蚤是春

洋序其詩家學淵源固有自也范璐咏巴江柳云蚤是春

之半鶯鶯尙不來莫緣前日憾遂中隔年情別緒驅歌促
歸鞭曉柝催何知城北郭竟築望鄉臺之子莫相送依依
人可憐多年芳草路幾日艷陽天隄上風吹笛江邊月繫
船馬蹄隨記取踏破少城煙夾道來車騎臨岐可勝情魚
响春點點蛙泛雨聲聲上使端相重大夫從此行橋南人
萬里何處不懸旌按漁洋康熙丙子復來蜀祭告江濱平
生獎借後進性情和雅顧當太傅明珠隆赫時有客以金
箋求詩壽之力拒不從其風骨固自剛勁惜後人式微書
卷玩好蕩然無存甚至與西樵讀書秋樹根圖天女散花
圖兩小照亦不能守可歎也

卷三

三

乾隆間唐景皋妻蔣氏年二十八景皋卒氏栢舟矢志教
子成名有哭夫詩清風細雨入簾來萬斛幽情何日開只
有泉臺歸路近囑君莫去入凡胎更殘月落倍添愁忍對
孤靈淚暗流君有靈兮攜妾去與君千載作冥儔淒淒冷
冷過寒年珠淚拋流溼枕邊一片愁懷無處訴昨宵夢裡
得團圓忽見門前芳草青愁思春色兩相形幽冥肯許還
魂路再教孤兒讀五經細雨紛紛點綠苔年年春景向誰
來素居不愛海棠色只合梅花雪裡開又七律二首靜夜
紗窗月色清泉飛漸瀝倍愁生君遊地下多離恨妾處聞
中更慘情疾首怕聞蒿里句傷心難共白頭盟舊時苦讀

殘書在誰聽呬唔佔畢聲除夕無端倍感傷堂前燈火白
輝煌桃符莫遣愁思去蘇酒難消別恨長夢逐才郎同入
穴醒惟明月獨留房忽聞杜宇臨窗泣遺痛千秋矢共姜
邊荒之地有此節義有此風雅可以傳矣蔣氏茂州人
傳紀多載風穴威遠令陳汝秋有火穴詩一篇相傳穴在
榮縣姑錄以備考綿亘地驚赤崕嶺山訝童循麓探奇跡
嶮峭豁深空秉藁引炎艷煩燭光熊熊鬱攸氣騰上二假
噓融風幽谷閃列缺一道飛霓虹巨穴潛丹竈九轉吐芙
蓉峭立石骨冷暖之以燭龍陽燧熒臺照井絡心星通五
行試推測火無土不榮叶相生或相薄此理焉能窮

卷三

三

解綬字方來號星亭雙流人也偉儀表倜儻不事章句初
試棘闈夜雨漬兩足踟促矮屋中慨然曰區區科第困人
乃爾耶棄去專力爲詩學鼓琴旁及某經醫卜騷人墨客
多主其家文謙之餘退居小室拈筆苦吟至忘寢食不問
家人生產先世富田宅有園亭之盛至是中落乃盡鬻之
偕其妻賣藥成都市作詩云小肆容身似鶴巢支牀對竈
室兼庖月來小酌檐前賞興至高吟几上敲墨客偶過曾
見訪市兒相狎欲論交淹流總爲謀生計淡泊生涯未肯
拋是時顧廉訪光旭提唱風雅物色方來而方來年已七
十矣著有星齋詩集重九放歌一篇磊落奇偉滿腹牢騷

發洩殆盡焉詩云噫嘻莫傷汗漫已過七十七重陽半在
 蓉城半在錦江鄉歲晚長教悲落葉落葉飄蕭芳華歇菊
 花弄色不忍看秋雨秋風正凌亂頻占節候轉悄然百感
 都向酒杯前望帝何年骨已朽祇今歲歲啼杜鵑金牛通
 棧君不見蠶叢倏忽連秦甸英雄割據長已矣唯聞碧血
 裴宏濺前人已去後人思後人復去思者誰黃公酒壚歛
 蕭索淒絕阿戎太息時風清月白烏啼夜逐客離妻蟲鳴
 樹湘妃泣染竹生斑鼓瑟猶聞湘水瀉鱸魚正美張翰回
 塞雁又度李陵臺四愁五噫何悵絕金谷銅臺安在哉浮
 雲不辨人已非朝朝暮暮尚依依青蓮秉燭桃李遊莊生

卷三

聖

曉夢蝴蝶飛卻憶當年急行樂約伴攜樽出城郭興酣何
 必龍山高倒著接離觥交酌更思浪蕩少年嬉放鷹逐犬
 無不為時或呼盧效劉毅突兀掉船若獻之酒籌難盡花
 朝夕推枰豈無散局奔仲蔚樓頭白露繁子雲亭畔霜葉
 赤華年詎肯為人留朝見紅顏暮白頭回首斜暉且飲酒
 還看明月照江流頻年泣友淚沾臆舉案人傷在荆棘仰
 屋咨嗟還自歌碧雲為我照顏色

周天柱廣東順德進士乾隆閒任蓬州喜為詩買閑亭云
 自築山亭費幾錢公餘長得樂林泉好花簾外微濛雨新
 火樓前遠近煙且散幽情尋竹徑暫停星駕過桑田宦途

暇豫非輕得擬醉金罍半日仙酒酌亭花淑氣融春心欲
 寫韻難工新荷出水能擎雨乳燕穿簾尚怯風粉壁漸施
 楊柳綠畫欄初吐石榴紅物情到處欣相賞誰道為官計
 不同

裏塘熱水塘胡圖圖初為長青春科兒寺僧司貿政拙於
 居積耗其貲羣詈逐之胡圖圖乃走之帽盒山黝林中坐
 土窟食草並樹皮飲水衣朽則綴大黃葉被體不出山如
 是者五年舊堪布騰既高獨閉禪室誦經不飲食戒其徒
 曰侯曩逐僧來啓戶其徒日聞經咒聲未之異也亡何胡
 圖圖自外入草衣徒跣髮蓬蓬似野獸駭詰來意對曰

卷三

聖

師死不來誰與毘茶者眾妄之曰師適誦經何謂死借啓
 戶則堪布坐化久矣眾始聖之舉火後羣推為堪布主一
 寺胡圖圖出寺徑去羣泣跪固挽之意不忍乃曰我必不
 為堪布請於熱水塘左營十笏地我當留羣喜立構廟入
 居不食亦不言惟趺坐誦經咒諸野番供獻牛羊馬豕無
 算皆縱廟側不圈禁或竊之至家馬出火灼毛髮羊作虎
 豕化象蠻人懼膜拜自首歸其物亦不督過之或叩以事
 不言居三載忽升座告大眾曰備龕薪老僧歸也方怪其
 無病入室即死死禪榻上拳屈如殭屍眾啓裏塘堪布誦
 開路神咒堪布至觀狀心弗善之以為謬負盛名草草即

去堪布去胡圖圖甦起謂其徒曰彼髡而僧者腹非我我豈昧於來去者耶極不欲辨誠恐墮信心壞大教乃命累細數重盤膝坐教其徒曰死後以次抽裊當有異囑畢仍死堪布去未至聞胡圖圖活大駭奔返眾述所教乃驚悼無人色及共抽裊盡驅懸空際去地四五尺跌坐合掌慈悲之狀可掬如世所塑無量壽佛像堪布悔恨搏膺嚙指出血以志過入龕毘荼畢得舍利盈升許見劫灰集節錄其概

唐韋皋禦南詔時於今清溪縣北五里許鑿海棠池環植海棠芙蓉百餘株構搖香亭其中春秋暇日晏賓朋於此

卷三

署

紅雲香霧闌塞街衢故世稱小香國治西宜頭尉署亦有海棠一株權縣事劉傳經有詩用東坡定惠院韻萬里看取摩天鵠啣子何年成拱木郵亭小閣日遲遲一種仙葩天下獨寒外王嬙絕世姿節度流風寄幽谷桃李滿山自紛披得似溫柔與酣足不令異產就荒委堪笑石崇斬金屋我到沈黎春已闌貼梗亭亭時寓目是誰手植作甘棠仰止前賢竊私淑地瘦真與花瘦同醫瘡尙惜心頭肉怨思漫道盡虛無膏脂已飽胥吏腹瘴雨蠻雲壓頂來跌宕風行遠置俗種花不作看花心千古長卿此論蜀客參三昧發長吟我亦隨之天籟觸回憶故園錦繡開尊前還唱

西江曲此是古人根蒂深不攜川紅攜邛竹王堂海云曩讀賈相譜花木西州海棠天下獨那識沈黎仙尉署猩紅數株尤不俗春風疾甚海潮來繁花野卉遍山谷紛紛桃李黯無色艷麗真堪貯金屋憶昔韋公鎮此邦雅愛奇葩紅映肉空濛欄檻欲搖香花氣沉沉睡未足秋風蕭颯英雄老美人憔悴殞靈淑辰霜夕露摧芳菲敗葉殘紅滿山腹當時珍重勝瑤林日報幾同平安竹詎意彫傷嚴道旁山鳥飛鳴槍心目荒驛何幸覩孤芳仙姿嬌婉猶在蜀雖蒙瘴雨與蠻烟直可棲鸞並隱鶴我來婆娑對名友高吟况有白雪曲他年結巢遙相憶萬里韶華成一觸署訓導

卷三

署

楊揖云韋南康公昔在蜀邛人嚮人競蠻觸皇皇天上令公來前軍迅奏鼓吹曲萬馬籌邊暇日多惟公之樂樂不獨邛來東築搖香亭簪篋西拓彈琴谷秋水芙蓉自天然春雨海棠暢靈淑當時賓從况英豪走能射生飛食肉馳驅瘴雨復蠻烟跌蕩哀絲更雄竹香霧深沉黯不開山風浩浩吹華屋滄桑回首僅千年嘔同太液思黃鵠我從使君溯漢源十旬歡呼飽捫腹調鷹炙肉朋從來三宿飛越猶未足明年想見優曇花當頭忽訝檀旃木殊方氣候判炎涼闌檻高明快心目知公培植作甘棠作吏如此故不俗

咏我眉者多矣眉邑女史彭舒英詩甚有風趣雲京閣望
我眉有感朝見我眉山暮見我眉山我眉山色好雙黛空
中掃我亦有雙蛾愁比山雲多愁多眉莫載願乞山靈代
山靈不受愁依舊在眉頭

金川既平一時文臣歌頌競作彪炳冊書而進攻之難與
奮擊之勇非目覩者不能曲為形容王述菴袒躬在戎幕
其詩細為傳出但篇幅太長每篇節錄數語以誌梗概克
康薩爾云礪外既有柵柵外溝環之溝外復鹿角株極爭
參差嗟我刀斧手捷足穿蒺藜再前度重壕鎗石已不訾
橫身擲火彈揮霍星芒馳猿臂亦仰射一一皆麗平龜前

卷三

吳

者嘯而登迴手揚旗麾後者接踵上作勢疑拚飛驟如江
河湧烈若雷霆威十盪更十決小醜奚能楮五礪連屬處
有隧成路蹊踔然繚而曲架木柈柈奔騰忽以塌投葦
供焚熒神焦鬼並爛燔灼成菹鬱攻克羅博瓦四峯云是
日天凍風如刀緣厓積雪一丈高軍未及登已早覺舉鎗
投奔何嗚呼自上下下眾不動持滿而迎射輒洞豕突狼
顧躅且奔乘勢飛追躡其踵別隊紆道穿林躋所據與賊
地勢齊兩軍合擊呼動地兩峯連克無雷稽其第四峯亦
席捲餘第一峯尙未剪領隊普爾普圍之火器騰空盡焚
燹懸其首級陳其俘取其器械充軍需克喇穆云其時四

更月乃明乘黑先已穿柈柈千尋滑壁徑本絕樹槎石角
紛縱橫以手援手手捧足鱗集礪下嚴無聲月高別隊前
後起火鎗金礪聲鏗訇賊人叫呀各拒迎擣虛誰覺奇兵
升拔刀突上超躍入鯨鯨盡戮無雷稽刑束葦下投兩木柵
赤燄勢掩朝霞積蓄蓄望見心膽裂欲潛而出圍層層黑
雲忽浮澍雨降對面不見峰峻嶒諸軍言雨攻益急賊乘
以鼠如鼯颯邀而殲之血於礪數獲器物難方風吹劍
掣血氣腥番君蠻長賀且驚此猶神鬼猶雷霆由墨格爾
據密拉噶拉木克達爾沙朗日爾巴當噶仰攻既不易俯
攻亦良難不見遜克爾三月稽平蠻俯攻既良難仰攻或

卷三

聖

轉易不見墨格爾寒空列旗幟此嶺迴合倚高穹榮噶爾
博一氣通萬層栝栢人逕絕千古雪霰山靈封嗚呼我兵
信勇決飛騰不管蒼厓裂月黑風嚴虎豹藏蟻盤狼掛登
山缺道逢三礪附其巔燿其寨落光燭天下掃羅博瓦鄂
博奔建所至無餘堅賊知此險去巢亦不可據嘯呼數千
指爪角爭迎距神鎗如星毒矢注桀石揮刀死無懼我兵
不動猶堅城黃昏劫門迨五更賊敗復聚聚復散殲其頭
目連鯨鯨遂駐密拉噶拉木縱金伐鼓朝移營此閒地勢
殊開朗高低邱隴多膏壤天晴雲日發光晶迴眺諸峯一
神王

郭縣文尚秀以舉人任陝西澄城縣平日孝行素著而尤工於詩惜全藁失傳嘗見其畱賓有句云鑿池引水投車轆掃徑畱花襯馬蹄至今猶膾炙人口其夫人王氏亦工詩因姑老不能赴任畱家侍養旋以病歿臨危以詩訣其夫云秋水芙蓉色已彫鴨爐香燼暗魂消可憐化石終成恨不得青鸞寄信遙

蒲春華郭東八里橋人生平篤孝友行端方導誘子弟尤殷殷不倦其沒也趙玉山輓之以詩安閑雅淡足以徵其爲人矣詩曰洛社追陪笑語親汪波千頃坐陽春投閑栗里思陶令招隱名山想仲倫誰更獎成佳子弟居然模範

卷三

吳

古先民如何一馭寥天鶴玉馱瑤車遂絕塵曾無車馬到林泉安邑誰知閔貢賢紅樹青山成小隱清風明月送華年丰標不愧中郎贊家世應題京兆阡料得一時春社罷岷陽三月亂啼鴉

青神令吳汝翼雜咏境闢蚕叢古南安事迹微農桑今已徧猶是說青衣錦江從東來濛水承其委矯首望烟霄三山如可指郭繞魚陀水城蟠熊耳山我來尋舊跡但聽水潺潺水向中巖落蘇公寄與長行人江畔去指點是平羌白莫波流急紅花水勢洄渡頭人佇立都待放船回啞嚶稱絕險觸石起狂瀾旅客驚相告南行第一灘五渡乘流

便無人舟自行芙蓉開更好兩岸踏花英仙池流夜月古關起清風更訝三山笛聲聲度遠空東郭水溶溶猶龍此地逢關中瞻紫氣橋畔識仙蹤三巖號名勝彷彿似蓬萊石笋當空迸魚羣鼓掌來長泉傳舊里曾說見麒麟建院煩王衍休祥恐未眞四時多好景怡問何人借山谷有遺詩悠然明月夜石壁何嶙峋清泉流不息爲欲引流觴鑿池成太極方山甘隱逸華老稱骨鯁出處有殊途芳名千古炳歷代經沿革遙看襟帶長岷江通地脉峩嶺接天光竹樹連千畝人民集五方不堪談往事多半是荒唐吳江南江陰人雍正辛酉舉人乾隆十二年任

卷三

吳

樂山杜恭行女許雋爲楊曦未娶曦卒剪髮毀容誓不他適詣夫家事舅姑嚙指滴血以祭夫墓守貞十五年臨終以繼嗣爲囑乾隆年間旌表縣令楊鸞詩云我昔來玉津問津孝女渡其事類曹娥其風激童孺乃知閒氣鍾不隨流俗錮杜氏有貞女聘作楊氏婦天桃尚未花所天委朝露婉婉閨中息秉心慎禮度髮彼維我儀千秋識幽素井中水不波瑤池冰愈沍白髮堂上姑白楊山足墓夜夜杜鵑啼哀音淒苦訴逝矣懷清臺卓哉柏舟賦丹鳳五色雲飛來華表柱感此增太息錦江日東注寄謝錦里人持身凜跬步楊陝西潼關屬人進士

李芝字瑞五一字鶴田號吉山別號職思富順人乾隆戊辰進士為文如宿構一日可成數藝傳其能記前生非也嘗就巴縣館舟至瀘夜不能寐有懷尹伯奇事寤寐中得句云兒餓江水側兒寒江水旁親恩江水深兒懷江水長淚下如雨至渝半載聞母病至家疾已殆問知得疾時即在瀘夜也母歿題所執杖云汝知吾心願化為龍吾將乘汝縹緲之峯若有一人慈惠下容餐風飲露歌泣相從選山東招遠令力行保甲盜賊屏息境內有望兒山居民有往關東者二十年不歸父衰老每於山上望之故名過其地忽心動作詩云朝望兒曉露晞暮望兒夕陽微三春花

卷三

李

又發九月雁初飛春復秋朝又暮兒不歸竟何處海雲黃海波綠搔首問天天不語閏三月而得父訃奇矣後官涪北以廉幹稱善五言詩五古初學大謝後入韋柳五律初學少陵後入王孟佳句如亂水晴邊度夕陽雨外山水搜崖脚瘦煙壓樹頭平地濶天垂草江長樹入雲綠睡鶯邊柳紅酣燕外花月痕穿浪白煙氣入空無微風將短棹細雨過長湖鶴語松烟白龍吟海氣清月明人在水風過樹先秋野店收殘雨漁歌帶夕陽皆平淡清遠漸近自然可傳也

關帝廟聯少佳者南充縣城內武廟懸一聯云才兼文武

義重君臣恥與漢賊同天戮力遠開新帝業威震華夷氣吞吳魏能使奸雄破膽忠魂長繞舊神京傳為前明任太史瀚所作夜夢神致謝曰承贈佳聯將某平生心跡傳播人聞幸甚但某終身所自矢者忠耳懇以忠字易精字蓋原作精魂也任驚覺猶恍恍如見明日遂改之太史英才卓犖善為長聯別墅自題云大江東去浪淘盡千古英雄問樓外青山山外白雲何處是秦宮漢闕小院春來鶯喚起一簾風月看溪邊綠樹樹邊紅雨此中有舜日堯天此類甚多不具錄

卷三

李

李東崖娶鄭氏無子欲以妻兄之子為繼議尙未定忽夜夢至鄭家宅旁古廟外煙雲合沓蛟螭盤舞醒而異之晨興乘馬往觀見妻兄次子方在垂髫嬉戲廟外喜甚即抱歸令其妻歸向兄嫂乞以為繼允之遂送赴里塾塾旁有土地祠此子遊學輒以書寄祠中令土地為之守塾師夢老人言為書生守書甚苦師醒查得其故令勿復然後以弱冠成進士官吏部武選司主事即李淳也故其子孫今尙與鄭氏言為一家云

黃豆作腐清溪每於冬至前後日凍之堅冰外結幻泡中嵌望之如蜂房蓮子以供食單無腐相亦無腐氣得味外味焉建南觀察徐長發凍豆腐云冰性能教玉質融遠勞

遺餉雪霜中高情自此珍羞重雅誼還憐菜把同杜老延
賓無俗物坡公餽歲有鄉風紛紛梁肉何須羨便坐清權
免送窮餞歲筵前風致殊食單添注進屠蘇作羹合遣辛
梓共截肪應教丙穴輪餐向百年明素志讚成三德慰清
娛自註廣道因讚
豆腐有三德菜根滋味平生願我本寒酸一腐儒灌
縣歲造凍豆腐饋各憲及朋好

父老云嘉慶二年冬十二月十三四等日教匪首逆徐添
德王三槐冷天祿等合楚省賊首樊人傑率眾萬餘蹂躪
新寧廣福場八廟橋黃河堰等處焚掠殆盡十九日突至
甘棠舖距城四十里聲言明晨至縣會食時城無重兵倉

卷三

五

猝戒嚴人心惶懼莫知所措至夜空中作聲彷彿雷鳴聞
數十里羣賊驚疑誤以爲人馬闕填之狀懼不敢前未明
卽移營去人咸以爲天幸云

王烈婦富順李九河之妻李瑞五有詩云英英綠蘋質猗
猗紫蘭叢亭亭青湖底鬱鬱晚林中晚林無雜卉青湖陰
長松自言生得地芳香正蒙茸倏忽盲颺始坐爲激湍衝
無人驚歲晚委化任元穹寒山青兕叫白月冷泉淙豈不
憚寒烈羞爲桃李容桃李有枯榮是物無春冬翠莖犯密
雪含英馥秋風采采佩仙人盛豆事宗官搖落何足嗟惠
問無終窮

我翁令文曙桃源舉人以事過我邊暮至楊村舖詩云山
勢回環處溪聲遠近閒野蟲依草語石逕倩蘿扳雨潤衣
微溼秋涼暑漸還欲沾村落酒臥聽水潺湲靡靡事行役
那知歧路艱重陰生古木小市帶秋山鳥語雲邊亂巖花
雨後斑駁勤雞黍意慚愧野人閒

孫鑛曉度七里峽云凌晨穿徑去烟靄正溟溟馬首衝雲
破征衫染黛青奔馳今已慣勞瘁夙曾經爲愛楓林色停
鞭憩短亭高炳曾經七里峽用少陵青陽峽韻盤迴曲徑
紆起伏多險惡林深不見天怪石互交錯珠泉神工開峭
壁巨壺削偃臥松如龍黑黝多剝落登臨素意幽逶迤雙

卷三

五

履弱鬼火照熒熒天籟響漠漠止此足流連何必窮五嶽
遙峯澹且青夕陽淒以薄振衣上層岡長嘯自空廓浮生
半暇時偷閒甘寂寞鑛字子琢貴州清平人副榜乾隆年
閒署東鄉高炳曾浙江錢塘人游幕

徐元禧名山竹枝詞漏天難望蔚藍明十日曾無一日晴
剛得曦陽來借照陰雲又已漫空生一年活路是農工麥
隴菜畦也不通更恠園牢都懶設牛羊露宿野田中深山
不少木輪困半委荒墟半作薪却把織織筋竹下架成茅
屋暫棲身鬢門初闢得換身掉却書囊懶更陳自道半耕
還半讀帶經鋤月又何人詰曲山灣是妾家風棚雨壁沒

欄遮狂夫莫道來容易徧處墻陰茁火麻舊字非云歸安進士由中書改授名山知縣

蔡時田將赴青城從離隼渡入筏村道中即景過江指青城江村一灣綠踏沙去洲渚岸行入林麓樹密靜行人林深鳥側目一坪淺草地十丈古喬木四圍佐濃陰數點漏初旭便可席其閒樹裡微風出一坐訂終日蟬聲聽斷續未到六六峰先此忘塵躅山中雨後古寺高突兀四山埋重霧金蛇時一掣雷聲欲破柱隆隆在殿角挾風雨與助勢方作飄灑終然成灌注朝來百道泉岩頭掛幾處一夜山中雨山閒斷來去亭午託客來問之已可渡便擬曳青

卷三

五

鞵不襪走石步雨後山益佳白雲方在路

盤谷洞在樂至縣南石刻小盤谷三字宋寇萊公會讀書於此張智瑩詩云叢樹亂岩口盤谷何幽奇石室即書室絕巘棲皋伊寇公未巷遇樂道近在茲學術成經濟天下待平治相業炳黃閣王旦薦所知三復霍光傳張詠寧真咄壯哉澶淵役親征議獨持欽若與堯叟廷諍力排之一朝陝州行曠世英雄悲我來書洞側懷古興遐思祇見石扇橫曾無神粟遺自來公輔器抑鬱幾許時去今千載遠芳蹤可攀追孤吟聲渺逸立聽林風吹

乾隆二十七年鹽亭縣署中畜二牝犬一產子三一產子

五相距十餘日大小各別毛色互異兩牝犬合乳之彼此無岐視有時牝犬或他往牝雞翼之牝犬至亦不怪吠此或慈惠之官和氣所感而然歟

所謂詩史非必紀成敗定是非也即一人一物而世之興衰民之安危胥可見焉故可以維王迹邛州牧楊潮觀蔚萌老叟歌木皮為衣辟荔墻刀耕鳥耘官道旁石戶之農茅粟食幾家坐老雲山蒼山深人木俱瘦頸猿鳥不知他處翔中有長年眉鬢白自言老革曾充籍太平時世選成閒身佩纛韃試鳴鐃坐耗官倉年復年歲人人衰令罷斥三男飽飯今長成一去從軍兩力耕蓬頭諸婦共箕帚得

卷三

五

食兒童垢面爭祝雞砥憤別無事傳食三家藜藿羹含哺且喜今猶逮當道塵清少車蓋山外那知天地寬山中自覺羲皇在觀此知地瘠民貧而休養無事俱見矣

渠縣有雙忠祠明季李含乙以主客郎中丁艱家居鼎革葬母畢破家募士編素與師戰屢捷後兵敗被執不屈死兄儲乙孝廉領其眾整兵進討捍敵東南賊偽降被執亦罵賊死後來多咏之者湯原振詩云歎息男兒似巾幗華國文章竟何益慷慨當年思致身乃於末路令人惜郊生戎馬不欲聞河山如故今非昔誰是睢陽張許倫捐軀赴敵甘鋒鏑岩渠惟有李先生白面書生心獨赤家敦孝友

重鄉評昆弟相師凌健嗣年少成名筮仕初秦郵刺史聲
嘖嘖三河治蹟奏明廷特拜儀郎歷主客孺慕慈幃乞假
歸流氛突熾人從逆先生徒跣入西陲北堂疾篤嗟無策
哀號未已神器移仰天椎心欲斷嗚誓將一死答君恩衰
經沉淵觸沙磧賊眾知名以禮迎迴瀾宛轉羣爭獲不辟
刀鋸又何言厲聲慢罵怒欲磔義旗共戴脫繫維孤忠感
激一當百提戈灑涕躍重圍力盡何妨屍裹革爰知馬蹶
不由人千古英雄血皆碧男兒矢志在成仁前驅猶有執
爰伯一門忠孝並流芳累代賢良應奕奕扶植乾坤賴有
人畱遺天壤光書冊

卷三

表

陳天佑崇禎庚午孝廉獻賊亂蜀檄召不至孫可望掠健
爲天佑與妻及二女死之門人收其屍吾東宋荔裳先生
改葬城西山川壇內學使陸登榮又葬之於城南表其墓
寧波貢生邵塾有詩云男兒從容就義超流輩絕胆陷胸
非所愛何況冰霜勵操金鐵冶心靖節一門及粉黛偉矣
陳孝廉德行文學兼城南虎吼壩賊將勢炎炎被執脅降
刀鋸逼惟有死耳肯作賊大聲呵叱如雷霆殷血淋漓罵
不息維時日色無晶光天地黯淡飛嚴霜有妻有女生何
益歸寥廓兮同褻裳收屍誰韓生始藁葬誰宋之季改葬
誰陸學使一棺夫婦雙一棺姊妹二埋骨青山山亦靈行

人猶灑數行淚嗚呼身死國女死父妻死夫節義如斯曠
代無

李元煇浙江餘杭拔貢雍正年間任榮經至縣治題云關
前叱馭日初紅負戴人行避玉驄近縣水聲喧雨後隔橋
山色入雲中茅簷竹戶千家市柳徑花欄十畝宮天畔一
枝栖息穩未知何以答蒼穹

人之癖好殊不可解曉嵐先生載棋道士平生酷嗜象棋
而棋至劣然思之專神明可通健爲楊某好象棋而不精
對局輒負一日過文紀洞見二人對奕楊某觀之不爲意
局竟二人起視驚走追之不及拾其一子上有書云兩京
讓一馬一省讓雙車佩於腰間與人奕無不勝者一日失
去不勝如故

卷三

毛

文人之筆陽舒陰慘惟其所使清溪宜頭驛建南觀察徐
公長發云亂山環擁幾家村小吏長愁客到門典盡春衫
難買酒摘來野菽劇充殮嶄嶄恐阻馬蹄路宿宿忻雷鴻
爪痕行役從來少清興略煩風雨助吟魂青神令陳登龍
宜頭早行云遠山低亞路開平十里嵐光釀曉晴隔樹村
庄融日脚沿溪桃李艷人行春流潑潑看鳧浴麥隴青青
有雉鳴東望蒼簷雲五色却疑佳境是蓬瀛同一地而寫
景不同如是

孫光祖郟邑掾吏也自沱江驛晚歸縣寓書懷詩曰驛樹
平田外江城落照中數村牛背笛一路馬頭風作吏羞刀
筆依人感絮蓬吾生一彈指三十縣門窮

健爲令嚴士鉞丹徒人別健爲道經四望關有作幾載令
武陽流連三戒石每慨古今尹高風永簡策紅桑近何如
紫竹舊猶劇繫茲簿領餘心期曷有極朝發大鹿山暮過
三聖驛恩恩別沈岸迢迢成小憶忽見前山雲拔地幾千
尺蒼然入應寧橫巨里盈百知是萬竈烟彌復心有惻見
說四望溪頻年增井額其東欲竟資其南或通夔中閒連
公井鹽車地無隙竈食日萬升流民五方積延袤南益州

卷三

三

負戴迴荒僻夜吹聞野狸晝嘯雜木客嚴或鷹遠颺寬寧
驥伏櫪其難非今茲殷懷蓋在昔我憶詹秘書按部政殊
特堂堂宣撫來擒魁無畱慝至今誦德徽斥埃警鬼蜮寄
語賢宰官子情殊未憚何由蘇吾民償茲未竟責

健爲諸生楊遲烈女陳國蘭輓歌烈矣哉陳氏女大義真
能明若炬不愧芳名號國蘭拚將一死共倫序當年納聘
厥氏誰恆農有子爲鸞侶笄年正擬詠平林伊人漂泊徒
延佇天涯盼斷不歸來六七年中閒寒暑渠家物色尙頻
頻取次傳聞死羈旅矢志夫家守空幃母亡弟逝嗟誰語
白頭不嫁亦何傷一紙原庚姑退與從茲日日雙蛾心

口相商益淒楚連理猶然長作枝王雖且自諧洲渚傷心
鬢髮已無儀忍向何人執篋筮不如一死謝泉臺尙有馨
香畱鼎俎一朝引決入重泉挺然正氣雲端舉君不見玉
鉤斜金屋貯紅粧粉黛成泥土縱有金泥艷一時何如芳
烈標寰宇

席閒叫吹謹呼近屠沽之所爲文人雅令古今艷稱富順
熊南沙太史與楊升菴居詞館議大禮同謫雲南得先歸
家居升菴自滇旋至富順相訪會晤暢飲於西湖行酒令
要各將本姓說古人三百少一人者飲一杯又要除漢唐
宋三代不算升菴說楊姓三百餘南沙說熊姓一百七十

卷三

三

以姓孤爲辭不飲後升菴補一人南沙飲一杯盡歡而罷
其時南沙之子敦樸甫九歲相隨舟中斜陽薄暮升菴出
對云落日呈萍實敦樸云迴風動藕船升菴喜曰又翰林
也贈南沙聯云文章聲價沈南省經術精研貫木天

尤秉元江蘇元和舉人乾隆年間任樂至淨土寺尋山泉
云峰回林壑美梵宇傍山陰雲氣滿空谷泉源何處尋斷
碑餘古意喬木發清音坐對寒潭水應同不染心
鎮洋明經王廷偉嘉慶乙亥春西聖寺池畔軒亭初成譙
賞牡丹卽呈梅邨余太守香繞簾帷翠繞屏窗開如掛曉
山青階侵草色雲生座檻拂波光沼映亭花徑幾分勞夜

月茅檐一樣帶春星浣溪今日添新漲逸思濠梁水亦靈
奕崖蔡明府建游亭於池前四圍廣栽花木峻嶺煙霞一望收東風吹我到瀛

洲樽浮春色名山曉袖染天香寶刹幽朶朶彩雲依鳳翼

源源活水屬龍頭鳶飛魚躍多佳趣桃李陰濃記勝遊借

諸同人及余雲江余香波娛醉兄等
謙賞竟日口占四律以誌一時之盛

許汝龍鄂縣人號水南博通經史工詩文自扁其居曰梅

海鶴天終日吟咏其中幽居大隱非吾事幽居浪得名一

園秋草色百樹晚蟬聲跡未伴嘉遜心還養太平徜徉梧

竹底落落正無營春池戶外春情澹池邊野興賒乍添三

尺水已聽四隣蛙入夜星光動迴風樹影斜元亭正荒草

卷三

休認子雲家秋日懷蔡雪南園扉深閉梁蒼苔散步林邊

去復回一徑野風翻草樹半池秋水寫亭臺貧無客至空

儲味病有詩逋却愛才近日故人吟咏好寄書先報菊花

開秋夜黯淡空林日已西蕭蕭風物似山溪屋園細草蟲

聲近窗寫喬柯月色低倦影乍頽昏入夢愁心未了漫分

題更闌院靜無燈火安穩幽禽樹上栖

吳梅梁侍御傑由陝西典試即來川視學闈中和徐香珏

韻玉宇相逢盡是仙榜花消息問簾前入門頓覺人天隔

傳鉢深慙弟子賢房師姚彥詩先
生曾典陝西試河嶽英靈歸此地周秦

文字想當年瑣閣曾賦西江月已卯年會
使江西陳跡回頭一悵

然天教勝境屬詩仙朶朶蓮花落眼前靈嶽結成才子氣

此邦爭說使君賢蓬壺舊籍曾耆宿梓里遊踪感昔年傑

最久各占新巢如燕子秋風何日去翩然邵篠林珉送梅

梁侍御督學川中次韻益部遙迎闈苑仙芙蓉花發小春

前川原擁蓋承新嘉慶初年
會遊蜀中寵風雅扶輪仰大賢壯志鵬程九萬

里舊遊鴻跡廿三年從知劔閣凌雲上迴首蒼

霞思渺然冰壺懷抱共澄清字水文山待品評吟思浣花

溪上月離情折柳笛中聲題橋事蹟留青汗射斗光芒耀

紫京一路皇華秋色裏霜霏鷲堠麴塵輕

段允持河南懷慶府濟源縣貢生由尉氏教諭捐陞知縣

卷三

康熙丙申謁選在都屢夢放舟至一地耆老二三人迎于

江干城垣殘闕街市寂寥至內居室歷歷可數偏東有廳

數楹殊可退休既寤告諸同選原任江安令莊承祚曰如

君所言殆蜀之江安歟未幾果得是缺赴任抵玉比溪紳

士書吏相迎至縣一如所夢事簡民淳園空虛惟栽花

種竹諧聲律快論而已

巴縣張子蕃大昌原籍貴州捐郎中又改捐州牧好爲詩

著有蕉月山房遺稿秋末書懷云浪遊千萬里轉眼看秋

歸鄉夢亦時有名心已漸非菊花如我澹鴻雁寄書稀無

那瀟瀟雨新寒上客衣靈寶曉發云曉行殘月在清夢早

寒催劔立山容瘦崖奔石骨頽馬從荒戍轉人向古關來
鐙火穿林出蕭條野店開朝天關云高陟朝天路攀雲絕
頂臨危巖荒徑滑匹馬亂山深月朗窺溪小蟬疏聽樹沉
從今身近日放眼豁塵襟江景云野漲山溪合垂楊帶雨
眠懸崖藏佛寺深霧出江船蘆長沙栖鷺帆移水接天仙
槎如許借尋棹白雲邊

鄰水孝廉甘大琛棠牧大理寺太卿甘秩齋家斌之姪孫
也秩齋立朝敢言刻有詩文集棠牧承家學有廖烈女詩
氏幼時其姑母為之媒字其夫家之姪其始後以不謹聞
女心薄之漸聞翁媪亦無正業欲為子完婚即為搖錢之

卷三

李

樹女父母固長厚不敢悔婚每向女歔歔女笑曰願無過
慮女終不貽父母辱及星期之前一日賓眷雜臨家人不
及防女閉戶自縊衣履皆以密線縫紉之可謂見幾早立
志決矣丁酉六月遊大竹聞其里人言以例不得旌乃為
賦之廖烈女生大竹絕代幽居在空谷抱得松筠冰玉心
涇清未肯隨波逐一或死太山重或死鴻毛輕死生輕重
安足云捐軀決脰非狗名烈女之死猶如生二不是乘龍
客空把紅絲繫鳩鳥牒鴛鴦判入煙花記墮茵墮溷雖憑
天阿儂自有平生志三桃夭春月三梅標傾筐七之子賦
于歸喜報芻尼吉不怨貧歸賣絹郎生憎辱墮添酥籍四

山上女貞樹路旁楊柳花妾本良家子如何入狹斜翁娘
為女長咨嗟含情看阿母強笑語阿翁松柏異桃李琴瑟
非琵琶五邯鄲古才人乃嫁廝養卒委身喪其璞不如棄
溝瀆黑白去就須早明拚死勿為几上肉六獨居閉戶無
人見白練斷送春風面俟堂俟著空復情金翠綺羅素非
願倚門慣賣笑行路人亦賤七未履婿家門未謁夫家廟
猶是女兒身地下應含笑下土聞之目論多謂女輕生等
蟬噪八烈士勇見義哲人幾先知回車去墨子返駕聞宣
尼賢聖有明訓或為愚者嗤吁嗟廖烈女致命甘如飴九
存詩足維風化

卷三

李

榮邑鄒學山號太和乾隆甲寅 恩科舉人素行端方學
亦淵雅從郡守遊凌雲寺云荊州不識識嘉州喜侍凌雲
載酒遊風月至今真得王江山自昔勝封侯漏天彷彿垂
三島香國依稀現十洲莫羨高標丹嶂好石湖乘輿上高
樓
劉澹亭德煜南充拔貢任榮縣教諭和余秋海棠詩用漁
洋秋柳原韻新秋有客黯消魂獨對芳叢欲閉門好睡仍
如春有夢非啼却似淚多痕微含酒量宜疎雨淡抹臘脂
炫遠村看到牆陰偏綽約凡葩俗艷不堪論弱質娉婷未
被霜手姿絕好映橫塘妝非怕冷還燒燭袖乍驚寒待啓

箱不慣承恩依姊妹料能解語媚君王貯嬌何必誇金屋
早向碧雞尋舊坊天際雲光暗想衣美人相對效顰非芳
心耐此蛩吟久晚景饒他蝶舞稀有粉縱和明月墮無香
不逐野花飛隔籬時露嬋娟影幾度鴻音莫故違孤芳那
肯倩人憐落葉蕭條掃暮煙薄命生成聲寂寂幽居習慣
意綿綿草堂無句畱遺恨花樣因時惜盛年應是蓬萊仙
骨好珊瑚開向五雲邊

尹竹虛富順人少治賈累鉅萬後築室于山水幽奇處讀
書喜爲詩望樓臺寺云眼底嵐烟散分明露翠鬢寺藏修
竹裏人在遠峰閒鍾動聞昏曉禽飛自往還擬將農事畢

卷三

寄

晴日好躋攀幽居靜觀云村落茅茨外門前眾綠羅柳絲
長似線瓜葉大於荷地僻塵氛少巖幽野興多不嫌時獨
步嶺半聽樵歌冬日山行云一峰豎立一峰橫翠點斑爛
逗早晴愛看野雲登絕頂別尋谿徑覓歸程烟銷日出霜
無迹木落天寒鳥不鳴賴有迢遙風物美放懷何處不詩
情初夏所見云桔槔聲歇好扶梨繡野平疇望欲迷飛絮
亂飄堤左右新秧分插畝東西花閒栩栩春駒舞竹裏深
深謝豹啼更喜昨宵甘澍沛潺湲一帶響前溪
楊誠村芳官湖北提督在廣東軍營以病告歸公貴州人
少年落拓精天文星卜諸術投軍爲營書楊忠武時齋奇

之積功拔擢至大將與通譜公善書酷愛聖教序時時臨
摹爲人書聯字亦勁健有同宗侄孫女集聖教序作詩百
首壽之才思濬發公大喜以爲才女當爲擇配時岳大將
軍之裔以蔭爲參將少年美秀能詩爲媒定之人稱雙璧
詩刻石異日當訪求

廣安州牧劉有儀號碧溪江西人多蓄姬妾七十餘猶生
子傳有祕方以年老罷官猶坐挽四力弓夜于紅紙書蠅
頭細字道光二十五年卒卒時無病偶語家人曰吾從不
恍惚今忽心動體覺不快殆將歸也翻閱時憲書乃曰後
二日卽佳有早晚二時求沈春浦爲決擇以後時更吉處

卷三

幸

分家事語姬妾云身後欲嫁者不必強畱各分以衣物作
書與子之在他省候補者囑至時啓封不知其中何語屆
期沐浴更衣集家人曰吾前世廣西鬱林州某寺僧也爲
士人欺凌太翁爲此地典史爲吾伸雪心感之歿遂托生
爲子擾擾八十年竟成何事語畢微笑而逝
嘉慶辛未資州有人掘土得銅牌長三寸廣二寸厚四分
上繪小像鐫醉仙二字腹刻絕句云中山徒命侶河朔漫
飛觴儘把千鍾酒今宵醉一場不知何人造也
安岳某歲飢家貧攜幼兒出走至資陽行乞臥病竟卒村
有李姓饒于貨樂施予眾以兒無依委之收養使在學館

供掃除師以書授蒙兒竊聽口誦所授者未習兒已熟矣師奇之言于主人主人有子婦孀居有嗣子更抱兒為次子數年入泮鄉試獲售思本生母欲訪之第不知何縣父何名茫無所之漫遊庶幾一遇夜夢有女戴冠立山上招之醒情人占之卜者曰女加冠安字也在山于岳為近其安岳乎往訪無端緒偶至旅店遇老人言之老人曰有此事今居某園側賣菜自給當是汝母即求其指引夜已深叩門嫗出問備言狀婦云兒乳旁有黑誌解衣驗之良是相抱哭迎歸資陽奉養終身某官成都教授為母立坊李大興四川水手往來荆襄江中多石舟行甚險大興積

卷三

奕

錢貿易開米行銀至鉅萬乃覓工鑿石歷年耗金五十萬川督鄂宮保奏聞 恩賜職銜其人至今猶在以水手有此胸襟固不凡也尚欲鑿夔州間石土人以彼地風水所係阻之惜哉

洪石農範家貧以布衣遊蜀工畫善書兼喜作詩貴官多愛之入蓮幕隨軍營辦理諸務軍功議敘得官宰富順升瀘州府至道憲字極老重畫着色花卉饒生趣市肆多偽者徒存形骸耳大字多刻石以傳歸時載金三十萬隨意寫石雖小幅送質庫得十金以饋戚友之貧者公浙江人今多珍藏其手跡

葉小珩云鄰水縣葉某買雛姬教歌舞以遊四方得厚金與匪徒等有怨匪等瞞其出妻妾子女孤處無鄰率眾夜入室搶掠一空輪姦婦女後盡殺以滅口月餘無知者地保催征排闥入見屍皆捆縛殺戮甚慘大驚報縣票差四出緝訪毫無影響偶坐樹下假寐有犬以喙觸其耳醒而叱逐復寐犬復至如是者屢怒甚欲殺而烹食之逐犬犬奔入一小室見五人聚賭犬咬四人衣獨遺一人差疑犬殆有故盤詰其人言語支吾鎖以見官審得其情索賍纒纒起獲多刀每審犬必隨眾上堂賊莫記殺人為何刀犬一一嗅之口銜出者即兇器燬有血暈一賊堅不承刑訊

卷三

奕

死移屍出犬嘴去其耳及定案犬不食而死嗚乎義哉嘉定有南瓜會或數年或七八年忽南瓜中結一最巨者集眾作會賽神沈王齋曾見之長約二丈橫臥高五六尺觀者駭絕又有白蘿葡亦不定幾時出一巨者大可兩人合抱

龍安太守鄧樹棠存詠好為詩咏俗事俗物以俗語描寫形容曲肖或議其近俚予謂此打油詩之變調也打油體近絕句此以古體行之均足解頤昔楊鐵厓樂府獨創一格譏之者以為詩妖而奇詭有不可磨滅處尤展成作明史樂府仿其格調誦之娓娓動聽樹棠亦自樹一幟也有

僕皮姓亦通詩長齋繡佛樹棠好靜僕亦無事靜坐故特
愛之僕前侍陳道憲陳爲書扇及卒僕勒其像于孤山以
榻本裝長卷裱其扇于後自作記乞人題詩王遲士題云
深蒙青眼劇憐才詩扇裝成入蜀來穎士從知難再得相
思明月幾徘徊

余提臺步雲少年苦貧遊街市測字帽上粘紙條寫窮不
火三字在典史署前危坐高談典史某出未之見也怒其
不起掌責辱之余忿投軍爲營書積功官至四川提督性
好讀書手不釋卷倉卒臨陣置書于懷賊發火鎗鉛子適
著書未傷肌肉亦喜作詩嘗與人借網鑑手加批評甚有

卷三

究

議論貴後以重金遺典史稱好友謂非一激之力不至此
亦大人氣度余廣安州人典史姓牛名夢祺浙江人時署
州吏曰

大江有險灘曰道士觀陡崖壁立有孔穴臨水江中有石
斜互逼水趨崖浪急勢猛舟觸崖立碎或撞入穴不得出
人以爲苦藩憲董樸齋淳深憫之首捐萬金更募三萬金
令崖上支架繩繩工人而下於江流鑿石石去灘平舟行
無患董公山東東平人

大包山在洪雅出錯甚高峻俯視土屋我眉皆在足底惟
六月不雨雪亦必設火圍爐如北方嚴寒之時山上以木

板支屋過鑽天坡直上五六十里鑿石爲磴堅冰滑足一
墜命不可知矣下此爲溜沙坡在山腰有鉛廠三處扇樂
經每廠聚集一二千皆無賴游民山寒竝不生包穀皆下
山負米風起人卽伏臥否則飄落林木陰森不辨路也根
有二海子沉沉碧色在山不敢語怪語則冰雹立至大如
雞卵

大相嶺高三十里無林木而濃霧迷漫上不見日下視不
見底至山頂過路口則赤日杲杲俗呼陰陽界下此二十
里路有二十四盤卽清溪城城仍在高山也吾東張曉村
過相嶺不敢乘輿以繩繫腰二人挽之過建昌小相嶺更

卷三

究

高于大相嶺大相嶺僅及其腰傳言王尊叱馭卽大相嶺
地古名九折阪今雖乘輜猶須牽挽何以漢時叱御迴車
曰御曰車似非輜也今之道路日見開闢反險于古昔必
無是理相如題橋異日必乘高車駟馬過此橋至今星使
往返皆以肩輿未有乘車而至者自寶雞至成都車不方
軌馬不並行勢不能也史冊言之後竟無疑之者他處人
不知何蜀人亦無辨者臣遊經此者亦復不置一詞豈相
習爲固然歟古今疑案此爲難解

辛巳同年沙博齋廣增性情和雅讀書人本色補儀隴令
喜爲詩見其題富貴圖云東風片片雨絲絲釀得新紅一

捻脂占盡人間清貴福太真顏色謫仙詩風流瀟灑才人之筆也

錢復齋卒樂山時與李子茂元蔡交善及任雅安卒眷口不能歸其子來樂山謀開奠冀得賻金作費竝議嫁復齋所遺少妾子茂聞其事夜招至家力止之云官斯邑即嫁妾于斯邑之民毋乃不可後得賻金僅二百不足用子茂慷慨贈八百金乃得歸古道可風今人不多見子茂捐鹽知事其兄任湖南阮陵縣前卒聞子茂之父厚德尤著宜有肖子

卷三

存

峩眉張玉田熙宇和尉琴南山花八首元韻寄托遙深琢句工麗有情有韻咏物高手也白白紅紅畫不成空山寥落客心驚何時幽谷移佳種幾度間愁累瘦生出世有誰顏色好托根原自品流清年來榮悴尋常事未改天然野性情不鬪長安紫陌塵山中一樣有陽春也思逃世偕高隱未肯傾城讓美人樵徑雲消巖草綠洞門雨過藥苗新金鈴繡幕知多少寂寞煙霞剩此身記曾含睇斷人魂消受東風一面恩根弱自難移 上苑品高原不入朱門羸洲春到風無信繡戶人歸月有痕自是生成林下質不須細雨怨黃昏平生不受綺羅情流水斜陽別有天世上幾人誇富貴此中何日不神仙修來泉石供幽賞悟澈繁華

有定緣為報當時金谷侶故人已抱白雲眠夢繞江南杜若洲亂頭粗服亦風流生能解語誰相識開竟無名我亦愁雨外鷓鴣芳草路風前蝴蝶夕陽樓馨香何必求人採身比幽蘭分外幽碧雲籬落帶柴關獨立娉婷好玉顏不遇陽春都絕世坐收清福有名山烟痕弄曉溪千曲露影浮空月一灣不識軟紅塵上土羣芳何事戀人間一邱一壑有心期敢怨年年雨露遲雜處那容荆棘掩亂開不遣女兒知朱簾畫閣非今日俗李粗桃自一時最是行人回首處杜鵑聲斷費相思生涯何必薄山林一夢琴尊醒夙心不惹窮愁原性定難空色相是情深天寒自托樵人慰

卷三

三

日暮誰為小草吟除却閒雲和野鶴紛紛何處覓知音龔少蓮扇頭有詩云好花原是女兒身管領羣芳亦美人兩手裝成香世界阿儂心上自多春東風催促下瑤臺萬種繁華次第開笑我平生多結習不妨片片着身來乃沙博齋題散花仙圖錄之

巴縣郝借夫之杰作詩成集畫花卉有名士風韻室張氏美而賢畫蘭於少蓮便面借夫題詩其上乃昭君怨也寥落花容冷漢宮君王祇解重和戎忍看荒冢埋烟土何苦圖形罪畫工環佩夜寒邊戍月琵琶聲慘塞門風黃沙白草秋光老無限淒涼付斷鴻烏江渡云東渡依然可作王

轉因父老愧還鄉高歌慷慨留生氣名馬悲嘶戀戰場天
命有心收赤帝英雄無計庇紅粧江流不斷精靈杳剩有
漁舟弔夕陽別龔少蓮云小聚經旬又遠行驪歌唱亂子
規聲遊蹤如雨吹將散奇氣橫雲悵轉生放眼古人皆幻
影驚心何物是浮名蓮花幕底詩千首一樣疎狂見性情
俱蒼老音調亦鏗鏘歷落

劉晚香仁溥成都孝廉現任忠州學正題楊文泉涼山路
雪圖蓋從軍雷波作也詩云犖犖确确山形惡晰晰瀝瀝
雪花落赫赫明明王師出糾糾桓桓虎穴入層巒瘴霧濕
雕鞍腰橫秋水刀尤寒長途請纓氣無前直把儒官作將

卷三

三

官先生束髮嫻韜略短衣匹馬凌峯嶠到眼荒涼接地陰
天舞玉龍照丹心沟沟烽煙警雷波孤軍其柰猓夷何怒
揮魯陽返日戈涼山一帶尋夷窩山隔蜀滇森簪笏攀岩
人爭龜手藥猿背凍皴懷挾纒白戰天陰鬼夜哭關西清
白傳家聲玉山朗朗助神清先生此去揚精兵何愁妖氛
不蕩平我讀采薇壯士卒雨雪霏霏勞行役我遊蔡州憶
李禦雪夜攻城師突入君恩高厚臣辛苦露宿風餐歷
險阻奇境歷歷繪丹青披圖應起劉琨舞成都向金門瀛
孝廉家世讀書以厚德貽謀嘗爲縣令亦題詩云大涼山
小涼山莽莽煙雲萬仞間朝踏雪暮踏雪南征又見使君

節盡爾何事更鴟張雄軍直搗虎狼穴山屑玉水流銀星
戈霜劍倍精神黃沙陣裏白沙飛八地九天辨風塵柳絮
密散花驚毛大如斗寒關壓斷馬不前鑿凌斬冰綠崖走
芒鞋踏破蠻荒煙殺盡豺狼邊復邊蜀南滇北瞥眼中玉
樹瓊花共一天蔡州驅鷲鶴滄沱聽流澌千古英雄各出
奇雪真爲瑞吉占師吁嗟平山登燕然丈夫志報國何心
辭勞動有邊不築受降城先生忍教休鐵騎君不見凌煙
圖上寫鬚眉滿身雪花饒風儀

卷三

三

李海颿觀察從軍剿夷匪卽所見爲詩橫山兒云橫山兒
道旁啜泣號苦飢兩目不見物奄奄命如絲我行山麓偶
見之扶入城中舖以糜問兒家何處卽在山之嶺問兒家
幾人有父有母賢且慈問兒胡若此欲語不語聲嚶伊是
月十一夜將半猓夷突至如虎貔殺死兒父携兒母將屋
焚燬空家貲兒匿亂草中賊去不復疑回家四顧只灰燼
愁雲滿地酸風吹兒父有屍不得葬兒母存否未可知語
罷復作嗚嗚泣但看涕下成縷糜夷處亂山難防守自昔
焚掠兇慘無不爲猓日猖狂民日困邊氓引領望王師是
兒甫七歲絕粒九日臥茅茨若非予一飽殍死殊堪悲我
所及見僅有此其地槁項黃馘撲谷顛坑知是誰作詩一
爲寫哀憤願乞高天能聽卑太平兒云太平兒年十五解

作蠻言學蠻舞一足良於行一足不能拄步履艱跚身偏
僕問何以然淚如雨兒本越雋人隨父日行賈猥猥忽至
猛如虎心欲遠颺氣不鼓反接兩手如縛雞拽入窮山真
慘毒朝使斫柴薪暮使牧童殺其他賤役靡不為稍不如
意勃然怒鞭撻齊施百般茹苦有時乘閒欲遁逃賊已探
知重繫取將刀斫斷左脅筋痛入肝脾血濡縷復加捶折
毒烟薰骨節齟齬皮肉腐處此歷八年烏困樊籠魚困苦
昨冬大雪壓夷巢賊夥畏寒堅閉戶鼾鼾大睡曉不醒亟
啓其門越其堵荆榛塞路苦難行絕巘纒過臨絕浦有橋
獨木架洪濤以腹蛇行縮兩股恐賊追至無活理結氣填

卷三

詩

胸不能吐幸而渡此橋四望心無主默想水向低處流順
水前行當漢土踉蹌十餘朝忽見一村塢急呼土人來救
我虎口脫離天日覩至今魂夢間猶怖猙獰眾蠻虜我聞
兒語心慘悽作詩一為貽軍府

木果木之難提督董天弼陣亡於錫嶺或稱昔嶺蠻地顧

密齋京尹為作錫嶺云董軍門陷錫嶺耿耿孤忠日未瞑

當時慷慨請兵行耐將軍堅不肯八十人老兼弱四山

蠻羣窺伺確蠻為山兮我為卵以寡禦眾無善著詰朝凶

耗到軍營立草飛章劾幽鬼嗚呼沉寃兮董軍門

吳璜字芳甸號鑑南浙江會稽人乾隆庚辰進士來川委

解軍餉至登春畱佐軍務西軍潰鑑南之馬不能行遂遇
害君少負詩名諸名流深賞之李傅杰輓以詩云罡風吹
綠神燈影鬼馬科車夜游騁玉棺骨化碧血乾博得主符
郡重領當年節度師潰時蟲沙猿鶴伏以飛韓吳丈糧絕
命同絕木牛不起封豕啼金龍箋奏碧落籍治粟官仍二
千石國殤豈但為雄鬼一曲神弦陣雲墨屯官假寐礪樓
旁八騶五馬來堂堂心疑受替得太守豈料拜節躋天閭
翠旂孔蓋須臾散絕微荒鷄忽驚喚生死邊事死撫邊魄
奪蠻渠望風竄我聞英招陸吾各有司灌嬰紀信皆建祠
臨邊關廟走巫覡捨此蓋臣循吏當誰為丈與先公况同

卷三

詩

第霓裳大羅天上事仙曹自把真靈圖孤子將編先友記
不識海山兜率中九約土伯誰相逢欲呼山鬼被薜荔且
夢城主奉芙蓉縷衣我已六年脫父執神君兩悲咽移來
一片鐵桂花望斷三城戍樓雪

王如玉山西靈石人家於江寧貌端凝尚氣節以貢生捐

道發貴州暑貴西道降調來川即著譽望金川軍興赴登

春行帳襄理軍事西師潰如玉秣馬礪劍移營不數里賊

蜂擁遮道如玉揮劍迎擊傷數人卒中鎗而殪贈太僕寺

少卿潘紫垣題王璞園殉難云乾隆三十八年夏西蜀大

星隕中夜金川戰爰温將軍紛紛猿鶴沙蟲化璞園觀察

時從戎眼光如電氣如虹倚馬萬言資擘畫隨身一劍矢
孤忠齏爾逆會偏狡獪一旦詐降通內外無端豕突更狼
奔百萬貔貅遭毒害西路全軍靡孑遺南北二軍無援師
獨護儲胥誰與助環攻孤注勢難支慷慨策馬衝圍出或
勸公逃公怒叱手誅追騎十餘人力盡身戕公命畢可憐
二子方髫齡無人收骨荒山青惟餘健僕遵遺命奉歸玉
鞬安公靈欲問當年征戰地蔓草寒烟空灑淚招魂不復
見英姿崇祀差堪酬壯志

川蜀教匪之變吾東死事總兵王懋功福山人叅將胥泗
起歷城人胥有卹蔭吾所素知而四川通志忠節傳無其

卷三

美

名二人死事在嘉慶壬戌歸里當考其詳卽如同時死金
川之難通志忠節傳有馬全而無董牛二提督不可解惟
署忠州諸城王垂重通志云山東人亦不書某縣云歷辦
軍務有勞績嘉慶二年委權忠州事教匪擾及州境垂招
集義勇奮力追剿力屈遇害程尙濂輓忠州王公詩云憑
將一旅掃萑苻血濺沙場七尺軀温序銜鬚聲慷慨臬卿
鉤舌語含糊鬼猶殺賊心何壯沒則爲神事豈誣青史精
靈光日月千秋浩氣與撐扶
譚子受光祐以同知來蜀挾妻妾往塞外屯田作英雄兒
女圖何立之道生題詩有云平生知己兩紅顏賸以腰間

青霜鐔豎儒祇解學兔園志士終當畫麟閣

昔諸生有輕學使者云彼千字文學院耳及考古學使出
題乃呂律調陽賦閏餘成歲考諸生擱筆涪州周文恭公
焯視學江西亦有狂生云邊省人年少叨科第何經學之
有考三字經可耳公考古試題爲連山歸藏賦大小戴禮
考諸生茫然無能措詞公笑曰三字經竟亦難考耶發落
時講論十三經廿一史文選三通諸書銜口而出一字不
遺眾始服公學博而精與前事可謂合璧

卷三

老

李研齋娶鍾山秀才吾鄉王西樵爲作歌中有云墨痕時
壓唇邊朱初以爲極力形容其耽文墨耳未必實事及觀
觚賸云鍾山秀才每一出游秦淮麗人爭相窺仿嘗畫蘭
竹婢墨池侍以淡口退筆墨李詩云別有香在口莫畏臙
脂黑乃知語非空下

山陰陳二梅景初爲洪稚存及門稚存稱其七古有奇氣
官于蜀過敘州望涪翁流杯池不果遊作詩云有山不登
山笑人有酒不飲人笑貧我令一杯飛上山山乎我乎忘
其身頻年作客不知處舉杯但憶山陰春山陰城南慣修
禊流觴曲水王右軍夢中昨夜飛渡越白鶴化作飛仙魂
醒來一枕香在口滿山紅樹何氤氳山中涪翁跡尙在拍
手我欲開芳尊欲行不行波浪惡片帆飽送來江濱黃公

點頭卻笑我咫尺未了前生因郎官頭白久簿領坐惜好景如春雲古人秉燭不復得鎖江亭上夕陽曛鎮江亭在對江山址

下曉望巫山十二峰云巫山十二峰峰勢相向朝日偶

一映青紅紛殊狀錯落合地脈雕鏤巧天匠頭盆洗玉女

天花散寶藏傳聞雲雨時合併如儷伉楚王爾何在一夢

誤青嶂神仙傳本奇可讀不可訪所以一拳石亦作望夫

望豈以媚行客客子非可賦我將坐其巔隨風飛天上

張勉齋西銘成都府諸生愛鹿堂春日書懷輕風翦翦雨

絲絲料峭春寒瘦不支小睡偶然頭枕几放懷不覺口吟

詩烟波宅憶元真子風月場懷杜牧之最是瓶蘭知我意

暗香浮動沁人脾輓主東張雪樵灌口山頭踏翠微夏日

雪樵赴灌口登玉壘此情此景尚依稀早知抱病怨怨去

翻悔臨歧草草歸八月十四篋底詩篇猶似昔余與雪樵

手抄樽前景物已全非絕憐鎮日清談憤未解存亡望叩

扉風流頰盡感當前搔首踟躕萬縷牽筆墨空餘才子氣

塵埃竟學古人眠歲星幾見能為宗雪樵春初病愈向星

歲劫數從知本自天痛絕新詩成誠語果然相見未經年

雪樵春初贈余詩有恨余相見未經年句余為友

人誦之友人曰經字不祥亦不介意竟成詩識

盛汝舟大器郟邑孝廉性亢直而詩才清麗著有碧檀樂齋詩及後其弟東序學博倩陳卯生為選定序而刻之卯

生其詩友也過牛頭山天雄關牛頭山半天雄關陡立一

峯橫西偏天雄關上牛頭山頭昂天外穿雲烟關山至此

險已極行人不丁淚痕潛朔風正寒嶺髮禿怪石槎枒苔

爛斑蛇紆螺盤羊角上一梯一梯梯蟬聯關上小軒覽容

膝手捫參斗非人間西望青城峯卅六南窺峩眉聳雙鬟

東俯巫山十二幻雲雨北鄰太華三峯花生蓮四望空濛

烟一掃只覺此山高出眾山巔下視澄江淨如練嘉陵島

嶼紆迴環鳥奴九龍各負弩九九峯遙相連天生險阻

掉蜀國後有劔閣前朝天西風斥堠狼烟靜明月戍樓寒

析懸宇宙陬區聚三蜀 皇靈赫濯威八埏輪蹄絡繹深

箐裏蜀道盡化為安便不信試看牛頭上縱橫石壁皆耕

田賣花曲和曹易菴時人烟如海錦城市十萬人家春夢

裏賣花碎喚兩三聲喚醒香閨人乍起侍婢街頭爭買花

春風隨手入人家曉妝初罷日欲午斜插花枝添容華畢

竟花樣須合格春日宜紅夏宜白風葉露叢枝各鮮名花

自古配傾國我曾街曲遇花籃麗襪雖多品不堪賣花對

我冷然笑好樣隨時君未諳世人愛花但愛色花品貴賤

都不擇好花須得金錢多襪花易購聊粉澤乃知俗好大

都然不特愛花兼愛錢花須求好錢須少聲價太高寧棄

捐孔方勢重花事薄賣向街前費斟酌所以蘭為王者香

獨抱孤芳老幽谷醉歌行賁不必漢金吾富不必齊陶朱
唾壺擊碎西風起快意當前且自娛酈生下城七十二終
被忌功遭戮屠斜風細雨垂楊岸擬向烟波作釣徒酒美
魚肥儘可醉扁舟一夢游五湖若必平生快恩怨瀟陵醉
尉何時無蓮池菴夜雨獨坐感懷雨落空階碎玉聲樹陰
牆畔一燈明談禪靜潔參無上掩卷蒼茫憶有生千古才
須求實濟百年人苦絆虛名狂來起舞西風急不待聞雞
意始驚送曹易菴客維州浣花溪上共尋春數典江源未
涸岷六月寒光飛雪嶺一鞭殘照老風塵詩情好爲看山
發食料須諳飲酪新此後輸君邊事熟籌邊合是過來人

卷三

全

村溪閒眺秋色西來澹遠空竹籬門外水溪東清池萍藻
浮花鴨小徑蓬蒿聚草蟲古寺冥冥天欲雨寒枝肅肅葉
隨風漫遊頗有濠梁意物理閒窺自在中梓潼道中到此
平原眼一開旅情無限轉徘徊人從棧底穿雲出山自秦
中送客來倚轎書成空卷軸沿途買酒犒輿僮故鄉錦水
隔潼水惆悵重經司馬臺劔州早發入棧初經險臨巖似
履冰土人朝說虎山鬼夜吹燈劔拔峯千仞城欹石一棧
寒雞催上嶺月在最高層蜀國弦空圍一片月腸斷四絃
聲花露經秋冷江風入夜清鮫淚滴冰盤猿啼哀石峽銀
河案戶橫不寐熏爐鴨冰絃滿欲斷香縷聚還散金井半

桐枯土花圓唾粲霜別芙蓉老秋生羅綺光闌干雙袖溼
流淚碧雞坊七言佳句寒如范叔知交少貧到馮驩作客
難漫與文章爭得失須知名利有盈虧秋風亂擊鐵如意
明月豪呼金叵羅茂陵風雨憐司馬吳會菴鱸羨季鷹荒
烟斷岸蕪城草老樹斜陽古苑花皆可誦

眉州之蘓祠卽當日故宅有老榆大數圍是老蘓手植池
中荷花亦其遺種有魚黑色是老蘓洗硯處李伯時所畫
東坡磐石像在祠中卽山谷所謂極似其醉時意態者也
馬券碑乳母碑雖後人摹刻其石已泐亦不知自何時也
周厚輅詩云親栽榆樹老當門手種荷花尙盈沼遊魚旣
黑不敢白一勾當年墨飲飽

卷三

全

蘇維龍官游擊嘉慶四年二月教匪張漢潮自三岔竄唐
藏蘇公過之力戰三時大罵赴賊死兵丁焦忠孝恐賊毀
其尸乃自詭爲蘇公被賊支解一軍皆盡賊退土人瘞其
遺齒立廟以祀蘇將軍氣如雲報國淚常熒熒忽聞有賊
至奮起聲如霆或曰賊萬而我五百人百一之勢懼不敵
將軍曰嗜殺賊是吾職丈夫死職耳焉能避鋒鏑將軍馳
而左壯士亦皆左將軍馳而右壯士亦皆右將軍愛士得
士心轉戰而前誰敢後賊旣不得脫士亦不肯休顏雲慘
慘苦霧合戰血噴起懸崖愁維時日向暮苦戰猶不已手

擲魯陽戈面著雷公矢須臾馬蹄一蹶不起將軍大呼曰
吾得死所矣慷慨而結纓壯士皆死之日難民方作
壁上觀曰有焦忠孝同時被寸剜生為烈士英死為雄鬼
先為民捍大患配祀無愧焉吁嗟乎豺虎縱橫兵雜沓將
軍不死必死法泰山鴻毛等死耳得死為難何用怯君不
見閻邱不救張睢陽身死杖下誰爾傷蘇贈參將焦贈千
總守備尙某以觀被杖自勒死詩係陶雲汀作

陶雲汀觀察川東其族兄蘭江名澄者來蜀相視雲汀已
擢督臬入都江津令延主几江書院臥病時遇異人問以
病異人示之詩云倪田生計感江湖過得春光九十餘試

卷三

全

問長沙遷去客洞庭秋水膾尊鱸時壬午閏二月初一日
也歸里途卒始知春光九十過此即無異人之言驗矣
四川潘憲李公希文兄名在文前為江北廳強幹有才是
時逆匪方熾獲良民輒剝皮火烤或碎割以死公怒曰民
死固劫數何慘酷乃爾獲匪徒即以所施者施之且明告
賊賊為稍斂選精壯利器械隱若敵國賊不敢犯涪州周
文恭公煌奉 命祭告江濱回奏謂重慶不失江北廳李
在文之力也後升綿州直隸州

蘭陵三女史趙氏姊妹也雲卿友月書卿佩芳韻卿友蓮
皆能詩隨父流寓於蜀後來孤苦特甚女子知書果非

歎丁碧溪語余云友月早卒佩芳夫亡祇一女現居嘉郡
十指為活妹友蓮適潘某潘以微員坐屯每分俸金寄佩
芳以養其老母弱弟今歲丁未潘又卒友蓮亦稱未亡人
焉吁可悲矣予以團扇託碧溪乞佩芳畫為寫著色桃花
並題詩云筆蘸胭脂點染勻一枝摹寫上林春東風十里
紅如錦畱傍甘棠蔭遠人應酬筆也秋夜聽雨云玉獸香
殘夢乍醒西風浙瀝警花鈴梧桐庭院三更雨化作秋聲
枕上聽聞絡緯口占云涼月娟娟冷綺櫺寒聲斷續隔窗
聽不嫌風露拋梭急一夜鳴機肯暫停過灘云江水奔流
急滔滔瀉碧湍雲聯山萬壘泉引石千盤風吼灘聲壯潮

卷三

全

吞夕照寒此行真冒險幸賴一舟安瀘江遇雨云落葉下
寒培殘陽冷薜門竹疎微露寺樹密遠疑村細雨添山翠
輕風縹水痕蘆間漁笛起宛轉弄黃昏渡石鴨灘遇雨云
灘險寸心驚危舟駭浪行濃雲遮日色驟雨壯濤聲作客
知非願還家固有情來朝乞風便莫更阻歸程舟至敘州
登石鳳菴樓云登岸上江樓山川豁遠睥睨峯銜日照遠
水帶雲流燈火孤城暮風煙兩岸秋興闌返舟後魂夢續
清遊五律頗蒼健余囑碧溪有延女師者薦之亦風雅中
厚意也友月瀘州晚泊云移棹江邊泊山城落照斜天空
排鴈字風急薜蘆花紅葉經霜樹青帘賣酒家寒簾曉暮

景吟賞興無涯清明云遙村烟起有人家一帶平原萬柳
斜客裏清明看祭掃紙錢飛上野棠花友蓮暮春云曲欄
干外小庭西芳草青青似翳齊一任春歸人不管梨花滿
地亂鶯啼秋日早起云深沈庭院掩重扉風細香濃曉露
微情立若苔憶殘夢桂花如雨落秋衣

徐瓚字殿鵬號玉亭江蘇陽湖人乾隆丙子舉人甘肅華
亭知縣調四川新繁攻金川管西路糧餉死木果木之難
子大榕號惕菴官戶部聞變西向慟哭尋屍辛卯與李雨
村調元過于成都雨村輓以詩云白馬秋風出帝京旗亭
話別一樽清大忠翻覺從軍樂至孝偏悲死節名血洒寒

卷三

金

山鵲是伴骨留荒湖草難生因君至蜀尋消息我亦淒然
動客情玉亭贈道銜 賜祭葬蔭子按徐惕菴後知山東
濟南府曹慕堂宗丞學閔癸巳六月間木果木之警有詩
云羽書一道報嚴吏鶴唳風聲事可驚萬里不歸都護馬
諸軍空望亞夫營狼心自是忘威德虎口憑誰寄死生衛
國籌邊良亦苦昨來新築受降城昔嶺巉巖血戰時幾人
馬革裏還屍曾揮露布工籌筆纔著戎衣便死綬趙璞菴
吳鑑南猿鶴叫雲君子怨龍蛇犯歲故人悲偷逢遺僕煩
頻囑莫遺深閨少婦知

庚子八月夷匪出擾丁氏女隨母氏投奔銅河岸俱被執

殺母留女投其屍於河女罵不絕口乘閒投河死抱母屍
浮水上樂山毛覓生大令聞其事祀於李烈婦祠楊續
亭玉堂通判裁邊爲之請旌作詩云梟獍集邊陲肆惡登
壘斷其鋒莫敢撓紛紛鳥獸散逃竄既無蹤俘纍亦無算
死別真愴心生還亦覩面卓然丁烈女勁節金石貫生長

蓬廬中婉婉理針線問年方及笄尙未待冰泮一家慶團
樂情惟慈母戀封豕突然來舉室驚奔竄女啼牽母衣母
走曳女腕烽火遍山坳倉皇投河岸母氏已被執頸血隨
刀濺棄屍付東流謂女美且豔女嘗呼且啼啼聲震霄漢
伺隙投洪波浮沉無涯畔須臾洪濤中抱母屍忽現猶如

卷三

金

聞啼聲頻將阿母喚魂歸大羅天名播青衣縣採風欽大
尹廟竝江離薦我來聞芳規歛歛復感嘆人生直隄危所
爭祇一綫志決身可殲慷慨殉母難不謂蓬蒿閒是宜欄
而弁至今銅河濱過者猶傳羨撫實上輜軒斯人亦僅見
願言借彤管勒名列女傳續亭在裁邊目視民艱作大窩
蕩紀事詩云鼓聲擊喧闐吼聲喊咿啞傷哉大窩蕩前居
攪人午夜心驚爆柝岩作壁支木爲廬攀藤拾確礫側足
事擾鋤朝偏豺虎夕逐狼狙冒險登梯勤播種幾成緣木
想求魚封豕長蛇實有毒毘連深山恣盤踞風剽忽然來
席倦得意去父被殺子被掠婦女伊何辜纍纍載道被繫

虜子然一身漏賊刃椎心泣血誰告語死者長已矣生者
何時還老者羈西河弱妻賣涼山昨聞信遞開械流涕挾
括鹽布酒擬作收贖計無如劫一空何術辦金幣昊天不
弔雨霖霖處處稻穀付歲祲惟餘蜀黍種山鵲擬糶新谷
買完聚板援陟崇阿看我棲石禾迎秋已漸熟粒米狼戾
多又多耽耽黑熊夜攫人將往收穫吞噬可若何晝則伏
于莽夜則枕我戈嗟茲黑熊兮縱不獲食爾之內寢爾之
皮又焉能俯首低心儻焉受制於么麼鼓罷繼以吼吼罷
繼以鼓鼓聲吼聲喧終宵潛焉出涕涕如雨傷哉大窩蕩
前居跬步罹險巇日不勝瞿瞿胡為鬱鬱久居此豈果視

兩卷主

全

此為樂土既避夷氛惡更畏猛獸取慘目岷邊氓那堪苛
政猛於虎

重慶府學署有太湖石明宣宗賜養忠定公義者公巴人
住蹇家橋自都五千里移石家園榮君賜也綦江李作梅
有詩云臣心如水堅如石石猶不若臣心直君恩似念臣
力瘁賜臣以石置園內上苑移來五千里苔花濕雜蹇雲
起宸翰還須一个臣西湖池上懸天語吁嗟乎石可爛兮
名不滅况乎此石堅於鐵立品真如石丈人拜石還應日
三百泐石鐫銘姓字芳石不能言石心悅君不見蓮花池
上假山石棄置道旁人不識尚書門第相公家一石榮辱

不相及我今一過承恩堂忠定賜堂 額曰承恩蹇家橋頭遺澤長揭
水洗石石逾潔猶帶當年御苑香

榮縣廖庶常朝翼事繼母孝母失明十二年矣丙午年八
十雙目復明喜甚作詩云鶴髮慈親早失明長年苦作夜
三更求醫究盡岐黃術海上神方製不成葠苓迭進總無
功祝日情甘換耳聾悶極常思天有眼誰將秋水剪雙瞳
候看霜雪上華鬢介壽人稱不老仙獨有一番心歉處孫
曾繞膝未瞭然終日昏昏十二秋黃楊厄運幾時休今朝
放出光明藏坐看重添海屋籌綦江伍翰屏輔祥贈詩云
至誠能感物純孝能格天側聞古孝子軼事至今傳王祥

兩卷三

全

臥冰上冰泮魚躍淵孟宗抱竹泣新筍大於拳脫非純孝
故胡以能致焉扶九同年友吾信無閒然通籍悲失怙泣
血居三年奮身入翰苑忠孝難兩全痛子有老母失明時
憂煎將欲板輿迎起居復不便將欲子婦代寸心兩地懸
以此輾轉計不如歸耕田承歡潔滄滄扶持隨後先老母
忘所苦願養得安眠去年屆人日倏爾沈疴痊不假金篦
刮不事扁鵲延有如霧氣撤天霽無雲煙有如昏黑夜寶
炬照金蓮細辨孫與曾開眺陌與阡一洗諸苦蘇詩 蘇詩 蘇詩
華筵昨日得君書尺素寫纏綿讀罷為君喜蘇詩 蘇詩 蘇詩
咄咄大奇事神妙難究宜我歌為紀實懿行蘇詩 蘇詩 蘇詩

聽雨樓隨筆卷四

濟南...
李石農方伯鑾宣山西靜樂人家...
陞雲南臬使緣事謫戍塞外復由部郎起至廣東按察嘉

慶丙子陞四川布政旋陞滇撫未行遽卒蔣礪堂先生移
節來蜀以舊日寅好恐其詩稿散失為作序刻之所著詩
千二百首公與法時帆洪稚存諸詞人以詩往還暇輒吟
咏白適故作詩獨多有成都雜咏十二首錄其六云四面
奇峰擁畫屏迢迢劍外蜀天青人行鳥背穿龍穴江繞魚
腸鑿龍靈石紐曾聞雷禹迹版圖先見入堯廷華陽黑水

卷四

梁州域漫詔開山自五丁拔山有力怨重瞳棧閣燒殘土
復東逐鹿中原嗟板蕩斬蛇高帝是英雄鼎留後世三分
業幟樹當年百戰功玉壘浮雲變今古渝歌猶唱大王風
蠶叢自古號巖疆了了青衣割據場往日公孫曾躍馬何
年豎子又牽羊圖懸八陣雲蒼莽夢憶三刀路阻長金鳳
不飛孤鶴杳少城城角挂斜陽三郎當日太師當棧雨淋
鈴枉斷腸為避烽煙來蜀道豈知鼙鼓動漁陽猶龍跋扈
窺中夏鸚鵡聰明問上皇聽說聲聲奈何帝那堪重唱荔
枝香腰鍊影裡熟林檎獵獵西風續斷枯羽扇罷揮名士
手魚箋巧寫美人心拒霜花映江波冷樹陰移暮靄沈沈

莫向張儀樓上望老年腰脚怕登臨竹外樓臺水外天摩
訶池上月華圓花明十里江如錦閣做三清地湧蓮魂魄
難招前望帝畫圖省識舊張仙男兒一个真何有賸得宮
詞萬口傳荷戈集五古真摯悲涼最佳多不具錄七律瑰
奇錄三首以存其概古城驛云排空埤堥塞垣長日薄嶠
嶷憶故鄉一片牛羊衰草白萬峰冰雪暮雲黃春流如帶
環孤戍斥堠無烟冷戰場莫道天山落吾手異時東望更
蒼茫甘州云月氏遺壤古甘州井竈千家入望稠天外白
山如玉立名山亦白山馬前黑水抱城流蒼涼亭障沉邊色寂
寞樓臺迴暮愁過眼烟雲堪一瞬不須重憶舊林邱五涼

卷四

偶詠云女牆低處迴蒼烟立馬平蕪意惘然葱嶺東來沙
是海玉門西去雪遮天蔓纏古壁留秦篆水漩寒渦出漢
錢莫到受降城上望白龍堆在塞門前
前任永寧道陳笠颺先生預亦號立帆乾隆丁未進士順
天宛平籍少時家運坎坷奔走南北及兄弟掇科第名人
多有詩贈答慰問悲之亦幸之也政事文章俱素所裕歷
升山東巡撫觀風齊魯制藝之外詩賦策問俱刊以式士
濟南濼源書院素稱才藪先生官課之餘不時考試不盡
以時藝也佳者賜以書籍筆墨荀亦逐隊其閒每蒙賞拔
招入院中親自發落殷殷致詢待諸生如家人內陞侍郎

以去荀署與文爲先生舊治風徽既邈山河如故感慨係之矣

川東道嵩與九先生齡善書著有筆記人稱簡古先娶長中堂女繼娶鐵制府治亭保之女二公先後官山東巡撫鐵制府以書名詩亦專門家學漸染與九先生夫人亦精翰墨先生遊濟南居甥館明湖釣突之勝屐齒所經言之歷歷治亭制府官山東時在辛酉壬戌閒門下士九省主考七省學院一時稱盛山東學使劉金門夫子亦制府門生也師弟同遊明湖共成一聯云四面荷花三面柳一城山色半城湖不可移置他處制府書之刻石以誌與九先生

卷四

三

生觀察東川荀兩爲屬吏子慧成號裕庭丙申進士總督南河先生今告退矣

山東濮州張人龍乾隆丙午舉人字雲門號若泉嘉慶六年調成都附郭繁難稟明各上憲惟要務須裁酌者請見一切浮套求寬免早起處置諸事畢騎馬周視閭里相度地勢開山築堰興除利弊公正廉明每生辰祝者雲集禮物俱不收不得已間受柴米丁艱居芙蓉書院貧無貲遠近送米委之而去積至千餘石歷時既久問他令姓名或不知問張令無不知者縣有老人自號耕雲叟追懷其德政題詩于威鳳山下店壁云昔年弊政已全刪膏澤隨車

酒市闌燕去燕來公府靜花開花落訟庭閒雨餘但有人耕野夜暗何曾犬吠關今日飛鳧東望杳何時化履蜀中還其感人深矣送林西厓方伯還都門詩才華富有詩云記得庭梧一葉秋十行丹詔下西郵乞閒寧爲烟雲癖多病應思杖履游計日家園通曉夢經時棠蔭繫離愁殷殷肯謝蒼生望無奈戎機漸白頭四十年來治譜成黃童白叟盡知名武侯智略歸籌筆蕭相功勛紀餉兵正喜開藩全蜀宇那期陳表上 神京卽今南浦牽裳日江草江花亦有情錦帆采鷁列江濱雲物清和氣象新香篆萬家填紫陌冠裳一帶照青蘋感恩多是蒙恩客送別同爲惜別人卻幸岷源春未漲輕舟欲發又逡巡自信材疎潤櫟榕龍門一入慶遭逢嶺蟠土壤山名嶽派納潢渠海是宗直許登堂無早暮每因侍坐獲陶鎔光風霽月銘心久搔首臨歧失景從鞭絲飄蕩頻催馬猶及相依古渡閒日暮野烟圍畫舫江昏紅燭照蒼顏浣衣早去風塵色贈語猶含冰壁閑剪燭蓬窗頻見跋柝聲絡絡起空山滔滔漸看大江來從此鳴榔喚纜開烟雨我肩天上望鶯花錦里夢中猜拂堤柳絮飛還止傍渚沙鷗去復迴都與深情相觸會懷人憶事入詩裁福星到處卜平安地遠天遙未覺難夾岸旌旗迎畫檣中流鉦鼓下危灘荆門東去猿聲盡巫夾

卷四

四

岸旌旗迎畫檣中流鉦鼓下危灘荆門東去猿聲盡巫夾

西連鳥道寬此後殷情傳尺素雲山肯信路漫漫樓指燕
雲在眼前舊廬風雨足高眠庭餘蘭玉承家構德溢交親
散俸錢丹藥好調方外祕茗香恰得靜中便只疑妙入金
甌選又促鳴騶拜九天

雷際泰乾隆庚寅舉人任廣東高明縣有廉明之稱過洞
庭舟輕不勝風帆以沙實艙有詩云解纜從今悟昨非三
陽車馬任輕肥清風送盡波濤險饒得白沙滿載歸高明
舉人莫若之和云陽和澤沛幾多年花滿玉山豈偶然三
十六都沾德化風清兩岸送歸船

渠縣人

李箐字漪園號可亭中江人聰穎過人工古今體詩戴羨

卷四

五

門制府深器之中嘉慶丁卯鄉試官南充教諭著有新竹
山房小草荒政詩尤有關繫雖有冗句固不必以工拙論
也勸捐云請富戶邑宰書名尉爲主紛紛縣帖下鄉村昨
日無名今日補公堂開富者來富者半不來閉門高築黃
金臺官符急如箭明日重開宴畢竟錢有神胥吏爲除名
其餘勉強趨公庭按册查名心各驚鄉愚不知官長貴一
升一斗當面爭彼富者穀是餽是粥柴薪之費夫役資令
以清俸補不足吾聞天之道虧盈帝之德好生救災恤鄰
仁者之心如毛斯拔吝勿與不知九原何處用黃金粥廠
云設粥賑貧民男厥西門女東門一家同至中路分婦人

攜子翁抱孫門外領籤如考試門內點人查姓字昨日人
少今日多近者先來遠後至兩廠開聲如雷盛以瓦缶樹
以指計口一盂各歡喜續命兮滄海粟陳照影兮滄浪水
清延殘喘於將絕兮嗟爾民人厨人走報粥完矣眾議調
停繼以米米如金勿浪與橫陳幾處饑民死治其事者邑
紳衿析薪數米如婦人指揮羣丐多意氣提防夫役誠苦
辛懸牌限辰已過午山門閉可憐後至防風氏含悲忍餓
空歸去施米云開濟倉欲發不發難猜詳里保沿門查戶
口紳士挾簿升公堂公堂日三四戶口册不至自春及夏
五閱月過盡凶年議不決荒政聚民濟倉以名胡爲利藪

卷四

六

視胥吏乃與紳士爭胥吏不敢爭阻抑使不行聚米爲山
朽蠹生積骸遍野餓殍盈一朝牌示期定矣先發城中後
鄉里極貧仍不分計口授糧一升米人浮於米胡不知索
米不得疑其私况兼里正入私橐侏儒自飽朔自饑弊生
於利明允乃濟轡策不施奸黠吏我民安矣賢侯去減價
云糶常平常平價減市價增應減而反增常平之米不濟
貧奸民日領三百斛須與粗糲成精鑿公物居然奇貨居
獲三倍利一斗粟攜籤濟濟相摩肩籤多兮得米偏借問
何由然上下其手吏作奸或升或斗官爲限別有調停君
不見已恣吞噬入私囊更假贏餘作情面貧民持數錢瑟

縮不敢前徘徊至日暮為報倉場米已完明朝來更早費
盡經營錢較少六千糶盡官倉粟烏雀長饑虎狼飽人心
險陂禍之胎戾氣感召天為災溺不能援反下石弱肉強
食真可哀官之仁政吏之福狐兔縱橫肆其毒君不見秋

風陰雨古牆深夜夜煩冤新鬼哭民懼鞭笞避牆下
牆北壓斃數人

四川總制蔣礪堂先生攸銛幼有神童之目凡屬員一見
後即識之無誤愛才士錦江書院知名士無不賞拔每秋
闈考簾官必同作詩文闈中題必有擬作後督兩江因事
內召卒于山東荏平

原任兩江總督琦侯前撫山東時臨清陽穀一帶大水荀

卷四

七

兩次謁見侯博採輿論剖決利弊命為議以進有聊城友
前河督靳文襄公後人於本省水道考究最悉素問其論
乃為議獻之深蒙嘉獎侯明察強記胥吏作弊無不立燭
其奸責革不貸任直督凡山東所賞拔士迂道往謁無不
加意款接以山東故孝廉謝某時文清真取以課子即代
為刻稿亦盛德事第於侯為末節耳道光九年總督四川
荀來川侯去已久今為坐藏大臣

地之名勝古蹟每藉文人筆墨鄭石幢方城宰新繁觸境
成詩有繁城雜咏錄其八首故城何處水西灣訪古徒令
寂寞還亭長至今無尺土舉頭誰是漢時關繁城縣東北
漢置高帝封

張瞻師為菜花雨後竹雞啼四望平蕪落日低古木翠凋
祠亦圯春烟忍便付寒梨舊祀唐李德裕宋王益榘於
縣署之東有一楹四楹久廢今

建誰歎覆土作荒墳道是愁人獨仗君地下可尋劉阮問
死時那與醉時分杜康墓
縣西幾堆亂石勢噴帆爭說飛來語

太謾敢是媧皇補天漏龕材棄擲總奇觀飛來石清
江北岸墓水

橋邊暮有情誰令雙耳頓時清笑渠善謔公私語猶勝誇

張鼓吹聲墓水橋縣南宋邑
令蘇實放墓處洧水西頭望大江江流清白

透船窗當時琴鶴焚香吏太息千年未得雙清白江縣北
即洧水趙林

經此日吾志如方興農事畝東南滿望滿渠碧似潭更欲
春疇滋萬頃瑞蓮重見水光涵東湖在縣治後唐李衛公
開宋王益作令時生瑞蓮

卷四

八

梅摯有詩三冬霑足卜來秋六出花飛看不休喜雨亭邊
記之今於

多快事何如老子上南樓望雪樓縣
北今廢

宋名立山東蘭山人貢生喜為詩五古清蒼不落凡近乾

隆年閒知達州小尖山云茲山何峯嶽真宰費雕鐫巖

起峻削磴道轉連綿羣峰勢若拱疊嶂環其前迢迢分郡

國晶晶帶通川仰挹浮雲翔俯視飛鳥還深林空泱漭嘉

卉復葱芊哀猿啼薄暮山魃弄寒烟清風奪纒夏火雲布

窮天陰陽多變換時序為推遷獨與賞心遇頻使塵慮蠲

念茲清曠境時有松喬仙翠屏山云迢遞郡城南參差列

屏障疊石表奇形羣峰含異狀谿谷渺不測巖巒轉相向

刊除囑鬼工鑿削疑天匠雲掩荒亭迴雪捲空江
鬱嵯峨綺陌互條暢茂樹既盤紆晴嵐忽蕩颺異獸
羣佳禽時引吭景物共澄鮮心目俱清曠言采三芝秀
須九節杖登眺躡丹梯置身青雲上

鄭石幢子天錦亦能詩送友人南旋次韻莫聽巴童唱竹
枝竹枝聽罷鬢成絲八年萬里三生話盡在西風泣別時
片帆東下水雲悠巫峽巴江景劇愁復有猿聲淒似笛五
更吹月送歸舟

王衍慶山東聊城舉人任渠縣調成都性剛介有爲所至
政聲翕然逆匪之亂兵民婦女被難者甚眾爲文祭之有
九

云慷慨赴敵偏教命掩重泉勇往直前竟爾魂歸長夜節
婦不甘受辱寧化青磷烈女各守其貞甘蹈白刃骸骨暴
於荒野見者傷心芳魂滯於幽冥聞者隕涕亦可當慷慨
悲歌矣

曹九成號易菴成都諸生性耿介家貧以詩酒自娛與陳
卯生趙玉山友善皆一時名士醃白菜云居然清白與人
同着點鹽梅別有功健飯將軍誇正好素餐學士刺常通
可知淡泊皆佳品莫把酸醎置下風昨夜大烹還憶汝宮
商盈齒嚼來工凍豆腐云腐尚難堪凍奈何豈然早被雪
霜磨自他有耀還生甲泣釜何心更起窩已分糜身調鼎

去敢辭微骨受寒多閨中欲奏廚刀績却下晶簾待素娥
越王樓懷古云瀟灑西風驛路悠亂山黃葉下綿州平沙
尙見飛雲石傑閣誰開舊邸樓簫管人隨殘劫換芙蓉春
滿大江流憑高漫有興亡感落日蒼茫古渡頭此詩魄力
沉雄集中變調亦集中壓卷其餘佳句云天涯易感惟佳
節客裏難逢是酒人神仙也愛遊塵世我輩何須定廟廊
可以想其胸襟

民事惟農爲重今雖不授田而牧令要當留心於此浙江
上虞張梧岡鳳翥最擅風雅在彭山令勸農詩四首云游
絲飛轡引康衢春日郊原土脈疏百里陰膏開沃野一壺
寶鏡漾新畝浮沉翠麥和烟秀鱗榆紅苜蓿帶雨鋤四川舊
待得田塍青似繡枝頭布穀叫村墟眼前風景促人忙雨
笠烟蓑遠近鄉荳麥齊腰年半稔柳榆拂面日初長鷄豚
茅徑村廬靜飽餉桑田野味香勸課不須勞長吏農歌三
兩韻悠揚平疇百頃漲新流極望光生剡剡浮秧母分畦
呈綺陌鵝兒點水立芳洲春旗露溼花開犬嫩羽晴薰樹
上鳩攜得壺漿勸田畯好乘膏雨問青疇水鏡山簾四望
清一篙新漲綠盈盈溪流斷岸春渠亂雲擁遙岡碧樹橫
閒看桔槔高下影快聽牧笛往來聲太平時節安耕鑿頻
見田翁鼓腹行梧岡乾隆戊辰進士繼其任者爲史欽義

浙江餘姚副榜號醇菴亦有勸農詩四首鄉村引轡歸陽
天萬頃秧疇翠浪鮮此憤人忙紅杏雨沿堤鳩喚綠楊烟
循行祇念耕耘切勉作休教耒耜懸佇望桑麻盈井里還
將景物入吟箋社鼓頻敲西復東田歌聲徹綠雲中壺樽
澤徧桑田酒饁餉香傳麥浪風勸課何容勞長吏雨晴無
復元功為呼田畷多齊力轉盼秋成慰 聖衷半犁新
水漲春泥雨笠烟蓑處處齊荊徑閒眠桑下犬芳塍時聽
稻中鷄牧童橫笛斜陽外秧母分畦曲湖西土脈香生蔬
潤候一聲布穀柳絲低豈是閒遊覽物華為來田舍問桑
麻青疇綠樹含雲液甘雨和風簇稻花千耦其耘鳩拂羽

卷四

七

三時不害粟盈車待他黍稷豐穰日擊壤田頭聽萬家蓋
有意與前人角勝也

張耐舫顧鑑行十三船山之父也與黎雅守備溫江王齊
甫善耐舫官山東定陶令歷漢陽同知陞雲南知府以同
知任內事被吏議性脫略揮金不惜人所有取而用之不
計已所有人用之亦不計也歸裝囊無一錢冬日至無禦
寒衣惟課二子誦讀人問無產業何以爲生指亥白船山
曰此吾產業也善書求者踵門及病廢悉命船山代筆齊
甫時時周之家藏耐舫贈詩一紙亦船山代書子女皆教
以詩孫女出嫁後過其戚家僕挾一篋齊甫之孫佩與客

共坐令開視雲箋滿中皆姊妹姑嫂臨嫁時贈詩也一門
風雅如此

樂至有靈官井水清甘可療時疫相傳康熙初宵深月冷
青烟如幕卽有美女步虛翹立乍笑乍嗔須臾百態又白
鷺時自井飛出咸疑其異以轆轤下汲繩健者探之寂無
聲響力引始上僵直如寐蘇乃言方及底見金甲赤鬚若
靈官者執鞭怒訶遂迷因神而名焉又有金瓢井距縣報
國寺里許丈餘深廣三尺不知何代鑿也水甘冽酷陽蒸
沸探之冰寒常平井口眾汲而不減每有金瓢浮出欲取
卽沉道光辛卯夏有銅梁販竹者偶獲之歸一家暴病棄

卷四

七

諸池其婦復病嚙語若怒其褻夫謝罪仍持故所投於井
婦亦差失瓢後腥惡不可飲及是復清井形似燈盃杓直
立頭刻龍首鬚鬣如動光采時閃掣

林良銓廣東拔貢雍正間任大竹令有政聲陞崇慶州牧
告歸優遊林泉著有睡廬詩草取法皮陸得野逸之趣視
雕琢字句者高矣訪友不遇云去去五里程曲曲雙灣路
來訪臥雲人路迷新草護到門開三徑雲深花噴霧徐步
入簷楹犬迎聲不怒登堂殊寂閱几案饒詩賦稚子解雷
賓有酒不須酤我復不強飲謂我莫自誤常時有客至爛
醉都無數感此興獨豪一飲傾三瓠日暮扶筇歸回首雲

封樹祖宅留題付龍占姪云冬十一月歲戊午遲我衰年
得解組松荒三徑元亮悲山靈笑我徒爾苦我歸正值
寒天草衰不落迸豺虎宅前宅後坵壟多拜掃先塋陳酒
脯紙錢心事俱成灰蕭蕭白楊吼風雨五十年來人代謝
團沙骨肉不堪數有姪頽然臥草萊田園廬舍猶安主館
我一住兩月餘夜闌話舊弔今古我云今不與爾言誰識
宗功步祖武憶昔同生此地時花萼爭輝滿廊廡爾祖作
宦羈窮邊兇曹課讀慈幃撫而今墓木皆已拱更悼手足
如瓠窳顧我孤立成一身豈無他人終蹶蹶那堪往事付
蕉鹿但得此心如稟腐榮期三樂已過之我今插花爲君
舞爲君舞月滿青樽沃靈醺海上兜率兩茫茫一局未終
失柯斧人生不合有此身無身何用逃元圃
川督一等威勳公勒保平定教匪勳績懋著時耗帑已數
千萬甫經奏功嘉慶十三年而峩邊馬邊諸夷出巢滋擾
勒公以馬邊勢尤猖獗不急治恐益滋蔓乃與提督豐紳
按察使方積分道夾擊搗其巢穴生擒數百焚殺數千擒
斬首惡嘉定府知府宋公以詩紀事云白狐跳梁黃狐立
穹廬吹角羣梟集十日涇河鴻雁哀 天書夜半來邊邑
峩眉遠在天一方獠花黯淡千山黃嶺夷十二足兇悍邊
民不得芻牛羊梁山有賊性如犬似鬼結賊狂而張含沙

卷四

三

射影肆恣虐蠻天相望宵烽長自昔犯順干 天討十道
羽檄馳 明堂 天子按劍赫然怒 詔令征師屯大渡
奇兵制勝不在多摧堅餘自失其固鼓聲如雷下將軍龍
湖戰氣生妖雲方叔運籌世無兩指揮射落欃槍氣萬古
行人不到處落葉成泥蛇虎據自殺霜蹄饗健兒方公殺
所乘馬 驂士 丈夫義不當回顧銜枚絕壑無人知鐵騎飛來羅日
路貪狼失狽仍兇頑困獸人立山上山軍心激切士奮勇
同袍有誓無生還懸崖密箐險黑處殺賊不異草與菅三
窟倒翻兔亦斃魑魅落魄啼林閒日暮轅門靜桴鼓煌煌
裴相傳 天語止戮鯨鯢勿戮降 王師所在如時雨捷
書萬里報 甘泉 紫泥朝下紅雲邊傳來六月勞師意
歌到當時杖杜篇從茲邊塞安耕鑿春秋社酒盈山郭微
臣臥閣有餘閒雙我晴翠當窗落敬博一語陳賡揚兵氣
銷爲日日光
陸光宗號古山浙江海鹽人援例入仕以軍功議敘好詩
工書談笑風流見者疑爲翰院名宿嘗見其與友札云獨
居於此不免寂寞且米鹽瑣屑聒耳煩心然無脚躡手板
之勞有讀畫觀書之樂日來園梅破萼殘雪未消婆娑其
閒頗翛然自得觀此一段可知其概嘉慶十年任郫縣表
節婦譚氏有詩云恆德以貞吉坤道以順成壹齊義不二

卷四

四

傲日誓堅貞懿淑譚氏婦婉婉嫺矜纓相攸協鳳絲在御
調琴聲辛勤鹿車挽的皜皜珠明方期樹連理遽作鴻孤
鳴呱呱懷中抱旦旦廚下羹銀床自宛轉玉筋常縱橫盛
年何足惜大節在所爭青燈血一腔白髮霜千莖老冰不
受斧古井無波生翰軒貞熾俗綽楔輝高閣惇勸予所職
有善理必旌紀此式澆薄莫以諛詞輕古山後升酉陽州
告歸在道光十五年初古山遊幕來川就郫縣記室暇與
同事緩步二堂一友指公座曰安得坐此古山曰人事何
定異日安知吾不踞此座羣然笑之竟如所云子保亦能
詩捐通判

卷四

五

達縣李雯霽字九霞號棲霞道士少負大志奇崛不猶人
十五歲入泮一試不中遂不出恣情詩酒每有會意振筆
數千言暨乎情酣興發呼家人具壺觴極斟滿酌舉杯立
盡彈鋏起舞似醉似醒忽歌忽泣旁觀者莫測其意旨之
所在以豪放終其身其友潘宏道為作贊云其人如玉其
才如花文章道學渾渾無涯生平著詩咳唾珠璣葩經神
髓李杜何奇性嗜嗜酒藏之必从動吸百川連云五斗自
幼至老清奇獨飽人住方隅名馳海島潘乾隆
開進士
董方伯嶧山淳山東鄒縣人乾隆癸卯舉人令華陽時兵
丁孫占鰲挾微嫌鼓眾夜謀殺人於路公聞變往諭眾呼

為青天不敢犯由是聲譽益彰歷陞至布政為楊未禪刺
史題韓貞女冊云快讀歷朝貞烈傳綱常節義仰名媛未
婚守志事稱奇史冊搜羅不數見温縣名家女氏韓瑤池
冰雪作心肝禱天封股療親疾孝可稱愚大節完世族楊
郎許結褵齊眉豫卜百年期嗟哉夫婿遭厄運英年夭折
數偏奇傳來薤露忽聞歌貞心之死矢靡他素明大義惟
從一此志終身不可磨慷慨身殉恨本深偷生聊慰老親
心含悲忍痛恩全報不二終當守女箴卅齡于歸卜吉辰
姑嫜相見婦呼新元裳素帔羅匱具木主神牌交拜人羸
得少殤綿祀裡還供中饋玉盤殮未亡婦職兼男職更慰

卷四

六

重泉早死魂我聞妻道臣道共一途法戒春秋一一書君
不見馮道甘為長樂老李陵生降不丈夫丈夫不可再
辱李陵語表
茲巾幗幾長呼愧彼儼然冠裳者空負鬚眉七尺軀按貞
女河南温縣人父勝祿宰臨海許字湖北保康令清苑楊
念劬長子汝雲未嫁汝雲死女矢歸楊家守節在家時曾
刲股療父疾念劬未禪刺史弟也徵詩題者甚眾
同仕一方萍水偶聚迭相唱和傳為盛事後世猶想其風
流餘韻也睢州三蘇祠過者無不景仰見諸題咏幾與少
陵草堂祠伯仲制軍惠瑤圍齡首唱云名山原合謫仙居
四面巖巒畫不如曲徑松迷遊客展平橋竹護遠公廬煙

溪邨樹投歸鳥日下溪田罷荷鋤憑眺漫嫌荒寺老暫休
塵鞅得相於結伴招攜指上方三蘇文采未銷亡樓懸遺
像虛帷動殿闕清泉古登荒半嶺松風迴澗壑一林雲氣
滿衣裳旗槍試罷尋歸路小隊沿江踏夕陽永寧觀察石
梅溪作瑞云遊騎叨陪勝卜居行來真欲悟如如泉噓石
罅澄沙井竹隱松林護草廬一綫玻璃分綠剪千邨禾黍
帶青鋤荷花想像秋來盛步障相傳宋室於生成玉水記
流芳舊宅新祠蹟未亡老樹當門依地主斯文終古破天
荒風穿密宇蘿牽帶翠掃空庭芟作裳那有一家人若此
木山三脊向山陽成都太守姚一如令儀云元戎小隊過

卷四

七

邨居一葉循行縱所如處處烟嵐通曲徑深深竹樹拱精
廬人間石爛泉盈掬天上風飛雨一鋤滿目山川經底定
笑他何處吝商於所謂伊人水一方南廊書散汴都亡掘
衣此日瞻遺址被髮當年下大荒綺語趨庭欣賜帶磐陀
贊像欲褰裳最憐近水魚猶黑隊隊啣花向晚陽州牧趙
退密秉淵云萬里功成淡不居大臣風度有誰如已先天
下憂民事更爲名賢式舊廬攬勝暫停花外舫行春預驗
隴邊鋤墓頤山色玻璃水仙觀簪裾記所於閒關百戰靖
遐方得失休論塞馬亡報國未妨文字業籌邊猶憶陣雲
荒洗兵舊雨霑花郡移節飛鴻趁繡裳他日集成頌一品

貞珉今已勒肩陽按秉淵即殉金川木果木之難作哲
孔昭焜字蔗莊曲阜人嘉慶癸酉舉人精明有才幹署中
江時懲衙蠹除盜賊戢奸豪月餘四境肅然夜不閉戶後
補開縣嚴明如在中江有奸民積惡爲鄉里患拘至縣將
重責奸民大呼曰責吾吾不懼能活埋我乎君大醉怒曰
爾爾終爲患爲一邑除害埋爾何難取棺至奸民猶強
命蓋棺釘之立斃以是罷官上憲深惜之邑民至今思慕
不衰題韓貞女云號公之臺何叩叩東門之楊何洋洋彼
美一人堅且芳解韓姑燕譽柔嘉維則納其徵兮實維我
特二爰標我梅莫贊我棗中河汎栢舟繁霜浴蒼昊三東

卷四

七

海石莫填南山笄可磨兒父兒母髮皤皤兒死寡依將柰
何皚皚白刃空摩掌解四兒生何不辰一朝爲鮮民願言漆
室月畢彼青廬解五吁嗟乎長松易凋女蘿難朽井曰操
兮螟蛉負忠臣須求孝子門君不見貞女割股療伊父六
古質得樂府之遺

渠縣李藝圃淑芳孝友剛正直聲播中外梓里父老想望
風儀比其歸也爭先快覩見其狀貌藹然温和羣相欣慕
以爲神仙中人而李恂恂自守在鄉言鄉若不知其官爲
朝臣者果郡太守承公勳夢以綵仗旗幟迎渠縣李御史
赴府城隍任次晨四月朔承公詣廟行香適李同年中表

營山陳君懷玉掌教朱鳳善院者在焉承公語所夢陳曰
然此入方以內憂家居未聞有疾也胡為來此問之果
於是日疾作矇矓語曰何來袈裟諸僧在堂前拜請家人
皆曰無之又憫然曰是是去去目遂瞑

為將者殺賊報國作千秋忠義之氣其人雖往憑弔以詩
猶可愧懦夫聞幽光所補非小如清溪李華宇明大渡河
指揮順治二年獻賊攻雅州李年八十四矣率七姓子弟
破賊于龍觀山後為賊黨劉文秀所敗死之署邑令劉傳
經作老將行悲之云悲老將西風瑟瑟聲悽愴書生家法
作藩王賊逼城危惜兵餉元帥敗亡監軍降絕徼孤臣年

卷四

九

八十以首觸地秦庭泣君恩重如山北望皇都涕潸潸君
恩深若海慷慨微軀恨長在袒臂一呼義旗指敢告無能
今老矣甲光照耀黑雲頽雲頽欲委又欲起叩來綿亘扼
西南七姓子弟同日死嗚呼老將苦一抔土老將為誰李
華宇

嘗讀明大學士王應熊楊貞烈祠記楊氏衣帶閒得絕命
詞斬然如壁立金石為摧然彼夫亡後自經也若遇強暴
甘蹈白刃其死更烈李伯祿妻黎氏本德陽人移居樂至
寄人廡下有無賴周某乘其夫出逼之不屈死縣令尤秉
元弔以詩云夫傭工妾紡織貧賤夫妻苦度日賃人屋被

人識強暴何堪遽相逼捉衣欲近衣已絕衣可絕節不失
奮身受刃刃盡赤怒髮風鬢死尤烈奪彼狂魂喪狂魄卓
哉大義明巾幗語亦峭健楊氏某中丞女名二姑其詞云
妾心一片鐵不與洪爐滅熒熒未亡人茹苦肱九折一死
鴻毛輕豈受風塵繼妾髮可剪頭可截

張氏名宜雝桐城人大學士英之後副榜磁州州判元表
之女原任直隸灤州知州蔡薰繼室夫沒於官氏扶柩還
岳時年方盛守志教子工吟咏有銜華閣小藁詩五言如
溪水湘羅碧林花蜀錦紅癡雲籠野水宿霧起遙岑蛇紫
香魂斷媽紅曉夢沉七言如黃鳥多情猶繞樹綠楊無伴

卷四

十

獨憑欄最憐細雨初勻綠多謝東風淡染黃細雨一簾紅
漸瘦輕烟滿樹綠成堆皆有風韻

昔白樂天蘇東坡喜與客遊宴而政益修舉蜀地江山奇
麗環成都尤多名蹟士大夫以時雅集非徒見熙朝文物
之盛而時當清宴為政多暇亦韻事也昭覺寺古宣華舊
苑明時僧徒尤眾今雖荒落而殿宇宏敞可駐遊蹤道光
戊戌人日諸大憲往遊時帆多廉訪歡詩云知交三五偕
蘭若偷暇尋春飲最宜滿座泉香人送酒繞欄花影客催
詩共操舟楫逢多士暫假咄哦記盛時如此勝遊須盡醉
明年相聚恐相思桂林周諤餘觀察貽徽詩云聯轡出城

郭萬山來馬前東風吹面暖曉色助春鮮鳥嘯聽歌遠魚

閒知夢圓同人環更饒清趣在照影水淪連大幻誰曾覺

歸然古刹存基仍唐代舊禮肅梵王尊幡動心原靜香殘

鼎自温禪宗余頗悅或許入斯門盛主張平子是日主人

年招邀景正融仙帆迎海客亦號海客吟社遇坡公前輩

賦詩內史書原壇長城句足雄觀察穆如惟吉甫滿座挹

清風前輩笑我追隨人頻年屢暢遊橋平題處問碑老劫

餘搜綠意邨前樹晴光雪後樓明朝少陵寺花下詠重酬

花草堂之遊貴筑張曉瞻觀察日景詩云入蜀九年迷簿

領黃塵官道苦馳騁道旁佳氣何鬱蔥寺隱深林浮塔影

卷四

五

宣華舊苑从灰劫了覺道場留淨境一度經過一延望遊

蹤悵隔禪關冷閉身偷得早春天追陪勝侶真前緣華軫

相接征鑣聯平郊十里路如絃餘寒料峭破清曉旭景初

升晴杲杲碧林踈處紺宇出入門便覺鹿根掃空王寶地

誇莊嚴遊客遐心耽窳窳幽徑斜從丈室通小池曲與迴

廊抱開顏索笑有花木忘形雜坐親魚鳥鉢盂持來洗腥

羶不惜齋廚供草草林泉竟日憺忘歸竹韻松風皆覺道

暮色蒼然煙漠漠僕夫整駕趁城郭士女駢闐夾道觀熙

熙意與吾同樂回頭惟見碧雲深隱跡鐘出林薄滇南

尹實夫觀察佩珩詩云入我門來笑我癡門額為藹果然

臨覺覺先知雲浮在苒懷歸思魚樂徜徉悟息機寺中池

之水洋洋焉而逝幸附高朋臨勝境敢辭小草和新詩良

辰更喜今朝霽又用平康肇在茲古蓼王春綬觀察庭蘭

云人日畏春陰朝來倏已霽新詩誦劔南躅蹟夔人記良

辰得餘閒官解愁深閉快哉同心人招遊過蕭寺陽和候

兆纔已覺涼颼細我欣出城闌直至幽居地平疇莽空濶

行行踰林藪邨落徑縈紆再折轉而右深翠露紅牆紺宇

拓數畝蕭然松竹間僧迎來八九引我啓僊都遺址古時

有側聞建自唐乾符歲丁酉重修溯康熙清俸捐某某昭

覺字煥然佳哉賢太守寺為太守黃應熊重修所書佛閣

卷四

五

闕東隅莊嚴做朱戶是為方丈居曲檻通廊廡雜花滿院

香似欲媚菴主窗前列九華惟石玲瓏補中開半月池游

鱗悉可數元黃積百頭大者寸有五魚樂悟莊言逐隊盡

為伍一磬座中落冷然心太古默默手自捫何如聽官鼓

遊譙非同心雅不如獨坐盤餐必肉食甘不如飯顆游倦

腹已枵筵開就廊左食譜偶翻新氣味除烟火大嚼涎欲

流狂言無不可禪理吾未知禪機吾尚頗為問談禪人入

門可有我周諱餘觀察素精禪理寺門外新併徊重併徊

斜陽上林杪長嘯歸去來徐步度芳沼一亭矗中央虹鏡

分流瀟殿外列僧寮無聲靜而悄豈緣境趣佳都為塵根

掃彼髡自閑閑顧我徒擾擾十步九回頭琳宮暮烟繞一時唱和逸興有餘惜字句偶有記錄未確

遊昭覺寺之明日諸公出南門迎坐藏大臣因為草堂之遊鰲石先生有記云戊戌正月十日立春王春綬觀察招何一山舍人學使李西漚宮贊多時帆廉訪尹實夫周藹餘張曉瞻觀察及余同集主客八人以立春草堂聯吟雅集分韻賦詩依韻為次各書一通以誌翰墨回緣時在成都南門外少陵草堂也閩南蘇廷玉記溪南溪北春波急倒寫空潭放春入水可沆花地有靈千年香浸玻璃溼揚來勝境踏青陽不速之客竹林七招邀我愧東道人菜絲

卷四

畫

充盤劇生澁座上坡仙興更豪不替幡勝偏替筆是日蘇伯攜有筆硯等其偶議作詩謂藉尋春好覓詩詩不取佳惟紀實斯地倘教句不成何乃闌入此翁室人生歲月能幾何過眼繁華擲梭疾無語停杯獨有思巡簷悄對寒梅立一笑官如傳舍忙啖芋誰當作李泌公餘日暇或重遊其人勝地那堪必把酒默默祝東風後會還期似今日中州王庭蘭選勝出城闌松篁映水濱詩尋工部宅香碎錦江春草色濃於酒梅花瘦似人西園佳話在休笑跡陳陳未了前番興重將韻事申丹青添畫本風日健吟身對我皆仙侶論交亦夙因盛筵誰再續橋畔柳全新得春字長白多歡今年

春訊遲尤好江上梅花開獨早梅開好是沆花溪歷劫常同春不老橋西潭北影橫斜殘月猶明天剛曉我來正值早春初一簾芳信媚春草座中人比梅花清笑我風雷兩鬢遠高吟據几愛坡公是日鰲石先生攜筆硯而來一時摘華爭挾藻

憶昔曾遊牛頭山山在西安城外三十里相傳為工部讀書處兩地清幽堪絕

倒古來懷抱讓詩人乾坤非大室非小一從背郭堂初成

錦里春風閱多少春風一度又一年花徑還擬再來掃得

早字滇南尹佩珩邀我嘗春酒春風花草香今朝好晴景

雲水照方塘盡醉據懷抱高談隨羽觴主人情爛漫久坐

密金章其宅入先賢傳百花潭北莊英靈如過隙達者得

卷四

畫

升堂去郭軒楹傲來時道路長經營上元始回首一茫茫其濟世宜公等雲臺引棟梁不才甘朽質漁父濯滄浪芳晏此時具終朝有底忙清聞樹杪磬且欲上慈航其得堂字集杜句墊江李惺策馬城南去紅旗引路偏當春知酒熟分韻有珠聯徑竹千枝直鄰鐘一杵圓草堂多竹洗花非舊地風景亦依然草堂雖非沆花舊址而竹木亦極幽勝紅塵高十丈幽賞又林泉竹徑蓬門地微雲欲雨天香浮梅有韻波綠水無邊庭前紅白梅盛開堂一醉詩成後何須判聖賢其同到詩人宅前生有宿緣况當春富貴難得客神仙筆落飛來句譚深醉後禪先生如可作許唱飲中篇同游得聯字

同安蘇廷玉東風昨夜來園林挈榼尋春許尋城西共
謁詩人宅草堂隆古人猶今幾曲溶溶浣花水滌洞瀉出
行歌音紅白梅花競爛漫分題坐我花之陰有筆合當此
地攔飲酣面熱情難禁起爲先生酌以酒一觴既盡還復
斟踈狂不怕梅花笑才有大小同胸襟何時置宅草堂畔
與公日日長歡吟得吟字桂林周貽徽錦堂春如海春郊
宜縱馬言尋少陵祠聯襪拜堂下緬惟締構初草堂蓋蒞
瓦卽今拓幽棲居然庇廣廈橙陰籠竹閒水石秀而野寒
梅初着花瘦絕增豔冶撫景動豪情發令總風雅談笑驚
座筵勸酬羅杯芽昭覺爲新咏珠玉紛盈把探袖出初稿

卷四

五

對客手自寫顧慚拙言辭數典窘擗捨何當破萬卷再共
結吟社得雅字吳縣何桂馨未定草送客出城南長亭冠
蓋集納鏡堂都護乘興覓良遊招邀度原隰西郊有寓公
餘芳千載挹行過萬里橋一徑幽篁入花溪隨到門草亭
仍覆葺樓高恣登眺軒廣雜坐立曠達略形骸主賓忘拜
揖列席盛珍羞探懷鬥篇什佳興與時會茲辰正春及淑
氣乍氤氳條風已習習叢梅依檻香露草侵階溼豆麥滿
田疇葱蘢新雨裏時平吏有暇歲美民胥輯諸公稷契才
政教各秉執錦城根本地化被若嘘吸余馬望叩阪官程
催已急豈獨悵離羣邊園慙綬緝依依此勝游暮忘返城

邑得集字貴筑張曰最欸仍其舊
康熙丁酉富順劉懋勳扶箕沙盤內大書我卽爾曾祖蓋
勳前明兵部侍郎劉時俊曾孫也問及後何爲又書曰我
未辭世前里人嘵嘵之語汝忘之乎先是里人夢遊洞天
見雷神列坐但虛一位問故答曰待劉時俊至果卒於天
啓丙寅至是乃云吾早爲雷部都督作二詩惜未傳按樊
龍據重慶劉公有功被謗人乃得白

卷四

五

綠雲山館詩鈔在都懷故鄉山水蘭溪秋水云蘭溪不產
蘭掬水參蘭臭水清見魚苗灑然秋氣透伊昔釣遊時手
弄穀紋縐而今飽風塵安得枕石漱石城曉鐘云石城距
我家相去約三里城下眾峰環城上平如砥翠栢似旗幢
古刹凌雲起待漏憶家山鐘聲儼在耳豔陽洞天云古洞
鑿石壁仄徑穿幽林不見豔陽天伏日生寒陰傳聞張道
陵於此燒丹金我欲從之遊所恨山不深玉屏陰晴云玉
屏清且幽積翠堪入畫倏忽變陰晴雲光此靈怪樵牧習
見之忘是神仙界何日拄桃枝償此行脚債
周益齋名士灑士孝弟受業何二山先生之門深蒙鑒賞

由拔貢授中江教諭時教匪擾中江縣令懷印避去市民
驚亂益齋於城中架重樓曉以大義三日夜始帖然賊有
夜踰城者手刃之圍解大府欲上其事辭曰職陞官某令
休矣戴羨門先生謂同僚曰周君學問經濟粹然儒者有
大事可往詢之與王雲泉張雲谷為忘年交涪州海山文
恭公與益齋通譜深相知病篤時屬子孫以師事之乾隆
丙午中式舉人任保寧教授陞甘肅環縣知縣不就少供
職四庫抄書多種著有古文集詩存甚少擬杜拾遺驄馬
行云房宿垂芒亘天久驥子彭彭墮地走天骨開張八尺
餘雲衢蹀躞誰驤首御廐如海養羣龍承宣勅賜出九重

卷四

七

圍人太僕競相羨錦韉玉勒何雍容喜值邊庭靜無事掠
陣衝鋒都不試且自驕行踏落花蟻蛭盤旋鳴得意真賞
有人見愛深論價豈惜千黃金後有韋諷前支遁千載遙
遙共此心揚鞭幸免鹽車苦人馬輝光照今古追風逐電
任所之精神肯與駑駘伍新芻一束玉山禾千里關心暫
眼過朝秦暮楚尋常事獅子拳毛詎足多過大相嶺憶昔
遊錦城西望雪山轟杲杲旭日升晶瑩奪人目四時冰常
凝列岫凍不沒云當夏日炎其流漲江瀆聞言疑信參何
時得親矚謁來大相嶺寔其苗裔屬奇峰列巉峽寒流臥
飛瀑水與石鬪爭行旅艱予行彷彿棧閣中凌空駕以木

雪泥深沒脛清氣砭人骨古樹虬無枝陰巖蟠其腹上山
四十里絕頂難駐足一落萬丈強盤盤念四曲曲學蟻
穿巧墮山之麓竊疑造化初裂此封滕六又疑井鬼星寒
光返幽谷不知義氣尊西陲原慘肅我行半天下風塵愧
碌碌此遊實大奇快洗塵萬斛至木洞加餐小聚成村市
依山俯碧波眼隨江岸濶人是故鄉多細雨征衣潤旁風
竹瓦過來朝登小艇溯溯意如何春暮大風雨九十春光
盡油雲滿太空簷飛冰壑雨窗射雪山風把盞村醪碧圍
鐘獸炭紅秧針無恙否珍重問田功

陳瑞圖字思農江西弋陽孝廉嘉慶十三年任樂至萬壽

卷四

六

寺牡丹盛開屈明經崇墀邀集云流年難覓九華丹又是
一番春滿欄往事憶來如昨夢蒞樂六載三次到寺今朝翻得未開
看花未况添花雨霏香界是日更有文章生滄盤山下黑
雲凝未散如聞羯鼓到詩壇戶侍王蓮洲炳瀛時為山長
詩云一花一色一枝春記取河陽有舊因色色多增紅綬
豔花花環映綠袍新松陰斟千杯酒屈子在紛紛細雨正芳
萬斛塵富貴有根培植厚屈明經多佳子
辰蓮洲榜名愛嘉慶
辰甲辰進士安岳人
韓紹字雪門不知其里居慕子長為人自徧覽名山大川
之概嘉慶閒流寓安岳被褐而談邑紳鄒楠周元位王應

鷓鴣等俱折節下之未幾別去歌以金贖紹出境悉與道旁
貧者旋復來致書於鷓云王粲登樓之日淚滿青衫班超
出塞之年愁生白髮又云挹元亮之孤芳黃花秋菊親子
京之雅範紅杏春風其先與鄒楠畱別詩云愁心屢折金
城柳望眼頻穿玉壘雲後位等至都物色之不可得

樂至王氏羅某妻家素窘值歲大歉嗷嗷待哺無以爲生
某逼之行乞烈婦不可忍饑數日某又趨之行烈婦始終
不從遂投江死嘉慶十七年事也周原駱烈婦歌云饑死
不餐嗟來食渴死不飲盜泉水古來烈士以義死不道巾
懶竟如此羅家有婦王氏妹抱甕安貧相其夫一朝旱魃

卷四

五

天爲虐粒米粒金尙難活八口嗷嗷仰榆粥百里孤城少
親族官穀雖賤糶無錢縱市荆裙有誰欲榆皮已盡草已
枯可憐花容悴如鴿如鴿愁女啼饑切嬌兒更比女嗚咽
兒啼一聲腸一斷千聲萬聲腸寸裂腸寸裂氣不折百年
柴扉誓同穴婦無保姆不私行行必蔽面禮之節與其倚
門行乞驚村厖寧爲閉門坐斃身皎潔情憤烈忍淚別夫
與兒訣拊膺號天天不應投向江心影隨滅吁嗟乎曹娥
之手精衛之口不喪厥志各貞所守至今茫茫江水中烈
氣猶作崩濤吼志不朽愧殺當年買臣婦

金堂陳一油與弟卯生一津齊言爲宋梅生先生所賞延

之教讀後往河南就顏中丞聘病卒所著詩甚富歿于旅
邸集遂散失弟一津爲搜輯刻之客中云襍樹花飛又夕
陽大江東下浩茫茫不宜癡漢宜風漢莫當名場當酒場
客裏詩歌如過夢年來兄弟各殊方無因得似西堂坐坐
到無人春草芳在長安作東都父老送行來西望殺函一
線開隘地潼關屯虎豹炎天華岳起風雷五陵豪士今誰
在下杜詞人去不回我別長安還十日明朝重上集靈臺
九日與趙玉山登臨真是負重陽百尺闌干墮渺茫秋老
西山蠻雨黑江流南服焚雲黃三年作客思公子萬里雄
心檄夜郎木葉蕭蕭風颯颯不堪愁絕問韋娘天涯惆悵

卷四

三

是頭巾寥落吟民又酒民歸到故山如作客算來生計只
隨人諸公跌蕩談時事賤子迂疎合隱淪大好來朝天日
美各從鵬鷲出風塵時游丹山招飲屏浦
前任榮縣趙及菴名時山東萊陽進士同年戶部主政照
之兄也好爲詩在榮十餘年歸里不能具行裝謀刻詩集
不果藏稿不知尙存否苟以鄉人承乏其後恐散失沒其
心血搜得數首錄之聯床風雨等閒過浮世無如聚散何
孤館懷人知夜永病軀戒酒覺秋多禹王臺畔空黃葉光
武祠邊尙綠波正是菊花時節近龍山高會又蹉跎泮城旅寓
寄懷任愚溪單月樵昆仲兼呈曹逸溪先生潦倒無端入醉鄉夢回枕上憶林

塘小園雨過塵初淨曲沼風來暑亦涼自有愛蓮周茂叔
 却愁騎馬賀知章解嘲新署頭銜在不是遊仙是酒狂園
 荷花盛開單野雨約往遊賞醉不克返隨賦此誌過匆匆又復事征鞍廿載奔馳為
 一官漸老方知涉世拙長貧更覺別家難庭前棗萼殷勤
 護砌下蘭芽珍重看此去自憐還自壯丈夫有淚未輕彈
辭家北渺渺烟波愴客情煖風吹送扁舟輕青來遠岫楚
 雲起綠滿平皋江草生旅雁逢春皆北向片帆無侶獨南
 征可憐昨夜芳洲月故國池塘夢又成舟中漫興雙槳搖搖不
 暫停南中風味客初經水環楚澤偏饒綠山入荆門更帶
 青春店旗飄三月雨夜船燈聚一江星明晨應過武昌道

玉笛梅花樓上聽舟中岩堯雉堞拂虹霓水作環玦山作
 堤鄂渚烟生江漢合庾樓月上斗牛低風雄澤國紛紜管
 花滿岩疆靜鼓鼙千載名城原犄角荆襄遙指暮雲西武昌
 青山迎面晚烟收江到山前更折流夜月何人遊赤壁春
 風有客過黃州參差雉堞斜陽外浩渺鷗波古渡頭可惜
 輕帆催去疾快哉亭上未勾留黃州道中

陳仲玉名鎔涪州人其子章夏字吉士年十八應壬辰鄉
 試父子同榜赴鹿鳴宴時方伯花曉亭先生見其丰采選
 為東床即贅於藩署同時豔稱賀者如雲張俊夫克鎮詩
 云堂堂大手筆文壇名早擅翩翩佳子弟奪魁自操券德

星聚一家五色雲霞燦月窟聯橋梓萬蘿附枝幹蟾宮接
 洞房嫦娥臨鏡看纔罷三條燭條牽五色線尙冀抱麟兒
 接踵鳳池畔明年杏花紅宴排春江岸鶴鳴子相和彩筆
 為君讚仲玉癸巳聯捷進士出知浙江龍泉縣吉士以孝
 廉終

花曉亭方伯杰貴州貴筑人所住之地名三塊田與弟少
 年登第入詞林官御史立朝剛方嘗忝某大僚陰事有鐵
 面御史之稱因是忌者亦多兄弟俱受知于吾東劉文清
 公當時有謠云三塊田邊花兩樹俱是劉郎親手栽究于
 兩公無損也嘉慶二十五年出知重慶陞四川布政後為

廣西巡撫下祖母艱歸年已六十祖母之壽可知矣子詠
 春官重慶時已入翰林燕春逢春皆少年成進士為庶常
 改官部曹曉亭先生之弟已早卒矣

紀蔭田太守曉嵐先生孫也監生由同知升歷署嘉定後
 任敘州知府作芝龕記演秦良玉事為傳奇表揚忠烈有
 裨風化又作癡說闡四子書有發前賢未發處內有寄見
 二冊精粹處似呻吟語切實處似菜根談家學淵源良不
 誣矣曉嵐先生詩文集人多有之太守書刻於四川流布
 未廣交河王九牧治夫分發來川行篋中攜有花王閣刺
 稿一冊曉嵐先生會祖厚齋所著也厚齋值明季亂離任

使談兵負才不遇以諸生終其稿劫灰未燼之餘百存二
三吾鄉周林汲爲之序實能吐棄一切有云半夜倉皇接
報書開緘拍案一驚呼諸公至此吾何望天道如斯古所
無欵枕沉吟連夢寐挑燈絮問怪妻孥披衣啓戶看乾象
黯黯寒星數點孤蓋爲楊左諸公死闖禍而作不着一字
而悲憤嗚咽如聞其聲喜旌吾弟自真定夜歸云隔牆一
喚驚還喜半夜汝從何處來攜手都忘閉門戶禦寒先遣
洗樽疊音書雖近無人往道路多虞幾度猜此日生歸是
天幸旅顏消瘦未須哀蓋喜其從亂兵中歸情真語摯無
限曲折一氣寫出詩家白描高手太守不以科第起家而
學問湛深固本於曉嵐先生而厚齋實紀氏之星宿海也
附記于此太尉游覽

卷四

幸

盛典命名或淆不可不詳也
榮縣張懷瑾字璞園才調翩翩丰姿玉映同人以遠大相
期在書館夢自嘉州乘舟順流而下不知近遠舟既泊岸
緩步江皋見蓮花盛開有兩美姝翱翔其間尾之入一洞
遷延窺伺有老叟延入諮詢語甚洽知所見卽其女也贅
張於室且延師課讀恍惚二三年之久偶出外遊覽倏至
已館二女先在題詩云遠隔嘉州路幾千扁舟一葉擬乘
蓮人從洞裏穿將去料得人間別有天意猶戀戀突然驚
覺方悟爲夢而情景歷歷猶記其師姓胡是年爲道光乙
酉拔貢朝考入都病歿年纔二十餘

卷四

語

四川癸酉鄉試諸生扶乩問題及科名仙判云今科解元
本姓向若問題目在天上莫亂爲莫亂想眾茫然揭曉元
並非向姓題爲既庶矣二節是題康熙四十七年戊子科已出
過解元成都向日貞也第二題日月星辰繫焉始悟在天
上之說而三題則無爲其所不爲無欲其所不欲無不奇
驗
科名有定數高縣張九皋嘗夢中得一聯云靈根何處托
陰雨畫圖閒醒後不解所謂及壬午鄉舉第八名前所住
店欲掛文魁扁以爲榮取舊易新舊扁乃庚申舉人陰雨
所也扁後壁上畫太極圖乃悟前聯早爲之兆矣

觀察成綿李海颿先生宗傳安徽桐城人在蜀提唱風雅
一時僚屬多以詩請業先生親為指授為之月旦作滄海
釣鰲圖題者如雲閨秀詩別為一册無錫丁采芝紫華云
手掌絲綸超絕頂心存舟楫濟斯民綿竹李錫桂月樵云
偶浮碧漢槎為艇直取丹霄月作鉤羅江趙雲霞綺仙云
妙手當年傳射虎前身此日悟騎鯨笑他釣雪寒江客
笠孤舟過一生後擢山東按察陞湖北布政司告歸子景
枚選四川德陽令以艱歸

內江王緣泉果知山東武定府才具明敏疾惡甚嚴怒劣
生某刺其一眉去鬚半邊以綠紙糊衣帽使着之押遊城
市既畢劣生詭請衣帽藏之願為終身戒遂挾以叩閭因
是罷官上憲奏留不得所為時文原本正嘉一掃時調刻
有盤峪山房存稿子丹去年秋闈落余房薦而未售現以
學博保舉知縣緣泉太守年逾八十聞猶健在

孫東屈益廷山東濱州人由部郎出知綏定府最愛才閭
各縣試卷佳者招至署親為指授在館常二十餘人皆少
年英俊多所成就如探花江小帆國霖前任宛平縣胡笏
山銑部曹王小泉正誼外膺鄉薦者復十餘人小帆亦號
曉帆工詩自刻時文追溯淵源志東屈之訓東屈夫人諸
事曉暢諳練青綾帳中談鋒最利雖東屈亦就約束焉告

歸後卒

福建同安蘇鰲石先生廷玉初為蜀臬歷陞制府後復任
按察今節相藏山先生甲戌會試所取士也師弟以總督
前後交代李石梧先生星沅遷蜀臬時亦與師張曉瞻先
生日最前後交代皆稱盛事鰲石先生少時家寒年十六
考書院文童二千餘人時蕭山王公南陔權府事拔先生
第一後取超等第一者六丁卯闈後還里遇王公於路已
陞道憲矣先生草履肩襪被避之不及呼進前索囊中文
草視畢決其中予以洋錢兩枚不受欲延入署教讀亦不
願問故對以官場應酬諛功且恐變寒士之素深嘉其有

守既入翰林改部王公已陞巡撫入都請公飯供魚肉鷄
鴨四品日家無廚役此門生婦手自烹調者公悅為之飽
後出守蘇州公遣子命題畫冊甚稱其詩公歿後先生將
訪其遺集刻之可謂有始終矣先生善書應酬不倦嘗見
為人書扇錄舊作七絕數首風華掩映不愧玉堂人物七
夕詩云會少應知別緒多鵲橋今夕許凌波人間萬里千
山路翻羨雙星祇隔河自註云丙申隻身在蜀故云詩別
有風韻翻盡前人窠日里居時見有咏織女詩云年年一
次度銀河日日難拋織錦梭人願成仙天上去不知天上
別離多各有寄托

年羹堯爲大將軍侍衛墜燈總督帶刀稟見州縣跪接任
四川總制時僚屬已無不震懾新津令王汝驤以不能誦
事去官未轉瞬而年以橫恣敗矣王以一介寒儒名滿天
下顧世知其能文而未知其詩陶雲汀先生敘其集稱詩
近王孟惜爲文掩本朝以時藝著者莫如熊漢陽劉黃岡
二公詩皆古雅可傳韓慕廬宗伯詩集亦非淺學所能追
步而世但推其文蓋時文科舉之習獨趨所重耳

遂寧張文端公守兗州日以少子贅孔氏遺一支於山東
船山先生往拜太夫人墓存問族姓有句云萊州太守兗
州人先生又生於館陶遇山東居官者每稱同鄉蓋以此

卷四

表

也與蔣大令伯生因培善伯生先人亦官山東故自幼流
寓齊魯後宰滕縣蹤跡略與船山相似有才名工詩任誕
不羈方伯某招致於署夏日裸臥園中亭上方伯至突起
立侍云卑職放肆付之一笑而已蘇鰲石先生爲東臬有
卷長三丈許諸公題咏多長篇鉅製伯生題七絕一首蕭
淡簡遠有雅人風致船山則久已辭官歸矣

原任浙閩督憲鍾雲亭先生祥廂紅旗人初知山東濟南
府歷陞總督以失印降調來川爲方伯潘中堂芝軒先生
以庚子春闈卽事詩索和云叨持玉尺記三三老矣登壇
興尙酣自註典鄉會試各三觀學到眼是花迷五色盟心有月印千

潭曲高難得知音賞味美爭如說士甘門外紛紛盡桃李
要從縛錦認榭楠贈同主試諸公云四座欣逢益友三
聞高論興猶酣澄懷各有千秋鑑雅量真同萬頃潭看到
奇文燒燭短投來佳句飲醇甘掄才當代推宗匠第一春
風被楚柵又贈分校及門試竣贈諸同人示公子曾瑩喜
公子曾綴登賢書凡六疊前韻瀾翻濤湧能者對之亦變
色失步方伯如非勁敵肯以偏師橫挑乎參政卓海帆先
生亦以畱京奏雪疊己亥十月得雪詩原韻索和警晉楚
爭霸之師交發並至處其閒者疲於奔命而公政事之餘
從容肆應是爲難耳鍾係漢軍中堂名世恩伯父行榕舉

卷四

表

生大魁天下丁卯從兄琛探花及第聞其先某公多厚德
除夜有偷兒入室視之鄰人也子甘金勉以戒賭後得吉
鼎即鄰人地因戲焉甲接踵非偶然也

協揆卓海帆先生秉恬字靜遠華陽人嘉慶壬戌進士遊
仁壽古佛寺云一運入危石亂松青到門隔花僧影澹穿
竹鳥聲喧殿古藏雲氣簾高見漲痕偶來尋斷碣零落字
無存辛丑畱京辦事十一月初十日奏雪疊乙亥得雪前
韻聯步東華踏碎瑤祥霰片片應時飄歡心鼓舞朝還野
密勢繽紛夜及朝六出恍疑花發樹雙歧預兆麥抽苗飛
章馳報天顏喜蹕路謳歌一氣調敷甫協揆見和再疊前
韻佳篇宛似報瓊瑤霏屑紛紛著紙飄風定挑燈還昨夜

雪殘待漏已連朝本派雷京者四人莊邸湯協揆奕家
事申刻始散自十一月初四至十二凡九日值
宿各三夜惟家宰不值宿午刻先出禁城民生托命
勤占歲國事關心盼格苗時定海尚未收復職長六卿資

變理八方元氣仗公調今陞體仁閣大學士子雲道光庚子進士翰林院編

鬼孝子盛姓榮昌人家雖貧甘旨無缺年二十許暴疾卒
既葬屢見夢於父一日午後空中忽墮一鷄父大駭片晌
悟其子所為責之曰爾雖有孝心然竊人之物以養親不
義孰甚焉是夕復夢其子曰父責兒良是然親老家貧死
且不甘父但誼傳亡兒能言人禍福以是獲值陰騭無傷

卷四

柔

也父然之於是里中爭傳鬼孝子有某姓者昆仲四人三
兄皆以心痛卒其季又病乃往問之鬼孝子附言曰爾祖
葬某所棺且朽有樹根直貫其心亟遷之可不藥某姓啓
其棺一如鬼孝子言改葬之病遂瘳由是聲傳遠邇問者
接踵日獲米豆數升錢數百文以養父母後父母俱歿鬼
亦隨滅

謝果堂太守父薌泉先生振定為御史時途遇和珅之妾
弟出語不遜杖其人焚其車以是罷官直聲震天下果堂
太守引見時知其為焚車御史之子 上深嘉焉陞陝州
即擢知四川敘州旋調成都薌泉工詩古文嘗欲選國朝

古文搜羅甚富袁簡齋見而奇之以已所集八十家文付
之使刻未及成在京與洪稚存張船山唱和船山和蜀女
吳碧蓮詩薌泉亦和以長篇集中未載果堂太守見四川
通志有其詩乃補刻入集詩云粵峯縹緲橫青天湘水冷
冷淒鳴絃巫峯千里雲綿綿靈風夢雨來飛仙驚沙走筆
何翩翩吟魂杳杳凌蒼烟自云埋玉湘江邊東風何處思
華年怨魄天涯悲杜鵑二十三絲驚四筵有客臨渚懷芳
荃青山怪石意拳拳碧沼幽香撫遺編曹娥碑冷鮫綃傳
琵琶聲斷紅珠連珊瑚鐵網迷重淵他時銀管貞珉鐫置
身玉鼎秋華巔我生弔古沅江壩美人芳草遺真詮欽

卷四

早

東海呼成連萍蹤邂逅幽絲聯詞壇白戰供清研讀君佳
什清且妍碧城迢遞哀嬋娟閣筆浩歎迴雲翮翔風淒冷
吹歸船漫空雲點飄花牋我醉長歌君扣船回首春山空
惘然果堂太守歸里安縣令徐鳳樓為作春江返掉圖自
題絕句四首錄其二云收拾春光入畫圖情詞纏繡有吾
徒片帆遍挹千山綠僥倖湘南一窩儒遨遊江漢意難禁
四十餘年舊路尋吳水楚山資放浪極娛情處亦灰心題
者亦多不具錄

彭時清忠州人乾隆庚辰 恩科舉人任山東郟城壽張
縣令精明強幹獄經數年不決者一訊即服後陞慶陽知

府同邑有杜鶴翔者以翰林改工部主事繼娶唐氏年二十就婚于京花燭之夕工部暴卒唐扶輓返里歸江夏母家甘貧二十餘年子迎歸彭爲賦詩云浮雲乍捲滿庭霜慘目驚魂祇自傷綺閣新燈垂燭淚輜車促輦斷羊腸飄零廿載倚修竹寂寞三春典素裳青史何人堪作傳白頭扶病獨歸鄉萬壘千山暮靄浮栽籬補屋守荒坵了無婢僕牽蘿蔓賸有詩書載石樓珠箔燈殘霜月夜翠屏風冷碧梧秋酸心莫教猿啼碎隔岸聲聲是賣愁

富順李吉山芝乾隆戊午中式第二或謂其入都會試經過河南見壁上題名錄遂悟前生吉山自辨其非而以爲

卷四

空

事非無因蓋傳者失實而前生事則確有端緒其時偕同人至新鄉旅店早餐有老人問訊泣述昔有子讀書聰穎入泮後亡今二十年矣昨夢白髮人謂汝子生四川李姓家已中第二今早過此可相見時吉山正二十其生日即其子卒之月日也邀至家啓篋示其子舊文則場中三藝皆在焉見母及寡妻洒淚而別北上不第再過二老已亡哭奠畱數金戊辰中進士選山東招遠令迎故妻於署養之終身旅邸勿勿語黯然三生如夢有前緣金環認取登科後可補人間缺陷天青鸞幾載歎身孤一霎輪迴記得無憔悴形容猶護惜不同山下採薜蘿

署新津時閱縣志載童少尹事文甚美因錄之少尹童永年康熙四十年春勘地過餘波橋沿溝行進山數百步至蕭家山憩息林閒甫欲假寐見侍女數人衣飾華美言夫人請公隨之行樹林芬鬱芳草繽紛道僅尺餘其潔如洗甫入門一徑屈曲傍砌青石中嵌小石子皆成花樣兩邊種蘭蕙清香馥郁沁人心脾正廳一閒書畫陳設俱非近代物回廊數椽丹繪精工庭前花塢魚池楚楚有致方顧盼閒夫人已降階相迎年可三十餘言貌端莊使人望而生畏自言李姓夫爲前明布政使居於此有年矣與君有隣誼故邀一飲治比之日甚長也獻酬閒一切物具皆精緻絕倫南味數品雜以野菽山餚無不精絕飲畢送客出公覺而酒香猶在口回署未匝月卽有藏差時雙流歸併新津土曠人稀艱於迎送以民爲夫縛椅作肩輿東接至簇錦橋西送至楊家集人與騎不稍離饑則差役於站頭熟雞子倚馬以進過署不入者三越月差竣而飯不下咽矣遂卒形家卜地至蕭家山吉遂葬焉

卷四

三

陳卯生一津與兄竺山一泖齊名閩中陳秋坪登龍著蜀水考卯生爲之逐段分疏人服其綜核著有收聲譜藏于家博雅好古一時無兩聞聶蓉峯學使耽風雅入古場題爲司馬相如題橋賦洋洋千餘言一揮而就文不加點亦

未起草賦學騷體古調獨彈覆試高山流水賦又作短篇
 僅三百字亦古體也學使大加賞贊評云以奇古之筆寫
 高曠之神鈞天一奏羣喙皆息首場賦評語甚多末云視
 唐人無名氏舊賦規模大小迥不侔矣立刊刻入場者
 人給一紙聲譽赫然以貢生終前歲始卒年八十餘矣雅
 安令陳秋坪合序其兄弟詩集今竺山集單行別生有吾
 鼎齋詩集黃梅樵以薛洪度小像索題為作二絕句云名
 士最憐蘇小小內廷曾識李師師而今粉黛風流盡畢竟
 留傳一卷詩荳蔻葳蕤二月初少時歌舞管絃餘誰知老
 後吟樓上賺得頭銜署校書草草應酬晚年筆也陳秋坪

卷四

聖

云卯生詩靜穆讀其五古頗有靜穆之氣寄秋坪登周公
 山望峩眉云朝度周公水夕上周公山我行亦已倦竟日
 躋其巔始發天未曙眾星何爛爛山精耀光彩駛若鬼火
 然雷電倏明滅陰晴俄變遷蒼茫失往路天雲互相連須
 與改朝旭極目寒晨烟無由生羽翼欲步不敢前支杖歷
 危峭岌岌梯累千斜陽迴林薄一笑吾乃仙上方不可到
 到來頗亦好回首俯塵寰下方已了了我本世上人心期
 烟霞飽早歲懷神仙平生企梨棗幽巖采琪花危徑拾瑤
 草試問今何時萬事奚足擾但恐轉法華翻能迷大道若
 教桑田深瞬息滄海小側聞古喬松服食不曾老如何商

之山復有采芝皓登山極四望峩眉特審藹靈關前門
 流水繞襟帶茫茫古梁州玉帛同禹會蠶叢一閉關隔絕
 竟千載自從漢志來得蒙復望蔡烏萊例和夷詎知非兩
 大我得鄭老言少見亦多怪繼讀桑欽書符節合宗派乃
 知青衣羗關國異今界此山固崢嶸一宿恐難再

提督胡公名超字卓峯長壽人由行伍起家從征教匪滑
 縣之變地雷破城奮勇先登又勦陝西南山匪徒道光三
 年勦西寧河北賊賜勁勇巴圖魯六年調赴阿克蘇等處
 授重慶鎮總兵追賊至噶爾鐵蓋山張格爾恃險負隅棄
 馬攀援直上步戰殺賊張格爾見事急欲自刎乃奪其刀

卷四

聖

生擒之陞甘肅提督圖形紫光閣為平定回疆十四功臣
 之一廿一年調赴天津防禦海上卓峯以武功顯雅好文
 墨著有訓兵要言軍餘紀咏嘉慶己未罷官里居時借紳
 士倡捐賑饑全活甚多有詩紀之是秋大疫人多死亡又
 捐棺二百埋葬作詩云亢旱驚聞癘疫傷填滿委壑倍悽
 愴憐他露骨迷東郭為爾埋背弔北邙肯使幽魂悲冷月
 豈教孤魄泣殘陽故園任郵風崇古漫說桐棺七尺香嘗
 掘地得銀每錠鑄超字奏 聞仍以賜之長子允林現為
 部郎次允柄廕主事
 傳云羅申望讀書江東廟中一夕燈光似有物障之慘淡

而不能燭字申望禱于神忽閃然是夕夢人曳之入甕中
驚覺自意將有麴生禍使人甕多長醉之兆不爾蜉蝣一
生恐爲甕裏醢雞展轉通宵詰旦以告友人友人曰君自
此升矣豈不聞甕裏乾坤大乎申望終不豫後以歲薦需
次入選得甕安令始悟入甕爲甕安兆

大竹王以曜士品子康熙戊子舉人雍正年間赴都揀發
集太和門奉 旨條奏時務同時三十人引 見時獨蒙
嘉獎謂切中時事簡便中自具詳悉奏對踰時將摺發浙
江總督採擇行之微冒奇遇也遊雲霧山云行行二十里
已至山之麓根老百株松泉飛千仞瀑識韓衡有路棲柳

卷四

巖

愚無谷穩步度前溪莫愁暗虎伏峯轉疑無路山連忽似
龕縈紆九磴折曠渺一心涵冷翠攀崖竹孤標坐石楠黃
精叢玉綠未見有彭聃聯雲梯百級騰踏步空虛呼吸通
天近煙霞隔世疏眾山螺髻出萬壑龍泉瀟舉手謝時人
好鄰兜率居一勺曹溪水瀾茗味正濃斫松炊野蔬煨芋
供晨饗盈幌早窺月殷牀晚聽鐘催歸杜宇急暫假壺公
龍

古重隱士非槁首窮巷遁跡荒山爲可敬也不貪不義之
富貴方爲品潔行高遠縣李模字克振居貧力學康熙戊
午吳逆僞將軍據蜀開科堅臥不起著詩二十卷足跡不

入城市州牧李舜卿温而遜徐原本皆贈以詩徐詩云蜀
中名勝甲寰區山勢嵯峨水滌折鳳嶺東來更蜿蜒應有
高人推奇傑古調於今能獨彈品清目濶行孤子經猷夙
抱擅才華更兼文章罪玉屑晨風夜月自蕭然力謝浮名
棲巖穴偃仰懶與世周旋嘯傲林泉甘守拙余也無才刺
通川久慕芳躅願見切偶通尺素致殷勤城中希見先生
轅聞說衝泥冒雨來論交不以余爲劣余亦與君賦性同
流水高山絃不絕原本奉天人

卷四

巖

綿竹黃步青字漢南號鹿堂乾隆庚寅恩科舉人由成都
縣教諭陞潼川府教授引病歸自號晚香齋老人植花種
竹以詩酒自娛春園漫興詩云春風從何來吹我園門開
園中何所有老梅與蒼苔苔岑同氣味而此異崔嵬梅花
助精神無復雪皚皚有酒姑自酌有詩且漫裁閉門畱春
風相對默無猜我愛嵇叔夜心唯樂魚鳥酬答懶作書常
恐人相勦奈何世俗情缺此反致惱所以白太傅漸喜知
聞少謁南軒先生祠因懷魏公故里次壁間原韻中原竟
斷大河南洒血孤衷孰共探一代長城悲孝廟千秋憾魄
繞衡潭每懷祠宇澆明水悵望松楸隔遠嵐大節如公昭
信史枉將成敗肆空談少年器識出風塵理學文章事共
新幕府高名叅子弟經筵講論著君臣楷模自昔垂桑梓

組豆於今普士民儘有辨香貽後學何勞剝蘚帳殘珉嘉慶丁亥猶健在

虞雍公允文長江一戰再造宋室墓在仁壽縣邑令李元有詩弔之云長江天塹浪拍空金焦兩點鎮江東南宋人失黃河險偏安臨安不英雄海陵督兵五十萬高臺旗颯噪北岸剋期渡江刑白馬采石磯頭擊水戰顯忠未來王權去殘兵坐哭軍無主今朝躬擐南朝甲明日白骨拋江濤何來書生虞舍人策敵從容不顧身忠誼一呼將士起戰舸戈船五路分海陵左蠶坐龍艦殺氣衝空雲黯黯絕江瞬渡十七艘天風助勢萬聲喊吳人乘舟信指揮餘皇

卷四

七

却似紙船飛伍胥排陣擁潮立馮夷擊鼓潑浪催帆檣樓櫓軍容壯神臂勁弓隨所向解艦人頭漂棗栗血染白波翻紅浪龍艦迴師揚塵走宋旅懼呼楊林口聲色不動頃刻間書生忠膽大如斗劉錡無病顯忠來帷幄參謀帥府開力挫海陵吾亦許安有速成如此哉雄心折盡海陵死金人不雪喪心恥從此吳山第一峯立馬高歌終趙氏京山舉人嘉慶六年任

周箕谷名士岳士孝弟嘉慶癸酉舉人家居課徒采栢子焚香日讀黃庭離騷一過投岳池訓導掌教書院不受修脯人謂與箕谷靜對令人矜躁俱釋詩雅淡善隸書得其

尺牘多珍藏之自訂餘歡堂稿父萬殊判岳州時生箕谷故以岳名之官終岳池可謂以此始以此終矣趙家渡客舍瘦馬驅長道投鞭每暮遲那堪人雜沓况值雨淋漓屋小燈猶暗藥殘腹更饑無錢沽白酒吮墨自題詩斗室剛容膝難為旅夜情牀頭蛛網結屋角草蟲鳴客路身常健鄉思夢不成更闌人語歇着意聽雞聲畱別六兄十年方聚首倏忽唱驪歌秋意清如此予懷悵若何荆枝隨地秀雁字遠天多不盡相思處魚緘次第過六十初度酬益齋兄我有嚴師長薪傳仗阿兄衣鉢相能繼許武成弟名石田惟一硯八口以資生為我謀館穀聚首赤崑城兄老我

卷四

八

亦衰歲月去崢嶸六十逢初度拈詩侑酒觥毡寒姜被暖子行次第賡自慚骨相薄難期軒冕榮但遂天倫樂枝葉燦田荆甲子從頭數晚節礪邁征喜雨行老龍抱珠眠重淵胎息胎息安於禪睡聲如調混沌諧泥蟠人已傲飛仙倏聞地兀詔語切原田龜坼人憂煎振鬣翻身噓氣起黑雲翻墨紅輪邊倒捲黃河飛作雨萬斛膏乳瀉平田白羽大箭排空注簷溜百道飛流泉荷池碎勺催戰鼓崩崖轉石雷填填既沾既足郊原徧餘務猶鎖層山巔一雨三日伊誰力歎嗟氓盡歌豐年祠前稽首羅酒脯金爐裊裊飄祥烟龍不矜功仍歸臥豐亨自昔由蒼天

李立齋先本綿竹李价人之嗣也援例捐鹽知事秋夜感
 懷云細雨瀟瀟坐晚涼爐烟篆歇嫩添香人生百歲猶嫌
 短客別三朝已覺長雁影邊風辭北塞蟲聲夜月入西堂
 病軀瘦去愁看鏡鏡裏人愁髻帶霜贈成夏圖見過云徑
 訪三三續舊緣重陽雖過菊猶鮮黃花似我甘稱隱白髮
 如君合號仙著作等身畱姓字功名垂老付雲烟醉來且
 把桑麻話笑指門前數畝田妻佩香乾隆戊子舉人溧陽
 令侯起元女亦能詩兼工琴奕有句云燕知隨客遷新館
 犬為憐花守舊門與外咏菊云情馳夜月空成夢人對秋
 風欲斷腸初秋七絕云蟬聲如醉野花鮮料峭微風上袂

卷四

完

綿不是寒蛩吟暮雨分明二月嫩寒天年僅二十五而卒
 詩集名夢湘吟館自題云此身同水月有夢到瀟湘
 陳廷璠號六齋涪州人以孝廉補粵西藤縣素多盜捕戮
 殆盡偶乘舟外出泊荒洲寢後聞有人連呼速起披衣開
 窗起視無人旋聞舟前羣盜洶湧而來踰窗登岸匿林中
 賊入執役問官所在入見衾枕宛然疑其尚臥眾刃交下
 碎榻而去後偵知官竟無恙驚為神佑盡避去民為立生
 祠昔吾邑有人送友某之巡檢任有句云白水洗清心蓋
 勵其廉也所治蠻荒多盜文網疎濶某捕治甚嚴羣盜仇
 之夜入署戕官剖其心攜去洗以溪水竟為詩諷如陳公

者亦危矣

曲阜復聖之裔多聰明特達修來先生兄弟以詩文名天
 下後有名崇馮者號酌山乾隆戊戌進士授編修升侍讀
 丙午為四川正主考題為東帶立於朝闈中有倒領下句
 中式者房考與主司俱未覺揭曉方悟可知科名有定是
 科南川周肅齋先生二弟一子同榜李雨村弟本元亦中
 式酌山工八分善詩與雨村詩友也時方家居以八分書
 詩贈之有句云名園傍水多栽竹小樹聽歌好放船因雨
 村新治園亭素喜音樂故云在都時與程魚門曹習菴吳
 鼎雯諸前輩唱和嘗偕訪雨村通永道署登大光樓酒酣

卷四

五

索筆作歌云玉河橋上車轟雷長安城中十丈埃炎雲如
 火午風熱登樓要醉青蓮杯延陵公子頗好事鼓舞遊興
 呼朋儕出郭眼界一空濶輕颺披拂蓬半推戲波拍拍簇
 鶯鶯夾岸陰陰交柳槐一葉順流不炊黍候吏已在州城
 隈主人歡迎未暇揖亟命選勝開樽疊大光之樓聳北郭
 憑闌一目何雄哉居庸大行儼羅列灤水一帶遙環迴神
 京西望天咫尺五雲縹緲瞻蓬萊九關密邇資鎖鑰萬國
 朝貢從溯洄信矣幾甸此重地坐鎮宜得如君才君家西
 蜀謫仙裔淋漓大筆唾鄒枚頃司文柄自南粵嶺海奇秀
 豐詩材畿東觀察任繁劇文章政事能兼該其書滿家富

著作搜討源流披根芟考訂精審付劄劄要公同好流
垓一行作吏此事廢如此雅尚誰與偕走也芸館稱後進
庾樓高宴欣趨陪尊前嘯咏極清興西山不覺朱丸頽京
華數載恆刺促茲遊暫使煩襟開冷官亦苦職司縛惆悵
緇塵歸去來聊紀勝遊寫長句艾焙幸免涖翁吟詩成文
不加點酒盞尚溫一吸而盡捫腹大笑雨村素以敏捷自
負瞠乎後矣詩集甚富選入續山左詩鈔

錢塘姚德基號喬修以通判加知州銜在川屢署劇邑題
謝果堂太守春江返棹圖七古一篇最為擅長匆匆未錄
嘗以出京詩一冊見貽其尊人亮甫先生祖同由河南巡

卷四

至

撫入都後作也時在道光己亥五古淵雅可誦知其家學
淵源略錄一首少年慕遠猷壯志吞八極惟思練勞筋遑
屑問安宅退食承明廬打頭甘偏仄身行半天下傳舍八
州歷豈無連雲榭燕寢足棲息蕩析愍民艱我意常不適
都門弭歸轡苦復一枝覓一年三卜居踏遍長安陌歸然
聽雨樓興廢幾陳迹往借朱老遊叩門勞欸客不知身是
主高臥擁百尺余道光二年壬午來京師朱八野雲鶴年
為談聽雨樓勝概邀余觀覽余會賦七古
一篇朱為補圖相贈迨歲丙憑生悟有定思議窮難及漂
戍此樓適為余有不可思議天地力瓦礫平故墟軒窗豁塵壁嚮來
歌鐘地寂寞燕游席舊物發經籬閉戶永朝夕漸喜蘭桂

滋環階吐新碧勾留豈不佳老矣念鄉國木水有本源忍
不做廬葺臨別語諸孫鄭重仰題額端安揭兩字在在為
曾德抗城端安堂即先世五桂堂舊基先祖始易今名
安貞堂則先君邦江舊館所願額也敬念前聖
勿替幸獲風雨庇勉副堂構克要知詒燕遠勿改旋馬窄
耿耿願未酬廣廈萬間關

客言李參軍心衡上海人為諸生見賞于劉石菴先生後
官四川綏靖屯最久輯有金川瑣記四時詞云獨松茂野
草初生半畝園中鳥自鳴邊地只今多雨露家家火種又
刀耕泛泛皮船逐怒潮輕輕竹竿度危橋誰知六月荒山
裏尚有千年雪未消甲索山空木葉稀金川水冷雪花飛

卷四

至

短衣匹馬追狐兔徼外秋深正打圍釀來唾酒不須觴炙
得猶臆分外香蠻俗也知歡度歲盧笙銅鼓跳鍋裝鎮江
許文雄醉後贈以詩云弓衣斜壓赫連刀墨雪山城虎嘯
高將略詩情堪自許一時意氣為君豪塞雲高捲五營連
壯士齊歌敕勒川繡額蠻戕紫辭翰定知人羨李屯田二
詩風趣甚佳

廣安州鄧遜齋時敏官大理寺少卿乾隆戊午入闈袁子
才出其門主考則吾鄉大學士仁圃趙公國麟也子才於
遜齋師誼甚厚屢見於詩而於趙公未多及蓋公入閣未
久以細故罷歸田里蹤迹疎濶平生著作子才或未之見

雨村詩話載遜齋詩云獨上高原望蒼茫古樹秋白雲荒
大漠紫氣滿中州水落魚龍冷山空鶴鵲遊何人吹玉笛
清韻出江樓余觀趙公登太山御帳坪云絕壁臨大壑飛
流千尺下松濤與水濤喧寂不相假石色漾月影寒鷗滌
炎夏坐从風雨來松花任飄洒崢嶸蕭瑟與劭詩之沉雄
風骨略等五古滔滔百韻尤爲傑出子才見之不知云何
雨村又云趙所選程墨原本正嘉嘗見其爲秀才時臨場
擬作黠爾何如一節共十篇五花八門奇正相生真文陣
之雄古文亦卓然作家乃詩既不與遜齋共播於門生之
口閩撫劉次白先生選山左時文鈔古文鈔俱未之見有

卷四

一

幸有不辛可慨也夫公泰安人由縣令起家大拜亦漢人
所僅見者

王西躡夢庚浙江金華人拔貢生松潘同知喜爲詩在蜀
三十餘年隨地觸境無不有作暇日無可抒寫輒問題於
朋好所著有烏程紀草灌江滌筆魚通蠻唱蜀都鴻爪玉
津寄興東關續遊諸詩於邊疆風土尤悉詩集散布最多
咏蠻中轉經樓云浮圖湧七級兜率基三重何如法輪王
旋轉隨輕風人骨笛羊皮鼓嗚嗚逢逢亂跳舞天風吹動
千萬聲輪轉空中不知數法輪常轉佛日輝祥雲低擁甘
露霏佛法不停經不住層樓梵筴高巖魏輪迴六道苦汨

沒風金水火遞逼迫舉手轉輪輪若飛好逐重輪上金闕
轉經樓活佛窟跳鍋裝云青稞釀甘蘆酒熟細竿吸滿春
盈腹跳丸舞劔那足稱鍋設中庭競馳逐豹尾冠牛革屨
雙脚高騰如築杵珊瑚瑤甃瓮裳歌喉聒耳音繞梁跳酣
舞倦載進酒舉頭向甕抱兩手猶騰牛炙堆滿盤主人歡
呼張笑口縈塵集羽誰所傳禽歌獸舞交相沿吹幽擊鼓
百日澤犬羊食息真堪憐跳鍋裝開瓊筵皮船渡云飛流
激石罅欲渡河無梁舟楫不可施目眙徒望洋蓮葉輕瓜
皮薄木蘭松檜勞削刷鴟夷浮渾脫束折葦渡杯苦局促
護羌校尉製作奇絳人攻革皆舟師嘉良夷俗遞仿倣庖

卷四

一

丁奏刀篙楫施鞏用黃牛革滅盡鍼絳迹膨脹大有容枋
然瓠五石團圓止受兩三人直檣橫纜百不陳循流駛疾
登彼岸穿石屈曲達通津皮船渡利行人其過海子望雪
山詩均足紀風土不具錄

楊未禪迦憚直隸新城人拔貢生茂州刺史善書嗜酒工
詩好蓄法書名畫置園成都池亭竹樹頗稱雅構以乏貨
轉售致仕後僑居頤園栽花種竹昕夕談讌一日無客不
樂在京琉璃廠得紙堅厚縱橫有紋紙兩重旁無縫形似
桶以爲側理紙題咏成集年已高而跌宕風流如香山社
中人也與王西躡交好題其集云手挽銀河漑八荒此才

斗石正難量賞心不厭千回讀繞指真成百鍊鋼太史文章遊益壯杜陵風骨老逾蒼玉壺一片冰心似那許纖塵擾筆芒蘭契同心紀昔遊卅年官轍徧梁州名場困我誰青眼年少如今也白頭勝事獨能追李杜同袍何處覓曹劉等身著作從吾好得此應輕萬戶侯

陳雲帆廷璧貴州人四川布經歷少貧十五歲以筆墨謀衣食為某大府識拔招致幕中手書奏稿百十卷來川應常制軍之聘書法秀挺為人所重有墨搨十餘種能詩與沈少雲張庚拜一時名幕交善豪飲好客年得數千金不能供其揮霍署牛華溪鹽大使時周篁村訪之作長古一

卷四

畫

首書扇以贈並畫白牡丹題一絕云十二欄干取次開仙風嫋嫋下瑤臺姚黃魏紫休矜艷富貴原從冷淡來魯學浩字養庭浙江會稽人游幕在川素好為詩才氣豪邁功力亦深夜過綠口云綠口江如練扁舟夜始過露寒漁火暗風急水聲多世事空山曉人心瀚海波湘中無限景振觸奈愁何夜起口占云輾轉不成寐披衣獨啓扉風狂星欲墜雲湧月如飛鍊馬聲偏急銀缸影漸微無聊還就枕魂夢竟難歸舟夜云酒醉人不寐輾轉聽雞鳴月落山無色江空夜有聲孤舟千里客殘夢五更情欲擬張衡賦羈愁觸處生過洞庭云秋漲滿重湖蒼茫接太虛地平

山盡楚天遠水吞吳破浪千帆駛凌空一雁孤岳陽何處是曉日辨蘼蕪按虛字在六魚古韻通七虞

宋由溪灝廣東花縣舉人為新津令四川本朝少鼎甲大竹江國霖戊戌中探花由溪為房考所取士也道光二十一年庚子由溪丁艱余奉委來署始相識有七律云新陰小屋薄江城晨起猶嫌袂絮輕牆角一連十日雨稻花剛得午時晴綠槐樹靜秋先到白紙窗虛眼正明軍旅倥偬欣奏凱暫時休息愜幽情自註乙未閏六月我邊凱撤驛路塵清雨餘無事靜坐小廳甚白適也題鄒江館有句云拍岸驚濤歸戶牖繞牆平樹劃村塵晨星夜月思千里香粳黃花住九年亦可喜

卷四

畫

胡茜春世怡與兄支山遊幕於蜀原籍浙江山陰喜為詩有贈宋謙之詩云秋風颯沓商聲起鷹隼高翥疾如駛雲橫棧道君何來月射蓮鋒我知矣丈夫廿歲不成名欲將生計憑飛履輪蹄碾盡關山鐵四方雖遙志在耳昨宵快讀劔俠傳彼何人斯輕萬里去若飄鴻來若矢健快猶豪蹤跡詭熱腸時復一轟動千山雪片消為水紅燭三行酒百杯腰閒霜刃騰空指英雄舉動略如斯眼中之人惟有子滾地驂騑銀鏹脫刺天鸞鶴文毛綺一鞭斜挽芙蓉城肝膽便向吳兒是吁嗟乎宋子男兒會當越秦關歷燕邸陟崑崙跨桂海酌長春之葡萄駕追風之騶駟盼齊州兮

九點烟建殊勛兮千秋史誰能跼踏作轅下駒誰能結聚
如穴中蟻誰能與俗夫爭短長誰能向廚媪計鹽米誰能
日競錐刀同估客誰能久治詩書號博士此意告之世人
多不信信此者惟我與爾彼天將若何壯心騰突無時已
騷夫坐空谷而守寒門者不禁鎖唇咋舌緘喉而裂背高
歌一曲心狂喜持以贈君君莫鄙同逐春城柳葉騎暫傳
友誼桃花紙他日相逢咸陽市剪燭西窗話靡靡歷落嶽
奇一氣奔放如天馬行空不受羈勒

卷四

老

開茂州則六月下雪乃什邡近屬成都登大蓬山者亦六
月雨雪宋梅生正月往雷波過峻嶺積雪盈尺至雷波則
桃李爛熳如二三月時畫爲長卷陳竺山咏之云愛他絕
域春如錦雪窖天開十萬家楊荔裳咏高日山云岡巒起
還伏時節春徂夏絕壑聲琤琮冬冰未全化却從深雪底
時見花朵亞瑩白胷殷紅被徑足嬌姸如此奇景他處所
無若夫風俗在內地者衣冠文物儕於鄒魯魚鹽菘稻比
於江南而西南一帶蠻獠雜處支板爲屋壘石爲礪食鼠
食蛇衣毛衣皮椎髻跣足鳥言獸奔跳鍋爲飲酒之禮吹
蘆爲婚姻之媒燒骨以下刻木爲信以強梁爲頭目以殺

戮爲耕作白骨黑骨生夷熟夷莫不震懼天威疆以戎索
視昔之長牙食人短尾穴地者大有殊矣而接壤之番部
雪山青海喇嘛統攝範金作瓦罩鐵爲簾三男共婦十戶
養僧則又付之化外者爾

黃帝封其子於若水卽今冕寧地有七十二池金池出雲
黃色黑池出魚黑色紅池水紅有紅龍焉具體龍形長僅
寸餘可玩之掌中有攜歸者行未數里風起雷震龍突騰
空蜿蜒數丈還歸池中矣

卷四

弄

西南夷人生男對客詐云女亟取竈下煤塗兒膝下三日
不變方信爲男否則勢綻出黃膿竟成女矣後可以生子
真可異也

李日新字學愚江西金谿諸生來蜀視兄代理賈事居市
廛日事吟咏清溪一葉放輕舟清溪漾淺流竹灣漁子市
烟樹酒家樓前浦日將夕短帆風正秋機心吾久息來往
不驚鷗花塢春風撲面香攜酒來花塢席地笑開尊幕天
晴向午人閒有漢秦世外無今古一醉伴花眠問花誰是
主和希古閣自二仙菴晚歸原韻希古閣友人周蘭圃夫
人所居室也蘭圃同遊
先有落日紅侵水底天竹梢微帶晚來煙小橋流水剛聞
笛老柳枯荷乍咽蟬入暮涼風秋有信裊空香篆火初然
闌干並倚人雙玉羽化何須說二仙附原唱板橋涼爽晚

晴天颯颯西風亂暮煙一帶濃陰遮宿鳥半溪殘日苦吟
蟬鐘聲度處人閒甚詩思清時月皎然未獲御風天上去
藍輿飛走可如仙

尹內山名敬元富順監生性孝友尚氣節年十三以家貧
廢學經營貨殖二十年家累萬金酷嗜書尤殫心岐黃青
烏之術道光癸卯秋遊峩肩得疾歸語家人曰吾功行圓
滿矣旋歿自作睡得道人傳李春坊五子惺爲題詩栢樹
行春夏甫交初禾苗遍野布偶行過城南有叟賣栢樹霜
皮尙含煙根節猶帶露一幹不盈把作計何謬誤老叟前
致辭含悲答以故上年苦官司拖累城中住日費約百錢

卷四

堯

百錢難理訴典我冬夏衣鬻我耕鋤具盡飽貪役囊求免
猾吏怒豈無負郭田田荒空餘賦猶幸今春和菽麥佐朝
暮菽麥又已罄祇此木未蠹遑顧葉青青聊賣蘇酒鱖一
株一日餐十株十日哺尙恐鬻兒女那禁淚如雨喜蔡綿
胄表弟至話舊人生會合良非偶咫尺雲天難聚首况是
姻婭倍關情十年一見隔何久地曠情聯誼不踈相逢那
禁開笑口睽違面目幾回看昔日童顏今老醜坐談身世
幾歎歎屢看浮雲變蒼狗感慨悲來涕淚零新橋天奪我
良友謂呂止菴綿胄表弟不堪重憶舊交遊載將風月頻
呼酒吳下阿蒙非昔時吐屬煙雲驛筆走才思敏悟辨焦

桐異書到眼都能剖嘆我年來學力衰苦把精神欲抖擻
枯腸搜索不成章晨起劇談日至酉感君意氣讀君詩呼
童夜剪春畦韭相期十日醉醅酊明朝莫賦玉關柳

周篁村立椿南川拔貢生掌教隆化書院與觀葦杭明府
唱和最多同胡我山夜話云夜深風雨助清談早歲光陰
尙熟諳十載功名分半芋三春情緒繫雙柑分明往事成
蕉夢閱歷多時覺蔗甘笑指尊前須愛惜綠燈秋影鬢
移成都解纜舟中卽景云槽搖欣對菊花天詩興都教景
物牽兩听人烟蘆影隔一篙秋水浪花圓漁人靜向灘頭
立估客偎從舵尾眠絕勝江南新畫稿疎林淺渚矮蓬船

卷四

卒

太安驛遇馬堯階副將帶兵自新疆凱旋云萬里烽烟靜
三軍甲帳收馬嘶雲棧兩兵洗劍門秋贈子刀猶在慚子
筆未投匆匆又分手聽唱太平謳

周仁恬篁村子生時祖母夢人贈梅一枝小字梅生諸生
亦能詩和陳漢槎孝廉秋草云短長堤畔小橋邊遠望迷
離十里烟絲雨香風迷舊迹金樽蠟屐憶前緣蘆花白映
霜初下楓葉紅堆火欲然猶愛雙飛蝴蝶影淡黃撩亂夕
陽天秋來騷怨向誰論極目平原日欲昏紫塞黃雲天地
色荒臺破塚古今魂空如蓬鬢添新恨無復裙腰認舊痕
太息居山爲小草風中勁節答天恩甲辰鄉試畱別同姓

兄弟云莫墮英雄淚升沉聽自然功名期異日爾我尙中
年折柳頻增感看花會有緣同舟仙侶伴不上孝廉船屈
指蓉城路槐花兩度秋囊金看又盡席帽笑仍留愛客高
懸榻憐子不繫舟良辰須努力分手莫夷猶辜負高堂望
尤慚對弟兄登樓遊子感倒屣主人迎夜雨連床夢秋風
旅店情同根原葛藟珍重舊家聲未得乘風去羈留嘆此
身依依青眼客戀戀白頭人行止殊難定文章自有真團
圓親愛意話別語頻頻

張寅卿輩飛廣東進士攝榮篆前任趙及菴解組後代籌
其歸資時復詩酒唱和鏡香亭賞荷波心端合置輕橈花

卷四

李

氣撩人欲語嬌別有閒愁消未得夜來涼雨滴芭蕉家住
隆溪溪水邊沿溪夏日長青蓮六千里外重回首一片鄉
心幾度牽

王椽山名德淳榮邑人性敏好學下筆落落數千言立就
好詩兼豪於酒年未四十以孝廉終山居卽事云松樹響
如濤柳花團作絮滿目綠參差鳥啼不知處誰驚土龍飛
濛濛雨不止陡爾破窗來添我視池水松風四面吹竹徑
一條引時攜椒眼籃入林採石菌機忘鳥不飛地僻花逾
好覓句繫何人推敲似賈島

丁瑞臣名光獻榮邑明經新霽過大石門云初霽路猶滑

行行過石門濤聲松際吼雲影岫間屯地僻人烟渺山空
鳥語喧此中高臥好不復問桃源

張容字心如號青崖榮縣康熙舉人任安徽青陽令解組
後貧不能歸里士民日饋薪米見其衣做請爲製新衣因
辭旋各出一錢作大布衣一具以獻並歛金以資其歸著
有青陽宦蹟草五言金陵歸舟卽事云風來江浪白日出
海潮紅梁山大風云急雨翻青樹癡雲湧碧空七言懷歸
云造物有情容我懶征塗無事笑人忙感懷云敢望俗情
無白眼應知時命有蒼天別建德令西園弟云善事上官
非屈節恩畱下里豈邀名皆可誦

卷四

李

程韻蘭字苴卿江南上元人前任樂山衷雅堂之曾孫澤
卿之室也隨澤卿流寓四川有課花小室詩草暮秋云江
郭深秋後銀河照晚晴棠紅嬌欲語柳老碧無情新月同
肩瘦殘烟比鬢輕鄉愁消未得小坐又寒生芍藥花一縷
香絲繫晚春歎紅醉露倍精神宮衣半脫圍金帶信是花
王近侍身秋夜感懷無端小謫落紅塵每恨裙釵誤此身
惟有菊花同我淡可憐秋色可憐人癸卯夏赴鑪城出黎
州塞虎嘯山風起雲沙撲鬢飛重巒懸曲徑落葉觀斜暉
路遠庚郵變村荒亥市稀迎涼贏得早五月試秋衣
徐十樵文貴雙流拔貢爲階州通判罷官無家可歸掌教

景賢書院十餘年脩脯惟供購書買酒詼諧自樂脫口成詩著有十樵詩話卒後門人劉芳皋收存未知付雕否山行云一山相送一山迎緩緩籃輿賦遠征亂石堆中尋路去驚飛野鳥不知名題畫云結廬恰好近江邊古木蕭疎帶晚煙指點飛鴉天外去順流獨自放歸船

蕭蘭亭常芬溫江諸生隨任河南歸其兄芷塘常菁官粵又復遊粵南北足跡幾遍性慷慨貧交多得周濟以此家貧幕遊連年卒於成都有嶺南草湘江草登迎暉樓云往古魚鳧國登樓欲放歌壯懷空宇宙勝氣挽江河事作千秋想時憂一瞬過男兒須稱願何意老吟哦有懷堯東郎

卷四

李

即用見寄原韻云袖愛煙雲足愛山刀環初唱又陽關鴻書盼自天邊至蝶夢疑從月下還南浦一年秋草色征袍幾點酒痕斑相逢記否螢飛候半側銀缸夜話閑

綿州李芳谷德揚家有園亭水竹之勝客至投轄唱酬不倦詩集四册有句云深秋落葉聲疑雨夜靜流泉響似琴以秋海棠詩徵和寄詩者麤至趙清寅云哀艷漸銷瑤瑟夢孤芳空鎖玉階烟僧明宣云珠淚三生銷舊恨檀心一點挹清香女史丁采芝云盈盈好媚斜陽影點點應愁夜兩天有孫鳳筠者用漁洋秋柳原韻四首和之不具錄

岳大將軍容齋原籍甘肅後官四川因家焉家人夢忠武

入室而生本王後裔復為後身軀貌甚偉勇力絕人所用銅錘重六十斤而儒雅自命與王當日相類湘江漁人得王玉印于江震澤人王徵君硯農嘗以書畫展轉易之印高徑寸廣九分古光黝然鑄王姓名篆法瘦勁為友借去歷二十餘年復歸拓本寄蜀與諸詩人觀玩多有題咏惜容齋未得見范白舫詩云萬馬一蹴羣虜僵直驅河北兵威張忽降金字牌十二千古冤莫如岳王惟王少志身報國豈為斗印動顏色掃除劇盜視等閒誓圖恢復靖疆域二十三札神寶封金甲玉帶酬勳庸高宗初未忘國耻哀詞尚泣攀髯龍誰遣權臣秉鈞局閣中小紙付幽獄三字

卷四

李

驚違天下心兩河猶望元戎纛中興四將推岳韓空餘詞翰垂不刊一存一亡功孰計英雄似夢夢應寒自古英雄多似夢韓斷王南鄉子詞王昔手書出師表曾觀墨妙筆奇矯舟徒句見梁翁漫志山太守藏有王手書諸葛武侯前後燻燻精采餘丈強怡出師表長卷墨跡余曾於漢口敬觀燻燻精采餘丈強怡圍山客漢藏弄祕家寶徵君好古卓不羣快得王印湘水濱玉質螭鈕高徑寸黝然赭點雲霞文久假不歸逾廿載默禱神祠訴真宰一朝客到舟艤門趙璧歸趙無恙在拓本流傳萬里來顯晦離合何奇哉印以王佩重山嶽仰見讀書儒將才史稱王好左氏春秋義先正國本建儲一春秋孫吳兵法疏盡丹悃文臣不言武臣言當時譏訕又奚損書生扣馬

和議成倔強老子騎箕行痛飲黃龍付虛語十年功廢贖
 長城乞斬三頭力征討否則願死東海島金人募書懸千
 金深宮甘作朝廷小嗚呼此印既不得隨王生入燕雲閉
 又不獲隨王死殉湖上山惟有泪羅一躍潔身去至今碧
 血猶復凝斑斑河伯呵護馮夷守光芒夜夜射斗牛潛蛟
 蟄龍不敢吞天意持送詩人手神物沉淵七百年笑閱滄
 桑遞變遷古篆紫泥耀日月何殊敬讀金陀編安得遠取
 怡園卷與君印並陳深院定有精忠靈爽憑英風颯颯聞
 酣戰白舫名錯烏程人遊蜀

卷四

奎

中江何盛斯題蘭亭圖云新者無不陳來者無不逝人生
 蜉蝣耳所貴絕拘滯我欽會稽客了無浮塵繫芳春天氣
 清忻忻事修袂曠懷古今閒勝境一流憩筆墨紛古香詩
 酒結深契大塊助性靈鶯花供睥睨上下數千載風流復
 誰繼至今披圖觀如遊永和世鹽亭姚紹中云永和墨妙
 古今無硬黃一卷多模糊二百年來誰賺出少長四十二
 人寫成圖寫圖貴寫古人致觀圖貴觀古圖意倏然二十
 八行三百二十有四字劃眼飛鴻海中戲今人不能使古
 人來見我不可不使我與古人同向圖中坐同古人坐與
 古人徒自此年年三月之三日同向會稽之山陰攜酒壺
 二詩一涵雅一縱橫各有其妙

楊翰未禪刺史子道光乙巳進士工書喜為詩嘗錄舊作
 見示月下有懷云夜氣浸閒園林塢涵虛靜月上碧雲高
 人共梅花冷松陰如水流滿地橫藻荇石砌煙蒼蒼空塔
 立鶴影永懷素心人寒風動金井又一詩記其半云孤臺
 百尺俯龍湫雪水摩空蕩素秋深翠蘼烟垂柳密亂紅翻
 葉晚楓稠忘其為何題矣

吳迪齋錫康從章初香來榮咏署中西園諸景云秋水淨
 無波沙鷗來復去何人間妙香坐在花深處鏡香灼灼枝
 上花畫工描不就平明倚窗前妙影紅霞透紅笑聽雨難
 成夢樓頭客思繁竟將愁萬縷卷入此秋聲樓雨薇花繞

卷四

奎

室香清風拂不散搖來零亂影時時堆几案薇香
 劉丹崖照載雙流歲貢生喜為詩移家云生涯飄泊逐西
 東少達詩人豈諱窮已去年華徒潦倒未來事業尙朦朧
 甲科枉費三春夢丁字何如兩石弓日辨身家勞瑣屑最
 憐貧庶是梁鴻
 仁壽有人掘地得一隧道深四五里旁列石人馬雕刻如
 生盡處並排五門石版掩閉方雇石工鑿門地保已報官
 時胡竹塘光瓚為令來驗即時填土封禁道光八年事也
 按仁壽有蜀定王墓又有一塚不知何王俗稱皇墳不知
 所掘在何處

周文恭公焯涪州人兩次奉命來川人以爲畫錦之榮
公勲業德望重朝野不必以文名而詩自可誦彩鸞何事
不雙棲幾度春風冷翠鏡太息才人偏命薄忍看遺稿舊
標題老親無恙慰泉臺介壽高堂晉酒杯婦也而今供子
職肯教風木有餘哀提攜猶子惜伶仃每向天閣乞假齡
啓笥但令絲手澤雞窗常伴一燈青牀第呻吟淚未乾可
憐弱骨已摧殘貞編傳出紅梨館附與閨媛仔細看右咏
龍貞女蓋賢而有才者得此表揚足以不朽

民以耕織爲重各縣亦多種綿榮邑有綿每欲咏之而未
果潼川張太守松孫有咏吉貝云廣州木棉大如樹吳地

卷四

李

草棉名亦著或呼吉貝或班枝物性無殊同是絮哀牢白
慶貢南朝巴西蜀北滿平泉四月乘時好栽植勤鋤滋長
多棉桃東舍西鄰相助作魚羹麥飯飽歡樂禦寒無具盼
豐收更重春耕與秋穫青囊曬破苞吐絲懸鈴團簇花盈
枝白雲片片鋪原隰風温挾纈相參差摘拾攜筐走空室
稀膏滑軸純棉出亂瓊飛灑一弦張白玉搓成萬條雪絡
車伊啞冷孤檠又聽籬邊促織聲手足戰慄不知倦機上
停梭疋布成人市換錢輸薄賦再成裁剪爲襦袴連年梓
罷慶盈寧男多餘粟女餘布咏織機云如房之繭縑絲長
越羅蜀錦稱精良自得支機供組織兩川處處勤蠶桑五

月新絲初入市百室絡緯終宵忙倒景飛晶弄機杼長袈
交禪成玄黃不作浮華薄靡綺但以疎密相誇張鴉溪凱
江製近古小姑嫠婦工無荒縑繪絹穀盡利用通乎貴賤
宜温涼寒雞喔喔聲軋得尺望咫尺時度量流蘇綰綜勞
伏起踏躡相次揚徵商解軸辭機夫壻喜沾須待價權收
藏一絲一縷出辛苦世多紉袴輕膏梁錦綾素縞未知暖
弗服弗御猶盈箱寒士鶉衣不蔽體偶得敝褐矜華裳
車西號雙嵐温江副榜少時才氣縱橫既困場屋就河南
州判權某縣事大府稱其能方行保薦遽卒郫縣劉莆田

州牧收其遺墨得詩二千餘首古文三百餘首付梓錫山

卷四

李

鄒鳴鶴序其古文以爲馳騁極似大蘇而史論十餘首破
空立議筆力蘄嶄奇氣勃發尤爲絕作別墅詩云到來別
墅覺心安不與於陵一例看愛養魚苗池水滿怕傷鶴羽
竹籠寬逢晴乞菊和泥種趁月移琴按譜彈如許清閒誰
領略微風初汎過幽蘭獨坐云出山猶是在山初花落庭
階自掃除落得閒官消俗累好將暇日讀奇書有人乞畫
旋磨墨無客談天且種蔬泉石市朝都莫問漆園濠上一
觀魚漢殿仙弔李麗華序云麗華蜀宮人幼慧有以吳江
月令屬對者應聲對曰漢殿仙人因以漢殿仙呼之獻賦
破蜀囚密室絕粒五日不死吞金卒時年二十歲芙蓉城

破萬花死珊珊環珮留仙子葳蕤深鎖六宮春不許落
隨逝水妾身已作長門閉滿眼河山空雪遊首學精
李花隨風到處間紫繫吳江月冷蜀山摧漢殿秋殘長
苔承露金盤何處去仙人原自住蓬萊拚死不食人間食
恨不當前手殺賊君王義重身命輕一點黃金冷入臙
嘻乎漢殿仙子蜀宮人可憐留得千秋身御溝怨弔齊飛
鸞序云賊破城蜀王周貴如同縊端和殿飛鸞投御溝死
深宮不見春尚有御溝流御溝溝水流紅葉宮女感之啼
紅頰飛鸞本是蜀宮女生小盈盈習歌舞千翻弄影學霓
裳一曲迴眸催羯鼓君恩如水水難量誰知身世閱滄桑
一掬清波萬行泪生生死死逐君王君不見華清池薛濤
井水雖清汚妾影芙蓉秋冷香魂遊年年杜宇啼御溝御
溝今日水流絕飛鸞之事不可滅荷花引弔嚴蘭珍序云
蘭珍華陽人工書年十六與同邑齊飛鸞許若瓊李麗華
同選入宮甲申十一月賊攻城急珍投荷池死荷花開白
苧歌殘笑舉杯荷花謝采蓮舟穩銷長夏君愛齒齒顏色
美妾比芙蓉初出水十三學書臨池工十六選侍深宮裏
新妝水底如朝霞入世真成解語花不比蓮心徒自苦年
年護惜君王家豈知一旦秋風惡眼看花開復花落柔魂
應逐水仙王霧鬢煙鬟何處着太液池邊生白波藕絲

卷四

先

卷四

先

斷奈伊何蘭芳已共荷香歇莫唱江南子夜歌
大足劉節婦巴縣陳氏女大廷尉劉乙齋先生名天成之
子婦婚未一年其夫以縣尉出官山東節婦往省夫已病
篤禱天割肱和藥以進不效誓以身殉數千里外隻身扶
輓歸幾次投繯爲人所救翁遣庶姑勸以立嗣爲夫後且
云翁雖喪子有媳奉養視媳猶子也節婦勉從之燕京士
大夫咸以詩文紀其事李藥房先生天英詩云劉家節婦
陳家女十九于歸姑已死姑死可奈何相我夫子心靡他
甫八月良人去一官輕別離九點齊州樹三年不見病擾
身阿翁不知促婦行婦來夫病劇藥裹愁人心愁人心淚
沾臙袖刀出門夜昏黑博山爐染鮮血剝妾肉醫郎病妾
身托郎以爲命此心此肉天爲證嗚呼妾何辜天不憐其
愚使妾偷生使郎歿妾何敢活以頭觸棺棺欲裂誓死相
從命幾絕翁知之遣阿姨阿姨婉轉費言辭夫從姑死姑
有兒翁今無兒翁何依以女作郎姪作子姑耶耶耶心應
喜嗚呼婦苦矣婦何傷若松柏之始生歷拱把而參天若
竹箭之有筠歷霜雪而堅貞巴宇水清且漣懷清臺相後
先他年共見青史編事在乾隆丙申及己亥其夫縣尉翁
廷尉
馬實夫若虛本李姓其先西域人籍浙江兄弟數人半由

幕入宦途軍功留川補用者三實夫分發別省未就居成
都起怡園布置樓亭得自然之趣與其弟綿州刺史述軒
名紹祖者同居甚篤友愛時以小詩唱酬刻有詩集數卷
為人書聚頭扇款云呂致和以三月三日邀集草堂為九
如先生作生日余病未往杜老吟蹤寄幽棲傍錦城一樽
重碧酒三日麗人行籠竹煙仍合團沙水自清朋來肴醪
薦分席引瑤觥會洛多耆舊風雩慕古賢桃花上巳水蘭
禊永和年遺躅懷詩史清樽作壽筵花明浣溪路不負暮
春天老我添衰病花時獨掩關卅年游息慣跬步往來艱
雅意追陪地風流想像間良辰易懷古吟事尚蕭閒

卷四

七

新學沈忠州刺史章紳之孫甘肅大通令宣之子安徽舒
城人年十五學詩文不及三月古文詞賦無不工雅清明
云東風漸老杏花天雨後晴嵐媚一川蠟屐踏殘青草色
紙錢飛撲綠楊煙小簷日暖巢新燕古木春深喚杜鵑
憶昔年遊賞處秦雲蜀水雨茫然題王遲士預園事志小
照云石上蒼苔雨後痕繁花細草鎖離根孔庭詩禮饒閒
思偶坐濃陰一課孫近水茅亭長綠莎棋欄戰處引藤蘿
含貽既罷嘗新茗助得清香有碧荷十頃漣漪一逕芳
波小鴨亂迴塘呼兒池畔當風立領略蒲花幾度香林塘
景物自清幽弱柳絲絲罩碧流數到芙蓉消歇後桂華香

折一枝秋同題此圖者為胡虎文光裕驚其下筆之捷以
為孺子不凡虎文詩云承歡到此倍殷勤玉筍蘭芽各不
羣回首家山千萬里教人自恨弗如君錦鳳花含曉露芳
竹闌柳隴午陰涼攜兒閑向迴塘立風度荷花滿袖香虎
文亦安徽人以諸生遊幕至蜀工漢隸善鐵筆

彭海樹毓珍丹稜人樂齋觀察之孫父宰蒼梧使歸娶婦
時年十六值鄉試以監生入闈前後兩薦不售改應童子
試縣試居榜首院試孟子題長上下文記憶不清被斥明
年復居榜首乃得入泮尋卒夜雨會飲以疎雨滴梧桐分
韻得滴字云舉杯邀月破岑寂黑雲四合煙如霧打窗一

卷四

七

葉傳秋聲秋聲雨聲不分析門前幾樹好梧桐亂瀉青光
上階鸞君不見芭蕉之雨太淒涼海棠之雨淚欲滴何如
此夜疎疎雨三點兩點聽浙淅憑闌共喜來清風滿座都
將炎熱滌同人賦詩我不工豪飲鯨吞頗無敵狂來起舞
歌狂歌但恐匣中龍劍乘風一吼竟穿壁
觀葦杭風雅多情赴黔之役攜小鬟梅喜冬筠同行作詩
贈云肩輿一對小愁癡臨水登山到處隨浣爾風塵三月
共嗟余離苦兩心知何曾教曲旁觀樂也侍更衣午夜披
唯有買花錢不惜朝朝濃艷歷髮歆又寄孫姬陳姬云莫
鎖眉尖忽別離萱親近日可安怡霜絲一握兒千里冷煖

悲歡要爾知

陳淑芳富順劉曙窗光代之造室也冬日微雪和東坡原
韻同曙窗作縫裳初試手纖纖綺閣寒生夜倍嚴玉笋未
傾金谷酒珠盤先進水晶鹽不知白戰花飛院疑是黃昏
月挂檐斜倚西窗看未足霏霏瓊屑上眉尖侵晨慵起鬢
堆鴉懶踏瓊瑤馭繡車道蘊庭前唵柳絮壽陽額上點梅
花冰肌合入無雙譜綉袂相逢總一家最苦孤舟篔簹叟
寒江獨自弄魚父

葉小珩恩培龍游人楚珩子從父遊蜀父歸里小珩留川
中數年矣工畫美人寄內云一自分鴛侶長懷志未舒鄉

卷四

七

心愁蝶夢封淚寄魚書雨冷催刀尺風颺之絮柳高堂全
賴汝客舍乃孤余欲冀盤餐壁徒遺土載車雖憐寒女怨
怎得遂歸廬其室勞氏葆粧答云束髮期君解何時理鏡
妝有誰憐弱質無處訴愁腸落葉催刀尺裁衣度短長悲
哉常作客倦矣可還鄉勗學言雖美辭榮計亦良贏來青
紫貴儂已鬢如霜

廣漢女史張仲芬題鳳翥吟稿云同夢生花筆一枝蘭闥
酬唱樂齊眉青衫紅粉都雙絕新婦參軍配合宜擲地真
聞金石聲信哉五字抵長城他時續集輪嬌女雛鳳音清
愈可聽聞女公子亦善吟咏

官垣烟戶不下數萬加以衙署官寓用煤炭最多價亦最
昂居者苦之不知煤炭皆為富金錢者收買囤積窮民運
送肩挑背負其苦更不可言潘紫垣作炭夫吟以憫之成
都不易居米珠而薪桂烟火千萬家石炭實兼濟此物產
嘉州鬻賣無征稅我大編來一纜江干繫販夫轉售人
錐刀利亦細運送藉貧民擔挑作家計賴肩血染襟胼手
汗流袂數步必迴頭幾番聊小憩渴飲惟清泉飢食但粗
糲百錢度朝昏數口卒年歲祇知養妻孥那暇憂身世方
今時不和到處遭疫癘此輩獨安全未聞有病斃上蒼似
見憐保赤偏蒙惠嗟彼富貴流值茲炎歊勢消夏做名園

卷四

七

納涼開別第統扇月團團葛衣風細細雪藕更調冰初蘭
還佩蕙何嘗弭災殃未免資藥劑先民曾有言佛氏亦有
偈宴安多禍胎勞苦生智慧請為炭夫吟試以炭夫例紫
垣著述多種近寄詩一册美不勝舉錄數聯以概其餘五
言山橫嶠冢斷路繞石門長陽江山秦蜀險風月漢唐多
關地連三輔閣天接二陵低函滿身沙雨細撲面雪風寒
沙雁門晴積雪龍洞夜生雲維故人青眼少新貴黑頭多
下人烟籠小市鳥語隔深溪連天沙草白映日水雲黃渡
皆能追步盛唐七言紅杏曉沾花市雨綠楊晴鎖錦江烟
成劍閣雲深真似墨巴江雨細竟如絲武連十七年中行

役苦五千里外別離多計皆可誦也

楊對山名變成都人博覽載籍久困場屋庚申學使陳鍾溪先生閱其詩文奇賞之為拔貢首選辛酉登賢書終不第挑教職君於諸子百家釋道方技無不悉究尤精篆刻摹秦漢金石文窮神盡變著有樹茶軒存稿自雙流至新津途中口占云溫和天氣便人行下走擔囊趁曉晴脚健不煩輿馬代一林花送一林迎自新津至臨邛作云綠遍江鄉紅漸稀鼻魚苦筍正鮮肥鷺鷥巢在遠山樹日向水田多處飛漫天歡喜蓋山愁華屋同歸貉一邱春不世情恣點綴野花亂簇古墳頭北關外早行云最好人家近水

卷四

姜

莊藤花籬豆簇茅房種蓮祇為收秋藕贏得陂塘夜氣香碧樹涼烟清欲秋露蟬初飽噪聲柔葛衣欲溼迎風健行到花間賣酒樓文君當壚處云春風吹客臨邛去閒遊來訪賣酒處美人黃土已千載漢朝佳話資談助識人俊眼知琴心同歸更無取酒金鸛鷄買醉四壁立中夜難溫合歡表郎才素有凌雲志所少財耳妾能致故惱王孫重攜來妾自當壚郎滌器當壚可羞妾不羞嫁得才人香名留程家鄭家富敵國閨中夫婿懶紅樓阿爺意轉分家僅千指送歸田宅豐丈夫那用奩中物題橋人去乘長風負弩來迎高車回富貴安可忽乎哉白頭吟比長門賦保恩都

緣文字媒封禪遺書遺誰寫當年犢鼻亦風雅誄詞哀如柳下妻可憐未亡人再寡

桐城姚石甫名瑩由乙丑甲榜以知縣用初游粵省繼仕閩中屢著勞績游升至臺灣道今官蓬州刺史家集甚夥竝著有東溟文集後湘詩集客有談塞上事者見說飛狐塞遺城尚漢秦黃沙忽陷馬白日不逢人小吏琵琶飲元戎虎豹陳古來征戰地今作一家春蘆溝橋晚眺云萬馬蘆溝道馳驅竟日過書生謀國少將帥受恩多白雪迷春戍黃沙合凍河無言帝都遠北極照滹沱京口萬里氓江下金焦阻海門氣吞三楚盡雲變六朝昏伐荻悲龍子摺

卷四

姜

蒲念帝孫猶能輕百萬億石不須論烏程道中云向晚烏程道孤舟送北風林深兩岸黑日落半川紅冷覺潮初上昏疑路不通何人吹玉笛嘹唳入雲中出瀆陽峽云竟日樹疑雨不知天已秋亂雲埋大壑絕壁下孤舟響雜千林鳥泉通一湖流言從瀆陽峽直向海山樓古木蕭蕭動九秋平原渺渺集離憂河邊落日荒涼下天外飛雲浩蕩浮粵嶺書達千里雁秦淮人繫二年舟不堪身世艱難甚極目還登百尺樓九日云九日尋秋秋正哀水清煙冷夕陽開即看冒雨黃花好不分無書白雁來故國山多聊避節異鄉人滯幾銜孟暮天千里西風急何處飛雲是粵臺合

泥懷古合泥城外莽雲消千里長淮地勢遙瀾扇衣冠膽
孝肅兒童刀袴說張遼春來戰壘烽煙靖日落平原獵火
燒回首江東何處是行人北去馬蕭蕭登徐州城樓憑臨
楚漢千年地惆悵風塵九日杯秋草已無人戲馬暮鴻猶
送我登臺南迴山勢雲龍起北望河流汴泗來詞客不關
興廢事黃樓獨憶謫仙才春日登粵王臺粵王臺畔送斜
暉山色青青草色肥千里夢中蝴蝶散一春花下鷓鴣飛
英雄祇合蠻夷長詞客重來褐布衣杳杳南天金鼓震幾
人銅柱立動歸滔滔莽莽具有萬夫之稟當今誰是出君
雄應爲屈一指也臺灣行七古足志風土生平嘗怪方士

卷四

七

言蓬壺方丈海閒謂是大言誑人主世豈真有二神山幾
年作臺灣東過滄海窮烟瀾扶桑枝紅挂朝日珊瑚樹綠
充庭滿澎湖時時出琪樹高者盈尺聲璆然四時花蕊開
未歇夏梅春桂冬桃蓮長年暄暖無霜雪老死不著棉裘
瓊山中之人木末處下者亦在蒼崖巔食無煙火况炊爨
男女赤足垂雙環頌律不到周夏正豈有隸首窮某年洪
濛以來到唐宋不與中國人通船漢初尙未開閩粵此乃
荒島盤雲烟或者昔人偶泛海飄風一至疑神仙愚民自
誤誤世主妄思人可壽萬千豈知世果有此境但無藥草
能朱顏若令武皇在今世不待晚歲憬然翻我爲此歌傳

世俗沉迷聊破千年關集中五古功深七律懷古者三嫌
愜慙落美不勝收是幾年作史在臺灣七律古木蕭蕭一
周慰邨澤濃成都優貢工書好題咏離堆遙望遠景天然
入畫圖半含秋色總模糊城開谷口雙扉小路束山腰一
綫孤風送鳥聲輕欲碎雨餘人影淡如無奇觀不滅江南
勝何事扁舟泛五湖褒斜道中帽影鞭絲落日斜停驂遺
眺與彌賒山含雨氣雲堆黑壑噴泉聲水作花石壁暗中
多古字樹梢深裏有人家烟巒不是無情物頓使温公手
欲叉醉歌行我欲軒冕登廟廊冥冥之中有主張我欲遺
世作仙佛苦縛塵網難離物惟有眼前孟酒得自專醉鄉

卷四

夫

任我作張顛張顛一飲輒一斗以頭濡墨便揮手人呼草
聖不回頭謂我得名原在酒有酒誰不飲酒中無我非妙
品飲酒誰不醉醉中有我仍是累不如即酒即我併入茫
茫中神遊八極空天空不知我拙古人工不知人達我尙
窮但覺乾坤一氣運鴻蒙眼前奔走皆飛蓬灌夫舌劉伶
口此外風情復何有君不見從古健兒豔封侯歸老林泉
盡白頭
陳蓮舫瀚涪陵人壬午孝廉司鐸郫縣聞李貞女賢郵其
家且引之謁節孝祠以堅其志爲作四六啓以徵詩自作
古體一首序事詳盡蓋能維持風化者也詩有序云李貞

女許字崇寧，刺應儒道。光庚子，應儒年二十一，貞女年十七，已定昏期。七月七日，應儒以病卒。其父欲再為相，攸女赴水投纜，矢死靡他。應儒母亦孀居，遂議送女歸其家。詎吉奔喪，拜孀姑，盡哀。邑士夫盛傳其事，予為歌以紀之。共工觸山，八柱靡天，傾西北，誰補此天？且不足，何况人人間。恨事難罄，紙君不見，岷山之陽，李氏女，李氏女，蒯家婦，蒯兮三歲喪厥父，女兮三歲喪厥母，有父無母，邀誰憐，有母無父，苦安訴，門祚衰薄，日難度，各隨母族，相依附，男角女并，漸長成，從媒已訂，金石盟，冠笄年已近，納吉期已行，銀河烏鵲飛冥冥，天上忽失牽牛星，哀哉此貞女，含情不得

卷四

七

語同牢，廟見儀未舉，意欲往從之。六親多見阻，潔身赴清流。澆我萬古愁，投纜志更決，自拚此生休。阿父見之悲，女跪前致詞，長跪嗚咽，語願為蒯家兒。父曰：嗟，言汝姑送汝家頭，戴素髮，身著麻，一痛幾絕聲。呀呀，一時見者聞者，泪交加。世間闕陷誰能補，此女流傳直萬古。未嫁還是亡人妻，養姑代夫心，獨苦獨臥孤榻，凜寒冰人窮，呼天天不應。惟有鍊心如鍊石，彌補缺陷此女能。登盤龍石山望錦城，懷古云立馬千峯頂，西川一望收夔門，封鎖鑰劍閣，扼咽喉。城郭偏安地，江山割據秋，英雄曾幾輩，往事憶炎劉。綿州孝婦陳氏，戶部小京官師諤女，前貴州糧儲道孫西

卷四

全

堂文煥之子婦也，婦幼失怙，隨母依舅。宋觀察文型長為國學生，秉敬室秉敬，自黃岡返道卒，一子僅三歲。祖翁年八十矣，值壽期，家人祕凶，問婦隱忍含笑，以奉祖翁。望孫切病，沈篤醫無效，婦潛割臂肉和藥，以進家人不知也。翁歿，西堂微聞，作詩以志。舅氏子西橋學博名琦，作排律四十餘韻紀事，甚詳。結處云：遶膝衣重舞，搖風燭尚光。惟思返子，杳不道少年亡。望眼頻朝暮，離懷莫抵當。遂教嬰疾，病漸覺入膏盲，鬱久知難解，恩深報未遑。人間空藥餌，天上任祈禳。慘淡形先瘁，精誠痛竝忘。但希沈革起，寧戒髮膚傷。夜色微侵戶，寒鐙靜映牆。鋒銛徐拂拭，血肉縱淋浪。神有經旬格，旌宜百代坊。無文聊紀實，握管意蒼涼。章秋濤廉訪凱時為州牧，為作樂府，起云：古來孝婦悉難數，但孝翁姑未及祖，誰與救祖意，獨苦君不見孫家婦。陳家女結云：人為詩作奇語，我為詩告千古。莫祇孝翁姑，翁姑尚有父，蓋割股療父母，翁姑者多割臂療祖翁，僅見孫孝婦爾。子名鼎勳，孫名恕，癸卯秋闈，怨卷落，余房力薦，未售其人都雅能承家學。陸海峯世潮，父任巴縣令，卒海峯年尚稚，無親屬，幕友家人星散，獨老僕陳姓不去，攜入省，斥賣衣物及餘金，共得千餘兩，乃放與人生息，衣食外歲有餘積，延師督課，前訂

婚在本籍僕與回家迎娶復來蜀爲海峯捐職海峯少年
跳盪偶越禮僕苦諫否則對之流涕出而妄爲則哭而隨
之海峯爲之止若慈母若嚴師海峯得鄧井關縣丞沃缺
也捐陞知府現署蕪湖道子七一員外一知縣一州牧一
典史海峯每謂人曰余之官與妻妾子女皆賴陳某之力
不待言即余之稍能判斷提筆作書亦其督勸力也在富
順爲僕娶妻妾冀報其後人而僕終無子海峯每祀先必
供陳於神主旁嗚乎陳某古之人哉今世得此人可以風
天下惜傳者忘其名

卷四

全

四川北鎮總兵朱公射斗子名澍給二等輕車都尉世
職以主事於道光六年放甘肅涼州道升湖北按察河南
布政漕運總督丁母楊氏憂二十六年服滿貴州巡撫入
奏忠臣有後爲國重臣可喜也朱公貴筑人
龔晴皋有融巴縣孝廉也善畫潑墨淋漓生氣遠出字極
奇肆而性孤僻不諧俗重慶李太守壽日紳士將製屏以
祝李公曰以素紙倩龔先生書畫足矣晴皋是時設館於
城聞之先期避於鄉閱月乃返則壽期已過太守景慕綦
切親拜其門辭不見已而歐亡答拜太守無如何後官直
隸縣令越二年得買山之資急告歸自作生壙置石臥嶺
上橫書大字曰龔晴皋之墓

吾東趙及菴時爲榮令延金堂陳上雲家樓司筆墨上雲
卯生之子也工篆隸畫山水蒼鬱雄奇詩亦能世其家爲
人題梅花帳額云縱橫疎落總精神寫到羅浮幻亦真流
水不分今昔夢半牀明月認前身一覺醒來聽鳥音遽然
如夢費沉吟滿身花影渾無辨認取平生鐵石心欵書道
光四年夏日題於三榮之薇香書屋屋與聽雨樓連中隔
竹壁同題者趙芸圃名毓孫清宵萬籟靜無音一枕幽香
夢裏尋明月不嫌人寂寞移來疎影暗相臨上雲年四十
餘卒芸圃則未詳其人

卷四

全

雲南解銅官胡君至敘州永寧以事留滯月餘善畫蠨爲
沈珏齋畫三幅題詩云不見雙鰲已廿年每當提筆便流
涎何時重返江南地明月蘆花繫釣船字亦甚佳
雙流劉芷堂孝廉沅落第歸經紫柏山遇道人與談良久
若有所悟自是不應試云幸此生不負讀書居成都教授
生徒從學百餘人脩脯聽其致送無多寡額數貧者無饋
聽之或贈以膏火之費多授科第以去與諸生會講有期
餘時獨居不相接故從學終歲不必盡識其人資稟既高
用功三十年著有十三經恆解刻以行世探源理窟實有
心得視沉溺俗學講章者不第分上下牀也作道德經註
大洞經註或戲呼爲通天教主蜀中眞儒心學問人時下

應首屈一指性通脫非迂腐道學一派兼通天文地理醫卜星術其疏解四書參用他說或出己意不盡遵程朱是讀書求心不苟為雷同

劉愚船敗麓數十檢故紙及破書散亂不全者付丙丁奴子攜一册雜投火中取視乃其高祖遺稿細搜他麓得其先世文共十六册皆其曾祖建中公七十餘歲手錄者裝潢完整偶與王遲士諸人請札工詩文愚船默念當祈作序他人未知也此忽書願為運箕如飛頃刻成文雅有理致起云南豐劉氏世族也其後宦遊益州遂家焉劉子雲船風雅英偉好古書愛文字不求譽于人亦足為劉氏

卷四

全

光矣一日取先世手澤編而存之孝子之心也予感其誠而序之以下序文不具錄欸云司馬子長固非雄深雅健之作而筆無停機要亦才鬼

嘉州鱖鯉魚重十餘斤三二十斤不等至巫山大至千餘斤漁人以巨繩懸釣置餌船上作輪似轆轤纏繩其上不計尋丈魚吞鉤縱其所往既久徐徐繳繩魚覺疼忽又縱去如是再四魚力已疲繳至船側以鐵叉刺其首若非長繩寬縱力猛船覆不可救矣釣是魚者必來縣求印以墨印紙謂達龍王非是不可得魚咏之云巨餌投江百丈深長繩旋轉運機心憑他跋淚灑山力笑看銜鉤七縱擒刺

肉紛紛市上忙頭臚如許價偏昂魚頭骨脫美龍王不稅漁鱖利只索空文印一張

五屯故金川地也所產南瓜圍三尺重一二百斤每一枚必用四人扛之大僚巡邊或帶歸以誇示人

諸城劉燕亭先生海太傅文正公會孫也博洽好古著有

金石苑搜羅甚富在川復輯三巴香古志前任陝西榆林

道嘗遊慈恩寺於雁塔下得泥造像或全或缺大小八枚

其全者曰大唐善業泥壓得真如妙色身三行十二字陽

文背面一佛坐蓮臺左右二侍者立蔭以兩婆羅樹下二

獸作對伏狀其殘者文同而造像各殊或作三層上層列

卷四

全

佛三軀又左右二佛皆坐蓮臺中層佛三軀下層已缺佛

前各執一蓮花又一上層缺中一佛坐左右二佛持蓮花

寶蓋下層亦缺先生自作跋甚詳作詩誌之云天竺真如

境長安古帝鄉城南尋勝概山北問斜陽浩劫迷金刹紅

塵失寶坊江流空有曲塔影遠相望何處躡師子當年瘞

雁王旛回吹拂拂鈴動韻鏘鏘中對三門轟高凌萬仞強

欲參無上諦獨躡最初枕蔓沒題名蹟雲深選佛場有人

談晉武無漏湖隋場道久流中國時還憶大唐慈恩祈太

后聖教述文皇危磴標千尺豐碑屹兩旁至今遺石墨自

昔重圭璋我更探神祕遊須遍法堂留心勤洗剔搔首正

傍徨拾得驚仍怖傳觀喜欲狂淤泥修善業淨土印香光
譯義皆元契評書合遂良化身方寸壓妙色箇中藏豈假
丹青飾奚勞燦爛裝雙林寒桂窟一瓣落蓮房樹亦除煩
惱花應現吉祥棄原同瓦礫寶或數琳瑯大小分完缺畸
零較短長雕鐫周二面文字只三行歲月無從計圖經不
可詳然證親供養琢句費商量頓覺雲生殿頻看月轉廊
歸來忘酷暑心地自清涼

郭小房太守夢游縣人守順慶道光己巳年升甘肅蘭州
道作七律四首畱別士民刻石甘露寺一時僚友多和之
者皆步韻詩中凝字錢字最難押和詩有云愛才如命竟
成癡兩袖清風不用錢甚工

辛鳳遷名綠雲德清蔡蕤僊之侍姬也母夢青衣女跨彩
鳳止其庭越夕生女有文在手曰鳳因以為名幼聰慧四
歲能誦七言詩長而端麗工書善鍼術蕤遷遊幕在渝見
而愛之媒定攜歸成都評花賞月賭茗彈琴四壁蕭然怡
如也姬曉音律工鐵筆能作韻語蕤遷繪夢綠仙侶圖以
志永好方周歲而鳳僊以產難卒矣時蕤遷就館威遠纔
兩月得信急歸遺鉤剩粉悲不自禁姬善事女君述其臨
終語曰寄語蔡郎三生石上台續舊緣伏牀向東叩首泣
下吟詩而歿詩云現在君生即妾生曾經對月證分明後

身還與今身約尋到孤山度綠英

吾淄高氏多能詩續刻山左詩鈔入選者十七人今歲高
伯鵬遠程開關來蜀檢其行囊途中得詩多可誦歎其家
風未墜也泰安道中云別家三百里行近泰安城日薄山
無色風寒木有聲岱雲連雪白汶水接天清回首般陽路
茫茫烟霧橫又有句云馬嘶驛路丹楓老船泊江灘白雁
秋風起河干沙沒脛雪飛天外凍沾鬚首節響亮意態沉
雄吾淄詩人殊不多得

李作梅號夔堂大竹諸生少年喜詩築麗春園邀朋輩觴
詠其間性好遊所至有詩哀然成集瀟灑士也咏秦良玉

遺硯云上馬殺流賊下馬草露布桓桓秦夫人丹心照毫
素夫人容貌本傾城文武才略無不精遺畱一片端溪石
始識胸中富甲兵侯封劄墨何堪惜石兮曾佐勤王績非
寶其物寶其人顰脂臺畔傳羽檄邵續女崔寧妾古來閨
閣多英雄誰似夫人嫺翰墨淋漓餘瀋映朱顏疑漬當年
戰場血今持此硯染霜毫也思投筆學六韜君不見美人
遺物皆千古尚有團花舊錦袍與江曉帆太史善太史寄
贈館課楹帖口占云萬里京華雁落遲故人書到晚秋時
哀然一幅蘭亭序附以三年玉署詩太史近為香案吏請
生共仰大宗師空山照耀生花筆蓮炬分來自鳳池

張曉村守庸山東長山人已卯舉人大挑知縣分發四川因無子買妾甫一歲卒余以詩弔之云也似羅浮夢一場
參橫月落剩淒涼人閒好景皆多事局外何心亦斷腸攜病入門疎粉黛畱燈消夜泣蛩螢去年秋月團圓照正喜
明星小吐芒未幾曉村署秀山去世袁小泉啓洸與曉村相去三十里幼同學又同年攝篆雅安余專使函致小泉
賻五十金輓以詩云筆研硯磨憶當年一別鄉關路幾千萍跡又從蜀地合相逢攜手各欣然文場附驥偶成名自折丹花歲屢更本欲南宮膺上選誰知命薄是書生常把無兒嘆鄧攸千金買笑費持籌豈真香案無仙吏何事催

卷四

七

君赴玉樓問天不語待如何瞻望空悲薤露歌遙祝舟從巫峽下中流安穩少風波

新建凝翠樓邑孝廉張海雲鵬詩云到此無塵境悠然
遠眸天纔開境界人閒愛風流路曲因刪竹牆低好起樓
放衙佳客到夜坐數更籌知稼亭原小蝸廬不在寬安排
營斗室妥帖對岑巒暑到荷先賞秋深菊任餐雅宜詩酒
會撫景共盤桓訟簡多餘暇衙齋日月長窗排雲外岫座
挹鏡中香新雨蕉抽碧微霜柳染黃山林在城市花月好
平章聽雨樓中任曾經聽雨聲倚欄常看水對月屢飛觥
往事都陳迹重來倍有情只慙詩律拙髭斷句難磨

楊誠村芳在川勳名甚著張兩山懷溥聞其河北殺賊事咏之有云河北健兒夜吹角銅馬蒼鶻奮地出守土周苛已被烹嘯眾孫恩誰敢逐飛將軍從天上來十盪十決妖氛開暗鳴叱咤山嶽摧指揮號令如風雷雷聲破地堅城裂萬卒衝煙刀滾雪螳螂奮臂當車轍欲退不退短刀接揮戈一呼電光掣人在陣雲出復沒左甄右甄頭顱積是人是馬模糊血元戎一月三告捷萬口萬目楊無敵
竹王相傳剖竹而生人以爲疑不知後世亦有似此者未可以爲誕也唐開成嘉州有柳生瘦削之得小兒或育之長成以柳爲姓後爲僧居漢州道行甚高勅建聖壽院人謂之本尊寺明時有龍出井中漢州張懷泗遊之有詩云
客路清晨尋跛僧霧淞落地煙花凝老佛垂眉獅子睡幽曲之堂吾已登本尊宗派何所承柳星孕育光千層一朝解脫得妙悟羣魔咒盡心無矜舊聞塔旁龍出井泉脈至今深以澄由來神物不在此非同魴鯉人能嘗當其把珠守元氣髮髯枯禪通上乘忽然雷雨際時會爪甲燦爛雲飛騰四十年前叩關處達官泐石名猶稱塵沙歷遍都陳迹空餘老態悲鬚鬢前琉璃淨如拭試問西來今幾箇衲子無言山鬼笑小鳥喧啾疑代鷹寒山拾得履流他時饒舌知誰曾去去勿復耽茶肆前村有酒

卷四

八

時饒舌知誰曾去去勿復耽茶肆前村有酒

聽雨樓隨筆卷五

濟南



李石梧先生星沅湖南湘陰人道善齋

聲秉蜀臬時冰心鐵面而情深風雅少年時與郭夫人笙

愉唱和刻有詩集未幾夫人歿為刻其簪花閣遺詩夫人

中秋邀先生和云桂花亭上月娟娟香鼻羅衣已字筵十

載佳晨彈指過今宵人月兩團圓清光萬里耐人看燭影

簫聲共倚欄一曲同心一尊酒與君聯句到更闌先生和

云一箇明鏡照嬋娟風送秋香入桂筵寄語嫦娥留月住

十年才見這回圓大好瓊閣並影看碧雲紅袖繞迴欄問

卿多少同心曲我醉千鍾興未闌閨房之樂可想也郭氏

一門能詩笙愉自敘自其姑祖母兩姑母以及諸姊妹皆

有詩合為一集刻之誠盛事也姑祖母名步蘊以節聞有

獨吟樓詩二姑名友蘭字素心早寡授經課徒集名嚙雪

山房三姑名佩蘭字芳谷有貯月軒詩女浣香亦工詩

粟芸畦穗廣西臨桂人已丑進士補羅江令調雅安石梧

先生為京官時典試來川路經羅江同年相見歡然道故

為芸畦書扇云羅江風景似湘江細雨斜風泛小艇酒市

沿堤花作幔漁家築屋柳為樁迎秋秔稻熟千頃掠水鷺

鷺飛一雙獨有石梁曲湍處雷霆突起浪驚撞風流瀟灑

卷五

寫景如畫芸畦為辛巳同年錄舊作見示漂泊真如雪裏
鴻年來泥爪遍西東身惟有骨千金值心本無城萬事攻
外客卜歸疑是夢勞生方壯已成翁晚來又送瀟瀟雨惆
悵西窗燭影紅

何申畚夫子重慶府璧山人辛巳山東鄉試座師也在刑

部考軍機時得題後人方構思師已完卷因誤一字換卷

復別作一篇錄畢繳納仍無先之者楊海梁先生謂師啞

於口而敏於心師與徐少鶴夫子皆嘉慶甲子舉人乙丑

聯捷進士鄉會同年又同典試一省亦盛事也少鶴師居

吳門太夫子蘭石先生工詩古文性純孝母病篤願減已

年以增母壽母病痊而先生歿蓋天鑒其誠矣少鶴師克

承先志探花及第官內閣侍讀學士禮部侍郎以品學受

特達之知終江蘇學院任子綸 欽賜舉人申畚夫子自

江西南康府歸林下在京時同部相善者來川為上憲從

未謁見干以私子鑄拔貢生為三臺縣學博銓在黔為府

經歷新陞婺川縣知縣

嘉定郡守邵蓮溪先生勦山東濟寧人辛巳壬午聯捷進

士分發湖北以同知陞補四川嘉定署故有宋梅生修築

池亭地迫狹乃於東偏鑿大池種蓮建亭以小艇通來往

旁築土山臨水建高閣作記甚詳咏小山云全無倚傍自

卷五

成勢不要孤高太絕人贈呂彥臣云舊雨祇宜才子伴新
山不借古人名水亭云風來影蕩重簾綠月照光浮四壁
金又云載酒船歸殘照外放衙客話白雲閒風流足繼梅
生矣前後遊凌雲山有詩二首東坡不作漢嘉守畱下凌
雲待我遊湍急滙爲三峽險地高閱盡九州秋夕陽入水
翻巖脊嵐翠過江擁郡樓却喜民安官事少清風滿抱緩
歸舟訟庭花落鳥聲幽勸我凌雲作後遊酒好還同諸客
醉年豐喜見七城秋呼僧徧覓竹間路抱鶴閑眠水上樓
燈火萬家江一線滿山明月送歸舟

沈南村增燭華陽孝廉前崇寧令沈東里之長孫也隱居

卷五

三

課讀雖城市有山林之趣趙竹菴訪之作詩邀同人和南
村答詩云松菊非三徑蓬蒿豈一廛談經聊下榻容膝類
牽船客遇詩中傑情移海上連新詩來素壁華藻燦雲烟
吳江同震澤梓誼不尋常火慕才人筆纔登君子堂坐談
心共曠相視鬢誰蒼動我扁舟興湖山憶故鄉

署鄴都有地去縣二百里插入湖南與利川接壤亂山叢
雜賊匪出沒界在兩省難於搜捕聞嘉慶間川楚教匪滋
擾利川晏如忽有道人至縣勸民乘機爲亂眾不從道人
曰吾能使爾飛空駕雲官兵不能傷也問以術令取數鍋
至煎水加藥使眾洗手足俄皆升至半空飄然隨意所至

愚民大喜奉爲師聚眾蜂起官兵至術不靈道人不知所
往藏戮無遺殆劫數歟吾邑韓于佃名厥田官其邑見白
骨徧野問知其故

孫士貞號幹亭山東壽光人歲貢康熙閒爲夔州通判歸
里述其風土孫青士記以詩云千盤鳥道掛城邊萬尺晴
江落戶前瓜果三生未到眼鱉魚經歲不登筵官民盡結
依巖屋人鬼同爭下峽船况是水泉不可飲從來險惡至
今傳自註范石湖云夔水不可飲讀詩令人失笑當時國
家定鼎未及百年諸事草創故安儉樸之風今則異於所
云矣惟地之險惡如故耳

卷五

四

離達縣七十里有蔣孝子農夫也嘗割肉療父母疾父歿
盡哀廬墓母歿晝夜哭七日勺水不入口昏昧中有人掖
之登天與諸神遊七日復送回人間已七年矣不入家在
村外小山破廟中是夜山旁諸村落見山上燈火照耀幡
幢布滿音樂不絕天明往視一無所有惟孝子跌坐神祠
眾問其由大驚斂貲建廟殿旁築小屋栖之戶外鍵二童
司啓閉終日不飲食能先知曰帝命吾療一方疾病山上
故無水手鑿小池水滿其中以飲病者立愈男婦乞求絡
繹於道時綏定太守吾鄉孫公東岳疑妖言惑眾往見請
入署暫住納諸靜室閏七日啓視容色如常乃敬服以鼓

樂送歸爲懸匾額冬月孫公誕日使童子送盆植小桃枝
葉茂盛一桃甚巨曰師以此爲公壽明年生子矣時孫公
無嗣至期果然幕友沈倬雲曾至其邑先使人達意齋三
日而後往歷言無隱出其臂肉黑有白字隱起曰人中孝
一封肉處生肉成佛象初問疾者至卽呼其名知其居里
後厭喧囂不與見但令自取水去家中惟其子許見餘不
令人當倬雲見時偕一佐雜官某某有疑相質孝子云官
近行某事最好確能道之其事甚奇而見者不一非誣也
至今尚在謂之活菩薩

郭縣許水南高隱士而上楊撫軍一書通今博古于四川

卷五

五

制夷情形時勢見之透徹非孤高迂癖一流也韓嶽過其
廢宅有感云丁卯橋西處士莊昔年長此戀壺觴千尋老
樹藏幽壑十里溪雲壓短牆聞道梅花香似海水南軒有
梅海鶴天
四聽殘鶴唳月窺廊茲來未減清狂興落日無邊蔓草荒
臺榭都歸想像中百年佳話付清風愁看檻外生禾黍方
信人間有困窮鷺鴨喧呼來水面牛羊次第入芳叢天平
於女不爲薄此語辛酸竟一空最愛襟懷色色真風流猶
憶坐中春也曾歌笑如狂士却使心脾似飲醇秋水月明
爭活潑西山雪後見嶙峋海天梅鶴無消息何處仙源更
問津讀書萬卷腹便便海外三山直造巔誰信昌黎才不

第水南舉博學並教李處老無緣屢鄉試亦不第喬林野日荒荒

下極浦寒鴉故故旋甘苦卽今同逝水那能搔首問青天

少陵有子讀其詩爲問先生幾個兒天道難憑生落魄文

章不遇死還奇遺編忍信風吹籟勝事真同雨作泥猶幸

故人毛司馬收將什一付青梨司馬公有半畝居士集
行世內附水南集二卷君

骸尙未卜佳城野岸村橋草梗橫永夜月明螢自響極天

露下烏無聲難逢公子扁舟渡誰寫書生薄命情我欲往

尋河上友竟搜遺稿續長庚時機尙停
犀浦河岸妻子分馳幾處忙

天心福善亦荒唐藏金縱少謀生計積德寧無裕後方身

世已成今昔恨田園空令馬牛忙眼前刺事惟黃壤一任

卷五

六

西鄰說短長有謂水南爲梅花所
誤悉伐作薪故言此此身飄泊似浮萍錦里

重來歲幾更白髮已看成老朽青山何處好逢迎蕭蕭郭

外尋顏躡默默風前悼曼卿生死不同桑海變輪他太上

獨忘情

彭星舫瑛河南夏邑人嘉慶戊寅舉人初補巫山告歸作

七絕數首風韻最佳袖江帶峽賦歸與還我西坡舊釣徒

猶及鮑浦好時節算來也可抵蒹蘆惆悵陽臺事盡荒懶

隨宋玉續高唐依依略似吾廬愛十二峯前一草堂張騫

謫宦豈封侯謂湘帆坐
藏未還羅隱彫零仁村亦
去鄭谷休屈指同

岑諸宦侶幾人黑海得迴舟縣郭環山轉厭山何如平楚

且耕烟歸裝笑我囊羞澁不買青山那計錢也曾旗扁鬧
喧闐士女爭傳父母官只有此心瞞不得博名猶易副名
難筍與側臥竹簾垂雄楚樓邊向曉時十里嫩涼吹夢醒
插秧聲裏雨如絲急需料理病中身敢向烟霞作隱淪燭
武慙無分寸報只緣臣壯不如人記得城南老樹村年年
菘韭佐盤殮生無肉相偏生鄙還是從頭咬菜根後至川
補仁壽陞同知去蜀

陳春腴熾涪州人仲玉之族也道光辛卯進士入翰林改
官御史由給事中檢發江蘇以道員用現署常鎮道少從
陳叔裴學叔裴名晉歲貢生學老文鉅富有藏書四方從

卷五

七

學之士甚眾入館選登賢書者指不勝屈有松下讀書圖
題咏甚夥春腴始入詞林題之云我聞任彥昇家貧聚書
萬卷羅縹綾又聞屠赤水松影深處閒誦離騷與經史人
生得此第一樂抱膝孤吟殊不惡紙上古人即賞心况有
松風答巖壑松陰低覆石影敲花香入座芸香隨誰解此
意領此福吾從父也亦吾師憶昔少時學問字邊腹便便
五經笥心知臣叔已不癡三十年來舊名士笙簧六籍簡
百家雪帷燈案幾韶華青袍尚滯劉蕢第黃卷長攜皇甫
車書何淫傳何癖如公讀書真結習傳來阿堵神繪以周
仿筆瑤函細帙綴烟京置身宜在娜嬛室展公圖拜公度

公字叔裴意何如我就裴公爲公書謂才不長貌不揚而
乃功名兼將相公顏潤經腴公狀七尺軀從古詩書卽經
濟靈臺一片公何輸呼松一長嘯十八公爲公兆他年若
畫綠野堂添我手持一卷旁侍中郎教春腴富於學工駢
體詩亦動輒百韻第工而遲嘗與友人同舟赴省試共座
聯句他人已得句春腴猶自推敲友人以箸敲几故爲催
逼春腴怒掀翻几案流涕曰何受人侮若此性孤僻拜之
或不答寄之書或不覆惟佞佛於心經逐句分疏兼咏以
詩雖居官每日刻香讀書香不盡他務不遑也人多笑其
迂不顧常置黃黑豆兩器於前以自考功過云聞春腴家
赤貧質鈍而好學不倦大考皆居二等願以詞臣顯外官
非其好也

卷五

八

李雨村載吾淄蒲松齡先生過青石關詩以爲卽墨人誤
矣先生號柳泉著聊齋志異幾於家有其書何未詳其爲
何許人詩云身在甕盎中仰看飛雁度南山北山雲千株
萬株樹但見山中人不見山中路樵者指以柯捫蘿自茲
去勾曲上層霄馬蹄無穩步忽然聞犬吠烟火數家聚挽
轡眺來處茫茫積翠霧先生詩集粗閱一過此首確是先
生手筆雨村以爲專學漁洋非也當時先生與同邑高侍
郎念東唐太史豹岩張貢生崑崙山人篤慶及家銀臺公

結詩社無一趨步漁洋者漁洋弟子徧天下未覲面而奉
爲圭臬者亦不乏人柳泉與漁洋往來尺牘余盡見之惟
問答志異一書漁洋題贈七絕先生亦答以絕句餘無有
也漁洋請爲念東先生序詩不許豹岩先生於漁洋爲翰
林前輩漁洋晚與山人唱和山人意氣豪放未嘗屈就弟
子之列漁洋推爲冠古之才當與顏修來田山薑諸先生
匹敵家銀臺公雖與漁洋有年誼而意氣各不相下柳泉
先生以諸生傲然公卿閒未肯俯首隨人也諸公詩集多
入四庫全書柳泉先生詩未刻不知兩村於何處見之所
載詩亦非其至者錄二首足見其概河堤遠眺云黃河橫

卷五

九

卷半天流河外斜陽繫客舟歧路徘徊思弟妹十年患難
重交遊池中芳草來春夢笛裏梅花起暮愁雲水欲窮千
里目時時風雨一登樓湖外含烟烟似水湖中凝水水如
烟灘平細浪移沙岸日落孤村繫客船漁艇暮燈猶泛泛
桃花春色自年年長河北去帆無數低盡寒空綠接天視
漁洋風格奚似嘗見他書所載亦或以張篤慶爲平原人
疑刻者之訛坊本未可據也

洪雅令張霞泉錫路浙江鎮海人道光丙戌進士在川刻
其外大父謝崑暉候濤山房吟草謝名佑琦自號憩真攻
詩古文詞遊幕嶺南性豪爽好飲酒結客遊踪所至文人

傾倒朝雲捧硯圖云海棠泣露東風溼先生已在前軒立
瞥見嬌姝冉冉來松煙磨就春蔥執如圭端拱禁敲斜玉
屬輕盈拂曙霞不知染畫書經卷一笑遲遲到絳紗答外
孫張錫路索詩稿五古甚長霞泉和云翹首梅花嶺迢迢
五千里懷人不相見引領長已矣嗟我外王父自號憩真
子飄泊嶺海閒著書尺有咫名噪日南聲價高洛陽紙示
我詩一編淪肌復浹髓平淡由天真縱橫具妙理乍如天
臺僧絕粒形不毀又如西來佛低眉大歡喜人生若舜華
朝榮夕已萎惟茲身後名爲可久長耳公今老風塵非隱
復非仕才奇窮亦奇運否道不否夜郎流太白錦江困子

卷五

十

美古今同一慨奕葉終仰止小子本無知生長窮鄉鄙春
竈亂蠹生秋案枯螢死胸襟既未超吐辭亦多俚墮入塵
網中一蹶不復起所賴詩興來別有峯稜峙自顧無師學
無以窺蘇李詎知尺素書流到門前水示我作詩源導我
學詩軌虞廷言志訓宣聖無邪旨頓開茅塞心不盡薪傳
指更勞誨諄諄學術崇本始相勸以道德相戒以邪侈謂
爲有夙根斯言吾實恥自惟樗櫟材幸叨宗工庀所慙巴
人歌陽春不得擬願請回一顧勿作門外視更請下一語
亦復非渣滓爲人與爲詩不分彼與此南風雅頌中忠孝
節義是末句用原作

監錦江書院黃秋坪學博云友人楊孝廉年逾四十矣計偕入都半夜披讀未寢忽有美婦入心念非鬼即狐若無親婦手掩卷又近身撫摩迄不動婦笑曰固知君是正人然何必如此拘迂楊正色曰吾有母年八十矣臨行諄囑毋妄為去家雖遠豈敢欺母於不見乎婦肅然起敬曰真君子也前吾猶有邪心今伏矣願相與為友何如曰可共談詩文娓娓可聽索楊文藝觀之曰大體是矣未能投時好也願稍刪削以盡切磋可否楊首肯乃援筆更易數字甚有理致自是往來無間楊問休咎云弗知即知亦未可洩但謂楊福命薄耳後竟不第秋坪曾見其所改文字體

秀逸飄飄有仙意

卷五

七

南川令觀葦杭成滿洲瓜勒嘉氏有兒早卒嫂王依孺人念翁鰥而無子請為翁繼娶生葦杭七月而翁歿與姑撫孤成立葦杭為令時嫂歿已久以子鳳瑞為兄後乃作憶兒時哀辭至情悱惻讀之動人音節逼真古樂府也憶兒時羣兒戲羣兒有父遺餅餌歸問母與嫂吾父在何地母泣未言嫂垂淚解一母曰嗟爾兄總角失所恃十五娶汝嫂中饋出十指兄能三餘讀父書泥金甫捷芳蘭枯爾嫂血淚紅高堂痛有翁解二掩涕痕慰鰥獨庭前奉甘旨房中飯脫粟微冷無弦琴泣涕請重續一片血誠翁感字孀婦為

翁迎新姑解三吾入爾門來一見心相契禮在別姑媳情親宛如姊問年孰為長媳少姑一歲解四期弄璋偏弄瓦其聲呱呱驚散盈庭來賀者爾父吞聲哭爾嫂笑可掬思飯得粥終勝枵腹婆娑有華朶轉瞬看結長生果解五爾父繼生爾手顫心冲冲焚香答上蒼燭插香爐中有子可望繼吾宗成名那計見當躬乳兒肌膚赤老父頭顱白解六明年一病入膏肓嬌兒戲笑暝枕旁呀呀抱父如抱娘不知病父中心傷永訣惟爭頃刻光解七吾延殘喘忍不死只為汝肉一塊耳淚珠何物差堪擬雨注梅時冰結霜裏千里湘江水解八姑媳茶蓼撫汝襁褓年年曬書望汝學飽撫孤多撫

卷五

七

叔少求叔得叔撫叔而尤少之少苗秀而實宜將本保儻無催耕何有晚稻昔有韓侍郎為嫂期素縞今有胡觀察雲為嫂具疏稿汝若能得五華封謹乞殊恩賜汝嫂親恩固為根嫂恩亦非杪諸友題咏皆不如原唱發於至情故也君工篆刻楷書全似漢隸古氣盈紙喜篆書大壽字贈人道光二十年春委入黔買鉛以親老不願行扇頭書一詩云怕聽驀云去遂巡不忍行兒身牛馬走母鬢雪霜盈欲泣悲無淚呼天禱咽聲臨歧都不語惟囑報安平令人不忍卒讀遂告病歸

書碩農云初來川時旅壁有題字云館壁題詩佳作甚多

匆匆不及和語店主勿塗去俟再過補之也未云某年從父自浙官蜀十三齡女史劉漢青題晉省徧訪浙中諸公皆不知其人後遇某云有之是佐雜某之女又人間某云此女父亡後賣與人爲妾後復流落悲哉幼有雅懷長而失所至于此極紅顏薄命才女更酷爲賦此詩珠投濁水失光晶恨不搜取降六丁碩農爲我感喟興旅壁會覘墨縱橫中有數行照眼明婉婉女史方弱齡自言隨宦一宵停由浙入蜀從此經最愛過客詩句清異日重遊期載賡鳳凰飛去遺彩翎入門瞥見惜娉婷玉質未覩心憐卿拂拭依稀認小名往來胸次如絲縈執裾問訊徧錦城空江

卷五

三

無迹浪打萍席香三日憶郵亭千古怪事吁可驚琴或供薪鶴遭烹飛花落溷沾穢腥頓覺何處珠淚傾有客傳語未忍聽復覩題壁悲不勝初言豪門賦小星繼落風塵無趨騰那堪回首百感生吟絮咏琴心自矜顧影徘徊仙骨輕若箇夫壻龍可乘蜀道艱難已堪憎旅館畱題對殘燈想像芳華歲頻更約略窈窕門尹邢宜貯金屋護雲屏胡爲冀壤置瓊英將無才富心瓏玲刻劃盡巧天所懲窗外細雨蕉葉零酸風蕭瑟穿疎櫺若有人兮呼欲應翠袖單寒影伶仃高懷雅抱得未曾惜無妙句書吳綾祇今壁上墨猶馨十三女子劉漢青以詩視碩農碩農覆云俟再考

得實乃爲有據蓋恐貽累於漢青也詩人忠厚之意亦謹慎之至紀之存疑可耳

碩農名綸正藍旗漢軍壬午進士

梁士俊號石民山東歷城人長鬚偉軀與四川方伯尹竹農先生濟源幼同學庚申舉人同年先後官於蜀雖親密不以私謁補金堂令以疾卒題楊味禪側理紙云蠻箋莫向益州論晉代風流喜尙存巧製本從南越貢縱橫細認海苔痕萬番榮賜玉墀前壯武書成湖往年故紙堆中聲價重人間又幸得流傳燕市攜歸什襲藏開函珍重倍琳琅先生傳物司空匹續志應題字幾行紋如波縐更敲斜真履須憑賞鑑家記取升菴文史富紙香能辨密蒙花來

卷五

四

川時石民年最長有老成風範

李謙號挹谷甘肅秦安進士補鄴都令道光十六年入黔買鉛沿途得詩一册有句雲連鳥撒千山黑天入羊腸一線青餘多刻露不涉庸熟以母老告歸作七律二首別諸同人

錢香士忻和雲南人乙未進士兩署屏山陞務關同知題聽梅玉簪劇數絕記其一云良緣拚向此生休一度梅香一度愁不信風霜久摧折玉簪仍上美人頭有陣雲立馬圖題者甚多

浙江淳安向咸宜號壽泉優貢生補冤寧令調華陽著有

詩集未梓過苦水舖云人苦人不知水苦人知之今我飲
水水不苦或者苦水有甜時宿荏平聞琵琶聲云絲竹中
年悵夢魂那堪一曲對芳樽請看司馬青衫上淚點多於
舊酒痕嘗得初願園尚書家所藏趙忠毅公鐵如意上有
銀鏤銘云其鈎無鐵廉而不刺以歌以舞以弗若是折維
君子之器也趙南星凡小篆二十六字背有天啓元年夏
製六字下有五嶽真形圖五篆形徵詩題咏甚多原唱云
世上不如意事常八九古之君子處之惟順受人即云亡
青史存鐵亦可磨名不朽有明太阿柄倒持舉朝半屬魏
之私排擊東林諸正士趙公削籍由義兒嗚呼我公天生

卷五

五

有勁節百鍊精鋼經百折忠肝義膽難銷磨廿六字銘一
枝鐵用汝表直叩九重用汝觸邪抗四凶銳意澄清慰中
外指揮政府時從容太白之星夜睽睽我公拜疏擊大奄
寶硯與鐵並堅貞事成策功否同貶公東方未明硯銘曰
殘月暉暉太白睽睽
雞三號更五點此時拜疏擊大奄天鑒有錄設網羅雁門戍
去公荷戈恨不親碎逆豎腦唾壺擊缺柰若何嗚呼忠毅
事事不如意忠毅年年鑄此器我得此柄於京師上有天
啓元年字是年辛酉非壬申願與好古之士審欵識趙公
如意
非一阮芸臺制軍所咏為天啓甲子製施念曾宛雅所載
為萬曆戊申製天啓壬戌製者在吾一篋處天啓癸亥所
製在陸丹叔處按張白華
亦有一柄未知何年製

林戟門振槩宰中江文弱如不勝衣誠於事神朔望祭祀
必齋戒沐浴道光九年八月丁祭是夜斗山書院山長李
福源夢立西廡階上觀禮忽有數人前導紅旗墨書四大
字旗高不能辨為何字問為誰答云孔聖人使漆雕開來
受祭敬視之身不甚高面黑而腴冠青方巾服大袖藍袍
惟足下履似今皂靴見其直入大成殿方思待其出敬問
忽醒聞贊禮奏樂聲未已也

成都相如故宅有琴臺掘其下得甕數十蓋空其下以響
琴用意深微何其韻而雅也卓王孫故宅掘其下亦得二
甕口小僅容一錢腹大可容數石蓋撲滿最巨者中貯五

卷五

六

銖錢無數何其俗而愚也咏之云自是文園癖好琴高臺
廢後見精心美人名士真知已絃外餘音仔細尋太息王
孫慣積財五銖何意委塵埃還思卜式真高見能為官家
助費來卓王孫故
宅在邛州
長壽李少峯部郎詩才敏捷率意口占俱有風趣嘗與友
人作會翻韻本一拈平字一拈仄字約安於句中第幾字
得酸信二字安於第五字題為孕婦句云今年梅子酸尤
甚入月桃花信不來渾雅得之俗題為難限以對待尤為
工絕憶在濟南同人亦以此為戲得脫之二字題為送客
有云君今已脫風塵外我欲從之水石閒服其句之瀟灑

絕無牽強之迹又有以逐湖二字作對安於句之第二字者題為述懷有云徵逐安能隨若輩江湖誰與訂同心黃巽甫與幕友拈句必用登高二字作聯甚多僅記其一云禾未登場米價高出句亦不記憶

楊纘亭山東壽光人初補興文陞我邊撫夷通判素不為詩來川始有作成集五古質樸蒼鬱錄其登惡戾坎云出郭步翠微雲峯豁朝霽迤邐過龍巖名山鳥道盤空繫插天排礪礪騰雲駕埤塊虺蛇走陰霾冰雪滋瘴癘繚曲石磴迷榛莽無邊際到此神瑟縮躡足惕若厲憶昔萬歷朝都蠻僭帝制盤據九絲城凌霄作扞蔽梟獍跳陸梁豺虎肆

卷五

七

吞嗷蕩搖我邊陲莫遏駭駭勢崛起會中丞諱首吾字三甫號確菴以都御史奮武怒裂背久任虜氛惡生民曷克濟選將定謀撫四川猷督師檄精銳誓飲都督山削平靖妖氛巉巉惡戾坎五斗名資扞衛險接望天坳地名丸泥可塞閉一鼓奮臂登膽壯非疲傲攀藤陟危梯士卒兢策勵從此等破竹風聲驚鶴唳廓清四百里凱撤末期歲豈曰拓土疆原思奠民麗我來尋崎嶇弔古憑灑涕當年夷患深羣生畏懍慄眾論聚訟紛剿撫相鑿枘剿徒糜餉糈撫尤耗金幣狡獪恣蹂躪流毒延五世謂自成化以迄隆慶偉哉平蠻功仗鉞掃星彗惟斷謀乃成惟專志不替天險終可升壯猷誰能繼是在專閫

者毅然決大計至今關荆棘往來無蹇滯訂謨奠邊徼版圖歸輿隸明鑒原非遙所關豈瑣細努力拾屑級僕夫共牽曳山巔忽曠然英風襲衣袂纘亭名玉堂戊寅舉人

漢兵十三萬討平山蠻即興文地

道光十六年攝篆鄂都舊名豐都宋時豐旁加邑遂為鄂都俗傳為冥府有陰王二仙於此修真因陰王遂訛為閻王并云每歲縣令製刑具投井中既至其地訪問無此事惟平都山上古井在關帝廟前無水亦不甚深鐵籠罩之別有閻羅廟氣象森嚴上層為仙都觀高廠軒豁江山在目雲樹杳靄頗為巨觀旁連小閣塑陰王二仙對局顧晴

卷五

八

沙觀察有詩甚佳以八分書紙屏王方平陰長生活濁酒與爾傾爾騎白鶴吾長鯨爾吹鐵笛吾鳳笙江風吹起江月明吾欲醉爾自醒醒時應憶醉時事醉中可以忘吾情日月星辰挂巖戶不知戶外蛟龍舞唯有一杯與終古吾將與爾終一杯一着饒爾先天行憑欄大喚局中急江水無波空自清鄰小山云其師陳東山官翰林每日過午即不見客默坐一室治陰事偶言某日某當死果驗其卒也預刻期囑家人備後事至期云鄂都差來接遂卒又徐公從治萬歷癸卯舉人丁丑進士後為山東巡撫崇禎七年四月在萊州死孔李之難時肥城書吏以病死數日復生

言閻羅命之取八十人姓名歷歷在陰府造冊陰府門聯曰大善莫過於孝大惡莫過於淫所造乃七省輪迴冊冊分黃黑二道不下數十萬人八旬始造畢閻君即遣持書赴萊州請徐公四月二十日已時到任騎驢進萊城門見門外步兵約一千哨官三四十員惟少中軍臨時選用又見大旗鼓數隊五色馬共八匹以為導進門詣都察院傳請至三次方見徐公在內書室中坐見其憂國之念形於面目旁有古書二套劔一口端硯一方几上菜豆湯一碗徐公看書後遂發回書令候起身飲湯畢即起行牌行四川成都府鄆都縣到任所過地方城隍土地迎接三十里

卷五

九

進察院時各神即投造完文冊書吏姓名守宗見秦夢皋南窗新記

王山甫仲選漢軍乙未進七補南部令現任成都陞合州牧不多作詩七古有奇氣題錢香士陣雲立馬圖云儒生未上治安策當思射下天狼消兵革文章經濟歸實用草木知名人懷德同年有錢君倣儻氣凌雲讀書何止破萬卷筆陣橫厲抵千軍銘心欲與古人齊牛刀新拭試朱提朱提邑小近夷疆山蠻獷悍屢跳梁大吏知君才力強促君攝篆作堵防堵防無那當三面烽火夷氛時時見風聲鶴聲動哀聲誰當戎幙來酣戰羨君防賊似防川補苴罅

漏碣卡連長城橫絕劃中外老罷當路孰敢前擒賊擒王計已決翻身上馬探夷穴絕壁層巒閱歷深征鞍冷慘蠻疆雪倚盾草檄文下馬作露布文人餘事不足言惟茲履危蹈險展圖有餘慕君不見古來將相屬儒生禮樂干戈佐治平迂儒習經不習事始遣人間畫餅名君遇盤根別利器能充所學為撫字管絃暫輟銘刁斗摧鋒破敵出循吏循吏功績新好手為寫真猶見當時怒髮噴無怪獠獠奔絕塵如君不愧讀書人同人題者未之或先

卷五

十

富俱未刻行自書啼烏詩一首見示字句詰曲蓋有意摹古者篇長不具錄補南部令到任十日遽卒過嚴灘有詩云臺上星光大舟前霧氣低客懷消不得一路畫眉啼薊洲江蘇山陽人癸酉拔貢癸卯共事秋闈顧世燾號西園河南長葛縣嘉慶丁卯舉人大挑知縣初官湖北服闋來川補慶符悃悃無華平居耽理學如洛學編等每有心得輒繫以詩詞取達意實未究心風雅也同人詩酒之會亦勉為酬和錄其二仙菴餞春看芍藥云浣花溪上吟詩樓展修禊事聯清謳時光冉冉如傳郵故人

藥佳種稠紅雲燦爛垂梢頭主人偶採薪憂羽士代之
共唱酬擊鉢聯句人皆優枯腸如我亦頻搜人生行樂須
自求偷閒暫欲伴沙鷗千杯痛飲銷千愁詩成再與訂重
遊

華陽諸生李某讀書東門外古寺寺多芭蕉僧闢地種菜
刪數本生止之一本未及除而已被刀傷夜靜一麗女入
生室稱謝詢其故自言明季隨父任入蜀年十七天歿以
金玉玩好爲殉屍得不朽魂則依草附木昨附芭蕉爲僧
所傷幸君救止然已傷旋辭去一夜復至言傷已愈就案
頭翻閱詩云幼時父教以詩吟咏不倦生以詩再三索和

卷五

主

詩成甚悽惋後爲術者所見以法制服生急爲緩頰釋去
惜傳者忘其詩並忘其姓名咏以詩云髮髯隍中夢一回
羅衣化盡委蒼苔隨他綠葉重重裏無限芳心展不開蜀
道青天遠傲廬吟魂夜雨憶當初雖然未化鴛鴦瓦也似
芳蘭幾被鋤

有販香客寓巫山江岸夜有女來奔自言黃姓前居此宅
未嫁而歿今六十年矣與君有緣故來相就遂如仇讎事
人頗洩或自窗暗窺姿態婉媚美女子也入戶即不見由
是紛紛詰問某厭之遷於夔戲爲作詩云夔府孤城寄客
蹤江皋解珮憶從容宵來雲雨歸何處回首巫山十二峯

巫山山下水蒼花草沒荒臺笑楚王真箇消魂非夢裏客
如韓壽也分香

張秀娥江南人父名士隨母依越舊照磨某娥年十四成
都王石友名玉坤讀書越舊廳署主人欲爲作伐石友以
未見其人婉辭女之母嘗轉借王書後石友於遺書中得
女二詩深悔女已南歸矣芳草詩云青青水郭與山村踏
向清明欲斷魂芳草自多離別恨莫將情短怨王孫落花
詩云風風雨雨自堪嗟誰把金鈴護眾花本是鳳皇池上
種可憐零落遍天涯

卷五

主

桐廬汪桂山百祿爲三臺令題王西躔魚通蠻唱集云薰
風前度送吟鞍眼界都從閱歷寬絕徼睚眦尊活佛出奇
山水傲清官臥龍績爲籌邊著摩詰詩原當畫看自古弦
歌能化俗政聲早得百蠻歡

徐香蕪薇乙酉孝廉雲南嶠峨人晉南部回積勞成疾不
久病歿著有奩豔十六詠皆古美人也詩已不記嘗題其
集云新詩細讀勝冬郎宛轉誰疑鐵石腸倒海明珠難抵
字生花彩筆欲流香每憐哀怨成千古似召嬋娟共一堂
多少癡情徵蕙業漫將遊戲視文章

吳雅笙號湘亭父任游擊勅教匪殉難世襲雲騎尉有勳
之人營者不應入成都學屢試未售以筆墨遊幕今甲辰

秋與春舫太守董榭園教授杜樹齋學博暨余友沈珪齋
登凌雲頂作七律云三江努力撼烏尤今古洪濤去不休
佛脚已隨塵海沒客心先聚水雲愁英雄淘盡空陳迹笠
屐重來且浪遊勞我心情獨惆悵我眉含黛畫新秋

西昌令書綸號碩農正藍旗壬午進士送客云蕭疎風柳
外落葉送行舟故國湘南水離情冀北秋帆隨歸雁遠目
極野雲浮已近黃花節相思一倚樓又咏秋蟲云依人如
有訴吐恨不成聲同人爲之擱筆

臧錕字中州山東諸城人謁選得長寧縣好臨晉帖道光
二十二年入黔買鉛有黔行雜咏紀風土質樸可喜其五
言云去國八千里重爲一月行蠻方詢土物旅邸驗人情

酒入貧家饌書間破屋聲殷勤來索字道是舊知名川源
流不到未免石田荒六月無修圃三秋少築場瓜垂當戶
竹豆上過牆桑葛屨歌唐俗此中咏履霜苗獮分丫髻此
方種類多耳環垂似月頂布結爲螺衣備尋春着笙隨跳
月歌襟裙分黑白工拙較如何男婦皆畱髻蠻方更不同
種分盤瓠外傳入竹王中梳壓螺堆黑花攢布簇紅歌聲
渾不辨難採是民風七律云塵囂欲避總無緣暫息嘉州
正暑天半畝芡荷香抱露數株楊柳碧含烟宦情久擬波
閒鷺生計還輸木末蟬蘿薜簪纓原一視何妨城市着神

仙途次嘉州同鄉邵蓮溪太守畱飲荷池作也

同年李恭甫珙彈琴嗜奕閒爲詩曾於棧道題七律於旅
店彭星舫見而愛之對客誦其句輒有二古井云造郭筒
酒於此修亭覆之未久歿於官兄珣號東璧以孝廉分發
來川有詩一册主鉅野書院喜弟恭甫至作詩云山城冷
我對床吟此夕君來喜不禁百里已增兒女戀終宵難罄
弟昆心探囊互剖新成稿設几重溫舊學琴一枕秋燈一
天雨客中難得此光陰恭甫山東濟寧州人

蜀地江可濯錦溪亦浣花芙蓉名城海棠稱國靈奇秀異
之氣鍾於文人閒毓美女麗若文君狡若武后妖若玉環
才若花蕊傳播古今其揚徽彤管者或未多見黃崇嘏人

所豔稱未知所終秦良玉以忠勇冠世獨標青史乃前此
有可與木蘭並著者勿謂古今人不相及也碧梧雜錄載
四川西充女子代父從征以功授都尉厯官數載而歸嫂
見其腰軀肥大疑而嘲之女置酒邀親里會飲刳腹以示
無他葬順慶鳳了山翁仲猶存名都尉塚至今猶呼爲都
尉娘娘墓又劉惟德韓娥傳略云元末韓娥四川鹽運副
使新澤之孫處士韓成之女年十二值寇亂叔母予以男
子衣後爲賊掠去自名韓關保展轉隨千戶羅甲娥事之
如父羅愛其勤謹爲納婦不敢辭百計避之他日以事至

成都尋見叔母叔母已不識娥指頭上刀痕仰天痛哭召
媼視之依然室女在軍中已十二年矣後配馬復宗生子
女二人可入傳奇表其節烈而未盛稱於世豈非愛古人
而薄今人乎都尉墓後或誤為他人之墳韓娥當時作詩
咏之者甚多今未見乃俱綴以詩詞雖不工特以韻語紀
事錦江女兒如花艷女兒豪俠帶霜劍不信請看韓娥篇
英雄兒女一身占兒家生長本高門阿翁轉運沐皇恩無
端羣盜如蜂起兩川瀕洞風塵昏吁嗟弱齡椿萱失深閨
叔母憐慧質一旦骨肉痛分離玉貌含羞未敢出開箱攜
取男衣冠總角梳裝別樣看忍使明珠混魚目獨恐樵採

卷五

五

刈芳蘭牽衣泣別難延佇道旁觀者為酸楚漂萍泛梗各
遁藏海角天涯知何處滿途戈甲馬如風強裹良家入伍
中冒稱童子韓關保指揮迫協負刀已殺人如草起腥穢
峻嶺深溪那敢退月黑燈紅萬帳聯孤身宛轉豺狼隊誰
氏妖嬌露花鈿輕落虎口泣呼天冰姿噴血死堪惜花貌
委身辱可憐有緣幸遇王萬戶拔出火坑得樂土轉贈朋
好羅軍官從此奉事尊如父袴褶從戎箭在腰蹙眉肯將
黛輕描溷迹旌旗淚偷洒迴頭鄉里魂暗銷青年出走纔
十二荏苒韶光二十四屢經戰陣血染袍防身惟防意外
事不向東風怨落梅女蘿強附遺良媒釵裙並坐光輝映

雌雄兔走費疑猜良宵怕進芙蓉帳洞房相避不相向此
身恨不變男兒此時意氣何由壯忽報官家又徵兵策馬
隨軍到錦城兒家門巷何從認花木斫伐臺榭傾徧向塵
閒詢父老柴門斜啓滿荒草扶藜衰媼步蹣跚紅顏非昔
首已皓轉問客來自何方聞聲欲語悲斷腸老眼模糊疑
武弁那識兒身是女郎含情歷訴更嗚咽當日牽衣泣離
別萬馬叢中烈火飛鍊得貞心堅似鐵一從別後幾經春
關河迢遞隔烟塵多少芳容埋黄土未隨新鬼化青燐聞
說生還自遠郡頻呼小名頰微暈失喜花朵光照人蓮出
污泥仔細問手捫刀痕淚潸潸趙璧無瑕竟得還腰閒窮

卷五

美

袴針縫密臂上守宮血點斑火伴周防晝兼夜今時歡欣
當時怕明妃出塞終不歸文姬入關身再嫁脫却鐵衣換
羅裳窗前對鏡貼花黃完節共推奇女子鄰里爭看相扶
將洪武天子明堂坐大開金門受朝賀驚聞奇迹世間稀
賞賜崇隆萬口播吁嗟乎灼灼天桃女兒身萬人海中不
能侵雖非代父邊關去一曲木蘭千載心右韓娥篇都尉古塚
草蕭蕭林深月黑風怒號鬼火青紅耀涼宵火光閃爍隱
嬌嬌似聞鐵馬聲響響千載貞魂恨未消父老太息述前
朝有女代父馳征鏢萬里關河去迢迢旌旗獵獵風飄飄
女兒身健馬騰驍男子裝束弓在腰破敵擒寇稱雄鷲勅

封大官加錦貂屈指數年歲月拋困頓風塵芳顏彫年過
未肯賦桃夭深更風雨歎無聊眷念故鄉心忉忉欲完骨
肉歸蓬茅不着鐵衣拖紅綃重施丹粉插翠翹嫂氏旁看
螺黛描笑指碩腹騰譏嘲大開華筵備香醪左右親鄰徧
相邀再拜席前頰紅潮身在行閒隨征旄無人識破敢橫
挑冰心耿耿日月昭對眾解衣胸插刀熱血噴溢氣衝霄
四座驚歎蹙眉梢如斯節烈勁不撓辛勤代父著勳勞惜
未跨鳳偕吹簫橫被惡言似焚燒一朝霧散天沈寥仰視
秋天明月高應有過客陳芳椒墳頭壘酒杯澆右都尉墓
侯梅橋為雲南縣令補京秩加捐通判來川署敘州府筠

卷五

老

連縣病故嘗言有友任某過直隸青縣見旅館題壁墨迹
如新字極險勁詩云十載攻黃卷千鍾鍊碧銅詩書銷氣
節歲月老英雄偶着飛仙舄常乘破浪風鋤奸頭已斷論
賞劔無功穢事催秧馬春遊門草蟲太平無一事長嘯入
雲中自識云過某處見官弁與賊相持因放二丸斬賊首
三十餘官軍不知也故句中及之梅橋名大受善書因憶
十七年卸榮昌篆晉省宿茶店有題壁詩云濃陰綠樹日
初長布穀催耕喚夕陽憶昨初歸剛二月柳絲輕壓菜花
黃亦有風致不知何人作也
鄧通之銅山富人而乞丐也張桓侯之刁斗武人而文雅

也秦良玉之白桿婦人而丈夫也亦可謂之三反作竹枝
詞咏之云明月樓頭且醉眠在嘉從來富貴亦徒然鄧通
墳近銅山在寒食無人掛紙錢瞋目猱鬚氣概迥雄心祇
為助炎劉文光半夜騰刁斗鐵畫銛於丈八矛石砮蠻兵
世共聞桃花匹馬破千軍沙場不是奇男子巾幗如何肯
贈君

內江某名士也以副貢入闈三藝已畢未愜意復作旁有
少年問故以意告少年尙窘無一字乞之某為點定數處
與焉揭曉某仍落孫山少年竟中攜金往贈某固却曰此
余所棄非賣文也乃禮為師

卷五

天

四川高白雲太史名辰觀星象言山東有事明年有王倫
之變破陽穀據臨清殺人如麻尸墮河隨水下一女尸仰
掛開口忽上流漂一男尸至躍起伏女身順流而下事亦
奇矣王倫反謀已火穀熟不收豆作人面形屢示期與兵
縣令漠然不問四川李漱芳上疏謂官逼民變蓋風聞不
實遂以妄言降部主事太史金堂人
秦良玉咏之者多名作明思陵當日所賜絕句四首雖空
寫後來竟不能出範圍蓋後人身處局外詳於事實以議
論角勝思陵親當困厄且喜且歎言外唏噓欲絕此摹擬
與真境之別也曾見思陵賜督師楊嗣昌鹽梅暫借作干

城一詩親書長幅字大如碗勢雖飛動而乾筆枯燥憂瘁之色可掬

唐二羅名金鑑廣東人癸巳進士初號勉廬嘗遊羅浮從合掌通天兩岩閒行百十步于華首臺東見一洞上接水簾中列石屏左右流泉問僧云昔有羅漢居此乃刻羅漢洞三字于石因改號二羅又自號羅浮四百三十二峯雲遊道人諸境有詩並徵詩合刻一集關羅漢洞云勝地有興廢顯晦難自藏我入羅漢洞誅茅事開荒洞中石崩崩離立如人強流水橫其前盥濯肌骨涼上有飛瀑垂來自千仞岡眾峯摩天碧巖巖雲蒼蒼懸崖樹交蔭羣鳥飛迴

卷五

无

翔下視石爲船坐憩殊徜徉時聞華首鐘日落歸寺忙好景不可沒留與僧同商登飛雲頂放歌昨夜夢中見雲雲氣相鈎連而我落落莫莫惆恍如乘船一時散在千山萬山上有人告我山即羅浮巔羅浮之巔高莫高於飛雲頂我今眺望恰如夢裡所見雲滂然於焉脚踏雲氣飄忽上放歌以抵碧落之九天天風吹來助我生羽翼飄飄輕舉如飛仙重雲繚繞穿脚底俯視下界九點烟奇峯四百三十二一一羅列遊客前仙山人跡信難到而此巔劣尤貴足力堅冥濛險仄喜得僧我導芒鞋竹杖筇笠而遷延一行一止一回顧置身無着但覺高且懸層崖大叫徙倚發

鸞嘯劃然眾山皆響萬慮捐人生到此亦快意仙都悔不早着鞭須臾落日天宇黑紅輪滾滾沉虞淵三更又見羲馭出海底光騰萬里隱約咸池邊大觀真得未曾有曠懷歡拍洪厓肩下山盤曲向歸路天鷄喔喔斗喚人尙眠安得仙人大蝴蝶倦遊歸去乘翩翩自題二羅石室名山生面劃然開那管山靈占地猜此日行窩署安樂昔時浮海割蓬萊身留雲影水簾洞夢繞天香華首臺玉笈牙籤資著述瑯嬛應得探書回

二羅前任遂寧知縣現寓成都

卷五

无

太守得之甚寶重俄城中連被回祿乃悟此武侯鎮火物仍照舊安置城樓乃息聞成都南門下掘得一盆中一大火字四圍無數小火字中亦有水繼乃民舍官署屢被火仍埋於南門下乃已疑亦武侯鎮火物也術亦神哉蜀有薛濤井文君井薛濤井水製箋鮮艷文君井在臨邛惟文君汲之則甘香沐浴則滑澤他人則否豈天生尤物水亦爲之效靈乎咏薛濤井者甚多文君則咏其井者少矣陸放翁曾遊作詩第大方家數不屑如後人描畫故詩不盛傳余作絕句云當壚微倦畫長閒暫沐冰肌掠翠鬢不待蛾眉臨鏡好還憑秋水寫春山汲罷銅瓶碧發寒琴

臺日暮倚朱欄市人都醉墟閒酒誰識清泉淡愈甘

納溪縣河中石子生成人物紋理如繪居人多覓此求售
有秀才某暇時輒於其中檢視得西廂一部如待月聽琴
等每石具一劇纖毫畢備真奇物也

遂寧張文端公其生也封翁夢祥雲繞屋入秋闈監臨某
公夢綠衣人騎白馬進某號醒而異之記於簿試竣知為
公名相傳聞中有神監察記者非一道光十七年四川丁
酉科適寓省垣僕人抱小孫肇元觀主考入院天尚早無
多人孫忽色變求歸問之云見門前有三人甚巨一赤面
執刀一白面甚文雅惟一黑面者極猙獰手執長桿不知

卷五

五

何物俱跳而入時方五歲也至今猶能言之文端公一代
名臣所至動鬼神良非偶然居官廳事前塑關帝周將軍
執刀侍立公設案對閱文卷有干請或耳語者輒指示曰
不畏周將軍刀耶聞人受賄將入有所白見周將軍手內
刀動懼而止公為吏部尚書時有詩云謬忝銓衡愧此官
白頭垂老息肩難思親惟有衰年淚獨寢無如旅夜寒髭
為憂民摧作雪心因補過鍊成丹天恩若許陳情去菽水
承歡也自安其淡於名利可以想見矣

潘時鑣號軒三江津副貢體貌魁梧善談諧楷法最工諸
父兄弟多以科第顯軒三未達少年牢騷多見於詩就州

判往滇為伊制軍所賞補缺未匝月即陞知縣詩集甚富
僅見行勝小草宿梅樹舖云客路亂山中山山落日紅一
肩投棹店小屋隱寒叢煮茗憐僮苦當鑪笑婦工明朝天
色好策馬匆匆秦中懷古云虎踞龍盤據上游秦中自
古帝王州杜天心紀次占鵝首地肺封疆鎮鹿頭鄧杜鶯
花三月暮殺函風雨五陵秋就中崛起兼承統多少荒烟
說故邱七盤關云上有千仞岩勢欲壓人頂下有萬丈溪
清欲攝人影橫空仄路通延緣曲如蚓自上而上高難
為引頸自上而下深疑入智井惟第七盤雄曲折轉危
嶺小心移步閒旁碑有小心移步四字眼花亂炯炯蜀門自此通秦

卷五

五

關自此整笑語問金牛何獨闕斯境古來幾戰爭都為賢
者并矯首望觚稜五雲生耿耿五丁力士開山處放歌云
醜石亂堆盤古骨綿亘連天障秦蜀蒼靈欲使版圖通鬼
斧神斤闢山麓開闢以前未可知四萬八千歲誰稽石牛
糞金徒詭詞况是美女秦人遺化蛇入山力攬之遂乃劃
然雷奔電掣開崎嶇我想自有東西南北路曠省難窘章
亥步二億三萬三千五百里計程足無有所不到處蜀山
與開明史牒書其名或者前尚介然用峭削不慣行人行
五丁力士奮然怒特為鑿剗路不平後人思為好貨好色
戒故神其說令人驚噫吁嘻險奇自古悲蜀道青天難上

人驚倒抑知險奇亦尙有人行惟有人心之危想不到波濤涉忠信叱馭談忠孝大踏步來如坦夷摩天一路衝飛鳥

青神三教院昔有士人訓徒於院旁有樹鶴巢之士人出徒取鶴卵煮熟甫食其一師歸懼以餘還之巢久之鶴卵出雛徒驚異傳說師聞視巢有草一莖兩岐凡病疾死亡枕之卽起人爭迎之日不暇給乃師徒岐分遂不復驗余子俊八景詩云三教院中生瑞草卽此

榮邑張藻庭名紹華讀書幾於過目成誦補弟子員家貧舌耕耽於詩每爲宗匠所許可學使聶蓉峯先生給以膏

卷五

五

火命從學於奚雨谷先生之門成都湯某聞其名以女妻之年二十餘竟卒無嗣詩稿多散失團扇云拋向西風又一年相逢猶認墨痕鮮莫言紅袖無消息却與青衫有夙緣顧影多隨明月夜迴涼好趁火雲天放翁畫去休嫌瘦記得前身骨是仙鶴夢云人閒清福恰平分野鶴飄飄夢識君遠浦歸來千里月寒山睡起一天雲誰家欹枕遊仙幻何處疎鐘古寺聞知有乘風佳兆在來朝飛去定空羣秋柳云閱盡繁華眼界空爲誰飄泊小橋東可憐極浦寒煙外都付荒城落照中十里殘陽三里霧一江疎雨半江風湖邊裊裊知多少看到秋深自不同長堤遠水暮雲天

惆悵關山思渺然古道西風寒繫馬疎林斜日晚鳴蟬人閉秋夢驚春夢江上今年老去年羌笛數聲何處聽一簾殘月照樓前亭長亭短客魂銷嬾對千條與萬條爭耐馬嘶黃葉渡不堪人到赤欄橋一年春景絲難繫三月風光絮易飄回首劇憐沽酒地碧帘深巷雨瀟瀟無限秋光付杳冥樹猶如此太飄零天涯惱我頭應白客路逢君眼尙青眉黛風流曾入畫腰肢消瘦不忘形來春灞岸花開早滿地濃陰覆翠亭

卷五

五

榮昌有羅某家有石白色形凹置餘飯飼犬久之飯不減羅出見之謂妻不宜棄飯妻暗伺之見犬食已微有餘粒明日旋滿乃移諸室置一錢隔宿已滿告其夫某某遂修大橋數處不置產業久之隣人微聞某有異寶問之終不言既老謂家人曰吾沒後汝恃此物必習淫賭終不爲福乃棄石於河夜夢神謂之曰汝甚有識今與汝一物濟人危急不知何術凡有貧病危難輒予以錢不能多也邑令李光謙以修橋功上其事大憲奏 聞褒獎立坊曰好善樂施某修橋不立碑鄉人稱爲羅善人年享耄耋無疾而終

董榭園承熙嘉慶甲戌進士與婿庶子李五子惺同榜紀曉嵐先生門下士也居京師不時進謁晏坐小齋淪茗進

香皆雙鬢奔趨左右不待彭宣到後堂矣初爲江西青田令調餘姚歸爲嘉定府教授年高而精神矍鑠喜談詩生日自壽云穹窿無停機誰能測終始人生寄大化奄忽颺塵似萬物分相牽勞形竭精髓原非金石軀那禁鑠且砥所以古達人吉祥安止止憶余來漢嘉泊然中不泮馬齒日頻增十有三年矣閉散鳩藏拙爲貧聊復爾三載遠相招九峯欣在邇烟霞盪素心丹邱差可擬晚菊餘秋英早梅肇春藹生機運不息默坐參物理柵園忠州人子亦辛巳孝廉

卷五

五

蓬州洪芟塘運開安徽合肥人壬戌進士才氣豪邁足跡徧天下官蜀三十餘年今歲甲辰歿年過古稀矣初以詩文滋物議赴襄塘管糧務坐藏大臣碩農先生其師也回京路過以巴音集請序碩農略緇閱斥之曰爾前以文字獲戾今所作又如是是可焚也自後多不存稿其摺撫所得曰劫灰集五十自壽云疏慵只合避時髦官職詩名兩不高蜚市已知塵網幻愁城猶待酒兵鏖漸償婚嫁前生債未報親知客館袍明鏡不窺吾尙少免教華髮逗蕭騷巴賓道路幾曾經屢踐蠻夷大長庭客裏韶光眞逝水宦途老友亦晨星差無鬼瞰絲安命頗望天憐倍錫齡欲撫朱絃寄情緒滿懷忘憊不堪聽小州如斗帶清江官閣紅

卷五

五

梅開綺窗馬齒頻增終不偶豚兒學語幸成雙難摩越步慚鄰女扮作巴人只舊腔報道花年過大衍笙歌濃處夜鐘撞鷓鴣容易託長林坎壈何緣困此心日者尙言讎未退時乎偏覺老相侵乾坤事業輪豪傑泡影榮枯歷淺深遠道息肩徒有願曉來無語對朝簪鄭藹人之彪山西孝廉援例以州牧分發來川爲人書便面咏春柳四首其自作也不復記所持扇題詩弔史閣部云天子願爲陳叔寶將軍誰是霍雲姚孤臣血淚留遺翰半壁江山湧暮潮燕子卽今迷舊壘梅花終古弔南朝小東門外傷心地欲爲忠魂賦大招予謂詩固佳矣但以福王之愚頑不堪與叔寶捧硯安能學之作者爲翰院賈君名臻北直人是時年方二十餘耳詩不多作畏其難也非率爾操筆可知鄭子卿爲藹人兄在陝西署褒縣名映南者宰吾邑忘其號爲藹人姪同援例出仕藹人以細故降調捐復發往廣東聞又掛誤宦途之蹭蹬如此山左史梅裳有登望江樓詩詩云萬樹爭夔閣千山急劔州我來八月節忽結百年憂地逼巴渝盡天包楚鄧流何堪復吹笛風雨迸深秋梅裳濟寧州拔貢今就縣令山左詩乾隆閒推高密三李第取徑郊島梅裳後起力追少陵五律浩浩落落蒼渾健舉有萬夫莫當之概此詩足見一

斑或云樓去夔六七里閱通志無之味詩意似于夔爲切而梅裳未悉其曾入川否也

毛梧生輝鳳以大挑來川補綦江令善書工詩自荆湖峽有句云地愁山占盡石與水爭多確肖蜀中情景爲吏循循所至有聲署巴縣卒於任人咸惜之彭星舫有詩哭之云因緣香火了今生回首靈山涕淚橫同譜楷模資我法他鄉骨肉見君情當官陶令心原淡易俗文翁化已成不分巴江丹旆映淒涼如此作歸程與星舫同年交好故言之真摯如此子震壽援例指捐四川知縣

卷五

毛

體卽裁使短人驚問曰與體不稱不裁何爲與至欲避賃與卽行途中乏用指所衣裘曰無須此矣卽脫去質錢人共愛其豪爽爭容之絲竹六博所至爲家胸無一事談次偶倦就枕卽睡不知誰爲賓主從不寄人書人寄書或不拆視曰世故語令人不耐其率易如此健於爲文落筆卽工少時周遊賣文爲活得銀隨手付歌兒酒保遲久歸里空空如也不敢入家門借貸入闈領鄉薦旋成進士爲部曹次當補缺矣措資外出友朋資助數逾萬金沿途徵歌選舞多買美姬樂而忘返江行舟覆遇救幸免僅存二妾裝橐盡付波臣笑曰吾身在無慮也回京資格反後後者

居前多選用朋好咎之略不爲意開捐之歲得印結銀頗多輒問曰此物堆積殊累人一夜揮盡乃已現爲潁州知府有見之者容顏未衰胸無思慮故也有問其無嗣者曰有子累方長正喜無羈絆曠達如晉人狂而不肆所謂本色人難學也未嘗學詩酒閒聯句出語輒佳天資不可及矣

卷五

張

紀大奎江西臨川人精數學以孝廉爲博平令丁艱歸嘉慶十一年赴都候選時有二缺廣東者豐貴州者瘠有人餌以多金當得廣缺紀不爲動私謂所親曰食祿有方吾當爲四川什邡令二缺非吾有也時紀頂選而什邡未出缺咸以爲妄既而選貴州人多咎其惜費之故將引見山東咨文到部以前任博平公項未清例停選及項清而什邡缺適出紀得其缺術亦神矣謝彤雲鑿中江人道光丙申卒有中年婦攜一瞽者以雙鷄斗酒來弔哭泣甚哀詢之云楊姓昔年貧將嫁妻得錢八串慟泣於路不忍別鑿遇之如數代給得完後賞盡仍將嫁妻鑿聞之倍予以金使佃產爲生計今聞其卒特來哭奠語畢益嗚咽孝廉黃中吉作歌以紀之生不如人瞽兩目貧至嫁妻向誰哭亦知妻去夫益孤自分早晚填溝瀆忽遇謝君給以錢夫婦幾如再世緣金錢入手容易散

一再投贈心慨然驚聞薤露哲人萎再拜稽首告重泉追
念流離蒙嘉惠鴛鴦重聚鏡重圓卽今餘喘相扶持更有
何人爲周旋俛俛啼泣奠杯酒惟願先生昌厥後孤兒他
日表隴阡瞎子重當來稽首

大寧仙人洞在城西北距鳳山三十里石磴崎嶇循溪直
上山腰有洞下視百千螺髻羅列于前進內愈行愈廓清
泉絡繹石多怪奇大者如楹長者如柱高者如棟環者如
幕歷代遊客多有題字有人裹七日糧秉火窮探未得所
止明狀元羅洪先遨遊住此後不知所終洪負盛名有高
世之志題詩洞壁墨迹淋漓有云海門萬丈浪如山一轉

卷五

五

千年咫尺閒洞中聞雷催雨急作龍爭似作魚聞中有丹
爐傳仙人王子嘗鍊丹於此天下如此境者亦復不少無
人能擺脫塵網如羅先生耳紀此以當臥遊

人鮓甕鬼門關黃山谷由夔巫入蜀詩用之忠州去夔不
遠亦有所謂鬼門關者陸路非水程有陳氏嫁瞿某歸寧
時攜一雄鷄過鬼門關遇宋木匠強欲汚之不從死斧下
州牧相驗忽聞層崖亂石閉有鷄鳴若呼宋木匠者一訊
伏罪咏之云貞心如玉節如山白刃心甘低翠鬢月黑深
林啼杜宇至今人怯鬼門關黯黯青山日沒西荒途夜冷
影棲迷郎今枕畔聞鷄唱都似幽魂宛轉啼

張熙宇原名希翊號玉田峩眉人道光癸巳進士廣東番
禺知縣現以軍功陞知府少年時有花景詩四首一時傳
誦杏花雨云雨聲一夜小樓東碎錦霏霏著樹紅深巷乍
驚香閣夢前村猶趁酒旗風香痕隱約飭簫外畫意微茫
燕剪中記否行人魂欲斷清明天氣遠濛濛柳花風云朝
來檢點護花鈴誰縮情絲萬縷青姿態可憐眞草草飛揚
何處惜星星一春江上還河上落日長亭更短亭聽到啼
鶯倍惆悵赤闌流水已浮萍桃花水云才向東風沆麴塵
鞞紋新漲碧粼粼鱖魚猶憶江南路畫楫還迎渡口人暖
浪晴添三月雨殘紅寒剩一分春憑誰寄語仙源客莫誤

卷五

五

漁郎錯問津梨花月云捲簾長日愛香熏院落落溶溶月二
分若有人兮春帶雨斷無愁處夢如雲城邊柳絮東關近
笛裡梅花子夜聞便擬青旗沽酒去明朝殘雪恐紛紛周
石芳學使云風調在中晚之閒

舒元與記古桃源圖人物皆有仙意自唐時已爲古畫其
來久矣後世其圖益多吾東冷枚以人物著名畫桃源圖
十二幅山水人物着色生動惜無題之者聶蓉峯視學川
中以此題試士多佳作蓬溪李祥慶云巍然壁上一幅畫
圖張上有超然隔俗之仙鄉懸崖積翠鮮欲滴大江春色
流蒼茫有客到此忽昂首萬壑飛流生戶牖始知仙境在

人世尺幅之閒羅萬有先生豈獨老畫師上觀秦漢如同
時武陵漁人遊覽處收攝胸次森神奇興來寫出軼塵表
一洞紅霞春夢曉垂髻黃髮競迎客雞犬桑麻紛繚繞山
雲變滅天陰晴四壁如有問津聲我來彷彿遊仙源習習
兩袖天風生青鞋布襪綠玉杖仙乎仙乎恣遊賞翻身幻
入列仙宮魂魄應在畫圖上先生六法真英豪對此蒼茫
首重搔詩仙畫手不可作水波浩浩蒼天高又中江唐培
元云溪山無數溪雲起溪上人家溪外水小艇初停洞壑
幽桃源乃在畫圖裏桃源春至色如許春林占盡藏春鴨
冷澹胭脂紅欲然霧雨霏霏無定所年年春色三月新拖

卷五

望

藍一帶波粼粼晚來紅雨迷深岸初日頽霞照比隣東村
西舍何所有垂髻之童黃髮叟自言本是避秦人耕耘不
覺歷年久漁郎到此復思歸扁舟又趁鱖魚肥洞門忽鎖
回頭望惟見沙隄鷗鷺飛我今猶欲問姓字但恐隱者亦
遐棄捫圖聊結世外情臥遊亦別有天地
張照南新繁諸生嘗擬東坡梅花詩云空山流水影橫斜
處士園林三兩花昨夜冷香清入夢感君詩思寄天涯逐
日清吟聳瘦肩跨驢尋遍雪中天前村知有臨溪店祇問
香醪莫問錢傲骨支貧戶欲扁得君相對眼猶青齋頭松
竹須良友却向鄰翁借膽瓶宜疏宜密復宜遙惆悵無端

傍野橋曾見仙人吹鐵笛江城幾度暗魂銷

無錫女史丁采芝號芝潤丁耦仙刺史女張船山太守甥
也隨夫鄒雨香官四川爲永寧赤水縣丞錄其懷人詩取
其相因而及諸女史可並見焉孫蔭伯夫人論交閨閣幾
心知豪俠如君更數誰讀我新詩憐我女閨中風教仗扶
持夫人喜讀子詩孟嫻芝露大姊一繩秋雁帶商聲驚醒
懷人夢未成天外尺書消息遠粵雲嶺樹不勝情織雲三
妹西湖風月只供愁偶踏歡場淚暗流縱解閒吟消去日
莫教詩句易成秋妹自遭子湘之變鬱鬱寡葉晚蘭長嫂
昔年萬里數歸舟代檢琴書共倚樓記得妝臺低拜月兩

卷五

望

人攜手看牽牛念彌弟繼配秦孺人芙蓉湖畔柳青青同
飲離筵酒未醒一樣從夫行萬里輪君侍奉日趨庭時秦
人同住平涼縣署孟嫻長女苦恨連年別緒生竟思乘輿向南行
盈盈一帶西江水攜汝同來慰此情時孟嫻隨任西江徐
端甫夫人君歸喜我屢經過一見其如永別何今日零星
衣袖上酒痕那抵淚痕多二弟婦華孺人爾我同心兩不
疑蘭山重聚話襟期而今追憶渾如夢忍讀微之痛悼詞
念彌弟有悼亡詩廿首辰原四妹絕妙金閨咏絮才前生仙籍隸蓬
萊修文天上應如願珍重人開玉鏡臺妹曾託夢言已投
文嫻姪女生來仙骨太伶嫻吟得新詩筆不停一陣孟婆

風信惡可憐空繫護花鈴雙修菴女道士韻香膽瓶梅亞
小銀缸瘦影橫斜漾畫窗不見空山人聽雨傷心楓冷落
吳江韻香既屬填空山聽雨圖詞復又自寫朱小髯夫人
一載盤桓兩意投西窗剪燭話綢繆不知今夜臨邛月可
否離人亦倚樓時夫人隨任邛州沈清如九妹琴韻十妹檢點香
箋幾幅詞令人重起舊相思東風不解離人意芍藥花開
三兩枝張映三夫人相逢萍水快傳柑玉屑紛披最健談
送盡故園多少客念卿更勝念江南

大學士一等公孫補山士毅乾隆辛巳進士戊子典試四
川安南之役已獲勝破敵而營中炊飯飼馬皆蠻人爲阮

卷五

聖

氏耳目內外勾通刻期舉事我軍猝出不意自相蹂踐多
墜於江吾鄉李公化龍以總鎮從軍亦溺斃焉公欲以死
殉爲人救止又來川駐打箭爐辦理糧餉平廓爾喀黔楚
苗亂延及秀山公又移營堵禦其勤勞於川爲最著平生
折節下士李雨村載其南征詩四首甚雄偉讀之如建大
將旗鼓風雲變色

仁壽謝辛姑如芹女也如芹年邁乏嗣辛姑幼已許字富
室鍾某既笄告父母曰男若女皆子也今二人年已耄而
女終鮮兄弟請鑿鍾氏盟女願終處閨閣以侍親膳父不
可辛姑持益堅朝夕奉食疾病侍藥餌一切劬勞事皆身

代如芹卒鍾某臨唁辛姑爲喪主鍾氏請期以死拒之繼
佐母餒十餘載建歿殯葬如禮擇族之良者爲治母喪爲
弟擇師厚其禮敬親族貧者曲爲周卹卒時年垂八十倪
二姑幼字周氏子未婚婿死父欲別許人二姑不從願終
身事親強之以死矢親沒終日事女紅卒年七十餘與謝
辛姑不同而同咏之云男女居室獨無情蘭芬蕙馥金石
貞居家克全烏鳥愛守志竟成孤鸞名古有北宮嬰兒子
篤孝從來白天生白雲親舍望中迷若箇去國事遠征菽
水不供期祿養墓前五鼎何足榮二女婉變侍膝下得博
親歡無他營生男勿喜或乖離生女莫惱能娛情兒女生

卷五

唱

來重婚嫁婚嫁畢後萬緒縈人生百年須臾耳愛日何不
頃刻爭卓哉女子成孤往多少丈夫愧冠纓吁嗟乎多少
丈夫愧冠纓

應均南川廩生號鶴尹作詩甚多談笑風生四座傾靡一
日爲諸童命詩題云稚子總能文寫畢手僵中風不起歿
後生子家貧鬻書畫以食子極聰穎今年九歲經書讀畢
矣稚子能文或者預爲之兆耶四十初度自述云忽忽韶
光一瞥過半生無濟柰窮何商瞿占易門衰久賈島工吟
命蹇多壯志每爲時齟齬豪情都被酒消磨今朝不用提
壺勸手拍雲牙自唱歌題名从署信天緣也似東坡說可

憐抗慨生成心血熱飢寒鍊得骨頭堅屢招時忌難防口
苦被人嫌不積錢見惡可知年歷久算來何止是今年九
踏槐黃念已癡祇今贏得髣毛絲英雄原不論時命弃置
安能怨主司四海豈無知已在寸心嘗恨報恩遲勞勞人
事何堪問費盡栽培負我師此後優游化日長昇平歲月
足常羊讀書寫字清閒福種竹栽花行樂方難把苦心培
棣萼惟多笑語報萱堂斑衣權當宮袍看戲對東風舞幾
場

王石亭安宇榮縣諸生性沈靜好爲詩咏簾云一桁空明
未掩扉深深院落隔晴暉紅垂衫袖人斜倚碧透湘波燕

卷五

巽

誤飛山雨欲來風淡蕩庭花半映月依稀焚香靜對紋千
縷還向閒中悟化機送蕭春林回湖南和畱別原韻高垂
青眼獨殷勤底事今朝手竟分十載崎嶇離蜀道一天風
雨望湘君吟成郢曲真難和聽到驪歌詎忍聞此後欲忘
忘不得挑燈把酒且論文

瀘州何椿齡雨厓飛鳳之孫也雨厓刻有詩古文集素耽
酒四十後學書遂戒飲終以書名二子俱名士椿齡有雋
才喜爲詩試古學必第一讀書錦江書院制府蔣礪堂先
生深器之不幸早卒詩未傳

或云金堂亦有何椿齡者杜宋梅生登高原韻高望山前

足高望烏尤對峙大江濱地當唐宋以來勝天與風光無
數新佳日竟能酬我輩瓣香那得祝他人歸途一桁青旗
引小隊吟肩步後塵

道光五年九月初十日忠州鳴玉溪太極圖石蟻聚不可
數計中有大蟻其行如風羣蟻逐隊成行隨之或篆如城
郭或篆如宮殿或類人行或似花樣千變萬化不一而足
而大蟻則直居其中羣蟻拱輔之

劉國材一名學津中江增生負才略嘉慶五年正月教匪
渡嘉陵江國材募鄉勇三百請於綿州刺史劉印銓就涪
江堵禦刺史重其膽識推誠共事夜有難民渡河眾疑爲

卷五

巽

賊欲破其舟急止之全活甚眾及賊渡潼河四月初五日
至縣境是日國材練鄉勇於黃鹿鎮幾四千人賊不敢前
遂爲德參贊追及悉伏誅川北始靖庚辰仁宗睿皇帝
上賓材於家塾苦塊十旬每日向北慟哭或問之答曰吾
雖未服官然世沐國恩教匪之亂非皇威者定何以
有今日語次涕泣交下當時結團抗賊殺身不悔及立功
自効者甚眾獨念切君恩感泣盡禮如國材者不多見也
孫正慧道光乙酉舉人任成都教諭豕突狼奔太縱橫風
聲鶴唳亦心驚三千子弟兵誰練一箇書生當鐵城兩川
截亂鞏皇圖塞北巡方協舜謨獨重草茅明大義感

恩含淚望蒼梧

朱仁齋格甫安徽涇縣人嘉慶十九年守嘉州時值學使按臨各屬學博俱集郡城年皆逾六十彷彿耆英會以唱和詩刻石亦盛舉也仁齋首唱有云盍簪俱是人中傑倒屣爭迎陸地仙駘背行來剛十二雁行排去恰千年教授文楠年七十云巢睫螟空延歲月蠹書蟲豈盡神仙樂山司訓劉銘簞年六十有六云白鹿清風身是佛青蓮雅咏句如仙洪雅教諭喻齡懋六十九歲云當時叔度原超俗此日文翁合號仙訓導楊喬瀟年七十五云隨車甘雨身原佛載酒凌雲宦亦仙威遠司訓賈淵第六十八句云夜雨

卷五

七

挑燈欣結社春風拂座快登仙外有榮縣教諭李醇信年六十五健為教諭蔡汝瑤七十四訓導熊敬修年七十八夾江教諭李中英年六十六訓導劉盈科年最少

在山東見船山字皆真筆來川所見多偽作楊雲卿得船山詩草一冊字句多有更定裝璜以為珍玩船山與兄亥舟先生代江南紳士謝恩科表草襍成冊加跋語後歸其弟旗山武弁某以銀六兩取去可惜也船山與兄亥白武連驛阻雨作武連阻雨圖亦歸其弟旗山不知猶在否予家去阮亭先生不百里外王父臨溪先生藏池北偶談草兩巨冊塗乙滿紙後來視之似平平叙去不知煞費

經營乃臻安貼阮亭有天女散花小照頭裹幅巾跌坐蒲團上有天女半出雲中國初諸老題詩滿焉其後人攜以求售不知所終其手批錢宗伯詩卷西樵然脂集數十卷藏王愚泉允灌處愚泉辛丑以中書分校禮闈病歿所藏亦不可問矣阮亭與船山皆不再傳而凌替名者造物之所忌信夫

尹文端公繼善四蒞江南一督四川勲業表著而愛才好士吾鄉盧雅雨高南阜兩先生官江南皆為所知在川未有聞焉蓋為時不久也公好詩與袁簡齋唱和最多家學漸染諸公子皆以詩聞簡齋與慶樹齋相得尤深嘗見其

卷五

七

手寫數詩寄樹齋於京師者裝成一冊字大於指不衫不履自然名士風流視規撫儲虞歐柳多一重習氣矣文端公詩世多有不具錄

新繁費滋蘅錫璜曾咏大鐵刀有云萬人血洗都山鐵千年斑化辰州永風雨時聞鬼泣聲精靈猶抱荆襄痛自註萬人關侯所鑄刀名未詳刀在何處涿州古范陽地張桓侯故里在城西十里有廟山門前有鐵鑄蛇矛不知為當年故物否寰宇記云墓在四川閬州廳事東二十步學使吳白華題詩有句云兒童知俎豆寇盜避鞭彈則侯不獨善矛兼用鞭用彈矣嘉慶間桂軍門涵得侯所用鐵鞭重

五十斤長六尺送懸墓前爲之記焉惜未知其詳乃爲詩以紀黑雲壓營旗欲折瞋目大呼騰氣決丈八蛇矛左右盤以短濟長更奇絕手掣虎尾舞如風五十斤重六尺鐵匹馬入陣萬人摧模糊盡是敵人血漢家王氣終火并焰不紅有刀不斫嚴顏頭有劔未割曹瞞胸但恨鑄錯不繼壯繆後荆襄倚角成大功我朝有虎將崛起忠且壯當年滅寇定兩川鐵槍一桿無與擬遺器傳雷忽入手緬想英風神愈旺魑魅白日俱遁藏壯士袖手敢相傍敬奉靈祠慰忠魂一物千秋大義存扶破疑塚七十二鞭尸三百看血痕月黑半夜作雷吼將星垂芒天地昏

卷五

完

趙子龍盛懸某縣廟中明季流寇之亂失去今別鑄鐵盛實非其舊也丈夫功名在整兜蕩滅羣寇匡九州偉哉子龍通身膽長坂一戰功誰伴力爭漢中扶危運曾却曹瞞萬貔貅脫胄露面人爭看飛將骨相宜封侯仲達巾幗何足道魏王九錫亦沐猴豹死畱皮龍脫甲一物流傳足千秋明季寇亂如鼎沸竟墮劫灰杳難求後來重造如贗鼎凡鐵無復光氣畱吁嗟當時無虎將夔門失險神鬼愁誰擊諸葛鼓誰執翼德矛虎頭燕頰戴鐵盔誓不滅賊心不休胡爲乎棄甲如山爲纍囚

綏靖屯南甲泊汎三四里許有沙地極平坦兩旁林木陰

騁其左高巖壁立千尺古樹數株蟠曲如偃蓋有石穹然如覆盂倒懸欲墜嵌空玲瓏作鳥獸鬼物狀飛者走者僂而睡跛而立者無不畢肖復有石乳下垂如筍如鵝翎管者不可勝計皆涔涔滴水識者謂卽鍾乳云上又一洞廣數弓高亦稱是無隙漏光而明辨毫髮四壁潤溼多苔蘚剔之有石管如蜂房中空微吐水珠由洞口上數十級爲平坡橫出半壁仰窺石崖如削成梟枝絡蔓在半空中下望練江雲棧近列目前眞異境也

卷五

五

涪州陳漢槎炳壬辰孝廉前以拔貢入都朝考失意作秋草詩寓感多和之者巴縣部郎張春荃墳戟而刻之佳不勝錄擇其警句漢槎云平原野燒空人迹古冢寒烟瘦鬼魂春荃云螢火照殘荒塞外馬蹄踏徧夕陽中癸卯孝廉龔瑞君鈺云蟲吟青冢邊關月馬踏黃沙古戍風江津潘茂才燮丞森鏐云野渡白蓮蘆影外鬼磷紅閃月明中合州秀才禹虹江湛云覓句空餘騷客夢尋香難返美人魂巴州廖春颺先達云已是江郎傷別後最憐謝傳出山年巴縣張春平坦云玉關行路憐今日金勒嘶風話昔年甲辰孝廉張循亭顯理云白酒黃花澆客夢碧雲紅葉艷詩魂

達縣李研齋名長祥明翰林也明亡奔南京授御史浙東

監國授僉都御史屢起兵恢復舟山破亡命江淮被執大吏不忍殺安置江寧時有閨秀號鍾山秀才者工書善寫墨竹容色絕世乃娶之朝夕甚暱大府曰李公有所戀矣守者怠忽逸去天下大定乃歸與吾鄉王西樵先生酒間道其事西樵為作鍾山秀才歌云婢媛有女鍾山居明珠不結紅羅襦獨向閨房弄筆墨墨痕時壓脣邊朱因有鍾山秀才號甄家博士差同調金釵每劃月窗痕錦綉愛寫風林貌水晶小印珊瑚紅字摹章草書名工夔門太史得一見不知乃出裙笄中太史時亦金陵住英雄若有猜嫌慮浮沈聊試覓紅顏那知卻與傾城遇傾城相遇忽相憐

卷五

五

誰能遠結來生緣不成便辟留侯穀好與共泛鳴夷船貯將絕代金堂裏難忘結習芙蓉紙夫君乍見驚且疑胡與鍾山秀才似一笑知是當時人當時見影今會真文園病令詎辭渴關圖小妹誠殊倫書成朱鳥曾盈筥余有朱鳥逸史一書備記閨秀為君作歌重紀事許寫湘蘅報苦吟須署鍾山之能文者研齋為翰林僅一年而志不忘國屢脫才智過人秀才字

研齋奇男子侍婢文鸞奇女子也研齋被難妻黃夫人集家人謀共死文鸞已嫁有子進曰夫人當偕公子逃畱李氏一脉婢代夫人婢女代公子夫人不肯文鸞促之甫出家門而捕者至見大府儼以命婦自居侃侃不屈徙遼陽

或云有憫其忠義者以他囚婦代之行覆巢無完卵燎原禍可慮忠義萃一門俄頃煎百慮丈夫報國甘就烹夫人拚死女中英更有文鸞奇女子吐詞慷慨明且清闔門盡節不受挫可憐李氏無一箇彩鳳挾雛請速飛罪重如山妾當坐後門夫人出前門捕者來引頸就縲綬兵卒不疑猜婢作夫人非兒戲公堂侃侃明大義滿庭官吏驚咋舌何忍答辱但垂淚囚者坦懷奔者忙聞關義士相扶將羅吉風吹海立蛟龍舞扁舟一葉出汪洋錢塘骨肉重聚首夫得見妻子隨母痛說桃肯代李偈太史珠淚傾盈斗翻城背主有多人不惜名節但愛身誰如紀信能誑漢惟愁

卷五

五

趙璧輕投秦消息難達書一紙入網安知生與死婉婉弱女智勇兼人臣捐軀應爾爾滄桑家世痛流離皓齒紅顏又一時謂娶鍾山秀才南國花月英雄淚北塞風沙兒女悲當年精衛志填海百折九死終不悔感激忠烈摧心肝仗義還憑巾幗在吁嗟乎男報主婦抗節婢子酬恩更奇絕蜀國哀絃不忍聽蜀山杜宇空啼血山可移江可竭千載芳名應不滅

風蘭葉寬花肥瓣有紅點懸之風中自能開花空中有色更為奇撲鼻幽香細細吹却笑石家諸姊妹翻將披拂怨風姨蘭有兩花共蒂者謂之並蒂蘭湘皋九畹怨何深搔

首蒼穹迹已沉莫道孤芳無共賞而今也自結同心會聞
燕姑瑞徵蘭含笑深閨仔細看合與荔支同作譜佳名應
賜並頭歡四川荔支一顆兩核者最佳名並頭歡今無聞

鍾笠舫人在制府幕後館敘州前攝篆與文相見甚歡聞
其少時讀書嘗遇狐女情好甚篤女能前知戒勿就刑幕
後功名未遂同鄉在蜀多以此爲業因學習焉出館卽有
聲望素喜扶乩一鬼判常至因結爲友以詩唱和判復引
一鬼至拜門生以乩語酬應與人世無異鬼判語笠舫云
從此館運最盛逐年推之無不應者遂忘狐女之言狐女
已去矣人之一生托業亦有前定况富貴可妄求乎今

卷五

奎

其子小舫猶在臬幕

裏塘之閒官至煮鷄不爛問夷人云飲鷄以酒不過一杯
煮而食之與內地無異名曰醉鷄自願全生處不才長鳴
籬畔且徘徊誰知鼎鑊無由避貪醉人閒酒一杯

西川賈萬策明荊州督師中軍娶沈氏雲英道州遊擊致
緒女也緒禦賊歿於陣時英隨父任聞之奮臂持矛號哭
赴賊眾刃環刺女左右支格單騎所到萬人披靡卒奪父
屍完守入保事聞授遊擊將軍代父職領兵守城旣而萬
策殉節荊州女慟哭辭職開關數千里扶夫櫬及父柩歸
葬蕭山國變後棄服飾隱居里門爲女教授素工書旁涉

經史然非本宗子弟不教也卒年三十八時在康熙閒也
毛西河爲立傳明世除秦良玉及別土司無以女居官者
惟雲英一人蛇矛入陣萬人呼女子居然勝丈夫爲報父
仇安惜死歸來卸甲血模糊滄桑一變事難論卸却鉛華
疊繡裙教授里中如博士當年躍馬號將軍

温江秀才楊更生初名新偶病疫魂離舍沿溪而行列栢
成林偶撼一樹隨手而倒忽至一處菊花盛開流水繞畦
徘徊顧戀腹微饑憶楚騷餐秋菊之落英句試採食之掬
水而飲一老人見之曰服此可以長年且送之歸旣醒病
若失不食不語已十餘日矣俄傳言溪邊栢樹一株無風

卷五

壽

自倒乃以夢境告人由是改名甦字更生道光甲辰浙江
蔡侍御磨洲先生視學來川考試成都異其名問故命其
以字爲名別字之曰菊年

健爲有張汝杰者廣東人家貧隻身來川負擔營生積有
微貲燒竈攻井漸至八十萬金迎父母兄弟共居產業甚
豐久之與兄弟剖分兄弟以其獨力辛苦所置外畱一分
收租二百八十餘石者讓之不受固強之則曰吾觀四川
去京甚遠舉子會試寒士最難願畱此田每歲所入分與
嘉定府屬登鄉舉者路費可也且具呈於官存案時宋梅
生爲太守深嘉其義申於各上憲每行文按人發給每名

分五六十金三四十金不等人號之曰孝廉田亦美名也
汝杰捐貢生歿未久其從父曰張廣東或曰張阿長購藏朱霞

堂所刊全蜀藝文志板片

大召寺名老木郎樓高四層上有金殿五座殿宇闢干皆
銅質溜金輝煌壯麗珍寶畢聚其內神佛萬千亦有唐公
主像來時年方十二也多爾吉拔姆宮在羊卓白地海中
海中有山山上建寺極宏麗有瀛洲蓬島之迹姆云係北
斗之精所化牒巴三節亂藏時化猪遁去語甚誕計康衛
藏三處上冊著名之寺三千餘支糧喇嘛八萬四千餘其
不甚著名之寺喇嘛尤多兵器劍長五六尺劍有四五

卷五

美

尺長者大召寺門外有唐蕃和盟碑牛僧儒等姓名尚在
焉

清溪庫藏牛皮甲甚多討贍對時獲諸蠻人輕而堅甚便
於體咏之云犀甲輕矯奮爭先鐵甲耀日軍容鮮有客來
談牛皮甲清溪縣庫堆百千片片刀截僅方寸漬以生漆
年復年繩貫若銜尾片綴如連錢蓑可比其輕鐵未等其
堅下不掩胛上披肩矛刺不入矢不穿夷匪奔走履山川
橫突堅陣仰射天有甲足深恃那肯輕棄捐何故為我獲
客云聽吾宣堂堂對陣無與敵操刃挫折似空拳蠻人赤
脚走如飛誘入深谷爭向前深谷徧布鐵蒺藜鋒利刺足

陪且顛捆縛如不逃無路蹈藉死亡溝壑填出奇決勝善
用權破其所長攻其偏知彼知己計萬全能戰能守可防
邊吁嗟乎良醫無定藥牛溲疾可痊良將無定律制敵謀
如淵伊昔劉縱守斯地誘之出巢聚殲旃及茲贍對破狂
寇策定不懼道路艱始知大帥貴智不在勇用眾那如威
令專不信請看清溪庫欲將皮甲城門縣

蔣心餘先生詩與袁趙齊名足跡未至蜀而咏哂酒一篇
四川通志載之足資掌故一門子弟皆好客喜遊談笑風
生時人謂之蔣派子君質能讀父書精篆籀著墨餘書異
不盡載鬼狐前輩軼事亦往往見焉記吾淄孫公子中酒

卷五

美

臥夜半門闕有姬長二尺許面黑浮白繞床走叱之忽登
床覆壓其身大吐滿面口不能呼明日視所吐皆瓜瓢也
至冬掘地窖花有藤根粗如臂窮之得大冬瓜如所見姬
形剖之有血云于崇敕說孫公子未詳何人于君新城孝
廉負拳勇為令時蠻夷錯處地險俗悍深山命案有不敢
親驗者于欲親往胥吏勸阻弗聽半途差役多逃行將近
矣甫登峻嶺見多人執械林立與夫委之而奔一人貌猙
獰伸手入輿欲捉令出于手揮其人跌數步外遂跳出復
一人至手仆之無敢近者呼夷人肩輿往驗無不從命因
蔣記于君言附記于此君質名知白子立仁號完卿以知

縣分發來川現署樂至

深林杜宇巫峽猿啼供古今詩料二物不獨蜀有也而在蜀最爲關情郫縣有杜宇城或指亂塚中高大者爲杜宇墳亦無確據咏之云荒林古墓日平西灌口江流繞故堤芳草落花無限恨杜鵑城裏杜鵑啼巫峽自夔州以下至巫山嘉定府亦有三峽見李白詩軋軋蘭橈夜亦忙嘉陵江碧水湯湯清溪明月峽連三峽不待猿聲亦斷腸青城山常道觀後有泉深僅二尺子寅辰午申戌六時水盈丑卯巳未酉亥六時水涸謂之六時泉泉清正好觀山青時緇時盈未暫停不與江湖共消長神皋呼吸自通靈

卷五

老

終老林泉更不疑沙平水靜境偏奇深山那用蓮花漏自定盈虛十二時

署興文時因公屢至敘永廳廳界烏蒙芒部之閒爲走滇黔要路縣與廳兩城相連中建橋以通往來俗呼上橋下橋總名爲蓬萊橋楊升菴嘗題聯云一水跨雲虹洞洞重門司鎖鑰兩城連地軸雙雙環壁拱金湯至今猶爲壯觀惜邑人熊文燦作橋記深爲斯橋之辱文燦爲總理受張獻忠之降賁賂金累萬珠盈斗飽貨不貲家司農公撫鄖陽累疏力爭極言總理之愚獻賊之狡輔臣誤信後必爲患嗣昌怒因事疏劾罷官歸而穀城襄陽不守賊因入蜀

殺戮幾無噍類每過此橋有餘恨焉雉堞斜連兩岸旁蓬萊宛在水中央洪波流去聲嗚咽草沒銅駝怨夕陽狀元題柱起蛟螭總理揮毫又一時養虎殃民還自害清流不爲洗殘碑

涪州陳朝詩乾隆己卯舉人朝書丙子舉人朝易庚午舉人皆官知縣號陳氏三傑朝詩字正雅尤有膂力拳勇絕人任湖南安福縣誅暴懲奸邑中大治澧州有盜魁寥天則者徒眾數百沿江劫掠無敢捕督府檄詩往選健役五十人夜至其里舍宇壯麗垣牆高厚門盡閉詩踴身越垣數重至後樓諸賊在樓飲博詩一躍而上一賊執械拒捕

卷五

弄

詩手格之立仆眾不敢動開門呼役入械賊十一人訊之俱伏論如律一時有神勇之稱後丁憂歸有此廉幹之才而終於縣令惜哉吾鄉周敬修先生天爵亦擅技勇爲令時邑多盜其魁肩輿懸刀白晝率眾橫行所至牛馬財物惟所欲周親往手自捕捉無得脫者以是受特達之知官至督撫人固有遇有不遇也朝書朝易皆著循績以廉稱沒後子孫食貧如故周在任時湖廣水路舟行千里不守夜無賊故也至今商旅思之林錫三中江人年十餘歲道光戊戌夏隨母李氏渡江舟覆錫三迅投急流中舉母騎其頸浪湧執母兩手衝突數十里得上岸時同舟七十餘人墮水無一起者錫三以

童子引母得全天之佑誠孝也深矣

瓦屋山有數溪皆西流產紫菜僅一溪亦僅毛家溝一處必月滿時各攜筠籃據石上環石如髮長七八寸或四五寸當月午空明纖雲淨盡全魄臨水忽長尺餘隨長隨收隨收隨長大抵月透明則滋引稍晦便縮如故月西偏則歸矣入食品中清香勝於蘆山所產山谷未至其地遂使蘆之紫菜擅名物固有遇有不遇也

興文縣東有地名卜昏兩山環拱秀削嶽崎夾峙處有洞豁然高可三丈濶五六丈洞口龍爪花叢叢開放深五六步有三柱屹立眾山滴泉下流成溪灌入洞中三柱如

卷五

五

門內深黑旱時眾秉炬入洞取水水枯深入行四五十里取水而出燭已屢易矣人云洞深八九十里土人不能名但呼石洞云

周思修字再齋金陵諸生癸卯來川威遠令沙澗泉延致署中先是再齋父斯才號夢溪嘉慶十九年任成都別駕再齋來尋舊遊性好為詩七絕風調尤佳略錄四首聽笛誰家金屋貯娉婷玉笛飛聲過短亭流水斷橋人獨立夕陽紅處亂山青北郊道中鞭絲帽影獨徘徊滿眼春光費剪裁茅舍幾家山四繞桃花紅出短籬來題楊視侯小可軒圖青谿堤畔有人家撐起西窗看落霞曲折關于高下

屋半圍楊柳半桃花冬日南郊道上雲重天低暮色來鴉軍橫過雨花臺人乘薄醉騎驢去十里梅花一半開

壬午計偕北上與友遊陶然亭于文昌座前所籤余得一籤末二句云賴得官閒且踈放巴童蜀馬共隨緣眾云應官四川第首句云長沙謫去古今憐非春風得意語也果落第乙未大挑竟分發來川事有前定如此

鄂文端公爾泰總制兩川疏鑿江流灌田又數千百頃其利益普然蜀地山多田少無論川北川西地瘠民貧即東南兩境江流不經之處甚多山田層累而上雖蓄有水仍俟天雨略有乾旱民即乏食吾鄉劉天民希尹有巴田詩

卷五

五

云巴田不成井逐壟細開塍灌水分山澗燒畚去野芳三時勤不綴八口飽方能寄謝當塗子民心未有恆天民歷城人

隆昌彭鈞讀書刻苦終老青衿而誠實公直然諾不欺某家有鬼崇遭此者每破家彭未之知也偶過之其家聞空中鬼語云彭鈞正人來我輩宜去鄰某外出病中為鬼所縛或呼彭名鬼即解縛而奔病者為人言之其為鬼神敬憚如此次子溼乾隆乙卯鄉薦任武強令

陳標字文植乾隆丙子舉人從林青山學行詎矯矯及卒青山哭之云聞過會知悔責善竟不違衰暮同心寡飄零

古道稀李上梅字友松工詩與陳樵同受業于青山青山
贈以詩云雅抱捐城府新詩落玉濱又云題詩拔秀親風
雅立意含真邁俗流

唐太宗放囚歸家至期皆歸獄後世循吏有效之者亦不
爽約近世無敢行矣至萬不得已審時度勢不肯膠柱鼓
瑟非具仁人之心置身家名位于度外不能也中江王履
吉署福建龍溪縣水大至獄有死囚三百急開門脫械放
之水平如數皆至此一事亦古今所少矣引見記名以
親老告歸著有歸田吟履吉字謙六乾隆丁酉舉人三臺
籍

卷五

李

蜀地多山山上可種稻徧山皆墾田直至山頂層層如梯
屏山令張曾敏作梯田行成都沃野號千里溝塍雲連平
如砥馬湖境內獨皆山可耕之士曾無幾居民無計治糞
糞依依坡就坎分疆理山陡立兮可奈何數尺一區顛及趾
百畝之賦田盈千犁雨鋤雲功倍蓰昔年我讀古人書曾
說葑田在海隅葑草結田浮水面與波上下成畝畝又說
梯田山窟裏雲梯百丈依山起澤居不識田爲梯今入深
山誠是矣梯田更比葑田奇一排山列一排梯獨立高岡
彌遠望龍鱗鳳羽競參差吁嗟乎愚氓那知有佳趣終歲
辛勤僅得度 聖朝蠲詔慶頒頌長官應恤山中賦

我眉多異僧能前知見於傳記者非一康熙中翰林毛大
可湯公別傳甚奇湯名紹恩號篤齋安岳人生時夢神捧
兒至而拜之曰吾紹興城隍神也既生我眉僧過門施之
飯請名僧以指輪計曰當以紹名他日東方有承其意者
因名紹恩字汝承嘉靖開進士果知紹興府地卑苦旱澇
三江口舊有閘地夾兩山有石橫亘乃伐石建閘二十八
以時啓閉得良田百萬餘畝於是沃野千里民人食其德
建三江閘時因江流湍激不能築樁下樁夢神人告以需
用木龍血樁乃穩適有皂隸名木龍者召來語其故乞爲
養老母允卽捐軀乃沉之釘入樁下頃刻見血水上擁樁

卷五

空

固乃得施工不日閘與隄俱竣至今永賴焉民於三江閘
上立祠肖像祀之并祀木龍極著靈顯
岸高水淺勢難灌田以石壅水惟近岸通流浪急勢迅縛
竹爲輪大于一間屋謂之筒車高岸臨溪生苔蘚溪水溶
漾波清淺壅使急流激崖根自此筒車力得展縛竹爲輪
圓復扁截竹爲筒形製短以筒布輪雁齒排以輸入水輪
自轉溪流汨汨不暫停層層挹注往復返飛雪噴珠上虛
空勢如三峽水倒卷崖上方郵稻秧青自近而遠通以篋
天生萬物聽人用播弄化機如戲玩灌園翻笑桔槔勞四
野無人車不緩地中風輪能知天水中竹輪能禦旱我本

山東識字農道旁見此驚雙眼安得臨河二頃田畢世爲農從我懶

仁和費恩綸通判岳池迎太翁成勳于署好遊好詩風流自喜登第後不就職而徜徉山水衙齋有林泉之樂亦高人也金粟山房賦示三男通判恩綸魏我紺宇臨清渠背環山色腴不枯入門合掌先禮佛徧覽花木羅僧廬循廊繞檻至後圃莽曠一片空山隅荒寒廢地約十畝亂鳴蜻蛉逃馳連蜷桂樹已合抱風吹殿閣搖棕欄上幽篁兮下叢棘頓令勝槩埋烟蕪蓑衣披榛高下看僅須畚掘勤芟除我生夙有好奇癖力可圖者無緩圖巖脚影見石狀

卷五

三

怪務令搜剔窮根株遙岑幾朶蔽雜樹剪去定露青芙蓉密竹只許刪去半竹閒結筒茆亭孤小雨初飛茶乳泛殘月欲落琴絲虛眼前侈說亦神王何況闢出新規模造物多時閎幽異人棄我取言非迂明朝準擬重入寺十夫荷插隨老夫金粟山房落成三男恩綸賦三絕以擬西湖六一泉作長歌示之蘇公隄畔六一泉負管滿谷森參天亭臺高出萬竿綠低壓青銅鏡面圓指顧全湖如在掌諸峯倒影入畫船我本州人苦行役十年不到怪詩緣兒曹溪口作通守僧僚增築屋數椽社古如來號金粟八分書刊題榜懸獅子巖高覆屋頂隔溪眉暈聯便娟軒窗左右亦

修竹竹梢風起吹茶烟雖乏湖光潑眼至寺門方罨環水田從來迹象貴神似設想忽到秋毫巔七字彷彿經道破令我直欲袒兩肩惜哉山深人罕至敢將軼事希先賢我今作歌和爾益神往何日與爾放舟同泛六橋邊

夾江杜丐四歲父歿母吳氏患足疾不能行丐亦五歲患跛不任操作遂行乞得酒食不先嘗必歸遺母母七十餘歲矣猶時焚香爲母祈壽時有賊被捕匿其廬力逐之子以財不受人皆義之所乞無不予者邑令弓查知獎賞余得句云人閒富貴知多少至性猶存乞丐人

夾江萬中一少時館去家四五里路經席河坎地有鬼魅

卷五

三

往來者多被其害中一夜經其地聞河畔柳林中呼上虞縣太爺救命跡之一人昏迷在地救問之云爲鼠鬼所黽忽一鬼驚曰上虞縣太爺來矣故如其言呼救後數年中一領鄉薦又十餘年果選上虞令中江諸生黃兩鉉讀書樓上夜有美女盛裝至曰妾與君有夙緣特來相伴堅辭不得遂與朝夕同居能具美食異果莫測所自來嘗言鉉骨相具好惟兩肩寒將易之越三年泣曰緣滿妾去矣大難將至可避入秦從其言果獻賊屠蜀順治間賊平始歸中康熙甲子舉人金匱顧晴沙先生光旭夢至一山登樓見青蓮座上香案

中有通替發視則玉屑一函味如糖霜下樓見巖上篆書
曰甘泉後數年出守寧夏遊皋蘭山觀五泉所歷與夢無
異作夢遊五泉亭詩有云此事見夢久應效詎料此日重
遊觀著有響泉集入蜀詩更佳如燒痕空樹腹雲氣束山
腰水將浮石下秋不放山高然則先生殆分青蓮之玉屑
耶又有遊我眉圖彭樂齋題之云遺榮訪名山胸懷高北
斗大我千萬峯盡入才人手夢遊臥遊非超塵獨立者未
易言

劉光代字曙窗富順明經能文善書尤嗜詩家無石儲晏
如也遊秦數年歸稍置產業縱酒豪吟自放于山雲溪雨

卷五

金

開秦中新歸喜嘯山龔大曉峰鄒十過訪盤桓永夕浙瀝
階前秋雨細淒清窗外蛩聲急幾番欲睡不成眠剪燭談
心永今夕我從雲棧乍歸來劍閣雄關親閱歷曾登華嶽
仰三峰更覽黃河千萬曲一腔魂魄爲誰消願向庭山叅
妙諦二湖別號山花史擅詩名曉峰山人工寫意新雲舊雨
兩相投秋芷春蘭同臭氣呼兒沽酒遣清宵共醉去年歡
喜地吁嗟乎人生聚散本無常蜉蝣楚楚身如寄石上緣
能幾度逢自憐此會非容易傳語城頭鼓莫催天明客又
將歸去望華山有句云春回雨霽金仙掌風定烟籠玉女
鬟亦佳

曾枕雲鈺溫江諸生屢薦不售試必高等爲人安雅與堯
東郎交善東郎以剛枕雲以柔愛其才規其過東郎感之
貧甚就食健爲與東郎別舟泊江口寄謫言一首東郎以
爲始讀令人噴飯徐讀之又爲淚下也觀音閣賽會喜陪
謝竹溪云小謝丰神冰玉容別來惆悵喜相逢機關鬥巧
談燈虎拇陣摧鋒制酒龍淺草落花春半老斜風細雨與
初濃可能聽講同攜手高閣登臨第幾重曾吟紅豆衍波
箋曾夢紅樓色界天綺語撩人留色相閒情過眼付雲煙
何當懺悔狂奴態展拜慈悲大士前五十二參參未了拈
花又惹好因緣楊春樓索詩云憶自稠人獨識君情絲從
此日續紛春風楊柳三生約秋水蒹葭兩地分有華橋頭
同踏月無端夢裏亦停雲何時剪燭連宵話半語相思半
論文空洞真無滴墨來故人偏又索新裁醉鄉容我遠詩
債蠟淚憐渠歷劫灰舊事翻成新格調殘箋竟遍亂書堆
旁觀未解撚鬚苦不住聲如雨點催

卷五

金

鄧碧宇平衫溫江孝廉洪雅學博雙溪夢岷之子童時嘗
與曾枕雲堯東郎遊詩多豔體年十九院試考古已錄案
時疫未及入場而卒春宵卽事云狂奴故態未全非記取
逢場作戲時底事春風不相識也拋紅豆惹相思
秀山尉陳兆沅浙江海寧人道光丁酉權安岳典史謝買

浪仙墓云蹉跎莫怨一官卑遺愛難忘此日思秋草荒原
埋瘦骨招魂淒絕夕陽時當年薄宦謨才華遙望燕山驛
路賒家樹臨風吟不絕猶疑哀怨效長沙

劉雲船霖其先江西南豐人祖父官蜀故生長於蜀援例
得京秩未就家居課子於故紙堆中得高曾遺稿手自編
定性嗜學旁及醫卜青鳥家言善琴偶一作詩雨夜云街
鼓隆隆急寒燈一豆青撐雲高樹轟行雨毒龍腥神王詩
因健心平事久經偶然清籟發仙梵隔林聽雲重千山壓
風狂萬樹號噤人涼氣動警夢析聲高冷暖時無定奔馳
體久勞悔深思佞佛何日放屠刀七夕云雲錦無心自卷

卷五

完

舒何須花樣慮生疎年來世事翻新巧只恐天孫巧不如
雲船兩兄遠宦賣田獨力葬四棺以貧自安

倪順菴鈞郵縣人父朝俊以刺史權漢陽府卒公虧私累
逾萬金兩兄宦他省未至撫軍召問以一言感動撫軍為
彌補焉人服其能僑寓成都兩兄相繼卒家益貧或連日
不食老母甘旨之奉未嘗缺母卒哭不絕聲鄰人皆為不
寐性慷慨好議論述懷云小技雕蟲不足工縱然落拓亦
英雄感恩報德尋常事權付梅花一笑中

宋屬仙紹瀛雙流世家子父為雲南文山令謫戍伊犁卒
痛哭請往奔喪家人以年方十五不許固請而往萬里外

扶柩歸一路告助資斧無圖識與不識皆嘉其志也育
行草入都別友人云瀟海歸來計六年驪歌再唱杏花天
愁生驛路斜陽外夢繞園亭綠水邊歲月催人難自己情
懷亂我豈徒然相思相見知何日只祝前程早着鞭

吳小同名丙浙江歸安人遊幕至川談笑詼諧聞者忘倦
七夕詩云清淺銀河漾碧虛深宵涼露滴如珠相逢莫漫
傷離別月窟人還夜夜孤

蕭澄字鑑湖安徽人父牧河南隨侍任所以縣丞分發來
川越二年仍返中州和人韻云南船北馬歷居諸海內論
交把袂初客到接談情欸欸倦來就枕夢遶遶文章共道

卷五

完

枚舉敏禮法從來阮籍疎我本無才甘未吏行歌坐隱樂
何如

弓菱溪翊清刺眉州政尚仁慈民稱弓嫂嫂署後平田如
野直接城根公餘閒行勝畔與農人話桑麻或贈以詩每
夜命子姪同坐聯句不工者罰以酒喜扶乩乩走如飛作
田家詩百首一一為和其韻子嵩保字生岑以舉人候補
中書注銷後登進士以知縣分發江西弟芙江岷保亦以
縣丞分發與同省生岑和楊雲卿早秋漫興四律云渺渺
蓬山夢屢訛壯心銷滅學狂歌聞中風物關懷切悟後雲
煙變態多長劍孤琴空慨鬱朱顏綠鬢易蹉跎維摩一榻

渾無奈且上高樓踏軟莎夜涼似水坐庭蕪天際秋雲淡
欲無老樹低頭如我倦孤花搖影倩誰扶雨添曲沼跳魚
子風動高枝墜木奴莫笑苦吟猶未就推敲直擬析錙銖
幾回咄咄欲書空咫尺瑤臺路未通拈到江毫傷別易吟
成楚調寄情工愁深蜀道千盤黑夢醒京塵十丈紅迴首
行蹤還一笑無言獨自立西風綠荷亭畔夕陽浮閒倚疎
簾咏玉鉤客意冷於前夕露詩懷清似早涼秋螢啼石砌
金風墜星轉銀河璧月流翦燭與誰論往事宵來鮑照在
南樓芙蓉江訪王遲士不遇云竹樹陰陰晝掩扉白雲長鎖
敬之闌多情最是花間鳥起向池邊引道飛和雲卿咏菊

卷五

宋

韻云夕陽滿樹爛紅霞離畔風過菊影斜短髻看來宜插
帽淡煙裊處似籠紗三秋每入名人句九日相尋處士家
耐得寒天同結契此花何必讓梅花楓林黯淡月昏黃欲
覓僧鞋赴上方萬里歸心三徑香半牀幽夢一庭荒秋容
寥落如中酒晚節清高不畏霜獨立西風看未已塵心俗
慮并消亡

星岑名崙保菱溪之姪幼失怙恃菱溪撫之如子與生岑
芙蓉極相友愛亦捐佐貳歸里後不知分發何省和雲卿
菊花云連朝煙雨繞疎籬裊裊寒花瘦莫支樓子紅開宜
插髻麝香黃透好吟詩情懷淡泊何人識品地清高祇自

知羞與眾芳爭豔冶不須春露發華姿秋花秋士兩相同
雅淡由來是素衷折取直思供硯北扶持幾欲向籬東餐
英不必三閭似得句難如五柳工把酒畦邊頻顧問問君
誰共傲霜風

沈珏齋鳴珮浙江歸安人遊幕四十年在榮註易多新解
偶爲小詩春日卽事云睡餘憑檻望蕉雨綠油勻新柳迷
溪角香泉瀉石唇客心驚去日年老喜當春不盡婆娑意
覓解恐無人

卷五

宋

奈何無情空色相有意卽風波頃刻功名幻百年歲月多
人生行樂耳不必發悲歌

蓬溪縣飛雲樓元至正年建規模宏厥潘退菴登之作醉
歌行云春山着花山欲然馬蹄踏破千溪煙把酒臨風浩
歌發狂來不讓劉伶顛百尺危樓倚赤城憑陵忽動故園
情故園書信經年隔回首金焦萬里程眼看春色十分去
春從何來去何處花開花落無人知鳥語溪聲盡談助一
歌興猶豪再歌意已酸自古滄桑有如此况復崎嶇蜀道
難金屋當年紅粉盡酒釀半夜青燐寒對此風光那堪嚼
披襟一酌又一酌縹緲須登最上頭極目天光一寥廓琴

鶴隨風下訪一時意氣凌空上莊周為蝶蝶為周我亦憑
虛御泱泱鳳飛千仞莫張羅龍潛深淵孰施網世事如碁
着不高長亭短亭何勞勞吳市被裘阿誰子蘇門長嘯卑
汝曹請從縣圃拾瑤草三島十洲人未老君不信飲我中
山千日醇醉蹋崑崙使西倒

趙竹菴桂生補龍泉驛未赴而卒子清源號稚竹詩有父
風錦城眺月云我家滄海角身在錦江頭今夕涼風起天
涯一樣秋月隨人作客夢與水東流鴻雁此時至鄉書寫
寄不翦燈賞菊謹依家大人韻已涼天氣一塵無曲檻疎
櫺入畫圖漸覺庭除蟲語亂乍來風雨瓦聲粗秋邊落雁

卷五

五

書初至客裏挑燈興不孤閒到枕藤吾意足未妨清夢遶
江湖宿簡州云筆硯初開爐火熟亂題詩句酒微醺山空
樵語落紅葉寺遠鐘聲帶白雲風過炊烟萬戶動雨餘樹
杪百泉分扁舟今夜城南岍近水樓臺起夕曛少眉弟侍
家大人自瀘州上省一片微雲淡河漢數行新雁小闌干
挑燈互解詩書味加飯同依父母歡小院有花秋爛漫故
鄉無事月團樂他年一棹吳江水好向煙波執釣竿
葉錫寶號楚珩浙江龍游廩貢生平作詩甚富攜子恩培
遊蜀多感慨之音不得志以歸畱別云傲裘風雪去來身
行李蕭條不諱貧浮漢張騫遊與減登樓王粲客愁新厭

聽蛩館三更雨懶逐蠶叢十斛塵松菊尚存歸亦得布帆
無恙莫遠巡久把猪肝累季君寒梅客思動紛紛心如退
鷄飛多倦酒到歌驪飲易醺萬里看山畱爪遠四年飄梗
促萍分此行不負登巫峽歸夢堪攜兩袖雲一夜鄉心入
雁先催歸不用聽啼鴉早知人海難存脚翻悔湖山浪着
鞭撿篋笑無金半黍照窗還有月盈船安貧里社逍遙好
休傍雕樑空自憐隔歲陽關唱渭城今朝攬轡始登程鞋
脂喜作還鄉計放艇聊安盼遠情充橐空招榆莢影催裝
頻喚子規聲世途况味嘗將遍自笑閑雲出岫輕結束征
輪逸興飛旅中惜別轉依依恐教稚子驚呼客未必山妻

卷五

五

不下機異地縱難求所欲衰憐猶復莫知非斷蓬豈是匏
瓜繫東道何妨襍被歸阿翁南返子西畱彈鋏天涯各自
謀桃浪浮香流別緒柳絲牽恨綿春愁三篙烟雨添吟興
一路鶯花快旅眸慙愧無端空入蜀敢誇詩草紀清遊餘
二首未錄
鄆縣徐雨帆子來父發祥號瑞菴廩生性樸誠寡言笑課
徒之暇間有吟詠題踏雪尋梅云梅花深處雪霏霏踏雪
尋花取徑微折得一枝歸去後花香雪影滿寒衣秋日村
居云林薄高秋迥層陰一徑斜招雲來補屋近水自成家
林密孤花晚牆低涼月餘小園幾延佇屏扇少人過

資州西鹽井溝有硝洞深杳可數十里有人舉火以入見
石壁中多佛像藥爐丹竈咸具鍾乳下垂森如玉笋有蟻
蝠大如鳥倒伏穴間其深處有橋有池魚不盈尺而色黑
然多岐徑旁穴纍纍入之亦深邃莫測遊者懼火滅而返
故終莫能窮其境焉

門人徐雨帆子來鄆縣人好詩甲辰計偕北上沿路有作
嘗題楊文泉涼山踏雪圖云涼山山外人踪滅涼山山凹
裸夷穴刮地罡風飛羽書人面凍皴馬蹄裂先生奮臂起
瘡痍天助白戰無勁敵銀沙千丈湧成堆烏路猱蹊何處
覓叩竿西爽勢荒涼嶂巉寮刺復偏仄不跨雕鞍足御風

輿卷五

卷五

軍威如天汗雨熱恩周挾纊義同袍抬鎗負戈成羽翼踏
破冰天氣蒼莽四無人聲山寂寂毒瘴蠻烟一掃除盡使
烏頭氣先墨身為鐵漢矢請纓不數蔡州夜殺賊蠹茲么
麼豈敢跳飲羽刷馬直突入山腰林嶙嶙橫瀟雲玉龍飛空
鬪風力健步前驅偵夷情外扼其吭內割脅腰間秋水三
尺寒冰髭冷斷銅面濕犁爾沙幕焚爾巢雷殷震天星奔
鎗蛾伏奎踞歷駭巢傾卵壓跡銷絕電掣電掣跑紅旂
齊唱凱歌爭報捷憶噶先生忠勇屹如山先生清白皎如
雪笑他貂帽狐裘人烹羊煮酒徒泄泄
丹陽陸炳字赤南號藜軒乾隆間遊蜀著有劔南草多記

風土其紅花行云簡陽四月採紅花簡州城門動塞車買
花盡是蘇杭客姑蘇餘杭道路賒爭發紅花趁頭水日行
千里自天涯內江關稅暫停阻半月為限悉抵家抵家之
時方仲夏顏色鮮新染輕紗輕紗染出隨刀尺衫配羅襦
巧樣誇千門萬戶絢光采虎丘西湖日初斜照見山水襯
佳麗樓臺無處不雲霞物貴鮮新時須早顏色何能恃常
好不見年年採花人嫁衣未染愁容老川馬行云松潘馬
大如牛疲建昌馬小如驢蹇川西川北馬中適可騎川南
川東馬少難為選自來馬多惟唐時七十餘萬供驅馳祥
麟鳳苑不足數別有飛龍最稱奇唐馬不自川中出幽岐

輿卷五

卷五

涇寧八坊實宋置諸監耗民田民生從此遂蕭瑟我朝
重民不重馬卽有用時採里下前年命帥事南征蜀地就
近馬可跨鞭策自能效馳驅飛騰時或似龍駒兩番官買
誰敢匿騏驥一空西南隅將軍練兵復奏請上賴 聖明
為耿耿下 詔罷選留餘四野歡聲通市井
申畚夫子原籍璧山寄居郫縣嘉定郡伯邵蓮溪先生夫
子典試山東所取士也迎師主九峰書院固為作養人才
計亦以師弟相依為樂花朝月夕文讌屢開乙巳秋申畚
師在署賞菊首唱七律又作菊花問答郡伯皆有和作既
而招集僚屬茹大令元圃董庶常榭園同師為餐菊之會

蓮溪先生作詩二十餘首妙想天開奇趣橫生又步申翁
師賞菊原韻分咏各題層見疊出指揮如意美不勝錄姑
存數首留為嘉郡異日佳話餐菊云曾聞餐菊可延年若
箇遐齡壽比天且把寒香供一飽大家半日作神仙薰香
已喜花成海摘豔又驚霞燭天怪得靈均文字好落英撐
滿腹便便檢遍郇廚食品低頻將消息問東籬主人新結
黃花癖不號蓮谿號菊谿無那止園閒地多種花稠似種
田禾園丁屢報秋風起不戀蓴鱸總為他笑余風雨為花
忙終日垂涎口角香想是籬東老處士也因指動始還鄉
水晶作箸玉為盤倏忽霜風起舌端只恐老饕秋氣重夜

卷五

五

來肝膽照寒夫子風情本淡如南豐親奉瓣香初近來
不食人間火探盡英華補異書燦燦繁英落地纔那曾十
萬費錢來斯筵莫道真清絕也為黃金笑口開和申翁夫
子賞菊原韻時序何期忽歲寒止園修竹幸平安二三君
子多清興十萬秋容亦大觀獨樂爭如同樂好看花誰識
養花難年來多讀彙駢傳庶卉繁滋是見端折桂一枝來
廣寒青雲擡舉近長安當時求赤言多異曾許龔黃政可
觀三十年來未能信二千石後益知難世途歷盡聰明滅
小事糊塗似呂端和王春航步韻詩春航詩多浮譽作此答之邇來聞
見更心寒徧野哀鴻幾戶安縱以隔疆聊自解其能袖手

作旁觀宦情已似秋雲淡世路真成蜀道難固圍聊行團
練法間閭叢弊又多端憶我家風本素寒閉門高臥亦哀
安生機自覺胸中滿世事曾從局外觀未仕以前談政易
出山而後問心難古人最重鸞鳴友忠告何妨叩兩端又
作雜題數章呈申翁夫子廣廈誰憐多士寒弦歌聲斷我
何安先王之道斯為美小子學詩可以觀萬里同風傳鉢
易百年異日樹人難倘教虎觀留宗派定湖之他取友端
學聞道昏亡齒亦寒吾民何敢恃偏安須知救火鄰家急
莫學陳兵壁上觀騷賦自宜張網密愛苗翻覺下鋤難仁
人弄使吞舟漏比尸株連慎發端匪

卷五

五

茹元圃金進士陝西漢陰廳人樂山令在都作二十四不
詩仿竹枝體亦諧亦雅觀其詩可知其人卅年五度上皇
都一度風光一度殊惟有癡人癡不改回回依樣畫葫蘆
不謁權貴紛紛投刺志何居每日朱門競曳裾傲骨一方
誰贈我早觀劉一文人書不狎優伶梨園花似錦成堆箇
箇魂銷歌舞臺自顧髮頽難倚玉何勞媚眼向吾開不吸
鴉片鴉片奇烟吸快哉人人時欸把燈開只因臭味差池
久那解醒醐灌頂來不買鐘表懸鐘帶表糜金錢寸晷分
陰巧測天囊少餘賞人嬾散任他日影度花磚不聞鼻煙
異香撲鼻是聞煙此竅難通我漠然漫說玉壺無價寶看

來不值一文錢不關娼燕趙佳人縱有情甘居蕭寺怕尋
盟非關愛惜纏頭費恐蹈青樓浪子名不製玩物好求奇
玩擲千金彝鼎圖書仔細尋一介何曾知博古惟防喪志
凜前箴不賭博呼盧豪興果然豪一擲千金膽太高最怕
輸贏分頃刻富兒旋作乞兒號不下館雅座宏開百味新
牀頭金盡但安貧聞香不敢停車問空作屠門大嚼人不
飲酒舉杯便說酒中仙斗酒詩成幾篇怪我詩才遲鈍
甚原來不識李青蓮總結廿四油腔不當詩寒窗無事寫
吾癡癡吟寫盡癡人態笑倒旁觀乖角兒和邵蓮溪先生
餐菊云餐飽黃花興未關東籬不信就凋殘週身傲骨憑

卷五

三

君換好耐冰寒與雪寒沉澹一家性淡如花觴酌趁小陽
初賞心自在鹹酸外食譜從今有祕書

王映東號辛塢江西金谿諸生戴耕野莘令丹稜邀其來
蜀所著看山樓詩集中有蜀遊草一卷丹稜女云來往路
三义采桑兼采茶若將花比貌喚作羌桃花夔州竹枝詞
云輕舟來往辨桅杆來是雙桅去是單幾度黃陵祠內祝
祝郎處處獲平安過借風臺云借風人去此臺空膾有經
霜一樹紅我是錦江倦遊客東歸只合借西風宜昌口號
云吹浪江豚觸石回彝陵山色望中開巴水巴山迎復送
益州無夢不重來其子名式穀號蘊齋爲榮縣尉鄭竹泉

贅壻亦喜作詩上灘吟云上灘吟未已愁思一江深楚水
看將盡巫山夢欲尋書憑征雁寄詩入斷猿吟道路誰知
已濡毫寫素心巴江雜咏云山頂濃雲疊疊堆山腰茅屋
小門開輕舟一葉穿雲過只聽濤聲怒似雷寒梅嶺接綠
楊隄一望人家種麥畦積雪未消泉水出白雲深處有猿
啼官舫揚旗舵尾低雕窗面面瞰玻璃迎船送到夔州產
雪棗冰梨賤似泥峽水深深灣復灣岸旁碗碗色爛爛笑
他宦客歸裝俗輕舫無人載石還灘名下馬只行船落盡
飛花樹樹烟一曲清歌畱客飲旗槍新試峽中泉

卷五

三

請質中多魁壘之作不盡錄其棧道中詩似得江山之助
入北棧君不聞危乎高哉蜀道難乃在二千九百石棧排
雄關關門陡插大小劔谷暗崖陰風雨變天蓋青圍垂一
綫有客來經途險亭曾聽閣上雨淋鈴蜀山秦樹勢窮冥
何年鑿破混沌窟金牛玉輦交引導路關崎嶇峯聳峭蕭
蕭班馬鳴不歇磨牙怪石向人立礮礮銷盡輪蹄鐵山長
水遠無已時慈母手縫遊子衣星霜嚴冷雨雪霏劔門晚
望兩壁峭直切幾千大劔小劔高刺天造化洪鑪陰陽炭
大工鎔鑄混沌前飛來健閉蜀門戶行者輦者任者色如
土下有窟深蹊壑螭龍蛇上有逼窄岩穴踞豺虎我來甚

樹披榛袖底寒雲撥直上青雲端四圍幽暗猿狖叫山長
水遠行路難懸翠屏列丹嶂設險真為天下壯控制蠻夷
收荆吳鎖鑰扼塞牢保障風磨雨洗千劫歷劍氣冲霄山
崩業義馭赤日下巖巔迴巒忽斷空翠接感慨昔時思往
事幾人稱王幾人帝躍馬鼓怒井底蛙并吞割據何足計
互古劍山屹峙劍水流山環水繞塵盡天地秋下以鎮坤
維上以曜井絡此山此水直可全蜀第一名勝收五丁關
懸泉飛雪聲汨汨雲棧梯空勢兀兀山重水復不見天七
十二渡石頭滑俗云七十道脚不乾憶自四萬八千年以來毒草惡
木蛇虎窟冥濛斷絕飛鳥路欽巖刺誰能越直從天外

卷五

先

飛來五丁士併力擔當千鈞如一髮鉅手鑿破混沌竅不
倩神工鬼斧伐兩壁中通一綫天危岩接翠凹且凸將枯
未枯樹蒼古欲墜不墜石硯關北萬壑直吞漢水源關
南一丸冷挂我眉月門逼窄路曲盤行人七步九憩歇烟
藜雪屬撥霧踏寒雲此山長峙水不竭我來那見石牛再
糞金但見墾荒峭壁費盡黃犢力

鄆邑劉畹香仁溥壬午副榜戊子舉人性俠烈事繼母孝
著有杏春館詩並覺世真經試帖尤長於七古雄渾豪縱
下筆立就黃河行天上銀河揚清波波光皎皎如鏡磨源
分一線成黃河如何奔流人間昏墊多我溯黃河源發派

崑崙山積石龍門勢尙束以下千里一曲蒼鰲碧鯨吹浪
圓怒噴濤頭成奔川川廣汜溢沙無底難跨虹腰時雁齒
漂山轉石浮孟津往來行人悵瀾瀾去年桃花漲潰蘆葦
堤北流活活樹杪低我昔曾臨岸冰凝鱗鱗雪如霰舟子
僵凍面驚黑漿櫓欲搖搖不得鱷豚掀翻天墨墨今我來
斯雷轟電馳深潭將出青蛟螭黃沙坐飛白雨吼人馬欲
挾風雲走君不見腰間寶劍橫青萍斬妖截魅驅雷霆忠
信肝膽平洪濤那怕水族博浪連天高駕將千里之槎飛
日月天風浪浪吹過水晶關

卷五

平

鄆邑上舍王小嵐與其弟茂才栢坪碧山娛情詩酒聽
雨聯牀亦風雅人也冬暮即事霜飛紅葉照樓西四面蕭
條景色淒涼雨生煙連晝黯寒雲隱日通天低無多鷗影
空潭聚不住鴉聲隔岸啼獨有漁翁偏耐冷一竿和雪釣
鯢鯢栢坪碧山步小嵐家兄咏新柳原韻淡着鵝黃是斬
新筆端寫照苦難真偶思客舍殷勤意半露章臺綽約人
李氏青袍何日染楊枝翠黛幾時勻試來江上從頭看淺
淺眉梢解弄春

鄆邑諸生幾安敬修已傲岸不羣作詩亦清矯初秋夜即
事沉沉淡月雜疎星粧點風光上畫欄瓜葉有聲鳴蟋蟀
稻花無力墜蜻蜓一燈翠影秋先到半榻涼陰睡未醒把

酒放歌彈古劍舊遊何處望雲停

道光辛丑余攝興文篆山邑荒僻苗夷雜處民蠢蠢與鹿豕伍而節義性生有卓乎自立者不可沒也廩生石雲峯之女笄歲許字同邑楊文遠婚有日矣文遠因赴試不售外出屆期貞女子歸夫家奉事舅姑盡婦道旋接凶訃文遠客死於外女泣血誓不更嫁父母舅姑委婉譬諭之終不移嗣舅氏沒朝夕奉孀姑二十餘年怡顏承志姑忘喪子之痛三子各爨獨與貞女同室女以紡績給甘旨抱從兄子在川爲嗣姑沒女喪葬如禮設神位供諸其室每食必祭鄉里不知敬重女亦不自知其事爲可表也前吾鄉

卷五

全

楊纒亭玉堂宰是邑有與女訟者堂訊乃知其詳賞歎稱奇爲直其事立爲請旌且作詩以志詩云石氏女貞如石石可轉心不易吁嗟無人表貞迹問名甫納采一與之齊終不改標梅天桃賦及時思變季女訂歸期何意丈夫四方志蓬矢桑弧不可羈父母有命施矜結褵往之女家無匪無儀綢繆束薪三星燦吞牢誰共悵別離敬謁舅姑登北堂殷勤慰籍語彌長鞶絲未解理椎髻榛栗作脩備酒漿冀慰椿萱不至一日九迴腸藁砧應未遠庶幾返故鄉天道何茫茫異域慘淪亡椎心泣血悲蒼黃仰視庭幃益悽愴子亡婦留子未亡死者已矣毋過傷勉爲笑語進壺

觴暗灑涕淚沾衣裳情輕義重可若何形存志隕誓靡他

阿翁慟赴泉臺去空餘雙棲棨架邁燈暗凄慘人何往門巷蕭條鬢空皤形影相依廿餘載疾痛痾癢勤撫摩豈惟甘旨紡績供承顏怡志養天和姑曰清風倏作肅女曰寒衣早已疊篋篋姑曰陰雨灑霖霖女曰牽蘿現已補茅屋姑曰禦冬何所畜女曰行野采蓬兼采菘子亡不須痛夫逝不須哭得女晨昏共寒燠有子有父慰煢獨吁嗟兮楊氏婦石氏女璞玉無瑕懷瑾瑜寒泉無温澈冰壺藍橋未識何郎面黃鵠悲歌胡爲乎重陰曠霾不見日昏井沈淪空泣珠我讀列女傳如此高行或亦僅有而絕無迄今姑已沒心已枯螟蛉育子忘勤劬雖爲楊氏婦猶然石氏女吁嗟兮是誠巾幗中烈丈夫

卷五

全

有宋喬林者以未入分發坐藏在邊值西域用兵貴土司供烏拉千頭運軍資烏拉番牛邊地山各土司不應軍行險非此不能登急領兵者計無所出宋入見請以身任是時土司亡妻掌印雄長諸夷宋與有私以情告女土司傳令各處二日集烏拉千餘事乃克濟凱歸奏其功 純皇帝大喜於奏摺喬林名旁硃批竟是能以知縣用遇缺卽升後以羅江令升江北廳 特旨授夔州知府 陳古棠尙邵江西崇仁人需次在省爲子娶婦婦甫入洞

房婿忽仆地氣絕內外賓客聞然俱散古棠以婦未與子
合卷與送女者議仍以彩輿送還婦泣矢死不歸即為婿
成服至今守節余與古棠交未言及後聞諸他人乃賦以
詩笙簫闐咽擬瓊島新婦登門如花好青廬羅帳懸流蘇
共祝百年賦偕老華燭照耀壁成雙郎如玉樹忽傾倒嘉
禮觀成在頃刻頓將歡喜變煩惱戚友駭歎僕御驚此意
真難問蒼昊彩輿在門卷未合促命返轅歸宜早女淚如
珠心似冰矢死靡他節自保生未同哀願同穴夫婿靈牌
懷中抱卸卻華妝服衰麻泣血染衿拜翁媪世問孀婦當
青年名流歌咏盛文藻那料花燭賦柏舟交拜方畢事草

卷五

卷五

草洞房立驚拆鴛鴦華堂未遑擊栗棗淒風冷雨閱春秋
有客傳述心如擣我與古棠誼素敦慶被閨門蘊瓊寶欲
作歌詞播芬芳硯田水荒筆花稿苦志冰操終不磨長如
江水流浩浩婦杜氏原籍湖廣住省垣古棠現任新繁
雙流蔣曙東啓南魁梧長髯目若流星多智略談吐豪爽
拳勇可敵數人望而知為傑士也以孝廉計偕北上乘舟
由夔巫三峽而下至湖廣地見匪徒自山下搶掠客商已
幸得脫慨然曰吾他日官此必翦除若輩後得縣令分發
湖北初署篆遇盜處即其所治也擇勇健差役探明某處
為盜所屯聚前後埋伏躬率役以往賊二百餘碎為所乘

跳免者僅七八人餘盡繫以歸盜風頓息果如所志奇矣
補房縣令上憲知其善捕賊委署某縣故盜藪也竟以劇
盜未獲罷歸以此始亦以此終又奇矣

成都楊對山燮癖好金石篆刻極意搜羅費二三千金所
刻圖章皆摹周秦以來鐘鼎盤盂下至瓦當無不遍肖大
小不下兩千餘方出門即載以車裝橐纍纍日操鐵筆從
事至忘寢食嘗北上取道夔巫沿江陵至黃鵠磯風雪滿
天登樓命酒謂其友曰吾所鑄足供石倉祕府之玩今修
蜀志可備採擇後大挑選梁山學博未赴卒其弟曉山名
森為刻印譜八册戴羨門顏魯愚兩先生深推重手雕印

卷五

卷五

章子令旭令暉寶藏於家張介侯為作序字極古雅惜刻者顛倒其文
蜀州東北境石魚江金馬江支流也江澗有石魚寺創自
前明燬於兵燹僅存斷碑一二鄉人倡募重修祀文昌關
帝後掘土得石鯉魚一形製生動鱗甲時有沫水以占陰
晴有驗鄉人神之更作一魚為偶劉芳皋作詩記之石魚
寺中石魚古鱗鬣爛爛蝕苔土飛騰變化定何年阜江吼
浪疑風雨阜江東流金馬嘶金馬神歸越雋西秦庭空自
雷陳寶漢使何勞祀碧雞此魚當日作何用厭勝豈亦如
五犀不然銀漢精星墮暫向滄江學高臥三十六鱗歷歷
真八千萬億匆匆過琳宮有記認前明巔頂豐碑幾變更

石鼓山頭經再劫木魚聲裏悟三生當時青嶺撓川陸妖
履騰馳滿巴蜀梵王宮殿化飛灰釋子蓮花走麋鹿此魚
當時何處潛鯨鐘鼉鼓空華嚴昆明劫火埋黃壤寶像浮
闕失拜瞻吾聞龍門之鯉解幻化萬里長風直凌駕何爲
守涸溷塵緣暴腮不遇琴高跨鳴鶴山前石鶴飛蜀州仙
跡記依稀此魚墮落未解脫獲屈乃抱潛龍譏天晴則乾
陰則濕此魚亦似善知諦神物影現自有時千年阿護維
摩力卽今殿宇重輝煌形階石豢喜光昌緋衣懸袋科名
兆石魚精氣連穹蒼

張船山詩有逸氣破除詩中門戶之見一意孤行目空一

卷五

金

世蜀中詩豪也歿後劉止唐沅弔之云西蜀江山險詩中
得伯才當關爭虎豹破峽走風雷官薄名何重心雄事竟
灰驕魂猶崛強抵死傍蘇臺坡老儋黃後疏豪合似君斬
新詩世界開拓酒乾坤家戀江南好才羞冀北羣夕陽愁
白髮無那是招魂詩亦雄健五字長城其潼關七律亦警
策雄關巖業壓神州控制中原最上游城堞遠隨山勢轉
荆岐全自掌中收長河直瀉風生腋太華遙連月掛鉤自
昔不容豺虎踞強秦未必勝衰周

徐學津春江南武進人前濟南郡守楊菴大榕之姪也楊
菴父玉亭先生殉金川木果木之難楊菴在山東屢平反

大獄卒後無嗣天道難問如此學津太翁與楊菴太守同
居京師最久楊菴工詩學津漸染家學以筆墨遊幕中州
嘗與同人咏春柳用漁洋秋柳原韻甚工援詞以從九
來川候補屢以事至榮與諸詞人譙集鏡香亭卽席有作
云榮州去歲兩曾經今夕還來想此亭萍聚當春水綠
竹疎時見遠山青西園雅集宵前訂開在署西偏南畝農歌雨
後聽愧我無才甘落拓也隨佳客倒銀瓶

華陽潘蓉溪文鏡紫垣孝廉次子也家世以詩鳴蓉溪少
年喜爲韻語有蔚山詩草一卷駸駸與兄競爽送李三表
兄省親通州云旗亭酒熟暮春天攜手河梁醉別筵我愧

卷五

金

安仁閒作賦君依德裕遠籌邊時三舅在通州總戎幕君將往首飛帆穩
泛桃花浪柔櫓輕搖柳葉烟棗芻聯輝楫樹茂他鄉從此
樂團圓君到通州我益州相思千里路悠悠綠漪亭畔尋
芳躅紫石巖邊賦壯游俱在通燕信遙傳花市曉魚緘早
寄錦江秋榮歸戲絲娛親日剪燭開樽共唱酬
李硯蘭遊幕蜀中以能詩聞吾東楊纘亭在襄邊延入刑
席邊隅案牘清簡賓主日事唱酬和纘亭有句云雨餘遠
樹斜陽淡霜後羣山爽氣迥新雋可喜

湯氏南充劉成璋妻九歲爲童養媳及笄成婚生一女一
子年二十四而寡未幾子又死抱夫姪德煜爲嗣厲冰節

者五十年性勤儉常終夜織姑晚年半體不仁扶養盡力
數年如一日嗣子方襁褓撫育如已出及長督之勤讀中
拔萃科以武英殿校錄得教諭任峩眉榮縣爲母請旌建
坊受勅封焉徵詩成集摘錄以存其概南充歲貢王秉淵
詩云風蕭蕭白楊路荒郊但有亡人墓蟲唧唧秋夜長月
明不照孤兒牀抱得螟蛉坐霜屋軋軋機聲動林竹甘旨
勸姑嘗詩書課兒讀五十光陰何迅速果然兒食天家祿
食祿天家母心喜庶可陰靈慰夫子吁嗟乎海可填山可
移乾坤大義誰撐持大義名不朽華表巍然高北斗門第
能昌節能守君不見劉節母威遠諸生王翥雲詩云織盡

夙卷五

七

人閒寡女絲離情惟有夜燈知庭前菽水承歡日機杼詩
書課子時苦藥回甘多異味寒花向暖發新枝果然後福
隆隆起紫諾鸞封降玉墀南充舉人任緯詩云清閨大節
一身扶百折難回女丈夫隻影早悲梁上燕酸心還碎掌
中珠聲啼蜀帝魂長斷淚灑湘妃竹亦枯尚有慈親常寢
疾幾回搔首向天呼健爲廩生蕭天錫詩云苦耐冰霜五
十春頻年組織剩孤身月殘天上愁看鏡珠墮掌中淚濕
巾衰念阿姑勤孝養愛鍾猶子續宗禋到頭贏得封章貴
史筆書來汗簡新榮縣歲貢王載熙詩云忍淚將雛茹養
親苦心原屬未亡人風瀟雨晦難回首地老天荒剩此身

候歿童烏幾絕祀更無趙藥倍傷神逃聞侍奉姑婢日湯
藥煎調數十春

孀婦撫繼子成立詩最難作榮縣郝元琛詩極恣肆太華
山頭十丈藕千花萬葉不受污泥垢天風吹落寄人閒紅
英化作瑤池母瑤池冰雪玉闌干曾經九轉鍊成丹迴憶
垂髫伴竹馬雙雙古鏡照飛鸞飛鸞一曲聲清麗玉樹瓊
花開次第昂昂夫婿駕長卿方期偕老共長生無端膏肓
藏二豎可憐繫命無金縷公子麻衣尙繞牀平陽嬌女泪
如雨一抔黃土六尺孤椿豈日暮近窮途寢門待養兒待
撫爭肯輕身似羅敷此心如古井古井無波能照影逝水

夙卷五

六

長悲臨江臺化石不到武昌嶺可耐孤生竹已殘喪明又
忍碎瑤肝青鏡孤對愁風雨東風別院覓芝蘭天產九莖
生不偶移來畫秋勞親手機聲不斷課兒書欲使昌黎文
章重山斗費盡媧皇鍊石心香分貢樹重球琳十載青袍
風塵倦三年太學惜寸陰校書天緣人爭慕騏驎奮迅騰
皇路慈雲絳帳幾春秋瞬息柏舟成薤露開卷詩廢蓼莪
篇服官又到旭陽天瑤臺鳩杖人終古鶴俸空餘十萬錢
吁嗟乎遇難識忠臣處危見節士天以坤維正氣界孺人
不惜錯節盤根使其芳名垂女史巍然綽楔鎮南充勢欲
摩天氣熊能買絲共把女貞繡繡出心肝玉玲瓏

德清蔡蕙僊游幕來蜀在重慶時值春社游女如雲一女
郎風姿秀麗訪之辛氏女也富貴者求之不願蕙僊媒訂
獨喜納為小妻名鳳遷小字綠雲甚相得甫一載病卒卒
時蕙僊未見深以為歎與人言及輒唏噓欲泣適在同年
沙湖泉幕湖泉來榮持長洲英玉高君綠雲小傳示余且
以蕙僊意囑余作詩蕙僊固深於情哉為效長慶體作綠
雲篇以紀其事仙娥游戲到人間青鸞飛到復飛還有客
微吟洛神賦何時再出蓬萊山蘭胎初孕曾占夢雲裏翩
然下彩鳳掌上有文字分明佳名肇錫已殊眾韶年十五
度芳春豔質靈心迴絕倫繡畫針摹宋北苑簪花格學衛

庚卷五

九

夫人儂家本在渝城任門外辛夷花滿樹深處幽閨嬌避
人一株芍藥紅欄護遲遲日上窗初釵墮烏雲對鏡梳
花壓翠鬟妝粉淺橫波一顧畫難如小院微風撲蝶蝶淡
黃衫子搖輕箏逢人斜睇羞舉頭脣破含桃開笑靨春社
年年士女盈粉黛如雲羅綺輕尋芳才子垂青眼鳳願求
鳳與目成富兒豪貴心偏惱白璧黃金原非寶惜花御史
斷腸人暗裏朱絲牽月老良辰送上七香車小住錦城便
是家幸遇知音吟柳絮似曾相識認桃花追歡尋樂無不
有度曲彈琴兼賭酒人閒無此好姻緣枕畔盟心期白首
無端行李迫倉皇怡貌低聲問玉郎新愁纏我羅巾濕舊

物遺君玉玦涼懷蘊明珠期已滿柳絲難把離情結感郎
恩重安身輕相憶時長相見短班驢上道情忽忽門掩梨
花細雨中翡翠薄衾中夜冷鴛鴦雙枕半牀空那料辭家
竟永訣入懷明月圓忽缺瑞麟墮地璋無聲病眼盼郎淚
成血垂危氣促細如絲遺囑寄郎大婦知三生石畔緣重
續萬里橋邊會有期此語聽來酸肺腑玉容那忍埋黃土
蘭房繡榻掛蠟蛸孤冢白楊戰風雨逝水流光歲又新遺
鈎剩粉總傷神含憤空中書咄咄攝魂畫裏喚真真屈指
偕居剛一載風催花落歸東海早知一別難再逢何苦分
襟貽後悔環珮聲遲恍惚來牽衣悲喜未疑猜淚傾一斛

庚卷五

九

鮫珠斷腸轉九迴賦語哀曉鐘催醒方知夢驚散彩雲堪
一痛情感如遭鬼伯如魂歸似有仙風送年來書劒苦飄
零安得終朝對娉婷燈殘孤館髮應白鬼泣荒墳草不青
將別叮嚀宛如昨吞聲嗚咽淚先落妾心貞比望夫石郎
品高如立雞鶴興懷觸緒不勝悲記得生平當告誰簾前
鸚鵡猶傳語檻外青山想畫眉寫就相思書一紙焚向瑤
池青鳥使為言別後損腰肢此心不改如江水真容合把
妙香薰千古鍾情孰似君紅顏種恨留紅豆綠萼成仙化
綠雲綠雲琴瑟詩曲無不通曉臨絕口占二詩曾紀其一
焉

聽雨樓隨筆卷六

濟南

章山甫藩浙江歸安人署梁山丞

飛笑辭鶴俸微官貧僮僕怨地僻友朋希自問窮堪固謀

生計已非難攜兒女去欲別又牽衣貧官之况可想在任

冷署無事吏民以子弟來學無敲朴有絃誦焉視哦松者

更忙也又夜泊重慶遇驛漲詩云夜半吼江濤蛟龍怒氣

豪命原爭一刻痕已沒三篙水滂舟相觸風狂浪益高灘

聲人語雜出險首重搔寫恐怖狀如見

嚴夢琴麗正嘗與同人為消寒會分咏平臺梅花云梁園

卷六

舊蹟已湮淪別為癯仙築水濱百仞風寒吹縞袂九華雪

冷墮香塵誰登白玉尋高士合置黃金召美人好似吾家

垂釣處一竿烟月一江春

趙桂生吳江人號竹菴以諸生援例來川候補少時著蘭

豎閣叢藁小賦取法齊梁有榆關話別圖萬里長風入峽

圖題咏甚多每隨學使幕中衡文足跡徧東西兩川性耽

吟咏佳篇不勝錄自郵寄示絕句三首云問古尋幽石徑

前子雲樓閣感風煙我來春水桃花裡郵酒馨香拜杜鵑

梅子成陰綠漸黃平疇一望水雲鄉桐花開遍鵝溪道不

見重來小鳳皇竹栢森森別院開晚風吹袖復登臺郵筒

池繞郵筒井宜向冰壺濯魄來又工作小詞錄其戲題吸

鴉片煙便面以雅詞寫俗事婉妙入情湘管銜來一片燈

光微颺溯風味海舶獨絕雲蒸霧釀續命膏浮銀盒內返

魂香剔牙籤上看氤氳一縷透心窩通身暢珠簾捲微雲

漾冰簟清濃煙蕩更玉人偎處鬢花初放妙藥已將凡骨

換丹成一任情波漲一呼一吸駐春光春無恙窗外何人

知使者噫而來矣笑雜沓雌雄鬼臘尙貪餘味冷月不遮

枯骨瘦腥風慘帶幽蘭氣嗅甜香都是過來人餒魂起相

思枕為君倚同心匣為君啓是一般縹緲一般快意燈下

弓鞋如玉軟床頭鬼手如麻細舞青燐知己又相逢真歡

卷六

喜

黃湛華江蘇上元人號嶠樵際飛先生之後工彈琴家藏

連珠琴琴池中刻文文山製誠意伯劉基修云得於燕市

真贗莫辨也有哭妹五古一首情事絮絮嗚咽淋漓自真

情流出故不可及有黃茅岡風雪運糧圖多題之者咏秋

草四首云曾憶東風襯麴塵榮枯偶一續前因漫憐階砌

蛩吟露轉見池塘客詠春周道靡蕪懷故國半江蘆荻悵

歸人荷鋤翻怪園丁懶雨溼苔荒滿四隣平沙雁落楚天

空爪跡微茫印處同湖外黃疎鷗夢裏堤邊碧老馬蹄中

芋眠幾日來遊屐萎絕經時怨晚風沉芷澧蘭無限意至

今埋沒幾多叢家在莫愁湖水邊
燒痕寒濛六朝烟故宮
零落雷遺蹟舊苑蕭條憶昔年
白露關情誰更護西風滿
目總堪憐何當歸去葺茅屋
把酒東籬九月天清涼况味
掩重門山色闌珊護遠村
料得王孫傷舊夢莫教騷客斷
羈魂一庭葉落人增感三徑
霜銷月有痕佇俟東皇迴馭
日平原小草亦銜恩現任慶符縣典史

吳嘯雲爲楫浙江錢塘人需次在川詩筆娟秀與同人分
題晚香玉云惜花心事付花知人立黃昏爾許時日暮阿
香纔喚起風流小玉故來遲瘦於白鶴孳身段笑與金萱
作女兒一搦纖腰向懷抱倩魂無着月離離夜來香云香

卷六

五

痕低映碧紗幙隔葉窺來淡欲無
萼綠華經前度瘦薛靈
芸換小名呼葳蕤密蕊黃昏破宛轉柔條紫竹扶笑指昨
宵清夢好翠翹斜壓鬢雲酥

周捷亭聯科以拔貢捐佐貳來川候補好爲詩有集一卷
往廣東投効軍營以知縣陞用竟歿於粵在蜀曾錄詩遠
寄榮昌乃檢篋中錄其七絕三首不忘故人惓惓之意巴
江海棠溪道上云層疊溪田鏡半奩緒風溼冽雨廉纖寒
來陡覺征衣溼貪看山光未放簾冷水關卽景云石磴迴
環面面風濤聲雲影畫難工山深畢竟無凡境萬壑松遮
一樹楓天竹云自註彭山天竹最多青鳥脚餘火齊珠如何拋擲偏

山隅水仙香冷梅花瘦辜負金閨集艷圖自註云東征小
草幾四十餘首途次匆匆不及繕清草此奉寄

燕會閒周支山岐源出圖章示客上銳下圓形質古雅刻
斗酒百篇旁有記字細如髮櫟園先生舊物也支山爲先
生八世孫先生曾官山左觀察青州吾淄蒲柳泉所稱折
獄如神者凍腦犀玉諸圖章不下十數函一姬掌之善爲
位置後皆失去獨此猶畱奕世可寶也支山少年英俊以
佐貳需次在川馳逐名場詩多可採浣花修禊云錦城春
景雲如委錦江春色花如綺尋春不作治春詞蘭亭韻事
誰堪擬少陵已死草堂存松竹城南舊詩壘一叢香草綠

卷六

四

迎人門前曲曲桃花水金陵詞客涪翁裔勝日招遊集知
已鶯花春暖百忙中琴劍人來三徑裏韶光九十賦遨頭
豈因嶽逐誇綺靡須知古不異於今一詠一觴良有以倚
欄好証素心同落花水面波紋起

建昌一帶苗婦冬月相率來成都爲有力者傭工其人粗
蠢耐辛苦呼爲二娘子春深卽去畏熱故來往不憚煩咏
之云蓬頭赤脚短衣單執爨攜瓶未覺難自笑此身如旅
雁冬來春去不遑安錦官城裏閱繁華籬下依人那是家
冷眼偏知憐熱客紅塵滾滾走如麻
巴渝閒有女三五成羣散入成都屬邑聞人家慶賀則往

歌舞侑酒名曰楊花孫瘦石詩云雲英姊妹最輕盈金管紅牙雜玉笙一樣因風同起舞浮萍容易著他生十里青帘水一方春衫飄拂酒人腸憑誰為寄東風道莫遣楊花上下狂

川中各縣道途所遇負炭婦女甚多健者負至百斤往返七八十里僅得二三十錢餬口還將負重向人誇一日勤勞米可賒自幼不知脂粉貴煤灰滿面似塗鴉依然閨闈女兒身日走長途耐苦辛冷竈自憐烟火斷雪中煤炭送何人

卷六

五

川中無業貧婦每割青草鬻之為人飼猪第田各有畔越界以取必受笞腰鎌陌上綠盈盈織芥還愁起鬥爭但得農人皆讓畔何年芳草不叢生零露無聲淫做襦此來專供牧猪奴旁人錯道踏青去可有閒情鬥草無

少陵有咏負鹽女悲其登頓之苦也今健為河干婦女負鹽于船為人作工覓錢以食肩挑背負一身兼雜作丁男也不嫌浹背汗流形質陋旁觀休得笑無鹽曼韻云辛苦酸醜眾味兼以身嘗試又何嫌寒風刺面衣裳薄怕唱新詞刮骨鹽

蜀中產茶除蒙頂入貢外出關入藏者皆有定額商賈輻輳打箭爐產茶之地不一嘉定屬洪雅夾江峩肩為多洪

雅茶湯黃味甘我眉茶湯清味苦每春婦女入山採茶鄰家姊妹共爭先好趁春風穀雨前藍布包頭篋繫背新芽摘帶露華鮮穿林曲徑入烟蘿較取柔桑吃力多大小龍團渾不識歸家學得採茶歌

蜀地紅花販入四方者較他省為佳內江縣產尤多栽花滿縣樂融融也與三農播穀同那用燕脂山下去夕陽村外遍山紅女伴攜來每兩三此閒風物似江南誰言婦女無顏色採得紅花勝採藍

卷六

六

陳仙裳雲錦浙江人需次在川有合德玉印漢尺徑九分高五分白玉鳳紐文曰繞好妾趙陸敏齋為作詩云漢宮春盡不知愁鳳紐依然手澤畱玩好至今猶細膩摩挲少許也溫柔仙裙有姊新承寵紈扇何人自感秋笑寫蠅頭紅押尾石華廣袖擅風流昔山左朱青雷得文君私印與此可稱合璧閱芙蓉山館詩載馬湘蘭小印上刻浮生半日閒五字旁有款識為董香光藍田叔諸公社集西湖何雪漁為湘蘭作羅雨峯為繪橫卷以張之楊蓉裳為作七古長篇視此殆不足數矣總不作嫌未詳

榮昌敖廉臣號讓泉往黔得資助銀八百將入京捐教職江中船壞行李盡入洪濤一童溺焉遇救登岸至襄陽城外堤上遇一叟坐而招手云死氣滿面何以至此令開生

辰看畢曰賴祖宗陰德曾救一人之命可免然亦須破千金問金失何所曰失於水遂以船破事告之曰幸哉若非此厄陸路定遭強劫命亦危矣予之錢不受讓泉初娶伉儷甚篤妻早卒有落花如夢圖爲題詩云美人應是百花魂百花卽是美人影百花搖蕩春風中春風一度誰猛省畫閣晝閒罷吹簫碧紗窗掩香風飄飛花萬點落紅雨無限韶光夢裏銷蓬山命駕難畱住但見斜陽滿芳樹柳聲棠睡共含愁香魂迷却來時路杜鵑啼處草不芳惜花御史悽斷腸春鳥不來無信使蝴蝶飛去剩荒涼翩然九霄降彩鳳夢中相逢堪一痛是真是幻費參詳回首桃花滿

玉洞

大足令彭海樓旭初每年元旦試筆必有詩歲成詩一册集已盈尺矣曾索某姬人書因畫紅白梅報之兼題二絕某和其韻用姑射小姑二事爲海樓書扇未幾海樓亦納寵余沿其意爲詩贈海樓云羅浮夢裏遇明粧月落參橫墮渺茫何似銷魂蓉帳底小姑今日嫁彭郎梅花修到世閒無淡白嫣紅入畫圖果是神山仙子降昨宵觀看雪肌膚海樓前以艱歸今補南溪令成都水利同知強君望泰故河南滑縣令諡忠節公之次子也兄逢泰婦徐氏遇變時刀斃一賊大鏡擊斃一賊李

文成入又誑與密語以簪刺其耳賊恨甚釘手足於柱鬻割之諡節烈封恭人問司馬司馬不能知張鐵香曾記之余爲作明鏡辭明鏡光皎皎照見妾顏色但叱貌如花誰知心似石門內甬勉事舅姑門外喧呼驚有賊胥役皆倒戈死生爭頃刻吁嗟乎紅顏嬌無力明鏡明鏡汝照我容顏願照我胸臆我不能疆場馳怒馬握戈戟我將持汝奮力擊一賊昂然入身匿屏後賊不測鏡光閃爍如飛電血肉亂飛拚一擲一賊既踣一賊繼舉鏡照膽賊奪魄吁嗟乎紅顏嬌無力勇實百夫特弱者投繯怯者污若箇婦女敢拒格人生拚死非甚難所貴臨危不惶迫賊忿真切齒

恨不卽寸磔手足釘門三日死生氣勃勃怒容赫阿夫不在室阿翁死報國妾如明鏡圓不缺心如明鏡光四塞世閒丈夫愧冠幘

中江李崧霖原名特壽字夢蓮號簫樓幼倜儻不羈博極羣書才思過人每試展卷立就冠其曹偶歷任學使稱爲天才芸浦趙佩湘倍加器重有玉堂金馬之目詞賦詩文爭相傳工書善畫嘉慶丙子舉人著有三十樹梅花書屋集極爲可羨溪刺史所賞其詩大都喜馳騁好使議論微有努力貪多之病要其超出庸俗不可沒也壯年祖謝有子作鴉片烟詩云茶神酒仙呼不起三千年後出烟鬼烟

鬼燒烟如燒丹一日無丹鬼亦死又云曲室窈窕燈如豆
簾幕低垂人影瘦結云從來燒丹學神仙未見神仙食烟
火達子營途中遇雨云黑雲奔走如馬牛樹聲萬壑風颼
颼雨師未到先作勢斷截行人來馬頭山後山前無館驛
陰巖鬼嘯晝昏黑僕夫倉皇動愁色欲行不敢止不得須
臾飛雨來懸溜滿山口頃刻羊腸路烏有老蛟跳怒惡風
吼只恐人馬同時飛上天要挾風雷天上走拚身迸力十
里行遙望村庄投欲爭有如孤軍隘要冒鋒鏑得倚破壘
如長城吁嗟乎我行天下幾萬里行路之難未如此僮僕
嗷嗷怒不已我對一樽大歡喜君不見北方平地無冬水

卷六

一寸麥苗乾欲死

江太史國霖號小帆大竹人道光戊戌探花少年受知于
吾東孫東岳太守同邑王大令魯之甥也魯之兄弟以詩
名太史學有淵源天才亮拔舟車所至郵亭祠壁揮筆畱
題人爭傳誦夔州懷古萬山如環擁夔門曾護高光舊子
孫空仗老臣麾節鉞恨無餘力挽乾坤雲收八陣銷王氣
浪湧三巴洗淚痕莫向永安宮外望滿江風雪易黃昏八
里橋關壯繆廟在許州城外千戈滿眼陣如雲匹馬勞勞問使
君封盡黃金拋却印教人知是漢將軍早發靈寶過函谷
關馬蹄濺水聽潺湲驛火遙遙見故關一片荒雞啼北郭

四更殘月在西山亂峯回合天光小古堞參差石氣頑夜
半今無偷渡客田文去後少防閑風雲疊疊鬱嵯峨戰格
排空轉眼過馬首東來開紫氣虎牢西向捲黃河關山誰
設三秦險戈甲曾摧六國多近日丸泥俱不用玉門聞已
唱鏡歌

車錫侯邀與錦堂雲樵共飲錫侯自述宿山家詩云風色
入墟烟蕭颯送秋爽開門孤月明但聞山泉響又七絕云
桂楫蘭橈欸乃歌望郎不見離情多妾心一似長江水潮
去潮來柰爾何錫侯名申田山東海陽人己丑進士補定
遠縣知縣調宜賓豫工例捐陞員外

卷六

南溪令黃懋祺號巽甫學問淹雅嘗代題鹽茶道署廳事
聯云鎖日得長閒最有味時如水淡此官無別趣却宜多
處是詩清切鹽茶蘊藉高雅惜未刻而懸之劉玉坡先生
將於燕魯公所樓上作楹聯所擬皆不當意巽甫題云曲
應天上有人是日邊多深賞之以為確當今節相藏山先
生建武廟楹聯亦其所擬嘗竊擬一聯質之巽甫云正氣
嘗伸剛大塞乎天地聖人復起忠義本於春秋亦為所許
王春綬觀察陞山東都轉巽甫代鰲石先生作詞送之先
生云皆吾意中所欲言竟寫得出詞云回首前塵濟水城
南是吾舊遊想鈞突泉邊苔痕尚在鵲華山外月色仍留

一晌升沉幾年飄瞥贏得蕭蕭雪滿頭君到後問棲岩千
佛還憶吾不那堪重話前修是十載曹司共唱酬更濯錦
江邊團樂畫卷散花樓畔狼籍觥籌我正欲歸君偏先去
從此天涯兩地悠相逢處有家園水竹待駐牙驄

顧鳳藻號梧生長洲人署溫江令有雙桐書屋圖少年讀
書處也爲題七言長句同人亦多題咏梧生和章山甫梅
花雜咏憶梅云春風小別又年年何處重逢編袂仙月影
三更添好夢香魂一縷繞寒煙相思只自尋籬落消息還
應問水邊翠羽啾嘈但惆悵幾生修到悟前緣探梅云寂
寞疎籬與不賒香心淺逗水之涯春光報道林梢到疎影

卷六

廿

先看竹外斜踏雪且從橋畔覓尋芳不礙樹枝遮空山斷
岸無人過中有荒寒處士家

劉肇宴號曉巖中江拔貢生少年有雋才畫花卉疎縱饒
逸致詩筆奇肆以耽於色得啗血疾卒未見其止可惜也
爲黃梅樵題風雪運糧圖云奇峯插天寒雲裂玉龍橫堆
千丈雪層冰塞路朔風號猱夷恃險逞詭譎天討皇皇張
六師貔貅一掃黨羽滅士卒長驅入不毛萬里深虞餓饑
缺梅樵勒馬膽氣豪越山轉運忘險絕蠻烟四塞征途迷
性命幾難逃虎穴深泥滑催運難迅速兼程眾心悅危
難至此見孤忠圖畫聊爲寫英烈吁嗟乎男兒讀書重經

綸文章報國非豪傑眼前得失俱雲烟臣心自信堅如鐵
君不見馬革裹屍古英雄腐儒聞之都咋舌

荔支榮縣威遠皆有之今無惟合江及九姓土司尙存嘉
定府署中樹最大亦化劫灰樂山縣荔支灣一株最奇左
邊結子則右空右邊結子則左空每年互易不爽飽啖紅
荔色香新入蜀方知味絕倫却怪東坡貪口腹何須願作
嶺南人半邊多子半邊無本是同根氣忽殊待得盈虛原
遞代始知天運不偏枯

卷六

廿

初出者謂之荒沙用嫩桐桐葉裹置蠟樹其蟲卽出先藏
葉底生白霉數日白去蟲土隔年條臚列似針點積久生
白衣漸厚至七月伐其枝脫下蟲大如芝麻排若瓠犀以
竹簽刮取再熬成蠟我眉青神洪雅夾江多有之化機從
古妙難名動物還由植物生破殼紛紛千萬點如蠶食葉
不聞聲疑是雕成白玉脂畫堂銀燭影參差光明大放人
爭看誰識經營鍊液時

冬蟲夏草冬則蟲夏則草市中所驚但草耳根似頭末有
鬚似其尾也何形畢竟是真形爲草爲蟲化未停那似流
螢終滅沒春風原上不重青居然小草宿根存蠕動還能

返本原自有真機隨變化炎涼總不負天恩

雪蓮生雪中一莖無葉見即採之不可出語聞人聲
地中掘深亦不能得產綏靖屯地蓋靈氣所結云一枝
甚哀寒烟無葉偏呈豔色鮮不向雪中誇獨立誰知火裏
可栽蓮不出污泥出玉沙冰山雪海降瑤華聞聲入地無
尋處此是天生解語花

杪樞樹我眉有之蓋自西域來者雅州象耳岩亦有此花
明榮經縣令張維斗曾咏之觀其詩似春末開花紅紫淡
白不一詩云淡白殷紅欲扶層層片片醉春醕曼陀吐
艷雲霞麗優鉢分香夜月鋪好借邊鸞描卉筆巧揮天女

卷六

五

散花圖洛陽金谷饒脂粉誰信楊環塞下酥

木蓮花生我倉山谷狀似芙蓉香亦類之一云葉似辛彝
木幹花夏開枝條茂蔚不為園圃所時白樂天云生巴峽
山谷閒巴民亦呼黃心樹大者高五尺涉冬不凋身如青
陽有白文葉如桂厚大無脊花如蓮香色艷膩皆同獨房
葉有異四月初始開自開迨謝僅二十日又畫圖寄元微
之云花房膩似紅蓮朵艷色鮮如紫牡丹宋濂溪先生巴
嶽觀木蓮詩有云枝懸縞帶垂金彈瓣落蒼苔墜玉盃又
似是白花印僧云花坼時有聲如破竹既不肯植于園似
非所重惜未見黃山慈光寺有木蓮花開與水所生無二

乃明神宗太后從海外得來賜栽寺中宇內無兩蜀地所
有似不足與抗

張問行伯母病日夕為鬼揶揄鬼之情狀病者獨能聞聲
見形他人則渺然一日問行隨伯父入房問視聞鬼云三
元侯來矣速避之病者以告問行眾以為夢嚙而不之信
問行在房半日羣鬼不敢逼視問行退鬼撓之如初病者
告之再三乃與伯同臥寢門外羣鬼懼之遂不復為祟病
亦尋愈時問行方獵獵有聲文壇眾以三元相期許久之
以明經得三原知縣眾乃知鬼之所謂云

卷六

五

呂筠莊太守隨軍營登此蒸飯不熟輿夫頭岑岑不敢高
聲語語則風雹立至疑有怪物潛其間學使吳樹萱大相
嶺云太陰積霰鍾峨岷凌冰凍結窮岷垠日月蔽虧陰霧
黑竟使萬古無冬春我行乍與錦城別城南看遍臙脂雪
春雲如膩春波肥百花吹暖餽簫節到此天地忽閉藏手
捫星辰寒無光坑谷森邃炫深紫絕巘嶷嶷爭軒昂西南
屏障界幽阻鳥道風雲天尺許盤盤梯磴作螺旋十步九
顧瘖不語聞根到處聲喧脰懸岷百尺轟奔雷四圍霧瘴
霽如雨古木雲衣繡作苔山腰稍憩袞袞地冰柱簾端鏗
忽墜拓窗下瞰小關山白雲漫漫閣空翠拂鞭跨馬越層

巔招搖帝闕來羣仙罡風吹我衣裳冷手躡步怯扶欲顛
俄頃翻身入雲裏不信人間竟有此細棧凌兢廿四盤鱗
鱗板屋炊煙起陳登龍度二十四盤嶺古云蜀道難難於
上青天吾從蜀道來所見乃不然那知舊黎所有此廿四
盤崇峰插霄漢削壁立嶄峴互迴鑿崖磴轉上青螺環初
從山根起十步折一彎陡上陡紆折閒無五步寬譬如香
篆紋透迤嶠虎蟠又如登天梯修綆不可攀行人蟻緣柱
駢楚行躑躅乍看猱升木失笑魚緣竿驅駢我行邁取徑
力已殫盤盤為悉數由末尋其端或云七十折始可登於
巔或云百又八折折步履艱險途天所設界限分漢番經

卷六

五

營唐節度此地曾籌邊撓功無成功竟以羈縻安後來沿
故事中外嚴重關茲山成保障藉封一泥丸自從六詔降
西抵青海灣重譯通貢賦斯道人所便盤折雖云高可作
平平觀

健為令宋錦堂聯云官號親民版圖內與同憂樂登斯堂
也惻怛哀矜須知巧吏非良吏地稱名郡漢唐來代有英
賢居此土者磨礪砥礪莫謂今人遜古人新繁鄭方城縣
門聯云小民持牒而來向隸徒即先落膽三思何若田廬
之樂長吏分符以至與老稚無異屬毛一觸輒關夢寐之
情二堂云環竹為廬案上亦列圖書卓然四鄉之長栽花

滿縣徑閒更有松菊恬然五斗之官南充任太史瀚題清
泉寺云水國中孤峯倒影似青螺浮鏡雄劍插空此江山
天南第一烟霞外萬事忘機但短笛吹雲素琴彈月這漁
樵海內無雙余嘗擬燕魯公所聯云我輩好機緣歷秦關
經蜀道彬彬乎朋得西南依然是燕趙慷慨鄒魯文學今
日良宴會選巴舞徽飲歌雍雍焉人集少長且共看錦江
春色玉壘浮雲

卷六

六

劉泰三號硯農合州人博學工詩著有硯農詩草事母盡
孝主講雲峯書院二十年一夕見梅花命家人具卮酒題
句云吾生甘寂寞孤館又風烟老病山中臥梅花何燦然
擲筆而逝

郭上玉名銓以字行忠州貢生性狷介教授生徒作絕句
書懷云石磴高齋坐點書平居樂與古為徒人懷奇字休
相問吾廬不是子雲廬

獻賊屠蜀有異僧為賊所獲執縛梁閒繩忽自斷者三賊
奇之禮拜而去夜吐火自焚惟存隻履
劉芳皋潛温江籍居雙流縣九歲入古場題為競渡起云
水底之人呼不起舟中之人何太喜學使吳白華大加賞
識曰此子必為名士拔第一入泮吳壽庭學使決其必達
嘉慶丙辰果成進士入詞林改刑曹才極敏捷下筆如風

千言立就里居時他縣來一狂生睥睨一切適逢 萬壽
 縣中結彩棚求芳皋書聯者雲集謂狂生曰吾才短乞君
 分任狂生吮筆起草芳皋隨手書聯頃刻三十餘副狂生
 纔草十餘聯耳乃大歎服赴京畱別四首云東風惜別駐
 江干親友銜杯淚轉瀾去路豈如歸路好中年更比少年
 難三春辜負鶯花約一舸涵容覆載寬拋卻粉榆游賞地
 誰令索米向長安情話纏綿彼此同離懷難挽判西東船
 移春岸桃花水客散垂揚酒旆風數載家園憐社燕一腔
 心事托征鴻永豐橋畔新鶯囀似惜行蹤類轉蓬自疑鷗
 鷺是前身久與湖山締宿因好趁木蘭船兩漿難拋竹葉

卷六

七

酒千巡也知於世毫無補徒托空言大有人翻羨白蘋洲
 上叟綠楊深處坐垂綸總為飢驅不自如撩人情緒是鄉
 居貓頭笋發牆邊竹鴨脚葵添雨後蔬千里月明歸夢遠
 五湖人去暮烟虛故園春色誰為主橙樹成陰好寄書任
 廣西鬱林州刺史乃弟止唐沅理學湛深著有五經恆解
 大洞經註諸書不下十餘種淡于仕宦部銓知縣不就昆
 仲志趣不同如是

緝雲山相思巖產紅豆樹高數丈實如豆色正赤名相思
 子又產相思竹形如桃釵又有相思鳥羽毛綺麗巢竹樹
 間食宿飛鳴雌雄相應籠其一則一隨之豈山靈孕秀鍾

此情物歟緝雲山畔起重岡紅豆花開葉亦香解識春風
 無限恨相思百斛總難量思字古韻平仄通用綠染斑痕嫩枝深
 宵烟雨淚空垂何來比翼翩翩鳥藉報平安不忍離山在
 巴縣

忠孝傳家最為鄉里增重余署榮昌時聞邑中有明兵部
 侍郎劉時俊墓並故宅基在焉時俊于奢逆據重慶收復
 有功其子泌與妻朱氏皆工詩明亡泌起兵復滇黔官巡
 撫後隨永明走緬至永昌病卒于彌勒寺時我朝定鼎已
 久矣其子善復于康熙二年扶柩歸里作七古長歌代哭
 嗚咽淋漓可作祭文可作志傳不知是淚是血也天心鼎

卷六

七

革莫非數烈士昧天不復顧忠魂縹緲跨箕尾孤子徒知
 風木慕木欲靜時風尚拂父喪子存惟慟哭九京飲恨莫
 可言今日陳詞應代謫憶昔治平忽變亂四海生靈受塗
 炭中原久矣嘆陸沉僅餘東南山一半大厦既傾木怎支
 滇黔分據自乖違犯關偽秦昧大計致教覆敗奔燕畿燕
 畿人操田父略勝奕了了待時着貔貅百萬盡南侵悍將
 猶鬻封賞薄置酒高歌疎外闕長驅如入無人境羽書壘
 雪自黔來大帥昏迷終不憐千里黔疆已他屬癡愚更欲
 鍊奇術四方鐵騎薄滇雲滇雲始見征旗出對壘安龍兵
 乍交棄鼓拋旗解戰袍平白許襄革士此日陣前風鶴

逃臣主倉皇難守禦蒙塵外國作退避吾父策蹇矢從龍
道染沉痾願莫遂攀髯不及伏深山望南不禁淚湧泉背
城有約知難踐丹忱獨戴漢家天飄笠蕭蕭跋涉多郵亭
處處動悲歌回首山川難指示爲道曾隨翠輦過途中計
日近昆明毳幃在在聚紅纓極目平原景漸惡耳畔詩聞
笳鼓聲父聞笳鼓益悲憤漢宮今已歸異姓許身殉國恥
猶生五內分崩病益甚疾在膏肓徒瞑眩起死回生父不
羨昇疾瀕池誰氏依孤臣僑寓彌勒殿經略曾與王父交
耳目偏知僧舍蕭慙勤醫藥爲調治五倫獨將友誼昭父
已堅心幸速亡食不殮兮藥不嘗臨終語不及家事南向

卷六

九

衣冠返帝鄉天愁慘兮月光昧雲靄變兮晝欲晦風慄冽
兮水波橫烏散亂兮聲難礙造化固將烈士憐孤子身如
萬仞懸豈惜相從泉壤下獨遺靈櫬賴誰還黔南有母幼
有弟父子繼亡愈顛顛歸靈教弟責匪輕視息苟存誠可
愧終天抱恨血繼泣天外白虹應貫日此際蕭寺倍悽愴
來宵知傍誰家室罪戾子身當寸磔慘哉國亡父當厄萬
里關山將起行謹向先靈酌醴液經略指洪承疇
樂至井市鎮聖燈寺古鐵佛寺也範尊像三不詳時代嘉
慶五年參贊德繼勇侯追戮教匪至土橋舖羣盜蜂屯關
持未決突見三丈夫鐵面金光長十尺有倍揮手攫賊拉

摺如磔寇驚北官軍從之所到破碎頃黑人躡虛而飛蓋
神旗天輝妖亂就殄百靈協期貞符然也侯心異命裨將
尾及寺不見

我肩朱世重號石亭八歲入泮下筆千言立就十五歲著
作盈尺有不可一世之概少年登賢書春闈不第抑鬱滿
腹好酒耽色遂至雙瞽幽憂咤僚而卒卒時年方二十餘
耳弓菱溪刺史最愛其才聞其歿急遣人搜其詩文集將
爲付梓未幾菱溪亦歿宦囊蕭然弓嵩保菱溪長子以進
士分發江西今歲方補縣缺未知石亭之稿曾帶去否石
亭未免恃才而狂可惜也

卷六

十

堯濬號溶川溫江人父峻亭茂德爲廣東番禺令歿於官
囊無餘資有書數千卷載三船歸沉其一於水溶川年方
十五奮志讀書過目終身不忘每讀一書畢卽售於人讀
竟書亦鬻盡悉藏腹笥中矣近時蜀中博雅之士推陳卯
生與溶川耳惜老於歲貢今猶舌耕於外作詩及雜著甚
多弟東郎題其集云放眼古今小淋漓大筆橫乾坤老秋
色風雨走雞聲看劍心原壯悲歌氣未平茫茫空四海惟
有弟知兄

伍燕堂紹曾粵人遊蜀家綦江夙以文學著名道光壬寅
年八十矣作自壽詩云兩繪流觴曲水圖癸未寫流觴曲水小照丁酉另

册作一故吾相對感今吾遺經盡付桐孫讀強步纜資竹杖
扶垂老又添新歲月健忘難進好工夫笑聽朋輩殷勤問
問我曾周甲子無燕堂年雖高而見者觀其丰采疑為五
六十歲人又句云過去艱難猶歷歷老來情趣總超超守
拙方知隨處通捫心終覺寡尤難其胸懷超曠而時自檢
束俱可想見平居課三子俱成立濬祥號瓊甫丙申進士
輔祥號漢平癸巳進士均現任主事奎祥號偉東己亥孝
廉

直隸張彩峯為山西典史告歸子炳以吏目分發來川迎
養省寓與吾鄉前任金堂令梁石民士俊結姻暇日談讌

卷六

七

述其歸里時同鄉雲公名麟者為漢中守舊同寅也以七
律四首贈行琅琅誦之云巍然又失魯靈光數遍晨星劇
可傷在關中二十年蘭舟 慙直何人知汲黯窮愁今日老
馮唐桃花春水情難盡蓴菜秋風味最長臨別莫垂兒女
淚快心第一是還鄉完名全節去翛然梅尉雖卑也是仙
七十乞身猶矍鑠三千歸路任蹢躅趨庭尚有能詩子傾
橐曾無作孽錢檢點朱家豪俠氣自怡情性自延年君性
聞不平事輒怒以足招尤且宦局如冰冷莫支憶共蘭楫
以致疾臨別贈言聊當草佩剛直
在天池余命白河古天池地 貧能潔已心同勵熱不因人
志豈卑黃鶴乘雲君欲去飛鳥繞樹我何之慈親八十一

留則素餐見君雪泥鴻爪從頭說可記烹魚酌酒時成貧
去為之憮然不能具酌君適惠 雙鱗因酌酒歡笑廿載交如蘭蕙薰鄉思况更接榆粉一
尊白酒傾離緒萬疊青山又夕曛誰向西窗同聽雨我隨
東野願為雲何時得遂歸休志布韞芒鞋獨訪君

史彬洵號硯溪山東樂陵人嘉慶庚午舉人補榮經縣令
前典試四川史松軒評之族也以病乞休咏韓貞女云燕
南楚北三千里鳳隻鸞孤四十年一意孤行石不轉人間
貞孝一時全

卷六

七

吳乃鏞號劍溪世居中江以綿州籍入學嘉慶庚午舉人
鏞幼端謹醇正為諸生時嘗館一富家夜半主人妾私奔
之鏞語以大義且曰爾一念差果速改仍好人也妾愧悔
而去翼日解館歸不與人言次年元旦起盥見盆中有朱
衣人持紗帽侍心識為佳兆是秋果登賢書後十餘年卒
先數日謂家人曰有檄至迎我作官俟某日吾赴任矣家
人不知所謂屆期果遽逝
姜兆璜號漁生新繁人乙酉拔貢才氣豪放善吹笛工南
曲詩筆敏捷一時無兩讀書錦江書院日與朋好飲酒笛
聲歌聲喧呼聲達舍外山長愛其才不禁每試前列貢入
京孤身騎馬無僕從腰閒橫笛插筆過旅店輒留題與至
馬上吹笛或高歌旁若無人丙戌在都七夕同人雅集口

占贈詩他人代書筆不能給寫畢各體俱備無須敲酌洵
奇才也七古云英雄不可以駕馭有如鸞翔龍鳳翥風雲
會合知何時眼前得失無容慮黃金臺上尋同心喜我五
人名外著天生篁村多傲骨恥干公卿自驕倨文章典重
古鼎彝品高那屑玉堂署禘侯書聖超時賢遠比鍾王豈
輕譽吾師梅梁深器之命寫宣公從祀疏襟懷瀟灑何蓉
生足底仙風冷然御小遊花月菊人家情根漫說沾泥絮
翩翩公子楊朗山駿馬飛騰鞞獨據投壺雅歌文武才坦
白心胸無猶豫笑我生平氣頗豪大半江山與酒助醉向
旗亭肆狂吟腰纏幾許都揮去今朝客底換鷄裘開筵我

卷六

七

輩還箕踞旁人搔手仰青天正是奎垣星聚處贈菊人云
金臺豪飲夜銀漢早涼秋冰盃陳瓜果晶簾挂蒜鉤龍脚
紅燭照螢散碧星流坐月桃笙冷眠雲紙帳稠分箋招菊
部合拍唱蓮謳舞學霓裳雅音諧鳳管幽芬芳調粉手婉
轉貫珠喉態弱雙鬢自情多半臂留飛花開綺席行令酌
瓊甌射覆心思敏彈詞拊戰休筆停頻勸飲酒熟共忘愁
添箭催銅漏傳觴數海籌瘦腰郎姓沈遠志客依劉玉樹
聽新調青衫話舊遊會題鸚鵡賦更典鷓鴣裘樂向閒中
覓名從謗後收無顏誇市駿有恨問牽牛錦字經年織機
絲永夕抽七襄前度許一會幾生修寂寞看孤影蕭條望

兩眸人間相憶否天上可知不那復驚風浪原非阻石尤
迢迢河易渡渺渺願終酬來去橋邊路因緣水面漚紅塵
小兒女繡閣重衾裯潛步空階拜偷聆暗語羞深宵看駕
鵲獨宿悔封侯我豈離家慣誰甘按劍投尾偏慚附驥車
枉過鳴騶鼠璞嗤周賈衣冠似楚優登場提傀儡入世跳
獼猴技伴東山輩才憐白石倚閒身羈別館短鬢倚歌樓
夢化旗亭蝶書成畫壁虬清聲吹竹笛小引譜篴篥顧盼
垂青久牢騷太白浮鱸魚思故國蠅虎想梁州萬貫還騎
鶴三江又泛鷗飄飄仙界侶瀟灑醉鄉侯仔細敲詩眼玲
瓏寫扇頭倉卒成四十韻對待工措詞雅可謂能人所難

卷六

七

會共五人因在七夕畫扇作巧會圖蓋素工繪事也餘不
具錄後竟不達落拓以終卒於前年癸卯
蜀中女史國朝馬士琪韞雪落花十五首雁字十首才調
富有生平遺失焚棄者不可數計真女中之英矣張船山
女兄弟皆能詩林夫人宋慧殊娣姒亦工詩可謂一門之
盛近日陽湖趙雲卿書卿韻卿隨宦來川與諸女伴結吟
社郵筒往來亦韻事也秋夜詩朱希蘊句云蟲聲四壁聽
如雨小閣挑燈夜未殘趙雲卿云六扇紗窗夜月明橫斜
畫出秋花影顧琳云空階落葉無人掃一夜秋聲到枕邊
趙書卿云清夜夢回天籟寂一聲蕉雨一聲秋賞菊會宏

蓮云興好不妨同醉酒人高何必復登臺張雲霞云若井陶令無人識除却嫦娥少客來更以小詞唱酬視追隨袁簡齋之門才雖不逮較為佳話

每縣喜列八景綴以詩景或攝湊詩亦備數甚無取焉而藉此遊戲為詩似莊似謔別有風趣又可喜也陶淑李保

寧歲貢康熙時任忠州學正禹居蕭寺有八景詩門外苔青少客來空庭鳥雀不加猜摩挲十笏渾無事睡眠常因

一卷開書滿汲古何人此道傳於今鋤得好清泉逍遙那更容機智手自栽蔬灌溉便井冷官况味媿神仙贏得清閒無事眠雨過園林桃李靜風波不到泮池邊撮土不關

卷六

五

栽竹與時花檢點時新菜與瓜莫笑樊遲心近利比他梁

肉較清嘉學為早歲燒鉛合大丹至今猶未上仙壇老來學得新方法曬到鴻文仔細看曉書鄉關層疊白雲封萬

里奔濤向海宗壯志消磨深未盡中流多少變魚龍望江聞從止水悟天機清淺悠然也得肥若謂沮洳無足樂問

魚方信我其非池魚樂稜稜高矗象朝天巧匠終輸造物鐫莫笑南宮稽首拜側持手版玉皇前圭山

桃花魚白如冰雪一名冰雪魚桃花盛開時魚頂骨有紅一點如桃花瓣桃花落盡則無出梁山縣桃花洞口小溪

中嘉定府樂山縣亦云有此魚流霞片片耀西東幾隊游

魚碧浪中鱗似雪花冰是骨春風點額小桃紅清溪疑是武陵津萬點紅浮鏡裏春春盡落花流水遠依然冰雪認前身忠州熊文櫻桃花魚記云魚形五出色近淡墨有似花蕊者其足也生於社日前後桃花開時逐隊而出夏即化去土人以其形似桃花故名似又別一種

重口魚上下兩口似呂字出雅河燕來則來燕去亦去大者重二三斤夷人不解食取而烹之肥美異諸魚口多仍笑一身孤能把西江吸盡無食指幾人先欲動傳來還勝四腮鱸蠻兒未許識珍羞燕子來時結網求料得深山無甲子全憑飛躍記春秋

卷六

美

嘉州墨魚出大江爾雅臺下傳郭璞在此注爾雅魚吞墨瀟所化璞未嘗至蜀其為附會無疑第其魚甚美巴縣龍兩蒼為霖有詩云嘉州有嘉魚鱗排點漆龍身燕尾長雙鬢并鐵直二月天氣和春風鼓百蟄倔強立泥沙矯如樹黑幟市之羅縷膾芳鮮妙無匹夙聞箋蟲魚墨瀟如點滴吞之遂潛化如蝕神仙跡郭公固多奇此語難窮極獨怪鎮江鱗跳網若銀色千里走京華歲共上方食斯物寧不貴何為故鄉擲悠悠世間人尙元不如白雨蒼廣東潮州知府

拙魚出彭縣西北七十里小魚洞其源有山名琅岐空中

深邃莫測卽瀾濛水也中多細鱗魚極脆美每風雷將雨
銜接而出得其首出者續取以千百計大者徑二尺餘首
出者驚脫則餘不復出土人謂之拙魚山半風雲湧怒雷
相銜入網那知迴源深疑接銀河水不向天孫乞巧來此
魚與山羊羣隨爲首者相似

脆魚最肥美楊升菴云俗名水底羊王西躔詩云霧淞簇
林團雪花綠波漲暖春無涯真濛寶鏡朝未洗殺紋細逐
吞風斜潛鱗乘霧恣游泳不受鉤餌况長又千絲翠網絮
坵側肥羊出水交紛孳生平愛魚勝熊掌竭來正喜隣漁
家長腰米白早韭綠滿甌飽啖隨朝衙鱗鱗鯉不足數

卷六

七

異種艷聽居人誇老饕臨淵慰夙願筠筐提到羣聲譁細
鱗密蹙香難別圓睛巨口開呀呀嶙然大腹濶如斗潔期
白玉無纖瑕鯨鯢比似體差小白河豚號良非夸進腴獻
腹古有訓升庵鄉味精無差真州文潛設嘉會河豚假出
四座嗟苦無脂腴西施乳官伎酷論橫交加我今得此意
良足桃花醋趁紅薑芽長瓢短箸集朋好百壺有酒無嫌
餘

白甲魚似鯉白鱗出昭化梭溪魚洞中或謂卽丙穴之類
益州記謂嘉魚似鯉而鱗細如鱗而肉肥大者五六斤出
丙穴二月隨水出穴九月逆水入穴按丙穴魚雅州有之

曹掄彬咏之云賈海鯨鯢未是奇平羗丙穴毓名鱗春風
暖送桃花浪夏雨波翻孕子鱗香餌不教吞釣叟深淵應
許如鷓鴣饒他法網頻加密自有山靈巧護持

虎魚出瀘定橋巨口細鱗肉白而肥鮮美無細骨小者亦
重數十觔性食魚羣魚畏之如虎王西躔詩云瀘江岸潤
飛蘆花瀘江水冷波橫斜潭深水碧不見底中有魴鯉鱈
鱔鯊鱸廳城中水穿郭西流東注交紛孳水急如飛石如
轉但見白浪排黃沙纖鱗無處寄游泳臨淵欲羨空咨嗟
瀘橋主人走健脚筠筐翠重寒蘆遮鬣倒拳鱗甲蹙金
光閃爍欺雲霞怪底連朝食指動老饕狂喜心如麻爲言

卷六

黃

此魚鍾育異江湖騰掣爭驚誇衝波力大健於虎橫噬水
族長專車巨骨中挺絕旁出肥腴鮮白羞豚豕昨宵巨鉤
餽香餌長繩受困辭長又廚丁磨刀聲霍霍袒裼奮臂精
神加清泉清澈活火活水晶鹽逐瓊薑芽我家夙傍雙溪
許網師漁戶叢蒹葭四鰓鱸魚不足數秋風鄉思渾無涯
蜀江水漲百川灌難逢蜃蟹稀螺蝦錦江有鯉未把釣欲
問丙穴長途賒何意堆盤競飽啖列座驚嘆交紛諱酪漿
却走腥羶辟直教羈客歡忘家

蜀中有駕舟養鷓鴣捕魚者色黑說者以爲杜詩家家養
烏鬼卽此但水際倘有以是爲業非家家養之其說未確

也更有水猫捕魚水猫形如鼠頭如猫尾大寬數寸大者重八九觔小者三四觔邊地漁者畜之造竹筏往來山河捕魚飼猫於筏以織索綫之猫即熟睡醒時以魚切肉方寸擲一二塊啗之復臥其用之捕魚也解索下水須臾負魚而出小者數寸大者等身無或遺焉其入水也為時或从漁人作號呼之應聲即起更於筏前下網密布猫逐魚得網不致遠逸循網登筏亦併助其力也每得一魚上筏漁者取魚另擲魚肉一二塊猫即置魚而啗肉食畢復令下捕若無魚則猫不肯下水仍以索繫之復熟睡

卷六

无

卷六

无

齊河洛關陝之郊俯仰慷慨身世坎坷而志氣不衰咏菊云不藉春風也自開孤標原不染塵埃荒畦月冷蛩聲咽老圃霜寒雁影來為有清心甘寂寞獨遲芳信漫疑猜頻年我亦同花瘦且就東籬倒玉杯潦倒諸生清况可想來遊榮署一病不起詩多散軼矣附錄於此以存其概章紉香晚少時學幕在制府署蔣礪堂先生稱之云非徒名幕亦名士也現館臬署好為詩遊歷邊徼詩境愈奇略錄記數首積硤擁空翠飛泉下林端松溪石瀨響雪竇山風寒未知途路遠祇覺瓊裘單高枕構積慮終夜喧狂瀾前行更陟險何處堪加餐且欲將進酒莫悲行路難宿黃

入山山轉高勢落羊腸惡虬松故紆迴怪石紛盤錯仰訝天柱傾頽疑鬼斧削日光墜底曜雲影衣邊落膽氣誰能強脚力石邊弱冰雪乘窈窕風煙走冥漠徒自夢三山未能遊五嶽迴車心事微叱馭功名薄危巖競軒舉曉霧方闕廓重經魑魅堡衽褐仍索莫川天險不可升筮爻利大壯飛閣倚絕壁連山屹相向雲水似隔關陰晴各殊狀蜿蜒劇鬥爭突兀空依傍心雖雄萬夫到此終悲愴莫倚崇墉匪竟作綸竿放徠遠有常經百蠻膽應爽詎知中乾徒匡坐誇神王遂令狐與鼠負嶠力不讓虛傳玉斧畫歷落空巖嶂今古兩茫茫往來獨惆悵天險丁濟南號小峯其先西域人占籍成都出身行伍以功至山西平垣營遊擊體貌魁梧美鬚髯談笑風流見者不知其起自卒伍也能為詩有問花軒詩草洪芝塘為作序俄洛秋日遠眺云藤杖登臨處山河入望幽風清聞牧笛水靜響漁舟暗谷生紅樹寒江漾碧流飛來何處雪吹滿戍人頭春遊云紅塵吹過處一望草如茵竹樹千村靄江山萬里春尋花香引路傍柳綠侵人乘興歸來晚前川月似銀資州夜行用題壁蘭恬韻午夜策霜風雲陰佈碧空霧濃千嶂黑月暗一燈紅竹樹濛濛裡人家隱隱中故鄉何處是羸馬厭西東歸田即事云喚醒梅花夢春光遠做廬

鳥聲盈耳碎日影上階徐就甕嘗新釀煨燼煮活魚妻孥
容我傲箕踞笑談餘小葺三閒屋安居頗自如閒身磨歲
月清夢繞庭除卽事哦新句隨時讀舊書北窗高臥處八
與世情疎野雀無拘束閒雲任去留不勞嚴武訪嘗作鑑
湖遊載酒東皋暮談詩北郭秋低徊思往昔客路未停騶
素有林泉癖於今願始酬泌衡添勝事木石結良儔閒與
兒童聚時偕野老遊澹懷隨處適來往浣溪頭
葛溶號晴帆溫江諸生好爲詩有集數卷咏岳忠武有句
云最忍相臣夫婦計誰憐天子父兄仇造語頗新不着岳
王痛惜之意自見言外

卷六

三

涪州向深女幼從其父授列女傳稍長學爲古文尤喜諷
誦古忠臣烈婦事嘉慶戊寅九月二十一日生乙未九月
年十八歸如義義本農家子幼失恃向孝事舅姑尤能得
繼母懽心農事少暇每勸其夫讀書通大義道光丙申七
月如義以暴疾卒姑憐其少勸令改適氏以死誓翁嘉其
志使自守癸卯其翁病篤氏割股和藥以進卒不起有喻
以無怙無嗣者氏傷之作絕命詞十首自序曰妾涪陵向
氏女也嫁夫巴邑王氏長郎未及一年倏焉卽世昨年不
幸翁又病亡一家孤弱熒熒無恃朝夕相對只令人悲增
切怛耳近有無知之輩以不入耳之言來相勸勉俯思衣

食爭小名節事大欲全名節惟有身赴東流葬魚腹中但
孀姑在堂羣季尙幼身死不明未免遺累冷夜掩淚題絕
命詞十首藏諸笥中他日燒燭檢閱妾之死旣明妾之姑
無累也噫分書數紙一藏笥中一護油紙藏衣襟中乃於
癸卯三月朔五日潛至本里溪河荷花灘粘一紙於橋頭
神壁置新履石上屢傍粘名節江中見五字已刻投水死
逾時屍卽浮起其父向深初七日午刻始到檢其周身衣
履悉密綴麻線髻後繫白麻一絡死已三日顏色如生失
聲一哭溪中風起漩作大盤渦有掌大白蛾飛浮渦際投
以焚帛旋見赤鯉一雙各長尺許踊躍翔泳啖食波間溪
故積水清可見底平日並無浪與魚也夾岸聚觀數十百
人有泣下者詞曰一從宴爾效于飛心繫王郎不忍歸荆
布釵裙寒士女豈忘敬戒與無違幼讀詩書雖不多也知
東作與南訛蒸梨炊黍三更續敢怨微軀受折磨屈指于
歸未一年兒夫倏爾喪黃泉耕田供職緣何罪妾欲焚香
一問天躑躅長號呼不應梁摧棟折地天崩捉刀割股尋
常事這樣恩情得未曾無端婦口勸諄諄憐我如嬌廿五
春回首當年花燭夜何心再覓畫眉人薄澣我衣省我親
阿娘亦勸再聯姻栢舟原在中河內母也天乎不諒人夫
淚未乾翁繼之一家孤弱情誰持閒來拍讀安仁賦恐惹

卷六

三

孀姑老淚垂吾家西弟宜艱辛能愿艱辛自不貧創業守成誰個事須知嫂是未亡人阿翁服制未週年又別孀姑各一天此是兒家心恨處披麻一絡報黃泉拜祝高堂不必憂兒魂常在此山頭明朝一夕成千古江上峯青姓字畱死在初五日詩成於初四日是日夜半綦江吳姓扶乩關帝下壇題詩十首眾不解請問 帝君曰可持詩向巴縣温塘花灘溪上王姓家查訪吳於初七日至王氏家婦屍方獲停柩未殮出詩質之眾方疑訝檢篋中得詩與帝君詩同韻始知神已嘉其節而和之矣和詩有云多少鬚眉懷齷齪憐他巾幗不欺天又云黑水梁州車迹遍花

卷六

七

灘溪上得完人又云採得涪陵香一瓣坤維正氣喜長垂餘不及錄

樂山烈婦魏氏幼字李鐵匠之子隣居相近五歲同入塾讀書氏聰慧解文義及嫁針線旁恆置書卷暇輒吟諷年十九而夫亡矢志守節以鰥翁同居不便歸母家母亦亡父故兵也無子且老每對之流涕曰汝無依而吾將就木異日汝以少年孀婦不知漂泊作何究竟吾死不瞑目女揣父意欲其有所歸也佯言曰惟父命是聽父喜爲之議婚氏端麗温惠遠邇夙知爭納采焉父許吳某命氏自書庚帖嫁有日矣告父市祭品別夫墓肩輿而往至觀音灘

江水險絕處也謂與夫曰吾近處有親欲往視爾以與先歸且拔銀簪投之曰與吾父父無錢或以此償值也父見簪心動知有他變急往氏已投江矣岸旁遺故衣一片髮一縷蓋恐尸順水下畱以遺父也撈數日不獲鳴諸官時綦江令毛君梧生輝鳳攝縣事祭江禱於神翼日得於下流十餘日貌如生衣褲密密縫紉毛君爲立廟置碑請旌於朝予晤毛君於將軍署細詢其事毛君又云氏爲夫位於室置香爐父將祭女揭爐得詩二首有他年華表歸來之語蓋死志早決矣氏與夫同歲生死時年二十三道光二十年三月間

卷六

七

榮縣土主廟祀龐靖侯兼有夫人像配享像忽剝落僧將募資裝彩侯示夢曰夫人落水死當更塑新者明日像無故自仆後數里外趙氏女偶與嫂入廟諦視侯像問嫂曰神像甚佳何無配嫂戲之曰前夫人死未娶我爲汝媒嫁之何如女夜夢侯曰嫂許汝嫁我某日當相迎至期女謂人曰彩輿已及門矣語畢坐椅上氣絕迨塑新夫人像成與女無異靖侯何爲祀於榮且爲之配更屬無稽乃竟駭俗若此戲作竹枝詞云無端廟祀太荒唐絃續居然耀佩璫爲想村巫歌舞日迎神先奏風求風齊名諸葛亦雄哉偉抱原非百里才當日臥龍原自誤黃家醜女也迎來記

詩聊供一祭

灌縣有楊妃池父元炎為州司戶生妃幼墮此池妃茂州人實非生於茂州也入水明珠光照池先教玉液洗凝脂海棠未破東風軟可似華清出浴時莫訝靈池走一回仙人原自出蓬萊新粧未着凌波鞵誰識唐家禍水來花蕊夫人故宅亦在灌縣是一地產兩絕色也絕代佳人不易生可憐傾國與傾城海棠委地香銷歇誰道名花又向榮簪花妙格墨流香百首新詞獨擅長不似玉環才調減寫經專媚李三郎妃寫經藏寺自署善女楊氏為李三郎寫字極妍麗宋時檢官書故紙中得花蕊夫人宮詞字體亦妍

卷六

美

漁洋愛顧符種畫棧道圖壬子使蜀以為先兆畫棧道為屏在山東者有四未知相同否嘗見其一青綠山水皴法不盡師古人筆老氣橫名下無虛其間千巖萬壑烟雲出沒棧路一線縈紆騎者輿者負者徒者隱現於木末山腰中一幅為精神結聚處數道水滙為飛瀑懸流直下勢若數百丈轟落大川上則飛空架板亂木楮柱似石滑水急行者惴惴下復有路在岸邊過客行遠猶回首指顧作驚咤狀當時以為安得身歷其境獲此巨觀捧檄來蜀行過寶鷄即日盼望及至成都無有也五丁新紅諸峽外奇詭者不多觀鳳嶺鷄頭特高峻無他奇也乃知顧畫亦張騫

之鑿空耳及涉歷各縣往往於荒山僻徑無意中得奇險幽秀之境回視棧道猶坦途亂峯雜沓童童可厭攝篆興文時將至境沿小溪而上水清石瘦覺其有異過梅橋二三十里平地兩峯轟起不甚高而峭削秀拔石骨青蒼斧劈刀割周山無寸土石隙生小松離山數十步或五六十步巨石磊落如屋如象負態爭奇皆貴家園亭不易得者忽突兀平田有石約高三四丈橫看似臥側看似立又數里遠視有玲瓏剔透者以為山則小以為石又甚巨也陰雨路滑匆匆舍去他日以事復經其地近而視之玲瓏剔透者大於數間屋老松倒垂凹凸皴裂不可名狀有人屋

卷六

美

其下方斧石燒灰又觀突兀平田者橫長五六丈高半之渾然一石環者如抱關者如門陡者如峯垂者如蓮獅口象鼻夜叉面孔森然俱備大勢橫展作屏風狀問其名曰女兒石也問前兩峯曰碧蓮山也均不愧其名名之者似非無識設工畫者寫其貌雖無雄奇亦娟秀可喜然而去道傍咫尺行人如織無稱道者官於斯土不一人亦從未至者更不知其幾矣乃知天下多虛以悅人人亦從而稱道之如顧畫之棧道圖是已及實遇可喜反掉臂不顧不可解也交卸興文女兒石亦有椎碎為灰者非五日京兆

所能禁又不徒無人稱道而已二山屬江安

蜀之嚴道舊銅山也其他採銅之處亦多商賈及土人有能識礦苗者礦苗既現攻之入山仍需二三十丈或一二百丈然後得礦是為礮礮礮既得然後招募炭窰等戶建設爐房箱甄以為煎煉之具當時油米食物無一不賤山林樹木隨處燒炭故資本少而獲利多攻採煎煉又各視其人如甲與乙同赴一山礮礮相望甲所獲或數倍乙所獲無幾或同一礮共一爐遇甲煎銅每爐或多至四五十觔遇乙則又少至四五十觔自厥衰之後油米食物無不騰貴山林樹木各有地主炭窰日遠供送不易煎煉愈

卷六

三

難銅廠衰憊攻採愈艱百姓開墾既眾深山老林率歸糧業居民往往霸距山林與廠民互相構釁故採銅甚不易言也嘗見陸元鉉銅山行云惟金三品一曰銅四百六十山崇嶺南番色青滇色白出蜀者赤光熊熊辦銅官廢許民采爭思驅石煩神工靈苗既得寶氣出產銅處每怯膽先有銅苗變勇生歡掠廣招砂丁逾萬指入山采銅者謂之砂丁但有少壯無者童踐蛇衝虎莽呼喝山鬼彳亍逃無蹤初猶登登事鋤鋪片片削落青芙蓉披荒鑿險漸幽峭沈沈漂黑成窪窪取精在骨不在肉不入其穴難為功瓦燈熒熒承以頂轆轤繩達泉三重螺旋蟻折窮而曲踏著即是稜稜峯千按

萬索日劊削菁華漸竭根虛空書然崩奔石怒落疾雷破壁驚魂從有時潛蛟忽起舞失脚遽逐奔流衝亦有毒淫積肝膈出竇便已無人容罡風一吹頓僵仆窮山乾死隨飛蓬以身試險險難測性命往往輕沙蟲我聞叩符古荒土作息今已多耕農爾食爾力樂終歲何為入坎忘終凶利市三倍已太苦况有大賈專其雄山靈呵護物力足滿坑滿谷高垣墉厚輪大郭裕鼓鑄贏餘例給商流通公然捆載出關市作姦那免無欺蒙長江鼓權達吳楚利與鹽鐵同豐隆牙籌算密日益富拍張欲傲多牛翁可憐砂丁出死力赤手依舊為人傭人生豐膏要有數神不福汝徒

卷六

三

仲仲紫標紅榜亦易散荷頓或與黔婁同不見黃頭郎嘗為漢大中銅山不救飢時窮自裏塘以西山有出金銀礦者夜現火光如星晝有白雲圍山腰喇嘛僧以為彼教風水所係約束土司以死守之有採取者抉雙目或斷腕唐人詩云不貪夜識金銀氣此閒寶氣有目共覩而獨置諸外夷華人不敢覬覦造物之意未易測也江水兩岸積沙沙中有麩金居民無業者淘金鬻之掘沙成堆或連日不得一星但希冀萬一終歲所獲僅足謀食無以此致富者作淘金行洪鑪鑄財作名臣郭家金穴勢

絕倫世人皆慕黃金貴誰識淘金最苦辛朝在沙灘暮在水濱衣不掩骭頭不冠巾水落天寒風淒緊赤脚踏石肉盡皴竹飾飾沙沙成嶺點金不見愁眉顰家口嗷嗷久待哺望眼欲穿祈鬼神嗟嗟爾不敢白晝攫市上又不能昏夜乞貴人業此賤役勞且苦安貧食力真良民豪家一釵值百萬縷金作裙照眼新造物豈不仁夙生諒有因安得東海盡揚塵沙礫變金鋪地勻四民歡樂無吟呻共祝吾皇千萬春

卷六

素

西南蠻荒高山夾峙急流洄湧不可駕舟又難立橋於兩岸高處各植二巨柱低處亦各植二巨柱此岸高處之柱與彼岸低處之柱懸一鐵索索外套五六尺長巨竹筒用牛革生漆裹護上繫細索其端繫高處柱杪值文報緊急民夷往來縛於竹筒以索放之乘勢直下捷於飛鳥此製惟天全州多有孫瘦石有詩云峭壁隔長江一繩巨波架斷續山風吹側足弗敢下疊石驚濤喧滔滔日東瀉侵曉見諸番徒侶遞相迂雙木合并圍束縛及腰胯正擬魚綠竿忽作矢脫弣孃如猱升木連臂枝上挂恍疑肉飛仙凌空肅雲駕人閒行路難及此真可訝訖然起蠻歌啁啾雜悲咤

趙竹菴從軍日記云在峩邊畱辦善後築堡卡夫役入山

伐木一人爲蛇吞去帳外多虎跡六月圍爐披裘又峩邊銷夏贅筆云南山中蚯蚓粗如臂長如蛇初晴雨溼吐五色氣成雲中之立斃蜈蚣之大長尺餘採木者見林有蛇四足行甚速夷犬身小而健遇野獸奮不顧身虎豹亦避之偶炊飯聞異香撲鼻視薪得香楠木花紋甚細色純紫惜爲斧析飯亦香美異常有峩邊戎馬圖爲題七律云袴褶匆匆作急裝橫腰長劍氣軒昂身經戎馬胸懷壯詩入邊山格律蒼瘴雨蠻烟供吐納成樓烽火費周防當時送客無王粲補賦從軍第一章

卷六

學

鍾文彬號筠軒山東諸城人丙子孝廉初補蒲江現任廣安州寄楊纈亭詩云愁多麴伯亦無靈旅邸更深戶半扃春事偏隨人慘淡壯懷已逐鬢零星鄉思萬里談何易宦味十年苦備經落莫心情長夜雨一聲聲向枕邊聽生同梓里宦同寅知己天涯賴有君蘭氣郁芬情最久琴聲疎越淡彌真不隨世眼分青白時向良宵話苦辛何事稽康疎懶甚情多反未寄書頻第一首一氣流轉更爲愴惻惜不多見

達縣余姓子娶唐氏夫婦相得夫病瘵知不起夫婦議同死扶攜至江以帶束縛併赴江流父母尋覓不得越廿餘日兩尸束縛水面顏色如生亦無魚蝦殘食報官驗訊悉

其情乃葬之為監碑大書愚夫婦墓縣令胡竹堂徧徵詩
無當意者學使聶蓉峯先生按臨為題一詩甚佳詩云有
鳥名比翼雙飛不孤翔雄病羽離襪鳴聲悽愴生與俱
生亡俱亡矢心白水魚腹藏君不見余家兒婦唐氏及笄
方于歸琴瑟聲和美夫病喀血勢將不起婦人祇知從夫
死詎知堂上有翁姑膝下尚無子無子何以承宗祧翁姑
猶在白髮蕭蕭吁嗟乎女子不知大義一死輕鴻毛未有
云人生孰不死自古亦難之生同寢死同穴蹈湯赴火甘
如飴此婦亦可風來茲抑揚得體義無滲漏此詩有關風
化竹堂名光瓚精地理署達
縣遷文廟而科弟遂振

卷六

聖

堯湛字露華號東郎溫江人美丰儀豪宕自喜己卯中鄉
試會試以薦卷挑膽錄未幾卒生平負才不羈家甚貧嗜
酒狂歌卒以酒病隕身與李夢蓮朱石亭皆美才而不善
養其才自命過高圭角太露中道摧折可惜也東郎喜為
奇崛亦好作豔體名古錦囊集取意長爪生亦早應王樓
之召其詩生前不自收拾兄溶川存有二册散於友朋百
餘首有過為奇警反墮粗獷略錄其完整者題高祖本紀
後云芒碭山頭雲氣紫亭長自疑是天子醉放鯨徒直兒
戲匹練夜揮白蛇死不待歸來歌大風日中早已無羣雄
天下既定猛士少腐儒乃用叔孫通讀史書鴻門宴後云

座上亞父計奇絕眼中項莊劍如雪冷光射天龍虎迷渴
鋒擬飲赤帝血樊將軍來何暮交戟不內將軍怒項王一
叱萬人廢將軍乃敢噴目顧立飲切啖生彘肩沛公有功
王不恕醉飽便行何必辭魚肉轉戀刀俎處手挈真人出
營去和浩甫方順橋題壁云老大頭顱太瘦生浮萍身世
去來輕不祥姓字慚知已無用文章負盛名冰雪關河遊
子路衣裘車馬故人情宜南朋輩知相憶綠酒紅燈話客
程三輔風烟接 帝京太行鬱鬱倚官程黑頭幾輩三公
至白髮催人兩鬢生日落荒村鴉陣急雪晴殘月馬頭明
悲歌燕趙今誰在愁絕蒼涼戍角聲休將慧業溯瑤京已

卷六

聖

隔蓬山幾萬程入世難尋無患子有情便是可憐生送人
官柳纏綿老笑容閒花宛轉明浪說封侯屯骨相等閒辜
負子規聲與遲士話近事有感醉後作此贈之云紫瓊宮
冷雌龍泣天乳無聲溼瑤笠風鬟霧鬢貌天人獨把金芝
暗烏邑柳花團雪春風香王郎長歌登我堂藥店龍飛愁
視汝槐街蟬蛻愧稱郎鴛鴦牒碎蛛絲亂膠漆那知是冰
炭劇盡奇峯剩九疑燒殘心字餘三嘆我亦年來悟上乘
剎那黑劫總無憑勸君莫墜鶯花障百喚青蒼百不應未
篇大似長吉
陵井在仁壽豔陽洞旁漢時玉女指與張道陵所開周迴

四丈深五百餘尺遂祀玉女于井玉女無夫後每年取一少年擲鹽井中若不送水即竭蜀郡西山有大蟒蛇吸人上有祠號曰西山神每歲土人莊嚴一女置祠旁以爲神妻蛇即吸去不爾則亂傷人周氏平蜀許國公宇文貴爲益州總管乃爲神合煤擇日設樂送玉女像以配西山神自後無復此害兩美和成兩憾消民間兒女得逍遙沉巫不學西門豹月上微聞奏鳳簫

蜀井自宋皇祐始用筒井架木如桔槔懸繩繫木木端縛圓刃如杵鑿石得肩日以升計井口如盃以巨竹去節牝牡相銜周貼井身以隔淡水竹壤有隙能補墜物如針能

卷六

鹽

取巧侷鬼工又以竹之差小者出入井中爲桶無底而窳其上懸熟皮數寸出入水中氣自呼吸而啓閉之一筒致水數斗豎高木數丈于井傍謂之天杆入井之筒繫焉井側設木以繩絞之宋時用人今用牛掣上機發水瀉流于畦漚于池熬之成鹽鹽多少視水重輕作鹽井行鹽產於海或在池蜀中產鹽鹽更奇水伏於地數百尺地下有無孰得知欲識地脉探水窟還憑巧匠鑿山骨穴細如盃深莫測鑿來那復計歲月一旦水通如通潮長繩竹竿貫一條淡水滲漏偏能補肯使點滴得混淆黃牛挽繩如旋磨自地升天筒一箇傾水成渠如灌畦鐵鍋煮鹽裕國課水

性不一辨重輕得鹽多寡分濁清霏霏如雪市中鬻堅硬巨塊運邊氓榮邑邇來商無力苦說井久多堙塞官稅不盈頻追呼令我對井三歎息

火井昔在邛今富順榮縣俱有鑿深百餘丈或二三百丈熱氣湧出甚或燒屋此其變也製木爲蓋覆井口壤蓋穿穴不拘數每穴承以竹筧每竹筧接處箍以鐵于筧鑿孔豎以鐵筧氣從筧出置鍋其上引以人火合同而化光焰蓬勃隆隆有聲異于常火鐵熱而竹不然猪脬盛之可以贈遠一井能供二三百鍋次者七八十口最下七八口或火力既盡復鑿得油又或得鹹水三者兼利無算不可爲

卷六

鹽

常作火井行火井焰騰漢祚復巴蜀幸邀如天福南方芮位占離明性雖炎上地中伏屈指與替千載餘遺制猶存增咸觸鑿井深深不見泉熱氣噴吐似飯熟竹竿引氣如引泉支分派別竹續竹煮鹽無復費柴薪更比人間烟火速無質亦無光得火如然燭猪脬盛貯密不洩有客贈遠攜箱麓陰火浮於水陽火附於木火能生土土生火循環安能測化育鑽燧敲石真瑣碎數千百竈相聯屬諸葛當年稱盛治通商富國共尸祝非徒火德徵祥瑞調元贊化資蘊蓄方今天子正當陽炎威赫赫耀南服

油井亦以木片貼身恐水攪入油在水必上浮可掠取油

竭鑿深偶得鹹水終於油井者其常其色濁其臭惡迎風不滅得雨益熾其爲用也可治頭禿利較水十不逮一較火十不逮二三歲得六七百金上農夫猶不能及也作油井行伊昔秉燭油未作後來銀缸閃鑠孰知大地蘊精液融似石髓待穿鑿初意欲得水煮鹽無水得油悔鑄錯良宵不堪置金閨其色渾濁味臭惡濃烟薰騰爭掩鼻安得清賞伴花月獨有神奇堪寶貴風雨不滅更昭灼去歲海疆頻用兵海船高大肆侵掠飛檄調取來兩川用備火攻敵驚愕水濡愈熾千炬紅灰飛一霎斷蓬索天下無用有大用遠勝魚膏照六博自悔短檠棄牆角於今白首成

卷六

巽

獲落蘭膏吐花空芬馥何似策勳將敵却

攻井之工視地脉其鑿也鐵爲杵銳其末有架焉橫木其上以箴繩繫杵隨壓隨起狀如桔槔低昂不息日得石屑以升合計毋躁毋忘毋中止毋狐疑遷徙其財集腋而成歲月既久田宅而外典及衣物朝透鹹水夕稱富翁其剪鹽也視出財之盈縮分値日之多寡少者以半日計最少者以時計其日熬成之鹽按時刻分之有差未透水時用力不支或售他人俄而得水不可悔既得水或租于人如租田收息焉
雲陽井口如常井自流井貢井及隄爲諸井口僅如盈南

部樂至二三十尺即可得水不久即竭大寧泉流滙池以資鹽裏塘山間泉流鹽積石閒二三尺不待煎熬然有蟲虺之毒夷人食之漢人不敢也

華陽縣謝澧號乙山從先君受業後改名振淮以進士分發廣西爲宣化令宣化在粵猶爲沃缺乙山不能自潤來川時急訪之聞以細故降調全家羈留計年將古稀矣先君及門之在川者惟涪州周東泉治章尙健在以書招致來榮其人淡於世緣終日靜默以舊詠觀音柳詩見示有句云真能觀世垂青眼欲指迷津傍綠波可以觀其志趣所在垂髫共讀相見髮已頰白矣不勝今昔之感

卷六

巽

劉夢愚四川德陽人秋闈十七次報罷留別詩四首有句云豈有文章窮李廌本來支派出劉蕡又云芋圃薑畦歸計穩最慙猶有未耐恩語意温厚而怨益深矣忘其名不知後得售否彭星舫誦其爲人題薛濤像云吟鞭幾過碧鷄坊剩照蛾眉月一方不及枇杷花樹好至今猶帶美人香蟬紗鴉髻妙如神又費輕紗爲寫真筆到花心先自笑已輸君是可傳人風致絕佳勝落第作也

趙竹菴在峩邊監築卡有峩邊戎馬圖題者多傑作有二絕句云一官遠塞佩吳鉤戎幕寒多不待秋今夜莫教羌笛起倚樓人正動清愁椎牛灑酒壯吟懷亦見書生磊落

才邊地霜清風日好弓衣小隊繡詩來風致甚佳忘其爲誰作也

王侃號遲士溫江人祖籍浙江湖州府歸安縣好爲詩古文以筆墨遊幕有迴風集錄其和小峯家園偶作元韻四首云閑庭無客至風月自相於試鼎烹佳茗開園擷美蔬暢懷隨命酌得句卽成書坐到花香晚銀河耿玉除享此林泉福於人勝百籌曾經三華望更擬大裁遊雪影穆穆鬢星光炯炯眸神仙今日是不必羨丹邱倒屣髯公至雙扉跌宕開堆盤燒嫩筍洗盞出新醅與世無高下忘形熟往來幾回分手處小立又低徊昨日閑相過花開一枕敲

卷六

七

盆魚翻細藻簷鳥動高枝打點移栽菊商量補和詩吟成燈欲施夜雨拂窗時

顧士英號毓芝戊辰孝廉梧生之子也梧生名鳳藻以大挑分發來川毓芝隨侍梧生應補梁山令一病遽卒毓芝遊幕在省垣少年喜爲詩有紀遊草一卷宿武連驛云燈前屈指數歸期惆悵心情獨自知感我征程春草草惱人楊柳綠絲絲祇緣作客晨興早每爲吟詩就枕遲旅館恩恩投一宿來朝又是看山時有細雨騎驢入劔門小照多有題者其耽風雅如此

西川海棠圖合浦李載園爲陳銀官作銀官雙慶班魏三

之弟子蜀伶不足觀二人乃擅名都下或謂魏三美而不豔銀官豔而不美魏三學秦腔非正聲又因其善狐媚謂之野狐教主當時爲之傾靡銀官兼通幻戲當場弄巧幾有青出於藍之譽燕蘭小譜稱其如魚戲水如蝶穿花又有咏之者云垂鬢狐子比妖嬌剪舌鸚哥遜伶俐形容盡矣昔名流談讌各述其鄉物產問蘇州人出何物曰狀元再問曰小旦然則二人亦蜀之土產也有人題海棠圖云細腰千載說橫陳俗豔休爭別樣春可是霓裳泥沉醉華清宮外月如銀翠拂修蛾霞點腮錦官城畔幾經開春風帝里花如海爭買胭脂學樣來李雨村贈魏三云一生花裏活三日坐中香亦佳句也

卷六

八

蜀自張獻忠摧殘後孫可望盡掠川中巧匠入黔一切擅名天下之物不可復見觀費著蜀錦譜宋時織錦匠至五百人今日錦江徒爲虛名明時川扇猶爲至佳野獲編謂其精雅宜士人華燦宜豔女至于正龍側龍百龍百鳥之屬尤宮掖所尚今惟榮昌縣有骨扇以絹爲面以絨貼花尙不及豐潤扇之工細亦下品也陳三島咏川扇云險絕蠶叢地由來宮扇傳大都白帝竹盡用錦官箋出匣風初轉垂輪月半圓人閒遺玉柄猶是漢宮年三島崇禎閒人存詩以見遺製

薛濤箋久無矣明時蜀王猶取其并水造箋入貢異於常
品是未嘗絕也今無知其遺法者市閒所鬻亦皆薛濤之
名徒以胭脂水染成易霉無足貴藏紙出西域紙長一丈
濶二尺四五寸似高麗紙而薄查儉堂咏之云蜀紙遜豫
章工拙奚足尙結胎多糟霉嘲誚實非謗既失蔡侯傳更
乏涇縣匠錦城學書人握筆每惆悵孰意黃教方特出新
奇樣曰搗柘皮漿簾漾金精浪取材徑丈長約寬二尺放
質堅宛繭練色白施瀏亮澀喜受隴麋明勿染塵障題句
意固適作畫與當暢裁之可彌窗綴之堪爲帳何異高麗
楮洋牋亦復讓國家盛聲華夷夏歌蕩蕩佛國技藝能無

卷六

五

遠不籌創東土應誇觀頌美烏斯藏

鄧都平都山廟中有鐵印不知始于何時篆文有總統萬
靈等字有所謂路引者云執之冥閉關隘無阻人多崇信
買者雲集用鐵印後復求縣印上憲惡其惑眾迫入藩庫
香火今陵替矣陰陽何處立嚴關祇似循環晝夜間果是
黃泉攔去路如何逝者不生還作偽無端駭眾聞如狂如
醉久紛紜羣生迷却來時路應是冥王少牒文

山陰陸敏齋文傑放翁二十一世孫幼隨父宦蜀遊邊徼
有松月山莊詩集以放翁像刻石配享浣花草堂祠作五
排記事刻石嵌壁嘗得銅雀臺鳴爐徵詩成集少年俊爽

詩境當日進也慥爲道中望峨嵋云青衣江上去遙見大
峨峯壓以雪千尺裹之雲萬重日光團佛現山翠鎖仙踪
雷洞坪邊路何時一曳筇晚渡滹沱云落日滹沱渡河聲
滂暮潮草枯沙莽風急馬蕭蕭行李書千卷征程酒一
瓢匝山今夜月不惜解金貂渡河作云燕市唱刀環征人
返故關長風孟津渡宿霧太行山射策心猶壯揮鞭身未
閒漸看入雲棧題咏一開顏綏靖屯云風起塞雲黃沙飛
黑帳房番兒朝牧馬蠻女夜烹羊長夏圍爐火嚴冬飲酪
漿夷歌聲不斷知是跳鍋裝補官笠澤畱別雲閒云投筆
西川少入吳折腰初學府中趨閒情慣聽雲閒鶴佳味飽

卷六

五

嘗江上鱸有子何妨妻課讀無田那得吏催租飛觴醉月
尋常事錯被人呼作酒徒笠澤迢迢谷水通離筵餞別夕
陽紅九峯送客來天外三泖行舟在鏡中羌笛數聲吹折
柳風帆一葉指垂虹哦松四載茸城住又向吳江咏落楓
華陰廟望嶽云華嶽居然在眼前蓮花十丈入雲烟蒼龍
控盡全秦地仙掌撐開半陝天宇宙名山如此少古今遊
客幾人傳興來便欲攜詩去落雁峯頭手自鐫潼關曉望
云直上高樓望八荒函關紫氣曉蒼蒼山形起伏朝西嶽
河勢奔騰走大梁曠野風沙迷道路遙天雲樹接帆樯時
平偶過爭雄地憑眺當年古戰場佳句五言如亂鴉飛峽

口孤艇入雲根路槐秦樹古原草漢陵多毒龍晴吐沫怪
鳥晚爭巢胸澆燕市酒足踏蜀山雲七言佳句不勝錄姑
從割愛

朱靜生名家庚工詩有觀心齋集與弟遊古杏花村云冶
遊聯燕翼訪艷宋東家古渡殘桃葉孤村尚杏花雨晴湖
水近風影酒旗斜坐愛沉香火雙烟上紫霞春思云遲日
暄風澹宕烟牽情惹恨憶華年紅雲冒樹沾春地玉雨飄
林上塚天往事疑塵流水外舊山如夢夕陽邊江南江北
空相望愁聽鶯啼攪客眠大抵綺麗之作居多靜生安徽
含山人戊寅舉人現為黔江令

卷六

至

邗縣孫鎮號瘦石自稱獨學生與達官刺署曰大布衣與
其弟澍子皋以詩古文自任刻虞道園集李太白集明蜀
詩又修杜宇開明墓亦好事者也飛沙關云嶺斷懸繩渡
關危壓水開大風吹雨過單騎截雲來巨石訛仙跡志稱禹產
處飛沙駭鬼才關外沙朝累累而峯巒奇險處長嘯一登
臺咏諸番云落日西岷外重關接大荒築壇高選佛番僧
每死共推一人列爵並封王土酋十八部塞草零霜白邊
爲主名曰活佛落皆封王爵塞草零霜白邊
雲耀日黃上公遺像在風雪護沙場番中要害處皆肖岳
威信公及德經略像
百尺玉芙蓉江源嶺萬重饗殮謀虎豹芻豢襍蛇龍屯卒
閒行賈材官老服農承平邊事緩坐鍾見從容楊子雲洗

墨池云豈知尼父爭名日正是姬公盜國年薛濤井云秋
墳夜雨空荒草古井春風自碧桃題錢尚書集云薊北鶯
花名士淚江南家國美人情

潘紫垣時彤嘉慶甲子舉人成都人嘗主講芙蓉書院有
桃李山房圖邀客題咏部選已及作閒雲出岫圖別諸同
人七律數首已而不果出紫垣父爲陽山令雨村詩話嘗
記之有韓文公鳶飛魚躍四字揭本韓公不以書名而字
頗入化紫垣喜馳逐名場與諸詞客唱酬甚多詩集曾閱
一過失記錄其題范白舫明經花笑頤填詞圖扁舟一棹
漢江濱風月無邊入譜新但向花前開笑口何妨長作遠

卷六

至

遊人自昔胡仔號隱漁若溪叢話有新書而今又見詞仙
妙花下吟成畫不如先生有若門前桃李幾番新院裏芙
蓉補種頻予有桃李山房何幸裁雲縫月手爲子寫出錦
江春前和章有亂書古栢連卷一兩株天香深處醉行廚
寫生更倩黃筌筆補作祠堂雅集圖昨借諸同人武侯祠
賞桂先生擬倩黃小
谷少尉
繪圖
丁紫垣名光陞榮邑人道光乙酉副榜乙未又中副車讀
書三過卽成誦詩文揮毫立就題畫蘭云春風吹到讀書
堂屈宋文章有辨香手把離騷隨意寫一花一葉一瀟湘
極有風韻

楊愈千名州英榮縣人康熙庚午舉人任廣東瓊州府昌化縣知縣一年餘卽告終養歸後八十五歲居父喪哀毀骨立旋卒除夕云去家經萬里爲客已三年今夜故鄉夢明朝海外天

榮縣二漁人值雨雪寒甚議於岩下燎火一人往拾薪其一先至僻處見小人蹲岩際左右望疑爲賊掩執之乃枯樹根甚駭拾薪者至告以故笑曰正需此物何懼爲積薪火之逾時香氣撲鼻似炙肉撥灰視之一肉團約二斤已熟透矣擘而嘗之味美以其餘示人無能識者戲爲詩云幾年塵世等勞薪未向冥王乞轉輪饑煞終南老進士貪

卷六

三

餐竟讓漁樵人又疊韻云誰遣輪來作鬼薪饑腸對爾轉車輪嶙峋瘦骨銷融盡圓熟居然可悅人如柴枯骨足添薪眼看飛燐駕火輪坡老黃州空說鬼未嘗滋味也誑人錄之博一粲

榮縣何氏子祖母病思肉值旱祈雨禁宰不得已禱神破腹割肝烹之以進病竟痊割處亦不甚疼苦作詩記之詞如竹枝不欲以文沒質云誰言五鼎博親歡肉出兒身味倍甘舉世紛紛誇盡孝算來伊獨有心肝

琪縣出石有紅黃黑三種皆可製器紅者爲佳質尤堅少得見黃者次之二種均出自山田中與地主購得然後擔

運大小磊磊然盡頑石子耳剖其中可供雕琢黑者在城外山巖中工匠鑿洞取攜製器如鬆脆雕竣烘以火敷以蠟黝然有光搗出洞遇風則堅凝與石同亦造物靈氣所鍾也趙竹菴詩云昔嘗見玉書黃者伴蒸栗赤者擬雞冠黑者爲純漆因思天地閒靈氣鍾百物玉固受嘉名石亦多奇色嗟予事邊疆捧檄來供職十步一瘦峰五步一縐石如入海嶽中如行仇池側斧鑿美中含不煩五丁力奇巧諸器備迨琢表新式細供文房珍大或等璧玦貴珉自古昔况加以雕飾璀璨耀人目形狀怪非一眾爭寶紅黃我願守其黑誰知泥塗閒特鍾此異質崑圃多瓊玕懸想

卷六

三

未得寶物貴取諸近懷寶無人嫉始脆終則堅介如叶終吉

中江產文石如龜蛇松栢梅竹花草人物等狀元武山上有文石泉其出處也采者宜雨後覓之則形倍分明磨洗粗質製爲器用又傳唐時田真人與二道人弈擲碁于江遂產碁石今俱謂之花石文石佳者難得碁石則城西沿江人戶皆能製造併製器玩戴瑗詩云星精何事隱溪灘元武山前秀可餐靈氣獨教奇石孕鴻文一任世人看刷開雲樹都蒼翠洗出蛟螭尙結蟠好待輶軒搜抱璞南宮簪笏拜朝端

乾隆閒健爲梁某過清溪上游犀牛沱見水濱一石花紋
歷落蠕蠕而動拾視之若有物搖之鏗然有聲不知其異
石也疑爲怪碎之中有小牛附石頭角儼然抑按微軟血
水環養石開血流而牛斃矣亦一奇也

嘉慶庚午歲南充修西溪永安橋石工鑿山剖巨石得一
魚石質狀如鯉長四寸許鬚鬣頭尾悉具鱗色外黝黑而
內頰黃生趣宛然雖善刻畫者莫能彷彿

世傳空青以爲至寶能使瞽目復明今越嶲多有之而佳
者難得居人鑿石石中有子狀如鷄卵而小似蛹又差大
搖之似有水清爲上濁爲下多未變成或絕無或僅得其

卷六

畫

半皆未成者破而視之水見風卽乾其成與否未易驗秤
其重輕非多試無可據藥肆所售難定美惡土人持以贈
客佳者十不得一吾鄉石工鑿石多年或有遇者一人得
之聞可治日本無恙也思洗之明必逾常既而疼甚竟至
雙瞽蓋目被脂膜而目睛未損水能去膜翳故復明如無
翳而試之鮮不傷矣古詩云服食求神仙多爲藥所誤殆
此類歟

火浣布出越嶲廳番地五蠻山石縫內生草其根名不朽
木番民取以捻綿織成布質甚粗性純陰入火不然取以
抹几染油穢投火中卽有焰騰起取出穢淨而布無恙第

燒一二次布色如灰三次卽質鬆隨手可裂幅短知難作
襪材火攻渾欲化劫灰誰知小草能堅耐也似精金百鍊
來清白何嫌質理粗頻經除穢未沾污笑他羅綺矜花樣
敢向洪爐一試無

華陽洪錫信字信侯少年清才喜爲詩來榮相契戲爲閨
怨七律限溪西鷄齊啼韻內用一二三四五六七八九十
百千萬雙半丈尺等字雖未及前人之渾成巧奪天工亦
可喜也詩云畫樓十丈繞雙谿百尺桐陰半向西九轉腸
紫千里路五更夢醒一聲鷄鍼饒七夕連番度柳掩六橋
萬縷齊二四休評八月好兩三回數背人啼其從兄錫璜

卷六

畫

字東侯號錦帆由庶吉士改兵部主事寓居南城宅素有
狐未知也有老嫗見黑犬蹴而叱之忽失老嫗所在尋至
空房見其昏睡灌醒云有二少年扶至此痛扶之受重傷
不能聲或云當誅此狐俄而瓦石拋擲一夜乃息東侯約
客共飲狐於客廳內轉酒罈如丸眾如不見聞其怪亦息
東侯以御史記名不及用而卒信侯攻苦應試不售發憤
棄去今遊幕在成都府署閒作小令亦有致

襲禮字少蓮江蘇金匱人少力學淪落不偶來遊於蜀性
抗爽喜爲詩寄秀山令廖純圃云揚舫錦江邊春風相與
吹行行殊未已日暮更何之浮雲起空山葉落何淒淒欲

歸指飛鳥涉世舞鳴雞肅肅風塵色此心詎可迷懷刺不
成字彈琴不成曲起視蒼天高胡爲自局促騏驎羣駑馬
空懷千里心人世非有恩知已感始深疇昔淮陰侯一飯
亦千金何況承嘉德飲食兼規箴逍遙道藝苑游戲翰墨
林四座皆春風習習生古音新鶯困春暮雛雁遲秋陰方
知窮途淚點滴溼衣襟述懷云七歲始讀書寒暑不爲阻
十歲學作文軒軒鶴輕舉十五得良師針砭期久處十八
落江湖肝膽向誰語百歲如颺塵所得有幾許人世如弈
棋高手偶得之富貴與貧賤輸贏纔一時借哉秦相斯輔
政又奚爲詎若商山皓香生千載芝暢懷聊自適大造本

卷六

七

無私翩翩鴻鵠飛燕雀何所知振策萬仞岡悲風起夕陽
道路極迢遙對此空傍徨林鶯及春鳴塞雁及秋翔人生
貴得時感思結中腸萬里黃河水飄然一葦航

劉少漁銜仁江西新淦人祖佳琦成都太守父肯堂簡州
牧少漁生長於蜀以新例分發到川家清貧嗜古帖名畫
時以山水寫意喜爲詩小院云小院人來少春晴晝掩扉
蛛絲黏葉舞蝶夢逐花飛新綠憐芳草微紅愛落暉偶然
幽興發觸目悟天機

山陰胡茜春世怡來蜀遊幕與諸詩人唱和其從侄和璞
字寶臣少年英俊亦在蓮幕不廢吟咏春草云清明連日

雨霏霏繡陌遊人路欲迷嫩綠新涵流水遠疎紅淺襯落
花低荒郊曉露攜春酒遠道斜陽送馬蹄莫誦銷魂南浦
句恐教遺恨惹深閨

史致山字芝三浙江餘姚人隨兄到川春柳云隨風嫋嫋
復綿綿惱亂春光二月天十里綠遮茅店小一枝春占杏
花先斜陽驛路嘶征馬細雨河橋泊釣船幾度欲扶扶不
起任他低亞碧溪烟

管士村熙謨江西臨川諸生家貧年十二自知力學長遊
浙江上百韻詩於中丞楊柏溪先生大加贊賞畱作記室
十餘年著有越遊草道光二十四年鄧樹棠太守招其來
川甫及重慶而太守去世榮縣尉鄭竹泉延課幼予以事

卷六

七

回里與王蘊齋夜話云客路相逢便結歡談深那覺五更
寒才經磨折方堪用士不遭逢詎免酸絕俗襟懷誰與共
困人境遇太無端羨君尚有閨中樂問字燈前興未闌除
夕云銀燈絢綵燭搖紅此夕風光迥不同遙憶兒孫八千
里團圓應念白頭翁佛法因緣信不差書生薄命走天涯
泉臺有恨應憐我謂樹棠太守飄泊無依度歲華畱別鄭竹泉
猶憶東窗月上初啣杯接席意何如掛帆時趁三春末握
手情深半載餘作客情懷原自淡還家心事肯教虛花前
惆悵難爲別他日相思淚滿裾畱別王遲士云相親半載

意拳拳想是三生有夙緣知已鍾情原絕俗斯人得遇實
由天落花時節爲長別缺月輝光不再圓路隔八千時已
暮神交惟有夢纏綿

廖扶九朝翼道光乙未進士由庶常改官知縣告終養家
居教授生徒京寓元宵有感男兒志四方慷慨輕離別及
到異鄉遊思乃故鄉切今夕是何夕庚寅上元節骨月萬
里餘感此心如結憶昔束裝時經營已彌月雙親強爲歡
不自嗟黃髮謂兒無念家努力光門閥聞此甚心酸登程
期已迫衣冠拜別初相視情脉脉殷勤慰遠行勞我七旬
伯一揖辭弟兄壘篋音兩隔回首囑妻子勉任承歡責低

卷六

堯

頭無一言意多苦難白出門捉馬鞭子姪森前列浩然竟
長往山川幾跋涉離家日益遠獨作燕臺客知己愧吳公
枉上賈生策偃蹇滯天涯去畱不能決歲月殊蹉跎青春
又兩越遙想故園中東風或狼籍不得侍壺觴安得親心
悅只期春酒香老親歡顏接更祈春氣和百花好顏色家
庭有信來入手忙開拆一語報平安離懷暫消歇長夜且
豪飲壯心忽奮發眾中縱高談三鼓氣不竭燈前聊短述
窗外忽飛雪扶九榮縣人其性情篤摯卽此可見惜不多
作

李東山嘉秀嘉定樂山人戊寅解元己卯聯捷進士官內

閣中書宦情甚淡在都孑然一身告降就保寧府教授歸
田後足不履城市教讀凌雲山後之東嶽廟妻死不繼官
斯土者罕得見焉京寓寫懷孤影落天涯新霜點鬢華官
閒疑是佛住人便爲家秋雨凌雲樹春風沁水花歸來偕
伴侶嘯傲老烟霞

唐雲芝初綿竹人隨父堯春平越府讀書幾于過日成誦
作詩文走筆如飛嘉慶丁卯舉人遺稿多失僅存一首榮
縣萬景樓遠眺十年客裏過清明花酒何嘗慰客情咫尺
家園悲馬磨半牀魂夢亂雞聲黃金有用終歸盡白髮無
端逐次生空說高樓號萬景迷離烟樹隔蓉城

卷六

李

林志高榮縣諸生從陳卯生遊詩非所習課讀蕭寺閒有
吟咏和邑令張寅卿荷花原韻曾向名園惜好春落花如
雪草如茵等閒又到薰風候出水芙蓉最可人亭亭紅袖
偎銀塘坐愛伊人水一方待到涼生清露滴暗香微度月
昏黃鏡香亭荷花盛開及菴先生招同岳介之孝廉王椽
山小飲何來佳客聚今朝爲賞荷花過小橋萬柄嬌紅雲
影膩一池深碧暑氛消亭中把酒人皆醉竹外吟詩興更
饒廿四生辰誰是主愛蓮君子幸相邀

文貞名蓉王暹士侃之女年十五知書通文秋夜云隔院
桂花香階前望月光槐堂秋思遠旅鴈未還鄉山行云路

出深林俯石磯驚人白鷺戀波飛鄉心暫此能消遣昨夜初從夢裏歸

繆芝雲庭桂大興人拔貢初任長壽令調大邑升巴州牧沂流赴長壽舟中即景此心原不競踪跡類飛蓬江氣涵霜白山光蕩日紅舟遲因水逆難險似途窮且養天君泰看人使順風

孫子皋澍集國朝蜀人詩四十八卷欲觀蜀詩當大備矣惜未刻子皋以孝廉為某江學博告歸養母同瘦石登西城酒樓題壁一詩云日斜江上遠生愁城外岷峨爽氣秋碧樹陰中重倚笛青山影裏一登樓

卷六

李

鄒桂林小山巴縣人為鄧都學博嗜飲作自壽詩數首有句云豈謂奇文爭軋甚幾忘塵戰老英雄又云世途閱盡吟懷減宦味嘗餘老態多蓋以舉人不第自傷首着盤也余嘗作文壽之

沈黼卿廷貴安徽蕪湖拔貢任銅梁令調江津喜為詩楊花四首云落花如夢草如醒絮影飛空墨送迎岸脚鋪種三徑軟橋頭釀雪一天晴飄飄水面魚噉細點點雲稍燕蹴輕莫向離人襟袖繞短長亭畔最傷情畫樓西畔粉牆東小住還應寄軟紅撲去煙痕餘淡淡現來曇影太匆匆馬頭塵細黏天遠羊角風狂墮地空漫託楊枝嗟薄命浮

生都是可憐蟲惹得兒童小捉忙白頭如許尚顛狂光陰遲莫春三月身世浮沉夢一場底事郎當誇舞袖劇憐冷落傍宮牆萍蹤莫恨交猶淺轉瞬風吹又各方託根原在最高枝瀟灑丰神不染緇浪跡天涯爭白戰置身闔苑待青垂禪心早定參泥絮詩料頻添入硯池遮莫步虛凌碧漢纏綿一任好風吹

自東坡用尖父韻後多踵之者欲因難見巧也吳嘯雲祖母蔡恭人咏雪有可能刻畫到無鹽句軼其全篇嘯雲補成之云雪窗授簡備穠纖記取當時禁體嚴真可翩躚如弄玉可能刻畫到無鹽宿根耐凍依長鏡自註大父司訓家居後貧甚

卷六

李

絮影搖清度短簷一角曉巢詩滿壁舊書未應愁緒上眉尖父字韻云霜痕早拂髻邊鴉饒有吟聲動紡車贏得苦心蓮結子蔡恭人有秋荷句云子多贏得苦心多占成甘節竹生花飛翼各散思同氣同祖兄弟各分居空色難留感外家三代外家皆無後若論詒謀惟筆硯可堪手溺愧温又又疊四五次備極工巧趙氏

女史雲卿友月以尖父韻懷靜香月樵兩女史索和章得詩後又疊前韻云芙蓉消瘦雨廉纖寒浸紗窗氣漸嚴舊句未能酬白雪新聲還聽譜紅鹽調高想見眠琴閣才逸神馳讀畫檐霜信催開吟社早嫩黃初破臘梅尖信煩青鳥不煩鴉如見停雲玉女車鮑妹才華矜織錦衛娘筆格

艷簪花幽蘭隱谷憐同調柳絮因風是作家他日笋輿期
訪謁途紆好問路三父李錫柱云廉鉤懶上玉織織病惹
翻疑自課嚴茶鼎涇烟紫短榻藥欄香氣護晴檐圓勺亦
愛珠拋米解識深慙水着鹽瘦骨纒蘇三伏熱硯旁閒煞
兔毫尖音同促織字塗鴉敢學雷鳴百里車銀漢碧長通
遠夢海棠紅又綴疎花此時月殿頻傳信何日雲駟始到
家沽酒拔釵羹易作靈泉鯉躍不須父桂住漢姜孝子躍鯉泉趙雲
卿疊云砌下蛩吟韻亦織愁城攻破酒兵嚴半生結習耽
詩畫五載心情寄米鹽釀冷霜娥頻入牖知音月姊早窺
檐游仙好紀峩嶠夢縹緲烟巒擁筆尖螺黛慵描驪鬢鴉

卷六

奎

病餘閒却七香車忘憂不佩宜男草蠲忿會藏稱意花懷
遠更多詩寄遠思家頗有夢還家官齋聞似坡翁儉掛壁
青蚨托畫叉李錫柱又和云西風弱柳態纖纖塞雁天邊
結陣嚴肉眼伊誰超粉黛英才自古困魚鹽蔬籬細雨鋤
荒圃藥裹斜陽曬短檐回首踏青時未幾紅羅親製鳳鞋
尖至性深慙反哺鴉尋師久欲買輕車幾時益母親栽草
何日宜男始種花并曰操持難免俗詩書點定未成家顯
揚羨煞金閨彥玉樹三株手八父閩媛能以險韻爭奇雖
未通體自然亦無苛求焉

徐梅橋先生名澤醇正藍旗漢軍嘉慶庚辰進士由吏部

考功司郎中出守重慶修文廟興書院刻善書禁淫詞府
試卷面彌封詩文有佳者當卽獎譽每出一題必有題解
合感應篇陰隲文爲金鑑合編逐句引經據史疏通證明
刊以示人日行功過格在官不攜眷減僕從堆書滿室性
好古帖日臨廟堂碑淳化閣雖盛暑不輟未久擢九江道
又陞湖南按察使高祖名湛恩由廩貢生中武舉康熙乙
未武進士官侍衛因詩稱旨改授兵部員外郎官山東
按察司終直隸河東河道總督著有通介堂詩稿選入熙
朝雅頌集由武改文亦奇遇也子彬道光庚子舉人相丁
酉拔貢現任工部七品小京官

卷六

奎

七絕有似竹枝者鈔錄數首並觀不暇紀名氏無霜有瘴
是通川元白酬詩語未然捧過憂雲亭下槩薄陰天變老
晴天渠讀書臺並釣魚城笑倚桃絲竹杖輕合作仰家聚
頭扇東川新樣勝南京樹擁荒村竹覆溪斷無碌碡碾春
泥山童細剪元修菜要點辛盤乞醉題薺甜辛苦菲離披
不種來牟種茜厄聽徧前村珠絡鼓鷄豚爭賽竹王祠天
倉天柱曠躋拔石麪勻磨一飽慳種樹祇誇黃樹坎求魚
休問白魚山暮暮朝朝白紵衣掠檐蝙蝠到偏稀撲來漫
認蜻蜒小此是花蚊作隊飛木桃花與海棠同結子還堪
賺猿童饒煞林禽酥樣軟搓來也似佛脣紅雅驚雷破柱

尋常事暴水齊簷頃刻消深夜喧林聞鳥雀鳴為常飛捕禽

白晝見鴟鴞雅州梟鳥白晝飛捕麻雀而食蒸穀家家炊火米雅人以熟穀碾米為

火愁霖日日怕雲生城東蔡山俗名周公山一有雲氣即雨白鱗丙穴魚偏

美綠脆蘆山茶更精蘆山產綠菜味如江南紫菜七月枝頭山杏黃衣

裘朝暮尚生涼吹來風味人爭嗅共羨嫩茶糝杷香番蠻

稞炒麵澆以風撼庭柯水嚮雷晴陰倏忽費疑猜霎時但

覺軒窗黑海子妖雲送雨來城外海子乃水池午石路參後即有怪雲風雨

差隔短牆青山缺處漏斜陽怪他路上人如蟻盡道嘉眉

蟲客忙繚垣藥草掌高低晴日黃塵障馬啼穀米論筐爭

上市建城二月綠秧齊翠芽誰採滿筠筐穀雨年年入焙

卷六

奎

香寄語懋功屯務府好將雪水試旗鎗窗明積雪堆高嶺

坐擁紅爐蒸篆香不是友人分角黍那知佳節又端陽可

知西南邊塞諸境矣

四川西境番夷至成都入貢大路昔有紀云藏番去來給

羊麵各踞竈觚炊且熟脫衣袴坐地食食竟頰面以丹點

額及頰撤帷出人矚之則恚其貢小鍍金銅佛小銅寶塔

彩色小畫佛銅鐵盔甲及珊瑚唵叭香舍利子小綠豆紅

紫色各色氍毹等貨又細毯工部疊毯絨邊工毯姜納大

貨貼裏綿憑粗細顏色定價喇嘛包一馱日給雇騎銀兩

狡番匿包索價則縣吏給金不貲

李海颿觀察長於古文詩亦宗唐不蹈宋元蹊徑有寄鴻

堂集大白樓云如此青天月當年照錦袍江山何壯闊詩

酒自英豪我亦狂歌者登樓吸海濤謫仙呼欲出好與釣

金鼈中秋舟次云此夕關山月天涯想共看雁聲青海外

鶴影碧雲端遠水生秋白孤帆入夜寒故園書未達仍說

在長安鑑湖夜泛云一片碧空月三更海上來湖光天際

落帆影鏡中開賀監今何在青蓮去不回空留劔南蹟干

古憶詩才甬江云一櫂甬江路烟波萬頃開斷虹辭雨去

新月帶潮來野戍旗燈閃巖城畫角催海氛猶未靖誰是

斬蛟才泊金山寺云浪白全無土天青忽有山樓臺金碧

卷六

奎

潤僧佛水雲閒塔影凌秋靄鐘聲出夜關裴公開坐地星

月自迴環登安慶城樓云天闕小蓬萊烟波繞郭迴地分

三楚斷城截九江開秋色舒王國寒雲皖伯臺登臨殊未

已新月海門來新津渡云新津凌曉過日色上行騰野草

鋪殘雪空江浪斷冰巖疆方栗冽猥寇尙憑陵捧檄籌邊

去迂疎恐未能夾江道中云雨雪阻關河衝寒攬轡過軍

裝連百里烽火逼三我劔氣凌晨動笳聲入夜多安邊須

善策壯志莫蹉跎

程祚蕃字錫餘號初民江西南城人由恩貢任四川秀山

縣知縣登滕王閣云衡雲遙捲蠡波浮都會東南一望收

紅日旌旗曾駐節綠楊簫鼓又停舟寒潮滾滾疑無岸暮
色蒼蒼欲上樓獨有才華傳韻事江山管領屬名流再遊
麻姑洞王琢軒蔡漁磯雲友與同往十年躡屐一來遊今
日重尋又晚秋宮闕新看畫棟改煙霞長伴秀岩浮詩人
大半神仙裔舊夢都成爪跡畱底事野夫相問訊滄桑振
觸起牢愁時半山亭老人畱別李繡裳孝廉頗善相如病
能爲長吉吟心肝鏤冰雪風月寫胸襟仙骨君身有名山
客夢尋不須方外想鰲頂可相尋將之蘭陵蔡凌庵師以
詩贈行舟中賦小詩奉謝自愧迂疎甚煩年作客忙仗行
看寶劍借渡試輕航入幕休嘲郤登樓強效王所忻肝膽

卷六

李

共風雨舊聯牀時就館芝園家兄府署同王約餘道上觀梅寒威烈
烈賦閒居彼美遺來尺素書中有一枝春寄我吟哦在口
香雲舒冰魂玉骨本高致難得賞心爭把臂君今修到儼
如仙鐵石賦成能嫵媚曩歲同步城南隅招邀有意彼此
俱昨者無意道相遇倚裳躡屐追歡娛君逢梅花如逢故
我忽逢君亦前數三生石上有奇緣想是林逋心不如君
身化梅梅化君得親臭味有餘芬底事仙姿溷塵俗山阿
水曲漫爲羣嗚呼曩歲看花花半落今歲看花花漸開花
開有似學繡時女兒不嫁何爲哉
徐問源灼都昌人隨父綿州刺史之任年少喜爲詩現赴

東河報捐知縣醉歌行示友人天蒼蒼海茫茫長鯨一吸
空千觴人生百年須臾耳胡爲不肯飲刺促多憂傷一飲
一斗愁于何有一飲一石狂呼濡首生不學劉伶荷鍤隨
死當葬入酒人口獨醒從來古所戒酒徒矜德毋乃醜痛
飲狂歌自足豪醉鄉地闊君知否跣我足脫我裳扶相如
壁登匡牀酣呼一覺夜未央陶陶之樂追羲皇秋夜曲秋
風清秋月明秋蟲唧唧成秋聲銀牀冰簟不成夢攬衣起
看秋河橫美人迢迢隔秋水鳴琴誰復相調廢空階涼露
濕金粟相思秋夜難爲情不寐不寐還思起小燈搖畫楹
夢回憎鼠鬥宵短憶雞鳴溫飽豈吾志炎涼徒此情芭蕉

卷六

李

窗外列何事雨聲聲對月月又圓如此春人怨夜遙露濃
花影重風急蝶魂銷斷夢懷湘芷深愁賦楚苕清暉如有
意莫照短長橋敗蕉碧月穿窗影不圓秋闌瘦損美人肩
相思綠綺曾三疊孤負紅心又一年不分飄零還入畫自
憐憔悴誤題箋銷魂多少闌珊意半在將風欲雨天白菊
怕染繁華半點塵獨標清韻在方吟粉香欲混穿枝蝶徑
仄時迷送酒人霜壓梢頭添色相月窺籬眼見精神化工
不是無顏色要替秋容一寫真
楊文泉得質署我邊值夷匪出巢于途借嘉定府兵二十
名募鄉勇五十名途次逢賊直衝賊隊入城嚴守候省中

發兵擊退九月夷匪復出軍書旁午作我邊守城圖詩以紀之蠢爾猱夷出共驚烽煙四面撲山城城名大堡何曾大投甲登陣止百兵我稟機宜初赴省聞風星夜馳回境沿途抵禦費艱難招募衝鋒隊梅嶺嶺西扼要是官坪夷賊焚燒斷路程放礮開鎗一擁過羣蠻鳥散漫狼行迅速申文請靖亂軍書旁午馬血汗出師統領有專官勝算獨操辭莫贊蠶叢兔窟看羣蠻射聲蜂日太冥頑正欲痛剗除民害走竄箐林萬重山上山真似上青天附葛攀蘿一線牽竹樹陰森風露冷俯看足下起雲煙陰雨蕭蕭時撲面大軍固守難酣戰未嘗掃穴與犁庭收兵何煩勇將殿

卷六

流

金戈鐵馬外相持妙用忽云用撫宜縱敵從來多貽患此計難瞞小民知聞皮吃血從蠻俗灑酒椎牛謳猱曲齊唱凱歌跑紅旗虛糜奚止萬鍾粟籌邊果否能弭患良策也將善後辦留兵防堵若相連厚償仍將兇夷象受降城竟未貼然蠻夷雪夜出我邊誓心不避艱險事重整征鞍再着鞭

劉敏夫肇堂州牧石麓先生子隨任四川後指捐四川佐貳好吟詩登鳳嶺絕頂題壁昔聞鸞鷲鳴高崗至德所被來麻祥秦山峩峩插霄漢景行行止長相望我今策馬向西來千盤百折尋羊腸怪石礪柯礙行足奇峯卓犖森劔

銜凌雲直上摩空際溟濛一氣連穹蒼仰觀日月極浩蕩俯瞰山河窮遐荒雲煙吐納盪胸臆振袖惟有天風長安得招隨碧鸞尾乘之遙入白雲鄉安得遠尋青鳥使直登閬苑餐雲漿仙乎仙乎作奇想真宰上訴天蒼茫長歌一聲振岩谷山靈應笑詩人在陸敏齋寓作消寒會閒煞雙遊屐寒雲玉壘封雅人居勝地高會創隆冬我豈劉公幹君真陸士龍山陰裴薛蒨城畔采芙蓉早捧江南檄曾哦月下松祇緣吟興健轉覺宦情慵蘿徑蕭奴掃珍廚黨尉供鑪飄烟裊裊簾護影重重共挹汪洋度全消芥蒂胸翦花銀燭豔潑酒玉缸濃清讌今方始吟朋夙所宗高文皆董賈法楷

卷六

手

及王鍾畫挾倪黃妙詩追鮑謝蹤居然三善備何幸七賢逢且盡杯中物休看鏡裏容園梅初放蕊索笑雪風衝陶然亭小集疎蟬吟咽夕陽遲梵宇幢斜柳影移故老清遊微醉後葦花白上鬢邊絲王蘭泉司寇諸人游此有詩碣保陽道中寄友人匹馬幽燕路蟬鳴日暮時問程尋古驛選勝剔殘碑行色琴書壯雄心劔佩知何當尊酒共相與訪蓮池郡故有蓮池書院未

錢塘女史孫佑純號小雲隨父宦蜀適石泉郭君之子蜀江名錦和郭君卒于任家口不能歸蜀江以諸生遊幕劉玉坡先生任蜀藩司愛其才撫浙時攜往小雲從夫行既

而避兵夫婦仍回蜀極唱隨之樂有鳳翥吟稿蜀道路險
峰尤峻溪流石有聲白雲隨馬渡紅日逐人行飲湖猿何
捷棲林鳥不驚菊潭遙憶處分影話前程綿州小病兼句
寄懷汪小勝表姊深閨分影已三秋遙隔天涯憶舊遊芳
草綠迷爭撲蝶杏花紅綻共登樓病中最怕思前景酒後
更多惹別愁寄語雲牋休誤遞飛鴻時盼到綿州秋感桐
葉驚風落涼生滿簾幽白蘋江上雨紅葉嶺頭秋楚客添
鄉夢閨人感別愁眼穿雲外路何日鴈書投秋夜寄外獨
步憑欄看銀河已四更夜深蟲語急人靜月華明蕭瑟秋
光冷參差斗影橫數行雲影澹幾點露珠瑩惆悵千山隔

卷六

主

相思兩地生客中腸應斷閨裏夢難成底事多離別皆緣
絆利名何時一尊酒同話此宵情暮春望楚信不至芳草
侵階綠憑欄感落紅數聲鳩婦雨幾陣鼠姑風又覺春將
盡如何信未通不知人健否盼煞楚濱鴻秋日病起西風
涼拂雁行斜病起微寒倚碧紗怕向堦前看菊影近來人
瘦不如花

二江沱去成都北門三十里温江諸生楊公瑞宿其處見
旅壁題云淮陽韋可卿偕金陵金素蘭返嘉陵二江沱待
舟旅次以江沱二字分韻題壁云錦水滔滔匯二江喜看
春色滿蘭缸仙源有路同茲去願把離情付碧涼和素蘭

韻云考古難分江與沱漁人紛影水中過相看咫尺如千里
待渡無梁喚奈何素蘭原韻云行行已別二江沱數里
烟村一瞬過欲向桃源尋便棹離懷不已可如何和可卿
韻云春風嫋嫋漾晴江幾片飛花落釣在莫怨柳絲長繫
艇好將別夢逐流淙別有序云素蘭金氏吳人也父宦於
蜀值西寧事發遠竄荒裔一家流落奉母命報德姬侍安
漢鄭魯齋公子曜廷內政隴西夫人聞之不勝忻喜賜賞
有加妾雖遭家變得蒙公子夫人撫恤復何薄命紅顏之
悼哉今公子貢赴太學遣妾歸奉內主又得韋宜人一路
提挈彼此唱和頗不寂寞惟是童稚其心未解捧輓之殷

卷六

主

徒思拈筆之樂聊述所懷不當詩人一喙也昨夜侍郎眠
今朝各分手郎從京華去妾欲歸田畝男兒重功名女職
惟井臼喜得賢夫人待妾若賓友相愛再相逢朝朝樂棋
酒抱衾入蘭房鏡聽猶得偶兩地別離情三人一樣有今
夜郎何處知妾宿此否可卿讀之以爲情致纏綿使人亦
有別離之感爲賦長短句云悵離別悵離別一江春水情
脉脉以下漫滅不能辨識末後款題歸明峰韋氏

華陽潘紫垣之子小垣文錦喜作詩家學然也清明郊行
云鴻聲燕語又鶯啼最好韶光錦水西拾翠人來芳草岸
踏青屐印落花泥桑田樵熟知鷺老柳陌陰濃聽馬嘶遙

指酒帘高掛處買春乘醉好留題初夏云錦城春色已闌
珊月屆清和氣尙寒三徑綠陰飛絮亂一庭紅雨落花殘
遊頭宴向閒中過婪尾杯從醉後看昨夜甘霖滋沃野江
村美景更多般冬日曉發錦城應試温江早出錦城南行
人恰有三孤村朝日上野店曉烟含筆健文思富詩成酒
興酣蘇坡橋畔過小憩一停驂和王蘭汀茂才家齊春陰
二首幾日晴明幾日陰匆匆花事又春深海棠院落紅香
黯柳絮池塘綠影沉把盞聞鶯新釀醉捲簾待燕嫩寒侵
巴江浙水迢遙隔有客高齋動雅吟誦罷新詩慕朝川青
箱世業紹家傳三春作客無多日千里論交有夙緣折柳

卷六

七

橋邊攀柳日浣花溪上落花天他時桂樹飄香處月窟看
君領眾仙

張潤方霑山東歷城人任鹽源阿所拉巡檢喜爲詩於楊
味禪處見游擊丁小峯談詩契合遂交往甚密山行卽景
云一望荒涼景身臨地不毛溪流冲礮斷山勢入天高路
險雙肩蹙風寒兩袖飄從容呼野老問俗酌村醪僻壤無
人到千年古木又林深荆礙路石亂水翻花敗草青蕪護
啼猿綠樹遮遙峰銜落日緩轡看明霞信此山林大重裘
六月天晴猶飛細雨午不斷蒼煙樹挂苔成線峰餘雪及
肩看他陰毒處水色綠紅鮮者處詔尤好垂鞭興不窮花

間千顆露柳下一溪風水浸秧針綠籬遮菜甲紅山家多
趣味駐馬問農工和丁小峯遊戎韻云名利關頭破柴門
不必開春風聯舊雨秋菊釀佳醕酒逐閒愁去詩吟逸興
來花前明月上得意儘徘徊

題涼山踏雪圖者甚多皆鋪張揚厲或語過其實李五子
惺掌教錦江書院僅題七絕二首語諧妙別開一徑不向
如來行處行也大涼山下小涼山山在南邛北笮間一色
裝成銀世界不知何處是烏蠻天將絕境試奇才捨却肩
輿亦壯哉幾個詩人驢子背可能駝向此中來

卷六

七

試四川喜爲詩及門以詩請業者輒欣賞訪苗仙露云大
隱東方朔著書揚子雲出門無所詣落日一從君倦鳥宜
何集閒鷗亦有羣烹茶餘幾火小啜愧殷勤梓潼道中懷
馮樹堂陳岱雲複嶂七盤相約束清流九曲與周遭日高
旌旆鳥蛇亂秋老爪牙鷹隼豪北望幽燕天澹澹東歸歲
月水滔滔江山如此知交隔獨對菱花數二毛

鄭有菴逢年歲貢郭之西郭人家貧以醫自給爲人清高
年及六旬詩稿數千亦嘔心長吉也友人送菊植於盆中
悵然成詠四首入前秋思費推敲一卷同詩作解嘲托足
幾年成市隱放懷今日結貧交孤高境界原難立冷淡生

涯莫浪拋擬買一樽先自酌可容彭澤共誅茅休誇蹤跡
托長林塵世論交總不深老去果誰存晚節生來原自抱
秋心一簾烟月增高興三逕風花起暮吟門外白衣頻送
酒階前文燕日相尋西風一夜遍江村身世年年笑瓦盆
入境人難容傲骨天涯還好托孤根秋前灌溉逢新雨酒
後荒蕪想故園老在鄰家舊茅屋斜陽相向掩柴門南山
秋色上東籬我亦臨風種數枝遺世本來同隱逸傍人原
不借扶持蕭疎氣味從君得培植心腸轉自疑珍重牆頭
梅竹影淡交各耐歲寒時丙申除夕病少解賦此自慰青
燈悲永夜白髮臥經旬世擬收窮鬼天畱作老人藥爐烟

卷六

葦

影散竹閣露華新行此含觴樂餘年現在身遺興頭白歸
來萬累輕樵兄漁弟踏歌行閒雲野鶴三山影春水桃花
一笛聲日落半肩秋雨滴潮回十島晚烟生人間得失尋
常事付與雞蟲自鬥爭

陳博菴名厚成都歲貢少年任俠好客艱于名場年逾七
旬猶教授生徒云有感南來依舊是薰風人事經年大不
同記得石榴花下飲一枝爭壓酒籌紅苔文不種芭蕉綠
萬重而今遍地是書傭草成露布調蝸戰象得雲章冊蟻
封石界烏絲春雨潤花臨粉本曉烟濃人間儘有奇堪賞
領取飛鴻爪外蹤送曹易菴赴維州瑞總戎西席書劔飄

零休未休送君今又赴維州半生衰鬢客中老一片孤雲
塞外秋攜幼漫愁同乳媪求師可信是賢侯讀經暇日容
瞻眺應上籌邊舊日樓甲戌元日得得今朝又一年春風
爲我盪塵緣浮雲富貴原難料舊日聰明亦浪傳自奉閒
身歸酒裏相持高興到梅邊題詩寄語看花客解否韶華
在眼前風波行黃河之水孟津渡人爭渡口冒烟霧一渡
纔往一渡來來往不復問朝暮其中何色人最多賈人重
利輕風波大馬高車貨盈載燕南薊北驪駒歌歌驪駒過
河半水氣騰空連霄漢天外黑風捲浪來一聲搖撼船皆
亂欲泊不可泊欲行不可行雪光萬層湧雲勢千尺傾沈

卷六

葦

珠未知是天心投壁或可邀神眷檣敲檣折在片時生存
死亡爭一線吁嗟乎險莫險於此渡兮悲莫悲於斯人誰
非父母之遺體奈何殉賄而亡身寄語黃河船上客斷梗
飄蓬非長策何如解脫名利網樓鞋桐帽聊自適

權美堂名祖彥邳縣人道光乙酉孝廉耽詩成癖主講岷
陽書院冬夜感懷霜天風送遠鐘聲犬吠鄰家夜色明再
撥火爐茶又熟頰呵凍筆草初成翻殘窗月書三卷打盡
燈花鼓四更總爲多愁人不寐欲從釋氏學無生感懷黑
雲堆裏電飛紅霹靂無端鼓幾通眼底波生翻手兩胸中
熱退打頭風不關榮辱名何惜已涉猜疑志豈同一曲廣

陵無處寄坐看新月上梧桐雲棧天梯夢裏途長安屢被
鬼椰榆可憐此日猶懷槩未卜何年乃棄繻燈火結緣來
後輩文章造命說先儒自知福薄多因做問有金丹換骨
無

范固菴守貞鄆縣人嘉慶癸酉拔貢後舉壬午孝廉林泉
養靜有高致年五十餘矣癸未二月京邸為同年趙步階
志彤題空山流水茅屋板橋疎松漁舟畫圖共八首一幅
縑緙畫得成山光水色遠分明松濤護謔伊誰和三兩漁
舟欸乃聲諸峯了了勢嶙峋淡寫輕描象逼真情得阮孚
雙蠟展幾回踏遍亂山雲春波蕩漾活餘漸自在中流放

卷六

七

棹時最好月明吹短笛一江風浪走蛟螭數椽茅屋傍山
坳短短疎籬竹影交指點桃源看是否柴門月下待誰敲
前溪一帶繞山家雁齒連連整復斜影倒雙虹波浪息長
江點點濺松花本自孤高遠俗氛蟠根絕巖拂寒雲蒼蒼
老幹疎疎葉漏出山間月二分輕舟泛泛逐烟波四面雲
山瞥眼過一夜斜風兼細雨漁人驚起唱漁歌山川景色
自幽深盪漿停橈古木陰路入輞川圖畫裏頻將八法寫
雲林

黃海嵐蓋鄆縣人道光乙酉拔貢甲午登賢書甲辰大挑
一等淡于宦情願改教士詩其兄雨嵐乙酉孝廉現任中

江廣文老將矍鑠精神想據鞍飄騷華髮獨登壇熊飛渭
北韜鈴著虎射山南石影寒苔臥綠沈槍半段柱標青海
鶴雙盤長城萬里 朝廷重賴有冰心一寸丹老妓舞楊
歌臺迹已陳南迎北送倦風塵魂銷楊柳臺邊日暈櫻桃
花臉上春此日紫雲應寄恨當年白傅益傷神門前冷落
無車馬又抱琵琶嫁買人

吳斗南文光鄆人天資卓越洒落不羈道光辛卯舉孝廉
投廣文咏並帶菊云孤根原不望人憐况有同心得氣先
秋意為誰爭淡冶化工亦似逗芳妍分黃久換東籬骨共
翠應迷老圃烟寒夜酒闌明月下只疑陶令伴花眠有骨

卷六

七

黃花歲月侵移來瘦影並森森每於淡處求仙侶不向朱
門結素心開運誰愁風雨細蟠根共傲雪霜深白衣人到
成三友把酒同邀皓月臨

袁靜溪茂才名涖鄆人和平溫厚藹然可親年踰七旬人
稱矍鑠上已同遊到野菴遙天一色碧相涵陽春已去九
分九被襖剛逢三月三浮白只堪澆磊塊踏青還可縱清
談韶光美景詩千軸好句盡收入采藍叢望祠堂四面青
浮雲掃淨野烟輕梨花柳絮原同色曲水流觴暗有聲我
縱無緣春豈寂君多好友趣橫生來年若再行時樂花下
相逢又暢情此上已與諸友修禊詩也

蘭藹如芝秀郭縣布衣始改習長柔術家清貧好詩田家
即景山光鳥語任消愁地接江邊景更幽晴日萬家春水
闊溪烟拖過打魚舟閒居即事儂家小屋盡誅茅籬落疎
疎間荻梢臨水柴關扉半掩依牆斑竹影全交蛛穿細網
窗簷挂燕啄飛花帶雨拋我有閒情頻眺望欲裁新句漫
推敲窗前綠映美人蕉獨坐空齋感寂寥三逕菊繁隨手
植一爐香好帶心燒息機未必逢人避處困難將舊友招
惟有書淫與詩癖時時遣我悶全消秋燕天涯漂泊畏人
侵寂寂樓頭夜雨心擬欲辭巢憐舊主夜闌還自語花陰
蕭寂之景溫厚之意俱見矣

卷六

五

黃旭初茂才曷郭邑孝廉海嵐子春日王小嵐拍坪昆玉
招飲此身如寄嘆浮生亟訂詩盟與酒盟花草也添今日
興江山尤助故人情白駒過隙光陰逼黃鶴摩空志氣橫
應有小鬟催客至彈箏直遇許飛瓊秋日答敬勉亭之作
疎懶徒留自在身忽逢佳節近霜辰風雲無意休嗟命松
菊猶存不買鄰願得有田同負郭且將荷篠學耕莘思君
此刻添佳釀一日三餐酒一巡
刁宅三僑元郭邑諸生負清才有詩癖秋吟云手把一樽
酒能澆磊塊胸寒蟲多細響病鶴有饑容秋到昨宵雨月
明何處鐘故人天未去相憶不相逢高堂多白髮墳里隔

青山佳節思親甚秋風作客閒野花自開落林鳥時往還
境僻無人到貪眠晝掩關露冷枯荷盡風搏敗葉稠蟬聲
鳴似雨人影淡於秋酒醉敲孤枕宵寒戀傲裘誰家三弄
笛勾起別離愁寒菜閉門親種要誰看老圃荒涼露未乾
豈必生涯長冷落別饒滋味異鹹酸霜華小擷鹽壘雪
影仍堆苜蓿盤莫使菜園羊踏破曉蕊爛煮日加餐

卷六

六

下客景觸宦遊人卻愛鸞求友翻欣燕作鄰一樽池水釀
千里曲江春莫笑風塵吏而今盡滌塵
郭縣上舍趙蘊山芝玉少年喜爲詩寄王柏坪屈指論交
二十春白頭相見倍精神宜將野鶴爲清友稱與梅花作
主人詩律晚同工部細文章少擬子安新晚烟斜日西村
路來往因君不厭頻寄懷王小嵐柴門臨水絕塵氛六逸
高風又見君卷帙餘情成蠹癖烟波清夢與鷗分庭蘭秀
茁三枝玉湘竹青浮牛榻雲可惜生花一管筆名場何事
晚劉蕢村居和陳寶山參軍韻近水茅廬遠俗豈繞籬春
盡長蓬蒿歸田跡擬淵明嬾縱酒情如太白豪俗不能醫

思對竹詩多成讖悔拈毫及時我亦須行樂莫待霜華染
二毛歸自灌陽滿天風露曉蒼蒼獨客衝寒別灌陽遠水
碧涵鷗影小落花紅襯馬蹄忙隔江野寺山三面抱郭沙
堤柳一行何處有邨何處飲吟鞍扶醉過新場五疊王
坪見寄原韻瀟酒真堪八達羣一杯閑對鴨爐薰紙窗水
閣花全掩竹塢梅坪月共分蟲語喚回塵客夢雁行劃破
蜀天雲催詩人比催租急滌硯烹茶累細君

卷六

全

鶴舞肩挑梅月一僧歸晚來眺覽多幽趣得句渾忘露溼
衣

周福海仁聞南川光圃立瑛次子也和圃少與余同學後
成進士福海與兄仁聲號春湖能讀父書為諸生春湖子
厚璽亦入泮三人偕嶠生仁恬應秋試迂道過榮多以文
藝相質福海書所作詩見示余喜和圃有後也因錄之登
凌雲山放歌凌雲嵯峩峩峩峩巖斷壁截江立古樹杈
枒曲曲蟠佛脚波濤洶急捨船次岸入山遊磴道參差
轉更幽殘碑斷碣篆疑籀苔蘚半封綠意稠初入潮音洞
旋登東坡樓放眼區內小回頭塵世悠俯視岷江波碎灘

疑有蛟龍伏其下仰聽天風鼓舞聲渾似宮商協幽雅是
時來路雲已封飄飄直欲追仙蹤遠看峨眉嶺雙峙巖然
遙對凌雲峯興來笑摩大佛頂試問佛能救世無差等不
然年年江頭看覆舟安見慈航能扶拯畢竟佛力難違天
死生安危聽自然我乘長風飛破浪扁舟安穩枕流眠世
間萬事都不計眼前只有烏丸山轉尋蹊徑細搜討泉聲
四壁流潺潺荒祠謁拜蘇長公彷彿玉局來雲中足踏星
斗手摩蒼穹胸闊天地目小衡崧儼若仙子遊天臺飄然
四大御神風又若海客乘槎到蓬島飛騰羽化破洪濛此
時興會頗超忽遠視夕陽照巖窟蒼然暮色浮四山歸來

卷六

全

古寺鐘磬發江安鄒貞女詩云在山泉常清出山泉恐濁
不如長在山清光盈汨汨傅氏有五郎聘定鄒貞女方及
婚娶時郎命忽衰阻哀哀女心傷往弔傅家堂憑棺一長
痛血淚灑千行謁拜堂上姑願為傅家孀矢志不他適苦
節重門閤不必賦柏舟清操自殊俗不必歌黃鶴堅貞美
如玉上為郎養親下為郎抱子養親陳旨甘抱子繼宗嗣
妾存如郎存郎死猶未死堂堂大義陳兩世一身繫獨抱
歲寒心精誠貫天地吁嗟乎江陽地脉蟠根厚氣正坤維
重節守鄒氏有女勵冰操貞名自同山不朽有此詩才可
喜

春湖仁聲福海仁聞今秋偕從弟梅生仁恬先後至榮應
鄉試余謂乾隆丙午君家兄弟叔侄一榜中三人今歲又
丙午矣企子望之作七律四首以贈春湖乃以光園詩見
示開卷見咏岳忠武三十首多不勝載為錄二首隻手扶
天願已空惟從青史想遺風兩河屢下英雄淚十載空餘
血汗功帳外魂歸江月冷關前日鎖陣雲紅天涯過客關
心甚愁殺秋風古木叢湯陰故里識侯家晉謁猶欣日未
斜膝下雲雷堪繼父敵中龍虎亦呼兪荒祠月冷行人淚
古殿春寒舊苑花壁上新詩多感慨一回吟咏一吁嗟又
楊烈婦云盤江之山風勁烈盤山之泉水清潔我聞烈婦

卷六

全

死節時天欲六月為飛雪節婦生本西蜀人隨夫入黔心
和悅歷盡關山風雨寒百年相期死同穴夫忽亡子又幼
一身嘆孤孑十指自營生活計豪門富貴心不屑忽有狂
夫狂欲奪節婦節節婦之顏美如玉節婦之心堅似鐵任
爾掉盡三寸舌此身可殺心不折狂奴強掠至中途衷懷
難訴常蘊結四顧茫茫天地窄愁雲欲墮山欲裂日光黯
淡樹色昏萬木悲號風淒切疾聲呼天天不聞輕身投澗
真勇決疑是綠珠墜高樓血濺魂飛稱奇絕又疑何氏墜
瑤臺流水聲聲同嗚咽驛卒羣起縛狂奴狂奴伏罪憤堪
泄更喜 朝廷闢幽光路傍大字樹碑碣世間多少紅顏

婦死如鴻毛真飄瞥君不見盤江之石數點血風雨摧剝
不能滅

浙江蔡磨洲先生以御史督學四川按試嘉定考古學題
為嘉州竹枝辭余適代辦提調擬作十二首試畢檄書川
扇呈覽及試重慶以列國戰國宮辭命題事舊格新從所
未有又各擬十首寄呈猥荷獎許過當實不克承特錄以
紀文字因緣嘉州竹枝辭云平羌江水碧琉璃下水船輕
上水遲誰道行遲儂更喜白雲堆裏望峴嶺嘉州正峴嶺對峴嶺
樹下淨無埃結伴燒香踏綠苔百里朝山誇父老這回親
見佛光來嘉州南峴嶺山上生杉樹樹雲中放圓光謂之佛光不常見踏青遊女繡羅

卷六

全

襦雲髻均粘柳葉符纔出瞻我門外路逢人先問小西湖
踏青女貼花勝于鬢謂之柳葉符符瞻我門外有大西湖小西湖遊人到此日倘伴幾箇如
仙幾箇狂有酒有花須盡醉紅雲深處海棠香昔多海棠
棠山棠山到處山鄉接水鄉由來北客怯炎方勸君銷夏還
須住荔子初紅沁齒涼城北有荔枝灣臨江半是釣人居婦子團
圍樂有餘頓頓香蒸雲子飯條條柳貫桃花魚產桃花魚
額有紅點嘉州從古擅風流莫怪人輕萬戶侯紅葉滿山
如桃花嘉州從古擅風流莫怪人輕萬戶侯紅葉滿山
江水碧秋來齊上大佛頭唐時僧海通就山鑿大佛報賽
迎神唱竹枝竹公溪畔竹王祠插花蠻女清歌罷露冷鷓
啼月上時一水自夾江來遠郭南流注江山亦愛小

東坡已去放翁來漁人不識書中字結網還登爾雅臺爾雅在鳥尤山正覺寺外

傳郭璞注爾雅產墨魚衝山裂岸門龍蛇來看雷奔浪湧

沙鎮水金身三百尺飛空亂洒白蓮花凌雲頂上看冬雪

方響洞邊聽晚風疑是仙妃來月下輕搖環佩玉丁東響

洞在城內高標山下靜聽水滴有鹽船箇箇似浮鷗四望

聲舊名丁東水黃山谷改今名關前且暫留買客不知離別恨又隨明月下渝州四望關在州東

高可四望故名江波照妾光如鏡江水無情卻送郎東下荆門干

里隔九峯相對九迴腸凌雲山在城東一名九疑栽桑種稻自

村村鑿井煎鹽亦帝恩民愛官清官更樂此州有蠓佐芳

樽蜀地少蠓嘉州獨有列國宮詞云紅顏誤妾入他家脉脉無言臉

卷六

金

量霞愁煞細腰宮畔柳君王從此愛桃花楚別館離宮次

第開秦川如畫映樓臺吹簫未引雲間鳳駢脅英雄入贅

來秦宮芍藥相投笑語狂溱川上已好風光民間那識宮中

貴人夢芳蘭是國香鄭臨淄萬戶曉烟生作戲無端惱列

卿跛客先登房內笑誰知一笑幾傾城齊結東花裙繡襪

福美人編伍列行行教成一隊胭脂虎娘子軍聲嚇楚疆

吳越國烽烟犀甲多黃池盟罷息干戈吳宮花草應如舊

有女含顰喚奈何吳宮隔院風飄帶笑聲登臺喜見體輕盈

難瞞近待知消息鬢臂微開細語盟晉文馬東來氣不驕

韶顏幾輩曳紅綃美人絲管通宵樂那得工夫事早朝晉

出宮迴望淚沾衣羞見參差燕燕飛當日黃裳何忍著

藏猶帶舊香歸備舉世誰能識鳳麟勞勞車馬困風塵人

言西子遜南子環佩鏘鳴拜聖人衛戰國宮詞云沅芷湖

蘭種幾叢名花處處待春風君王不忍前魚泣若箇蛾眉

敢入宮楚鄂渚秋風落葉堆襄王朝暮任陽臺鴉媒無信

多山鬼誑說仙雲入夢來楚一見王孫笑語通經營百計

入秦宮邯鄲鼓瑟人如舊奇貨誰知販鬻工秦熒熒明鏡

照新妝渭水流脂入地香三十六年秋夜冷可憐無日見

君王秦武靈雄概亦堪誇代北雲中盡是家趙國佳人顏

似玉晚年偏性愛吳娃趙修容媚主貌如仙列屋閒居各

卷六

金

門妍聞道無鹽新受寵一時含淚卸花鈿齊秦人巧術亦

多般欲試靈心取笑嬾賴有深宮王后在外庭無計解連

環齊丁丁宮漏月黃昏臥室何人敢到門共說如姬明大

義竊符先報信陵恩魏宮中瓦震劇心憂十萬秦兵戰未

休共恨平原無上客高樓空斬美人頭趙馬角烏頭感上

天深宮銜恨淚潸然纖纖玉手甘酬客劍術無成最可憐

燕回札評云宮詞用意極新選詞極雅琢句極雋其一筆

運兩典處尤以一縷清思貫串而就靈襟獨抱妙緒紛來

才子騷人一齊頰首竹枝詞後不圖又讀此篇奚止橫掃

五千人耶余何能然特宗匠過譽誘之使至於道耳先生

爲安岳倉場侍郎王蓮洲炳瀛門下士侍郎歿未久家計蕭疎先生以金爲置產業古人之誼也

溫江王遲士侃爲余課孫肇元南川周嶠生仁恬課余僅

紹德遲士工古文辭嶠生工四六前已各載其詩矣嶠生

同重慶應試爲學使蔡公賞拔以母病不能來館葉小珩

恩培浙江龍游人善畫美人亦能詩周寶傳爲之介紹來

榮卽代嶠生教讀交相善也遲士之子誌從其姊文貞受

經年十五紹德肇元年皆十四今中秋節三人置酒果登

署中土山賞月天陰不見肇元約共聯句余聞之喜詩皆

不知用意作七絕示之云風動琅玕響畫簷清光火盼碧

卷六

峯尖白頭應惹姮娥笑桂殿深沈不捲簾此子今夜仙娥

會廣寒重重羅幕怕人看他年汝輩梯雲上攀桂休呼白

玉盤此首勉之越日乃各呈詩題爲賦遠遊言志落葉撲人衣

百草深秋洞茅亭清溪側白雲空中飄是時日沈彩行人

語聲歸一路山欽崎青松挂猿猴泉流古石上寒氣貫雲

霄青山蒼翠千萬里茲景幽深真可喜人生在世如煙塵

何必憂怨傷吾神王誌竹葉晚蕭蕭秋深草木凋意欲訪名

地路遠水迢迢山川迢遞不言遠欲遊岳壑秋已晚瀛洲

天姥皆名勝冬來雪壓松偃蹇天地之大無不有放懷願

與古人偶元聲皎皎明月光穿簾入畫堂青燐斜照處誤看

作秋霜聳首凭欄望蒼天淨無穢月輪籠修竹點點如金

碎此紹德望月詩也又對月飲酒紹德詩云春景撩人夜

未眠獨自散步畫堂前踏碎花影石徑微西軒月色今宵

妍人生難逢花月夜獨酌清酒倚花榭月光對我我對月

舉杯欲邀姮娥下楊柳風過嫩涼生四望星稀月更明夜

深衣濕因露重紫薇花上月三更賞玩不知坐時久杯盡

壺傾空翹首我歌月且聽我醉月不走嗟呼春宵一刻價

千金莫使酒樽空自斟一夜風景賞不盡月到暗中移花

陰肇元詩云不聞蟲聲唧唧但聞松風夜帶寒不見烏雀

南飛但見碧空月色闌月下獨酌人心爽光照脩竹喜欲

卷六

看我歌月燦爛我舞影凌亂夜深花影上窗遲宿鳥一聲

樹上喚共邀明月作酒仙何如當年李青蓮瓊樓玉宇今

何在紅霞一抹空中碎玉盤西墜白露微獨坐無言星宿

稀不信昔年明月夜玉人歌舞未曾歸王誌詩云攜來斗

酒泛兕觥誰言對月月無情寒光在酒杯在手酒酣喝月

向東明深宵天氣涼如水耿耿銀河向天橫銀燭爭輝兩

不語騰歡高唱徧流聲浮生世上宜如此攀桂直到蟾窟

裏桃李數枝衣上影雲斂青天無涯淡隔煙何處發清歌

仰顧空中月舒波霓裳舞罷素娥笑問我今夕樂如何樂

如何今月將墜問月無言月亦醉長嘯一聲斗柄斜驚破

孤山老鶴睡孺子不足言詩附錄以示鼓舞使異日進步
回視芻狗傲帚有此一段公案也

卷六

九

聽雨樓隨筆卷七

濟南



滇南昆明錢履和舉人大挑知縣... 用知縣俱分發來川履和字勸生補安岳忻和號香士補
鄆縣嘗以其先人南村先生澧墨迹屬為作跋按先生乾
隆辛卯進士通政司副使視學湖南操守嚴厲待諸生如
子弟書學顏米得其手迹如獲拱璧工詩七律似空同滄
溟和人荊州詩云夔門東下接荊州不盡濤聲日夜流野
次天分鷓尾關門高山礫虎牙秋雄都峙楚規南幸重鎮
窺吳號上游請向昇平論形勝江花睡穩一沙鷗送輔臣

卷七

宗兄赴平魯兼寄望峰馬鳴夜火戒征車北出居庸百里
餘雲勢九邊臨塞慘雪痕三月冒沙虛民耕斷磧時登粟
官坐空衙或藝蔬隔面十年家萬里莫驚相視鬢斑如
劉乙乙樂昌人生五歲其父徙家西蜀因貧不能兼活棄
置道旁後稍長呼天刺血書籍貫榜於背走數千里尋親
識其母於西陽知父已下世五年矣遺二妹奉以歸行至
唐崖得寒疾迫於凍餒逆旅人不肯留棲息古廟其母因
遠近無業醫者詣萬鍾傑求方劑憫乙乙至性肫懇行篋
得京都奧藥機七寶丹註治疾甚夥效亦甚奇授一丸服
之汗出如潑水病愈詣鍾傑謝鍾傑贈以歸資更為詩示

之爾生何足多，蟬與螿，爾生殊可惜。魂魄化鬼，俟試說爾死日，沈動迫中腸。爾身委溝壑，爾母哭路旁。爾妹啼且飢，日暮愁虎狼。年年杜鵑血，不得歸故鄉。愴然愛莫助，相視終傍徨。倒我千里篋，起爾七尺強。青囊貽妙藥，勝飲金薤霜。至性衆所憫，青青者上蒼。慈烏集深樹，返哺噪夕陽。提攜捧負去，膝下歲月長。登堂向我拜，我愈慙不遑。原有活人心，不繫肘後方。鍾傑雲南昆明人，乾隆拔貢生，官福建按察院，蒞荔村，偶僱工詩。自宋玉高唐賦，而巫山神女盛著於世。唐人云：蘇州刺史今才子，行到巫山必有詩。謂白居易也。而樂天不肯留題，古人不苟落筆。如此後人，乃多詠之。滇南萬荔村鍾傑詩。

卷七

云高辛季女，騎蒼龍，助禹治水，多神功。八年底績，上帝喜。玉書金檢，膺元封。三十天不肯住，飛來迴立巴江東。霞帔曉披赤城縣，雲駟晚過蓬萊宮。鞭鸞笞鳳，傲虛閣珠娘。龍女齊，匆匆玉顏長在閱。今古花冠低，蟬垂碧空。遂令千載好事者，時說環珮吹天風。尋常靈氣護奇秀，明滅春光青濛濛。今日一帆好風色，蛾眉十二來飛蓬。含情凝睇軒軒起，綽約紅蕖出淥水。人心隨物有深意，疑到閩風九萬里。上擁翠翹金丁當，下綴明珠錦旖旎。或如危坐青雲端，或如試粧寶鏡底。或窺半面擎玉簫，或現全身卻簪珥。或迎朝日色乍飛，或畏芳寒睡正美。或揚彩袖驚鴻前，或門

腰肢回雪裏，須臾變化盡。殊相縹緲，超忽無定止。盈盈隔水不得語，春到洞庭波。瀾紫多才宋玉賦，高唐暮暮朝朝。夢楚王仙緣不斷，塵根蒂爲兩。爲雲空斷腸，三峽流泉。森森去渚宮，碧草萋萋長。我來三過黃牛峽，白蘋紅蓼滿。艤牒輕烟迷，離遮寶裝淡。月朦朧，隱花頰。此行分明江上逢，欲陳悃素託靈笈。旌旗搖曳隨空蒼，芝蓋悠揚去颯。遐薄暮滿耳猿狖聲，霜打寒林落黃葉。惟有祠前翠竹條，年年枝上宿秋蝶。

卷七

國初時廣安歐陽淇竹名，清年後改名直好讀書，美姿容，陷賊營，歷受鞭笞炮烙之刑，自分必死。賊婦趙氏爲之求免，解僞鎮西王營，王拔劍欲刃之，有婦跪而哀，祈遠斂劍。旣出，有使來言奉女掌家命，召至閣中，卽前爲乞命者王之寵夫人向氏也。相見泣下，屏人語，僞言與直係姑表，故得釋教以家世備問答。賊厚視之，妻以二美婦，後逃歸有撫軍馬公乾者，牧廣安時，拔直童子第一者也。言於曾英，題授安居令。大清兵來，馬公殉節，俘送王公，遵垣繼而隨。李公國英展轉兵戈間，又從楊展吳三桂武大定孫可望。李定國多爲記室，嘗臥草間，兩虎過不之見，飢民以人爲糧，同行三人兩被獲，直獨跳免。七日無食不死，屢爲賊掠不死。凡七易妻，初婚劉氏，繼張氏，善琵琶工琴奕，元配劉

氏姿麗性敏出詞有章手不釋卷若經生嘗割股救母工
 詩年二十二卒思母云夢到家鄉覺又非思親不見淚沾
 衣巴山雨雪萱花老篆水風煙雁羽違目斷白雲空有憾
 哺還烏鳥竟難歸何如化作梁間燕歲歲差池傍母飛江
 村云亂離空翠斂晴霞江上孤貧三兩家對對鳴鳩愁宿
 雨牢牢龐犬臥殘花暮雲荒徑隨風掃古木頽垣帶月斜
 滿地榆錢人未拾羣飛白鷺下平沙避亂渠江云片帆破
 霧過晴沙旅况霜摧兩鬢華蹈海何人能避世思鄉有我
 未還家十年塵夢隨流水一曲漁歌弔晚霞烽火未消書
 不至怕看歸雁入蘆花有女同江避難增感鄰舟少婦坐
 江花翠斂雙蛾怨日斜為問孤踪何處侶自言數載已無
 家髣鴉欲櫛憑風雨涕淚空零逐浪沙司馬青衫今更溼
 那堪重聽訴琵琶

向春海廷賡字修野康熙丙子舉人博極羣書舉博學鴻
 詞不就為廣文三十餘年淡泊自守如枯僧年七十餘作
 生壙並為文以誌彭端淑云吾鄉前輩向廷賡修野詩多
 為人傳誦春興云蜂王衆建開新國燕子多情入舊家又
 有句云帶月斫柴攜稚子揮毫持柬問先生皆可誦
 成都知縣尤琛湖南長沙人發奸摘伏有神明之稱少時
 過湘溪野廟塑紫姑神甚美愛之手摩其面題詩於壁云

藐姑仙子落烟沙玉作闌干冰作車若畏夜深風露冷
 籬茅舍是郎家至夜有美女相就白云上清仙女偶謫人
 間司雲雨之事感郎意故來遂如伉儷以紫絲囊相贈言
 織女所賜佩之助人文思及成進士女佐其為政一日置
 酒為別云謫限已滿辭去查四川通志成都知縣無尤名
 其事頗韻付諸傳疑可耳

成都馬良柱由行伍官建昌總鎮貌奇偉虬髯繞輔頰聲
 如洪鐘目閃爍不可逼視討瞻對攻金川効力西陲大小
 數百戰賊望旗幟先遁待士卒嚴而有恩屢立奇功多膺
 力驍果善戰臨陳馬上舞鐵鞭迴旋如風召見乾清宮左
 右以鞭進使舞 上親臨觀因冠不正問之免冠謝則硯
 礪崢嶸突起頂上 上笑曰獅子頭也由是名播中外人
 以此尉遲敬德乾隆二十七年壽八十一卒生平奮勇直
 前體受刀箭瘢刻畫如虎紋所歷蠻烟瘴雨盛夏雪積山
 精畫嘯毒虺夜蟠出入萬死之地以老壽終二子一應詔
 官副將亦善鐵鞭 上命之舞如其父一名瑜征川楚教
 匪身經百戰不避艱險勇冠三軍官至湖北提督加銳勇
 巴圖魯

浙江鄞縣黃玉符名霖遊蜀愛浣花之勝遂卜居焉善畫
 菊自號菊花老人歸農詩云我愛騎驢婦坐車兒肩書籍

僕擔花出城未到青羊市先問橋頭賣酒家絕妙雅人移家圖

建昌某妻段氏氏父名功雲南人元末爲梁王所殺氏將嫁以旗與弟曰此仇必報我將建昌兵以助作七律二首甚悲慘是時年方十五耳會明師入滇梁王死乃止國朝張月槎名漢者奇其事作詩美之此生恨不生爲奇男子父仇手刃不忘死展旗語弟憤難消恨積點蒼凝雪涕鞭尸未如伍子胥女俠心同聶政姊西歸不盡淚淋淋逝比蜀川千尺水復仇志不成此事長已矣天道固好還興廢轉環耳君不見黑灰一度昆明劫梁王自刎涪涪血燕入

卷七

六

尋常百姓家不認梁王舊宮闕何如之子復仇一寸心千古昆池照明月

月槎石屏人

郭蘭石先生視學四川歲試鄰水某童詩文並佳題前書二十四字云富貴福澤心田普照若取斯人冥無顯報用警世人改惡向道詩後又書云人在號邊神在號前叫我先寫陰隲與心田後寫文字與詩篇若不信他言恐負神人勸若要信他言恐誤我黃卷霎時間昏迷不醒叫我一時難分辨悲蒼天悲蒼天前若有緣後若無緣我只得實情對青天查卷出批云是必有陰奪其魄者詞雖俚足見在在有鬼神也

阮亭先生好采人詩句流傳錄安岳馮山允南五言云春聲蜂繞屋晴意鳥臨窗曉日雲輕放林花水倒沈七言云抹綠原逢雨後殘粧桃李過春深亭榭寂爲閒處所溪山清帶古風流接琴故故彈流水隱几蕭蕭聽竹音瞿塘峽二十四韻寫夔州山川字字逼肖不身歷其境者不知也起云絕勝瞿塘峽西陵古地形巴江深洞穴蜀主舊門庭王氣吞三峽神功出五丁繼云衆流趨灩澦遠意會滄溟顧盼疑無地幽陰似有靈白鹽懸日月黑石鼓雷霆鑿鑿餘痕在高深巨勢停魚龍憑險怪烟霧鎖沈冥念昔勤探索嘗言駭觀聽波濤真激箭舟楫劇奔星殆欲頡頏老杜按灩澦堆積石磊落怒流噴激有人乘舟垂繩墜石水深八十四丈夏中水漲石上水猶三十餘丈瞿塘兩岸對峙峽口石盤上樹鐵柱二根山畔崖穴中有鐵鎖七條柱高六尺四寸索長二百七十七丈五尺昔人置以截江者柱於夏秋水泛則汨冬春復見朱子穎轉運重慶身非瑰偉鬚亦不多獨脣上二莖飄飄長尺餘甚自喜也錢瑾巖青選爲賦龍髯歌云腹寬不嫌軀幹小貌奇尤咤髭鬚絕不作獅兒蝟刺張復非仲堅虬色赤口上兩行長尺餘人謂龍形異凡俗又云西風落木海水深靜夜開筵月影窄與君縱談當世事口髭怒張聲

卷七

七

嗚呼飛騰萬態天地愁恍惚靈雲滿前席酒闌燈炮漏沈沈卓絕眉峰相映碧形容鬚眉欲動清選陽湖人

吾東平原董僕園先生淳官四川布政由縣令起家多善政教匪之亂盡力防堵作雪夜防漢圖張白華題之云雪

花爭舞謝莊衣鱗甲漫空亂鼓聲銀海光生搖劍戟潢池

波斷戮鯨鯢賦才早已游梁擅鏡曲應從破蔡題令我披

圖難和郢楚天雲樹望中迷公與張為同年任岳池署合

州屢相唱酬旋任後和張寄懷詩云宅傍三江曲水環半

居城市半林間經通爾雅知鼯鼠言寓蝸牛陋觸蠻東國

西川聯譜未舊歡新聚恨緣怪代庖一載慚非分敢望珠

卷七

八

仍合浦還誦罷吟箋興倍酣靜觀身世已心諳書香但望

能繩祖豚大安誇克肖男聚處酒詩曾我共別來風月竟

誰談衙齋自可容懸榻何日高軒駕兩驂

夏紹新字樂村官四川瀘州在蜀幾三十年多誦其德歸

林下十餘年與二三老友詩酒盤桓月泊具邀里人與誦

子會文生平敦孝友接物謙和建南口占遊宦十六載遍

歷蠶叢路棧道雖崎嶇猶未盡窘步今茲來建南遂險乃

畢露雅河泛洪波孤舟入陰霧星馳風木了驂停觀音舖

飛龍越斜麻榮經又暫駐朝行磨刀溪夕向關山禹象嶺

千丈轟雨雪長年注上聞亂松吼下聞巨濤怒行盡廿四

盤憩息椒花樹瘴癘瀘水鬼燐慘大渡八里煎茶坪峻

嶒劍戟布絕壁繞羊腸驚悸敢叱馭沈黎與越嵩南北遙

相屬賣羌環山居男婦瘦如瓠族類一何殊山川已異趣

虎豹時攫人白晝誰敢捕况有伏莽徒文檄難告諭迢迢

建昌鎮雄踞西塞成原野日蕭條悲風來薄暮願我守一

官寧謂遠遊誤振頓登前途蠻山更無數信宿幾多時一

朝忽抵署此州名會理民窮少財賦政簡刑自清與民安

樸素文翁不可作乖崖冀再遇長此事耕鑿或者臻富庶

回首邛徠關夢寐猶恐怖差喜近鄉邦音書可常附帖吧

陟無已嗟我增孺慕樂村雲南姚州人

卷七

九

奢酋之亂重慶失陷全川震動胡翰之以忠州州判改石

柱向秦良玉乞師救援兵未發號泣五日水漿不入口良

玉感動乃與師以往卒復重慶誠古今奇男子後官貴州

布政以不謹罷知明政之不綱也萬友正乾隆壬申舉人

過其故里弔之云弱臂曾彎兩石弓二郎關續鄞川東乞

師直向秦廷哭安國枉論僕射功抗表有人開廢籍揚嗣昌表

薦監紀還家無地失英雄至今嗚咽南明水應悔書生早習

戎按輔之建水人萬歷丙子舉人字曰平表題曰功載全

川

張象紳字六飛安岳人康熙甲辰進士初宰饒陽請裁驛

站嚴治盜盜風頓息後牧吾東膠州設養生堂建藥室全活甚眾著有處和詩集登瓦屋山云帶雨入荒寺松風一毀幽枯燈寒古佛殘葉落危樓法界猶灰劫吾生真浪游烟雲能護枕且夢辟支游瓦屋山辟支佛所生地洪雅榮經二縣界高一百四十里絕頂平廠可十餘里有泉眼七十二四時清冽常現辟支普賢光明號辟支道場山有獸如角端食虎豹不傷人六飛以早失怙恃每忌致奠盡哀如初喪宜出山爲循吏而詩亦迥然絕塵

張孝子名日華洪雅人三歲而孤國初蜀亂年十歲與兄日熾在塾爲遊兵略去隸左標章臣營日華思母日夜嘯不食他人與兄勸之不聽章臣妻董氏聞而慰之曰有爾方見母不食安有爾爾且飲食若知母信吾送爾歸日華喜躍乃食後移營日熾不知所往由此去建昌歷福建廣西貴州雲南私斷酒肉所早見母至康熙四年駐湖廣十年有自川南回者問知母耗罄囊獻主將歷萬山踵繭趾裂越兩月抵家母子再聚在外十九年矣在雲南同營有

妻妻生子母病劇刳股以進病愈歿後廬墓三年念母當亂離賴蔬以濟遂絕葷終身卒年八十一子春元副貢忠州學博周景璠長夏倦臥夢一偉男子長髯方面明時

卷七

十一

衣冠曰我陳瑞也帝命司此土祈於署後榕樹下營一宅醒以爲幻夜夢如初翌午又夢其人再三言之乃立祠書鄉賢陳公瑞土地神位夜夢來謝陳公明成化戊戌進士官給諫有直聲官終光祿寺卿正直爲神信哉景璠乾隆年間任按察朱荔裳先生瑰夢至荒郊見武侯借寓民間次日詢老人言武侯祠在府治西南往觀但見瓦礫荆棘酷似夢中所見乃捐俸建祠

威遠李信齋名慎奕嘉慶丁卯舉人戊辰進士卽用知縣籤掣福建初署晉江繼補臺灣俱有政聲每訪里下老成兼有才幹者優禮之藉爲耳目緝兇捕盜所往輒獲咸驚爲神閩俗多械鬪往往因一命釀至數十命信齋悉心究問案無屈抑械鬪之風漸息晉江施姓封侯名煥裔也驕悍不法鄉曲附之者門掛施家庄牌卽抗不納糧前官墊賠已久公曰彼世受國恩宜踴躍以爲民望我奉命守此土不惟力不能賠亦分不應賠徵收時親往以理論之不聽火焚其宅施聲氣頗廣事聞於朝及上憲傳詢李曰民抗奉法之吏官懲玩法之民苟完糧吾願修還其宅案遂結後之官此土者不墊賠皆曰此李公力也令臺灣時淡水廳有警太守首薦之欲辭不得有應交項二萬餘倉皇無措五日內士民捐金至一萬八千餘及之淡水辦

卷七

十二

理得宜賊平後上憲拔補淡水同知勸民修城以資捍衛

後將進京引 見士民送洋銀七千圓不受解纜起程後

士民使人乘小舟追至日前所送項出於士民至誠敬存

某字號以待公言訖委券而去歸里後券為家人竊去嗚

於官時李懷庭為令不之信聞於上憲上憲移文至福建

查問士民稟覆云賴李公全其生故有此舉日望李公再

來也距今不來知其不復出矣乃賫送其家

丙穴魚其穴向丙故名昔出褒水今漢中不屬蜀而蜀中

出丙穴魚不但雅州聞彭縣大魚洞小魚洞什方河中俱

出嘉魚細鱗少刺味極肥美咏之云穴居深處水冥冥忽

見銀鱗躍淺汀向丙還應先去乙好將烹法付庖丁

重九公出旋署後與諸友會龍神祠作展重陽詩許鴻軒

七律云縱步龍山補快游重陽節後聚名流幾聲疎雨階

前滴一片寒烟野外浮囊貯朱萸情似昔英舒黃菊景猶

留先生逸興如彭澤醉後酣歌共倚樓龍祠在城內山上

許名崇基前任簡州州判名桂號夢鷗孫也父爇遊幕在

川後任山西安邑巡檢號森菴

明巡按劉之勃為獻賊所執脅降不屈書歌於策云吾親

嗟已逝非君安所之遙遙孤臣影化作杜鵑飛向北關

繞帝軒飛向北土繞墓田若是杜鵑會有死死作厲鬼吞

逆羶逆羶應不共戴天葬厥骨兮我之巔大明代巡劉之

勃書文秀白獻忠縛之勃端禮門外射之勃罵不絕口

而死

西昌寧遠府首縣山出銅礦昔官紳士民倚為金穴今洞

老山空銅價日昂地近邊塞氣候不齊冷則夏可披綿暖

則冬可衣絨書綸有詩數首足志風土邛海非江水絕底

暗通潮天影落虛靜山川隨動搖如何挾夏雨遽乃浸秋

苗不道長河廣波瀾漸漸消未遂游山興城樓共客臨風

烟開沓嶂水石澹重林日與西陲遠秋應北望深躊躇懷

古意縱筆漫長吟石洞留仙蹟雲峯出玉泉仙人騎鶴去

玉體尚冷然我愛升菴筆來尋古洞天題詩人不見流水

自年年控險資雄鎮連環十二營麾旌夷瘴散試馬野花

明春暖烏蒙國霜寒孟獲城鄉民傳令節猶為武侯迎漢

代征西焚窮荒鳥道開至今諸父老猶自待招徠板屋星

居錯禾田火種纔近來入廣聚夷漢雜巖隈地接滇池近

天過相嶺低隔山分冷暖流水任東西爐火千僮鑄蟲園

萬戶齊邊方多樂歲無事餉炊藜繞屋園蔬密隨田堰水

通壩承仙掌露逕颺稻花風小市新添織荒菴編訓蒙安

居同上國何更賦哀鴻椎髻披毡毳榛榛自在游鍋裝連

袂舞酒債計田酬混沌若無鑿遐荒安有憂忘機對鷗鳥

親近可同舟面面設重關邛城逼裸蠻雷喧憤遠水雪隱
小凉山戍鼓今無警荒田半就刪閭閻安作息自覺訟庭
閒一樹寒梅發無人亦自香詠花誰見賞携酒客同狂紅
杏先爭候黃華並耐霜南天風信異滿目得春光

余初莅榮縣試取吳邁第一後多閱其文不知其能詩也
忽以一册見投七古大霧行絕奇蒼茫塵世一氣裹開戶
大呼天欲墮隔籬但聽鷄犬聲咫尺見人空際坐疑是風
伯矜神工夜吹家入太虛中又疑天孫織錦餘綺降散作
人間碧紗帳抑或媧皇鍊石補天傾墜雲下補地不平否
則十二萬年乾坤毀不浮不凝洞洞爾我且置身鼇峯巔

卷七

市

試看開闢者誰子須與赤輪飛海邊化作紅霞蒸滿天萬
山如粧加新妍噫吁嘻人生萬事皆塵土大霧一朝似千
古題楊忠武侯勤勞錄云罄紙難書百戰功血袍汗馬絕
英風面如壯繆心俱赤膽似順平才更雄蕩寇威加河內
外安邊績著陝西東勳勞直是楊無敵尤愛封侯壽考終
題袁簡齋詩集云遭逢卿相都青眼管領湖山到白頭嘲
禱佛者云黔首甘心祈木偶沙門巧計當錢神寒窗即事
云把盞月來邀對酌開窗風過替翻書尤工於集古一氣
旋轉如自已出前人無以過也題爲秋興一年容易又秋
風落木寒泉聽不窮幾處園林蕭瑟裏數聲鷄犬翠微中

試尋野菜炊香飯却揀蘋汀下釣筒富貴不淫貧賤樂此
心期與古人同桂花香動萬山秋風物淒淒宿雨收野鶴
巢邊松最老夕陽城上角偏愁恨無陽子一區宅安得元
龍百尺樓此外俗塵都不染好山長在水長流遠日非春
亦自傷碧樓紅樹倚斜陽天空絕塞聞邊鴈水落蕪葭足
夜霜獻賦十年猶未遇愁來一日即爲長月光常照金樽
裏且放懽情入醉鄉澹然空水帶斜暉日日江樓坐翠微
赤葉黃花隨野岸清泉白石鎖烟扉簾前春色應須惜竹
外秋聲漸作威一種閒愁無著處琴牀茶鼎淡相依適來
世上豈緣名賈誼何須弔屈平芳草伴人還易老塵心終

卷七

市

日自勞生山從飛鳥行邊出月到中秋分外明亦擬村南
買烟舍不將蘿薛易簪纓乾坤萬事上眉端擬結茅廬積
翠間洗藥每臨新瀑水採芝多夢舊遊山樽中美酒常須
滿世上浮名好是閒爲問秋風舊來鴈如何飛倦始知還
猶有四首未錄

胡水雲名滢浙江紹興人道光癸未進士善堪輿在京時
有大臣保舉爲固倫公主擇陰地自請代奏素以筆墨爲
生不敢仰邀 恩典 上稱爲高雅先選貴州綏陽改授
四川榮縣水雲藐小丈夫而擅拳勇團練丁壯親與教師
點撥偶奪身跳跌地傷足由此得疾告歸留別士民七律

四首錄其二云戲場何必認爲真 聖王親呼高雅人幼
學曾懷鴻鵠志服官已作馬牛身兒孫好向心田問父老
非從膜外親幾及三年慚撫字聊將淡泊對斯民人生原
貴葆天真未俗澆風漸染人我欲明倫敦古道羣姦好直
剩孤身地隣蠻境防須密民練軍威訓必親竚看風清羣
樂業優游共作太平民

大足杜雲颿字香國遷成都居寄雲別墅在北門珠市園
亭有花竹之勝好爲詩註選貳尹不赴家居課子著有琴
餘草長樂園云因尋勝境訪仙莊曲徑通幽草木香翠竹
常新朝浥露飛泉不斷晚生涼名花有意留春色好鳥無

卷七

七

心學轉簧羨殺此翁真世外閒中妙趣箇中藏題陸橘洲
少尉蓼園憶舊圖云名園擁翠出雲嵐笑對溪邊小結庵
遙憶蓼花成故舊一圖烟雨望江南遊春云載酒携琴踏
翠微呼童早出掩柴扉鶯聲出谷迎人語蝶影穿林繞徑
飛嫩柳籠煙拂滿袖嬌桃帶雨任沾衣溪南小岸停鞭望
一路殘紅映夕暉佳句如墻角西風吹蔓草佛頭春雨長
苔花老樹籠煙迷石洞荒藤帶露掩僧房僧從樹杪穿雲
出船趁風中破浪來皆可誦

亡友趙竹菴以秋月秋雲等十二首索和未暇作也榮邑
汪涵有詩十二首選錄其四秋霜云馬蹄踏碎板橋霜水

上薰葭色盡蒼落葉半林殘月影曉星一點曙袍光秋容
漸染烏頭白天意將收鴨脚黃堪羨故園多晚景傲寒猶
自吐芬芳秋風云才謝南薰解愠功蕭蕭蘋末忽西風送
將鷹隼來塵外引得蓴鱸入夢中無恙又增團扇感有聲
都作大王雄欲知涼意吹何處如水空墜落葉紅秋泛云
偶向江邊泛小舸白蘋紅蓼映輕橈一篷夜色黃牛月兩
岸秋聲赤壁簫瑟瑟荻花商婦拍蕭蕭木葉廣陵潮水晶
宮闕如天上掛起雲帆近九霄秋聲云蕭條秋氣韻乘金
天籟刁豎撼不禁擱耳疎鐘梧滿院捲簾清笛月千林寒
鴉嘔嘔吳娘賦歸雁淒涼楚女砧十萬軍聲潮半夜一齊

卷七

七

收入短長吟七古未盡合格而才氣橫放江上望峩眉歌
云昔聞元岳之峰三千九百丈連厓直與天孫抗嵩宗之
峰三十六凌霄玉筍排無數不及峩眉天下奇青空萬古
無端倪我至嘉州經幾度翠色半空曾寓目西風吹動青
衣流少皞之司行清秋青紅鬼怪踰眼底龍吟能咆陰厓
裡今來拭目當炎天遙看石梯雲棧相勾連疑是共工裂
破不周柱絕頂天瓢傾山巔帝愁四維弱故遣夸娥負此
鎮坤乾又疑女媧鍊石補天闕白螭幻出雲疊疊安得長
房之妙術縮如九華壺中貯念此茫茫望九垓安得左手
持浮邱右手拍洪厓鶉頭剪斷三秦臂合抱蓮花向天開

我歌歌益放歌罷形神旺但願此身化爲鷓與鵬搏扶搖
羊角而直上

俗傳火焰山在今寧遠府所屬會理州府南十五里有瀘
山古瀘州地也山極高下臨邛池俗稱邛海週迴約三百
里過水登山有古栢千百年物大可數十人合抱自山至
頂廟宇十三處層疊而上有泉焉通以篋下注足各寺之
用每歲六月二十四日夜間城市鄉民縛松枝門前然火
山上望之如繁星萬點楊升菴詩云老夫今夜宿瀘山驚
破天門夜未闕誰把太空敲粉碎滿天星斗落入間榮縣
會唯堂習傳爲寧遠教授題詩云青青簇擁幾多峰一抹

卷七

六

烟痕潑翠濃今夜幸當城不夜萬家燈火燦芙蓉不至其
地不解其詩也余庚子署新津唯堂爲學博及來榮已擢
任教授今年七十二矣容貌如五六十歲猶生子素擅拳
勇兼喜作詩九日登瀘山云瀘山矗立勢參天蠟屐攀躋
萬仞巔百丈深潭拖白練四圍峻嶺羃青烟入林飛鼠爭
枝跳隔岸漁船逆水牽石磴千盤何憚險放開眼界渺無
邊

成都文殊院方丈智圓貌偉岸談吐磊落才畧過人初從
白蓮教後悔悟投軍營設計剿擒匪黨賞六品頂帶久之
棄去爲僧文殊院爲省會古刹僧衆二千指田租不敷用

揭債二萬餘金祠宇頽敗智圓入院經理有方不數年債
累悉清更益田畝寺中逐處修整遂稱富饒召其子俾以
巨金歸營產業優於自奉起居飲食無不精美特不茹葷
耳方伯李石農先生高雅絕俗獨喜智圓暇日過從談論
不倦諸當道亦樂與往還忽厭喧囂西門外自營草菴獨
居邈與世絕人莫測也智圓通醫精堪輿論理氣透徹自
右豪俠之士末路往往歸僧而其初或恣爲不法或入富
貴場豪宕揮霍及其耽禪寂絕世緣迥異凡流智圓殆其
倫歟

卷七

九

三台縣出北郭數里夾道柳百餘株登石磴半嶺有琴泉
寺憑欄以望江流縈帶林樹鬱然最後有龕鑿石爲觀音
像泉出座下右一洞爲如此軒仰視岩石層層如雲出岫
勢欲飛動左一小圓洞曰少商通泉流入小池伏地而出
寺右牛山一池曰涵清泉從龍口吐出注之靜聽點滴有
聲如疎雨滴桐韻諸宮徵是名琴泉桂培園蔭邀書碩農
何致菴程鶴山諸人往遊碩農題詩云會得宮商趣琴泉
韻最工何人志流水此際送飛鴻古洞虛延月長松迴帶
風塵襟一以潔不用更揮桐

榮縣東榮黎山慈雲寺中左右各有池池水僅可供炊寺
外有似池而無水者深廣丈餘旁有洞口謂之龍洞舊日

禱雨輒應洞中有宋熙寧時碑入之僅容一人深不可測
以燭照視四面怪石凹凸形如蚪龍前令胡水雲因早往
禱得雨時廖庶常朝翼在寺教讀作詩美之胡水雲依韻
和之云隱非朝市即山林同此憂民夙願深愧我兩人無
善政羨君潤物有餘心九霄沉瀆誰為露三日滂沱忽作
霖久旱神龍行帝澤馨香應許達幽陰由來循吏出儒林
絳帳宏開歲月深時雨化人敷脉脉兄以養親不赴選已
在榮黎山設帳三年
清風好我印心心默窺地軸誰憂早俯順農情共乞霖全
賴山靈昭降鑒良苗徧潤又微陰俗塵本不到園林况復
山高徑更深今雨應談今夕事古風如見古人心生當

卷七

手

聖世非甘隱出比商臣期作霖民瘼相關應素裕綢繆何
敢待天陰高田尚未十分霑足
擬雨足乃敬謝山靈千章夏木鬱青林獨惜高
原水未深甘雨連宵濡屐齒薰風卓午譜琴心時每晝大
晴夜雨
田均祝登多稼小滿纔邀沛晚霖頽俗賴君能化導門前
桃李已成陰

節義文章萃於一門最為盛事江安楊大司馬彤宣名鼎
和明季殉難其後科第隆隆而起晉與弟緒瑄以文學著
稱晉子世麟振麟同舉康熙乙酉鍾麟與緒瑄子符麟同
舉雍正癸卯錫麟子昂乾隆戊子鄉舉符麟子卓乾隆己
丑進士一時目為甲族皆晉所教也晉以貢生終壽母郭

氏云七十已作古補傳八秩於今又六年任爾黃金高北
斗誰家陸地有神仙扶行還厭鳩頭重佐食偏思野菜鮮
獨愧窮兒空白首絲毫無力報生全清晨籲帝潔焚香子
職平生事事荒何德能教母延壽降祥還祝日迴光肆筵
賓醉霞光紫入座風飄桂蕊黃共說茲辰真曠觀一人須
進一千觴母九十餘乃卒情真不嫌語質和林廣心八首
尤見琢磨玉關休壯志綠野定新居籬繞王猷竹家藏李
泌書灌園非學圃鑿沼豈貪魚為愛煙霞靜浮雲任卷舒
憶發扁舟與山齋小雪時菊纔發晚徑梅已促新詩江水
寒逾碧雲峯瘦更奇何當春色遍遠黛綠如眉莫怪新詩

卷七

手

富春來野趣多水生漁艇活草壯牧童歌耕犢侵晨出樵
聲向晚過君家有如此不樂興云何咫尺風塵外翛然抱
遠心步兵千日酒中散數聲琴宦囊從冰冷侯門任海深
故應車馬客無計得相尋漫說城居好邨居勝事兼高壩
青嶂築小屋白茅苫節至花知報燈殘月解添莫令猿鶴
怨厭苦又思甜新年詩幾束寄我不曾疎高話羲皇事頻
談水竹居蹉跎慙我老鄙吝仗君除何日清江曲誅茅共
荷鋤正有重游興耘書老尙勤空懷林處士還憶李將軍
射虎曾穿石揮金不論斤克家能惠好高韻幸頻分第五
橋邊宅主人憶姓何名園邀上客歸句織天梭媿少風人

致空傳下里歌煩君爲掩拙勿遣雪兒調振麟即號二風
作歌解嘲者卓字鶴然寄弟舉云別汝何多日春來淚未
乾花明荆樹暗風煖春令寒不料招魂久空悲捧檄難高
堂能強飯漂泊我猶安錦里分飛後艱難獨汝嘗再馳蠻
棧險瀟爽丙年荒憊矣阿戎力傷故客子腸團圓如可待
兩地衰秋香昂號雲屏春寒卽事云爲惜韶光恐易闌驥
風作雨掩雲端王孫芳草留清露舞筵歌怯早寒好景
應題仍袖手荷衣頻着尙嫌單流鶯欲洩東皇意數嘯驚
人倚檻看新秋對月云莫遣良宵寂寞過金樽綠蟻任吟
哦蜍光映我明於雪歲序催人速似梭豈厭斯文遭薄俗

卷七

三

仍綠書劍却蹉跎年年此日尋知友惟有清風入幕多舉
上周穆如明府培修安濟廟云臨江樓閣舊規模半峙江
心一望孤碧瓦苔橫滋蔓草丹楹木蠹走蒼巖照山積翠
浮烟靄清水迴波泛舳艫勝地得逢賢令尹不教古蹟廢
荒蕪又有名維細者不知係其族否事親孝以孝廉爲灌
縣訓導迎母就養以道遠不赴家信中有云一官飽繫親
關遠五夜鵲啼別淚多更覺入人心肺與普壽母詩同一
孝思也

榮縣僧文峯幼穎悟今年十六歲能作八比賦尤鮮秀間
作小令頗可觀詩雖淺亦可造也寄雲空上人云孟山嘉

壘翠鬱葱遠隔塵囂路不通秋老金風黃葉外天高玉宇
白雲中何時靜坐琴三疊有客敲門月半弓魚素傳來詩
數首憑欄快讀似清風和雲空早涼云閒庭落葉早涼侵
嘒嘒秋蟬助客吟崖樹影疎飛鳥下寺鐘聲斷暮雲深山
間訪友時携酒村外尋花又抱琴飛錫再來幽徑熟青猿
接我上高岑春日閒庭剪梅疎籬小巷綠陰遮柳也斜斜
竹也斜斜昨夜陽春到我家纔放梅花又放桃花呼僮汲
水快烹茶雲在水涯日上窻紗獨坐閒庭興倍賒晨翻楞
伽午開蜂衙夏日卽景閒亭日永如小年玉軫停絃小榻
堪眠荷葉溪中疊似錢綠柳堤邊紅板橋前點坐爐浮暑

卷七

三

裏烟不是神仙誰是神仙園裏榴花火欲然蜂也翩翩蝶
也翩翩文峯住觀音菴俗姓羅因無父母九歲披剃
相傳魚衆兆豐年雙流有魚似鱗而小生五箇溪自水草
灘至四望關則有他處皆無味極肥美年豐則少歲歉則
多天下事真有不可一概論者聞其出在八九月間相聚
游行一網可得數百尾非關鱸膾感秋風味美難教處處
同也似英雄齊入穀漁人一網盡牢籠鄂筒酒美奈魚何
好向筒溪結網羅歉歲偏多豐歲少牧人占夢夢還訛
嘉慶辛酉彭山城北大河之濱小艇偶泊漁人枕蓑晝寢
似有喚其速去者驚醒登岸風馳雨驟烟雲晦冥有龍見

於空中鱗甲爪牙森然畢備河水暴湧數丈噴薄如雷石
子亂飛地近青龍塲觀者如覩隱約中見龍蜿蜒遊戲少
頃開靈漁人覓舟則片板殘篙拋碎二三里外矣

簡州傅輝文字曉亭自號均溪老人雍正甲辰進士廣西
鬱林州知州降河南太康令告歸清貧授徒自給年七十

一為生壙自作誌銘云少步青雲半生鞅掌國恩未報身
歸泉壤其生也困其歿也貧惟餘清白以貽後人殆實錄

也父名霽康熙庚午孝廉居官有善政行取主事曉亭承
家學益精勤詩古文俱有名與林素翁云命駕出茅廬天

寒木落初故人千里外別緒十年餘地有林泉勝村多水
竹居登臨興不淺筋力定何如夜月觀梅云君身自具神

仙骨世外亭亭冰雪姿傳語小奚沽美酒安排對月寫新
詩

蜀地江流分灌百萬頃江流所不至溪澗則筒車掣水未
知始自何人其功可百世祀也張鳳翥作詩曲盡其巧兼

著其始作之人錄其後半篇今年何為吝神澤為是筒車
千輪百架阻武陽過流屈曲注高阜編竹為塹懸金湯人

謀洵可奪天巧轉轆萬轉神功藏雪浪拍天雲水立銀河
注地魚龍翔細珠亂落逗秋雨素練裂破拖電裳翻水叱

咤轉鈞軸迎風嘔啞流徵商遂使東流向西注蒼龍倒掛

廻扶桑嗟乎翻車始自馬均手後來作者徒爭強搏躍過
顛豈天性激行在山非經常徐侯解澤自公溥披星戴月

求民康水縉百萬出泉畝豈使向隅含悲傷懲奸察弊走
魑魅宣幽達滯含混茫天池一瀉三峽圻渤澥半倒九河

襄蕪蒲沒水鳧雁立動影窈窕空林塘迴前筒車聲婉轉
潏迴激盪風浪浪江魚跳波白鶴舞

搖青岡金竹彭山壩名皆堤壩名農夫歸路發清謳田頭放水補插
秧手提棹棹明月下坐看水滿浮星光綠苗颯颯吹浪起

一犁烟雨迎清涼晚來醉卧茆屋下不愁紅日昇東牆
村居幽僻無名山大川以發人才思故詩多寒儉顧唐人

道田家風景宛如目觀在人善取材耳榮縣楊鳳鳴寫村
景有可觀者幾處茅簷傍碧溪半居橋北半橋西牧童晨

起同驅犢老婦晚歸各喚鷄擊鼓催農歌韻合挑燈課子
讀聲齊有時客到柴門坐愛聽嬰兒嗷嗷啼選得幽居傍

翠巖鳩鳩穀穀燕誦誦花鋪曲徑風難掃苔滿荒階草未
芟雨後耕田携破笠溪邊泛水缺輕帆此間想與桃源近

鷄犬桑麻迥絕凡非隱居久者不知此景
李濂與何人鶴交莫逆乾隆四十九年人鶴自山東泰安

署侍母還德陽李掌教孝感書院以書詢之云東遊四載
所樂何事答以詩云東遊何所樂殊費故人思萬斛蓬萊

酒一瓢滄海詩友朋雲聚散歲月電奔馳歸卧墓山下空
添兩髻絲詩雖淺頗有情趣得古人贈答之義

余來川與大竹王魯之相見思下時將赴安邱任忽忽一
別音書頻達四弟薇堂在青州與魯之會往大竹與小雲
會小雲貌寒儉不及乃兄而落拓不羈畧相似魯之調繁
長清小雲往視未幾病歿魯之未久亦卒可惜也江太史
國霖與友搜其遺詩得魯之待鶴樓詩小雲零礫詩存合
刻板存都中此舉庶不沒其心血魯之在東嘗署蘭山卸
篆留別父老云半年懷慄印垂腰瓜代猶欣髻未彫往日
秋城迷暗雨去時春月滿清霄幾曾白壁遭泥泥宛但見黃

卷七

美

金似雪消蔣琬陽殊不洽大端難得耐煩鬻風塵終日
學蓬飛蘭地方百里而當孔道五斗何能便療饑深累慈
親添白髮却憐小女索新衣賓朋見諒問過少役吏相看
逐漸稀不道縣衙如冷寺時人歎息轉相譏回頭失景已
無痕往事捫心仔細論未得暇時親父老也曾怒後杖兒
孫籌邊自愧催科拙他縣皆完額蘭不及十之五斷獄方知禮讓尊我
本無才安靜好匆匆於汝有何恩出城腰脚頓成輕惆悵
方增望雨情秋後牧羊山草盡春來聞雁夜愁生貧吾分
耳民何感勞本當然政未成行矣那須名赫赫祗慚負汝
負生平小雲在濟南登滙波門城樓云百丈飛樓接渺冥

鵲華秋色滿疎檣雲連大海千山紫天落平蕪萬里青烟
火人家迷遠樹斜陽鴉影落前汀昇平一例登臨樂自有
蛟龍夜未局

成都張益在榮騰寫書啟偶見其咏懷云亦向芸窗化魯
愚文章報國已全虛深慚乏計恢先業且喜偷閒讀父書
敢冀良田兼廣舍惟求粗飯與茅廬閒來靜倚東籬想異
日兒孫莫效予雖未工要能道其心事

山陰陸敏齋嘗以詩册相示余有商推應時更定少年俊
爽敏而好學者也其室篆仙亦好吟咏于歸時敏齋贈詩
云最愛芸窗來伴讀青檠常共夜三更可謂佳偶來川遷

卷七

老

父樞還里途中夫婦相繼而亡哀哉
山西劉範九觀渡來川候補喜作詩到處留題常以未登
科第為憾余邀遊武侯祠與諸友小飲賦詩云攜琴客到
錦官城抵掌高談感慨生酒後交情無俗態詩來唱和有
同聲川江自古稱為險蜀道於今恨未平愧我中年多坎
坷羨君榜上早題名曲徑迴環萬絲稠武侯祠裏會名流
高風醉我陶元亮大志懷人馬少游取友豈徒歌贈行爲
官最快是同舟吟詩力欲追工部剪燭歸來又唱酬範九
後以耳聾歸里

道光十六年秋余署鄆都孝廉余禹門兆登與乃兄邀遊

鹿鳴山東坡先生舊遊地也自後文謙屢開卸篆時贈詩

錄二首家世瑯琊舊官聲枳水新晏裘廉厲俗姜被暖分

素友愛恤下鞭停響虛中鏡拂塵此行留愛日風景負

暄辰素仰風規峻焉知雅興饒畫閒衙早放夜作市無繁

携展名山問啣杯皓月邀碧紗留句好追琢壯岌堯遊平

後長古去詩中未免溢美存之志當日雅意耳

黃卓園樹本由教職保舉歷幸豫閩垂二十年以將樂令

復改教職選簡州訓導余嘗因公至簡相見自云安開勝

于為令時鎮平述懷云久將兒女視蒼生不為身家豈為

名贏得虎狼皆自斂等閒鷄犬不相驚風清四野渾無事

花落閑庭靜有聲撫字敢云心獨瘁一官早已薄蠅營鄉

徵道出萬安寨步秦板橋韻云水聲汧汧不通船山徑迷

離起夕煙頓覺眼前無善地全憑頂上有青天鄉徵未必

如民願閩省錢糧非排糶偏能結眾緣甲午水潦民飢于

立碑將樂三年何日樂歸心已被白雲牽燈下有感云宦

海飄蓬幾度秋瞞瞞黃髮已盈頭未知單父琴何處漫說

河陽花尚留首藉儘堪誇石隱桑榆無復夢刀州敲詩酌

酒消塵慮好把忘機狎野鷗卓園祖父皆官四川後入興

文籍家有園亭之勝自闕歸里付子經理携姬侍三人赴

簡州任吟咏自適

宜賓尹大參子求性兀傲工詩前人有句云閉戶焚香尹

子求其高雅可想女初蘭亦能詩嫁劉晉仲諒素不知書

晉仲妹文玉詞翰工敏乃從學詩年甫十九卒于求友為

作斷香銘極悽惋可當詩序讀也中有云精神起落出人

意表佳處不必由思思者反是無關係處嘗從晉仲由江

入峽由峽入淮達運河竹樹逢迎煙日爭讓舟行遲緩可

以為家得一意為詩其篇時斷時缺缺于此或全于彼有

絃摧柱折援他琴以續之之意讀其詩骨散神寒音節清

越如病葉偶然從風而墜或中搢之附枝翅鳴不能自致

于地如暗泉之阨于石而不能自竟其響此斷香之旨也

世不常有才才而為友難才而為婦更難劉子者憐才乎

求友乎悼亡乎將尋香于落葉暗泉之間乎詩未多傳夜

坐吟云漠漠長空似水清金波滑淨月輕盈微風半夜添

衣冷弱柳千枝帶露明滿院春光鏤不住一番花信為誰

驚沈吟永夕愁無緒金鴨寒窗畫竹橫

廣東諸生伍燕堂遷蜀綦江在城中教授生徒典史某嘗

至其館談論見其工詞翰每假手焉適縣令書啓友去典

史薦之入幕每縣試令以文卷送閱為定甲乙相信不疑

凡經七試有人欲得案首賄以重金堅却之是時偕妻食

貧尚無子年四十後連得三子教之讀入綦江籍縣試皆

第一俱中進士燕堂已受封今年八十餘猶健在七十九歲時繪流觴曲水圖大竹王小雲題七古甚長中有云瀛山先生七十九其才其福古未有著書不讀時世書積功積德兩不朽書田種得三株樹枝葉披雲承雨露又云我聞瀛山山水好山水環曲似蓬島大奇山水爲人生江山萬年人不老惟其器量宏不貪小利故能載厚福豈偶然哉

余幼與南川周東泉治章侍家君共讀攝象榮昌東泉來遊未久別去留別七律今于故紙中忽得其稿相別鷄窗歲月深碧齡華髮再相親鬚眉細認疑前世車笠尋盟繼

卷七

三

古人詩禮相傳會共侍關山幸聚有良因蜀邦風俗頽頽甚仰賴循良有脚春時在道光乙亥

鄧都學博鄒小山桂林好爲詩別後三四年屢寄所作畧錄三首桃花如錦柳如烟暢好風光二月天曲有新聲思白雪家無餘物祇青瓊乘問覓句惟排悶遣興啣杯且學仙常歎人貪丹鼎術不知何用歷長年當年慷慨賦騷歌意緒如絲喚奈何載酒同酣黃葉徑回舟尚憶白沙沱人非有骨終隨俗友果能真不厭多此際陽春曲應譜來秋准擬聽雲和鏡別時舟泊白沙沱癸卯至夜明秋報滿進省先爲預訂眉州舟中早發云澄流如帶霧朝烟浩渺眉江別有天山色四圍青似黛

蘆花兩岸白於棉舟橫古渡人須有橈劃輕波水作圈最是河洲無限好還疑隱處有真仙

南溪令彭海樓旭初需次省垣遊頭日偕遊浣花集香葉亭分韻賦詩余僅作五古短篇其餘人各一首海樓分得和字獨作五律四首兩歇春歸盡晴初天氣和名祠諸葛仰舊蹟少陵嘖柏翠古牆蔭苔斑幽徑多錦官城外路不厭數經過丹房清似水香葉小於窩綠竹涼陰聚黃冠笑語和草生書帶滿花結米囊多檢點新聯集頻將好句哦浣花期又到濯錦意如何女手纖纖荀僧衣葉葉荷遊頭臨晏會夏首際清和莫更求陳迹奇聞自古多捧檄剛氏

卷七

三

客時紅樓有附氏之行未與會茲游未克過詩儔驚漸少吟興減前多別意滿楊柳夕陽生薛蘿人歸禽鳥樂下上呀聲和昆明傳順孫明萬歷間幸德陽治解後蔬圃鋤地下有聲如震金石掘丈餘得古鼎高三尺五寸厚三寸兩耳高五寸龍虎雕畫細入毫髮其質非鐵擊之似石丹砂斑駁鎔之得黃金百餘斤疑許真君鍊金代民輸租埋鼎地下有李坦者過榮投書云原藉山東萊陽遷居他處經此求資助且題詩中有句云滿腹苦情嫌紙短一江秋水共愁多蓋素係遊幕之人由陝將返於南情詞悱惻稍贈路費免其窮途之哭

雍正間河南柘城寶容遂號樛村以孝廉宰蜀之新寧以
聖賢為可學多惠政錢香樹宋青立其素交也寄以詩樛
村答之云謁選入承明僕邀留真面相期在千秋汲古廢
爐扇脂草關茸耳虺蜴愧生汗作吏逾三載拊循事未半
猥囂禮義舊悚惕廉恥現白岩插青霄岩渠穿幽澗石室
渺難追銅章危如棧招徠近百年恬熙仰 帝眷三月春
色深履標郊原盼萬里一勞人考績寡所見悵懷望知己
石棧峯烟斷何日邀舊遊曲江重開醅樛村著禮義廉恥
四箴大堂楹聯云嘖笑間可識兒女真情誠求未至敢云
無不是的父母正教內自具權衡妙理稱量得宜方信沒

卷七

錯斷了分毫觀此其為官可知青立山東人後亦為蜀中縣令

隴西汪鳳階彥昌以諸生援例得佐貳來川候補奉委至
榮時鏡香亭外荷葉田田邀客譙集各賦詩即贈其行廖
庶常扶九云相對清談愜由來盛會難張孝廉海雲云案
無留牘官常暇座有嘉賓句易聯鳳階即席和云翠潑修
篁似綠天鏡香亭上色尤鮮滿樓風打蕉窗雨一局棋敲
竹徑烟紅友知心誰是伴青雲得路我無緣明朝分手何
時會刻燭催詩醉別筵余作五古復和其七律結云揮毫
落紙才均妙雅集西園是好題

南江楊冠山廷賢六歲從中江孟鷺洲都憲學有神童之

目十四歲以詩寄袁簡齋于隨園稱其奇抱宏深格律雅
正奇文妙句卓卓可傳後從梁山舟侍講學繼而交遊愈
廣王述菴吳穀人王鐵夫皆其師資與張亥白船山唱和
更多在都館諸王邸第皆以國士相待自少咸謂掇科如
拾芥後養母不出以貢生終教匪之亂曾為賊擄逃出獻
平賊十七策于大帥多采用感事云西川盜賊起潢池道
路驚看羽檄馳開府正宜憂使節果州忽報駐前師事機
到眼嗟無術參佐當年坐誤誰王竟妖氛連八郡萬民疾
首痛瘡痍香爐坪下結連營坐見奇功旦晚成抗手竟甘
尊賊隸善刀終致失長鯨朝廷僅免誅餘孽寇盜寧堪與

卷七

質盟常惜往時賢令尹空談經濟博清名騰騰殺霧蔽長
空潦草傳聞幾異同惱我鄉心空歷亂有人勲業在朦朧
無根氣燄看身後已盡功名只夢中一樹鷄棲誰耐汝早
清賢路讓英雄嘉陵江岸路如何頓使乘虛賊騎過已見
傳烽聯錦水更教守險失潼河烏啼山市行人少鬼哭春
原戰骨多築寨連營屯殺氣驚心故里盡橫戈繞避戎車
又餉車崎嶇征路八千餘余方奉母由楚赴秦州官廨難逢閩外知兵
將自演胸中遁甲書一戰何人揚義勇亂山勞我祭孤虛
連營漫阻星奔客狐火狼烟要掃除三川遷徙日紛紛苦
鴈哀猿不可聞七戰連朝擒巨寇中有萬馬蹴重雲龍驤

過處看扶耒虎衛同時幾策勲
潼夔成綿禾稼遍安全都
賴德將軍楚塞風雲望杳然
旌旗迢遞接秦川 九重霄
叶期朝食萬里輿圖歸版田
民命已傷遭劫火天心好與
靖烽烟 高宗皇帝聲靈存
厚澤深恩六十年水塘漱澗
待春耕轉眼東風布穀鳴
原上繡旗寒有色樓頭畫角
夜聞聲沙塵未靖三川路
征伐猶煩七省兵欲識天
狼仗弧矢莫教輕議受降
城秋懷云秋野傷心擁翠嵐
他鄉作客意誰堪蟬聲斷
續驚愁夢山色蕭條映遠潭
萬恨注胸虛歲月孤身無主
任東南何當馬革將尸裹
不愧生爲一世男故園西望
亂山平幾曲嘉陵繞縣清
人戶百年增萬口

卷七

孟

豪氣盡消磨淺水因風忽起波
自笑不如江上客月明漁
艇卧披蓑
此君軒宋時道士王元公所書
黃山谷爲題詩刻石今皆
不存後人於文昌宮立軒題
舊額隔牆修篁蔽天梅樹五
六株余偕朋好冬月探梅諸
生多從遊者相與賦詩劉西
屏德剛作七古海南仙人神
皎皎手携明月下瑤島不傍
湖山處士家亭臺巧住色逾
好我生本是幽閒人每見癯
仙便傾倒衝寒風入小陽天
定有南枝開放早安排紙帳
尋花來跨驢犯雪蹋瑤草山
腰斜上路迴環小小雲軒修
竹抱花光四照玉顏開凭欄
獨立心如擣美人不來天欲
暮辜負金樽徒煩惱風發發
兮雙袂寒老鶴斂羽形容槁
我別瑤臺近幾生不知王母
首盡皓羅浮鳳子忽飛來扣
門仙子衣裳綺一聲鐵笛玉
龍驚雪海茫茫香浩浩猶憶
攜鋤月下時護惜慇懃如
至寶於今冰魂濯冰壺玉骨
不藉秋水澡驛使難逢林和
靖夕陽庾嶺隔古道何時相
伴玉堂春手折一枝插晴昊
黃吉泉浩作七律尋花未及
百花開且面高軒共舉杯詩
記涪翁題句好人如逋老賞
心纔情移雪後還霜後夢繞
山隈並水隈恰與此君長作
伴一枝斜處許徘徊嶺上飄
風陣陣寒小園人倚舊闌干
暗香隱約春何處凍萼扶疎
露未乾紙帳夢清留鶴守板
橋

卷七

孟

路滑策驢看空山早裕和羹略顧影何嫌氣味酸楊峭峯
聯拔作七絕瓊姿不合住塵埃應向僧寮肯雪開遲爾商
量新紙帳安排詩酒共追陪此君軒外偶盤桓冷豔端宜
冷眼看玉立亭亭仙骨瘦名花原不厭酸寒

故金川地改為屯編戶如內地商賈至其地無家室納金
頭人或土司得夷婦為偶若他徙或歸里仍還原主謂之
租婦打箭鑪雜谷關一帶則租婦定價立券有年限限滿
還原主欲留則再議價立券邊地蠻俗然也蠻娘租就券
塗鴉野宿鴛鴦似在家屈指瓜期年已滿還將清淚滴琵琶

卷七

邊屯盡夷人驍勇善鬥婦女亦喜談兵聞征調皆踴躍行
兵西域甚得其力猓猓長身多力獨畏屯兵其悍鷲可想
為賦詩云蠻夷大長列團營故壘蕭蕭草木兵恰好從戎
歌板屋夷人皆以板蓋屋婦人咸願請長纓

湖北江陵武舉王紹先生女兩歲忽言前生家在沙市父
名長仁兄名克忠時沙市王長仁女歿二年間之遣其子
克忠來視女一見即呼為兄問篋中銀猶在否克忠茫然
歸檢女篋果有銀二圓女素所玩也乃請接至家長幼無
不識者兩家共撫之稍長聰穎異常書畫女紅無不精嫁
楊敷瓚為妻遷蜀隸中江子孫皆有聲庠序女言初生時

有白鬚老人送之道閉雨霏霏濕面入門自述卒年八十
有七

與文諸生黃相堯號廣堂送方少山南旋云解組飄然出
益州尊纒遙望峴山秋高風雅有煙霞癖素志原無富貴
謀婚嫁未完歸便得功名已遂復何求好將蜀國佳山水
並入新詩記勝游戎州官廨懷從弟貞一云風雨聯牀興
正除墳鏡今又各天涯飛而食肉應投筆醉不成歡只點
茶往日熱腸憐雁影昨宵好夢繞荆花懷人怕見更深月
一片淒清映碧紗又如驢足稍遲人一步牛衣又困我三
年落葉五更繁客夢飄蓬千里使人愁有書範我才為福
無事紫心便是仙皆佳

卷七

農桑漁樵生民之本業亦村居樂事也彭山唐景勳詩云
鋤罷嘉禾憩樹陰油雲遙指起遙岑急忙呼得小兒女簪
笠蓑衣趁早尋祈蠶登鼓鬧里間為祝馬頭競往還記得
年年三月裏鶯聲百轉聽聞關袁楷云打鼻山連鼎鼻山
樵童絡繹野棠灣一肩紅葉一肩雨遠遶岡頭任往還袁
懷瑄作漁家竹枝云夜泊春江短竹籬船頭燈火晚風吹
半篙明月半篙水掩映桃花四五枝幾隻漁船欲剪波漁
人唱罷放船歌二郎灘下波聲急輕理蘭橈緩緩過花港
層樓隱翠微行人絡繹過漁磯山頭共打黃梅熟江上爭

提紫燐歸烟街一帶掛青帘亞字關干倚畫簷爭解腰錢
沾酒飲登盤鮮膾撒花鹽

樵爲李我峯先生拔詩古文光明暢達望而知爲正人爲
荆宜施道時有婦攜輿泣訴云其夫兄弟二人夫亡方懷
孕及產視之男也須臾暈絕復甦再視則女驚問皆謂所
生本女反以所見爲安心終不釋厯控縣府各上憲不得
伸夫兄惡其擾累鎖閉一室今始放出察其詞色似含深
冤乃微服查訪漸得根株蓋家本鉅富夫兄慮婦生子分
其產業知佃戶某妻亦懷孕先一二日生女賄以重金乘
婦昏暈易之至是訪得其子猶在佃戶家提訊得實詳撫

卷七

美

院撫院謂案已屢經訊結若翻將置各官于何地先生堅
執不移遂參劾罷職及差官往湖南查訊我峯托所善陝
客探何鋪賣金于何衙門登記其數越站先迎 欽使厯
陳婦冤并以金數呈閱云某某將以行賄及証佐証吐實
冤始白各官皆得罪去先生此一節真不愧讀書人不愛
一官力伸匹婦之冤雖官終不復于元模中進士孫四人
二進士一舉人一援例今皆爲縣令天何嘗負人哉當時
不令元模出仕慮懷嫌者多也第四孫名澧嘉慶己卯北
闈中式題爲君君臣臣父子子文中反處有云如何則
君道乖如何則臣道乖凡四乖字人戲呼爲李四乖乖

秀洛川學問淹博詩亦溫雅嘗由重慶到榮縣作詩云馳
驅辛苦自年年浪迹東西徧兩川彈鋏人來千里外當頭
月又二分圓新晴不厭花間醉舊雨都成海上仙石壁刻
詩梅生
先生及竺山竹 試向鏡香亭畔立綠波如夢柳如煙游大
友均歸道山矣 佛寺云勝地初游選佛場登高望遠極蒼茫環溪水暖飛
紅杏繞郭煙生隱綠楊竹葉攜來成好會旃檀蒸罷冷空
王歸途回首憑闌處仙梵微微出上方

卷七

素

西樵先生鍾山秀才詩爲達縣李研齋長祥作李公崇禎
癸未探花以翰林屢建奇策不用仕福王展轉兵戈國初
猶在忠義可貫金石其娶鍾山秀才世但稱其色藝不知
文章節烈亦著當時有人贈研齋詩云十載江湖隱釣磯
跨鞍絕塞欲誰依草荒白帝家何在瓜熟青門事已非著
作千秋身未老悲歌萬里客將歸并州風勁霜如雪送爾
離亭淚滿衣慷慨悲壯足寫其平生不著姓名想爲明之
逸老也研齋古文自成一家鍾山夫人著有海棠居集黃
錦生讀之有感題詩云閨閣有名媛號鍾山秀才文章緣
性著節烈自天開染翰珠璣落揮毫風雨來可憐貧老蜀
淚盡一心灰研齋文恢奇古宕惜未見海棠居集
康熙丙戌灌縣孟洞溝有物如二牛相鬥山爲之崩橫截
谷口水不得流者三載逆上七八十里瀰漫爲患戊子歲

保二處近岸居民夜夢神告以大水將至速徙避多遷他處未幾水決高八九十丈城郭衝塌至灌口尚湧起三四十丈見有人騎白馬於江中指揮所漂木石壅塞離堆堰口水遂趨外江東南下成都數十州縣不至漂沒水未發時居民皇皇遷避灌縣張其彩與妻素孝入告其母母方病卧曰我病如此避水亦死汝等速去勿以我為念其彩死守二日晨起見烟霧四塞江聲如雷其彩夫婦扶母登樓水至并樓衝去母子相失夫婦浮沉中呼母不絕聲漂三十餘里河分數派夫婦落沙洲母以病歿於水未幾屍亦漂至洲旁昇歸以葬人以為孝感所致而神之威靈庶

卷七

早

祐亦顯赫矣

王蒼水懷遠將軍三峰之仲子穎悟絕人年十七拔入成均字體遒健有右軍家風於米家山水東坡墨竹皆能闔其闔奧尤嫻武事馳馬彎弓射必中的善短刀手持箸作刀令營卒攢刃擊之莫能及身復以箸擊人約曰著衣為中刀撩腕剪顧觸手分披將弁咋舌愧服蒼水亦以此自豪解衣磅礴顧盼偉如也顧晴臯臯使聞其才招留數月蒼水隨父在邊久洞悉夷情時當金川用兵慷慨進攻取策聚米捫虱豪氣無敵終以格於儒官不敢薦吳白華學使深奇之尤賞其鎗法作長歌贈之云泮宮先生將家子

印龍鈴棄如屣學書豈為記姓名游宦無煩去鄉里剛臣學舍低打頭終朝一餐冬一裘關尹五千雖有待門監七十更何求自言少學一人敵日高超距夜鳴鑄金稍飛鳥雪鋒寒滿樹梨花影團圞昨午風鶴到成都烏府相邀禮數殊恥遣尺書招贊普願將寸組繫單于君看鎗法通兵法進攻毋狂退毋乏守已先從養氣參乘人轉為忘機洽落雁軍聲京國來拂衣歸指講堂開挽強空負顏高譽倚重曾需劇孟才弓腰帕首舊裝束久戴儒冠辭部曲虎魄當杯爛漫紅苔紋遶砌森沈綠蠹簡叢殘霜鬢深陰平閣道幾登臨但尋繡轡卿雲手莫論衙官屈宋心蒼水名

卷七

聖

世沛巴州人官平武教諭

達縣黃龍寺荒園中有巨鐘約重萬觔視其文宋慶元五年鑄官階列承議郎判達州軍事賜緋魚袋宋伯堅朝散大夫權知達州軍事翁子中銘者為馬景修詞亦超拔非俗筆羅公思舉為副將見而惜之懸諸寺備其聲清越異常王良佐為作歌云南宋北巖古院鐘何年墮落黃龍宮蒲牢塞口海鯨遁虎章蝕土苔花封俗說飛來此常住金仙默受山川護水火刀兵歷浩劫升沉用舍皆關數佛法隨緣緣未至我來歎息棄廢地同行拂拭考遺蹤歷歷當年慶元字宋室金甌已半缺西湖遊嬉猶泄泄中原鐘簾

人忘歸誰恤沉淪一州鐵摩挲故物六百年竊欲假手樓
中懸空持寸莛無大力何由動地聞于天是時井鬼揚兵
氣荒荒落日孤城閉東關崛起羅將軍喜爲茲鐘賀遭際
將軍好武兼好古震世功名勒鐘呂揮戈淨掃諸路塵建
節榮膺故鄉土雕弓畫戟領健兒水可使立山可移指揮
長繩拔地起大叩大鳴驚孽癡神物久埋荒草畔提攜無
人空嗟歎一朝噲唳遠邇驚質重形奇羣爭看從今永伴
潮音吼不聞鼓聲息刁斗新銘記石舊銘金駿烈鴻聲同
不朽按鐘舊在北巖寺宋太平興國敕建護國禪院也不
知何時移黃龍寺李研齋北巖寺鐘鼓樓記云流賊之亂

卷七

星

焚滅皆盡北巖惟荆棘鐘鼓不知何處矣是寺已無此鐘
之証又云今甲午三月六日夜忽有若鐘聲來城內越一
夜又然其聲若北來聽之在北巖寺相與往視惟荆棘爾
此事頗奇附記之

資州李慶先字景運博學厲行以歲貢選西昌訓導不出
所居曰東里有鳴鳳園居其中吟風醉月倚伴山水縣令
王裕疆往遊園亭作七絕十首讀其詩想其隱居之樂一
路溪山步步幽遙青近綠遠西疇稻花香撲行人鼻愛此
莊前萬頃秋傍水倚山李氏莊樓臺一半照池塘行來不
覺鷺鷥鷺鷥飛入荷花深處藏炊烟漠漠接雲生碧翠陰中

犬吠聲最是驚人橋畔石儼然立起欲逢迎曲岸朱欄抱
一灣板橋暗渡水雲間相逢未及分賓主一笑無言且看
山庭軒高敞勢凌空四面幽奇一覽中莫怪俗塵飛不到
由來此處古淳風不愛朝衫愛布衣歸來巖壑自相依無
端榮辱渾忘却閒看長空任鳥飛從來世事等浮雲識破
機關誰似君吟罷新詩還自寫花前月下總微醺長松百
尺蔭高樓萬軸牙籤於此收三四裔孫年六七衣冠端坐
誦春秋潑潑池魚出水鮮家藏陳釀已三年頻斟滿酌須
與飽綠蔭芭蕉窗下眠老夫自笑興如何留戀西園風景
多若使主人長好客從今一日一回過

卷七

星

馬邊廳舊爲馬湖府因馬湖而名馬湖在廳南一百七十
里今屬雷波湖在山頂長二十里廣七里四圍峻崖中有
山如螺去江二里水與江同消長日夕作潮昔人以馬繫
湖濱龍與交產異馬行如飛電與大宛之馬相似此馬湖
所由名也明洪武時明昇獻十馬其一白色長丈餘不受
羈勒祀馬祖囊沙四百斤壓之令人騎行苑中漸馴賜名
飛越峯殆龍駒也鄞縣孫瘦石曾得波斯馬四蹄如鷄爪
腹下有鱗形狀詭異而行不及千里惜無以馬試于湖者
瘦石老馬七絕甚佳淋漓汗血九花侵老服鹽車歲月深
芻豆不充筋力盡他年朽骨待黃金

蜀地蘭蕙最多肩挑販鬻價甚低而素心異種究竟難得
升菴先生嘗至廣通響水關見所產蘭綠葉紫莖春華秋
馥云楚騷所稱紉佩者即此人家盆中所植乃蘭之別種
蓀與芷耳馬邊又有所謂雪蘭隆冬雪中盛開四川他處
所無恐海內亦少此種咏之云荒山雪片日飄蕭邊地嚴
寒草木彫獨有叢蘭花正放翻憐松柏慘無聊淵明籬菊
久摧殘湘客荷裳佩亦單誰識國香冰雪裏梅花風格共
清寒

李雄飛巴州人國初為陳德門下客德總大鎮好客養士
門下食客常數百人雄飛美丰儀善談論博學多能德盛

卷七

四

加禮稱為先生一日譙所部將士酒酣曰我輩張弓挺刃
雖叨祿秩實愧目不識丁吾家各有子弟何不使之讀書
即以李先生為師皆曰諾李在軍中每開戰門輒惶駭惕
息得教讀樂甚久之子弟恂恂將佐皆喜會江南有變德
帥師平之將弁獲女子蔡氏國色也獻之德德見其丰姿
絕世氣度嫺雅命送太夫人所眾以為殆將納之踰月德
集將佐曰前獲女子吾以為必善女紅今老母謂其一無
所能以配將士無所用當擇無用者偶之皆曰諾德曰今
軍中無用者孰如李先生乃豐其資粧以配雄飛諸將皆
執賀焉後雄飛順治辛卯鄉舉官山西蒲州蔡氏人

封宜

富貴置造園亭取快一時未幾付之荒烟蔓草徒資憑弔
樂至南有黃花園明大僕黎堯勳性愛菊故以名園今惟
平原綠蕪村人掘土或得鼎彝尊勺金釵明珠銅甕古器
雕鏤精巧當日賓客冠裳美人歌舞之盛從可想見城南
有鮑家園明武陵知縣鮑儀山莊林塘幽媚兼窈窕崎嶇
之勝石坊左場右石柱猶存橫書魚鳥親人四字末書崇
禎己巳儀有詩云不許塵飛逸興偏此中風景勝壺天徑
邊僻地宜栽菊門外方塘好種蓮花色四時春富貴酒香
終日客流連主人自得陶公趣心事攜存獨樂篇唐永憲
訪其園題詩云山外方塘昔種蓮批紅判白費吟箋親人

卷七

五

魚鳥曾經亂記得崇禎己巳年動地三邊戰鼓擣難從此
處傲烟霞溪山換得灰如墨鬼向秋墳唱鮑家
成都教授朱蘭皋保薦入都作七古留別諸詩人用十蒸
韻效栢梁體洋洋巨篇趙竹菴持以示余屬和率筆應酬
不存稿蘭皋本江南上饒人高祖名儀字象先崇禎間進
士為嘉定州牧流氓圍城勵士民拒守以草灌油擲賊焦
爛城墮復完者再力竭食盡賊陷城放火公朝服登堂囑
其子命錫勿為賊屈命錫請先死夫人自屏後出曰父子
死忠孝妾何以生為以簪刺喉死公北向再拜自焚死蜀
碧未載其事道光四年蘭皋以狀上制府為請于朝得祀

鄉賢列名宦焉邛縣孫子臯作傳兼美以詩錄二首脂蒿
投烈炬城陷版重完倘有偏師助能將大敵殘成仁今不
易殉節古來難異代嘉州路中達白骨寒縱火公堂日瘴
死血戰秋丈夫原志士巾幗亦名流幸有熙朝贈重看偉
節留江關應廟食功不下封侯大節幾晦著於後世子孫
能表揚其先人以文章宦業世其家不可謂非天之報忠
臣也

宋梅生太守與前榮令許君源教諭郭君杰梓及諸友鏡
香亭聯句刻詩於石並載縣志杰梓誤書梓杰時在丙子
嘉慶十一年也縣志即許所修殆書手字誤紀之以待更

卷七

吳

正按郭君巴州舉人有妹名蓮姑嘉慶七年九月教匪陷
巴州擄之去蓮姑罵不絕口賊褫其衣罵愈厲賊怒殺之
書烈女屍三字於背棄路側郭君於五年到任蓮姑在家
故及難陸古山光宗風雅士也詳請旌表榮邑鄒孝廉學
山與郭君唱和詩最多未表揚及此吟風弄月流連山水
何如咏歌此事流芳遠邇乎

劉燕庭先生由蜀臬擢兩浙布政吾東諸同鄉約送至新
都往遊桂湖約五六畝荷花猶有存者南岸堆土爲嶺排
植桂樹東爲升菴先生祠劉玉坡藩憲懸聯甚長不復記
先生故宅今爲典史署王阮亭典試經過見雙桂尙蜨蜨

兵火後化劫灰矣故物餘石榴一株升菴夫人黃氏咏庭
榴云大荒西域種原奇第一緋英上苑姿不到秋深丹結
實獨于夏午豔垂枝已嫌桃李開何早畧笑芙蓉發亦遲
萬點落霞明照眼綠衣金屋正相宜榴道今垂三百年大
可合抱根出土二尺即岐爲兩一卧地屈走復人立高出
簷際一柯幹天矯如龍五月開花至十月不絕輪南少府
爲之記琢石承其四隅高蔭山比部命工繪圖石屏朱丹
木孝廉作四言詩多和之者孫野雲鎮作七古一篇甚長
節錄之云始康縣治桂湖陽舊是升菴雙桂堂香名屹立
三百載桂失其傳無由詳老榴一株發光怪偃僂蜨蜨相

卷七

吳

扶將奇根迸逸裂厚土高柯結屈穿石牆闐然出地方三
尺同本離立身昂藏一枝偃蹇形憔悴有似遷謫羈遐方
一枝作勢自振拔風前鼓舞如龍翔花開仲夏越陽月珊
瑚火齊交輝光及見公家全盛日腰金袍笏方盈床風霜
閱歷歲月古兵燹不死神衛防老幹總分名士氣古香如
接丈人行盤根輪囷溯長養栽培不藉人力強羣公花前
雜考訂詩文磊落爭軒昂公昔嚴遣赴六詔花開不得歸
故鄉綠野堂空秋草遍烏衣巷冷白楊荒異代相知還我
輩樹猶如此人何傷噫嘻樹猶如此人何傷
內江楊瑄字伯琛好讀書喜吟咏遊成都士大夫多與之

遊方伯劉公清廉至徐都閩處見徐題壁詩有云轅門入
綰將軍印甲第高容駟馬車心異之徑往訪焉閱其懷歸
詩云嗷嗷鴻雁常為客小小蝸牛尚有家間中遣懷云鑿
甕有天常自樂立錐無地且安貧又云閱人老眼湖山外
避世間身草莽間深加禮重將欲薦之辭歸閉戶不出
莫宏周忠臣或以為四川人復以資州之龍洞為公讀書
處其地險遠四圍壁立入雲霄山麓飛瀑掩映佛龕數武
危厂聳出作蛟龍蟠挈狀若石隆隆特起若鳥跡若蛇篆
若玉檢金泥書不可句讀其中崕岬瀕洞砭骨寒肌仰視
石苔嵯嵯乳泉湧出如匹練下垂承以白石高二尺許下

卷之

哭

廣上峭中窪如釜蓋水花融結不知年歲也折而北尋源
入峽口梯而登石垂繩而下入洞洞高三丈深數丈外有
龍潭焉四壁蒼翠飛泉下注雷轟聒耳巖上題名列諸王
公主上柱國議郎等官側有天寶辛卯六月日餘漫漶不
可盡識資州知州事趙遵來遊作詩云元牝谷神長不死
腔血亂濺嗚咽水楓葉染霜秋巖丹杜鵑叫月暮山紫
公一去二千年鴻飛泥印猶留傳只今寂寞資江岸夜深
髣髴聞誦絃憶昔空山甘守約典墳淹洽又邱索徧演吉
凶太皞易允諧搏拊后夔樂一朝筮仕入東周臣乘君兮
滿目愁舉手徑排嵩高折橫軀誓抑黃河流那知國事日

凌替閭闔九關豺虎閉滯膽披肝祇自知陷胸折肱成何
濟可憐十載窮陳編可憐軀捐祚不延可憐封樹委東洛
可憐碧珠遍西川人民城郭俱非故蕪沒遼東棲鶴處飛
瀑空泣滄海珠寒湫尚湧浙江怒吁嗟乎八百餘年歷數
終孤臣遺憾終無窮行人指點荒山路一迴一度哭北風
淋漓悲壯可誦也

卷七

哭

也古劍歌君不見牛渚之水不可測一窪深黑神龍穴然
犀欲照照不得飛上茨山化為鐵紅光紫焰騰復滅歐冶
風胡技巧絕鑄成寶劍經百折金環錯落色如雪寒芒閃
灼雷電掣鬼母夜哭蛇首決豪傑得之逞英傑誓將生滅
讐人血太平無事烟塵潔去年來精采竭星文色黯鋒
鉞缺蓮鍔苔侵土花綴掌上摩挲纔一瞥何言捐棄埋邱
垤欲待成龍一發泄夜夜炎烟天地徹壯夫有志須提挈
不掉豎儒三寸舌送吳曉山漫對離筵倒玉樽一腔愁緒
向誰論詩拈紅豆添新感酒灑青衫濕舊痕秋雨秋風空
惹恨相逢相別總銷魂他年留取輕帆在好載名花泛越

門入蜀有感回思往事首重搔一片幽懷付彩毫病骨已
同梅影瘦香情猶似繭絲縷自從入蜀詩纔好每到憐春
興也豪莫爲此行便惆悵有人還欲夢三刀春詞綠慘紅
愁百慮牽詞人難度奈何天夢中蝴蝶空成色鏡裡曇花
幻卽仙今世已留今世恨再生還是再生緣不如化作鵝
鵝鳥飛上瓊枝共比肩依依楊柳曉烟含對對鴛鴦泛碧
潭沁骨香薰春上已畫眉圖妙月初三伯與東閣書殘恨
碧玉南樓睡正酣懊惱歌成難入夢拈開紅豆種宜男佳
句春影云纖腰瘦到鏡前柳醉靨紅添鏡裏花春情云草
色乍添遊子憾筆花重和美人詩吟舫盛京廂黃旗漢軍

卷七

辛

姓王

王牆東汝驥在蜀任新津六年歸著有炳燭集陶雲汀謂
其詩抒寫性情甄陶物象與古之作者不相上下其憶昨
篇有云敲扑不忍鞭常懸有訴不須符牒煩慈祥有循吏
風兵火後學宮荒廢先生倡捐修復嚴虞惇作記謂其均
徭役清田畝滅火耗恤市場皆有惠政文人何嘗不嫻吏
事哉觀其銘衡石和尚壽塔卽五古一首耳從龍天社山
突兀寶華寺啓自鴻濛時構或齊梁世土石初荒穢棟宇
亦棄置飛塵歷歲年劫火非一二臨濟好兒孫跣趺藉茲
地樹間掛半瓢草上安隻屨給孤來長者率眾勤布施像

設方莊嚴堂寮各整治甲子一週前黑山焰始熾師承摩
頂語已識尊數至大地波旬風滿空修羅勢師走入蒼崖
懸流故深蔽師偃卧窈穴積石若久閉猛獸當道蹲師來
輒屏氣疾疫遍處行師爲作懺悔萬劫一定頃間浮將一
歲師壽本無量淨土卽此是塊然者何爲亘古斯仰企
嵩山少林寺和尚擅拳勇傳爲達摩所遺明時剿倭寇多
資其力我眉今多僧前多道人亦有擅絕技者唐荆川贈
道拳歌形容盡致鍊而勁曲以達人知其文之名世不知
其詩之絕人也浮屠善幻多技能少林拳法世稀有道人
更自出新奇乃是深山白猿授是日茅堂秋氣高霜薄風
微靜枯柳忽然豎髮一頓足巖石迸裂驚沙走去來星女
擲靈梭天矯天魔飛翠袖破含沙鬼戲人髮鬚磨牙贊
捕獸形人自詫我無形或將跟絰示之肘險中呈巧爪盡
驚拙裏藏機人莫究漢京尋樺未趨捷海外眩人空抖擻
翻身直指日車停縮首斜鑽鍼眼瀏百折連腰盡無骨一
撒通身皆是手猶言技癢是賈勇低蹲更作獅子吼興闌
顧影却自惜肯使天機俱洩漏餘奇未盡已收場鼻息無
聲神氣守道人變化固不測跳土蒲團如木偶
楊未禪署眉州遊蟆頤山山有張仙祠蘇明允禱于於仙
生東坡子由因廟食于此未禪刺史時尙無子默念仙何

卷七

辛

不送子於吾夜夢老僧入室曰公憂無子吾為公子可乎
 遂生雲卿名翰幼穎悟十二三歲作詩下筆輒警刺史囑
 中江李夢蓮曰為我裁成雲卿甫弱冠其詩豪暴恣睢如
 生駒不受勒控而高簡之作又淡泊蕭寥神與古會才固
 無所不可也及入詞林後自悔少作而少作殊未易及咄
 哉行云咄哉一紙當書空山妻磨墨聲隆隆輪囷大字走
 光怪兩脇浩蕩生天風手折芙蓉上下舞此身豈在樊籠
 中西齋昨夜夢陶謝相與大笑談鴻濛日光如輪出東海
 驚起溟渤生蛟龍醒來抖擻撐睡眼槎枒芒角填心胸以
 頭濡墨倒冠珮使筆如劍蟠英鋒三唐兩晉大前輩擲筆
 狂叫將毋同眼前翻倒青玉案扶桑花照三山紅妻孥掩
 耳先笑倒霹靂雖震吾其聾吁嗟霹靂雖震吾其聾萬人
 如海同夢夢述志云扶桑日出銀濤湧駭浪雷奔浩呼洶
 巨鼇驚起海上來長鬣觸山山欲動男兒出世儘粗豪破
 浪乘風意氣高食盡青編三萬字書生事業等鴻毛金高
 南山印如斗七貴三公遇亦偶寶刀駿馬出蓬蒿叱咤風
 霆鬼神走側身天地不勝愁英雄蓋子盡東流漢武秦皇
 豈不偉只今零落填山邱人生惟有少年好將相終須致
 身早氣酣日落亂書空白虹挂上秋天杳同弓生岑郊行
 宿草堂寺云秋聲淒已清落葉在庭戶間居意不適行行

卷七

三

出門去高嶺下牛羊落日澹禾黍地僻茅亭幽疎花掩深
 塢裴徊寂無人苔色上殘礎竹露昨宵深風來散成雨坐
 久澹忘歸冷冷鐘數杵偶聞木犀香禪心澹無語遣興云
 驅車古冀都日暮平陽路荒荒陶唐陵寂寂臯陶墓古原
 生悲風狐狸自來去不見唐虞人聖賢空死處我來思蒼
 茫弔古椒漿醜嗟哉三季後此意誰能悟行行從此去山
 川奔迥互怪禽不知名啼上白楊樹水亭小飲即目云煙
 雨飽空林綠竹自寒瘦一枝斜入廊空翠濕衣袖晚風蘆
 葉動細雨豆苗肥水閣人無語蜻蛚空自飛惟憑一罇酒
 澆盡百年愁落日荒原暮蟬鳴樹樹秋涼雨濕芳塋禾黍
 生秋意溪聲終古流竟日無人至野竹浸寒水空亭宿古
 雲秋來原上路蟲語弔荒墳醜雜舞不止野馬去難留飯
 罷捫腹吟已矣吾何求秋日即事云落葉不知數蕭蕭滿
 石床寒花補秋色疎竹漏斜陽人與琴心古詩隨茶味長
 間來林下坐雲氣冷衣裳苔篆斑斑碧蠹書蚊蚊長一花
 秋後澹翠卉雨餘香松吹迴涼夢桐陰冷夕陽深心何處
 託還待淨琴張
 夷人善築礪樓以大小碎石砌成整齊渾如刀削中土工
 匠所不及四方中空高百尺兩三層人棲其上曹三選咏
 之云蠻中無地乃有山下臨壑谷高房頗每當隘口必置

卷七

三

守砌樓百尺居中間削成四方方以丈漆城蕩蕩不可攀
中如佛塔畧設級盤旋下上往復還數人狙伺伏其上睥
睨肆瞰攻者環如礮一發敵無隱以主待客安且間古來
設險寧有此何爲今日叢榛背信哉在德不在險穴中蠹
動噬兇頑斷垣殘礫示深戒時見烽火中宵殷長城萬里
力何鉅一朝內訌亡秦關區區蘭室苦自縛公輸墨翟安
能班行人駐足再三歎守爾樂國安羣蠻

成都傅泰端人極溫雅現捐訓導好爲詩何虎臣解館贈
別云願公痛飲無須辭且盡樽前酒一卮乍別又增中歲
感相逢還問再來期長江鷁舸催行客遠道魚書倩寄誰

卷七

五

欲問曉風與殘月今宵何處酒醒時晚康民生云意氣縱
橫敵萬夫誰教遺恨到黃墟十年感慨曾投筆半世辛勤
恨守株豪放奇情誰似汝文章憎命子知吾陳蕃舊榻分
明在無復高陽舊酒徒徐春帆琴春來館頃舉一女作詩
調之云怪爾雌風作意吹涼情透入絳紗帷飛花慣綴如
椽筆賀客重賡弄瓦詩故事他年傳射雀祥徵轉盼夢占
罷只愁禽向游山願婚嫁畢來是幾時登山云天風吹上
最高身教作人間絕頂人氣觸星河通帝座唾爲珠玉落
凡塵便宜乘興隨仙去何必攜書歎運地堪笑當前存癡
想仍同猿鶴結爲鄰

安縣二奇士一劉岐一趙緯劉岐字文山讀書一誦弗忘
年十六食餼性篤孝祖母以賊亂被刃傷遂戒殺岐終身
不敢違妻亡有子不再娶品行最端善爲古文邑令陳汝
亨見而心折屢訪不見及去任過其門乃出迓令贈以詩
題壁間家風留清操環堵河之干靄靄竹林下苔荒侵曲
欄叩門見孤標心潔貌亦端君古狷者流骨節何珊珊七
載始獲面足遂平生歡話深日已夕秋老菊未殘趙緯諸
生事繼母以孝聞有蕭姓遺金子途緯拾而還之是時家
貧方負米以歸也父柩在室鄰家草房延燒甫及門而滅
塋父廬墓有白鳥一雙飛翔馴伏人以爲誠孝所感縣令

卷七

五

秦武城贈以詩云巴西有一士是乃真孝廉高義能安貧
鋤金心自恬承慕廬親墓白鳥翔屋簷百行大惟孝品節
由此占我來牧斯土移俗空懷慚贈言用旌善還以厲其
凡
心聳居士作順慶竹枝詞百首意在通俗如京師竹枝之
類錄其近雅者以記風土施家堰在妾家西堰上垂楊隔
戶低妾偶觸愁人不解于規飛上樹梢啼楊柳井邊楊柳
春楊枝低護陽牆人郎來莫折楊枝去儂與楊枝作比鄰
半邊街上曉風輕雲髻新梳映日明聽說賣花人正過牽
簾低喚兩三聲蓮船新樣挽烏雲翠勒高圍燕尾分粧飾

近來風氣變多穿衫子少穿裘絲帕纏頭髮插釵調脂弄粉善安排倚門笑買蘭花戴撲鼻香添丁字街鄉村兒女各當家半是耕田半績麻閒與鄰人數家產一年一季好紅花挑邊頭上小盤鴉短髻低垂兩面遮莫笑阿儂妝樣醜要人知是女兒家金泉山上踏青回行到西溪眼界開一路香風吹不斷簪花婦女過橋來紛紛爭說看龍舟都向城南岸上遊路爪郎忙妾停步怪郎行去又回頭納涼攜酒至西河扇影衣香隊隊過甘露寺前萬竿竹遊人來往喜風多

卷七

美

紅脰雀以領毛色赤而名亦名黃脰雀音相近也性喜鬥鬥酣雖旁有人不解童子乘鬥取之如拾芥入手即斃棄之旋飛去知其詐也籠而蓄之因其善鬥少年喜事者遂攜以賭采如養鶴鵝雕籠精巧嵌以玻璃器以文錦人蔘肉桂煎汁和丸以飼其珍貴如是成都鴛之有市自昔蠶市外又開一局面矣雙雙爭鬥墜高枝一似溪邊鬪蚌持就裏誰知藏謫計証人佯死豈真癡身入牢籠不自憐依然賈勇屢爭先鬥酣皆裂旁觀笑盡被兒曹賭取錢紀之博一粲也按黃脰雀古名鷓鴣又名巧婦姑從俗呼盧承恩號瓠園奉天人康熙中以貢生宰昭化多善政長于詩葭萌漫興云春風亦肯到殊方嫩綠新紅散野香座

卷七

老

列圖書貧豈病民能耕讀少何妨沿山樹色來窗外徹夜江聲落枕旁不必屢愁烽火後好刪荆刺築泥牆畫卧多時自不羈開簾放目縱遐思幻憐雲白難持贈秀愛山青可療飢半畝花繁侵案牘一爐烟細散牆籬政閒獨幸奔馳少明月清風兩得知祇餘水秀映山青瓦礫堆中認縣城望去總非塵市色聽來都是鳥禽聲青禾岸下新開隴白石江頭舊札營撫字愧難收速效粗知禮讓漸無爭江水滔滔去未休憑誰一柱砥中流膏腴未就肥民計花柳難消瘦貌憂數月近聞豬可豢三更不見虎來游欣傳故國笙歌滿何敢疎狂憶酒樓蓋兵火以來景物荒涼而招流亡墾田土建衙署修祠宇暇則種花木見諸吟咏可謂循吏亦足稱風流宰官矣文翁石室悉圖古今賢聖禮殿記歐陽公謂蔡邕書石柱上有鍾會隸書周公禮殿圖考謂西晉張收畫共一百五十五人宋紹興間席益摹于石經堂又增十三人齊承明中刺史劉俊畫禮器宋李石有府學十咏成都生秦賓谷曰寅步其韻署藩憲劉燕庭先生深賞之畧錄三首殿柱云五字擢英才課最皆其殿而翁實善書家法守不變入蜀侈掩襲乃亦思裸獻偶逞波礫奇有類機槍見險勁過曹瞞狡捷寄振轉豈特矯元常早并吞劉禪衰瓊越陰平

天若假之便隙未否終凶詭計毒於箭艾艾赴檻車利已
謀何善攘美復售欺甘附姦雄傳一淵不兩蛟此語何須
辨即論文筆挺亦數典午彥柱平恣揮灑為汝留一面儻
教垂至今價值諒匪賤遺蹟終磨泐流光急飛電禮殿晉
人畫云古來重壁畫蠟粉堅塗牆胡為芥吾壁慈僧說李
唐上溯顧陸下吳李神妙一一稱當行晉人粉本實昇祖
解衣磅礴隨鋪張蜀都禮殿誰氏畫直將白聖作繚緗各
有道統任俱非時世妝云是益州刺史張收筆當其構思
懷古心茫茫百五十五人草衣卉服及冠裳或為聖為賢
或為皇為王或為大儒揚玉藻或為將相垂金章風神奕

卷七

美

奕具生態上與文昌井絡同英光替裙慶雲聚劍佩靈風
鏘閱世千萬年真容萃一堂嘉祐摹本已不見况乎太康
之邈何敢望神仙鬼怪圖寺壁荒誕未可相頡頏綿綿一
綫欲絕還復續誰為添著周程朱陸張邵慰彼蒼齊人畫
禮器云聖賢先有像精采照都城城南文昌氣夜夜珠聯
星儻非筆端巧世徒震其名有人須有物器服辨分明槃
彝自主瓊對之眼為青業虞靴祝敵自昔羅諸庭冕袞裳
蔽焉意造何由成阿誰欵識具法物擷其英劉懷刺郡日
懷古發幽情瀟毫寄思遠逐一摹其形繪人未繪器補此
留典型拜瞻不忍去端足謝隆平

聽雨樓隨筆 卷七

人皆知張桓侯之勇疑其粗猛而刁斗有銘文人心折不
第此也碑目載巴江岸有侯書紀功碑云漢將軍張飛率
精騎萬人大破賊首張郃于八蒙勒馬立銘凡二十三字
張槎仙曾見揚本奇古蒼逾真法物也作詩云穹碑轟轟
字如斗蛟蟠龍躍老虯走勒馬立銘者誰氏車騎將軍漢
巨手憶昔蜀魏河山爭北軍勢盛吞如鯨二郡已下民將
徙時危何處求干城巴西太守人中虎熱血滿腔甘禦侮
賊厭我寡氣愈豪誓滅仇讎報故主岩渠蕩石兼蒙頭山
高路險猿猴愁萬人之敵勇且智別從閒道驅貔貅賊營
已近鼓聲裂元戎一騎趨虎穴西川男兒好身手斫陣突

卷七

美

圍勢何烈刀光如雪飛花輕彌空虹彩槍縱橫人頭亂落
血滿嶺一時三碧軍全傾從此烽煙蜀無警萬家耕鑿樂
閭井事關君國非細微大書深刻並鐘鼎我昔沿陵千里
行刁斗曾讀賢侯銘文武兼才古已罕茲逢此碣尤崢嶸
漢季迄今歲屢易風雨無傷事實異幾回靜對思雄風使
筆猶存用矛勢
秦李冰醜內外江為五石犀以鎮水怪江南徙地為陸後
人擴城基石犀遂入城內其一乃在將軍署人不知其詳
乃於城外構石牛寺並琢牛以實之成都張沆詩云一犀
石橋二野浦兩犀陸卧叢林藏題為龍淵寺觀秦李太守

石犀石犀左右名龍淵寺云龍淵不云石牛應在城內非城外又云惟憐李寺失其一不知在將軍署者乃真也豈兩寺皆有石牛乎又灌口後人鑄鐵牛以禦水吾東馮舍人廷樾鐵犀行有云垂龍貪勢不肯降鱗鬪出火光射地老牛鬥酣兩角折兀然不動化為鐵風剝雨蝕三千年垂胡猶帶戰時血即今江水白於銀潮平岸穩沙無痕漁舸一葉飛夏口龍驤千斛奔荆門所咏鐵牛在沔江未指明何處似非灌口所有

蠻中最重銅鼓一面易百牛云武侯征蠻所鑄京師有得諸葛銅鼓者吾鄉馮大木趙秋谷作長歌名動一時其詩

卷七

李

不為選家所錄蓋爭奇鬥巧非作家真本領未見其詩不詳其制來蜀親見于武侯祠未敢作詩揚蓉裳有詩張沆和用原韻起云參天柏映玻璃深堂何物光迷離直四尺餘濶尺五上寬中束臍環垂面排水獸鏤紋細年久色含鸚鵡姿摩挲再四發遐想軒耶擊耶成於誰即此可見鼓形髣髴要未曲盡其制按祠中銅鼓有二一巨一小皆上面大下面小蜀中原無此鼓溫江葛荃官雲南得二鼓以歸其幼子為縣丞者藏于家家落售于成都城內鼓樓街古董舖人莫之顧有臬司見而買之卸任時送諸武侯祠人多不諳擊法葛荃長子亦官雲南建水州其子紫願山

深明擊鼓法云居高處繩繫二鐵丸墜而擊之起落有節聲音洪亮而遠聞蓋傳于蠻人明時破九絲蠻得銅鼓最多必有留于蜀者兵火後失之耳竊擬其制而為之說曰蠻地烟瘴多霧多雨皮濕則不鳴故以銅銅有土行燥濕不變也鼓必有架鼓腰之環懸于兩柱中間不著地則聲洪架之上必有橫梁梁必有二環繩懸鐵丸以繩穿環過握之抽則丸起放則丸落緩急隨人銅鐵相撞則音清軍行無常處用人扛架可行可止不必人居高樓以繩垂丸如是之迂滯也惜無人試之

卷七

李

謝小蟾家本巨族初以處女效文君之奔繼以側室抱小青之怨薄倖郎不復顧惜大婦乘隙遂出自作駢體文一首詞極華豔情更哀惻繫以七絕四首來續前生未了因可憐辜負好青春願將紅豆芟除盡不把相思誤後人淚滴長江逐浪流天涯流去不回頭多情只有菱花鏡相對分儂一半愁孤雁哀鳴過玉樓琵琶聲斷四絃秋佳人自古如名士一樣飄零不出頭愁眉懶畫月初三欲訴哀情轉自慙留得千秋鴻爪在夜臺味苦也回甘和韻云飛蓬無復上妝樓冷落西風滿目秋憶昔與郎調笑處碧紗窗下看梳頭靜對寒缸夜漏三新詞欲和轉懷慙琵琶彈罷青衫濕得遇知音意也甘朱少尉光昭見而哀之為賦詩

云朱子年來頽老矣少時風情今全已形同槁木心死灰
不教綺語來筆底忽然佳話眾口喧人稱瑤臺第一仙聞
罷不禁狂態作阿儂那得不詩傳謝家有女能咏絮嬌姿
應教花枝妒記取明蟾作芳名長成養在深閨住爺娘鍾
愛異姊妹寶髻雲鬢圍珠翠娉婷二八正妙年問名未肯
輕許字花間驀地遇阮郎恍如銀河渡渺茫文君能解琴
心曲司馬慣操鳳求凰兩情脈脈靈犀動鴛鴦逐對字一
行媒妁不仗題紅葉定情何須黃金合郎才妾貌相愛憐
安排金屋深藏納朝朝絲毫畫春山夜夜繡幄燒絳蠟誓
將生生作夫妻私語無人笑相答天上聯隔傲女牛人間

卷七

七

佳偶羨綢繆花放並蒂春長在盧家從此字莫愁誰料墻
外漏春光難覓鷓鴣聲妒方蕉葉有心奈雨打楊枝無力
任風狂信語啼聲日語評揉盡落花滿地碎生成弱骨瘦
難支暗倚欄干濕紅淚藕絲難斷恃郎心不甘綠珠樓頭
墜妾惜薄命誤前因郎笑無情變初志祇重浮名輕離別
上書竟往長安地不布寶陣護名花一任摧殘難逃避那
堪麗質逐遠行南北東西嗟飄零拚將心情付流水憐他
身世等浮萍天涯走遍無人惜落落風塵原難識吟成一
字一珠璣怨寫胡笳十八拍每將往事憶胸中枝頭啼破
杜鵑血不願來世挽鹿車但誓再生化頑石此心茫茫永

聽雨樓隨筆 卷七

無情免令再受相思厄細寫蠅頭紙萬張阿誰讀罷不感
傷雖無關心動物色博得傍人空斷腸從來色貌與才藝
兩美都為造物忌佳人每嗟白頭吟才子也歎窮途滯豐
此豈彼理固然何必傷心干甚事我本情癡癡似卿相憐
惟有影共形世間倘有同心者定倩彩筆傳小青

奉節傳濟菴之鄰賣花張叟言城東某姓女名阿憐者年
二十貌極妍風致極澹雅居平焚香讀書好題咏不令外
人見標梅愆期鬱鬱成疾有古士求之復為諸昆所悞乃
泣數日不食死濟菴哀之為賦呵蓮吟咄咄悲從何處來
人間天上兩徘徊斷腸盡是如花女落魄偏多繡虎才偶

卷七

七

向鄰園舒積愆賣花老叟留髡醉酒酣耳熱恣雄談停杯
為說酸心事城東有女最妖嬈一念春風荳蔻相顧影自
憐羞語燕倚欄無力怯生綃銷魂最是芙蓉面門前靜掩
班姬扇結綺樓中不敢窺避風臺上曾相見東施豪富西
施貧荏苒韶華二十春茅屋牽蘿戀夜雨梨花深院鎖芳
塵紅絲聽說崔盧裔合粉奩香生意氣誰料諸昆不我天
嗟此又失于歸計一病支床不忍聞傷心紫玉化烟焚兒
家才貌無婚構行路悠悠有淚零聽罷此言心惻惻天闔
欲叩慚無力我亦風塵憔悴人對此茫茫百端集由來造
物忌紅顏况復才名非偶然洱海飄零蘇學士夜郎流落

李青蓮男兒坎壈多如此無怪佳人今爾爾一曲禮詞弔阿奴天高室遠情無已

新津藍正色父名燦死張獻忠考試之難囑正色全身延祀涕泣請母袁氏妻徐氏同逃母妻不忍累投江死正色避居蘆山十五年亂平乃歸荆榛滿目村落無所棲得崩土坎林埂子之小土廟居焉一夕夢見白髯叟扶杖而揖曰君苦矣君室徐殉節之明日再生於本境之徐氏遣媒往可重聚醒以夢弗信越日復夢作色曰君不信吾言明日河溝水磴春米青衣紅領者非君妻耶如言往果不爽請鄰作伐鄰曰此女年十八無問者語無不諧父果允娶

卷七

五

後生子緒昌孫成璧任湖北茅山鎮巡檢曾孫枝美任直隸良鄉縣丞

順治初重慶王某娶婦歸至半途流賊突至眾逃散婦亦奔避慮受污自刎其鼻入瀕為人負薪水餬口越四十餘年康熙中老不能服役將自沉哭於江岸有商舟暫泊聞哭聲甚哀細詢居址姓氏則哭者乃其妻而氏亦細詢夫之居址姓字兩無訛也是時夫亦未娶且驚且喜且泣眾亦感泣謂有鬼神卜吉成禮而夫婦年皆逾六十矣偕歸渝北小龍坎築室名復圓寺焚修其中稱大居士二居士王西躔夢庚為作詩云王郎娶婦正在途倏值流賊交衝

突驚散良緣各飄迤比翼鷓鴣互相失淑女弱質恐受污引刀剔鼻毀容飾相憐轉入滇南就備負戴資食力半生心迹未分明未見我儀與我特回頭不覺四十年辛苦艱難徒飲泣將薄命赴清流如此白水全芳節厥夫怡附估舶來聞聲一一詳顛末彼此相看兩白頭義夫貞女真佳匹鄰舟感歎助催妝歸到渝州借卜吉同是年逾花甲人矢志焚修抱芳潔渝州州北小龍坎眾築團蕉安食息相傳世隸南城坪二大居士稱嘖嘖毀容釐面古曾聞割鼻貞姑重方冊

卷七

五

退婿家越三年疾愈父母將別字之對曰一女不許二夫義也願長依膝下効勤劬撫稚弟弱妹十指足自給不累親也父母終不忍使人婉勸則涕泣以死自矢姑從其志則恬然操作戚黨罕見其面終父喪扶孤弟養孀母嘉慶元年無疾而終年六十四矣人感義之多作詩咏之武進惲蘭坡經尚云非關破鏡感時乖別具清操冰雪懷連理無枝羞再結女貞有木歎同儕裙邊不繡鴛鴦鳥枕畔常拋鸞鳳釵四壁蟲聲秋已暮淒涼夜月照階孫亦洪文起云鏡花水月悟前因太璞終完守此身甘旨承歡憐弟幼勤劬佐績念家貧女稱全孝風彌古邑有奇貞里必仁

爲語岳門賢父老式問我欲問芳鄰

明旨和尚家素富幼穎悟好學爲文出語驚人師愛之許字以女一夕夢神語曰汝是佛弟子無塵緣醒告父母俄得疾見種種怪相可怖矢曰苟病已將捨身沙門病遂愈未幾復病身與死鄰父母不得已披剃爲僧一切經典目遇心通來新津平岡治建道場前許婚之女聞其出家誓不道人孝養父母誦習經卷年已老聞和尚所在涉水登山相訪各道功果遂悟前因遠近驚異和尚善畫山水松竹各臻妙境又善畫貓得其一紙鼠不入室雍正間人

卷七

李

情風雨偈重陽籬菊飄零慘不香莫怪看花人掩淚古來多恨是江郎楊柳輕盈自寫春幾疑飛燕是前身無人解得箇仙術裙帶隨風欲化塵冰樣聰明雪樣姿生來原不解噴癡任他梁燕喃喃語鸚鵡棲籠總未知學拈彤管畫秋蛇酒譜茶經試不差此後愁看遺墨在簪花極好是空花飲罷屠蘇病已深傷春送別更驚心可憐一掬牽衣淚直爲征人滴到今半年明鏡不開奩瘦骨支離影更纖刺有當時花樣好蓮鈎端整約雙鸞算來惟我負卿卿十九年華了一生經過生離旋死別黃泉那得不吞聲曾記長安並馬來曉風殘月幾徘徊如今失却清娛伴縱遇名山

聽雨樓隨筆 卷七

眼不開拈來詩識迥添愁好境都疑夢裏遊寂寂空堂風露冷傷心不是爲悲秋一杯黃土葬嬋娟謾謾松風散紙錢地下香魂相憶否勞人又賦北征篇有知之者云是大竹江曉帆太史國霖作也

女楊氏新繁人行乞成都市足顛色槁自言去年大水田廬沒母攜之外家落田折足母亡父負以走棄置于此時道光庚子四月也張懋襄爲賦薄命女云女兒命薄不如花花落猶在東鄰家女兒命薄不如草草死還共根荻老花花草草兩不如蒼天蒼天子何辜阿爺無男獨生女塗窮日暮依誰子阿母養女如養男口不能言神慘然去年

卷七

李

滔滔降大水田廬屋宇皆泥滓阿爺亡命走天涯阿母攜兒歸家裏數窮運極不可逃一蹶中田顛厥趾欲行欲行還千寸痛入心脾不敢哭阿母撫兒心肝摧阿爺歸來雙淚垂家中已無隔夜粟世上難尋折肱醫酸風颯颯連天起女兒命薄薄如紙慈閣寒生未幾時痛兒已入黃泉裏天寒月冷暗傷悲虛室無人魂早飛獨自夜闌長泣血明朝父女相啼飢米爲珠薪爲桂竈冷無烟塵甑飯侵晨來入成都市負兒賣向朱門第兒身貧兒骨瘦賣兒不如鴉與狗阿爺棄兒投荒走腸斷有言難出口從今父母各分飛死別生離一回首淒淒切切淚闌干呼天無聲聲辛酸

愁雲不散血凝碧旁人聞者心膽寒天子人乎遭此毒言
言嗚咽身摧殘

蔣礪堂先生攸銛在蜀作監臨閣中詩題工部草堂後與
學使聶蓉峯遊草堂即相與賦此題爭巧鬥捷在都瞿頤
以詩文進質即題扇作七律二首送其謁選後二人皆官
于蜀亦佳話也詩云天設名場因此人文章磊落性情真
游經關塞詩兼史曲譜忠微妙入神著有鶴歸來傳奇一片宮商
含鐵石半生琴酒雜風塵詞壇久擅扶輪手富貴何須早
致身銅章忽現宰官身老驥知途定絕塵繡隴雉來春有
脚訟庭花落聽如神飽讀草澤烟霞癖留得詩書面目真

卷七

究

自古親民先善俗絃歌不乏采風人礪堂先生道光乙酉
入贊綸扉於故麓中檢得浮籤一紙乾隆戊戌初應童試
物也是時年十二歲即于是歲入泮已五十年矣及典會
試重入貢院見坐號宛然為餘字三號因囑順天府教官
將滿洲蒙古漢軍取進原案各生註明籍貫裝為一冊而
揭此浮籤于前一時歌咏成帙其不忘舊如是知先生之
深于情矣

中江寧國寺有音樂壁以指拍之則應聲如奏管絃邑令
不信躬往試之誠如所傳乃作記以為佛法顯應又一令
疑其中必有怪物破壁以驗藏匠人一墨籤而已自是不

復有聲夫神其說於佛固愚而必欲窮究至於毀壁亦兒
童之見也夫

錢塘吳宜甫振棫隨父官蜀後為山東登萊觀察著有華
宜館甲乙稿題陸日為鳴棧道圖云南棧北棧千峰峭風
雨騎驢日吟嘯二十年前汗漫游今朝失喜身重到細看
八尺懸生綃作者遂山之老樵老樵名重康熙朝奮筆能
使山動搖山中平地無尺寸萬間棧閣青苔義利州龍門
最斗絕嘉陵遠瞰風江濤半空縹緲度人馬絳路百折綠
秋毫蠻雷黑箐怪鳥舞清霜赤阪驚猿號客行到此毛髮
立劍外日落西風高孤雲兩角幾千丈千梁無柱安可往

卷七

究

由來益州重天府設險分明羅指掌君不見乾嘉之際多
鈔盜窮山驚見犛牛羶十年殺氣纏草木千里人烟虛井
甕赫然 聖怒責驅除電掃厓垠白日照披圖休唱蜀絃
哀編素漠漠青天開五丁未鑿崎嶇路終古惟思撫御才
送登州總鎮周將軍志遣蜀養親海童晝游波浩浩珊瑚
市上日出早佩劍同謁萊君祠樓船頻過田橫島朝來東
海邊飲馬水清澈暮來東海邊磨刀水嗚咽平生百戰今
老矣入水斬蛟心未死白雲親舍萬里遙愁逐潮聲朝暮
起酌君別酒重徘徊水流到海何時回花驄玉勒褒斜去
少年提刀殺賊處到上壽芙蓉秋芙蓉城下粉江流舉

杯見月應相憶月正來從東海頭

蜀俗尙鬼有病輒請巫祈禳謂之端公金鼓喧囂並扮女妝及花面鬼卒旋舞於庭親鄰聚觀如堵以錢來贈者留飲並令女妝者行酒爲樂巫風盛行禁之不聽習俗然也孫野雲作東鄰巫云東鄰入夜誼巫祝月黑風淒鬼母哭燭影紅搖四壁高團團紙錢飛上屋大巫如嚙作神語童巫弓鞋態容與假髻雲鬢予目成天斜宛是凌波女窄袖綃衣笑當席兇觥漱瀝肩淡碧嬌花一樹鄒櫻桃請郎樂與觴今夕故鬼大而新鬼小如此歡場鬼亦好暗中難免鬼挪揄鬼伯鬼師兩絕倒病者在室巫在堂癡兒弱女粉

卷七

辛

朝翔簫筦備舉聲嗶嗶磨刀霍霍剗豚羊東鄰作巫西鄰效巫巫載嗽載號叫惜哉昔無西門豹從姪承濟今歲來榮往嘉定偶買青菓歸有詩云共知真味不宜人真味如何不可親酸苦漸回甘沁齒未曾嘗著却含顰買婢作詩云小小何能諳世情况當孤立倍心驚一聲呵叱于聲淚不是愁生卽病生人生榮悴亦何常春日看花秋後霜冷落寒枝能結果逢時自不受淒涼語淺意真仁人之言

溫江劉春開國初雲騎尉致仕居石家廟旁廟傾圮倡修功竣入寺聞林中有虎時突出食人開闢怒奮臂逐虎虎

卷七

辛

逸開云俟詰朝圖之旋家和衣卧妻妾挑燈坐夜三漏聞風嘯聲疾起見血濺地妻妾已被虎銜去蓋二虎也開執戈挾矢追入林際月光下見虎方噉其妻妾急與鬥殺斃一虎其一帶箭而逃潛伏大阜開尾追不及防虎躍起攫之斃鄰人具衣冠葬之越一日中箭虎倚開墳死勇過卞莊歿猶有餘威奇矣蜀地建昌近邊塞多虎雅安令粟芸畦穗募人以毒弩射死五虎南江忽有虎艾某習某往殺之楊世燾爲作打虎行其父冠山和之形容曲盡其勢如目觀詩云山風獵獵山樹鳴山路崎嶇斷人行踞牙鉤爪斑斕虎撲地一吼人皆驚聚眾追隨遠相逐虎行緩緩故不速直上前岡始負嶠吞身縮爪睥其目到此相看不敢前虛呼空喝祇徒然勇哉艾生無客氣習生亦豪爲之貳我不死虎虎死我有進無退何多計持矛直至石崖間旁人遠呼盡胆寒一躍突出天色變矛刺虎心人臂斷習生後勁挑一矛齊墮高岡人虎亂虎吼一聲兀不動艾生裹臂焉知痛拾將死虎幸生還將鬚履尾一市閱我鄉百年無此物偶有卽能除其惡嗟哉除惡豈易言志能斷臂方能搏

吳梅生先生纓浙江歸安人余來川時其姻楊喬橋明府屬致書于梅生相見未遑談詩後見古文詩稿皆可傳平

生攻舉業屢試不售乃就刑幕少耽吟咏隨手散失入蜀
詩尤多畧自檢存過菁山訪芷鄉留飲適陸杏樓過談招
同棹舟南陽山觀劇復拉芷鄉棹舟遊常照寺卽事賦贈
芷鄉兼柬棹舟杏樓平林數轉溪一曲盡日徘徊肆遐囑
臨風忽憶我故人折柬頻煩展半幅朝來乘興作山行輕
舟相過慰幽獨數峯翠色恰當門點綴塔前有殘菊殷勤
爲我具盤飧羅列山肴與野蔬百篇乍讀瑰異詞斗酒同
澆塊磊腹士衡俊逸自超羣縱橫跌宕謝縛束論詩豪氣
更無前賞音逸興還同續梨園度曲南山阿管絃聲急振
林木聽罷新聲令我愁悲歌欲擊漸離筑年年折柳唱陽

卷七

七

關交游多半驅征軸浮沉一任滄海波飄泊遙憐大江麓
詞場相和少填僥文陣爭雄失頗牧故鄉雖樂豈寧居春
風我亦還追逐已分名心劫後灰還疑幻夢蕉中鹿愁裏
爲歡復幾時浮生况被羲輪促無慘更作招提游攜手相
將探幽谷看山那問暝雲歸排悶并忘寒氣肅由來離合
本循環共說悲歡若轉轂交情今舊無參差他年良會何
當復杜陵草堂云世亂家何在乾坤一寓公感時還痛哭
報國祇孤忠詩許春秋續才原稷契崇風流猶想像寂寞
草堂空張桓侯墓云名將傳燕種英魂土一抔鬚眉猶百
戰義烈自千秋風撼靈旗肅祠開閭苑幽至今資捍禦功

德頌桓侯重游釣魚城看牡丹云絕壁江三面穿雲路一
條戰爭成往事花月又今朝古寺禪心靜芳園國色饒興
來還剪燭樽酒倍魂銷蜀游有日偕內子過外家辭別賦
呈外母兼贈內兄德嘉云一尊且自坐團樂不盡丁寧淚
欲彈澗畧悔教歡會少情親更覺別離難香迴曲檻春風
細雲暗孤峯塔影寒此去天涯增悵望殷勤誰與勸加餐
西村以前和壽詩叠前韻東寄並承獎許過當因仍叠前
韻答之云好花空對菊花辰愧我東西南北人到處湖山
添酒債長埋名姓苦吟身相如善病牽愁易宋玉多情惹
恨新漫托蛩吟羞大雅敢將牛驥與同倫秋郊卽景步劍

卷七

七

星族姪原韻云漫說垂楊管送迎經秋無樹不關情涼蟬
孤雁西風緊楓葉蘆花夕照明嶺寺煙凝迷鳥道江村晚
渡亂砧聲勝遊卻憶蓮花幕謝眺詩傳氣骨清蓮村明府
招同諸友重遊斗姥閣以詩相訂卽用其韻奉酬云又向
元虛共叩關白雲深鎖半房山涼生四座風三面水遶雙
城玉一環花若有情迎客笑鳥曾相識伴人閒此中自得
林泉趣幾度攜尊共往還
峩眉魏小峩廷達道光乙酉拔貢戊子順天鄉舉選鹽源
縣廣文喜作詩梅花書屋卽事云客訝蜂聲滿院聞一樓
烟雨淡斜暉天於竹屋清三面人比梅花瘦幾分酒債有

時將畫抵睡魔難遣用香薰逃禪遊客翻多事料理殘書
讀典墳觀傀儡云連年傀儡感餘生木偶衣冠百態呈悟
到此身皆幻境看來過眼是浮名歡場蹤跡隨時換孽海
波濤幾處平婚宦消磨筋力盡不堪回首夢魂驚餞春云
繁華結習已頻刪送汝東風返舊關陌上花開歸緩緩枝
頭紅褪去閑閑名園酒醒春如夢故國歌殘鬢欲斑莫道
韶光今正永恐將白髮易朱顏出都感懷云鳳殿初辭出
玉京馬頭春色喜逢迎山邊積雪因風散客路梅花傍驛
明舊夢已隨流水斷壯懷猶逐亂雲生他年再奏霓裳曲
願與羣仙結會盟巢燕云故國移居夢已非休將門第傲

卷七

七

烏衣舊巢重到思猶戀新侶同來願不違細壘香泥融畫
閣倒啣花片入瓊扉呢喃似與彫梁約明月何時照我歸
遺懷云難從幻海問前因昨夢如仙迹已陳半世浮名雞
肋味一枝斑管兔毫春到頭穿札推強弩過眼空花笑轉
輪畫意詩情清欲絕枉拋心力作詞人

廖東厓以知非子三冊見示云威遠秀才曾禮和著自號
知非子有志聖賢之學者雖少獨得之解在今口已爲空
谷足音自述賦性最拙少習詞章不能工一夜夢遊紫陽
洞窈而深曲意甚樂之究不知紫陽何謂也及讀綱鑑乃
知爲朱子自號道光乙酉鄉試遇新都劉文統相語以理

學辛卯至其家示近思錄等書心竊有感二十年喪妻遇
饑饉家業蕩盡境遇困極而心忽有悟咏詩以示懷云自
笑生財累昔年何曾貨殖倍從前而今識得清閒福晏起
早眠認性天吾道原來在眼前功深自覺樂陶然者番難
與童蒙說且自銜杯讀舊編二十二年云夢見卜子夏方
頭大面身長八尺餘相與問答夢境固不可憑要其人固
切實爲已讀書人本色其友彭源清壽以詩云平生淡泊
樂天真不負韶光六十春若論詩文餘事耳忘憂忘勢且
忘貧聖聖薪傳總復初如公率性自安舒斯文一派人多
少心果知非是讀書知非子父號東山以醫術行里間不

卷七

七

較財疏食飲水晏如也年八十九乃卒七十時有詩云不
覺年華七十春依然天性未沈淪雖無德業恢先祖猶有
心田裕後人道光十五年夜深方睡見一人足帶泥塗上
床同臥急呼家人起尋不見未幾病歿將葬子以其地非
吉并遷母柩開視易棺則蟻銜泥堆足幾滿人將死則與
死者爲鄰風水之說非無因也

趙實君秉淵上海人璞函先生子也璞函在木果木軍營
往省蓋隨學使吳白華至蜀僅留十日即回未幾難作實
君以蔭官出牧眉州守重慶著有蜀道紀程詩汪學金題
云海棠春盡雨如絲錦袖綿城捉管時萬里才名巴蜀檄

一生涕淚蓼莪詩白雲猶繞蠶叢樹碧血難歸馬草屍回首岷江腸斷處不勝哀怨杜鵑知吳蔚光題云風物山川目瞭然無多行卷早堪傳才華豔奪巴江錦音調淒迷蜀國絃萬里省親烽火外半年歸客瘴雲邊峽猿啼徹終天恨忍付成都十樣箋晚年自訂爲退密刪存稿雖不及璞函先生之矯健縱橫亦可謂不墜家風矣別家一首云晨雞鳴前除游子攬衣起征馬向風嘶僕夫戒行李上堂拜慈親別淚滴雙袂母言汝勿悲曉汝以大義汝父從軍行昔戊今在癸三年瘴海淹兩載蠻鄉滯書生事戎馬萬里輕轉徙我哀已宣髮彼老應豁齒汝往問眠餐勝以當歸

卷七

七

寄况有父執友撫視比猶子長途慎起居數致平安字更望早歸來免我門間倚母命良諄諄哽咽難置對車下在母旁上車兒行矣服除就廕入都述事抒悲三十韻兼勗二弟硯懷云草草營幽囊悽悽賦遠征哀宗慙長子孤露痛餘生卅載趨庭訓三秋枕凶情音容殊錯迕噩夢屢回縈蜀嶂千重峻蠻雲萬里平身常棲幕府心每戀承明險阻旄牛徽精嚴細柳營霜林飛礮火雪嶺進狐麋使相神威重參軍末議輕壯懷憑短劍奮志繫長纓磨盾才真敏移營計孰爭賊氛侵壁壘殺氣暗機槍閱嘿看僮僕倉皇返旆旌元難歸晉軫血竟化萑宏匝地烽烟紫終天淚雨

傾別硯懷一首云貧賤別更苦欲語氣先結舟人報潮平解纜催何急慘褻立須臾月黑波浪濶憶昔童稚初推棹讓梨栗謂當永相依侍奉不離膝豈知積罪愆昊天痛降罰相看六尺身何處可生活譬彼燈燭光形影詎差別一朝爲飢驅傲裝犯霜雪男兒誦詩書所貴明大節出門事功名焉能顧家室堂上有慈親暮景飽茶葉朝數糲米炊夕檢衾衣質兒貧累我母念此心暗怛子由似先君四海孰能及去去各勉旃負負勿復說

卷七

七

蜀方伯姚公令儀非特文筆擅長爲人實有骨力知成都時隨福嘉勇公征勦爲軍司馬福公素威重營中使與夫執戟環侍輿夫藉勢氣焰凌人出與張都司爭道毆傷其面都司訴於姚姚怒呼輿夫至詰之倔強不服姚叱曰都司四品官爾敢以勢力相欺是輕朝廷也痛杖之垂斃以稟大帥福公笑而領之當時僚屬凜凜匪獨不敢忤制府卽制府下人之下人亦莫敢誰何姚獨持大體胆氣過人袁子才謝某將軍啓云人謂枚先有不愛一官之意而後動於刑枚知公原有不屈一夫之心而敢行其志正此之謂福公能容亦不愧大臣器度巴州武舉劉崑署都司簽事管烏蒙鎮左營遊擊事雍正八年烏蒙獮獮叛逆崑挺身決戰敗之次日賊大至眾寡

不敵被數十創遂醮血書詩於壁云淋淋鮮血透征衣未
死臣軀強門持東望賊來無將敵西馳兵潰失軍機千年
遺笑我先笑一木難支且暫支骨化形枯忠未補丹心報
國總難移書畢即死死在呼吸猶忍痛作韻語奇矣忠烈
赫赫固不以工拙論而意思周摯字句沉痛讀之鬼神爲
泣

程雨琴祖潤江蘇人中甲辰進士善書深得爭座位帖筆
意工詩署合州爲余書屏兼讀以前所爲詩述懷云療貧
無奇策賴有十畝田種秫可供飽種桑可飼蠶攜酒花下
酌一醉何陶然久與隣父別相聚曠周旋胸中無俗累尙

卷七

表

論千載前坐對松間鶴行看水上煙不希世人愛應爲造
物憐自然庵聽潮云一枕夢初覺松床足偃仰月明櫓聲
閒夜靜人語響深壑魚龍唼隔岸烟波長三更鐘漏沈寒
潮自來往雨中登木末樓云木末樓前路寒烟鎖碧蘿鶯
花江岸盡風雨海門多阮籍仍狂醉孫登自嘯歌六朝佳
麗處唵眺復如何過丁卯橋懷許仲晦故宅云莫雲深處
問歸樵見說遺墩隔小橋詞客有靈唵夜月碧山無主聽
春潮斜陽擁樹增惆悵嘯鳥招人破寂寥猶記瓊仙清夢
遠只今來訪尙吹簫成都寓齋望雨云廉纖細雨熟梅天
節過端陽尙著綿有暇讀書非淺福無人知我卽頌仙筆

經洗濯鋒都歎詩落風塵句怕傳一種閒情何處寄浣花
溪外看秧田

寫道從明經名運隆芸子性嗜學以博雅推重一時陳倉
道上云路轉陳倉右徑紆丹梯翠麓馬踟躕烟迷鳳嶺羣
山暗風撼梁山峭壁孤如蟻行來天一線飛泉逼近雨千
珠觀音塢上峯迴秀快覽秦中古帝都六月九日二閘泛
舟云學問事無窮心地不容隘喜從賢達遊可以開眼界
我聞二閘間好景如圖畫山色鬱葱蘢水勢肆澎湃久欲
一問津泛舟窮險怪曠然得清友與我賦行邁攜手出城
南片帆相與挂蘭橈擊空明詠諧同茶話薰風特地吹披

卷七

表

襟何爽快人從水國來酒向高樓賣坐久絕煩囂返棹嗤
貴介羽扇蔽斜陽緩步忘疲憊歸來興且豪拈韻債詩債
隨叩懷古云文君性愛才司馬非漁色兩賢適相遇琴心
不自飭佳話久流傳顏色想傾國我昨見儀容額凸面皮
黑始疑終乃悟不禁長太息惜哉古之人鍾情兩迷或白
璧有微瑕欲磨磨不得道從能爲古文新溫二邑碑板文
字多出其手

賈茂科字紀亭雙流入沉酣詩古以茂才終晚宿余家寺
與諸友唱和云孤村迤邐暮雲平草草庵扉喜未肩暴雨
跳珠終夜響懸燈裏月半床明安排筆墨權雙韻顛倒衣

我話五更最是山僧情意好杯盤狼籍百盞傾過寺側柳
游云曾過長隄剛幾時柳條依舊裊青絲不因見慣年年
樣定向當頭折一枝

傳泰淑字慎齋成都人國學生聞海氛逼近廣州春來難
斷雨淋聲天亦含愁不放晴擊柝連城驚戍火攜柑無客
聽啼鶯不聞羽扇軍飛渡八梗商船海上行南越風花無
恙否關心數問五羊城江源蜀國遠通潮畫舫笙歌想寂
寥飛檝聯聯催戰急望洋黯黯欲魂消幾經鶴唳來三楚
佇俟鷹揚下九霄樂士翻為鋒鏃地空山振觸一身遙

卷七

全

耳著有松桂堂詩集遊師來山山在郭西北三里而近昔
有人見道士浮空而下止于山頂俗呼道士為師因以名
山山前有鬱如臺蓋勝地也作詩云三台聳拔秀而靈作
我草堂西壁之畫屏開簾望遠涉前庭歛見雲白與峰青
行行直欲跨山顛且緣石磴上雲邊嘯天門兮風冷然應
知師來之山別洞天危樓憑虛起怪石砌橋底百尺荷潭
清龜龍得不死路轉峰回身益高蒼崖老樹宿烏號洞亭
廠豁七星朝宮闕熒煌插漢霄降魔作鎮驅妖孽駕鶴眞
人俯江臯左右迴廊鐘鼓噉石磬鏗然月下敲鬱姑琪草
非凡物何怪飛錫來幽谷獨是當年採藥人一去千載空

雲屋瑤池信憶終杳茫茫紛紛塵宇烟光速我思山源路不
迷重來曠士胸次奇丹爐丘壑恣搜討流水桃花自得師
春雪用東坡韻和夏南暉云東風未放柳條葉亂捲盈堦
飄白雪縞衣仙子天際來一派空明正清絕叠翠層巒山

色老凍凝古木殘枝折千村漠漠鳥不飛人踪馬跡半迷
滅閉門何處訪袁安書生裘敝肘見掣乘興還思剡溪遊
不羨豪華衣紫纈四顧塵埃自此消惟有梅花伴玉屑翻
憶遠人征戍勞塞外陰雲愁飄瞥從來壯士守邊關雪垂
雙鬢何須說漢庭仗節應有人傲寒奇骨強勝鉄亮山詠
懷兼呈副戎王公云邊城高控石如林萬壑峰頭老樹森

卷七

全

雪壓重關春未暖烟迷遠嶂地常陰西番到處傳殊俗南
國何人寄好音賴有詩書能領畧談經一慰故園心秋興
云劍門風雨蘄臺雲劍門在蜀萬疊青山蜀道分宦海竟成歧
路客芸窗擬作送窮文霜寒子夜蘆花發月照殘燈蟋蟀
聞歎息杜陵秋思苦江湖到處惜離羣
里居時見崇寧尉李某刻書一册歷言修嚴君平墓事云
君平墓久迷所在某處有高阜巍然上有關帝廟按志詳
考其地不疑乃撤廟立碑致信于家太翁喜為之加飯來
蜀閱沈東里石室存稿有贈李南陔詩自注記其考得君
平墓事乃知南陔即其人而名則久忘矣他志以嚴為眞

君並傳有洞謂其修養仙去而儼然有墓可無疑也東里詩起云仙尉吾同志天涯信所之高名孚物望末吏餉王師次云隱君今有墓仙侶舊無橋註云并修呂仙橋又云荒厨酒一瓢其人安貧好學可知其三有云久病餘肝胆孤吟泣鬼神兼工詩故與東里契惜未見所作墓在崇寧西南二十里讀書臺在縣西賣卦井在西南漢州雁橋東有君平卜臺高數丈故宅在成都縣西即賣卜處後來相傳云宅內有支機石姓莊名遵字君平後人蓋以避諱改其姓又邛州亦有君平故里

卷七

全

人皆以相如爲成都人實今之蓬州人後遷成都又居臨邛三處皆有琴臺蓬州隋之相如縣以相如所居之地而名明初乃省入蓬州其故宅在州南琴臺在宅右傍嘉陵江周地圖記臺高六尺周四十四步後人建祠明學使盧雍詩云蜀中人物稱豪傑漢室文章擅大家此地卜居猶故迹當時名縣豈虛誇琴臺積雨蒼苔潤祠屋濱江草樹嘉莫問少年親滌器高風千載重詞華江北有相如坪傳長卿治別業於此墓在灌縣東十二里李太白隴西世族故居舊志云在彰明縣青蓮鄉而平武縣東南亦有青蓮鄉接江油彰明界古今郡邑忽分忽合難執一也有漫波渡相傳白母浣紗於此鯉躍入籃烹食

遂有孕不如母夢長庚入懷之說爲雅也綿州李石亭化楠詩云騎鯨人去迹猶留冷淡村烟弔李侯奴視權閹真有骨詩非老杜竟無儔秋風落日漫波渡夜雨荒原粉竹樓太白星精長不死龍門姐豆肅千秋按江油有太白臺讀書臺蜀杜光庭詩云山中猶有讀書臺風掃晴嵐畫幃開華月冰壺依舊在青蓮居士幾時來彰明縣西南有李白宅相傳池生青蓮有蓮花池粉竹樓遺址猶存蓋三縣地相連故各爭爲已有漫波渡舊有太白樓今爲龍門書院石亭所咏蓋在彰明

卷七

全

需次在省寓鄭靜山成基故宅人云卽楊子雲墨池所在隔壁卽聶蓉峰所建墨池書院今成都縣署卽其故宅有子雲亭洗墨池前漢書言處鄠有田一畝有宅一區鄠縣有讀書臺子雲亭在其側墓在縣西二十里吾鄉王雲芝先生作記云鄠之西一舍許舊有漢儒子雲亭歷世滋久淪于荒榛邵博詩云自負天人學甘居寂寞濱卻憐載酒客似識草元人三世官應拙一區宅更貧千載尋故里感涕獨沾巾後人譏子雲仕莽宋楊維基據桓譚新語雄作甘泉賦夢腸出收而納之明日遂卒祠甘泉在成都永始四年去王莽竊國時遠本傳未言仕莽贊謂其受莽官作符命投關年七十一天鳳五年卒子雲見成帝時年已四

十餘至此殆將百歲年數不符其言甚辨按宅為縣署池不應在外

彭山有漢張綱故里晉李密故里各以忠孝著李光緒詩

云農夫去惡草力殫不敢置如何埋輪者直待繡衣使得

時則鵲起浩氣帥吾志極目望岷嶽夕陽映山翠孤松出

寒林霜雪披寒荆棲鳥歸得食啞啞哺所生若移孝作忠

當官見至情無為章句士一字毀人名蓋指偽朝國字原表本荒字李

密祖母沒仍仕晉官終漢中太守

老蘇之祖白蓮道人遇蔣山人示葬地命取燈一盞燃於

其所雖大風不搖動老蘇公墓在眉者地名龍溝後人虛

擬之處其冢非真據歐陽公誌銘葬於彭山安鎮鄉可龍

卷七

命

里東坡妻王氏墓誌云先君命賦曰汝必葬諸其姑之側

六月壬午葬於眉之東北彭山縣安鎮鄉可龍里先君先

夫人之西北八步則老蘇葬此無疑按彭山縣南至眉州

順江場十五里

蘇子由告身宋徽宗大觀二年八寶告成加朝奉大夫藏

於霍山裔孫名文斌家明成化間其妻以舊業為鄰侵佔

持誥軸懇於巡撫王肱王遣之又為人得去後廬州太守

馬公買獲訪得其後人名虎者還其誥眉州紳士為蘇祠

置田求其後江津蘇學藏有東坡小像雜其手翰以獻考

其譜系乃子由後遂以奉祀明季蜀亂祠墓榛蕪康熙間

修葺嘉慶四年邑人丈量蘇庄田一百八十四畝城內田

十五畝並有水塘歲取租奉祭

河南陝州小我眉有老蘇墓蓋取衣冠以葬左子瞻右子

由墳外有二冢莫有知為蘇氏者一冢為盜發掘吾鄉章

邱張石只先生篤行宰陝視其穴得誌銘云夫人梁氏宋

狀元灝之曾孫適子由長子遲乃拾其遺骨葬之捕盜置

於法舊栢三百株明季為流賊剪伐補種翠栢千章西南

百步廣慶寺佛殿後有祠堂祀三先生嘉慶癸酉豫大饑

飢民樵林發屋僧不能守有田七百畝亦蕪廢四川楊海

梁先生國楨時為方伯因學使吳韻皋慈鶴之言與中丞

卷七

金

梁公共捐千五百金又募金數千庀而新之既成設祭羅

拜祠下者數萬人是能繼吾鄉石只先生之志者也子由

誥身事見李東陽記甚詳

眉州周應鰲父貿易西寧為夷人擄賣為奴文俸去家六

月始生應鰲年十八欲尋父請於母攜信具以行歷數千

里徧訪諸夷得父處父不識應鰲出信具父恍然曰真吾

兒也相持哭不能起羣驚問故則皆出涕留數日應鰲徧

拜諸會長夷人感其誠椎牛大饗送歸一家歡然州人盛

傳其事生無見父死難甘獨歷邊山道路難豈止中華人

共仰夷人酒淚染衣丹

聽雨樓隨筆卷八

劉庶埴字元會原籍福建祖廷標

濟南府人

庶埴字元會原籍福建祖廷標

居保山雍正癸卯拔貢官四川蒲江縣居家孝友在官有

循聲署夾江時訪知王公開運與其祖同殉流寇之亂後

人名忠溪者貧窘乃攜歸以女孫妻之其尚義如此與兄

庶壇均工詩咏龍池夜月詩云珠抱驪龍睡天開皓影遲

一輪清印處萬斛漫湧時鷺鷥偎金堦每中秋現笙簫度

碧漪蛟宮與月殿明鏡對光儀庶壇字杏友句尤清麗贈

客云他鄉髮向燈前白故國花開夢裏紅訪隱云繞樹藤

蘿五畝宅閉門風月四時花為人傳誦

戴羨門先生三錫鎮江人工篆隸起家縣令署營山順慶

太守薦相士一見稱其大貴同見太守問何如相士云戴

令骨格應官一品名位遠出公上時有巡檢某與為同寅

聞相士言笑曰諛詞邀厚贈遊士熟套耳戴某安能至高

位後累陞竟為四川總督始服相術之神當官布政時巡

檢大懼浼人代陳狂妄之罪求全其身家先生曰吾以直

道待人豈肯挾私憾陷害人但某輕浮不足拔擢巡檢終

其任不遷官亦無他患先生當權時素雖相契厚相視如

衆人絕無偏徇如此氣度為大員無愧張乃孚賀羨門先

生擢四川總督云雪山斥堠留嚴武鎖鑰關門借寇萊天

子已無西顧慮蒼生尤賴靖邊才室需求木看為棟鼎重

調羹冀作梅自古益州形勝地天彭井絡望中開先生以

清白傳家資產本非豐裕嘆夷破鎮江家人逃散所有為

亂民掠取公子官京師眷口無傷

僧慈量號玉泉幼多病披剃為僧居安岳國清寺神姿秀

異善書工詩有歸山詩云心持戒律已多年退息魚山倚

石眠滿地落花風自掃從今不必更談禪

康熙間考翰林題為閨怨詩中用一二三四五六七八九

十百千萬雙單丈尺等字以溪西雞齊啼為韻往往束手

而能者則爭新闢奇心花豔發狀元歸尤肅尤為擅場鈕

玉樵作閨怨詩蓋頭用雨絲風片烟波畫船八字詩亦甚

佳有詩中用金石絲竹匏土革木皆才人狡猾之技合州

張西村七律中更用江流有聲斷岸千尺山高月小水落

石出風片雨絲雲飛霧捲漁竿畫船烟波晚釣等字亦以

溪西雞齊啼為韻更難措手而詩特工妙山下風煙罨畫

溪釣竿絲捲小船西斷雲漁弄飛波雨出霧江寒叫月雞

千片落花流水送尺魚沽酒晚歸齊醉歌白石還高臥任

有猿聲兩岸啼漁歌聲小出前溪一片雲流石岸西山斷

風高吹笠雨江空月落聽潮雞乍開烟霧迴船晚未挽竿

絲下釣齊咫尺波光圖畫裏千湍水激有烏啼山斷雲高
水滿溪小船流出畫橋西釣絲尺捲晴無霧漁隱鼓談甕
有雞岸石秋江千丈落烟蓑風雨一竿齊晚來片刻波聲
恬魚翠鷺飛映月啼

漁洋先生記破山和尚事蜀亂時李占春迎和尚營中勸
賊止殺賊以大豕肉進曰和尚噉此當封刃遂食肉余署
榮昌至一寺僧略知經典借破山語錄閱之破山本儒士
詩亦不盡禪機佳句如圍裏竹雞晴引子崖前石虎老生
班七絕云嶺畔桃花相映紅恍然如醉薛羅中通身長出
參天棘刺殺山頭睡翁新穎奇警又云黃鸝不識吾生

卷八

三

意叫落庭前一樹花皆可喜也

長洲高願字樗仙號達叟太學生好遊足迹幾徧天下五
岳嘗遊其四以錢湘船曹寅谷為師在都與劉金門張船
山吳穀人往來得詩一千餘首刪存二冊名梧雨集又工
詞亦刻集樗仙少時與弟芾堂以文藝切劇芾堂入翰林
為御史樗仙終困場屋乃由臆錄館議敘就敘州南溪縣
尉平生友朋詩酒之樂足以自豪來川咏蜀道云蜀地留
餘孽愁雲壓陣低議團民死戰掠地賊耕泥烽火延湖北
干戈及隴西嫖姚當世有指日靖征孽與中江李夢蓮善
夢蓮春闈罷過鳳翔雪中訪樗仙樗仙喜而賦詩云蜀中

山水雄且清靈氣鍾毓產異人太白仙才髯蘇放馳騁唐
宋莫與倫一千年来騷雅歇孰執牛耳誰扶輪岐陽十月
雪高臥謝塵轍達夫閉門作苦吟作苦吟鶴伴梅花正清
絕何來錦江仙樹李訪我停車擲鞭弭天矯猶龍氣吐虹
座中直欲輕餘子自言一第屈春官雄心每每聞雞起快
馬輕裘歷五都索酒銀瓶常笑指興酣點筆學荆關山骨
水聲供驅使又言黃金臺畔挾策時交臂逢君悵失之此
日天涯忽萍合與君互證奚囊詩復言此會亦暫耳行將
計偕長安市春風許看杏花紅姓字金泥博衣紫我聞此
言重嗚咽男兒底事如鳩拙兩字功名誤煞人黃埃烏帽

卷八

四

輕離別君不見渡口劉郎與阮郎白雲雞犬長生訣桃花
流水自年年兔走烏飛驚電掣為君勾留謀古歡獵獵風
聲增暮寒玉簫吹冷鳳凰去嶽雲棧樹空漫漫匣中寶劍
湛秋水世事如雲薄於紙且勿高歌行路難滿酌邨醪割
野豕醉中不敢登高樓作賦恐增客裏愁眼前之人古狂
狷吁嗟骨傲難封侯不如歸去好作耕田識字叟否則綠
蓑青笠烟波浩蕩盟輕鷗

南无任太史瀚值春闈與羣友北上舟次赤壁夜月朗然
慕東坡故事與諸友狂歌劇飲黃州守禦某聞喧呼聲徹
署內晨遣走卒持牌行拘任於牌背書一律覆之云舟泊

蘆花淺水溪友人約我泛金厄因歌赤壁兩篇賦正是黃
州半夜時城上將軍原有禁江邊士子總無知君侯若問
真消息曾有芳名到鳳池乃躬謝而厚禮之

德清蔡公緯寅字典三號廣菴康熙己未會魁任四川保
寧知府有送賊至者詢之自供爲貧所迫夜予錢二千縱
之去後十年歸里舟泊江干有人跪前以首頂盤盛煑熟
鷄卵奉獻蓋公素所嗜者訝問何人云係某年所放賊得
二千錢小貿易家自此裕知公不受金錢故以此獻公喜
食二十枚竟以此停食得疾卒

卷八

五

灘縣郭次虎太守熊飛現爲直隸藩司任夔州時見於官
解渾樸是吾東人本色其族弟小房太守夢齡任順慶來
省垣兒子紹宗同寓忘分加禮梓諒情重未幾陞蘭州道
去竟未得一見離任作七律四首留別士民刻石甘露寺
深情溢於言表銀章典郡甫三年逾格 恩綸賁自 天
纔得鳩巢容拙守敢望鶯谷遽喬遷詩書未洽文翁教父
老漫遺劉寵錢唱罷驪歌暗惆悵重遊何日到金泉四境
恬熙歲屢豐閭閻安堵賴天功村無犬吠萑苻靖廷有懸
鞭雀鼠空舊政深慙遺愛少離懷怡與去鄉同榆關月夜
笳聲裏可許嘉陵一夢通鍾靈朱鳳鬱崔嵬先達聯鑣列
上台定卜聞風投袂起何期立雪到門來識慙許劭衡人

鑑望切相如作賦才桃李新陰猶未滿根株留待後賢培
民品可畏卽吾師一片冰心勉自持身易安時緣苦慣人
堪對處是情凝猛寬交濟寸衷歉詛祝靡常清夜知莫怪
攀轅留不住萍蹤漂泊本如斯

王輔臣敗吳三桂追至保寧巡按郝浴激三桂使戰賊走
觀音寺忽見一人烏馬長矛建皂幟馳入文秀軍奪其壁
壘空中雷鳴不知是何神將

湖北蕭芝蕭鎮俱解元人稱蕭解元家闈文皆選刻實有
衣鉢傳授鎮兼工詩在蜀與吳白華學使登果州金泉山
甘露寺步韻云金泉矗危峰嘉陵駭奔浪一片果州城影

卷八

六

落琉璃帳徐步出西郊心目豁平曠維時日在萋稍見桐
花放欹崖弱柳垂湫湖春流漾山居三兩家亂石相依傍
新烟起遙岑山氣益增王時有白紙錢飛掛陳人墻善然
古洞開門戶盡東向隨喜麗跋藍甘露幸分餉所期凡骨
換無使塵容抗攜履爾嶺岷璇宮鬱相望奮衣凌絕磴身
置層霄上寶臺勢嵯峨曲水聲悲壯霧連朱鳳飛鶴共紫
雲颺花落滿前楹春去索誰償瞥見千釋迦趺坐丹青嶂
似聞第一機白法義獨創蘇黃忽已逝誰與山靈唱今朝
天氣晴雪色梨花漲茸茸細草生畫出青鞵樣席地籍柔
茹劇飲傾盆益蒼翠拂襟裾疎篁走俗狀緬懷袁李蹤金

叙藏白日大還成寸丹輕瑛瑒空餘簡寂居坐使幽情
暢因依三景明抖擻六坐障側身天地間何處分恩謗登
高一賦詩大雅夙所向酌酌暮歸來心游胞重園

楊宏緒號丹山新繁人康熙辛丑進士歷官浙江按察所
至有能聲工文章善書佳句如泉通石鱗山根響樹隱陰
厓日影遲因嫌草密呼鋤徑為惜花欵自架欄典試閩中
和周櫟園仙霞嶺詩有雲收人語層霄外磴轉天浮曠野
中之句尤為奇警

安岳王允吉號滿江少年在軍營晝夜走六百里制軍觀
兵教場箭道首尾設兩的列彩架於中置鴿罐中懸其上

卷八

七

命將卒以鎗矢中者獲賞皆未當意允吉馳馬一矢破的
馬逸超越過架數武矣回身舉鎗碎饋鴿飛刺天一軍喝
采復從容發矢中末的制軍曰真將材也嘗從軍剿蠻失
利將斬同營守備李琳以家口保之曰王某驍將再戰不
克願與同死限三日破賊是時蠻據大岡守備甚設探其
形勢三面險峻後面稍平悉深菁乃檢健卒五百犒以牛
酒又括營中羊數百夜半令老弱驅至大岡下轟以巨砲
鉦鼓齊鳴蠻以官軍突至盡力防禦石矢俱下允吉率健
卒潛從間道攀援而上火焚其巢蠻驚奔竄斬首千餘生
擒數百賊遂平西藏之役副岳將軍往夜中賊劫營營卒

驚擾下令鎮靜毋譟賊旋遁問司夜為誰以公子對命斬
以狗閭營祈請不允曰私吾子何以令眾軍中股慄以總
兵歸老年七十卒允吉狀貌雄偉絕人一飯斗米一飲百
杯威嚴可畏古名將無以過也

川楚教匪之亂諸大臣効力行間惠瑤圖尙書於丙辰春
剿辦枝宜瀘灣腦涼山諸寇復至襄陽擒獲劉起榮及由
陝入川連滅二渠魁鄭觀察成基軍中作詩以誌云頑民
誰使警烽煙螳臂當車事可憐數萬生靈同穴蟻一軍死
門慘啼鴉聶傑人張正誤劉宏輝據瀘抗拒官功成
八月如收劫嘉慶元年正月始掃穴擒渠殄散三時喻解懸

卷八

八

記得深山愁匹馬秋風秋雨兩年前余委辦張正誤劉宏
家增者五晝夜兗渠雙獲送營白雲巖巖隱山峰祇氣相兼霧氣濃潮據
涼山頂佛廟官兵設卡攻圍此山最高常為霧罩不見山頂惟羊腸小路曲盤石磴而上冰雪磴危人
怯步金蛇光燦礮穿松晝夜以大砲轟風高峻嶺難棲鶴
月影空潭不照龍賊因糧盡取水甚難欲從山後龍潭潛
焉最喜臨晨飛露布將軍恩賞許酬庸余以涼山戴功蒙
襄棗祇氛悵駭犀爾來將士說青齊此大用兵以山東
林勁旅誇旗射襄陽地勢平衍奏調火健兩營滿總統新
銜試鼓聲特命承都統為襄陽總統以收剿賊之效因無
洪山生擒賊目戰壘空山春草遍馬蹏逐寇夕陽西漢東

猶記擒渠日柳影桃花正滿谿川北兇渠羅冉驕通巴儀
廣任逍遙冉文倚羅其清滋擾川北兩年虎賁舊有龍驤
旅此次掃除兩逆以索鳳詔新加大府標戊午秋特命瑤
北專剿羅麻壩鯨鯢能恃險方山猿狖已紛凋箕山分竄
冉二逆麻壩鯨鯢能恃險方山猿狖已紛凋後冉文倚
據通江麻壩寨羅其清佔大鵬山大兵攻克大可知匝月
多助業尤喜功成在歲朝己未元旦掃蕩麻壩寨
嘉慶辛酉二月參贊將軍德由陝追賊入川至大寧二郎
壩大捷擒斬五六千救出難民數千委鄭成基查點半條
秦隴之人婦女幼孩傷病不支哀詞慘顏不忍見聞鄭捐
資買舟送回漢上作難民吟云趁得扁舟返故鄉秦雲隴
樹日相望空餘皮骨形如鬼怕著衣裳背有老父子已拚
生再世田園何幸出戎行焚香豈止千聲佛萬口同音拜
聖皇難婦吟云弱絮隨風不自由半懷驚懼半含羞故鄉
遠隔雲千疊賤命幾填土一坵往事那堪悲破鏡此身纔
信是浮漚馬前泣向將軍訴哽咽無聲祇叩頭
楊展以恩結武大定袁韜竟為所害令人髮指復合兵圍
城城破展子景新以親丁三百逃妻罵賊不屈死賊追景
新眷口投江死景新向我大軍投誠為總兵効力轅門時
袁韜自滇收二三百人投總督李公國英授參遊之職景
新突遇於轅門忿然拽韜下與拳足交加拔刃欲斫軍士

聽雨樓隨筆 卷八

獨阻韜抱頭鼠竄李公怒其亂軍法各杖三十請旨部議
以景新父仇不共戴天雖事屬前代情實可原授安慶鎮
總兵袁韜負德賊殺應抵因事在赦前免死革職回黃沙
驛病卒大快人心恨未刃割其腹也
秦良玉未知究竟如何或云殉節或云病故歿後子某承
襲子死妻沈氏襲爵有逆僕沈責之僕投朱榮藩言沈氏
容貌豔麗金珠盈筍榮藩令孫可望等兵攻石柱虜沈氏
為妻後知僕言妄乃磔其僕殺榮藩送沈氏還石柱榮藩
室據白帝城稱
王而所為如此
竹枝詞皆紀風土采詩者所必錄也小白華山人巴渝竹
枝云城上高樓江上峰重重金碧倚虛空晚來隔岸推窗
望上下燈光萬點紅滾滾長江日夜聲三門洞水亦縱橫
天生雉堞金湯固不許寒潮打石城雙江繞郭漫揚舫解
唱渝歌賈客聽誰畫東南山一角朝來雨洗佛頭青朝天
門外水如油喚渡紛紛晚不休六七月間沙浪惡江心愁
煞木蘭舟荒坡厯落臥牛羊指點詩人弔夕陽草沒蓮花
池畔路涵園不敵午橋莊佛圖關險護風雲誰識當年儒
雅羣讀罷殘碑詩數首斜羊駐馬弔將軍買得梅岩宅一
區隔江烟樹望模糊何人攜得雲林筆倩畫曉園十景圖
倚門每笑客龍鍾屋小如舟着個儂終古烟花流不盡覺

林空打五更鐘燒香盡說朝真武此是當年選佛場鐵筆
 一枝絕依傍乞靈空自禱空王刺桐花落紙錢飛女伴翩
 翻簇幾圍雨洗濃粧羅帶溼通遠門上野墳歸請兵全國
 忠無貳踐信酬頭事太奇士女踏青出城去將軍墳上草
 離王生歸去草萋萋農事關心雨一犁幾處郭公啼不住
 勸耕人過海棠溪鈎藤酒熟佐江魚象鼻彎彎吸自如揖
 遍同人方許飲始知禮讓在山居說法何人悟上乘名藍
 精舍盡憑凌探奇未果花巖去不遇詩僧只戒僧合陽竹
 枝云迎恩門外報班春演出春亭廿九新士女如雲堤上
 下看春人看看春人踏青共到東臺寺野酌歸人帶醉多
 堪笑求嗣諸女伴倩郎石打打兒窩刺桐花落杜鵑開到
 處風吹錢紙灰最惱一般閒子弟周家坡上野墳來榴花
 照眼醉人多午後紛紛盡下河怪煞龍舟少頭角也來江
 上門凌波嘉浩兩水抱城環村落人家圖畫間何處花香
 薰醉客白蓮開遍藕塘灣自分中秋見月華不知清怨落
 誰家擁來火樹笙歌沸昨夜西園盜去瓜學士山頭雲氣
 凌霄閣上對斜暉登高不落參軍帽自插黃花帶醉歸雲
 鬢堆首步生蓮夜夜人家鬧慶壇進酒不容空手過席中
 捧出白磁盤文明樓上霧初收烏木灘頭水亂流好把水
 痕驗科第江波輕泛墨花洲

卷八 七

娃娃魚即鮎魚出雅州河中四足能上樹作兒啼故俗以
 娃娃呼之瓦屋山溪中有名瓦魚者味極美咏之云游淵
 久慣慕巢居四足盤旋出碧渠忽訝兒啼爭仰面始知綠
 木可求魚臨淵欣羨偶垂綸一簇游魚躍綠蘋本欲鈎璜
 偏弄瓦春風育子水鱗鱗
 昌黎謝自然詩云果州南充縣寒女謝自然童蹠無所識
 但聞有神仙輕生學其術乃在金泉山又云須臾自輕舉
 飄若風中烟又云孤魂抱深冤似為祇所害戒人學仙意
 也按自然本吾東兗州人父寰居果州舉孝廉秘書省校
 書自然自幼不茹葷家在大方山下山頂有老君廟自然
 居之常誦道德經黃庭內景十四歲絕粒煎皂莢湯服之
 即吐痢下蟲無數體輕目明惟食柏葉後不復食亦不飲
 從道士陳太虛受紫靈寶錄刺史韓价疑其妄閉之東閣
 累月出之膚體宛然聲氣朗暢使其女自明師事焉父寰
 宦遊歸見自然所為以為妖妄曰我家世儒風五常之外
 非先王之法何得有此鎖閉堂中四十餘日益加爽秀乃
 驚駭自然移居金泉山室僅丈餘常有蛇虎相從一日上
 昇有白鶴飛鳴仙樂振響南充鶴鳴振樂諸山以此得名
 今飛仙處及隱仙洞尚存洞旁刻貞元間詔敕蓋刺史李
 堅聞諸朝也金泉山神為陳壽即作三國志者壽南充人

卷八 七

讀昌黎詩或未悉自然本末錄之見非爲妖所害然後世
有道士觀年內某夜必有飛昇者述之乃爲虎食又牧豎
坐山厓下身忽騰上皆謂坐此可得仙久乃見山半巨蛇
吸起似飛昇實狀於物者多矣大儒警世之言可寶

僧碧厓不知何許人乾隆間來忠州居白花山年九十餘
坐木龕晝夜不睡知州事翁霖霖過江造訪留詩云內江
一老僧不言自了了臨江一老僧不睡無擾擾要知享大
年甲子人間少我初蒞臨江聽鐘度清曉因尋白華庵但
見風旛裊問師在釋毘入門半林篠獨坐彌勒龕枯木一
握小眉毛勁且長眸子清而瞭直有舍利光圓頂透毫杪

卷八

七

自言三十年定坐無更掉贈我藥師偈爲語頻深渺報以
田水衣聊作人情表我亦欲參禪無奈公案繞

富順李定堂名榮安耽詩豪於酒陳鍾溪周東材兩學使
方有堂方伯宋梅生觀察皆器之晚年家益貧而意氣不
減於前一日命酒集知交權飲爲詩數首談笑而逝門人
輩醵金刻其詩山館云課餘何事坐忘機領畧山中物理
微初種瓜知緣樹上怒生筍不受籬園晴檐門雀爭蟲臂
破網懸蛛掠蝶衣鎖日幽棲無剝啄東鄰邀飲叩柴扉晚
泛瀾巖云未盡昨宵興重來泛晚烟月隨人到岸風代槳
移船遠樹連雲淡疎星落水圓竹橫歸路影徐步悟詩禪

游目云地僻景尤妙心清趣自生風來扶樹拜山出與雲
爭野屋容林轉春田讓水平荷鋤人過處搖尾犬偕行瀟
定橋竹枝詞云瀟橋兩岸盡人家亂石堆雲板屋斜屋外
石牆牆外圃春來多半綠楊遮絕巘危崖險插天山樵日
日斫雲煙擔頭挂得香花草欲向長街換酒錢五言如詩
魂隨夢遠月影與霜俱午中方見日天半盡堆山秋聲涼
入雨野興爽迎風窗風搖燭燄簾影上花枝雨聲濡爆竹
墨氣潤春聯留客千絲雨驚人百鍊詩無絃留古意絕調
寫清聲長橋通客路脩竹隱農家野店人呼飯山村女賣
茶矮檐雞上屋荒野鵲騎牛石助灘爲虐波掀岸欲流雲

卷八

四

勢堆山峭灘聲聽雨訛波平天浴水噪樹鳥窺晴七言如
別况略言都共喻新詩欲述卻多忘忙雲引岫作飛勢亂
石觸泉有怒聲久客人歸途易誤思鄉心急路偏賒滿院
書聲清罄和半窗花影老僧分節飲都教成一醉清談也
必到三更三更月白江干寺幾點燈紅水面樓

貞烈之婦千載如生有死數日顏色如生者人咸異之更
有奇者明季流寇擾川中攻石公寨毀木取棺板遮護石
矢開棺見一婦貌容如生刺之血流賊驚問土人云係何
象乾之婦爲藩司書吏病歸與婦訣婦曰夫存我存夫亡
我亡余志已決斂夫畢托幼子於姑投縋死葬此山下已

三年矣賊曰貞婦為封其墓

黔江令朱靜生乙未遊陶然亭及城西諸寺感舊詩洗盡綺語一氣流轉錄之十四年前夢尋幽陟此亭浮雲拋去日舊雨散晨星野荻依然綠西山不改青只憐塵劫換秋髯已霜零沈雲巢為江蘇參議靜生師也送其入蜀詩云捧檄西川去崎嶇敢憚勞雨餘江水闊雲盡蜀山高得路輕三峽籌邊熟六韜應思部齋裏文譙醉醇醪老我風塵外人情未盡知初心應不負廉吏似難為蓬島迷前夢烟波約後期望君勤報政萬里慰相思結體高老於此道大有功夫 朱名家庚

卷八

五

新津河中一屍被殺未得凶犯驗岸有腳迹尋跡至路旁廝內見血點旁有小屋差指此民家係某役常往來處搜之得役衣服鐵籠疑役與民婦有姦因而殺人役不承認婦供與通姦者更有李少木拘至跪一日夜無辭明午復訊突一婦堂外喧鬧云係死者某喊冤召而問之求喚其妻子至歷道家中瑣事甚悉因言是夜李至婦家宿穴壁窺之為李所覺開門追殺棄水中李伏罪案始定問魂何得附婦人言被殺後魂入東嶽廟神令之來因憶相驗時路旁實有其廟信鬼神之在在有也後婦醒竟不知此事

新津令朱由漢
漸視為余言

成都崇義橋舊有紅蓋樹大十圍高六丈許樹圓如蓋結子深紅李其昌詩云紅豆樹生紅豆枝嘯烟泣露晚秋時纍纍結就相思子知道年年卻憶誰

蘆山知縣趙河字燕鄰雲南通海人康熙壬午舉人性孝口不言阿堵書卷不去手於詩初愛太白後慕少陵作詩不存稿謂古詩十九首不肯以姓字留人間居官不半載告歸林下二十年布衣蔬食如寒士咏官解梅花云一枝擬折寄相思鄉路三千托向誰洗雨梳風花瘦盡不堪倚月聽橫吹卸篆後居廣福寺彌勒同龕久佛燈對榻明雞迴荒微夢樓滿大江聲家國身何補行藏道不成便應於

卷八

六

此處寂寞學無生佳句有云客夢無邊春草綠離魂一縷暮烟蒼幽洞草生惟自媚空山花落竟無言皆可味也趙襄敏公大將軍忠襄公良棟之子也總督保定有西樓歷任封閉公命掃除夜靜秉燭觀書忽有人自窗入方巾朱履自認為狐生員云居此百年公欲居此則宜遷避請限三日如見容則請扇鑰公笑曰爾為狐安得稱生員曰羣狐每歲往泰山考試取其文理精通者為生員可以修仙否則為野狐公領之次日扇樓讓之泰山不獨司生死且司文衡矣狐試以文尤奇戲詠之云屏棄時文志早灰多年考試觸塵埃誰知此是登仙路岱嶽靈狐作秀才當

時黜落亦紛紛幾箇通才踏白雲漫說金丹成大道神明
畢竟重斯文

姚合爲武功令作詩三十首荒涼寂寞而饒有雋味蜀中
蒼溪縣亦僻邑書碩農攝篆有詩十首亦仿其意皆以淳

矣蒼溪縣爲起句因明邑令沈國建坊題曰川北淳邑故
也客云新春自邑中出行漸遠見門有貼春聯者帽有戴

紅纓者以爲異則蒼溪之爲縣可知矣詩云淳矣蒼溪縣
屏藩蜀北游亂峯趨劍閣一水帶巴州樂歲饒禾稼從風

速置郵才疎幸無事訪古得夷猶淳矣蒼溪縣離堆映錦
屏小錦屏山杜少陵書晨星魯國宇顏魯公貶蓬州過蒼

崖碑孰續斑駁蘇羅青淳矣蒼溪縣環城面面山盤梯路
細卧水石灘頑夜靜時聞爐烟開早啓關到來今數月退

食竟蕭間淳矣蒼溪縣春深景轉慵消閒胥種樹請假役
歸農晴雨昇堂課雲烟出郭從幾番添簿領拄頰望高峯

淳矣蒼溪縣問閣靜不諱民貧稀盜賊水急少魚蝦細雨
春聽鳥微陰曉看花方知中隱士游宦卽爲家淳矣蒼溪

縣偏隅別見春山高無曠土洞古有居民龍山古洞有龍
此犢青天外歸樵紫水濱紫溪水邇來三十載里黨人和

親淳矣蒼溪縣人多數代耕蜀自獻賦之後民多係遷來
而蒼溪有自元明迄今土著

聽雨樓隨筆 卷八

揮鋤忙健婦賽社潔雜牲老未識官府居常遠市城青林
紅葉裏草屋半巖橫淳矣蒼溪縣陰晴異冷喧母風吹壑

轉地有公風母風皆甚頗雨湧滿翻水蓄冬田足蠶收夏
日温叟童忘甲子卽此是桃源淳矣蒼溪縣書聲晝夜聞

定知能學道若箇富多文事業千秋史功名五色雲鶴山
占秀氣雅望屬同羣淳矣蒼溪縣公廷少訟爭敢期諸廢

舉惟願眾心平補過知無術趨時恥荷營鴻飛泥暫印樸
俗倍關情

甘肅隴西縣汪翁川來溪道九壬午經魁援例補授西陽
州州判幼從乃兄盡菴學盡菴績學不售喜作詩翁川座

師陳蓮史先生繼昌亦盡臣知己也上蓮史先生詩有云
棘院沈沈重門掩萬蟻酣戰爭奮勉藻鑑妍媸辨毫釐披

榛採蘭動妙選九月重陽望眼賒一騎塵飛夾道譁錦標
共說新奪得一魁公然落吾家又上副主考吳云盡致賢

才登第易空憑文字取人難可謂名言翁川計偕北上時
與馬西園太史同行盡菴送之云不知離別苦慷慨唱驪

歌風水同餐宿文章共切磋以君曾歷境期弟早登科奢
望從茲始相思竟若何及翁川官蜀蜀人劉本清號東渠

者爲隴西令以艱歸盡菴送以詩兼囑規勉其弟文章久
已推前輩隴蜀原來是一家此去阿戎相晤語殷勤更囑

凜官邪東渠答云撫衷方寸慚懸鏡回首仙才憶浣花蓋
菴一號蓋臣名藩太學生幼有神童之目題睡佛洞云想
是山中無歷日徑把千秋當夜眠子彥昌號樸菴由增生
捐縣丞分發來川翁川道光二十四年署清溪卒

近日少見詩僧間有流傳之作多蔬筍氣強作禪語更爲
可鄙有僧雲空住榮之南禪寺閱其詩多可喜者求遠而
失之近天下事往往如此摘其佳句錄之五言云山靈疑
佛活僧懶抱雲眠水搜崖角瘦螺點佛頭青水靜游魚樂
宵長病鶴饑僧瘦梅花骨歲寒松柏心看經魚食字聽偈
鳥停聲風定數聲鐘梵音花外發胸中有洪爐萬物鑄成

卷八

七

句刻苦絕似賈島可入晚唐詩社中七言云山勢欲飛雲
影亂松濤乍響雨聲催秋罨青山霜後秀風搜紅葉雨中
飛霜催木落山爭出風抵潮平水逆流櫻桃花放家家雨
楊柳村啼處處鶯山靈莫測烟雲幻地僻方知歲月長秋
老白雲山影外詩成黃葉雨聲中囊空自補詩千首寺古
誰敲月一扉客到有緣邀月醉僧歸無伴倩花扶深山不
解春來未新種花開當歷看天地多情容我逸清閒獨富
笑人忙僧今二十六歲俗姓白幼諷經至日連救母涕泣
橫流發誓持血盆齋三載尋父至遠方足破流血迎歸葺
茅棲之時時承歡所居山勢峭拔竹樹鬱鬱梵唄之餘焚

香靜坐其品亦可敬也

賴庭瓏內江人屢應童子試無成爲縣農書榮令許滙泉
署內江時見其楷法清整令來榮瞻稟啓滙泉歸里賴教
讀餽口今年七十四矣無子以裝潢字畫爲業頗好吟咏
憫其老而苦吟後將湮沒摘錄四首讀其詩可知其遇也
亡妻未葬云舉案齊眉事已非宵寒時有夢魂依柩停古
寺塵常滿客刺空衾淚暗揮何日九原封馬鬣當年五夜
泣牛衣生前死後貧相累地下聞言應共歎和蕭大員先
生還鄉原韻云太息湖南萬里程春風飛棹別江城飽看
山水經三峽淡視功名誤一生蜀道烏啼驚旅夢楚原草

卷八

十

緣動鄉情天涯豈謂無知己猶有勞人酒共傾感吟云年
來事事與心違南北飄蓬失意歸宅賣貧無安硯地笥空
典盡禦寒衣垂頭難壯衰年氣涉世何嫌俗客譏人到艱
虞多失算從來傑士稱心希回鄉誌感云屈指離鄉四十
年何期又對舊山川數椽老屋皆新主三徑芳鄰易昔賢
猶子相逢橫白眼阿兄欲見隔黃泉歸來無限傷心事旅
館孤燈祇自憐
余捧檄來川馬子琴以詩贈行云萬古蠶叢國王尊叱馭
來新稱花縣宰有負木天才丙穴魚登饌郵筒酒滿杯文
圍貧病甚爲我訪琴臺

瞿唐連厓千丈奔流電激灘瀕堆當其口亂石排空自此
入巫峽七百里中兩岸重岩疊嶂自非亭午夜分不見日
月水漲放舟乘奔御風不能踰其疾也四弟薇堂見吾東
來川貿易入川者云七舟銜尾而下遇險灘一舟爲販菴
客聞喊聲未畢人船俱不見但浪翻藍色頃刻而散第二
舟無事渠舟落崖下懸流自上飛落幸不入舟水手喧呼
驚失魂魄及醒問舟已過灘否羣笑云離故處已遠矣吾
邑曹大令佳和官雲南解銅入京經此舟將破跳身厓脚
見舟已沉立處僅可容身後舟疾如飛鳥不能援手夜聞
江濤汹湧猿聲淒戾終宵驚心動魄無復生望越明日從

卷八

三

人百計救之得出嗚乎險哉張衍懿詩有云兩厓如劍立
百丈入雲牽石出疑無路雲開別有天何明禮詩有云峰
與天闕接舟從地窟行亂猿昏月色殘葉冷江聲非身歷
不能寫出也
簡州施成澤字完志號一菴負耒之餘勤於誦讀離窻啖
餅誤濡墨水不覺學問淹博通天文地理以拔貢官教諭
鄉舉後丁艱服闋引見命爲文賦詩國初時異數也授
陝西定安令運軍餉經日月山過星宿海芥水煮飯堆糞
作薪艱辛倍嘗陞湖廣衡州同知年已七十告歸白髮皓
然口不絕吟詩文甚富劍門云雄關連百二巍峻逼岷峨

棧外三秦接雲間兩劍磨初經蜀道險頗見使星過戍卒
無須設昇平八息戈塞外春思云兩度春秋歷塞邊平沙
又見草芊芊清風拂面鬚眉老陽鳥辭人歲月遷故國鶯
花來夢裏險途冰雪滿峯巔錦城何日重遊讌不見岷江
又幾年

李維翰鑲黃旗漢軍康熙年間爲中江令善決獄署鄰水
時夢一婦人遍體皆赤悲泣而前醒而思疑有冤獄果有
李安坤報前夜李全用與妻甘氏不知誰殺往驗兩屍身
無寸縷全用倒田間甘氏橫尸尸內無可追問夜又夢與
狀元李蟠話舊意必有李姓者嗚冤蟠字之意訓屈也庭

卷八

三

訊間有李生國俊上堂大呼曰殺二人甘惟方也再問其
故李若迷而復甦不記所云差往拘未至而惟方自入署
云其姑甘氏之魂驅至在中江時夢至飯店見一婦衣黃
巾覆其面手執一巾踰躑而至驚覺謂黃爲正色加於女
身服之不衷身之災也面爲巾覆其形難見踰躑者舞也
詩曰其既醉至屢舞僊僊婦人而舞醉若狂矣明晨王應
甲之子具報其母何氏往范國卿家飲酒不歸訪求無踪
又夢至飯店有豆一碟魚一尾旁有雛僧欲語未語方驚
醒已將國卿之幼子名小和尚者逮至矣國卿猶然狡供
率役往搜於河中得巾一方繼得鞋一隻未幾得何氏之

尸後身之衣反盃頭面遍體皆黃始悟前至飯店者飯與范同音豆磔者何氏往范家借豆種故也魚在水者也雞僧即小和尚也非民瘼關心安得精神與神明通哉

古無韻書隨口吟諷天籟自鳴夫各操土音呼得如登以兄從姜因其俗之舊南北東西不能相強必齊之如同出一口拘矣更有協韻之說不知其本相通不待協也吾讀鬼詩而有異焉太和吳懋為順慶通判歿于官久矣忽附箕題詩云辛苦一官竟隕身吾鄉猶有未招魂月明空傍寒鴉宿風冷徒依野樹吟百姓未能沾厚澤微軀何以答隆恩託君為向同僚說誰把幽人記寸心胡廬山學使見

卷八

三

而悲之祀之名宦詩極淒惻特韻錯出不合格然古婦人孺子何嘗有韻本可據今韻並非沈約之舊雖以洪武天子之勢而不能改則以習慣而然耳

雪山在嘉裕關外者綿亘九千里高峯如琉璃插天隔蔽日月融化時流入黃河水為泛溢四川雪山不一松潘大雪山即蓬婆山嚴武詩更奪蓬婆雪外城是也茂州九頂山一名玉壘一名雪山積雪百餘丈所謂雪古自堯年是也按此即隴山之首綿亘川陝尾拖洮州表二千餘里冰化雪消亦流入黃河流入江者更助汹涌之勢此字中大觀也冬日與同人為詩會賦七古一篇我居山東近海

岱冬日雪飛瓊瑤碎我來西川不見雪炎燠滕六職疑廢誰知奇觀天下無萬里雪山巨絕塞禹跡不會到遐荒天限東西迷向背層冰突起凌九霄風霰積累自何代燭龍不照赤虬逃日輪行空到此礙六月炎天凍不銷縱披重裘寒不耐晴晝皎潔光射眸深夜晶瑩明不晦一白混天界華夷荆闕妙手不能繪白銀宮闕起重重百萬玉龍蟠大塊天公作戲太顛狂穹窿欲塞乾坤內 聖朝拓疆二萬里包括西域圖經載士卒往返頻願瞻結聚今昔每殊態却嫌諸峯狀多俗盡失白地抹青黛九頂玉壘亦奇絕峩嶷積雪稱後輩雪汁融化灌岷江餘波猶得萬頃溉一

卷八

七

派分流入黃河水車鐵馬橫奔潰回顧天表仍嵯峨絲毫未滅鼇難戴金天肅殺得氣全作鎮西戎掃腥穢幾輩圍爐賦尖父未極大觀馳域外瑤圃閬苑自人間祝融赫赫歛旌旆我自北土來炎方濡染大筆寫雄概

南充廩生劉德鈞字功亭學博澹亭族也喜為詩冬杪即事煖酒圍爐坐寒深雪正融鴉盤林樹黑燈映紙窗紅落葉山多雨霏霜澗有風垂簾常不捲萬物待晴烘嘉陵江即目山作中流柱船爭上水灘江心鷗夢冷雨脚雁聲寒入峽穿雲易登天步月難臨風時眺望怒氣湧狂瀾暮春即事底事蜂王報早衙一輪曉日透窻紗穿籬綠護公孫

竹繞砌紅開姊妹花梁上泥融簾入燕簷前風靜柳棲鴉
留春無奈春將去愁聽田塍兩部蛙皆自得齋感事矻矻
窮年嘆索居心情懶漫竟何如嗜竒非好搜神記惡夢難
求罵鬼書解語有花風雨落忘憂無草利名疎生平志願
皆虛設磨劍期將習氣除嘉陵江上題壁一舟初至一舟
開往返江干日幾回自是嘉陵好風景抱城山色壓船來
水面風來一味涼不須避暑羨羲皇消閑試啟軒牕看綠
樹青山雁兩行

楊時齋遇春歿謚忠武平生戰績甚著待士卒有恩信臨
敵當先胆畧過人嘗率數十人登山探敵虛實賊無數已

卷八

七

抵山下從行兵懼甚侯坦然令勿動故作疑兵日將暮大
呼曰我楊鬍子也欲戰者來敵素聞威名終不敢犯徐徐
引歸滑縣之變疾馳及軍經畧那公彥成引軍後至侯欲
就營論事隔道口賊衆在此屯聚率勁卒八十人馳過賊
出不意未動及回賊知兵少圍之數重極力衝殺無不一
以當百潰圍而出查點少二人復殺入得二人屍以歸掘
地脫衣埋之爲之洒淚賊不敢追躡以少擊衆往返如入
無人之境殆古名將之比後一事載黎陽聞見錄福公總
督四川時侯侍鈴下偶與人坐吸烟爲人燒其袍破不能
製新者暫歸福公素心器之瞻顧左右不見問曰某器宇

非久居人下者何連日不在側傳問以實告福公賞銀製
衣補以馬糧時督標無缺借補提標後歸督轅賞雙分糧
由此日起固由福公之知人亦鬼神使之因小故而蒙特
獎今人遇小不如意事輒忿懣愚矣

楊煥章榮縣人有客述其春鶯詩云柳絲裊裊曉烟迷誰
促流鶯上樹啼驚夢恐添征婦恨隨風飛過落花溪風致
可玩留春絕句今日花光猶入座重門深鎖下簾鉤又芳
菲莫遣隨流水景色宜人又幾時

曾彰泗字孔林原籍湖廣父遊蜀寄籍德陽舉孝廉孔林
由選拔以知縣用分發陝西嘉慶十年署洋縣值兵變矢

卷八

七

以死守有勸以送家屬避兵者曰家屬去則人心搖誰與
吾守時淫雨浹旬援兵不至八月朔賊衆蜂湧至自守大
小西門指揮施放鎗炮賊已登城或掖之逃堅不肯於是
見執呼曰吾縣官也殺吾無害百姓賊縛之城隍廟極勸
之曰公亦四川人若從吾卽不殺罵曰不遵王法不知天
理四川安有爾等人賊怒澆以沸湯身手糜爛罵不絕口
項中三刀脇中兩矛死有劉錫者原任華陽縣丞過洋共
留守城見曾被執抽佩刀大呼曰狂賊敢爾奮力撲斫賊
爭刺之受二矛傷自投文昌閣下濠內死事 聞均蒙卹
典曾二僕韋升謝清從死家口得免

鹽亭張氏文學最盛孝廉名滿有子七人皆貢生長子力行字星源生子瑄順治辛卯副榜與子泰同科星源與一道人相善道人長鬚不言姓名人以長鬚仙人呼之臨別贈星源詩云湖海幾年無老鶴桃源今日有飛花元機紙上煙雲濕鍊藥爐中日月華羨爾原為三島客幸仙收入五雲家細思鑑下先天語漏洩人間草木芽遂不知所終

謝朝南號敬齋巴州諸生請書錦江書院冬寒擁絮朗誦達旦山長顧汝修息存彭端淑樂齋兩先生深器之累試不售倦於進取矣乾隆庚寅恩科時已七夕諸弟子酌酒

卷八

七

勸試志猶未決末座童子愍然曰先生此去平地一聲雷也雷適應聲而鳴者二共喜促裝兼程抵省考遺勿誤榜揭果列名嘉慶丁巳銓浙江龍遊令不務煩苛與民相安戊午甲子兩為房考時稱得人以軍務積勞卒不能歸楓士民助賻乃還葬子一鳴亦登嘉慶己卯賢書

榮縣西北有山聳拔特立曰牛峯共有五門除牛鼻外皆鑿懸崖而上別無徑可通昔人避亂立寨於此最為險要榮邑諸生王石亭安宇嘗九日偕門生十二人登覽列為十二景有詩百餘篇各體俱備錄其小詩四首牛峯峭徑云偶借牧童引徐上牛峯徑身聳古砦門一呼眾山應松

清微霄云嶺上萬株松天高風歙起鉅聲引海濤湧入層空裏亮洞偷光云別有一洞天山光颯遠照平生恥穿鑿借以豁心竅連山小市云探幽意頗愜宛就茅亭宿挑燈語夜闌鷄鳴亂山谷石亭嘗在華陽從潘紫垣學素好為詩有秋吟十二首錄其七絕四首一洗煩囂氣爽然梧桐葉落竹浮烟巴山夜共平生話莫笑西南是漏天秋此身渾向廣寒遊良夜開簾正倚樓引領平羌江水上我眉新展半輪秋秋惆悵烏啼月落時板橋人去欲何之懷人一夜兼葭冷鏡裏相看上鬢絲秋片片芙蓉並菊開拒霜肯雨出塵埃花中後勁知多少冷處何人物色來秋

卷八

天

華陽女高浣花號澣雪楊廷賢繼室二十八歲孀居嘗封肉療夫紡績課子里中大疫一家無恙鄰人聞空中語曰勿犯節婦家好讀書淹貫史籍註有讀史評劄周易述解杜韓詩選註好吟咏有倦繡吟夫故後有鴟血餘草善古賦工詞能畫女子之多才藝者也梁山舟先生序其詩稱其雄渾清挺字字從性靈中流出無纖毫巾幗氣詩凡八百餘首自嫌以才為累付諸火其子世燾搜得遺篇于道光丙午刻之澣雪夫人猶在也所居有竹隴石屋金粟巖王鐵夫夫人墨琴張船山夫人韻徵表姊古雪夫人為之題額世燾癸卯秋闈卷落余房薦而不售今猶奮志攻苦

山舟先生作序時年九十三在嘉慶二十年距今三十餘年矣自白鹿磯至白螺山云十日滄江行連天但風色白浪舞空江千里斷行客今朝喜晴霽日影漏窗隙到眼白鹿磯岡巒乍奇特疎林聚荒翠餘雪一痕白陽陵名磯尤嶽寄江心露霜磧我從峽中來朝暮飲山碧觸耳駭灘流參天仰石壁造物洩靈秘勢已無餘力及此猶坡陀憑闌坐稍息漁磯亦可人前山轉蕭槭寄林韻徵云霜天噴澹雲氣頽西風颯颯草木摧空階敗葉擁作堆中腸如結勞徘徊嵩山鬱鬱高崔巍思美人兮山之隈拈毫酌酒銜金盃秋高豁目青陵臺黃河流空濼洞使我對此腸九迴道之云遠曷能來平沙漠漠驚鴻催何當新醪開春醅傾尊一笑心顏開登晴川閣同古雪外姊水天渺渺隱晴川放眼高樓興未闌山翠遙連帆影落江聲遠共荻光寒菩提掩映三千界碧玉迴環十二欄欲望瀟湘最深處模糊烟樹隔郎官夔州懷少陵潦倒徒懷瀟上游老來詩筆遍夔州東屯秔稻三年熟西閣雲山萬里愁鷄柵水筒隨豎子短衣雄劍謁諸侯移家我亦成都客落日空登白帝樓清明云平隄柳色綻鷺黃何處看春不斷腸記取踏歌芳草路可憐時節菜花香寄外云幽蟲唧唧漏迢迢刀尺聲中又半宵欲檢衣笥尋舊樣秋來恐瘦沈郎腰

董繼叔字正誼昭化武生縣令吳天木勸之力學中康熙丁丑武進士選常州營守備雖武職有學識留心民事多條陳請于上官清盜源講荒政剔消弊急城功著有非分集自以爲越俎之謀也楊大鶴極稱之爲之序亦武弁中錚錚者素工詩九日途次陝州云寥落行蹤未有涯愁添九日倍思家對花空自慚彭澤落帽無端笑孟嘉劔閣雲深秋欲暮鄂筒酒熟路猶賒生平不減東籬興歸覓林泉學種瓜天木亦工詩弔費敬侯墓云辛勤窺魏復窺吳漢關崔巍今已無殘碣依稀雷氏爵半隨春雨沒荒蕪碑云費令費公敬侯之墓天木字酉山浙江嘉興人楊時齋遇春原籍崇慶州武舉剿教匪以功致通侯人歸稱之有李遇春者達縣武舉嘉慶元年徐天德倡亂遇春自備鹽糧率義勇千餘人隨營堵禦前後二十餘戰皆有功雷音鋪獲賊目先行王天福沙灘河擒偽軍師尹神仙勦方山教匪先後捉獲賊首張仲翔郭聯宗賞五品頂戴二年六月二十五日隨總兵朱射斗駐兵蓋地坪防冉文儔羅其清於儀隴廟伏發被擒賊仇之斷手足烹以大鑊至死罵不絕口丈夫不侯即鼎烹立志早已超羣英爲國捐軀真人傑草野崛起屠長鯨李公遇春猛如虎身率義勇樹旗鼓惟威君恩衛社稷更念桑梓護鄉土怒馬長戟

萬人驚手提賊頭擲帥府有賊負勇敢當先如鷹擊兔血
已濺有賊恃智運籌畧深入已捉活神仙大將朱公名射
斗與公相須左右手朱公威名震敵營李公雄武得未有
幕府載筆紀勲勞次第優賞溫語褒連營萬竈風摧帳斫
敵三更血洗刀誓欲滅賊探虎穴鼓聲已死繡旗折將軍
被縛如縛虎髮立衝冠怒背裂賊久銜恨前仇深手足俱
斷但有舌赤體宛轉血模糊大聲罵賊胆氣粗生不殺賊
死為厲身入沸鼎猶嗔呼事聞九重天為泣縱食賊肉嗟
何及三軍慘阻氣不揚戰馬哀嘶聲嗚咽丹詔煌煌郵典
優上論李遇春殺賊有功被賊戕害可憫交部忠節烈烈
議照陣亡例加等議卹子胤元現襲雲騎尉

卷八

三

壯千秋當日不死奇功立當與忠武同封侯謂當匹英雄
身歿留餘恨不盡長江咽怒流按李公與丹稜彭昭麟為
外兄弟其亡也彭有詩哀之惜短章未悉其死事之慘乃
為此篇詞雖不工要為紀實

傅泰疑字葆初成都人戊寅孝廉善談論子鴻誥復舉甲
午鄉試同北上俱下第留都中子病故葆初嗒焉若喪今
業醫欲以濟人壽內云紅窗對影兩心知共閱浮生幾險
夷偕子林泉甘隱匿通人婚嫁費支持年來多故霜添髮
眼底舒懷酒滿卮回憶昔時饒韻事畫眉風味正相思太
息飛騰事已訛隨緣安分住岩阿羹湯供給貧家苦兒女

劬勞母氏多陌上鹿車同挽載宵中燈火伴吟哦祝卿那
藉東方肉親采花枝插髻螺獨坐云心迹蕭然靜似禪幅
巾緩帶甚安便暗掠春思鶯啼外占斷新晴鵲噪邊簾押
讓風排闥入柳陰庇犬藉花眠叩關怡喜無人到詩債消
除又幾篇入山掃墓云淒絕入山路頻來又一年長懷風
木感人廢蓼莪篇襍被遵周道春風泣杜鵑還應今夜月
故傍壘頭圓慈母衣猶在披來展墓回已虛含哺願難副
望兒賢黠黠啼烏樹荒荒宿草烟凱風吹不住似悵客言
旋

卷八

三

丹稜李文簡肅作長編人皆服其史學而詩亦工妙與子
璧讀書巽山舊名龍鶴山有詩云已作平時鳥亂飛杜鵑
更向阿誰歸似嫌住處猶城郭不解攜家上翠微楊升菴
謂其詩絕有風味信然彭肇洙咏之云松栢厲寒霜仙李
懷其質老檜不能侵指素盤根困野蔌一朝拔方隅千秋
獨秉筆大業偕龍門於何涑水匹孝陵風雨來虬龍撼卷
帙仰止厓追攀巽厓空嶠峯朱文公與其子善深敬文簡
之為人再三稱歎固不獨以文學著矣

樂至南硯山四面如削上有平臺中微窪宛如硯形繞植
梅花古木新株漸成香海山足天池十數畝遍種荷花沈
澹園太守登山探梅作詩云訪梅何必窮深山放腳一笑

開雲關清夢已落翠羽換古黛都作鸚眼斑或指紐成堆墨海
或云腰半如郎官宵深滴露凍呵水暖入蘸霞光流丹恍
疑花神索詩句泮妃踢天橫雕剝紫青大硯割雲出瀉以
香雪無渴乾銅坑鄧尉昔尋覓至今紙帳餘幽歡與卿俱
是江南客蛾眉山月來攜看西湖處士久不作纜可細嚼
枯搜難繞花未忍別花去茗文上衣生清寒安得顛米之
圖廣平賦潼川老守題名崖同刊尤秉元天池白蓮盛開
偕同人置酒池上天池之中開白蓮天池蓮種仙翁傳仙
翁種蓮去已久天池之水常泓然尋源近在硯山麓小橋
宛轉依山前泉流一半就淤塞誰復疏鑿開晴川我來蒔

卷八

三

花樂城下樂陽花發紛絲芊重尋蓮種繼遺蹟一池蓮葉
生田田仙姿出水謝珊瑚冰肌玉骨清而妍風前珠瀉葉
泛泛雨餘香放花娟娟官衙日永了公事納涼池上時盤
旋臨流酌酒不知暮醉倒何妨石上眠山風振空月東出
醒來疑在清虛天水流花開如有意清風明月原無邊傳
與樂民共遊賞不須更問華陰仙
昭化南有百戶臺高二丈下臨嘉陵江署令王維坤以
年老乞休未得九日攜酒登臺賦詩云空衙日掩獨悲秋
攜伴登高選勝遊幾點人烟隔樹窺萬山霽色入江流猛
風冷月筵當散說劍談詩興未休便號此臺爲戲馬佳辰

良會共傳籌端陽荏苒又重陽猶自孤蹤守益昌兩地家
園勞望眼手回江水似愁腸青山石上人須醉黃葉樽前
月正涼任笑使君狂落帽壯年短髻已成霜立馬高臺望
渺然秋深霽色正澄鮮官貧並缺陶潛菊將畧欣聞尉綬
篇旋把茱萸添酒味何來北雁把書傳諸君盡是懷才客
同抱離騷一問天坤維山西長垣人

葛岷詩筆敏捷馳驟縱橫不爲律縛能手也遊雪峯山贈
周鍊師陽才兼呈童曉東王立三云如遊仙境若登天勝
地良辰夙有緣物豈山經傳得盡花非月令數能全雲霞
朝日春風外鋸火間庭暮雨前可識萬般清意趣先生生

卷八

三

受許多年曲曲寒流抱寺東四維山色妙無窮神遊風月
清虛外人在烟花景界中定水息波空作鑑深松交蓋翠
成宮開懷隨處皆仙趣惟許孤高住遠公翠影重重木葉
翻高人住處卽仙源蓮花長夏開金鏡桂子清空墜石根
大暑深山常作雨廣寒終夜不扃門經年對爾添幽興莫
與凡間世俗論方外雲遊上翠微八公難見意依依一庭
有雨花先潤九月無風葉亦飛我往常山能益智人懷遠
志不當歸大還聞說仙傳妙可許凡流識化機霜葉顏如
二月花高巖盤曲道幽遐松心自愛依雲漢桂性應知泣
露華山以無烟添夕翠天因將雨現朝霞興來更躡中峯

上不夜城南萬里沙繁華人不愛幽閒我愛斯人共往還
竟日長言皆述古百年高會是登山身遊朗月清虛外心
在行雲流水間為問舊時同志者可能情性一般般名區
自可常栖隱何故登尋往復來山意不教俗子住花心豈
為野人開諸公本抱風雲志獨我尤慚翰墨才正是高辰
秋未老清遊竟日亦幽哉忽忽於今日月遷我今猶未得
通元難窮義理五千字易老光陰半百年小謝城中無俗
侶武陵源內有真仙不如托跡名山下多植奇花續後緣
八首皆有一氣呵成之妙

溫江葛氏一門能詩自秉敬以來子曰芸曰荃皆以文學

卷八

三

著後荃孫岷岷子士麟與昆弟輩能繩武初籍新津後遷
溫江新津修覺山寶資山雪峯山峯巒綿亘實為一山有
紀勝亭蘇穎濱嘗題詩遂為一邑勝地一日希陵士麟東
谷士聳晴帆士精遊紀勝亭皆題詩用蘇子由韻東谷云
火雲蒸暑布遙空山色江光在眼中石徑半遮黃葛名曰
磬聲遙送白蘋風題詩客擬留丹碣載酒人爭倒碧筒太
息徐君修葺後伊誰踵事更如公希陵云層巒疊嶂接遙
空遺碣荒涼落照中草沒苔痕迷屐齒雲封村樹靜江風
漁舟隱約如飄葉佳句推敲欲貯筒偶一登臨寄笑傲不
徒惆悵憶蘇公晴帆云素喜登臨類遠空欣逢勝地武陽

中三江合派翻長浪一塔高撐鎮野風羽客當簷傳古瓦
漁人依岸理殘筒尋涼大得清幽趣漫說斯遊學次公各
門清新一時杯茗吟咏之樂在一家為難也

楊宏斗字占鰲樂至人性英爽跳盪不羈乾隆間征與義
傑匪出應募翼長奇其勇每戰當先袒呼貫陣以功得千
夫長母老歸養嘉慶五年教匪再添元倡亂太平人民不
知兵聞風奔潰占鰲怒跳而起築保安營以置婦孺聞賊
至率健兒數十騎伏五臺山側賊出不意驟起搏戰占鰲
奮勇連斬三賊首眾驚遁遂不敢犯永興場寇害既除灌
園種花猶時彎弓作霹靂聲仰天大笑人莫測也陸放翁

卷八

三

詩云閉門種菜英雄老可勝太息
安縣浮山亦名羅浮十二峯峭拔突起平地石骨嵌空露
出故曰浮山雖未甚高蔚然深秀顧稷掌教汶江書院屢
遊作詩和戴山浮山得句詩云吾聞羅浮山環海幻明晦
窈然深秀中恍惚山靈在霧夕與霞朝清泉瀉無垓無乃
此耳孫標奇井絡內招提隱其懷杉檜植其背訪勝不言
疲望氣先可愛馬蹄屢覽巖石墩久敗廢斷木短竹橫危
亭陟岩載梵唄宣淫槃優鉢輕鼎甃琳宮創何年殘碣詞
若懶妙相花霏霏齋鐘僧對對層樓拔須彌彭門失伍隊
霄漢逼檻楹天風響環珮自性本空明孽根生靈黷嗟哉

墮地緣安往豁無礙精搖著霜簪慾填無量滅轉蓬判西
東維谷紆進退有臺擬凌虛拾級步礧礧題名者誰何崔
灝屬行輩人隨黃鶴返壁若畫瓊繪白雲仍悠悠佳境遭
疵類告饑括香積沙彌剝棗代檐前快羅列千峯獻螺黛
雖乏巨浸觀煙雲差無倍詩成八詠後錦字亦星碎又有
次吳惜楓登浮山原韻詩云平生好遊覽芒屨不厭穿浮
山名耳熟圖畫本天然未歷此山勝那識山路平花香與
鳥語處處呈鮮妍鞍馬素未習策蹇心悄悄幸藉羣從力
得以無恙焉莊嚴敬頂禮卽此可悟禪蒼松皆盤曲古柏
亦蜿蜒七層樓之右望鄉在其巔風塵廿餘載不覺念慮

卷八

七

獨因知人事拙不若還我天昔傳幽風什獻羔并獻豨昨
過華陽道上有十丈蓮區區名勝地彷彿遊琴泉有石更
峭拔虛處疑若懸藤蘿紛上下疎密相糾纏仰觀天際白
太虛過雲煙俯視竹木合氣象真萬千水利民所賴百道
羅山前春耕飽甘雨行處皆良田慚余爲民牧當更籌安
便凜若馭六馬惕若臨深淵欲觀苗或或先除草芊芊所
寶非異物蘭芷與蓀荃禍機不可伏積念敦福緣公餘每
三省忠孝身率先學書苦無暇有紙如廢箋自愧不努力
何以埒前賢願民各自愛莫負大有年

劉樸齋炯順天大興人前任成都升資州知州後知成都

府桂燕山制府在川爲方伯時議修燕魯公所未就繼吾
東劉玉坡先生來蜀旬宣之餘視公所功猶未畢復捐廉
倡諸同鄉成其學時爲道光乙亥修築已五年矣督其役
者卽樸齋弟端號石麓亦宰成都後升忠州樸齋始之石
麓終之先後皆官成都雖非一人之力不可謂非異事也
樸齋政事明敏亦擅風雅在資州多留題古渡春波云東
風吹春來綠皺大江水鄰鄰鴨萬頭掀然勢如此兩岸竟
中斷一葉疾于矢普渡往來人印須喚舟子鳧鷖避遠灘
春鋤立沙沚到眼慈航存彼岸近尺咫豈學子產與濟人
向溱洧實至名自孚小惠殊可鄙鴛鴦六十一古堰今則

卷八

天

圯安得疏鑿興坐令黔黎喜浩蕩從東流挹注無時已笑
指碧波中飄出桃花葉盤峯暮雨云截臬上無際參天一
峯獨不肯宮小山厚地嫌窘威廉纖屏霧來翠滴層崖綠
螺髻何窈窕粧飾着新沐夕陽忽西沉底事金烏速暮色
與山光蒼然紛滿目足音盤之中聽楚憶空谷散絲偏連
綿頗慶農民欲何如溥甘霖遍灑大千曲一邱一壑間膏
澤未云沃歸鴨瀉更飛投林向何宿遙望翠微巔疏鑿出
茅屋北田秋風云一綫太逼仄礧礧爲樊籠豁然見平曠
塍疇交相通是時萬寶成玉粒搖金風黃雲壓隴斷不辨
西與東我來牧是邦憫茲山澤農朝夕盡屏版所望秔稻

豐瘠壤多梯田未易膏腴逢御風冷然善穡程千家同今
秋大有年好語聞老翁絮絮前致詞感荷使君功使君有
何功長養乃天公持此謝我民兼以慰私衷醮壇雲梯云
石骨撐突兀絕頂窮攀躋七十有二級曲意懸丹梯眾山
小坏垵羅列何敢齊世人紛若蟻脚底相排擠呼吸帝座
通帝鑒乃在斯聞有古仙人鍊藥茲山陞還丹足九轉稽
首陳青詞一朝羽化去留此不朽基振衣登崇岡浩浩天
風吹李阿倘可逢再拜真吾師授我不死訣永與長生期
飛昇大羅天不受紅塵迷

卷八

五

岳池楊子蕃號華祝性嗜書家貧聞異書多方購之手不
釋卷室無儲粟泊如也拾遺金俟於路有號呼而來者問
知輸賦所須急遣之嘗遊黔雨中獨宿孤舟夜半有兩虎
咆哮岸側祝曰吾為探親而來苟非數盡毋怖我俄聞麋
逐聲晨視虎跡縱橫杳無人蹤終因棘闥在渝教授渝有
狂生負才傲物相與論辨輒為所屈因贈以詩有云叩來
當是五經笥腹內便便發以時又云為之儼作方山傳瞠
乎筆力遜子瞻其為人傾服如此晚年嚴于課子長男縉
季男昂康熙甲午同登賢書昂廣東增城知縣縉官教諭
皆能詩邑西有宋狀元蒲信讀書處在石聖山縉題詩云
讀書臺畔刺香芸石上留題仰止殷石壁刻帶草依山猶

漲綠池龍待雨欲乘雲潛修丙夜鷄能語奮翮天衢鶴不
羣此日芳縱誰繼武佇看星斗煥斯文昂詩云五百名中
冠一軍書臺人遠地猶芬池餘墨浪龍鱗縹山起烟嵐鳳
羽分傍城三峯聳時漏夜寒光星指斗衝霄瑞氣海連雲
徘徊故址芳蹤杳江碧山青絢至文觀詩皆自命不凡宜
聯鑣文閣並驅爭先也

卷八

五

尋紅友忽倚溪橋對美人得有餘閒聊索笑能消清福不
嫌貧卅年回首孤山路風雪漫天獨問津癸酉冬曾冒雪
三十二年二僊菴云曾經着屐尋仙蹟殿閣閑看夕照紅長笛
聲中多歲月黃梁夢裡幾英雄元機悟徹窮通理道妙思
參造化工世事浮雲身過客何須爪印效泥鴻踏青云鶯
聲似報踏青期結伴尋芳莫更遲十里花酣春態豔千條
柳縮別情癡平原草綠嘶金勒短棹風和唱竹枝慚愧天
涯頻作客家山辜負未歸時春雨云小樓終夜作繁聲點
點清圓入夢輕舍外水添鷗浪潤林端錦濯杏花明看耕
綠野春陰淺憶話巴山舊恨生正值釀花天欲暖鳴鳩喚

出日初晴海棠花下小飲云海棠溪上雨如煙憶別羣芳
候五年海棠煙雨為吾鄉八景白戰有慚春豔豔紅妝偏

覺韻仙仙酒澆魂人宜醉景寫繁華筆自妍笑我詩成
書却懶墨淋漓處倩張顛余不善作字詩成多倩信侯書

溫江李某有檀樹蟻穴其中析為薪木有文曰溫江正堂
加三級字體古雅似漢隸背面則反文絕非人力所為時

在道光甲辰九月獻于邑令攝篆者為全椒江菱石錫麒
先是盜賊肆劫掠其魁名蔡璜大憲索之急逃往宜賓菱

石遣幹役躡蹤獲之部議果加三級文到縣亦以九月人
以為奇江君藏木于匣徵詩成集多頌祥瑞竊謂居官加

卷八

里

級恒事耳彼領兵武弁鄰封州縣及讞局諸君藉是役升
擢換頂賞翎給儘先者不一人何不先為之兆特以加級
為江君瑞耶是木之文非成于一朝以此見人生得尺得
寸皆有一定兆見于此其不為之兆者冥冥中亦預為定
無庸欣戚于其間也擇詩尤雅者錄之成都吳鈞云棧樸
菁我世文明治道昌 聖人隆 壽考令宰著循良皖水
多翹楚椒山挺豫樟傳家徵筆夢濟世發書香貢樹成均
擬瓊枝 秘閣光錦江鳧駐鳥玉壘鳳鳴岡儒雅師文黨
風流慕武鄉政成三月最化洽萬春長偶爾佳符警幾遭
意以傷妙謀心腹運幹役爪牙張庾亮登樓日浩翁遠宦

方網羅收鼠兔徹纏繫豺狼衢巷觀如堵閭閻喜欲狂動
容傾大府交刺列飛章花縣仁恩溢桂林協氣漢穴居來

慕蟻德產致祥桑壁判三遷字珠聯七寶裝逼真秦篆隸
不數晉鍾王持獻芻蕘叟傳觀翰墨場鴻文昭撰記鸞嘴

叶廣颺處士曾竿濫賢侯復幣將余時就聘萬春居然歌
適館何以慰承筐勉效巴欵曲聊稱華祝觴雙旌應作守

楓陞姓名揚張之培詩云廿四循良品來從皖水濱學
先優秘閣材早貢成均 玉殿彤雲靄金臺化雨勻魚鳧

初作令鸞鳳暫栖身鸞績傳歌日牛刀奏泮甸寸心明似
鏡尺澤沛如春賣劍風丕變鳴琴俗漸淳黠麗梁偶跳蕙

卷八

里

苒謗何頻盤錯逢虞詡才猷仗寇恂豺狼窮藪澤道路剪
荆榛鴻集心初定魚歌尾不辛疏名榮 北闕受福讓西
鄰瑞兆羶來慕祥符雉亦馴筆花雷鳥篆文木認龍鱗蝶
夢三刀幻蟬聯七字真野人芹共獻長吏璧同珍倚馬曾
書記雕蟲漫效顰甘棠他日思承遠頌深仁刑書楊榮之
作七古頗爽朗詩云我公蒞任湔水濱四境環歌有脚春
我公政治彷彿召伯邑人共被汪洋澤我公仁民兼愛物莫
不視若重生佛我公文臣不愛錢清風兩袖樂陶然昆蟲
草木有何知三遷預報良有司刊成字跡通文翰聞者爭
獻祥符讀或詞或賦或詩歌各逞辯口如懸河愧我獨為

刀筆吏絕無字甲新生意公餘每自索枯腸擬將瑞木比
甘棠甘棠遺愛詠於詩瑞木重教繫我思腹不便便才力
淺敢向大雅來數典古有蟲食木篆字以此較之無稍異
又有音槐與腹松盛事千秋重繼蹤元駒不向檻中匿試
問七字因何刻為公克展濟世才渠魁獲自異鄉來天使
我公除民害有功不伐功愈大古來循吏公不讓永作千
秋宰官樣

昭化張憲諭云其祖有名爵者在明時應襲世職棄官隱
仙人峯下自號仙峯道人棲朝陽洞講修養之術鑄道人
像于石自為之贊有詩集二卷兵火後無存記其寫懷二

卷八

望

絕云歸隱清風一葉舟五湖烟月任遨遊但將酩酊忘身
累不記人間春與秋虹作絲綸月作鈞天星為餌斗為舟
雲裳製就脫囊笠釣取銀河一片秋

四川鼎甲甚少國初遂寧李仙根以榜眼及第官至戶部
侍郎其父名實字如石進士明季為吳縣令多善政鼎革
後寓居舊治盜賊蜂起環居里許賊樹幟曰敢犯李令君
者死有馬生舟行被盜生日我李令君威也賊遣所掠別
具一舟送之其感人如是隱居三十年子貴後布袍角巾
如未有祿養者年八十乃卒著有蜀語未傳其詩有云飄
零白下家重破痛哭青雲夢已殘新亭淚洒庚申歲彭澤

詩編甲子年家國滄桑黍離之感深矣

朱青樵孝廉海鹽人為吾東平陰令小髯之父也小髯名
光昭教匪之亂効力軍營以議叙得典史娶榮昌敖氏闈
閣皆通風雅生子右賢從外氏姓入籍中進士為黔令升
州牧小髯詩名久著以典史終著有發吟小草贈林戟門
一篇足當自叙冀北自古無良馬騏驎伏櫪作啞啞忽然
仰首一鳴號相詫伯樂其來也五十功名嗟數奇風塵淪
落深自悲臣不如人今老矣請將少時述君知少時意氣
凌星斗才短慙非作賦手悲哉髫齡喪椿萱稟筆萬里羈
叢走朝登泰山巔暮渡黃河口狂興欲將邱壑吞滿胸捫

卷八

望

來頗覺此腹不相負斯時流寇擾川中烽烟相望民舍空
班生忽投毛錐起阿誰馬上是英雄亂峯入雲猿鳥絕渴
飲清泉飢齧雪朔風撲面寒似刀炎氣炙膚汗淋血倦來
曲肱地下眠忽驚金鼓震連天不辨人影迷烟霧流血奔
擊江濤怒十載功成報捷時策勛叙績奏 丹墀小臣也
得邀 恩賚簿尉於今笑儂癡歸去重理殘書卷開函如
見故人面詩客把臂入驪壇花下月前來酣戰憑弔古今
感盛衰裁眉巫峽閒踏遍冷眼閱盡事不平拈取風月筆
底就烹鍊酒酣斫地發狂歌豪氣逼霄風雲變宦海浮沉
三十年臣朔飢欲死誰憐才拙原合遭俗忌家貧深悔因

名牽嶙嶙瘦骨窮益傲客無能今客無好本來面目猶故
吾醫懶無方甘蒙誦生平枉作送窮文應識鬼亦挪揄笑
去年得與賢宰親謂萬次常將青眼盼朱雲張來廣厦遮
寒士爲道世更有林君君乃八閩之奇士少捷南宮宰百
里載道萬戶口皆碑鳴琴一官心似水况復襟懷迥超塵
鮑叔能知夷吾貧愛才若渴肝膽照汝胡交臂失斯人我
聞此語忽覺倉飛而色起伯牙復生鍾期不死得一同心
喜不已紛紛然諾空多人更從何處覓知己舉觴狂嘯望
蒼穹天既生我豈終窮君不見干將莫邪兩神劍不藉風
雨自化龍喜得家五叔春帆書骨肉悲遙隔分飛闊十年
堪憐兩地淚只藉一書傳風雨燈前字鄉關夢裏緣何時
重聚首北望倍悽然贈董樸園明府宦跡十年繫詩編一
寸餘家傳漢儒策宅近聖人居政善民何訟囊空架有書
幸從良吏後學步尙趙趙南充感興極目遙山烟霧開登
樓遐眺意徘徊譙周何必談天數陳壽偏能負史才暮局
乘除人事改壯懷落拓髣髴毛催憑欄祇覺增惆悵薄暮城
頭鼓角哀偶探爽氣上西山昔有仙人謝自然古洞白雲
猿嘯雨滿林黃葉雁連天荒村樹老寒霜橘秋水波平夜
月船多少人居負郭濛濛遙望起炊烟
蒟醬張騫至西南夷食之而美擅名蜀中久矣來川物色

不得問土人無知者家人買黑豆腐蓋村間所種俗名菜
芋實蒟蒻也形如芋而大可作腐色黑有別味未及豆腐
之滑膩蒟蒻一名鬼頭作腐時人多語則味澁或云多語
則作之不成乃知蒟醬卽此俗間日用而不知可笑也遙
攜饒口入西川蒟醬曾聞自漢年腐已難堪兼色黑虛名
應共笑張騫菜芋亦名黑芋生食之口麻
高伯鵬遠程同里戚誼也自漢口溯江而上來榮相視留
別二律云依然儒素舊風流十載巴渝歷數州宦味淡如
雲過眼苦吟贏得雪盈頭問遺詩伯窮騷雅坐擁芸編自
校警歸去莫羞囊底澀川中人物已全收斗米何須怨拊
腰以官爲隱亦逍遙隨身賸有書千卷助興聊憑酒一瓢
花落訟庭消雀角雨餘春社聽民謠浮名不必當時羨遺
愛應知去後標伯鵬將歸往嘉定謁郡伯蓮溪先生先生
招飲贈路費焉
傳云劉綬隨父來蜀至中江貧窮乃至成都投軍營天尙
早輟門側假寐帥夢一虎卧于門驚醒使人視之則綬也
收之漸至大將按劉將軍隨父征興文都蠻父已官總鎮
幼貧之說似不足信劉大刀之名聞天下更善袖箭以墨
汁亂酒板扉射之俱中技勇絕人張維斗拜劉征東畫像
云將軍原不死沉鷲肯膚撓矢折渾河暗旗翻雲漢高一

杯存碧血百戰酒丹毫征播威名在今猶說大刀艇工詩
曾題佛圖關云當年先業樹蠶叢奕葉何堪振父風自信
承家慚長子敢云報國紹元戎兒童舊頌平蠻績父老新
傳勦播功武烈謬叨綿世澤孤忠一脈貫長虹東逐西馳
歲又深凱旋駐馬漫開襟三巴兵革龍泉迴六月烽烟鴈
字沉關塞自惟憐白髮廟廊誰爲報丹心良弓烏盡應無
用緩整魚竿釣海濤

傅泰儀字鳳岡成都人屢薦不售癸卯科卷落余房亦薦
而不中茲以歲貢生註銓訓導喜爲詩讀紫燕釵記霍王
舊表如花女少小娉婷藏繡戶傾城顏色世無雙孤鸞未

卷八

七

定鴛鴦譜一朝失怙結酸辛柳絮楊花恨此身題詩未敢
裁桐葉豈向標梅怨不辰年來年去住金屋隨娘轉側度
芳春翩翩公子君虞者負性雄豪本風雅關心曲裏鳳求
凰那羨玉堂馳車馬訪訊名花繞素懷非因野草游絲惹
元夕張燈月滿街士女紛紛踏繡鞋憐香心事兩相印人
海中間拾墜釵未必便成金釧合已似溫家玉鏡臺蜂媒
付託鮑四娘領頰霍母許紅妝玉笙象管迎秦婿蕭史初
欣跨鳳凰從今魚水結綢繆妝台笑對巧風流看花曲徑
同攜手賞月香肩并倚樓交頸曾教雙鴛妒關雎不羨咏
河洲洞房已逐男兒願蓬戶終教女子羞春闈大比開皇

都豹變爭將賢士趨攀雲鏡看屠龍手畫錦歸來好丈夫
匆匆邊塞環甲起連綿烽火何時已有詔參軍往玉門陰
謀意外來奸宄此時紅袖正相依那認鴛鴦兩背飛滿酌
陽關一樽酒宛轉河梁折柳枝蕭蕭班馬青山暮獵獵旌
旗滿落暉欲轉鶯聲叙別離未言玉筯交橫願妾心靡他
貫金石願言偕老不相違白日當天心昭昭豈教詩人刺
氓蚩踉蹌玉聰留不得人影衣香從此辭送遠望窮天盡
處愁鎖眉峯轉翠帷歲華荏苒忽三秋錦字音書未見投
卻寄銀屏傳消息萍踪又豁孟門眸屏中展轉何所語丹
青畫盡邊城苦朔風邊月蘆管聲征客思鄉淚如雨跳梁

卷八

八

小醜就芟夷大尉遣都捲戰旗憑勢特做招賢館擇堦頻
將駿馬羈紅線依依邀舊雨東床打疊訂佳期提防不放
舊家信垂情先笑婦翁癡可憐玉貌思芳訊淋淋淚雨雙
蓬鬢知是盧門是孟門燕語呢喃無準信爾來家事漸蕭
索幾番瓦卦金錢卜賂道親友構錦鱗錦裙羅衫都典卻
懨懨病損春山感膏沐全拋罷梳掠青鸞渺渺竟不回數
盡飛鴻願屢錯紫釵抽下雲鬢外幾年珍重稱心快青妹
可償相思債侍兒袖向街頭賣春風蕭寺牡丹開醉俠相
邀結伴來聞說妒花風雨惡路人傳語爲徘徊黃衫豪士
二毛蒼飛鷹挾彈獵千場難聽紅銷兼綠慘快刀欲砍負

心郎何知白挺隨兵校太阿如水摩秋霜挾持嬌婿來故
院風光重認勝業坊不須猶豫鞋兒夢乞漿還汝舊裝航
燕去燕來幾經年釵還釵合慰纏綿頻教薄幸青樓客又
得鸞膠續斷絃門楣此日重回首斬新喜氣勝從前蛛網
妝簾勤拂掃對鏡重開並帶蓮遙憶簫聲合卷日春風浪
度負嬋娟連年鹿鹿沙場夢一樣相思兩地懸燕壘苦將
新主托鴛盟緊守舊時緣支離病骨得重甦分明不是夢
中憐聚首華堂問絮語天上今宵月又圓鍾雨春見和牡
丹兩絕戲用長句荅之主人愛花如性命只緣臭味與相
近前身應是賣花翁合佩司花香尉印清晨徐步傍花畔

卷八

兕

亂撲蝶蜂塵不散忽看牡丹微破綻晴日漸烘紅爛爛此
時梅蘭香氣空桃花零落梨花亂彩雲欲散意還留羣鶯
有情啼不斷東皇故故矜化工妝成蓋世春風面天孫霞
帔雲錦裳初自璇宮組織遍王母侍從競繽紛豔光奪人
心目眩嬌酣鬢中宿醒應是瑤池陪清醪千層葉蕩琉
璃影幾枝風亞珊瑚顛可奈騷經不撫收燕子狂噴黃鸝
怨鍾期彩筆傳夢中要與詩人補遺恨從今不唱懊儂歌
高張錦幄與羅幔繁華世界一大觀置酒邀君來同看
明四川副使劉天民號涵山吾東歷城人詩名甚著過富
村驛有詩云搖落山中驛頹籬出野花飛飛翻麥燕緩緩

集林鴉斥鹵分青井荒莎傍白沙貧民猶夜警未忍聽昏
笳過某留別效庾信體江漢邁遐軌川巴迴故轅周覽更
奇葩花石燦以繁種種生懽悰蕭蕭揚旅魂思歸占舊引
撫物憑華軒皇役今祇承遠道將駿奔部曲擁墨綬饒晏
羅青尊豈不念同袍所性在邱園誰能識此意無乃龐鹿
門田山蓋侍郎稱先生詩雅潔於今爲廣陵散矣

乾隆初巴州廩生王同善授徒于東鄰之側一日東鄰招
飲醉歸過古墓忽見二人以禮相迎延之入座東鄰婦望
見大呼生如夢醒歸館是夜夢二人投詩云天寶元年往
此間千秋何幸接君顏一場好事陰人破欲覓先生再見

卷八

辛

難醒而不忘酬以詩焚之墓前詩云憶昨孤遊到此間蒙
君雅愛苦相攀偶因日暮歸家急未獲登筵一霎還鬼固
不俗生亦多情之甚

金堂劉崑陵字蘊珊好爲詩海疆用兵投劾軍營在浙目
擊時事感慨憤激發而爲詩皆有爲也傳其四首終身難
報九重恩匹馬匆匆走郭門孤掌竟成千古恨烟波渺渺
弔忠魂謂裕銀符寶鉞賜瑤京大將堂堂萬里征太息生
靈塗炭久安排一木中流難作柱大臣原不愧封疆謂劉
國憂民鬢已霜一木中流難作柱大臣原不愧封疆
公韻降幡真否豎船頭凱唱南天值九秋我亦箭痕瘡尙

在無功安得覓封侯在營得六品頂戴軍務藏事流連西
湖贈妓許素馨云西湖風月久關情兩載勞勞愧請纓昨
日鳳山門下過始知人世有飛瓊芙蓉出水好風神慧質
靈心不染塵脫盡桃花輕薄樣擬將天竺問前身素馨亦
能詩贈劉云腰橫三尺酒微醺颯爽英姿氣薄雲好待封
侯歸去日桃花馬下拜將軍

資州朱泗林雄毅有勇畧能舞百劬大刀獻賊之亂聚族
黨千餘人于州西之朱家營四方避難者多歸之士賊數
百欲犯其壘泗林挾巨牛入小溪洗刷再四從容復回持
刀向賊賊相顧驚愕日暮視賊眾將懈率眾突之賊驚潰

卷八

五

斬首數百餘竄去自是每戰皆捷無敢窺者

明皇幸蜀至白衛嶺咏李嶠詩款為才子嶺在昭化董照
詩云雲橫衛嶺路幽遐鳳輦來時拂翠華恨是垂楊歸碧
落翩然仙李入烟霞丹邱有路尋靈藥野草無情絆落花
宮女偏歌汾水曲千秋墜淚感榮華

冷磧關在峨邊廳南十里兩岸峭壁東南限以長江萬峯
插天中通一線由關出卡即赤夷地界山陰楊國棟嘉慶
十八年來攝篆宿冷磧關開泉作詩云夜聲何處石泉鳴
冷磧風高夢易醒一枕曉寒山月落細聽疑是隴頭聲
攝篆鄧都登平都觀閣上懸聯云以遊以遊得仙人之舊

館一觴一咏極天下之大觀深愛其詞視欵題瞿頤退考
縣志則所修也瞿號菊亭明季大學士忠宣公式耜之後
忠宣殉節廣西 國朝以其盡忠于明全其家室菊亭譜
鶴歸詞表揚先烈以孝廉謁選宰鄧都及仁壽著有宣南
坊草秋水吟詩集秋夜即事云四壁留孤影蕭然似老僧
濕螢時入戶飢鼠屢窺燈不作還鄉夢空思耐人朋明朝
青鏡裏千點雪應增落葉云一夕霜風起蕭蕭木葉輕打
窗疑雪片捲地作秋聲龍冷添薪富庭空放月明此時感
搖落不獨長年驚沔縣謁諸葛丞相祠定軍燈火燭天紅
駭賊依然討賊忠教匪至河見定軍山燈火無數疑是官
兵遁去事聞賜帑金修祠並賜扁額

卷九

五

人品獨高三代後表文堪置六經中石琴一曲吟梁甫
奎藻千秋耀闕宮五丈原前經故壘英雄揮涕古今同曉
發鳳縣云曉跨征鞍出鳳城絮袍遺怯早涼生哀猿叫月
如三峽秋蟀吟風恰五更路入陳倉從古險人來雲棧只
宜晴馬蹄得得應隕甚但聽西風振策聲春柳東風一夜
到江濱抽遍長條一色新小逞風流牽別恨未堪攀折贈
行人畫橋瘦影憐初月灞岸輕寒怯早春何處愁來情脉
脉傍檐臨檻總長顰花影總是瑤臺幻裏身好憑月姊為
傳神過牆依約離魂女映水分明對鏡人幾度呼童常誤
掃便教貼地不成茵賺他癡蝶情無限樹底渾疑別有春

制藝英聲選菊亭文亦能手

余署新津聞岳調陽博學能文家素饒性嗜書一讀輒記
三中副車不得鄉舉人錄其文往往得售至書肆買書不
較值水田百畝皆為置書鬻盡曠然不以為意晚年並無
棲止置破船板支岸上排比為牆架板為頂客至止一椅
僅三脚其一壘石墊之談笑自若不知其為貧也修金或
得二三百兩門生故舊有以窘乏告者隨手分給不少吝
氣味不相投雖瓶無隔宿糧以重金聘之不往所置書攜
至相識家閱畢置書即行或告以所存某書應送還辭曰
俟吾修屋後來取其質營建無日也古人謂舟居非水陸

卷八

五

居無屋岳君殆其人乎善談文諸及門相依以錢米致其
家亦不問或華衣無即撻傲袍妻子亦無怨懟陶令兒郎
諸葛妻一門皞皞有太古之遺風焉

粵西陳榕門先生宏謨為本朝理學名臣鄉試時闈卷房
考已屏棄主考朱曙孫搜落卷得之大喜遂中元官至大
學士後有名繼昌者為吾東盧南石協揆取中會元遂為
本朝三元之一現官布政兩公為國得人負使命如此
朱字景先溫江人康熙癸巳進士官終太常寺卿
眉州白龍池四山環繞久旱不涸明尹戶部覺題云白龍
池外清涼寺林影波光翠黛濃張吏部廷云白龍池在眉

山麓好景宜人分外濃吾東歷城王雲芝先生教龍湫印

月一法澈底古靈湫秋月長年浸碧流玉鑑橫空金氣爽
冰刀剪水露華浮分毫塵垢渾無染上下天光自是幽清
趣許多有誰識主人心鏡恰相投登我道里記云峩眉山
下有龍池按我眉縣西有龍池四山環抱瀟灑數里池心
突擁一峯秀削類江南燕子磯山上多奇花異木有名觀
音蓮者正黃形如蓮瓣重臺經年不謝池水深淵相傳下
為龍居有大金鯉魚四尾及水獸等物土人多於中網魚
舟不敢近池心近則波濤驟湧風浪交作每風日晴霄或
星月清浪羣山倒影參差有若圖繪春夏之交人多攜酒

卷八

五

泛舟為遊賞計焉

瞿唐傳濟菴楫康熙間以孝廉為教官輸軍糈得知縣擢
御史升副憲以罪出塞從征厄魯特後歸里嘗過山東以
詩寄漁洋七古頗矯健七絕亦有唐音著有雪堂詩稿有
懷巫峽書屋三更推枕忽狂叫芙蓉照眼青濛濛巫峰十
二離雲嶺遠來就我青門東江頭神禹驅鬼斧鑿開混沌
分天柱雷霆日月雙壁行老龍出穴嘯風雨天門奇險爭
瞿唐柴扉斜對綠蒼茫愛向千峰結書屋書燈隱射波濤
光正月桃花紅爛漫岷峩春漲迷高岸葦葉橫飛下九霄
峭壁懸崖削天半之官一舸類浮家亭午天開落日霞把

酒臨風渾似昨等閒孤負東籬花巫峰蠹蠹雲之表青山
 滄海催人老借問窗前舊啼鶯可見朱顏長美好西山射
 獵行贈許念中給事雲黃草白風蕭蕭野曠林深狐兔驕
 百石雕弓掛猿臂千金寶馬揚鸞鑣淮陰才人雄且武射
 飛逐走氣如虎駿馳電掣西山陽風毛雨血漫空舞我亦
 生平抱狂癡與君同獵蓋有時青驄餓號不得力弓檠矢
 旅遣暫辭極目蒼茫風色惡亂煙橫處多猿獮窄徑欹斜
 穿怪峰危橋宛轉跨幽壑獸中亦自有軼材狼奔豕突欲
 爲灾吁嗟乎許君願幸少留意能使山魃木魅心胆摧遼
 陽蚤秋關外驚霜蚤遼陽六月秋塞鴻辭極浦海月度邊

卷八

五

樓人老詩思健聲清客夢幽獨憐裘已敝空負五陵遊
 秋射獵玉靶壓金翎刀癡氣尚腥秋風纔肅殺草漫凋
 零錦藉蘆花白銀裝艾葉青明朝天色好射獵出都亭山
 寺曉鐘疎鐘破林出山寺本來空響迸分溪水聲遙度嶺
 風依微殘月迴斷續曉煙濛何事驚人夢明朝問遠公別
 意妾夢隨明月因君到海東君今西出塞月又照崆峒別
 意良難薄此行當自雄但留明月在不敢怨飛蓬戍樓秋
 望衰草黃沙隱戍樓曉霜晴日見高秋飛狐嶺峻連雲鎖
 駐馬河清遠塞流極目關山腸欲斷驚心鴻雁淚難收相
 逢莫道長安近一夜西風已白頭其二嗚咽河流入漢京

黃沙浩浩斷人行營含苦霧旗猶濕陣壓雷鼓不鳴無
 定水邊秋夜冷受降城上月華明誰憐此際高樓女獨對
 西風念遠征對月十年京國五陵豪步下毛錐馬上刀羸
 得滿頭霜雪在玉門關外月輪高聞砧三更月轉黃龍戍
 萬里秋高白帝城已是寒蟬聽不得誰家猶急掃衣聲金
 陵雜感風帆霧縹蕩中流紅雨江南樹樹秋桃葉渡頭歸
 去晚蛾眉織月上簾鈞蜀江秋思巴江夜雨絕輕埃初日
 芙蓉照水開兩岫遠峰遮不住一帆秋水看花來
 馮行善岳池監生性端方喜吟咏教匪之亂嘗憤激作詩
 題壁間云無知小醜空猖獗釜底遊魂祇目前又云一旦

卷八

五

陣前梟鏡縛泉臺縱入樂無涯嘉慶三年十二月偶出遇
 賊賊脅之跪罵曰我朝廷士子豈跪賊耶賊怒殺之
 茗上吳研漁煦遊蜀四十餘年風塵僕僕久爲入幕之賓
 而生平無他好惟喜爲詩著有蜀游賸稿一册秋夜書懷
 云絡緯織秋聲青鏡照眼明案頭書一卷窗外月三更驚
 夢人何在思鄉淚欲傾日歸歸未得腸斷故園情春暮感
 懷云十年遊子屐何日返歸橈憶別歌三疊消愁酒一瓢
 花殘春色老家遠夢魂遙飛燕似相識依依繞畫橋辛亥
 除夕萬里家山遠明朝又一春歲分今夜酒愁別去年人
 爆竹驚鄉夢梅花笑客身挑燈還獨坐惟有影相親七律

九日云雨滿江城風滿樓投衣時節漫生愁關心已逐風
塵老回首何堪歲月道白墮招人同作客黃花笑我又經
秋誰家砧杵聲聲急催起思鄉屢搔頭送友云萬里橋南
萬里程江雲山月共含情靜中得趣人多韻醉後題詩語
更清骨傲不堪遜俗賞心癡還想待時鳴此行縱有知心
客誰唱陽關第四聲七絕卽景淡淡屏山淺淺沙野田分
處有人家蕭疎籬落堪圖畫流水柴門送落花山花歷亂
野花黃草色青于陌上柔一陣香風經過處也疑身到武
陵鄉題范月田畫桃花流水竹橋西一片幽篁曲徑迷彷彿
廬山飛瀑處夕陽斜照暮雲低研漁兼工小詞詩盈千

卷八

七

餘首道光乙未將付梓矣偷兒劫篋盡室一空稿遂失去
乃卽准金於宗戚知交處搜零簡遺篇存其什一詩之傳
不傳有數焉可慨也

呂可馬大器之子潛與吾東王漁洋姜如須以詩贈答猶
記明時成都繁盛闐闐婦女亦結詩社兵燹之餘不獨詩
卷零落卽姓氏亦多湮沒可慨也其詩云繁華闐闐重詩
書賦就濤箋錦不如萬里橋頭吟社散枇杷花下更誰居
浣花濯錦集古今蜀中閩秀詩僅二册而一人或三四見
詩亦重複參差惜無人爲刊正
傅泰紳字舒鵬成都人夙骨韶秀以入貲候補訓導醉司

命一首嘲戲頽唐淋漓盡致亦硯北人樂事也九陌蓼蓼
催臘鼓兒女嬉笑華衣舞今宵司命乘雲征驂鸞駕鳳紛
旁午我思燧人以前無火食紛紛血飲而毛茹自從鑽木
利其功然後千村萬井炊烟飄縷縷管領中饋司煎烹三
時飲啄累神明古人千金酬一飯如此功德難與爭而况
珠履三千喧華堂誰爲肉鄙誰酒狂但覺糟粕精華一齊
供饜飮釜鬻日日勞動勳將軍不負腹負羔與烹羊五味
咸咀嚼報賽何皇皇神之來兮燭光熒鼻觀馥馥香風生
旣設修脯載陳椒漿糟塗墨哭黍薦餽餽青藜豆粒俱環
列神之駿兮飽騰驤俯跪而祝神聽其詳松柴桐爨垢圻

卷八

五

滋殃犬猶汚溷實生恐惶神之量兮海汪洋包含功遇上
對天閭使我眷屬熙熙平康神聽此語眉目軒揚拈髭點
頰載歌載嘗妻孥羅拜澆醪醪一杯乍澆神興高更闌燭
跋神醜醜玉山醉倒頽可想紫姑應遣相扶勞繪紙爲馬
祝融燒雲輶頃刻凌層霄碧空馳騁風相送耳中彷彿仙
樂鳴喧嘈小臣僂僂稽首退休息但見床角燒鐙光搖搖
閱之令人失笑

龍湫瀑布聞天下四川渠縣白水洞在縣東四十里大山
之麓洞口廣丈餘深不可測水色瑩白清冷異常自洞口
飛出響震一山晶簾百丈盤曲而下左右數十里皆資灌

漑舊傳洞為龍湫亦蜀地之奇觀也何士鈺咏之有云源
高疑是自天來光閃晴空響似雷黃陂玉來遊作小詞有
云彷彿屏風九疊依稀匹練千尋其景可想見也

每苦縣城市喧囂視山居迥殊若其人胸次超曠未嘗無
以自樂李元端任榮經至縣治題云關前叱馭日初紅負
載人行遊玉驄近縣水聲喧雨後隔橋山色入雲中茅簷
竹戶千家市柳徑花欄十畝宮天畔一枝棲息穩未知何
以答蒼穹寫景甚雅而心懼曠官可謂善于立言

溫江葛衛書芸以諸生從征西海有功當得官讓于堂弟
武生名菁者著有乞餘集蓋集唐之作也過歡喜菴快賦

卷八

五

慚非宋玉才長亭一望一徘徊南山積翠臨城近北澗遙
光瀉浪迴荆棘不當車馬道榆烟將變舊爐灰停車日晚
薦蘋藻岩畔古碑空綠苔落第後有志從戎生涯擾擾竟
何成莫道猖狂似欄衡彩筆昔曾干氣象青袍今已誤儒
生雲中遠樹千層列樹裏南湖一片明便欲輕橈放烟浪
儒衣何處謁公卿西海軍營寄彭樂齋昆季云舊事無人
可共論有誰傾蓋問王孫情多莫舉傷春淚地迥難招白
古魂淺薄將何稱獻納榮枯安敢問乾坤可憐芳草成
燕雀心知不敢言游雪峯洞萬派爭流雨過時憑高那得
更無詩年如逝水催何急心似閒雲任所之豈有文章驚

海內更攜書劍客天涯酒酣往事多與會相望長吟有所
思出郭遊日暖風恬種藥時新花低發上林枝人多妙句
錦囊貯路繞春山匹馬遲紫氣欲來誰已識白雲何處更
相期細推物理須行樂一片清光動水池隱隱飛橋隔野
烟月光如水水連天呼童茅店疎籬下繫馬高樓垂柳邊
交杏栽成堪入眼故園歸去又新年物情多與閒相趁只
箇逍遙是謫仙

卷八

六

半簾晴日墨花香竹添細筍穿幽徑燕壘新巢入畫梁高
卧不聞塵世事心閑多為作詩忙古墓云蝴蝶灰飛陌上
錢遙看荒塚草芊芊一杯黃土埋花骨三尺香泥誤少年
楊柳陰中春似水杜鵑聲裏雨如煙何須費盡移山力富
貴誰攜到九泉曉渡云蘆花如雪映空川客子臨江泛野
船人語驚殘孤雁夢櫓聲揉破一江煙柳含宿霧迷官渡
帆挂朝霞趁曉天沙上鸕鶿閑自在日高猶伴冷雲眠游
青城山云峭壁嵯峨接翠微偶過林下扣柴扉數聲梵語
來僧舍一徑松花點客衣山列彭門懸若削水流灌口去
如飛仙人隱跡知何處古廟顏垣挂落暉城東即景云偶

然出郭豁雙眸薄暖輕寒四月秋花塢日晴紅雨過麥田
風盪綠雲浮山環曠野千峯立水合長江一派流九眼橋
西頻悵望淡煙疎柳薛濤樓

劉菊航銜詔月漁刺史之子習舉子業未能回籍應試以
東河例議叙分發來川需次橐筆遊幕登武陽城樓詩云
斜陽倒景上高臺古戍臨江畫角哀浪影拍天浮遠樹灘
聲入耳送輕雷傷心往事難回憶嘆息流光不再來試問
茫茫東逝水奔騰何日得重回春日云小院迴廊草色迷
垂簾不捲浪痕低春眠午夢人初醒風暖晴簷鳥亂啼入
硯楊花沾墨滿營巢燕子落田泥客情旅思知多少短句

卷八

空

吟成懶自題苦雨云陰靄橫空黯未收山城日日雨聲稠
平湖浪泛桃花水三月寒生枕簟秋古渡雲埋芳草徑綠
楊煙鎖酒家樓可憐花事成春夢猶聽鳩啼不肯休
世傳楊展爲我眉無空和尚轉世和尚銅梁人從通天和
尙受法臨濟二十六代嗣也然身證四十八炷表四十八
願血寫法華經二部金書貝葉經一函我眉縣東大佛寺
銅鑄大士像高三丈皆和尚于楚蜀間募化爲之展字玉
梁嘉定人封華陽伯其我眉山禮佛詩云極天烽火照我
山十載慈悲慘佛顏夢裏涅槃身重到青山無恙白雲間
觀末二句似亦自知前生乃膂力絕人兼通遁法以忠受

善嘉定胡不廟祀之也

余亦號純菴青神人國初避亂江左賣詩文字以自給不
人富貴門詩學漢魏不屑近體與野人高士遊康熙乙丑
卒于瓊花觀著有增益軒詩集付友人選輯失其稿新安
姚綸如于扇頭壁上搜得軼詩數首倪永清云純菴詩閒
情逸志超然塵表如魯仲連陶元亮一輩人元旦云今晨
氣宣朗檐次透曙光春風扇和氣悠悠襲我裳道院自幽
靜中庭焚異香香氣何氤氳隨風泛長廊我本羈旅人感
此歲月長孤蹤謝塵事靜坐閱班揚濡毫改舊詩開樽引
巨觴槃礴無拘束頽然入醉鄉天地氣候改陽和易冰霜

卷八

三

草木漸勾萌梅花何處芳幾欲探消息林水空蒼茫翹首
憶江南雲霞蔚相望
黃山谷紹聖初貶涪州遂自號涪翁後移戎州曾遊屏山
憩東關石洞人謂之涪翁洞桐城張曾敏詩云石壁瞰江
流藤蘿舞烟霧古洞稱涪翁徑窄難騁步摩挲剝蘚苔隸
文數行註旨哉康節語卓然山谷句雜誦至再三令我發
深悟嗟翁瑰異曠世才被謫蜀地渺塵埃探幽選勝偶憩
此天涯爪迹何有哉後人思翁不能置稱翁即以稱其地
蕭然石窟等甘棠一憩芳蹤口碑置太守何公亦何賢表
彰名蹟費雕鐫括公生平數語足不啻快讀琳琅篇遐荒

一洞成雙美洞口波流清且泚波光蕩漾是龍湖年年注
入西江水

張槎仙沈成都人以時藝名屢刻板行世鄉薦後人不第
庚辰會試德州盧南石先生為總裁已定魁以策有未合
復落孫山為石泉學博八年詩為楊蓉裳賞著有困勉齋
詩錄才氣凌厲一切儕輩推服新安大風歌云黑風捲石
羣石驚大石小石相撞鳴飛空亂擊日無色渾茫不見新
安城慨自暴秦國失鹿楚將如狼萬里逐哀哉秦卒二十
萬同化長平古阱肉千年道路腥風生荒原白晝青燐明
鬼雄一呼眾鬼起各提鬪體空中行噫氣成風勢驕恣捲

卷八

奎

地飛沙駛萬騎直將千古不平心化作狂飈號天地噫嘻
鬼自有鄉各有族魂胡不返聚林麓一語未終風愈豪千
鬼萬鬼合聲哭大風渡河作歌云飛鳥之外河源起茫茫
一氣瀉何駛我我龍門東不住平壤奔騰五百里加目黑
風天外來衝擊濁流龍窟開老蛟奮激龍龍怒滿河鬪戰
鳴驚雷我駕輕舸入縹緲蒼波一剪速孤鳥風力掀水水
挾風洪濤激盪衝雲表對此茫茫欣高歌歌聲激昂通星
河大哉觀乎有如此助人壯氣蟠胸多安得博望槎載我
入牛斗手執天瓢挹河源拾盡九河付一口不然借得夸
娥神更集庚辰童律龍威叟移取蜀棧千重山塞平萬古

幽深不測藪彼既康莊茲平原盡種禾麥變畝節盈補
虛一轉移乾坤缺憾更何有奇思內結只長歎孤舸叩處
水浩瀚舩聲未歇風聲催輕帆已抵河陽縣夜過五丁峽
云孤客急宵征昏黑入幽谷兩壁何巍崔壓人生畏縮行
行崖愈高惡狀露林麓鬼鏡巖洞青虎睛石穴綠中道炬
忽滅惶恐意馳逐魑魅憂前立盜賊懼旁伏狼慮攫我馬
熊愁嚙我肉疑思方心繁雷電催雨速更虞猛雨來隨波
葬魚腹膽怯急客鞭驅馬出天獄遲明登雄關回顧尙駭
目朝天關云動地捲風清江聲正怒號峽臨深澗省山入
亂雲高厯險人心怯穿雲馬力勞百年傷浩劫懷古意切

卷八

諸

切七盤關云堞影一峯排茲關何壯哉地分秦嶺斷天劃
蜀雲開設險誇雄鎮紛爭歎霸才時清閒鎖鑰翻覺太巍
崔晚登褒州城東樓云夕照鄉愁重飛樓縱遠懷棧雲千
嶺落暝色萬山來地險關河壯風高鼓角哀故園何處是
回首獨徘徊聞雁云天澹月無影風高柝滿城一聲驚旅
雁千里動鄉情燈黯人長坐背涼夢不成故園無限好何
事爾孤征秋夜雨中聞蟋蟀有感云秋氣已難耐清宵愁
更深况當微雨際又聽亂蛩唳落拓羈人感蕭條旅夜心
憂懷催疊起何事動悲音

石泉周齊勳建堂嘉慶辛酉拔貢由隆昌教諭保舉授甘

肅文縣令因事論伊犁著有伊江集遺興云檀板敲殘北
部腔劍門有客戍伊江黃庭細讀風生座白墮閒對月滿
窗飽歷冰霜誰第一全經淒楚影成雙邇來看得窮途破
十萬愁魔取次降君恩猶得近祁連秋色平分十二年
雲外天香猶是也月中桂子又依然壯人山海知誰賞老
我風霜祇自憐回首不堪題往事雁鴻聲裏自憂煎

章響山汝梅會稽人乾隆丙子孝廉歷署鄧都新寧達州
金川用兵曾辦軍務後補甘肅文縣因事謫戍黑龍江匹

馬投邊著詩千首嫩江黑龍江
支流白山望不極黑水暗通潮

春盡花無信秋先葉早彫暮鐘初動後沙磧一身遠老病

卷八

全

孤危客荒江魂暗銷塞冷風初勁秋高馬正肥一鞭無近

道聯轡出郊畿狐兔爭先盡烟塵未罷圍斜陽人影外騰

否臂鷹歸雄健得杜少陵氣格

費錫璜爲蜀詩家巨擘二子皆能詩軒字執御春閨云豆

蔻風微二月時曲欄亭畔雨絲絲梨花半樹將成雪下著

珠簾總不知此種風致殊不易得

安縣大安山有細泉建一草亭翠柏森茂陳樽署令遊此

贈際德僧詩云蒼茫深林曲島間杉皮小屋占溪灣一壺

明鏡空中色數朵蓮花雨後山有客到門談般若幾時載

鶴弄潺湲平生翰與希夷子拾翠眠雲鎖日閒

雙流古廣都地去錦城四十里風俗已與川南相似蒲椿

泉載陽廣都竹枝詞云盼到城中趕會時先期買得粉和

脂匆匆忘却廟前看今夜何人守石獅調詭婦女者官印
繫之城隍廟石獅

足上謂之腰不圍裙項挂珠邈來同伴盡村姑山門怡與

郎相遇笑問神前禮拜無蹴損弓鞋折斷腰拜香拜過鴨

蛇橋大居士且先歸去兒要三更看換袍小弟在前娘在

後中間有女步香塵語娘在後稍清靜免得燒香亂看人

語雜恢諧足紀土俗

劉壘號問樵成都諸生年十一即勤於學車雙嵐以女妻

之招致門下文筆縱肆有議論後乃務爲清刻然皆不得

卷八

全

志於有司近習青烏術病起詩云蠟屐飛登太華巔輕舟

徧歷五湖煙得江山助文纒壯無世俗拘品即仙春草秋

花隨變相松風水月悟真詮此身一任蒼蒼意不必蠶絲

自縛纏

綿州何人鶴字九臯在吳江唐陶山署袁好來遊方願大

耳目如曙星口若懸河年八十二如少壯從弟子十餘人

席間陶山與諸客多以詩請教九臯獨不肯及行主人送

米酒食物又去而之他未久以函報云諸君詩皆入詩話

矣翻閱悉已改竄其實皆弟子評騭子才未嘗入目也陶

山喟然曰何三不落隨園九臯見諸人作秋草詩曰詩難

佳但他處皆可用非南方秋草其弟星山請和即用韻成
四章首云欲尋三陸堂何在月白霜高叫夜鳥次云江上
鷗眠三楚月塚中人臥六朝烟三云曾留芸閣供書帶八
藉宮人葬玉鈿四云憔悴每懷君子德芳菲終抱美人名
富與墨莊鳧塘兄弟論詩墨莊云前人五律有一氣呵成
八句不對翻成絕唱者君能否即走筆為詩送之云為祭
君先隴同君隴畔眠松風將月色吹墮酒樽前此地一分
手我懷殊悵然散關巫峽外秦楚共新年時墨莊與弟孝
廉本齋將往楚鳧塘北上也可稱能手女金英好讀書詩
思清矯早卒月下與嫂折梅云向月折梅花簪墜下堦拾

卷八

卷

人好影亦好喜傍梅花立小兒照鏡云小兒初照鏡欲捉
鏡中人掉鏡忽無影驚疑藏卻身

羅江魏文鶴字鳴臯少讀書後販牛年五十學為詩有抱
憤吟晚歸云落日辭鴉背微露濕衣牧牛猶未返放鶴
已先歸月白分松徑燈紅見竹扉長吟摩詰句行樂更忘
機偶吟云拋卻蘭皋已四春讀書真箇可安貧倦時便睡
何妨畫樂地斯留輒過旬月下招陪妻已醉梅邊換韻雪
同新草堂先世家風在野鶴閑雲氣味親

鐵嶺高琴泉採為吾東初願園尚書典試所得士川中教
匪之亂投劾軍營畫腰弓矢持矛逐賊夜然燭治軍書頁

奇好詩終不遇以歸其子鑰號澄軒選岳池尉乃搜其遺
編刻之琴泉幼慧九歲能詩春郊晚望云流水千竿竹春
風一徑花落梅云數聲玉笛月當戶一夜春風雪滿蹊西
湖云流水斷橋詩屐冷梅花草閣酒瓢香皆十歲以前作
杭堽浦先生見之亟為稱許在蜀目擊時事拍案唏噓作
詩愈橫放白蓮教掠民間美女為妻號二炷香咏之云翠
袖珠裙編帶長素羅抹額嬌紅妝深閨催出誰家女網馬
駝來二炷香白旗前導銀槍簇抱鞍不敢低聲哭昨日初
從江詩來今宵又向山巔宿山巔凝望起風沙千里烽烟
不見家可憐身入白蓮社可憐貌似白蓮花將軍破賊賊

卷八

卷

披靡繫組成羣擁羅綺蟾蜍領試鶴鵝刀頃刻香消化烟
紫軍中有感云魏魏萬竈布機槍千里涪漳寸寸防烽火
連天迷曉月旌旗背水照殘陽墨磨盾鼻軍書疾米浙矛
頭野飯香欲問功名常自愧木蘭不用尚書郎別諸營吏
士云請纓投筆事全乖壯氣雖存志可哀渴想洗兵朝望
兩驚看破柱夜聞雷眼前未必無狂客胯下何曾有將才
傳語柳營諸伴侶先生彈鋏賦歸來

古人行軍地名最忌岑彭在彭亡被刺四川朱總鎮射斗
剿賊至西充牛頭寨賊首冉添元設伏圍之朱大呼將士
殺出行十餘里復被圍問此何地曰老虎壩朱曰吾犯絕

地死矣蓋朱豬同音豬遇虎必死也齊一寡婦以踏軟索
馳解馬出身色故狡麗其敗也官兵逼之至謝花坡墜崖
死亦應其名焉

達州賊王三槐將至鄰水縣城不固民惶懼忽一童子躍
起自言是仲由諭眾速辦七星旗為汝禦賊並教以步武
賊至望城上軍容甚盛遁去人皆以為仲夫子之靈護城
遂更新聖廟

若南吳梅江清潤以申韓家言遊蜀胸懷洒落動輒得詩
風雅中人非徒蓮幕中人也著有梯雲書屋詩鈔不下數
百首尙未梓當壚曲云十五當壚著名姓門前一帶垂楊

卷八

完

徑金鐙頻隨公子來玉鞭笑指王孫贈王孫公子與偏多
雙舞輕裾試越羅象管鸞笙露纖指臨風一曲繞梁歌流
蘇斜掛芙蓉帳寶鴨蘭薰烟乍颺仙子樓居咫尺間珠簾
掩映雲屏障搗麴奴香滿壺金瓶倒瀉無時無不須苦憶
酒家胡秦氏樓中自有夫寒夜吟索居不成寐蟋蟀鳴我
堂愁人攬衿帶中夜起徬徨立身在何許遠鴻隨風翔元
景奄云逾晨星誰扶將鷓鴣鳴樹顛嗷嗷羨飛揚悲哉人
留滯遊子思故鄉憂來無行伍俯仰若干霜蓼彼草蟲吟
輾轉徒自傷願言飽葵藿努力務朝陽秋暮晚眺云一望
渺長空天然點綴工山從雲外碧樹向日邊紅寒老孤煙

裡秋深落葉中停車還坐婦千古賞心同秋晚東橋遠眺
云遠眺夕陽汀橋分彼此形一灣秋水碧四顧晚山青林
暗煙莊屋人稀雀噪亭扁舟移棹去何處柳邊停雨後栖
賢寺法雲樓即景云杳杳宿冥冥嵐光帶雨腥林深孤廟
綠雲淡數峯青古墓雷遺蹟戴墳在樓後山上荒亭剩舊形樵夫

歌一曲韻逸最堪聽栖賢寺殘梅云一段香魂歛欲無尙
餘清氣散平蕪神仙風骨寧歸幻處士湖山總是孤老去
不磨真玉屑寒來方識舊根株潔身肯向人標榜漫遺徐
照作畫圖得此春晴眼倍明寄情山水有餘清人來古屋
和煙靜鳥下寒塘帶雪輕無可奈何禪半偈不堪持贈月

卷八

本

三更年年錢券債詩債松竹與君為訂盟登關鳳樓即事
云偶向東郊更向東搖鞭直到梵王宮顏雲欲下催詩雨
拂面頻來落帽風不信善騎偏墜馬余因馬失蹄而墜那堪惜別
又驚鴻時孫子乘有南回之意伏龍未必殊關鳳一處題糕處處同
時朱六橋橋司馬次孫景喬姊倩登伏龍觀原韻長生仙蹟
在伏龍觀登高是仙寰四載淹留幾度攀落拓且拚今日醉飄零休憶舊
時顏人來積雨初晴後秋在叢花未放間風滿江亭天欲
暮倦飛應學鳥知還咏水仙云小齋兀坐意纏綿盆裡花
開倍覺妍似我清閒真是水如卿雅淡合稱仙一杯襯出
黃金嫩滿盞承來白玉鮮弱質柔姿耐春冷與梅比潔欲

爭先

張懋柔字希仲漢州人成都府學生官厥粥云風蕭蕭雨
飄飄飢腸霍霍雷聲號聳身抱膊來荒郊厥門開官人來
香杭一斛水干鬪官人去厥門閉隸人懽呼厥丁睡若有
人兮僵而立昔日乞錢錢不得今日典籌籌罷給小遊仙
云瑞池阿母頗風華為道蟠桃大似瓜曼倩欺人弄狡獪
至今不許再開花飯熟胡麻洞已迷一雙青鳥喚遲遲江
郎夢醒才華減為擬曹唐小樣詩

卷八

七

蜀俗有擲磚之戲里巷小兒所為有藉此賭采者用之喪
貲但未經目觀此戲亦偶爾孫瘦石有詩姑紀以誌風土
墻開古廟溝腔曲豬奴狗盜襍牛牧輕煖何來富家兒袒
裼五錢投六博反手為陽覆手陰磚頭梟盧利斷金殘衫
破帽賭一擲秦越肥瘠僉同心彼匪既負富兒勝詰朝設
局橋松徑千錢一注富兒豪腰橐倏忽瓶之罄富翁笞兒
兒出走蠅營狗苟為戎首夜定假面劫而翁而翁憤絕廷
中首鋌而走險兒盛年不歸黑錢歸紅錢

嚴芭汀履豐綿州人詩筆豪健教匪之亂感憤作詩云賊
匪渡嘉陵千里烽烟惡苦聞啼泣慘那計讀書樂惟我將
軍德馬啼岡踴躍烏合一掃除道人傳木鐸到處振絃歌
鄉塾開筭藁弟子與先生相依似河洛眼見殺氣消耳聞

頌聲作旄頭已韜芒熒惑應收虐如何更肆威將我書齋

煇秀才命實窮行當抱佛脚移縮清涼寺清醮道士歌張道陵

死幾千年人猶謂彼成神仙今之道士無乃是執旗仗劍

行如烟鳴鑼擊鼓號清醮家俱酒食迎龍船道士氣揚歡

詛祝兒童結隊相追逐巴山狂賊久為災災流州縣五十

六死者已矣生呻吟野火燎原鬼啖肉將軍七載未消弭

賊欲難降瘟易服吁嗟乎旗可舉來揮妖氛劍可提來報

聖君年來百姓多離苦不聞道士肯從軍春夜書懷二

首舊書百讀自翻新草色盈階陋室春花是芳蘭堪贈友

墨如拱壁不分人天空應許鴻飛遠屋小何堪燕語頻良

夜此情殊默默孤鎧結蕊故相親春雨瀟瀟為釀寒桃花

爭放獨憑欄月來尋我開樽易詩恐猶人下筆難仙嶠豈

容棲枳鷺海鰲終不上漁竿袁安卧雪非奇事未必東

吹不殘

漢州諸生張懋襄字言嚴黃天蕩云江水滔滔流向東

朝已作偏安國直認杭州是汴州半壁河山誰挽得黃天

蕩百戰餘好把英雄血憤舒郎殺賊妾椎鼓忠臣健婦真

雙虎痛飲黃龍有意無可惜君王不重武腦後都忘二勝

環清涼居士名千古春闈怨云大堤楊柳宛成絲記得當

年送別時自去白狼音信杳悞人夜夜數歸期倚樓望斷

九迴腸即自封侯妾自傷一歲春光容易盡視完蝶粉與
蜂黃撇卻金箏與玉簫望穿秋水路迢迢無情怕見雙飛
蝶惹得愁懷總不消燈殘燭灺繡帷低掠亂飛紅踏作泥
如此光陰如此景那人今夜在道西

榮邑張鳳儀性端謹家貧力學在鳳鳴書院山長廖扶九
資以薪米今歲王遲士延課其子讀書人本色惜猶困童
場乃父竹亭謹厚人也名懷謙字吉六嘉慶戊午舉人終
身不仕以教讀爲業喜爲詩多散失僅存癸酉己卯兩年
之作五十一自述足見生平我生歲月苦蹉跎邇來竊自
癖吟哦比歲誕辰詩一首聊爾抒懷等彌歌今年四月有

卷八

圭

八日余年五十初度一漫勞親申共稱觴沉吟直把平生
悉憶我孩提失怙時高堂慈愛異等夷兼有二三賢伯氏
玉成共費許心思慨自童年造就傳南牕佔畢理章句質
鈍賴多賢師資荆棘叢中開覺路泮水得遊弱冠餘從茲
努力事前途雲程踏踏又十載卅餘始獲登賢書爾時意
氣頗豪放乘風願破天池浪扶搖急自奮鵬搏志欲干霄
不少降揚鏹北上快爭先馬去如飛穩著鞭花柳沿途何
暇顧行行直達五雲邊春風一試忙逐隊塵戰棘闈孰甘
敗雁塔方期淡墨題等閒報落孫山外杏苑看花願已虛
正似邯鄲夢醒初長安米貴居不易撥棹歸來慰倚閭曰

歸曰歸自京雒素衣幸免緇塵著家人欺首話團圓真覺
庭闈饒至樂誰知樂事竟無常喪明未幾又悼亡傷心更
痛慈顏別數年遽應幾滄桑憂戚頻遭逸興寡百事無端
付塞馬竊嘆人海茫茫蕉蔗鹿誰分夢真假頻年設館住
山林蕭齋無事謾吟春桃秋菊隨時種風雨綢繆直到
今今日從頭思往昔閱世真如駒過隙人生行樂能幾時
荏苒年華已半百自分平生無一長猶負虛名愧昂藏壽
詞休益過情恥人祝何如自道詳聞說佛生亦此且余果
何修敢同算縱使期願真可期精神已覺銷磨半况復昨
秋孤父懸向平願子果何年若論婚嫁完兒債冥公應許

卷八

圭

歲月延讀書我亦思報効其如衷福骨更微嘗聞宗臣報
劉書人矣自視官非料從今絕意訂鸚盟得得偷閒了一
生莫道詩成殊寡和鳥鳴屋角正嚶嚶生日偶述云年如
日中景漸近乘榆一籌猶未展徒抱七尺軀四方志安
在那敢慶懸弧多情二三子相攜過我廬稱觴未及竟去
有客操觚袖懷出短札一紙故人書讀之堪擊節幾欲跌
唾壺酒酣飛逸興把筆撚吟鬚章山下楊齋中次早遁去
旋謝以詩因而寄此云下榻小齋中舊雨歡新遇銜杯話
三更衷懷未盡訴意欲盡衷懷詰朝宜少住睡起日三竿
我曾爲君語詎意我長與君竟匆匆去本非不速來行色

何其遠悵望已移時
嘿嘿思良晤忽遣長鬚來
手中持尺素雖屬游戲文
涉筆都成趣欣聞鳥弄歌
嚶嚶鳴高樹上元前連日
小雨云記當人日日來東
新歲初逢麗景融越宿忽
然雲幕幕連朝竟爾雨濛
濛漫憐士女春遊阻預喜
桑田水澤充元夜繭絲何
用卜端知露霖兆年豐癸
酉辭館居家云宦海茫茫
懶問津年來並謝作西賓
舌耕何苦辭遠粟家食自
甘守憲貧高枕不嫌雞燕
聒舍飴偏愛幼孫噴幽居
樂意時關會斗室自饒宇
宙春五十時舉一子云朝
來門左喜懸弧漫道中年
益鳳雛難卜童駒能跨竈
敢云老蚌定生珠試啼過
獎何須有祗憤深情那禁
無從

卷八

七

此類擊娛我目分甘看與幼孫俱

涪州周星圖柄隨宦江西著有聽石溪詩集嘗作畫梅歌
人以李太白日之咏梅古詩三篇皆佳萬輞岡畫梅歌云
輞岡畫梅技尙粗自種梅花八百株梅花高處與岡平人
在梅花梢上行朝陟梅花頂暮抱梅花影化將花身作人
身人與梅花一樣冷畫梅纔得到此境輞岡風度亦猶人
傲骨撐持雪裡春坐近梅花香浸骨下筆如何不精神只
今欲訪輞岡去路入梅花人不知八歲時能賦早梅詩極
為先輩器許頃為嘯廬先生述及感而作歌云老梅卷曲
瘦入骨苔痕被體衣盡綠白雪飛來代作花雪與梅花皆

不俗老梅獨抱自家春
僂孟衣冠不借人瓊花放出一枝
冷生意卻比雪精神賤子慨然發長嘆
梅花又看三十遍人生那得長如梅
一年一度春一換君不見兒童竹馬頭
成雪堂前莫教輕離別時眷屬將歸晴樓於敗堵中得枯梅一
本枝幹縱橫有致移植臥室櫺外朝夕
灌溉意甚珍之囑題七古一章云聞君
忽有愛花癖親與梅花比肥瘠梅花
自瘦君不肥移來隔窗僅咫尺梅在
花間迥不羣落落孤芳雅俗分况乃
剝膚祇存骨如此奇花合近君君自冠
裳花自禿君自妻孥花自獨從前十
載委泥沙梅花幾欲向君哭一朝移
置作比鄰誰是梅花誰是人君看梅
花宜痛

卷八

七

飲梅花看君倍精神春到花開早
花轉少年人轉老君愛梅花意近癡
梅花愛君情更好送莊鶴田歸吳下
二首相逢日日接歡顏又唱驪歌入
故關歸去轉難拋劍閣生來尙不識
吳山鶴田生于蜀中三十年矣今始南下遙知後會原無定未
忍言君遂不還何必芳徽勞想像
新詩猶在齒牙間純于處讀鶴田詩竹籬掩映護窗紗石砌依門接徑斜
尙憶我來常作客頓忘君去是歸家
惟將淚眼看垂柳不把春愁到落花
無限江流增別緒當年轉恨識君差
潯陽江口號云道出潯陽局勢開潯
江原自蜀江來儂家昨向江干過飲
得故鄉水一杯佳句如藤蘿多古意
風雨聚秋聲暑從今夜

盡秋雨白雲深冷露低垂岸疎紅點亂山小沼剛迎戶奇
峰欲瘦人雪捲寒梅穿徑去春隨小雨度江來宵寒細雨
庭花瘦晝暖輕風野菜香竹院微風來燕子春寒細雨落
桃花老去讀書如訪友閒來課子當栽花松聲雨過猶疑
雨足底生雲不見雲

四川學使吳壽庭樹萱與兄曇繡俊齊名壽庭子友篋爲
忠州刺史能詩曇繡子慈鶴官侍讀亦能詩壽庭後官川
北道曇繡在廣西襄理軍務著有杖杜集中有云杜工部
西山詩云轉粟上青天幼時誦之不覺其工頃征苗凱旋
憶在黔省目覩役夫運糧登山偶一失足卽墮千仞崖心

卷八

毛

甚憫之少陵流落梓閬屬吐蕃傲擾蜀軍處處防秋轉運
餼糧艱難殊甚此西山詩之所以作而五字曲盡險苦眞
古今一幅棧閣運糧圖也證以予之所見尤爲不虛詩云
萬兵日食米百石每石四夫肩頰劬人負二斗五升遇崖
壁陡絕處猶苦不勝
甲鎧鍋帳藥鉛礮百兵又需六十夫一夫升米累而計千
石僅足五日儲平原轉戰何足道輜重絡繹坦長驅所苦
青山切天上鳥道一綫旁趨無躋則入雲顛墜谷膏血點
點塗榛蕪將軍號令如火急帳下庾語戾癸呼俯見溝底
小旗出每運糧一起押運
者執小旗前行千百蟲蟻行蠕蠕知是江內逆
糧至合軍洗釜顏權愉竭夫之力鼓兵腹兵飽夫已白骨

枯古今情事類如一黔山不與蜀道殊我無杜陵驚人句
哀此役夫長憾吁天寒賊退米垓積將軍馬上彎天弧歸
來笳鼓競襍還好事爭繪征苗圖與其繪此征苗圖蓋不
收取役夫之骨還彼父母與妻孥蜀泉滿洲多公云征猓
猓時山上危線一道下臨深壑負糧者人不並行終日不
及數里蜀道運糧之難如此惜吳公未親見亦無咏之者
因借此詩補之

羅佛岩珍威遠人嘉慶己卯進士官湖北石首知縣卒於
任生平喜吟咏惜無存稿有友人尙存一二連日遺失小
物口號云鞭絲帽影走匆匆路上人如塞上翁好夢漫尋

卷八

毛

樵子鹿頻朝又失楚王弓物從遺後心偏愛事到臨時計
始工惟有客懷拋不去村雞明月馬蹄風落葉云誰記春
風費剪裁誰憐秋雨傍塵埃將軍大樹成功退仙子瑤台
撒手回鴻雁自穿雲路澗山家依舊水窗開楓橋柳岸荒
涼甚一例王孫竟不來折桂花示諸生索和云折得名花
露尙滋一家散插一枝枝散花先要償花債一朶花償一
首詩題長安主人壁云落日長安新秋溽暑殘客心傷
道道天意釀輕寒蟬翼人情薄羊腸世路難故園千里外
何日釋征鞍春江閒眺云興來隨意到春堤幾樹桃花傍
竹西記得去年遊賞日亂紅飛處一鶯啼新輯勸請教匪

述編成題後滿毫戰血染模糊寫出華嚴小劫圖人傍白
蓮開殺運籌經黃屋展良謀河山奠定羣陰伏霜雪春回
萬卉蘇幸際昇平皆帝力與歌擊壤遍堯衢

許炳號亦帆浙江仁和諸生原任簡州分州夢鷗桂之子
也秋闈屢薦不售遂以書啓遊幕于蜀沈研怡刺史以三

百金延聘賓主相得後援例銓雲南習峨典史百菊溪先
生爲總制剿蠻求掌摺奏者未得其人今四川將軍廉方

爲臬憲深知亦帆工于文遂以名薦時 皇上賜軍士藥
餌辟烟瘴欲繕謝 恩摺延入命卽席前起稿揮筆立就

閱畢深爲嘉賞遂在軍營自刻印章曰戎馬書生奏凱後
復任報銷局事巡撫某新納妾舊列平康籍有輕薄子戲

編詩詞巡撫微聞以亦帆素喜爲詩疑出其手及保薦軍
營効力人員制府以六品銜薦亦帆巡撫堅不署名僅升

鎮沅州吏目因母老告歸仍居于蜀道光十九年回葬父
歿于家詩多散失長子莖號偶三就長寧李紅樵刑席次

子城號崑九就成都段樊庭幕司筆墨事亦帆詩尙存二
冊圓熟如彈丸脫手其功深也夏夜譙集靜稽堂卽景放

調云斜陽市散喧聲杳飛影青山紅樹杪入夜涼生花氣
香人間歡會誰云少卽今仙吏何風流客集林泉無俗儔

是日在座者皆野老山人入手俸錢沽美酒興酣氣欲吞滄洲雷聲雲

時起芳甸檐壓重雲臆掣電萬敷爭鳴慕燕驚人望山
山不見我疑雨意是催詩豈料詩成雨特遲擲筆咄杯忽
大笑天心莫測非人知流黃倏復明前席我醉欲眠君莫

責子素不飲強承觴公飛渡蓬壺俯玉樓迴瀾生紫天
凝碧東瞰岱嶽南瀟湘千秋萬古日月長蛟龍戲舞海水

立失足一墮歸高堂堂空客去月如燭起抖滿衣花影綠
行樂及時幸勿遲隨地還須知自足月下聞雁云秋雁不

忍聽流響益淒清寒月不欲見入暮何光明聞聲顧影獨
徘徊千里關山人未來但使儂愁亦何惜天邊月雲中鴻

莫照征人復嗚咽村口暮望云日沒亂峰西嵐生樹色迷
鐘沉山寺月樵唱水雲溪寒景澹欲合烟光空漸低幾家

鐘火上隱隱閃前堤官舍紀事二十韻云官舍如僧舍何
修得淨因藉茲安樸拙寧敢怨清貧雖似山林客居然草

莽臣親朋稀絕域景物嘆邊塵瘴雨常多夏蠻花不待春
宵深啼犢鳥水急之遊鱗過午風聲猛凌晨露氣臻每至

則風聲漸猛曉起霧氣迷漫則是日必晴署高紅日早村隱白雲屯左右雙江
險青黃眾壑斂署居把邊布雨一官爲冷署百戶半夷

民關守遐荒地鹽巡古渡濱分防城市遠迎送往來頻城

三站而爲東道慙賢主南交罕故人拜叨清吏俸消耗楚
廼南大道有過解過犯之責上解他郡聽二站笑語誰堪共烟

因身下解普郡三站往返差費皆須捐給

霞我獨親客孤嫌畫永家遠感時新久乏強臺想常存退
 谷神但期供菽水詎可棄萱椿瓜代秋深候替抽歲暮辰
 來年當此際應得樂天倫宿布固江云半載復重遊春江
 水漫流山鏡搖夜雨荒驛亂更籌奉使响町遠時奉差赴
陽安府即
 古响町國距前途瘴癘稠趨公寧憚險一宿暫勾留辭官
 七律云辭官翻比乞官難春早陳情夏又關寸草久懷依
 笈日及瓜無代阻歸鞍蕞躓涉想憐張翰飯金多塵笑范
 丹悵望謝莊千里月幾回引領獨憑欄三月初已委濠溝
司巡檢謝君前來
 更替至夏五來到旅懷云惘惘出門何所之天教飲水古滇池黃
 塵赤日蠻荒路白髮青鬪風雨時每到清和人易別上年
入都
 謝選今則之任為求升斗雁分馳仲弟毅堂同時選
得山西河東巡檢
 陽皆清和時也頭怕見關山月轉覺團圓惹客思佳句如烽連巴峽愁邊
 月烟鎖山城咽暮笳斜陽影淡孤村路野水聲沉古寺鐘
 雲拖嵐氣吞村樹風走松梢捲海濤事憶隔年渾似夢雨
 多三伏轉如秋草為寄生成遠別枝原連理繫深情邊微
 衣冠多異俗蠻荒花鳥不知名皆可諷咏
 江南吳宮詔號仿蕉少孤力學為諸生遊燕趙徧歷滇
 黔近復游蜀詩滿篋筍雪後口占云同雲一起如許厚雪
 積不用掃花帚共喜玉燭及時調雪澤於今徧郊藪但見
 琪花幻異形附著枯枝枝不朽滿眼世界盡琉璃望見高

山遺培塿祇因昨夜朔風寒瑤島瓊林列如阜欲尋瀟灑
 路已迷驢背跨學牛馬走往來本無炎熱心潔白一生安
 素守門前那問車馬稀園植梅花相依久花開如雪雪亦
 香淡淡相道堪此翫映來書案勝螢光胸中雪亮疑何有
 惟憂天涯白屋貧歷盡嚴寒為餬口淒涼世態一時同落
 溷飄茵驛難剖回看四野絕人蹤江邊尚有持竿叟柴門
 竟日對寒流消寒惟攜一樽酒九日登真武山山在健為
縣西門外
 岩前獨立望蒼茫乘興遨遊陟歷忙卻喜岡巒登百丈不
 須風雨說重陽林因霜後煙霞歛山愛秋來淡淡妝一往
 深情何處寫每逢佳節憶江鄉故園今日話重陽蓼刺疎
 紅菊有黃花到淡時風憶晉詩吟高處韻餘梁音函萬里
 書懷李賦就千言序記王此際登臨入地異犀江健為城
外有河
 向名沉那得比南昌
 丙江祝由康熙丙子拔貢善書畫工詩嘗刻楹聯云孝莫
 辭勞轉眼即為父母德無望報回頭卻在兒孫
 夷驢如中地產而頭有蘭栗似犢踏遍荒山足力疲何人
 風雪共尋詩黔驢無技真堪笑頭角崢嶸獨爾奇
 夷犬毛尾形彰聲如巨鐘形似狻猊登牆越屋高可三尺
 狎狎那肯卧藩籬宋鵲韓盧未足奇狀駭蠻童非犬子吼
 驚山谷是獅兒

王暹士侃在榮日夕集所聞見作泊官記異一書予為序之嘗摘錄數篇中一條云漢州諸生張渠軒館金堂張某家園中牡丹百餘本一老本數年不花忽放二朵大倍于常主人喜置酒共賞夜深燈暗復明有二麗人在側詢知為鄰女一與暹一與為文字交旬相唱和欸署粉兒其一則香兒也粉兒詩風風雨雨繞朱欄泣向殘陽淚未乾直到飄零猶見惜此恩累世刻心肝又有春風終日伴張郎之句後渠軒憊甚主人使二子夜半窺之有二女在室排闥入俱不見送歸其家其父聘楊某以法治之二女先知或集葩經或集唐宋人句情詞悽惋不忍卒讀與生泣別

卷八

金

楊亦能詩勸之末句云祇今分付洛陽女好滌塵心赴碧天粉兒步天字韻云拆散鴛鴦各一天楊怒責之答云青邱吾自慣即夜波滄沱別生詩云緣分今朝淺狂風頃刻來郎情終未摯不許到瑤臺涕泣而去蓋花妖也清溪署舊名黎廳傳云元奘法師西行過此植藜杖於地後藜重生高五十尺今已不存惟署東偏四適軒前老槐一株圍可數尺輪囷離奇似唐宋以前物或云武侯南征時植陳登龍作古槐歌云故黎大所堂東寮環生嘉木風瀟瀟中有古槐參雲霄高近百尺圍十腰孤幹聳直枝萬條髮參碧葉霜不凋朝吞烟雲暮颺颺有時風至奔春潮

聲撼滄海濤頭驕誰其對此佳興饒吟髭撚斷韻初調搗成美句誇瓊瑤毋乃俊逸參軍昭史姚江我行遠越邛峽椒停驂三日令君招詩人蹤跡白雲遶獨有髯客如相邀見之塵氛十斛消五年南柯夢迢迢豆箕馬齒午不羈何時一覺蠲煩敲伴松侶桂游逍遙區區蟻穴何須要咏四適軒四絕亦佳溽暑長途意似焚適人難得好風薰小憩亭畔跌踞坐滿地槐陰鋪綠雲燕寢凝香榻擁琴使君韻致似高岑浮塵十斛誰能洗魚鳥山林足賞音微名終愧竹林賢敢遇洪厓笑拍肩原上青山山上樹耽他平子賦歸田林花宿雨草盈庭牆外青螺潑畫屏靜對真教忘世

卷八

金

慮一池綠竹芟荷馨清溪地瘠苦得諸詩宛如仙境矣溫江葛秉敬字衷一號熙臣康熙間歲貢生博學多能天文地理占卜通甲無不精通為岳奮威將軍幕友隨征青海料敵如神著有天文考辨西征備錄行軍紀畧等書喜作詩惜多散失解生篇云無求到處人情好天若有情天亦老悟此便是長生符解此便是忘憂草有人問我何解生試看日月相代明東升西入無停晷不聞勞勞亡其精虎豹在山龍在渚水自深深山自阻不見龍虎初鬥爭但聞風雲會樽俎龜遁伏兮鶴遠颺搏風鼓浪分潛翔龜齡鶴算動千載臧居衛毅何能殞人生本無運巧慮苦自戕

我亦豈無智每一用之心傍俚毋寧為巧寧為拙君能諦

聽為若說玩詩君子修養一道亦復功深行軍總紀七律

長排尤足以資掌故詩云天驕自古脫羈韁笑厥匈奴熾

漢唐大宛縱能來駭駢沙漠誰復掃機槍皇風一播九千

里醜類齊封十八王 戎為王貝勒貝子十八家 惡貫豈

知盈絕域殺機從此降穹蒼西寧城駐軍旄節 大將軍奉

西寧征 羅卜藏貽青海 賊首羅卜藏丹金世為盟長凡

刁遺孽構 封豕併吞蹂竹浪獵獬浩蕩出松岡 初丹仲死

此慘劫 插漢丹金霸有其業羅卜藏丹金垂涎起妬因 無嗣竹浪

協攻竹浪插漢丹金乞教奮威將軍岳奉 旨提兵進剿

於雍正二年十一月初四日 桑泥麻望踰班右 桑泥麻望

遂由松潘出口兵馬前行 班右皆所

名地 殺鹿龍溪取熱 殺鹿龍溪頭皆地名熱當西番

駐其地西去六十里有作爾格物藏播下共十三部落皆

兒更西台吉所屬宰桑業墨戶率領部番沿途啟火逆我軍

一取播下一擄物藏作爾格軍是夜發兵三枝一攻熱當

三路皆捷斬獲無數餘皆安物藏已經歸版籍兒更寧敢

犯戎行 命無踪矣 雷轟裘吉屠東轍風捲腥臊洗北羌

羅卜藏丹金之姪兒更白石免劫掠陝屬南川等處並發

兵至出馬嶺剿平上寺東轍三日大兵至沐浴溝夜一更發

而下寺東轍番首至沐浴溝納欵行轅 歸德有城存漢土

守德堡古州也居民一千三百戶中設守備所官各一防

好革思尼交通羅卜藏丹金執明永樂時金牌需索居民

番眾五百戶來降時十二月十一日也至十四日上下剛

密多並兩嘛阿里郡古思吉寺陸續來歸所獲糧草無算

閩門無地活僧狠 閩門也升中臺下旌旗集塔耳寺前壁

壘揚二十四日大兵至閩門下營升中臺兵部各大人暨

母首悉令遣俗番僧無復巢穴矣二十六日見三峰摧果

日兵抵西寧城以上自熱當抵西寧事蹟已見三峰摧果

審賊黨叛屠惟果密寺最劫劫殺南北等川阻梗道路創

然特險負固聚眾三峯之上每峯三面臨崖中通一線險

下壘成將軍鼓舞士卒從後指揮幾路齊登一鼓而克墜

馬更須一火盡沙糖二年正月月初九日遇賊於沙糖川

石洞中隨命以草木 驅鼠攻之賊敗窮賊奔山頂羣人

塞其洞口焚斃無遺 青黃何計逃天外七慶傾心拜道旁

二月初八日大兵自西寧出征西海初九日七慶貝勒於

巴爾出落地方迎拜道旁初十日兵駐克勒蒲土兒發兵

取白什免與青黃台吉於拔漢爾吉分兵 爾郭隆無完卵

追擒兩賊及其宰桑部落剿殺五百餘人 爾郭隆無完卵

在爾郭隆寺羅卜畢流免有集尸 僵畢流免又名烏蘭木

十三日大兵自哈達圖徹夜追殺賊首羅卜藏丹金及賊

黨吹拉克諾木齊十五日兵至天成插漢哈達逆賊已先

逃而貝勒益楚克三酒兒與台吉噶爾旦待青引各台吉

來降隨命追剿吹拉克諾木齊大兵於二十日至畢流免

難卜藏丹金鼠竄無踪隨搜山殺賊 瑞音投向布隆吉先

無遺擒獲賊母賊妹及賊妹夫等眾 阿寶拘同克竹郎

十九日兵駐布隆吉羅卜藏丹 阿寶拘同克竹郎

勒克竹郎賊妹 絕命哈通歸地獄 賊母阿爾泰哈通於三

夫也皆入拘擧 絕命哈通歸地獄 賊母阿爾泰哈通於三

死 遊魂窮寇落天荒蒙頭妻妾餘螻蟻乞食君臣剩糶

糠山西二客人往來貿易流落蒙古親見羅卜藏丹金率

其妻妾宰桑共五騎蒙頭作女人狀沿途乞食而去

諾木齊擒柴担木 拉克諾木齊並其妻子牛馬數千三月

初三日班師以上二月初八日塘僧伏爾加塘 四月十五

子等山二十一兵至爾加塘其襍龍湯番首並綽爾北
天塘喇嘛及斯俄多番子皆爾郭隆寺部落悉來歸順
川遠靜南川橋自此南北兩蕃基子同收桌子囊四月二十
等兒溝殺賊數百二十八日其險隘三十日渡陶賴河登山
兵以炮擊之焚其林木又四月伐木為橋初二日攻打竹真
寺殺賊甚多至初九日於他處分兵會剿烏爾率十三
日兵至綦子山麓下營於他處分兵會剿烏爾率十三
餘人二至五日攻取不毛山賊首紗帽藍占巴之姪阿呀
札哈題藍占巴六送各率部黨迎戰盡被殺擒惟達子噶佳
而兵駐防於二十八日班師滅跡卻灰仙密寺還於途仲
歸順者初四日其地令其囊索額望華藏給以千戶
移駐甲爾多寺約束諸番立還軍重渡襍龍湯初九日兵
燬其寺屯駐官兵以便安營還軍重渡襍龍湯初九日兵
以上剿桌子海驢兔下年年月初兵出松潘口外路過巴
等山事蹟

卷八

竹浪下營之地白羅兵插漢河邊夜夜霜追殺羅小藏丹
焚惟有月色淒其而已插漢河邊夜夜霜追殺羅小藏丹
次插漢烏蘇萬里平沙風霜淒楚次日即於柴担靈塔岩
木擒獲吹拉克諾木齊逆賊黨類自是一空矣苦圖免
餘仙子洞言古有仙子坑海驢兔路有靈塔岩洞傳
失秀才張初征卓子山時搜張家苦圖免年方八歲眉目
本張姓者亦嘗為今上果兒自謂咽喉固追剿羅小藏丹
之師故解送京師果兒自謂咽喉固追剿羅小藏丹
兒昂噶地方夷人謂巴里誰教虎豹狂也巴里者夷言如虎
咽喉之地曰果兒巴里誰教虎豹狂也巴里者夷言如虎
巴里布誓厥將軍開幕府各處奏捷後諸王貝勒貝子台
乃設盟壇於城內演武場將軍奮威將軍率同都統暨
各鎮至壇所升帳諸將騰列甲士環繞召諸王台吉及諸
逆跪聽宣旨畢上坐諸王台吉於帳下擗逆犯等至申
明功罪分別刑賞如班朱納布坦乃犯我永昌截殺內附
肆行抗逆之人貝子阿拉布理與其妻工額妻父阿爾薩
朗台吉一家三逆各占內地蓄禍已深與西海全日舉事

卷八

之人格爾格濟隆與羅小藏丹金先為弟兄後為郎舅之
殺其弟而污其妻之人敦多布達什與吹拉克諾木齊
狽為奸令其屬爾加囊索傷我千總兵民之人阿齊木
罕掠其財劫其妻於南川之阿爾布坦木案且探我
內信助賊口根犯賊於南川之阿爾布坦木案且探我
七慶貝勒乃仲妻父也承不從賊時通外信且招致多
人來歸一乃仲妻父也承不從賊時通外信且招致多
三渣爾力拒吹拉克諾木齊及大兵出口勒之弟與彭楚
薩克阿爾布坦乃仲妻父也承不從賊時通外信且招致多
次有郭爾濟諸顏格隆初為圖爾虎特之種類會受帶於
羅爾始逆終順追擊吹拉克諾木齊者公策冷諾爾布於
大兵出口即來投誠者又吹拉克諾木齊者公策冷諾爾布於
布二人今雖來降曾與阿爾布坦羅爾布於大兵出口亦
一帶虐害人民焚燬積聚冷策敦多布達什與吹拉克諾
來投誠而助逆日久曾為吹拉克諾木齊所殺害至於貝
子拉入布勾引藏小藏丹金害其胞叔插漢丹金亦梟獍
之流也以上三等將軍詳定功罪奏請旨意大章賞討

受俘天子坐明堂紛紛露布標邊塞大兵自松潘出口
物藏插下以及上下東轍上下果密等處自西寧出征西
海復取桌子基子等山並剿平鐵布追殺羅小藏丹金
疊疊貂裘賜向方軍馳賜不已將士鷹揚垂委瑣問
闕雀躍慶壺漿凱歌翻作廣歌曲御製詩幅及詩扇等物
頒賜戰馬齊歸放馬場一代聖謨超混沌千秋神武
盛縹緗唐虞際會丹書重韓范功名青史香脫劍歸來
歌拜手烽烟萬古熄河湟
綿州涪水產劍魚形似鯉嘴長稍曲身左右俱有劍脊
腮至尾界絲端直色鮮赤有重至百觔者劍門倚倚天
長餘氣鍾魚吐異光疑是專諸從座起醒風騰真寒鏡

旭陽官署西廡後下階為池約廣三
畝四圍栽竹芭蕉成林凡雨之日眾鄉
雜奏如笙箏如羯鼓如馬陵鳴鑼震
耳巨如鈞天廣樂如雲尾細如環佩
丁東玉漏徐滴也前令馬君修崖架屋
題額曰桂雨梅香曰昔王叔明為吳

人盧士恒作桂雨梅香卷倪雲林首倡
詩有後和者如馮雨外史高青邱樵廣
孝皆一代名流傑士吾齊郡寧門山樵
張公名紳者與之誠一時盛事也余承
乏於此既多名手為之畫豈能詩者
題詠如前之人豈可得哉或曰官舍如

傳舍馬君作梅不能居梅也者何獨恣
余曰天下皆逆旅也築梅於家園鼎百
年後生遂為吾子乎吾夜談於中宴象
於此居必為吾者矣獨不能詩奈何既而
笑曰梅紅吾青而儼然者之是梅可借詩
獨不借乎此題桂雨梅諸詩之境何

其趣同即不啻為梅作詩特借之與
賓友吟詠陸公詩之美不勝收山樵吾
鄉人也王達善為作小傳云慷慨激烈不
填之於世事作為詩文雖不徑意而自成
一家北方豪傑之士也其為名人傾倒如
此少則借他人詩以如借鄉為輩詩象

詩云小窗枯秀雨冷氣沁衣病膚鋪牀
閉齋閣衣被薰香鑪風燈苦屬挑夜
茗更相呼煩囂悉屏逐妙理在跼蹐
憶子呻吟度茲情還者多張公又繼以
詩若吾志未已而重為索者更惱以險
韻竹梅結夜雨春燈隔重簾一瓶中新

三

茗煮區裏舊香添陰佩潛歸浦電
傲亂綴簷簷乍駭馬來湛更覺玄緘頗
被厄相妒還疑雪與兼喜墮漚艇泊
愁怕名窗淹頭白盧貞士高情苦未
厭馬君築樓多詩余詩又不足傳既
著隨筆於此而不傳斯梅余之過也

乃借詩以張之歸而詫於人曰張先生
在蜀乃余侶乃豈非快事且不獨借
吾郡張公陸兩詩凡生於蜀與去官於
蜀者之詩採輯於斯梅大宮細徵拉雜
崩騰如系斛明珠傾浮為盤而竹聲
蕉韻助其淒戾也又不獨借詩而已風

四

土物產怪者皆不依一園觀而補吾
園之所未品納須彌於芥子惟斯梅是
賴故以是乃說印以為隨筆之後序可
時久善兩酷熱益慕梅雨之來於是
乎書雪嶠之培荀



鄉園憶舊錄

序

嘗考與國所載天下名鄉
不一而魯多文學齊表雄作
至鄉獨與他異蓋岱宗居五
岳之北渤海通八方之流名山大
川之鬱結也既厚且鍾毓也自

序

一

奇之以鄉編昌平誕生至聖而
孔子祀賢濟之軍出齊魯迄今
過瀕里而緬靈光僅存但徊不能
去尚已自漢唐以來田何伏生以經
術傳程張韓公勳名顯述
及近代黃少保劉草亦知名高



太僕以清廉樹望在彪炳米州者
美不勝書而示

朝山左人材尤甲海內所家者

身白南施北宋刻曰南米其

去崔莊平之傷躬孝友董平原

之遇子沉雄顏皆後先輝映

序

二

人朝至清師餘韻終然想見其為

人特固於方隅嚮往徒船不獲進

其鄉以覽其勝至心歎予乙巳休

吏素山得奇峯色回窻雪嶂

君山左博雅才生年黃作等乃而

仕不廣學政知之既難好修輯

而後隨筆一書能寫半風土既

宜寫之也詠誌之時詳年已

贈系人口矣近復以續刻鄉園憶

舊日惠迴環莊補舊年之富

以立言也如通海市其惜其以叙

事也如佛珠永其日條而其貴

序

三

也如合謀泗之源流其考矣而辨

歧也如新淄澠之真偽至其印一

望必搜其素一咏遊不遺其美

又如佛三戶遊四舍而久所未見

所未聞者昔臣洋祥符騷壇志仰

柳永誌異寰海誌錄其以誌佛

漢思遠桑梓之美卷直合二篇
一平固不者皆平山也海極天下之大
觀而善懌矣新集也采之輯史載
之石集

熙朝文獻得於是年擬其華捷之
實以垂世不朽之公尊美鑿鑿贈

序

僅寄一人憶舊之思而已郭先生而都
技隨隨處其言何足為君重德能
折善詞用誌鄉情以先生不獲遊
至人之鄉而得友近聖人之居其詳
其山川之物聊足未述之志於第一
不可謂非厚幸也謹序

賜進士出身四川嘉定府崇山縣
知縣閔南愚弟黃生頌年拜撰



序

五

鄉園憶舊序

輯聽雨樓隨筆刻竣忽啞然
自笑此書於蜀畧舉一二矣設
有問予者曰子之鄉人物若何
山川風土若何得毋茫然不知
豈遊其地宜採訪而所生地可

考耶顧予自幼閉戶誦讀家少
藏書出遊不逾二百里實則寡
聞渺見如論其顯著吾鄉之所
有夫誰不知自明中葉中原壇
坫必援山左樹旗鼓

國初以來人文蔚起不曰南施北宋

即曰南朱北王趙秋谷以偏師銳
進所向摧廓至如康熙十子曹禮
部貞吉田中丞倫霞顏考功修
萊馮舍人大木謝中郎方山以一隅
敵天下之半而我淄高念東侍郎
才大出海雖耽心禪悅不屑馳

逐名場而主騷壇者无不屈服
張崑崙以諸生在諸公間隱若
敵國而蒲柳泉德異搜奇索怪
然於家有其書或德望隆海內或
詩文布遐方人孰不知而何待予
言且夫侈封禪覽名勝自秦漢

唐宋之君無不樂遊禮義之邦
觀表海之雄我

國家定鼎二百年於茲矣

德化淪浹之深度越千古猶必燔柴

泰岳升馨闕里詩書絃誦以為
習魚鹽桑麻以為富觀風問俗

三

煌之乎彙為鉅典播諸金石天
下人盡知及過於予之所知又何
待言雖然久於外者聞豫魯則
喜或繪其山川携諸篋笥以示
不忘予遊蜀已十年矣生年釣遊
所經典型之所仰歷之形諸夢寐憶

之恍如前生父老所傳述又恐其久
而或忘故隨意筆之以慰鄉土之
思云爾若夫表章桑梓諸前輩
具有成書固已無微不彰矣後生
小子必歎耀螢火以爭日月之光
多見其不知量耳故於千百田畝

四

德二三公餘以此消遣名之曰鄉園
憶舊

道光乙巳冬濟南王培荀書於
川南榮初署之凝翠軒

凡例

此編係刻成聽雨樓隨筆後暮秋纂輯為時甚迫隨
手付梓先後都無倫次字句亦未暇修整聊資談
助不復成書

諸鉅公或載明史或載本朝名臣列傳勳業文章忠
孝節烈炳耀史冊何煩鈔錄略志一二瑣語軼事
不賢者識小不足當大雅一盼

山東通志及郡邑各志山川名勝無不詳載遠遊未
能攜帶僅就素所聞見及案頭書摘錄觀者勿嫌
漏略

山左幅鄔非廣夙昔足不出戶見聞不及百分之一
惟於本邑及鄰境稍稍加詳餘多從略蓋書名憶
舊不敢強不知以為知亦不必廣搜矜富博也

聽雨樓隨筆以詩為主人物軼事特附見焉茲編不
以詩為主人物山水事蹟有得即書詩特點染生
色故不必全錄且一人之詩不妨疊見層出各有
體製不必相襲

離鄉十年地名人名多記不確科分大半忘却依稀
髮髯難免錯誤俟回里改正識者諒諸

集名憶舊未可鑿空非故老傳述即摘錄各家詩文

集及詩話說部但少藏書未免狹隘自知寡陋特
書等遊戲不之顧也

再是編繼聽雨樓隨筆而作其中如吾東郭太守方
泌趙大令時中江令朱君琦皆載其人並詩再錄
則複故缺之可參觀互見也

一所記雜取諸書皆共所熟悉無庸每條註明以免
煩碎其傳聞者亦半忘得自何人故多從略

一此書刻於乙巳後有續增或因敘舊事連及丙午
閒者非述新聞也不必疑無斷限

一隨手紀錄字多訛錯刻竣屢次校正兼有記憶不

清致科分世次姓名紕繆者皆一一更正前刻流
布未及追改當以此為定本

凡例

二

濟南王培荀雪嶠輯

明前七子有邊尚書華泉後七子有李滄溟皆濟南產也世譏滄溟先生傲睨一切按其友龔勗華鼇佳句如披沙揀金以較滄溟非特邾滕之於齊魯直如秦王虎視六合平原孟嘗據區區私邑以自雄耳而滄溟樂與唱酬卽家寧波公遠宦海滄溟宦轍不出北土而書札往來其於鄉誼固自不薄獨絕交四溟遂滋物議亦名心相軋如謂輕其布衣彼龔華二子豈擅科名耶施愚山學使爲之修墓樹碑夢三人來謝末坐者尤偉及

卷一

躬往展墓則滄溟與祖父三家累累始悟末坐者爲滄溟又傳滄溟轉生爲諸城李漁村澄中者有人見薛臣八才圖謂漁村之貌絕似于鱗似乎非誣然漁村古風縱橫浩瀚絕無摹擬之迹足爲前世解嘲漁洋謂作七律如挽強弓鮮十分滿者古今惟杜甫王維李頎李于鱗數公耳可謂推服之至新城王考功季木目空一世獨伏首滄溟陳臥子謂于鱗七律爲三百年來絕調海豐楊夢山太宰魏晚歲始爲詩落筆卽遠塵氛朱竹垞謂如水仙十囊寒梅一萼嫣然薄冰殘雪之外家僉事公與太宰同時性情相近詩亦似焉五言如短草蒙

沙磧孤旌撼戍樓霽色明城郭烟光雜薜蘿斜陽人影亂荒渚水痕秋松蔭陰碁局蓮房刻酒杯此例甚多太宰八十餘告歸太夫人年百餘歲太宰負之遨遊觀花玩水家僉事公亦壯年告歸陶情泉石

邊華泉尚書咏文信國云花外子規燕市月水邊精衛浙江潮造句精麗含意深遠諸公爲之心折惜首句不稱王元美代爲改竄未盡善也李滄溟輓王總制忤云屬鏤不是君王意莫向胥江作怒濤與執政方持法明君無此心同一深厚委婉尚書藏書甚富被焚痛哭遂病

卷一

玉琴先生啓獻師新城王季木而益都王太平爲弟子號三珠樹提筆千言分其才可給數十人張崑崙以爲筆峰萬仞高文瀾千頃注高念東以爲空濛浩瀚尋常咳唾皆成韻語爲兩先生推重如是薊遼總督吳平子阿衡深相知延入幕府一切奏疏檄文露布皆藉手焉後浪迹金陵放棹揚州留明聖湖十旬詩酒酣嬉兼好狹邪遊金釧翠翹隨手揮擲尤以書畫爲性命有四部古樂府著有水絃樓集在西湖旬日間作五七言律七言絕各一百首集中擬古二千首歌行近體千五百首皆手自鈔錄字如邢太僕先生生平好爲奇服所居般水之源鑿崖作龍門園築舍聽泉所謂水絃樓也

高中丞名衡字平仲沂水人崇禎辛未進士觀政京師製白練衣寄其內張夫人自畫花卉其上凡二十六種作三十二叢著色生動備極姿態花葉隙處題詩八首安邱張杞圍爲作記漁洋居易錄載五言四首對月偏成憶臨風更有思鄉心無可寄聊寫最嬌枝花枝鮮且妍置之在懷袖記取花枝新憐取衣裳舊輕禱畫折枝悠然感我思畫時腸已斷著時心自知霧縠偏宜著冰綃迥出塵著時憐百朵應憶畫眉人餘七絕四首未記後按河南以守城功授巡撫罄私囊以濟公獻賊決河陷汴城與周王乘舟得免歸里後沂水城破殉難高公

卷一

三

守汴三次被圍拮据禦賊而卒以死報國豪傑氣盛不徒兒女情長也公守城詩云心同鐵石俱糜碎身與金錢總棄捐家司農公號澗湖軀幹魁梧才氣宏放每坐堂皇胥吏不寒而慄時太監四出暴橫恣睢監司猶畏之公令宜城時守陵太監遣使至捶驛吏幾斃公縛而笞之中貴大怒行檄詰責公批檄尾曰吾非太監屬員何用此式耶使無郵符已笞之矣中貴得檄愈怒訴撫臺撫臺勸公謝罪終不屈去縣日民爲建生祠公題二律于祠有歸裝只有圖書在之句及撫鄖陽總理熊文燦受張獻忠羅汝才之降揚嗣昌主之公上書于朝曰今認定撫

之一字聽其盤踞恣意掠奪有言及者卽以爲壞撫局撫有局乎狡賊翻然掣維我猶徘徊于空架之旁欲其就我臂韝亦愚矣又上疏曰官軍臨賊賊先行賂及戰鎗砲皆不裝子謂之打活仗賊非不畏官兵官兵不肯盡力耳試問不打活仗者有幾後爲嗣昌所忌劾罷二疏抉盡當時病痛詩盡散軼有觀海七古長篇人比之七子今亦不知失于何處記遊某處似江漢間作七律一首中二句云山屯霧氣晴疑雨樓壓潮頭夜更明意態雄傑大都類是酒量甚宏可仿康成仕後飲不過三卮

卷一

四

張伴鶴先生少保張公至發弟雖居朱門而有高尚之志以文酒自放好擊窠大書醉後或以衣衫濡墨或以履投墨缸中乘輿大書淋漓奇偉觀者駭視所題祠觀扁額最多及今黜敗或新之輒無真氣余遊濟南西郭僻巷中有勝地曰黑龍潭其左潭水沉沉渺然有江湖之趣祠三楹扁上四金字蛟蟠獅蹲是先生筆迹聞當日遊此大醉適剝石榴卽以皮蘸墨書此明戶部侍郎王公之垣阮亭先生之曾祖也家法極嚴孫某製綠紗裙偶爲公見大怒曰此蕩子衣豈吾家所有寸裂之時孫某之父方官京師封置一篋并書寄都

中責其教子無方

二如亭主人王方伯象晉著羣芳譜流布士林得呈

御覽命學臣再加搜輯名廣羣芳譜可謂榮幸自云質

甚鈍太公嘗至一同年家一門科第極盛其少年學作

文者將來必發問奇才何盡生君家曰非才過人也惟

嚴立課程耳每日讀經史畢作文七篇缺一不可曠一

日亦不可太公卽以其法訓子每夜五鼓卽起終年在

書屋惟元旦拜家祠與尊長賀節畢卽入塾肄業雖至

親近族罕得會面一文不佳責有定數初不勝苦久从

操之既熟入闈時人忙我閒視在塾反爲從容科第蟬

卷一

五

聯良有故也方伯年至耄耄時時夢課業未竟中心皇

皇跪受撲責家存課子圖諸小兒跪讀垂示後人其意

深矣

僉事公少時夢入華山登絕頂及按秦入華山恍然皆

如舊境始知萬事皆前定嘉靖戊午鄉試候榜省垣揭

曉之夕與從弟理丞公同往榜自後開先見理丞公名

理丞公恐公失意語相慰藉公笑曰余名固不居此張

榜畢果在前列乙未聯捷理丞公隆慶辛未始登第春

闈硃卷不知何故得藏於家副主考及房官皆藍筆批

點各加評語字跡如新正主考江陵張太岳居正黑筆

書中字藍筆總批之外尙有頂批但記結尾評云有史

遷筆意此卽鄧黃二公爭元之科也理丞公著有詩集

行篋未存公諱曉字寅亮巡視兩淮鹽政時僉事公亦

奉命出使相遇維揚贈詩云江上波濤險燈前骨肉親

山川熟宦味杯酒共離人一棹夕陽色長歌天地春蕭

蕭雙雁影何處不風塵公諱君賞字汝懋號四山

鄒平張忠定公漁洋述其楹聯門多將相文中子身繫

安危郭令公者也築鱸柴于長白山山有白兔仙物也

人稱爲白兔仙翁故取以名亦摩詰鹿柴之意董香光

爲作記親書于冊字徑六七分按香光爲新城王大司

卷一

六

馬鬣字公象乾至契其三代諾命皆香光楷書蓋照朝

命所頒寫之以備家藏者董公又與吾邑畢大司農白

陽公自肅平昔交善畢氏藏其書畫手跡最多余在長

山袁琴池家見香光所書屏十二幅甚佳後有陳眉公

繼儒跋語字極古雅不多見也

張公名延登

新城王大司馬鬣字有知人鑑其壻吾邑浙撫東溟公

舉之子也字宏室貴介子而樸質無文王夫人心微歎

司馬曰勿爾壻厚重福人也後生二子繩東璋念東珩

每遊外家司馬必親送人疑焉公曰二子雖幼稚天下

解念東同舉人比之二陸司馬精堪輿自擇葬地面河
背山堪輿家或載之圖所植松最多號千松嶺傳當時
兵弁受恩者人植一株云竟無子繼嗣輒亡墓在吾邑
至今高氏子孫歲時為之祭蓋奉遺訓也

家中憲公諱崇義號見一山人著見一筆談因前人有
林下何曾見一人句思為解嘲以示急流勇退之意生
平以知足自樂明世宗遇宮女楊金英之變幾斃非命
一時宮監株連填圜者累累公在刑部理是獄悉心
研鞫除同謀楊玉香邢翠蓮姚淑翠楊翠英關梅秀劉
妙蓮陳菊花王秀蘭徐秋花鄧金香張春景黃玉蓮十

卷一

七

三人論磔外全活七十餘人累世遺澤勿替皆食公之
德云世宗欲族滅諸家公言內庭粹發外人不知力請釋中丞毛伯溫體其論合疏爭之得免
理丞公登第後座師欲以詞館相處公以願習吏事辭
張江陵奪情門人吳中行首疏攻之繼而聯翩疏劾者
不一江陵大怒皆予廷杖公亦門下士疏稿已具意未
決持商座師沈忘其名號沈公曰惟大義滅親此可不
必遂止明時習氣每藉一事舉朝謹嗽號為公正其附
和沽譽者亦間有之卒成朋黨之禍假令公疏遽上不
過添一庭杖之人於事無補徒傷師弟之情耳然迹已
微露不為江陵所喜終不引援僉事公按秦臨行辭首

輔首輔乃面囑秦撫為其兒女姻親公到任稔知撫貪
污卽列狀於朝首輔大恚司農公在山海關理糧餉楊
嗣昌過之見公事事精核亟稱其才及為督師公時撫
郎意見始不合因軍法斬一都司嗣昌遂劾公其人皆
擅權剛愎自用而歷忤柄臣三公風骨蓋如一云

堂邑劉公明時性豪邁為諸生每夜讀夫人温酒以俟
公且飲且讀得意時連進巨觥聲徹四鄰以是為常及
貴居官敢言每上一疏酒酒干言議論風生如見辛稼
軒陳同甫一流穆公正德中與諸公同受杖杖畢皆委頓公獨崛起談笑自若
友人何平子維繫在濟南故書局買美人一軸乃李易

卷一

八

安小像紙已黯然狀似憔悴所謂人比黃花瘦也按易
安隨其夫趙明誠來牧吾淄北兵已逼倉皇行道家室
不能相保金石後錄序言之甚詳方明誠在太學時有
人持徐熙牡丹求售以價重不能買還之夫妻悵惋累
日余見徐熙花鳥與黃荃花卉並陳黃畫似勝於徐疑
徐畫為贗作當日徐畫品實在黃上也易安夫婦鑒賞
故應不謬李易安故宅在濟南柳絮泉上
前明黃中丞忘其名堂邑人告歸時年七十餘矣夫人
歿欲繼娶必處女適同邑有老女年五十蓋養親不嫁
母卒亦無與議婚黃公遣媒往借以婢媼女居蓬華端

坐受禮婢媼温歸言其倨傲狀黃公曰真吾耦也可作
夫人白頭花燭傳爲佳話

一邑典故宜存卽無關體要收雜錄中可備觀覽如吾
淄曾錄女劔俠於志亦其例也偶閱說部得一事與吾
邑相涉詩更豔麗宋時有王山者工詩標韻清卓吳姬
盈盈貌甚冶善歌舞彈箏尤妙曾與歡處累月臨別涕
泣寄陽春曲山作詩答之又明年遊淄川遇盈盈於王
通判席盈盈欲南偕時山方病不果中秋復如山東而
盈盈死矣作詩弔之云東風豔豔桃李鬆花圍春入屠
酥濃龍腦透縷鮫綃紅鴛鴦十二羅芙蓉盈盈初見十

卷一

九

五六眉試青膏鬢垂綠道字不正嬌滿懷學得襄陽大
隄曲阿母偏憐掌上看自此風流難管束鶯啄含桃未
嚙時便會即時風動竹日高一丈羅窗晚啼鳥壓花新
睡短賦雲纖指擺還偏半被可憐畱翠暖淡黃衫袖仙
衣輕紅玉闌干妝粉淺酒痕落腮梅忍寒春羞入眼橫
波豔一縷未消山枕紅斜睇整衣移步嫩才如韓壽潘
安亞擲果竊香心暗嫁小花靜院酒闌珊別有私言銀
燭下簾聲浪鏤金泥額六尺牙牀羅帳容釵橫啼笑兩
不分歷盡風期腰一搦若教飛上九天歌一聲自可傾
人國嬌多必是春工與有能動人情幾許前年按舞使

君寤睡起忍羞頭不舉鳳凰簫冷曲成遲凝醉桃花過
風雨阿盈阿盈聽我語勸君休向陽臺住一生縱得楚
王憐宋玉才多誰解賦洛陽無限青樓女袖籠紅牙金
鳳縷春衫粉面誰家郎只把黃金買歌舞就中薄倖五
陵兒一日憐新棄如土雲零雨落正堪悲室入他人夢
來去浣花溪上海棠灣薛濤朱戶皆金鏡韋皋筆逸玳
瑁落張佑盞滑琉璃乾壓倒念奴價百倍與來奇怪生
毫端醉眸戲紙聊一掃落花飛雪聲漫漫夢得見之爲
改觀樂天更敢尋常看花閒不肯下翠幕竟日烜赫羅
雕鞍掃眉塗粉迨七十老大始頂菖蒲冠薛濤壽七十始頂菖蒲冠

卷一

十

學謝自然至今愁人錦江口秋登露草孤墳寒盈盈大
上升之術爾身此後不可得滿天風月獨倚欄醉岸濃
雅真可惜久之不見予心憶高城去天無幾尺斜陽銜
雲呼帙墨潤天南北瘦盡休文帶眼移忍向小樓清淚滴又弔盈
山雲半紅盈詩浮世繁華一夢休登臨因憶昔年遊人歸依舊野
濶天南北花笑玉冷幾經墳樹秋風月過情須感慨江出多恨卽
盈詩浮世遲留如今縱擬誇才思事往情多特地愁
花笑玉冷臨邑邢太僕子愿伺工書與華亭董宗伯齊名太僕與
遲留如今新城王大司馬象乾爲戚誼王氏所得先生手迹尤多
臨邑邢太僕子愿伺工書與華亭董宗伯齊名太僕與
新城王大司馬象乾爲戚誼王氏所得先生手迹尤多

其詩文集甚富偶然涉筆風趣如晉人惜為書名所掩嘗見所書白鸚鵡賦即漁洋得售為其祖方伯公所賜者國初諸名人題跋甚多如入金谷園中所見無非珊瑚玉樹令人目不給賞先生妹靜慈道人善書與兄肩隨

安御史伸少時讀書甚鈍足所履靴為穿手撫案木為剗勤苦如是後與兄俱成進士侍御居官清正崇禎元年定逆案乃列之魏黨其兄為之辨云當璫焰方熾無不頌德歸功每衙門有疏通署列名其人不必知亦不必心願也文藏於家不達於朝人鮮知者予觀東林籍

卷一

十一

貫盜柄東林夥夥壞封疆錄皆有侍御之名其為魏璫所惡久矣安得謂之同黨定案精審猶有疎失恐含冤者不止侍御一人也侍御遺有當日計典一冊各官姓名有圈有又有評語亦有全無者皆蠅頭細字手迹猶存嘗見其鄉會對策多是淋漓血指之語蓋明季沿習陋套如今時之策腐爛抵塞其為無用陳言一也侍御與余家相去甚近故知之特詳思陵發建祠稱頌諸疏定案者姚希孟四川夷人生男必諱言女否則男變為女後能生子邊域陰氣盛不以為怪若在中土必載之史五行家爭言災異矣明隆慶己巳太原丈夫化為女子東阿于文定

公慎行作詩紀之論者謂當正聲微茫之際即以詩品論亦堪作相詩甚麗都錄之云太原有男子壯烈世所無身長九尺餘白皙好肩鬚自負良家子募作材官徒腰中鞬韞劍橫擊當路衝并州惡少年見之伏且趨一朝覽青鏡侘僚空堂隅三日不出戶忽然見彼姝綽綽芙蓉顏盈盈玉雪膚蛾眉娟且長高髻墮馬梳脫我金鎖甲繫我繡羅襦掛我白貂帽珥我明月珠委心懷嫵婉不惜健兒軀昔為雲中鵠今為水上鳧昔者一何厲常開十石弧今者何柔曼巧笑傾城都仰視浮雲馳變化不須與茫茫窺元運元黃無乃淪世人但云好不必

卷一

十三

稱丈夫就題描寫言外感歎不露痕迹洵高品也臨清四溟山人謝茂秦榛初與李滄溟善滄溟贈詩短褐論交天地閒甚相推重四溟工五律有時不能割愛質之滄溟滄溟為濡筆塗去四溟必大叫稱快蒙榮集翠而榛枯勿翦雖大家亦所不免刪之如宿莽淨盡快何如也字句閒有支贅亦莫妙於刪除阮亭嘗刪柳柳州漁翁詩去其末二句但云烟銷日出不見人欸乃一聲山水綠神味愈覺悠長蘇詩五古一篇但取四句微雨止還作小窗幽且妍盆山不見日草木自蒼然極為幽靜程周量長篇刪存四句云朝行青山頭暮歇青山

一
續修四庫全書
子部
雜家類
卷一
十一

曲青山不見人猿聲聽相續愈簡愈有味然所去者蛇足或鱗甲耳如韓之南山杜之北征又豈可妄事鑿削獲咎大匠

王考功季木徐東癡之外祖漁洋山人之從祖也才氣縱放傲睨一切著有問山亭集務欲超出常軌驚駭流俗如項王瞋目叱咤千人皆廢題項王廟一篇獅吼鯨翻幾欲唾壺擊碎壓倒從前作者矣其餘未能稱是自引文太清天瑞爲同調第文太支離錢某擬以佛法中之魔波旬考功則未戾大雅也謁岳忠武廟云衰草寒烟日暮時傷心瞻拜岳王祠君王自得偷安計臣子應

卷一

圭

班痛哭師東海未填精衛死南風不競杜鵑知由來和議非長策千古英雄恨莫追比樊宗師文從字順不得以怪奇目之

戚將軍繼光禦倭立奇功鎮薊如長城世傳其懼內幾成笑柄不知公之隱情也公御軍嚴其子犯法將斬合營跪祈允夫人所生只此子如畏夫人何有重于此者公毅然不顧夫人亦不肯出一言撓軍法夫婦皆明大義如此然夫人未嘗不怏怏公亦因是內歉所買美姬皆置別墅夫人往搜複壁有機啓閉無縫後聞諸姬皆有子愈忿勢不可止諸姬不得已各抱子自首請罪

夫人不忍誅也公得有後所著軍書子孫珍藏其臨歿知子不才以書授媳使善守後其子貧爲廚役縣令因弟官參將延廚役賓館厚禮之求遺書乃竊出以獻其妻知之懟曰汝將軍後縣令以禮待何足爲榮乃輕將先人手澤與人吾負遺命矣忿然自縊余至四川則紀効新書練兵紀實坊肆俱有或卽縣令所刻歟識者比之孫吳韓白家海州公嘗以其鴛鴦陣法練丁壯禦倭而山東實未見此書所著詩集曰山止稿曰愚愚居曰夢夢是盤山絕頂云霜角一聲草木哀雲頭對起石門開朔風鹵酒不成醉落葉歸鴉無數來但使雕戈銷殺氣未妨白髮老邊才勒名峰上吾誰與故李將軍舞劍臺將軍登州人

卷一

南

元圃公諱晉僉事公之季子也僉事公歿年尙稚性任俠縱酒習騎射好談兵從叔海州公讓之乃折節讀書舉茂才及闕朱陸所著書愀然汗下自是專心性命之學終日危坐無畷容晚年病抵膠州居舅氏之嘉樹園聞勞山有林翁者年百餘歲多異術結廬山巔精舍十餘間竹樹環繞亦有姬侍財用充羨人疑有黃白術莫測也匡公邀至園使公具弟子禮拜求祛疾翁熟視曰病可愈但未知定業何如耳出藥一丸如指頂曰服後

七日不食當有瘳至期來相視也公服後覺體輕健勝昔後四日夜深能聞中觀書耳中如聞笙簫次日匡公強公食公不肯匡公曰癡道士何足信豈有七日不食之人乎逼進食一盂及林翁至望公氣色嘆曰惜哉仙藥與穀氣相激火已發矣公旋患腹痛如廁翁命童子從廁中檢藥出以水滌訖持去急治裝歸抵家數日卒林翁後不知所終

家前崖公字德稱號亦山元圃公兄邑諸生年二十餘寓濟南候試日載酒泛大明湖維舟柳陰長歌痛飲同里高中白捷絕聰明俯視一切獨與公交莫逆至是見

卷一

五

其放浪問曰君不畏考耶公笑曰姑坐小飲視吾讀書時正櫛髮呼童子取昨所市時藝閱一頁即投於湖櫛竟誦向所閱文快如流水中白舌橋而不能下歎曰子青蓮後身也萬曆戊子中副車絕意科名遊維揚泛長江流連西子湖數月北入燕都走居庸抵太原故舊贈遺累千金隨手輒盡客越與譚思永唱酬遊晉與王百穀贈答居鄉與高中白為文友司雲壑為詩友王靜源為理學友劉肖明為酒友倦遊時年二十八作亭水上植花木引流泉為曲水日與朋好觴咏忽一日閉門謝客兀坐長吟曰從今三寸蓮花舌不向人開演化機遂

示疾而終著有遊晉草客越集五言如常攜九畹蘭懶食千鍾粟黃華馬邑道紅葉雁門秋晨光生遠岫露氣潤征衣捲簾一水澗登塔萬山低七言山城雨過鶯聲細峽岸風來花氣香尊酒夜懸山月白囊琴秋愛海楓丹紫馬驕嘶芳草暗白雲高倚遠峰寒高山半出秦州界衰柳猶含漢苑風黃河倒瀉連滄海華嶽高撐入碧雲靄靄微雲隨客棹蕭蕭冷雁宿沙汀風雨幾年成浪迹琴樽此日見平生辭歲漫教薰柏葉思家常起傍梅花江干一雁能知我海內羣豪祇讓君囊空祇餘鸚鵡賦春深猶戀鸚鵡裘遊晉草王百穀為之序中白高公

卷一

末

後官御史公諱巽

張紳字仲紳明浙江布政濟南人湖中玩月云地與樓臺相上下天隨星斗共浮沉公工大小篆精于賞鑒古帖名畫撰法書通釋自稱雲門山樵張儀部敬字爾和教習駙馬明時選駙馬先入官相其貌親佳命欽天監與公主合庚甲無剋害令太監引入祕室裸體周身相視回奏時宮女必面詢詳悉然後入選下嫁後出入起居又受制于公主之乳媪動遭撻楚教習徒存其名耳然公東國碩儒著有儀部集詩中佳句如曇花侵斷壁木葉響空廊鷺下啄寒葦猿垂颺古

藤故人滄海隔歸夢白雲深皆可誦

章邱李中麓開先官太常藏書之富甲于齊魯明時文淵閣書許臣工借鈔故也公工詞所藏名畫皆自爲品第王元美閱之云中麓畫無一佳者弇州耳目廣持論高往往如是其藏書國初猶存徐尙書元一購得其半籤帙必精丹黃如故今其半俱化過眼雲烟矣

萊州之圍在崇禎五年巡撫徐公從治中礮死初公之生太翁夢神人舞干羽于庭太翁曰此治象也遂名從治未死之先肥城書吏刁守宗死七日而蘇言閻王命取八十人造七省輪迴冊分黃黑二種造畢命持文請

卷一

七

徐公到任至則城外兵將旗幟已備入見徐公發回書牌行四川鄧都到任至是殉難太公聞信不哭曰有子如此吾復何憾在圍城公作詩云崇禎五年春帝命師中錫俾撫大小東星言事羈勒於時二月朔告警馳羽檄叛軍無安巢掠地恣所歷萊牧實要衝羣兇首嬰陽雖有防守臣做甲同袒襦詔許駐青州欲往寸心怒萊民亦吾民不忍付焦溺單車指危邦夫豈尙沾激須臾寇果臨疾風走沙礫孤城露南隅三面受鋒鏑雲梯匪一層地道發重巒捷如猿升木多於蝥緣壁穴以積熏尸臺縱火燔荻相隨八十騎騎奮長矜自願一書生

乃當萬人敵援兵絕虬蟬礮石轟霹靂誰與生厲階失計遂貽感一星燄不撲燎原眾斯惕兩葉生不除須用斧柯析柰何肉食謀議撫不議擊養癰久必潰累卵危終殞哀哉此邦人何讎委虺蜴效死職所甘智已窮墨

翟

畢黃髮翁木刻厲敦實學日置黃黑豆於碗驗一念之善惡晚年純粹作聯有云投豆亭中無黑子其操存可知教子有方爲延二師一方嚴日有課程一爲高中白捷性逸縱好詩酒每遊水邊林下爲徒講解評文有紅鑪點雪之妙公八子一官主事後爲戶部尙書一爲遼

卷一

六

東巡撫一知縣公喜爲詩兼作小令雖非專家要有生趣如圍蔬新摘勝於肥濃宿貯之品嘗見其全家行樂巨幅子婦孫男濟濟一圍皆著明時衣冠

明季寇盜充斥大司農爲吾邑畢白陽公竭力補苴後人或議其爲瑣碎刻核亦未思其時爲何時也當日人不敷出者百萬有餘調發千端餉支百緒呼饑繫于蠅蟻勺水之益不敵尾閭之洩非點金雨粟更有何術公每人署輿後置書二寸餘中目日數十下公卽刻奏成手中僚友倦退公方危坐一燈熒熒必盡讀所挾書漏下數刻乃歸以爲常當捉襟肘見之時爲補偏救弊之

舉大司馬張公坤安稱爲眞司農不虛也爲文曲折條達不染鉤棘之習念東先生見公七言近體鏗鏘金石可分華泉滄溟之座則又政事而兼文學者矣

新城巴思明爲給事中修居第夢神告之曰此耿鳴世宅好爲之醒而異焉曉起立門外見童子趨過取懷中書觀之夾仿格一紙末寫耿鳴世格驚問年幾何曰八歲矣乃使人媒以爲婚後鳴世爲藩司果居其宅生子型德官至巡撫

曲公遷喬長山人少年業儒無父母兄弟家徒四壁幼定婚於同里某氏以其貧也改許他人公不能爭女聞

卷一

九

另字知事不可回但竊問姬婢曲生家何巷門何所至嫁曰彩輿過曲門公立門外忽輿中新婦跌出視之刃刺於喉血湧如泉死矣曲公大慟曰是吾妻也妻爲吾死當置吾家乃棺而斂之受弔葬焉後公成進士官至方伯內爲通政司終身不娶爲之請封置婢生子官遊擊

德平葛端肅公守禮爲彰德推官時冬至日趙王欲各官朝服進謁公不可脅以威終不爲屈在山海關陶眞人方蒙寵其家人經過嚴治其不法事忤嚴嵩罷尙書舉朝攻高拱來約公公不可然不附拱張江陵與太監

馮保相比卒去拱欲殺之賴公解免漁洋與公家爲戚誼池北偶談載其遺事甚詳高念東先生亦與有年誼兼與其曾孫陝西按察如麟爲姨表昆弟常共往來喬宇大司馬家深悉其家世嘗爲之志如公所謂中立不倚者歟

明時武定泰安皆隸濟南府屬濱州杜方伯友白詩爲莊浪道時羌人殺平民故事得以牛馬贖罪公忿然部分將士抵其巢馘首以殉任湖廣道辰常聞有竊蠶周二者略良人子女爲賊獲倡優以數百計公奮然抵几曰鼠子敢爾立撲殺之於伎館前當是時魏璫生祠徧天下巡撫某議欲毀澹臺祠爲之公持不可撫曰孔子聖之時者也九原可作獵較亦或爲之公曰不主侍人瘠環者何人撫語塞然公由是罷官撫乃去澹臺子之鬚另懸扁額斬然一新上疏頌璫自以爲功疏上而璫已敗論罪黥其面

卷一

十

明兵部尙書仇庸足益都人鎮通州時京都戒嚴軍士又以缺餉鼓噪嚴裝譁城下公冠帶出左右欲以兵從不聽肩輿旗導如平時諸軍出不意相顧錯愕不覺下馬羅拜公叱之令隨入教場陞將臺數語開悟擇其倡亂者杖之頃刻立定丁艱里居明社已移集眾千餘保

護鄉里有訛爲舉義兵者非也 世祖皇帝詔起故官
以年老辭公雖青州人去予家不十里其墓前石馬皆
回首以明不忘故主之意公名維楨

劉公子節之孔和長山人明大學士青嶽公鴻訓子身
長八尺力舉石鼎聰明絕特著有日損齋詩集其論詩
云詩取自適雖拙可喜詩求悅人雖工亦俗千古名言
丁明末造憂時感事長歌短韻無不唏噓欲絕傷心吟
云一日百痛哭天地不我容永隨光景夜願先萬物冬
釀愁爲醇酒鑄憂爲劍鋒味滴刃亦摧憂愁無終窮又
七古一篇甚長有句云長城鋸齒空存圖所慮深矣與

卷一

三

王太平及閩修齡蘄茶坡友善相唱酬散財結客練壯
士二十餘教以陣法使皆可將自著兵書一册思爲國
効命明社既墟糾集三千人殺僞縣令於村外設壇遙
祭莊烈帝一軍縞素痛哭失聲聞福王立率師而南依
劉澤清被害修齡茶村攜數百金求其屍不得妻奔還
里第與婢居尼菴雖家人罕見其面婢亦雄武出入帶
刀自衛終身不嫁亦奇女子也公子遺鐵盔一頂大如
斗人不能戴漁洋稱其面目刻畫如神威猛猶可想見
石鼎至今在村廟中太平名遵坦益都人茶坡名星壁淮陽人修齡未詳
長山青嶽劉公鴻訓吾淄聖鵠張公至發兩相國相去

數十里皆在崇禎五十三相中功名不甚顯平生政績
卓越反在未爲相時蓋在閣日淺明懷宗求治太急用
人多疑時方紛擾動多掣肘故也劉公藏玉海一書浩
博無涯又輯漢魏以來古詩數十卷琳琅溢目多平生
所未見政事之餘博綜如是儒生專門窮年收採者或
未之及張公與余家累世姻好獨未問其著作惟醫驗
編念東先生謂與張太保華東懸袖便方新城王方伯
康宇便方皆仁人之心然則謂公繼周延儒之後以
被刻爲衣鉢者殆未深知其人矣

卷一

三

談事更向局中間劫急者也與左良玉交好良玉犯法
邱以身任之繫獄良玉以大凌河之功洊至大將歲以
萬金遺邱營救得不死後官至總鎮皆左力也其人似
有義氣可取然明季武官驕橫邱又殘忍其妹嫁某家
生子矣病故邱以兵圍其宅合家登樓以避給之曰吾
來求吾甥耳令甥下樓卽無事不得已縊之下乃縱火
焚樓全家灰燼惟一子預逃外氏九邊總督某公處得
免

邑高念東先生珩才大如海漁洋稱爲咳唾珠璣用如
泥沙者也作詩唾口而成小史代書隨手散棄古文空

濛浩瀚超絕町畦嘗以詩諷漁洋云明珠彈雀知何似
天下文人與貴人先生精釋典脫棄名利惜才士與逐
逐宦途者耗神明於無益也主試江南有人送書一部
翻視皆關節重賄急焚之不與人言好騎驢遊村落遇
濃陰茂樹輒繫驢高臥途逢一推小車者阻于崖呼公
助力公欣然爲挽車性好浴夏日與羣兒浴於溪有大
吏遣隸持書相候隸至解衣入溪公令洗背洗畢隸亦
使公代洗公手爲去垢隸徐問高侍郎家在何處羣兒
笑指公曰此卽是也隸惶恐跪水中公不之罪其空諸
所有無富貴貧賤無人我相皆類此在都時與同鄉諸
友談讌問何事最樂公曰乞歸可得卽日出彰義門南
面受風緇塵漸遠望見家山斯最樂矣亦熱惱城中清
涼散也

卷一

三

長山大司寇李公五絃名化熙性豪侈喜聲伎晚年學
道開閣盡放諸妓王西樵先生以詩規之云誰爲公畫
此策者狂奴恨不鞭其背漁洋亦柬以詩有云錦帶明
珠淚暗垂烟波迴雪出門時錦帶明珠妓中之最麗者
也公嘗與一道士相善一日道士踵門募銀辭以無道
士笑曰某日命婢置銀若干於櫃櫃高婢跪机上收放
公自後戲捉其足何云無也遂如數予之觀此似情緣

未斷歿後家人於出殃日以灰布室視公像騎鳳衣帶
飄舉若隨風而翔吾邑袁松籬爲作記其習靜修養非
無所得矣村外種桃柳梅杏數百株春日花放望之如
錦太夫人年百歲建坊公已前卒不及見

家銀臺公邑諸生以世蔭在都定鼎之初國字無人能
解值言路宏開經費不足乃請行鈔自繕清字疏條議
以進 章皇帝大奇之召入辦事翻譯內外章奏未幾
由太常遷通政將期大用年逾三十而歿東撫李岷瞻
念茲舊交也公無子嗣子迎至德州李爲出涕刻公詩
集公與同邑高念東唐豹巖張崑崙唱酬契分最深偶

卷一

四

偕諸公遲月於船溪之圃念東先生約以聯句七律十
首公有句云蜀箋已盡題蓮葉豹岩先生續之云斑管
生寒怯蓼汀聽麗譙之鼓已丁丁三下一時逸興如此
諸公旅館驛舍所至畱題公於廣川中見念東庚辰題
壁有云酒痕遊子袖薌澤美人家乙未又見題壁云雲
仍瞻北闕塵已厭東華感而作長句云荳莢離離薔花
白絲雨和烟生廣陌路旁古堠閱人多又向風塵迎倦
客野店投牀如抵舍飽後閒行拂壞壁見君計偕所題
詩二十餘年如過隙東華劍佩已浮雲美人薌澤成陳
迹少年意氣下鞞鷹老至惟思對水石浮生最忌更多

事悲歡歷盡無真適縱使輜軒徧九州畢竟能穿幾網
屐何時更出廣寧門細和君詩徧古驛念東先生過之
鈔詩粘栖霞閣壁噴噴稱賞不置唐嘗寄公詩有云樵
青奴子初聞道蒿里衙官正下車未幾公下世殆詩識
也唐於公歿從日錄中檢一詩題秋月上新堂云虛堂
俯萬木檻外接流泉秋氣能療病山容欲入禪樵歸紅
葉路鳥破綠溪烟何減華陽洞松風作晝眠蓋絕筆也
公諱穆字子下

大學士孫文定公廷銓順治中名臣也居博山去吾淄
五十里山水清秀以寒士起家幼穎悟絕人貴後西游

卷一

五

華嶽巔越宿乃下南往會稽祭告禹陵嘗至臨淄見衡
王宮空廢宮東畔馳道玲瓏松楸未改內苑有望春樓
下繞方塘臨眺則山容樹態遠近互出樓前有涼殿虛
廠歲久無人庭砌之間尚有名花香草微芳自宣殿後
兩株繡毳猶在今日荒草瓦礫皆變爲市廛無遺蹤可
尋矣滄桑之感胡可勝言公告歸林下最早享山林之
樂所著顏山雜記有逼真考工者寫物曲盡史億一書
論斷精嚴子寶侗經學最深詩亦能世其家
蒲柳泉先生松齡母夢老僧入室而生穎悟絕倫淹貫
羣書作文空諸所有一縷清思爲題曲曲傳神寫照時

文中白描高手也施愚山評其文謂剝膚見骨場中文
多取癡肥故終身不遇工四六詩集僅四冊蓋以餘力
爲之邑之東有柳泉深丈許水滿而溢泉上小山簇簇
作兒孫羅列圓如米聚方如印覆雜以垂楊綠柳紫青
繚白渾無斷際先生愛之遂以爲號某公逸老圍臨河
面山自記云山以石勝高狀轟轟下狀兀兀肥狀悶悶
瘦狀稜稜虎若而伏人若而立羊若而羣不可品名不
可以策數先生于此逸老性詆諧而剛直不少假借就
自作志異中擇珊瑚張訥江城編爲小曲演爲傳奇使
老嫗可解最足感人又纂輯古來言行有關修身齊家

卷一

五

接物處事之道者成書五六十卷粹然醇儒之學特無
力刊行世人或譏其輕薄不知嬉笑怒罵皆具救世婆
心非以口筆取快一時也所著聊齋誌異人服其才學
而未知其生平心術故略錄梗概焉
漁洋山人以秋柳得名少時疑其不甚規規於題說者
謂感南京舊宮人作余細繹其詩殘照西風白下門作
詩在歷下而以金陵地起若非意別有在殊不合體黃
驄曲唐太宗定中原戰馬斃而作與秋柳無涉而曰愁
生句中含蓄可以意會至明指江南詞更顯然中婦鏡
女兒箱皆非柳典卽云視筆亦未輕靈蓋特藉此點染

宮女樂府原詞云江干黃竹子堪作女兒箱一船使兩
漿得孃還故鄉用其意也三首扶荔宮中靈和殿裏不
用荒祠古戍等字意亦可見問梁園之枚叔連及舊日
詞臣四首金閨曾與致纏綿已明說破不然新愁帝子
舊事公孫渺小題而用此等典故不嫌浮濶乎吳梅村
臨淮故伎諸作以勝國舊臣不免回首滄桑與感禾黍
若漁洋本朝新進咏明宮人而唏噓悲涼則無謂矣故
借物流連而旨趣自見趙秋谷謂漁洋不解比興持論
太刻秋谷之棄婦詞亦罷官後作詩之爲道直寫則無
味作者未有不知此意

卷一

五

古來才士必有先達爲之獎借吹噓士亦趨如流水漁
洋以詩謁某公一見稱賞作五古相贈云莫以獨角麟
儷彼萬牛毛若預知其後之主騷壇者嘗見其詩題巨
幅字大徑寸骨勁體肅端楷工整其鄭重可知自是聲
名籍甚是漁洋第一知己也乃漁洋手批其詩一卷不
甚推重單圈寥寥謂殘年秃筆頽唐非忘本也漁洋嘗
謂王孟津晚年人品日卑字亦日下當某公盛時領袖
清流排斥一切海內仰若山斗渠亦氣雄詞盛其後名
節塗地志氣不揚晚景落寞詩之衰頹自有不知其然
者若百折不挫之士感激悲壯較平時更覺出色人必

先立品而後可言詩信哉漁洋雖性情和藹當太傅明
珠隆赫有人持金箋求先生詩壽之拒而不許風骨固
自卓然

益都馮文毅公溥康熙辛酉七月夢人求見整衣冠出
不見人但見羣犬亂吠似有物昇之行行數里道旁臥
一石牛大如象一人執鞭語云此觀音大士送汝乘者
至一處茅屋數間老僧趺坐彼此不爲禮但云汝自今
諸事慎莫思議因指壁間畫云譬如此畫樹卽是樹水
卽是水石卽是石何用思議答云師所見止此抑尙別
有進耶僧不言第以手指云前途尙遠好事儘多旁復

卷一

五

有一僧以拂指云汝非凡人公笑云誠如君言遂別去
過一牌坊旁別有一牛狀相類復乘之行數里至村店
卽寤紀以詩云不犯禾苗露地牛餐風臥雪幾經秋本
來草料無教少認得家園卽便休吳寶崖陳炎曠園雜
志益都馮相國二十一歲崇禎己卯鄉舉報至方熟睡
家人呼之不醒太夫人大驚令扶起以水噴之亦不醒
夜半方寤云夢登泰山雲氣蓬勃擁之而行迴視五大
夫松十八盤三天門歷歷如常時所見至則結一席殿
懸錦繡於門眾樂齊作酒肴咸備碧霞元君親臨眾仙
隨之成禮將退適聞雞鳴海中紅日如車輪湧出遂驚

寤寤時猶帶酒氣吳寶崖寓吾澗最从主唐豹巖先生家

趙秋谷先生以演長生殿罷官劇本雖洪昉思撰而秋谷改定處特妙劫之者為禮科給事中黃某即著福惠全書者前官山東郟城令有聲相傳黃入都以土物及詩集饋秋谷秋谷回帖云土物拜登大集敬璧因是銜之次骨蓋修報也里居時嘗見其奏疏牽引多人且有書辦溷雜末云臣在禮言禮與諸人素無嫌怨其中多有名士都人有口號云國服雖除未免喪如何便入戲文場自家原有三分錯莫把彈章怨老黃秋谷才華迥絕儔少年科第儘風流可憐一劇長生殿斷送功名到

卷一

无

白頭失志家居林泉自樂目見漁洋歿後子孫凌替書籍散失赫赫富貴黃梁一夢轉瞬閒耳遨遊江山詩集愈富未必非造物所以玉成之也迨其後六家詩選出先生與漁洋荔裳居其三四家詩與漁洋居其二亦可無憾矣秋谷遊吳門與吳修齡交莫逆一日酒酣語修齡曰邇日論詩惟位尊而年高者稱巨手耳是時宋牧仲方巡吳閩之途述于漁洋兩人自此有隙修齡圍爐詩話余家有鈔本議論有新奇處而偏持意見處亦時有秋谷銳意求之特以其有譏切漁洋語欲援為左袒之助耳

左公懋第字仲及南渡後以侍郎奉福王命來犒師通好縷經從事詰之以國孝私孝對初使大臣剛林與語後睿親王與辨難責以六罪終不屈過大明門痛哭盡節以死公母徐氏京師陷歸至白溝河仰天而歎曰此張叔夜絕吭處也慷慨數語而卒世傳上帝使十殿閻羅送公陞天公大節如文天祥固宜在帝左右

德州謝太保陞崇禎時家居值國變大兵克定京師太保偕在籍御史趙繼鼎盧世淮等上疏曰闖賊李自成肆逆淫暴神人同憤臣等深切不共之仇愧無回天之力惟 皇上智勇兼錫威靈遐暢篤夙昔之舊好沛拯

卷一

无

敵之 新綸浩蕩 仁恩有逾再造先是四月二十七日臣等鼓勵閭州士民誓眾登陴激發遠邇共誅闖賊所置偽官賊將郭陞喪胆西遁謹掃境土以待 天庥彼時德藩被執適慶藩宗室曾為明朝香河令名師欽者避闖過境為偽州牧所拘臣等誓奉為號召之資倘蒙 陛下興滅繼絕不氓明祀將 皇仁益暢於中外大義卓越乎古今此又臣等所私心冀倖而未敢必者也疏上下吏部察敘尋奉 詔朱師欽以知州用而諸公亦以原銜赴京此疏推尊 本朝亦心不忘明立言最為得體而當時不以奉朱師欽為罪竝不慮其復萌

後患特加擢用我 朝之寬仁大度真千古所未有也
錄之知齊魯宴然無兵革之患者由此

馮文毅公字孔博號易齋惟訥五世孫家臨胸與博山
孫文定趙清止吾淄高侍郎念東交最密窮極經史天
文地志兵書圖緯罔不該通對客微吟泉注雲奔不屑
爭字句工拙晚乃益事追琢出入三唐官文華殿大學
士在京師置萬柳堂垂楊籠霧荷葉滿陂湯沐偶暇與
詩人觴咏流連遂為勝迹諸公多有詩載集中一日攜
諸名士遊善果寺晚歸取出陳其年詩令毛西河和一
人唱韻一人給寫隨唱隨咏不許停刻真絕技也按元

卷一

圭

廉希憲有萬柳堂在豐臺側相國立名或取此意今盡
荒廢後人猶有尋蹤憑弔者

劉孔中孔和之兄號嶧嶧相國青嶽先生長子也官江
南兵備道罷官後構一樓曰倦飛日與同邑李五絃先
生昆仲王兩嵐鮑素垣諸公為五簋會佳時令節折簡
相召或試茗聽歌登臨雅咏香山洛社之風如再見焉
性愛古帖手自題跋字極遒勁有句云叢桂聯吟幽夢
足蒼葭感遇素心違其篤於朋友可想

太僕寺卿乾字韓公源家寧波公外孫也性仁厚多材
智在河南為令時有巨盜妄掠富民潛令其人衣赭服

持挺立堂上令皂隸衣富人衣繫階下盜至示之曰是
與爾為盜者乎盜熟視良久曰是公曰勿誤乎盜曰屢
與共事何誤之有公曰再諦視之盜與爭辨不已公笑
指富民曰此爾所叛之盜爾所認者乃吾隸也豈同爾
作賊乃伏罪

上虞徐人龍為東撫時子咸清號仲山幼慧有文名山
陰冢宰商周祚過其署愛之以女仲商字焉時國家多
故順治乙酉始成禮却扇豔絕咸以為國色遂偕隱盈
庭花木滿架書史夫婦終日唱和有天臺老尼遙望合
掌曰此妙色身如來也蓮花化生相好光明已乃連呼

卷一

圭

曰善持之幾見曼佗人住人間世耶仲商發願寫妙蓮
花經每晨焚香濯手作楷三年共成三部卒偕老焉姊
伯商嫁邢忠敏公鄉里閒有金童玉女之目仲商女昭
華能詩亦有才名于世

徐仲山夫人商氏明豔如畫仲山舉博學鴻詞召試歸
益都馮文毅公贈一聯云北闕上書識盡西京才子東
軒賜食歸貽南國佳人一時傳為佳話夫人年八十餘
容貌如二三十歲好女朝夕惟飲乳汁猶耽花讀書自
古美人不衰信夫

益都王太平遵坦跣跣不羈日與其叔閉戶酣飲不見

客獨與長山劉公子節之善以詩酒往來學詩于吾邑
王玉琴玉琴學于王考功季木季木題項王廟云三章
已沛秦川兩入關更縱阿房炬漢王真龍項王虎三提
玉玦王不語城上寶鼎棄翁姥項王真龍漢王鼠垓下
美人泣楚歌定陶美人泣楚舞真龍亦鼠虎亦鼠意態
雄傑不可一世太平題項王本紀云英雄竟以成敗論
嗟哉帝王豈有真亞父不用乃考終淮陰逃死未央宮
是知仁與不仁異楚亡漢王亦細事垓下何必更悲歌
虞兮呂兮較若何獨出手眼亦有槌碎黃鶴蹙翻鸚鵡
之概可知淵源一派也王師入關太平杖策謁軍門從

卷一

畫

蕭王入蜀定張獻忠之亂授四川巡撫以勞卒
西樵先生與弟阮亭共讀自相師友有句云一從時世
矜高唱誰識襄陽孟浩然二王蓋從王孟入手後乃排
鼻變化而終以蕭淡簡遠爲宗于焦山各賦古鼎詩筆
力豪縱極其鋪張後有識者視其鼎篆文不古非三代
法物凡經名流品題即聲價十倍及鑒古之士摩挲窮
究不爲所瞞天下事往往如是所著朱鳥遺史未見其
然脂集數十卷鈔本存王愚泉允灌處愚泉歿家落未
知後來如何

西樵阮亭共批杜詩西樵評語係阮亭鈔入阮亭痛抹

處足爲學詩者指南往往圈一二字如鍾譚之選詩則
不可解涿州盧公坤得五家所批杜詩合刻之以紅藍
紫淡赤別之數之實不足五竝未註明五家爲何人亦
未指明何色係何人惟西樵阮亭照其原本註明餘俱
缺然序文含糊不述原委未免疏漏然蒼萃諸評竝列
其批抹圈點大同小異最足開悟心思阮亭間有刪節
較更圓健其尖圈處大抵似有可商者以示區別所圈
一二字盧本盡刪去不刻良有卓見

卷一

畫

王湘客若之益都人明季以蔭官南京參議管倉儲事
空乏之餘極力撙節稍至充羨忤太監爲所劾督堂某
媚監共攻之遂致鞫問其女聞變痛哭湘客出獄女已
死視之秀貌如生衣則補綴左手指爪纖長右手指全
禿問故則以針功佐橐餽因更悲感自著孝女傳作詩
不多洒然出塵漁洋嘗載其六言于池北偶談一滴水
可知大海味也書札多者五六十十字少僅三五語風味
似晉人平生愛金石法書名畫福王時仍司糧餉其後
崎嶇戎馬之際鼎彝書卷載以兼兩卒殉節以死擬其
品似冰玉爲心芳蘭竟體

李森先字琳枝號豔石平度州籍掖縣人巡按下江誅
黜豪右有海忠介之風優人王紫稼三遮和尚淫縱不

法皆立斃杖下人稱真御史為本朝第一紫稼即龔芝麓吳梅村陳其年所歌王郎者諸公昵之反以琳枝為殺風景過矣卒中讒被逮吳民為之罷市號泣攀送者數萬人王西樵曰侍御側儻英偉具匡濟才是嚴鄭公張文定一輩人詩不為賈島苦吟興酣落筆歷落欒崎時露英人本色公豪於飲園名椒雨椒雨酒之辛者也後再起官歷有惠政有人夜聞鬼語云王紫稼三遮利尚雖死冥王尚問斬罪旁有鬼問既死又何以斬曰使轉生為羊豕受報觀此益知李公所行快人心而洩神怒

卷一

姜

不以詩名乃無名士習氣農人王清臣且耕且吟能作詩以煤書於厯本其詩有陶柳風味漁洋載之感舊集諸城李漁村偶至安邱宿山寺夜半聞書聲琅琅啓戶視一人危坐廟楹爇香照讀視其書董子天人策也詢知為石工大奇之載與俱歸教以詩自是不復鑿石惟事雕刻自號鐵筆山人改名天民士大夫爭相延致嘗於濟南試院旁臨流濯足歌左太冲千仞萬里句學使私出偶立其旁夷然無覩也好遊名勝山水琳宮梵宇所至塗壁稿貯行篋久點畫漫滅不可辨或易一字輒欣然謝曰是吾師也與王清臣可竝傳胼胝短褐中何

曾無高士哉

張崑崙先生篤慶明大學士諱至發曾孫襁褓為相國鍾愛稍長聰明絕人作文灑灑千言一揮而就施愚山學使奇賞之稱為舌光如電後入太學屢試不售乃棄帖括博究史傳遨遊江淮名勝之區所至無不倒屣投轄所為詩磊落雄奇千人皆廢漁洋林下索居招遊園亭日相唱和恨相見晚以為當與田山薑顏修來諸公竝驅著有崑崙山房詩集其百一詩專詠明事斷自神宗瀾翻史籍縱橫排異漁洋稱為冠古之才周林汲太史為之註極詳博四庫全書總目評云篤慶才藻富有

卷一

姜

洋洋洒洒動輒千言風發泉湧不可節制又有班范肪截五代史肪截割取精華以便披覽家貧終未付雕余里居時張還浦如珠投百一詩委予校正欲刻板行世今亦未知果否然鈔本已不脛而走海內彼好災梨棗徒供覆瓿不刻何害獨惜其全集不彰耳家松侶公為清白吏子孫工書喜詩以植花種竹自樂偶邀遊京師觀 皇居之壯念東先生贈詩云布袍芒屨踏京塵紫陌東風浩蕩春海嶠幾年容浪迹帝城今日見閒人書如薑桂偏宜老囊有珠璣不受貧投綬東歸知有伴十洲隨地可垂綸歸臥林邱不接世事忽得

疾枕上吟云一天新雨露四海舊文章瞑目而逝

唐豹巖先生夢賚字濟武十三歲能古文作碑記刻石入翰林官檢討翰林無言責獨抗疏論事落職雄於詩變莊字韻作七律層出不窮見者驚咤贈漁洋云蠟燭五侯新制詰鞞三影舊郎中蓋漁洋自外官特起內用以詩受知也人服其工又有句云三十六宮飛燕身二十四考中書令漁洋以爲妙于萬八千戶冠軍侯然先生詩雄渾流暢初不以雕琢見長身既放廢游覽名區潛心學道一日靜坐洞見臍腑見一縷白氣起自丹田嘗至河南訪同年友未至已遣人相候問何以知曰

卷一

三

知之久矣蓋用靜功終日默坐澄定既久神明潛通凡事無不預知從學數十人惟教以靜坐久之仙人時於耳際對語旁人不聞因憶濟南二事相類似非誑語其一皂隸因病退役枯坐一室事能前知素不識字至是一見能解尤遠於易有弟子來學亦惟靜坐後能於中夜視指上螺紋歷歷以告其師師曰心體本自如是隸能隔垣見人想心境洞徹極矣一老儒讀書勤苦日讀不過數句又善忘偶行街市隔窗聞學室中有師講知止一節定靜安慮逐層分疏恍然有悟遂過目成誦此蓋取法告子之學告子雖與聖學異趨亦非冥頑不靈

昔程子入山山中老人先知豹巖所遇與此奚異先生雖淡於世緣實具經世之才著銅鈔疏禁羅說備邊策識者以爲皆可見諸施行惜不得展其志

畢公權世持前明遼東巡撫諱自肅之曾孫也畢氏世居長白山下先生爲諸生聲譽赫然施愚山學使評其文振衰起靡功不在昌黎下康熙戊午翁寶林司寇主試取爲榜首闈文一出士林先覩爲快風行一時是科山左文甲諸省先生負才卓犖不羈未秋試時居一樓日與朋好博飲喧呼秉燭乃息時而展卷時於風清月白之夜往山巖聽泉危坐達旦人莫測也至是發解在

卷一

三

省垣觀劇長身玉立面目如畫稠人中聳然如鷄羣之鶴三大憲亭上宴客共相指目問誰何左右以新科解元對延之入座無不歎其才品退後某官語人曰解元可惜有文無命又傳寶林司寇有侍姬通文墨司寇以得人自慶侍姬閱文曰所取前列多才子惜不能爲達官後公權先生會試不第抑鬱以卒趙秋谷執信以國制未滿演長生殿罷官馮大木廷槐終於中書皆魁選也按寶林先生前後有二妾未知能通文否子海瓊號澗堂受業趙秋谷之門以詩文世其家

新城何端簡公世璠字澹菴地有鐵山因以自號歷任

貴州巡撫直隸總督幼時經史過目不忘有神童之稱
學詩於漁洋著有漁洋詩話制藝亦原本先正超出流
俗李文貞公光地授以經學一時清節著聞歿後貧至
無以爲葬盧雅雨稱其清不近名寬而有制袁簡齋以
爲廉如秋水惠若春風今其家祠懸以爲聯秋試之年
公令子姪至宜興儲氏桐城方氏金壇王氏每家各住
一月聽其議論開拓心胸可以想見公好學求益之誠
公去余家數十里故知其詳

德州孫子未先生勳以時文名天下相傳幼時家貧以
館僮伴讀穎悟絕人主人愛之以爲孫初非孫姓也素

卷一

堯

聞其說疑其非實及閱韓慕廬爲孫太翁作誌銘先生
父與孫翁素交好以子爲翁子之嗣始知其事非虛補
博士弟子應試幕客某深斥其文時虞山翁鐵菴叔元
見之特加激賞秀水徐華隱嘉炎已寢起具衣冠拜之
曰濟南名士多今乃見之因共言于學使錢公江拔冠
多士戊午鐵菴來主試得畢公權趙秋谷諸人而莪山
見遺深爲惋惜下科遂居榜首終身事華隱以弟子禮
先生出使舟泊於岸倦而假寐循徑徐步入一宅見婦
方產忽墜下開眼已爲小兒三日而斃既醒身在舟中
始知爲夢探之果然已輪迴一週矣先生主持文壇好

士如不及以扇求盧雅雨爲寫新詩見盧與馬墨麟倡
和詩贈詩云老去自憐才力盡所欣二妙正同時其傾
倒如此所作詩亦名家

徐東癡夜新城諸生初名元善慕叔夜之爲人故取名
焉嘗遊錢塘過孤山訪林和靖故居渡浙江上桐廬登
嚴子陵釣臺酌謝皋羽墓其詩不啻千首漁洋每求刻
之不肯出渡潯陽舊稿沈于水爲選刻僅二百篇人極
高雅而癡類虎頭亦有風趣嘗托官西京者訪霍小玉
舊居零落否家銀臺公爲作絕句數首以當嬉笑漁洋
詩云珠簾甲帳皆黃土何必陳倉賣酒樓官闕禾黍今

卷一

罕

竝瓦礫已無尙欲問小玉舊居耶可謂癡絕
袁宣四先生名潘號松籬康熙癸卯孝廉工古文詩歌
嘗南涉大江過虎林登采石往返淞江茗水之閒又溯
三衢過豫章返棹鄱陽所歷皆有詩名其集曰遠遊草
共一千五百餘首嘗于東海獲秦鏡作詩云阿房宮中
星萬點熒熒綺戶秋波灑當年對此知何人香銷膩玉
愁雲掩照膽鑄成粉黛悲三千宮女斂蛾眉驪山未畢
重瞳入咸陽三月青燐窺自從埋照歸東海苔封水浸
寒光在洗出窗前皎月生那知朝市浮雲改絳氣連朝
矚太清一泓秋水淡空明紅顏閱歷知多少霜髣憐子

亦有情一時和者累累刻古鏡詩行世今惟念東漁洋
兩先生題詩存本集中餘不可見古鏡詩刻本亡矣鏡
亦不知落于誰手故存其詩松籬書法亦工嘗見其跋
華亭董思白正陽門關帝廟碑云先生書法飄逸此獨
沉著余家遭水漂沒書籍盡失此其僅存者重加裝池
按先生去余家僅二十餘里余別墅卽在其處下臨大
河岸高水遠不知何以漂沒其廬當年秋夏水漲必有
非尋常可及者有于涓水得素鏡奩紅綠斑駁又有硯
紅翠碎點乃秦宮水溝棄脂粉處說
家侍讀公名敷政亦於是科中北榜入爲內閣中書在
朝交遊最廣國初諸鉅公咸與往還方向用以地震受

卷一

望

傷卒詩多散失潞河舟中七律數首慷慨歷落不知胸
中幾許蠟塊中年玉折子勛方十歲引見授四品官及
長賞三品服食三品俸 特恩也公家書籍最富每夏
晒書牙簽散落盈升家人歲以爲苦今散軼無存矣宋
蒙泉先生選山左詩鈔時無人送詩集往學使張公鵬
展續選山左詩鈔荀乃鈔錄數首入選僅記潞河舟中
一聯云種竹不多非隱計求田太過是癡謀可以想其
胸襟

田侍郎綸霞斐德州人父蓼菴官浙江麗水令下車不
久有邑侯清鷄大寧邑侯廉父老安之謠綸霞少年登

第見高念東先生問當讀何書先生曰君將出仕先讀
律次博覽古今奏議及郡國利病其餘詞賦雕蟲小技
耳又詢及性命之學告以出世濟世爲圭璋之合國初
諸老大半講學雜入禪宗然立心行政卓乎不羣先生
舉鴻博報罷而詞賦究爲海內重康熙十子綸霞與焉
於寓舍見山薑花愛之遂號山薑作移居詩和者甚眾
又在通州九月十日同王阮亭曹實菴汪蛟門謝方山
顏修來諸先生泛通惠河繪圖作長歌紀之皆有和作
後其圖流傳馮鷺庭咏者甚多而大通春泛圖秋泛圖
繼起紛紛遂成故事矣呂鐵鋒贈聯云離奇柳樹嵇中
散窈窕梅花宋廣平可以想其風流生平以不入詞館
爲憾然不數年官貴州巡撫所著黔書漁洋以爲有似
爾雅者似考工記者似公穀檀弓者似越絕書者黔人
肖先生像祀陽明書院

卷一

望

邑狂士唐姓忘其名素有才而曠放不拘世法以副榜
授教職夏日裸體偃臥有武生求見不得已冠服出接
而中未有褲足則加靴談次武生請師暫脫外服免暑
熱唐笑曰吾無中衣也武生曰門生亦無中衣遂大笑
解衣磅礴恨相見晚共醉而散由是越數日必召與飲
稱知己焉晉人曠達不意復見於此

懷高士歷城人名晉字麗明明諸生明亡隱山中居鑛村著有易訓輯要年八十預知死期至期沐浴而卒念東贈詩有云和靖比來翻舊本梅花不種種荷花

劉子羽翼明號鏡菴少慷慨有經世才喜交遊讀書任俠與膠州王無竟友善無竟狂好大言嫉俗如仇里人銜之乘亂劫殺子羽走數百里訟官置仇於法養其老母并序其遺稿後數十年四明進士周證山斯盛知卽墨縣以事繫膠州聞老獄卒咏云十畝白雲松徑滿一天涼月竹亭幽詢知爲王無竟作并聞其事乃求得其詩評而藏之出獄後訪子羽并序其詩子羽送無竟老

卷一

聖

母歸息云宿草滿阡人更哭遺文行世鬼猶狂無竟詩慷慨有奇氣登黃縣西郭云蕭條客裏誤重陽野菊愁開傍戰場秋氣欲殘成遠塞寒山無數下平荒戍連大海浮雲黑旗掩孤城落日黃向晚不堪傳畫角月明吹散一天霜海上觀漁云淡烟無雨亦濛濛一片滄浪沒遠空擊筑弟兄魚市酒落花山水武陵風往來歌吹浮天上縹緲仙槎落鏡中乘興不妨歸去晚數聲漁棹月濛濛

臬使趙韞退先生進美號清止與萊陽姜如須宋荔裳桐城方密之華亭陳臥子以詩名雄視南北在都與諸

文士會作古今體詩擊鉢立就漁洋以爲公少時詩清眞絕俗使江西時刻意二謝在京與諸公唱和一變而高華尙聲調而風致猶不減清邱先生家素富國初東人之禁甚嚴後人爲所誣幾被家又有官河工者賠累一空今其子孫式微不能自存矣所著有清止閣集在京時嘗見詩一小册先生作也惜未買

姜實節字學在號鶴湖萊陽人明給事中塚子隨其父流寓於吳工詩善書畫山水法雲林所居曰藝圃清流演漾古木叢茂隔岸巖石列峙狀若層巒蓋文肅公之故居所謂青瑤瑤也當時求仲子之畫者必得其題句

卷一

聖

以爲重厲大鴻鸚題其畫松云萊陽姜仲子矯矯清節後獨持滄海身畫松亦畫瘦矮紙氣屈蟠疏影滿巖實勿矜干霄意乃爲般爾宥題字不滿百筆勢如篆籀對之神魄驚慘淡見寒秀裝堂沒骨花遠笑徐熙陋

漁洋詩話云安邱二曹禮部貞吉字升六中丞申吉字錫餘兄弟齊名禮部在京師和余文姬歸漢圖等長歌極有筆力中丞淪歿異域未見其止祭告湖南有句云雪花飛過洞庭去愁對班班湘竹林按升六號實菴以詩名所作珂雪詞吳茨園取以壓所選詞卷漁洋評云曹大乃爾奇特與曹嘉頌禾有南曹北曹之目嘉頌評

其詞曰古人云衙官屈宋實菴衙官我有餘矣錫餘淪
歿異域謂死吳三桂之難當時陷賊夜遣僕飛章入奏
又以蠟丸間道達書密陳機宜蓋欲從中圖之不幸爲
三桂所覺被害

任無愆名有剛平原人官太原同知善畫山水蒼秀入
宋人之室罷官後宦橐蕭然喜賓客好施予一切取給
於畫未及脫稿購者已候於門弟子葛中谷傳其術每
能亂真以山中中人小圓印別之同邑張完臣題其畫卷
云死別已吞聲翰墨已糟粕區區意外耽精神在邱壑
想其磅礴時躊躇同疏鑿蒼壁插長松飛觀連雲脚輕

卷一

墨

綃忽生動欣爲知己作餘不具錄

傅侍御彤臣辰號農農新城人長身偉貌鬚髯如戟裕
經濟才按江西倉卒定變人服其能平生著書多種歿
後雕板盡亡漁洋稱其博聞強記冠絕一時事繼母最
孝母性嚴侍御雖居官時遭撻楚順顏承受務博歡心
乃已夏日朋好聚談解衣脫帽公獨不肯強爲解衣杖
痕露焉痛哭奪衣忿然而去蓋恐彰母過也漁洋載其
詩於感舊集吾淄唐豹巖太史稱桓臺二孝子爲于鐵
樵傅彤臣鐵樵字子先名覺世爲巢縣令蝗不入境尤
嫻武事嘗伏兵夜戰擒巨寇按于氏世傳技勇後有名

崇墀者作令時水漲築堤鄰邑武弁率多人執械往爭
爲于拳毆逃竄哭訴上憲上憲笑曰汝武弁被文官毆
已可恥他日臨陣向誰哭耶傳以爲笑鐵樵書法亦蒼
勁徐東癡題其廣陵遊草云河北聲稱藉久傳江南名
勝入新編中原氣格風靡後正始音微雅在前見說衣
裳同會合誰當鞭弭共周旋清吟有此于良史閒氣全
消五百年推尊甚至

卷一

吳

李贊元字望石原名立登第後奉旨改今名海陽人
官兵部侍郎有滴翠圍集鈕玉樵琇觚贖云李侍御按
楚鄂渚有大猗段世昌稔惡萬端而神謀四達前臺使
者莫能誰何李至佯置不問一日饑客于江干已微醉
從一尉一僮夜往叩門世昌倉皇趨出徑前手繫之命
尉牽其頸踏月還署卽置之獄遠近顯要爲之求解書
牘盈案概不發立柱殺之當世昌入獄語家人曰我少
時見一道人能知未來事詢以終身道人曰他日所遇
非桃杏非坐非行卽祿盡時也今按君姓名適符尙欲
覲生焉能蓋因先生原名立也

家中憲公孫錄永好爲詩而深于韻學謂人不解韻詩
必不工著一書未刻皆辨晰字韻余年方少翻閱一過
如墮雲霧茫然不解作何語後見所爲詩或質樸或冲

寂絕不尙聲調公歿子最孝負石壘墳磊珂離奇高丈餘石多刻字在曠野僅見髣髴不能悉辨生平事親善養志而有放翁沈氏之恨少時避兵亂山妻某氏聘而未娶亦偕家人避匿其閒見衣白者知爲夫慮爲賊見使婢送青衣蓋時在夜閒也及賦離鸞居母家終身不嫁已亦終身不娶大似廬江小吏但不肯以身殉私如愚夫婦耳蒲柳泉先生爲作四六一篇情詞排側余手錄之惜不知散失何處

趙秋谷不喜嚴滄浪論詩而終身服膺馮定遠書法亦學之袁子才嘗議之定遠實不愧才子觀游仙詩語語

卷一

七

雋妙何得相輕詩云書邀女伴看桃花三島回時滿地霞記得明朝是丁卯青童又合上東華紅桂開時試舞腰素娥爭換白鮫綃歸來更按鈞天曲吹裂眞妃碧玉簫貪看對弈不歸家誰折當門玉樹花特勅雷公往追取半空鞭下呵香車玉洞桃花又爛開等閒相望隔塵埃劉郎也似山中水一到人閒便不回秋谷才氣凌厲一切少所許可獨俯首鈍吟集良有故哉

秋谷八哀詩載濱州張滄澹小傳記一事甚可喜知江南鳳陽縣時有大猾率惡少入儒生家恣淫其妻妾陳酒炙響爆竹從容歌笑無敢忤者生訟之大吏不得伸

陸儀突入城隍廟立呼至斃其猾杖下血體曳出一邑駭服所著詩集甚多經漁洋秋谷兩先生評定

張嗣宗譜崑崙山人諸父行念東先生從妹壻也念東子之駒官平越嗣宗同往吳逆之變與之駒改裝爲道人展轉兵火山谷之間險阻備嘗數年始歸有飄泊詩云飄泊黔南歎數窮十年鼓棹破長風思將姓字畱天地肯使鬚眉負鏡中四海無家悲斷梗一身如寄羨歸鴻魂驚夜月鶻啼血擲却儒冠學遠公弟洵字可績拔貢年少以神童稱學詩於念東詩集皆念東手評與同邑唐豹嚴太史孫樹百給諫畢載績刺史袁松籬孝廉

卷一

哭

唱和

楊涵字水心又字雲峭益都貢生性簡傲狂放不羈善畫田西園同之評其卷云烟波無際蘆月蒼涼其逸品超詣令人不忍釋手尤長於墨竹常坐臥竹下會其偃仰欹側之態久之忽然有得故其所作縱手而成兩葉風枝千層萬疊尋脉絡絲毫不爽胸有成竹故也稱爲神品與某僧善每爲作畫遇得意之筆輒撥爲紙團藏袴中僧搜得之相與大笑貴家求之終不得然性喜游仇尙書家有園亭使與之狎者引至遊觀酣飲偶至一室紙墨皆具問何爲主人曰將倩人畫屏未得佳手水

心奮然曰何必遠求揮毫落墨勢若風雨觀者駭愕其
屏十二幅通爲一氣今爲余族中禹珍叔所得余愛坐
其下若有涼風襲衣裾也先生好黃白術有道者來扣
門觀之曰可住世矣未九轉也丹成一夕卒家貧張蓬
海葬之放鶴園側題曰青州高士楊雲笠先生之墓爲
名流所重如此

長山王德昌字心逸作八分字畫如鐵獲其片幅珍如
拱璧尤善揭裱所裱長卷任開一段兩端從不摺卷同
時張卯君善鑄圖章新城王石丈善畫稱爲三絕

崑崙山人張歷友先生百一詩漁洋評閱蔣大鴻實爲

卷一

完

點勘閒有商推集中載其來書卽以當敘大鴻名平階
精青鳥之術居吾淄與唐太史夢賚及張山人友善山
人得大鴻自宣城見寄書云遠道三年別緘書數往還
此時滄海月應照敬亭山大鴻詩力還正始飲吼山陶
氏園云川原於越地風物永和時花塢陶公築蘭舟范
叔移百年新結構一代舊招提峻閣憑雲迥雕欄倚石
危尊疊傾北海詞賦溢南皮萬壑當窗見千巖向晚披
拂雲歌去緩坐月酒行遲支遁情深切劉伶死不辭人
從花底散路入夢中疑何日滄州興重來倒接離
顧亭林原名絳更名炎武以事繫懸下亭白上憲重其

人延修山東通志而主筆者別有人先生列名而已漁
洋謂列傳中名臣多所刊削甚爲紕繆異日必當更正
通志序則吾淄高念東先生所作後來續修者曾閱一
過未暇考果補入否亭林寄居章邱東土好古之士多
與交人之田舍爲人奪去乃遷於山西朱竹垞題其柱
云入則孝出則弟守先王之道以待後學誦其詩讀其
書友天下之士尙論古人當之無愧其詩亦有高踞萬
仞俯視羣流之概龍門云亘地黃河出開天此一門千
秋憑大禹萬里下崑崙入廟煮蒿接臨流想像存無人
書壁問倚馬日將昏

卷一

幸

王揆一名紹先於書無所不讀臨文汨汨有不能自己
之勢晚年更歸簡練康熙乙卯太倉王相國揆典試山
東得揆一卷已中元以後場違式被落癸巳 恩科相
國爲會試總裁揆南宮相國大喜將薦入翰林辭以老
病悚慵爲濟南教授茶陵彭大司馬爲學使以敏博自
負考試教官擬作程文題下先生文立就茶陵亟賞之
然訝其過捷笑謂曰得非宿構耶先生回席卽又呈一
篇日影不移已呈七藝茶陵每得一篇必拍案叫絕歎
曰讀書破萬卷下筆如有神信哉吾從今不敢輕量天
下士矣

俞公兆岳字岱祺雍正五年官青州知府是歲山東大旱以事謁大府大府演優宴同僚公在列離座抗聲曰天久不雨 皇上撤樂減膳臣子歌舞宴飲忍乎立飲三爵趨而出大府愠甚思中傷之公即引疾疏入 名請闕 上曰強項吏上官所不便非病也問大學士應授何官據例以對 上曰俞兆岳非常士何可拘以常例授通政司參議公在青常布袍敝履行市井民間苦樂無弗知偶冒雪過一紳士家紳言為民害者數事立除之引疾時僦居民舍送蔬菜者填塞當入都民罷市遮留三易期不得行乃自持鎗從二僕夜啟門出質明

卷一

聖

眾追送不及肖像立范文正公祠後今廟圯北郭去思碑猶存官至副都御史江西巡撫善政甚多不能悉紀孫名調元官濟南府濟陽縣知縣
吾淄儀部張公敬萬歷丁丑進士其詩文集序字學雪
衰如龍蛇糾結多不可識所為古文衍滄溟一派詩不多作獨和易近人聞雁寄王侍史云搖落聞征雁連翩向海隅行分絕塞濶影入夕陽初鼓角寒城急關河短髻疎那能千里別不寄一封書寄王汝賓云山房粘石壁蒼翠暮烟收野水亂流合沙禽幾點浮人歸榭葉寺月映蘆花洲白露澄江濶故園何處秋

戶部畢白陽公自嚴高紫霞司寇稱其七律可分滄溟之座里居未見記其七絕塗次咏桃花云綠楊春樹蔭芳鄰中有天桃別樣新馬上不煩煩指點好花應笑白頭人

銀台秋澄王公名教居官清勤敢言張伴鶴大書清風百世碑立祠堂先生罷官非其罪好為古文句法本滄溟而詰曲過之往往瞠目不能讀斷所作詩絕無晦澁而高古出塵不求人知所刻集忽忽粗閱一過短文易讀者古趣洋溢愛莫釋手詩多古風一字不記

卷十

聖

者崇禎間吾淄聖鵠張公至發起家縣令後至大拜為二百年來罕見初閣臣鄭川偉誤以章疏中何況二字為人名乃擬旨提問因是詞臣為帝所輕適以事問外庭張公所對稱旨遂以刑部侍郎入文淵閣
歷城見王雲芝先生小像自讀書至居官年貌衣冠隨時變易共一長卷後有兵部尚書張鶴鳴登萊巡撫宋應昌題跋甚詳登萊舊無巡撫以備倭特設故登州水城名備倭城應昌上疏謂多買鷄卵擲倭船卵破脚滑跼立不穩悉成擒矣其謀畧可笑如此鶴鳴在山東任歷城知縣至八座由魏忠賢援引二人皆不足為雲芝

先生重後人第以顯官乞其題字然鶴鳴雖闖黨流賊陷潁州時罷官家居被執倒懸於樹罵賊而死

吳公南岱太翁嘗官山左因無子禱於東嶽踰歲生子因以岱名及長知濟南府一日在署若有所覩向空肅拜唯唯應答家人驚問曰我本嶽帝從臣今見召不可留矣囑其子奉主山中將棲神其處在康熙時

吾東梁浩然由明經知嚴州廉介有守退衙課僕種蔬以自給擢寧紹道赴任時見老人持稟帖跪謁眾悉無觀三日後聞空中鼓樂彷彿見騶從駢集云迎新官赴任即日無病而逝在康熙時

諸城相州王氏科第最盛人稱老實王家吏部侍郎王公恂擅號念菴與兄中允沛思弟職方沛恂俱以文名公尤有才幹嘗以同知攝漳海興化泉州三府事歷左都御史貳天官奉 旨查山東庫項許歸省爲畫錦之榮還朝年七十二矣詔與文華殿大學士田文端公從典皆免跪侍立爲開國來所希有公以卿貳得之更爲殊恩告歸五年 皇上猶賜御書詩及聯公歷官善政最多特記其奇遇如此

歷下張紳題畫云高樹漏疎雨滴瀝下銀塘美人捲簾坐寶鴨添生香風吹綠荷葉露出雙鴛鴦似六朝人

章邱張篤行字誼紳號石只順治丙戌進士是年出宰郊縣縣舊有三蘇墓老泉蓋葬衣冠於此東坡卒于常州託子由葬嵩山之陽子由歿亦葬于是墳之外有二冢莫有知爲蘇氏者地約三十畝繚以土垣古柏三百本崇禎甲申賊盡剪伐南一冢爲盜發掘石只到任訪視俯其穴得誌銘云夫人梁氏宋狀元灝之曾孫適子由長子蘇遲二子一名簡一名策拾其頂骨二脛骨三零骨三十六清明日具衣冠葬之捕盜置於法明年上已往祀之口占一絕云峨眉遙望倍傷情樹盡碑殘野草生莫道荒村烟火絕山家今日是清明按東坡年譜

卷一

語

卒于建中靖國元年明年葬于汝州郊城縣釣臺鄉上瑞里周樸園書影喬文衣鉢云其墓左子瞻右子由相去六七尺子由墓西有四冢無題名一碑列四氏六公子名簞符箕箒筌籌皆東坡之孫與墓志合無墓可考石只補種翠柏千章遂復舊觀謁墓之夜夢東坡遣使致謝約臨汝相見及至有青衣款門送墨迹一卷乃東坡蜀岡送蘇伯固之嶺南五言詩也青衣忽不見遂命工摹勒于石自爲之記石只工琴善書畫仕至建寧道告歸自題小像云有詩有畫有書有琴可名四藝山人其高致如此

岱宗密雪圖為王叔明陳汝言合作叔明為泰安州牧有樓正對泰山叔明欲寫圖張絹於壁興至乃一舉筆三年而成汝言為濟南經歷過此值大雪叔明欲改雪景汝言為小弓矢夾粉筆張滿彈之粉落絹上儼然飛舞之勢相顧以為神奇事載都少卿譚纂此吾鄉佳話特錄之

文登冷枚字吉臣善畫尤工仕女嘗見其畫美女坐像長大如人美人小者易工大者最難可謂能人所難又見其桃源圖畫屏十二幅山水人物皆著色生動 聖祖皇帝六十聖壽吉臣繪羅漢圖以進修 萬壽盛典

卷一

五

圖長二十餘丈鉅麗工妙畫史二十餘人以吉臣為冠羅漢有刻板傳於世

乾隆年間有人掘土得古器青綠編體不知何名中藏布泉千餘西域胡人買去往江都售於程夢星布泉上皆古篆難識惟平陽安陽可辨春秋有平陽漢書謂之東平陽史記王子侯表安陽侯榮濟北貞王子素隱表在平原大抵漢時物諸家泉譜布泉十品外載異布僅十餘種無如此之多者程得之喜甚作詩以紀前紀泉譜者梁有顧恒唐有封演宋有李金董洪輩本朝方繼溪蓄古錢三百枚一一辨其年代 東平陽今新泰

汪鈍翁琬吳人而其宗居吾東汶上鈍翁自序汪姓緣起云魯成公庶子生而有文在手左水右王故名曰汪又云食采於汪子孫因以為氏汪氏其始蓋魯人也鈍翁汶上遇宗人交臣有詩又汶上與同宗諸兄弟入田氏園賞芍藥詩云塵中驅馬已十日急雨顛風不可當不信南來好風氣徑容闌入藥欄旁無數名花壓徑開暫攜濁酒為花來帽簷欹側橫船覆始信吳兒爾許歡二詩頗頌唐自喜按汶上田家紫荆演為傳奇婦孺皆知其事謝在杭肇瀾過田真墓云汶河如帶日西斜黍荒村四五家惟有田真墳畔樹春風猶發紫荆花第不知有園者猶為其後否耶

卷一

五

濟寧太白酒樓碑記汪文節公所作鈍翁詩云先生本非狂古之天人也起語最瀟灑又酒樓歌云任城酒樓高插天樓東桃樹非昔年騎鯨仙人不知處狂客還歸四明路按樓東桃樹在兗州用於濟寧何耶四明賀監亦未至任城遊南池子美題詩處云曾來此地停征輪蒲荒菱熟波鱗藏却平生掣鯨手偶然點筆還驚人向闕生南池遇美女自云天上謫仙相昵久臨別贈詩云濟水流長未盡歡小山招隱月初圓好畱顏色重相見再向南池續舊緣後娶南氏與女容貌如一

山東爲南中入京孔道荏平腰貼東昌臨清德州舟車
輻輳之區絲竹歌舞夙稱繁盛明時臨清有伎范氏谷
氏以色藝擅場才士某計偕北上與名流燕集作豔體
詩云長干女兒爭妖嬈秦淮一曲水亦嬌複道迴廊映
佳麗六朝楊柳秦時潮美人如花活花裏嬌憨那復知
作使臨妝懶學文君眉當筵解學薛濤紙馬家楊家最
有名但看一笑俱傾城按拍何人嫌曲誤畱歡若個便
妝成江南是處矜花草渡江但說臨清好燕趙佳人眞
擅場摧殘苦向風塵老賈胡多錢僮父臭秦箏吳歛等
閒奏小范空餘林下風谷生枉自閨房秀拂袖低迴策

卷一

幸

蹇歸黥奴草具唱歌時陌頭白汗薰香粉馬上黃沙與
畫眉目成不忍惜歌舞顧影那堪淚如雨江南小草花
不如江北名花暗如土人生遇合總悠悠此夕相看黯
欲愁眼底娉婷俱未嫁忍看溝水東西流劔花崢嶸眉
黛溼玉釵欲掛銀缸泣促席行杯露未晞歌罷長干盡
於邑君不見馬家池館傾摧久長橋已拆祠郎手江南
樂事亦易闌經過且盡杯中酒後過臨清追昔遊云丁
字簾幃不下鉤踈踈微霰點紅樓明妝促坐生春色畫
燭嬌歌蕩旅愁油壁小車爭自至紅牋名紙如他收而
今只有垂楊在禿盡枝條撩白頭

萊陽二姜以節義著弔貞毅墓者甚多咏如須廷杖謫
戍梅村東萊行一篇敘事尤詳中云君家兄弟俱承恩
感時危涕長安門侍中叩關數疆諫上書對仗彈平津
天顏不怡要人怨衛尉捉頭掉下殿中旨傳呼赤棒來
血裏朝衫路人看又云司空平昔耽佳句千首詩成罷
官去戰鼓東來白骨寒二勞山月魄何處謂工部侍郎
未九青政死
萊州之難九謂左
謂左左氏勳名照汗青過江忠孝數中丞謂左
謂左
青好作詩謂左
謂左懋第以兵部侍郎撫河南山東儒卿也向龍沙死謂左
謂左
充通問使聞南都亡痛哭死節謂左
謂左先更有何人哭子卿時馬阮欲殺如須乃祝髮黃山戊
子奉母歸萊陽東撫重其名招之乃故墜馬以折股給

卷一

幸

使者夜馳還江南自號宣州老兵感舊集補註姜採字
如農崇禎辛未進士禮科給事中垓字如須崇禎庚辰
進士吏部考功司主事明史姜垓官行人云考功未詳
按梅村元旦夢天帝召爲泰山府君歿時見車馬來迎
怡然而適
漢北海相任城景君碑在濟寧州學全謝山有搨本三
各有碑陰一通洪文惠公迺未之見謝山云碑文以麤
爲眉以倉爲蒼以柔爲柔以醜爲釋以轉爲拂皆古字
通用其以衙爲禦則古字音之通也碑未有誅又有亂
亦唐以後碑所希其碑陰見于趙明誠金石錄

澤州陳午亭相國與阮亭先生倡和最多又與宋荔裳田綸霞馮大木趙秋谷顏修來諸公相善和秋谷觀海詩云求詩入海氣崢嶸却卷波瀾見老成香土踏殘才思盡當時我亦一狂生蓋隱含當日罷黜情事言簡而意味無窮輓王西樵宋荔裳總括二公生平如史公合傳體尤為奇特素旆齊城北朱旛蜀道東蕭條萬里外淪沒一年中世路憐諸子交情盡二公招魂傷宋玉死孝憫王戎賦鵬才猶壯哀麟筆遂終玉棺天上落瑤瑟寢室空暮雨懸鄰杵秋雲冷殞宮夜臺歸有伴泉路恨何窮前後銓衡地淒涼詔獄同范滂真蹇諤裴楷自清

卷一

手九

通添鏡南曹月瓊瑤北寺風宦途紛輒軻襟抱得冲融顛蹟非天意生全荷 聖聰荔裳西樵前後官吏部下詔獄 追隨思夙昔狂醉笑兒童名列班揚盛文兼沈鮑工妍媸慙刻畫瑕垢屬磨礪章句功名薄生涯負販雄霜摧漢時柏風折嶧陽桐歲月魚吞餌乾坤鳥觸籠漂搖驚汎梗慘澹送飛蓬腸斷山陽笛悲迷朔塞鴻池塘春草綠 謂阮亭艾石 正隴野棠紅腹已真成痛心還暗欲冲九原人在否灑淚向荒叢又別歷城孫作庭光祀吾淄高念東先生云歷下羣公海嶽姿風流耆舊是人師相逢一事煩傳語無媿新阡有道碑 謂銘魏環極

卷一

本

益都孫文定公號止亭官吏部六年惜人才慎名器莫敢干以私築有山雨樓繪為圖多咏之者龔芝麓宗伯題云止亭先生與余門巷相連退食之暇雙扉晝掩萬籟寂然乃不知此中有人人謂其門如水愚謂先生之門如山也昔人比陶靖節諸葛以淡泊寧靜襟懷相同乃和陶公詠以况先生之山雨樓庶不失臥龍開濟之梗概高雲無定棲乘風還故山去來雖有失樂哉望岫年裝駕指遙林理檝汎素淵開我池上樓載耕隴畝田海雨何蒼蒼飛鳴來山間石蘿翳白晝幽泉吐檐前參差梧柳陰延緣葭葦煙遠虹明絕澗馴禽響層巖餘事及邱壑抱甕了不閒空堂松風生撫枕殊蕭然高人經世心脫略謝塵鞅方與家國事恆結川巖想車馬行跡絕琴樽諧獨往逢人問故園薛荔一以長老屋亂山中丹艘不加廣銅池與金谷無乃辱林莽文定有還山吟云守道在無為吾自厭吾拙解佩及茲晨還山聽鳴鳩世態逐嬋媛進止心欲折欣此素商集緬想緇塵歇逝將尋舊侶茅屋陰崖結暝色下嶮巖蒼然立積鐵林深倦鳥栖谷靜涓泉咽夜涼四山空雲臥逼天闕捫蘿想幽人弄簫遲山月文定入政府一載即告歸其淡泊之志可見宗伯語故為不謬

正史外野史及雜錄皆可備採漁洋紀其先世多東林黨魁詔一門盛事他未及載吾涵聖鵠張公家居魏黨揚言張至發天下名賢魏闕矯旨命吏部起用公養親不出長山劉公鴻訓忤魏璫削籍思陵詔入閣首焚三朝要典逐其黨賈繼春霍維華等天下大快卒為闕黨攻去至顯與宵小為難者武定袁忠愍公化中疏糾李可灼進紅丸罪與左滄嶼極論大學士沈淮以賄交結魏忠賢臨清周忠毅公朝瑞于楊大洪論魏璫二十四大罪後即上疏助之力攻又救熊廷弼於是魏黨怒甚以忠愍忠毅與楊公連左公光斗魏公大中顧公大章

卷一

李

受熊廷弼賄拷斃鎮撫司獄世所稱六君子也乃無為州汪有典輯書曰史外不知何故去周忠毅公雜以他人與楊左袁顧共六人為一卷魏公有傳目錄無名諸傳頗稱六君子令閱者莫辨為誰按朱竹垞靜志居詩話紀六人受訊伏簷下左右次第甚詳獨書袁周二公名楊左魏顧但書姓蓋四人有詩各立小傳袁周無詩因無傳也不書名則所稱六君子為何人歎朱載筆有法而汪為失檢袁公死之夕大風四起屋瓦皆飛眾鬼啾啾號泣舉鎮撫用刑隸投諸廁逾時皆死劉公子孔和起義兵一門三烈余至武定聞袁有進士周公後未聞

碧血錄云前任河南道監察御史贈太僕寺卿袁公化中字民協號熙宇賜祭葬諡蔭前任大理寺少卿贈大理寺卿賜祭蔭周公朝瑞字思永號衡臺山東南城人按山東無南城縣臨清古無南城之名二公皆福王時贈諡其敘二公一有諡一無諡亦疎漏點將錄天成星雙鞭手浙江道御史袁化中天立星雙鎗將太僕寺少卿周朝瑞據此袁公亦非河南道御史至漁洋所云其先為東林黨魁者司馬公象乾布政公象晉考功公象春巡撫公象恆雖忤忠賢不盡赫赫列名有事可紀獨同知象復魏黨夜呼城門不為開不拜璫祠鐵骨錚錚

卷一

李

以官微不得廁名諸錄後大兵破新城殉難碧血錄以袁為濟南府武定州人今武定已為府以周為東昌府南城人今臨清已為直隸州袁周二公被逮在天啓五年三月至六年逮繆公昌期等緹騎為人所擊又所謂六君子也繆公為諸生時來青州為馮文敏公館師初青州太守胡士釐字葵南宰江陰繆公應童子試胡奇賞之拔第一入學及官山東以其文示馮文敏公文敏曰此翰苑才也可招來青社為吾課子弟繆公在塾甫兩月文敏以少宰入部胡亦以黨罷職至是繆公乃為東林黨魁在難中追感知己自述甚詳袁坐贓六千周坐贓一萬納完仍斃之獄

青州官多名賢不獨宋時為然明王公世貞備兵青州
修府志歷下滄溟先生為作序竝發凡起例 本朝周
櫟園莅青折獄如神尤著者崇禎時汪公喬年字歲星
由刑部出守青州升東萊道不攜家累後遷擢去有舉
子計偕過山左驟夫詢及某邑曰君里有汪公其子邁
疾吾青人登泰山為之祈禱者以千計今無恙乎曰死
矣驟夫泣下青州黃綬曰吾少未習公至今鄉人稱汪
夫子有汪不解擔之謠言聽斷明決不至信宿弛擔也
後為總督援河南師次襄城諸軍皆潰賊數十萬至城
破手刃三賊被執不屈死

卷一

奎

萊陽城破姜給事家殉難者二十餘人其僕媪亦有可
取姜安節方十一歲其僕護之幾被刃俄負主翁出安
節被擄以能奕不忍殺自言幼喪母非乳母不能存活
許出覓號于市乳媪應聲出相持哭揮令同去又為卒
索金媪為人拆珠冠未竟藏其半剔珠以獻獲免又遇
兵欲攜以行媪泣曰兒非老婦必死兒死婦亦死不如
先死馬蹄下淚如湧泉兵為泣下釋之復遇兵欲執之
媪抱安節投水中天冷衣盡溼得免方在敵營時媪每
向士卒乞棗栗啖兒輒受鞭箠同被掠者皆笑之卒免
以歸既死安節為之銘

事必有為之先者後人踵而行之久之後來者稱盛秦
築長城齊先有長城西起于濟自泰山東至瑯琊入海
城廢而基址猶存當日以備楚者檀道濟唱籌量沙古
今豔稱濟南長山之米山傳云齊桓公覆土其上為虛
糧以欺諸侯是前已有計出于此者特道濟之急智為
更奇耳山東量沙處有二一在礮礪山有土三堆謂之
虛糧塚一在歷城按史稱檀道濟由礮礪轉戰至歷城
糧盡礮礪城在今長清礮礪山在今東阿城為南北交
爭之地屢用兵其戰必由城而不自山可知礮礪山之
土堆乃附會也此當據史以証地志之訛道濟金鄉人

卷一

奎

於山東地利固所熟悉
補正平衡皆以為平原人一書獨稱為般人吾邑張歷
友弔彌衡詩序以為吾淄人學者疑之不知先生博覽
載籍固有所本非濫引前賢以為重也書云爾衡般人
少有才辨而氣尚剛傲般或作盤劉宋時王逸據盤陽
又房靈寶成磐陽漢為般陽三字通用 鷓鴣洲江水蕩
沒古迹湮矣
汶上縣治堂前有准字池以石為之外方內圓刻四鯉
魚注以水上不在水面下不在水底以示為政貴得中
也自漢唐以來相傳為孔子所遺但史書未載不知其
確否

國初吾邑哲人蔚起著作如林四庫書總目評高念東
珩大略謂詩學皮陸評張厯友篤慶有云下筆洋洋酒
酒評珩子之騷云詩學西崑香奩之體姿致有餘又引
昔人評秦少游詩如時女步春終傷婉弱評孫給諫蕙
詩云極清麗無塵俗氣而篇幅微狹評張榆村元云元
爲崑崙山人從子詩本王士禎之論以神韻爲宗晚乃
漸歸樸老當時搜採遺集直隸總督山東巡撫各進念
東司詩集餘或後裔賚送家四山公詩榆村先生爲作
序不復記盛秦川百二序謂雅淡如海豐楊太守魏惜
未付梓銀臺公詩刻三次各自爲集念東先生謂出入

卷一

五

滄溟渭南唐豹岩先生謂近體刻厲沈鬱七古跌宕自
豪崑崙山人謂匠心獨造包攝眾有公持論以自然爲
宗以養性爲本不事鉤棘不襲陳言惜無人呈進不列
四庫之目蓋有幸有不幸焉唐豹岩先生詩雄深雅健
亦未盛行

芙蓉道楷禪師本淄川農家子日不知書爲僧力求參
悟後乃橫木井口危坐其上蓋處危地以絕他念專一
如是遂悟上乘口作偈手書之名大著或薦于朝累詔
不赴甘受刑辱編管沂州邑志載其傳甚詳惜吾儒精
勤未有如釋氏者

五代末曲阜孔家奴多賜姓孔黠者知歷代崇聖裔乃
乘亂聚黨殺主幾盡謀奪宗時孔林後村人有張姓者
嫁女聖裔有幼子張姓匿之得免既而鳴冤於朝乃誅
惡黨立孔子後承祀子孫至今不忘所自姻親皆公卿
將相子弟張姓一村農必居首座夫聖人德配天地奸
人乃思篡奪神人所共怒覆載所不容安能倖逃哉然
亦危矣張氏之功嬰杵不足言也家奴名孔末
匿者名仁玉

吾淄柳泉先生作青州金和尚傳閱之令人失笑嘗疑
和尚卽富何至聲勢赫奕如是士人云明有蜀僧明愷
其音如是不知居諸城某山萬曆皇后有目疾召僧療
是此愷字否

卷一

五

之愈勅建護國光明寺有田二千畝偶有頑蠢之童來
安置崇禎時也旣而我朝定鼎巡撫山東係旗人物
色得童云是其叔招之歸娶不肯乃環寺置田二百頃
一時布施雲集興造殿宇規模宏壯後買一子讀書登
科榜名金奇玉號卓菴詩文俱工稱名士云

漁洋先生作劉孔和傳云曹州劉澤清以東平伯開藩
淮上公子以兵屬之澤清武人不知書旣貴好爲詩一
日高會酒酣出詩示客次至孔和孔和擲不視大言曰
國家舉淮東千里付足下今敵騎旦夕飲江淮不聞北
向發一矢而沾沾言詩卽王何益况不必工耶拂衣徑

出澤清大志遺壯士二十人追及舟拉殺之聞其言千載下猶有生氣明季稗史彙編云澤清素為公子狎客至是乃抑之使下作詩問孔和曰好否孔和曰不作更好語簡而冷各有其妙又云澤清命孔和以兵二千出又檄回殺之與漁洋所記不同公子嘗作詩云并無殺者黃江夏豈有食之嚴鄭公殆詩識云澤清好殺當前屠割血肉淋漓坐客驚懼失措澤清談笑自若狼戾殆與董卓相似後降 本朝伏誅 按澤清本生員

卷一

李

畫出釣魚山後果撫蜀詩亦為之兆焉

仲夫子後有名永檀者居濟寧少粗蕙家貧習鄙事族眾惡之節序祀祖廟永檀與焉眾斥逐不令人班行祭畢請曰吾亦先人後縱不得與祭獨拜其許我乎眾曰可乃市瓣香爇于爐叩拜時眾見香烟濃郁結成子路來享四字大驚送入鄉塾來往必過土地祠神見夢村人曰仲大人經過吾起坐不勝煩一日過廟前土偶起立為人所見遂不復坐至今像猶挺立後官都憲抗直敢言一疏參至三四十人有祖風焉仲子來享非徒以後日之貴也

卷一

李

詩以紀事故稱詩史然必其人足重而後所言可憑如韓元少先生禹城行一篇可作循吏傳 聖皇御極久民牧簡循良濟南之禹城令賢聞四方借問賢令誰許君系高陽其貌和而柔其人清且明南方風氣弱矯哉君子強見義乃必為大勇不可當愛護我人民冬日與秋霜採風倘有聽請聽禹城行言言皆實錄一一民所詳始令下車時威稜整紀綱邑有豪黠奴高李最彊梁高士偉李重榮乘馬入富家無端索金償不者輒繫去拷掠徧癩瘡書契獻田宅攫取如盜囊令聞而大怒抵几髯戟張歲除霹靂鐵掩捕無走藏高既斃杖下李亦尸路旁歡呼咸往觀桓東少年場主人謝受教嘆惜更稱揚其餘大猾徒根斷無芽萌往往彌尾青 大柳名不見北史 虛設南牆嘉穀待膏雨必除莠與稂一時民歡謠菩薩是金剛 民間有菩薩變金剛之語 嗚呼民命重吏窟穴其中日月淹繫久兩辭俱敗傷令到不勾攝立往決其平生者得有 家死者得埋葬往還祇半天胥役無奔忙 民間有隨到隨審只半天 之其或連婦女一筆與勾將何來六曲屏閨人感稱觴為妾護嬌羞除是參與孃 詞中牽連婦女者盡勾去不問涉命案亦在家候審壽日 里民製錦障另一屏是婦女名 戶口稽以實成丁必一誅之乃皆詞訟牽連免到官者 牀蠲除皆凍梨更豁小而黃寧甘耗減臯毋乃增羨坊

禹城人丁前次增報二壟田亦如之勸耕杏與萑辛苦

千有奇悉與核實減除

粒粒珠要使鷄犬寧推科即撫字亭午退堂皇農民輸

賦歸墟落猶日光比較日中而畢民無暮夜守候之苦里正與衙前不須

雇錢充小邑日奔命徭役無勞攘所過一切辦而不破

積倉前年翠華來萬馬天騰驤百姓但縱觀不知有

棧澤往者苦通逃鄰里罹禍殃至今斷株連荒閱無一

亡往者苦盜賊衰足買與商至今夜行卧付與使君裝

水旱之不時祝寧丁我躬蟲乃不為災境亦不入蝗猶

惡疫癘作給藥味自嘗視事或牽衣苦問飲何湯亟命

與善藥多起羸與疍比較日常有牽衣求藥者暇時與肉鼓吹中乃有此佳話

學校所拔必才英春秋行鄉飲禮讓何煌煌山東大秀

才突而恂且莊往時威夏楚今可鼓笙簧山東諸生挾制官府者名

大秀才嘗申請禮其尤者俗一變治化一以孚小大咸悅康當令懸弧

日爭願殺羔羊勞苦諸父老義不受籠籠樹木如樹人

厚意當無忘一時獻壽柳春色滿林塘所植柳人稱壽柳植之

樂采亭亭新建洋池南以課士勝似永豐坊大道萬千株喝者蔭

清涼風流真可愛人以此甘棠年未及懸車邱壑思猶

祥上官留至再谷園詩琳琅上官及同僚各贈詩有谷園唱和集父老聞

令去啞啼如兒嬰少年聞令去牽裾如父兄婦姑聞令

去掩泣不施淚自悲命何苦仍恐到公堂去矣可奈何

空村出遮行爭跪前致辭明府徹底清在縣惟飲水民

今進酒漿滴滴皆恩波以祝身無疆在縣常布褐民今

製衣裳絲絲結去思尺寸民自量一路臨江南花枝曳

紅長潔河小西湖豐碑傍石梁西門外三里為潔河稱小西湖石橋久廢修復

以利涉去後民建去思碑於此石澗不得語但攀新垂楊潔河旁亦歲多新栽柳

時走祠下一國翻若狂時昔從南人起居問無恙誰言

懷甄俗鴉音食我桑誰言作吏難百里直批糠彈琴火

絕絃製錦爛成章歌以貢民情枳棘此鸞凰他日並千

秋安陽與桐鄉按禹城令為許香谷三年而縣大治禹

城縣志僅三冊無多佳傳異日續修當采入此詩

蒙陰三羊里漢廬江太守續晉太傅成侯祐丹陽尹曼

故里也過客多留題韓慕廬云我來宿羊流云是三羊

里小橋平道側黃沙覆淺水斷碣剝蝕餘粗述事蹟始

在漢茂廬江平吳思叔子丹陽八伯間嗜酒有深旨父

老更謂子荒邱遙纍纍峴山聞墮淚其先乃葬此蕭蕭

風白楊猶若喬與梓不勝弔古情欲酌無蘋芷

熊漢陽時藝名天下詩亦雅音送施愚山督學山東云

聲華開道路海岱入登臨又男兒誇魯國季子辨齊聲

答宋荔裳餉魚云艱難底事營逃網慚愧良朋問著書

又傾筐忽見揚耆色行部豪于彈鋏魚

昔稱酒之美者曰青州從事酒不必出于青也而青州實有美酒曰紫露園初與德州墨露共傳尤展成在施愚山學使署飲此酒作歌以贈將山左名勝俱括其中洵奇作也詩云驅馬三周華不注青峰獨插青天任杖策一尋躡突泉銀河倒噴聲濺濺齊魯山川首歷下其秀鬱為古作者千載復來宛陵公手挽東流鼓風雅獨樹軒前春鳥鳴張燈揖客紫露青州酒名傾酒氣拂拂十指出聽君口吻煙霞生君云蓬萊見海市恍兮忽兮萬象起貝闕珠宮乍眩眸霓旌翠蓋纒彈指繼云東上岱宗壇雞鳴日觀扶桑寒五大夫者猶笏立磨崖之碑參天

卷一 主

看又云孔林曾再拜數仞宮牆大無外四壁管絃音未希一堂劔履谷如在登山觀海遊聖門我聞舌橋難為言怪君雙眼高百尺西江吸盡雲夢吞元氣磅礴走鴻筆天地大文風雨出短歌長吟來鬼神一時海嶽開顏色飲君十斛為君賦予亦從茲汗漫去西攀太華北滄溟長攜謝眺驚人句

阮亭先生幼子三歲能誦唐詩百首阮亭贈兒詩有杜陵宗武之句尤梅菴見之驚為夙慧席上口占虎兒詩贈之云王郎三歲識之無跳躍天然千里駒日誦唐詩一百首使君惟有捋髭鬚

山東惟孔顏曾孟列儒籍其散居各州縣未入譜者不列也餘為民籍若商籍籍籍考試者亦鮮明時其制有異考先人同年齒錄新城王氏為軍籍各省或因籍軍籍名目甚多不全記最可怪者有富籍巧籍余家亦屬軍籍相傳有居金陵如梅福之為門卒者家乘不載無可考後縣中糧冊列儒官籍與新城王氏今俱為民籍矣錄之以見各朝法制後人勿忘本原國初籍有富籍家亦山公少穎悟工詩賦古文與畢司農兄弟戚誼而以文章莫逆司農昆仲八人號皆從陽有華陽震陽青陽旭陽祝陽冲陽司農則白陽也新貴宴賀客優演蘇

卷一 主

子卿牧羊故事公在座指示眾賓曰是何羊之多耶有白羊焉青羊焉白羊其先眾出羣者乎蠕蠕而動雍雍而來者非旭陽耶突羣而至者是冲陽耶何坐塵蔽目震其後者又有羊耶戚友皆為關堂送白陽理刑松江有詩亦佳崇禎時白陽公操國計以度支日匱不得不尚綜核值大旱御史某奏疏云烹宏羊天乃雨公笑謂同列曰渠意欲烹白陽耳一時雅謔今猶傳誦

阮亭之先瑯琊公貧而鰥風吹初氏女至遂以為婦門外有槐夢人推紗帽一車懸樹上纍纍餘二帽為耿畢二姓攫去後耿生巡撫畢生尙書今槐在祠外石欄護之

阮亭先生天女散花小照天女空中露半身像則頭裹幅巾跌坐國初諸老題詩滿焉尤悔菴題如夢令云晏坐袈裟垂地玉蕊從空飛墜摩詰轉王維天女自然游戲如是如是應證雨花三昧阮亭後裔持以求售不得孟柳谷云若阮芸臺翁覃溪見之當購以重金

國初邑令某清丈田畝鄉派一人司事謂之督丈里中無賴賄胥吏得與其選大肆威勢高下其手蒲柳泉先生年方稚編督丈詞皆市井俚語形容鄙態令人絕倒然即此足見當日情事作韻語陽秋觀可也先生子若孫皆有聲場屋今式微矣平生所御琴爲邑令王燕南

卷一

七

買去壽山石圖章一匣色理俱佳篆法古雅亦售于他人或傳柳泉一子能記前生聊齋不載未可信余見其族某幼時至某家能知其內曲折蓋生七八歲即夭後轉生也督丈詞皆以七字爲句縣志有云舊步弓長若干今驟減若干爲害匪淺未知即此時否吾淄韓氏自明以來科第蟬聯亞于新城王氏近有名厥田者號禹甸太翁中副榜督之嚴雖負擔吟誦不輟鈔時藝日得三十紙同人驚其神速手錄史冊盈篋笥工於文學使持示諸生云欲取科第當以此爲法晚登進士選湖南利川縣決獄老吏莫及歲旱聞崖洞有水往禱泉忽湧溢資以灌溉人以爲誠敬所感

阮亭薦湯潛菴潛菴爲當時柄臣所惡翁鐵菴受指劾湯爲僞學姜西溟移書責之一日其書徧都下卒諡文正入文廟者湯也鐵菴賢者此舉豈止輸阮亭一籌泰安趙仁圃入閣僉人謂係方靈皋引薦思攻去靈皋卒之爲 本朝名儒者方也昔士有以舉主重舉主有時之士重阮亭尙書引正人仁圃相國爲正人所引二公之品不從可知乎阮亭不與要人爲緣仁圃相國去位以細事爲朋輩所賣人皆知二公文章經濟而生平純白無疵固正人所倚賴云

卷一

七

武定李公鄴園先生門下士也耿藩之亂鄴園守仙霞嶺當是時賊勢方盛眾寡不敵李公邀先生之子名廉字稚廉者入幕府共事稚廉承家學參以戢山之說兼經濟才天文象數兵法地理無不究心投鄴園以祕傳火攻法按壬遁支干行之所向有功鄴園欲薦之中宵遁去奇人哉先是聊城傅相國欲薦爲中書不就從古立大功必用奇才人知鄴園功勳崇隆不知其能用人也今李氏式微火攻祕法不知尙有傳者否按錢公浙江寧波府鄞縣人從兄忠介公舉兵興明被籍稚廉遂從外家姓高後乃復姓

白雲湖一名郎中泊章邱張元明光啓隱其間闢一圃
曰省園以種樹藝花自樂有張仲子百餘首漁洋題其
集後云君家郎中泊何似郎官湖雲氣流銀浦人家在
玉壺林園交水石烟火出菰蘆他日遺民錄千秋道不
孤

漁洋古夫子亭雜錄左傳陳桓子召公子周與之夫子
卽此漁洋先生晚年建別墅名古夫子亭其地在長白
山魚子溝水出其東名抑泉口陳仲子夫婦隱居灌圃
漁洋古夫子亭第一圖爲禹鴻臚之筆今在日照蕭碧
畦太史家寄菴題古夫子亭雜錄云名士紛紛列如麻

卷一

五

尚書聲望自高華少年人已推才子忘口心猶服大家
築室聊將娛老境遺圖曾與伴歸車殘編載向關山月
幾度焚香月影斜

臨清水旱十二門運河一道舟楫往來百貨駢集威武
門外有古堤傳自秦皇築以障水又爲馳道往東海求
仙隄歷千餘年風雨侵蝕耕牧蹂躪終不能損當日監
工之巧民力之侈俱可想見

秦橋在大海中從日主祠望之怪石嵯峨忽斷忽聯相
去丈許如人力爲之紛列者蒼茫莫極不知所屆日主
祠在海東岸盡處王秋史秦橋行有云秦東門刻相斯

篆磨崖漫滅成山椒似李斯篆在成山衛諸城城臧中州
云秦修長城入海砌石甚長幾二百里有李斯篆

查初白慎行詩盡態極妍出都門經吾東緣路有詩可

作行程記讀黃沙碧草兩無情題鳩愁聞第一聲辜負

遺山詩句好元裕之詩杏花尊酒託聊城杏花開後過聊城東昌春

勝雨潤少飛沙別取林腰一道斜紅袖倚門桃傍井又

緣迷路得看花抵晏城風柔自覺輕衫便山近微嫌溼翠

多日暮大清橋畔望一叢春樹擁齊河大清橋古驛東來

一路灣萬枝翠柏護蒼顏不知斤斧迷何幸大似吾鄉

近海山嶺平山堂畔忽經年又是荒城上巳天慚愧漿

卷一

五

家供野味樹頭小串摘榆錢泰安道中峴首沈碑事渺茫空

傳有淚墮襄陽居人自重羊公里未必英雄戀故鄉羊

店荒溪曲折凡三渡草屋欹斜只半間不負一餐留客

座豆花棚下看蒙山蒙陰桑邊棗下嶽崎路亂石堆堆數

驛亭野草不知春意好燒痕三月未全青發蒙陰至青駝寺

沙沒髀水平腰舟子招人上小舸指似翠華南頓路舊

年此處有浮橋渡沂水枝枝能白復能紅光景年時約略

同行過曹村貪小住雙禽對語百花中自剡城看桃李至紅花埠

益都李詞晚言秋谷先生南遊寓一園有鬼與談論漁

洋山人之詩引喻甚多大抵言其工雅如纂組錦繡巧

出仙機而無裘葛禦寒暑如舞衣歌扇十二金釵而無
主婦司中饋如梁園金谷雅客滿堂而無良友進規諫
秋谷極爲擊節又謂明季詩庸音雜奏故漁洋救之以
清新近人詩浮響日增故先生救之以刻露勢本相因
理無偏勝竊意二家宗派當調停相濟合則雙美離則
兩傷按評兩先生之詩甚允但避議鄉邦先賢之名托
之木魅云爾

明季吾淄修城張聖鶴相國獨當一面國初定鼎山賊
謝遷據之官兵圍城列砲轟擊西街王氏樓中忽一人
頭自窗飛入蓋砲擊城上人也血流井中空不可飲張

卷一

老

氏被害最酷一門三烈有詩傳世收復後城中子女多
爲兵擄張氏破殘之餘在外未被難者出黃金三千兩
贖族中被擄之人其後孫支分析每家授田萬畝嘗見
吾族分產之券載管業者爲首皆從九縣丞當時紳士
豪侈如是今吾淄及鄰邑富室田無至五十頃者人戶
日稠田土日窄金錢亦日乏舉一隅而其他概可知矣
然亦即見國家休養生齒日繁之盛

明季復社聲氣徧天下每會至二三千人幾罹清流之
禍國初猶染餘習吾淄韓氏爲主盟新城則之王倡首
西樵禮吉主曉社漁洋舉秋柳社此外又有因社秋柳

社中著名者如東武邱海石清源柳公隆任城楊聖宜
原立社之初詩酒文譙特講學之變調後乃學步效顰
陋習相踵甚至學使納賄生員之外復取社生無定額
不達部鄉間詡詡濫膺冠帶會言路條陳禁止其風乃
息否則覆輒相尋未有已也

濟南固多名士流寓亦盛如唐之李杜宋之蘇黃晁曾
無不游覽流連國初顧亭林張祖望閔古古朱竹垞皆
以事久住學使則前明薛文清王文成一代大儒我
朝則施愚山黃崑圃一世文宗以此提倡人物風雅安
得不盛青州爲宋宰相徧翔之地十三名臣列在祀典

卷一

美

宦績不可殫述淄在濟東百餘里青西百里山川綿沓
風流如昨考古者所爲憑弔唏噓也

康熙間余族有皞迪者卽柳泉志異所載宿城內王氏
家經謝遷之變眾鬼呼名訴冤王學院叱之不退者公
工詩有詩集一册未刻幼失恃育于外祖畢大司農家
與舅氏通州牧載績先生共讀先生有贈四甥皞迪詩
委曲詳盡並其神情意態傳出可作家傳讀故備錄焉
當我未生時爾母已先無爾遂與爾兄同來我家居我
母視爾哺我父課爾書癸亥我初生爾已八歲餘逮我
事章句爾已稱名儒臨池走懷素文章擬大蘇詩宗李

長吉數精邵堯夫旁及諸家者岐黃與堪輿投石復超距不肯蹈拘迂酒酣時擊劍棋倦更投壺比時我長兄與爾年不殊朝夕相砥礪共期步天衢余也亦同社每向諸誼戚誼甥舅篤切磋友朋如我父晉司農相攜常同車兵燹屢往返無不與爾俱戊寅遭家難從此迹少疎爾兄伴我讀爾與我兄胥五日會文字始獲一聚醕壬午我兄逝爾遂返故廬或月一至焉相見少歡娛甲申同患難三月共山嶼家食既難遂余乃風塵趨自茲益闊略談心憑雙魚終歲或再遇總不如當初丙申余竊祿高粱六載逾親朋接踵至屢屢煩招呼堅臥長

卷一

七

白山爾志甘犁鋤辛丑一暫歸聚晤只須與相悲都老大對坐但歛歔遙指五狼來行行步次且昨歲知多病幾乎成長徂陡然聞命駕疑信且躊躇開門忽覩面如殍五斗珠不能斂寒暄吁目各如愚草草具杯盤慷慨酒沾濡爾爲發狂歌我聽將髭鬚白日苦多事長夜話舒徐回首四十年萬事皆土苴年來好屢遷舊業成荒蕪新構五畝園一水環高閣抱膝吟此中不屑計盈虛萊妻作賓客喬梓爲師徒只此堪自慰無庸歎居諸周旋方兩月忽忽念歸途尙有凌霄志岐路泣楊朱留連旣不得西送出郭郭阿堵爾羞道聊以表區區努力各

進修金石永不渝煩言訊爾兄別來可念予陳其年評其詩似遷固傳有以也

王義士者不知何縣人亦未傳名字但知爲山東人耳身長八尺貌甚寢訥於言而忠誠出於天性多力善擊刺精火攻胆畧過人崇禎末盜賊蜂起招之不肯往曰吾將爲朝廷殺賊肯作賊耶與諸天佑結爲兄弟天佑驍捷善戰起義旅討賊賊以二千擊之兩人僅率四十人分兩翼逆戰斬一裨將賊退數里復合四十二人談笑殺賊數百慶戰三日夜賊益衆力竭天佑彼圍數重義士大呼躍馬馳入左手運矛右手解甲與天佑潰圍

卷一

八

翼天佑出天佑馬蹶被執義士痛哭曰兄死我不獨生終必報仇乃撫其妻子傾囊結四方奇士圖再舉而明亡矣義士生平好酒臨敵以牛胞貯酒載馬上戰酣下馬坐與力士角飲賊不敢近其四十人皆得脫諸天佑東昌人少任俠喜交遊儻有大志入關中以勇烈著督師孫傳廷戰歿西安陷天佑率壯士十八人入河州募兵千餘欲襲西安賊遣萬人攻之天佑奮出戰稍却天佑從城上躍身下植立叱咤射賊首應絃倒賊奔揮刀逐之賊大敗依山結營不敢出天佑以三十騎伏山上單騎趨賊營大呼曰我大膽諸將軍來取賊

首賊爭出追逐三十騎望見賊亂自山馳下大呼曰大軍至矣賊驚潰天佑手斬數人由是聲名大震賊又以精兵十萬來攻天佑出走京師陷天佑拔刀斫石痛哭曰不殺賊爲皇帝報仇我目不瞑乃以四十二人起兵鳳翔遇賊數千突前搏戰初天佑在河州望見賊中軍大纛挺戈突入賊將辟易橫刺擁纛將下馬奪其纛馳還至是其將適在軍指曰此諸天佑也賊大驚請益兵圍之有鐵虎頭者善使雙鋼左三稜重十六斤右四稜重二十斤出入重圍所向披靡天佑得脫次日復戰力疲突圍馬蹶陣亡鐵虎頭被獲大罵不屈死關中豪傑聞之皆爲流涕

卷一

十一

俗稱神筆劉耳枝掖縣人名重慶耳枝其號也貴爲公輔以書法名當世學宮新修公于大成殿壁後朱書聖經一章字大如升雄偉莊肅見者驚顧後來修葺不敢更易但下截歲久漫漶矣府城隍扁字徑圍四尺餘赫然猶存

武進士無殿試崇禎四年會試王來聘能運百斤大刀不與選帝怒命倪元璐覆閱取百人分三甲以來聘爲狀元即授副將王阮亭先生以爲是科由方逢年之奏始行殿試登州孔有德之難來聘在軍感殊恩奮力攻

城受傷死探花賀秉鉞爲參將扶父柩至臨清遇我大清兵戰死昔人詩云世間多少偷生者黃甲由來出俊髦二人盡節吾東可謂不負科名

明季流寇之難吾東幸免甲申三月後賊將董學禮南下又賊將劉姓隨後至明濟寧道王世英迎降二東爲畿輔咽喉是時舊太傅謝陞奉明藩裔監國殺僞官十人直隸之任邱交河鹽山慶雲南皮等縣僞令盡爲所殺召募本處義勇數萬繕城拒守聲勢大振故相國劉鴻訓之子孔和殺長山僞縣令起兵史可法路振飛勤王北上振飛與董學禮兵遇三戰皆捷學禮告急賊

卷一

十一

黨而大兵已從山海關入與吳三桂連破賊兵自成棄京師西遁賊兵踞濟寧者方肆淫掠紳衿潘侍郎同總兵張文昌都司李允和統九營兵用大炮破城擒僞防禦使張問行僞守旅傅文僞州牧任某并從賊道臣王世英收監設龍亭香案更孝舉哀縛五叛臣以告懷宗之靈斬張傳二人首懸南北二門東昌雖有賊守而兗州之僞府尹高僞刑廳董魚臺知縣尹宗衡皆被獲竝斬梟僞防禦使劉濟汶上令李某大勢似可有爲史可法欲長驅直進有勸以社稷無主宜先擇君以定南都時馬阮已擁立福王欲爲小朝廷以圖富貴高家兵北

來沿途殺掠無心勤王已而孔和爲劉澤清所害謝太傅納款路振飛去淮揚巡撫任方議畫河而守已無及矣天與人歸我 國家萬年基業蓋肇於此

乙邦才字奇山青州人在軍中爲隊長黃得功乘勝棄大軍單騎逐賊陷淖中賊圍之數重射殺所乘馬得功亦仰面射賊相持日已暮箠中僅餘二矢自分必不免邦才登高望見識其冑曰此黃將軍也大呼馳下賊眾潰散以已馬投得功且分矢與之步從且走且射追及大軍名由是顯升副將屢立戰功史可法開府揚州以總兵隸麾下與大兵戰敗死之邦才白哲拗鼻蜂腰目

卷一

全

不知書善投壺不飲酒而好美婦人嘗與所善劉公賊席地置酒自彈琵琶命侍姬歌秦聲已置琵琶於膝慷慨言曰邦才起卒伍至大將幸無事爲聲色之娛一旦國家有變惟以死圖報卒踐其言

任公民育字厚生濟寧州人居泗水上與家湖湖公同舉天啓甲子鄉試倣儻好奇計大兵下山東至濟寧與官守城甚力卒不克而去當路知公有將帥才皆欲招致其軍史公可法尤重之後守潁州流寇大至鳳督馬士英逃公輿櫬於庭誓眾死守史閣部督師揚州舉公知府事高傑被害其兵來歸勸史納之外可拒敵內可

制四鎮不聽閣部晝夜理軍事不遑寐除夜犒賞軍士畢舉酒自酌沉醉坐睡天曉文武員弁集轅門史公未起公探知其故曰督師此睡不易得也命司更鼓者勿息史醒大怒問誰亂吾軍法者公以情告史素重公得解及大兵破城公更衣坐堂皇諭之降不屈飲刃死二女皆自縊先一夜大星墜署中梃馬皆驚公自分必死無悔意與閣部並垂千秋不負魯國男子

王公與印字百斯漁洋之世父也崇禎戊辰進士官侍御奉命視學南畿未行劾總兵官鄧如圯縱兵殃民甚於賊忤政府罷歸治東園疊石爲小山穿渠引水有若

卷一

全

天然構流雲仙衣諸亭綠山上下皈心白業几上列竺乾珠藏之文面壁輒終日甲申聞變涕泣不食投水服冰片屢求死不得伺家人防護少息與妻于氏子士和同縊死陳伯璣允衡刻詩樹僅四家孫公傳庭袁公繼咸黃公伯端與公之隴首集也皆明季殉節者公殯日士大夫重其義冠蓋雲集賊所置僞縣令賈三俊亦肩輿會葬眾逐之輒石雨集鼠竄去士和廩生作絕命詞其末云嗟世道之溷濁兮何四維之不張彼反面而事仇兮方臣妾之未遑欲容身其無所兮願從吾親於帝鄉

史體簡嚴如攻某城某官極力防守城破不屈死或略舉大端至鬚眉欲動千載下凜凜如生則詞不厭繁崇禎十一年我大兵之破居庸入山東也巡按宋公出巡至章邱聞變馳歸守城初公劾楊嗣昌爲所忌及奉使來東以書別家人曰奸黨盈朝海岱多故惟盡瘁報國功名置度外矣至是條上方略七上而七不應大兵數萬圍城城中僅土兵五百調來兵七百巡撫顏繼祖鎮德州太監高起潛駐臨清皆擁兵不發一矢兵無餉公赴德王府疾呼三日始出帑犒軍又以佛郎機擊大兵稍却相持六十日鬚髮盡白守城者而皆生瘡明年正月

卷一

金

月二日公與巡道周公之訓夜灑酒城頭握手唏噓泣下誓共死天曉眾譁大兵自西北雲梯上矣公躍馬而西手格殺數人刃中面被執不屈懸城樓竿上殺之火焚樓屍燼周公亦死參政鄧公謙孝感人也生平慕于忠肅之爲人曰大丈夫當戮力王事卽輿櫬而歸猶愈死兒女子手及被圍泣血登陣手架大炮執勁弓射殺多人城陷被磔公母黃氏聞難歎曰兒得死所吾復何憾不食死子方稚被擒去逾年逃歸甫十歲輿櫬旋里事聞贈鄧中憲大夫諡忠毅忌宋公者誣其未死贈卹皆缺其子德宜伏闕上書謂臣父銜命巡方無兵柄懷

慨死節未有親屬收視致形銷骨化無櫬可還部議再三詳覈未邀君恩臣若隱忍何以爲人卒格不行德宜仕本朝入閣贈公文華殿大學士兼吏部尙書嗚呼此天之所以報忠烈歟宋公名學朱字用晦長洲人繼祖居諫垣多所建白撫東時標下卒三千因畿輔告警奉楊嗣昌令五旬三更調使奔走不遑而濟南空虛以至失事卒棄西市漁洋先生記此事未詳錄之以補吾東志乘之缺

同時死難者歷城知縣韓公公山西人忘其名歷下立雙忠祠祀朱與韓獨不祀周鄧二公是一缺典沈歸愚德潛

卷一

兵

咏之中有云御史率縣令奮義抗強敵殺馬食民民不忍食裹瘡吮血列防衛援絕兵殘勢危急末云嗚呼千秋饗祀歷城下以媿爲人臣而懷二心者殺殺馬一事殆如張睢陽云

宋荔裳先生晚與從兄兵部侍郎玟祥符知縣琮俱有文名原籍萊陽父應亨吏部稽勳司携家族徙臨清崇禎十五年大兵入山東吏部與玟皆罷官家居吏部捐千金建襄城于北面與知縣陳顯濟邑人趙士驥及玟等率眾拒守火礮石矢並發夜劫營斫數十級相蹂死者甚多圍解明年二月大兵復至由城東北隅梯而上

公率家僮巷戰殺傷頗多項中刃被執與玟縛左右柱
嚼齒噴血潰湧叫呼不絕口俱被殺陳濟顯趙士毅皆
死玟字九青註吳梅村詩者誤作攻或刻本之訛按明
史不載九青死難事九青逸事載之云宗人殲焉則吏
部公亦括其中

是時臨清張宗衡以兵部侍郎家居城破亦死宗衡撫
大同時與總督王公象乾同里不相能王公於插漢主
撫宗衡主剿上言撫賞需銀百萬撫敵何如撫士資寇
何如滅寇終不見用至是殉難

萊陽姜堯禮科給事中採行人塚之父也大兵破萊陽

卷十一

率親丁巷戰刃中於臂被執去有欲以金贖者大言曰
吾兒以清官聞天下吾為國死何贖為遂被殺季子坡
趨至抱父屍大哭亦被執去夜舉火焚營大帥覺鬻之
採妻王氏塚妻孫氏少子妻左氏及一女俱死塚建言
被廷杖塵土滿口杖屢折暈絕塚含溺灌之去敗肉斗
許得不死是時方在獄塚請代塚囚令奔父喪還再繫
獄不聽

荔裳與姜如須結兒女姻家國滄桑兩家迭遭變故荔
裳答如須詩云當時天步日艱難戎馬交馳疆圍蹙盜
賊縱橫賈誼哀國是紛紛蔡邕逐鉤黨方嚴誰見收多

君置橐供餽粥一朝變起塵沙飛老親白首同日歸骨
肉摧殘那忍道餘生孤子將疇依渡江浮海無消息飄
泊不辭寒與飢余歸已類遼城鶴十人九人存者稀行
經舊巷不復識高堂傾圮無門扉旅穀生庭故井場鴟
鵂晝嘯狐狸肥有客傳書知汝在但言北望常沾衣攜
家流落栖江左出處憐余無一可舊業雖餘數頃田犁
鋤欲把誰能那况復陳畱風俗衰青兕元熊啼向我應
詔公車解褐衣勉尋升斗羞卑瑣兔絲未附女蘿枝明
珠已碎珊瑚顆三十餘年盡苦辛回頭萬事傷心夥又
云尺書忽墜來雙鯉上言別後長相思長跪開緘淚盈

卷十一

紙扁舟欲來蛟怒號采采芙蓉隔江水君不見周周之
禽最微細羽翼相銜不相棄又不見交讓之木柯葉同
南枝葳蕤北枝瘁少年意氣輕雲霄中道飄零共憔悴
吳市門卒避人知灞上將軍逢尉醉富貴升沈何足論
要當努力千秋事歌罷空堂驟雨來燈火青熒愁不寐
寫兩家情事俱盡

昔文文山致命柴市狂風晝晦連日陰慘元世祖加封
為位祀之風捲神牌入空雷殷殷作怒聲更書宋丞相
信國公銜以祭天乃開壽福王時萊陽左蘿石懋第盡
節之日風沙四起捲市棚於雲際屋瓦皆飛城內為之

罷市蓋忠烈感激天地鬼神咸爲震動理固然也諸生曹某素未識公力爲營斂扶輿以歸亦義士也惜未傳其名或議公國使麻衣非禮我朝已定鼎燕都乃國書必爭龍亭循故事爲不達時務所論誠然忠壯之氣但知有國不知有身彼錢謙益王鐸等于福王出奔後遠迎王師天大雨跪伏泥淖中士馬騰踏馳過麾之起不敢起直待大帥豫親王至命之起三呼萬歲然後立身可謂恭順豈堪與公作奴隸乎公臨行與姜給事採書云國遭大故二東不聞有斷頭穴胸以報故君者彼鄒魯仁義之稱安在懋第此行是懋第死日也蓋早

卷一

九

拚一死而來讀其語于載下猶有生氣

萊陽沈迅以禮科給事中給假家居明社亡與弟迓結砦自衛迓短小精悍馬上舞百觔鐵椎率里中壯士捕剿土寇略盡大兵至據砦不下攻破闔家死難

寧陽朱克配字堯夫勇而好義知名齊魯國初土寇蜂起克配團練壯士保護鄉里每遇敵身先摧鋒所向披靡鄒滕汶泰間恃爲保障從大軍平江南徐邳諸州傳檄而定克配力也蕩滌草寇事畢告歸

左蘿石先生謂遭國難二東不可無陷胸斷脰之人按福王時祀殉難諸臣范景文等二十餘人外附祀文臣

七人其中顧鉉彭瑄俞志虞皆爲賊拷斃非真以死殉國餘止四人山東居其二徐標字淮明濟寧人巡撫保定賊使人諭降毀檄戮其使方謀拒守中軍鼓眾殺之降賊朱廷煥單縣人分巡大名賊傳檄入城怒而碎之城陷被執不屈死皆甲申三月事其他死事未入祀者尙多至如卽墨諸生王公義國變後奉母入山母亡盡節以書與子略云忠孝無二理母在不敢捨身以殉難母亡不敢愛身以負君可謂從容赴義錄之以雪蘿石先生之言

鄉園憶舊錄卷二

濟南王培荀雪嶠輯

馮舍人廷槐字大木德州人幼有奇童之稱讀書一覽不忘在都時有得諸葛銅鼓者與秋谷各賦長篇名動一時舍人師漁洋友秋谷詩格超峻時以餘力為奇情險語康熙丁卯典試湖廣登黃鶴樓俯江漢眺內方大別諸山望瀟湘洞庭慨然遠想有詩百篇所謂晴川集也秋谷合其雪林曹村等集為一序而刻之友人馬子琴見其原稿經漁洋刊削而粗服亂頭利鈍互見蓋豪情適往昂藏奇偉之概不屑規規於字句閒耳最愛其

卷二

元日試筆云舉手欲挽西飛日滿引長繩繫不得回首欲拂鬢角雪蘆花滿鏡空愁絕既無金鼎燒丹鉛坐愧青山不老仙又無博帶與我冠勳業崢嶸羅簡編兀兀騰騰五十年一杯歲酒忽入手歎息今為扶犁叟提筆一掃千尺壁太陰昏鬼神泣伸紙立成萬言書懸流千斛灑明珠舉頭四顧覓吾徒世上大笑論癡符左手尚據天下圖右手引決毋乃愚不如聊復守須臾行年五十古云艾歎息今無前輩在一年十有三月閑無計破閑但醉眠一月四十五日醉事大如山總贖贖昔時大罵程不識平生不作一錢直而今恥付子公書投老

甘為山澤癯三杯五字長相於我生五十何足歎百歲

堂堂纔過半

宋荔裳先生晚字玉叔萊陽人族中無賴子夜宿土地廟夢神告以先生與逆賊于七通謀遂許之官繫獄二年乃白為蜀臬與漁洋先後入川後入覲卒於京未幾四川亂妻子流離在川未久政聲卓然有蜀遊草其子送之漁洋選入感舊集所刻安雅堂集亦未全身後多散失也在獄作聽鐘鳴詩聽鐘鳴所聽非一聲一聲纔到枕雙淚忽縱橫白頭老烏作鬼語羣飛啞啞還相驚明星落悲風哀關山蕩子行不返高樓思婦難為懷何

卷二

况在羅網夜半聞殷雷無糜復無褐腸內為崩摧聽鐘鳴心獨苦獄吏抱鑰來不許吞聲哭三臺逸民王冷岑我庸也隱居三臺山下褐衣不完有酒輒醉好吟咏尤長于詞曲可被管絃有問嫗偶然蛩音秋嘯諸吟王考功季木深取之董樵字一樵甲申後移居海濱采薪易米人莫知其住處有紳士要于路欲與語棄薪而遁有詩三四十卷一樵萊陽人雖不出而名重天下姜文貞先生如須名垓萊陽人兄塚廷杖斃口含溺灌之始甦又請代兄繫獄不允後流寓吳越悅金陵妓李

十娘色藝雙絕久不出戶友人方密之孫克咸皆擅拳勇履樓閣如飛夜靜後兩君一躍登屋直至臥室排闥而入如須驚起長跪乞勿傷十娘兩人擲刀大笑曰三郎郎當三郎郎當如須行三故也呼酒命酌極歡而散

公官行人見解舍碑有阮大鍼名特疏請除之別刻徐昭法詩擊奸碎穹碑指此

張杞園貞字起元安邱拔貢生舉博學鴻詞授翰林院待詔博雅好古能鑑別書畫鼎彝之屬精金石篆刻遊吳越與高士名僧往還購書千百卷居杞城故墟作杞細二十二卷博引古書阮亭先生稱其體大思精得太史公筆意愚山先生稱其原原本本可補正史之遺家

卷二

三

有田四千畝無憂餽粥南面百城日以著述爲事古文集已板行論者欲與虞山堯峯閒置一席其後藏書之樓火自中起書籍古玩盡付丙丁一端硯忽自窗間奔躍而出家人珍而藏之然已損矣裔孫有名堂者號鏡川道光乙未進士卒四川岳池弟瑩亦入翰林四弟薇堂嘗至其家一門長厚猶有先世之遺風焉其後人多善篆刻亦傳家學

按張詩詔樓名寶璣有記

畢載績刺史戶部公長子名際有陳其年謂先生牧通州惠政淪浹去官之日都人士女遮道啼泣作淄乘徵泉史存吾草諸書崔不雕爲畫桃花燕子便面家銀臺

公見而愛之爲作詩又得陸放翁心太平硯形製八角題識刻畫精絕漁洋有七古長篇咏之嘗卽席揮毫和陳其年韻云燈下幽窗讀楚詞忽驚秋鵲縱絲絲竹爐聲竊鸚哥語正是檀槽半咽時

趙秋谷手批唐詩鼓吹托名元遺山選識者知其僞秋谷殆隨手批評然於人所熟贊如秋興八首等概不丹黃亦無評語所賞別具隻眼略加品隲能使詩之精神湧現其不愜意如曹唐輩亦不置可否惜皆七律無別體無從覓其金針憶友人誦其評絕句一首南朝四百八十寺盡在樓臺烟雨中評云丹青大手

卷二

四

人之選詩各從所好鄧孝威選漁洋詩擇其蕭寂淡遠音在絃外者沈歸愚選其沉實高華近唐音者宋蒙泉所選無體不收要以神韻爲主六家詩四家詩所選入則以多爲勝四庫全書總目評漁洋前集漁洋續集云其時精華方盛與天下作者馳逐競名生平刻意之作見於二集者爲多或議其蜀道集爲僞杜欺人余觀本朝詩人後來如顧晴旭馬墨麟王述菴皆自入蜀以後變爲險峭警拔蓋山川境地使然豈皆有意摹杜何獨議漁洋 純皇帝諭閣臣曰原任刑部尙書王士禎積學工詩在本朝諸詩人中流派較正自當以 聖諭爲

定評矣

謝方山重輝大學士太傅清義公陞子廕中書舍人漁洋評其詩去膚存骨去枝葉存老幹如長松怪石顛倒絕壑冰雪之所凝沍飛瀑之所穿漏詎復知名園百卉之爭妍競媚於春風駘蕩中耶所居村外多杏嘗作杏花圖新城王石丈筆也名人多有題咏遂呼之為杏村有詩云成宏以後論風雅許李邊劉派最真可惜襲生吟獨苦不逢健筆門清新許謂殿卿李謂滄溟劉謂天民萬歷詞人十輩餘邢楊之外各遺書粗才遁句呶喋甚古調淳風似弗如楊謂夢山太宰邢謂子愿太僕低頭蠶尾思懷古放眼山薑喜門

卷二

五

新耳食紛紛問諸派不知身是濟南人念東句比樂天真子底才名李杜倫更有詞場唐夢賚時從逸處見嶙峋漁洋云足徵吾鄉文獻詩之有關掌故如是秋谷海漚小譜大抵載天津諸姬讀其詩其人之精神丰采曲曲傳出里居時觀於友人案頭惜係鈔本匆匆未錄袁簡齋隨園詩話僅載七絕二首耳其書曰譜必詳敘其人如板橋雜記余所見亦僅有詩而無譜蓋摘錄非全書也談龍錄多指引後學語不盡詆排漁洋其論泛言河上風景不知誰為主人誰為過客但知數典而詩中無人雖嘗當時實為後學度盡金針犯此病者

不少也附聲調譜一卷袁子才議其拘但心知其意而不泥其法則可違之即失調矣

孔東塘尚任自稱云亭山人由國子博士歷官戶部員外郎博雅好古作漢銅尺記周尺考周尺辨漁洋稱其精核作桃花扇傳奇一時風行紅蘭主人以通部教其梨園在淮陽駐節三年或招之宴飲席閒輒演桃花扇俟其點正疏節有某伶善唱畫扇一折尤所心喜大海潮小忽雷雨詩足備掌故揚州云阮亭合向揚州住杜牧風流屬後生廿四橋邊添酒社十三樓下說詩名曾維畫舫無閒柳再到紗窗祇舊鶯等是竹西歌吹地烟

卷二

六

花好句讓多情自記出山異數一篇述出處甚詳云讀書山中衍聖公因值 聖駕東巡將臨幸曲阜招修明禮器肄習樂舞所教共七百人及 駕詣闕里擇期講書 命擇孔氏學問優長者先擬講章衍聖公令其撰進維時掌院學士常公書侍讀學士朱公瑀泰山東巡撫張公鵬與衍聖公毓圻列坐一堂書為大學聖經第一節繫詞首節時構思不屬久未落筆張公謂衍聖公曰可令別坐一室令其從容結撰既而頃刻就大學講義一篇諸公傳觀咨賞再令作繫詞解辭以專門習詩於易實未究心朱公笑曰未通五經何云博學勉為之

脫稿朱公曰名下無虛士繕清呈進明日引 見諭有
數字未妥須再改時跪簾外未知應改何處及發下視
字旁微有爪甲痕者遵照改進明日 駕詣廟步行升
殿行三跪九叩禮禮畢步升詩禮堂御座南面立講書
官對立宣講音吐清朗義蘊敷暢 上顧侍臣曰經筵
講官不及也禮畢 命衍聖公與講書官導引遊覽每
遇古蹟顧問條對詳明深蒙 寵眷擢五經博士著有
闕里志聖蹟大備嗜古之士無不推服

卷二

七

顏光敏字脩來曲阜人康熙丁未進士吏部考功郎中
長身玉立音吐如鐘九歲工行草十三嫺詞賦愚山以
爲蒼鬱雄高出入於工部昌黎之間所著未信堂稿制
藝純是性靈結撰無人間一毫烟火氣關倫常題尤悱
惻動人年甫四十而卒有家誠一冊略分次第四川張
船山得之擇其格言圈出爲加評語云顏星齋明府自
曲阜寄來嘉慶十一年花朝記蓋本顏氏家訓而增詳
者兄光猷號澹園河東運使談笑定營伍脫巾之變有
水明樓詩集弟光敷爲浙江學使廉介著聞所取試牘
人奉爲金科玉律朱竹垞贈詩云每向高堂憂菽水何
嘗太史不簞瓢一母生三偉人當時榮之子肇維字次
雷官行人自號紅亭長翁著鍾水堂詩寶墨堂詩

膠州法黃若若真以五經中式由翰林爲祕書院侍讀
以布政丁艱不出居林下三十年以書畫自娛嘗寄王
文貞公崇簡巨軸自畫李青蓮登華嶽落雁峯圖石勢
如波與雲卷四壁俱動又以巨幅大書司馬溫公碑筆
勢沉着飛動漁洋題其春雲出岫云兩角孤雲倏有無
雲如奔浪雨如酥杜陽川上支筇客身在春雲出岫圖
先生詩古文皆成家予家有所書巨幅盤曲古勁無時
下習氣不知爲誰何持去

卷二

八

翁寶林先生典試山東時拔取五十三人是時山東額
數無六十九人也都中稱山左是科文空前絕後其實
畢世持趙執信馮廷樾汪灝潘應賓李楨諸名士皆從
落卷搜得非遇寶林先生俱落孫山將向何處聲屈斯
時孫子未先生勦卷亦搜得歎其靈奇超卓而房官塗
抹太甚不可中拆其名乃前隨錢公珥信使院中所心
賞者也召至濟上引見諸當事爲刻其文由是子未先
生亦名滿天下次科遂領解
汪中丞名顥字文猗號天泉臨清人學詩於漁洋著有
倚雲閣集皆漁洋爲之批點品評中丞少時家貧孜孜
好學得漁洋集及所選唐詩奉爲圭臬既而親炙問字
自序有云山有可仰之歡時無不同之歎余見其集僅

二冊

趙公名良字維林中堂國麟之父也原籍浙江紹興府人國初東南未靖流寓北方家於泰安事父以孝稱既歿相國貧不能葬豫章戴君知地理得吉兆謂相國曰此地欲富貴綿遠則發遲欲速發甚陡但一發無餘矣相國曰吾欲及身耳異日富貴安得見之戴君乃命鑿壙底穿二孔圓若茶盃以絮塞之相國乃葬其祖父後果入相子孫不振少子爲蒲臺學博善畫松按此與孫峩山祖書臺先生事相類孫名繼官長洲知縣高才博學奇門遁甲無不究心又得異僧之傳明季避兵驅盜

卷二

九

頗神其用峩山幼時先生嘗以所擇二地示之曰一極貴而不壽一中貴而壽爾何欲峩山曰貴無壽其能享乎乃用其次趙相國志在山水罷官後日遊泰山作詩作記無不佳妙亦福壽兼之矣過眼空花富貴誠何足

仁國相國繪泰山全圖
遊記述四時之景俱美

張蕭亭實居鄒平張忠定公延登孫漁洋內兄也作詩盈千首漁洋爲存三百夜雪詩云斗室香添小篆烟一燈靜對似枯禪忽驚夜半寒侵骨流水無聲山皓然漁洋以爲左司門對寒流雪滿山後復得此句詩集原本漁洋偶易一字實有點金手段吾淄蒲柳泉聊齋志異

未盡脫稿時漁洋每閱一篇寄還按名再索來往札余俱見之亦點正一二字頓覺改觀先生筆墨之妙端由心細功深其池北偶談居易錄草稿塗乙滿紙人乃看似容易或傳其願以千金易志異一書不許其言不足信也誌異有漁洋頂批旁批總批坊間所刻亦云王貽上士正評所載評語寥寥殊多遺漏

張稷若爾歧自號蒿菴居士深於經學崑山顧炎武少所可一見心折來往必主其家與汪鈍翁書稱其儀禮鄭注句讀根本儒先立言簡當以其人不求聞達故無當世之名而書實可傳鈍翁論師道書云獨精三禮卓

卷二

十

然經師吾不如張稷若其爲名流傾倒若此所作古文天道論上下二篇抉幽摘微能發前所未發而文氣曲折奧衍表裏洞達直入昌黎之室方伯陸朗夫深賞之選其辨志篇入切問齋或謂其精天文遁甲諸書蜀中所刻風角書有占風望氣諸說餘不盡載蓋不敢出以問世也術遂不傳其列仙詩云注老爭傳河上翁文皇虛訪擬空同乘雲警地呈靈幻何怪文成與少翁世爭言武帝好仙而文帝已啓之不問蒼生問鬼神亦是此意但未惑溺深耳先生有老子說略二卷

聊城靳文襄公輔久任河督深悉利弊爲本朝名臣功

勲與明之潘季馴相埒歿後立廟河上作河防一覽治
河者奉爲圭臬生平得力實爲幕友陳天裔天裔秀水
人名漢精奇門勾股測量之法嘗過邯鄲呂祖祠題詩
壁上云富貴榮華五十秋縱然一夢也風流而今落拓
邯鄲道敢與先生借枕頭文襄見詩歎賞以墨迹未乾
尋蹤急追得之一見卽契如肺腑凡河防事宜得失變
態竝有先見一時河員皆受業焉康熙二十五年五月
上南巡於行在問曰爾有何等通今博古之人輔以實
告賞漢道銜後遭謗兩人幾獲譴卒得白文襄以爲已
不足道幸不負良友耳後配享文襄廟

卷二

十一

兩廣總制郭華野琇卽墨入爲御史叅劾不避權貴最
著者如疏劾徐健菴高江村太傅明珠疏載諸公本傳
直聲震天下諸公非有專權作奸如前代所指斥第蒙
寵眷人爭趨附不免有結納而一登白簡 上爲動聽
其所遇隆也相傳叅納蘭太傅當其壽辰攜疏稿登門
求見長揖不拜而屢引其袖太傅喜曰侍御有壽詩見
贈乎曰非也彈章也太傅讀未畢公從容曰郭琇無禮
當罰自引一巨觥趨而出滿堂愕然少頃太傅廷訊之
旨下矣按太傅本傳無廷訊事所傳訛也又傳公宰吳
江簞簋不飾聞湯潛菴撫吳自陳改悔之意請另擇日

到任由是聲名大震湯薦之後湯爲太傅所傾乃劾之
以報師恩按蘇州府志公知吳江明敏果斷能除積弊
令民納銀自封投櫃欠者里正抱木隸往催民無雜費
其廉如是凡積盜倚豪強爲窟穴者悉擒治伏法誠有
如聊齋所記觀此公蓋始終如一素性不移安有後悔
之事當日妙選東宮輔導之人太傅奏學問人品無如
湯某因是內召雖其中不無隱情而在湯有榮無損非
排擠貶謫惟方靈臬記此事隱隱有深憾焉郭公第爲
整肅朝綱起見以私意窺測豈青天白日之胸嘗迎
駕德州做車羸馬萬人擁擠爭識其面嗚乎榮矣

卷二

十二

家成山公鄉諡文恭先生順治庚子鄉舉名士禎字叔
子與漁洋同名同鄉同時近不百里或竊有相如之疑
非也漁洋在朝更名士正歿後奉 旨復其原名各家
詩文集所載猶多名士正者公弱冠館於外有少婦時
時來窺托故辭去官成山衛教授與張崑崙山人交善
序其偶然草云君子詩長于山林景物之作有柴桑籬
下風味佳句如書憑雙鯉至秋帶一僧來七言白鶴自
成新髻髮青藜猶是舊溪山
傅公以漸字于磐號星巖順治丙戌進士爲開國首科
狀元不十年入政府爲武英殿大學士在官食不重味

衣皆再澣平生嗜學手不釋卷著述甚富惜燬於火善書德州李星來家見可圍扁上青未了三大字是其所書

鈕玉樵觚賸續編淄川小聖人傳云淄川孫先生名若羣學贍品端言動有則鄉里咸稱爲小聖人蚤歲成進士謁選京師任少司寇克溥延之官邸訓其子彥方處以廣厦坐不易床供以豐肴食不兼豆雖隆冬盛暑衣冠襜如司寇知孫有二子已就童試適是時山左學使者與司寇有舊將爲之地而未詳二子名屢欲請之憚其嚴正終不敢發先生端居緘默遇有問難輒指畫談

卷二

三

議衮衮滔滔竟畧不倦凡及門與輦下諸子以制藝就正者一一評隲務極其隱而運之苑枯年之修短皆能於文預決之康熙癸丑出爲交城令攜家以行旣而遺其長子歸淄就婚課以書藝忽驚嘆曰嗟乎吾子其不返乎泣然而別歸未匝月忽無故自縊死治交多異政秩滿遷蜀忠州牧卒於官迄今過其故里詢孫姓名或不盡識詢小聖人無不識也今亦無知小聖人者非玉樵記之不幾湮乎

附青雲之士而名益彰龔勛華鰲與滄溟唱和人幾莫知其爲何如人余見其集大都華路藍縷之風然亦能

自樹立二君皆章邱人與吾邑爲鄰龔勛字克懋少貧爲人牧豕三十始補諸生時同邑李太常開先哀西野崇冕方尙金元詞曲最獨與李于鱗殷正甫以詩古文相唱和華鰲字空塵工詩善畫有句云秋老畱紅葉風輕轉白蘋愛此疏林月兼之一碧清雨霽聞啼鳥風停數落花與李于鱗楊夢山唱和

章邱諸生尤石髮翼宗鬚眉疎秀若神仙中人善畫山水有倪黃筆意崑崙山人爲選訂其集摘其佳句如泉經諸湖曲月過數峯寒草烟纏石骨月露滴藤根空天惟過鳥老樹月生秋山帶黃河轉雲隨上黨開老鶴棲

卷二

四

雲木飢鴻食雪田峽逼天光窄林疎月色深綠窗蕉影暗紅葉雨聲沉夢老三朝客雲迷二室春夢迴驚客至病起爲君來一與青山別同憐白髮侵草隨人意亂雪向髣毛低虛壁風光斷平池樹影深路遠書難達詩成病懶題半塘菰米瘦八月短風吹往來聽曉梵今古送寒潮

趙晉石金人邑諸生號月麓築借山樓於甘泉月嶺之間藝樹種蔬嘯咏自娛所交皆知名士嘗遨遊秦楚吳越閒四方賢士大夫來淄者亦必訪借山主人信宿流連濟南胡春以鶉管作笛有穿雲裂石之聲爲章邱李

太常中麓所賞咏之云明水市頭傳雅製太常席上擅
新聲周亮工侍郎過章邱猶見遺製追憶云鵝管檀槽
明月夜百年猶按奉常歌晉石與崑崙山人交山人八
哀詩云幽怪勝盧仝險峭壓顧况鏤辭與匠意慘淡多
奇創其爲人可想見矣

給諫孫公樹百名蕙浩氣英才千人共見立朝敢言皆
關天下利害令寶應時河水淤塞河使欲以挑濬難之
遲則白簡從事民間之一呼羣集七日而工畢繪濬河
圖婦人孺子亦以衣襟盛土其得民如此嘗訪醫廬阜
間危坐五老峯巔數日性愛山水園中築亭爲萬勿芙

卷二

五

蓉齋堆巖布壑種樹蓄鶴蕭然物外博山亦築有別館
流泉曲曲萬木龍葱擅邱壑之美又喜聲伎金粉羅綺
列屋而居歿後燕子樓空春隨樊素一時歸矣臺榭圯
傾荒園草沒後來遊人爲唏噓焉著有笠山詩選漁洋
標其佳句如禁烟寒食路霽雨杜陵春楓丹千籟發山
紫萬蟲悲一帆涼月轉四面翠屏開七言河聲入洛三
門合嶽色來秦萬里明島藏諸國晴時見風捲洪濤靜
夜聞

王漢淑敬公商河人以進士爲四川屏山令蠻匪來攻
拒之於東關射賊首中五箭死餘皆遁是時山苗賊爲

亂眾號數萬率數十人擒其渠魁眾潰散可謂民之父
母國之干城矣家居歲飢有積券可二千緡請於父焚
之在官值凋殘之餘招徠遺黎有循聲四川通志不爲
立傳多經兵火太平之後遺老盡矣送黃生袞之何將
軍幕云遠眺松州路青城半壓雲雪花經夏合岷水入
江分匹馬依山轉孤笳亂野聞指揮西塞靜髯不愧參
軍詩蓋在蜀作兵荒之景在目豪傑於此不得以功名
顯惜哉

卷二

六

京師琉璃廠買得大司寇翁寶林年譜一卷述其少年
苦况幾欲沉淵葬魚腹中冒通州籍應試學使蕭公取
冠一軍眾大譁攻之急不敢覆試蕭公問何故未來教
官對以暴疾卒蕭公歎息爲刻其文有叢蘭秋風之語
後入翰林見蕭公執弟子禮未言蕭爲誰也後乃知爲
吾東德州韓坡先生先生學差竣卽告歸所居曰雲莊
傍河爲園築茅爲屋編樅爲牆日與逸老杯酒獻酬而
又遊覽名山涉歷江湖與會所至援筆爲詩嘗出其但
吟草以示山薑山薑曰此夢山之淡逸邢子愿之流美
劉函山之雅潔也蓋皆以鄉先輩相况魏環極尚書方
橋扁與平湖陸清獻吾淄高念東等十人同薦皆天下
之選公名惟豫

吏部王念菴沛壇諸城人康熙甲子舉人佐川餉得員外郎歷官吏部侍郎加左都御史時助餉者皆自運軍前至棧道險處肩輿失足落澗中幸掛老藤以長繩繫起於時夕陽將下竹樹陰森猿鳥亂啼山嵐四合不能抵旅舍循微徑至蘭若山門外緇流拱立見公稽首曰弟子敬候久矣驚問曰公前身吾師也夜夢神告以今日至導觀僧遺像與公無二乃恍然有悟問爾師生前作何功德曰焚修而外日惟跌坐因山中乏水乃於石隙鑿泉深數丈工費不貲皆商苦身募化汲引之外旁及田家咸資灌溉公太息久之與僧罄談至曉乃別伯

卷二

七

父鏃官江南布政捐金贖難民著有破夢齋詩草父鏃號任菴嘗官粵西策尚可喜必叛告歸有世德堂集兄沛恩官中允有儼若堂詩集公未有集而詩亦清絕惜不多作

山東學使後人立廟祀之者薛文清公瑄王文成公守仁二公理學大儒而於制藝亦復精深文清在浙考試得徐渭卷以其文爲鬼語文成古文人共推服兼長於詩本朝學使最著名者無如施愚山山左奇才無不賞拔有冀北空羣之目康熙丁酉春考試東萊唱名甫畢雷雨大作平地水深尺餘雷聲洶洶如崩屋諸生雲集

堂上不能作文先生從容賦詩云滿目明珠絳帳開久晴一日走風雷敢言化雨隨車至應有蛟龍出水來咫尺蓬萊山可移兩師風伯颺靈旗從教滄海添春漲會取珊瑚百丈枝復命諸生屬和其風雅如此習有獲齋詩話搜羅甚富朱竹垞靜志居詩話多採之虞山摘滄溟幾無完膚施在濟南爲之樹碑立後誠古之人也先生生諸詞人中理學獨深而不講學漁洋深愛其詩爲摘句圖記之溫雅深醇有餘味焉

卷二

六

逆藩倡亂公制兩浙賊氛方熾駸駸東下公以衢州爲要衝馬九玉奪仙霞嶺公據關擊之與士卒同甘苦躬擐甲胄親冒石矢鎗砲雨集之時旁人見公左右耳各出蝙蝠飛翔上下不至受傷疑爲神佑當是時賊督十萬之眾依山附谷卒不得逞大功因以底定紀文達公往聞過仙霞嶺作詩有云迂曲得人蹤一綫微通步仰睇鬱嶒峻俯窺杳烟霧隔江見行人蠕蠕似蟻附高者木梢懸卑者草際露前者僕而援後者聳而赴石磴滑而顛林風吹欲仆徒侶遞相呼十步九迴顧慄然悸心魂失足愁一誤側聞定鼎初狂童此負固桓桓李文襄轉戰實茲處仰攻彼尙克徐行今乃怖人生才地懸寧

止恆沙數昔阮亭咏文襄公文武共推周吉甫勲名誰
竝郭汾陽長山馬子琴議其用典色舊且屬虛響若此
詩意不在頌文襄而因其境之險想其功之難較爲切
實自著定亂紀敘平賊方略甚詳獲囚訊後多寬宥不
以多殺爲功振往來

飢民活人一
百二十萬 公字鄴園官文華殿大學士

江南總督兵部尚書董公默菴訥平原人康熙丁未探
花督兩江時有縣丞于宣駱龍友爲屯官虐民民多失
業公以事至宿遷有卓生控屯官平其三世墳墓勘實
立鎖于宣駱龍友裂其衣梓其冠足蹈之聲淚俱下誓
不與此輩共生小兒拍手笑云拿于駱矣奏 聞盡以

卷二

九

屯田還民民慶更生爲立祠後調入京鄧吏議次年
駕南巡鄉民數千求仍放董爲江南官回 鑾公迎
駕召至舟前曰汝做官好江南人爲汝蓋一小廟矣因
大笑旋有總督漕運之命康熙四十一年 聖祖南巡
駐蹕柳村之南樓 御書眷念舊勞命懸之墓所著有
柳村詩集 上命其子吏部思凝繕清呈覽始終眷遇
如此

吳克菴自肅長身偉貌步健聲宏讀書過目不忘精韜
略技勇上馬殺賊所向無前綏帶論詩與阮亭主司寇
蒙齋田中丞相左右實侖儻奇偉之士也而官止叅議

多歷憂患劉訥菴懷人絕句云黃昏哀角滿鈴岡多少
降旗下夕陽只有錦江康樂令春風吹淚兩三行此逆
藩作亂克菴不辱僞命而作按詩用錦江似曾官蜀而
蜀無康樂克菴令江西萬載而萬載不名康樂未詳也
克菴海豐人

朱子青湘候補主事不仕家有園亭之勝好賓客日以
稱觴賦詩爲樂學詩於漁洋受知於山薑作詩甚多余
家所有特楓香一集山薑摘其句云三閒竹子桐絲屋
一尺荷花蓼穗泥老木晚風聲瑟瑟小花秋焰影垂垂
紅透楓香霜後葉白開蕎麥晚田花夕陽半露烟中塔

卷二

十

黃葉全遮郭外樓蘆筍下抽三寸碧柳絲纔放二分黃
麥浪翠邊風舞燕花鬚紅外客騎驢最愛白雲聯絡處
更看蒼雁兩三行白菡萏垂經雨重紅蜻蜓出帶香飛
殘星數點月將落老屋一燈門未開年未四十而卒後
續刻山左詩鈔朱氏詩人尤多于青愜城人弟綱
巡撫廣東亦能詩
張崑崙山人篤慶詩名甚著有弟履慶號顧齋增慶號
損齋皆能詩兄弟互相砥礪而各不相襲顧齋因大水
奇訊袁松籬有云吁嗟昨日西山頭突見觚觸紛如牛
黃髮老翁驚且憂風雷颯颯雲烟愁急雨翻空便三日
彷彿銀河漲天出百川泣沸魚龍騎狂濤夜落高村失

松離曾記家中書籍漂沒卽此時縣志有云日暮有人見兩牛鬥山上歸語父老有識者云大水將至宜急遷其言果驗疑亦此時事也損齋長信辭云天街雨過草萋萋長信宮中烏亂啼莫向秋風泣統扇昭陽人在畫樓西

李鴻霖字季霖號厚餘順治辛丑康熙甲辰進士官元江知府父采蘭隨母改嫁蘭呼某爲父共耘於野見縣令輿馬赫弈問何爲者曰官也問吾何不爲官曰官從讀書來豈田舍兒所敢望問吾何不讀書曰家貧如此安能供脩脯蘭默然俄折其鋤柄某爲易之再易再折

卷二

三

某嘆曰我知爾志與粟數斛令去蘭時年二十五矣乃磨麵賣不托執書一册逢文士執裾問字且賣且讀吟聲不絕于途有憐之者招入塾暇與講習久之學作文質甚魯一日呈文師閱畢曰休矣汝非此道中人蘭涕泣堅不徙業讀倦隱几而寐夢入一洞曲折幽闇用力向前良久忽出開亮如別一世界驚寤汗出心覺豁通躍然謂師曰吾悟矣命題試之果清順自是功益倍文亦日進遂入泮娶妻生三子親教之二子成進士孫弱冠亦捷禮闈公有折鋤記以明經終此事聞新城人傳說傳云子鳳翥鳳壘按沈廷文李公墓志名鴻霖分校

北闈能得士有觀海餘則滇南諸集

成其範字愚崑漁洋同年也通天文吳逆據岳州密疏克復日期及擒吳琮皆能預知其學傳河南劉石渠占皆奇中爲贈尙書盧公夢山道悅所取士公卽雅雨先生父也人以爲得神仙門生又善躡病以足加病人背腹按節趾之足力到處卽愈病重者往往得一睡及醒則沉疴霍然 聖祖仁皇帝得症公廷薦 聖躬立安命會試以老病辭按成愚崑家藏天文圖一紙大於一間屋分周天度數十二次其閒星列如米非尋常所能識他人按星測之亦不驗細於毫髮非手口親授不能

卷二

三

得其訣也成樂安人膠州高西園鳳翰名士也善草書工畫嘗見其畫花卉竹木潑墨淋漓氣韻生動有人送富室求售富室不顧吾邑翟竹坡見故紙堆中草書一卷主人視爲棄物乞得裝屏八幅龍蛇夭矯古勁蒼鬱見者欽爲至寶而不入時目可慨也父任淄川學博西園隨侍最久故于淄交遊最多所留墨迹亦夥嘗夢一客來謁名刺爲司馬相如驚寤越日得司馬相如私印古澤斑駁篆法精妙歷城朱青雷震得卓文君印欲求之配爲對而西園恆佩之不去身非至親不出以示人分發揚州候補州倅

盧雅雨奇賞之欲薦引并爲忌者所劾有詩云幾曾連
茹茅同拔却爲鋤蘭蕙竝傷西園多髯哀簡齋以爲貌
似其父右肱廢左腕書更有奇趣尤豪于詩酒酣落筆
立就嘗以雁字詩數首呈尹文端公公亟口歎賞以示
座客歿後雅雨哭以詩云最風流處却如癡顛米迂倪
未是奇再散千金因托鉢已殘右腕更臨池殷生瀟洒
談元日戴椽昂藏對簿時見說淮西傳故事遺文爭患
少人知讀此詩足見生平

盧雅雨先生名見曾字抱孫由庶常改官知洪雅縣事
蒞任八月除不便於民者數事著有雅江新政人多傳

卷二

三

誦加意士林建書院與諸生講論不倦尤切於地方者
莫如詳禁開礦一事略云瓦屋山外環雅州榮經峩眉
夾江諸州縣內通各洞生蠻山則確乎有礦礦則斷不
可開洪屬瓦屋山梯九溪等處田地不足養贍聚數千
百開礦之人坐食其中米價日增且絕糧矣害一米價
增則生計日窘逃亡日多一開礦而遂至失業害二洪
邑地瘠民貧一切斫柴汲水負米豢豕皆婦女往來山
谷一旦聚數千無籍之徒於人迹罕到之處城市既遠
法令難施姦淫盜竊弱者受其魚肉強者或觸兇鋒不
但盜案盈牘而且人命如草菅肆毒於民而卽貽累於

官大害三也查明季碑文稱地產銅鉛奸民糾黨開礦
擾害鄉民輕惹蠻患害已見於前車矣高山峻嶺奔騰
超躍華民之所難山蠻之所易大利所在鼓勇而來邊
釁一開不但種禍於末吏而且貽慮於各憲大害四也
凡此四者有一於此縱使金銀爲山猶不忍爲况白鉛
乎大憲善其議遂止收六安州最得民心方貞觀贈詩
有句云才比寇公饒學術清如包老近人情後轉運兩
淮謫戍塞外商人以薔薇露酒其衣有夏之璜號湘人
者六安人素受賞識來祝壽適有軍臺之命湘人毅然
請從行高西園贈以詩椽筆能投事更夸烏孫相伴走
天涯蘇門不少秦晁客只吃龍團餅子茶吾淄張榆村
送雅雨出塞云廣川柳色入秋寒暫拂征衣指賀蘭紫
塞關河沙外轉黃雲驛路馬頭看詩臨瀚海風懷壯醉
倚天山襟抱寬早晚賜環蒙異數論功應更列朝端後
復官在揚提唱風雅一時名輩歸之如流又表揚幽隱
刻山左詩鈔及漁洋感舊集在洪雅時因蜀有黎風雅
雨之謠立望春雅雨諸勝因以爲號

卷二

五

山左詩鈔盧雅雨先生主之而選擇則廉訪宋蒙泉先
生爲多先生名弼宗法漁洋所取大都清醇雅正一切
纖側怪譎概置不錄其餘僞體以晦澁爲幽深以詰曲

爲古奧以枯淡爲高老以浮艷爲才華以粗獷爲豪邁
後來所矜尙皆先生之所裁也雅雨聞見宏富博徵遠
引足以論世知人雖未有詩者每附見焉極意搜羅爲
功於桑梓甚巨雅雨及見漁洋蒙泉於秋谷晚年得接
風徽作詩壽之結云何當奉几杖親到李膺門其推尊
如是嘗續選高念東先生詩以補秋谷所遺主講濼源
書院一時才士裁成甚多與雅雨同爲德州人交相善
也其間叅訂若紀曉嵐惠定宇王蘭泉嚴東有諸先生
皆天下間人又借書於黃崑圃馬秋玉兩先生閱五年
而成書宜爲鉅觀非後來所能及

卷二

三

盧雅雨先生畱心風雅一時壇坫之盛名士宗仰昔郭
華野總制與漁洋同坐雅雨謁見郭謂漁洋曰他日
繼君者此人漁洋領之郭公知人之鑑不虛也先生得
罪後家籍沒公子漂泊上渤海公詩云城旦餘生剩藐
孤十年漂泊到江湖桐花久墮懷中羽香飯誰拋屋上
烏踽踽葛衣畱凍骨栖栖蹇足耐征途年來鷄鷺同爭
食不是當年小鳳雛拂拭知誰眼獨青襤褸弱鳥許梳
翎量來碧海輪愁淺嗅到黃梁感涕零將母誰憐棲逆
旅忍飢猶勉誦殘經簫聲吹徹吳門市敢望山陽舊雨

聽榆村先生門人張

張榆村先生元崑崙山人從姪也于時藝功最深刻有
書香堂集王罕皆先生爲之敘及門中鄉會試入翰苑
膺顯仕者甚多盧雅雨先生深相推重歲以二千金延
課其子所刻漁洋感舊集共相叅訂考証又好爲詩崑
崙山人奇賞之刻有綠筠軒詩集生平爲文造次不離
館濟南李氏士琛士珠兄弟受業去吾邑二百里忽先
生家信至子婦俱亡子名作哲才最敏讀書刻苦父子
爲諸生時先生語人曰入場吾不畏他人獨畏吾兒乾
隆間先生鄉舉作哲後亦中式爲學博至是卒先生暫
歸畱課題弟子以先生斷難早回恣意所爲方在場觀

卷二

三

優忽家人報先生至驚駭進見先生問課畢否答以尙
未騰清乃連夜草進先生閱竟曰余途中擬作幾篇取
示學人心細手和如平時涵養之深如此士琛子湘嘗
對余云爾及門曾公尙增周公永年二先生服膺尤深
先曾大父亦延于家課讀年七十餘矣先生父永躋亦
孝廉

諸城劉文正公一代名臣勲業在國史薨時無病上朝
坐化輿中玉箸下垂 上聞震悼親臨賜奠入門卽哭
回輝輦中猶聞哭聲至東華門始止自古君臣相契之
深生前魚水歿後傷悼未有過於斯者先世貴顯至公

官愈尊而貧如故第宅不修車馬不飾貴後老僕猶呼十二叔有教以呼大人者公聞大怒如東坡教壞司馬公家人也汪文端公有咏杖詩公爲改末句云入手先思放手時何等見地趙雲松素遊公門記其一節足徵除弊安良之心河決陽橋公奉命往塞柴薪皆數百里外百姓車載而來某縣丞掌收料畱難百端公微行河干見薪車千百輛私問得其故大怒請巡撫奉王命旗牌至縛縣丞欲先斬然後入奏巡撫及司道爲之長跪良久始釋數千萬料物一日盡收卽此細事宰天下可想矣

卷二

老

章邱李叅議雪山名慎修身不滿三尺而膽大於身遇事剖決如流與德州盧雅兩同年相善好爲詩才情縱逸下筆千言立就一時山左有兩短人之目又喜和人韻盧規之不聽投以詩云舍人官鈍貌尤癯籍甚才名壓帝都每以歌行矜短李笑將月旦詡前盧海分萬派流爭別絃解無聲調始孤底事論文工奪席翻教四座避狂夫李和之頻押盧字不工乃遜謝焉授御史數上疏論事有詩云老成豈敢當天獎孤直由來自性生其自命可想

曾南村尚增歷城人吾邑張榆村先生高第弟子也有

自記一篇云初受業於先生當時新入泮見坊閒墨卷多是官樣濃重之文以爲應試必宜如是捉筆效之不爲先生所喜一日偶出先生翻案上書籍見增童時課藝本輕靈一派大加激賞詰近日何不爲此而趨癡肥耶以所見墨卷對曰勿須向後只宜如此做去學問日充則波瀾自富中會何難由是改轍遂登甲科蓋書之以志終身得力並示後人其文甚長撮其大意如此以庶常改牧蕪湖與陶西園同舟訪袁子才一路唱和云潮通燕子趨京口帆帶蛾眉認小姑風微漁火重生焰寺僻鍾聲乍代更刺郴州署中火女救母母病不能遽

卷二

天

出女被焚死郴人立孝女祠歷城縣志亦有傳甚詳惜不記

長山袁愚谷守伺直隸及東河總督居喪猶命理事受眷之深如是後官刑部尚書爲刑部侍郎時劉文正公以大學士管部事一案俱畫押矣惟公不肯請曰此案尚須斟酌文正怫然曰子理刑部多年不及君耶拂衣竟去公亦隨行未至公第已遣人來請公親出迎曰子悞矣君言是也自此大相知愛著有詩集和平溫厚紀曉嵐先生爲之序少時見之今不復記聞公藏有二騰蛇共在盒中盤曲天矯肉翅宛然身僵不腐未知何故

遇婦難產入室啓盒其胎立下亦奇物也不知落於誰

使四川見李兩村太白詩序愛之及手卒兩村有詩哭之公有年譜一卷

劉石菴相國文正公子幼即工書殿試卷前十本進

呈已列第一 高宗皇帝欲得寒峻遂拔吳雲巖鴻居

榜首相國終以書法名天下謂古來善書者惟飛而已

趙文敏能飛而不飛董思白不能飛而飛此千古創論

亦確論也生而身儂不近女色置妾惟供臨池之役俗

傳為南極老人轉世無據也嘗得藏經殘帙識者謂閱

千年古色黯然如彝鼎題咏甚多居官風骨甚峻潔如

冰霜德望重朝野所作詩卓然成家則人未盡知也繼

卷二

无

母太夫人隨孫吏部在學使任公奉 旨往祝 賜予

便蕃世以為榮聞嗣孫居京師不能養僕從廉吏之子

孫如是

宋秋巖名云鈺歷城人與申請壑同里並有文名吾邑

張榆村先生與之友善所刻制藝申宋二公選定為多

秋巖既連不得志乃閉門授經及門多取科第以去如

毛太常輝祖曾太史尚增皆高足也所居環山背郭茅

屋數椽花竹扶疎皆其手植雖四壁蕭然而卷軸尊彝

粲然滿目榆村先生每造其廬談讌終日秋巖幼有神

童之稱秋闈屢遇賞音皆以他故不售非戰之罪也周

林汲先生選其文入制藝類編

胡西溪訓侍郎念東之甥也少孤性方嚴教授生徒應

對進退循循有矩矱衣履亦不敢華飾出行閭里不問

而知其為胡先生弟子也詩才清雋自抒胸臆與張榆

村為詩友手批漁洋精華錄丹黃精細不濫為贊揚而

以世之目漁洋無骨力者為皮相著有西溪遺詩所刻

不多而清逸雅淡超然塵壒之外宋蒙泉先生為之序

深推許焉

張廷敘邑諸生余戚誼也在外日久忘其號少有才藻

工詩娶仇氏甚相得仇氏卒作哭花詩上下平三十韻

卷二

三

大似李義山續娶新城于氏方城先生之妹也通書能

詩嘗作紀夢詩有序云見高山大水宮觀秀麗金蛇玉

兔恂恍迷離文甚怪偉後來多驗詩僅七絕一首略見

大意而已續山左詩鈔僅取此詩而遺其序可謂買櫝

還珠在集中亦非出色之作當日夫婦唱和相好無尤

同觀道書悅金丹之說一意修養夫忽心迷掉婦髮使

入竈幾死為人救出于氏大恚歸母家與夫絕方城先

生與外王父交善命舅氏蘇山從于氏授經張作懷友

詩皆古體中有小山居士謂先王父也方城先生善書

不由恆蹊與先王父亦善

竇東皋先生光緒幼從太翁館吾邑翟氏園素有鬼天
晚時人不敢入同學輩戲引入閉其門及出眾問所見
曰無他有羣鬼呼大人遂戲以大人呼之官果至都憲
屢掌文衡乾隆乙卯主禮闈王以錡王以銜兄弟中第
一第二殆如郊祁盛事因忤和珅意謂元文有竇字似
關節又俱從落卷中搜出可疑策題亦多誤 上謂其
文即佳亦不應兄弟聯名且元文參也魯句有云日有
萬幾思兼四事此等典故人君可用曾子人臣亦孝子
也不應用置之榜末竇亦降四品京官及殿試 皇上
欽定狀元仍以銜也眾論乃息東皋先生制藝一本先

卷二

三

正渾灝古茂之氣追踪歸太僕張嘯蘇擬之華嶽三峯
當 聖駕巡幸浙江作賦用古韻汪洋浩瀚五色陸離
如讀兩京三都之作見者欽爲三代法物著詩不多刊
落浮華骨力蒼堅卓然拔出流俗之外屢視學浙江當
時文人揣摩風氣破必三句承題二三行小講二句競
爲短篇所謂世人但學蘭亭面欲換凡骨無金丹也在
吾邑爲人書屏書法亦蒼勁與齊次風召南劉廷槐耕
南善二公皆一時宗匠先生有馮敬通之恨歿後家人
幾無以爲生聞浙人云試歸安時即乙卯會題二王皆
居二等及禮闈乃莫之或先又從落卷搜出難免物議

然謂先生愛才之過有之至納賄作弊決其必無歷司
文柄一貧如洗先生身後之窮扼非爲代白其謗歟本
朝制藝推李文貞公光地與先生論者莫能軒輊
益都李南澗文藻好古工篆隸尤精經術貌黑而髯其
生之前夕父夢鍾馗入室而生厥狀肖焉與周林汲周
肅齋兩先生交好修四庫全書林汲被薦入館賜編修
不能無望嘗以詩寄肅齋歎無知己之援引也予有其
詩集兩部後皆失去在廣西爲令時示百姓云山東諺
語半須記納了錢糧不怕官

卷二

三

李憲喬字義堂號少鶴袁子才遊粵西相見甚歡別後
李使人追寄以詩岸邊雙樹林來對兀沈沈掛席去已
遠別醪空自斟烟寒過客少江色暮樓深誰識此時際
寥寥千載心湘上云孤月無人處扁舟先雁來皆高淡
可喜少鶴歸里有謝際昌送行詩云官貧歸棹易民愛
出城難

朱海容名承煦主京口海岳書院年七十矣袁子才來
訪留飲子才記其贈內云剪刀聲歇栽花後井臼功餘
問字初其風流可想也 詩話云山東未
指明何縣人

高密三李詩名甚著大都清真刻露刊落浮華憲喬尤
爲當代名公所重與兄蓮塘石桐等選唐人詩作主客

圖以張水部賈長江爲主餘人爲客遂號所咏爲二客吟懷民贈人盆桂云送花如嫁女相看出門時手爲拂朝露心愁搖遠枝送張明府云在縣常無事還家已有身隨行一舟月出送滿城人憲喬云縱教就平立總有欲高心不辭臨水久祇覺近人難送流人云再逢歸夢見數語此生分袁子才以爲與浪仙相近

周林汲先生字書昌名永年歷城人嗜古多聞讀書過目不忘以薦入四庫全書館賜編修典試貴州落水以救獲免後又放山東主考大臣奏係該員本籍乃止家酷貧趙渭川助以金竝贈詩云髯翁貧病今猶昔時欠

卷二

三

長安賣藥錢堪笑石倉無粒米亂書堆裏日高眠論者謂絕似先生行樂圖與先王父交善嘗以商彝托先王父代售其清况可想性好書有僕四人專爲收掌先王父在都日寓舍比鄰朝夕過從家僕田升亦代爲經理所刻書多寄余家代爲消散其家藏書最多先生在館時蒙 上垂問家藏書籍刻有書目二部遂以進呈點出一千餘部進之後印以 御寶發還堂官某求暫畱借觀未數日而其家籍沒書遂入大內矣出門每以五車自隨在德州書院將歸以書寄朋好處速返而其書盡爲人竊去在濟寧時畱書某家爲水漂去子東木名

震甲爲河南太康令以二千金往江南買書以歸家中無人戚某守宅書籍古玩字畫盡爲所鬻及歸里問所藏則零篇斷簡無一全者先生在日嘗以鈔本三十種質於四川李雨村兩村於逆匪之變萬卷樓被火焚未盡者亦被人搶去所選制藝類編幾於家傳戶誦四川亦爲翻刻與紀曉嵐先生同年邵二雲輩契厚皆一時推爲博雅者也先生晚年喜談禪瀾翻釋典見僧輒舉佛經相與辨難不解卽以杖擊其禿頂孫宗耀號溪亭官四川崇慶州州同與子同宦一方相見如故升貴州廣順州知州歿子如璽號寶傳余招致來榮

卷二

三

平原董曲江元度由進士入翰林散館改知縣復以不勝任改教告病歸博雅好古爲紀曉嵐先生推重詩宗漁洋山人和平蘊藉機趣洋溢惜後人衰微將家藏書籍售於牙儈零星販賣予見各本俱有先生圖記紙板精好不知散落誰氏爲之太息少年時夢人贈扇上題詩曹公飲馬天池日文采西園感故知至竟心情終不改月明花影上旌旗尺五城南竝馬來垂楊一例赤鱗開黃金屈戍雕胡錦不信陳王八斗才簫鼓瑟瑟畫燭樓是誰親按小涼州春風豆蔻知多少併作秋江一段

語多難解

德州李亦堂好古耽吟咏著有結廬詩稿宋蒙泉先生
爲刪訂佳句如暗階鳴絡緯長漏轉牽牛游雲凝作勢
獨樹淡生花人歸楓樹渡童候荔支門荒徑生秋草層
垣上古苔微風螢火亂細雨雁聲遲七言若夕陽無際
憐芳草春水依然悵綠波青山有約埋詩骨綠野無期
遲酒人薜荔牆欹蜂落子林於徑溼柳垂絲滿院秋聲
過白雁半簾寒雨對青燈

桂未谷馥工漢隸筆畫如鐵似古人復生爲長山學博
嘗書史晨祀廟碑贈先君爲劉寄菴題抱孫樓扁寄菴
云我有抱孫樓未谷爲書扁遂令數椽屋高於千仞巖

卷二

畫

未谷工古書漢隸秦之篆筆勢如龜龍非徒勢婉變所
藏石綠研明供御物也徑二寸厚四分面文曰龍香御
墨背曰大明隆慶年製皆正書輪旁朱篆重三兩八錢
多咏之者後爲人得去得竹根磊砢刻如來遂刻歲星
壽星於側謂之三壽作朋翁覃溪學士題字羅兩峯繪
圖亦韻事也未谷所交皆天下名士在京師與諸公唱
和聲噪輦下晚以乾隆丙戌進士爲雲南令意甚不樂
作簪花騎象圖竊學升菴以萬年騷之意徧徵詩題詞
任太和時寄菴至其署贈詩萬里南冑雪鴻痕客來如
到古邱園栽花自愛衙齋僻問字人知几席尊名士風

流今未遠窮官氣味老猶存相尋只續遊山記急典衣
裳治酒罇性嗜酒詩多酒後作以八分書之輒爲人持
去比醒都不記孫顯忱拾其餘錄爲東萊草有句云到
處勾留因嗜酒有時懊惱罷題詩

新城伊應鼎性詼諧善于談詩時人比之匡鼎少年時
猶及見漁洋選漁洋詩二冊自爲之註紙板精好較精
華錄僅三之一其中評論自出新意不似註精華錄者
但引典而於詩意無發揮也宋蒙泉云親見平子三倒
來亦言其談詩之妙爾

卷二

畫

游曲阜徧觀秦漢碑刻坐臥其閒者累月慕太學石鼓
杖策游京師爲紫瓊巖主人所賞識所見古人法書名
畫日廣初學寫意花卉翎毛繼則擅長山水幾奪麓臺
石谷之席初宦西隆州州同會開四庫全書館處校篆
隸之員奏授京秩爲詹事府主簿
樂公名廷珍考遺不錄徧求當道無應者後求撫軍夫
人轉送學院補入遂中解元夫人認爲門生聯捷爲主
事擢郎中凡二十餘年方爲員外郎初相國某至其部
日已夕矣諸司無人獨樂坐守一編問之曰坐此以待
公事相國歎息而還及郎中缺員相國閱籍見其名乃

補之某侍郎爲座師憐其貧使視漕通州授意謂但云米不佳千金可立致及呈米無言空手而歸侍郎責問良久對曰其米誠佳安得言不佳左右皆笑侍郎亦曰子誠廉士不能爲子謀矣

劉松嵐觀察風流自喜酷好高密李石桐詩因學之余於平原張雨田處見其詩僅一册晚年作也風格蒼古不染時蹊松嵐愛張船山詩每摘句錄以贈人後載與友人札云妻妾釵釧化爲柴米其清况可想爲同鄉初頗園尙書劾罷

山左理學推安邱劉直齋先生近時人則閻考功懷庭

卷二

三

爲最名循觀昌樂人吾淄有應試省垣者見先生衣冠質樸貌不驚人而言動有則無不敬服考功少孤葬親處卑溼冢爲水嚙大陰雨輒號泣不食繞墓走達夜以是得羸疾卒改卜焉直齋自序其學云始去外物而見身繼去身而見心又去心而見理考功以忠恕爲根本以倫常爲實際毅然以絕學爲己任二君一似陸一似朱門徑不同而同歸聖賢一也考功額二親所居曰思劬齋以志痛每問伯叔以父之容言嗜好能爲古文文不苟作必有爲小記刻峭似柳州一遊一息皆有學問存焉直齋與吾淄孫若羣先生爲濟北大儒考功與

膠州法鏡野濰縣韓理堂以文學行誼相切劘韓理堂名夢周好古文時藝亦樸實說理如數家珍令來安地瘠民貧勸農桑崇節儉值大旱禾稻盡枯請上憲入奏發倉振恤民慶更甦當時百務勞心發爲歌咏名憚暑吟以寫憂憫之懷嘗見其嗣於濟南樸野如農夫視世之居官署厭膏梁者異矣

紀曉嵐先生視學八閩邀吾鄉趙春澗同往先生先行春澗自山東日馳二百里及之一路唱和曉嵐先生以長句首唱索和戲促諸友春澗詩後至又促之春澗善說鬼數十晝夜不窮在京有鬼董狐之目曉嵐子汝傳

卷二

美

朝夕勦之令談先生嘲之云甘心伏轅下侷促跛羊如終朝邀稚子神怪談虞初諸友詩皆至作詩相謝兼索和章春澗詩又不至乃倒疊前韻以惱之因春澗好飲詩有云可憐一蹶竟塗地險韻坐困敲拍交睚盱四顧上舵尾苦問何處酒旗挑賓主相得之樂如此及見春澗詩和韻皆在集中其倒疊前韻詩風馳電激英英露爽曉嵐先生詩云山東健兒天下勇士風慄悍連滌濠當之洵不愧也春澗善畫詩筆敏捷京師諸大僚扈從出塞每邀與共往閱山川之奇險歷風霜之凜冽詩情愈豪每有翰墨事操筆立就故多屬其捉刀而終身未

列科名隱居田園喜其稚子應門云解道阿翁不在家
甘於韜晦矣閱其詩忽忽二十餘年忘其邑竝忘其名
要為濟南人歸里時當再考也

以德州人

董香草芸平原人作詩不求奇不務華清和宛轉情詞
亶亶動人曲江家法未墜也嘗作濟南絕句百首蓋繼
王考功季木齊音而作劉寄菴題其卷云問山亭中詩
百首云是齊音古未有才雄氣健易語言未免砭砭雜
瓊玖又云平原香草今詩人風度曲江有為後偶然寄
迹芙蓉泉閉門捫句未肯苟旁搜非欲掩前賢博採方
將稱尚友結云季木不徵騷雅音香草却擅風流藪濟

卷二

无

南自古名士多如此詩人再有否香草蓋籍平原而寓
歷下抑揚之間推重獨至非輕許也

家族有名勸者余尊行忘其號性冷峭孤僻寡交遊潔
癖如倪迂偶有客談去後必滌其茶碗洗其坐生平不
入廁至村外幽僻處還必數濯其手晚年無妻無子或
寓僧寮教讀嚴厲弟子衣履無聲咳唾不響頭容直視
容端洒掃進退皆有紀律有富家兒不在門下數年矣
買得駿馬村外馳驟望見先生肅然下馬侍立先生責
以輕浮立令斥賣唯唯如命蓋余生三十年前吾邑師
道無不尊嚴而先生尤甚好苦吟作詩不求人知每成

一篇點竄畢團紙棄置或付丙丁不知誰何檢其殘篇
得二十餘首錄之持示劉寄菴寄菴深服以為幽淡閒
寂四靈一派也記其絕句云夜靜霜氣寒鐘聲渡水去
吾性本空明山僧自多事所作大抵類是

嘉慶壬戌二月巳酉湖北教匪肆逆我師失律深入山
巖喪將弁五十四員總兵王懋堂福山人參將胥泗起
歷城人俱陣亡劉寄菴作詩弔王將軍云嗚呼賊勢何
猖狂妖雲掩日天蒼茫好出奇兵善制勝軍前殺略難
相當山東猛士有王郎氣如彪虎驅羣羊宜有英風落
賊膽何期遇伏身先亡將軍年少魁多士軍中喜見晉

卷二

罕

龍驤凱歌未奏輓歌起白虹萬丈經天長胥將軍云將
軍義不死牖下破產千金置駿馬身經百戰無完膚血
色殷紅上鞞袴又云虛孤旺相誰曾知爭關奪隘由人
為霧渡河邊命如草飛烟縱火殲王師敢惜孤身奮力
戰頭中礮石身中箭小臣一死真無能不怨大師不救
援按王子文亦有詩弔胥參將謂公稟大帥不宜深入
弗聽遂遇伏敘其死甚慘蓋寄菴在福山聞王鎮臺之
死詳子文在歷下聞胥參將之死更詳有自川中得軍
功歸里者略問軍中事彼身在行閒逆匪之戕武弁慘
不可言宜其盪滅無餘也

胡書巢德琳廣西籍江蘇人乾隆壬申進士官四川後
官山東由縣令升東昌知府至副使袁香亭姊丈也工
詩袁簡齋深賞之廷對時擬鼎元因一字失檢被抑遂
與風塵吏伍而才具卓犖所至有聲任濟陽歷城修志
書皆雅贍詳覈未第時屢夢杜少陵韋端已而得蜀之
威遠令震澤沈裕雲送之云交親在何處韋杜夢偏長
謂此也有兩兄雲巢鶴巢

徐士林字式儒號兩峯文登人康熙癸巳進士官刑部
侍直 世宗憲皇帝云爾骨格重異日當為名臣赴江
蘇布政任僕從三人襍被書籍而已吳俗奢靡公設五

卷二 聖

簋脫粟飯宴鄉先生於滄浪亭令郡民縱觀俾知節儉
公私苦累知無不言不避嫌怨素工舉子業勤於課士
作論文詩示諸生窮源溯委備極剴切升江蘇巡撫袁
子才謂繼湯文正公之後一人而已蘇州府志云士林
正直忠厚精明強記歷更大郡更明習法令崇祠賢良
祠安慶江蘇皆入名宦祠子才謂公有母喪有 詔奪
情不起非也公丁外艱服闋起布政以母老力辭不允
官巡撫力請終養卒於途隨園詩話云公詩極綿麗官
中書有句云歸來惹得山妻問侍女薰香近有無按公
官刑曹為司員于詩非專家有蟬餘集一卷

德州宋蒙泉先生弼以臬使家居極詩酒賓朋之樂續
山左詩鈔載其詩甚多今不盡記先生與曉嵐宗伯翁
先生有羅酒歌宗伯和之云平生不飲如東坡銜盃已
覺朱顏酡今日從君論酒味何殊文士談兵戈往昔作
客東光縣春風三月胡蘓河主人好事攜美酒踏青遊
我同相過芳草丰茸疊翡翠幽禽尖咽如鳴梭風景駘
蕩客心暢飲酣起舞爭婆娑爾時意氣亦豪舉呼童一
酌鸚鵡螺伯夷柳下共風調滑流齒頰清而和形神酣
適忘物我便擬倒甕傾滂沱麴生風味真可憶主人云
出陵州羅玉井蓮花釀珠露漁洋當日留詩歌滄州亦

卷二 聖

有麻姑酒南川樓下臨盤渦河心泉水清冷味小槽滴
滴浮黃鵝有如少華連太華肩隨未敢爭嵯峨自餘碌
碌千萬種大岡小阜空陂陀東海先生昔好事大徵名
醞分其科章邱墨露推第一品題未免成差訛此事十
年在胸臆回首往日東流波年來倚廬卧昏曉幽憂致
病愁難瘥有疾飲酒禮雖許忍云思此蠲煩病比似清
簞疎簾句枯禪不免長吟哦偶然一品江瑤柱髯蘇聞
此當云何按查悔餘詩註德州有露酒色如黛漆味比
醍醐曉嵐以為出章邱未知何據家銀台公每過德州
至羅侍御勤公家必索飲屢覓于詩

德州盧抱孫先生康熙六十年進士有吏才總督那蘇圖特薦之有云人短而才長身小而志大在揚州修小秦淮紅橋二十四景招集名流極一時文酒之盛王蘭泉稱其愛古好事百餘年來所罕見先生康熙辛丑鄉舉乾隆戊寅成山左詩鈔去重赴鹿鳴無幾耳留別揚州故人詩袁子才稱爲絕調出塞詩云解網 綸言下九閭孤臣猶在識天恩三年便許朝金闕萬里何辭出玉門沙暗陰山秋獵壯雪明瀚海夏裘溫多情應信揚州月直送征輪到塞垣

卷二

聖

新超詣有香山東坡風格陳子韶合梁山舟書及公書刻於西湖上名劉梁合璧後日寶重當不亞於球琳宋蒙泉先生選山左詩皆本朝人又選山左明詩大畧已具不果刻或盧抱孫先生有他故此遂輟所集原本不知猶存否後無能任之者或並不知有此舉爲之訪求可惜也四叔祖輝吉公諱光符曾將所選吾家中憲公理丞公僉事公詩一一標出指以示荀四弟薇堂名培垣嗣輝吉公後錄本藏篋中四弟今歿於川俟余歸里當檢視蒙泉嘗題吳蓮洋集誰掣鯨魚碧海中玉溪端是出羣雄臨川獨具千秋眼爲許樊南繼杜公虎

氣龍身豈久藏華陰赤土拭干將當時夜夜豐城色曾掩星文北斗傍蒲坂遙連太乙山二州八水照孱顏如何姑射仙人宅只在河聲嶽色間妙解惟應慧業知生天成佛漫相疑傳鏡消息分明在看取拈花微笑時

歷城李湘浦廷芳由拔貢中乾隆甲寅舉人先令吳江後知廣東南海有安疏草堂詩鈔秋日過友人村居云練湖之水乍生波洗眼秋光興若何一桁青山驢背晚半村紅葉雁聲多關心舊雨經年別屈指佳晨幾度過正是重陽花事好不辭樽酒共高歌初到姑蘇云山塘楊柳綠毵毵斟酌橋邊水蔚藍正是清明好時節落花

卷二

聖

風裏到江南立秋懷尹竹農王鄰川輕陰漠漠長莓苔自下簾籠不染埃一葉梧桐秋信到三更風雨夜潮來退閒便拓栽花地作賦還思倚馬才多少故人天際去却教海上望蓬萊竹農名濟源官至湖北巡撫鄰川名允輝官給事中皆歷城人嘉慶年間有匿名揭帖朱某錄寄鄰川鄰川奏之奉 旨嚴訊不得王名中有劉東禮潑口大罵語遂疑東禮所爲東禮云身在發審斷案五百無以意坐罪者乃欲以莫須有坐我乎按乾隆年間亦有匿名揭帖之案藩司審不出王名幾得罪終以無可究詰而止

山陰胡裘錡字寶臣落魄無家來揚求見抱孫先生不
得除夕投詩云莽莽乾坤歲又闌蕭蕭白髮老江干布
金地暖回春易列戟門高再拜難庾信生涯最蕭瑟孟
郊詩骨劇清寒自憐七字香無力封上梅花閣下看先
生見詩即往拜贈銀數笏觀此一端其虛懷可知矣

劉石菴相國奉 旨往壽繼母太夫人於江南太夫人
年屆九十公亦八十二矣太夫人家孫文恭公沁芳以
少宰督學政即石菴先生前為學使之地母子白首伯
姪繼任家國盛事為古今希有趙耘菘觀察少年在文
正公門下與石菴先生同學是時家居隨同叩賀作詩

卷二

聖

以紀甚為雅切有云終騶不遠三千里皓首親捧九十
觴按武兩朝賢宰相疏封一品太夫人韋平有傳難專
美終灌無文敢媿功又剩誇年少依劉日伴食曾陪兩
相公自註云昔客公家文正師方為總憲公亦為孝廉
每日皆三人共飯不另設饌也及送石菴歸云來為稱
觴增燕喜去歌遵渚羨鴻飛此吾鄉一故實紀之為後
世佳話

淄令韓公忘其名循吏也其先人明時為歷城令大兵
破城與巡按宋公死節建雙忠祠沈歸愚遊歷下題詩
云握拳透爪追英風邦人立廟崇雙忠

畢秋帆孫淵如兩先生皆官山左秋帆眷伶人李桂官
得其資助登第人呼狀元夫人淵如嬖伶人郭芍藥為
作本事詩更有以節義著者國初時青州有歌兒胡文
玉為無錫黃心甫所昵心甫有僕利其橐中貲夜持刀
斫之文玉以身遮護刃入膚數寸有劉將軍出奇方救
之得不死王昊廬澤宏為作詩以表之梁溪高士冰雪
姿著書兀兀恆苦饑客遊齊魯何寂寞忽感歌者相追
隨黃河以北嗜北調青州亦住宣州兒妙年顏色天然
美豔妝不學俗女子一夜歌聲遶屋梁滿堂淚下如鉛
水相憐悔不早同生那期只欲從君死先生有僕不安

卷二

異

貧不識博奧之主人拔刀作逆胡為爾天涯安得金繞
身最恨有刀不鑄眼如花忍作看秋薪虎狼自門入煎
逼何太急短袖甘為倚柱笑一身却似當熊立少年義
俠誰不憐忍痛無聲暗悲泣此身一死奚足云高義偏
感劉將軍脫贈奇方出金石先生搗藥何殷勤古人深
情各有托繡被安可方紅裙先生自歎知音寡我亦有
生深情者為僕受恩反負恩如君萍梗交乃肯視死如
飄瓦我願他日乘車相逢揖君下按昊廬與漁洋通譜
交善每呼為涓來兄昊廬別貽上云鵝鴿影共迴風舞
鴻雁聲愁溼羽翰直以同胞相視矣

寶山毛海客大瀛遊畢秋帆之門後來山左遊國中丞

幕觀其水山一篇似目擊時勢而作作濟南雜詩足資

掌故旅食行蹤那自由蕭然襤被更齊州衣人偶寄青

油幕懷古還登白雪樓七子琴樽餘廢壘百年風雅付

寒流歸來靜掩銀缸坐整妮殘書拂做裘七橋烟月奈

愁何到處尋幽發浩歌每上古城思北海李北海有登

獨驅羸馬憶東坡東坡至濟南有敝裘羸馬古河濱句高賢作守風誰繼

齊南守曾子固後繼起者狂客題詩興尚多七十二泉

有龜禘之李公擇諸人無恙在更須一處一經過讀罷齊音倒綠醪王季木有

首濟南先正火飄零萊莊草沒尚書墓邊貢墓在城東萊家莊望

卷二

水烟荒閣老亭空向山川餘感慨祇從詞賦想儀型殘

碑斷碣斜陽外枉乞才人筆底靈飄泊平陵客夢賒殘

年踪跡向天涯水從地底分榮沛山向城頭辨鵲華日

上西園朝放鶴烟籠北渚暮歸鴉破窻了得公家事合

與高人伴鬥茶謂聞人雪珂

劉文正公節儉素著朝珠無十兩以上者線斷珠落不

復拾出差從二僕所至閉後院不使見一人傳呼即用

州縣供應家人用馬不過六七匹無過站禮食物不索

珍錯嘗因事籍沒無家貲耕田四驢入官後命賞還

家產四驢在縣已餓斃縣令買四健驢以償

李長蘅滕縣花開白似銀句漁洋深愛之經過兩次不

見一花有句云不見花開白似銀按長蘅於萬曆丁未

下第與客過滕賞酒觀花作是詩至漁洋則滄桑已更

舊景渺然然滕縣花木昔實繁盛觀與長蘅共飲之客

後十四年復經其地追感舊遊一詩足徵其概詩云滕

縣春來花萬樹花白花紅夾煙霧交加嫩藥欺豔陽灼

燦繁英照日暮今我來時秋已老柳禿槐黃隕霜露風

雨依稀下第身鶯花指點停車路與君過此十四春日

月如梭事錯互青春作伴更幾迴紫陌看花是前度花

開花落落成谿征人合香從此去花前掉臂去復來縱

卷二

見花開有何趣羨君真作淡蕩人間則牽舟湖上住山

僧扣門分盤餐榜人刺舟乞絹素西湖煙水收綠波靈

隱霜林放紅雨征途茫茫君倘憶清夢悠悠我難赴推

尋舊跡如見君花白如銀詠君句沈吟感嘆日欲西為

君酌酒田文墓

歷城朱琦號箕谷工詩為四川安岳令宿國清寺偶興

云繡斧當年駐岳陽題詩曾向贊公房殘碑已逐恆河

劫遺韻猶畱梵宇光鳥織楞伽元解語花非簷蔔更無

香從茲好事參寥子不羨山門玉帶長猶有一首不具

錄

漁洋平生好寫圖門人查初白慎行題倚杖圖云誰與先生貌一邱柴門以外卽滄洲殘霞紅上鯉魚尾遠水碧于雄鴨頭風定垂垂綠楊影雨餘咽咽涼蟬秋幾時真裏幅巾去容我來隨杖履遊漁洋最愛蠶尾山以名其集後繪爲圖題之云依然小泊洞庭旁公自扁州興不忘試向東山看月出繞身三十里湖光勿論石室與金庭畫裏迴源別有亭七十二峰遮不斷又添蠶尾一痕青杜詩細雨荷鋤立哀猿吟翠屏漁洋甚愛之後倩禹之鼎繪荷鋤圖小照查題詩中有云齊州九點青糗糊萬木陰陰猿鳥呼春山欲雨雲作膚風帆亂走隨鷗

卷二 巽

鳧村深岸轉帶渚蒲綠楊如烟際平蕪中有一翁行荷鋤師弟相契甚深亦足見漁洋生平寫圖之多而身後散遺爲可惜也

趙秋谷以事罷官牽引多名流查初白其一也初白云飲酒得罪古亦有之好事生風旁加指斥意雖不在蘇子美子美亦不免焉送秋谷歸里云竿木逢場一笑成酒徒作計太憨生荆高市上重相見搖手休呼舊姓名南北分飛悵各天輸他先我著歸鞭欲逃世網無多語莫遣詩名萬口傳後初白爲有力者吹噓而秋谷終身落拓

諸城劉太傅延清生平不佞佛然於大乘方廣諸經皆能得其指要六旬以後夜間跏趺危坐至二三更臨終之日五更起盥嗽飲食如常升輿至東華門與微側家人呼之已暝 上親臨見門外蕭條室無長物深爲痛悼賜諡文正不待議也石菴先生以公勳業在國史不撰行狀不乞人作墓碑及誌銘第取所奉 諭旨及奏疏編錄以示子孫從前格套一洗而空真卓見也太傅有平定金川詩典瞻壯麗匹美江漢石菴先生贈日者云人間富貴誰偏有天上星辰爾詎知贈相者云媿我支離形似鶴笑渠落拓酒無錢嘲弄見其高曠

卷二 辛

蕪湖韋約軒謙恆乾隆二十八年探花也來爲山東學使崇尚風雅嘗作古懸亭賦以示學人在京師得其詩集四冊和平溫雅旨乎其人吟興至老不倦尤嗜易有秋林講易圖自序云濟南使院在大明湖東水石清幽致有佳趣新秋雨霽校士餘閒借兒子協夢協中學易於坳芥堂因爲圖題五言平生嗜墳典一編每獨把矧以退食餘坐我秋樹下清光盈胸懷水木自瀟灑蓬髮有二子詩書爲陶冶易學傳九世詎敢頓喑啞程邵吾兼師焦京汝姑舍居則玩其辭鳴鶴象可假惟期樞機慎庶幾悔吝寡安能病包犧效彼負苓者

王父小山公結客好遊渡黃河遊洛下歷揚州入金陵
涉八閩三載而歸所居舊名南園宅東老槐數株綠幄
沉沉西則雜植桑棗棗爲海州公自南土移來異種後
爲居室中闢書舍庭前梅杏桃李甚夥丁香海棠尤巨
雜以紫荆迎春牡丹春時花開如錦旦夕與客談讌或
風清月白輒吹笛以暢幽懷晚歲約族中子姪及戚友
英俊爲文會爲之月旦席間首唱一詩箋字韻和者皆
不能及稿惜失去僅記結句最是吾鄉當自愧書香不
振百餘年歿後風流歇絕庭中花木皆殘屈指會中雕
零已盡惟韓百木樹柏猶在年近古稀矣百木少授業

卷二

圭

于先嚴與荀共筆硯英才卓犖深爲帥仙舟載可亭兩
先生賞識竟以歲貢就學博追憶曩時周旋杖履共以
筆墨馳騁於今白首五千里外雲樹渺然文社在雙塔
寺踞高崖臨流水去余家僅二里

山中有客以芝饋王父三十餘本紅黃碧綠五色爛然
其質稿而不腐可供几席雅玩倘在宋眞宗明世宗時
必貢入闕庭覬厚賜矣鄰村有得紫芝者四弟薇堂借
來觀之紫光如漆不栽濕土數日亭亭如故隱士采紫
芝服之學仙未知如何餐法昔東坡居士得肉芝如小
兒掌書云服肉芝者不死東坡與子由服之無驗

劉金門夫子視學山東愛才如命喜與諸生論文辛酉
擬程極高簡而未見其詩嘗題陶雲汀澍蜀輜日記五
律雖屬酬應之作第在先生一鱗片甲皆可寶貴蜀國
好詩境翰林今大家高風邈彭澤名士屹長沙弟子占
星喜山川晝日賒知君不徒作發軔此皇華萬古才無
盡那如天與情卽從官一集略紀使千程劍外魚鳧遠
江頭驄馬行長吟紆國計又播廣陵城

卷二

圭

呂村釣于棘津棘津在海曲通典海曲故城在莒縣以
爲汲人者非臨淄十里內外多大家小者二三丈大者
連岡帶阜獨田氏四王家在南山之下巍然大莫與京
土人云皆已發掘獨晏嬰墓屢有神怪不可開城內有
明衡王花塢紫薇千樹蘭菊成畦國初猶存未幾委之
蔓草矣臨胸有園林木皆栗梨楂杏朱氏世守之
濰縣科第甚盛文廟有文官果一株結子幾枚鄉試中
如其數無不驗一歲結實甚多數之得十三枚眾以爲
恐未必符旣揭曉中人雖多尙未滿其數俄北榜報至
連副榜果十三名異矣

濟寧州牧藍應桂之婿潘鷺杭光晉俱於乾隆四十二年會試中式光晉恃才而傲以岳翁之力冒山東商籍入學歲科試輒冠軍文宗深賞其文諸生閱卷時或從旁竊視光晉目之曰君安識吾文中山東舉人雖有知其事者以藍方得巡撫國泰寵眷不敢發及是復捷禮閣光晉原籍浙江謁同鄉官同鄉稱賀光晉大言曰此何足道吾浙率一狗來山東亦可中進士是時山東人為給事中者先在避客內室聞其語忿甚據實奏潘杭二人俱斥革藍應桂發往軍台潘鷺之父潘汝誠先任濮州牧告歸亦革職

卷二

畫

前任嶧縣令張若谷長子枚次子敬亦於父任內冒商籍中式為山東舉人敕任江西萍鄉知縣敬任湖北房縣知縣乾隆四十四年亦以冒籍革職敬號雪鴻名士風流但高抗不媚權貴罷官復遊山東人多愛其畫余見其手筆最多其杏林春宴圖燕子飛鳴如生家蓄玉瓶高四五寸有玉索滿其中掣之甚長一端連瓶底一端繫瓶蓋不知其何以雕刻也疑為鬼工雪鴻孫惠從學先君蜀中張船山墨迹多偽者守萊州罷郡日求書者踵至留於東者反過西蜀有詩云秋蛇春蚓太網繆官吏鄉民次第求四海墨花飛不盡又留千紙在萊州

德州盧侍御德水名世淮平生嗜杜詩園中作杜亭祀少陵每歲元旦必拜祭讀杜詩作大凡作餘論又有胥鈔分體寓編年以利觀覽不着論斷存真面使學者自尋微有去留以志心賞作讀杜微吟總括工部生平以當佳傳又請錢某作箋漁洋論詩絕句云杜家箋傳太紛挐虞趙諸賢盡守株苦為南華求向郭前推山谷後錢盧翁覃溪用筆抹錢字嫌其多穿鑿也按漁洋手批杜詩即據錢本杜詩各本字有不同錢註一作某一作某漁洋於其善者圈出有益後學

卷二

畫

起句云楊家姊妹顏妖狐抵於地曰咏中興而推原致亂之由雖百韻可矣尚作爾語耶後之論者謂起句實不佳以後瑰瑋雄麗不愧傑作吾淄張崑崙先生所作尤為漁洋賞識中有云煌煌魯公鼎彝氣大書深刻神為謀屢屢參天數千仞湘江萬古東西流吉甫作頌史籀筆力撫石鼓追成周又云莊如王會輯萬玉飄紳摺挺朝羣侯雄如將軍建大旆長戈列戟森兜鍪奇偉丈夫古冠劍乾坤大筆來神樓漁洋評云此篇略敘元頌以下皆發揮顏書奇偉與題相副又云諸家多爭肅宗功罪此獨擺脫如先生詩可免秋谷之詆呵矣

父子兩世爲濟南太守者仁和蔡松霞先生應彪乾隆丁巳進士所刻制義才宏肆而法律精嚴久膾炙人口吏治尤著宰鉅野時有孝廉繼室與惡僕通爲同伴窺知懼發其奸誘之途致死滅口按問時惡僕牽及主母公置不問以他事置惡僕以謀死罪守沂州時沂水縣鹽梟聚眾滋事緝獲多人擇首從分別置法其被脇入夥者悉從輕典所活無算蘭山郟城多窪田公開河道七十餘處窪地盡成膏腴嘗云作官三十餘年家無半隴惟有清白以貽子孫每寓家書訓迪綦篤後官至布政子廷衡乾隆戊戌榜眼亦守濟南後官甘肅布政孫

卷二

重

振武號譽洲道光丙申會魁由翰林轉御史甲辰督學四川元孫念慈辛丑會元丙午福建主考皆一人陰德之所貽也

某販馬遇客形狀憔悴問之云在雲南攻銅礦折本慨然贈廿金客歸理舊業山開礦露擁金鉅萬與販馬者復遇感激良深問所欲某云欲爲官贈數千金使入京營謀某在都酒樓妓館揮酒罄盡客以事至京見之訝其落漠復爲捐縣丞分發山東補缺後一日不知所往乃身推獨輪車至登萊間獲巨盜升知縣後擢知府惜傳者忘其姓名恢闊豪宕洵奇人哉

蔣大令伯生名因培從父官山東流寓齊魯伯生後亦官山東爲縣令詩才敏捷狂放不羈當事者惡之就其詩句加註以爲語涉譏諷文致周內登之白簡 睿皇帝察其無他 特恩寬宥復官伯生感激有詩記之僅記又荷丹毫點註來餘盡忘矣爲齊河令罷歸郝答送以詩云楚水吳峯道路遙拂衣歸去宦情消一官未可容強項五斗何能更折腰大邑雙鳧何足戀小山叢桂正相邀知君囊底無他物惟有清風兩袖飄

卷二

重

不諸于時懷才貧困以歿齊河郝秋岩女史及弟君實皆從學詩歿後君實哭以詩云傲兀羣推不世情閉門窮巷少逢迎家傳弓冶詩篇富身歷飢寒感慨并白髮幾人稱弟子青山老我哭先生如何一慟山陽笛庾信空傳思舊銘

吾邑蒼龍峽兩峯夾峙山不高而蒼秀狹處不容車馬過峽一灣流水數株桃花別一世界如桃源也郝允秀詩云攬勝春山路不迷纓腰乍到板橋西連天樹色浮晴野滿目峯光接碧溪茅屋幾村花欲折東風一路鳥爭啼行行忽覺林巒別流水聲中問小侯

戴已山刺史軀短小精明過人以進士分發山東爲縣令調繁歷城陞濱州牧繼牧膠州濰縣教匪馬綱滋事罪誤罷職非其罪也先生工於詞詩筆亦秀而懼內過謝太傅無子不敢置姬妾眷一妓訂終身以夫人故忍置之嘗作秋海棠步漁洋秋柳原韻夕陽無語鎖銷魂泣泣疎紅冷到門顧影自憐秋一剪斷腸人遠淚雙痕眞成薄命偏傾國生小含顰合住村若共春華競顏色等閒媿姹恐難論玉宇初澄夜未霜幾拳瘦石禰林塘洗妝露冷紅低檻捲地雲多翠疊箱本自無詩翻說杜幾曾工畫敢嗤王丰姿絕代情懷遠珍惜何人護錦坊

卷二

七

娟娟明月照苔衣夢裡華清覺後非有恨但聞蛩語悄無香焉怪蝶痕稀種種愁隔世闌干續漬粉成茵熠燿飛等是貯嬌金屋渺感恩偏與素心違弱不禁愁瘦可憐捲簾人佇一庭烟西風別院涼深淺疎雨空階夜遶綿正好秋光宜冷豔恰看花樣憶韶年牆陰多少葵心赤小草何因到日邊
同年姚以臨莊持歷城人都會之區多風流自喜以臨性情端方偕朋好過妓門強挽以入堅不肯門外佇立以待其出而接物和雅絕非迂僻固執一流爲河南偃師令甲辰入闈分校得疾去冬卒記之以存梗概

詩忌書多埋沒性靈若用典確切而有風韻則妙矣吾東有候補佐貳官何姓戲咏鼠娶婦云相體亦如人有禮于歸誰謂汝無家有許姓欲就蔣伯生館時蔣署滕縣因寄詩云君真好客開三徑我願爲氓受一屨俱極切而工妙

吾淄翟笠山灑臨古人筆迹無不逼肖唐太宗虞世南等直行摹刻於石如見古揚時人稱爲絕技不虛也嘗見其書孫過庭書譜十二幅如驚蛇入戶筆勢飛舞官墓灣回言玉山在生蕃外望之嶙峋如雪皆白玉堆積非若和闐之藏於石也有惡溪毒蟲人不敢近又言海

卷二

七

中有巨珊瑚三四人合抱近處映水盡赤龍宮在其下舟行避之笠山有詩集未刻
邑人軒轅誥以舉人作教諭將陞某府教授中己未會元殿試改庶常散館歸班選改教授仍選其初陞之缺一片青氈依然如舊二十年如一夢云
吾邑譚眉樵先生因其村旁有小峨眉山故以自號學老文鉅屢困場屋齒已壯矣憤極欲自縊懸繩聞空中語曰頭小驚視無人復引頸向繩又呼曰頭尙小未解何故遂止又數年捷鄉闈解元年甚少方知待其人也科各有定如此

諸城寶總憲光龍在翰林大考第一不二年至內閣學士以文受知性伉直敢言任浙江學使發平陽重徵之案審實縣令得罪浙人士踴躍感泣門人秦君瀛置木主於西湖望湖樓且刻先生詩集登九蓮山云蓮山東南豁百里俯滄洲陽崖叢石蓮陰壑蟠潛蚪堯朵造白日山絕頂名八朵峯義和礙行軻萬壽冠羣峰石色連天浮覽古憶漢士問年齊浮邱往往傳丹液可遇不可求想像明月夜鸞鶴驂遊遊銀臺光照耀倒景隨東流浩歌遏白雲清絕令人愁鸞鳩捨榆枋黃鵠固遠投涼颺振林樹柯葉如驚秋夙心展廣眺及茲縱冥搜言陟從壽嶺

卷二

五

佇望仙橋路有陸仙橋積石淙清流斜陽亂紅樹賞心會獨往倦足容小住頽宇龍象愁危巖獅虎怒山有獅象峯虎岩峯人逼蓬萊溟漲不可渡溯洄溪風長寒林颯已暮杳杳遠鴻音鬱鬱隱豹霧撫化時有適得已物無忤揮手攬皓魄振衣拂白露行行謝磷緇終然完吾素游天井白龍潭游子追險絕造物秘靈境始下九仙麓檻泉書庫名峰頂西行得牛涔幽尋問天井杖策半缺折谿徑猶榛梗躡身緣峻嶒步澀覺道永稍出石門隘已怖風色猛湍瀑迴羣壑硜角會諸嶺仰睇練峰高轉睨龍塔迴勢挾河漢落氣侵毛髮冷黑雲閉靈霧白日匿晶影俯崖

窺半壁陰鑑洞內景想見虛無底積水藏溟滓有時沃驕陽霖雨應禱請沉牲終不受澹瀕涵淵靜適來驚蟄潛殷雷晨一警豈謂感鬼神茲游固多幸西暉餘照曜延佇惜俄頃

益都李南澗文藻窮經好古肆力於漢唐註疏嘗與周林汲先生取經史著述之未甚傳世者刻爲貸圈叢書未竟而卒林汲先生一號書倉以七品官奉 旨國史立傳異數也南澗績學爲縣令陞州牧資恨以歿所遇有幸有不幸焉遊觀音巖云曉至觀音巖巖舟試屣脚洞門呀然闢攝衣闔重鑰白日忽昏夜明燈僅微燭拊

卷二

六

楯山鼠飛唾地谷神諾屢折迷所向踏石畏朽索一竅開絕頂俯瞰得寥廓奔瀧圍佛几來朝萬青嶠形肖靡不有獅象龍鳳鶴鍾乳當檐垂旛蓋倒蓮蓴輪困寫毫光珠玉飾簾幕造物施供養萬古無銷鑠耄衲導我下具茗半山閣軒豁遊大厦息定興磅礴拂蘇盼高壁文字爭寄託韓蘇所未到此景遂寂寞再下出洞口乃見飴山作南遊爲美莊川巘入詩囊磨勒得此三南山連碧落恂悅新城篇片石誰爲鑿回舟更仰首萬仞一斧削絨縞尺寸異渲染朱綠錯五丁猶夙聞何人布丹屨下有蛟螭蟠上絕猿猴躩松桂挂石棱飛鳥偶附著對

此一長嘯迢然滿崖壑卻悔初來時峭帆疾于鷲夜夜蓬島夢年年文書縛山英留奇勝及歸踐昔約烟霞浮蓬窗兒女亦駭愕行厨問薪米將為十日泊

邱縣劉松嵐大觀詩刻峭清蒼有玉磬山房詩鈔與郡人芳山種花云劇雲植嘉卉聊復助天工此土非吾有分春與眾同暮烟生遠水樵唱散遙空領得山中趣橫琴坐晚風東昌舟次寄兄云節次幾更移多年嗟遠離最難遣愁處將欲到家時問友多新墓看花少故枝祇餘江上月猶為照深厄貧士云寒鷄窮巷鳴不見突烟生書向鄰家借詩多雪夜成斷繩橫短榻折足臥空鑄

卷二

李

盡日無人到時聞飢鼠聲刻苦絕似賈島生平嗜高密二李詩故取法如此

董曲江元度改庶常後乞假南遊來往姑蘇維揚閒寓盧雅雨署中最久題盧雅雨先生平山高會圖云好憑高處豁雙眸載酒頻來作勝游地脉遠從全蜀至山光坐向大江收銜 恩轉運重持節遲客登臨獨倚樓一自治春文謙後代興畢竟屬齊州天涯倦客病維摩仙侶聯舟一再過饒有烟霞隨杖履不妨山水當筵歌梅分官閣寒香早月傍揚州夜色多好事屏風傳翠鏡使君鬢髮未全皤 曲江晚王保定蓮池書院偃蹇以役詩多感慨

嘗疑李長吉升天作白玉樓記必佳惜也人不得見秋谷先生以詩名及時年及髦矣後寶山有徐水鄉名松者少有才藻忽病語其父曰兒將往謁洞庭陰君所以詩稿付友浦翔春其時浦猶未知其死夢水鄉來談自云今遊趙秋谷門下講詩工夫大進然則秋谷之靈固未嘗泯也聚古今才人于地下天上其樂當勝人閒十倍

歷下曾南村受業吾邑張榆村先生先生深於時文而詩學亦醇南村得其指授夙耽吟咏牧山西平定州以所歷上黨咏古諸作命門人李珍聘書之藏文昌祠中

卷二

李

仿白香山分置詩集於聖善東林兩寺故事也歿後十餘年陶梅軒復葺其地見詩愛其清妙又喜為同鄉乃序而刻之并附已作兩公此事不徒為平定添一公案亦吾鄉佳話也南村盤石關云盤石關前石路微離離黃葉小村稀斜陽忽送青峯影千疊層雲屋上飛梅軒詩云一代文章擅逸才開軒吟罷興悠哉官閒且喜能醫俗為與詩人坐臥來其風流可想矣

歷城朱青雷文震精篆隸工畫又善雕圖章嘗宿隨園為袁子才鐫小印二十餘方其神速眾莫逮也紅橋晚步云西風開遍野棠花垂柳絲絲數點鴉多少畫船歸

欲盡夕陽猶戀玉鉤斜過揚子江云笑對蓬窗酒一罍
黃梅時節恰揚舫憑君說盡風波惡貪看金焦漫不應
青雷與鄭板橋善板橋在揚州爲八人會在座者程綿
莊黃瘦瓢王夢樓金樓亭于石鄉張仲謀板橋畫蘭八
葉以符人數誤多一撇笑曰今日豈有後來者乎午後
青雷不期而至鄭大喜乃畫九畹蘭以紀其盛作詩云
何須芍藥誇金帶自是千秋九畹青

淮縣令鄭板橋燮滕縣令李復堂鐸二君皆興化人皆
工畫又同官山東最相得雅雨先生自揚州寄板橋詩
云一代清華盛事饒冶春高宴各分鑣風流暫顯烟花

卷二

李

在又見詩人鄭板橋板橋得錢輒分與親戚故舊告歸
囊空無立錐地寄居復堂之宅贈李詩有云聲色荒淫
二十年丹青縱橫三千里兩嬰世網破其家黃金散盡
妻孥恚劓嗾催租惱吏頻水田千畝翻爲累途窮賣畫
畫益賤傭兒買豎論非是昨畫雙松半未成醉來怒裂
澄心紙將復堂情態寫得鬚眉俱動二君筆迹流傳山
東最多鄭師徐青藤縱橫恣肆任其天趣而不離法李
師蔣南沙相公疎秀中帶細緻亦淡著色可稱異曲同
工余得板橋所作淮縣城隍廟碑在板橋爲楷書而偏
側處姿態橫生足見名士風流

平原劉觀察松嵐同邑張雨田之姑丈也雨田在川候
補案頭有觀察娛老集吾邑馮荻橋大令爲之跋觀察
好詩喜事新城王子文祖昌攜詩謁之卽爲刻其全集
初官粵西十餘年苦不可言自謂宰天保三年最樂邑
去桂林二千里乾隆初年始置縣其地如鴻荒初闢食
無珍錯衣無文繡人無袴蒲無乞丐娼優亦無盜賊月
收訟牒一二紙胥吏早供役午歸薪米雞豚皆父老兒
童背負以來歲得養廉八百金宦場無絲毫應酬大吏
皆度外置之也吾東詩人益都李詞晚高密李少鶴及
松嵐皆以詩名皆官粵西奇矣

卷二

李

前記趙文毅兒航在曲阜顏衡齋處公五世孫者庭名
王槐製玉航銀船託翁覃溪宮詹介之以文易歸覃溪
題以詩亦甚警末云顏公奉航向君笑趙叟傾心誓相
報航喜多年逢故人叟泣還鄉告家廟昔人贈航事偶
然今日還航事更傳譜出兒航新樂府壓倒米家虹玉
船後者庭
予少時見人佳詩每鈔錄屈翁書中乾蝴蝶詩二十
首有句云從來花海皆文海第一香山是西山以爲小
題有如此沉雄瑰麗之詞非老於騷壇者莫辦遂盡錄
之屈當時傲岸自負刪改少陵詆訾李太白出必高杖

四童扶持以自表異見客南面坐王侯拜榻下曲阜顏
懋僑詰之曰足下有書中乾蝴蝶詩此委巷小家子題
目李杜集中曾有此否屈不能應觀此余乃愧所見之
淺也

聊城傳鄧二狀元共一巷鄧悔廬先生名鍾岳康熙辛
丑及第博洽工書求無不應見其長卷楷書清挺秀逸
如珠光照人一督江南學政兩主江南鄉試為學院時
按試揚州一史姓童年三十餘視其三代則祖名可法
公驚疑問同試相識者皆云非妄蓋公有妾在揚生遺
腹子及閱卷文理欠通公語眾曰此忠臣後不可以文

卷二

奎

論取之雖私亦公更詳序原委刻石嵌試院壁公此舉
快人心而維風化可感也公與雅雨同年官侍郎學問
德望甚著不以詩名而詩極可誦東園柳枝詞云林影
參差遠障空雲廊畫閣有無中清明十日春光好綠染
垂楊第幾重樹頭新月細如鉤樹底村烟翠欲流堪笑
踏青人草草和烟和月上漁舟按公雍正年間為學使
史公之孫入泮以的派自當奉祠乃乾隆十年乙丑有
閣部孫纂曾孫山清元孫開純致祭皆自云德威之後
是揚州副將閣部以為嗣者鄧公所取竟無聞焉何耶
錄之以俟博識詩心餘得史公遺
傳開純纂以奉祀

海豐吳樹堂垣在部曹時因太監漏言一案干連被議
後官湖北巡撫里居聞縣令鳴鑼過在室起立家人問
故曰父母官過安得不敬性尤愛才綿竹李雨村在京
候補有文名引之見諸城劉文正公公薨囑雨村為祭
文有人憚王陵之顛天憐汲黯之忠深喜其切公性情
雨村以小故失官吳為不平及奉 特恩開復乃招飲
賞菊于椿樹衙衙之我堂舉杯屬曰今日必有好詩李
即席賦云羣賢畢集我堂東四面圖書映畫櫺九月天
逢楓葉雨一時人醉菊花風是雨村於哀清慙外又得
一知己也海豐吳氏為望族一時有三巡撫餘多列仕

卷二

奎

籍今名式敏式羣式毅者皆少年登科第方興未已
沈歸愚袁子才俱乾隆戊午己未聯捷進士是時益都
趙秋谷先生尚健在秋谷康熙戊午舉人已未進士與
新舉人會先後同年沈歸愚贈以詩云後先己未亦同
年歸愚猶接漁洋秋谷之芳徽其負海內盛名不虛
本朝以五經中式者甚多而開其始者則吾東膠州法
黃石先生若真也順治乙酉鄉試作五經文監臨主司
公薦異才 詔試玉芝宮 賜內閣中書一體會試丙
戌成進士入詞館乾隆辛酉
中法坤宏解元安邱劉其旋劉君工
於時藝元文如初寫黃庭到恰好處坤宏則雄奇磊落

續掃一切皆名士也劉亦成進士坤宏卽黃石之裔黃石官布政告歸以書畫自娛乾隆庚午趙崧崧亦以五經中式明年會試禁止不准作五經文後因以經分房或過多或太少不均五經各出一題崧崧謂石黃子丁酉鄉試安得丙戌成進士似字誤

濟陽艾大司寇元徵在京所居園有梨甘踰常品大學士李公蔚過其寓食之美司寇每當梨熟輒摘以饋其後園歸徐總漕旭齡又爲給諫趙恆夫吉士所有皆饋如故幾三十年矣康熙癸亥梨結實倍前甲子李公薨梨遂枯一梨與相公終始事亦可異

卷二

李

德州盧南石參政蔭溥嘉慶庚辰會試總裁眾考官共賞山東一卷謂可冠多士盧公曰吾爲主考而以山東人作元母乃私乎遂別取一卷謂得題解而以山東卷次之及填榜亞元乃安邱劉公耀椿會元則廣西陳公繼昌也陳鄉試第一殿試復第一爲三元連史爲榕門先生後先生理學名臣宜昌其後冥冥中固早定矣明時得三元者爲商輅黃觀 本朝乾隆閒蘇州錢湘舲榮己亥解元辛丑會狀陳公繼之已有兩人陳現任布政劉壯年以道憲升四川按察使因前海疆失事爲人劾罷未至川

吾邑高念東題周公廟云弟兄王業岐豐後父子文章河洛餘典切高華不可移易膠州李霞寰世錫咏甘草云應事五朝長樂老未曾獨將韓留侯二事與甘草無涉用來恰切奇矣歷城周二南樂咏淮陰侯云帝或有謀商呂雉公原無語到陳豨語新意刻亦前人所未有也

東昌北關壁上有咏錢串詩云出身原自漚麻地一到人間萬事宜莫怪無端便拋卻多因不是有錢時意太淺露非雅音也又有句云牀頭內子矜藏酒被底兒童賭念詩情真語妙宜爲過客所賞

卷二

李

隨園詩話云盧抱孫與馬墨麟未第時出孫子未先生門按抱孫康熙辛丑登第始謁子未先生意殊落落及見其與馬唱和詩大欣賞乃過寓索飲遂訂交何云早出門下耶馬歿抱孫哭之云前輩典型亡北斗中原旗鼓失南軍
登岱詩自謝靈運始靈運遊山詩無不佳惟此詩仇滄柱云上半古秀下卻平淺蓋非巨刃摩天手未易稱題也工部望嶽一篇遂使前賢畏後生應劭漢官儀形容山之高大用筆古寫景奇爲遊山記開山之祖惜後來無能措筆

余在歷下有句云湖澄僧眼碧山擁佛頭青已隔三十年全篇久忘矣今歲周裁東子寶文來榮行篋中有李南澗詩草聖壽寺云涇將僧眼碧山落佛頭青何句法之相同也

余家有張錦芳小楷書心經墨刻錦芳號葑齋廣東順德解元與先君同在直隸文安周肅齋先生署即當時所贈葑齋名下士與兄葑房以詩著周肅齋李南澗皆與交善南澗自記云自羊城解纜張毓東葑房兄弟及黎二樵黃銘室相送佛山鎮舟中彈琴圍碁作畫賦詩次日過沙口始別留詩以贈與葑房訂此後月通一札

卷二

堯

必附新詩其遲速浮沉聽之葑齋記云三月三日得南澗先生保昌見寄詩因以二樵所畫公像裝于首而係以詩有云屈指數郵籤已度滕王閣書來詩滿卷猶是嶺南作末云賤子別公久美疾失良藥一憶文酒歡詎禁數日惡錄此見昔人交情風流佳話為可傳也張廷光去余家數里園有白牡丹甚高出簷際花面盈尺東坡所稱玉盤盂者不足多也有客乘黑驢甚健見花愛甚欲以驟易不可花竟枯越二年枯腹中忽挺怒芽粗如臂亭亭直上開花二朶此客又乘黑驢過願易驢外贈錢二百千主不顧客去花謝遂稿不復生

臨清開官何士錫見上流漂一棺棺上伏小兒急出錢募役救小兒曳棺上岸又撈得女屍一男屍三即為藁葬生者賃屋居之越兩月有監生徐均至言其尊人宰邢臺卒于任眷口先扶柩回一女其妹餘者為僕棺上兒方四歲其子也乾隆三十七年事洪稚存親聞徐均自言作詩云臨清開關置官開官開關方一日忽見天上來浮棺浮棺誰舊令尹急溜失風船沒板一女數奴魂不返漆棺浮處沉四屍棺頂乃復憑嬰兒漕船我下水來大聲呼開關不開關不開眾皆詈開官倉皇掉其臂三百開夫聲若沸曳棺出水兒亦蘓魚腹奪出雙

卷二

丰

亡奴結云君不見何開官救人出死為送喪淚尚垂棺側竟與棺中不相識道尤十七年六月夜大雨淄川西關外河水陡高數丈門外石牛漂去數里崩雉堞壞廬舍余有詩云般陽百雉屹崇墉石橋新築戊子巨長虹夜半忽聞蛟龍吼雨飛雷擊挾狂風有如項羽百萬卒排突誰敢當其衝大海騰波鯨魚立傾翻貝闕倒龍宮石牛橫卧鎮水怪頃刻漂沒難尋踪婦號兒啼驚倉卒兩岸焜耀燈火紅居見兩岸燈明蛟龍目睛也水面露首鬼神遷移避厄劫似牛羊者無數數百年未有之異鬼神遷移避厄劫居民有夢神令其同遷吁嗟怪事驚老翁餘不具錄者未幾廟沉閣家漂去吁嗟怪事驚老翁

沈歸愚年少時其師嘗以已詩古文並及門數人詩寄
漁洋先生先生答書許以特立成家謂歸愚等不但得
皮得骨直已得髓故歸愚終身佩服漁洋分甘餘話謂
戊子解元李紱二三場博大精深有萬夫之稟李巨來
聞之深感知已屢欲謁見不果辛卯還朝直趨山東訪
里居則先生已撤瑟矣戚然涕出作輓詩云維昔徂徠
翁賦詩推歐豪遼哉南北海響應如雷執古調知音難
頌洞驚海濤鍾期一以往絃絕絲桐韻 清時有名在
弼教參夔咎積學富墳典餘事窮風騷讀書固已勤猶
傳吐握勞雜選門下賢不數籍混期當年競文戰髣髴

卷二

主

臯蘭塵貌余起孤生狂簡譏琴牢固陋怯趨附俯仰翰
桔槔苑枯勢所絕長松謝青蒿風簷五經藝拙速慚枚
臯蔡邕獨歎顧范逵驟譽陶資許萬夫稟榮逾一字褒
小大豈易位泰山齊秋毫有言無不酬詩稱瓊瑤桃逝
將望清光一謝平生遭忽聞墓草宿無由薦溪毛東斷
六齧足西傾崑崙尻龍七虎既逝鯨舞狐狸號千秋不
可作勞心空惻惻漁洋盛時其願附青雲者不勝數獨
二公于身後因一言畢生不忘前輩愛才之誠與知己
之感爲何如耶若後來或以爲漁洋才力薄或以爲婉
約有餘興會不足則未免爭名之見耳

靳秋水章邱人善丹青來吾邑學博高公署是時高公
子西園年方童稚亦學畫同榻臥起最久晚年重逢西
園追感舊遊置酒與飲作長歌贈之云荒村落日風蕭
騷隔籬人語聞嘈嘈蒼茫起立問誰者濟南故人鬢山
樵此指長白鬢堂鬢山樵客丹青手半生老筆驅山走
有時得酒氣尤豪一潑尋常墨數斗形容秋水之畫並
其意氣寫出西園在濟南漁洋先生病遺囑命往新城
拜畫像受賜書時康熙辛卯也西園遂稱私淑門人元
旦懸畫像拜祭見繞屋梅花有欲放者悵然作詩云半
生畫裏見羹牆今夕鑪添柏子香萬頃梅花香雪海定

卷二

主

知烟水夢漁洋西園性情豪邁而平生篤於師友如此
盧雅雨守潁州濬西湖清出湖岸餘地撥四百畝給歐
陽文忠後人以奉祠祭其餘收租以備修堤之用賢者
舉動異於俗吏如此後來加賦漸爲民累諸城王斂福
字清範雅雨同年也繼守是邦親勘復其原額又開濬
清河以疏水患兩公德澤至今潁人思之按盧王交最
契王贈雅雨詩有云紛紛詞賦陪雕輦誰似凌雲漢長
卿盧和云一笑雲泥迴世情誰從偃蹇重狂生花當開
罷猶呼醉馬到門前總不行祕府藏書頻借看天家賜
祿亦分榮清時倘問流傳賦尙有鄉人識長卿

林汲先生讀書佛峪沈酣古籍自云不善作時下闡墨
顧鄉會皆中魁選鄉墨孟公綽一節題文尤古雅絕倫
三場多靠策料作活計先生提筆直書腹笥傾瀉不盡
余見鄉會策原原本本主司擊賞俱進 呈子震甲字
東木乾隆庚子北闈出場錄稿呈先生怒其偏先正矩
蕪揭曉竟中魁蓋以偏師制勝也先生與先大父往還
手迹最多獨未見其詩藁木詩能承家學送古愚陸二
歸江南覲省清時不負老萊衣回首田園足是非愧我
中年營旅食羨君計日覲慈闈蘋花江上風初冷蘆葉
洲前雁正飛鄭重倚門相望意好將寸草報春暉奉和

卷二

三

趙二年丈自伊犁歸里懷舊效蘭素原韻成客歸從弱
水濱多情杜牧又尋春猶餘鸚鵡杯中酒無復蝦蟆嶺
下人一曲風中留孽果再生天上是前因寒回萬里雪
山路迢遞重城烟火新再疊原韻送趙二年丈北游玉
螺峯下鏡湖濱花拂低檐柳拂春霧樹青帘寒貫酒畫
欄紅袖夜留人風含易水添愁思日抱燕山結夢因寂
寂黃金臺畔路暫開烟草一痕新孤蹤曾屆苦寒濱白
草黃雲不見春萬里鶯花迎遠客廿年詩酒屬何人嘗
來沙界三千數脫盡雲羅十二因大海茫茫天澹澹海
天空闊一番新

蘇松賦役甲天下宋行公田稅已多於各府自明以來
數又遞加百弊叢生官民交困 世祖朝柯給事請均
田役下督撫議行皆憚於更張吾東李公名復興為婁
縣令慨然欲除積弊胥役皆不便遷延推諉乃選邑人
公正者馬天驥董其事捐廉設局三月而竣一切徵輸
直捷簡便永可遵守華亭上海青浦皆仿其法四縣民
歡若更生李公作均編要略期垂久遠以他事去職未
幾積勞致病卒於旅邸可哀也婁民梓其所著逐條羅
列載於縣志沈文恪公荃吾淄高念東先生所取士也
為序其均編要略惋惜再三謂智足燭奸勇足服物仁

卷二

志

足利萬姓洵非溢美文恪工書至今高氏刻其手書楹
聯懸于廳事
國中丞撫東時為言路所糾諸城劉文清公奉 旨查
辦中丞遣使沿路偵探不知公暗中早已訪實矣中丞
於鈞突泉呂仙祠扶乩問數修短仙云不知再叩豈有
仙人不知者乩云他人可知獨公不可知驚駭問故仙
云公獨制千里行一善百萬生靈受福數可以增行一
不善百萬生靈受禍數可以減以是不知中丞後果伏
法仙可謂見理明論事切矣文清知新城同年伊丹木
才具明敏筆墨精能延入幕中辦理此案

東方朔懷肉歸遺細君司馬遷遊覽宇內江山小妻娛
清隨侍皆名流韻事也方朔平原人娛清亦平原人唐
永徽二年河南褚公遂良官同州夜坐西廳見一婦盛
妝高髻再拜致詞自通名諱鄉貫言年十七歸太史公
從之出遊寄此州太史公未返病歿葬長樂亭求作誌
銘恐湮沒也褚公爲之誌書石宋人有搨本杭大宗見
而賦之事極新奇褚公非妄語者人亦不能假託其字
昔人云錢塘蘇小是鄉親彼名妓何足爲重若吾鄉兩
先生之閨媛風流千載輝映矣

周書昌先生言一士人宿泰山夢一古裝女子自稱爲

卷二

五

紀姬云上帝以武王元女大姬主泰山以吾守貞不二
隸元女下爲貴神此說亦甚新異先生樸誠生平不妄
語

膠州法鏡野南埜皆名士南埜于歷城之濼口旅店見
題壁詩云流落江湖十四春徐娘半老尙風塵西樓一
枕鴛鴦夢明月窺窗也笑人其二曰含情不忍訴琵琶
幾度低頭掠髮華多謝西川貴公子肯持紅燭賞殘花
或以爲南埜託詞自寫其落拓然曰西川公子必有所
指似非託言鏡野博通羣經韓理堂序其學古編以爲
得史公深處宋玉叔王文簡未之或先也

候選國子監主簿趙作謀觀察清止先生之子也所爲
詩氣體溫厚律調精嚴嘗雪夜與客拈九字詩點筆立
成多材技彈琴投壺六博蹴踘之事皆精尤妙於奕飲
酒終夜不醉性早慧行坐一室時自言笑莫測所以卒
年僅三十餘未疾時有僧素無賴死經日矣復甦言於
人曰趙公生我諸君謝遂改悔其事頗怪

秋谷南遊長洲陸其清溲贈以硯其清所藏古硯最多
梁代邱遲所銘形圓如璧南唐硯四方平直宋官製貢
硯端州下岩奇品又一硯破落而中凹爲文徵明故物
餘莫能名所贈秋谷硯必奇物惜不傳

卷二

五

趙秋谷典試山西封公計放榜之期馳至太原聞士論
歸美心喜越宿而返不令一人知公名作肱字翼鄰應
試青州點名入未幾學使呼至案稱賀曰不必作文汝
以子貴受封編修矣是時年二十八舊有園在秋谷之
北范泉之南構亭擅一方之勝晚年增臺榭植花卉壺
觴絲竹日與弟姪對奕行樂以終其身

青州北郭南陽水水經注謂之澠水齊侯所云有酒如
澠者也昔有橋名南陽舊稱曾子固爲文米元章書可
稱二絕其碑久亡後復修名曰萬年橋俗矣趙秋谷作
記乃考古仍其舊名

翁丹麓棲霞人官侍衛讀書過目輒不忘年十歲貌魁梧如十四五歲者生而多力嘗出遊見童子向一少年索債少年不之應童子婉言繼以泣少年怒誓且捶之翁大不平歸家寢不能寐思必殺少年而後快人定後往叩其戶少年亦兇健聞聲有異挾刀執燈以出翁卽奪刀殺之歸而酣寢人無知者既長祖愛其驍果命習武中進士爲侍衛好與文士遊初學仙又學佛久而厭之講道學以程朱爲宗于書無所不窺尤邃于易解識出人意表自言少學拳技于蓬萊劉輝祖僅得其一二輝祖病且死未竟其學然技亦無與爲敵矣師事劉寄

卷二

七

菴寄菴夢之有詩云昨日翁夫子夢中爲我舞氣作經天虹勢如出林虎妖魅及鬼怪伏首慄雙股夫子萬人敵大武本不武手中雌雄劍裴公豈足數仰視天月黑憑陵雜風雨觀此可想其雄傑之姿雙目斜長人謂之鳳眼嘗與寄菴過小溪望海及返潮至溪漲乃伏身手扶彼岸足在此岸代橋以渡力未可量也

劉輝祖登州人有客來遇之厚因教以拳勇有武生某因輝祖納金願受學弗許某怒夜半持刃將往殺之至則室明如晝客端坐閉目如泥壘舉刀欲下仍不動因以刀力劈之客以手格其腕刀落于地因以手摺壘某

軀置于牀下呼劉起曰吾不可以居矣爲劉述其狀曰彼之來雖舉刀無寔意再舉刀則寔意殺我矣劉燭之赫然死人在焉駭曰某死固當但在弟子家爲累柰何客曰無慮手拊其背某復活疾歸其家吐血而死異人謂劉曰汝送吾于蓬萊閣上飲酒閒劉苦叩其姓字曰姓莊餘不復言起曰吾去矣跳入海中不見

卽墨張扶陽號肖蘇領解時榜名鈴古文能手時藝迥絕恆蹊超逸者飄飄欲仙渾厚者似歸太僕詩沉鬱原本少陵而一種清逸之氣自其本色同人推爲曠代逸才與周肅齋先王父交善往來寒舍每手錄其詩書法

卷二

七

亦工幼時見之不甚愛惜漸失去矣論文以左史莊騷爲宗以是課徒人多却步盧雅兩先生延之課子見其步趨太高作七律諷之遂辭去官建寧同知告歸家貧以山林朋友爲樂古詩云黃鶴一高舉天地呈圓方蜩鳩指相笑吾惟搶榆枋志識豈不遠所事各有行吾愛任公子巨竿投東洋期年得大魚離腊千人嘗當其未得時咸笑不自量毋爲蜩鳩笑當爲黃鶴翔黃鶴邈雲中蕭然看二蟲靜樹多悲風春暉去短草居世亦何爲立身苦不早紡機垂髮白書燈照影小中夜不能寐念昔心如擣明月照南飛啾啾啼烏烏啼聲動人心淚下

沾懷抱恨無雙飛翼及爾同集蓼

長山苗先生名翰寶號東禾家甚貧讀書刻苦年少教
家館聞某師精於書義晨起課畢往聽講往返四十里
先生健步如飛回理生徒業及已課程無稍失一日大
雪路絕行人里人開戶見有行蹤則先生已往某師書
館矣至省應試二百里裹糧一日而至鄉薦入都會試
自僻路九百餘里四日即至中進士自以不嫻吏事就
學博性迂執孤子而衡文甚細先君應縣試時邑令延
之閱卷拔冠一軍遂以師禮事之以文請業晚年自刻
其文不乞人序多短篇簡質瘦硬古音古節觀其文知
其人之峭刻不合時宜也

卷二

先

馮丹林先生君擢幼應縣試有神童之目長而好學在
濼源書院從桑發甫學讀書刻苦自言讀文時心一出
即自掐其肉初猶難定後心不游移乾隆甲午中鄉舉
闈文九轉丹成然猶在落卷中爲主司搜出先生循循
善教館泰安宋氏從遊日眾數縣之士將畢集思裁成
里中後進乃歸家教授一時多所造就先君亦以文往
質晚得郊城學博邑孝廉孟柳谷贈行詩云城臨郊子
國人問鄭公鄉蓋吾邑相傳康成曾居此也屢受知於
學使宗匠保舉知縣不就刻有印却齋文集郊城令某

集文選句贈之起句云馮公豈不偉卓犖觀羣書忘其
全篇郊舊有墨泉明季縣令某惡其科第太盛塞之曉
嵐先生過之作詩有云東海遺封舊南朝名士多傳聞
泉似墨古井幾時波先生歸里後過予館舍年八十餘
矣寡鬚眉貌偉岸音吐如鐘談論滾滾不倦

新城何維功字勳臣武孝廉而好文事刻有古文集師
事劉奇菴奇菴自雲南寄以詩兼訊蓬萊翁丹麓詩云
何子平日不好武恂恂書生莫敢侮一朝忽得教外傳
兩臂如鐵力如虎我恨不能親見之我友書來喜欲舞
末云蓬萊進士今健不蟋蟀秋風聽不了如何不封萬

卷二

今

戶侯海外灰心蟬蛸島爲提塘時奉委出差途中陰雲
濃布雷電交作日將暮前無旅店急投曠野中古寺正
殿五楹執石塞戶僅留小孔在中兩廂無門塵積四五
寸命僕掃除羅列弓刀以備不虞襪被稍息雷霆愈厲
俄屋外通明有四火龍飛至各盤一柱須臾俱由孔入
殿即聞霹靂轟然窗瓦皆震火之一龍出往西南去良
久引一龍至視前者較小相將入內霹靂暴響有如山
崩遂寂無聲復見五龍出飛躍而去天地陡暗咫尺不
辨主僕心膽皆碎一夜無眠曉至近村告以夜來所遇
擁擠而至皆云素有妖扶戶入視血肉狼籍酒壁上蓋

爲龍爪裂也其中朽骨撐柱不知食幾許人畜矣

初頤園尙書居官風采甚烈叅劾不避權貴一疏叅至三四十員雖有戚誼同年同鄉不顧也心極公正然宵小暗進讒言一時不察受屈者亦復有之當時爲之謔云一心硬似鐵兩耳軟如綿論者不以爲過然接人亦自和靄絕不故立崖岸人亦諒其無他後奏明入直隸籍迄今思其立朝敢言之氣如殿上虎亦足起衰振靡令人畏憚

新城張漢渡象津名孝廉也博學能文碑版之作多出其手不專爲詩得一妾喜甚作詩極婉麗爲人作聯別

卷二

全

有風趣似不從塵閒來劉寄菴深重之題其撫山樓有云樓頭高臥日月閒樓上放眼乾坤小中有道德五千言山人且耕且學仙篇甚長不具錄及門多才士同邑何氏雅好文墨集同人爲文社會者七八十人延先生與部曹徐子耘先生文驥主文衡放舟錦秋湖課畢遊賞談讌一時稱盛欲擇其佳篇刻之名大成集未果偶見一二磊落雄奇或簡嚴刻削大抵不向墨卷尋討先生歿古文之學不講而時藝衰靡矣承其學者與同宗名宗光亦名孝廉弟子問天上星宿指之歷歷問古制則傾筐倒篋滾滾不窮卽先生可知矣舅氏蘇山嘗從

之遊

汪芝田鏞歷城人以榜眼入詞林典試廣東所取元文人爭傳誦在言路有鐵面御史之稱兩奉使山東讞獄家在省垣過門不入鄉人以錦衣旌里爲榮先生歸林下時苟以後進陪侍意度靄然若不知爲貴官者弟潛爲中書耳聾好談論與人札學十七帖倉卒令人不能句讀好畫好弈閒喜作詩見其長古字句詰曲讀之棘口娶德州盧氏才貌兼擅雨中喜宋勝男見過云靄霖汲汲浸莓苔爲愛荷喧泛酒杯正苦閒庭無女伴詩人恰向雨中來

卷二

全

翟北海濤與先王父爲內兄弟少年文弱既壯貌甚偉高談雄辨兼擅拳勇嘉慶戊午鄉舉得武城學博好爲詩不甚持擇隨筆成篇未免染宋人習氣佳處情真語摯亦復頓挫淋漓石子眞爲之評選榛枯旣翦遂表孤花其從姪竹坡名駿爲余辛巳同年少年丰姿玉映亦工小楷值選拔之歲學使取冠一軍將貢入太學爲人訐其歧籍而止其實居淄四五世矣喜爲詩嘗以北海先生詩委予抉擇不見子眞評選原本予實不辨菽麥謝之竹坡爲人孝友父歿爲諸弟延師課讀竝從兄弟之好遊蕩者亦約束其中時家已中落獨力支柱門戶

得蒲臺教諭卒無子歸里將搜其詩卷使勿湮沒

曹太元佳和英才卓犖作文鎔鑄史傳議論警闢會試魁文人爭傳誦以部曹告降爲貴州縣令解鉛入京行至巫峽兩崖夾峙壁立千尋上露青天一線江流湍急疾如飛箭船磨石將破岸有微平處急登之船已沉倉卒從人莫救日暮猿啼終夜魂悸猿或蹴碎石下墜幾死者數矣太翁刻有詩集以孝廉爲吳橋令先生隨侍佐理故於吏事精明幹練歸里後多從遊者先生與先君同學荀以文藝請益示以書言先王父與其尊人交好每過從已執壺觴以侍翦燭談讌嘗聽餘論既與先

卷二

全

君共硯席又相得及荀交三世矣許以文無山林氣將來必達又教以文必熟作日成一篇相待如家人深佩其言先生健於文未鄉舉時晨出行田閒早炊時歸文已完日日如是及晚年課徒每早作文飯畢誦讀不廢正業仍自作一篇文成於心借書於手雷霆精銳冰雪聰明又復行閒茂密無一懈筆其實成之頃刻閒耳五日一課文二篇詩賦及古體詩或律或七絕隨所欲課程嚴密一時裁成甚多及卒學者失所仰矣先生身短聲宏口如懸河刻有文稿

王秋水祖昌新城人住石橋與王石丈爲從孫亦漁洋

之族人也貌樸魯好爲詩阮芸臺先生視學山東崇尚

風雅秋水入古場作論詩絕句數十首大蒙激賞拔冠諸生自是益肆力爲詩求周林汲先生爲點定好遊晚年東西南北奔走不倦謁鐵冶亭阮芸臺兩制府劉岸淮劉松嵐兩觀察海豐張公映璣轉運杭州至其署畱住西湖月餘盡登臨遊覽之興聞洪稚存自塞外歸訪之里門稚存稱其詩興會颺舉題其詩卷有云唐衢每爲生靈哭王濟猶嫌臣叔癡北望關河水叢少塞鴻歸計尙須遲對客好自誦其詩聲殷牆壁嘗語人云詩不須多一二語足以不朽如我詩中一峯纔去一峯來又

卷二

全

賣花聲裏過揚州足千古矣其任誕如是然七古豪氣奔放七律音調高朗自由作詩功熟滇南劉寄菴先生大紳宰新城接引後進才士爭趨其門秋水與焉寄菴爲山東循吏署曹縣蒞新城皆有惠政被吏議戍軍臺兩縣之民洶洶震動秋水乃挺身于兩邑募得數千金走京師叩貴人之門力爲營救寄菴方出關追回一時義聲動遠邇如四溟山人出盧次梗於獄也子名竹女名蘭有送父出門詩附集中

盧南石先生少時依婦家長山袁氏尙未娶也從師讀意氣豪邁不屑伏案及晨書累尺許每翻一頁目十行

下至函丈背誦如流應秋試發榜日無耗夜入空輿中
涕泣既而報至則自本籍德州回矣會試後方歸娶自
卜行藏掣籤於正陽門關帝廟籤云五十功名志已灰
誰知富貴逼人來結云壽至耄耋位列臺後果驗
高億堂中謀念東先生六世孫年少能文一出冠儕偶
與從兄杏江宴謀俱以詩受知於阮芸臺學使億堂為
諸生時前輩皆讓出一頭地嘉慶戊午鄉舉春闈幾得
復失者屢矣年五十乃登第會元即濱州尚書杜書農
素受業于門者也先生才具明敏諸事無不諳練同人
稱其精神滿腹里居時余以文請業得其指授為貴州

卷二

五

縣令聲譽翕然上憲器重調貴筑陞同知不日擢用矣
引 見後過里詢知先君即世深為唏噓咏杜詩云訪
舊半為鬼孰知其一病不起也縣試所取第一有議之
者作白燕詩以喻意自謂清白傳家一塵不染余有詩
遙和未存稿高氏世多詩人先生輯為高氏詩彙乞內
兄杜石樵先生為評選未及刻女一適諸城王金策之
弟病中合卷實未同牀至今守節一子諸生早卒有二
孫杏江藹然可親兄弟掉鞅文場卓卓有聲可稱二妙
嘉慶辛酉拔貢冬日集諸同人賦詩為樂先億堂卒子
遠甸余兄顯亭壻也邑諸生刻苦勤學將繼父志少年

玉折為之慨然

孔荃溪昭虔曲阜聖裔嘉慶戊午鄉舉年纔二十餘有
蘆花詩四首僅記四句云月滿孤舟人釣雪沙明兩岸
雁啼秋好隨流水漂紅葉莫向西風怨白頭先君語人
曰詩佳矣第少年有牢落之感恐終身坎坷既而已未
聯捷入詞林青雲直上乃以寫書謬誤在事者皆罷職
先生亦歸里矣久之復起用後官副使不久即卒未竟
其用嘗以一聯贈先君書法秀朗似三春楊柳

卷二

六

不取也雪樵金鑄賈島多幽思苦語余嘗與柳谷先生
剪燭觀雪樵詩集柳谷指其句云如燈昏古佛愁何嘗
不佳奈氣象幽慘余問古人造句之生者柳谷深推浪
仙謂非孟郊所及又未嘗是丹非白執一偏之論也雪
樵家甚貧忘其名諱居址子官浙江兵憲以海疆失事
掛吏議
孟柳谷初名純乾號翁谷後改詹繹號柳谷性洒脫不
拘世法母病學醫醫精母歿擇葬地因精地理朋友及
從學諸子詩文佳作對客朗誦如宿讀者談笑風生四
座傾靡無迂腐語無世俗語與之接覺天地閒無非樂

機集同人爲文社名其地曰凌雲臺及門多掇科以去
精於時文閱前輩文評選獨具見解自謂慧眼不虛也
每試輒冠其曹而行文如不着意自然高雅不屑閉戶
代案好遊觀山水喜作詩善書與朋友唱和往還偶取
時下闈墨揣摩三月嘉慶甲子遂魁其經不衫不履見
者知爲名士風流與人無町畦無不相與以誠少與先
君同學於荀爲父執而每樂與荀談文夜至三鼓不倦
從寄菴學詩書法亦仿之寄菴告終養南歸與諸人送
至黃河諸人皆有贈別詩惟先生擅長起四句云忠孝
一生事誰云輕掛冠臣來萬里易親到百齡難二十字

卷二

七

中無限曲折字烹句鍊可以鑲紙寄菴黃河南岸賦別
諸故人云看君南望復傷神子亦啼痕無舊新最苦黃
河春水淺烟波不隔送行人

牟陌人廷相博學好古一時無兩自爲諸生學使按臨
必第一來山左典試者亦欲得其人以爲重而澤筆于
古花樣不合時暗中摸索卒不能得陌人亦無意仕進
或僅入頭場卽止曰誰復知吾文者終場何益子房趨
時好中魁選陌人晚年究心古經著作滿家劉寄菴贈
詩云著書滿屋梁泰岱失嗟噫心精多獨得妙義相印
可往往笑古人遺大舉叢豔我困風塵中欲行足已跛

開卷字不識低頭自慙懼

劉夢周希莊少年與先君同學爲文清真簡潔試輒冠
軍以貢入都極爲宋小坡先生所賞終見擯於有司平
生不爲腦滿腸肥之文雖不得志終不易撤接物和雅
而諸事精明縣中有大事或有疑難質之先生指畫明
晰爲正人所倚及歿無不追思荀與先生館舍相鄰四
五年以父執常請益得蒙指授深荷青目受業者屢滿
戶外次子申祚字式南年少能文先生以遠到期余兩
人乃余終因禮闈式南道光甲午舉於鄉先生已不及
見晚得教職將赴選而病作囑子以墓志相委式南亦

卷二

六

至今未第遭遇坎壈計年近五十矣小坡先生名璜蘭
山人爲部曹以文名好裁成後進居京師以文會者常
七八十人先生爲設饌豐盛都中少此舉也後官知府
聞其家書香猶盛式南多藝能舞刀奪槊拳勇過人又
能以豆腐作七十餘種

外王父號臨溪諱兆煥世居新城於漁洋爲族孫善圍
碁工詩遊江西三年題詩滿壁家有別業臨錦秋湖去
家四十里作書縛犬項犬卽往得書以還往來不爽古
人黃耳傳書不虛也在江西時聞有一百四十歲老人
借諸友往訪至其村遇一叟問老人欲見之叟曰渠亦

人耳見之何爲固求相引至一舍復問老人叟曰吾卽是也視其貌若五六十歲者問子孫幾何云一子年八十餘洩溺不知甚可厭惟曾元輩耳外王父歿時荀方四歲生平爲文規撫大家族中多掇科者視之蔑如然終不售詩文少有存者

四川李雨村云楊爽山東濟南名士也有春愁云世無知爾方爲貴地有容吾不算貧書帶新生窗外草瓶花自護雨中春長將曉露論前事祇作風鏡看此身好客孟公思往昔愛山靈運竟何人讀之想見胸無一事筆有千卷今高士傳中人也

卷二

五

前協辦大學士兩江總督孫公玉廷濟寧人任江督時禁米船入洋有言海島窮民需米公知奸人所爲賊將藉以接濟力斥其非有奏州縣陋規宜指明奏上者公言旣曰陋規何可奏上且恐將來藉口公然徵索派累滋多 上深嘉予立得停 聖主虛衷之美大臣事君之義兩得之矣邑人有買遷在江蘇者云公出巡各屬用船較往時減過半廉靜之風可想子善寶江蘇巡撫瑞珍兵部侍郎孫毓淮道光甲辰狀元任修撰公勳業在國史無容敘述偶有所聞略爲記之爾

王鹿村孝廉長山人名衍霖才氣敏捷無不狎弄而出

口風越令人絕倒縣令湖北夏某才士也元宵張燈作春謎徧題燈上測中者贈菓品玩具綠村年方少入署俱收之守者曰尙未觀謎何遽取物乃隨着隨測錄畢無一誤者令驚喜稱爲異才家貧而意氣疏豁出外就館僅具一灰鼠裘有友借用遺於路惶愧相告一笑置之遺貴人詩云誤向門前通一顧旁人錯道卓文君其有定守如此晚年造生墳置床其中病卽坦臥囑家人不以棺斂嘗館吾邑高子固表兄處子固族有名勳謀者往見云久聞先生聰明綠村曰聰者無不聞子之來吾未聞也明者無不見子之入吾未見也隨口嘲諷機

卷二

六

變百出人多愛其才而畏其口其實胸無町畦所最惡者膏粱與市僧耳勳謀邑諸生忘其號少與先君同學才氣卓犖喜爲詩都中故人招之辭以詩有云諸君北闕求名日是我南山種豆初目短視鬚髮交白而面色腴潤談論風生聽者忘疲著有詩集未刻

都憲毛伯雨式郁歷城人祖太常公名輝祖居官有聲公尤抗直目短視口微吃而持正如山不可動搖在吏部時有當補散州管謀直隸州者同列無言公獨不可堂上官三人欲爲之通融堅執不聽初頤園尙書絕不徇人情者亦爲緩頰公佛然曰君閉門思過之人何強

預外事初公慚而退公爲初氏壻而頤園又前輩尊行
其餘毫無遷就可知剛正之名大震亦因是不合於時
官亦遲滯不計也公爲庶常習清字散館爲主事官宗
人府丞最久屢司文衡

王孝廉應桂宇丹林從父流寓章邱祖母以貞女撫孤
丹林事之盡孝李戟門廷榮作五古呀之丹林幼有雋
才焦笠泉太翁教之成立太翁臨歿以少子托之丹林
盡心教讀笠泉遂登第入詞林官給事視學山西而丹
林以荏平學博先卒矣笠泉多所條陳嘗以舊作爲余
書扇蓋已丑秋與查又山侍御集陶然亭所賦蘆花詩

卷二

在

也蕭蕭槭槭帶斜曛頭白何人不似君旅雁翅粘前渡
雨眠鷗夢破隔溪雲烟橫極浦迷千點霜入滄江老十
分開落漫須愁太寂且隨流水去繽紛風霜閱歷自年
年獨立蒼茫感逝川雙板舊扉畱粉本一橋涼雪誤吟
鞭折來欲試仙才筆擁處嘗供釣客眠惆悵潯陽江上
句慣知楓葉送行船鄉心昨夜夢明湖半幅清秋冷畫
圖野岸西風捲不盡空堤白月影全無一汀露下漁邨
晚十里帘飄酒肆孤轉眼春江生意活青青芽短色平
鋪餘一首未錄笠泉名友麟
李孝廉廷芳歷下名士也工試帖師我法集在都時有

友人借觀適紀曉嵐先生來翻案頭得詩本開卷見花
裏尋詩到杏壇一作甚爲擊節卽濡筆和之題於卷前
翟麟江贈以詩有云尙書紅杏真知我居士青蓮又屬
君人服其雅切

歷城翟麟江凝清明與友遊閔子墓題祠壁七絕一首
末二句云笑指南村風景好杏花紅出破牆來麟江嘉
慶甲子孝廉長身玉立工書善詩談吐風流以知縣候
補未久遠卒

卷二

在

後乃趨步少陵天資既高功力亦遠雖未脫盡面目是
吾東一作手也送別云我意如春柳千條復萬條併君
過雷澤帶雨出藍橋若見天南水應知東海潮便應掛
歸席千里不爲遙咏草云啼鳥一聲晚碧雲千里沉青
過成樓去亂向遠山侵遲暮傷春意更番損客心年華
歎芳草冉冉不能禁落葉云秋雨滿江城秋風木葉聲
并將搖落意入此夜深情況我滄江遠何堪魂夢驚一
燈照四壁窗白不成明咏西事云豈足勞戈馬腥羶合
掃除勢殊迫鄙善命可制康居但慎花門破行思絕域
初相安廉恥將清靜復何如前三首似屈翁山後一首

未免學杜似杜亦未知其指何時事也

新城諸生耿希尹維莘好詩與吾淄孟柳谷交最密聞其病則憂愈則喜死則哭皆有詩自肺腑流出柳谷晚得子以幼女字之古人交誼於今復見師事劉寄菴寄菴還滇南有訛傳其歸道山者方與客飲擲杯而起題寄菴入關圖云路入燕山風怒吼隨風捲地沙石走黃昏漠漠無人烟寒雲慘淡張家口誰能到此膽不寒君侯吐氣貫牛斗四野父老哭向天烈士飲恨嚙其拇何幸絕塞得生還豈非我 皇恩德厚匹馬長驅入漢關黃童白叟齊拍手去年雨雪迷前途來時路旁折楊柳

卷二

七

楊柳依依相映發滿眼春色迎馬首年七十餘刻抱雲閒情二集將稿焚灰置匣於山之峭削處命石工鑿龕貯之題曰詩家婦李氏名溪娥益都李南澗文藻之女也亦工詩采石磯云蛾眉亭畔萬松攢太白樓頭縱目看十里青山雲霧捲梅花片片落江寒永濟寺云燕子雙雙掠烟村寥寥一犬吠雲根舟人遙指西山裏行盡桃花是寺門

歷城周二南名樂林汲先生之族姪也喜爲詩困頓場屋晚年成歲貢咏風箏云猶留一線青雲路未免羣兒白眼看牢騷之意可見刻有詩集子來蜀過馬嵬坡楊

貴妃墓前亭中石刻欲壁視之二南詩也匆匆未錄至潼關廳見李商雲名肇慶亦歷城人嘉慶甲子舉人二南在署邀與共談數語別去聞二君皆作古人矣何勝太息

石子真丹文夙負異才長山人少遊蕩入都窮無所歸就日者卜占畢謂之曰我囊無一錢贈子以詩可也走筆成章其人亦高士隱於卜者誦詩大稱賞薄贈路費使歸遊寄菴先生之門寄菴奇之曰此吾友也不當在弟子之列子真少年氣盛視撥科如拾芥方事舉業行文如山奔海立趨時之作亦花團錦簇而豪情颯舉屢

卷二

七

見賞於宗工終不獲售晚得足疾意甚牢騷作紅葉媒小說以寓感慨於詩精於持擇評選唐宋及近人詩實具隻眼當世學韓蘇之豪放王孟之清高自詡得骨得髓而實則掠取皮毛子真一筆抹殺如石崇持鐵如意擊碎王愷珊瑚樹也其所賞鑒無不心服近時如袁簡齋蔣心餘雖所心折而詩登甲選者僅十分之一二持論不拘唐宋而能聽曲識真軀肥短貌不揚目空儕輩自存詩亦甚少刻有春雨園詩余遊蜀傳其已作古人矣

研村老人余祖兄弟行也諱作孚居同里開工書嗜古

帖應科歲試每號五六十人板短人擠不能橫肱一手持卷一手膳清字不欹斜同人咤爲絕技性和雅善詼諧遇童子年十五六好爲詩吟其得意句夜月抱琴眠老人笑謂之曰子無妻耶折花在途遇一伎強索老人曰吾口占一詩汝能背誦卽贈汝其風趣如此闢小園築石癖齋余幼時同兄顯亭讀書其中齋後翠竹森森巨缸蓄紅白魚窗前亦栽篠簕萬個余讀唐詩師爲講解諱思蘊族伯父窗竹夜鳴秋句余自忖曰卽此是也庭中刺松黃楊檉柳文官果木參差蔽虧橘柚柑椹及雜花羅列階墀夏日靜堂虛敞老人偶至白髮飄然婆娑其閒

卷二

奎

都供村婦支竈野童敲火可慨也夫
新城王書漁洋縱慢亭士驪之曾孫長身偉貌音吐如鐘滇中劉寄菴爲邑令擬之麟鳳所作時藝戛戛獨造勁氣硬語似不從人間來讀者往往咋舌不解作何語其實直挾神髓細筋入骨惟掃盡浮靡難投時好耳家甚貧奔走風塵亦工詩或寫山水自適放筆隨意亦不屑屑前人矩矱有客遊金陵見肆中懸其畫問價索千金客笑曰此吾邑王孝廉所爲乞之甚易市人駭顧昔王石丈亦漁洋族子甚稱之張厯友贈以詩云先生瓊瑯之文孫清標遠出清德門余見其長幅青綠山水氣清筆蒼固爲可喜如書之疎放尤爲卓犖劉寄菴題其畫卷云畫史從來易局促設色工妍未免俗先生縱橫皆自由故是胸次忘榮辱市兒却笑先生窮眼中只有田舍翁試想解衣磅礴處當年意氣何豪雄一自騎鯨上帝側粉本神山世莫測芙蓉白玉高樓中大笑掀髯亂潑墨其意態可想見有子甚慧能文早卒刻有文稿一子病拘孿老妻雙目俱瞽先生有句云兒身再健癡無碍婦眼重明老亦佳字餘人作字餘人序奇趣橫生古文好手也

卷二

共

其桐七字于坐前科試卽冠一軍連中癸卯孝廉有太湖詩云溪畔新秧映白沙嶺頭古木絡藤花雞聲隊隊來何處路轉峰迴一兩家

西岑蒙泉先生子能以詩世其家

齊河郝鏡亭名允哲中進士未出仕卒穎悟好學以詩名齊魯著有深柳堂詩集弟允秀字寅亭十四歲能詩十九刻有拾翠囊詩與兄鏡亭棣萼聯吟人稱二難任陽穀學博年逾古稀晨昏一編不去手所選濟南名士詩鈔不下數萬首惜未刊行平生自爲詩亦不下萬首而自訂其詩刪存甚少名秋水詩集鏡亭之子答號餐霞女秋岩皆有集一門風雅吾濟後來稱詩者歸焉兄

卷二

七

弟所與往來如周林汲董曲江兩先生吾淄張敦夫廷敘新城王秋水祖昌皆一時知名士宜其詩之可觀也咏濟南古今詩人皆可誦

前博山令武虛谷億河南偃師人天資絕人讀書過目成誦聞文奇古幾于自成一子淺學者倉卒不能句讀主司特賞之中魁選虛谷兼精技勇膂力莫當嘗躬擒巨盜乃權貴私人以是罷職後復官至州牧文人傑士不盡其才可惜也

余鄉試房師卽吾淄邑令

夫子諱慶長同宗奇籍直隸

少年隨任山東

東結婚聊城太夫子歿家貧教授生徒以文名素著歲

得修金盈千及選縣令缺甚瘠乏貲引見時與選淄川者對換西客自願以金相借人情炎涼如此性厚重和雅不邀虛譽所謂當時無赫赫之名而去後令人思者前任東撫琦侯政尙嚴明荀進謁問邑令居官荀素不能飾辭以仁慈對侯曰仁慈固好但恐不善馭胥隸夫子外渾厚而精明內蘊每奉檄入省審巨案侯之問蓋有意而荀不知未幾調繁聊城卽夫子舊遊地亦異事也人情風俗皆所素悉某山某水某塘某里僕指可數荀以部民未嘗通謁及列門牆歲時起居得到後堂相待如家人至是一別不復見矣後升水利同知東昌同

卷二

六

知六員皆閒曹宦橐蕭然歿後一子貧如洗甚矣廉吏之可爲而不可爲也迄今吾邑數循良猶屈指及之白髮門生感念爲何如乎夫子苦州縣繁劇每頓足曰不如吾教書但公明倫前任道憲新例請捐復亦夫子及門

李毓昌卽墨人性剛直少年登第分發江南委辦山陽賑務山陽令王伸漢吞食與毓昌商同隱匿毓昌不可卽具稟欲上制府令恐使人與李家人置毒更懸之作自縊報上憲毓昌叔太清搬柩還妻檢皮衣見袖有血痕疑有別故太清赴京控訴山東撫院奉旨檢驗柩

宿旅店伸漢潛使人來東焚之欲滅迹以救得免自是野宿及驗棺不可開斧之堅如石蓋以碎磁捶極細合膠以麻蘸入披棺徧滿復裹以油漆之堅不可動恐回家啓棺也乃以火盆四面烘焙膠鬆軟啓之釘甚長直貫至底屍未壞蒸檢無迹有潛以藥水入者復檢防察極嚴驗骨黑惟近心返白蓋毒未及攻心也審實山陽令伏法知府王毅號王老虎以附同抵罪毓昌加知府銜嗣子希佐 欽賜舉人太清武生 欽賜武舉家人包詳凌遲摘心以祭顧詳李詳馬連陞皆斬決示眾仁宗皇帝御製憫忠詩三十韻成親王代書刻碑立墓

卷二

九

炳耀海內無不伏讀欣誦以縣令膺此曠典真希有也首云君以民爲體宅中撫萬方分勞資守牧佐治倚賢夏年久不能全記中有云袖血最難防又骨黑心終赤誠求暗盡詳又毒矣王伸漢哀哉李毓昌隨波同獬狗持正犯貪狼施賑忍吞賑義忘禍亦忘等句結云何時降申甫輔弼協名揚表忠嫉惡求賢若渴之衷千載如見按王伸漢曾爲吾淄典史幼時見之循循文雅人似精明一念之誤身名抉裂可不畏哉

吾淄楊旭橋春楷明府嘉興人夫人吳氏善畫竹兼工詩予來川辭行贈以四軸揚於石者自題五古一首大

竹王魯之題五絕帶來川李廉侯借去現任邑侯江西清江呂公芳楷號翰仙夫人劉氏號竹筠名鳳齡工詩嘗題鄒大令鴻放彙書歸養小照云馱鈴隊隊聽分明十部青箱萬里程定博倚門人一笑歸來猶是舊書生努力加鞭莫暫停馬蹄亂踏蜀山青趨庭較勝趨王事一路經香不斷馨有西蜀女士佩珍者爲王湛餘司馬側室讀竹筠夫人詩愛之繼作云纔聞前路著先鞭又指鄉關策馬旋迎養未能歸養切彙書萬卷不名錢珠光玉屑映征鞍漫說書生氣味酸官樣到家休遽棄宮袍著與老人看鴻放喜佩珍爲同鄉閩秀柬以二絕云

卷二

百

紅閨豔說是鄉親不比錢塘舊結鄰占得西川靈秀氣峨嵋纔毓掃眉人忝侍才人號小妻倡隨贏得與夫齊白頭吟是吾鄉作爲語王郎莫遺題鄒大令名光越王司馬名觀澄皆官山東

王立性號太初侍郎王慶昌之孫好讀書十八歲入泮繼母待之刻走遼東教讀奮志自勵臥牀以首抵壁吟誦不輟壁爲之穴十年乃歸聯捷成進士補婁縣至境書役父老跪迎滿岸太初張目四顧不知所云良久隨從家人喝曰起明早來接太初長吁舒氣曰如此何不早言人以爲笑見呈詞有餘紙輒喜隨筆作文幕賓力

阻乃止有母首子忤逆者詢之繼母也大怒曰天下繼母無善者掌責爲所控上官與其祖有舊謂之曰子工于文不善居官可告歸有文稿未刻人爭傳誦聞中錄之或得售太初高密人

汴梁有爲高密縣尹者後入籍所居曰梁尹莊後人有官鹽院者家富書籍子亦孝廉孫號書箱凡詞賦辭典人所不知問之曰在某書第幾卷幾頁檢尋無訛因得此號从相沿習竟沒其名此公胸羅二酉而未融化入場操筆累累二千言博徵墳典終身未採一芹生四子二孝廉一歲貢一諸生皆現存書香猶盛

卷二

重

王北野名驥乾隆己酉拔貢爲文沛然莫禦有聲場屋卒不得售貌魁梧健談豪於飲興發高歌旁若無人時作詩不多存其孫諸生名朴委子決擇惜不記憶書室後有園竹樹蔚然園築小樓後臨曠野予幼時常常遊眺雖在城內而有山林之趣先大父與先生交好結兒女姻先君亦嘗讀書其家因苦讀嘔血乃歸昔有人祈神仙云不願富貴但願讀書家有田園衣食粗足終身優游而已仙大笑曰富貴非上帝所惜若汝所云乃人間清福不輕予人此雖寓言實有至理先生席先世餘業不乏杖頭錢與酒客詩友日相談讌享清福者三十

餘年晚得泗水學博未及赴而卒其友如馮丹林高子固劉夢周皆一時豪俊閉戶不與外事今屈指無似先生之豁達豪爽者記之爲吾邑典型之一

漕督周公敬修名天爵汶上人嘉慶丁卯舉人其後成進士爲安徽令邑多盜賊橫行無忌公力絕人能雙挽十二力弓尤精擊刺手擒巨盜剜目斷手剔其脚筋御史某劾以殘酷時鄧公廷楨爲巡撫覆奏某愛民如子嫉惡如仇凡所究治皆窮兇極惡自是治聲益著歷陞至封疆大臣初公與涪州陳馭珊葆森相知最深馭珊能吏公爲邑令陞去陳代其任及公總漕運馭珊陞壽

卷二

重

州牧嚴於治賊懸三千金購要犯捕役貪賞賄小竊冒認獄具以事關糧艘送公覆訊公云陳馭珊審定安有誤者犯至翻供不聽刑訊死既而獲正犯馭珊獲罪公亦革職留任後被議去官發往廣東効力大將軍奏薦云某監造兵械躬親驗試任勞任怨實爲可靠 賞二品頂帶總督漕運以疾告歸兩湖人猶思之 李公毓昌一案巡撫吉念提屍棺於臨清檢驗審實後諸長隨均凌遲處死猶恨其情浮於罪茶內加鳩手灌其主李祥解至墳前先夾一次凌遲後摘心以祭顧祥馬連陞先責四十板包祥創謀亦先刑夾一次王仲漢

斬決梟示無不稱快或將 仁皇帝御製憫忠詩刻板
遍貼衢巷或編爲唱詞沿街演說鎮洋諸生黃景濂作
李進士詩云事泄禍及身幾露肘爲掣成敗且勿論臣
心庶昭雪淮陰多餓夫賑粟 國恩徹但見官吏肥不
聞羸老悅利藪視罔然君乃夷不脣上聞良獨難勿欺
聊自揭見忌繪狗徒醜謀起茗歎沈冤貫虹霓天理亦
疑絕一朝爲發覆梟獍快車裂煌煌憫忠詩豐阡壯碑
碣綿綿忠文褒奕世延瓜瓞卑官未爲真立志已高潔
奈何肉食謀爭先慕明哲我想山陽民哭聲聽幽咽

卷十一

重

鄉園憶舊錄卷三

濟南王培 雪嶠輯

長山劉公一相爲高平尹王踈菴家宰過之公出其子
鴻訓及同窗二孫一張并館師王五人課菴請政踈菴
覽之驚曰皆卿輔才也安得萃處一室館師文雖工福
遠不及諸子後孫公居相壬辰進士張公金銘庚戌進
士官皆至尙書孫公鼎相戊戌進士官副都御史鴻訓
癸丑進士官東閣大學士館師王家礎亦壬辰進士選
涇陽知縣赴任卒於途

卷三

吾東鼎甲甚少終明之世狀元僅三人宣德丁未臨朐
馬愉萬曆戊戌益都趙秉忠若洪武丁丑武定韓克忠
謂之夏榜狀元先中狀元陳郊福建閩縣人時主考劉
三吾白信蹈取中宋琮等五十一人大江以北無一登
第者殿試後下第諸生上言三吾等南人私其鄉上怒
命儒臣再考落卷中文理長者第之於是侍讀張信侍
講戴彝右贊善王俊華司直張謙校書嚴叔載正字童
貫長史黃章紀善周衡蕭揖及郊昌隆謬各閱十卷或
言三吾信蹈囑信等以陋卷進呈上益怒謂其藍胡餘
黨命刑部拷訊磔殺張信等惟戴彝尹昌隆得釋劉三
吾以老成邊陳郊劉謬安置威寧後召歸亦被誅上復

親賜策問取韓克忠等六十一人皆山東山西北平河南陝西四川士也世稱春夏榜又謂南北榜以此是科夏榜榜眼王恕亦山東長清人

吾東秋闈號舍明時最少家司農公嘗以爲言當時不及五千之數後來漸增第狹隘已甚其逼仄處兩人對面不能過一人負籃側身而行入場深以爲苦當事者編席棚爲號又慮火燭道光年間各上憲勸紳士捐修無不踴躍撤而更新增添號舍寬廣高壯以石鋪路遂爲他省所莫及猶有餘金放商生息爲每科卷資大憲嘉惠士林之盛心諸紳士好義之勇均不可忘後來或

卷三

二

未經前此之苦但樂目前之便恐日久以爲固然也故誌之

國初鄉會試不分省無定額順治乙酉科山東本省及應京兆試中者共九十五人丙戌會試山東中九十九人聯捷者四十九人聊城傅以漸爲狀元後大拜阮亭戊戌殿試時山東六十三人惟阮亭爲前科進士是科中額無如山東鄉試會試後乃分省鄉試有定額山東設四氏學編耳字號另闕每科中者皆聖裔孔氏人多故也康熙間請增一名各賢裔始有中式者雍正間又恩加一名共額六十九名嘉慶間又命駐防滿洲就近

入闈遂有七十二名

于若瀛字子步濟寧衛人萬歷癸未進士除戶部主事歷官右僉都御史巡撫陝西卒贈右副都御史有弗告堂集朱竹垞云子步詩格未超然不屑作熟語晚投清江浦云淮水吞江浦孤帆晚復開樹移沙岸轉波逆海潮迴人語迎邨雜漁燈拂櫂來繫舟猶未穩寒漏已頻催雨宿潼關云明鏡虛館淒清夜細雨蕭蕭亂客腸秋入關門悲鼓角年來驛路老星霜家臨濟水菰蘆白壠接南山黍穀黃千里故園愁阻絕夢還京國亦他鄉自注云時寄家京邸清泉寺云滿谷西風椒葉稀穿林

卷三

三

片片凍雲飛荒原車馬應無數閒殺山僧坐翠微龔勗字懋卿章邱人以歲貢生官江都訓導轉威縣教諭再遷開平衛教授有龔懋卿集朱竹垞云懋卿少貧牧羊豕山中手書卷不釋既而小吏誣其逋租受笞益發憤力學見李中麓以詞曲名恥之銳意學古文辭時稱爲醇謹君子

萊陽宋公繼登備兵嘉湖夜有白猿竊其衣冠服之搨鼓升廳事時海寧袁秀才秣畱公幕中援入臥室披其帷秀才大慙公命隸卒環守而援之往來如故也朱竹垞云童子日偕諸昆弟行精嚴寺街人爭聚觀謂援方

坐鐘樓吹果子審視獨未之觀

劉珣字叔溫壽光人正統戊辰進士累官太子太保戶部尚書兼謹身殿大學士卒贈太保諡文和有古直先生集文和詩率意塗寫不事翦裁亦閒有合格處其送龍溪潘榮宗用詩云同年喜有九尚書九尚書中有歷城尹恭簡公敏字同仁恭簡與著瑣綴錄之尹直大有君子小人之分漁洋辨之最詳九人皆正統十三年進士得諡者八人洵一榜之盛

山東北鄙與直隸接壤地多斥鹵水鹹土瘠日夕風起黃沙眯目行者苦之烏程朱長春字大復其宰陽信狀

卷三

四

海濱風土如海暗雲連舍春寒雨近城沙田惟種黍鹵井不通泉過雨如露雪無風自落沙白沙風裏下黃日霧中生薄祿供囊藥齋廚費水錢頗盡其致他如折藕露華白采菱秋水香悠然西湖曲坐對南屏山高樹晨光動空山眾響聞麥花來社燕小雨破春泥落日餘高柳空江起暮鐘酒船晴盡出賽鼓暝猶聞纜外春沙沒鏡前獨樹斜蒼藤綠戶結翠鳥落階飛驛火依沙出春星傍浦懸孤飛江上鳥半減雨中山皆秀句也晚學修真鍊形蓋不得志而有託蒙叟訕其登梯累十重學狎舉而墮地幾殞殆未必然

大復萬歷癸未進士

明山東參政余公名寅字君房鄆縣人少時夢人曰君命同孔子家居時年七十三無恙後二年奉川產一麟獻太守守使吏來白公曰吾其死矣果卒嘉慶二年丁巳冬山東平度州牛產麟東萊姜生桂林往觀繪祥麟圖劉寄菴題之云一夕光芒動天地千里百里客麇至老牛倏產麒麟兒此是人閒未有事麒麟不畜公卿家高明甲第連雲霞荒村寂寞門巷小牛宮一把茅蓋遮又云頭上童然少獨角難定似龍還似鹿自是初生未長成想見疑疑亦不觸搖曳一尾如塵長滿身鱗甲堅有光大小方圓狀非一鱗閒圍繞毛豬黃聞生侯姓家

卷三

五

未久即死按龍與馬交產馬腹有鱗日行千里謂之龍馬龍與牛交所產有角有鱗歧蹄長頸與圖經所載略得麒麟彷彿世人未見真者故妄謂之麟史書所載麟閒有火或焚其棚其為龍種無疑又麒麟自麟以有角無角分雌雄概謂之麟非也見其一即謂之麒麟亦非也嘗見李鏡安玉臺室懸一圖云明時某官目觀命工繪之後足短前足長頸高聳長過其身頭無角厥狀甚怪按此西域阿丹國所獻命羣臣縱觀故得圖之此特一國所產如是非麟皆如是也嘗見其書記之甚詳一時忘其書名

或又云麒麟大者獲鹿是麇守此又一說

史元中鹿泉知魚臺縣事值歲大祲盜賊起有簡瑞者
 爲盜魁善運稍馳馬出沒官道鹿泉以計縛之簡臥庭
 下瞠目曰吾左手持稍右短兵橫行千里間今爲書生
 掩取天也公笑曰汝輕書生邪即起著短衣持其所用
 稍運之左右迴旋如舞匹練忽稍斷爲三擲示簡曰汝
 稍豈足用耶簡叩頭稱死罪乃繫之獄至冬月將論決
 簡求見公曰身亦山東男子不敢負公乞假十日一生
 別老母公即縱之去眾皆懼及期先一日簡就獄離魚
 臺三十里爲獨山大盜劉儀久嘯聚其中有眾數千開
 府曾公銑議進剿以公爲前鋒既擇日陳兵禡祭畢公

卷三 六

知獨山有謀者在軍乃命植一竿百步外公手挾矢誓
 曰某以書生任將兵若一舉滅賊當三矢中此竿時萬
 目齊注監司諸將俱色變公從容三發三中呼譟震地
 是日公即察得謀者三人釋其縛賜以美酒食笑謂曰
 汝來觀吾射邪謀者股栗盡吐賊虛實及所入獨山徑
 道公立提兵襲其寨擒劉儀還曾公大喜方論薦公會
 曾公遷制三邊尋爲相嵩所害赴市鹿泉歎曰事尙可
 爲邪即日挂冠歸里時年四十二家居復四十年守令
 思一造見不可得老益貧惟賣文以自給云元中鄆縣人
 樂天東坡守杭州以詩人置之詩地可謂人地相宜不

獨善政垂世其詩亦美不勝收矣濟南瀟洒似江南黃
 山谷詠之曾子固知濟州雖不能詩亦多篇什蓋山水
 助興也明嘉靖中蒲圻魏寰字順甫以部郎出知濟南
 雪齋同友登王子山云畏路誰能到幽懷我獨偏谷中
 初見日樹杪忽聞泉倚杖青山色銜杯白雪篇交游仍
 舊俗風景入新年題白雪樓云郢調淒涼思轉幽卜居
 還倚鮑山邱初疑海氣能成市不道仙人獨有樓乘興
 好看明月上登高長嘯白雲秋琴心自在誰堪識且聽
 巴人下里謳

卷三 七

鼎以典史解糧赴京中北直隸鄉試山東有張驛丞鄉
 試中式提學畢瑜贈詩云一官恥不與清流忙裏遺編
 自校讐枳棘豈能留彩鳳鹽車未必困驂驢東藩領薦
 名初顯西蜀題橋志已酬脫却樊籠入佳境春雷萬里
 步瀛洲觀此不獨北直有雜行應試外省亦有之後無
 矣
 山東提學趙鶴字叔明登岱詩云山壓星辰從下看海
 浮天地自東迴句甚奇李獻吉有云日抱扶桑曜天橫
 碣石來宗子相稱其有芥視岱宗杯量滄海之致如趙
 亦何可及也叔明江都人宏治丙辰進士

明諸王分藩於外害政者固多而禮賢下士亦頗有之
青州衡莊王邸起高樓東向眺遠樓成王於望後四日
置酒召客時日景既盡疎星尙微王未肅客坐憑闌語
笑已而月上王歡甚因命曰待月樓請客賦詩鄆縣呂
中甫以避仇客厯下轉至青州在座詩云川原夕氣交
暝色自相向月猶藏海底人已坐樓上王賞擊謂得待
字義手觴奉之俾居客右晚客潘宣王所客死河南中
甫年六十治生壙於句章之夕陽里自撰墓銘後十年
乃卒歸櫬葬焉詩品在中麓夢山之間同時曳裾王門
者多遜之中甫與李中麓揚夢山唱和故相等耳

卷三

八

歷城殷棠川相國士儋嘉靖丁未進士是時李于鱗以
詩主盟海內公其同里著有金輿山房集金輿歷下山
名也論者謂體齊魯之雅馴兼燕趙之悲壯采吳越之
婉麗是吾鄉一巨手予觀其題蕃馬圖云玉塞無聲夜
有霜橐駝五萬入漁陽平沙落日悲風起馬上橫捎四
白狼氣概雄偉音節宏亮實堪與滄溟樹旗鼓公武英
殿大學士贈太保諡文莊明詩綜以爲諡文通誤也蒲
柳泉志異紀公遇狐娶婦事甚奇公固貴人爲鬼狐所
畏卽以詩論亦足辟易千人初諡文通後改
李希梅堯臣號約菴邑諸生工古文漁洋山人云按之

八家尺度不爽毫黍嘗代漁洋作文不獨雜之漁洋文
略可以亂真中敘兄弟讀書及庭前花木如身履其地
親出其口莫辨其爲代作也漁洋賞歎故爲不虛著有
百四齋文集十卷詩一卷約菴精於書法著筆勢一卷
明書譜二卷後人名金式者善書人得其尺幅多珍藏
之家學然也

卷三

九

軒轅氏吾邑有之後人無知去軒但稱轅鄉間略識字
者書其姓又去車旁書袁蚩蚩者任人呼馬呼牛不知
辨人而與袁姓通譜古人云子孫雖愚經書不可不讀
科名有無不足道此等深可懼也又邑西有公孫莊傳
爲公孫宏故里淄川古般陽縣隋開皇時始改貝邱爲
淄川漢菑川在臨淄雖不相遠要不得假其許田爲我
有居是里者有公孫氏亦未嘗以遙遙華胄自居而猶
知己爲覆姓可怪者鄰黨往來呼其男曰孫兄呼其婦
曰公嫂但取便于口恐人亦如軒轅氏耳
德州蕭共辰嗜酒飲必醉醉必吟詩佳句如犬息千村
月鷄鳴萬井烟山從雲外起水向樹中流月印寒潭靜
雲籠晚樹開山深晴帶雨塞極暑生寒樹影穿花徑山
陰落草堂月吐中峰小雲歸遠樹深山高分月影岸闊
散江聲吞山雲四面繞水樹千林林鳥將烟出山雲帶

雨來芳草棲牛犢殘曛上客船
劬北愁中客江南夢裏家
嶺樹連雲動村烟帶戶開

畢濟川先生世濟好讀書家貧登樹巔
隨月光而讀屢見賞於宗工每入秋闈
取俗稱爲油煤菓者飽食過平日五六
倍矮屋中不造飯三日但飲茶而已某
科鄉試中魁選題爲君子學道二句破題
末句煞尾無虛字通篇文奇崛古若不
遵常解主司賞跋可謂具眼入春官試
天氣偶熱脫衣裸處號軍稟官扶出自
此不應試而讀書不輟性孤峭見俗客
瞪目視不語人目爲瘋子語先君曰不
瘋不能避俗生平喜食甜瓜偶悅一妓
命人

卷三

十

呼至使妓脫衣仰臥已亦解衣跨其腹
預買瓜滿籃踞坐嚼瓜盡整衣而起卜
其晝不卜其夜終不與妓交言其行事
不循常軌而狷介自矢晚年與妻一室
分處授受不親一物之微有投必相報
深於易自爲註解冊用敬神黃紙寫用
鏡煤珍藏不與人見一夕爲火所焚大
痛謂生平精力盡於此書及此天也青州
某縣令不知書縣試日揭書至後生可畏
章遂寫生可畏命題書吏稟云題少一
字卽添一焉字人傳爲笑先生卽據題作
文甚工妙其才如此不與世諧若古獨
行傳中人物後修志當入隱逸一門

錢香樹尙書陳羣跋自書與劉諸城倡和詩冊後云客
有盛稱諸城相公制義功深屢掌文衡所錄多士文皆
可矜式惟詩學未必如香樹原本三唐爲後進楷則耳
予聞而撫掌曰客稱諸城制義好信然詩學不及老夫
何所見耶客無以對乃隨手取拙詩中與諸城倡和之
作付讀客頹首曰近年始得大集僅讀過數卷不謂先
生之服膺諸城乃爾也予與諸城還往詩什不多錄此
以見片羽一斑均足寶愛如此越數日客持此冊來歸
曰末學後生悔未讀秋水篇耳遂綴此數語一笑觀此
知文正之於詩深矣尙書南歸文正送以詩云歸愚歸

卷三

十一

隱日公作送歸詩今日送公者誰爲絕妙詞金門諸彦
集秋水片帆遲夢覺聞鳴櫓依依魏闕思一疏陳丹陛
重綸下紫霄 睿文申眷注上壽錫松喬詩和猶三接
兒扶更早朝俱蒙 優詔許詎待小山招豈弟存吾道
恢奇聚藝文平原餘乞米內史詎鵝羣叱馭曾師古拔
茅切救焚灑然存一老嘉惠四方聞從來膠漆意倍在
別離時欲敘平生事難裁觀縷辭久隨丹禁地同筦白
雲司尙有前期在鴛湖下釣絲烟水幾千里身輕放鶴
初善酬 明主意勤請養生書有子辭金馬經時返玉
除平安頌奏達不必覓雙魚

文正送沈歸愚詩最佳詩云幾年丹禁領仙官香案身
依得駐顏特許歸田辭北闕應憐託興在東山朝衫舊
著袍爲鶴里第新開客是鷗多少篇章供 睿賞豈惟
傳頌滿清班當時送詩者甚多推公擅長

文正于文清公壙送香樹尚書詩云 帝廷有名卿藝
苑有哲匠蘊真道爲鄰舒卷清風暢平生古處敦冲襟
多雅尙吹噓寒谷温栽培弱植壯冰雪縈懷抱疏越朱
絃唱天游謝畦吟嘯歌寄俯仰秋官頌皋蘇明慎欽時
望云胡賦歸來養病樂閑曠廿載侍禁林欲去 皇情
注緬惟忠孝家朝野多嘉譽篇章以寵行眷眷行無遠

卷三

主

秋風理歸櫂迢遞江鄉路琴書六一舫藥裹少陵句宵
涼夢偶成徘徊玉堂署庭薇映華髮階藥引閒步覺來
烟水寬藹藹滄洲曙送別東門道冠蓋傾都城八要多
宿德新知羅俊英及此桂光圓銀漢正斜橫洗爵壽君
子中有灑露盈低何詎可畱迅鷁隨雲征一髮是江南
眼與山俱青湛湛長江水濯我無塵纓歸來把黃菊獨
酌和淵明曩隨函丈初憶自辛壬歲及茲一星終弗諼
周行惠深心有夙期引翼若不速寅年六角書明明如
月在裁詩悵離悵深虞言鮮愛鯉庭洽季昆風流更前
輩豈惟文字緣古義相磨淬猶冀北飛魚時時寄清誨

續山左詩鈔載文正公詩一首忘爲何題載文清公題
畫長古村樂圖前後薰蚊行俱傑作惜不記

嘗聞趙秋谷在天津詩酒遊讌徵歌選舞一時名姬皆
爲品題久之乃知主之者爲俞爾望字肅瞻業饅務饒
於賞招致名流如姜西溟與秋谷輩供其揮霍誠豪舉
也名亦因諸人以傳秋谷晚年目盲四方求詩文以詩
文求正者不絕先生口占以授人又令人誦外來之作
隨誦隨記卽加品評日三四人供役疲於奔命而先生
從容自如也當時國初諸前輩漸次彫零巍然爲魯靈
光云肅瞻以女妻香樹時方爲舉人可謂善擇婿矣

卷三

主

新城伊丹木桂乾隆辛未進士工於制藝其才筆敏捷
一時無兩偶友人以文促其捉刀時正與人爲菓子戲
問何題令具紙筆旁坐眼耳手口並用不移時而就書
者腕脫而先生從容門牌自若也與諸城劉文清公同
年相善文清公督學南邦以書招致來札予嘗鈔錄疎
古酒脫洗盡世閒浮套友人謂予曰先生非徒文字勝
也拳勇亦復絕人知扶溝縣時以事入省過山澗甚寬
木橋甚窄輿馬爲難乃令役爲導徒步從之對岸危坐
一丈夫貌魁梧蒼髯及腹背插鐵鏞虎視役趨之起曰
官至矣丈夫怒目曰官能斷行旅乎先生若爲弗聞也

者行漸近一腳飛起蹴之落湖蓋知爲匪人否則恐受其害也文多傳誦有勸其付雕者不應

鄒瞿塘忘機園大不盈畝茅屋三間編迎春花爲藩籬開時繞屋燦若黃金流水活活穿庭而過水底鋪石清澈無滓其中雜立石筍諸花芬郁屋前巨竹如臂摩戛雲日階植紅藥間以茶蘼之架芭蕉之林復堆石爲小山磊落嶽崎入其中者疑有千巖萬壑遊覽不盡忘其園之小也自號忘機老人日與文士談讌題詩滿壁自作五古閒雅稱其爲人所居村名昌城昌國君舊封之地也耿希尹題詩有云專心營造在一山得石且自勤

卷三

古

積累獨憐搜索費人功安得愚公一爲徙大石爲壘壘山腰小石爲礫互山趾不分列崎與層巒佇看咫尺烟嵐起今年結茅屋新成爲愛詞賦延文士窗外芭蕉三兩株夜雨聲聲滴入耳其餘蘭蕙芍蘼隨意栽松竹森森傍沼泚先生產業已中落那能力辦復爾爾忘却物力盈與虧有癖如癡殊可喜閱詩可知瞿塘之爲人矣來蜀聞其已卒

沂水竇郡丞景燕幼年在塾聞人談黃河風景竊往觀日夕回師責其曠廢課業欲加責乃以實告不信述河上境物慙慙爲驚愕自沂水至濟南四百餘里每應

試一日而至偶欲遊京都觀瞻幾爲匪人掠去急道歸餘京錢百文爲路費行步如飛蓋天生也乾隆間舉人爲滄州牧故盜藪也居官時自恃拳勇絕倫登房越壁如履平地手擒巨盜無數陞捕盜同知益奮力擒捉匪人歛迹其告歸也盜相慶結伴尋蹤將要於路而甘心焉追逐千里終不敢發安得盡如其人落落散布天下乎

牟願相字夏甫號鐵李陌人族弟也族有爲蒲臺學博者挾其古文數首簡質古峭非摹韓歐之貌以爲古者往往自跋其文尾謂所作文篇篇變化其實體格未變

卷三

五

特局陳變耳然能樹立不倚傍宜其自命不凡但未悉其生平劉次白中丞選入山左古文鈔

福山王餘枚地跡不羈文筆敏捷目無餘子嘉慶甲子解元不刻硃卷自號王一箇眼中微有白鬚達官問之對曰目不見旁人其兀傲如此常見其所作足兵足食章大學平天下章制藝上下古今縱橫萬里皆洒洒千餘言如讀名臣奏議實可見之施行洵奇才也入春闈或作文僅三百字高老不可攀躋終不遇選教官條陳陋規宜裁學使惡之以不謹罷職有友官于南者招之往贈遺頗厚買妾而歸江行痛罵舟人舟人恨之半夜

齊之水妾爲所轉鬻屢易主莫究所由來才人負氣往
往殺身可惜也爲秀才時學使劉金門先生首拔之送
入灤源書院後知其多爲人捉刀驅之出是科領解分
其才可了十人

馬子琴號西坡名桐芳長山人蘇山舅氏壻余往外家
見詩一册洒然異之問之知爲子琴作是時年方十六
也好遊蕩以詩見孟柳谷柳谷與舅氏善甚喜之謂舅
得佳壻詩有咏孟氏掌柏雄奇恣肆記其五律有句云
雲飛山欲動花落地還香未幾刻詩集舊作無一存者
咏梅有絕無人處一枝寒五言有一蟲猶唧唧萬木盡

卷三

末

蕭蕭首爲石子真所賞爲之作序既而三刻其詩存者
益少問其舊作茫然不記而新作或未勝前聽袁玉堂
作詩須多讀書誤以飽飮爲富博而清眞秀拔之骨淹
沒大半曾致書規之不知其能從否也近作佳句調閑
子墓云蘆花秋水外菜色野園中和袁玉堂秋夕原韻
月涼花影瘦風嫩竹聲微又如麥苗侵水綠松色入雲
蒼濃花常滿院高柳自成村皆有風韻作詩話未成棄
去繼而又作刻之亦不甚多名愁齋詩話未攜來川以
天生詩才而不自愛惜初與王秋水遊詩近王孟至是
乃莫知其趨向大抵五律勝七律五古勝七古晚年多

病行不離杖無子一女歸余子紹宗

孔繼洙號合園曲阜聖裔十歲工書聘張文敏公照女
未娶卒文敏以書法名天下谷園學之能亂眞翁孺最
相契文敏公歿 純皇帝命洙摹其書以進稱旨謂極
似張照深蒙 賞資人以爲榮鄉舉後屢困場屋考教
習不收春闈榜後 上命搜落卷中楷書工整者備選
中書亦不遇平生精於賞鑒所蓄前人墨迹甚多與梁
山舟先生彼此以家藏易觀互相評論皆具眼也所刻
玉虹樓帖張公筆迹亦其鑒定與兄友愛最篤兄官戶
部以事成邊谷園鬻產贖回姪入翰林旋卒身爲經紀

卷三

七

憂勞困頓以致疾病里居時於市肆中見其書鐵畫銀
鈎力透紙背惜未買得至今爲恨

胡中丞太虛寶瓊嘗撫吾東目能視鬼曾因葺屋巡視
諸屋皆有鬼惟一室間然問之乃僕死其婦守節不嫁
屋也婦亦常奴爲鬼所敬如此中丞詩夏然生造其佳
句如珍珠萬顆暗行地靺鞨一奩明映天爲一時傳誦
有盤山雲林石室詩云雲石天開岩巒通滿庭秋色簇
煙叢倒看巖罅飛泉碧橫勒林梢返照紅靈境本來環
渤海仙蹤不用訪崆峒 御題筆墨山光潤萬象俱涵
雨露中

秀水盛百二字秦川丙子孝廉官淄川令博覽載籍善於考證所著書如周禮句解尚書釋天袖堂筆談續筆談棟華樂府皆刊行傳世其孫世綺言未刻者尚多也有題邱氏古樹云松柏參為友於今六百春宅為傳一姓樹肯屬他人苦節風霜飽青枝雨露新東臬他日約試一訪輪囷先生與先王父交善主樂源書院一時名流多所賞拔

陸郎夫中丞在山東善政最多嘗選山左古文巡撫湖南時夢中自贈云能開衡岳千重雪只飲湘江一杯水所選古文名切問齋集自性命身心以至家國天下無

卷三

九

不詳備務為有用之學不徒取詞華也陸公名曜

崔尚書應階巡撫山東觀風齊魯作四六一篇備極風華未知當時操筆出已手抑為幕賓然其究心風雅可知也隨園詩話載其書扇贈歌者櫻桃云柳韉花嬌已斷魂春風空自與溫存歌筵一曲當年事猶識金環舊指痕後督浙閩自號研露老人

嘉慶甲子闈題謹權量一節江南亦是此題而山東此題先已開科解元為呂濬初濬與同邑某交好某甚為學使所賞擢冠一軍呂則四等也呂名下士因學使每考必有四等聊以試之為戲笑闈後學使索某文閱某

以已文不嫌意鈔呂作呈進及榜發呂領解而元墨則其所呈也學使驚駭謂呂作弊召某問故某以實對猶不信以呂本四等何忽為此文竝疑某有私告之撫軍覆呂三次無藝不佳乃止後某中進士為方伯呂以孝廉終

劉大神號奇菴雲南人穎悟好讀書晝夜不輟太夫人恐其勞也取書置他所先生不知問妻妻謔言吾藏矣先生大怒詈之妻以實告時太夫人已寢乃偕妻跪太夫人室外至二更許太夫人憐而予之少年成進士任山東新城令不攜眷潔已愛民善書工詩日與騷人墨

卷三

九

客酬唱凡客入署不待報直入書室大吏至先生入謁闈者立而拱先生怒欲杖之大吏謝過乃已不取民間錢亦不奉上官一錢視去官如脫屣也適曹縣為徵糶民大擾委先生往先生令民執斛自量不假胥吏不日竣事曹大邑也上憲將調之新城民大懼訴於上臺曹縣民出而爭適方伯江公蘭以事出過新城民萬眾迎於野執香跪懇留劉令時日已暮視之若星光萬點布滿四野江公云各上憲議已定奈何民間之齊哭聲震地仍伏不起江公不得已慰之曰俟回與撫軍議為汝留民歡呼聲亦震地乃未幾先生以前任曹縣失出事

罪至譴戍新城曹縣民出重金爲先生贖罪先生作贖
歸引云出關何年無入關亦時有誰知七品郎官歸贖
自兩縣百姓手官視百姓如仇警百姓視官豈父母云
何兩縣風氣殊謫戍其官引爲咎或詛於社或祝神或
聚而哭或狂走或欲慷慨三公陳或欲匍匐九閣叩其
小人曰必歸公公不卽歸我顏厚其君子曰必歸公公
之歸也義不苟又云青錢早信輸乞兒白壁不煩待良
友風霜奔走皮膚被道路哀號面目醜萬千人心同一
心長安市上嘆未有春風策馬居庸還關內依依曳楊
柳繪圖題詩篋筥盈其榮乃與使相偕凡三任新城視

卷三

三

如家新城亦視先生如父壽辰父老登堂而祝者屬集
每罷任必居新城爭迎養之自遠來婦人孺子必夾道
迎相笑樂先生亦喜與之絮絮道家常村農求書大書
讓畔遺風大臣密薦陞青州司馬行將不次用矣俄乞
終養歸方罷官歸里行至江盜劫鄰舟殺人眾聲訕訕
一盜魁大呼曰勿驚山東劉青天先生有詩紀之云強
弓毒矢莫肯加盜賊還能恕吾輩後入名宦祠

濰縣科第之盛或云前令鄒板橋先生變爲之修改某
處以培文風未知果否先生工詩詞又喜畫蘭竹畫必
題詩醉後狂書不衫不履如醉仙步武欹側偏跛中自

有超然出塵之致世多仿之如小兒把筆不值一噓嘗
畫盆蘭送孫峩山先生歸里兼題詩云宿草栽培數十
年根深葉老倍鮮妍而今歸到山中去滿眼名葩是後
賢確切不可移易時雍正三年也後十三年復過德州
峩山年八十二矣子十一人孫曾林立并見五世孫復
出舊圖索題板橋走筆題云載得益蘭返故鄉天家雨
露鬱蒼蒼今朝滿把蘭芽茁又喜山中氣候長風流佳
話爲吾鄉添一故實一日肩輿出門羣丐環跪問何爲
曰求賞畫卽畫乞兒圖擲之意態各殊皆具生趣丐歡
躍拾去易酒共飲先生愛才士惟惡富豪見監生輒罵

卷三

三

駝錢驢或足踏其冠好乘驟調簾入省以封條貼驢鞍
任誕多此類而善于爲政歲饑修城濬河民得勿餒告
歸揚州四壁蕭然不廢絲竹作揚州詩云千家養女先
教曲十里栽花當種田貧甚濰士民斂金往饋詩詞家
書皆手書雕板寄弟書語語切要有聖賢語無語錄氣
世以狂目先生不知先生者也先生友如吾東高鳳翰
江南李鱗皆同調後入名宦祠

淄令易公煥暄當淄屢歉之後入省時各屬縣令皆以
災故懇大府緩徵中丞曰方急兵餉若停徵餉何以辦
無已停新徵舊可也及回邑將如議行吏役稟曰凡舊

逋皆係無力貧民若充裕之戶何至積欠新者猶可徵
舊者雖敲扑無益也公曰今各屬俱停新徵舊淄何能
獨異且何辭以復及期將比諸役及里長環跪乞哀曰
窮民朝夕不給何以奉公公沉吟良久惻然曰可俱緩
之聞人力言不可公不聽曰有我在復入省見制府曰
淄邑屢歉新舊賦俱無能辦職已并舊者緩之矣制府
愕然曰爾何獨異於各屬公曰職已出示諭眾無能再
徵制府曰爾緩則緩之意色甚弗善也公知忤上官歸
諭眾役曰吾官不可為將以病告爾等迎新任可也于
是具詳通稟以中風為辭差家人即發出城門騎不肯

卷三

三

行屢出屢奔回乃以多人執杖驅之須臾乘隙復奔回
署家人怒繫于樹而箠以挺聞者問知其故止之曰且
勿白于公曰此必有異其無行公曰或吾不必去乎姑
聽之吾為民雖罷官無悔也未三月而差往湖南造船
矣蓋示罰也先是有予公書者曰君將有行急來省三
千金可免公不可又曰千金亦可不然差出賄墊不貲
公曰吾將為歸田計雖百金亦不出也瀕行制府已調
他省新制府命合屬助貲及往工所又得良友周旋既
無多費亦無遲滯歸後太府將昇以美缺不受仍回淄
易公湖南湘陰人

濰縣劉次白先生為中書選山左時文鈔蓋承雅雨先
生山左詩鈔之例取高古者為前集近墨者為後集又
選山左古文鈔皆表揚桑梓文獻為功於鄉邦多矣先
生兄弟同中丁卯鄉試同聯捷進士先生名鴻翺名鴻
翥者為縣令先生仕至福建巡撫今告歸太翁諱濟川
嘉慶庚申舉人壬戌署吾邑學博荀初入泮場中文深
蒙稱許回憶如目前事耳竊謂明時山左古文学卓乎可
傳者不少惜無如次白先生者為之選擇久漸湮沒可
惜也夫

卷三

三

垣挾人處女去不知所在案久不結李君有客俠士也
擒之以女還民家客之械鐵柄長尺許上繫鐵練亦尺
許未有鐵丸如茶碗輪舞如飛四面以石亂擊之不能
入空拳博輒石皆碎黑夜以刀斫之能避視日光目不
瞬曾言自南雇船來不知其為盜也行至一所夜半聞
呼曰有賊客與僕驚起結束畢啓門甫出艙艙上有人
以巨斧劈其首客手鐵圈迎之斧錚然飛去即有人以
鎗直刺其胸復格落僕亦相繼跳出旁舟皆賊黨也登
舟來助主僕交擊賊眾相次落水方喘息間見舟忽旋
轉刻磨驚曰此賊在水挖孔船已破矣急入鎗取小棹

浮水坐其上僕亦如之二人漂近岸遇救得不死

新城徐翁名勝仙好養菊秋時爛然盈庭與友人譙賞
余外祖之鄰王翁亦養菊菊開邀徐翁來賞王翁六十
餘徐翁九十餘矣每騎驢而來白髮飄飄清癯而健意
洒如也一日至色不憚王問之曰今蚤有傷心事問何
事曰適甥來云其母病死余適哭女歸也問女年幾何
曰七十餘矣翁至百一十歲乃卒縣令嘗索菊於翁翁
不與語人曰渠俗人安知賞菊

山東觀察使孫公星衍號淵如哀簡齋稱爲奇才

皇上見所撰褒以讀書人出京時大學士和珅戒之曰

卷三

書

今作外官矣才子氣要除公有詩云宰相教除才子氣
至尊親許讀書人公祖母孀居食貧嘗以金三百藏僻
處瀕用檢之不知誰何盜去家益窘一夜夢城隍迎至
署曰偷兒係某夫人欲知其人否太夫人曰彼銀已用
不願知其姓名城隍起敬曰皇天后土實聞斯言後福
未可量也後夢神人自天而降抱兒送太夫人太夫人
抱與其媳遂生公公貴迎養于署及身親見其盛天之
報施善人固不爽也公爲秀才時與洪稚存黃仲則友
善三人好議論喜選才閭里目爲狂士負氣不願久之
皆入詞館以詩名天下

神則係
中書

劉金門先生鳳詒視學山東以內閣學士禮部侍郎加
宮保異數也 仁宗皇帝建復過亭先生集四書句爲

聯云過也如日月之食焉復其見天地之心乎以是受
知荀子歲試入泮明年取優等小草不足當栽培第
見所取試牘磊落雄奇一時才士無不賞拔覆試躬親
搜檢諸弊皆絕發落生童他學使點名以過先生人人
與語或獎勵或訓飭讀書作文無不詳爲剖示所見學
使無如先生之精勤者一時文風振起往往拔其尤者
入署相與論文痛飲益都諸生張姓忘其名取通府第
一并索其平日五經文閱郵遞往返評其文有拜服之

卷三

書

至語人謂先生恃才而傲不知其虛心愛才如是後視
學浙東是時中丞爲阮芸臺先生兩公同年友善阮狀
元劉探花俱擅才華阮以事出奏以金門先生爲監臨
途中蜚語先生于素所賞識闔中索閱文稿稍不當意
輒指示令改蓋天性真率忘避嫌疑以是遭忌罷官謫
戍未幾賜環 賞編修先生果子任事持正不阿山東
一皂隸鉅富子孫應試釀成巨案各上憲皆右之獨先
生持論侃侃公議始申使得大用其展布必有彪炳不
朽者坎壞以終可慨也芸臺先生任山東學政在先崇
尚經學及詩賦風氣亦爲之變下車出示自云本院學

疎才淺有大能謙如此金門先生在浙出示云本院手披萬卷目下十行人遂藉爲口實至編入謠諺論者以是分兩先生福澤之厚薄云

金門先生江西萍鄉人

泗水縣楚家寺僧慧朗臨終語弟子云吾將投曲阜顏考功宅詰朝來訪則修來先生得孫名懋僑字幼客人以爲慧朗後身幼慧博學工詩乾隆間有鴻博之試四方士雲集輦下關中屈翁復高自位置談詩排斥杜工部王侯拜榻下稱弟子後進罕得見幼客以陪祀入京年方少矚其在寓排闥直入屈跌坐榻上不爲禮幼客登其榻對坐不語屈不能耐問所自曰我曲阜顏懋

卷三十一

三

僑聞君能詩未知何如特來一談屈與往復辨若懸河乃折服自謝無禮遂定交幼客少學詩于王秋史秋日詩云白雁呼羣依遠渚晚風隨雨落橫塘嶧縣李少東太史呼爲小友嘗題畫云一松凍欲折一石飛欲絕落日風吹人寒氣碧成雪

張浦山畫徵錄載山東善畫者膠州法石黃若真山水筆有奇趣鍾鏗字一士益都人官至觀察畫山水宗王右丞焦秉貞濟寧人欽天監五官正人物位置自遠而近由大而小不爽毫髮蓋西洋畫法也御製耕織圖秉貞奉詔作村落風景田家作苦曲盡其致鏤版以賜臣

僚冷枚卽焦秉貞弟子也膠州人尤工仕女周之恆字月如臨清人官江西參政後移家江浦工八分書朱竹垞稱之能詩善山水曹侍郎潔躬倦圃十二景是其所圖之恆侍郎門下士也朱虛字若虛號介菴別號夢栩道人官肅州副使工山水有名圖繪寶鑑續纂云鍾鏗邱壑嚴整位置得宜朱虛字介菴曹州人順治三年進士官參政善寫山水落筆蕭疎脫略蹊徑

卷三十一

三

蕭九成字韻亭日照人由學博中壬辰進士官翰林院檢討工畫山水謹守南宗深得麓臺筆意墨香居畫譜推爲山左第一
歷城陳嘉樂乾隆閒以畫名皇九子從之學畫見其所畫屏幃用筆老橫力破邊幅非時下描頭畫角規規於死格局者歿後其子食貧蕭然自得皇九子囑山東巡撫求其舊畫撫軍使首縣某往問吾淄高君薰謀與之善至其家問令來何事語之故且云已辭却高君曰吾見所存尙有何不獻之可得厚贈勃然曰先人手澤方欲收買以歸何云獻耶是時餅告米罄尙未舉火
張雪鴻敬原籍江南遊山東假商籍舉鄉試爲縣令工畫得之天性幼從師讀頑跳師以指點其額呵斥之卽竊繪爲圖神情逼肖長工花卉翎毛生趣滿紙居濟南

來遊吾淄所遺墨迹甚多性瀟灑遇權貴則意氣兀傲在京師友人處有達官來避入內室達官見壁上懸雪鴻畫甚愛重托主人代索餌以重金雪鴻聞之大怒不應爲令時藩憲面索其畫諾之遲久不納一日入省謁見藩憲曰公畫如此難求作而曰朝廷命職來作官不命職來作畫上官唯唯謝焉後以冒籍罷官畫荷花十二幅興思不屬奴子磨墨滿巨缸命以履投其中任意塗紙橫斜狼籍濃淡不一乃就墨潘點染俯仰偏側舒卷盡致雜以花實綴以蒲菰有若天然自謂生平得意之筆蓋極力摹擬終屬人爲此則有因物付物不以心

卷三

夫

見小幅僅三四葉幽靜娟妙如有清芬襲人斯真所謂春蘭者他人橫披直抹亂葉叢雜花不勝數所畫皆蕙耳殊少空谷美人之致張璞山琢曲阜人家無立錐隻身走遼東取坊閒粗紙隨意作畫得數錢餬口無師傳非素習也畫竹畫松筆力道勁價漸高轉之京師入雲林閣冒古人得重值久之士大夫多知其名畫益貴重蓄妻子援例捐職官四川典史各上憲亦重其畫市閒多贖作欺人而璞山之名益噪告歸置田宅揚揚然列籍紳閒矣嘗見所畫五松古幹離奇空中三瀑布飛落氣勢雄偉卓然大方竹則人多有之

卷三

夫

摹習以自給張雪鴻見之喜其筆意越俗招之學畫遂以畫名山水蒼鬱兼工白描人物晚年聲價益重嘗見其鑄錯圖引筆如鐵線一偉丈夫執錯審顧英氣勃勃為高子固白描寫照取其意不取形似也又為高杏江寫乞兒執瓢兀立衣服藍縷而意態傑傲則老筆縱橫矣其子號小癡亦工畫而氣韻生動不逮乃父

高密李君忘其名號善畫石嘗見巨幅一石突立盤折四五層重疊而薄皆平頂張雪鴻畫石橫臥穿穴玲瓏以筆墨淺深分凹凸向背偃蹇轉側有奇趣畫石者尚峭拔喜磊落要皆恆徑二君於人著筆易俗處獨開生

卷三

幸

面愈見名士風流

婁鳳翥亦畫花卉人物漸染雪鴻餘習顧中郎曠代逸才貌之者未脫虎賁之氣吾淄王君宿霖嘗得舊屏畫宋金會盟故事山林樹木人物叢雜人高尺許皆環甲旌旆飛揚南來者氣度雍容北國士馬雄壯著色揮毫老氣無敵非今人筆墨惜缺一幅倩婁補之其甲士旗角掩面樹葉遮馬觀者謂以掩映取致不知其腕力靡弱不敢露全身也張雪鴻畫十八應真雖不及龍眠之工細而衣紋如篆自具古致以婁較之才質學問分上下牀矣鳳翥歷城人

歷城有韓姓者不知其名從趙小田希格學畫牡丹小田南人遊齊魯以畫為業常畫牡丹百幅盡態極妍裝成巨冊韓雖未及已超然異於俗工之多買臙脂矣家貧好飲囊有百錢求畫必不應伺其窘餽以美醞則欣然提筆家人告米盡不得已以畫易之市兒售之速得以獲利近聞歷城多工畫者遠遊未見亦未悉姓字焉故不具錄

杜少陵咏畫松云白摧朽骨龍虎死黑入太陰雷雨垂妙于形容後人慕之潑墨淋漓不知奇偉在骨不以濃濁勝也泰安趙仁圃相國之幼子為學博專門畫松不

卷三

幸

師古人而銅幹鐵柯筆力千鈞吾淄畢氏有畫松者余見時年已老矣畫松成林趙以醜拙得蒼古畢取氣格老橫而筆墨秀勁可謂異曲同工畢名海模或謨字記未確歷下楊徵和致祺兄弟三人有三才子之目徵和善書能文隨筆畫蘭不數作也好絲竹酒間花下清歌悠揚賓客樂與酬酢次善雕刻圖章工揭裱家藏書畫多手自裝潢非俗工可及其季弟畫美人絕佳畫扇一柄值四金而不輕落筆求之經年或竝扇亡去不及汲于利也家極貧入其室圖書鼎彝位置都雅有若素封一堂怡怡蕭然有以自樂

吾邑畢海生畫山水秀潤亦未名家見所臨吳道子關侯像迴與眾殊像爲騎馬馬昂首迎面而來風髻霧鬣蓬蓬勃勃侯端坐提刀神威凜然祇露半身乃知古人布置自別惜未見吳之真迹爲何如也濟南北極廟後壁舊傳真武像爲吳道子筆俗工塲而新之真迹自此湮矣

列仙傳曰鹿皮公者淄川人也少爲府小吏才巧舉手成器岑山上有神象人不能到小吏白府君請木工斤斧三十人作轉輪造懸閣意思橫生數十日梯道成上其巔作祠屋畱止其旁其二閒以自固食芝草飲神泉

卷三

三

七十餘年淄水來山下呼宗族得六十餘人命上山半水出盡漂一郡沒者萬計小吏辭遣家室令下山著鹿皮衣升閣而去後百餘年下賣藥齊市也其水西北流注淄水淄水又北出山謂之萊蕪口東北流者也按隋始設淄川此事載水經注北魏時何以先有淄川之名且其水西北注淄水淄水在吾邑東而萊蕪在上流其非吾邑明甚然吾淄前所轄甚寬西北長山新城東南及萊蕪多屬淄未可以今之方域限之也邑乘亦載其事固未可刪

荆先生無名不知何許人客濟寧人有持白團扇撲蠅

爲血所漬因繪爲紅葉題詩云新霜楓葉醉殷紅記得題詩出後宮繞遍御溝尋不見被風吹入月輪中人遂目之爲荆紅葉

雪蓑道人蘇州河南嘗遊巴中嘉隆閒遊歷下往來淄

川益都人以爲仙詩文奇妙無塵俗語嘗自作聯曰雪裏披蓑寒動一天星斗雲閒補衲暖回大地陽春善作大字龍蛇飛舞龍洞大殿前有蓑雪碑記作狂草署名曰五湖散人兼三十六洞天牧鶴使者衡王誕日於南山石壁大書壽字刻之中閒橫畫可以臥人石壁絕高不知當日何以運筆能譜一絃琴亦孤調也吾淄張相

卷三

三

國家多學其書法蜿蜒攫拏倉卒使人莫辨其字有道人居德州衛河西鄙之琵琶屯生於明嘉靖三十年辛亥年一百二十歲屈指三見辛亥矣起居如平時五官之用未嘗少衰然非有服食修養之術也聞其少時事母最孝家貧不能娶妻入九子祠爲香火道人祠有薄田數畝躬耕給朝夕而已與人一無所忤而意興蕭然殊不類荒村僮父高念東太史以使事過州便道訪之爲之徘徊不能去焉程先貞爲作詩云道人一百二十歲瘦骨岐嶇鬢髮蒼坐對白鷗浮水靜行牽黃犢種田忙頗聞愛日依慈母直數生年到肅皇陵谷遷移

深閉戶烟霞廓落獨登牀空心不用看書卷渴吻何曾
問酒漿業做逍遙遊廣莫身餘渾沌屬中央頑仙縱未
膺真誥庶老還須入下庠卻笑呼蜉蝣空復在謁來楚楚
炫衣裳

沂水巴山有石洞乾隆閒忽有道人跌坐其中樵者疑
為丐欲逐之不為動招集村民十餘人以巨繩繫其腰
齊力牽曳道人屹然如故繩斷乃止驚相告語目為妖
諸生數輩造祠問訊亦不答但以手畫地作借居二字
或吟詩以贈道人依韻酬之問以休咎不言數月移居
濟南嶽祠沂水生應試有識之者往訪已飄然去傳其

卷三

書

二詩云一聲猿鶴響松關坐冷孤雲意獨閒有迹已教
同世外無心何必去人閒松陰暮局空殘劫爐底雌雄
見大還流水桃花杳然在一迴頭隔萬重山天地悠悠
一片雲何心重與結聲聞迷離紅翠花三樹町疇高低
鹿一羣自是清空通沆瀣不將搖落歎河汾虛無枉把
靈臺鑿混沌由來總不分

歷城北極廟來一道士號醉琴南人也以諸生出家住
此彈琴圍棋唱崑曲亦好作詩初至延賓一日會詩一
日會琴圍棋歌曲皆分日而集一時士大夫多與往還
張船山贈以聯有跋仍隨手改竄倩江南汪姓者為作

東郭墀間圖一名若此圖寓諷世意高自位置以風流
自命齊河郝答為題詩云誰向鷺溪為寫真幻中形影
畫中身紅閨夜夜相思夢不道塵間有乞人黃庭一卷
証前修訕泣寧遺妻妾羞若把浮雲較蹤跡不堪回首
古揚州

王照園字婉侗山東福山人主事郝懿行室懿行字蘭
皋嘉慶己未進士有才名婉侗書仿歐柳工古文得六
朝人筆意尤精漢學日與懿行考訂經史疏爾雅箋山
海經名噪都下有列女傳補註八卷敘錄一卷列仙傳
校正一卷敘讚一卷夢書一卷阮芸臺先生之母林太

卷三

書

夫人性耽墳典繪有石室藏書小照獨坐石上芸臺先
生執書侍立婉侗題詩有云齋名積古從公定室有藏
書是母留芸臺先生績古齋後改名積古故云齊河女
史郝秋岩寄以詩小序云嫂棲霞族兄懿行室也兄以
著述馳聲天下嫂亦文章博洽名能與兄偶學者稱為
婉侗先生甲戌冬嫂自京師以所註夢書列女傳見寄
賦此誌謝文星夜朗銀河北賢媛聲華溢京國續史無
慚世叔妻生花肯讓江郎筆憐爾文章播上清蛾眉不
愧號先生遙遙願識瓊枝色春夢無因到鳳城

趙琳字石寅掖縣諸生遊吳閫有王竹素者字寄磊能

詩喜與名人唱酬所居樓題聯深自負聞石寅善琴工
 詩大會賓客索題詩竹素生於七月八日諸客詩無當
 意獨石寅詩有句云巧讓天孫方一夜明當玉兔漸圓
 時竹素大驚賞遂委身焉既歸大婦不能容漸至憔悴
 病卒石寅哭之作詩三十首有佳人誰絕世知己即傾
 城嘗見一書載其事甚詳竝記其樓上楹聯今不記矣
 竹素詩多散失寄石寅夫子云夜夜梅花夢裏香半春
 清瘦倚迴廊前期總驗著占好屈指流光亦斷腸佛龕
 香篆誓如初茹素恆甘嫩甲蔬烽火隔江魚雁少淚痕
 濡墨答君書杜鵑啼歇又倉庚逝水年光暗裏驚幾度
 青春拋擲去真成薄命負今生孤燈低焰晚風輕浙浙
 虛窗雨二更此際有心同葉碎小芭蕉上一聲聲此蓋
 石寅外出竹素病中所寄之詞也石寅受制于婦而不
 能救徒悲奚益乎
 盧雅雨先生重刊金石錄敘謂李易安作金石錄跋時
 年已五十有二必無更嫁之事殆造謗如碧雲駮之類
 宛平女史黃友琴喜易安數百年覆盆昭雪賦詩云李
 氏本清門趙亦天族裔淹通敵儒冠文采茂儕類詎踰
 就木年而違泛舟誓金爲口所鑠葵竟足不衛卓哉都
 轉公一語抉蒙翳披雲始見天瀚雪洵快事詞憐漱玉

卷三 素

新圖愛打馬慧曠代有知己九原當破涕拔易安不再
 嫁前人已辨之觀此詩益知盧公高識非私於鄉人也
 黃氏爲劉公師陸繼室著有南濱偶存劉公字子敬精
 金石之學現任直隸霸昌道今年七月自蜀赴任
 丁氏諸城鍾大文室嫁數月夫卒姑以痛子故致疾氏
 侍湯藥惟謹姑愈氏曰可以畢吾志矣乘閒飲鹽鹵家
 人解之得不死氏志甚不食十四日死斂時於衣笥中
 得詩蓋別父母者也詩云夫死難獨生兒將歸黃土父
 母鞠育恩請俟來生補時道光壬午疋廿四日也同時
 有日照舉人丁佩蒼女亦以夫死殉節人謂之雙丁洵
 足媲美
 諸城侍郎王公璋慶長身玉立氣度甚偉京師相見時
 方爲巡街御史未幾官九列遽卒可惜也娶高密單氏
 通判可玉女能詩月夜病中偶成云拚將瘦骨寒得此
 倦眸豁不知更有身表裏洞冰雪侍郎兄弟競爽卓卓
 有聲轉瞬華屋邱山家亦陵替
 乙意蘭江南伎也或以爲歷城人非而終老歷城初袁
 玉堂潔以重金購之官山東時攜來意蘭通文墨玉堂
 以事戍塞外欲從行其母不忍離乃製駢體文以陳情
 策蹇追玉堂至隴西及之例不許出關寄畱關內三載

卷三 素

以待玉堂賜環同歸歷下有友人馬子琴主其寓以詩
與玉堂唱和未幾玉堂卒宦囊蕭然余來川後未聞意
蘭何似玉堂善畫葡萄著有蠡莊詩話蜀道旅邸中有
題詩歎落蠡莊者玉堂未嘗至蜀必他人也

秋岩名豐齊河人郝鏡亭之女少穎悟學詩於宋湘皋
及叔寅亭閨中著有碧梧吟稿嫁後有蘊閣詩鈔孀居
有恤緯吟海鹽貞女行輓郁太孺人并孺人郁氏浙江
海鹽名家女字同邑王氏王亦貴族而家綦貧未婚夫
亡誓不醮乃以處子稱未亡人焉爲夫立嗣自撫教之
旣而子以贊府宦江右誤掛時網謫居吾郡之章邱邑

卷三

美

孺人從而家焉居數年嗣子卒惟二孫以硯田爲養蔬
食水飲泊如也嘉慶戊寅長孫某以孝廉仕在平學博
方擬迎養而孺人歿年七十有九葬章邑之女郎山山
名豫爲之識嗚呼異矣詩云穀則異室死則同穴若太
孺人之與王贈君也一言爲定百折不移而生無一面
死隔天涯斯亦可哀極矣余有表戚在章邑近以王先
生之門人某所作郁太孺人輓詩見示余讀而悲之因
爲賦此篇云海鹽古邑海雲邊載生女士貞且賢那省
雄龍會雌鳳却教寡鵠憶離鸞離鸞寡鵠真堪痛女子
由來一諾重初心已許奉光儀寶瑟忍教成別弄寶瑟

絃摧已斷腸若敖魂餒更堪傷若敖藉力絲瓜甍漆室
依然是女郎冰心玉質古希有尸饗不惜織緜手幸得
維城克象賢栽花上國遠將母故鄉雲樹渺天涯門鎖
春風閒落花宦海風波那可料一帆北海又移家虞翻
獲罪曷敢怨阿母甘心共患難何期天府召修文遽使
高堂闕視膳景壓桑榆日漸曛敬姜哭子詎堪聞共歎
敬姜失令子還欣李密是賢孫賢孫捧硯淚沾袂幾載
硯耕新得歲青瓊方擬慰重慈白髮胡爲成永逝吁嗟
乎雲旆霓旌去不還徽音懿德自人間百歲終全女子
節一杯獨葬女郎山女郎之山在何許山頭夜夜驚風

卷三

美

兩生不同衾死異穴杜鵑啼血如人語寄贈章邱馬小
姊并馬小姊者新城王太守公子之配章邱馬幼文先
生之女公子也先生之尊人濟川先生昔嘗設帳郝氏
授經於先兄乾隆末年幼文先生復館於寒家余弟從
受業余亦微聞餘論有所淑艾焉今先生以池州太守
丁太公憂守制居私第有愛女年二十餘耽文藝善畫
折枝余聞而慕之恃世誼遂漫有此寄淑慎名家子幽
閒貴室嬪文章鮑小妹書法衛夫人餘慧丹青寄芳枝
點綴新趨庭傳異學染翰樂天倫絳帳追前武烏衣屈
上賓由來孔李誼不亞謝王親况是閨中秀堪稱席上

珍瓊瑤擬顏色冰雪想丰神投李曾非遠班荆未有因
詩鳴吾豈敢畫好子應真霄漢瞻高鳳泥塗愧弱鱗願
將五色筆爲布草堂春歷下韓氏雙孝女詩序并孝女家
歷城姓韓氏一名奇一名貞同母姊妹也父有三男俱
夭歿二女誓志不字夙夜服勤以供甘旨父母安焉父
卒殯葬如禮其一亦夭其一侍母如初母亡獨居墓側
祭掃不輟年六十猶處子也里人異之爲作啓徵詩余
敬賦長律得十六韻濟水迴澄練華峰聳碧蓮山川鍾
秀地閨閣異人賢懿性生偏厚高蹤世競傳靈香爲姊
妹曾閱是婢娟蘭桂萎朝露椿萱憂暮年永懷烏鳥意

卷三

早

不詠鵲巢篇纖手調薌鼎鳴梭易酒錢旨甘厨下具粉
黛鏡中剔草色循陔媚花枝照砌妍冰心同皎皎彩袖
兩翩翩喬木經霜隕麻衣擬雪鮮二難終葬父一美倏
登仙窈窕身孤在伶仃志益堅女兮焉讓子母也故爲
天力竭酬春煦魂銷哭逝川墓門凡幾載素髮颯垂肩
郁氏王丹林名桂之祖母馬氏
王漢南太守名允楚之子婦
方壽字蓬客號芝仙山東歷城人布政使昂女兄諸生
潘可宗室著有芝仙小草芝仙工花卉超逸有天趣性
耿介弟官江南寄以吳綾一端答書云吾家耕可以食
織可以衣弟爲廉吏此等物不須也弟服謝之雪霽云

快雪初晴月滿庭清光無際透疎櫺香生簷蔔心如水
閒展黃庭一卷經方伯讀書吾漁與先王父交善
歿後遷居于淄今不知所之
許瓊鶴芝仙山東濟寧州人諸生許夔臣姪女燈花云
靜夜垂簾坐燈花豔小窗穠華輝繡帙春色上蘭缸結
蕊環聯九連枝鏡映雙爲誰占喜事坐待曉鐘撞按夔
臣字山雁以詩名曾輯女史詩爲雕華集待梓翁繡君
女史以寄他氏增損刻之別立集名夔臣抑抑病歿文
人好名之弊如此
新城張亦宣室高氏閒居偶成云秋成收罷樂閒居每
歲倉箱幸有餘漫道閨中無大計積錢多買課兒書觀
詩知其有識

卷三

早

新城張廷敘室于氏新城人夢題萬峰山云一桁青山
倒碧波空中去住白雲多靈槎未許漁人泛惟我曾經
夢裏過
袁玉堂買乙意蘭爲小妻價不足賒一半候居官時全
完其母隨之山東及玉堂罷官仍未償也前記意蘭追
玉堂至關未記其詩忽於故書中檢得一紙乃其詩也
蓋馬子琴錄以寄余者急爲存之自製剪絲雙鷄贈主
人附以詩云何妨雌伏忽雄飛裁翦雙鷄寓意微有志
四方男子事要郎早日策征駢

係春詞者郝答餐霞氏為趙文鸞賦也文鸞小字春娘
 濟之清邑人年十七來歷下色藝冠一時呂性豪爽無
 脂粉習得諸名士歡愛呂郭子所謂却嫌脂粉汚顏色
 不把風流奪綺羅也戊辰夏五妓呂所志不遂遽自殞
 葬雙泉山下餐霞為詩弔之彈指匆匆過曇花現偶然
 大千原是夢小劫總非禪遠捨迷香洞偏登切利天夜
 臺留泡影錦瑟感華年漫說金為屋真驚玉化烟三生
 空有約一面更無緣憶昔爭春宴常裁送別箋歡娛方
 欲罄幽忽忽相連後會知難矣前期真杳焉青衫愁汚
 酒綠綺罷調絃時濺看花淚虛營買笑錢殘紅成亂墮

卷三

聖

遺翠竟誰憐唯擬東東喚倘如有有牽死情卿不愧緘
 恨我寧捐為假柔毫力思將薄倖傳長吟黯相弔一賦
 慘春篇

贈姚姬阿翠用王次回體姬名翠鈴少隨其祖母育孫
 氏嘗為郝氏佃客後乃復姓詩云肩痕減翠首飛蓬應
 惜晨妝臨鏡慵妮客偶然調白老喚娘且與煮黃封彊
 銀不為彈箏卸腕玉新綠病酒鬆箇是關心桃葉姊暫
 時清話可從容憶昔齊眉翦髮初玉人居處近蓬廬牽
 蘿偶逐漂衣母挑菜偏隨門鴨姑曾是簸錢年紀小那
 知校瑟姓名殊七年明燭燒燈夜可記當時懊惱無

漁洋喜杜少陵句細雨荷鋤立哀猿吟翠屏喜高念東
 先生句筠杖古松流水外蒲團修竹絮風間皆欲繪以
 為圖未果有秋林讀書圖又倩門生為繪種竹圖二圖
 尚存劉寄菴宰新城題其讀書圖云少年才子老儒臣
 玉佩瓊琚近紫宸識是蕭齋紅葉下秋山影裏讀書人
 論詩妙在酸鹹外作畫難傳阿堵閒最好文郎解神韻
 疎林落葉寫秋山題種竹圖云長松百尺覆茅廬中有
 山人坐讀書忽憶渭濱千畝竹分來夜雨曉風初玉筍
 門生劄畫師更添一絕是新詩山中正解新篁籜誰記
 劉郎手種時又有清溪詩思圖吾淄張厯友為題長句

卷三

聖

不具錄

漁洋詩筒蓋與徐東癡以詩往來漁洋題字刻其上亦
 韻事也至今猶在胡乙垣見之述于劉寄菴慕而賦之
 胡生早歲耽吟詩阮翁恨不生同時蠶尾烟深石帆雨
 夢中往往如見之翁昔言語妙天下半世傾心是徐夜
 落筆齊將翡翠裝停毫爭把珊瑚架徐君小隱無宦情
 有時畏入高苑城咫尺相思不命駕惟憑青鳥通姓名
 阮翁乃截淇園竹清韻琅琅媚幽谷寸心自訂金石盟
 尺素如遺鯉魚腹上鐫私印徐與王王家復有書數行
 司馬橋頭小徑滑村人乍見譏癡狂不讀詩卷可干載

一尺之筒至今在李襄薛瓢同消沉此物不朽將有待
落君家手何曾難借人醉後輕相看海嶽故事君知否
蟾蜍淚滴珠闌干

吾邑高念東先生有文徵明畫寒山飛雪圖國初諸老
題詩甚多畫短而題跋盈二丈餘爲一長卷諸家各體
皆備筆力馳騁漁洋山人自書絕句字體欹斜詩載精
華錄中未覺出色與諸作對觀則洒然出塵別具風神
方服其詩之妙也詩云驢影凌競冬氣昏危亭孤棧簇
烟村披圖正有溪山夢風竹蕭蕭雪擁門

明一統志云三歸臺在東平州東阿縣西二里第今東

卷三

器

阿邑卽古阿邑臨淄去阿遠管仲豈築臺於遠地春秋
時阿乃衛邑後齊威王烹阿大夫乃衛亡之後其說誣
不足信也昌樂大路旁有山名孤山石碑立於旁大書
伯夷待清處同一妄也新城有桓臺謂桓公所築劉寄
菴月夜登桓臺高處詩云春雪未消月未落乘夜高曠
興不惡山川幻滅烟靄空如駕方舟向海若西南極目
長白峰萬丈寒光得大略青霄倏忽來片雲疑有仙人
跨黃鶴遙聞唾咳珠玉生金石歌聲競相作蠶尾山房
石帆亭前輩風流宛如昨平生亦識名勝遊洞壑林巒
健雙腳雜然坐我塵囂中今夕幾同償夙諾天鷄鳴爾

無先鳴好待城頭罷宵柝

聞韶臺在濟陽子在齊聞韶處按家語夫子見童子視
端行直曰車驅之車驅之韶樂在齊矣夫子知高氏肄
韶樂遂爲高氏家臣得以聞韶則聞韶當在臨淄濟陽
去齊都二百餘里何以在此聞之且臺在曠野四面陡
立不在高氏之家而在此無從考證向有奉祀生二人
蓋立廟其上也

魯連臺在聊城東高七丈卽仲連射書與燕將處見水
經注至新城有魯連陂高苑有仲連墓相傳雖久無確
據也而在平則墓與祠皆在焉縣在秦爲聊城地漢始

卷三

器

置在平縣唐併入聊城金時劉豫復分置至今相沿核
其實仍聊城地耳縣東北三十里有仲連村明學使陸
公錢葺山東通志謂魯連村後改王樓店舊有祠神州
古史考謂之望魯店以音譌也縣志謂墓久平康熙二
年知縣王畫一築其墓且勒石乾隆間濮州潘牧如誠
過祠下賦詩縣令某葺其祠北二里爲墓復修之德州
馮大木廷樞有詩云落日聊攝東訪古仲連臺廣野絕
人迹大風海上來北望易水流西顧函關開當年倜儻
生卓絕濟代才抗論恥帝秦意氣凌八垓投策過齊城
飛書燕將哀功成不受賞飄然歸蓬萊我來尋遺迹愛

茲澹蕩懷翩翩鴻鵠舉逸翮挾風雷海水終古滌斯人
安在哉空餘廢墟在野草生枯萊田山薑先生弟需在
平道中云幾日碣磬路經行過濟西青帘丁塊酒白板
午時雞雲斂秋初變風高鴈不齊魯連村畔柳悵望野
烟迷漁洋魯仲連陂云七雄既龍鬪陳寶歸嬴秦師出
函谷關六國咸逡巡邯鄲日夜急咄嗟誰解紛蕩陰師
既頓新行謀豈倫先生畫奇策長揖平原君僕妾愧萬
乘大義明君臣縱橫數千言顧卻虎狼軍功成不受賞
飄然歸海垠蹈海既高義肆志寧辱身至今齊趙士個
儻希清塵我來古陂上遺祠蔓荒榛甃道竄蒼鼠天風

卷三

樂

吹白蘋緬懷田巴語景行歧千春

青州有社首山故稱青社有稷山山下立館以棲遊士
故多士談于稷下明衡王封藩于青國初博山孫文定
公過之記其宮觀馳道花木猶存迨後僅一土邱巍然
云是望春樓故址安邱安青士質詩云故宮猶記望春
樓老樹斜陽土一邱石闕烟迷荒似夢東風花發冷疑
秋人來果苑思芳草瓜種青門說故侯玉砌金鋪歸劫
火灑泉千載抱城流昔長安民券某處至花萼樓某處
至含元殿秋風禾黍自古歎之矣而雪宮故址猶有能
指其處者賢人遺蹤固應長留天地間耳或云衡王之

孫翳棲吾淄登鬢山賦詩云八月瀟瀟暮雨收雲門回
看古青州三千鐵甲成虛度十二藤牌付水流夢裡常
居金鳳閣醒來不見玉龍樓王孫事業今何在落落天
涯嘆白頭未知確否

濟南府東北三十里有平臺城齊景公爲晏子封邑使
田無宇致臺與無鹽漢安帝延光三年濟南上言鳳凰
集臺縣毛海客詩云平臺漠漠接寒邱齊相遺封又漢
侯濟水依然東北去荒城不見鳳凰遊

古有文冢筆冢冢厯城東梁家莊有土數堆傳檀道
濟唱籌量沙處居人謂之糧冢毛海客咏之云糧冢蕭

卷三

樂

蕭霧不開江州原是濟時才滑臺陷後軍資絕想見量
沙覆米來漁洋咏檀道濟戰處云長城自壞復誰尤戰
地經過憶唱籌野鳥啼春寺門寂可憐猶似白符鳩感
慨深矣

山東古蹟不勝書略錄數詩以志其概漁洋過在平咏
古馬周云火色鳶肩者相逢徧五都不知曾一箇得似
馬周無張鎬云湖海鬚眉在寧忘社稷讐張公琴酒客
能辦殺閭丘又咏顏闕墓云末世寡尙志薄俗希乘軒
豈不貴纁帛形役神不全吾高顏夫子抗節藐齊宣鐘
簾寧足論殿上呼王前晚食與安步詎以榮利遷監門

良自賤趨士理亦賢俯仰二千載弔古悲荒阡墟墓絕
樵採清風激頽頑古道邈難作悲哉東逝川轅固里云
漢初尙黃老儒術聞不章齊魯誕諸儒五經如載陽遐
哉清河傳卓爲羣倫倡抵掌論湯武大義非荒唐曲學
誠孫宏微言詒后蒼訓詞列學官星日同琅琅我生睽
千載桑梓寧異鄉寤寐思哲人流風一何長生慙齊魯
學私淑附師匡

地志皆以夾谷臺在淄川聖迹所至豈不爲榮第兩國
會盟芻糧帳幄供頓所聚甲馬雲集必擇寬廣之地而
吾淄之夾谷車不能進馬不並行何取荒山僻壤立壇

卷三

吳

坵焉蓋地有甲山有小平處名之爲臺一石兀立名曰
石秀才以爲夫子像更屬荒繆前設有奉祀生二名今
廢

淳于髡後裔散居登萊之間馬子琴見其家譜以髡爲
始祖漁洋詩云玉釵掛臣冠滅燭聞薊澤此際獨留髡
僕亦堪一石齊河郝敬亭咏綿駒故里云狂歌憶綿駒
古城秋草廣天晴雲亂飛林靜鳥長往薄日銜遙山猶
聞發樵響今高唐非齊之高唐高唐在今禹城

陽穀城西北三里有項王冢半毀壞石碣尙存題云項
王之墓水經注記之其碑古矣史記魯爲楚守漢示羽

首魯乃降遂以魯公禮葬羽於穀城或云王歿後有李
將軍者守鏹山下高帝使人說之請以王禮葬王既
葬將軍自到墓畔有小墳卽李將軍也碣書項王此其
故歟此說可補史傳之缺河南解元李卿穀過其地有
詩云亞父之謀如能用楚室得天亦正統隆準帝王自
有真蓋世英雄空如夢秦關百二誰能當忽驅虎豹如
驅羊一夫橫掃豈能濟前有陳涉後項王天心終屬赤
帝子斬蛇一劍興砥礪鴻門談笑何揮霍當時曾共入
關約始知黃石老譎謀已有勝算爭先著淮陰餓夫能
將兵奇師四出傾連營江東子弟飄零盡帳下美人太

卷三

吳

息生重圍無計策雖馬頸血一濺長虹化何人馬革裏
尸還誓守鏹山不肯下無計賺漢且歸降降我無如先
葬王孤臣報主今已足從容赴節何堂堂吁嗟乎鳥已
盡免已死漢代功臣長已矣地下項王含笑看高墳長
伴將軍李

陽穀卽漢之穀城黃石公期張良于此有墓有祠誰把
一卷書橋頭贈孺子既有命世才胡不乘時起假手成
功名畱身亦何俟毋乃漢陰流機心動還止不然納履
餘帝師深自恥我來千載下未悉授編自徘徊古祠旁
惟覺松風美此郝允秀謁祠詩也

山名陽穀
山產文石

閔公鸚元字少儀德清人乾隆初年進士視學山東院門左右建兩坊一曰鄒魯教諭一曰海岱文章署中舊

有八景四照晴嵐四照樓高聳上層四鐘樓霽雪藩署

此署後鐘樓皆兩層外有海棠春雨瑤除石芝虛舫談極高大不知所由

經平橋待月紅欄活水署有流水潛出院外成溪西轅

門外蒲葦森森漁舟三五繫纜岸上人家似江鄉村落

諸景多咏之者長篇短句美不勝收惜忘一景有新增

者曰瑞筮書屋不知所云亦未有詩道光壬午余謁何

仙槎先生於署所見景僅得二三未全觀也閔公按試

登州中秋夜和吳玩春韻云乘槎直到海天東秋意蕭

卷三

辛

騷興不窮萬里相看明月夜三山半落酒杯中魚龍寂

寞波濤瀾樓閣清寒嘯咏同最有吳剛工斫桂香風飄

拂滿簾籠

翁覃溪先生方剛大興人視學山東興起古學以不合

時宜卒罷去先生績學多聞所作兩漢金石記剖析毫

芒精經學多所發明詩宗江西派嘗手批漁洋詩集工

書初學顏繼學歐隸法史晨韓勅諸碑濟南明湖上巨

碑是其所書新城王秋水見於京師年七十餘面如桃

花余有黃瘦瓢畫松二株先生題古風其上云蒼龍僵

立老坡語瘖春盤空自何許飛裂奔湍怒有聲猶挾巖

巒勢呼舞虛無根有鬼神會浩浩雲氣迴太古畫師欲

寫撐雲勢虛白光中自撐拄不點蒼苔氣逾厚倒拔石

骨青初吐舉似嶽崎磊落人誰歎巖壑冰霜侶昔倚湘

中巖吏壁今挂海上詩人尸和君長嘯作鸞鳳助君筆

力如牛弩大勞山居歸有日且伴行旒向臨汝為君一

斗瀉墨濁掣起飢蛟作雷雨

近稱古文能手姚姬傳先生飛最著名來遊吾東適朱

子穎孝純守泰安兩人交善相約登岱歷石磴七千餘

級古者登山循東谷東谷古謂天門溪水今皆循西谷

其險峻處亦謂天門與子穎坐日觀亭風揚積雪撲面

卷三

壬

子穎太守即築晴雪樓者前在四川隨征金川及宦山

左遇王倫之變先見大府陳方畧親戰臨清城下巨炮

火丸從頭上飛過手挽弓矢射斃賊首智勇兼擅平日

風流自賞好與騷人唱和名士也姬傳先生云泰山之

陽汶水西流泰山之陰濟水東流陽谷皆入汶陰谷皆

入濟其為東國重鎮以此

吳江陸公朗夫耀貌清癯廉潔自厲王倫之變公在濟

寧嚴守禦賊不敢犯官布政以巡撫貪暴不相能告歸

後為湖南巡撫以勞卒其友徐貞生入視合斂室中別

無長物歎曰貧至此即不死亦難度日矣子文駟落魄

無依趙耘菘感而賦詩云廉吏可爲兒作客故人已死
鬼成神湖南人皆以公爲湖南省都城隍故云按陸公
爲山東布政時巡撫名國泰爲御史參劾伏法惜公在
官不得展其志公十三歲賦牡丹詩得名紀其偶感一
首足見生平喜無側媚干時術不作媵姁諛墓文知己
未妨當代少浮名惟恐後人聞硯池餘墨臨窻試初地
清香灌手薰決計疎狂竊微祿閉門寂寂似揚雲

前撫院鐵冶亭保嘉慶年間在吾東諭諸生一時門生
有七省學院九省主考雖屬鼓舞士子意在誇詡及門
之盛要爲藝林佳話公與弟聞峯皆有詩名有風雨對

卷三

五

牀圖多題之者嘗輯熙朝雅頌集一百二十卷皆滿洲
人足爲我朝掌故素工書濟南趵突泉上呂仙祠匾額
燮元贊運四大字是其筆迹論者以劉中堂石菴翁鴻
臚覃溪與公書法爲鼎足過荏平云路入重邱境肩輿
叩縣門地延孟子館人近魯連村樸俗衣冠陋荒城烏
雀繁礪礪成賸迹古月澹黃昏又滕縣謁文公廟云齊
楚縱橫鼎屢遷彈丸百里祚孤延不須更問維新術已
共成周八百年意極翻新以五十里稱百里或者舉成
數可不拘耶
曲阜顏衡齋藏犀杯銘辭云文羊一角其理沈默不惜

剖心寧辭碎首黃流在中爲君子壽按萬歷五年十月
十七日吳公中行疏劾張居正奪情次日趙公用賢疏
上皆被廷杖許文穆公爲行人刻玉盃贈吳以犀觥刻
是銘贈趙其後流轉頗易主乃爲顏君所得山東學使
翁覃溪以書告趙文毅五世孫者庭將以玉盃易
之乞覃溪爲文並求諸名士作詩以爲介紹杯遂復歸
趙氏趙雲松詩云杖瘡忍疼祖宗烈捲澤興懷子孫孝
此意應蒙航主憐會見完璧速歸趙事隔二百餘年乃
爲吾東留一故實

卷三

五

趙懷玉字未辛江蘇武進人乾隆四十五年召試舉人
官中書出爲青州府同知在都與吳穀人蔣心餘張船
山諸人倡和詩名甚盛船山贈以詩云舍人風格本飛
揚潦倒新看鬢有霜老不登科文愈古貧尤多病酒難
狂眼中傀儡眞兒戲夢裏升沉易夕陽撲筆推書同一
笑年來我亦悔名場送其之青州司馬任云臨歧相對
感清門廉吏同留五代孫勲業何年承世澤文章無處
答 君恩塵中幻境看雲影衣上間愁驗酒痕惆悵東
橋輕話別一重楊柳一銷魂按廉吏五代孫句似上溯
文端公鵬翮恭毅公申喬未辛出都留別諸故人云去
住真知兩不堪且尋鄉夢返江潭下車事已同馮婦縮

屋心誰信魯男聽到悲歌先自淚傾殘薄酒未成酣故人知我緣親在寄語夷吾漫諱貪三日風光歲又新平生未識帝城春空羣冀北難為馬捷徑終南况有人彩筆久疎江令夢素衣空惹庾郎塵竈前檢點更炊具合是勞薪作後塵玩詩意甚牢騷

新城阮亭先生西陂別墅有石帆亭樵唱軒半偈閣大椿軒雙松書塢小華子岡小善卷洞春草池三峯嘯臺石丈竹徑綠蘿書屋一時名人題咏共九十餘人公子啟涑彙而刻之此書不見漁洋全書王初侗過新城訪西陂別墅詩云尙書池北營書庫數十年間付杳冥曉

卷三

書

日鷄豚屏提閣秋風禾黍石帆亭居人指點基空在故老傳聞事忍聽却憶銅坑銅井外漁洋終古一峰青侗初嘉善監生官山左有海石集

魯城東七里有二石人皆西向一鐫樂安太守廉君一鐫府門皆在紳下盛秦川百二作詩云辭漢金人淚暗滴向處摩挲歎銅狄歸然不見魯靈光一例西風吹瓦礫石人乃得全天年偶立千秋古道邊樂安太守爾誰是姓氏猶在名無傳古道離離遍禾黍但向斜陽日延佇千呼萬喚不肯回忍觀蓬萊變塵土日暄雨洗換年光碧蘚紅蘿作繡裳紙錢飛散白蝴蝶寒食何人澆酒

漿斲冰詞客好事者獨往驅車弔原野古隸龍文揚寄來翠墨寒清我心寫宇文石鼓等兒孫苦縣光和是弟昆遙知月冷清霜夜石人相對語精魂盛君去淄川後作

黃公左田越兩典山東鄉試後督學詩賦經古而外諸生工篆籀善畫者亦許面試公究心字學又工畫故也未久內召去甲子闈中與房考諸公唱和劉寄菴作七古長篇江字韻公再疊前韻以酬劉亦疊韻再答公又作畫兼贈詩寄菴用原韻以和旗鼓相當一時誇為盛事焉初來官宮贊後以尙書予告歸里

卷三

書

張南松先生鵬展主山東嘉慶庚午鄉試留督學政當時制藝競尙尤王一派概不收錄所取文清而不薄刻而不纖復見先正風規是能力挽頽瀾者復留心風雅續選山左詩鈔委一學博任其事某素奉賈浪仙為佛派雖正而境甚窄刻成或議其後然搜羅之富不減於前且有國初人前鈔未及收至此復錄先生之為功吾鄉非淺也吾家選入是集者先大父而外尙有六人惜未攜來詩皆不記憶

雲南李馥齋文耕初為鄒平令為政平易百姓愛戴中丞陳笠帆琦侯皆疏薦超拔由縣令歷陞至巡撫刻朱子語類方靈臯古文外集陳榕門從政遺規呂新吾呻

吟語三魚堂學規於所立書院少與同里曹君鶴鳴同
學及同宦山左曹爲蒲台令公已官臬司曹以書信往
來皆手書草字飛舞不拘俗套古人交誼於茲復見公
楷書似雜漢隸古趣盎然爲令時茶館旅店每張於壁
益公誕辰襍禱之夫雲集登堂相與如家人有求無不
樂爲揮翰

吾涵典史胡君忘其名號其尊人爲方靈臯先生之甥
求先生書聯爲書二句云畧似人形尙存夜氣不知者
以爲菲薄先生素誠篤無慢語況於其甥乎此正切實
勉厲意也胡君雅好吟咏嘗以詩集介先王父求周書

卷三

五

昌先生點定記其重九遊費山句云白雲澗裏尋荒碣
黃葉村邊送晚鴻手錄詩與王父小山公四叔祖輝吉
公唱和甚多今不能記

益都沈八忘其名南遊浙江吳文溥贈以詩云自言年
少時頭角亦頗奇彈碁與擊劍游戲無不爲雲門山中
有老屋穆陵關前春草綠千年猛虎射殺之徒手向前
拔金鏃朝馳燕馬問盧龍夜脫吳鈞舞鴝鴒美人如花
客如玉往往哀絲兼豪竹分金呼管鮑作賦邀鄒枚聞
道秦皇古碑在與酣獨上瑯琊臺當時搔首隘八荒未
肯埋沒隨蒿萊其意氣豪邁可想

諸城劉文清公嘉慶十年薨于位 諭賜祭葬 賜物

便蕃將抵里門每物一人捧盤懸 諭賜牌夾道而馳

內有紅絨結頂冠蓋當時之特蒙 殊恩如是開奠日

有人耳目手足皆有殘疾見者謂之十不全入祭痛哭

口呼忠臣問其姓字自稱明良縣中素無其人哭畢趨

出莫知所往人以爲異作詩紀之云忽有明良一廢人

盤香祭幃哭忠臣惜忘其全公任冢宰信芳先生綽有

家風道光元年薨謚文恭 上諭追獎其遇事敢言

賜次子華海舉人乙未大挑與辛巳科同班背誦履歷

肅親王及大臣再三慰諭挑一等以知縣用 朝廷眷

卷三

五

顧世臣恩遇隆重非徒一家之榮也

濱州杜石樵先生以侍郎予告先生兄弟八人一生遭

際無絲毫坎壈封翁嘗對客謂其舉人第一而非解元

進士第一而非會元翰林第一而非狀元蓋獻詩賦

欽賜舉人居首會試覆試一等第一翰林院庶吉士散

館爲館元也子書農受田現爲工部尚書癸巳會元幾

得鼎甲以傳臚入詞林子翻翰林院侍講祖孫父子一

時濟美

王侍御熙甫名寧焯號直菴高密人詩學三李一派著

有在山集考功集學靜草嘗與張船山輩唱和卒後劉

寄菴弔以詩云疏入常關天下計詩成時見古人心
五蓮山五峯秀峙原名五朶山後改今名在諸城城南
四十里有五蓮山志一卷多載名人題咏寺藏貝葉經
梵字人多不識其貝葉以細竹簽貫之產早晶石條長
尺餘圍徑寸或六稜四稜不等皆長條無方圓者剖去
粗石瑩徹明透如水晶山多牡丹三月花開溪邊岸畔
所在多有北地濱海甚爲難得最勝者松風徑山路透
迤兩旁巨松古幹輪囷撐霄蔽日蒼翠落人衣袂道旁
清流潺潺每夏日山會遊人憩集飲酒盤桓
高密李星五先生忘其名石桐之族也三李後詩名最

卷三

五

著無鬚貌似羅漢終日靜坐接人不過三五語即瞑目
相對不作制藝而最善衡文門弟子取科第者纍纍先
生以布衣終四方以詩請質者不絕以故交遊甚多嘗
集亡友詩二冊讀之可存文獻

去余家三十里某家有牡丹樹高二丈餘其橫枝粗如
碗不知年代幾何也春時花堆如山遊人攜杯酒賞讌
者不絕主人慮踐其菜蔬召匠人伐去一方爲之減色
又一處山溪曲折夾岸桃李梅杏甚繁孟柳谷孝廉風
雅士也花時輒約友與及門諸子攜酒棹往遊主人重
其名厚款之既而聞其勝者踵至主人惡之伐去

長山聶松岩精篆刻年七十二尙能鐫小印君去余家
不百里嘗見其印譜一卷皆自雕非集古松岩以布衣
遨遊公卿間尤善紀曉嵐先生謫戍賜環松岩不遠千
里走京師相視先生喜甚云陽關西出二載餘歸來再
直承明廬艱難坎坷意氣減閉門漸與交游疎門前剝
啄者誰子昂藏老鶴清而灑故人忽自天半落踉蹌躡
屐遙相呼憶昔把酒談篆刻布衣之舊晨昏俱題云松
岩老友遠來省余偶出印譜索題感賦長句先生一善
不沒傾倒故人如此紀之因以見松岩生平也

卷三

五

城武古部國蔡中郎石碣猶存歷城趙于京詩云郛城
古鼎淪烟墟中郎八分存方跌想字已無矣趙松雪爲
張侍郎書碑字尙完好可寶也

歷下千佛山有洞名黔婁洞孫淵如觀察偕諸公往遊
鼓呼祖師洞因文士多窮當合眾供養可爲一噓
山左自泰山嶧山之翠李斯篆外有之萊古篆蓋刻于
石壁者高密李端甫華國作歌云海上羣山萃森爽綿
連一帶突蒼莽之萊丹壁獨峭絕聳翠直凌飛鳥上懸
崖古篆紛鉤畫岫巉石鼓文相仿模糊不辨逸與斯溜
雨剝蝕莓苔長鴻濛未闢更何如靈書穗字從堪想問
之萊人亦莫能名泰山嶧溪兩處磨崖碑皆後來矣

歷城張北麓文簡辛巳同年詞辨縱橫尤豪於飲拇戰
轟雷翟鱗江凝周二南樂偕同人訪之西郭書館適他
出諸君謀小飲檢其笥僅一青衫送質庫沽酒命酌疊
青字韻七絕似打油體極諧妙匆匆一閱僅記鱗江一
句云這回氣煞稜頭青稜頭青土語也傳以爲笑北麓
有二兄赤貧無賴各鬻已久北麓授徒賣文不時周給
求索偶不遂輒被毆北麓多方借貸以供無怨言近時
兄弟較錙銖甚至水火若北麓者可風也君明敏多才
朋好以幹吏期許竟因頓禮闈抑鬱以終

卷三

卒

眷奉委入都載洋砲二車其砲一紙團擲地聲響火星
四射童子所玩也山徑車顛磕砲盡然化烏有家任灤
口回里時徧視相知貧乏者輒贈以金去家二十里不
歸視妻子其性情怪僻大都如是友人周溪亭知其性
故爲借銀慷慨不吝乃暗以所贈轉致其家焉
翟文泉孝廉允升掖縣人工漢隸筆畫如鐵年七十餘
矣求者不給多囑其子代書嘗以小黃石贈船山上有
奔馬影石不知得於何處萊故多奇石也船山爲賦詩
云寸石影天馬橫奔雄萬夫神工真狡獪畫意不模糊
蹄尾騰空疾風雲變態殊白孟新水活一幅小河圖

畢秋帆嘗撫吾東與曲阜孔府結姻其嫁女也欲以宋
葵柴窑所謂雨過天青者鑲耳環或得以獻費千金欲
得雙鴛鴦隨奩具生者難致得其一亦不可養並獲雌
雄更難惟某地有之縣令懸賞千金竟得焉秋帆沒子
某服闋演優觴客歌舞方酣查抄者突至簿錄後吾邑
郭龍川在蘇奉委守視見散棄於故紙堆中扇面三四
皆名人筆迹其子於曲房偶啓畫匣繡履滿中嵌金錯
采璀璨奪目而粉白黛綠之人星飛雨散矣公勲業文
章甚著身後籍沒當時年幼未知其詳聞 皇上眷念
舊臣 賞還地畝若干爲公祭田誠 聖朝寬大之恩

卷三

卒

也嫁女在蘇州
公子官侍郎
翁覃溪爲山東學使聞設筵演優者不赴一日諸大吏
宴於明湖小滄浪邀公往關先問席間無優乃啓主人
及至入席酒行樂作未便遽起藩憲某在外獨據一席
召公聞人詰之謂公安坐觀優平昔之言皆爾行詐命
左右用杖翁知離座欲起若被遮留俄而杖畢諸公亦
任其去矣蓋衆人憎其迂執特挫之以爲笑按試某府
壁妾之弟在外巡視往往登號板以搜諸生拒之則詈
衆怒羣起欲毆且以硯飛擊大開啓門出東撫入奏遂
不終任

濟南知府徐公大榕字暢菴江南武進人乾隆壬辰進士以部員出守萊州善決獄平度州民張子布外出婦為妻弟羅有良轉鬻子布歸往詰有良為所毆遽斃妻母在側有良恐母洩其事並毆斃之俄子布蘓遂誣子布毆死其母獄具公廉知其實駁令改正知州郭某堅不從上憲不察公竟以罪繫濟南獄乃割牘尾作詞使所親赴刑部控訴有旨令尚書胡季堂侍郎吉慶赴平度讞獄堂訊日忽霹靂一聲庭宇震搖羅有良惶懼不待詰問將殺母狀盡吐即日復原官調泰安亦有繼子勒死父母移屍以自縊報且誣以姦為所遇羞愧自

卷三

奎

盡公核情節不符親審得實縣令猶固執發棺再驗事乃白在山左屢平大獄他人血膚不能決者談笑間得其情人稱神明後守濟南公工書作詩至數千首性嗜硯以百二十硯齋名其集姪春在川候補從九明李東陽十六歲登進士楊一清登鄉薦年十五惟楊廷和十二歲鄉舉咸以奇童目之余辛巳同年孫曉村家芳蘭山人其七世祖從兄弟名一脉十三歲中進士二甲傳臚後與同榜召對者四十人問以四事一脉風度俊偉敷奏明切與二十五人列高等授檢討居史館多著作人稱西山先生一脉在明中式不知為某科

柳下惠朱子註論語云柳下食邑註孟子用莊子註居柳下似五柳先生以自號者閻百詩不知柳下地在何處據戰國策顏觸言秦攻齊令敢去柳下季壘五十步而採樵者死以為古人多葬食邑壘即邑所在當在齊南魯北昔為魯有後屬齊此想當然語其實墓在今滋陽縣去魯都甚近必不能入齊洪稚存過滋陽謁柳下惠墓詩云斷水鄰鄰樹色昏行人駐馬揖空村孤羈我下無家淚三點誰招去國魂偶食廟牲齊下邑愁逢海島魯東門傷心死士偏寥落曉日樵蘇上冢屯

卷三

奎

火甚盛凡祀必以妓女之幼者唱黃鶯兒以侑酒有聯甚佳惜不全記撮其大畧書之云算是俺不土不農不商不賈大睜眼看破冷暖人情說甚麼柳下聖兄垂青史任憑他稱皇稱帝稱霸稱王急翻身跳出混沌世界且落得花間小女唱黃鶯於極難著筆處寫得如許豪邁文人筆下無所不有金鄉漢山陽郡治昌邑水經注云山有昌邑哀王家東南有范巨卿冢石柱猶在巨卿名式漢荊州刺史與汝南張邵長沙陳平子石交號為死友今大路旁立碑曰巨卿故里水經注不言墓碑蔣心餘不知從何得揭本

碑青龍三年立巨卿山陽金鄉人傳素車白馬會葬者黃仲則于心餘齋頭見碑額詩云憶昔北上經金鄉車檐不捲卧且僵忽如有人促我起道旁碑書巨卿里慨然懷古雙眼明欲爲一詩迄未成乃今見此墓碑額似索心盟話疇昔直是生平死友心上作星芒墮爲石碑穿已失文不完此石亦沒蛟螭淵龍門坊口披沙得離垢菴中剪燭看離垢即心餘先生自署齋名青龍三年此碑設鄉人翟循縣君薛冀州事與范史殊名件亦補鄜生缺渾淪製少盤螭痕精堅體仿玉筋文黃初諸刻若優劣以殿魏碑差得真文云枯斃潤荆漢治郡威名事奚案世亂

卷三

古

方矜獨行名名高不必循良傳到君章與邢子真欲爲死友適得生張元伯後陳平子縱不生交亦堪死不知君死友者誰身後百年開此碑滄桑不爛西山石陵谷如含峴首悲過眼雲烟欣落手願抱此碑同石友仿佛空中走素車來共風前一杯酒慙愧生平結客遊山陽空聽笛聲愁南歸定下墳前拜埋骨期分土一邱東坡小楷不多見長清城內有塔塔內嵌有方石爲東坡所書小楷恭謹字畫無損蓋在塔內無風雨剝蝕也按其文東坡爲母氏修佛事薦冥福而建塔高五丈自城外數里已望見

鄭康成墓在蠓阜界高密安邱間兩邑人士相爭各以爲其土所產而官祭實在高密其旁有村猶名鄭公墓前有祠司農正坐配享者子爲漢侍中孫爲魏孝廉庭階書帶草猶茂其地濱濰風起沙飛往往沒足二三年必須掘除有古柏謂生自漢阮芸臺先生視學山東訪求公後雖村中有鄭姓無譜謀世系可考因無確據遂

輟蓋欲爲鄭公立博士

相傳蘇秦張儀學縱橫之術於鬼谷子鬼谷洞天下有五不知確在何處山左蒙山有其一深山巨壑其棲隱與否未可知吾淄縣志載巒山有鬼谷洞亦相與附會

卷三

全

絕無林壑之美岩洞僅可容乞丐亦冒其名可哂也宋孝子王樵築蘭室於此自號贅世翁濟南李芝爲作傳載其事甚詳足爲百世師蘇張何足取有無殆不足辨耳

濟南多詩人近時炳著者不錄郝允秀紀昔之以詩見者大隱金門十八年東方的的漢神仙誰知謫諫居朝日別有龍蛇戒子篇東方待詔朔太守園林舊有聲簡編千載識幽情如何月倚風淪句誤署紅蓮幕客名房太明守豹家累代竝經生祭酒清吟更老成珍重六朝求受賞肯教世間掩詩名明司門餘慶名世由來五百年歷亭靈秀更

誰先誦詩記得當時日磊落人間員半千員平原造物

鍾靈非一時鵲湖山水古來奇拾遺未作東藩客早有

崔郎五字詩崔舍人元杜風詩邁四唐客中爭識校書郎

不知異代傳居里誰誤昌平作武昌孟節度簡蒼崖學士句

何如鴻博人稱富五車自是清詩堪壽世不關金石有

遺書潘學士七聘堂前月欲斜誰從冷淡寄生涯元詩

讀過重重憶始信雲莊有作家張文忠胡馬奔騰擾水

濱濟南名士未全湮選來好句從頭數李冠原來是宋

人李主簿冠所咏甚多特紀十人

孫協揆寄園總制兩江時 仁宗皇帝萬壽進端硯等

卷三

矣

物無珍奇玩好之貢 上深嘉獎以為有古大臣風及

林下優游築小園鑿池種蓮尤愛菊歲養千百盆所居

閣五楹堆菊為山各種懸牌記名約百種廳事間亦列

菊山燦若雲霞足迹不入城市門庭清寂無雜賓惟舊

交東河總督惺甫顏公檢春秋兩汎驗工回便道造廬

談讌終日家多藏書縹緗插架滿堂滿室督孫曾讀書

課程嚴密桐江殿撰毓桂年三十餘兄四十餘皆舉孝

廉猶從汶上周先生百順受業馴至大成貽謀遠矣公

乾隆乙未進士濟寧人名玉庭兩江總督加東閣大學

士

諸城劉文清公視學安徽 高宗御賜詩云海岱高門

第瀛洲新翰林文清刻私印曰 御賜海岱高門第晚

歲奉 旨往江南壽太夫人沿路不見一客至濟南各

上憲請謁皆以病辭諸城令以事在省稟見刻即延入

相勞苦自謂人居都門離鄉井族間或有倚藉聲勢為

非者必嚴懲勿偏徇臨別云無以為贈欲書字一幅盡

秀才人情明晨即發不暇染翰俟到南相寄也至南江祝

畢令家眾緩緩演優觴客忽一日絕早自側門出各大

憲皆不知亦未預與信芳先生謀先生急追送已在舟

中間何遽行曰事已畢矣雖奉 上命究屬吾家私事

卷三

矣

何得久延又稟今日風色不佳公笑曰汝讀書見江內

淹死幾宰相乎催令旋署謝諸公又喚回曰吾家世受

國恩今 天恩又隆重如是吾老矣無以圖報汝居官

當刻刻勿忘又曰吾來匆遽未及告假省墓心甚歉然

汝回朝盡職更須時時修治先人祠墓是時各大僚皆

立江干候送公舉手作別催船即行出京時家人李廷

新製喀拉馬褂公見之怒曰咄汝牧牛兒隨吾在任冬

裘夏葛已逾分矣尙服此耶公所衣墨漬沾襟至興積

鞞綻命工縫不另製公生平事事脫俗套真誠自率廉

亦非矯觀此可知其概語語忠孝大臣家法如是

或耕地得鐵權上刻永樂年造並有濟南府字存之可知當時制度翁宜泉手搨裝潢成卷山西靈石何道生爲題詩云宜泉示我鐵權一土花斑駁光晶瑩諦觀造自永樂歲濟南府字鐫分明伊誰收藏到此物或掘諸地從耕氓得君好古爲洗剔蟬翼墨法摹搨精招要朋好令題句發我思古之幽情伊昔燕師欲南下濟南屹屹孤城嬰尙書姓鐵眞錚錚君臣大義能權衡寧使君負殺叔名首教飛礮轟吾城大書鐵牌挂睥睨高皇帝字軍皆驚博浪一擊惜太早馬首乃代王頭攫天心未肯悔禍亂臣節要必完忠貞至今廟貌照清泚神姿颯

卷三

矣

爽何英英吁嗟此鐵眞鑄錯革除建文稱永樂生王死士孰重輕君試摩挲一權度

李鐵橋東琪有金石癖乾隆乙未夏從濟寧學宮松根下得漢膠東王君廟門碑黃小松爲作得石圖江秬香孝廉遊新甫草莽中得晉任城太守孫夫人碑黃小松爲作新甫得石圖適阮芸臺學使輯山東金石志採入孫淵如觀察題曰小寶晉齋秬香在濟南以示劉寄菴寄菴題詩中有云天下神物終不朽西晉隸書世尙有新甫古柏供樵蘇孫夫人碑鬼爲守未云不能考据徒多言黃圖孫頌愧相謝

山東之溫泉一在蘭山名月陽泉浴之能除風疾青州牛山西麓亦有溫泉秋谷詩云崔嵬萬古邱石腹出清泚不知華清池水色何如此水經註不言沂有溫泉朱子澤云地志未指明何書金履詳以爲沂岸深而水淺中有達泉冬暖夏冷不曰溫泉按沂岸亦不深應城陳士元云周無寒歲秦無暎年古今風氣不同二語不知所本曾點明言暮春春服則非寒衣可知論者云地有溫泉天亦有溫風乎其爲夏時可知文登溫泉有十處孟子云原泉混混不舍晝夜註謂有原之泉山東則實有原泉漢書晉書並與太山郡萊蕪山下注有原山水

卷三

矣

經註謂淄水出萊蕪縣西南原山下世謂之原泉今原山南有分水嶺其水東流爲淄西流爲汶地志所未詳者賴詩以傳張綱孫新甫關云夜出見山火炎炎石閭岡急走新泰邑漢之東平陽迢迢隔泗水霜坂五里長雖然水澤涸其流遺湯湯逾波經古道衰柳淒成行蕭蕭悲風生冢墓吹白楊石虎與石馬跡是尙書郎始經新甫關蹠躩崔家莊人烟濕頽壁饑鳥窺空梁厓脚苦不高潭水濺我裳何以慰行路仰視天蒼蒼蒙陰云土人邀我坐率爾意綢繆口陳水簾洞上有鬼谷幽再獻雲巖茶色如百羅柔言風土甚悉

諸城劉文清公以書名天下有硯甚佳爲史繹堂攫取紀曉嵐先生閣中亦攫繹堂硯去繹堂以他硯贖之前輩風流跌宕猶可想見曉嵐題詩有云昔我掌烏臺石庵贈我硯肌理縝密中隱隱鋒芒見今歲司文衡適與繹堂伴此硯復贈余粹温金百鍊是文清曾以硯贈文達矣文達又有詩記文正公硯硯材何用米顛評片石流傳授受明此是乾隆辛卯歲醉翁親付老門生詩筆之古如見唐人

吾家研村老人得石峯巒參差秀聳命曰硯山取米襄陽得李後主硯山之意徧徵詩惟喜先大父小山公詩

卷三

七

惜未存稿四叔祖輝吉公亦有詩存集中亦未帶來姑記之以存當年故實

趙松雪遇筆有宛轉如意者剖之取其精毫別貯萃三管之精令工摠縛一管則眞草巨細無不如意諸城劉文清公石庵破新筆自揀精毫加束縛不付工人揮灑有得心應手之樂與松雪同一用心

友人周東泉贈予硯黃莘田舊物也莘田詩才淹雅宰四會以耽硯被劾嘗以硯贈紀文達公公題以詩云詩人藏十硯憔悴臥蓬廬零落惟餘此殷勤遠寄予槐廳供視草藜閣伴讐書一片寒陵石相看未忍疎

田山舊過郊城云夕陽郊子國禿柳問官亭臨川李巨來汶上遇雨云沙淨句須國山低冉子祠皆紀吾鄉典使讀者如身歷其境潘次耕上漁洋云尙書天北斗司寇魯東家是時漁洋爲刑部尙書人以爲工濟東道孫公星衍不近女色酷好男風有僕名郭芍藥常侍宴飲洪稚存歲暮懷淵如云郭芍藥詩成本事鄭櫻桃舍作安居郭芍藥鄭櫻桃前輩以爲人名佳對用來恰合

新城王祖肅宰江南武進識黃仲則景仁於童子時觀察劉松嵐于黃歿刻其悔存軒集仲則與吾東益都李南澗曲阜桂未谷交善未谷得山谷詩孫銅章以贈仲

卷三

七

則仲則題南澗啖荔支圖云嶺南吏隱足清娛親與仙人解絳襦前有東坡後南澗他年合作兩髯圖又題其曝書圖云積紙晴窗偶一開手披魚粉出秦灰願得太古九枝日更曝胸中萬卷來謁鮑叔祠云誰道人心不可淳此公祠廟至今新能知有母眞良友便解分財已古人世事飽看翻覆手短歌聊當送迎神略嫌慷慨龍門筆尙有恩仇氣未馴

陳立帆中丞撫山東觀風有伏生墓光嶽樓等題光嶽樓警句云山光無數逼青天伏生墓亦多佳作要不如前人燒不得腹中書坑不到女中儒爲警策

高密田莊西二里濰河俗呼淮河河上下數百里皆沙
 惟此處水底盡石石有穴圓如碗密排兩行直達兩岸
 昔淮陰侯襄沙阻水於此樹椿破楚兵斬龍苴此可補
 史傳所未及有人於近岸沙中得一物長約二尺寬寸
 半紅綠斑駁紅者勝血綠如鸚鵡中脊隆起而旁殺博
 物者以為古盛頂所樹微磨之其質白蓋鎮鐵也好事
 者於其處復檢得一銅條盤屈粗如箸又似鳳翅者二
 片皆銅質一小圈非玉非瑪瑙聲清而亮云盛正面鑲
 寶珠者自秦漢至今出于沙土古色陸離人甚珍之
 高密城西四十五里有土城餘址甚濶大曰城陰城耕
 者往往得銅章售於人碧綠可愛有蓄至三五十枚者
 大者方寸小方三四分不等龜紐瓦紐種種各異篆文
 絕佳不盡可識有曰公孫子攻者似人之字也或地陷
 一穴中藏銅鏡三四百光明無纖翳爭奪取至碎裂
 城旁古冢紛列三十餘惟知齊頃王墳餘不能指名或
 於冢旁得金蝦蟆村民集眾發掘露墓門皆石板雕刻
 花紋極精石獅列門左右甚高有訴於縣者即禁之命
 填以土每歲秋晨霧濛籠遠望城墉高豎雉堞歷歷可
 數城上人物往來城樓旁有大柳青翠扶疏宛如畫圖
 蓋古城現影往往有之

卷三

三

鄉園憶舊錄卷四

濟南王培基雪齋輯

上海圖書館藏

高仲治之駭念東先生子也嘗記吾淄盛時某家宅第
 在某街近某坊其中無所不記倉卒一閱置之僅彷彿
 記一條云迎春日百戲具陳競勝爭妍士女傾城縱觀
 大家門垂簾幙每一起過呈藝既畢金幣賞資不費絡
 繹塞途過盡後乃儀仗隊隊而各官出矣又踏青之時
 豪貴公子鉅商富兒攜榼荷酒嬉笑遊遨遊女如雲拾
 翠尋芳結隊而往約先至某寺次至某水某園後會某
 山均席地笑語歌呼相聞自桃花山賊破城屠戮大兵
 繼至毀城而入良莠難分死者狼籍生者家室莫保前
 日之舞扇歌裙化為青燐白骨銅山金塔散如雲烟矣
 存其一編如白髮談天寶也自後科名漸衰諸先輩之
 勳業文章邈焉莫覩降而求之名園甲第舞臺歌榭第
 索之故紙堆中父老不能言子弟茫莫知矣惜忘其書
 名著有強恕堂詩集
 邑韓氏累世貴盛第宅巨麗別墅園亭隨在多有而莫
 盛於仙洲園北地少水此獨源頭活水平地汨汨而來
 匯而儲之方四五里旁有小山密栽松竹閒以亭榭樓
 閣每風日暄妍輒駕畫舸天魔小隊靚妝麗服笛聲簫

卷四

韻飄縹於烟波夕照閒聞者銷魂當時新城王大司馬
鄒平張忠定公綠野平泉爭秀競爽均未能及主人尤
擅才華學富文鉅會四省名士爲一社如歸允肅殿撰
亦在籍內蓋沿明季習氣吾東復社大社之人指不勝
屈後來園漸頽廢家銀臺公往遊高念東先生屬題詩
於竹公自記云雖有歌咏而竹瘦細不盈指難載如椽
之筆今則水僅細流山無寸木曩日之畫棟雕楹歿於
荒烟蔓草竝遺址無存矣宅亦易他姓庭前古柏數株
爲宅之後旋亦枯萎人謂之貞柏

卷四

二

仙洲園在吾村北十餘里別有候仙園去吾村西北二
十餘里引河水環園四周以闢蓄洩園方二十餘畝藤
架花籬掩映曲折涼亭煥室布置隨宜有牡丹二百餘
本他花稱是蓄水既深有怪潛藏僕人子浴其中爲所
害竭水取視忽黑風起滾滾向西北去高念東先生來
遊有句云野人禮數寒暄減名士風流几硯香後園爲
先生所得嘗檢紙團展視乃園丁次第報花開單也悵
然有作富貴人置園亭或不得身履惟於長安擔上看
花甚而於紙上看花可歎先生不久又轉鬻他人親友
知其疏財不數日借貸一空先生笑謂客曰前日窮兒
暴富今日富兒暴窮矣其詩最有味垂柳陰中花幾樹

盡是飛觴行樂處栽花不是看花人花村西北長安路
歲歲春風歲歲花主人匏繫在天涯園丁莫報花開未
花正開時人憶家又園中銷夏云日邊樹心光掩冉樓
橫水面影高低亦可見其風景

念東先生載酒園繪爲巨幃著色細筆鉤勒諸名公題
詩其上竹樹蒼鬱荷葉田田架木爲巢亦在水中蓋先
生性愛水所居棲雲閣五楹閣上層旁出一門爲平臺
臺前奇石碧桃下鑿爲池小舟繫焉亦繪爲圖今臺未
傾而池已平閣懸一扁云主人雅有滄洲意滄洲意在
水雲邊滄洲意三字連環讀扁今亦無載酒園久蕪先

卷四

三

生六世孫子固廷謀葺而新之夏日與客談讌其中北
堂面水碧綠瑩徹方可畝餘泉聲潺潺流入池中旁架
木豎小閣虛廠無壁唐濟武先生所咏誰云無地起樓
臺者卽此也楹聯云荷花風四面楊柳水中央當日先
生自題復取前人題壁詩命弟杏江宴謀在午丙謀重
書淋漓滿牆循環吟諷終日不厭堂額爲益都馮文毅
公溥書忘其詞新城王文簡公手書一聯云修梅亞竹
臨官路流水浮花過縣門雅切蘊藉如食江瑤柱盤餐
盡廢蓋園負郭故云然也先生栖雲閣七律起四句云
小閣栖雲古寺鄰蕭條鍾梵似山村但臨流水先鋪簾

非抱琴來莫叩門。載酒圍水閣。云地僻人疑忘晉。魏枕
安心欲借瀟湘。園中云荷纔有葉。尚無胎。颯颯微風荇
藻開。誰向烏衣雙燕報。小塘剛綠。便飛來。綠陰三尺已
搖風。玉樹青葱憶漢宮。不是主人能種樹。鄰家槐子落
庭中。家僉事公園亦在東郭。園居四首有云白雲迷雉
堞。新月落漁洲。疑於此相近。後來宅既歸於高氏。園則
隨之。亦未可定。是一是二。無庸深求。子固修園作記一
篇。甚佳。惜不記憶。子固受業先大父。以拔貢就職州判。
體貌甚偉。意氣雄放。好客疏財。議論侃侃。如陳同甫。一
流而一門孝友。督諸弟讀書。成立杏江。在午俱拔貢。億

卷四

四

太古始。嘗見雙石。鷹。恍聞風掠耳。雖非大力負。一夜安
得徙。疑假秦皇鞭。都來供驅使。此園闢何年。少保歸老
矣。人擬米元章。地入平泉裏。招隱石作友。露坐時脫屣。
高蹈足風流。過客空仰止。

銀臺公有園在城南三十里。園傍般溪。崖間有泉。白石
龍口瀉出。下入于溪。園高於地五六尺。栽竹數畝。入其
中。陰森逼人。毛髮衣衫盡綠。春雷怒發。萬筍併抽。主人
燒玉版。宴客如在簞簞谷中。最爲北方所少。園中有泉
平地湧出。奔入般溪。西山爽翠。近落几席。洵幽人逸士
之湯沐邑也。念東先生有句云。竹作夢天移。世界樹如
者。宿閱春秋。雙鶯隔岸啼來合。亂水懸崖裂處流。又咏
云。青山欲走還圍座。碧樹雖欹尙刺天。予幼時嘗遊之。
故第猶存。畫棟已頽。不勝華屋邱山之歎。不數年盡。盡
他姓。聞其闢竹種菜。設王子猷見之。不知云何。

暢然園在吾村。蓋族間之園。今惟荒土一片。主人有暢
然園詞稿。久已刊板。余素不解詞。因非所好。遂不記一
語。高念東先生屢來遊。有詩云。二十年前曾到此。寒花
千本東籬繁。秋娘分身笑滿堂。玉蛆缸面猶浮滓。幾年
入夢今重遊。忘却某地與某邱。桃瓣千層錦窈窕。丁香
一樹玉雕鏤。就中大喜山茶好。焜焜珊瑚海上島。吳山

卷四

五

回首虎邱東。玉雪江梅渾壓倒。拾級同登叢桂山。下看
竹樹滿朱欄。連延近圃牆南路。萬綠迷濛到遠天。梓
蠹蠹浮雲外。影入飛觴言似舊。扣浮一吸盡芙蓉。回頭
笑顧青山在。

懶水園忘屬誰氏。其園多竹。今亦不可尋。念東先生詩
云。我年十四五。肄業水竹村。短竿釣魴鱖。徒步探源泉。
竹微僅比箸。蕨瘦如王孫。年來人說肥如瓠。虬龍入眼
森森怒。萬戶侯封或有時。千尋長影遂無度。舒嘯酣眠
事事宜。子猷之癖豈云癡。安知百歲纍纍後。不與淇園
渭水齊。

卷四

六

張聖鵠相國園不知何時荒廢。念東先生詩云。綠野堂
傾石丈存。嗟峨猶帶舊苔痕。曾經相國衣冠拜。合作前
朝耆舊論。

孫氏萬綠園在城中。余年少時見。平疇瓦礫。惟免葵蕪。
麥搖動春風。不知所謂園也。及觀學博臧岳園記。如李
龍眠白描。細入毫髮。一池一亭一草一木。曲折幽深。令
人應接不暇。坐而生羨。其規模都不記憶。其間陳設。尚
記有東坡墨竹一軸。哥窑盤一枚。數年前縣令喻姓者。
從孫氏子孫取二物去。自咤云。畫固至寶。盤之存者。海
內祇有四。今得其一。此來為不虛矣。余未見其盤。如哥

審亦非希。有何至如此。鄭重是必有異物之有形者。易
亡而存。園記一篇如話如畫。其境彷彿在目。文人筆墨
可與造化爭能。古人必倩名人作記。非徒誇耀一時。亦
謂園可亡而文字在。即園在也。洛陽名園記。驗天下之
盛衰。吾記諸園亦以驗吾邑之盛衰云爾。

家海州公諱載揚。歸田時泊舟海岸。夢二偉丈夫進謁。
欲附舟至山東。明晨夾舟有二巨石。露水面大者百夫
莫動。姑取其小者。壓舟作鬱林之裝。歸置園中。穿穴玲
瓏。竊瘦俱備。石上刻字模糊。莫辨。旁蔭文官果一株。拳
曲臃腫。老幹裂風。蓋三百年物。園既犁為田。未久樹亦

卷四

七

摧為薪矣。

吾居之東五里許。族開有石足園。嘗見其圖。短垣繞屋
砌石作冰紋。亭階樹隙大小石羅列如兒孫。極得山居
之趣。園存而圖則不可知矣。外此鄒平張忠定公之滄
園。章邱焦大司寇之余青園。皆不能詳。新城郭外有巨
石孤立。荒畦中未知即繁字大司馬園之遺迹否也。平
泉花木李衛公之記亦多事耳。

趙秋谷罷官甚早。林泉之樂實為獨擅。其地隨處泉湧
無不清澈。人家往往引入宅中。為曲水流觴。或決渠繞
宅山不高峻。而石作黛色。秋谷作因園門外一溪隔絕。

塵囂橋上復有流水入園有坊曰小蓬萊水閣之下方
塘淨綠紅白魚洋洋碧藻幽亭曲徑花木蔚如園雖不
廣坐臥其中可以忘世先生負異才縱酒諧謔不拘細
節老於烟霞者垂五十年論詩絕句云欲知秋色分明
處只在空山落照中殆謂是耳劉寄菴題因園云泰山
東下到高樓樓上人非第二流絢爛大名爭附熱蕭條
深谷自悲秋當軒尺水魚龍遠繞屋層巒薜荔稠幾卷
節山詩集在光芒夜夜燭滄洲

博山孫文定公有泚園自序云予有半畝蔬圃在孝水
之溪函山背郭梧柳深茂清流貫之臨水處因爲高臺

卷四

盛夏時解帶婆娑濯足其側白鳥連波文魚激水四圍
山色遠近窺人又雙峯竝起於南峽間故有橫橋循峽
徐進則泉湧山根往往觸石而出晴濶淡漪遙注此梁
梁下居人爲堤繫之半入郭閭用資浣漱半縈沙石瀉
於廣川齒齒潺潺過予短垣而去一水分流皆爲園有
因采蒹葭之詩命之曰在泚之園倩武陵陸生爲寫圖
高念東侍郎來遊有詩云雲關長日未嘗扃幾曲晴峯
展翠屏畫裏詩情開慢到夜中酒病聽泉醒芙蓉欲種
先成堰枕簟須安更作亭浣罷薔薇香已炷琅函初啓
莫珠經

柿岩在般水之南瀧水之右千嶂秀疊萬木拂雲入山
西行二里又北折谿窮崖合中更開布有柿林千株高
下扶疏雖四面林泉殊態而高深同在一岩其坡東多
紅杏西多海棠春秋臨望爛若雲霞樹皆托根石稜叢
條交蔭雖盛夏坐臥其間粲粲涼生孫禹年昔居於此
臨溪作門依岩布屋上下三泉一當村口潭而不流一
泉對門出削壁落石間丁丁有聲臨門數折去作溪流
一出岩下樹根從屋後穿垣度檻歷寢門伏流入石懸
崖潛瀉至讀書精舍石池中差差側出文魚映藻清照
軒亭又伏流出亭後爲釣泉潺潺出牆外入荷陂漱山

卷四

根而下注合爲一溪亭右偏屋三楹前列桐竹後臨深
作臺以對釣泉懸瀑自下望之闌干戶牖悉在雲中也
孫泚亭先生贈禹年詩云嘒嘒初蟬靜處分石門小築
掩斜曛山從屋上嵐烟合水抱村流澗響聞北渚漁樵
通遠望西疇巾駕逐歸雲看山却憶山中老谷口行吟
只似君
隴水俗呼孝婦河自博山至吾淄西南與般水會孫尚
書龍拂謂春時界青山之色不破及夏秋水暴發如
項羽蹙秦軍呼聲動天地屋居者無人色也高葱佩侍
郎于會處瀦之輕波素艇載酒其間稱勝概焉

臨崩馮氏代有聞人閻山先生四子惟健字汝強惟敏
字汝行惟訥字汝言兄弟皆有詩集以才名魯王孫觀
樞撰海嶽英靈集俱入選汝言纂古詩紀風雅廣逸搜
採甚富李滄溟選詩以此為據惟重亦惟健弟其孫文
敏公琦因夢韓魏公入室而生故名家有治園擅水竹
之勝朱竹垞嘗遊之以為山水勝絕高梧一林修竹萬
个泉流其中鄙善長所云分沙漏石者也繇馬林閒想
見東山絲竹之盛後游莫再恆繫於懷讀汝行先生七
里溪別墅二詩猶不禁神往詩云知足始遠辱至人貴
自全不羨公與侯所志受一廬吾家有舊業乃在城東

卷四

偏一邱藏一壑宛轉依清川生涯故不常中道成棄捐
棄捐從此去一去二十年非無五畝宅在邑多糾纏幸
茲協初心歸我汶陽田我田無遠近處處綠澄溪朝發
巨洋許暮泊野水樓野航流北陸香稻來東齊豈伊貴
異穀美利貽蒸黎名山近村落迨暇恆攀躋仰瞻霄漢
遙俯眺浮雲低翩翩比翼鳥乃在太行西終歲不合井
激昂飛且啼馮易齋相國繪治園圖高念東先生題之
有云崇禎之初里無事走馬南尋仰天寺古洞孔垂幢
蓋形老苔名剝金元字迤邐遂為治水遊十里未至溪
聲幽流泉縱橫行略接名園錯落環滄州千畝渭川青

玉簌槎枒老樹凌清秋碧潭萬丈縷難續父老云有神
龍遊或謂下通海眼觀此詩殆非虛矣

葛園蘇園去濟南百餘里周某邀劉奇菴往遊奇菴有
詩甚佳春光三月最多情清曉入城還出城柳陌新鶯
聽不了到門又聽畫眉聲周郎雅量許移廚對酌西涼
酒百盞不怕名花嫌客醉醉中正要美人扶又邀遊蘇
園以醉不果寄以詩有云寄到故人書一紙劉郎甚悔
出仙山

卷四

官花園在濟陽寄菴與趙紫山往遊詩云濟陽城外官
花園年年車馬如雲屯謝安東山自攜妓孔融北海類
開樽自謂多情是花玉朝逐香風暮隨雨纏頭東錦酬
清歌脫手千金償妙舞可憐百忙才一閒幾時醉臥花
陰間玉勒乍嘶芳草遠金衣空轉綠楊灣我昔來遊子
無偶俛紫倚紅獨舉酒種花人既是紅顏看花人亦非
白首逡巡老矣猶簪花笑看十里朱簾斜倚樓與君共
嘯詠驚筵有客同咨嗟

馮文毅公年六十即告歸 仁皇帝賜以印章曰適志
東山家有偶園劉奇菴同張學博悔堂往遊詩云公存
相業挂前輩公破園林韻事在平泉綠野同風流剩水
殘山即海岱綸扉幾人抽華簪日南萬柳邱園心維一

帝亦知宦情少。從容。天語恩遇深。若曰東山汝適志。謝安絲竹可使二。歸來偶爾成一。園。未暇殷勤草木記。數韻可當園記錄其半篇云。

周東木名震甲林汲先生子也。以孝廉任河南太康令。加知州銜罷官。予以世好謁見於朗園。園有聯云。田家况味只尋常。流水當門遠山在目。林下光陰豈寂寞。藏書萬卷種竹千竿。入門巨竹拂雲。清泉湧過亭下。颯颯如風。雨聲匯為方塘。周五六十步。名賢清泉。水最清冽。好事者汲以煮茗。云味冠諸泉。北堂臨水欄外無寸土。前面盡廠。月下聽泉。階上垂釣。如白樂天廬山草堂。

卷四

七

洵足滌塵慮。消煩暑也。楹聯云。舍南舍北皆春水。微雨微風隔畫簾。又於堂後鑿池。寬大如前。蓄金色紅魚百尾。皆長二三尺。園舊名羅家園。明陳文學伊人館也。遂坦得之名賢清園。東木得之。羅氏自號朗谷。因改名朗園。云吾淄張榆村先生遊賢清園云。古木千章合。名泉一鑑開。炎天不受暑。清晝劇聞雷。隔院分流去。連山倒影來。渾疑濠濮上。蕭爽出塵埃。盡日泉聲裏。冷然清道心。殘霞分遠眺。流水和孤吟。霧薄烟橫浦。雲開月滿林。人家荻港外。遙夜更聞砧。此時猶未名朗園也。

漪園在西郭外張秀園也。俗呼張家園。漁洋有漪園記。

毛海客瀛詩讀之如遊其境中。云造門石路平。悠然恣遊。雙柳垂空階。婀娜弄翠影。迤邐見方塘。清泚涵藻荇。玩彼文魚遊。得意樂閒靜。拾級登高樓。四面敞虛迥。遙望城南山。黛容露華靚。俯視樂水源。奔流此合井。下流沿長廊。有亭如野艇。曲曲寫盡朱子青。借漁洋往遊。有云到門苑柳陰。幽境闢疏曠。軒窗足空明。水石互搖蕩。新笋階罅穿。籜解葉未放。尋級登層樓。襟抱更一暢。與毛詩相合。但此園非自來之水。不及賢清園。家居出二百里外。此有園非所知。

卷四

三

濟南撫署傳云。聖駕南巡。駐驛居之。故正門常閉。巡撫各官俱由東角門出入。署內西偏巨竹挺生。再西廣廈五楹。向南前有池。方廣畝餘。水深而清。瑩徹底氣。白下騰結成圓泡。如萬斛明珠。隨流湧出。纍纍不絕。謂之珍珠泉。水內有臺。可演優。兩廊宴客。池水北流。繞官宅後。停蓄汪洋。謂之海子。深莫測。扁舟一葉。凌波泛綠。不出牆垣。可命酒邀月。誠勝概也。按珍珠泉上。舊有白雲樓。為明時平安宅故址。乾隆閒。撫臺徐公名績。蓄鹿數頭于海子上。忽觸人。乃令軍士以鳥鎗擊斃。署內銅缸甚巨。不知鑄自何年。署東有馬道。海子水自後牆流出。入大明湖。

畢秋帆撫山東喜署後園中葦傲亭幽雖冬物荒寒已
 引人入勝詩云斯園兼秀野不異向郊坳水色涵天碧
 雲根拔地青到來循曲榭幽處有虛亭海鶴知何在沙
 汀褪數篔簹管千萬个中有小琴齋竟日無人到閒階
 落葉雜風樞渾不掩石几那勞指卽此荒寒景經行亦
 自佳勝境絕塵氛幽尋愜見聞松聲晴作雨水氣煥蒸
 雲苔嶼鷗成隊莎萍鹿有羣條然林壑際吏隱又何分
 不乏鄒枚侶來過卽嬾歸樓臺全勝畫魚鳥共忘機香
 閣琴三疊茶寮石四圍記游應有作彩筆莫停揮又冬
 夜雪霽殘月初升攜家泛舟園池作歌云歲既暮務稍

卷四

十四

寧風漸止雪亦停起揭重幙流盼南榮爰躡蠟屐園中
 獨行曲徑盡失凍扉難扃修篁腰折儼若相迎裴裒四
 顧萬籟無聲天地一色白雲英英少焉皓月飛出東瀛
 上下光彩交射空明徧視羣物無影有形心在水精瑤
 身來不夜城奇觀異景眞移我情寒潭百頃盪漾激清
 爰命舟子汎埽花舫悉召眷屬來玩瓊霙徐移桂楫盡
 啟朱欄披王恭之鶴氅攜景山之酒鎗迺命侍者擊阮
 吹笙拍張而舞擊節歌成歌曰今夕何夕兮泛艇仙津
 銀雲爲岸兮玉沙無垠瑤圃在望兮珠樹長新竟爾移
 家兮永託芳鄰前似小賦又一歌不具錄

大明湖中歷下亭杜少陵與李北海宴客于此所謂海
 右此亭古也其亭甚高四圍有廊屢修屢圯純皇帝
 詩碑在焉北渚亭晁補之作賦或以明湖北之小圃當
 之非是按其形勢今之北極臺高聳背城面湖當是此
 地臺上祀真武懸聯云宮中下見南山盡城上平臨北
 斗懸唐人句若爲此地設也俯視荷花百頃蘆葦參差
 解舍漁莊歷歷可數若不知在城市閒南岸垂柳數株
 披風曳露卽漁洋咏秋柳處或於湖東委巷建一院題
 秋柳詩社去湖遠未可信昔有人維舟湖中夜半忽小
 舟出葦閒一偉丈夫攜麗人四顧太息曰丁酉與漁洋

卷四

十五

會此今歲又丁酉矣倏忽不知所往劉金門夫子與鐵
 冶亭撫臺泛舟共作一聯云四面荷花三面柳一城山
 色半城湖不可移置他處百花洲與明湖別爲一區如
 附庸蓮葉田田地極幽靜李滄溟白雪樓移建于此後
 屬邢太僕子愿其實老屋三閒王季木得之築問山亭
 猶仍白雪樓舊額自歷下亭一舸順風可至鐵公祠公
 于靖難時守城盡節至今俎豆儼然祠西廳三楹前面
 虛敞扁曰水木明瑟取水經注語怡合聯取漁洋句云
 烟巒濃淡山千疊荷芰扶疏水半城雅切有餘味疊石
 爲小山建得月亭兩廊盡畫墨竹前面架板爲屋前後

盡厥眺望烟水無際余見其圯而復建者三不知何時
遽然撤去雖空闊有餘而絕無收束少含蓄蓋人日趨
簡易諸事如此不獨一遊賞地也為之慨然按此名小
滄浪

明湖佳詩美不勝收予族名勸者有句云楊柳陰中沽
酒寺芙蓉堤外采菱舟餘不記吾邑高念東先生癸未
夏寓趙孝廉書舍偶效長慶體命意奇幻而詞旨清妍
復感歎唏噓特錄之大明湖頭外作客葦葉蒲花風瑟
瑟遠山虛靄入空樹盡日讀書消不得漫將清霽倚湖
山清霽湖山對正難不有紅妝臨菴畫縱依翠巘意關
珊我欲當軒三里許跨溪樓閣鄰洲渚曲榭風開翡翠

卷四

六

簾曉妝擁髻迎人語顧步鴛鴦七十雙解環鳴珮將翻
翔紫綺臨波還自笑青鸞帳底入迷香幽人睡足桐陰
罅一葉鳴橈疾于馬飛飛白鷺掠吟瓢送人直到朱闌
下龍香罷調又笙篌舞入陽阿樂未休縱不相憐許相
對遲遲延竚正嬌羞有時漢女臨溪訪清瀨采芝還蕩
槩芙蓉城外水仙家登堂六博畱清賞不然隔岸生遙
態閑睇紫釵消欲墜萑蒲門畔畫褰遮碧銀塘下雙鳧
睡斜日遊人也自宜哀絲聲落彩雲遲回眸低扇偷成
笑擲果君前知不知濟南自昔稱名勝投鞭一度風流
淨秋孃老去秦孃衰十里平湖空似鏡文鴛盡日立茨

旅不見歌船到裏湖乃知佳麗關時運弱翠飛瓊今日
無書記閑遊無一可果然好夢輸江左神仙桃葉渡頭
船一曲秦淮畱待我按先生崇禎癸未進士明年甲申
即為我朝順治元年此蓋入詞林後歸家時作若後之
癸未年過八十未必有此風情詩中投鞭一度風流淨
蓋濟南前為大兵所破諸臣殉節城中一片荒涼也詩
紀事可以當史不徒取其清詞麗句

卷四

七

七橋在大明湖上曰百花曰濼源曰芙蓉曰水西曰北
地南豐詩云從此七橋風與月夢魂長到木蘭舟人言
子固不能詩淵材恨之來官齊州作詩未嘗不佳宋人
輯唐宋八家詩韻子固與焉取杜詩濟南名士多句作
名士軒其風雅如此今入藩署在西園
城南約突泉最奇平地噴湧直上竝列者三各高四五
尺轟然雷震龍湫之瀑布奇在懸空而下此奇在正出
也說者謂自渴馬崖伏流至此要皆濟水之伏地而出
者水味極清 純皇帝南巡一路飲玉泉水至此換酌
突泉水攜之而南遇名泉再易唐際武先生云吾行幾
徧天下所謂第一泉第二泉皆虛有其名實不及吾東
諸泉惜陸羽不至無從品其味耳濟水正身為汶河所
奪不得已伏流旁出分支別派如周室不宗子弟散落

諸國四瀆幾缺其一然其實固未嘗沒也高帝子孫盡
隆準龍種自與凡人殊諸泉沉靜杳突洄湧又如王謝
子弟風流翩翩忽有跳地作彪子舞勢欲噉人安得不
為之改觀旁立碑亭 聖祖御書激湍二字呂仙閣臨
泉上昔元遺山在太原有道人嘗邀同食曰吾家在鈞
突泉上異日可相見後數年遺山過濟南臥樂源堂忽
夢前道人曰忘舊約耶醒上北岸入祠中見呂祖像儼
然道人也閣上扁乩書蓬境甚秀逸又有扁曰蓬瀛液
潤極蒼勁楹聯乩書飛舞曰勝地自從開府關仙人原
為對泉來傳巡撫胡公寶璣與呂仙素契及任山東仙

卷四

六

為書此今皆失去故記之兩廊壁上盡砌詩碣一碑有
亭巍然書趙子昂詩警句云雲氣潤蒸華不注波聲震
蕩大明湖眾多和其韻此脫胎于孟襄陽之氣蒸雲夢
澤波撼岳陽城而氣象闊大字句渾成相去遠矣或曰
泉水固盛其間亦有人力水伏流至此地勢特凹因其
迅急之勢石板壓下使不得逞遇石板三孔騰躍而出
其說可信滇中廣南府地名響水塘有泉上噴高十餘
丈白雨洒空三里外聲若雷霆近里許對面語不相聞
蓋旁有多山水匯為一趨而直下遇磐石怒激勢猛力
適鬱為宇內奇觀較此不啻百倍然無名人題咏寂寂

無傳史公云附青雲之士而名益彰若鈞突者亦幸在
都會得松雪之品題也夫

金線泉在城西鈞突泉東北今不存元時設秀春院於
其地檀板銀箏殆金陵板橋之比王季木有詩云金線
泉西是樂司務頭不唱舊宮詞山坡羊帶寄生草揭調
琵琶日暮時有谷進士繼宗舊亭繼宗好學家貧嘗往
古廟爐中撥灰內遺炷照讀亭後歸酒家繼宗詩可憐
一曲吟詩聖棄作三年賣酒家有琴泉在苦洪塔北泉
聲滴夜如理絲桐

卷四

九

王氏宅臨泉隔一牆內有巨池蓄紅魚數十頭長幾尺
餘粗如巨桶不知養自何年一日忽盡死古溫泉與月
牙泉相對大旱不涸天鏡泉未悉在何處金線泉月光
照之惟見金光一線故名
懷泉未知在何處王秋史夜坐懷泉有詩云軋軋宮鴉
欲暮村此時泉氣上柴門一溪寒綠圍官徑半榻青鏡
客子魂失路江湖空放浪隨堂粥鼓又黃昏殘年始識
家山好自撥爐灰只自論味詩意泉應在秋史草堂閒
今壅塞耳

李格非易安之父也品在清流文章為東坡所知其洛

陽名園記後人讀之想見宋室盛時園亭花木之盛嘗
著濟南水記敘述甚詳人多稱之今不傳於世別有名
泉碑不知何人所記總七十二泉然遠至中宮靈巖竝
非歷下所有而華不注之華泉載左氏傳竟遺之疏漏
已甚又名多不雅執名以求不能足其數至今猶沿七
十二泉之名聞者漫不加察但諉之於日外湮塞豈非
爲此碑所誤耶或疑此殘金人筆究無可考

黑龍潭在西郭古溫泉之東潭水沈沈紺宇清寂有道
士善奕幼時從浙江馮某學馮與范西屏朝夕對局西
屏讓四子奕入能品遊幕來東歷下國手袁秋圃與馮

卷四

手

在趵突泉奕負焉馮之名由是振以小道士性穎悟故
教之趵突泉亦有小道士善奕然去馮遠矣

濯纓泉味最清冽劉寄菴試以煮茗詩云七十二泉水
酌來多腐陳如斯方至味不解定粗人妙在回時美全
從澹處真未妨烹茗苑只用慎勞薪

黑虎泉在城東南隅泉深五六尺不甚方廣而清徹見
底中多碎磁水光滉漾紅紫碧綠五色無主碧欄之下
寸寸秋色古今以爲奇語移贈此泉洵可無愧

杜康泉舊有酒樓相傳杜康初造酒故酒家祀之多見
于詩而未詳其人按說文少康初作箕箒酒少康杜

康也葬長垣見巾部箒字下然則杜康不於此造酒明
矣地方名勝多附會之說此爲顯然

二十四泉草堂王秋史萃齋名也舊爲棠川殷相國文
莊公園亭名通樂園在望水泉上近杜康泉秋史有詩
云百年竟落書生手滿郡猶呼閣老亭初張白雲先生
養浩園中有奇石十呼爲十友最著者龍鳳龜龍殷文
莊得之立園中及爲秋史所有石如故也秋史嘗來吾
淄與唐濟武先生友善先生題其草堂圖云白雪樓傾
北渚荒問山亭子烟蒼茫何人二十四泉上穆穆高柳
讀書堂泉上詞人號秋史瞿然把卷爲子起此圃舊屬

卷四

正

殷文莊十年築屋來遷此濟南名士去悠悠卜鄰邊襲
亦風流帶經松下鋤黃獨灌藥階前洗厠脩圃前活活
清溪走圃內石磨無恙否時時學士一巾車往往中丞
綸爲載酒王子翻然來志壑校書夜火青藜闕來日平
陵雪正繁歸時金杏花初落去去明湖紅樹村廣川依
舊不窺園稍待秋堂丹桂發旗亭畫壁又開樽迨後爲
富人所有闢園種田而泉亦涸矣潘如過其故宅有詩
云閣老亭空冷夕陽書生故宅又荒涼幾絲疎柳懷張
緒一派流泉咽杜康秋雨泥深黃葉徑西風夢斷白雲
鄉尙餘數卷殘書在道是瑯琊賦手藏其龍石在府文

廟泮池前高幾二丈瘦削天矯勢欲擎雲鳳石砌旅店
 之壁百竅玲瓏如鬼斧鑿成劉寄菴詩云是石不可煮
 爲糧是鳳不可策爲騎中又云喜爾嘉名先肖爾中庭
 羽毛看新鮮繪繳險危何足慮不儀不鳴千萬年焉知
 爾來非丹穴曾巢古昔阿閣前一朝化此辭雕鐫其心
 則虛其體豎極力摹擬餘不知散落何處或云列釣突
 泉外其石粗蠶與前二石不類按在店者實龜石鳳石在藩署
 德州田蒙齋先生雲愛濟南風景卜居湖上自記云濟
 南多佳山水釣突泉稱爲奇觀遊屐所至題咏紛紛趙
 松雪一詩和者千人又各鑲石於灤源之堂壁上其他

卷四

三

山巔水涯荒村灌木之閒爲人耳目所不習見者雖勝
 概名蹟輒寂無一語邊華泉李滄溟生於濟南未見有
 專集以記其鄉山水余今年三至濟南且欲移家湖上
 於是搜奇抉險以恣遊涉凡夫賞花飲酒吟咏流連大
 抵於鵲華峯間七十二泉上得之移家濟南詩云柳條
 初綠齊河道杏酪新沽灤水邊一輛青油小車子鮑姑
 在後葛洪前友人書來詢卜居所在答之云卜居決意
 在湖鄉風雨春深底事忙近得一廬僅容膝柴門臨水
 兩垂楊在濟時春夏秋冬各有七律十首備述幽居之
 樂

歷下舊有大明寺湖在寺側因以名寺運使阿雨窗於
 湖北修亭榭稱爲小滄浪自是遊屐日盛嘗記水閣一
 聯云烟水此間真酒地風光今日是詩天吳秋漁與客
 會此作詩云昔人買山今買水水面亭臺明鏡裏放棹
 追涼月兩三蓼花風過芙蓉死湖中景物換秋霜束蒲
 踏藕家家忙晚煙隔浦野鷗白斜日半山村柳黃平波
 盡豁蘆中汜一片空明眼前乍不是琴壺共泛秋只言
 水竹堪銷夏果然官長如靈運能爲湖山助風韻閒上
 紅亭待月來盡除翠箔教星近星月迢迢夜色賒馬嘶
 岸草鴈驚沙畫屏銀燭三更笛磁斗金鈴九日花花深

卷四

三

曲好歌難住小戶偏尋逃酒處不罰深杯願罰詩迴船
 一路吟哦去
 劉寄菴一詩亦足見湖上之境明湖荷花種百頃不曾
 開在無人境輕檣畫舫時來游雜遝青衫紅袖影水中
 汎汎孤野鳧一羣家鴨歡相呼避客驚飛爾何物可憐
 翡翠毛羽殊昔我買舟待明月一夜霜風吹不歇蓮花
 落盡蓮葉收倒影清清見城闕爾時名士如星雲高歌
 痛飲忘宵分欲采蓮花無處所七橋衰柳徒紛紛湖上
 蓮葉有時淨畫中蓮花日掩映安得美人歌采蓮攜手
 湖邊照玉鏡

何明禮字希顏四川崇慶州人腹笥甚富晚年始領解
來遊山左客其鄉人周肅齋先生禹城官署登泰山歷
南天門憩斗姆宮皆有詩乾坤亭一首尤卓犖恣肆目
空一切已載之聽雨樓隨筆來歷下咏華不註云千古
兵戈一笑秋猶傳跛子逐三周天然綠翠芙蓉好不見
題詩李白樓大明湖云皎皎澄湖接玉京夜闌銀漢落
無聲最宜雨過秋光後一片蘆花帶月明

年少時學使觀風題爲白雲樓賦明湖棹歌白雲樓或
疑白雪樓書吏誤寫不知乃平安故宅平安以二十萬
眾數困燕王後乃降徙北平死其宅外墟基入撫署余

卷四

五

作棹歌十二首無存閱吳秋漁詩有絕似棹歌者略錄
之云管絃風細出前汀官舫銀銜歷下亭鷗鳥自鳴沙
嘴月打魚人隔藕花聽片雲飛渡雨蕭蕭染得烟痕蘸
柳條頭白畫師都縮手水肥山活最難描山氣空濛散
遠天滿湖如霧復如烟徑須爛醉入船去撐向綠荷高
處眠蘆叢瑟瑟疏還密荷葉翻翻捲又開獨上船頭看
山色滿天濃翠欲飛來

歷城北門外最饒佳境三春烟雨菜花彌望大似鄆縣
海客詩云城北濛濛碧水灣放舟無那稻屯還微吟清
望郊行句黃菜花中見鵲山未句朱子
青郊行詩

咏的突泉詩不勝收名流至歷下無不駭其怪偉雄壯
助人豪興也吳秋漁詩云出郭數里雷聲驟平地飛出
三白龍龍不上蟠下不蟄終古騰擲蛟人宮蛟人撒淚
萬珠舞珠光噴空跳雪子人言天漏此地漏晴日杲杲
雨不止吾聞濟水伏流溢地出金線珍珠皆仰穴茲泉
名冠七十二始慙終肥無足述得毋仙臺山邊瓊筵鋪
三漿高捧白玉壺或者鐵牌沉處吹海水三峯幻出蓬
瀛圖不然定是金輿山僧佛力大驅使鬼工役水怪造
此非木非石銀浮圖涌現光明常不壞東來奇情勝百
倍高登岱山大觀海行蹤局促都未到強說郊遊亦清

卷四

五

灑言尋扁鵲墓更訪鮑叔城杜康留廢市太甲餘荒陵
齊音齊乘佐蒐討舊蹟大半存空名此泉至今不涸塞
洵有龍氣能昭靈下階汲取三尺雪煮以不絀之沙瓶
階前正作怒濤響瓶內復弄羊腸聲泉聲茶聲亂兩耳
未飲已覺清風生不能七盃亦數器引滿且代松醪傾
奔騰跳躍其本性深怕入腹空腸鳴空腸無物久枯淡
經此洗滌塵根清王濛陸羽期不至自掃愁壘銷心兵
無言獨向泉畔坐冷氣激射千年冰三泉逼視似相角
狂走陡立無甯形勞勞晝夜亦億甚乞爾少緩歸清寧
嗚呼心亭有尙習坎義泉乎泉乎爾之怒氣何時平

鄭方伯黃臬司張觀察招同彭宮允遊趵突泉濟南名
泉天下奇。泱流突見城南陬。白龍拔地幾千尺。鬚爪劈
破青玻璃。明沙石瀨開平曠。噴薄中心忽神旺。地湧青
蓮玉作花。井抽冰柱銀翻浪。驚湍瀲灩匯清渠。日影波
紋上綺疏。當軒坐擁三堆雪。繞檻平鋪百斛珠。圖經自
昔聞靈瀆。勝槩今來真在目。寧誇鷺羽曲江濤。不數晴
虹匡阜瀑。公餘軒蓋駐郊坰。野色泉聲共一亭。泳游自
適魚依藻。呵殿不驚鷺見。啜萍清秋歲稔場將滌。地主情
殷尋古迹。酌泉共喻飲冰心。紀遊莫笑成詩癖。此汪尚
書謹堂先生由敦所作尚書未官山東蓋出使諸公觴

之于泉上

卷四

美

濟南名泉七十二。獨有趵突稱神功。泱流本一脉。湧波
忽三峯。崩裂不愁地肺竭。噴薄有似天神衝。開先之瀑
不足數。正出豈與縣出同。石欄踞坐一凌緬。目眦突視
驚心胸。白蜺決尾掉荇藻。隱約水面鞭靈鼉。如此奇觀
世間少。咄嗟坐嘯情何窮。焦釜百沸沃波面。桔槔千轉
藏蛟宮。跳沫涌輪數尺許。三堆飛雪無春冬。初疑三珠
樹。弄影垂玲瓏。又疑三神山。縹緲虛無中。江妃海妾乘
驪龍。金支翠旗恍惚逢。又云嗚呼此泉洵第一。碑記嘗
讀曾南豐。揮手下樓別泉去。浩歌一曲凌蒼穹。毛海客詩

金檜門視學山左蔣心餘在幕歷下名勝遊攬殆遍詩
云城內千頃綠。城外千山色。暎帶城中十萬戶。琳宮一
覽居然得。眼前足底恣挹取。眺遠何須更踰闕。茶烟裊
裊出窗戶。神鏡照神神盡默。須臾寒月散松影。隔水茅
茨渺難卽。天教使院落湖側。扁鑰心常愁偃仄。徑須買
取沙棠舟。夕泳朝游水精域。試向城南望城北。山郭人
家居澤國。北極人語散飛鳥。身在城北樓。表裏氣象殊
萬態供冥搜。眉際兩峯巖。勢欲因風浮。其間戰鬪地。繡
錯交良疇。稻登土逾潤。春氣膏腴留。清淳澄遠林。邨舍
含深幽。負負炊烟中。井井征途修。入我浩蕩胸。醞釀何

卷四

美

油油。倒身視城脚。燕尾開雙游。始知百頃湖。出郭東西
流。雲淨眾山定。葉亂羣雅投。日斜倚虛籬。吐氣成高秋。
茫茫眺遠目。一縱不可收。曾波樓隔城愛看南山層。石屏橫
展青稜稜。出郭五里連平臚。中央細路直若繩。長林側
轉立一僧。攀踏愈覺山峻嶒。田家笑客如蟻升。樓閣挂
壁嵐氣蒸。戶牖羅列紅牆縷。鏤山作佛龕寶承。蜂房燦
燦琉璃鏡。白日不照寒氣凭。巖前膜拜佛不膺。座底龍
洞碧汝澄。是有龍誰得。曾巒頭軒小。宸賞曾闌干。
昨被秋雨陵。華山拔地秀色凝。誰山藥山相儕朋。秋容
婀娜皆可矜。妙手故爾煩吳興。秀兼吳越非譽稱。千佛山

元趙文敏明董文敏皆以書畫擅名趙文敏鵲華秋色圖既入大內董公亦繪此圖風流輝映足稱盛事元和蔣應質徵蔚題詩云明湖秋水明如練我在江南不能見鵲華山色鬱蒼蒼我向吳興畫裏看此圖本是鷗波筆點染生綃誇第一癸辛街破草窗寒流傳更到香光室香光妙筆擬鷗波平遠青山擁髻螺無端描出單椒影相見毫端秋氣多雙峯秀澤橫雲表莫靄朝嵐青未了練帶頻將跗注躔天容畫出眉痕小有時著意作深秋樹杪千尋紫翠淨兩點空蒼留不得風烟早已徧齊州三間屋近依山任本是齊州樓隱處可憐四水老潛夫苦憶當年山下路作圖聊復慰思鄉一段風流未可量只今讀畫多生趣想見丹青各擅場竭來我訪鷗波屋齒蒼霜殘竹木鵲華深惜不親游欲乞弁陽成小築後來臨摹甚多歷城朱某前繪千佛山後列鵲華濃如點黛列如翠屏雖不沿舊名而畫意宛然在秋色落照間也

昔明湖周數十里灤水舜井皆流入湖烟波瀰漫望華不注如浸水中後灤水不入湖舜井不流惟濯纓泉珍珠泉硃砂泉入湖僅周五六里硃砂泉今亦莫考鵲山湖繞鵲山三面劉豫引灤東流遂成平陸

鄉園憶舊錄 卷四

元于欽作齊乘記吾東山水甚詳嘗有詩云濟南山水天下無晴雲曉日開畫圖羣山尾岱東走海鵲華落星晴照湖起筆已得濟南山勢大局漁洋在京師與劉公戲梁曰緝諸人集河樓忽憶故鄉山水得句云濟南山水天下無剩水殘山還自殊仕宦幾人為令僕十年冷落鵲山湖又故鄉思二首云何處故鄉思風淪歷城水何處故鄉思月倚華山樹按歷城房家園北齊房豹之山池其中雜樹森竦泉石崇邃歷中被禊之勝也參軍尹孝逸欲還鄴詞人餞宿于此逸為詩曰風淪歷城水月倚華山樹時人以比謝康樂春草十字先生起句蓋用其語自序云房君豹有山池在齊州自製詩云云竟以詩屬之房君或倉卒未檢西陽雜俎而誤記抑外別有據耶歷城水有二派城中明湖水出水門合約突泉水北流經灤口入大清河入海城東門外歷泉水合南山諸水經華不注東流入小清河舊設七十二闢歷章邱鄒平長山高苑博興樂安諸縣入海漁洋自都南來望見鵲華二山詩云山海作經首誰山招搖之桂生其間麗曆之水出其下祝餘四照花爛熳今此誰山勿乃是越人陳迹誰追攀灤水南來紆且直羅生夾岸蘅蕪蕪隔水正望華不注疑臨玉鏡窺煙鬢走耶非耶看不

定尹邢雙照蛾眉響。被山瑇瑁不收拾。蒸栗黃潤丹砂
 殷七十二開遠鉤帶。如碁布子交周環。柳花滿樹綠于
 染。杏花點地紅斑斑。始知今日已寒食。潑火小雨回天
 慳。濯纓湖亭好煙景。春波澹沲清心顏。回首卻望衛河
 北。風沙莽蒼連雄關。濯纓湖亭在章邱南三十里歸途所經衛河在德州來路所由
 漁洋憶明湖詩有云。歷下亭中坐懷古。水西橋畔臥吹
 笙。今之歷下亭非昔之歷下亭也。今亭在湖中。昔在湖
 北。齊乘云。歷下亭在府城驛邸內。歷山臺上面。山背湖
 實為勝境。又在揚州作治春詞有云。故國風光在眼前。
 鵲山寒食泰和年。邗溝未似明湖好。名士軒頭碧漲天。

卷四

三

先生蓋無時忘濟南風景也。後田家園作紅橋詩。社圖
 蔣心餘題之云。難覓風流杜牧之。綠楊城郭故遲遲。如
 何一片紅橋水。腸斷漁洋七字詩。紅橋詩社與秋柳詩
 社。南北輝映永為騷壇故事矣。鵲山句用元遺山詩
 蔣心餘士銓晚遊歷下亭有云。層軒虛敞納湖色。展拓
 空明入平野。誰添畦畛界碁局。區畫湖冰未全打。北地
 由來重烟水。倒涵城郭真瀟灑。林腰倘肯著邨店。應有
 遨頭弄杯筯。晚烟著樹境俱遠。水風吹面顏生藉。坐人
 翻疑屋是舟。林低忽露山如馬。笑聲隔岸亂清磬。且復
 還篙斂蘭若。

李易安故居在柳絮泉上。撰打馬圖。自為賦云。遶牀大
 叫。五木皆盧。憑酒一呼。六子盡赤。生平不卜。遂成劍閣
 之師。別墅未輸。已破淮淝之賊。意氣豪盪。不類巾幗人
 語。若其詞則妍麗婉曲。情深一往矣。田山薑訪易安故
 宅云。跳波濺客衣。演漾迴塘路。清照昔年人。門外垂楊
 樹。沙禽一隻飛。獨向前洲去。

家銀臺公泛大明湖小憩北水門疎柳覆岸茅屋數楹
 漁網空懸清波見底壁閒有昔人石碑上題釣磯後附
 一絕句。一竿獨抱水雲隈。半載徵官解綬來。豈是明時
 甘臥隱。高風不羨子陵臺。不著姓氏。徘徊暢飲至夜作

卷四

三

詩云。白雪樓空剩綠莎。釣磯無恙酒人過。全收山翠為
 屏障。小減溪光是菱荷。秋浦眠鷗欣雨足。晚汀浴鷺占
 烟多。停橈却憶元真子。應趁斜風起綠波。公詩如細雨
 斜風能出否。濁賢清聖一中之。霜風漠漠時聞笛。烟雨
 蕭蕭不下簾。遠浦送帆初減影。夕陽到水欲生烟。悲壯
 如沙嶺和雲迷紫塞。雪花如掌落天山。露下草蟲催夜
 月。雨中孤角暗邊城。又云。寒雨蕭蕭長作病。邊風漠漠
 強登樓。高念東先生以公為吾邑樹貞元大歷之幟。不
 虛也。

黃堆字子厚號徵菴。即墨人家世科第一門。能詩康熙

癸卯舉于鄉一時同榜集省垣共論文章高下徵菴沉
默不語眾問故答曰此地有水香亭北渚亭李北海鬼
太常讎賞地又辛稼軒李滄溟家焉吾方憶兩公踞青
雀舫湖光蕩漾文思競發詩詞竝可寄興餘不暇及也
此段俊語風流似晉人兼存吾鄉故實故錄之

辛稼軒小名青兕歷城人居柳甸莊宋孝宗時銳意恢
復作九議上之竟阻病亟大呼殺賊數聲而終與宗澤
三呼渡河者相似朱子謂其將用人填海以其不量力
也然忠壯之氣自不可磨謝疊山過其墓有聲呼於祠
堂爲文祭之文成而聲息英靈如在余生平不喜觀詞

卷四

三

嫌其綺靡昵昵作兒女語獨愛稼軒詞揚眉吐氣如見
英豪鬚眉佛狸祠下一片神鴉社鼓久已膾炙人口楊
升菴錄其賀新郎云綠樹聽鶉鴉更那杜鵑聲住鷓鴣
聲切啼到春歸無尋處苦恨芳菲都歇算來抵人閒離
別馬上琵琶關塞黑更長門翠輦辭金闕看燕子送歸
妾將軍百戰身名烈向河梁回頭萬里故人長絕易水
蕭蕭西風冷滿座衣冠似雪正壯士悲歌未徹啼鳥還
知如許恨料不啼清淚長啼血誰伴我醉明月此詞集
許多怨事與李太白恨賦相似昔岳珂議其詞用事太
多究竟大氣包舉不覺累墜如項王用兵縱橫莫當其

氣盛也按舊居在四風閣上
稼軒有一邱一壑詞

張養浩希孟自號白雲先生所居雲莊在府城西子姓
猶有存者致政時居此其閒有遂閒堂掛月峯擅池亭
猿鶴之勝石刻一詩云薄暮池亭獨倚筇寒山遠火透
林紅却愁今夕雲霄外萬疊屏風一炬空公仕元諡文
忠嘗築七聘堂詩云東坡岡故在辭聘未全非

萬卷樓邊尚書華泉所築在湖上中蓄書籍金石古玩
甚富一旦火焚痛哭曰甚於喪吾也遂病卒李廷機作
公墓志有云奎壁之閒光華上燭我銘諸碑用昭世族
公所交皆海內名士官雷都遊覽江山揮毫浮白夜以

卷四

三

繼日右都御史某劾其縱酒廢職遂致仕墓在萊莊田
山麓往觀墓碑有云溪風吹野棠亂落花如雪惆悵青
林閒淺山埋殘碣晚天淨無雲萬峯一明月有子習漁
洋得其詩冊佳句如薄暑不成雨夕陽開晚晴者是也
前七子邊以萬卷樓著後七子李以白雪樓著兩樓雖
無至今如雄峙歷下焉

許殿卿邦才故宅在布政使街路東有瞻泰樓與李滄
溟唱和處芙蓉泉西讀書樓在焉昔人評其詩品如銳
頭少年騁獵平原耳後生風鼻頭出火長歌有云長卿
慕人千載前何如與君俱少年子雲慕人千載後何如

與君俱白首。爽氣殊倫寄。懷王元美云。鴻雁驚秋海上。還片雲孤月。薊門閒。如何昨夜西窗夢。不道千山與萬山。山薑咏許長史書樓云。晴霞飛不歇。湖水含滋澄。一叢白齒蒼。無數紅蜻蛚。我愛許長史。詩思何泠泠。

王秋娘墓在千佛山下。或云明時人未知其詳。幼時記王大儒一詩。載歷城縣志。讀之哀豔動人。前半云。斷腸碑上小名香。風雨經年損佩瑤。眉缺迴非新月樣。花殘猶憶舊時妝。餘不盡記。寶山毛海客大瀛咏之云。梨花無主草萋涼。小碣青蕪姓氏香。魂斷佛山寒食候。滿天風雨哭秋娘。亦淒婉欲絕也。齊河郝允秀詩云。何處尋

卷四

五

人問玉娘。幽魂雖杳小名香。已無明鏡傳嬌面。尚有殘碑記斷腸。草滿墓門花亂落。雨晴山路月微涼。經年春恨誰能解。不耐西風戰白楊。王大儒字汝為。弱冠能詩。酷嗜鍾譚詩。歸有贈友詩云。秃筆撞硯硯為缺。冤墨落紙紙為裂。語甚警。

滄溟歿後。蔡姬在西關賣胡餅。王季木訪之。白髮青裙相對泣。下作詩云。白雪高埋一代文。蔡姬典盡舊羅裙。墓在柳溝。王敬美過濟南。致祭焉。車過腹痛。久要不忘古人之誼也。山薑先生拜墓作詩。志其地甚詳。示後來人可尋。詩云。鞍山平如屋。瓢峯插其旁。千里茶日河野。

水流泱泱。拄杖步空林。松風吹衣裳。鞍山即齊晉交兵處。齊侯三周華。不注是也。

鵲華二山在城北。華獨高。秀水經注以爲虎牙刺。天李太白擬之青芙蓉。皆妙于形容。漁洋自北來。望見鵲華。比之尹邢二山。平地拔起如英雄。不階尺土。尤爲奇也。華以高勝。側看逾秀。鵲山橫列翠屏。扁鵲嘗燒藥于此。產陽起石。盛雪不積。登匯波樓。眺望翠色近在肩曉。故額題鵲華秋色。甲子秋闈以此試士。試帖中亦有佳句。可採解元王餘枚云。霜老株株樹。沙明面面湖。蓋宋時華山下有湖。自大明湖乘舟直至山下。昔人以山如花

卷四

五

華注水故曰華。不注偽齊劉豫填湖勝境。遂堙然齊侯之車。三周必由陸。非盡湖也。名人詩多不勝錄。山有老狐隱其處。與人交自言能詩。嘗誦其得意句云。木落孤峯秀。或云木落山愈秀。未能確記。

周密字公謹。本齊人。故宅在華。不注之陽。後隨其祖父南遷居吳興之弁山。所謂弁陽老人也。趙松雪爲作鵲華秋色圖以慰其鄉思。張雨賦詩有云。吳儂頭白不歸去。不如掩卷聽春雨。此圖歸江南某侍御家。又曾入吾東膠州張先三家。展轉歸商邱宋中丞牧仲禹鴻臚。有摹本高江村跋云。真本爲真定梁相國清標所得。後賣

入大內不可見矣高南村鳳翰爲題長歌有云我年二十踏省門。席帽秋風濟南路。每從驢背想低昂。點黛高吟。鄜生句。便從東道假居停。望華樓當七里鋪。日日開窗對美人。窈窕宜晴復宜雨。練影橫烟月最奇。真見銀灣華不注。數語如繪華山真面毛海客詩云公謹家園兩世違。鵲華嵐翠夢依依。可堪掩卷聽春雨。吳儂頭白未得歸。

東坡在濟南劉詔家寫枯木一枝題名檻泉亭劉詔擊諸石後移於儒學求之者眾吏搨不給碎數段投之井按禹城學署亦有東坡畫枯木亦因求者眾而投之井

卷四

五

何其相似也但彼有庸妄人於缺處添一枝爲不同耳又歷城東二十里王舍莊有東坡書讀書堂碑爲龍圖侍郎張揆作碑今不存有輓詩云欲寄西風兩行淚依然喬木鄭公廬

西遊記傳長春人邱處機作長春館一名大菴在西門外爲修真之處殿後平地有洞蜿蜒數十里名長春洞今入民家洞不知有無紀曉嵐先生以記中官名有係明時創立元時未有疑此書後人僞托

王雲芝先生勅讀書臥牛寺得石函書二册夜焚香展誦一年後能知休咎御風出神在四川異迹甚多漁洋

記之詳矣今其子孫猶存公小像一卷

王春熙明府在濟南三月三日與李子喬諸人夜泛大明湖吟詩云外客風塵倦。今宵酒意酣。相隨賢有七。剛值日重三。新月如鉤上。明湖似鏡圓。濛濛烟水裏。幽夢到江南。子喬笑曰君得毋官江南乎已而果然

匪波門外菜畦彌望菁葱無際繞渠荷葉離披最宜遊眺城之四周舊有河水擁護道光十六年歷城令韓公亞熊請於上憲濬河使深意欲鑿地二十里通大清河之樂口使舟楫直至省垣誠百世之利也而愚民難於謀始紛紛控阻遂止韓公修河工竣五月初一日署中

卷四

五

大火焚燒一空及家中信至居宅亦於是日被火不可解也

城北諸山排列如螺鵲華外其餘烟鬟擁翠如列屋爭寵如彼蛾眉者蓋以十數有名匡山者傳李白讀書處元遺山詩云匡山聞有讀書堂。行過山前笑一場。可惜世閒無李白。人閒多少賀知章。學使觀風嘗以此發策或對以青蓮遊齊魯久當是此地學使以爲應指匡廬夫太白曠代逸才非如學究逐處攜帶兔園册子呶唔不休生平擊劍學仙縱飲高歌何暇畱心章句不獨歷下之匡山非讀書處卽匡廬之高臥以翰林供奉放浪

山水豈為執卷計乎四川彰明縣青蓮鄉有匡山太白實生于此少年讀書此山紛紛之論不必爭也

漁洋與諸名士會飲水西亭作秋柳四章水西亭未知所在田山薑論詩絕句云吾鄉邊李號前民鈞突前頭墨迹新眼底漁洋蠶尾外詩人空作濟南人昔王弇州品明詩邊華泉如上苑春花無處不發李滄溟如栽眉積雪闌苑蒸霞本朝諸公推尊漁洋猶不及李議之者亦不至如李之甚也毛海客云漁洋老去渺風流水面亭前憶唱酬即指咏秋柳事水西或傳刻之訛

城南有歷山故地名歷下自秦以來相稱已久傳舜耕

卷四

五

于此有舜祠舜井孟子以舜為東夷之人又舜漁于雷澤遷于負夏陶于陶邱皆在東方以此例之似耕于此考舜姓媯媯水出歷山下以地為姓古多有之歷山在古河中府河東縣去平陽為近故舜之孝得上聞若在山東離王畿甚遠廷臣何由特薦則耕當在山西而非此地明矣因有舜耕歷山之文遂相附會舜井在縣東云舜所穿之井歐陽公長歌徐世隆律詩刻石香祖筆記康熙癸未舜井忽溢數尺出祠北流入明湖相傳井中有天書明探花王雲芝先生入祠誦呪石龜已露其頂水溢出不止縣令推門入石龜復沒蓋書藏石龜腹

中先生僅得上部言下部在井中按法取之為人所冲遂不能得先生臨歿并上部焚之下部書終不出矣或曰堯初封在今定陶縣而陶邱在縣南即舜為陶處或堯聞舜孝行已久故曰予聞孟子在今千載以上所聞必確于今人則未可云必非此歷山也但濮州東南七十里亦有歷山雷澤亦在州東南則又似在彼歷山矣事隔二千餘年究難懸斷

華不注望之勝于鵲山遊之則鵲山更佳毛海客藥山

一詩既寫形勢復資掌故錄之前半云藥山森九峯蒼翠勢欲滴前有日月輪兩山拱几席亭亭小九華森聳

卷四

五

瞰山脊新秋微雨過乘輿蠟雙屐一徑上層巒憑高樂遊適白雲拂面來不辨阡與陌俯視澗穴中暖氣蒸巖隙燎然觸五情風前岸巾幘老僧為余言下有仙人宅深洞入崦岫厥產陽起石傳聞昔盧醫煉藥剩遺迹蜘蛛與蝦蟆守護欲跳躑陽起石洞中有蜘蛛或見雲英或見雲珠赤或見雲沙黃或見雲磷白我欲採之歸丹爐煉靈液不知何者佳紛紛詎詳覈未云探穴採無時入深益險僻我為此石愁重為山靈惜咄嗟下屏巖晴峯瞻歷歷作詩告採風我語或可釋千佛山古靡并山唐開元中鑿佛像滿石壁因名千佛

山登山開窗北望城郭蒼茫鵲華二山浮動烟際如海
閒小島毛海客登之有詩云春風散層陰城南樂遊驚
矯首靡并山蒼茫隔烟霧行行不覺遙漸入山中路虛
崖森蔽虧古木莽回互山花不知名狼籍踏幽步紺宇
出高峯時有白雲度振衣來招提小憩得禪悟巖鑿千
佛形佛佛智慧具開元至於今莊嚴尙如故言訪賓華
亭荒洞烟霞護深黑不敢窺恐惹毒龍怒迴眸肆遐觀
倚檻窮異趣鵲華浮黛螺濟潔滄雲樹山翠與湖光絡
繹各奔赴遙指德王宮隱隱牙旗露俯仰陳迹多徘徊
託四顧鳥啼大舜祠草冷秋娘墓古今千百年一笑入

卷四

早

延係幽磬飄上方四山日已暮返照留空林暝烟散平
楚佛燈漸已明僧雛催客去揮手下平岡麗譙涼月吐
寫景清幽非身履不知

澁泉記云宛平劉公巡撫山東於廳事西北掘土深二
尺有泉涓涓出自穴從而澁之又二尺其廣倍焉公顧
而樂之語其友朱彝尊曰是宜何名曰爾雅水自濟出
爲澁其澁泉乎按曾子固云泰山水狀流而出東爲珍
珠泉西爲百派泉與濟何與子固殆未深考觀竹垞所
記歷下諸泉皆濟水無疑又洪稚存乾隆府廳州縣圖
志云自歷城以上至東阿皆濟水蓋濟水性沉極清故

東阿煎膠治血疾古人辨水色味而知其源流蔡九峯
譏蘇氏辨味之說謂大禹必不若後世陸羽輩品泉後
儒駁之未爲無見附錄竹垞子昆田珍珠泉詩云中丞
官舍第三泉水面跳珠顆顆圓小舫不妨牽岸上羣山
無限落亭前舊遊欲說還同夢勝地重過合是緣十七
年來成底事髣髴如許實堪憐

朱竹垞居歷下最久嘗題歷下亭云康熙庚戌五月既
望泛舟蓮子湖眺北極臺時茵苔始舒熱風未甚循湖
而行求七橋故址俄而雨驟至復乘舟登歷下亭與客
縱飲既霽泉泠泠注亭下有魚自濺湧入階童子烹以

卷四

望

有酒蓋客遊濟南二年矣乃得一醉茲亭焉
佛峪之西二里許有龍洞初行山谷中無甚異深造覺
有可觀至山門左僅小溪微流有亭翼然名一珠亭祠
面東祠之後兩山夾峙一轉一曲不知所窮遊時在秋
夜氣澄清庭前三面皆山近在咫尺陡立若牆壁萬綠
蒙茸流螢亂飛渺不知塵世在何許也石壁大書勅龍
洞聖壽院六字極奇偉傳是東坡遺迹洞口在崖半中
丞陳笠帆先生豫學使王伯仲先生引之題名刻石其
洞深杳非多備油燭柴火不敢深入元時張公養浩同
友人來遊作記甚佳但入半途而返未窮其奧錢塘吳

秋漁昇奮然往探直出南山之背作七古長篇可作遊記讀今年入夏彌月不得雨長官祠禱古洞之龍潭大雲如車倏起拜跪處頃刻下尺澤被青郊歸來細說靈異鬚髮動共歎神境多讓山僧諳嗜奇我所素癖便欲往赤日燠地姑忍中心貪秋涼醉骨乍醒腰脚健料理遊具酒榼兼蔬籃宿春暮食辨色候門啓騎者與者步行行相參山程但有聚落缺亭墘土人告余爲十里者三童山一片撲地類荒壘若彼濯濯詎副幽懷耽造物故矜人以所不測到深僻處始洗山靈慙緣谿路自岳背踏沙入丹崖碧嶂周繞埋員菴疏林橫布大石淨

卷四 星

于凡鐵碁不見尙可羅朋簪煙霞飽嚙俗味廢有核天風欲舉兩脇乘飛風急尋東洞絕巘道梗塞西洞遙認正吐雲曇曇一僧前導趨捷走猿狖俯拾橡葉笑指霜紅酣懸崖基我側足攝衣上苔滑逕仄愁語聞咕誦驚魂欲傍寸莖朽株寄怯者捨去強者行趨趨蛇行蟻附曲折達山脇突見石腹破裂嵌空豁喘吁稍定乃敢以身試深隧黝然而黑難窮探篝燈然炬且行且號召愈進愈窄繭未如春蠶迎面查牙石劒防誤觸因此折腰我識陶潛堪循牆偃僂得境忽平廣息脛與頸瞪視猶耽耽其間若門若戶若堂堂法身丈六佛髻盤青藍倚

非山精造作老魅窟或是鬼斧鎚鑿仙人龕神工至此自謂極奧闕竟有我輩輕命爲狂慙陰房氣冷火欲逼短絛不敢久憩前望憂如快微明乍透知是出洞近疾走有似棄苦而投甘天光照眼爽若大夢覺細審前在山北今山南顧茲堅頑儼鑄萬鼓鍊豈料外則宮霍中虛舍神龍飛去畱此風雨宅想見之而怒作珠垂頰奔泉宛自喉吻噴噴出宜乎昭靈潤物恩施覃惜哉李杜當年俱未到喜千載後獨稅雲中駮奇情挂我心目十日在山窗夜雨剪燭供清譚

卷四 星

日凌晨至佛峪入深壑綠樹蔽天拾級而登僧房依石壁壁陡立萬稜千竅縱橫無紀律疑鬼斧神工鑿削而成驟觀之可怖諦視甚可愛也雜花叢叢清露霏霏石崖後細泉下墜入澗有聲不絕如操玉琴所謂林汲泉也周書昌先生讀書于此劉寄菴佛峪詩云半生愛遊山山靈不我怒禹穴與旣緲佛峪意所慕提攜到山巔僧居伴雲住登高嘯秋風倚石觀瀑布勝遊安可窮神仙渺難逐吁嗟此山中大儒讀書處窮巖有幽泉一勺涓涓注旁鑄林汲名天壤久已著乃知地與人相成莫相悞不見鉛山堂過之無人顧以此深自省行藏安藉

落日山房中第看紅葉樹

阮芸臺先生年二十八督山東學政詩賦而外兼重經古愛才好士時無其匹尤喜探竒作詩自禹登山白雲峯東三里至佛峪茲山何岩巖神禹之所登東行入虛谷泉石媚清澗側徑臨深窅馬足猶兢兢午嶂屯春陽陰崖積素冰石無土附樹壁有隙走藤雲護岩上佛泉養厨中僧何當看秋瀑濩落山三層大者懸如紳小者垂如繩靈臺出其上衆勢歸馮陵而我亦遐舉振翻隨花鷹白雲峯西北至錦屏岩憩壽聖院靈湫住天龍談禪闢初地但見元豐碑破屋已古意繞階漱清冷壓簷

卷四

四

積蒼翠泉急石九轉雲過松花墜前峯升重巖高鳥懾其翅誰爲造孤墉中使金仙睡後峯獨離立與嶺孳成二誰爲架飛梁鑄以摩崖宇古人具精力取作尋常事否則靈如僧碌碌老荒寺聖壽院西南石壁上有龍洞洞甚深神龍抉壁入破壁復飛去龍去壁已穿介然用成路當門立大佛乍見心疑怖石立面如削曾向夢中遇過此入深隧秉燭始暗度俯行頂接踵相呼不相顧一隙忽生明如夜忽嚮曙不知出何山竒險更難步手中得葛蘿足下生松樹蜿蜒攫爪痕是我題名處龍洞之竒吳秋漁狀其洞其外貌則蔣心餘詩起數語

峭厲如親覩其境詩云拔地立城郭壁面四圍俯地底開龍祠山根蓄風雨傾瀉有餘潤卓犖無寸土石裂草木出風過丹黃舞橫嶺簇細竅亂雅奪門戶龍居對開豁東洞側破釜避秦竈火絕陽和至今貯西洞受朝曦貫壁徑可取天眼一斜穿暗漏每奔注誰留面壁相灌頂生潑乳半規透旁隙僧引前列炬打頭識磽確漬衣驗沮洳入穴遁蛟蜃脫身全鳥鼠兩崖兩屏抱一峯一屏藍裴回壽聖院摩崖念初祖樵歸客始炊烟起鴿微怖深杯吸靈怪倒影怯蛇虎茲山未云深昔至人已古馬蹄遠莫寒出谷日猶午

卷四

五

戴壽豈延年遊龍洞云濟南多名山錦屏秀所獨佳景擅春曉探竒愜心目古柏纏古藤天矯與屈曲濛濛積翠生溼雲滿巖谷剗削運天巧琢此玲瓏玉所嗟絕攀援可目不可足其右峙三峯峯勢實轟轟龍洞尤絕竒蜿蜒透山腹冒險試一登心悸氣亦促抵洞歷數盤山僧導以燭始焉首頰低繼之躬屨鞞側入學蟹行俛進似蛇伏石旋兩三螺壁伏千百蟻乳竇滴涓涓飲之勝醞醞半里出洞門石像禮金粟洞壁多古題剗落不堪讀小憩向僧房汲泉煮山藪冷然鐘磬音斜陽上高木延年長洲布衣性疎曠好飲酒工詩古文南北遨遊嘗

至歷下歷城縣志有景曰
錦屏春曉指此地

謝茂秦故居在臨清舊城廣積門外廣積橋西遺迹久
圯南灣渡其別墅在焉茂秦脫盧柙於獄義聲震一時
王李結社燕市山人以布衣執牛耳後乃絕交然遊道
日廣秦晉諸邸爭相延致酒旗歌扇與致淋漓過鄴康
王置酒歌其所作竹枝命賈姬出拜光彩照目命之奉
酒卽以贈之厚致奩資攜走燕趙文人奇遇視束縛一
官者反爲暢適王李名盛而後來指摘亦多論者惜二
公之交道不終焉山人工五言

鮑山歷城東三十里以叔牙得名下有叔牙城與管仲

卷四

吳

分金處鮑叔墓在焉鄒平有鮑叔牙采邑海客詩云鮑
山聞有叔牙城偶過山前感慨生看遍雨雲翻覆墓
門揮淚拜齊卿

歷下明湖其初白地光明錦耳後來蓮蕩各栽蘆葦爲
界舟入其中曲折如圍棊界畫殊不暢快乾隆間中丞
某欲遊湖一夕令人伐去取快一時民皆腹非第予嘗
冬月過之蘆葦淨盡一望無餘反不如多其紆折突至
一處曠然改觀饒有別趣其閒風景小山薑田同之詩
云水明木瑟占清華搖蕩秋光滿日賒源上紛紛十萬
戶西風管領屬誰家一峰孤立華不注三寶分流趵突

泉水剩山殘秋事冷鴈聲空下碧雲天巖花漠漠水冷
冷落日荒烟歷下亭北海風流今不見南山依舊向人
青名士伊人元祐閒爭開尊酒對潺湲當時亭館眇何
處水月空傳娘子灣雲散華泉不可招樓空白雪草蕭
蕭堪憐一派淫繩響秋雨風黯七橋川上林亭故跡
荒低回別墅說文莊池邊尙有垂楊樹勾引蟬聲送夕
陽涼露池塘淡碧泓依依唱詠憶當時漁洋老去聲華
寂蕉萃明湖舊柳枝湖山冷落亂雲浮步履時時強出
游杖底今朝差不負曳來七十二泉秋

北渚亭故址人皆不知所在余以爲卽今北極臺晁補

卷四

吳

之賦想像可得前人已爲此說者人不盡信也田硯
思同之嘗訪之作詩甚佳蕩漾春風裏來尋北渚亭水
光半篙綠山色一船青楊柳垂殘照鷓鴣沒遠汀遺名
空自好極目翠沉溟

李太白華不注詩高簡而氣韻自飄洒身有仙骨也居
其地者朝夕登眺細細摹寫亦自可觀歷城葉承宗登
華不注云我愛華不注茲峯何秀特奇巒變形勢怪石
殊顏色鳥道荒蔓繁蟲跡積雨泐懸崖疑無倚巒嶂如
相逼探奇歷嶇嶇轉徑入幽仄逡巡履峯脊攀援摩山
腋凭高發長嘯遇坦得小息傍矚峭峯聯俯瞰清河直

日夕野風發。爲我生羽翼。聞有贈鹿翁。求之不可得。徒倚晚烟中。曠懷誰復識。朱子青詩云。東風騎馬來。出郭二三里。取路入哈呀。蒼翠拔地起。涇嵐撲春衣。小橋列鴈齒。巖邊看飛帛。千尺溜雪髓。天際螺髻青。石上苔錢紫。山境隨處佳。誤到亦可喜。小廟掩紅扉。寂寞桃花裏。扣門逢僧雛。就坐施蒲椅。山伴三五徒。竹杯傾藍尾。幽磬一聲來。深林醒醉耳。起視舜子城。亂烟隔山背。少陵陪李北海。宴歷下亭詩。非集中高作。而風格自古疎落。中見老橫漁洋。謂與北海同作。卽效其體格。似非無見後人。不能攀援。要有秀句。可采。歷城朱懷樸詩云。

卷四 哭

荷香細細水泠泠。小艇穿花載醪醕。蓮子波澄千頃碧。佛頭山送一船青。只今後起多名士。在昔先稱最古亭。海內風流誰管領。華泉既去又滄溟。馮氏治園本名冶源。張榆村先生遊之。有詩載綠筠軒集。其子作哲和之云。冶水表靈異。似不在人境。言尋物外遊。行行愛孤永。海浮一峰秀。巖岫何杳冥。下有水蔚藍。汪洋匯千頃。樾蔭閒脩篁。叢密人跡屏。古木橫水涯。向夕繫舫。樓閣浸澄潭。琅玕交疎影。憑衿一以眺。風度衣裳冷。造物藏幽闕。就裏誰能省。渭濱千畝竹。贊與王侯等。千秋問廢興。自昔有管領。勝地屬幽人。丹崖與

碧嶺取醉出竹林。天高地亦迥。作哲號潛菴。年十三作清明郊遊記。數千言。崑崙山人見之。批其尾曰。石破天驚。此吾家千里駒也。官學博著有聽雨樓詩集。

石門山在少昊陵北四十里。史稱少昊都曲阜。四川猶封魯以少昊。葬雲陽。其山古曰雲陽。因山有石門。改今之墟。有明文。葬雲陽。其山古曰雲陽。因山有石門。改今名。相傳古之晨門。隱此。唐張叔明宅在其麓。杜子美有訪張氏隱居詩。所云不貪夜識金銀氣。其地有名金銀。齒銀。鈿齒。乃知杜詩句非空下。其山多洞壑。清泉佳木。李太白亦有魯城東石門送杜甫詩。按齊之石門。在今長清縣西南。久圯於河。此石門山屬魯濟寧王書門遊。

卷四 哭

之作詩云。貪遊不畏遠。石門况在茲。凌晨命逸駕。薄暮未言歸。看峰愛噴岫。聽梵起威儀。過林染霜氣。摘華濡露姿。延景陟複岫。搽靈下迴窺。孤臺一珠似。山有臺夾麓。二龍疑。秋水嵌孔竇。沉泓匪端倪。觀逝絲塵襟。卜居協幽期。阻壑堪置屋。面雲宜開扉。春築庶能就。重來吾不欺。詩本選體頗清峭。考據之難也。臨胸馮氏之冶源。司馬溫公記劉概孟節隱居野原二字。全譌漁洋以爲失考。蓋未檢水經注也。余最愛酈注云。水色澈明而清冷。特異桂筍。尋阪輕舟。委浪是焉。棲寄實可憑襟。今有憑襟亭。

吾東濟汝淄濰諸大川皆以河名北地之水無以江名者惟章邱一水名繡江水雖微儼然與蜀之錦江相對張榆村先生贈人遊章邱詩云畫舸青帘繡江水白雲紅葉女郎山入詩甚新

朱竹垞作澹泉記云水自濟出為澹蓋本爾雅或謂爾雅澹字乃榮字之訛著論辨之夫河溢為榮書有明文榮字有本不應又有澹名榮與楚字形相近傳寫易淆又加水旁理或有之按濟山海經作灑水郭璞去水旁曰灑灑沈音澹聲相近遂為沈又俗呼衍水亦聲相近而訛其訛多端則榮之為澹安知不以字近而訛惜忘作

卷四 辛

論者姓名 廣韻集韻皆承爾雅註釋又云澹小水澹小水又水貌

隱公與宋公遇於清濟水經此故有清濟之名後直稱大清河遂掩其本名因自海運鹽至濼口俗遂名之曰鹽河按濟水發源河南濟源縣有二淵一周迴五六百步深不可測一周迴三四百步深二丈合流為濟臨邑有石門以石為門名曰濟水之門解魯論者乃云齊魯皆有石門兩存其說既曰水門此安可宿又豈有晨門在齊之說不攻自破何須設兩端以惑學者閻百詩以石門為魯城門名最是漢靈帝壘石為門亦名石門則後來者矣

冬日觀紅葉最佳吾鄉少楓惟畢司農石積園一株益都諸山榭葉彌漫霜老時如花如火博山滿崖谷堆紅絢紫厯下龍洞紅葉亦盛吾邑城南多橡雜松柏中微露半身倍覺鮮豔吳秋漁龍洞看紅葉云禹登之山三秀峙錦屏高張白雲裏下有迴谿陷磴洞深黑上有怪石瞰人峯怒起峭壁巉巖不受捫四山如舊天如盆陰崖遮隔躔度縮但有卓午無朝昏我遊正值百卉凋蕭蕭寒籟吹行衣天公垂憐兩眼太枯寂催喚青女盡賜千林絳半山藥雨蕙支亂一夜西風拋錦段偷得封姨快剪刀二十四番紅不斷有如隋家西苑鬪繪錦雪子

卷四 辛

打簾春似海又如大唐天子殿上鳴晴雷霎時千樹萬樹桃花開丹者勝丹碧勝碧雜以紫靛鞞與黃蠟瑯身遊五都目五色繡女染工都失魄蜂蜨紛紛那得知山禽偷眼來窺客客衣鶉懸身鶴瘡獨有酖顏春不隔舉盃笑倚珊瑚宮飛入秋霞吸丹液劉寄菴詩云何人海底沈大網掛得珊瑚徑萬丈鐵鑄如意隨指揮擊碎亂擲此山上又云乍如神兵下丹青齊樹赤職射江水旋如野燒連山紅天動地吸呼雄風皆雄詞肆滂沛惜未來吾淄見青林中紅葉疎淡閒遠如空谷美人天寒翠袖雖淡抹胭脂見者欲消魂也

百脈水今名清河亦曰繡江水經注云土鼓縣故城西百泉俱出故謂之百脈在今章邱明水鎮泉水流出灌田數百頃夏初往來見平疇稻秧一青無際白鷺拍拍飛入烟靄宛如畫圖村中康氏園水流活活繞牆綠竹濃郁覆壓中植荷花滿塘迤南佛寺中有方池淨水空明圓珠千百繫繫如貫大略與珍珠泉相似唐濟武與高念東兩先生來百脈泉看荷花唐有詩云箬帽單衫八月天竹兜水國意蕭然嘗憐湖壑無賓主久約烟霞共往還黃稻風來花外寺青山雨歇樹邊泉劔池孝水明湖館百脈名當第幾傳土鼓城在淄川俗呼鼓城

卷四

五

德州尊水園盧戶部德水先生所築也先生名世淮酷嗜杜詩請某鉅公爲杜作箋園內築杜亭自稱杜亭亭長其園後爲田中丞蒙齋所有移居時作詩以祭南村齋署盧齋亭仍杜亭作四六一篇甚佳節錄數語云維茲南村先生尊水園者門臨督井圃接荒城徑則有三應似蔣生之築柳何妨五真如陶令之栽竹屋紙窗酒痕歷歷青鞋布襪詩思泠泠取杜名亭祀五郎於麥奧命胥鈔句見子美于羹牆何殊成都橋邊住東屯而收稻不啻穎昌村裏坐桑下以受風久矣爲某所有轉授於余于是啓戶登堂焚香設坐擔書而入老僕操筆頻

來剪紙以招先生吟魂不遠然而人非詹尹頻話卜居設使君作伯通亦須賃廡又云凡有半弓隙地亟令栽花何少二頃秫田儘堪釀酒南榮北牖馴鶴階前東柯西枝送鴻天際伶白吾友濁賢清聖堆塵劉項詞人垓下大風衝口將書抵塞三閒屋願追問字之班用酒消融萬古愁聊效執鞭之慕

卷四

五

淄長新梁博之間有孝婦河唐李尤作集異云文姜事姑以孝謹樵采之外汲山泉以供飲一旦緝籠之下湧水清冷可愛時謂顏娘泉顧野王與地志謂顏文妻也事姑孝感得靈泉生于室內常以緝籠蓋之姑出籠卽泉湧居宅時號籠水野王所記自是當時所傳李尤以爲文姜誤也昔李陽冰嘗尉吾淄刻碑廟中董彥遠求之得破石僅尺已爲礎字猶可讀以爲文姜姓顏蓋未得其實宋熙寧中封顏文姜爲順德夫人當時但据李尤所記耳泉在廟前方池周四五丈珠纍纍上湧流出廟門翻花浪雪聲若雷矣廟無梁甚宏麗似尙方工匠所造顏神鎮本屬淄川雍正十二年割去二十一莊與益都二鄉萊蕪七莊立博山縣唐時爲州李陽冰爲尉得立碑於此顏文妻國時人淄之西境抵長白山其閒土地肥饒流泉瀉瀉尤宜灌

既畢公子萬盛育別墅在焉名黃埠手植榆柳桑柘數千株漁洋先生嘗至其家緩步其上夕陽在山萬木交蔭溪水南注不知所窮南有泉曰栗泉泉出平地潄沸如神灑然引為陂池藝樹千頭種菡萏十餘畝秔稻菱芡如江鄉誠幽人之菟裘也漁洋為作傳

王幔亭士驥漁洋之昆弟有就園自記云周櫟園先生於船上其方廣尺寸僅一舫頭名曰就園集友賦詩一時傳為佳話余客寓庭不旋馬不能植花木池塘亦畱尺寸之區似一舫頭置小小花卉數十盆暇日啜清茗於其側吟咏以遣老病亦以就園名之老友琢菴繪圖

卷四

五

邀二三同人題詩於上作詩云數盆花卉天然趣一勺池塘一寸魚莫道此中邱壑小維摩丈室自成居

章邱女郎山玉陽子得道處李中麓施愚山皆有題咏劉寄菴有句云詞客曾遊處仙人此閉關嚴高松子碧殿古蘚花斑馬子琴十六歲過其地有句云花滿女郎山忘其全矣邑人李戟門廷榮少年夢雙鬢邀至此山宮室曲折別一小院引入一美女相待臨別囑其慎密勿與人言時時夢至久之偶洩於人夜夢雙鬢來接徑路既熟樓閣掩映引入曲房女盛怒責之驀然而醒其里人言之甚詳戟門道光己丑進士現任湖北荆南兵

備道初宰直隸新城縣修縣志作序詰曲警牙倉卒令人不能句讀殆法明嘉隆文體而後來者加厲也平日文從字順實不如此嘗見其五古清潤和雅肖乎其人其序或有捉刀人在

范泉出博山顏神鎮范文公祠下前臨秋谷湖道迴合舊富喬木其泉流入湖遶樹穿林去木葉泉聲蕭蕭響答居人於谷上遠駕石梁平通山脚接引泉水遂乃於梁上跨谷分流每當憩集虛谷來風青巖阻日弄溪光拾湖藻石梁上下南湖北流東泉西逝月淨波明宛成十字水逕乎城中與二女泉合支流之上石梁者注逕

卷四

五

趙濟美涼洞亭南落於湖於城北會為范河入淄趙清止先生詩云清酒遙尋野樹香鵝巖烟後漸蒼蒼十年馬跡慚幽徑六月蟬鳴在草堂雨接泉聲搖竹色雲含日氣作山光方塘影暗流螢起遠座桐陰引夕涼齊桓公所見老人牽其馬不能爭謂之愚公其所居曰愚公谷視柳子厚之愚溪為古矣其地去余舍不甚遠念東先生嘗遊之唐夢賚先生寄以詩有云昌國城東路棲遲久不過昌國城即樂毅所封至今村猶名昌城山有邱人呼劉伶墓未知確否又云何處濃陰合兼之曲澗幽水春蘆荻岸山翠夕陽舟其地蓋有流泉茂

樹今則無所謂舟矣按愚公谷在臨淄西北昌城東之谷訛傳耳

長山有孝子董永祠昔孝子母為北兵掠去孝子追尋不得後人為立廟吾淄有望娘溝云主樵於此望母湖北孝感夏力恕之族來為長山令云吾縣以孝子得名豈生於此力辨之顧董永雖不生於山左而主樵尋母則理所應有望娘溝或謂萬年溝溝不甚著有山村余嘗讀書其閒念東先生有詩云鬱鬱萬年溝左顧高邱蟠山溪自西來瑋瑋橫其前老樹大十圍枝幹交膠纏赤日從不至俯仰天蒼然居人夜布枕行者朝息肩我來暫徘徊僕夫輒解鞍安得攜樽坐高枕聞鳴蟬十里

卷四

美

綠陰稠直至山城邊陵縣康繼庸遊淄別念東先生兄弟於此有詩云層巒空翠點衣斑匹馬蕭蕭客乍還此日別君聊進酒重期攜屐看秋山溝傍小山曰峩眉林木葱鬱村中老屋皆其材也康名廉采順治己亥進士官寧壽知縣弟懋采號敬矩敬采字思若皆諸生別業曰槐里古槐數百夾道分列交柯連枝深蔭若洞曉氣綢繆樓臺掩映兄弟居其中以詩名各有集唐濟武先生以言事落職遊覽江山名勝歸築志壑堂堆山栽竹為終焉之計念東先生詩云主人逸興忽為山一拳五嶽驚噴岬縹緲危峯不可上笙鶴彷彿遊其

巖逸興未已重栽竹五日未來已百束長夏蕭條綠玉寒廣榭毳毳青鳳篔桐梢有月更森森蘋末無風已謾謾譬如高士立重巖宛若佳人在空谷又咏其新成小山云襟抱由來邱壑全纔經位置便超然丹青選出移山手烟雨催來種竹天青似九華搖鏡裏綠疑千頃落樽前眼中勝賞千秋事始識蘭亭亦偶傳先生後裔衰微僅有一人家貧甚志壑堂詩文集刻板亦寄存高氏劉次白中丞刻山左古文鈔亟欲得之無人送往京都何陋之於生前者復窮之於身後耶噫泗水發源處名泉林卽子在川上處建有亭臺四面古

卷四

美

木陰森蔽虧竹韻松聲朝烟夕靄加以層廊複道遊蹤恹恍迷離登高望之則天光雲影一片琉璃界中宜聖人怡情會心悟道機之活潑也東阿于相國慎行云泗上諸水出雷澤澤方數十里春夏巨浪排空秋冬則泗其涸也如雷鳴一夕而渴水溢陪尾山下流為泗水諸泉昔人謂澤中有雷神鼓腹則雷鳴雷神或偶一見豈遂以之名澤如于所云則居人習以為常此其所由得名也紙上據空文不如履境者之得其實東坡石鐘山記則土人所傳猶不如身經目覩者之尤可信按泗水諸泉不時疏濬以濟運河之流又不徒足遊觀也宋兆

李詩云山水比于人秀頑紛異致我聞泉林名未識泉
林異翹首一瞻矚巖崖互虧蔽策馬轉山坳靈匠不自
秘烟嵐勢隱約田疇忽迢遞蒼翠自繁紉石罅水洩池
天井與紅石泉名七十二數與歷下同如人年相契世
事有適然未足發深喟一泉尤奇絕橫出得無畏胡爲
名趵突甘竊歷下字况乃溯其源陪尾水名泗混混無
終極夫子嘗歎逝一經因襲誤不見活水意如人肯效
鰲豈復能出類我有萬古心狂言寫所寄孰能改舊題
一洗山川累

范文正守青州今有臺名范公臺臺側有古槐劉奇菴

卷四

五

咏之起云青州賢太守范公吾師之公昔遊觀處層臺
高不危千秋有故址日月相蔽虧咏古槐有云嗚乎松
圍矮松今已無乃見古槐范公高臺隅矮松不知誰所
植此槐公之手植言非誣公乘雲去幾百載蟲蝕苔封
根株在腹空不使魑魅藏節勁那因風雪改正喻雙寫
是咏孔明廟栢法按范公幼時隨母嫁長山名朱悅其
地至今有祠堂祠側亦有古槐一株老榦輪囷傳云宋
槐公在青州感清泉流出今有井名范公古井寄菴詩
云范公有泉長山麓我昔往遊漱寒玉范公有井齊城
陰我今酌水思公心長山之泉即長白山醴泉題詩甚

多

掖縣龍溪在寒同之陽萬峯秀峙南踰大河里許有趙
氏園出園而東綠柳隨堤丹崖迴抱是爲溪門稍入開
敞漸至臥龍巖東爲落雁灘灘盡雙峯壁立鑄龍溪二
大字積水深碧中涵砥柱石藉橋而渡建注雲閣閣前
天門中斷瀑布雷奔方潭十丈清可見底壁上有龍影
每陰雨鱗甲飛動意欲凌空對閣關洞曰梅岑洞左巖
又關小洞通以仙橋俯視龍潭心神掉慄潭北石壁峭
直鑿孔不容足紆迴投淵底過飛魚峯數武石筍林立
穿崖入危峯下天成雲窟即翠恩洞洞上層巒紅綠婆

卷四

五

娑即散花巖有天耳石稍東石色變爲黃赤石文皆成
鬼面逕轉而南至馬鬣峯兩巖對峙細通一線壁間長
松亭亭直入雲表外屏以五老峯即溪之南門也登玉
臺山遠眺蒼綠萬頃微風乍起清音泠泠然來矣
九仙山在諸城西南蘇東坡云九仙在東武奇秀不減
雁宕作詩云風流王謝古仙真一去空山五百春注云
九仙謂左元放許邁之流濰縣楊石民青藜遊之有詩
云微涼生海嶠選勝入峻嶒巖古風兼雨年深谷變陵
石芝肥野鹿崖蜜割山僧寓目幽情定冥心灑氣凝詩
亦無塵土氣

臨朐治原以歐治子鑄劔於此得名山奇水清叢筠古木氣象幽絕富公作鎮時爲壽光高士劉孟節概築室泉上題詩云先生已歸隱山東人物空范文正文路公皆優禮之孟節篤學好古每憑欄獨立有句云讀書誤我四十年幾回醉把欄杆拍司馬溫公載之詩話迄今爲觴咏勝地吾邑張崑崙山人年譜載遊此賞譙敘景甚詳末云雖主人尙有餘情乎而客子已僊僊乎歸矣語極風韻

吾淄梓潼山有王孝子蘭室孝子名樵字肩望宋咸平中契丹入寇其親爲所掠入沙漠訪之累年無耗乃歸

卷四

卒

持喪刻木爲親葬奘山東立祠奉侍太守李通過訪逾垣遁去其後高弁知州事范諷爲通判相與就見肩望友李冠寄詩云霜臺御史新爲郡棘寺廷評爲下車首謁梓潼王處士教風從此重詩書晚自號贅世翁爲贊書其門曰書生王樵薄命寡志無益於人道號贅世累卵石爲室中有石榻刻銘其上曰生前投軀以虞不備歿後寄魄以備不虞及病自入蘭室閉戶而卒以古劔殉葬所著遊邊集二卷安邊三策說史十篇皆散失淄川僧文幼募資卽其地爲蘭室起祠堂祀樵今蘭室無存祠堂三楹在巒山後名後洞有碑記吾族名勛者遊

之作五古一首不復記按梓潼與巒山相連有康成晒書臺邑令盛秦川百二以家藏鄭康成像與先王父小山公共議立鄭公祠小山公勒像于石會盛公去淄不果

范公泉在青州興龍寺西南有醴泉湧於泮溪中當時文正公蓋一亭刻石記之環泉古木蒙密日光玲瓏珍禽上下至此者似遊物外非人間世也歐陽文忠及張禹初蘇唐卿作篆榜之文忠劉貢父皆有詩刻石騷人幽客往往鳴琴烹茶其間今古迹多湮惟指一井曰范公泉

卷四

卒

聖廟尊嚴非如他廟鋪張靈應休祥之說以動愚民然有可異者蘇州府沙良以歲貢候選都門念得補官近魯地孔林一謁先聖以慰仰止之懷未幾授曲阜縣丞齋三日行禮方跪拜聞金石之聲意謂文廟所奏拜畢登堂寂無人焉時以爲致誠所格御史某爲撰記工部題張氏隱居石門斜日到林邱張爲叔明或作叔卿與李太白隱徂徠山石門自是魯城南雲陽山後改石門註杜詩者引臨邑濟水之石門齊鄭會之石門邵氏謂在兗州平陰縣皆非仇滄柱謂石門泛言不必確指其地亦摸稜語耳

山東通志載馮文毅公溥年七十四乞休劉寄菴謂公年六十卽告歸似未確且爲其園題詩曰偶園按公有園曰亦園未云偶園寄菴官青州親至其園不應有誤曰偶曰亦皆寓聊復爾爾不甚留意云爾公亦園春興云小築城隅柳滿堤綠雲低護草初齊閒消客况花千樹徐聽民謠雨一犁薦牘幾人推薊北捷書昨日奏荆西江湖老去思彌切入目青青意總迷霽色湖光上女牆和風好趁醉爲鄉亂飄柳絮鋪新徑細數桃花過野塘雲以春閒還聚散愁憑酒去故顛狂美人未作驚鴻遠只此烟波望渺茫亦園在都城外有萬柳堂

卷四

奎

紅葉山樓趙秋谷別墅也夏日移居詩云長日生清興幽棲向遠山去人惟恐近無事更圖閑白石知心素黃鸝約往還悠然顧城市便覺不相關南風吹好雨與我忽同來野色一時活嵐光四面開林花爭滬露圓筍乍抽雷誰訪清涼國平分頓遜杯又題因園聽泉榭云池光迴映曲欄平湖水遙穿洞戶行竟日深林響寒雨四時空谷送秋聲主賓談向鏗旬息魚鳥心從寂歷生憶訪仙人閱亭館水精簾檻坐分明書帶館念東先生晚年書室花木葱鬱長松巨竹蒙茸蔽虧先君從先大父讀書其中高氏一老僕年八十矣

幼時爲念東先生持杖履者先生崇禎癸未進士先君去世方二十餘年滄海變遷曠若隔世近若須臾其中包羅人事幾許可慨也

槎河山莊諸城太傅劉文正公統勳曾祖西水公所居也公名必顯官員外郎年少與民避亂山中眾方喧闐忽聞讀書聲迹之則公方於石上攤書朗誦自題亭壁云十年塵夢冷漁磯又向灘頭理釣絲从客乍歸鷗作伴短牆半缺水爲籬月明松影窺窗際夜靜溪聲到枕時獨坐悠悠成大覺挑燈拂壁一題詩子果字毅卿號木齋官江南提學道宰河閒時 聖祖南巡幸畿輔有

卷四

奎

清廉愛民之褒家遂有清愛堂木齋先生長髯大腹磊落個儻天資絕世平時不專力於詩而氣體高華金石鏗鏘論者以爲滄溟流亞子棨號青岑官四川布政卽文正公父也家世清節著聞堂構依然文正繪槎河山莊園題咏甚多紀曉嵐叅政詩云千疊雲嵐四面開原非無地起樓臺如何畫裏萊公宅祇似孤村傍水隈數椽老屋是家貲還自西川宦橐遺指點空庭讀書處清風一榻是吾師曉嵐先生爲文正門下士與文正公朝夕居處而不知山莊由來已久非西川宦橐也喬木世臣表揚祖德以時修補則有之

漢時詩有三家齊魯居其二轅固無傳新城有轅固冢俗訛為牛固外祖家別墅在焉荷蕩三四百畝歲收菱藕之利余幼時游其處見蘆積如山人家多結網婦人孺子皆能駕舟即所謂錦秋湖也湖連博興于欽齊乘載錦秋亭有詩云霜風收綠錦萬頃水雲秋海氣朝成市山光晚對樓舟車通北關圖畫入南洲且食鱸魚美吾盟在白鷗漁洋送兄禮吉歸濟南詩云錦秋湖邊稻花涼錦秋湖下鱸魚香註風景絕似江南鱸魚雖小亦四腮通志亭建博興東南城後移亭于奎山東脊尋廢今建于故址東水中小洲上余自京師還取道博興乘

卷四

瓜皮船橫波而渡蘆葦荷葉夏初方盛所謂舟車通北關當指此新城非所經也轅固果否葬此尚俟確考張歷友錦秋湖竹枝新張蘆席作船篷鏡裏朱顏映水紅湖上漁家三婦豔藕花衫子藕花中百里明霞映水天離波荷葉自田田人來半醉行歸晚紅藕青菱載一船鷓鴣飛盡鷺鷥飛近水人家罷釣歸湖上雨來知不遠蒙頭荷葉薜蘿衣蔚藍天色照波清舟入涼雲更杳冥七尺蘆花三尺水鷓鴣一一立寒汀

微山湖界山東江南烟波渺茫漁舟千百隻往來以船為家來市賣魚每為豪強奪取不敢爭值遇狂飈掀簸

舟相撞擊沉碎可憫不許登岸置田宅習俗相沿日外八月既望天無纖雲波瀾湧處一浪照見一月他時則否此湖中第一奇觀趙秋谷微山湖舟中云舟前湖泮湖上山橫斜湖中何所有千頃秋荷花山雨颯然來風香活無涯移舟青紅端飄若凌綺霞林光村遠近樓影帆交加疑是桃花源參差出人家流覽情所喜避地想更佳何必博望後虛無乘海槎

卷四

歷城鵲山湖久填遂少名人題咏一望禾黍後人幾莫得其髣髴李太白小詩三首略記規模雖人所共讀不可不錄以資掌故初謂鵲山近寧知湖海遙此行殊訪戴自可緩歸橈湖闊數十里湖光搖碧山湖西正有月獨送李膺還水入北湖去舟從南浦回遙看鵲山轉似送人來按題謂從祖即李北海

古鉅淀湖今名清水泊在樂安縣東北四十里接廣縣淄水女水北陽水俱匯于此按水經注淄水合濁水又合長沙水世謂之陽水也陽水東北流石井水注之流出南山頂洞開望若門焉俗謂是山為劈頭山其水北流注井水際廣城東側三面積石高深一丈有餘長津激浪瀑布而下澎聳之音驚川聒谷崩奔之勢壯同洪井北流入陽水寫懸流如畫水有聲樂安即漢之廣饒

水經注陽水東北至廣饒入巨淀所謂湖也女水因齊桓公之女葬地頭山水所出也故名西征記曰水西有桓公冢甚高大墓方七十餘丈高四丈墳圍二十餘丈高七丈餘東山下女水原有桓公祠魏武所立白雲湖在長白山下與吾淄相鄰澄波浩渺蘆葦接天舊時水盛直浸山脚有羣山倒影之奇元遺山詩云長白山前繡江水展放荷花三十里看山水底山更佳一堆蒼烟收不起山從陽邱西來青一灣天上擲下半珠環大明湖上一杯酒昨日繡江倉睫閒蓋自此至濟南遊大明湖也

卷四

矣

南旺湖即大野澤一名水櫃謂蓄水以濟運河也明修元運河發濟東青兗民夫十五萬疏濬河道汶水會沂泗之水漫溢奔騰會通舊蹟開而復壅奉命者司空宋禮憂勞無計河上老人白英建三策以四櫃貯水收驚瀾遏汶勿使西馳築戴村壩河流出南旺兩分其水分向南會徐呂七分入漳衛從此轉運萬艘無阻萬世之利也建分水龍王廟所謂一水分南北千帆自去來本朝雍正四年加封老人為永濟之神廟食勿替顏修來過汶陰禹廟詩有云泰山巖巖作襟帶沈沂洙泗皆朝宗一從分水濟飛輓疏鑿願與淮瀆同南流滔天北

卷四

矣

流竭萬夫始得帆樁通按泰山郡水皆名汶源出萊蕪者至泰安縣合牟汶嬴汶西流又合柴汶又有北汶水注之南至大汶與小汶水合流入兗州凡五汶皆源殊而流合至汶上縣為分水河以濟運河按柴汶水經嶧山湖界山東江南之閒毛海客韓莊開口望嶧山湖云日午天氣清韓莊淡烟水落帆古厓旁遵隄踏芒屨隄外嶧山湖浩淼無涯淡湖波入豐沛芒碭風雲起湯湯呂梁洪直下二百里濤聲互喧騰波光接渺瀰漁舟輕似鳥川樹遠如齊望中嶧山高滴翠若新洗隱隱特生樞疑入蒼烟裏太息李斯碑何年付電燬嵐氣含清輝霞光散文綺暢以山水情悟徹盈虧理流目諧靜綠對景結遐念壓臥蓬窗中低眉最無俚今得舒心顏挹爽袂俗鄙沿洄不忍歸日落尚徙倚柳陰泊釣舟就之買雙鯉烹鮮佐濁醪晚飯柁樓底按大野澤元時已涸南旺特餘流淄川以淄水得名山東淄水有二左傳齊師圍成成人伐齊師之飲馬于淄者在今寧陽縣東北即小汶河其一出泰山萊蕪縣原山或謂一名濁水按水經注淄水受巨淀淀即濁水所注其非濁水明矣今淄河闊三里平時水僅一線夏秋水暴發兩岸不辨牛馬山多櫛葉經霜變色赤如火豔如花遊者忘返吾邑濱于淄者

僅二三里耳原山一名飴山山甚巨自萊蕪拖尾於淄川博山故趙秋谷取以名其詩集

濟水逕金鄉魚臺水經注魚臺魯棠邑有武棠亭城有高臺二丈許其下臨水矢魚於棠卽此地也金鄉數山皆空穴戴延之西征記曰焦氏山北數山有漢司隸校尉魯恭穿山得白地白兔不葬山南鑿地得金故曰金鄉山山形峻峭冢前有石祠石廟四壁皆青石隱起自書契以來忠臣孝子貞婦孔子及弟子七十二人形象象邊皆刻石記之文字分明又有石牀長八尺磨瑩鮮明叫之聲聞遠近後爲人折取又有秦王陵山上二百

卷四

宋

步得冢口塹深十丈兩壁峻峭廣二丈入行七十步得堦門門外左右皆有空可容五六十人謂之白馬空堦門內二丈得外堂外堂之後又得內堂觀者皆執燭而行雖無他雕鏤然治不甚精或云是漢昌邑哀王冢東南有范巨卿冢酈註水經言之甚詳

山左任城東關外有泉相傳李白浣筆處也上有祠堂祀太白及賀監少陵三賢乾隆辛亥沈清齋觀察啓葺而新之土中得詩碣署木蘭山人劉浦題不知何時人其詞曰蘚蝕殘碑枕廢池開元吟客剩荒祠空庭古柏吹風處秋草寒泉落日時誰采澗毛修冷寺我沽村酒

讀遺詩唐宮漢寢無人記獨有才名到處知未幾巡漕

使者希齋琳閣學入都河帥李香林尙書祖餞于祠

中希齋和云太白樓臨杜老池此間合祀有專祠林泉

竟屬先生地風雅剛逢我輩時梁繞驪歌將近酒壁留

鴻爪共題詩他年重過應相訪直與三公作舊知

當年浣筆有清池此日名泉葺舊祠花竹新栽遊賞地

歌筵初徹餞行時標題不亞羲之序重修浣筆泉和希齋作記賡韻

如吟白也詩文水堂前風月好幾人惆悵爲心知漕帥

管公幹云謫仙人去剩空池剔蘚疏泉認古祠宦跡已

沈靈武後筆花猶及盛唐時入門合進臨波酒立石重

摹出土詩拊景漫增興廢感好將觴咏記新知中丞惠

公贊云女牆東處整方池上有雲烟罩古祠偶向寒泉

談舊蹟空餘文藻憶當時低徊不少飛觴飲感慨爭留

過客詩拍檻欲狂呼太白要從曠世結心知進士願

云仙在高樓月在池池光千載抱遺祠幸逢元老重開

宴轉惜先生不並時綠水瀾迴沈彩筆舊碑林立待新

詩吳都狂客今初到未要尋常賀令知轉運阿公林云

謫仙遺蹟賸荒池合祀于今拜古祠蓋世才名猶在耳

新人重聚復何時難尋縹緲神仙路誰補蒼茫客恨詩

愧我毫端塵未浣空憑流水寄心知陳公啓云源分泗

水關方池座列三賢葺舊祠人地廢興原有數主賓今古宛同時新移竹影亭前畫細辨苔痕壁上詩樽酒落成兼送別高情畱與後來知諸詩俱各清妙輯而存之後世想見 聖世昇平公卿風雅矣

錢香樹先生出濟寧立船頭為霜所滑失足入水家人救之得不死笑謂賓客曰吾聞墜水死者必有鬼物憑之倘昨夜遇李白便當把臂去矣明日過李白樓題云昨夜未曾逢李白今朝乘興一登樓樓中人已騎鯨去樓影當空占優游或傳樓為賀知章官任城主簿時為太白築賀監未嘗官任城此附會之說祠中祀三賢有

卷四

手

知章謬也

濟寧唐為濟州有南池杜詩晚涼看洗馬森木亂鳴蟬自此遂為勝地立祠遊客多有題咏錢香樹先生壬申冬孟舟過任城觀察抑堂史君招飲於南池得贈杜文貞遺像卽事一首西風吹歸船著我南池下衰柳無鳴蟬淺水堪洗馬少陵東遊日蓬羽振大雅平生丁詩窮遂不辭軼軻誰知千載後宗祏此尊社風義入人深相感不能捨簿公一何幸竟與同龕坐騷壇歸總持驥尾附香火予昔曾來遊期許亦頗頗遭逢 明聖君出入依青瑣慚無補衰才庶幾拾遺可乞身非懷安腹疾方

成癡故人重憐惜延我寄瀟灑賓從列兒孫自註時大兒汝豐孫端皆在坐任人羨之盤盂雜肴果夜涼復清眺星爛雲氣赭扶藜且別去檣燈燭已灺南池東偏百餘步有樓踞城闈歸然而起者相傳為太白樓云是賀監與謫仙飲酒處也因題一首兼寄 朝右所知季真具慧眼識此謫仙人靈官握手曰遂解金龜紉白也感知己平生重離羣身歿且如此何況相主賓薄遊滯齊魯一笑逢令君登樓遡遠眺意氣凌層雲蹤跡忽散去歸臥鑑湖濱長安鞞鼓動臺沼非榮身遷客走夜郎有肩不得信對酒便相憶能勿愴吾神用李詩意予亦負倫

卷四

主

鑿大雅為扶輪往往辱賞識後先持衡鈞即今以病免所喜主德醇雖無一曲勝而見四海均古今不相及古語信有云溯往悲其過舉孟問星辰其氣勢之縱恣不及顧趙二君要亦昇平雅音

沈椒園先生新建杜文貞公祠以許主簿配江南盛庭堅作詩云浣花遊迹寄南池洗馬鳴蟬感昔時遇主名高三禮賦懷人心折八哀詩鑄同賈島應呼佛繡比平原合買絲玉貌仰瞻如舊識憶曾親拜草堂祠唐張說石泉驛詩目自註於陵陳仲子宅按於陵故城在長山縣西南二十里其詩云長白臨江上於陵入濟

東我行弔遺跡感歎石泉空閻百詩以石泉即孟子之所謂井近是又云江即繡江第江在章邱章懷太子注漢書於陵故城在淄州長山縣南長山屬淄州章邱未嘗屬淄州水經注魚子溝南出長白山抑泉口山即陳仲子隱處抑泉口山既在長白山東其非章邱明甚味詩意宅近長白山山雖臨江而於陵無江長白山東亦無山蓋抑泉口山無能指名長白則羣峯拱峙二而一者也百詩以漁洋長白山志於抑泉口山節去山字爲非然不能別尋抑泉口山

卷四

圭

五十里陪尾山下四源並發寺之左右大泉數十泓潭激徹互相灌輸又云茂樹深越蔽虧曠景詠郭景純詩云林無靜樹川無停流覺夫神超形越猶未足以况爾時矣毛海客詩云我來正值秋風作恍似天山雪花落片片吹上羅衣寒滌盡炎歎坐幽壑又云水光澄碧漾雲影一片琉璃晚逾靜置身如在冰壺中不道仙源在入境

南旺湖蜀山湖本一湖自元開會通河設堤兩道分湖爲二中夾運河此自汶上縣來又泇水泗水流入運河自濟寧泛舟八十里至南陽村自此九十里抵夏鎮中

間運河一線兩堤夾立堤外左嶧山湖右俗呼南陽湖烟波浩渺漁舟千百衝風逐浪或婦轉柁夫撒網以舟爲家左湖產魚鱗黑右湖魚鱗金色尾鬣皆紅味鮮美兩湖相去只隔運河且有水門啓閉不時相通而魚迥不相同亦異矣運河水淺引湖水以濟運水盛則洩之於湖特恐盛則均盛且慮湖水倒灌運爲之阻是又當事者之憂也

卷四

圭

渤注此鄒沛區秋濤卷彭城緬想眉山蘇闢門潛深淵聞夫餓而跣昔市稍可辨破瓦魚鱗鋪鵝鴨穿戶牖嗟呷銜葭葦層軒泛做笥高稼橫輾轉荒祠倚廢寺神鬼氣色枯時至附土梗運謝銷肌膚靈頑槩如此興替理亦罕自夏鎮半屬山東赴南陽云河潰勢莫壅岸谷隄然變阡陌沈浩泔潢汗奪平衍石隄若鼉背鼓盪露一綫長年理篙伺船底防割剝積舟貫街衢振舵偃籬格連邨散星雷悽慘遞隱現屋剝拱軀殼牆撐失扶援對宇借略行牽蘿縛罌甌樹柵立家室葭菼謝風卷隆然覆泥淖聳脊比牛鞞僂僕慎出入苟且具闔扇旨菹遺

蕩滌蘋蘊給廚饌日乞一溢米無土掘藜藿魚蝦故可飽長物之膏骨老幼曝寒日促鄰對瞑眩牛宮坐新婦忍餓哭笄釧辛苦嫁時心榮辱託釵鈿奈何河伯婦暴掠成婉變雀艇來前莊狼狽為弔唁陷溺有同痲飢餓各看面一息知親疎且復相縈縈停船問父老樂郊鼠猶羨利禍偏處此宜獲覆巢譏歎吁勉相答客語計誠善賦命罹險阻去此等窮賤偏災無常禍瘠土有餘戀二詩皆節錄半篇一寫廟中鬼神荒涼而人可知矣一寫新婦憔悴而餘可想矣水災情形不勝書就一二端極力形容全體俱見是史公作傳法

卷四

書

古黃河由冀及兗今德州有黃河崖濟陽有徒駭河自直隸河間等縣入海及河南徙經山東界不及一曲王家營臨河為南北孔道張船山渡此有詩云觀河方信水無情捲土囊沙太平天為中原畱患難人將終古費經營迴瀾倒湧金銀氣急溜橫吹甲馬聲誰放棄流歸巨海長堤空與毒龍爭

水滸傳小說家言不足憑而宋江等實聚於梁山濼一名梁山泊自今觀之山不高大山外一望平陸疑其鋪張太過按其地昔合汶濟之水承大野澤下流與南旺蜀山諸湖相連環山瀾漫數百里金時猶有盜屯聚赤

蓋暉破之獲舟千餘又斜卯阿里破賊船萬餘其聲勢較水滸傳所云加數倍元時黃河南徙大野澤竭此水途涸明崇禎劇賊李青山作亂梁山賊應之其偽元帥為侯嚴化偽副元帥馮文運呂同升青山破東平皆先登為驍賊蓋其初恃水為窟穴無水猶倚山為巢近來雨多猶積潦沃壤宜麥昔王安石講地利東坡謂去梁山泊水可得地加賦安石欣然問計東坡曰再得如梁山泊者貯水則此地出矣誰知當日戲談竟成實事今山上設都司一員彈壓或云此劉貢父語傳聞異辭

卷四

書

鄉園憶舊錄卷五

濟南王培蘅雪嶠輯

秦以六國為山東漢書山東出相山西出將指函谷以東而言蓋以太行山分界概言山東非專指齊魯亦非今所稱山東也然漢書亦有稱齊魯為山東者酷吏傳御史大夫宏曰臣居山東為小吏見甯成為濟南都尉儒林傳伏生教齊魯之間學者由此頗能言尚書山東大師亡不涉尚書以教則齊魯久號山東矣今山東省於唐為河南道蓋唐宋以前大河故道皆由千乘入海東昌武定臨清德州皆屬河北鄆曹濮濟青在河南岸

觀南北分界河之經流故道了然矣稱伏生大師亦奇

周之封國必因其舊晉初封唐以地本唐也康叔封衛以地本衛也封周公魯太公齊想亦如是而書無可考俗有呼為魯山者自博山延連蒙陰沂水等縣互八九百里按其山似胡東樵禹貢錐指所稱原山而人皆呼魯山考乾隆府廳州縣圖志魯山在今蒙陰未知與此為一否又齊始封近萊今萊州招遠縣有齊山又水經注淄水逕臨淄故城南得天齊水口水出南郊山下謂之天齊淵齊蓋由此名按水經注魯山自徐任入山東七百餘里湯伐桀桀奔魯管仲對楚云賜我先君履東至於海西至於河南至於

穆陵北至於無棣說者以為誇大之詞或云賜履所至許其征伐非實封之地皆未詳考也予齊人略知齊地穆陵去今青州僅一百四十餘里無棣今武定正是齊地古河在德州亦齊地以海論去登州之海固遠而渤海去臨淄甚近樂安去府九十里縣境即濱海諸城為齊琅瑯亦濱海學人但見河海等字不知如何闊遠按地考之實非誇張蓋賜履所至如此足為諸侯之長五侯九伯皆得征之若賜履所至方得征則楚在賜履之外甚遠反脣詰管仲將何以對乎

卷五

蒲姑在今博興自昌樂至吾淄一百六十里淄川至歷城二百二十里又西至長清七十里至聊城又一百里皆齊地也計東西五百餘里南至泰安北至武定三百餘里雖其間與諸國不無犬牙相錯即以開方之法計之其遠過百里明甚魯北抵泰安其境視齊較小然以今皇輿表細按之兼有滋陽曲阜泗水汶上新泰單縣費縣鄆城蒙陰等縣此豈可以百里限者漢儒規規以百里計算謂公卿大夫采邑井若干子弟公族井若干除川澤林麓約計共有若干井時文家奉為鐵板之數確不可易豈不拘哉自昔聖王必不紛更多事所封國

地本大者無故豈削之使小地本小者不能取諸彼以與此侯封百里孟子王制大略言之後儒斤斤求合終不相符即如自吾淄北至京都千里無山若以百里封侯徧地皆井矣豈不偏厚又豈能作山澤虛數除之使不足百里漢儒未嘗議及何耶按千乘之國除城郭山林共三百二十六里李漁村先生澄中有齊謳行總括今古可當風土志讀錄之夏禹奠神功負海惟青州九河既疏滄淄濰亦安流登封首東嶽金簡不可求縹緲三神山溟渤恣沉浮臨淄古名郡川陸廣且脩中多俠少年日夕揚清謳關雞南陌上走馬西山頭踟躕何翩翩六博臨高樓鼓瑟

卷五

三

厭騷屑短衣懸吳鉤射獵競剽勇技擊無時休杯酒使意氣拔劍起相仇邱山一諾重排難寧願酬生爲萬夫俊死亦垂千秋爽鳩沒云从季前世亦移龍鍾渭濱叟起爲王者師剖符來營邱英風生華髭山河壯十二形勝古所推陰謀上帝忌往往中葉衰嗟彼大國風興廢良在茲桓公昔鴻舉仲父實相須情忘射鉤隙深謀與之俱魚鹽富海濤什伍聯征徒照耀衣裳會倡義扶天衢北伐凌燕代南討蹈楚都十二國諸侯屏息相奔趨勳庸垂竹帛英名激頑夫授命檻車中何由展良圖道屈才智短時會風雲扶鮑叔伊何人黃金鑄其軀穆陵

自雄風渤海生陽春山川何曠莽三齊多異人田橫恥歸漢魯連不帝秦誰能辨淄澠士前長遂巡雞鳴與狗盜孟嘗爲上賓安知污穢中屠販無俊民豪傑乃虛已駕御有屈伸鄙儒守繩墨詎識達者倫

穆陵關在臨胸東南一百五里踞高峯上古所謂大峴山也魏書大峴以南處處狹隘車不得方軌劉寄奴北伐見慕容氏不知守此大喜遂奪廣固城高念東先生詩云寄奴南來氣如虎隻手席捲青齊上大峴關空戰鼓鳴降王檻車送吳楚廣固今青州家前崖公過此問倭警有句云遼海忽聞傳羽檄穆陵空自擁關河飄零

卷五

四

故國悲王粲搖落中原憶伏波同邑畢瀾堂過此有云沙明不辨東西路雨霽纔分遠近山紅葉有聲愁漸老白雲無恙客應還同一險隘而所遇之時不同詩之悲涼和雅遂徑庭矣詩可以觀於此益信長白山謂之副嶽以雲氣常白故亦名常白有摩訶峯會仙山醴泉寺諸勝跨章邱長山鄒平淄川之境漁洋作長白山錄載之甚詳鄒平長白山醴泉寺即范文正讀書處四山迴環一溪縈帶上有范公祠祠中多前代石刻有嘉靖十三年崧少山人張鯤絕句最佳危閣烟霞出峯巒麋鹿來春泉落西澗聲繞讀書臺山護埋金

窟泉流畫粥廚傳笠衣盃在曾伴老龍圖風畫溪楊色
煙春巖蕙香人言背絕壑纔是上書堂靈刹羣峯合名
祠半日游難逢浮海術易集下山愁鯤河南釣州人山
有巽堂嶺云鄭康成曾居此有曬書臺吾淄舊志載之
巽山山生草葉細而堅紉謂當日以此捆書名書帶草
念東先生辨鄭公不應來此廣輿圖謂在長白者是不
必爭也

書云蒙羽其藝又云殛鯀于羽山四罪分處四夷極遠
之地羽山在魯似非東方極邊乃登州城南有鯀城此
爲極東之地又之朶水出羽山流入縣南未知其源卽

卷五

五

羽淵否蒙山俗呼雲蒙山以山多雲也有洞甚巨洞中
石几石牀石樂器石基人入其中取其物則迷路不得
出安邱曹升六貞吉有蒙山出雲歌新安黃海天下奇
東蒙出雲差似之我來恰當春暮時上巳已過清明遲
萬山一氣無端倪如馬如日不可知絳衣掩映何葳蕤
化爲蒼狗空中馳欲行不行司者誰欲斷欲續微風吹
形容甚妙文登劉培南儲鯤云遙望蒙山雲已冒蒙山
雨雲氣接岱宗雨色暗邾莒觀此呼爲雲蒙不虛山在
今蒙陰縣顯與主東蒙二祀顯與城在今費縣按蒙陰
西北接淄境自割置博山遂隔絕不通念東先生遊人

訪道蒙山云采真名嶽意嫌遲踏雪千山一杖時但助
文心司馬鈍定完塵世尙平癡瓊樓自闢壺中路樵斧
休耽洞口碁他日上清攜手去鶴衣同拂五雲旗

泰山一名天孫自趾至頂四十里博文錄云泰山一名
蓬元高三千丈道經言五嶽靈山一曰廣乘天之東嶽
七十二君封禪地也山下大雨峯巔赤日杲杲峯顛雨
雪山下或無所謂陰晴眾壑殊者見山之大小此則以高
而不同遠望似未加於眾山近仰之則氣象巖巖登之
則諸峯羅列如兒孫始入漸有佳境崖上刻大字曰從
此看山再進又書曰至此始奇再進曰至此愈奇兩山

卷五

六

夾路山上萬松蟠曲葱鬱彌望相接十餘里直至南天
門斗姥宮在道左宮後有亭坐亭啜茗而望山勢嶙峋
峭拔石蒼露骨不見寸土松根皆穴石隙糾結如龍蛇
瀑布自上飛下聲如轟雷泰山至此始露奇秀愈險愈
佳路皆石磴僅可容足旁有鐵鍊以手攀援南天門一
段壁立直上眞所謂前人腳踏後人頂後人望見前人
腳板如畫重累人者唐明皇封禪碑摩崖而書削壁際
天揚者必須高架舊填金泥想見當時御書光采熊熊
歲月旣久元時錯落猶有存者今絕無矣碑文有云朕
惟寶行三德曰慈儉謙又云將多於前功而忘彼後患

其下三尺許為搗碑者冬月熯火銷蝕不全後為葉彬補書碑之右為蘇頌東封頌閩人林焯以忠孝廉節四大字刻其一角書之如黥西施之面

嶽廟在府城內另有城城九門正廟九間無梁魏煥崇隆甬路高丈餘正中一松三人合抱左右二松一寄生梧桐名鳳巢一松古藤纏之藤粗如巨桶連松糾結大于一間屋有巨碑字皆模糊龜趺大幾半畝高幾丈不知何年立也夾路唐松宋柏不勝數

上山過一嶺曰迴馬嶺得平坦路僅三里名快活三里後無坦途矣劉倓至此望西山有詩云西峯迤邐鬱藍

卷五

開空翠沉沉撲面來若遇虎頭應畫我看山人傍一株

槐

泰山有石兀立似碑而無字俗傳始皇沒字碑王弁州辨其非王鍾仙咏之云雲去蒼苔綠風來古樹春荒碑無篆迹山亦解亡秦

朱輝珏舍身崖云萬仞突蒼崖天風吹凜栗石欄未敢憑雲深白日黑玉女山云逶迤行山後山空白日靜垂蘿掩松關雲中一聲磬

楊遺吉桃花湖云北湖窈而阻屢折窮其奧上下忽高深雲嵐依奔峭石路杳無人流泉先我到憶昨臨觴處

爛漫紅霞照再來陵谷非空潭寄萋鳥行行造孤峯獨立一舒嘯

田用之竹林寺云竹林何僻窳招提古絕境鳥鳴林壑幽泉溜雲霞冷雨後更奇絕半天懸寺影環詠亭云眾峯抱孤亭暮戀夕烟颺環詠得佳名披拂恣遊况清音不可作西風起樵唱石屋云四圍峭壁空何來一石屋轉側入黃花名洞古洞藏深竹巒影薄松風翕宇淨寒綠讀詩可知清寂絕塵

卷五

石經峪沿澗石壁作八分書金剛經如拳大深入膚寸似唐宋前石墨丁野鶴先生耀九詩云石腹濯寒溪劃

然青裂帛隨地展方棱高下界玉格黝然無字初勢已成鳥跡方圓有異相圭瑱雜及戟鑽鑿古人心精神動仙釋苔痕潑墨瀟平如布經席靈蛟拳秃尾鐵鷹刷健翻鈎分亂石皴影落寒潭碧呵護有天龍山鬼皆辟易漱齒讀金經冷然竦魂魄

御帳坪北舊有五大夫松郝允哲詩云一息祖龍駕爵名列第九風雨自年年何如上蔡叟五松後人補種蓋不知五大夫為秦爵名非五株松也今之畫松者每列以五為祝頌應未詳考朝陽洞北一松挺立鍾字淳記云有古松亭亭如葆車名處士松蓋欲別之於大夫也

似可不必

盧雅雨嘗邀金陵嚴東有商訂山左詩鈔先生來東窮
極岱嶽之勝由對松山北飛龍翔鳳二嶺登十八盤遇
大風雨至三天門有作左壁如屏右如障爭長東西不
相讓就中一綫露青冥天路云從此間上昂藏七尺付
輿丁曳以長繩挾以纜如蟻旋磨蠖循條頂踵挨排成
一行前瞻淡日方平肩後顧狂飈頓扼吭雲來便作水
烟歎雨急還資電雷壯洪鐘萬斛四山攢強弩千枝一
林放盤中倏變海茫茫盤頂空餘天泱泱此時黍粒渺
單身耳目精神交混漾妄思捧土塞天河不使飛流下

卷五

九

千丈更愁山去化方蓬高掌還應巨靈仗陳祈聊解暫
時嘲詎識山靈已陰相分風特爲掃秀秉孤出天門高
有閤同遊彳亍幾人來引手相看幸無恙遙看傑閣土
摩空會借僊翁赤藤杖拄來長嘯倚危闌一覽斜陽下
空曠唐登封臺在日觀峯西薄暮投宿夜登峯頂觀日
出歸後題詩伏虎門壁清晨盼天門得上已昏黑古殿
閉虛皇神燈黯無色齋心丙夜目不窺倏驚窗紙紅離
離空中似聞海波溢耳畔如有天雞啼矚然走向幡竿
石東望立同樞木直不知咸池去此路幾千但覺海水
羣飛入胸臆初時色滂泱有若新磨銅須臾勢隆起一

綫緣長虹咄哉長虹曷由起復止南巨魚頭北魚尾拂

天誰會義和鞭敲折玻璃萬條紫散成朵朵金芙蓉貼
向滄波吹不起少焉風動蓬山根播蕩溟渤如翻盆就
中團出火一輪計里遠以三千論左歆南離右欲北戒
大象焉藏太空焉繫何龍燭而明何麟鬪而晦胡棄策
而莫追胡揮戈而速退安能御六辨指陽門郵練益曳
緋帟足踏紺鴉背飛上樽桑顛遠引木公袂高拍青童
矚親從黃道詆眞宰一証古今扣槃捫籥之譚言狂歌
未了衝颺起倏見雲來若鵬徙兩翼飛遮萬里光一時
賈育咸披靡東牟道士劉孟容自言三十載居山中曾

卷五

十

經五度見鼉采皆與此夕神光同體礪忽報更籌淺觀
壯如斯志應滿歸來奮筆寫龍蛇惟見兩眼金光不停
閃

齊河縣丞王初桐字于陽嘉定人泰山觀磨崖碑云七
十二君輦道荒云亭蹤跡俱微茫祖龍之碑既無字金
函玉檢疑荒唐開元天子履全盛意氣直欲無軒皇東
封自古稱大典遂令下詔開明堂勒銘大抵示符瑞揮
灑御墨輝天章高文或出燕許手長篇大幅何煌煌當
時海宇本殷富發揚蹈厲窮鋪張八分淋漓六百字穹
崖屹立三丈強芝英鶴頭體製別筆勢鬚酸棗兼中

郎焦山鶴銘鼎銘何足數庶與朱陵洞天响樓銘相方
惜哉天寶末諸楊亂其綱風塵瀕洞一朝起鼙鼓動地
來漁陽珠沉玉碎銅狄燬惟有此刻終古垂琳瑯毋乃
鬼神自有六甲護不然安得風餐雨虐依舊光芒長流
傳完本世間少頗思推拓充行裝他時攜歸向吳會什
龔珍作蕭齋藏奈何梯青躡翠必鉅費而我羞澀垂空
囊聳肩仰面百遍讀口角流沫神揚揚信知岱宗大觀
此第一秦松漢柏皆枯僵

自迴馬嶺過快活三里高老橋一路坡坳及澗忽轉有
水簾洞飛瀑從西北來淨如匹練洞口藏簾中路瀑

卷五

十一

布御帳崖爲勝勢極斗峻飛流迸珠下與龍文石相映
崖上石坪可坐數百人諸水從雲間奔赴朝陽洞中泉
極甘冽石上滴露如懸珠過大龍峪西北兩山壁立中
通一線仰窺天門如鏡是爲十八盤東行新盤俯視羣
山疊錯如綺歷雁刀五老諸峯上臻子崖皆幽折玉皇
廟岱嶽極頂北望羣山萬層扈從星羅棊布若連營若
聚幕或若鳥獸龜龍劍盾矛戟之狀惟孔子厓極空廓
無障蔽可以窮目力所至望海樓踞東巔可望日出仙
人橋當絕澗峭壁橫石若橋由丈人峯下山背逆遷而
東八仙洞在北岩下鳥道一線有茅屋數椽石屋與八

仙洞相連而不相通峭壁圍空率千百仞若神工削成
展若列屏曲若卷蠶松生岩阿間撐雲蔽日上不見天
下松棚如積霧蔀屋亦不見地轉側入黃花蓮花二洞
有泉小蓬萊在東澗清湍迅急岩石若傾下漚爲王母
池深廣可駕小艇明堂泉因地而名小山寬平可里許
中有馳道疑明堂舊基漢明堂在岱左腋投書澗胡安
定投家書不視之處也孫明復著春秋發微於此石介
侍立石猶存西北二丈厓西丈厓由會仙菴過仙人影
瀑布峻若建甌北丈厓如懸修橐噴萬斛真珠奔躍迅
疾似雙龍來會其西北復懸二瀑會於竹林

卷五

十二

陰字碑宋真宗述二祖功德碑在城南北向王欽若文
真宗御書文典雅有清廟氣象書端凝有明堂氣象世
稱雙絕相傳東巖平削欽若欲磨崖紀功與唐八分並
峙已成其額真宗謙讓乃勒碑山下取對越之義
泰山東南麓王母池西有唐岱嶽觀已廢今爲老君堂
前有二碑高八尺許合而束之呼爲鴛鴦碑其字每面
作四五層每層文一篇或二篇皆唐時建醮造像之記
年號有顯慶儀鳳天授萬歲通天長安神龍景龍景雲
開元大歷空處有唐代人題名東側面有詩西側面亦
有詩書非名筆故摩拓者少碑字凡大周年者天作所

地作峯人作至年作垂月作困亦作區日作○皆武后所自製字

顧亭林云嶽頂無字碑世傳爲秦始皇立按秦碑在玉女池上李斯篆書高不過四五尺而銘文并二世詔書咸具不當又立此大碑也考之宋以前亦無此說因取史記反復讀之知爲漢武帝所立也史記秦始皇本紀云上泰山立石封祠祀其下云刻所立石是秦石有文字之證今李斯碑是也封禪書云東上泰山泰山之草木葉未生乃令人上石立之泰山巔上遂東巡海上四月還至奉高上泰山封而不言刻石是漢石無文字之

卷五

十三

證今碑是也後漢書祭祀志亦云上東上泰山乃上石立之泰山巔然則此無字碑明爲漢武帝所立而後之不讀史者誤以爲秦耳又辨州西南二里俗呼蒿里山據史記上禪高里山漢書亦云禪高里無蒿里之名世以長白山爲蕭然山顧亭林據史記云乙卯封泰山明日下陰道丙辰禪泰山下東北趾蕭然山明日即丙辰也本日下山本日行禮必不能遠至長白今州北七十里

里有山碑云古蕭巖山疑即此山
羅聘號兩峰以布衣遊公卿間皆重其畫目能視鬼遊山東有登岱詩二卷湖海詩傳僅載五首惜未見其全

兩峰以畫名遊岱幾遍所至有詩卽每景作圖靈石何立之題云五岳一未到賦志枉高曠束縛塵土中胸臆那能暢雖然志所存每飯未嘗忘有時作夢遊絕景墮惘恍我友羅兩峰形骸得天放云昔遊岱宗三至屐一兩某峰某邱壑經營入心匠示我一卷圖靈怪出紙上我聞五岳中茲山丈人行先王崇祀典所以表厥望巡守惟燔柴豈其事供張如何秦漢君封禪遞相况玉檢與金泥磨崖鏟屏嶂又聞震長男生氣所鼓蕩茲山奠東方實賴爲輔相豈有神憑焉祈禱冀靈貺如何未俗誣忽然名號創立廟走牲帛金碧照閎昌黎昔南遊

卷五

十四

精誠豁羶瘴靈宮趨僂僂杯玳辨俯仰然而窺其深寓言固無妨欲福難爲功一語破誕妄兩峰爲此遊實欲探奇狀沐浴雲霧冷炎天挾纒纒夜半看日出天海一蕩漾吾今題此詩兼以志微尙何當竟脂車夙願勇一償振衣日觀巔洗筆滄溟浪歸出袖中詩與畫較卑亢立之奉 命視山左泉源登岱見岱廟飛來松甚奇咏之云岱廟古松千百章就中一樹尤殊常飛來作號疑失實目睹始識非荒唐老樹挺立十丈彊鱗甲滑碧鬚髯蒼橫枝撐拒若張蓋當晝不漏羲和光忽一枝垂勢若墮欲墮不墮空中翔矯如神龍見尾不見首攫拏霧

雨之而張又如飛鳥欲下轉上聳爪距倒卷秋風長是
一是二莫究詰如塗塗附難參詳想當秦時海上鞭石
走飛空草木俱蒼皇一枝失勢忽落此倔強不共凡材
僵老幹肯學女蘿附廣庇且作幽虬藏遂令奇跡駭人
世異事傳說經千霜靈宮我來媿匆促唐槐漢柏訪未
遑摩挲到此不忍去天風颯颯披襟當何當消暑結跌
坐飽聽濤翠鳴虛廊但愁六丁下取復飛去雷雨忽至
增傍徨

濟寧州州判黃小松所蓄古碑自漢迄元四千餘種能
別真贋妍媸覽泰山作二十四圖立之題云兩峰圖岱

卷五

十五

宗筆力頗雄鷲卷表十尺餘勢欲五岳冒我昔曾題詞
束縛困豪暴至今篋衍藏過眼塵跡掃竭來沛水上持
節跡轉漕江夏夙所欽把臂劇傾倒示我廿四圖岱宗
昔親造每當境絕奇輒以畫自勞節節貌厥神層層抉
其奧軒窗走煙嵐几研溼飛瀑巖巒各競秀松檜森兀
傲我行疏泉源諸峰擬躬蹈山靈尙未識臥游恍已到
天遣豪翰精示我以先尊畫筆本所欣遊展尤夙好嗜
竟熊兼魚喜欲縵絕帽卻念兩峰子年不躋耄耄好手
讓君獨中原樹旗纛餘子走且僵顛仆那敢矜他年兩
圖傳合併比圭瑁

泰山石刻李斯碑止存二十九字存碧霞元君宮乾隆
戊午燬于火搨本甚少黃州倅易某購得一本寄濟東
道孫公淵如洪惟存爲題詩云昔者東海神照見泰山
火惜哉篆法存竟值炙燔過神人嗜古理則同急雨已
下元君宮碑雖不存紙本出光焰尙燭秦封中我聞漢
家重六經丞相半武夫秦人棄詩書當國悉大儒咸陽
門邊呂覽收泰山碑旁斯篆畱一摩巨石衝天上一抱
遺經入黃壤爲陵爲谷倘有年碑石沒地下遺經出人
間經學旣大昌籀法亦可窺人摩一本日觀寫豈數承
相東封碑斯言雖狂由激發且寶斷碑臨萬札君不見

卷五

十六

欲將一字比一星二十八宿應添伐稚存北上取道泰
安登泰山至高老橋日暮爲同伴所挽後復北上泰安
道中作詩造語怪偉茲山互東方鬱勃截生氣虛輪扇
風海空腹入天地其高無端倪一半植空際又云山人
渡海來告我山勢尊波面日出時與山相吐吞遙看不
知山謂是天有根峰棱破空垂倒挂日月輪又云山形
非徒高遠莫測所屆滄溟三萬里石脈透海外又云三
更望茲峰月出石腹內雲容方欲展雷雨已在背明明
神所宅乃復遶陰晦冰柱十丈長驚看石厓戴居然神
斧落厓半亦奔潰回懸搜激電雪月光迸碎

論者皆以泰山自中幹發脉 本朝嘗命大臣由長白山過旅順口察其脉穿海而過自此突起是爲泰山非自中幹也

玉皇祠前有石柱四方色黃石理細高丈許所傳秦皇無字碑也其石非山所有或云中有碑石冒之折而東稍下百步復上百步有石室高如玉皇祠中有驚色石蓋方丈瑩潤可鑑云漢武帝藏金泥玉檢地也所謂白雲起封中卽此玉皇祠南柏樹記云漢武所種千株今十不存一猶有孫枝在耳

濟寧州判黃小松善畫自繪登岱圖四川李墨莊驥元

卷五

七

登泰山亦倩其畫登岱圖復作雨景寫意一幅袁子才首爲題詩繼題者四十餘人其從兄雨村名調元亦題云昔年曾共上峩眉馭氣排空讓爾奇今日又聞登岱岳陰昏陽曉獨君知烟入齊州青未了收入尺圖天下小崔顥題詩在上頭只恐鳳樓亦推倒

泰山麓有廟傾圮鐵像甚偉中爲后像莊嚴宮女宦寺旁列傳爲萬歷太后祠露于風日星月之下無寸茅覆蓋九蓮菩薩生平好佛名古刹多施宮中珍物或藏其畫像見於名流題咏此獨無過而問者蓋遊蹤多不至倉卒偶過亦未遽詳其原委故爾寂寂

孫文定公嘉淦爲都憲奏疏有三習之戒與魏徵十漸疏相似不愧一代名臣游記一篇蒼茫浩瀚幾於囊括大塊錄其登泰山一段云余從泰山之北來午前見背午後見臂至泰安始當其面次早欲上土人云山上有娘娘廟領官票而後得入票銀人二錢曰香稅不得已亦領票二更起貧民男女數千宿止道旁然炬以丐錢教養失而民鮮恥可慨已四更至迴馬領階級愈峻如行壁上雞鳴至玉皇廟謂至頂矣導者笑曰甫半耳既至其上紆迴攀躋見所謂娘娘廟者在秦觀峯下堂上有三銅碑明末大璫所鑄餘無可觀東廡簷下石柱中斷俯視有字拂拭辨之則李斯篆也登秦觀峯乃泰山之巔也舉頭天外俯視寰中登泰山而小天下果不誣也峯巔有殿庭中石巘起意古者金泥玉檢之文皆封於此日觀在東月觀在西高皆與秦觀等古蹟名勝不可徧觀薄暮遂下至松山而少憩回思三觀如在天上次早由泰安趨曲阜曩在山上視秦安城如掌大汶水一線環於城外徂徠若堵躡於汶上出秦安城不見水與山也行五十里見大河廣闊乃汶水也又五十里見崇山巍峩乃徂徠也相去百里而俛視不過數武其高可想矣

卷五

六

說者謂天下山之較太山高且大者甚多而岱獨爲四嶽之長似因山東無他大山不得已特指一山以應者此一隅之見未覩天下形勢之全局也兩界三幹之說仿于僧一行識者已辨兩界爲非至三幹陶雲汀以爲祇兩幹岷山之脈曼衍東南爲南幹其中幹北幹本係一脈從隴西來爲嶠冢經太白至終南始分一支出華潼渡砥柱起太行爲北幹直走醫巫閭入海至高麗南轉浮登萊而結聚于太山一由終南趨商雒爲中幹經南汝光陳至徐州渡河經呂梁下區鄒嶧而亦結聚於太山故終南爲中幹北幹分龍之所而太山爲中幹北

卷五

九

幹合龍之所實首尾一龍其間元氣包括條理精密此中原人物所以極盛而孔孟生於氣聚之處遂以砥柱萬世也此論創而確蓋身行天下徧覽大局而後敢爲開拓萬古之論然則古帝王獨以岱爲四嶽之首豈無故哉又云雲臺山踞東海中其脈來自岱宗故與日觀峯對峙又隔海爲成山島則登萊斗入大海秦漢所祀日主處古寅賓出日之所相望鼎立雲汀身登太山別具眼孔夫他山爭奇鬥勝太山獨渾渾淪淪磅礴如古大臣勳業德望冠世不必以文章材藝動人也世儒皮相烏足以知之

天下名山記繪泰山圖未得其實徒美觀耳泰山志條列諸境甚煩碎詩文一無所載或刪本耶泰山攬勝一書頗刻峭惟吳中湯卿謀傳楹泰山吟最奇崛吾聞岱宗陰陽大治百神所都以錫純嘏仰逼無窮之天俯迷不測之野青鸞白鳳仙人之馬丹崖翠樾仙人之厦滄洲委蛇日月瀟灑白雲紛紛出沒其下神房阿閣窈窕難寫五松大夫蒼鱗爲瓦秦皇漢武拜獻玉笋探策而祈壽命莫假茫茫天孫誰長年者魂魄億千聚如市賈靈衣飄星倚此梧楨鬼氣一吹萬象瘖啞怪物來朝光芒若赭太室芝岡拱揖東夏是爲萬歲山五帝家吾不知古來登此而封禪者七十有二至今無恙耶舉頭惟見日觀壁立生海霞評者以爲似茂陵封禪書又似昌黎南海神廟碑家藏張扶陽詩一紙內有泰山遇雨下山已霽一首亦極博大雄偉之觀岱岳竦震方隆起蒼龍骨山海氣潛通陰陽互蒸鬱振衣凌絕巔觸石雲何密倏忽雨天下羣飛海水疾虛危分已遙元精融爲一齊魯韜其青秦漢封如漆欲賦迷稱引慘澹頻閣筆排雲下九閭奇思猶蟠屈秋風御嶂來泰宇光忽發是本神秀姿青氣濯愈出回首看巖巖天門盪紅日今紙已失夫附錄於此

卷五

二十

吳穀人錫麒題翁覃溪前輩所藏唐泰山摩崖銘拓本
昔聞泰山封禪七十有二代千八百處勒石紛周遭浮
雲倏忽幻蒼狗遺蹟荒遠難爬搔祖龍紀德無德紀直
以沒字欺兒曹開元天子履乾位海內殷富忘飢罄登
封擇吉臨渤海圓壇五丈陳旌旄金雞唱日百靈集天
門咫尺升焄蒿爲民祈福本盛德煌煌玉冊何須韜禮
成鸞鶴亦翔舞清響細夏仙人璈羣臣稽首帝有喜永
垂洪烈齊唐陶大書深刻一千字力挽巨海迴波濤卽
如銘詞典重亦似出燕許不然如椽大筆誰能操謂將
從此悲後患豈意先笑終號咷飛霜殿上豬龍逃延秋

卷五

主

門外鳴弓刀太平不告兵屢告燎柴火換烽煙高青驪
遠去劔南道無復御馬登神皋秦松漢柏亦何有回首
泰山萬里空岬嶠我昨渡河來望遠心魂勞未臨日觀
覩突兀每指雲關思翔翱側聞此碑椎拓洵不易梯空
上似懸藤猿玉堂仙人何年得此本販來美錦誇蒲萄
高凡三丈闊一丈背負那不煩靈鼇縱觀何異筮刮目
八分妙理窮秋毫平生懷古感興廢雲烟過眼增切切
東鷄西鰈亦何取銘功表德徒稱褒中興之頌摩崖早
靈武君王又柘袍按穀人性好溪山流連詩酒甚風雅
游筇所造題咏爲多以雲蒸霞蔚之才若至岱頂觀覽

言境必詳

司馬溫公投壺圖全謝山謂其可以治心可以爲國可
以觀人元至正閒山東廉訪龐兀亦思刺瓦姓言刊于
嶽祠明嘉靖中重刊

泰山有碑云孔子小天下處孟子本喻言乃立碑以實
之與曹交食粟處同爲癡人說夢吳觀謂孔子於此見
吳門白馬顏子謂是白練聖人目力豈能及二千里此
爲燕說無疑特日觀爲真景史記封禪書日觀者雞一
鳴見日始欲出長三丈

卷五

主

盤竹輻入谷中兩山對峙分西東陰崖深闕路詰曲稜
稜石齒交爭鋒泰山於此露真面數里不斷青濛濛翠
陰落地綠雲濛仰視山頂皆長松千株萬株插石隙樹
樹夭矯蟠虬龍托根峭壁隔塵境一氣融結撐高空殘
鱗亂落片片鬣驚濤怒吼蕭蕭風一盤一曲境尤奧峯
連峯斷色轉濃數語極工

唐人有岱觀四詩刻石朱竹垞跋云右唐張嘉貞任要
韋洪公孫皋四詩俱刻于岱岳觀碑側而編岱史者不
錄任韋公孫三人新舊唐書無攷任又題名云貞元十
四年正月十一日立春祭岳遂登太平頂宿其年十二

月立春再來致祭茶宴于茲蓋唐時祭畢猶不用酒故
夏以茶也逢立春則祭似是唐制典禮蓋太山為東嶽
主春今不知猶沿其制否

郝允哲泰山雜咏云入山纔二里見此朱樓林谷雨與

添葉春風為驅禽櫻桃園阮屐探幽寂石磴勞躋攀舉頭

疑無路對面起青山迴馬嶺崎嶇入山徑及茲已卓午小

憩對泉亭白日聞風雨御帳巖濃雲插翠嶂幽鳥啼丹壑

三月山桃花紛紛發紅萼半山亭陟危魂已消眺遠足彌

斂何處是齊州茫茫烟九點天門山古洞俯幽壑遊人未

肯來拄杖一相訪白雲翁不開白雲洞

卷五

五

泰山自迴馬嶺至御帳坪及玉皇頂則極巔矣中間境

不勝搜有未經題咏者自桃源洞至伏虎門多奇花異

草不知名蓋在深澗人跡罕到渡仙鶴菴至艾洞多竹

九龍岡多松大蠟山多丁香趙仁圃相國偕客探奇訪

勝四日方畢作詩百韻歷歷如覩

昔于山頂掘地得匣中玉像刻碧霞元君字途廟祀至

今懸 御書一聯云金臺傳妙訣木德仰坤慈香火最

盛王鳳洲云夜宿山上三鼓啟扉北望若曳匹練自山

趾上至頂又似聚螢數百斛囊中光熠耀不定問之乃

以茲時士女祀元君燈魚貫而上者也山下多旅店專

待進香之人入其宅五花八門院院有戲計其一家出

水之溝七十二客枕積累盈三四間屋鄰省無違弗至

終年不絕順天于振狎進香客詩云鼓淵淵旂揚揚莊

農男婦來燒香風雨櫛纒不辭苦號佛徹夜聲悲涼千

里滿足走百里裹糧糗但願見金身爭先惟恐後旅館

招搖飛市虎權錢橫嚼無人語山頭爭拜碧霞宮一霎

金帛堆尺許農人胡不早旋歸田生荒草誰為治翁娘

衰老泣相向飯無米麥將何炊吾淄高念東先生朝岱

詩云歲云暮矣當豐年香火逐羣禮泰山半夜鳴金催

社侶踏星靡靡霜花斑千聲一佛潮音吼甲馬咸云神

卷五

五

掖走閨中嚴屬戒腥葷梵宇琳宮徧稽首上山竭蹶下

山輕三百青蚨沽一斗歸遺兒女買銅鉗千里秦松猶

在手泰山滿腹誇鄉人鞭聲霹靂天門神掃去一切冠

冕語以恢諧出之妙絕

毛海客登日觀峰觀日出歌云太平頂上夜四更疎星

點點殘月明飄然踏月至日觀昏曉未割風凄清東望

茫茫半天黑燭龍沉臥曜靈匿忽于黯對中微露一線

赤煜煜摩盪兩踰時幻作霞光互炎絕南北萬里紫氣

浮近蒸齊魯遠十洲警爾中間一半火輪起金蛇萬道

搖雙眸長繩牽挽不能上似騰似墜勢搖蕩何人推起

赤玉盤撇波一躍玻璃翻團團不定色鮮媚已有光華
射衣袂峰頂不聞雞喔聲回看下界猶昏晦須臾震耀
凌高空直排溟滓開鴻濛雲君覓師相扈從金支翠旗
彷彿中涯垠到處光熊能俯見城郭雜諸峰是時萬象
俱朗照山之觀亦與世同我聞山頭日出各殊狀小兒
爭辯亦虛妄不知鴻荒到今千萬年幾人來此登高望
吁嗟人生世網羈扣盤捫燭如醯雞今日之觀洵絕奇
雲絮襲我帽嶽色落我衣若非青帝之靈招我至安能
若木窮朝曦眼前好景道不得胸中但覺塵煩滌拍手
大叫山之巔霞車緩整義和鞭願言晞髮扶桑外日日

卷五

五

山頭弄紫烟

吾涵張榆村先生登太山云岱嶽之山何巒岈千峰萬
峰羅當前恆華嵩霍那足數峻嶒突兀撐空天我昔望
見失登陟自時懊惱憐緣慳彈指流光二十載於今始
得窮追攀仰見南天門縹緲有無閒雲遮霧擁侵空際
頗疑超越惟飛仙何年造物啓靈閣銅崖鐵壁勞鐫剜
雷驚山破劃崩豁纔容一線通人寰我來躡雲磴雲磴
何盤盤前行更逆折橫斷得鈎連梯空架危二千丈然
後飛身直上萬仞之層巔雲茫茫兮滅沒風浩浩兮高
寒躊躇四顧中心茫然我聞古者登封七十有二代金

泥玉簡留空山又聞少昊玉女列仙班神房阿閣鎖蒼
烟願言尋之愁無緣但見重巒複嶺互鈎帶蒼然一氣
爭迴旋練挂吳門白日湧海波翻鄒嶧若錐淪培塿黃
河如帶蟠蜿蜒自非造化鍾神秀何由五嶽尊獨專世
人見小不見大如蟻絲塊驚巖巒到絕頂期汗漫始
知浩蕩開心顏逝將結茅屋寄跡臨天關科頭蔭長松
舉手挹飛泉等閒獨立雲霄外笑看日月跳雙丸

卷五

五

合萬里浮雲杖底來大學士王公揆云風定天門懸日
月雨收石角掛虹蜺禮侍張樸園榕端云曉日銅鉦升
海國長河衣帶掛天門江南蔣注云山界魯齊蟠地軸
禪隆秦漢剩仙臺桐城方式濟云雞鳴半夜騰朝日鍾
落層巖響澗風錢塘沈用濟云四嶽共推青帝長一峰
還占丈人尊汪殿撰繹云崢嶸直上疑無路呼吸通天
尚有門皆能狀山景象

朱竹垞泰山銘跋云唐明皇於十三年冬十一月有事
於泰山已丑日南至法駕詣山下御馬以登行升中之
禮天子製紀泰山銘親札勒於山頂之石以十四年九

月景成告成中書令張說撰封壇頌侍中源乾曜撰社
首壇頌禮部尚書蘇頌撰朝覲壇頌趙明誠金石錄目
載泰山銘側有題名今已亡而頌頌授梁昇卿書刊御
製銘右碑銘典雅或是燕許手筆而御書遒勁若怒猊
渴象羈束安閑不比孝經之多肉少骨若唐隸盡如此
何慙漢碑欲摸其文詢諸野老必架緣縋而上然後椎
拓可施又山高多風兼慮日爆紙幅易裂若是其難也
沈秀才撰得此本雖有闕文是百年以前舊搨爰審定
而書其本末於册全謝山云開元祀泰山銘磨崖刻之
前明俗吏以忠孝廉節四大字鑿其上舊文爲所毀者

卷五

七

半予求得范侍郎天一閣所藏本完好無闕豈非百朋
之錫乎又云開元天子隸法泰山第一唐涼國長公主
碑次之石臺孝經又次之

秦始皇登泰山刻石記功李斯篆書二世又使人刻從
臣名石之西面自皇帝臨立起文五行存者三十二字
闕三十字石之北面自大義著明起文三行存者二十
二字闕十四字石之東面首闕一字自經宣達遠近畢
理起文六行存者四十一字闕二十六字石之南面自
刻石不稱始皇帝起文七行存者五十一字闕六字四
面每行皆十一字歐陽公謂其友江鄰幾嘗至泰山視

秦刻石所存僅數十字其本乃鄰幾所遺趙明誠謂真
宗東封兗州守墓本以獻凡四十餘字宋莒公刻石大
觀開汶陽劉跋親至泰山絕頂見碑四面有字乃摹其
文刻石自爲後序謂之泰山秦篆譜明誠復以譜與史
記較之不同者凡十數字董彥遠謂家藏搨本僅五十
一字乃二世詔即歐陽公所謂江鄰幾本趙氏所謂兗
州及宋莒公墓本是也近得劉譜視前加九十三字後
序謂石埋植土中崇四五尺五十一字在南面稍平爲
人摹搨其三面皆殘闕蔽闕跋刮摩垢蝕而字始出蓋
刻文起西面而北而東而南共二十二行其末行制曰

卷五

七

可三字復轉刻西南稜上由是篆文首尾幾於復完董
氏書跋謂二世詔書宜在陰而今在其南始皇之詔乃
在碑西東北三面蓋碑石嘗仆後之人以一面稍完故
樹之南向

陶文毅公雲汀澍云泰山秦碑舊存二十九字嘉慶九
年碧霞宮燬泰安蔣令得之池內今惟存斯字之半及
臣去疾昧死臣請矣臣十字乙亥登碧霞宮見工人拓
此石劉跋謂親以繩椎從事始得完善明吳同春遊泰
山謂與劉跋稍不鈔合劉謂正面七行今止三行其三
面滌洗搨摹字形隱隱莫辨二世本記盡刻始皇所立

石石旁著大臣從者名跋既云四面刻字不應從臣名
盡無也其觀秦二世泰山殘碑拓本詩云秦始建天下
計世不以謚東巡刻石六語皆稱皇帝胡亥實繼之夸
張述志事詔謂金石辭先帝之所製皇帝不稱始無以
別後嗣傳之久遠時盛德知誰自臣斯臣去疾味死上
其議請刻此詔書不辨而自異皇帝制曰可大書用垂
示至今史記文明白辭原備奈何音釋訛頗嘗笑正義
二世詔內不稱始皇之稱應讀平聲此本從何來非辨
正義誤音尺證反遂致文義難通
亦非隸云自玉女池十字出殘熾嗜古南阮翁北湖手
摹植阮芸臺制軍曾摹刻於揚州之北湖我昔上泰山碧霞曾坐憩石聲

卷五

玩

敲楹閒所拓與此類獨怪二世游並海至吳會歸途道
遼東不聞登泰岱况此詔書詞乃刻碑之背石刻已無
存碑陰胡獨在好古宋郊與歐永傳聞非目諦前江鄰
後有吳同所記亦茫味曷來千餘年見者但劉跋果如
瓊椎云四面皆文字大臣從者名何處更位置儒生談
周秦鑿空等兒戲嶧山碑已訛贗鼎恐滋偽不見陳倉
閒石鼓疑猶漬斯也小篆工成能偶一藝作頌恥絜廉
其詞實謬穢饕餮甘讒聊用禦魑魅作詩匪聲之請
以搗史例二世遣人刻石泰山固不親來此可不必疑
岨嶭山在泰山東南四十里亦曰尤嶭多松竹六逸隱

居于此石守道孫復于此讀書漁洋山人詩云徂徠林
壑美復愛竹溪清應有雲霞侶幽居遠世情釣竿想巢
父酒態憶長庚寂莫空山道寥寥千載名當年石守道
卜築亦于斯時際昇平日人傳慶歷詩子孫留伏臘山中
上王村今尚多石氏水石映茅茨直道今誰繼凄然汶水湄博山
超如問執端過此有作萬壘峯巒裏猶存守道祠清風
半山竹遺蹟斷橋碑雲與泰山接泉臨汶水湄逝將棄
塵俗來此構茅茨耿希尹咏竹溪六逸云白也去飄然
巢父不肯住其餘三四人招隱齊相赴徂徠山何深屈
指是歸路山上多松柏山下茂竹樹相傳有竹溪相將

卷五

幸

隱烟霧如何日沈飲無人解其故羣公懷高曠與世本
無忤一室慕天地萬古從朝暮惟縱意所如軒冕復何
慕
詩云岨嶭之松新甫之柏新甫今之宮山漢武曾建宮
于此故名在新泰縣西北西樵先生詩云徂徠既環璋
新甫亦鬱秀蒼蒼百里閒與岱相輻輳柱頰望嶽崑崙
沓森蹴驟朱霞耀晨嶺白雲滂夕岫輾轉無定姿晦明
相蕩激定有靈異棲或是仙人囿漢武此築宮未必方
士謬我行快瞻矚恨不躡巖竇為詠閱宮詩遙集破儒
陋

新甫山九峯如蓮東西重岡複嶺蜿蜒環抱北眺九峯
攢翠連巒半吐如天水蔚藍精華在隱現之間及山麓
諸勝皆歛陟天門忽開異境層巒曲澗百折不窮登蓮
花坪彷彿御帳厓而深險過之有漢五大夫松其上興
雲洞可布几席夏秋雲從洞出滴露如雨水流洞外有
聲白衣觀音兩岩萬丈挿天離奇天矯有天然石屏靡
腫凹凸如乳如鼻如臍如臍如龜龍麟鳳錦疊繡錯不
可名狀而雲溪風隧中怪砂帶石枝脚橫生又復如獺
牙如噬嗑如錐如戟如虹飲澗如鼠巡穴皆棘矜跌宕
作鈞距閃撲之形白雲洞掛斗岩縹緲天半斷橋深壑

卷五

五

不易登陟漢離宮在山之陽秋千石柱猶存雨後或得
遺錮山中有老虎窩麻塔塔壘白雲菴春榜溝諸勝概春
榜溝在山底嵌空玲瓏俯有流泉仰見日月昔有避亂
其中者今如桃源之迷徑矣

徂嶰峯巒嵯峩週迴百二十里由嶰石峪進有廣石瀑
布跨斷山腰殿宇隱松楸之中溪流藏藤葛之下岩阿
逼側逾西溪溯流而北另闢洞天林木葱鬱溪則隨處
導爲魚沼蓮池洑行出山外過溪由山腹趨二聖宮澗
壑嶙峋不通屐齒或壘石表其往來之向跨三嶺而北
下深峪而西出二聖之背如頰脫囊底卽樂貧岩矣溪

間多竹罨以藤蘿外有轉珠山當谷口風迴水停一山
之勝此爲弁冕當是竹溪無疑有元時殘碣剥落不全
大抵記孔子老子講道之言

罄山今名青雲山奇峯雋削翠色可摘倩若芙蓉與華
不注相似有桃塢松林龍門飛泉之勝至觀音坪綠石
徑仄行入山陰洞仰視絕頂四面削削垂鎖以援登者
坂峻塹深俗呼閻王鼻石成一片無斷續接落之痕尤
異他山有碑記云崛起平臯矗立天表旁絕倚麗寄像
傲特形容盡致

卷五

五

達玉皇洞登二嶺抵扇子厓列嶂皆犀利棘矜似欲抗
衡岱嶽故名傲來山陰有洞極澗可容數百人中有一
磴几榻可以避世劉盆子曾踞之俗呼牛王洞洞有巨
蛇不傷人峯下有白龍池懸厓絕壑殆非人境石壁廣
平二十餘丈書曰龍池曰大龍池有宋人題名

靈巖岩谷虛中如瓠盤旋若磨曲道斷澗怪石齒齒度
石梁峰巒若百獸率舞之狀最肖者卧象行獅首尾生
動寺有積鐵傳爲達摩鐵袈裟東北甘露泉佛堂中鑿
地得源砌以文石清瑩徹底飲之冷透肌骨潛行出亭
引爲曲水山多名人筆迹余在長清時去山甚近人云

靈巖之勝在松而山下溪畔櫻桃樹大者合抱約五六
十株亦他處所無然遊者但稱其松毛海客有詩更稱
其石兼及古迹詩云夙聞玉符山峰巒最奇特束縛濟
南城無由理輕策今日冒雨來辛勤越阡陌數里入山
中遙見峰則劣山頭萬千松翠色似欲滴山下數十寺
霞光互相射過橋轉坡陀石徑蒼蘚積盤曲滑難行奮
勇扶蠟屐須臾升其巔一望盪魂魄北帶龍洞雲南接
岱宗脉綿互而嵯峩其狀殆千百或曲如列屏或削如
立壁或轟如劔攢或銳如圭植或龍蛇屈盤或虎兕跳
躑或圍如金墉或排如玉戟或窪爲湖泉或呀爲巖隙

卷五

圭

或森而搏人或怒而自齷種種各天然不煩五丁劈山
頂有佛龕探視深且黑石階尙坦平憩我濟勝客西折
下空亭叢徑無處覓俯窺紺宇旁辟支數層白憶昔後
魏時佛圖此卓錫厥後法定師窮巖益開闢佛法大無
邊安禪顯神力或穿谷空明或卓泉飛激青松或摩頂
袈裟或鐵蝕負經虎自馴引道蛇能識白兔伏虛壇元
鶴斂奇翼至今巖谷閒往往顯異蹟我時下層巒偶向
講臺息言問麗僧了了爲余晰指點六泉名甘露最
清碧一掬心神清俗念俱浣滌無端暝色來雨聲響簷
額栖宿禪房幽一鐙伴清寂夢入華胥中登陟猶歷歷

次日天黎明恣意更遊適屐齒所未經不妨窮其迹言
尋魯般洞木鳶不可卽遂登靈光亭重與山靈覘一片
曉風清鳥聲啼格磔雨歇山更佳青蒼沐新色循至飲
馬溝荒涼滿蘆荻還從舊道行徙倚寺門側細讀開元
碑剝落尙堪剔自從魏唐來締構屢崇飾况經翠輦留
天章煥深刻茲山永不磨茲寺垂無極遊倦休松寮長
歌岸巾幘

卷五

圭

漁洋入蜀神女廟詩云溪水疑環佩春山學畫眉在章
邱望女郎山云靈祠空翠裏瑤瑟碧雲閒更覺高雅東
阿魚山有神女智瓊祠唐王維有詩漁洋題詩編杳空
寂使人意遠其最得意筆也雲車入洛幾時還松桂淒
涼滿舊山歌罷迎神送神曲山青無際水潺湲
魚山卽瓠子歌之吾山陳思王至山下聞梵音愛之歿
後遂葬焉山中有讀書二臺或目之爲愁臺蓋因其不
得志而抑鬱居此也趙秋谷陳思王墓詩云大雅此邱
阿千秋寄恨多名非賓客借才自父兄過雨暗狼戾樹
風生馬頰波靈祠傍神女作賦問如何桐城張若需云
鄴水東流勢已分空餘感激誦遺文五官嬪代羞當璧
七子論才合冠軍白馬詩篇悲逐客驚鴻詞賦比湘君
魚山縹緲畱清梵何處春蕪沒故墳

漁洋詩話云穀城山好青如黛滕縣花開白似銀嘉定李長蘅流芳詩也余最喜之甲子使東粵往返兩過滕縣不見一花賦詩云薛北滕南幾問津遠山如畫黛眉新惟餘底事堪悵悵不見花開白似銀長蘅畫學雲林亦是逸品

吾東多山少水惟邑西長白山周迴四十里下臨澗山灤頗為勝概張實居作竹枝詞云青山綠水遠孤城山是長白水大清驛路東西五十里行人日傍水山行摩訶窈窕翠如屏下有長溪似帶青日射晴波山影動驚看明鏡照娉婷啞婦口西野水生相公山下暮雲橫沙

卷五

五

河北去皆榆柳一帶長堤是舊城西來潔水入湖流湖入清河匯錦秋兩岸漁村烟水裏蘆花楓葉映扁舟醴泉古寺水濼迴傳山場寶誌公開大佛頭從平地出法堂木自井中來山上有誌公碑未二句紀實會仙日有白雲騰雲鎖山腰是雨徵准備春來寒食後滿天風雨看仙鏡仙鏡三月中風雨夜則見亦義肩有玩湖項云會仙山北玩湖頂聖鏡匡廬天鏡之類十里湖光罨畫中石戶頂云南北兩峰中有滴水崖滴水如珠詩云九龍南去逞雙角領下明珠顆顆垂桃花澗云小徑穿深樹臨崖四五家泉聲天半落滿湖濺桃花

鄒平許山灤瀨水匯處烟波浩渺中有墨王亭新城王公洞庭象威別業在焉周侍郎櫟園過之賦詩云獨有墨王亭畔水空明與客憶王郎墨王見陸友仁研北雜志

漁洋遊長白諸詩可作山志書堂道中云山勢圍黃鶴書堂望愈孤行勝逐禪侶荷篠問樵夫鳥道捫參井人烟倏有無入雲鐘梵近失喜一相呼石梁云窈窕度漁梁縈紆一水長臨流多白石列坐復垂楊歷歷禽魚影蕭蕭蘭杜芳雞鳴在何處小鷗出松篁柳菴云溪行路不極溪上出香林一夜前山雨千迴石瀨深空花春煖漠仙梵午沉沉舊識旃檀味還能悅眾心柳菴西方丈

卷五

五

夜坐云踏閣攀林罷閒堵坐夜分木犀春半發真觀定中聞舉首見明月西峰歸片雲徘徊戀清景谿籟遠紛紛于茲仙人祠云我愛寒山好招尋白兔公還過于茲道倚徙古祠空碧水流春潮清接嘯晚風傳聞駕鸞鶴來往月明中長白深處云肅然萬壑深結廬最深處昔暗封禪儀今餘采樵路惟有漢時雲悠悠自來去白石橋尋黛溪遂至摩訶峯下日落山氣涼清流自迴轉窮源不知勞漸忘溪路遠幽石各奔峭修樹亦婉孌遙睇徑難測迴矚途屢變寂歷眾山響蕭條晚風善微徑暮樵出懸崖歸鳥見須臾夕霏收殘陽四山徧新月

忽清揚餘霞自舒卷稍覺葛衣輕幸藉孤筇健平生邱
壑人茲言庶能踐由柳巷踰西山最高頂至醴泉寺拜
范祠清境難久留申旦戒徒御引領前峰抗策辭東
路數武卽嶮峻危蹊少安步願盼見百里雲日媚烟樹
憑高俯澄湖風帆競孤鷺晴旭移峰巔明晦變已屢寒
衣入空翠溪流渺南注樛疎曠遊眺蒼茫失昏曙東山
清風來西澗涼雨度澄潭益蕭瑟游鱗紛散聚前賢跡
已遠山川緬猶故夙昔思古人三歎讀書處
于茲山卽長白山之別峰長白山盡處孤峰見于茲拔
地無餘勢凌空不畱奇傑立劒峰峭側看蓮萼歎其上

卷五

三七

宿巖巖其下遠漣漪靄靄風氣靜淒淒秋色滋對此世
外景照我太古姿徘徊明月下涼風吹桂枝張蕭亭詩
長山李淦秋雅熙長白諸詩鶴伴嶼云蒼山人青冥連
峯回翠微白雲生渺茫云是仙人衣我聞古仙人騎鶴
從此歸靈蹟在千秋此地稱神奇清曉望巖竇微雲正
如絲迴蟠一相結素練飄寒姿高風正初日弄影開林
霏盪摩爲之幻變幻無端倪有時雲氣黃萬里連晴暉
岱岳橫天來秀色何紛披有時獨蒼黑颯然山雨飛陰
霾徧六合盡日無光輝山川有靈氣動與天地隨况茲
神仙宅異蹟應有之我居翠巖上雲松閱雙扉緬懷自

夙昔蓬瀛以爲期終將揮手去永與風塵辭浩然出大
荒躡足凌丹梯免柴張忠定公別墅此地畱仙跡人傳白兔公
至今瞻古貌猶自憶清風洞口秋花碧雲頭夕照紅西
佳樓最好一上思無窮白雲礪司寇兄別墅長白山中好崖
谷翠飛巖高削蒼玉我來結茅臥其下老樹當門一溪
綠吾家康樂眞絕塵夙昔本是青雲人偶然高躅愛幽
獨白雲澗北卜居新野徑紆迴抱丹嶂草閣茅檐勢相
向細雨春花兩蠟屐落日秋風一藤杖相過相對每經
時幽意但有閒雲知青林夜黑兀然坐玉液黃芽流口
脂我無靈藥身轉老欲鍊大還苦不早如君仙骨自天

卷五

三五

生肯使容顏就枯槁何日丹成謝世情雲車風馬來相
迎我乘白鹿君黃鶴共向三山頂上行
嶧山一名郟邑山一名鄒嶧山在嶧縣東南二十里下
臨運河山東江南分界嶧山湖在其閒每早開闢漁舟
千百入湖取漁烟波浩渺帆杆林立登山一望誠巨觀
也嶧山山如累卵洞壑不可窮詰水經注云山東西二
十里高秀獨出積石相臨殆無土壤石閒多孔穴洞達
相通往往有如數閒屋處其俗謂之嶧孔其中可以避
兵又土俗相傳有玉眞仙子步上高崖倏忽不見遺書
一冊人不能讀顏修來考功曾遊作詩甚多錄其一云

岱嶽遺神秀名山倚太虛居人迷洞壑官路隱樵漁劫
火無秦篆仙踪有素書我來恣幽討風雨定何如昔秦
始皇立碑此山相傳焚於野燎故詩及之濟寧州王書
門遊嶧山入洞過石梁遊山頂有云魚貫下曲竇探攀
凌窄路沉入杳晝冥漸出豁天曙巨石忽硤硤夾溪相
抵悟飛梁懸千仞微命爭一度過險悔輕蹈定性却重
怖默默履巉巖遙遙肆指顧感秦失樂石愴紀餘荒墓
寫景親切兼資掌故

朱竹垞登嶧山記節錄之云嶧山上下皆積石閒不容
趾小若拳大若堂房若鬼工所運而驚濤駭獸之突於

卷五

五

前也山遠近草木不植石質粗惡遊者饒姓名於壁未
及百年輒漉漫磨勒不可辨識山徑坳坳無燕憩之所
然升高遠望風檣煙浦出沒百里之外於以覽神禹之
迹笑秦之愚足以增懷感慨豈必林木鬱葱臺館高下
然後為名山也耶按嶧山雖屬嶧實在鄒縣之南嶧縣
戰國時屬楚為蘭陵邑荀卿為縣令即此地與孟子居
近而著書譏切孟子門戶之見自昔然矣

嶧山碑秦相李斯書迹殊為世重故散騎常侍徐公酷
耽玉箸垂五十年時無其比晚節獲嶧山碑摸本師其
筆力自謂得思于天人之際因是廣求已之舊跡焚擿

略盡歐陽公謂嶧山碑與泰山文同而字異按泰山碑
起云皇帝臨立嶧山碑云皇帝立國泰山碑中有云皇
帝躬臨既平天下又云貴賤分明男女體順嶧山碑無
之是未嘗同也歐公未知何據趙雲松翼云嶧山碑有
男女淑誠句王嗣興千字文女慕貞絜本此金薤琳琅
嶧山碑亦無此文不知所見何本長洲沈亮觀嶧山碑
云君不見阿房美人將進酒丞相銀鑰獄門走牽犬逐
兔嗟已矣頌德歌功亦何有鄒嶧之山高崔嵬祖龍嘗
日曾夷來輻涼骨臭已千載片石不共銀鳧灰何人好
古揚此本字勢鬱律騰蛟夔年深破碎同百衲蝸涎鳥

卷五

五

跡蟠陰霾上言臣斯昧死請陛下謨烈義軒儕掃平六
合奠黔首敢勒諸石昭巍巍嗚呼暴秦壞皇極咸陽父
老吞聲泣八百年來玉鏡淪堯碑禹碣無顏色焚籍坑
儒笑爾拙黃石奇書燒不得封建一事尤痛心此道廢
棄今終絕宇宙耿耿兩罪人李也郡縣商阡陌當時公
子無尺土但乞驪山墓殘骨助謀若令分苴茅亦可彎
弧禦豪傑鐵券丹書不復聞磨崖作頌真何益爾不觀
澤中蛇祠中狐草野蠶起稱王多金人十二徒巍巍碑
兮碑兮爾奈何不知在何處見亦未言何處拓本非有
小序不明沈亮號朗亭長洲人男女絜誠
在會稽碑

嶧山之上丞尉皆刻去思碑或謂自始皇爲之作備踵之者愈甚此戲論亦苛論也然爲名山之辱多矣其石備五色鄭板橋咏嶧山云徐州五色土乃在嶧山下凸凹見青黃崩裂墮赤赭偃蹇十里石蓄怒臥牛馬苔斑古銅鑄黑骨積鐵冶若然觸穹蒼千峯構雲屢曲徑回腸盤飛泉震雷瀉古碑斷蟲魚老屋頽壁瓦秋河昏可竭寒星摘盈把悲鳥百羣叫孤鶴萬年算結茅此閒住萬事焚可捨山中古仙人或有騎龍者他書及詩皆記山之形狀獨此細寫其色詳人所略詩筆亦蒼老與平時率易之作不侔

卷五

聖

嶧山在鄒縣土中產美石間有巖穴穿眼不甚宛轉深遂亦有峯巒高下無齒峯勢其質堅礪不容斧鑿色如按藍或似木葉

嶧山秦碑八亡有縣令取舊文勒諸石杜少陵云嶧山之碑野火燎棗木傳刻肥失真在開元之前其翻本或以石或以木矣蓋屋趙嘏得鄭文寶臨本僅存形似無復神情又有一本乃至元開翻刻跋云元祐時縣令張文仲又刻之此又居文寶本之下原文二段後段乃二世詔都元敬謂宜列在石之傍文寶誤錄爲一而至元本所刻跋語以爲皆二世頌始皇語尤爲失考

嶧山孔穴甚多其大者曰妙光峒相傳中有穴與洞庭通有洞亦可迴環至山頂環魯之山不一而玲瓏峭特莫如嶧山山西南二里有村曰故縣卽鄒縣舊治上冠峯巒下屬岩壑稱爲絕勝宋大中祥符初嘗致封號載在祀典詩云保有鳧繹鳧山在鄒縣西南始皇東遊嶧山立碑魏主南侵至嶧山見石刻使人排而仆之漁洋愛蠶尾山以名其集又繪爲圖山在東平州北三十里與臥牛望山聯絡下有小洞庭諸峯環抱最爲勝境查初白題云依然小泊洞庭旁蓋謂此也

卷五

聖

故伯夷太公避紂于此究未指明何地按昌樂有孤山甚高峻傳伯夷避紂于此濰縣東南有太公堂傳太公避紂居此第地志多附會未可盡信昌樂近渤海漢屬北海郡謂居北海之濱可也濰去昌樂僅五十里何遂分北海東海莒州海曲城漢屬琅邪郡傳太公生此是在東海果避紂當歸故里何必至濰濰近北海非東海也

四川孝感泉在德陽爲姜詩婦發沂州孝感泉因王祥臥冰得鯉名泉在王祥墓西相傳臥處盛冬不冰王氏在江左與謝家爲鼎族其初亦尋常百姓家耳

相傳宋淳化中鄭文寶登嶧山求碑不得以徐本摹刻
長安唐封演謂此碑歷代摹揚邑人疲於供命聚薪焚
之歐陽公以嶧山無此疑其非真宋董彥遠書跋謂其
文考于史記多不合而疑傳者之誤明都元敬謂今史
記實無此文傳者未必誤特董氏之自誤耳文寶刻徐
氏本其後翻本頗多世之評者謂長安第一紹興第二
浦江第三應天府學第四青社第五蜀中第六鄒縣第
七

長洲徐龍友夔觀嶧山秦丞相李斯碑云碑在鄒縣治
之右宋元祐間縣令張重摹上石無識其字者予爲書

卷五

聖

一通付胥吏魚膏鑿滅銀鳳飛荒陵火入化寶衣輜輶
骨臭已千載何況金石埋烟霏嶧山之碑野火燎棗木
傳刻形摹肥誰爲伐石矗立此大書深刻高巍巍細觀
似同騎省本相斯刀筆存依稀我來下馬坐其側以指
畫壯窮是非蛟鼉斫斷口難讀無異石鼓駢駢訟庭
清寂了無事二三老吏閒倚扉見我口誦竊相語授以
紙筆立周圍爲書一通導之讀得所未見驚且歎當年
祖龍踞周鼎翦除六國如驅稀井田封建蕩滅盡刻削
仁義爲不襪相斯佐之更新法豔深督責唯刑威東行
郡縣上鄒嶧鑄剡崖石昭日暉丞相臣斯臣去疾咸味

死請無從違其辭直欲邁三五讒諂面諛紫亂緋嗚呼
夏殷周禮至此極千古覆轍堪悲諺方今廟堂慎旌別
登崇俊良絕脂韋淫朋比德豈宜有益不去此玷翠微
請刻幽風之七月使彼長吏朝夕知民依按水經注云
命丞相李斯以大篆勒銘山嶺命曰書門

勞山之勝未易窮究綿連濱海諸縣各誇勝概皆就所
見而言北地所少者水與竹耳此山多瀑布懸流溪水
迴轉後面山腳直插入海登高邱而望遠海此地爲宜
竹則被山彌谷道人歲時斬伐作爲器具販鬻四方而
青青者如故也最奇者山茶北方植益益爲雅觀此閒

卷五

聖

高大與他樹等大雪飄洒花正盛開大如茶盞紅如火
齊雪蒙其上層層紅白相閒王秋水言之甚詳但未知
其在何寺何地葉落深澗厚積丈餘或有氣騰上撥視
有人跌坐不語江西臨江劉樂山克均爲蓬萊令遊之
見二老人一百餘歲一二百餘歲馬子琴遊至一寺聞
腥臭異常問之云有巨蛇相如甕自山穴下飲于海
中龜大如三閒屋昂首與鬥噴水數丈卒啗蛇以斃種
種未易殫述
漁洋贈勞山隱者云何許藏名地秦山海上深半夜白
日出風雨蒼龍吟靜侶行道處不聞樵採音清冷魚山

梵寂莫成連琴曉就諸天食暝棲蒼林因知安居法
一契無生心我亦山中客悠悠悔陸沉劉直齋源深登
勞山絕頂望海云小駐人閒七十秋滄桑幾度不關愁
到來咫尺蓬瀛路萬里滄波一葉舟

勞山因始皇東遊望海求仙興役動眾民苦其勞故曰
勞山後人或加山傍濰縣韓理堂夢周云山左奧邑莫
勝於二嶗二嶗峙踞東海紆盤幾千里跨越即墨膠西
之域峰巒崇峻登之望海外諸國彷彿可指數古諺泰
山自言高不及東海嶗其負絕可知山中羽室禪窟多
至百餘所概舉勝地至幽閑曠逸人跡所不經日月之

卷五

聖

所照臨雨露之所沾濡蘊靈含朴鬱爲奇珍有不可以
耳目尋常測識者蓋天地清明醇固之氣所鍾宜然也
山勢蜿蜒北走突然孑立下瞰滄溟爲大珠小珠乃二
嶗支峯輪鬱磅礴結聚於此高南阜鳳翰遊大珠山石
門寺云我屋城南村遙與珠山對攜書臥北窗時見浮
空翠不知何峯雲中隱石門寺吟望結十年今始得一
至下馬攬古藤仄徑披荒荔玉泉壓奇峯蹲獅如作勢
玉泉在寺外石門下象石畱遺題古苔剔綠字石上有
獅子峯在對岸東北先生題臥象二字鐘靈不以鳴象物妙得意無竟先
大徑尺八分絕蒼古鐘靈不以鳴象物妙得意無竟先
瀨石爲鐘峯詩甚入寺見殘僧寺外僧建畱客殊解
佳上句即用其語德近始葺之

事餉我老瓦盆頗不爲拘忌拂薜坐殘碑滄桑動遙思
把酒懷古濃山風吹成醉振衣臨崇岡日眩夕陽碎迴
望向所居青濛但一氣

即墨張扶揚云九水出勞山玉龍口山外觀之與眾壑
無殊入大勞水忽變黛色百尺見底澗道一髮隨山九
折每折則兩岸巖岫必蓄奇氣環瑋恢詭驚猶鬼神路
窮壑轉豁然改觀遊人至此心棲太古不復念世事蓋
二勞靈輿之氣於是焉萃矣甲午五月四日余適紫霞
山莊訪楊西溟兄弟五日黎明同遊至七水小憩何氏
園時日未西徜徉而返約秋杪再窮八九水之勝即探

卷五

聖

原玉龍口不惟遊事惡率抑亦名山蘊輿不欲一朝盡
之也爰賦詩紀其所已遊者大壑東南來隨山爲九折
澗道匹練通甸甸泉聲咽遙睇憚幽遠深造愜研悅一
水始窠落遂逾神仙窟回看西南峯密筍橫天茁初謂
美在前妙相迺側出我生有良晤先期每相失二水橫
石牀三面爲水嚙其南覆懸崖巨靈斧之裂此窟鑿何
年混沌氣應洩涼風生奧窔五月寒侵骨是有龍蛇氣
鬼神或出沒自非抱雄襟對茲翻股栗東探垂裳巖五
色草衰蔽龍火耀澄潭三水榮光發穆穆位古皇鏡中
巖對越又東指天梯兩峯束如闥左闥旋螺文其右蜂

房豁入闔日正中天光動石室四水豈凡境山史何無
述前人記九水獨略顯晦各有時幽光从始達南東尋五水
 探奇接再厲五水不自奇眾峯遙拱列如彼古崎人局
 外用俊傑第能利生民何必彰功伐山色若留人欲去
 還復歇從此造平淡精華意或竭援引又數武僕夫忽
 吐舌奇鬼關雲中猛獸昂天末怪峯若飛來盪我雙瞳
 潤六水氣崢嶸地靈竦處落緜連七水餘勇猶吻咽提
 前五水論神采獨雄烈山川蘊奇賞或為我輩設奧區
 神者守一朝勿盡抉遙拱先古洞遲我於九月洞在勞
 山玉笙巖之絕頂東出平确數丈如人舒左臂臂上方

卷五

七

巖湧出望之若樓閣然星精墮龍角海氣蒸龍背鍾此
 妙高姿亭亭倚霞外樓豈彈指現華嚴誰與配白帝舒
 仙掌如彼寵從未二勞與三峯空外遙相對長風萬里
 來蒼茫通靈氣瑤臺古誰升悵望發遐思儻聞騎鶴人
 摘華遺塵世道士為余言昔有癡道人劉姓者一
日恍惚騎鶴而上雲中墮桃花一枝
 之眾山在福山東北三十里新城耿希尹夜至之眾東
 南島待日出有詩云之眾奇袤十餘里環以碧海居中
 峙半夜潮聲枕上來披衣遙聽時坐起見說東南有高
 臺岸邊浪湧驚奔雷此時金烏尚未出遠山隱隱空崔
 魏江上宜人是月色海上有月祇深黑水闊雲寒星亦

稀蛟龍無聲為誰匿須臾雞聲已五唱劃然一氣開蒙
 幘扶桑萬里湧紅輪欲起不起光滉漾彩霞散作五色
 飛一霎雲海幻萬狀海上天無三日晴今晨天氣何清
 明應是滇南仙人至風伯早驅浮雲行意興浩浩是快
 遊匆遽未能信宿留即此奇景已足驚創見何必重重
 觀海市與蜃樓

始皇二十八年登之眾刻石所存僅二十字蓋二世詔
 也歐陽公謂與泰山嶧山文同而字畫皆異惟以泰山
 為真吾子行讓周秦石刻音釋亦謂其與琅邪石文皆
 不類秦刻而不錄董氏書跋謂嶧山刻字與泰山似異

卷五

八

疑古人於書形類不一則此有不當疑者竊謂董氏之
 論是也古人尊彝彝字千變萬化繁簡不同又見阮芸
 臺先生刻商周秦漢金器篆文不徒摹其形狀並其肥
 瘦長短意態神情無不逼肖種種不一知古人篆學一
 如後世鍾王儲虞各有門徑絕不相襲秦二世令人刻
 其詔書奉命者必非一人安能使之如出一手前人疑
 之過矣始皇命刻大篆於
嶧山故不同他處
 琅邪山在諸城東南一百五十里其山三面皆海始皇
 二十六年滅齊遂登琅邪作層臺于其上孤立特顯出
 於眾山上下周二十里餘傍濱巨海臺基三層層高二

丈上平敞方二百餘步高五里上有深淵人汚之則竭
齊潔則通神明史記秦始皇二十八年東行登琅邪樂
之雷三月作琅邪臺立石頌德按山海經琅邪臺在渤
海之閒故琅邪山亦曰琅邪臺趙明誠謂其頌詩已亡
所存惟從臣姓名及二世詔書然亦殘闕密州守嘗摹
刻于石金薤琳琅云家藏宋莒公刻本僅十有七字皆
頌詩中語與密本不同則前此頌未嘗亡也金薤琳琅
亦未載從臣姓名秦臺在濱州高八丈始皇築余里居
時有秦臺懷古詩略紀人名詩中不能全錄也忘爲何
書所載一時諸從臣姓名想同附詩于此秦皇并六合

卷五

罕九

至今無片土獨留此高臺蒼茫孰爲主當年萬乘來意
氣雄如虎強暴且學仙願與安期伍列侯與倫侯林縮
斯共輔扈從翼祖龍橫視無千古龍驪駕橋梁蓬萊終
無睹烟雲幾變滅海濤怒吞吐何不予神丹疏瀹彼靈
府翻然悔前非治化慕鄒魯怪哉鎬池君投璧遽還汝
遺址徒嗟峨綠蘚滋秋雨迴望魯連臺一杯沒沙浦布
衣振高風乃令人起舞

高南阜琅邪臺看日出云燭龍睡覺東天東銜燭下照
天爲紅倏忽欲鑿混沌死陽精一線開鴻濛初疑火雲
翻地軸祝融躡躡龍鼉宮丹砂流鼎金谿冶珊瑚萬樹

撐青銅欲出未出勢鬱怒乾坤簸盪愁蒼穹百靈羣趨
不敢定匯波惶惑奔魚龍須臾噴湧忽離水流光麓簌
垂芙蓉道士謬指蓮花座下有推挽煩神工一語欲辯
未吐口瞥眼意又騰雲中漸看島嶼縈毛髮金鏡下射
紛玲瓏此時我立絕頂上盪胸萬里生長虹尋常看日
如井底窗影但驚圓瞳瞳乃知人生著眼須高處掃除
障礙眼始空

卷五

罕

三山島在掖縣北封禪書祀三山之所濰縣朱若賓於
此觀海云海大大于不見中混茫一氣太虛同波春地
脊山根朽色截天光日馭窮粒粒漁舟看已沒鱗鱗浪
齒到來空乾坤自古怡情處欲問蓬萊東又東毛海客
大瀛登蓬萊閣望海詩云高閣凌削劣浮雲互蓬萊一
望入窮髮沙鳥衝波回青銅盪元氣碧水空纖埃神測
不可卽鬱島重陰開遙遙之采山疑入蒼烟堆渺渺日
主祠陳迹何有哉我吟東坡句東坡過萊州有聊泛北
海杯何能乘羽躡翩然歸去來趙士亮詩云東望蓬萊
近十年思一遊今知滄海大始信九州浮赤日波中浴
青山水上流荒城朝夕苦晝夜打城頭

觀海以蓬萊閣爲勝登州城臨海水城在遼海南雉堞
盤空立城東北缺起水門吞吐魚龍酒堤魚棹視潮汎

低昂登閣則雲烟天水混茫一氣趙秋谷登蓬萊閣望
諸島歌君不見不周崩摧地維裂東南海濺共工血干
山萬山皆平沉鼉撐無力海水深女媧揀石煉天色餘
塊纍纍向空擲落處蓬萊淺且清看當霜雪寒逾碧長
山西接沙門長巖磯北去凌蒼蒼牽牛滅沒見尻臂大
竹小竹爭頡頏或如星槎墮河漢或如古鼎騰光芒魚
鼉戢戢盡昂首雲霞歷歷森成行餘者瑣細不足數鷗
浮鷺立參微茫雄觀何年付高閣丹邱縣圃簷間落雲
臥分明見鳳麟天飛真擬鸞鶴驚風颯颯碣石來銀
濤連山中劃開漂搖島嶼相摩戛激盪海底生轟雷登

卷五

五

高望遠心易哀黃昏白日須臾催半城烟火下山路身
是仙人被放廻

王初桐登蓬萊閣觀海風浪大作蓬萊之山不可到蓬
萊閣中好登眺閣前海闊天茫茫萬里長風來遠嶠大
海小海浮杯中珠宮貝闕吟魚龍新羅朝鮮只咫尺豆
帆一霎成艖艖我思釣鼉樽桑渚白浪連山迷去所白
氣蒸為駭岸雲浪花灑作晴天雨須臾風止煙霏霏青
銅一鏡磨斜暉劃然長嘯驚鷗鷺羣向田橫島上飛秋
谷大風登天鏡亭觀湖有云波騰銀屋翻沫吼白雨亂
萬靈助呼吸百怪互隱見與此同一奇境

之翠島上有墓包紮如新俗稱康王墳按陳氏纂齊以
海上一城為康公終老此其葬地也元時有初用之名
才者春秋以杯酒奠之亦可悲矣

萊州海神廟甚宏厥每歲四月初八日會期商賈雲
集歷代碑碣林立約百餘通廟臨海踞高阜後有望海
亭登眺則天海一色盡目力不知所極誠巨觀也元徐
容齋題廟一詩魁偉雄傑非此不足以稱詩云龍宮高
拱六鼉頭一合乾坤日夜浮貝殿走珠蛟構室戟門烘
霧蜃噴樓中原右顧真孤島外域東漸更九州咫尺琛
航倭滅近好將風浪戒陽侯

卷五

五

登州海崖林中有鵲能自高麗一飛度海名海東青唐
呼決雲兒元時甚重之 本朝王西樵有高麗貢鷹歌
甚長不具錄所貢即此也

虎頭崖臨海怪石錯互西樵先生有詩節錄數語虎頭
之崖渤海隅共言奇絕天下無到來拄杖沙壩側周顧
果爾形模殊橫堆數拳紫鞋鞞斜迸十丈黃珊瑚更有
怒貌如雷勢欲突碧者翡翠蒼鷗鴟宛如楊氏五花隊
紛紛奇錯巖且都又如夫差黃池陣如火如墨還如茶
側聞羸皇鞭石渡海水秦橋如指通瀛壺如何此石偃
蹇龍宮鮫室側咫尺不受神人驅

觀海觀潮昔人多有詩阮芸臺為學使按登州聽海濤
 聲作詩為前人屐齒所未經也詩云海雨濕土春初晴
 凝雲自北趨南行風來渤海暮轉急吹落萬派驚濤聲
 初疑驅車來遠道輪雷欲動遲而輕後如閉閣伏虛枕
 檐前凍雨千條傾或是汝南馬旋磨不則試院茶煎鎗
 相視不語共欬耳出戶仰首巡南榮天空晝靜日將落
 頗有鹵氣來山城城頭雉列屋鱗次其中直作波浪鳴
 丹崖田成近三里長流迴洑聞縱橫日行北陸海底暖
 潛陽蒸起蛟龍鯨謹聲騰沸島嶼振夕沙淘汰沙石清
 洋洋一洗耳底淨心體虛豁無凡情人生不俗即仙骨
 豈有大藥真長生更待夏仲望岱嶽遠收青色歸雙睛
 奇情至此歎觀止或令聾噴開聰明

卷五

五

毛海客海上觀日出歌云銀雲櫛櫛飛蓬瀛天東遙作
 玻璃聲是時海水忽湧沸赤波萬里搖光晶耀然扶桑
 枝上羲和推日出天跳地踔浮滄溟火輪一半欲上不
 即上恍疑其下牽長繩須臾團團破空起巖垠遍照輝
 陽城流金鑠石不可以逼視赫赫空際懸銅鉦以霞為
 車虹作鞠旋從四極催郵程噫嘻乎奇哉我不知自東
 而西幾千萬萬里一線直射虞淵明又不知自下而上
 幾千萬萬丈一躍直向高天升通首雄奇不具錄

漁洋生長海邦西樵官于萊州漁洋往省蠡勺亭觀海
 云登高邱而望遠海坐見萬里之波濤長天寥廓雲景
 異春陰偃蹇魚龍高怒潮乘風立千丈虎蛟水兕紛騰
 逃羣靈潛結萬蜃氣一痕未沒三山板須臾勢盡潮亦
 止波淡天清靜如綺菱苔沉綠紛塘坳螺蚌搖光散沙
 洶參差島嶼羅殊域紛如星宿秋天裏擊我劍聽君歌
 有酒不飲當奈何日主祠前水蕭瑟仙人臺上雲嵯峨
 羨門高誓不可見秦皇漢武空經過祇今指顧傷懷抱
 黃腫甃餅盡荒草人生快意無幾時明鏡朱顏豈長好
 吾將避世女姑山不然垂釣蜉蝣島送邵子湘之登州

卷五

五

云我聞大九州香海環其外裊海內絡之萬川勢交匯
 禹貢周職方中央浮芥蒂鄒衍不可作疇與辨茫昧昔
 者始皇帝東巡極海岱海神駕橋梁大魚射澎湃號為
 秦東門刻石表胸界三山在水下其事頗奇怪邵生列
 仙儒遠遊信所屆遙飛阜鄉鳥往撫天吳背龍躡陵丹
 嵯九點烟凝黛嶄絕日主祠夔與之架對日月影動搖
 島嶼光破碎朝潮激天輪夕汐裂地肺巨鯨若連山奮
 鬣雲晝晦時見新羅船墨點空青內廣乘渺何所歸墟
 誰負戴木張悉文雄髯才更十倍歸來述滄溟始信九
 州大

張侗云綠水門拾級而上北折穿女牆東有庵曰海潮
海潮輦雪來赴水門不納迴激遊者衣衫盡溼折級而
上得白雲海藏再上得閣二百尺熊熊天半雲亂霞忙
疑蜃噓氣而成撫欄北望見竹山沙巖諸島偃蹇如老
僧揭衣波上逐客眺望東西天水相涵日月出沒閣之
後為丹崖拔浪千尋崖之左二里為彈子窩右數武為
乳竇石之右半里至蹙澗彈子窩出石海水汨沒衝擊
小石圓潤可愛東坡攜取謂袖中有東海也
趙秋谷始見海云洗眼看雲海前期未參差心目忽一
豁神情况四馳大地直前赴高天歛下垂顛波從東來

卷五

五

神山競西移斜日萬里碧寒風十月吹半生在陷井跬
步臨津涯蠶測亦云妄桴泛將安歸元虛倘可作詞賦
猶能追泛海言懷忽登萬斛舟如躡長鯨背奇身入無
涯曠覽乾坤態潮動風色適棹急雲光碎潛隨元氣遊
迴出人境外千山相簸蕩六合欲橫潰頓覺喪吾我何
知齊小大幼安漂泊久謝傅襟情在誰發小海謳迴颿
引雄槩

坡仙祠云五日登州守千秋海市詩蛟龍畱勝跡雨雪
滿荒祠才覺乾坤盡名將日月垂丹青餘想像漂泊識
鬚眉島翠堆虛牖檐絲霄斷碑仙靈幾延竚山鬼強攀

追黯淡蒼苔氣凋殘碧樹枝壽陵歸國步鄰舍捧心姿
徧選丹厓字誰為黃絹詞寒山公獨在坐臥我於斯酒
酌滄波遠吟耽夕照運方平有雲駕肯負執鞭期

登州水城原名備倭城秋谷登州雜詩云城作連環帶

嶺斜女牆三面水仙家祗緣南去人間近放盡雲山未

得遮萬松誰見俯滄流往跡銷沉不可求聽徹清鐘海

生日更無人倚望仙樓萬松堂見坡詩基址莫考望仙樓今為鐘樓朱榜雕

牆擁達官篇章雖在姓名殘有人齒冷君知否靜治堂

中李易安丹厓石刻姓名多毀靜治堂趙明誠守郡時故額獅洞雲臺虛瓦石

日樓風館總凋零要看烟月清真處只有宣城海鏡亭

卷五

五

亭為宣城施愚山天橋潮滿進船多夜傍紅樓燐火過

侍講所名有題記小海舟人曉相語當年脂水漲鯨波小海在水城內勝國時夾岸歌樓最

稱繁艷今為愛金沙出郭看一洲冰段葉聲乾不須苦

閒有址存城西有金沙泉瀆以種蓮名君子洲

憶花時節君子由來有歲寒山東登州海市大抵春秋雨霽偶一得之四川丹陵彭

仲尹來登州見而紀之奇詭可喜記云五月十一日余

至登州僧言觀海市者先明諸島狀天薄雲東北微風

霧氣敷於島脚正其時也無甚奇異本地方官民或數

年不遇尚有至老未見者亦似有緣焉余惘然久之次

日登蓬萊閣僧厯指諸島名就晚潔齋十三日晨起效

東坡禱海神已刻泛舟彈子窩探仙人洞甫登岸舟子
云沙門島市矣島後高前低低處現一塔一杆從頂出
杆頭斜掛一旛隨風舞曳高處化爲墩上平下方四稜
如削俄而塔變爲葫蘆象杆化而爲人東張西顧往復
數次倏又非塔非人頂上橫出一樑直接墩忽一落樑
在中又一落在下頃之墩塔融成一片中開一門門正
中一柱左右二綺窗旋方旋圓玲瓏透徹如初日照耀
隨又化爲蓮花座一尊者趺坐其上高觸半空頭戴棕
笠耳肩項膝儼然寺中莊嚴小竹島之市也初見一城
一衣白人奔走堦上疾若飄風顧盼閒化爲八角亭子

卷五

五

周遭摺柱約數十水光中澈直達外洋一簾垂西北二
柱中扁額對聯隱隱旋又化爲玉尺岸岸後張一口類
獅子口中連吐三毬岸前化爲屏高可七八丈闊二三
丈許就中湧出大殿一座靜穆雄渾極似皇家宮闈殿
前豎二梳屏後突架一棚若陳席三人周旋其間而大
殿脊上忽疊起小殿一重一如大殿式架又化而爲門
門又化而爲窗方圓閃倏如沙門島高山島極遠遙見
大旗爛漫懸繞碧空一樓臺雄峙其後三面開厥有人
於中作歌舞狀回顧長山島以西諸小島各擁一帽如
覆盆俄頃連爲一氣中閃一洞漸開漸闊上化爲長橋

可數里橫跨海面大竹島化爲城尾拖一吻如象鼻忽
從島脊割然中開水天一色奇幻不及諸島自己中起
歷午未二刻方散種種變態真絕世奇觀覺江隣幾雜
志與平日人言均未窮其奧妙東坡詩序以爲近於南
海蜃樓如此大神通豈蜃氣所能吐納又有云即海上
城池人物臺閣旌旗等狀毋論一無相肖且如此何能
變化之有余意以爲滄溟萬里島嶼幽深或有仙家出
沒蕩搖浮世不則神龍騰變難方物耳前史漢所載三
神山蓬萊方丈瀛洲望之如雲未能至者恐亦即此而
當年無海市之名方士徐福樂大輩誤見爲真以此誑

卷五

五

或秦皇漢武總未可知云八月望二日自蓬萊辛店早
行殘星在天月色尙白忽見東南青黑氣屏擋如障東
側五峯攢峙若掌接南微凹處突起一岡橫亘數十里
私憶山也俄五峰結爲浮圖頂圓中狹拍馬高處望之
東又一物孤根矗空似雪似石穿折透漏大可十餘圍
類圓中石筍而岡起處傑閣摩天飛簷殿楔氣象直欲
吞日緊與浮圖對其下沃野中開阡陌橫袤青黃繡錯
垂柳夾道四極竹樹朦朧茅屋土垣隱露人家半面儼
望蜀中橙林籠竹風物去馬首纔數武耳正面一帶迴
風走嶺蜿蜒一氣與岡接其上樓臺殿宇重疊四層三

層至一二層者星羅棋布巖際陰翳中小亭若方若圓
若八角半面者又若傾欹欲墜者難更僕數嶺樹或一
枝獨秀或眾木扶踈或拳曲若傘旁見於斷岸絕壁閒
與樓臺各為分布下面榆楊棗柿等樹層層掩翳就中
皆有透折白道達於嶺始而日出丈餘似輕烟細雨中
遙望山莊村舍漸而日高三丈又若春雪初霽綠白紫
青遠近一色如畫小亭不及日旭者愈覺元遠可眺類
觀海市微不似者變化超忽之態耳馬行三十餘里天
涯始露萬山低脫而此境懸於碧落閒至午方散始知
一片雲氣結成也僕夫土人為余言秋雲為日所蒸往

卷五

李

往有此昔年見人物旗幟等項不足異也余曰爾知山
市乎僕夫云山市春日有之猶海市夏見不聞在秋也
栖霞志山市當春日晴和時語似有據因憶史漢云雲
物之出各象山川之形而東牟一路山盡窮石絕少琳
宮峻宇亦無深林大麓此又事之不可解也姑綴之俟
博覽者一証

登州海市古今奇觀東坡冬日禱于海神而海市現作
詩無不豔稱有云率然有請不我拒信我人阨非天窮
趙秋谷在登州雪晴得見海市喜甚作詩有云歲序閉
冰雪魚龍走顛僵非時出瑰麗此遇超尋常當年蘇夫

子雄詞自炫驚海王慙予本凡才未敢縱筆相頡頏不
請亦得觀失喜欲發狂巨川細流兩無拒信知大海真
難量楊通俊蓬萊閣觀海市有云孟夏陽德壯鬱勃地
軸裂照射龍鼉宮倒影突上徹英蕤卉木姿葩萼生點
綴水如雷雨動滂然起忽滅變幻耀虛無昭明非妄設
髣髴人世有諦觀迴羅列猶鏡納外形克受爭二管語
極刻劃不入鋪張一派

田橫島在海中秋谷咏田橫寨云舍客三千兩雞狗島
人五百一頭顛沈歸愚謂其非雅音巧而近纖固非大
雅所尚要是警句張扶陽田橫島云剗頭見陛下神歸

卷五

李

茲島中島中五百人心與二客同孰死不歸土孤嶼生
白虹六國爭得士市道相羅籠食客號三千見危幾人
從乃知夫子賢義高薄蒼穹薤露痛已晞圖書莫能工
我來尋遺蹟劍璣血暈紅於沙磧中拾得斷弔古鬼雄
多懷抱紛橫縱淚灑秋濤上大海起悲風

曲阜城中有阜委曲長七八里因名曲阜縣東北八里
黃帝軒轅氏所生處宋時以石封四圍製極工巧前有
祠中有石像及石碑四極高大皆無字曲阜本名壽邱
祥符元年改曰仙源金天會中改壽陵濟寧李東璧梅
曲阜訪古詩甚宏偉其始先見少昊陵詩云驅車雲陽

道遙望古城隈城空盡禾黍金天安在哉道旁發光怪
玉石白皚皚每石大數圍頽然四五堆兩石架一石一
石方如臺其上四大字繡澀生莓苔曰金天玉紐鐵畫
銀鉤排義奇不可解援據多生猜捫石得題欵內侍官
中差宋大中祥符奉安玉像來此豈像之遺不應四面
摧吾謂少昊陵石像祀崇階卽是此玉像瞻拜猶奇瑰
供像遺其龕龕石委塵埃臆說雖創獲疑竇開金椎驅
馬入古城犂确車輪屢行見柱礎八礪砌相依挨下車
披榛棘乃得慶壽碑字大圍數丈睥眄驚而咲豈有巨
靈手執筆大於椀信手掃之去縱送走風雷古人實縱
恣作字亦渠魁旁有五大石爲麟復爲龜其徑皆百丈
歲久淪厥覆復入野田中一碑土中埋掘地探奇字文
義尙可譜云此軒轅墟宋室所自來黃帝乃始祖譜系
歷歷推作宮祀聖壽遂以聖母陪丹楹千三百宮闕何
崔嵬祥符某年建天聖某年災宣和重繕葺規模益宏
恢金元二百載歷劫成飛灰世尹孔克欽練吉重鳩材
委之潘道士頓還宋世規讀竟意恂怍度地得巔崖地
卽景靈宮宮仆成汗萊玉鈕爲後殿八柱爲前楹慶壽
乃南闕龜麟臥通達想其全盛時左庖而右齋確錯萬
楹列壯麗無與儔漢舊儀蓄念啞然起長吟聖道隆於

卷五

奎

宋昭如日星回守道乃在野朝宁何其駭曲阜古帝都
仙源名已乖魏魏 至聖墓君臣採芝萊東封與西禪
祈福禍乃胎太極連雲起金兵震天厯危樓與飛閣一
旦餘燼煨大哉 聖世德浮祠盡所裁獨崇金天封禮
祀頌雲聯額輝 御製五色扶桑開鳳鳴青鳥氏
百職離鳴喑立極億萬年 聖壽垂無涯
少昊陵在壽陵東北三十步前有石壇石像少昊葬雲
陽左傳少昊有四子遂濟窮桑羅長源謂窮桑在雲陽
縣孔東塘謂今石門山古名雲陽博山孫仲愚寶侗辨
今少昊陵之非作詩云曲阜舊城東郭北野曠天高風
蕭瑟有客來瞻少昊陵截臬雙邱中野立南陵石贊無
苔痕其北復土連陵根龜趺盈丈何壯麗象物殊異古
製存客心對此然疑作冥搜行繞還北郭景靈特記宋
遺宮牆畔元碑未剝落祥符皇帝昔東封案古圖書詔
建宮軒轅皇帝趙姓始爰祖有德宗有功誕降窮桑此
其地壽邱蹟在雙穹隆襲慶之府仙源縣璇宮瑤闕麗
天中大臣出領致祝嘏祠官紛沓羅鼓鐘慨自元季經
再火豐碑斷仆纏蛟龍白玉像教露中野風神猶颯高
天空七十二戰氣何雄橋山遺劍鼎湖弓龍車陟降帝
左右精爽無乃千古同碑末大書至正號作者伯琦書

卷五

奎

姚庸胡為訛指金天墓御册祝文紛寶璐兩朝祀典三百年碑沉墟里無人顧國之大事猶如此丁井夔足何復齒山川無語自高深坐笑羣蒙食以耳齊客孫忱迴生愁觀碑感歎行夷猶欲向邦家正祀典東皇一曲萬

山秋

水經泗水出魯卞縣註縣東南有桃虛有澤方一十五里淶水澂停三丈澤西際阜阜有三石穴廣圓三四尺

穴有通否水有盈漏漏則數夕之中傾波竭澤矣于文定公

所云如雷鳴一夕而竭左右居民識其將漏預為木如曲狀約鄆

穴石魚鱗暴鱗不可勝載博物志曰泗水出陪尾蓋斯

卷五

李

阜矣石穴吐水五泉俱導穴各徑尺餘水源南側有一

廟栝柏成林時則謂原泉祠按此即今所謂泉林泗水

西南逕魯縣分爲三流南爲泗水北爲洙濱從征記曰

洙泗交于魯城東北十七里

曲阜之北三里許即沂河寬處五六里深僅及膝沙淨

無泥按魯水名沂者不一最大者出沂水縣之艾山又

有出太公武陽之冠石山者水經注沂水一出尼山西

北經魯之雩門雩門南隔水有雩壇高三丈今舞雩臺

土堆猶存土人立小廟其上臺在北岸當日暮春自指

夏時而言不必以溫泉曲解詩中四月維夏六月徂暑

秋日淒淒冬日烈烈均以夏時為言曾點即目前景地生情令人之意也消宜夫子為之悠然神遠也考鄭康成注溱洧之詩及韓詩外傳大抵云三月三日至水濱以水濯手竝滌衣裙非裸體而浴則溫泉之說更不必泥

尼山在曲阜縣東南六十里旁連泗水縣乃鄒縣史記叔梁紇與顏氏禱於尼邱得孔子山之西有昌平山孔子生昌平鄉陬邑鄒城昌平城俱在縣東南關里在縣城中鬢相圍在其西兩觀在縣東南

曲阜城有二南門左一門直對 聖廟東華門西華門

卷五

李

內正面儀門非駕至不開左右二門祭時出入儀門內

古槐一株僅餘其半大可蔽牛斜臥于地累石支之枝

葉向空豎起仍自鬱茂謂之杖履槐蓋千百年物也大

殿前築臺為杏壇匝植杏二十餘株以存古意兩廡森

列正殿基高幾二丈臺分三路中開石刻二龍抱珠不

准人行殿九楹盤龍石柱兩人合抱石質未甚細膩就

近山採取故也殿後地寬澗檜柏鬱然有古檜無枝葉

可三四人合抱石欄獲之謂之鐵樹儀門眾碑羅列榻

字者終歲不絕廟東即公府修聖廟發帑銀六十萬兩顏廟在城內

東偏有陋巷坊有井曰陋巷井作亭覆之穴其頂以受

天光廟五楹亦巨麗廟之東有小祠龕中有石刻像不知何人筆

孔子卒後魯人就冢次而居者百有餘家命曰孔里水經注曲阜上有季氏宅宅有武子臺臺今雖崩夷猶高數丈臺西百步有大井廣三丈深十餘丈以石壘之臺之西北二里有周公臺高五丈周五十步臺南四里許則孔廟即夫子之故宅也宅大一頃所居之堂後世以爲廟按北魏時所稱之廟僅三間夫人在西面東向顏母在中開南面夫人隔一間東向夫子牀前有石硯一枚作甚朴云平時物也按揚鐵崖七客寮中有孔子硯不知即此否又不知何以得之

卷五

奎

當時規制未備故簡略耳今則魏煥如王者居矣

大成殿聖像東魏興和二年兗州刺史李瑋塑儀象雲雷二尊漢章帝元和二年祀闕里所留聖蹟殿石刻坐像立像凭像行教小影惟行教小影顏子從行者最真傳爲端木子手寫晉顧凱之重摹又傳端木手雕沉香木聖像爲火所焚

大成門內東階 先師手植檀明宏治十二年門殿被災枝葉盡孤幹獨立不枯不榮其堅如鐵
詩禮堂後有魯壁遺址承聖門內有太初石唐槐銀杏樹有堂乃夫子獨立伯魚趨庭處

漢碑在奎文閣前同文門右元嘉三年魯相乙瑛置今謂之石戶碑永壽二年韓勅造禮器碑永興二年諸郡史孔謙碑魏黃初元年封宗聖侯孔羨碑門左漢建寧二年史晨祀廟碑永壽三年韓勅修墓碑泰山都尉孔宙碑博陵太守孔彪碑

孔林在曲阜城北十里城門外兩行柏樹森列一步一株直至林前行五里左右二碑一山東巡撫國泰立一大學士劉文清公墉書有坊曰萬古長春坊側有巨柏三四人合抱枝間生榆大亦合抱謂之柏抱榆不知何代物也又行五里至門門七間前列二獅高二丈餘行

卷五

英

三里至城門環城雉堞門內兩旁築牆爲甬道行里半洙水橫互東西循南岸向西二里許有坊曰洙水 聖祖謁林至此即欲步行侍臣奏去墓尙遠乃乘輦而過過坊有石橋穹窿如弓背石虎石羊石人對列饗堂七間牆垣四周內孔墓歷代碑碣林立墓上有亭前有拜臺伯魚子思墓在左右稍後四柏在墓前垣外林樹葱鬱不可數計林南北二十里東西十里葬無餘地 聖祖特旨令向外開廓孔氏葬于林內者每歲寒食十月初自丑至寅不擇日不擇時也孔林有草附木蔓生根葉花實具五色五味謂之文章冬夏不彫

近聖人之居不可不知聖人生卒年月自漢以來紛如
 駁訟非於歷學深悉源流徒據紙上陳言未有不誤者
 謹略記梗概公羊傳襄公二十一年十一月庚子生註
 歲在乙卯魏晉以來皆云己酉錢辛楣以超辰之法算
 之歲當在乙巳穀梁傳云二十年十月庚子漢儒皆以
 孔子生在襄二十一年按是年經書十月庚辰朔則十
 一月無庚子錢辛楣以三統術推襄公二十一年十月
 為己卯朔二十二日庚子年從公羊月從穀梁自襄二
 十一年至哀十六年實七十四年賈逵謂七十三歲古
 人以周歲始增年也辛楣先生於算學最精云春秋正
 義於十二公之首必報是歲歲在某次因此可知太歲
 所在此必先儒相承之舊昭十五年以前相差四辰襄
 二十一年本乙巳今人以為己酉昭十五年以後相差
 三辰哀十六年本己未今人以為壬戌史記謂襄公二
 十二年孔子生學博寇萬川刻學宮圖考從之生年用
 己酉卒年用壬戌辛楣先生從三統上元丙子算起積
 累乘除確有據依學者固不可不知也
 無為蔣存齋著孟子章句考年謂孟子生於周烈王四
 年四月初二日卒於赧王二十六年正月十五日世以
 為學於子思者其年斷不能及或學於子上

卷五 李七

古無闕里之名闕百詩辨闕黨非闕里東漢始稱闕里
 水經注謂魯靈光殿前有石闕因以為名也
 從征記曰洙泗二水交於魯城東北十七里闕里背洙
 泗牆南北一百二十步東西六十步四門各有石闕北
 門去洙水百步餘

孔叅子曰夫子墓塋方一里在魯城北六里泗水上諸
 孔氏封五十餘所人名昭穆不可復識有銘碑三所獸
 碣具存皇覽曰弟子各以四方奇木來植故多諸異樹
 不生棘木刺草今則無復遺條矣聖賢冢墓記云孔子
 冢塋中樹以百數皆
 異種世世無能名其樹者其樹皆弟子持其方
 樹來種之有柞枌雜離女貞五味篋櫛之屬

卷五 庚

魏黃初二年文帝令郡國修起孔子舊廟置百夫吏卒
 廟有夫子象列二弟子執卷立侍穆穆有詢仰之容漢
 魏以來廟列七碑二碑無字栝柏猶茂廟之西北二里
 有顏母廟廟象猶嚴有修栝五株孔廟東南五百步有
 雙石闕即靈光之南闕北百餘步即靈光殿基東西二
 十四丈南北十二丈高丈餘東西廊廡別舍中閒方七
 百餘步闕之東北有浴池方四十許步池中有釣臺方
 十步池臺悉石也遺基尚整故王延壽賦曰周行數里
 仰不見日者也是漢景帝程姬子魯恭王之所造也殿
 之東南即泮宮也在高門直北道西宮中有臺高八十

尺臺南水東西一百步南北六十步臺西水南北四百步東西六十步臺池咸結石爲之詩所謂思樂泮水也
沂水又西逕園丘北丘高四丈餘載水經注

魯靈光殿在曲阜西漢景帝之子恭王名餘因魯僖基兆立靈光殿漢中微盜賊奔突西京未央建章皆隳壞惟此殿獨存全謝山跋魯靈光殿釣魚池輒亦可與未央宮瓦共寶者也跋云是輒之出在金明昌中高刺史曼卿跋之甚詳其輒字三行前二行皆四字末行多一字者舊刻也不知何時重摹直作一行則失之矣今重摹本在曲阜孔廟中前殿東壁其曰五鳳二年魯廿四

卷五

李九

年足見漢世藩侯之禮奉朝廷正朔仍各自記元之證按水經注池皆石茲復有輒或池邊所砌未可知孔聖墓生著草然叢生五十莖者最難得 聖祖嘗手折一莖玩之

馮素菴幼隨其父辦差在曲阜聞 高宗皇帝奉 皇太后東巡時衍聖公夫人率族中命婦跪接 太后謂之曰爾家吾不如也 聖母傾仰 至聖如此

全謝山云宋南渡郭忠恕徐氏之篆學無有繼者而黨承旨獨以其墨妙雄於河北予得其濟州普照寺篆碑然則黨公碑固不多見也

清容跋黨承旨所篆杏壇二大字以爲風雲之意譔然千載一日今相去又四百年豈非孔林之墨寶耶全謝山謂承旨署名自稱門生亦甚新奇余里居見揚本字甚完整亦疑其門生二字

孔子娶并官氏漢韓勅禮器碑云并官聖妃在安樂里宋祥符中封鄆國夫人亦書并官二碑皆在曲阜嘉定錢辛椿先生云宋板東家雜記元板宋廣庭記皆書并官未有作并者自明人刊家語誤并爲并刊宋史者轉依誤本改并爲并貽誤後人學者不可不知

卷五

李九

西上書卽於是年立碑靈帝時也碑文有云昔在仲尼汁光之精大帝所挺顏母毓靈承敝遭衰黑不代倉按所上書有乾坤所挺坤字作似似古水字蒼作倉蓋古字通用其文亦祖緯書更有端門見徵血書著紀之語史公初到官行秋饗無公費自以俸錢供禮祀可謂魯之賢相矣後碑載相河南史君諱晨字伯食饗後部史仇誦縣吏劉耽等補牆垣修通大溝碑末云史君念孔瀆顏母并去市道遠百姓酤買不能得香酒美肉於昌平亭下立會市因彼左右咸所願樂又勅并復民飭治祠車馬於瀆上東行道表南北各種一行梓假夫子家

顏母井舍及魯公冢守吏凡四人其詳慎盡禮如此當時廟享觀禮者自長史李謙五官椽孔暢而下凡九百七人可謂盛矣

漢魯相置孔子卒史廟碑載司徒臣雄司空臣戒稽首言魯前相瑛云云蓋當時之制郡國不敢直聞朝廷因尙書以達元嘉三年三月廿七日奏雒陽宮永興元年六月甲辰朔十八日辛酉魯相平又上言爲孔子廟置百石卒史一人掌主禮器後有讚曰巍巍大聖赫赫彌章此碑殘闕明都元敬金薤琳瑯據宋丞相洪文惠公隸釋全錄之歐陽公金石錄跋以爲漢家文書之式于

卷五

五

此可見本朝全謝山先生祖望跋云是役也出于前相乙瑛之請後相平踵成之而其作百石史舍者則前令鮑壘也讚中極歸功于乙鮑可謂不沒人善者矣乙瑛字少卿平原高唐人鮑壘字文公上黨屯留人詳於讚中記其名字郡邑古人文字不苟如是所除者名孔蘇故名孔蘇碑元嘉無三年三月上書至夏始改永興故春猶稱三年

漢魯相造孔廟禮器碑永壽二年立其文有曰承天畫卦顏育孔桑孔制元孝俱祖紫宮大一所授前闈九頭雜識緯語絕怪誕碑末載韓明府名勅字叔節以魯相

稱明府今之稱縣令爲明府豈非誤乎碑陰載捐錢姓氏有稱狼子者名甚可怪洪文惠公隸釋六十二人都元敬家藏搨本多三十八人以爲傳錄之誤本朝汪荻洲以爲碑四面俱有題名蓋洪公但錄碑陰姓氏不知兩側復有三十四人也碑至今尙存汪氏依次全錄之歐陽公謂書傳無以勅命名者秦制天子之命爲勅漢用秦法豈臣下敢以勅自名廣川書跋云勅字從束謂誠也韓自名勅古者以勞賚爲勅勅爲賚音其文爲徠別體南齊有劉勅爲始興內史說文勅音策觀此知考古之難全謝山云韓氏孔廟碑有二一置禮器碑一修

卷五

五

廟碑也皆有碑陰洪文惠公但見前碑耳按洪公南宋人未嘗親至孔廟都元敬亦據家藏搨本只載其全謝山則出於目覩事非親見難於考証如此

顏修來韓勅禮器碑詩云岐陽獵石與京師西京慘淡無雄詞鬼神守護在鄒魯嶧山野火誰爲之兩楹夢奠四百載先民猶似生同時修復祀器片石在千年盈把珊瑚枝剝苔剔蘚出鋒鍛細如烟篆交蠶絲天漢分流注析木蒼松倒掛垂狻枝鼎彝剝落車服壞巍然墳典爭陸離黃初以來尙方削豈知筆墨和天倪延陵季子十字殊陽冰變化事可疑岫嶙之碑遍嶽麓昌黎搜索

空漣而當時鄭璞誰得見驚人豈在形模奇逢掖章甫
縱無用安能垢面如蒙祺東國使君致響揚牛車歲貢
同鹽絺當時拱璧不知護壁中蝌蚪誰更貽大雅淪亡
恐不復願長留此光三儀

孔宙碑題碑一行有漢泰山都尉孔君之銘金薤琳瑯
載江氏依洪适隸釋補入碑云君諱宙字季將孔子十
九世之孫也未云延熹七年十月代關一造按宙卽北

海太守融之父碑字在曲阜鄭氏通志金石略云未詳
所在又載泰山太守孔宙碑在兗州立於延熹六年都
元敬駁之云是漢有兩孔宙而碑復有二也豈不謬哉

卷五

七

門生故吏名門生四十二人門童一人弟子十人故吏
八人故民一人隸釋謂漢儒開門授徒親受業者曰弟
子次相傳授曰門生未冠曰門童總而稱之亦曰門生
舊所治官其掾屬曰故吏占籍者曰故民非吏非民曰
處士素非所蒞則曰義士金薤琳瑯錄之謂讀漢碑者
所當知廣川書跋云漢泰山都尉孔宙碑延熹四年書
本碑書六年而此云四年不可解碑文中躬忠恕以及
人兼禹湯之罪已昔人譏其以都尉不當用禹湯典反
覆爲之辨論謂古人無所避忌故其氣昌後人避忌愈
多文愈卑靡議論良是

東魏興和孔廟碑孝靜帝興和三年十二月立石杏壇
之下碑尙完好雜大小篆分隸於正書中蓋自太武始
光開初造新字千餘頒之遠邇以爲楷式一時風尙乖
別江著作式所云文字改變俗學鄙習炫惑於時者也
全謝山云是碑頌李刺史仲璇修孔廟功而竹垞卽以
爲仲璇所作誤矣其書法龐雜最爲紕繆顧亭林譏之
甚詳

後漢書孔僖傳建武十三年世祖封孔志爲褒成侯志
卒子損嗣永元四年徙封褒亭侯損卒子曜嗣曜卒子
完嗣世世相傳至獻帝初國絕是永元以後孔氏嗣侯

卷五

七

者皆當稱褒亭不當云褒成矣乃安帝紀延光三年賜
褒成侯帛而曲阜孔廟孔龢碑載元嘉三年司徒雄等
奏稱褒成侯四時來祠又韓勅碑立于永壽二年其陰
有褒成侯孔建壽名皆在永元之後而稱褒成侯如故
洪氏隸釋以爲損未嘗徙封固信而有徵矣後漢侯爵
有縣侯都鄉侯都亭侯五等而褒成侯國不見于
郡國志則褒成殆亭侯而非縣侯依史例當云褒成亭
侯舊史偶脫亭字蔚宗遂誤切爲徙封耳攷魏黃初二
年詔亦稱褒成之後絕而莫繼可證漢世無徙封褒亭
之事也

魏魯郡太守張猛龍碑建自正光三年竹垞跋云猛龍為西平武公軌八世孫方晉之朝崇尚莊老獨武公在涼州徵胄子五百人立學校春秋行鄉射禮而猛龍克循祖之教修聖人之學於舉世不為之時使講習之音再聞於闕里噫可傳也全謝山云讀其碑蓋一循吏竹垞謂其得列於孔林以其有興起學校功予謂拓跋牧守最無狀常伯夫馮熙至以石經為柱礎而太守所為如此可謂百鳥中之孤鳳也是碑書法不佳向非托立孔林亦未必至今傳也

卷五

五

朱竹垞漢博陵太守孔彪碑跋云曲阜石刻多置孔子廟庭獨此碑在林中歐陽子集古錄第云孔君碑惜其名字皆亡趙明誠以為碑雖殘闕名字可識諱彪字元上證以韓勅史晨二碑率錢人姓名曩見之于宛平孫侍郎宅文僉斷爛諱及字形模尚存乃宏治中修闕里志改彪為震都少卿穆遂謂撰者之遺不知震即彪字之誤也按侍郎謂孫退谷

朱竹垞跋韓勅二碑金陵鄭盥汝器相其陷文深淺手揚以歸勝工人所椎者高百倍汝器以予於金石之文有同好也遠道遺書寄予乃取題名之參錯不齊者齊之裝界成冊又云宋南渡孔氏宗子珍扈從金源立別子

為祖嘉熙雖仍錫文遠以爵而授之田里俾居三衢宋之亡也忽焉元人思復立大宗宗子辭明嘉靖中孔門僉載一書先聖六十一代孫承德郎魯府審理其所撰世表宗系圖於三衢一支棄而不錄可為太息

卷五

五

魏封孔羨宗聖侯碑在今闕里孔子廟廷相傳其文為陳思王植所作而梁鵠書之著于圖經洪氏以是碑文稱黃初元年魏志作二年正月疑史誤朱竹垞云考魏受禪在漢延康元年十一月改元黃初碑辭叙黃初元年大魏受命應歷數以改物秩羣祀于無文既乃緝熙聖緒昭顯上世追在三代三恪二禮兼紹宣尼褒成之後以魯縣百戶命孔子廿一世孫羨為宗聖侯云云原受禪之始歲且將終碑有既乃之文則下詔在明年二月史未必誤若章懷太子注孔僖傳以宗聖為崇聖則真誤矣謝山跋云以是碑為陳思王之文梁鵠之書亦未有據其中謂孔子屈已存道貶身救世真妄言也又云仲尼既沒文亦在茲何其言之不怍元年二年之參錯其小焉者也

全謝山跋隋大業孔廟碑云隋碑傳世者最寡是碑立于大業七年縣令陳叔毅陳高祖之孫也實尸修廟之役是年帝征遼竇建德張金稱高士達迭起而王薄近

在長山東方騷然顧叔毅猶能以禮教為治靜以鎮之亦賢矣碑為濟州秀才汝南主簿仲孝俊之文有孔長名孔子嘆者又足補孔氏世譜之遺者也

元洪吉烈氏益大王尚囊加真公主尋封皇姑魯國大長公主子不刺尚相哥刺吉公主子今魯王禮嘉世立主以白金百兩造金博山爐一又五十兩造金盒馳驛致曲阜文廟神位前祀以太牢碑立於泰定元年全謝山云以公主致敬於孔子自來所希有右元皇姊魯國大長公主文廟金博山爐跋蓋公主之子又尚公主子為魯王故遣人致祭致爐

卷五

未

顏脩來吏部寄孔廟碑十二種子漁洋漁洋紀以詩云生近聖人居未得拜祠墓頗聞魯諸生講禮以時聚故宅聞金絲猶傳壁書處漢祖祠太牢過魯暖餘慕六經出秦火諸儒明訓故歷代遞相嬗碑版屹森布龜龍或齧缺蛟螭無錯互顏生陋巷裔學古鄙章句餘事攻六書韋蔡競先驚金薤遠見投聊持伴魚素論世慨桓靈末造紛黨錮元嘉永壽建寧三碑尤愛梁鵠書筆勢颯軒翥貢墨與匱紙椎拓亦殆庶明窗秋日晴水沉千方炷彷彿闕里遊低徊不能去

魯世廟在曲阜松柏鬱然東野氏世守之其子即其地

為氏也 聖祖詣孔林商然跪奏得龔博士魯公有尊彝古篆魯旅同字李陽冰以為文當如圖宋秘閣有銅尊銘作圖或以為密非也以古文考之其書以鹵為魯在漢猶然蓋古者簡質省文自周公時伯禽稱魯公由來舊矣

南武城世傳曾子故里又有澹臺山謂滅明居此按絃歌臺在今武城縣此係戰國時趙國所置非春秋時之武城也今山東沂州費縣西北七十里錦川鄉絃歌里有武城是也子游為武城宰得澹臺滅明今武城東有滅明墓關陽州有子游滅明三祠而孟子又謂曾子居

卷五

未

武城史記甘茂傳謂曾子居費之武城是子游所宰弟子列傳又云曾參南武城人者據漢人之稱耳地里志定襄有武城清河亦有武城故此云南武城其地在費縣之北泰山之南故東漢以南城即武城屬泰山郡晉亦因之杜元凱註春秋城武城謂泰山南武城邑南也者所以別定襄之武城與清河之武城也漢清河郡東武城縣即今東昌府武城縣建自西漢今亦以為子游所宰之邑立子游祠謬矣又嘉祥縣有南武山有阿城亦名南武城因南武山之城遂以為子游所宰之邑其謬尤甚

畢秋帆先生由兩湖總制移撫山東喜近聖人之居作
闕里詩云移鎮於茲樂莫支聖門惟恐到來遲特衝海
右殘年雪走謁山東萬世師問路適經洙泗水巡廊先
讀漢唐碑櫺星門下低回立不禁忤然有所思栖栖惟
冀振墮網此意終難語楚狂坐奠兩楹悲風夢承家三
命凜循牆聲名累代欽蠻貊廉陛趨風拜帝王曾習猗
蘭琴一曲指端猶帶古時香未審蒼蒼特降神令當茲
世究何因儘嫺虞夏商周禮終作東西南北人匪兇胡
為來莽蒼獲麟難免暗酸辛後時取法多王者木鐸長
縣道益伸讀書我亦及門班今獲升堂益解頰天下莫

卷五

五

能容大道世人長自仰高山檜枝尙帶寒雲綠硯石猶
含舊墨斑謹矚几筵懷啟處似聆弦誦有無閒
伏生祠多佳作惜不記秋帆制府詩云森森翠柏蔭荒
祠白板扉聯鹿眼籬歲暮絕無人汎埽帶霜紅葉滿庭
墀窮經不被秦阮禍遺老天留待漢文細數儒林全傳
內有誰福壽得如君簡冊全因兵燹空傳經惟仗口相
通典謨訓誥能無泯誰念深閨一女功
弦歌臺云勘災臨古邑臺識昔賢名為政資文學千春
說武城割雞憑器利偃州見風行迄今化未泯比屋讀
書聲惜值衝波後惟聞鴻鴈鳴此秋帆往東昌勘水災所作詩以為魯之武城

漢魏近古字多通用以孔廟碑論禮器碑灘作歎曷作
雷俎豆作粗榘瑚璉作胡輦韓勅孔廟後碑黎作荪廊
作郎是作氏室作室史晨孔廟碑裡作煙契作挈辟雍
作僻雍史晨饗孔廟後碑墻作濡汝陽作女陽孔彪碑
爻作肴涯作沂孔龢碑楊作關孔宙碑弊作傲壽作樽
魏修孔廟碑辨作編輯作揖後人如此書見者必以為
別字紀之以存古

卷五

五

方輿紀要防山在曲阜縣東二十里孔子父母墓在山
北二十里尼山五峯連峙山之南有魯源村孔父所生
之地山東麓有坤靈洞山東南相對者曰顏母山上有
聖井及顏母廟或謂女陵山
今之杏壇真宗乾興間孔子四十五代孫道輔增修祖
廟移大殿於後因以講堂舊基甃石為壇環植以杏今
洙泗書院在孔林東北泗水濱
乾隆三十六年頒內府所藏周時銅器十事於曲阜孔
廟見者以為古穆絕倫無近時銅氣
闕里舊有聖蹟圖刻板明巡按何出光於廟後更建聖
圖殿刻石鹽道張應登復增之共一百十二圖今存七
十二圖第圖中器物多三代以後之制如車駕牛有兩
轅且設席棚坐有墩有案案上列俎豆未免失考

嘉祥南武山有曾子墓有漁者陷入其穴得石碣而封志之或疑周世未有石碣科斗古文亦非今人所識全謝山謂嘉祥漢任城縣地南武山當因武氏所居得名漁者所見殆即漢武氏石室也

有人入仲夫子廟言塑像未肖神令照我面目改塑眾驚異命工如所言塑之像非猛烈特兩目緊逗精氣逼人功畢而其人死蓋特為傳像來也朱彝尊謁廟詩云光嶽鍾青帝明禋配素王世家猶不泯俎豆儼成行力養嗟何及長貧更可傷如聞琴瑟在千載感升堂按仲夫子魯下邑人今泗水縣舊下城在縣東南此事余聞

卷五

全

諸泗水學博云

孟子言去聖人之居如此其近按孟子故里今日綠村有坊在鄒縣城北遷于東北十二里曰山口其村千家多屠戶自戰國至今習俗不移殊不可解宜孟母惡而去之孟父卒葬于是又遷于鄒縣南關有廟孟子自齊返魯葬母于贏卽其故里之東有筆架山三峰秀峙松林茂密上與山接有水環抱去墓半里水流入于沂母未與父合葬或有治命不敢違孟子則葬于父墓側故里去鄒縣二十里去曲阜三十五里其近如此孟子父孟孫激字公宜明嘉靖九年配享啓聖祠史記

云鄒人司馬貞素隱云本邾人或云邾卽邾母夢神人乘雲攀龍鳳自泰山來將止於嶧母凝視久之忽片雲墜而寤時閭巷皆見五色雲覆孟氏之居已而孟子生字子車或云子與荀子註作子與者譌也孟氏譜謂生於周定王三十七年考史鑑定王在位二十六年無三十七年明陳士元疑生周安王時定字或安字之譌卒年八十四葬四基山之陽祠在墓前宋孔道輔守兗州修葺孫明復作記元初鄒尹司居敬又新之今廟在鄒縣南關凡七間甚宏殿廟內古松數株撐風蔽日大槐廣蔭庭除藤花絡滿後有小廟祀子思門前沂河清流

卷五

全

泊泊甚壯觀也孟母墓在縣北二十里馬鞍山孔道輔修孟母墓林得孟子石像於墓前土中相傳孟子自肖其像於墓歲久而溼至是始出今祀於孟母祠側朱竹垞鄒縣謁孟子廟云井地連滕壤詩書近孔門世儒多橫議夫子獨知言楊墨歸斯受齊梁道自尊嚴嚴雷氣象千載肅心魂壞道殘碑臥祠官異代虔魯班公一位里紀母三遷叢木冬春冷風鏡卒史懸空令布衣士瞻拜獨淒然孟子譏陳仲子矯廉不合中庸後世貪夫輒藉口為戒高念東先生曰不為陳仲子甚易事蓋有慨乎言之阮

亭先生于其灌園處置別墅所謂古夫于亭也仲子墓在長山城中今尙巍然每春秋聖廟丁祭後徹太羹奠其墓亦可含笑地下矣世傳仲子書十餘紙強分篇目所述皆不近情之舉絕非戰國人文字偽撰無疑劉寄菴弔之云當時侯竊輩功利爭相傾誰歟舍千乘類單食豆羹又云千載揖高冢太息邱蚓鳴如何六月夜霜氣時縱橫

滕縣爲滕薛小邾三國地郝允秀滕文公廟詩云好古有心超世主逼鄰無計法先王可謂雅切江南陳學洙行次滕縣云望裏烟生雉堞餘滕陽城外草萋迷井田

卷五

全

舊業安征稅淳朴遺風厭鼓鞞青杏園林禽上下綠楊村舍水東西此中鄉土殊堪樂莫惜從容駐馬蹄曹實菴貞吉過滕縣見行井田處孟氏祖仁義不類縱橫人憑軾說齊梁志在安斯民發論實崇閭河漢驚庸君儻學儀行輩得無西入秦泰山自巖巖功利寧侈陳小叩則小鳴不陋滕主臣壤地五十里祿制田以分眉臚貢助徹掌指周夏殷維時轍雖東良法未全溷經界犁然正溝涂一一新安知三代後不睹黃農淳所苦鋒鏑交咫尺偏強鄰待爾井田成白骨哀青燐君子道其常但使吾常存王道無近功成毀安足論

相傳曲阜石刻聖像爲吳道子筆康熙間松江郡西十里陳佗橋積雨基陷居民掘土得巨碑石紋駁犖乃孔聖遺像衣冠帶佩極爲古雅旁刻大字曰唐吳道子作送青浦學中華亭董含云隋大業中夫子三十二代孫禎宦吳遂家焉因葬衣冠並立廟其地宋淳熙中有僧於此得玉簪一又三壁二環皆古物疑一時並埋者按遠宦不當攜碑應藏吳道子畫像刻於曲阜復摹刻於吳碑在廟中廟圯碑沉理或有之

聖廟屢被火災明成化間李傑有孔廟紀事詩載以備考至聖由天縱斯人足典型道高王只素文在簡猶青

卷五

全

秩祀從先代尊榮合萬齡廟堂森穆穆金碧煥熒熒回祿噓妖沴炎光迫紫冥忽驚空邃宇倏已及前庭古壁殘遺冊穹碑剝舊銘蒼煙隨燼滅焦塹逐風零寧記諸賢像誰摹老檜形衣冠猶在望絲竹杳難聽驛報來東郡封章入大廷聖情深隱惻瘖盲重叮嚀祭告誠宜達趨踰職所丁瞻依懷闕里對越想英靈大宅門墻峻高林艸木馨尼山遙可觀泗水近須經衣露常沾潤帆風渺御冷郵程占夜月征旆帶晨星傳詔修香幣騰書具鼎鉶莩茅行漢禮作器象周型祭統寧教墜天機自不停春陽發壇杏和氣長階奠揆日營新制推波濯燄腥

巖巖增壯觀翼翼闕重局儒道今滋盛文風被八溟
白褒魯紀云鹿門有二井一臧武仲井一季桓子所穿
卽土缶中有羊者也鹿門魯東城南門
林泉一水汪洋中有泉二十餘沸騰而上高於水面山
東名泉此爲第一

萊蕪縣南三十里有夾谷峪會齊侯于夾谷卽此蓋近
萊故齊侯以萊兵劫魯以爲在吾淄者非

史記以季次原憲並稱謂獨行君子之德義不苟合當
世按孔子弟子公皙哀字季沈史記作季次或字形相
近傳寫之訛諸書皆云齊人姬姓實生吾淄若禰正平

卷五

金

皆以爲平原人而張崑崙山人以爲淄川人作詩咏之
則未知所據

墨餘書異云廣東李載園符清嘉慶九年牧直隸開州
登瑕邱見斷碣殘碑乃捐金修亭閣立豐碑於古冢夢
古冠服人來謝自稱衛大夫蘧瑗且教以題扁曰樂哉
斯邱按瑕邱故城在今山東滋陽縣西二十五里水經
泗水西南逕魯縣北又西過瑕邱縣注云瑕邱魯邑應
邵曰瑕邱在縣西南昔衛大夫公叔文子升於瑕邱蘧
伯從鄭康成皇甫謐并云衛地酈道元以爲魯衛雖殊
土則一竊謂滋陽兗州附郭縣究卽魯都城爲治文子

所登必衛地無由相從至魯道元以爲一土似未確按
開州屬大名府正是衛地其處有旄邱浚城春秋負瑕
漢置瑕邱宋元嘉始於此置兗州然則今瑕邱乃負瑕
其訛誤沿漢之名縣後乃附會爲文子與伯玉所登之
邱水經注混而一之以貽誤後人曾子弔諸負夏舜遷
於負夏負夏與負瑕爲一而不可移諸瑕邱洪亮吉云
瑕邱在開州東南十八里墨餘書異所記非誣也

曲阜有溫泉在城南七里流入沂非沂有溫泉也
春秋哀公四年獲麟杜預註大野在高平鉅野縣今山
東濟寧州嘉祥縣西二十五里有臺廣輪十五步俗謂

卷五

金

獲麟堆

武氏石室初未詳所由全謝山以嘉祥縣爲漢任城地
今屬濟寧云武氏爲任城名家漢有執金武丞名榮者
石碑猶存金石之文有武氏石闕銘有從事掾武梁碑
吳郡丞武開明碑燉煌長史武班碑武氏石室畫像按
石室既有畫像亦當如蜀文翁石室之類不當在地中
謝山以漁人陷入土穴得石碣疑爲武氏石室恐未確
也然謂是曾子墓則終因南武山而訛爲南武城去曾
子所居甚遠

山東通志左邱明墓在嶧縣又分註肥城有左子墓未

詳何處爲確嘉慶八年鐵冶亭撫山東疏請立博士以肥城之邱明善爲左氏後據其家譜云漢有左起因避王莽之徵改姓邱氏家居築左傳精舍有志宋給事中丁謂有贊金明人多有題詩皆進 呈下部議紀曉嵐先生在禮部議云司馬稱左邱失明厥有國語是左邱爲覆姓單稱左氏史無明文左邱分姓惟見應邵風俗通元和姓纂左字註內稱臨淄有左邱明引左思爲証是在山東者姓左不姓邱廣韻邱字註內左邱明之後有吳興河南二望是其族唐以前久他徙不在山東卽以山東論姓纂稱太公子封於營邱以邱爲氏左傳

卷五

七

稱邾大夫有邱弱受氏皆在左氏之先皆不能斷其無後安見肥城邱氏必出左邱明治亭中丞又申辨前疏請益堅下部復議乃併邱氏原誌貼黃駁云旣稱誌序當別有左傳精舍誌乃譜所稱誌者卽是此序序所言全是家譜與左傳精舍不相涉末題建武六年十七世孫邱堂薰沐敬書漢代無此款式漢書王莽徵召不出者具列姓名無邱起宋丁謂未爲帡事所有左氏墓詩如傳流千載英雄渺誰知烈骨此中埋等句字義乖舛近人僞托無疑御史謝薌泉振定駁邱氏非左氏後議云宋以後姓氏書遺略殆盡唐林寶之元和姓纂僅附

見永樂大典非全書且其成書祇廿旬斷難洞悉源流鄭氏譏其不知已姓所由來豈爲博雅風俗通義姓氏編久軼亦附見他書邱氏之祖邱明亦如叔氏之出共叔皮氏之出樊皮員氏之出伍員安得以姓纂不載而疑之河南與齊魯鄰安知與肥城之邱毫無比附今左氏墓在肥河鄉都君莊又名衡魚村其地名里數與魏書地形志唐元和郡縣志宋太平寰宇記合子孫世守邱墓聚族而居相傳已七十餘代本朝設奉祀生以肥城之邱姓主之蓋因宋祥符封瑕邱伯時已有令邱姓承祀之舉孔平仲雜鈔云左邱明本邱姓李太虛言湖

卷五

八

州人有發古冢者得碑云邱遲爲左氏邱明之後孟奇亦言邱明不姓左漢建武中立李封爲左氏博士非左氏後徒以守墓故則有世守其墓者以之奉祀也宜卽以之爲博士也亦無不宜紀謝兩先生殫見洽聞鐵中丞之好古崇儒均可敬服故節錄以資博識是時劉金門先生督學山東正議立左氏博士棲霞牟陌人廷相號博雅先生考試登州面詢陌人左邱明何姓以姓左對先生笑曰非是究未指明何姓意似主覆姓之說按傳記云左邱明楚左史倚相之後以官爲氏陌人主此亦非無據先生爲治亭中丞門生當上疏時

師弟必往復考訂也吾邑多邱姓而萊陽左氏爲山東望族不聞紛紛爭議或又云夫子所稱左邱明恥之非卽作春秋傳之左邱明是有兩左邱明矣山東亦有兩左邱明墓將以何者爲據如春秋時孔氏有三在宋在衛在鄭後來繁衍不可知今姓孔者輒欲竊附聖人之後可盡信歟

濟寧李白浣筆池最著其地先有孔子洗墨池古無筆而有墨丹和漆書字赤墨和漆書字黑昔文中子夢捧丹漆隨孔子孔子讀易漆書三滅古人不解造墨而有石墨故孔子相傳有硯旣以硯磨墨卽當有洗墨池但

卷五

九

不知何以在濟寧姑存其說池在魯橋鎮

東阿有管仲井按管仲姜姓齊之疏族以邑爲氏其井不應在衛阿故衛地卽少賤負販無不可至亦未必到處掘

井然相傳三歸臺在東阿則井亦應在彼如陳仲子居蓋而井在於陵非孟子言之後世安知其故天下事固未可刻舟求劍懸論虛實古東阿城在今陽穀

鄉園憶舊錄卷六

濟南王培荀雪嶠輯

上海圖書館藏

乾隆戊子黔中秋闌鎮寧州牧王石潤山東人執事外場忽傳內起火驚詢之非真火也房官某夜飲醉得卷頗佳興發墨筆批點醒而悔置案頭弗敢薦次日主考與各房論文忽見某房火起羣往奔救竟無火案頭一卷在焉主考閱之曰此可元也胡不薦某對以違例曰何妨卽作吾批點可耳遂領解填榜乃蕭鳳翔

卷六

一

趙其星字仲啓號青雲德州人嘗夜坐見麗女乘鸞一人執宮扇衛之入月而沒余表姊安氏于樓上望月忽月中出一白兔纖毫畢露久之逡巡復入羿妻舊事搗藥俗傳未可盡以爲妄也又新城某七夕臥庭中仰見美婦空際獨行手中似有所攜急呼家人看織女渡河語未終霹靂一聲雙目頓瞽

沂水西北幾二百里對松山山臨沂河山半坡有廟曰上清宮入門卽橋泉水湧出沉沉不見底東入竹園琅玕萬个園有小樓曰梳妝樓未知名所由起水至此匯爲池穿垣而出入于沂過橋黃楊二株巨如桶不知歷幾何年也橋之前高臺壁立臺下紫薇數株橋西另有一園花木蔚如園不盈半畝臺甚寬廣建閣閣相連

共九楹閣前牡丹五色俱備亦有芍藥閣後峰突起立如削高數仞鑿石爲級螺旋而上築門曰南天門頂平曠傑立一閣登之百里可見初修宮王道士名連者有黃白術鍊銀盡建祠宇歿後身僵不壞吾邑畢某爲此山道士

四女祠在臨清古貝邱地四女儒冠端坐相傳傳清字景山妻羅氏無子生有四女各願矢志養親父以枯槐四株授之曰此能活聽爾之志四女各插門前越宿皆活奉雙親俱茹素後拔宅升天云在漢文帝之年唐王建詩註貝州宋處士廷芬之女也名若華若昭若倫若

卷六

二

憲若華召入宮掌書籍牙籤若憲以罪死惟四女歸葬後人立廟儒冠者肖其生前皆優文學若女博士也二說未知孰是

太山爲東嶽重鎮山形高峻路極崎嶇下爲東嶽廟秦柏漢槐羅列庭階上爲碧霞元君祠考據家以爲西王母之女進香士女終歲不絕萬歷中順德縣吳章入縣完糧逆旅主人以新荔支供客章懷數枚將歸遺細君出郭十餘里涼月皓然隱隱聞笙簫聲仰見祥雲中旌旛前導簇擁綵輿從者駕青牛白鹿各執樂器韻落半天吳追奔諦聽足亦離地詢問誰何從者曰太山主碧

霞元君也巡遊南極天妃設凝冰果會畱讌三日今始回宮子來已遠得無迷路乎轉瞬彩雲四散從空墜地乃山東布政司署天將曉矣聞者驚以爲盜官鞠之細述所以詫其妄及檢衣得荔支甘芳如新乃檄還順德自後厭火食壽至九十八歲

故明時吾邑入都會試者鄉先達必邀飲贈場費一鉅公設盛宴以妓侑酒一妓陪一客宴畢畱宿各室帷帳預設每牀置金多寡不等惟所擇一客獨就金少者鉅公由是重焉客固賢而鉅公之豪與文網之疏當時京官之富俱可想矣

卷六

三

修符將應省試途遇夫婦哭甚哀問之夫曰債累逼索不得已賣婦今將遣之也符惻然出橐金與之夫婦感謝問姓名符以賞罄欲返遇鄉人義之贖錢以濟途中無乏入場題爲孔子於鄉黨文思頗奮假寐夢一前輩語之曰何不未魯分比醒而異之思若湧泉遂得中解元入省復過某村夫婦邀畱晚間周視室中見一軸似畫卷其夫曰此先人象也展閱則夢中指示之人急禮拜乃知場中人殆以此報也

杜漢爲山左名元是科趙鹿泉先生主試杜二場卷完囑其內弟代繳接卷入犢鼻褌內忘之及出場就寢乃

得之大驚不敢告杜及放榜則杜領解大駭袖卷見杜曰爾何以得中杜始知卷未入場亦甚疑及謁房師乃知卷已擬元而二場不到主司問監臨某號生入場否卷貼出否監臨查貼案無之視名冊則三場俱到主司力索外簾百計求之不得懼干叅罰乃白監臨另備一卷眾爲代作及杜自視已卷則經義錯謬入場必不可中其不繳者正鬼神所以善全之也

事有前定族人名作蕙者幼育于章邱韓姓生子思昭乾隆庚午與余叔祖振統同舉武科辛未聯捷官侍衛山左中丞入都 陛見禮待甚殷中丞感之是年值武

卷六

四

闈因問公家有應試者乎曰有弟武生某中丞記其名歸至期公弟以痢疾不能騎而罷信數之不可以人力強也

濟南汪榜眼芝田鑄臚唱日起太早假寐竟誤期急驅車至已晚方門之啓狀元已入公一足入門者拒之謂失期後狀元病卒公亦病昏曠中夢至新廟廟中吏役俱足惟缺神眾請公主是廟公辭以親老須後期病遂愈先生席間白道如此

純皇帝南巡駐蹕於浙合江浙河東四省同入鄉試曠典也浙有數人入茶肆大言曰吾浙文風甲天下今日

又在此開科解元必屬浙一人曰不然必在山東解元卽吾也浙人問其姓名曰諸城王某也眾斥爲妄發榜果然山左時文鈔曾刻其人之文惜不記其名矣

福山王善寶孝廉也嘗夢公車入都車懸燈籠大書十三科會試果入春闈十三次不第下科仍赴闈在都病不能試遂不復進取不獨科名有定分卽無益之奔走亦有定數如此著有煨芋岩詩集長子進士三子甲子舉人四子辛卯舉孝廉

卷六

五

新城何平子維絮中嘉慶甲子順天鄉試房師滿洲王公麟夫人知書工時藝何偕同門謁師畢卽請拜見夫人夫人華妝南面坐前設長几鋪紅氍毹攤諸卷於上兩行侍婢珠翠環侍禮畢命坐以次評諸生闈藝賞其警策間摘微疵無不傾服何請改中二小比夫人沉思良久曰二比天機所到未可易也刻硃卷評語皆夫人所加

嘉慶戊午山左有士子夢吐三狗入闈則子謂公子荆一節有三苟字喜其夢之驗也是科果獲售而寫卷時三苟字倒置磨勘罰三科山東丁卯科扶乩問題者乩書四語上三語含糊末句云當於四子書中求眾謂題有不在四子書者耶漫語耳及闈題乃求爾何如一節

始悟四子書中求明告之矣

山左某科初場次夜三更一號舍中聲如牛吼鄰號生
掀簾視之見其人以帶繫椽勒其項以手儘力掙其一
端血面淋漓丁刺目中呼號軍至共解之已昏不知人
稟官抬出其卷有草三篇視之非文也乃婦人自訴冤
狀與撫軍者一自敘致死之由一詳敘生之履歷戒勸
眾人略云已與某生居址相去非遙初不相悉偶出觀
優生偕狂徒窺覘妾本貞潔略無嫌避不意生造蜚語
妄相污讒致夫聞逼問妾茫然不知端緒屢受捶楚無
可控訴惟以死自誓雖自縊而名終不白銜恨泉壤故

卷六

六

索其命又欲人共知之以洗妾不白之冤且欲讀書之
人當知口孽最重關人名節係人生死一時戲語後悔
難追如此詳敘已之姓氏與致釁之年月當時同人記
之甚詳今不復憶

山左某生入順天闈夜垂簾作文外有人呼之曰先生
不入廁乎曰否良久又云生不耐斥之掀簾視無人疑
焉入廁覘之有自縊者懸梁上大駭急呼號軍解救已
死矣查係某號則殘燭猶明卷上作文一篇其破云必
使其死於七千里外天之所以報斯人也全文皆敘其
事而以八比法行之蓋鬼作也後七律一首聲情嗚咽

又似其人自寫死於外之苦惜不記其文之全

山東學使王公名炳侍郎以銜子也按試濟南生童赴
省途中聞人云學使死矣何赴為有疑而歸者上省
則公無恙時值季冬試淄川童風寒特甚半不完卷越
二日方屆試日將暮公忽中風暈倒二鼓遂歿太夫人
在堂急報撫軍印卷俱繳是時幕中賓友及臧獲輩四
出招搖幸太夫人識大體倉卒鎮定案終未貼羣奸無
從染指也先是考試題有寒疾有採薪之憂識者疑
其不祥至是果應塗中之言異哉公三鼓即起點名畢
危坐堂上閱卷終日俟放場無一人然後入內諸弊悉

卷六

七

絕來濟時已抱病嚴寒不懈可謂勤於其職矣

日照安苓庚午舉人闈前自云必中問所以秘不言及
榜後親黨往賀太公曰吾固知其售也客詢故曰子忘
余之遇孤乎先是公幼隨任粵東夜數夢遺心訝之既
而有女至華妝豔麗遂相愛如伉儷三年後歸而娶婦
意孤不復至矣館中獨寐若有人擲土自窗入而紙完
好無隙不知所由來明夜復然起而趨房至門遇人迎
面來驚倒昏不知人移時始甦忽覩麗人審視則向所
遇也且喜且恚曰卿故交胡惡作劇且盛飾如初見時
毋乃客氣耶女曰不如是恐不吾敬一笑而罷相愛如

初起坐不離家人不之見久之姻族無不知其有狐妻者一夕枕邊絮語謂緣盡今宵從此別矣公驚問女曰余本天女謫降托生為狐與子有宿緣限滿當歸天上耳公曰若然子胡不度吾為仙女曰子無宿根然亦福人也問後會曰俟汝子中時相見是時公未有子及芥是歲秋試公寢書舍恍惚如夢見庭中五色炫耀出視則空中彩雲一片有女道峨執拂立其上驚視未定女乃以拂撥雲面目如畫神彩煥然謂公曰余前與君有約今特來踐言耳公乃知為女也方欲與言雲已冉冉而升既醒庭中似有餘光未散與芥備言所以故以為必售也公二子次藻有文名天才橫逸後病自言前世為高僧授職陰司今復歸本位耳芥後選濱州學正未赴而卒

卷六 八

老王所取為己我取某號書法逼真歐陽與我無二得此代筆門生甚可喜也或詰之曰此生必公所素識者曰否吾于卷中美其書法也詰之曰公所見者硃卷耶墨卷耶乃悟字為謄錄筆而悔薦中之誤思欲別取一卷陳于主試主試曰子愛字之佳遂忘為謄錄薦而取之亦生之先人積德所致既定矣勿庸更換比榜發生入謁始知省會大族一佳公子次年王致仕生會試歸延居其宅起居飲食無不周備竝出貲復招昔之謄錄者同養於室代公筆墨之勞樂不可支每謂人曰我今得享此福者得力於歐陽耳

卷六 九

山東鄉場有燭三爆一事乾隆某科內簾章公秉燭閱卷其優者留案上以備薦偶閱一卷文氣通順而詞意淺薄將棄之忽燭花作爆一聲火飛於案恐燒試卷急起熄之此卷仍存案上復閱之嫌其終鮮佳句又將棄焉燭花復作爆聲響而且明章異焉執卷對燭祝曰此卷實非可中之文而兩遇燭花之兆如果若人應中乞燭再作爆聲祝畢而燭又作爆一聲火星滿案聞窗外巨聲曰燭花已三爆矣猶不肯薦耶章公大驚窗外呼者乃某房袁公也章延之入將卷與閱袁笑曰此卷固非必中之文中之亦無磨勘之慮薦之亦可次日薦於

副典試閱畢問公曰兄典制手何薦此清淺文章備述
燭三爆之事副向正主考曰尊夢應矣緣正典試在途
亦曾夢此三字耳榜後此生來謁乃屯中一舊家子年
三十餘章問曰君家有何陰功能使燭三爆耶生不解
公言誤應之曰祝三跟隨門生來暴女於八月初間生
一子矣公駭然細詢之對曰暴女者祝三聘妻也年荒
逃難賣女爲婢五載聞是祝三之妻喚至賞還賜以錢
物住宅使之成婚次日祝三謝而又謝曰妻猶處女也
喜其誠實畱之服役因師下問敢具陳之公乃備言燭
三爆之事生始知燭爆與祝暴同音誤對之中乃正對
也

卷六

十

淄邑西鄙有丐者足不伸匍匐行事母極孝所得食必
先奉母雖飢甚不敢嘗擇佳者獻母餘乃自食一日天
陰晦急歸家不良於行心逾迫路遇古廟不遑息有老
人自遠來語之曰雷聲虺虺雨且至盍入廟暫避丐者
口銜籃以手代步急遽前進若弗聞也者老人大聲呼
之始置於地答曰老母在家若阻於雨何以得食老人
曰入廟吾醫汝疾疾愈行不更速耶丐者曰吾病从豈
倉卒能治老人強扶之入搯其足捫其腰膂丐覺滿身
熱如灼猛以手提之起與以籃曰速行勿反顧丐者亦

不暇計何以得起也疾趨里許忽悟曰吾今何以如是
亭亭也回顧老人已杳至家述諸母母曰此神佑汝也
鄰里嘆嗟咸以爲孝行所感自此改業作小經營養其
母以終天年

吾邑袁氏子年十七而亡母獨居孤影自傷有田數畝
荒蕪無治者兒之魂輒附其體爲之田作如男子自言
不忍忘母故代之也數年母歿乃已死而服勞可謂孝
矣但人不能來去自由如袁氏子耳毋亦一念之誠鬼
神之禁歟

城南孫節婦北方不知何縣人其父攜之乞食婚於孫

卷六

十一

氏孫亦貧家也其夫卒氏守節食木皮草根忍飢無怨
悔勸之改適不應氏無翁姑有圖財偷鬻於人者突遣
多人強劫之婦知有變急入屋閉戶眾排戶入則已縊
死矣惜不知其夫姓名

周鼎爲某邑千總忽大盜十二人白晝入城劫庫銀疾
馳去莫敢誰何周聞信跨馬帶刀挾弓矢追及盜駐馬
欲門周語之曰爾于百步外豎馬鞭吾射之不中任汝
攜銀去否則畱銀勿取死盜如其言一發而中鞭斷爲
兩盜驚顧擲銀於地取回絲毫無失周官至總鎮

漁洋門下士不勝數乾隆中彫零幾盡惟北平黃崑圃

叔琳巍然猶存康熙辛未會試所取士也嘗視學山左
謁先生於里第以漁洋詩話授之使爲序崑圃後秉臬
來東年猶壯盛及袁趙蔣諸人起崑圃老矣心餘上詩
云玉筍爭傳少日身新城門下獨嶙峋舊家標格真龍
鳳弱冠文章老鑿輪極美科名周甲子斯文壽考應星
辰漁洋弟子今存幾霜雪垂肩第一人按漁洋以順治
辛卯鄉舉至康熙辛卯冀與新郎君會老少同年是時
年七十八矣五月薨于里第未遂其志崑圃重赴鹿鳴
爲一時盛事其初本非黃姓太翁遭家難爲黃嗣未忍
復姓亦古義也聞崑圃子亦官山左未詳

卷六

三

德州盧揚曾抱孫先生從兄也年長于諸弟諸弟皆入
泮已猶未青其矜忿甚盧氏有籍德州衛有籍歷城有
應商籍乃易名三處投考院試皆取入學招覆不敢到
是時督學爲黃崑圃先生疑爲隨場之鎗手查訊得實
原卷內號皆第一乃取本衛案首前輩破格憐才如是
兗州李某井旁何首烏甚茂道人乞其族諸生某相贈
與分食且教以前知術遂名聞朝野有士人遊素求卜
與以三封各署月日遇盜拆第一封云往昭應寺宿果
獲盜貨無失至戚太守署宴客有妓折二封云納之可
弄璋買之後果生子拆三封云某生可作季試首仍結

納之蓋因太守季考士人閱卷府學果有此生文亦佳
列爲首太守厚待復出已資贈之某生十年後爲文宗
士應試亦拔首名食餼遊歷下撫軍周彝初傳進署與
之談龍鍾之態左右必需人扶翼聞尙有房中之好未
幾死

嘉慶十三年 上諭本科會試中式新進士王服經年
八十五歲殿試三甲文理清通引見時看其精力尙健
洵熙朝人瑞哉伊卽未經中式亦例邀恩賞給翰林院
檢討銜今若改用庶吉士令其在館學習伊已髦耄詞
賦之學或非所長耳且散館轉需時日王服經著加恩

卷六

三

卽授爲翰林檢討以示嘉惠此吾山東人遭逢 聖世
得遇 曠典誠一世之榮也
科名有定數前人屢言之矣吾鄉工部賈筠堂楨爲諸
生其尊人都憲公以君生年干支送蔣丹林先生處求
爲評斷先生云當乙酉中丙戌定作鼎元先是都憲奏
摺爲工部膳寫一日 皇上面詢摺係誰寫公以實對
上深褒嘉謂異日可作鼎甲及乙酉選拔鄉會試中式
都憲謝 恩 上皆以鼎甲相期人亦謂將來狀元無
疑殿試後臚唱狀元乃朱朶山也筠堂以榜眼及第
聖恩極隆而又至公朱字亦學歐陽率更體與工部平

日所書相同聞朱殿撰前亦送生年八字與丹林先生先生云前十年已許賈某丙戌狀元何又一狀元也乃細細較對賈雖及第不能得元

山東鄉試歷在天衢雲路兩坊先唱名挨點五鼓開門點教官畢始照府綱依次點進有宋公某者由明經而授教職者也頭二場頗得意入三場天尚未明尋至號將場具與號軍入廁見女子立側厲聲呵之即不見問號軍曰此鬼也初六日已見此矣有人時少安無人則公然哭罵不休言欲向某縣某索命公立于號門有人入此號者必問籍與姓日已近午來一少年貌美衣鮮

卷六

古

詢之即鬼所尋之人也邀入已號告之顧面色如土求救于公公曰冤鬼纏繞恐難望中與其受害于場莫若乘院門未封假病而出顧然其言即求巡場官稟明放歸公思女鬼尋仇而來我縱其仇必不甘日夕垂簾而待初夜寂然次早策題下專心條對忘此事矣中秋夜寫策忽纖纖女手掩卷上公吐氣以吹兩手分急書數字兩手復掩旋掩旋吹旋書旋掩半夜無休神疲而睡女曰公名已登天榜願以情訴吾即顧某聘室顧淫表妹轉污吾以不潔之名以致含冤而死今待彼于矮屋中以圖報復公又縱之惟願公異日秉筆表氏貞潔則

冤銷矣公許之女鬼再拜而沒場畢尋顧知出場日已匆匆遶去榜發果中

乾隆十二年 聖駕南巡過濟南貢生張廷聖之孫永清五歲能背誦 御製樂善堂全集其祖攜之迎駕命入宮 皇太后皇后皆加賞賚時悼惠皇子甫喪逾月 孝賢皇后觸緒悲痛人言其貌與皇子酷肖也至乾隆二十二年丁丑南巡其祖復攜之迎駕年已十四御製墨濟南舊作前韻云五歲神童亦自賢誰知深恨觸悲絃那堪疑疑將成冠鞠履趨迎蹕路邊時謂欽定神童未弱冠竟卒東撫奏 聞 上批知道了

卷六

古

一小兒生而能言自云爲宋時萬俟卨曾與秦檜同害岳忠武在陰司受罪屢矣征金川時托生驛馬跑死者二次問秦檜今何在曰爲娼王安石爲文廟泮水中魚父兄嫌其爲前朝姦人戒勿言

長山焦家橋徐東萊死而復生與家人不相識自言爲閩人揚姓行五其父官知府年十七矣未娶歸家將與完婚與家中眷口同往祭墓女眷乘轎已乘馬馬蹶墜地有兩人掖之飛行初聞家人喚聲漸遠不聞倏忽不知幾千里推墮於此始知借屍而生則年二十餘已娶矣蠢然一農家婦家又貧大非所懷每欲逃歸道遠無

贊且恐至彼形貌已殊必不相認乃勉畱焉幸前文藝通順應試入邑庠面黑色皮亦死矣數年竟卒

王村西南有小村忘其名某甲老矣臥於榻不能步履子之飲食則飲食否則睡如是二年家人置之待其就斃某時自言吾托生某家矣述其父母名姓及其門巷歷歷人以爲昏沉中妄語也既而又自言外祖家姓且與之起小名怪之相去非遙試往探如所言而不睡飲食如故大抵此睡則彼醒彼睡則此醒但在彼不能言而心殊了了久之乃卒及某村之子長則不記前生齋然一農家子爲李家瞳王氏牧牛未死而轉生奇轉生

卷六

其

而仍不死一神往來於兩所奇之奇也造物之不可測如此

海豐縣張翁康熙間人忘其名前河南藩司名鎮者其孫鹽運名映璣者爲曾孫初翁單丁耕數頃地播麥一年而獲倍收將收時賣地人以其地倍收重價售之翁將所得值築墉建倉不糴有議之者翁曰地獲倍收地力盡矣來年必歉設不中吾言吾復地不難否則吾將儲之麥以賑饑饉人生百年恩恩易盡吾藉祖宗之福未嘗凍餒僅一子讀書所用幾何明年果赤地千里途多餓殍翁乃開倉發賑活人數萬子連捷選直隸縣令

不染一塵家計將落少君在任計無所出跪告曰署中日積虧空將來奈何願往京師求某年伯爲計某旗下大臣一見甚喜曰此來甚善三日後卽有命下將爲河督吾無親人爾我同行但須努力自愛耳命下卽奏以張鎮假主事銜爲前驅半年河工大億大臣往河工會議無良策張跪陳指畫侃侃中肯各大臣喜依議行河乃治後保奏以同知用洊升至河南藩憲初張前查河遇雨避一村門者報主人畱宿待食主人者先達老翁近河居數代謂之曰余退居幾十年所籌策者唯河工一事今已繪成圖冊願以贈君會議時得此書才半月

卷六

七

耳

新城王君祖肅初任江南某縣縣有疑獄經數年歷多官未決初甲送其女于夫家途次女欲于林際便旋久不返父往覘則被髮吐舌流血覆面望其父怒詈父攜置馬上宛轉屢墜強抱持抵家已日暮緬述其狀舉家以爲顛甲囑壻善守其女而急歸至曉門不啓呼不應抉窗入則甲女不知所往而壻喪其元矣訴于官官不能決王君至他縣尹方會勘皆疑妖王曰以余度之非妖也至其家驗蹤跡周視屋內別無隙竇當門供關帝一軸風颺起微見後窗可以啓閉者也公默計窺要在

是矣詢其舅姑曰汝婦娶幾年爾時有僕役否曰有年幾何曰二十許歲問今尙在否曰聞在關外數年不歸矣問其姓名稟上憲行文提至一訊而服蓋與婦有奸而設爲此謀邑稱神明膺特薦升知府聽訟隨處留心自能得實卽此一事可鑒也

海豐張公映璣任浙省鹽運性恢諧好作詩嘗出拜客一婦攔輿訴其夫寵妾侮已狀詎不休公遣之去曰爾有冤向有司訴之吾賣鹽者也不理民事在輿中戲爲打油詩曰來了一婦人攀住轎杆訴我賣我的鹽不管你吃醋迷之同官無不絕倒公善書嘗得宋高宗下岳

卷六

六

忠武草詔筆墨飛舞摹諸石以公同好嘗見其圍記寫作俱工罷官遷居於淄去子家八里好絲竹歌舞命二美姬於園中馳馬洒脫不拘如是

李君名蕙者嘗記其客技勇絕倫又有術最奇其夫人背生瘡赤腫形大於盤氣息奄奄待斃矣乃衣以送終之服棲之于牀客以事自外歸語之故客請視之曰無傷也命去其衣便服鎖之空室別院而居不許人往并不與飲食李君以其病之不可救也姑聽客之所爲至七日忽聞喧聲視之則夫人斷鎖而出譁於庭曰何爲閉我飢餓無人問袒其背視之則疤痕如盤而瘡無

矣問之殊不自知客曰戶已壞矣推之果槽一塊圓大如其瘡手推卽落

有貧人無妻攜幼子乞食恆不得飽求同鄉某先生薦其子作館童不受值先生無事時告以字輒解授以書敏悟日記數百言從旁日聽講文先生取一篇指授之一日以人而無信命作破承頰通又命作小講開手云嘗聞天地之道不貳先生大賞贊遂使畢之當日完篇先是東主有幼女囑先生爲擇婿先生曰但勿嫌貧乃可主人曰苟其才也何憂貧吾有地四十頃予之半足矣先生曰非他人卽此子是也異日必貴主人許之未

卷六

九

幾入邑庠未弱冠舉於鄉聯捷成進士以知縣用未知官已遷擢否惜不記姓名諸生張大美病歿魂知已死痛哭遇關帝問何哭之痛曰母老子幼無人侍養故也帝憫之令其還魂養母語之曰陽世爲子廟聯甚多皆未愜意吾今自作可代爲傳之張甦乃爲帝新廟而聯不能全記憂思臥病有青衣叩門問張相公母告以故青衣授一紙曰此藥方一見卽愈持歸示之乃前聯也聯云數定三分扶炎漢削魏伐吳辛苦備嘗未了生平事業志存一統佐熙朝伏魔盪寇威靈丕振祇完當日精忠

新城某家貧敦信義年壯矣無父母兄弟亦無妻有與
議婚者須聘錢十千熟思計無所出念離村數里有南
北道曠無人可小試爲劫乃執挺往隱柳下曝黑後有
騎而過者以挺自後撞之墮其人惶懼某曰勿恐吾不
擊汝首恐傷汝也吾急須錢可與我曰無錢有銀某曰
銀亦可傾囊獻之某曰勿須許多乃檢其碎銀盡與之
某曰亦勿庸吾止須十千耳遂約略估計與之既而曰
前途荒邈恐有傷汝者汝復騎吾護子以行行數里曰
從此村密無患矣荷挺而歸納婦生子家稱小有乃語
婦以前事曰此恩不可忘也惜爾時未問其里居姓名

卷六

三

欲報無由憶其鄉音似武定府人乃往商河利津一帶
以貨油爲名庶幾一遇而形像都忘茫如捕風歲且暮
矣嗒然而歸止一旅店行客已滿無可棲身主人曰無
已與吾共榻可耳延入小室主人遽去某獨坐視壁間
畫柳傍有人騎而過一人執挺欲擊不解所謂久之主
人歸謝曰客多忙亂勞君久待某指壁畫問何意主人
曰某年吾自外貿易歸挾有重貲至新城地遇劫者取
甚廉不吾傷而護吾吾感其義而不知其名畫此以誌
德也某驚喜曰劫君者卽吾也曩以缺聘金故劫君今
娶妻生子皆君之賜也特來尋君而若不遇君乃在此

主人亦喜出望外曰數年夢勞今乃得釋呼酒命酌詳
告家人遂締姻焉

順治十六年海上之變金壇薦紳罹禍最酷王主事明
新自謂宦於京師可以倖免而名在逆籍身戮家徙有
妾方孕行至山東紅花埠產兒旅舍楊老僕密啓曰覆
巢之下已無完卵一線之繫在茲客嬰此去馮益都家
不違我主爲其門下士受知極深馳告求匿必能納也
妾是其言楊乃襁兒於懷痛哭夜走叩益都之門時馮
公方在告慨然曰此我事也疾揮楊去遂命如姬乳之
名曰協一示與已出無二長而就傅壯而受室俱與諸

卷六

三

子同而協一最幼因字公季嗣後益都以執政請老公
季年甫弱冠崑山徐司寇亦於王爲師弟甚高益都之
義育內姪以字公季而盛奩嫁焉內外協和聞者傳爲
美談後公季以益都應歷仕至廣州太守而金壇王氏
之孥復以輸金歸自塞外完聚骨肉仍享膺仕皆益都
存孤之德也

長山徐子耘先生之仲子玉泉在京師與同學喜召此
仙一日召至書一僧字再書難書救謂僧有難求救也
眾不知所以又書云不救則殺汝眾大懼焚符送之不
去室中時聞嘯聲響徹戶外眾計曰人無如何宜召仙

制之仙至曰此妖僧也吾不能制有游仙師者可請之且書一符式與眾焚之游仙果至索豆一碗撒於庭囑曰以後召仙慎勿洩送畢眾避去聞院中隱隱有聲聲寂而僧之聲響無聞矣後扶乩箕忽旋舞如風大書岳字蓋忠武也又書云百步外有殺氣何也眾白游仙降妖僧事異日復請游仙仙曰吾囑勿洩今岳忠武奏玉帝命吾往南方有職守不得復來矣後再請果不至蓋仙樂蕭間亦如人間之有隱士有職則不得自如而忠武之求賢亦如爲國之心云

邑諸生某騎驢出門途中有人自後呼之迴顧似衙中

卷六

三

差役曰相公有官事可隨我行生自念無罪犯姑隨之至則瓦村之南城隍廟也入門繫驢庭樹俄陰官升座生伏謁階下神曰有人告汝人命事汝知乎曰不知神命呼一婦人來則家所覓之炊飯姬訴於神曰彼不良置毒於餅致我死生曰我以毒鼠不料其竊食神命檢籍籍注姬應死於某年月日神怒曰此自汝之數盡乃妄扳人耶逐去之謂生曰鼠雖可憎然上帝以好生爲心不必殺也令役送之歸倉卒忘解驢奔馳至家而寤則已在靈牀死已越宿矣先是有人見生與驢斃于途告其家昇之歸家人視體尙温未斂及甦而驢則終死

矣生有遺魂記載其事甚詳

李公世琛爲江寧太守有客挾異術習其術富貴惟所欲但可一不可兼欲科名者入闈文思泉湧隨意打寫皆天然佳構出場則仍本來面目富則不期而財生特習其術必無子故鮮有學者有難處事亦能爲人解而解後亦必別有不如意之事不可輕用也李公嘗有盜案謀於客客爲設一燈夜挂高竿未及月而獲盜於署前茶肆俄而李之愛子暴卒天之所爲而人強以術劫之故必犯造物之忌客亦進士而無子蓋卽用術以得科名者

卷六

三

利津有人善祈雨然不輕試必極旱村人懇切追求乃勉應云雲雨關天數逆天必遭譴雖濟人與利已有別而祈雨一次必減壽一年其法於曠野以棹爲壇層累極高危坐其上先接眾繩令極長乃默默作法俄天上雲片片往來拋繩而上直入雲際若繫之者雲聚愈多漸而彌漫以手掣繩力不能支數十人共掣如曳垂天之帆雨降不過數里不能遠被

棲霞建岳王祠廟成未塑像暫以黃紙安神位有無賴子舉足將蹴之忽擲身數步外鼻口流血眾爲跪禱半日始生精神恍惚遂爲癡人

山左趙玉海豐人自號風子其祖寄籍天津之靜海家
富于貲人號趙百萬後家漸落其父避訟歸里所餘財
產托友王商經理以僕趙成佐之時風子尙在襁褓也
父邁疾卒母亦繼歿風子養於族間稍長以算命糊口
不知父之有遺積也適天津駐防佐領達齡與其父素
善老僕成時往來每以舊主爲念達勸其回籍訪問得
風子偕至天津藉達力王商交回一萬八千金地四千
畝風子於是復爲富人居天津趙家莊感達恩呼爲義
父無何天津駐防議裁移達於閩風子贈金八千爲路
費數年達公歿風子聞訃痛絕變產得萬金航海往經
紀其喪義母知其破家而來怒曰兒如是何以自活拒
不受趙拜懇母亦慮其金多誨盜乃受其半風子以三
千金爲作佛事於鳳凰山寺無空和尚義之口授地理
精妙無倫旣而辭歸風子形似猴坐立無定天關不通
人道慮絕嗣覓得純陽地於寧河地爲富家張氏有無
計可得乃變姓與之講宗好試其術無不奇驗與張相
得甚久之告以父母未葬乞其地慨然與之葬後風子
陽道忽生娶妻生子女各二焉其術之神不可殫述曾
至一墓相之謂必有產厄預於墓側掘土九乃地氣結
成層層包裹及婦臨窆隕絕已一日矣風子至以土九

卷六

五

合水灌之頓蘇母子無恙一家多殤子求相其宅徧視
之指西廂曰是室當有聲居之皆頭痛果不爽乃布紙
覆盆分香四十九俾老嫗執而繞之旁一盂水及一帚
揮眾出曰聞盆內有聲速告已而盆內聲唧唧急以青
紗蒙童子目促入視見白氣上冲如人形風子曰怪在
是矣入室以帚蘸水洒輒上頓似鮮血曰下掘三尺有
似炭似石者命碎之曰怪去室安矣其人曰自此可生
子否曰未也須相墓指其妻之墳曰棺被焚擇穴遷葬
則生子矣約日遷葬其弟備屏水具問何爲曰葬時水
滿壙備屏水耳風子曰若如此吾甘受罰及開墓無滴
水棺左有燒痕葬一歲妾舉一子有州牧延看官署至
內宅曰犯黑沙紅沙小口不利州牧止一子方七歲多
病因求治之法與前同更取幼子貼身衣鋪地拘魂令
其祖母舉衣屢問重否至三舉其重如兒急令以衣披
兒抱之令穴南牆更掘地出紅黑沙自此兒病頓除一
家有贅婿遠出不歸延風子相其親墓曰是受傷婿有
吐血病須用藥治其墳從之越三日得婿書病果愈其
他改山向補龍氣發科甲者尤多寧河有大家子孫繁
衍丁百數風子過墓曰地本佳城惜異姓新葬破之兆
當絕改修可解其家不之信越十餘年百口繼亡翁媪

卷六

五

垂八十矣風子性慈重義疎財見墓有絕嗣及凶兆者密為修治損已財不恤也即與人相地多不索謝又好善施粥濟貧放堂齋僧動輒千金長白福慶為作傳甚詳

某生落拓不偶出遊四方冀得訓蒙餬口遇人與攀談欲請為記室欣然從之乃至海涯登舟徑進雲水渺茫莫辨方隅久之近山緣微徑而登過山則汪洋之水羣山環抱復舟行波濤中一島聳峙捨舟而上島中樓閣連互彷彿仙人之居至門則僕從雜沓擬於侯王某且疑且懼問其人是何地主何人也其人曰子無須問俾

卷六

美

子得所足矣乃引見主人相待甚殷居之別館飲饌精美其往來書信不書名不稱字第投以所用暗記究不知所往還者何人大抵似諸處豪猾密信不敢致詰居年餘不放歸意無聊賴一日主人與飲一侍坐者面黑短小精悍主人謂先生頗欲出遊以破悶否某曰甚善主人曰島中逼窄不能暢懷宇內名區惟意所欲可相送也某憶曾遊天津愛其繁盛遂舉以告主人謂侍坐者曰老黑可伴先生一遊逾日出山二人浮海同至天津酒樓妓館遊歷殆遍特眷一妓連宿其家三人共飲一人突入形軀偉岸背插雙刀曰老黑何得至此以手

拍案案仆地四脚俱摧某大驚駭起視其人已倒地胸破血出死矣某大疑曰來何壯死何速老黑舉袖相示則一刀瑩然微露其尖曰吾殺之耳先生速行某股栗不能前又曰速登吾肩出門疾馳捷於奔馬俄至海岸登舟使舟如風抵舊居驚懼方定始知老黑異人也久之主人復請先生出遊不敢復北欲往西湖仍以老黑往至一關隘兵列舟上盤詰甚嚴老黑一舉手兵皆辟易舟如飛鳥驀過某大駭至西湖略一遊眺即過歸又逾年主人曰先生離家久可暫歸贈以巨金歸置田產稱小阜矣

生所居忘其為鄰平章邸

卷六

老

吾邑有僧居荒山豺狼成羣夜叩門窗不敢息牢中豕四五頭皆果其腹有客騎驢相訪欸留之及曉則驢惟一首在焉客大恨曰顏山某家有巨鐵貓吾攜來治之及至二人極力始能支起置驢首於中夜靜食驢者果至先以尾探之貓驟響驚逃起視落毛如掌復支之未幾一狼至碎其首一夜獲狼七遂無來者僧自是安居貨其皮買一驢贈客

程公題雁自長山調繁聊城與馬子琴倡和為詩靜夜拈毫方吟詠間有人自屋上飄然而下花面青衣手握利刃手扭公衣以刃擬之公悚懼不敢聲久乃釋之騰

身而上屋瓦無聲公大呼一署盡起急遣人守四門大索城中竟不可得豈劍俠之流歟

萊州離毛家島不遠相傳龍宮在其下舟不敢過一漁舟載酒及乾餼經其處一物自波中出似人而黑突目鋸齒跳入舟中攜酒瓶一吸而盡復食其乾餼畢入水漁人獲魚滿船次夕又載酒餌至其物飲食如前又大獲將返一老人出語之曰慎勿再來渠亦受罰矣漁人遂不敢往

淄川村民某兩足牛蹄有力每春秋與牛共耕冬以小車運炭八百斤不履不襪嘗睡道側有人遠而望之一

卷六

无

大花牛近視乃某也

新城王公灤川重光明時官黔中叅議以採木沒于王事號忠勤公立祠祀焉其孫某于秋闈後夢至祠中見公在龕高不盈尺躍躍欲動某跪而請曰公何來曰吾自黔來因秋闈近來視汝輩某問孫今科得中否公笑曰未也問何由得中公曰積德和睦文雖平順可中否則佳文亦不中曰然則吾家誰當中公曰某也可又見西北隅有傘蓋數十公指示曰此汝某伯家也又指一處亦有傘二三曰此汝家也如吾教則此傘張否亦無用是秋所謂可中者果得售而某竟落其伯則官右布

政漁洋先生之祖也人間科名豈偶然哉見王氏家訓

新城于丹圃崇墀作令鳳城天師過其署值縣試畱與共坐點名時見一童謂之曰汝面有妖氣對曰無之天師曰汝不言死矣乃曰一婦與交無術可遣天師與一符帖寢室比夜婦至詈曰吾何懼究徘徊不敢前既而憤甚手裂之霹靂驟起一狐斃焉

長山周村為各省商賈所集修玉皇閣競捐金貲有張啞子為人挑水覓錢或謂之曰爾亦布施乎點其首日數幾何啞子計所積二百餘千盡捐之乃刊碑首列啞子名今猶挑水自給亦異人哉

卷六

无

吾邑耿家莊有范姓善祈雨置書蛙口中壓砧下移日啓視蛙無矣作法拘之出視口中書信有雨則許若無雨不能強也云使蛙于龍號范神仙

長山白家莊安某家富無子畏妻悍如不敢納妾妻弟憊懇之曰君別墅甚多吾為君買妾置其中安猶不敢妻弟云子不言誰洩之者如其言生二子猶不令妻知妻弟又為之謀使在別墅詐死家人報曰主暴病甚危妻惶急姪輩早與謀乃故相聚謀分產業妻方寤又有報者曰死矣抬至廳矣姪輩闌然取牛馬者器具者粟米者氏號泣不能止弟忽至向之哭訴弟曰吾向勸為

姊丈納妾姊不聽使有子今日何至此氏曰但令有子吾不受人欺弟曰設姊丈偷買妾生子如何氏曰何可得耶弟曰似聞有妾在某所生子二矣妻驚喜弟命家人取之時已隱於左側相率入妻慰甚某猶臥牀上妻弟以足蹙之起曰猶佯死耶崛起而笑合家大安長山某以浴池爲業有丐者每就煖其地某叱辱之丐憤夜自經于其簷下某之姪偶起見之懼禍潛移于對戶小鋪及曙小鋪主人始覺官私交累遂傾家焉某竊自慶从之小鋪主人夜聞叩戶聲隔窗窺之乃驟一頭有二鞞木在背上知解丁銀者伺無人知取其銀焚其

卷六

三

木揮驟使去安寢如故俄驟復回首觸浴池門某起見之大喜牽驟入亦幸無人知也天明驟夫尋至索驟某不知其爲解官銀者也與之鬩驟夫告官某傾家償之至鸞屋益都某游擊從征川蜀賊平後帥問諸將有能食生肉者乎某自負能食生肉十斤方欲有言見一人身不長大而精悍特甚稟帥請肉帥曰能食幾何應曰四十斤卽如數予之抽刀自割須臾啖盡帥曰能再食乎曰尙可十斤耳又予之亦食盡但不及前之速新城王君祖彭父官於南所生也攜之歸家時年方七

歲在舟乳母攜之誤落於水無可拯救家人號而去舟行六十里見其雙手攀舟尾露其首急援之喜出非望問之云似有人擁之不落以爲後必大貴及長揮金如土蕩其家其兄在家所生也從父任所病亡買棺無當意者後至一鋪得棺甚佳價定昇歸於棺中得一帖云某年月日製卽其所生之年月日也方生而棺已預爲之矣且隔數千里而巧值若此人之一生何非天哉營營者殊爲失計

卷六

三

擊歛有婦人飄然而墮益駭以燈照之伏地喘息未致跌傷問何能履空曰啓戶取火有大鳥突下兩爪抱之騰起號呼無應者鳥挾人飛遲不能極高聞銃聲而驚故得墮問所居曰夏莊去家已二十里矣吾邑東千峪村在山中有少年袒背力田大鳥飛過見而垂涎欲攫之翅廣丈餘扇動風響少年懼舉鋤仰擊乃舍去使出不意亦挾之而飛矣邑之臺頭村李姓者家貧攜妻子至應城東之龍山鎮久之勢不支乃鬻妻議某日人財互交至夜夫妻相向哭隔壁爲旅舍宿客監生某富於財豪蕩揮霍借友應

秋試赴省聞哭甚哀問主人主人漫應之不實告既而
哭不休客恚曰爾不實告我心惻惻終不能寐語之故
使召夫來出白金四十與之曰以此作小貿易可勿賣
婦使糶麥磨麪慮其乏驢脫驢贈焉婦攜子來與夫叩
謝李如其教家曰以阜子長聰穎特甚早年入泮有聲
監生某以游蕩耗貲產債蝟集適大比諸同人復邀之
赴闈生曰吾之學植諸君豈不知耶曩之應試爲遊眺
計今空乏何復作此無益眾曰藉此避債亦復佳耳費
則吾等供之遂行入號鄰舍一少年頑跳非常題下之
明日黜不休生本無根柢又爲所擾不能成一字少年

卷六

三

入舍磨墨展卷揮洒如飛良久撫几長歎生笑曰豪興
亦復減耶少年出窺生卷訝曰先生何尚未落筆生告
以故恐曳白出無顏向同人少年曰余文藝已畢自覺
可中不意卷爲墨汚甚惜此文先生可錄之倘得志可
至寒舍爲吾作老門生也告以里居姓名二三場幸遇
同人得竣事揭曉少年閱題名錄知生中掃舍待之生
至攜土物爲贄治具相款母潛窺客識是贈金者召子
入泣謂之曰吾與若父分離在頃刻非此客救拔吾不
知何往爾將填溝壑矣吾一家得保聚且饒裕汝乃得
以讀書今藉手以中實鬼神之靈使稍酬萬一倘若父

在猶當父事之汝乃妄以爲門生可乎吾當時未悉其
名但記其姓客年雖老面目猶可識汝出再問客在此
地曾行一善事否若果然則吾且見而相謝少年出問
客已不憶舊事沈思良久恍然曰有之爲述其事少年
伏地謝入告母母盛服出謝後少年中進士爲縣令路
西兩樓卽其宅也家落乃售於他姓余嘗宿焉

卽墨嘉慶庚申舉人陸雲從之弟十餘歲讀書無甚異
一日讀孟子半部將畢師曰今日多讀幾頁明日讀下
半部矣應聲曰是離婁之明耶師曰汝未讀何以知曰
固知之因背誦如夙習奇之因舉諸經皆能成誦試以

卷六

三

羣書無不淹貫師大駭一日而神童之稱滿人口命題
作文老宿不能及曾見其至誠之道制藝僅三百餘字
勃窣理窟高挹羣言所作悉短篇如前明高手使之應
試不聽作碑版古文亦非近人所能師由此避席終日
靜坐不樂見客數十年絕無聲聞或云遲鈍如平人矣
不知有物憑之耶抑深自韜晦耶似名雲路今約四十
餘歲有某托其名以游者非是

濟陽閭提督俊烈賞巴圖魯川湖用兵屢立戰功曾偕
將士憩古廟祠宇剝落神像黯然閭曰爾何神落寞至
此塵土蒙面亦如人之不通時也已而起行甫三五里

有人追至曰適將軍有言去後兩旁神像皆泣請回視之返入廟見神座下環甲執兵立侍者數人目下淚痕界破塵容詢之岳忠武王廟也問禱於神曰此行若蒙祐克捷必重修廟果獲勝乃踐其言問麾下有親信四十人能學猫犬鳴入賊巢探消息一日山行遇大溪山水驟漲駭浪迅急問謂士卒曰以大繩繫我腰我浮而過若隨水下則纜繩我若得過以繩援汝等可也問故善泅幸而得渡其矯悍如此

王晉登州人觀察越中家甚裕棟宇巍煥服用侈麗年老被病卒魂投萊州濰縣生員劉曰瑚家轉生纔下地

卷六

善

四顧久之撫膺大哭舉家驚怪只一子不忍殺因叩其故曰我本王某托生汝家今貧窶若此奈何隨話前生事甚悉令召其二子一壻曰瑚如其言濰去登二百餘里不三日俱到語及家事纖悉不遺其子伏地大慟又命召妾李氏至問牀下埋金五百得毋爲人所竊乎妾言公亡後卽取助喪事矣語畢悲不自勝於是二人分產之半授曰瑚兩家往來如至戚萊陽宋玉叔親見其事

吾東柴燦官樂平縣典史舊任連雲棧青橋驛丞離驛二百餘里有風雲山自古不服王化每年一出城中

但市山中所無者柴與相識有年問山中何有山中人云山中有桃數株結實可延年須六十年一熟聞君將遷官當持贈惜尙未熟耳次年果攜二桃至大如斗柴獨食一桃以一桃分食家人柴既高年健飯家人亦無夭折者

臨清王倫之將爲亂也田中豆皆如人首狀面目口鼻悉具好事者攜來異縣以爲玩物未幾而變作方據城時有獻其女於賊者賊以爲僞后及官兵平賊二女竟漏網嫁爲良民婦得以壽終賊首王倫亦未生獲云焚死於樓僅辨其屍當賊卒起徐中丞以五百人赴之遇

卷六

善

諸柳林兵遠來未遑息乾糧車未至士不宿飽突與賊接天猶未曙見賊分兩翼前鋒皆婦女持雙刀我師以眾寡不敵潰賊大呼紅頂戴翎者爲徐麻子中丞乃棄帽鞭馬而奔賊勝而驕分一股北向時有千總某堵禦謂其卒曰傳言賊有邪術烏銃不過火此妄也然正可借此以驕其心若與賊交隔遠則稟銃不過火近則速放及賊至卒稟如其言千總佯怒頰責以棍賊喜踴躍而前銃炮俱發賊眾奔潰追殺無數將以謀勝此千總真有將才惜忘其姓名後亦不知終於何官

邑之東南馬家莊諸生李某兩足病不能起二年矣夜

夢二人至其室坐榻上一黑面貌奇偉一白皙貌溫雅
白皙者曰汝病足可伸視以手握其股自上而下至足
腕抽出爛筋無數曰爾試伸縮如意乎李試之果爽快
勝前稱謝再三曰素不識二公請畱姓字異日報德也
黑面者曰吾黑龍大王又指白皙者曰此漢長沙太守
張仲景先生前君在村前令人掩白骨卽我也感君惠
故請張先生醫汝言畢辭出李醒異之下牀能行大呼
家人取鞵來吾腿愈矣眾至驚喜問所以告以夢先是
李見村人挾土爲甃出白骨一堆棄之君勸掩埋不虞
受其報也黑龍大王究不知爲誰何

李生親爲余
言忘其名

卷六

彙

賈村王某行田中時禾稼茂密突出二人貌甚猙獰赭
衣而長髮呼曰救予王曰汝且隱稼中俟夜至吾家爲
汝謀告以所居而去夜至剃髮易衣且贈以錢閱幾年
夜半聞窗外有人語曰某前所救之二盜聊以報德曉
視之得巨銀數錠久之又夢二人至其家遂學生二子
心竊喜以爲二盜來報德也及長博淫是務罄其產卒
無嗣

邑西某村外有冢不甚高長約四五丈村人去冢半里
掘地得瓦人甲冑跨馬列隊伍攜歸家則一家病復置
故處理之乃安或近冢鋤土忽陷一穴幽杳若洞蓋隄

道也兩壁皆雕刻人物非近時冠帶面粉衣朱色澤若
新不敢深入以土填之不知何代王公縣志亦未詳載
焉

古器墨迹多爲人寶愛吾東如高西園司馬相如私印
朱青雷文君私印畢載績陸放翁心太平硯已載之矣
莫雅于孔北海之琴康熙間孔氏貢入大內莫珍於蔡
中郎之字亦孔府所藏字作八分余不知書但訝其紙
古色斑駁如猛獸之鞞樺木之皮捫之無痕不知以何
製造字之真偽則莫敢斷也吾淄高子固蓄一硯石質
厚重形製古雅背有東坡刻字或云此某偽刻以售者
文人好古每受人欺如此聞王賈望籍沒時他物不顧
獨懷東坡一硯將入獄與客曰此勝萬金出獄還我後
不知所終亦可慨已

卷六

彙

乾隆三十九年壽張逆匪王倫之亂于八月二十九夜
自堂邑鳩眾潛襲東昌東昌距堂邑四十里郡城西面
地勢卑下舊有護城大隄高丈餘賊眾方至隄外見城
頭火炬繚繞隊伍嚴整一赤面長髯大帥金甲耀日坐
睥睨間指揮拒守賊以爲有備不敢進至九月一日午
刻復率眾大至約去城十餘里不見一卒賊喜以爲無
患矣忽金鼓震地大隊軍馬遙擁而來鎧仗耀日旗幟

蔽空中軍高飄帥燾金書關字如斗賊始悟帝君顯靈
抱頭鼠竄知夜間城頭指揮者亦為帝君之救護也于
是不敢復窺東昌徑趨清馬滄州呂偉齋千侯為平
山衛領運駐劄東昌奉檄守西門後獲逆黨皆訴所見
如此吁帝之威靈誠赫矣哉柳林之役亦幸帝顯
聖徐公遷河南立祠
花隱老人居平陵城之東鵲華橋之西不知何許人亦
不自道真姓字所居有亭臺水石而蒔花尤多居常不
與人交接然有看花人來則無弗納曳杖僂僂前導手
無停指口無停語惟恐人之不及知不及見也園無隙
地殊香異色紛紛拂拂一望無際而蘭與菊與竹尤擅

卷六

美

天下之奇蘭有紅有素菊有墨有綠又有丹竹純赤玉
竹純白其他若方若斑若紫若百節雖非目所習見尚
為耳所習聞也異哉物之聚於所好固如是哉

孔生聖裔疏族流寓於獻遂家焉素藏一美人圖風態
娉婷欲活名筆也其弟某未娶懸之齋中日對冥想一
夜獨坐燈下畫中人翩然竟下向之歛衽曰妾與郎有
夙緣妾慕君正如君之慕妾矣兩情相慕夫復何嫌願
薦枕席某初亦駭而却退既而貪其美麗不能自持自
是無夜不至嘗贈詩云畫裏嬋娟夢裏身崔徽原是卷
中人如是數月遂病病革乃備述所遇已莫救矣死後

取畫焚之見一縷青煙直上空際蕩漾逾刻乃沒
邑諸生張某母卒守靈已亦病至回斂日家人皆避去
某以病不願移動臥而息夜聞棺中有聲見其母自內
出周視室中嘆息曰諸人皆去委一病兒在此耶某大
懼起而趨出徘徊久之復返至門則有神守之不許入
立而待其嫂倉皇奔至隨之入室中眾人圍繞亦塞入
觀之見一人衣冠而臥訝曰此誰耶何得在此方疑訝
間已身忽仆其上與之合聞人語曰幸矣幸矣生矣張
目而視則臥者已身也蓋魂已出舍復返耳
滋陽牛真谷運震雍正癸丑進士才高學博詩古文俱

卷六

美

工時藝亦閱博奧衍自成一觀書一覽不忘考博學
鴻詞未收晚為陝西平番令最賞吳松巖鎮授以詩法
謂得其詩傳盧抱孫轉運揚州相見深為推重謂其上
下千古辨若懸河而折衷甚細平生詩不多見觀吳松
巖詩集新警超拔袁子才極推許即先生可知矣卒年
五十三先是屢夢遊金碧樓臺苦被家人喚醒一日囑
家人欲尋好夢勿呼遂化去殆天上謫仙人也
歷城石氏婦性悍妬婢有微過撻之至死忽病不知人
旬日乃蘇語家人云吾夢隸人持票勾攝至大第王者
坐殿上見婢被髮血面索命辨詰至數次王者以為主

奴名分攸關例比常人減等議罪在室充徒三年申奏上帝仍命前隸送還陽故得來家也自茲婦疾頓瘳別無所苦惟兩足顛廢不利於行手腕亦拘攣如負繚繞狀每朔望則登牀引被沉沉臥家人莫之敢驚竟夜而醒謂赴冥司點卯也忽一日手足皆復其常所患若失屈指計之正滿三年云陶淵明宰彭澤遣一力與兒書云此亦人子也可善視之仁人之言哉

村人某夢神告之曰汝應死西山下吾村西有山多田焉者其人自是不敢往作農工後冬月在屋隅負暄牆傾壓死所傾則屋之西山也數不可逃而鬼神戲之可一笑

卷六

罕

葉臚先茂才於乾隆庚戌夏五月遊山左自日照赴濟南道出十字路旅店因天甚炎歇閒步市橋乘風見稠人集一處同聲稱異迫而察之一人持破剪刀上長花十二枝莖葉畢具花如點翠瓣紅莖綠異彩繽紛或拔取一枝其根蟠結刃上如亂絲詢所從來云村中秦姓姑婦孀居惟一孫年十二方從師學句讀破剪插於壁隙亦不知幾何年今歲雨淋壁壞適睹此異也合市傳觀莫測所以按俗語有鐵樹開花之說或謂冬青或謂曇樹滇黔間多有之以非三千年不花借喻其難非謂

金鐵真作花也茲殆婦姑貞操精誠所感金石爲開故現斯瑞歟
新城有產婦汲水離井數步聞水聲洶湧若沸俄有物露其首隻目炯炯兩角如牛婦驚仆蘇後不見而井塌矣

有富室兄弟同居兄一子弟有子二名大蝴蝶二蝴蝶年皆十餘歲兄子更少兄已卒一日兄之子不知所往其母使人尋之得諸野外已死項上似有帶痕鳴之官驗時懷中飛出二蝴蝶官問二子名乃知殺之者矣蓋恐其析產而死之也幼而險惡如此利欲之害心真可

卷六

罕

畏哉古人云不失赤子之心今之赤子亦有難問者矣記之以觀世變
德州宿上和言州署前一民婦病傷寒死歛已三日忽棺內窸窣有聲初皆駭懼無敢啓久之似聞伸縮狀乃啓而眎之此婦已蹶然起向人索飲食矣然舉動失常語多狂顛後州牧知其事恐致他變仍命納入棺中昇出埋之

聶松巖言卽墨于生騎一驢赴京師中路憩息高崗上繫驢于樹而倚石假寐忽見驢昂首四顧浩然嘆曰不至此地數十年青山如故村落已非舊徑矣于故好奇

聞之躍然起曰此宋處宗長鳴雞也日日乘之共談不
患長途寂寞矣揖而與言驢齧艸不應反覆開導約與
爲忘形交驢亦若勿聞怒而痛鞭之驢跳擲狂吼終不
能言竟箠折一足鬻于屠肆徒步以歸松岩長山人
善雕印章
鄒平澗山濼有推小車者方行爲龍攫之空中擲半里
外墜地竟無恙但覺其爪甚熱背上如負火盆有濱河
而居者大水至則入水撈衝下柴草與弟共往偶見大
木自上流下跳而跨之其熱如火而身粘其上不得下
呼弟曰歸家善事母吾不得生矣語畢覺木一躍身已
落岸上矣

卷六

聖

孫泚亭出都過陽信遇病叟云城南三里村民有一婢
病禿逐之求食于外忽作狂言說禍福有驗遠近流傳
咸敬事之眾人中有田生者素不謀面婢忽呼其姓字
曰子歸矣數日人耳生倉皇歸八日而沒又云某月日
河水大上四縣將爲魚今未至其日然河水浸浸上矣
將奈何其後四縣未聞有水患蓋妖言惑眾當時愚民
盡爲之汹汹其一二言之驗必有妖物憑之此婢後來
未知如何

濟南朱子青有狐友聞聲不見其形亦與文酒之會眾
必欲見之意其老即現老形謂其少即現少形或戲曰

神人綽約若處子君亦當如是即應聲現一美人形又
一人曰應聲而變是皆幻耳究欲一睹真形狐曰天下
之大孰肯以真形示人者而欲我獨示真形乎大笑而
去子青曰此狐自稱七百歲蓋閱歷深矣

醫某善針法友病其子延之去視畢曰疾不可爲也子
跪而泣懇曰是必針其心心不可針必使心跳起針穿
過呼吸之間命不可必豈敢輕試乎子曰如是猶有一
生之望與其坐而待斃也無如針即死無怨乃扶病者
立出一針長尺餘鋒利可畏令病者嗽針即入出於背
者寸餘問病者曰心下覺涼否曰涼再令之嗽拔針出

卷六

聖

而疾愈旁觀爲之咋舌世醫不知此法謂從來所無且
針自胸達背斷無生理少見多怪自古而然益信其術
之奇也

士人某寓岱廟之環詠亭時已深冬北風甚勁擁爐夜
坐冷不可支乃息燭就寢既覺見承塵紙破處有光異
之披衣潛起就破處審視見一美婦長不滿二尺紫衣
青袴著紅履纖瘦如指髻作時世妝方爇火炊飯竈旁
一短几几上錫藥熒然因念此必狐也正凝視間忽
然一嚏婦驚觸几燈覆遂無所見曉起破承塵視之黃
泥小竈光潔異常鐵釜大如椀飯猶未熟也小錫藥倒

置几下油痕狼籍惟焚火處紙不燃殊可怪耳

吾淄傅家莊開店者忘其姓有客遺金于門外行遠方覺自以無可尋覓閱歲復經其地問店主曰某時予忘金於門外曾拾之乎主曰金幾何客詳告之主曰金現在也出而予之客驚欲與之分不可遂訂交既而知其無子客曰予有四子贈汝一爲嗣既送子至子曰某處當有某物見主人細詢則真父子也蓋店主子幼以看燈迷失客得之于路養以爲子今所贈者卽是也奇哉鬼神之報施如此

卷六

聖

徂徠山有巨蟒二形不類蟒頂有角如牛赤黑色望之有光其身長約三四丈蜿蜒深澗中澗廣可一畝長可半里兩山夾之中一隙僅三尺許游人登其巔對隙俯窺則蟒可見相傳數百年前頗爲人害有異僧禁制遂不得出夫深山大澤寔生龍蛇似此亦無足怪獨怪其蟠伏數百年而能不饑渴也

村農某少失恃父娶繼妻某事之頗謹但不呼以母父沒偶晒火藥灼其面昏不知人恍惚至一處似衙署乃在太山上也俄見其父來曰冥司以汝不孝于母將治汝罪上堂慎勿置辨若杖汝可起而逃再生後宜急改前行也言畢卽有二役擁之見冥司色甚厲絮絮責之

或過其寔惟俯首寂聽大聲呼吏用杖某竄出亦無止之者父見之曰事已畢矣吾使人送汝歸行至青石關送者索賄某無以子怒而囚諸窟以石蓋之徑去某用力推撼苦不得出倉甚腹且餒忽聞其父喘奔而至曰我意送者不良必苦汝今果然矣去其石出之曰急歸遂返身去某踉蹌而行關固險峻石磴百餘級見一少年荷擔婦抱子隨之復有老翁年近七旬步履緩澁每滯于後少年與其婦私議曰父耄矣運行累人不如棄之婦曰是何言艱難扶持至此奈何云棄是可忍乎某聞而心敬之同行過橋上有錢一千傍一鬼守之行人

卷六

聖

過則雙手掩蔽少年過亦不見也婦至鬼避之取錢置懷俄入一城有賣饌者婦曰翁久思饌苦無錢今幸拾得乃出錢買饌啖翁少年亦欲食甫入口棗核刺喉宛轉遂斃某大驚急回至家見尸在牀附之遂甦死三日矣與人言之歷歷

博山人

泰安韓生名鳴岐舊家子業醫嘗負夜騎馬赴人家忽見數武之外有巨人長十餘丈生膺素豪搖鞵徑過相去咫尺卽揮鞭擊之頓縮至三四尺短髮蓬鬆狀極醜怪脣吻翕闔格格有聲生下馬執鞭逐之其行緩澁蹣跚地上意頗窘旣而身縮至一尺而首大如甕似不勝

載殆欲顛仆生且行且逐至病者家乃不見不知何怪也

某生才頗高秋闈畢甚得意自謂必中榜發弗獲售大恚怒作傳奇詆毀文昌有書買欲買而刻之價已就矣生暴卒家人環泣尸忽起坐以爲再生共問之揮手曰否余乃文昌也謂其父曰汝子作書謗吾吾已奏聞上帝帝命雷部以某日擊之矣念汝素有善行而子遭雷殛人或不知其罪故附尸告汝生父稽首請曰某子無狀罪應萬死惟帝君仁愛憐某老病無他子乞格外活之也帝君曰是有帝命吾何能爲力再三請不已額爲

卷六

罪

之破帝君曰汝積善宜有嗣奈此狂悖何且吾不可以再請于帝念汝誠切姑爲汝壽之生父請火其書杖其子帝君曰火之則播于陰府不可以汚地界祕之勿宣可也汝子則宜重懲乃取大杖杖之八十帝君曰可矣命養之靜室密塞之不畱一孔且多置磁器于旁是雷所畏也汝子甦後宜將此傳之于世以爲警誡庶減其罪言畢曰吾去矣生甚狼狽不能言動舉家焚香致謝生越日乃蘇父置之別所俱如帝君教至期果雷電繞室移時乃去啓戶視之則生已死矣父大痛以爲天誅無可追也越宿復蘇半年創乃愈每與人言此事必北

面叩謝 帝君毛髮猶爲悚也何瀛槎曾親見之偶忘其名

邑有孫生好方術焚符拘神忽來一物形如猪而色白口血色上及兩耳大懼焚符遣之纔去卽回到處隨之誦論語則暫出聲稍停則又至遂出遊至一相識舖宿夜數驚歸家竟自縊俄舖每夜聞室中响甚厲疑之檢抽替得孫生所遺豆一包意是物爲祟乃棄之門前水灣甫丟入其水驟乾

邑西沈某病篤恍惚中見有如宮娥者數十執儀仗前導金輦冉冉至庭扶一少婦盛妝出衣飾若貴嬪沈驚

卷六

罪

惕不敢仰視婦曰猶相識否沈茫然未有以答婦笑曰兒卽公之子婦某氏今忘之耶沈方憶子婦某素賢孝守節早卒已證佛果矣徐謂沈曰婦之來因翁病危特相救耳撫慰畢升輦儀衛擁之而去金光猶照庭也自是霍然頓愈

吾東陽信百十戶舊有雹神廟不知所自始神像威嚴夙著靈異廟有住持道人奉香火一女年已及笄有殊色嘗代父入廟掃地焚香一日晨興入廟踰時不出父母怪而趨視女伏雹神像上兩手抱持捫之烝已絕矣乃大號泣俾人共舁其屍視女面如生笑鬢媽然數人

舉之不能動復益多人邪許作力而後下村人喧傳以爲電神娶之而去矣乃肖其像於神右笄珈翟翡翠羽明璫靜好儼然遂以電母孃孃呼之

俗傳唐梁灝八十二中狀元博識者考其登第雖已老年亦無確據但以老稱耳若我朝程魚門晚歲入翰林沈歸愚潛乾隆己未年六十七成進士入翰林已爲盛事姜西溟宸英年七十於康熙丁丑第三人及第更奇而吾東王服經年八十五登第賜翰林院檢討則又過梁灝之歲孰謂古今人不相及耶姜沈程以詩文名世王檢討未聞有著作

卷六

完

歷城劉此亭伍寬穎悟通脫詩筆敏捷漁洋子姪省試必使主其家其爲名流推重如此裔孫孝廉某哀其集刻之嘗以贈余詩僅一册和平雅正得風人之旨明湖柳色有云古寺樓臺時隱見畫船簫鼓半陰晴吾邑張榆村遊明湖云平湖倒影沈星漢列嶂臨城壓女牆沈歸愚以爲天人滄浪之亞古寺一聯亦復蘊藉此亭夢觀秋榜見已名列第六下註制字已而丁艱與友薄履青言薄曰君衣白不當以履青代耶果中第六名乾隆甲午逆匪王倫之亂發京兵勦捕邑中武庠某御其車往夜止逆旅中兵出閑行至一小家門已掩而窗

火猶明隱約聞女子笑聲兵固少年輕薄穴紙窺之見婦裸體橫陳花積玉輒不覺心醉又欺男子孱弱遂破扉而入夫婦驚起以爲寇盜無暇着衣赤身跪牀下哀呼乞命兵露刃叱曰我出征軍官也非劫爾財實愛爾色與我一交卽去無傷也多言血此刃婦宛轉撐拒男子亦伏地哀乞方危急間突一人大呼入曰何物狂徒敢強污良家婦女耶兵起視則所御車人也蓋生以出洩偶過其門聞室中喧嗽入視不謂卽所載兵士兵轉羞爲怒徑前撲擊生故拳勇信手一揮兵已仆地乃拳足交下兵踉蹌奔去方二人相搏男婦已舛舛者衣冠

卷六

完

而泣曰非公至幾不得生然窺其勢必將復來公去吾二人無死所矣生揮之曰起起救人不徹非夫也今王程急不過僅此一宵爾二人姑少避吾畱此待之夫婦拜問姓名生曰速去無多談遲則殆矣乃相攜叩首去俄而兵挾十餘輩號呼而至生出戶大呼曰來來爾爾者早潛矣顧聽我一言再搏可乎眾環立曰云何生指兵以前事告兵氣奪語塞猝莫能辯眾交口而唾曰若固非人尙再弗悛官達之主將取爾首矣遂愕然解散去惜姓名失傳一皂隸富於財年五十餘不應役矣生二子讀書頗聰

慧將應試而格於例謀於客曰邑中文優品端爲物望
推重者不計修金爲我延之客曰惟某先生可但慮其
不應聘耳隸曰但肯至吾無不如命客以意達先生果
不應客宛轉懇之先生曰必如吾約則可初往必使迎
於村外半跪起居稱小人某晨起必親問安食必盛筵
每夕必二美姬侍寢見必垂手立數者一不從必不往
蓋故難之也客歸歷述之皂曰何難卽與二百金爲贄
悉如約先生無以辭至期來接果如所云入館二子拜
見盛筵相欸及暮送二美姬來先生曰今夕吾倦俟異
日及曉啓戶則皂在門外屏息久侍入候起居畢卽退

卷六

幸

如是數日先生曰吾厭厚味食品且減又數日先生曰
吾晨厭煩瀆某可免候然不幾日必設精饌或在戶外
候先生顏色不稍倦及夏皂以厚值市瓜自捧之家人
執盤隨其後至館恭請先生食新先生接瓜擲其面罵
曰庸奴若手不嫌汚我耶怒容可掬皂毫不拂意唯唯
謝過命掃除使人洗瓜切而盛於盤以進先生曰嗜子
之誠至吾無如何矣吾盡心爲汝訓子可也皂頓首於
地閱歲二子文大進先生謂諸同學曰某子於初不應
入試然其父之志無不聞矣幸爲我憫之眾皆諾二子
得入泮後以次登進士皂稱太翁焉先生乃謝去嗟乎

皂之志可謂堅矣當擲瓜時非有堅忍深養未有不勃
然怒者則前功盡棄所謂功虧一簣也惟其有此度所
以容厚福世人小小拂意輒憤然不自制遂至決裂敗
大事起大釁出此皂下遠矣吾不羨其待先生之誠而
服其粹然以非禮加之而不動也愚公志可移山子房
恭而進履其有焉

汶上某少年有才縣府院試皆第一科試亦高等鄉試
得售會試中明通榜補教職年二十餘耳佻達不羈一
日召門生爲妻祝壽門生麈尾至送賀儀必欲入內拜祝
辭之不得命簾外鋪氈旣行禮年少諸生出人意揭簾

卷六

幸

竟入蓋欲一覘麗質耳果有少女而華妝者素識之諱
曰此城中妓也眾大恚訴於宰宰念其才爲之居間令
陪罪於諸生事乃已某愧甚來年會試中式以知縣分
發別省矣

淄邑龍口村曹某行三曾覓工爲之種園工人以手抓
地則水出灌畢自止無汲引之勞工畢子之值不受出
一草囤若斗曰以米滿此足矣傾石餘不滿異之堅叩
其人工人曰余龍也今禿尾老李與吾爭東山地明日
將往鬪君若有意可助我曹問何以相助曰君入東山
見嶺上有二鶴鬥其一黑者李也擊之則我勝矣從其

言果見二鴿鬥甚苦曹窺鴿一黑而尾短投以石飛起
風雨暴作曹急歸未至村而坐化村人作小廟祀之內
身猶存號曹三公祠

袁姓瞽者余幼時嘗往來余家年已髦矣自言五六歲
時目尚無恙每室中無人則鬼紛然出驚而號其母謂
其誑語捶之偶隨舅外出見樹上一無頭人伏其舅背
上指而語之其舅莫覩也夜醒而目不能開遂由此瞽
城西鄉一人蚤起見庭中一無頭鬼走駭之及出鄉人
拋石誤碎其首而斃二人皆有宿孽乎

卷六

壘

往觀有人訴於輿旁求除妖真人雷法官使治之法官
至其家布卓於庭累之極高乃坐焉畫三符初焚一符
無動息再焚而風聲遠聞黑雲如蓋在半空又焚則白
烟一縷直上青霄不散如繩上接於雲俄而雲漸低漸
大始如盤繼如蓋如席墜於庭則晦茫覲面不相窺法
官徐以法收之朗然如初而妖亦無矣

淄川萬厯庚子年間大風在山上者見空中有神長二
三丈手執天符飄搖每足各踏怪獸獸背旁垂如囊囊
盛小兒獸猙惡蹠踐不前兒執鞭鞭之風過處拔木發
屋城中石坊轟立者即時傾倒或笥中衣服掛於野外

林樹屋或偏斜而一椽不毀有宴客者案飄落屋脊酒
盈於樽無傾瀉

邑張某病危恍惚至一處宮殿甚麗見亡妻宮粧而女
容訝曰君何至此答以不自知妻曰從我來引至一室
見有危坐理文書如所謂判官者呼曰大師相煩其人
曰仙姑何事曰查張某陽壽有幾卽爲檢閱畢曰尙有
七日妻令速歸遂甦果七日而歿

余村宋姓名學孔者其父食貧南方有遊士相之謂其
無後後又來見宋曰異哉子陰隲文開當有三子而一
子有缺陷後果生三子其中子背瘦無嗣眾訊宋生平

卷六

壘

作何陰隲事宋曰無之惟井上舊無繩汲者甚勞子嘗
施繩三條其一舊繩斷接而用之此中子所以有殘疾
歟噫一念之誠鬼神監之而南人之術亦神矣

諸生某夕與同儕散步郊外見林間龍逐一蛛大如斗
飛奔樹上龍隨之則結絲罩其中攫拏許時絲斷方得
出而蛛已在別樹矣再逐及又如之龍大困竟無如何
蜘蛛黠甚知樹枝支格而絲復絡之可謂善用所長惜
不得火龍敵之也

濱州事

悟聖謨浙江人新城王公兆舉爲浙省總鎮收其父爲
家丁謨隨焉王罷官攜歸舉之子祖眺字小謝行三與

余從祖諱振統同在濟南應武科謨年少其主呼之為小么與余家僕張志保者每晨昏步馬于演武場相善也眺世武科家傳射法甚精小么耳濡目染亦善射後眺與余從祖皆舉武孝廉眺父卒家中落謂悟父子曰吾家貧不能養汝回原籍自謀生可也父子故善用鳥鎗涕泣告辭且請鳥鎗於路擊鳥雀以謀食未出山東境而其父卒小么益孤踽踽獨行自料回籍亦無以為家姑南往遇習射於野者從旁觀之點正其失曰如此則中試之果然因令之射發必中的乃延至家師事之其年所教六人皆入泮為武生又教二人亦入泮乃共

卷六

畫

謀曰師何必反故里擅此技即在此應試可也小么曰非本籍奈何眾曰無慮其家故豪富有聲勢請於縣入籍遂為山東人既而聯捷成進士為守備從征西番有大功陞登州鎮蓋破格以用異數也悟不忘舊主赴登州任迂道過新城微服往祖眺家日已昏排闥入拜榻下眺妻方績驚問誰何對曰小的悟某曰汝今為大員矣胡若此曰吃主飯長成恩何可忘顧釜中有菜羹及粗糲曰飢矣可賜食遂踞竈大嚼俄祖眺至伏俯稱名叩首請安祖眺急掖之起曰汝為 朝廷大臣以後再勿如此呼其子與為兄弟視若子時護送兵丁及登州

來迎奔迤邐尋至人馬擐甲專俟起程而悟細述別後蹤跡及詢祖眺數年家况劇談終夜依依不忍別侵曉乃發復懇祖眺必遊登州署以盡奉養之情後祖眺赴之禮待甚渥擇日大操水軍請祖眺旁觀樓船壓濤旌旗蔽空兵之善泅者潛沒水中出放鳥鎗復沒於水亦分合布勢門技方酣忽風起浪湧有船飄去不返乃奏操軍失船沒于水後船飄至異域詢知為中國軍士乃送至福建督撫以聞 上謂悟欺罔革職後 賞還叅將悟之驟貴不足奇貴不忘主誠國士也奴僕中豈無豪傑哉 祖眺與舅氏為族兄弟言之甚詳

卷六

畫

沂水某貧無子祇一女許字鄰村某及沒女依伯母伯母遇之寡恩失一雞遣女出覓曰不得雞無復歸矣先是女所許之婿病死伯母利得聘財欲媒於他氏女矢死不肯曰吾父無子惟女在女之婚父所許若改適是棄父命也竝女亦無矣吾何忍人勸之曰無婿何歸曰渠有母吾將事之伯母意弗善也欲強許人故因覓雞而下嚴命女泣而出時薄暮尋徧無有徬徨至村外遙見雞急逐之雞前行相去不遠而未能近約二三里許至一村有老屋三間門未掩雞竟入焉女坐門外石上少憩聞門內有老嫗哭子者聲甚哀良久出關門見女

彼此問答乃知嫗卽壻之母也壻死百日矣故哭女隨母入室四壁蕭然女告嫗曰兒不歸矣願在此事母嫗曰吾貧甚一人食尙不足况益一人乎兒歸去勿誤汝青年女曰歸則伯母逼令改適雖死於此亦甘之嫗不能強畱之明日女家始知料其志不可奪置不問女感雞之導以來也撫養有加朝夕事母盡誠晝夜紡績以佐母食甘糠粃以是兩人得不飢久之衣食漸充取族人子爲嗣母死衣衾棺木皆出女手旣而田畝益增娶婦抱孫倉有餘粟筭有餘布皆女勤儉所積也道光二年女年過五十矣而雞猶存族人有欲爲請旌者與之

卷六

妻

商令出金爲費婦問旌表何爲曰舉於官達於部

朝廷賜金建節孝坊此百世之榮也婦曰行吾志耳何以坊爲况耗吾金乎力却不聽紳士義之共出賞爲請於朝子友人牛某與其事在省垣爲余言甚詳僅記其梗概女之節孝固爲卓絕其不沒父命所見尤大人疑雞何以耐久如是池北偶談有雞閱四十年何怪焉惜忘其姓氏

趙葉齡紹興籍幼流寓聊城十四五歲在塾有僧來言龍吉公主欲以爲壻未幾侍女四人至皆宮裝相視居第言下降有日矣至期柳仙至勅之令不得合香俄而

呂祖召葉齡去令人教以劍術學成命演而觀之曰可矣囑其設壇於空園中請府尹監壇朝服立他人皆牆外觀望壇壘桌高二三丈趙衣道士衣被髮仗劍登壇與妖戰所殺甚多每誅一妖落清水斗餘人不見其形也有號頭陀者最悍惡戰連日斷其一臂猶鬥卒斬之妖怒自來苦鬥半日擊趙墜壇下死見呂祖在雲中指其額復生縱身復上久之生敗焉呂祖握其手曰行矣汝非彼敵趙問何往之善曰北可命速之一僕駕單輪車乘夜卽發車夫覺運車如飛足不自主天向明見人聲喧雜問之保定西關也已行八九百里矣趙有叔在

卷六

妻

保定游幕往投焉叔問幾時離家告以夜叔笑其妄問車夫亦云然姑畱之未幾家書至果以是晚行訊之得其詳趙自是思見則呂祖應念而至事傳遠邇有官精劍術設筵延趙請觀其技趙初辭固請之乃許某官驚未嘗有趙歸夜夢見呂祖大噴責醒而不復能舞矣即呂祖亦不再見趙每與人言龍吉公主之美殆絕世自云前世有緣當爲夫婦蓋蛇精也先是府尹方爲京官患病垂危有道士在門募緣家人辭主翁病方急道士曰吾善療疾家人以白延至榻視之曰易耳製方一劑而愈某感甚謝以金不受問所自曰吾在東昌西關與

某爲鄰異日見訪問呂道士卽知後有事相煩今不受謝也既而果選東昌遣役訪呂道士無知者太守怒自往問某鄰某曰隔壁有舊呂仙祠甚小太守悟曰此卽是也拜而去及趙有急太守夢見呂祖命爲監壇云嘗見說部記此事不若傳者之詳有識趙者問之不誣與戰用木劍壇下人望之如飛霜激電光芒射人

日照有狐降人家自言姓秦人呼爲秦師傅好與人談不見其形云來自西域凡狐有道術者必考試以等多爲貴十次優等則成仙伊已三次矣已成入形尙不可與人見因言得人身者前生必有修積而人視爲輕易

卷六

素

再世墮落可惜人問何術可免輪迴曰人皆爲私慾所縛故歷劫沉淪若一念不離永不懈便超輪迴吾輩雖修成之後一念不謹仍墮落也優等多則升天有職司否則雖成人形亦不免劫數時鄰村有狐作祟問相識否曰渠姓鮑亦西域種而行不軌於正人洸其解勸慨然允未幾憤然返曰彼不可以理喻反欲糾眾與吾鬪久之告人曰吾已與鮑氏言某家可備酒饌於空室堆京錢二百千與之解怨某從之至期間室中飲啖聲數錢聲切切私語聲細不可辨既而寂然不復作祟秦狐後亦不至

有官山西者以事罷官未得歸使僕回家取銀攜銀至章邱界馬逸囊落逐得馬而銀已失至舊處見道旁耕者問之耕者問數多寡旣符從土中取銀相授僕喜述於主主曰此人難得歸時便道訪之家徒四壁略有贈遺謂之曰後有窘急至某縣問余名無不知者後值大饑耕者不舉火婦曰前某官有約何不往尋耕者計無復之乃以小車推婦至其邑向閭者呼某求見閭者怒叱之有勸之者曰安知非與主有親故入白之主人聞倒屣出迎接眷於內日以酒食相款數日客告主人曰吾在此食不安也問何故曰吾本農家耳日與老妻操

卷六

素

作撥瓦器蹲踞竈間飲噉自如今高几危坐僕御環侍授箸進羹尊嚴若神味雖美神不揚體不舒也主人乃置諸空園小屋三四間日送米鹽菜肉安居甚適無何所餘餽饌則失去乃夜與婦覆燈假寐聞聲驟起見有如貓者逸去尾而迹之至僻處突入地中竝無孔穴以物誌之歸與婦言共相咤異試往掘土未深而寶鏹出焉甚夥仍覆以土明日告主人主人曰汝遇之此汝金也客曰金雖吾遇固在君地君宜取推讓良久乃均分客辭歸致產業亦由此稱富有矣
臨淄王士亮之祖母病家人禱於城隍廟旣歸病者曰

吾數盡矣禱無益也前昏沉中魂已至廟城隍正坐吾旁坐汝等跪禱孫男女輩隨去神降座與周旋渠漠然不顧但知在旁嬉游神有怒容家人復率子女往謝曰童幼無知且隔幽冥祈神寬恕祝畢回病者笑曰吾雖死目可瞑矣孫男女叩拜時神皆還禮後將可耀家門士亮官知府女兄弟亦以夫貴

新城王庄銅匠與江南銅匠共操作一日對酌各述家事醉後江南者曰吾有女君有子何不結婚兩情既諧遂無異議閱七八年新城者欲爲子娶婦江南者曰吾妾甚家在遠方吾力不能致女來君亦不能送子就婚

卷六

李

願助聘錢五十千爲子別娶卽爲吾義女可也遂買同邑何姓行十三者之婢旣成婚江南者往賀卽欲一見新婦認爲己女入室相見翁謂之曰此汝父也宜拜女拜已悲啼哽咽不可止翁曰新婚吉禮何爲如是女曰見父安得不悲又慰之曰雖如此呼亦假焉耳女曰眞吾父也何假爲吾與母家居父出久不歸無以爲活乃賣我轉售至何家今在此相遇父之容吾猶憶之何假耶蓋女自江南販至新城年已長父不能識聞女言乃呼其小名曰汝果某耶曰然乃相視而悲旁人慰勸二人復對酌相顧笑曰前日結婚將以眞成假今又弄假

成真矣

奴僕中將相見于史冊要有豪傑正士不在名位也明季高相國宏圖有家僮祝三者佚其名南都亡後相國居野寺不食家人泣請不顧偶開目索飲祝年十二侍於旁曰大人幸復食飲可惜枉餓過三日公領之絕粒九日卒相國之支族有將軍文熠與祝爲兄弟交命其子孝廉呼爲丈將軍在江西年老思子孝廉不時至祝聞造其室孝廉酣飲倦臥使兩女子捶臂祝坐不言但高歌蔡公思子一闕畢趨出孝廉卽日束裝往

卷六

李

平從行俾典籤會有急付千金使人京是年八月有族子爲盜憾玉叔之弗救也飛章告密云與賊于七通奉 旨全家挈入獄無一錢自分瘐死忽一人貿然來抱足而哭不能起視之裔也問其橐則千金在焉是時甲士晝夜環守裔周旋左右饋粥不給則行乞以供祈於貴人之門以膝代足不避譴呵眾皆義之閱兩年獄乃解問何以如是曰其父與書云宋公長者宜勉事毋以親老爲念玉叔覽其書爲之流涕
農人耕田得鏡照四牛皆人自照則牛大駭歸照家中無人形者惟犬則一婦人怒而碎其鏡又有人掘土陷

一穴蓋古墳也中有八銅人各執樂器攜歸夜靜聞樂聲齊作及挑燈起視聲遂寂臥則聲作如前心疑銅人為厲取而碎之不知古人造器之精歟抑物久自通靈歟鏡能照前生與銅人皆至寶遇庸人而毀與其出世不如埋于土

二事皆在淄川

邑東南山中崖崩出一盃上有銅絲繚繞額嵌明珠甚巨惜為土蝕無光彩有傭人掘土得如銅片者歸示其主主問之人曰金也送質庫得錢數千聞者爭往徧檢無所得傭人復往又得數片易錢家以康阜其村在邑西南見者亦謂盃上鑲嵌所用古之金盃也

卷六

奎

張醒堂鳳鳴齊河人家貧性豪邁嘉慶丁丑小陽之月於濟南旅邸夢有呼之者曰鳳兮大厦傾矣憬然而寤急返里摒擋後事病革時謂家人曰與馬來迎我矣鄉人聞傳謂其授陰官郝答哭之云未可容君死胡為竟返真淒涼存我輩感慨失斯人與作長吉沒寧甘原憲貧玉樓趨詔後此慟若為伸頓覺風流盡其如傷逝何含情悲蕪露雪涕悵山河有婦能為誅無人解奏歌山陽聞笛意寂寞憶盤阿

田白岩在京賃一宅周蘭坡嘗居此有狐既去狐他徙白岩來狐復歸乃祭之使勿犯忽得帖云素悅詩書雅

不欲與俗客伍此宅數十年來皆詞人棲息愜所素好故挈族安居自蘭坡先生忽然舍我後來居者目不勝駟僧之容耳不勝歌吹之音鼻不勝酒肉之氣迫于無奈竄跡山林今聞先生山藴之季子文章必有淵源故望影來歸非期相擾自今以往或檢書懶祭偶動芸籤借筆鴉塗暫磨鸚眼此外如一毫陵犯任先生訴諸明神願廓清襟勿相疑貳末題康默頓首頓首從此聲息不聞矣紀曉嵐先生過德州悼田白岩中儀云身後無兒感鄧攸烏絲零落付誰收行人多少山陽恨夜靜河聲入驛樓焚香掃地一官清修到梅花是幾生舊宅於

卷六

奎

今應好在後來可是庾蘭成桂未谷鞞古今詩話成數十巨冊選雲南令曉嵐先生送以詩云地遠山川僻滇南俗最淳將求司牧者合用讀書人政暇仍稽古官清自耐貧向來餐首藉本似隸州陳秋風吹萬里送子宦天涯驛路今無梗山城亦自佳琴餘披訟牒吏散靜衙齋漁隱編叢話應能手自排又題其簪花騎象圖云才人縱以官為戲騎象簪花無此事先生此畫吾了知聊明不薄炎荒意昔年曾讀驃國詩清平官亦工文詞從來六詔解聲律勿云鳥語皆侏儻先生經學能稽古辨別形聲研訓詁定以詩書化

百蠻風琴雅管成鄒魯他年續補樊綽書卷端合遺鐫
斯圖閒中指點向親故作吏曾經此地居

長山袁清愨守伺自言幼時能記前生爲歲貢所居去
長山不遠籍貫姓名七八歲時盡忘矣公嘗與朋好言
之余見其孫曾未言及此

勞山深處有人兀坐木石間身與木石同色呼吸如人
目炯炯視但不與人言未知其爲何代人也似仙人之
未屍解者

寶東準先生光緒任浙江學政時署中一小兒常供給
使偶遺移一物辭曰不能問何故自言爲前學使之僮

卷六

奇

歿而魂留有形無質也不知鬼何以白日現形毫不畏
人然先生非造言者

周書昌先生言昔遊鵲華借宿民舍窗外老樹陰森直
接岡頂主人言此間常聞鬼語是夜月黑隱隱聞之不
甚可辨潛出伏草間竊聽乃講論文體斥明人學秦漢
之非又一人爲剖辨語甚詳或疑其自立說而托之鬼
神先生曰子平生無他長惟不能作妄語按華山孤秀
無樹雖有小廟昔一僧爲狼所食遂無居者鵲山予未
至不知先生所云鵲耶華耶傳者渾曰鵲華殊未明晰
也

明季我大兵入關至山東連破名城遺三騎至新城偵
探是日適清明節遊人登城望見被紅甲黃甲白甲者
馳至大驚閉門王氏僕有善放三眼鎗者自城上轟斃
二人其一奔回羣然以爲無患矣不設備俄大兵突至
破城又大兵薄都城守城卒遙見我兵如萬片雲鋪風
馳而過是當時兵士衣甲之証也 國初大憲會聚滿
洲官皆甲冑言者謂非戎事恐人驚疑乃定衣冠之制
常服相見是平日以衣甲爲常今兵臨陣但衣號褂

卷六

奇

國初山東于七以巨盜投誠姑示羈縻雖鷹眼未盡化
初無搏噬之心居巨第自高貴時有舊侶往來宵小行
媚者于其誕日製錦屏且邀鄉里書名以爲榮蚩氓不
敢不聽會蜚語聞諸縣謂其將畔營弁貪功率卒往捕
于七晝卧聞變挺矛大呼而出連殺四五人衆奔潰當
是時騎虎難下遂聯黨羽搶掠逃入深山官得其屏以
爲皆從逆者按名追捕民欲逃死從者日衆賊所據鋸
牙山天險難攻官兵屢失利久之募江南善用礮者至
一發崩去山尖賊不能支遂滅蓋豎大柱于地施橫木
以機發之運千斤之石如彈丸當者糜碎甚爲攻城利
器今江南不知猶有習此技者否古有此礮不費火藥
而力猛武備所必需也

某家有狐聞天師過求符天師以屬法官法官出小弓矢問某家在何方某指示之法官卽隨所向發矢不見矢落何處某歸而妖不作未幾承塵上有血迹久之物墮乃死狐矢貫其喉居登萊間忘其縣名

焦家橋袁薰忽室中一蝙蝠如扇大以杆逐之垂簾閉窗無隙可出盤旋移時瞥然不見家自此不安其妻徘徊窗間腕上金跳脫錚然自窗飛出尋之杳不可得妻紀氏曉嵐先生女也與其夫遷于淄去子村七八里後復還長山夫卒家落可憫也

道光辛巳秋余以試事在濟南見日在午未有三大圈

卷六

奎

套之圈外天氣陰慘可畏未幾淫雨壞稼疫起出門輒見昇棺者諸生應試者多病且死歸里後連村大疫一村死至百許人三五十人不等或朝無恙而夕死人不自保棺槨一空聞各省皆然京師尤甚閱史冊元時大疫九門計出棺五十餘萬其無棺者不計時爲之增稅明萬歷時大疫行旅無人驛舍千里蕭條蓋劫數也某三十餘病危呻吟不絕家人爲之嘆嗟某笑曰何爲吾來索債耳今所欠已滿吾外若苦而心實快也

山居多怪卽墨有人往勞山寄宿山家所住屋有後門門外繚有短牆爲菜圃時日已薄暮開戶納涼見牆頭

一靚妝女子媚目姣好僅露其面向之若微笑方凝視間聞牆外衆童子呼曰一大蛇身蟠於樹而首闔於牆上乃知蛇妖幻形將誘而吸其血也

嘉慶十七年金鄉縣令吳階刊呂新吾救命書徧送寅好此書籌畫守城事宜最切要時方無事衆不解其意俄直隸長垣河南滑縣俱有賊匪起事村民高光貴求見言有舊識程明修云明日有大難造白旗可免禍此必賊也階選兵囚程賞高百金偕紳士守禦點班役募壯丁得百二十餘人授以兵械明日獲賊謀三人於茶肆茶肆爲柳甸華所設其幼女見客衣底似藏白刃以

卷六

奎

告甸華聚衆擒之賞銀五十兩賊將李卓立呂華棟呂華棠騎馬被紅分道入寇焚掠諸村烈焰漲天難民從火光中奔竄哭聲震數里幸河標遊擊海凌阿守備蔣廷傑恭將齊國珍守備孫魁先千總張慶先後以兵至連戰皆勝奪其器械驟馬捷聞皆蒙 賞吳階陞授桃源廳同知階守城法令嚴明調度有方危而獲安由其忠義激發得士心也赴新任士民遮道泣階亦流涕飲酒大醉旋陞曹州知府遽卒光貴或云光賢未知孰是李家閣增生李九標以賊李卓立謀逆事密告巡撫知賊必讐携家避入城賊焚其柩迫卓立戰敗逃竄九標

設計擒之於曹縣孫家老屋分其家屬四十七人學使黃在田先生鉞入奏 賞給舉人一體會試余見於京師少年精悍善運矛言殺賊事甚悉

方事之急諸紳士按田捐錢以助城守有孀婦戴氏捐良田二頃典錢一千七百緡助戰

吳階之族吳星萃者作幕曹縣階傳檄緝賊朱成貴曹令姚國旗不爲意星萃急趨協擊賊銜之及破城縣令舉家遇害賊黨大呼吳星萃安在星萃挺身出門爲賊所醢奉 旨入忠孝祠定陶廩生孔毓仲學錄孔毓俊增生孔毓伯孔毓淳孔毓良生員孔傳臚孔傳壁鄉試

卷六

六十七

甫回聞亂誓於家廟起兵殺賊城陷毓仲毓俊等罵賊不屈死之孔氏庄男女五百人皆抗節死無一降者聞諸李九標云孔氏率族黨鄉隣共八百人奮勇殺賊幾二千以衆寡不敵卒至捨身以殉壯哉

運司劉公名清人呼爲劉青天在川平定教匪屢立戰功由縣令游陞聞賊起自請滅賊是時賊聚定陶之鬲山清與萊州營泰將馬建紀濟南城守營守備劉興隆率兵五百攻之賊設二伏東路先起奔潰南路以烏鎗隊至亦敗之守備劉大用自鉅野至焚賊於賈家樓合圍於韓家大廟生擒偽二大王蕭保一教首趙文祿寸

襟梟示九月十四日夜半巡撫令諸將急攻清乘雪疾走先至扈家集賊出禦敗退火焚其巢冒火奔竄諸軍繼至合擊殺賊二千餘生擒數百獲偽副元帥王奇山復定陶清與馬建紀共守有賊載鎗重自滑來官兵追殺獲其車及偽元帥其營在榮家菜園者副使熊方受以兵三路分攻燬其巢穴賊平

卷六

六十八

道光十七年濰縣有教匪馬剛之變初縣城西南八里馬連行有劉傑者以妖術惑衆爲教首其女名金妮嫁馬綱得婿財二百餘千願以教首相讓四出結黨謀於明年新正假龍燈雜劇殺官起事劉傑宅中掘地洞聚鐵工造刀鎗以金銀紙貼之候至期用過新年謀益急聲息微聞馬綱有伯六十餘在外御車年終歸里微聞隣里有議其姪不法結交匪類者乃戒弟嚴束其子使不得出一日爲人招飲日暮歸不見剛曰必往馬連行去叩劉傑之門語守者爲言馬剛伊伯來尋矣綱驚駭劉傑曰必先殺之以滅口使人持刀逐之奔回責其弟弟親往直入索其子衆方晏會留之坐不坐衆曰吾等相約共鬧燈節爲龍燈戲耳既不願亦不强可共飲耳堅不肯有執杯者曰飲此一杯卽行勉爲盡之忽心迷共飲且勸速反蓋其教有藥酒童子飲之亦思殺人不

可遏抑眾知事洩不及期乘夜突入城正月初五日也
戕委員傷兵丁而匪數甚少旋就擒馬綱潛匿城中晨
起天微雪兵役搜尋不見狗屠某知其處引眾手擒之
供出夥黨礮馬綱於白浪河五龍橋劉金妮及徐么姑
劉傑等解濟南皆伏誅濰縣令林某雄健善擊刺一身
能敵三五十人事猝起出不意後竟擒賊

有李一足者避仇走青齊至海上附舟渡海至一島名
高家溝居民數百家風俗淳朴命子弟從一足學農持
一錢至書一字於掌教之明日復來數年積錢盈屋辭
歸青州爲狹邪遊蕩盡遊蜀徧覽山川以詩紀之有依

卷六

六十九

劉集李自成亂其戚遇之泗上將往勞山云此山一洞
風雨時有人披髮鼓琴是三國徐庶也欲往訪之後坐
化鼻垂玉筋按蜀中有兵夜在深山迷路有道人予以
鐙引之出兵問姓名道人曰我三國徐庶也或作詩云
聞道徐元直尙在南山雲我欲從之去高山麋鹿羣何
以又在勞山豈仙人遊行無定耶
陳國瑞濰縣人其生之日正值七夕父夢有牛自天而
下入其室而國瑞生少聰穎道光癸酉鄉試掄魁文極
奇肆瑰偉由知縣升同知賞翎閩官臺灣因事降調今
未知何似

梅窗小史云益都趙秉忠登狀元青州府縣有公宴值
大雪求公題咏公請聯句道云翦碎鵝毛空中舞府曰
山南山北不見土縣曰琉璃碧瓦變成銀公曰麪糊糊
了青州府左右莫不匿笑

臨邑邢氏爲望族有邢如約者人推其度嘗夏日與友
宿雷從地起友墜榻下邢臥自如一日雷電風雨晝暝
有神人長十餘丈冠黃金朱衣白簡鬼物從其後麾幢
鼓角震耀耳目邢懼走匿神曰當生者生當死者死君
何藏之深也示之符籙篆字隱隱可見若富貴壽考大
昌厥後邢稽首謝三日硫磺氣盈室朱書几上字如龍

卷六

七

蛇不可識

文登縣僻處海隅康熙二十二年忽有怪物出攷民驚
駭聞于縣令令有僕高忠勇敢有力請往乘夜跨馬持
鐵鎗至海濱新月初升平沙如雪一藍面鬼高丈餘聳
角鉅牙毛肱鱗背坐沙上列雞酒獨酌忠馳馬直前鎗
擬其首怪物驚竄入海忠遂踞地擘雞醺酒神氣益壯
俄海水湧立怪物騎奇獸舞刀而來相持久之鎗刺其
腹棄刀而遁拾刀入署上有雁翎刀三字怪遂絕
登州鎮城署後太平樓其下卽海樓前對數島海市之
起每由於此春秋之際天色微陰則見島下先湧白氣

壯如奔湖河亭水榭應目而具可百餘閒文窗雕欄無相類者中島化爲蓮座左島立竿懸幡右島化爲平臺忽三島連爲城堞而幡化爲赤幟時撫軍飲樓上見艤艘數十揚帆來兵士森立甲光耀日朱旗蔽天急罷酒料理城守而船將抵岸忽然不見乃知是海市也見物理小識

海豐王小華先生維詢嘉慶丁卯解元也由翰林歷官臬司忽自縊同里驚疑久之知有富民逼嫁孀婦圖財產婦不從勒死以自縊報縣復以火炙傷痕令模糊難辨縣據原報詳出婦母家亦巨族迭次上控先生知其

卷六

主

冤議平反撫院瞻狗堅不從不得已爲匹夫之諒其志可憫後婦家京控 欽差驗訊得實各官俱獲罪先生不及見矣素性溫和與兄維誠從父讀文章清華名貴識者卜其遠到仕方顯而束縛挫折未竟其用惜哉維誠由拔貢仕至藩司

臨清王顯文與兄同舉嘉慶戊午鄉試連捷成進士爲縣令其兄偕往絲毫皆入兄所不得私冬日裘傲欲易新者商於兄兄不允製美衾禡備出行兄給幼子爲臥具將赴省晨使婢取兄以子方酣睡勿令動俟日高兒起方攜以出凡百不得如志欲歸恐兄不聽乃潛以病

告委員至其兄方知懊喪無及兄亦得知縣未及赴歿終身無闕牆之爭近世如王君者可多得哉

長山陳典史南人也有子絕聰穎讀書吾淄十餘日畢左傳一部文思泉湧濡毫立就閱之雲蒸霞蔚同人望而卻步人既秀雅書法亦翰苑之選無何乃父攫眾怒釀巨案罷職卒後家滯齊魯貧不能應南北試改途學幕焉有此才質可無書不讀不善培植非徒科第無望竝不能終其學問竊恐天下有奇才者不少多湮沒以終耳

卷六

主

邑沈姓行六性奢靡喜養優嘗隨優至萊蕪聞近村有老人年百五十餘明末人也沈素喜事備禮往見老人之孫曾言老人處一室不輕見人須先稟如允則可見百亦難強既而導至一室老人孤坐榻上閉目不語沈問猶記明事否老人張目日記李闖子作亂如昨日耳語畢閉目其家引客出曰幸甚向未與人言亦少開目惜未傳老人姓名余幼時沈猶在歿已五十餘年矣莒州西小山上有一銀杏樹自遠望見每歲收其核官斛四十石旁有廟碑藏樹腹有縫未合伸臂至盡乃得手摸其碑相傳先有此樹後立州城

客窗偶筆云山左某中丞之母病百術罔效聞有乩仙



ZW 21101000814976

能治病招至署竭誠以禱乩運如飛稱漢壽亭侯開三方按次服之神效中丞甚感激偶張真人過東省中丞語之真人凝思良久曰是日天上神將咸詣凌霄何暇降乩命法官檢查曰是日有某邑貢生素精岐黃當時無過問者身後乃託關聖以顯其長訪諸某邑果有之妻老子弱癯無依中丞乃報以千金

濟陽艾氏多科第孝廉某忘其名能記前生為副榜捶一婢死繼母花燭之夕家人聚觀某一見大驚謂形容與婢無異母遇之酷某唯唯順從語人曰以此贖諸倘有別故更禍出意外故備嘗艱苦終無患卒後數年復

卷六

七

寄信來濟陽云又託生某處矣艾為濱州學記前生名方顯曾

王廷幹安邱諸生才氣豪邁家貧日與屠沽博徒為伍不屑佔畢也值歲飢與人強取富室粟邑令斥責既而屠豬餬口有憐之者延訓蒙脩脯京錢十五千道光庚子東君勸人秋闈以無貨告借以旅費是科登鄉薦聯捷成進士即用知縣在福建軍營効力屠沽中何嘗無豪傑貧困不能自奮鄉黨皆以無賴目之沒沒者不知其幾也時四川王魯之懷曾為安邱令

前記販馬客未詳其人補記于此客係雲南太和人楊姓名楷開鑛者未知何名發財後遇楊贈二萬金使捐

官楊費盡未捐又相遇為之捐縣丞選山東蘭山縣獲盜升章邱知縣復升廣東惠州知府波羅民變身率兵役短衣執械先登兵眾繼之難遂平廣東府縣試案首多以貨得楊於府試大書雷字貼照壁註云本府若實第一全家雷殛其直爽認真如是吾東賢令也章邱與淄為鄰俟歸里後訪其政績

濟寧連界村夜大火有婦與老姑幼子共處茅廬夫外出未歸火勢已迫婦負姑出避姑念幼子令婦救兒身年衰勿顧也婦不聽姑怒在背上抓婦肉摘婦髮婦徑負姑出不返顧當是時合村救火共見婦屋上卓黑旗

卷六

七

白字大書孝婦之室火竟不焚一茅幼子得全乾隆甲辰濟南省垣多火災四月南門內西橫街火起自東而西巷狹風猛烈焰漲天有草屋三楹張氏居也母柩在堂夫婦子女守視不肯出避俄火迫咸抱棺悲號督軍救火者聞哭聲使軍登屋尋聲至所居絕繩使出張夫婦並呼曰母柩在安可棄也其子女亦呼曰父母殉父母我不當殉父母乎亦不肯出火勢逾逼軍跳免意謂合家煨燼矣火熄草屋巍然獨存蓋火盛時風忽轉火遂繞屋而北乃復向西遂得不焚非誠孝為鬼神所祐歟